

# মাত-মন্দির

মহিলাদের মাসিক পত্রিকা ।

সম্পাদক— { শ্রীঅক্ষয়কুমার নন্দী :  
শ্রীমতী সুনন্দা দেবী :

২য় বর্ষ ।

[ ১৩৩১ বৈশাখ—চৈত্র ]

প্রকাশক—

ইকনমিক জুনেলারী ওয়ার্কস :

৩৩নং কর্ণওয়ালিস স্ট্রীট, কলিকাতা ।





# মাহু-মন্দির

[ ২য় বর্ষ, ১৩৩১ বৈশাখ—চৈত্র ]

## বিষয় সূচি

( বর্ণনামুক্রমিক লেখকলেখিকাদের নাম অনুসারে )

বিষয়	পৃষ্ঠা	বিষয়	পৃষ্ঠা
<b>অ</b>		অতুলনা ( কবিতা )	... ১০৫
শ্রীমতী অম্বরূপা দেবী—		ধিকৃত ( কবিতা )	... ২৬৯
শিশুমঙ্গল ( প্রবন্ধ )	... ৩৯৬	খেলার শেষে ( কবিতা )	... ২৭
শ্রীঅবনীকুমার দে—		রাত্রি ও তারা ( কবিতা )	... ৩৬৩
প্রেয়সী ( কবিতা )	... ১০	নূতন ও পুরাতন ( কবিতা )	... ৪৪৬
মোহ ( কবিতা )	... ১৩৭	ডাঃ আর সেন গুপ্ত এম-ডি—	
শ্রীঅতুলচন্দ্র নন্দী—		সম্মানের প্রতি মাতার কর্তব্য ( প্রবন্ধ )	৪৭
আত্মহারা ( কবিতা )	... ১৮	নারীনির্ধ্যাতন ( আলোচনা )	... ২৫৫
মন্দিরে চল ( কবিতা )	... ১২১	শ্রীআশুতোষ মুখোপাধ্যায় বি-এ, কবিগণাকর—	
শ্রীমতী অজানিতা দেবী—		আনন্দ কর ( কবিতা )	... ১০২
মোহন রূপ ( কবিতা )	... ৪৮	কল্যাণশোকে ( কবিতা )	... ২২২
বাণীপূজা ( কবিতা )	... ৩৪৫	দেবার দান ( গল্প )	... ৩৮১
শ্রীঅন্নদাকুমার চক্রবর্তী, বাণীবিনোদ—		শ্রীআশুতোষ দত্ত বি-এ—	
মাতৃস্নেহ ( কবিতা )	... ২৯১	নির্করণ ( গল্প )	... ১১০
শ্রীঅনঙ্গমোহন রায়—		শ্রীমতী আশালতা প্রামাণিক—	
নারী-জাগরণ ( প্রবন্ধ )	... ৩৪৯	পরিমল ( কবিতা )	... ৩৭৭
শ্রীমতী অন্নপূর্ণা দেবী—		ডাঃ শ্রীআদিত্যনাথ মুখোপাধ্যায় এম-এ, দর্শনসাগর	
নয়নাভিরাম ( কবিতা )	... ২০০	মাতৃজাতি ( প্রবন্ধ )	... ৪১৯
<b>আ</b>		<b>ই</b>	
শ্রীমতী আমোদিনী ঘোষ—		কবিরাজ শ্রীইন্দ্রভূষণ সেন গুপ্ত এইচ-এম-বি—	
শক্তি ও ভাগ্যা ( কবিতা )	... ২৮	শিশু চিকিৎসার সহজ ব্যবস্থা ( প্রবন্ধ )	১৪৩
স্বপ্ন ও চূর্ণ ( কবিতা )	... ১৯৩		

বিষয়	পৃষ্ঠা	বিষয়	পৃষ্ঠা
<b>উ</b>		<b>ড</b>	
শ্রীমতী উষাপ্রভা সেন—		শ্রীমতী চাকলতা দেবী—	
নারীর অবস্থা ( প্রবন্ধ ) ...	১২১	প্রার্থনা ( কবিতা ) ...	৩৬
শ্রীমতী উষাময়ী চৌধুরী—		ভিক্ষা ( কবিতা ) ...	৩২১
অন্নপূর্ণার মন্দিরে ( কবিতা ) ...	৩০২	শ্রীচণ্ডীচরণ বন্দ্যোপাধ্যায়—	
<b>ক</b>		ভাগ গো ( কবিতা ) ...	৩৮
শ্রীকালিদাস রায় বি-এ, চবিশেখর—		নিবেদন ( প্রবন্ধ ) ...	৩১৮
সুখা ও কুখা ( কবিতা ) ...	১৫২	<b>ঢ</b>	
বাগ্‌দেবীর প্রতি ( কবিতা ) ...	২৫৬	শ্রীমতী জিনিয়াকুম্ম সেন গুপ্তা—	
শ্রীকালিদাস চক্রবর্তী—		অমৃতভূতি ( কবিতা ) ...	৫৩
আশা ( কবিতা ) ...	১০	শ্রীজ্যোতিঃ সেন—	
শ্রীমতী কুলবালা দেবী—		নারী ( কবিতা ) ...	১৭১
অতিথি ( গল্প ) ...	৫৪	<b>ত</b>	
মন্দাকিনী ( গল্প ) ...	১২৪	শ্রীমতী তমাললতা বসু—	
ঋণমুক্তি ( গল্প ) ...	২৮১	কারমাটারে কয়দিন ( ভ্রমণকাহিনী )	১৫৭
শ্রীকুমুদরঞ্জন মল্লিক বি-এ—		মায়ের আগমনে ( প্রবন্ধ ) ...	২২২
আমার মা ( কবিতা ) ...	৭৩	শ্রীমতী তরুলতা দাসী—	
মাতৃ-মন্দির ( কবিতা ) ...	১৫২	জন্মভূমি ( কবিতা ) ...	২২৩
ভক্তির যুক্তি ( কবিতা ) ...	৪৪২	শ্রীতারাপদ ভট্টাচার্য্য বি-এ—	
শ্রীকুমারেশচন্দ্র ভট্টাচার্য্য—		প্রফুল্ল ( প্রবন্ধ ) ...	২৪৭
পল্লীবধু ( কবিতা ) ...	২৮৭	তর্পণিমা দেবী—	
শ্রীকিশোরীমোহন প্রামাণিক—		মা কোথা ? ( কবিতা ) ...	৩১২
খোকা ( কবিতা ) ...	৩২৪	<b>দ</b>	
শ্রীমতী কমলা দাস গুপ্তা—		শ্রীদেবী মুখোপাধ্যায়—	
ছাশা ( গল্প ) ...	৩৫১	ছিন্নহস্ত ( গল্প ) ...	
<b>স</b>		শ্রীদেবেন্দ্রনাথ বিশ্বাস—	
পণ্ডিত ঐগোপালচন্দ্র কবিকুম্ম—		ব্যথিত ( গল্প ) ...	২১
লোপামুদ্রা ( কবিতা ) ...	৪৬	উদয়-আলো ( বড় গল্প )	৩৬৮, ৪১২, ৪৪২
		শ্রীমতী হর্গাপুরী দেবী বি-এ—	
		শোকগাথা ...	৪৫৪

বিষয়	পৃষ্ঠা
<b>প্র</b>	
কৃষ্ণচন্দ্র মজুমদার বি-এল—	
ক্রীড়িকা ও সমাজ সংস্কার ( প্রবন্ধ )	১৫৩
ফ্যাশন ও আধুনিক ক্রীড়িকা ( প্রবন্ধ )	৩২৮
কালো মেয়ে ( প্রবন্ধ )	... ৪৪৩

<b>ন</b>	
শ্রীমতী নন্দরাণী দাসী—	
বর্ষবরণ ( কবিতা )	... ১৩
শ্রীমতী নিকুঞ্জলতা চলিহা—	
ফেণীপিঠা ( রন্ধন বিজ্ঞা )	... ২১২
শ্রীমতী নির্মালা বসু—	
শিশুমঙ্গল ( প্রবন্ধ )	... ৩৮৩

<b>প</b>	
শ্রীমতী শ্রীপুস্তানন্দস্বামী এম্-আর্-এ-এস্—	
কুলবধু সূজাতা ( প্রবন্ধ )	... ১১
রেবতী বিমান ( প্রবন্ধ )	... ৪২
শ্রীমতী প্রভাবতী দেবী সরস্বতী—	
একখানি পত্র ( গল্প )	... ৬৪
পরাজিতা ( গল্প )	... ৩৬
শেষ দৃষ্টিতে ( গল্প )	... ১৪৮
প্রত্যাবৃত্ত ( উপন্যাস )	৬৫, ৮৯, ১২২, ১৭২, ২০৩, ২৫১; ২৭৩, ৩৩১, ৩৭৭, ৪০৩, ৪৫৯

শ্রীমতী প্রসন্নময়ী দেবী—	
বধ প্রবেশ ( কবিতা )	... ২৫
ঘটক আগমন ( প্রবন্ধ )	... ২০১
স্মৃতি ( কবিতা )	... ২৮০

শ্রীমতী গুণকুমলা রায়—	
রন্ধন বিজ্ঞা	... ২৮, ৩৩৯
ছানার কালিয়া	... ২১২

শ্রীপ্রমথনাথ দত্ত—	
নিবেদন ( কবিতা )	... ২৮৪

বিষয়	পৃষ্ঠা
শ্রীমতী প্রিয়দর্শী দেবী—	
সঙ্কল্প ( কবিতা )	... ৩৩
ভাদ্র ( কবিতা )	... ১৪৫
শরৎ ( কবিতা )	... ১৮৫
মুছে রেখা জীবন গতির ( কবিতা )	... ৩০৫

শ্রীপ্রিয়দর্শন হালদার—	
বিজ্ঞানাগর-জননী ভগবতী দেবী ( প্রবন্ধ )	... ৫৭

শ্রীমতী প্রীতিকণা দত্ত জায়া—	
নারীর অধিকার ( প্রবন্ধ )	... ১৩৮
কমলার পত্র ( গল্প )	... ১৮৮

শ্রীমতী প্রতিভা দেবী—	
ব্যর্থ বেদন ( কবিতা )	... ২১১

শ্রীপ্রভাসচন্দ্র প্রামাণিক—	
গান	... ৩২
গান	... ৭২
মাতৃ-মন্দিরে ( কবিতা )	... ১৪৪
পূজার শেষে ( কবিতা )	... ২৬৪
গান	... ৩৪৪

<b>ফ</b>	
শ্রীফকিরচন্দ্র চট্টোপাধ্যায়—	
মর্যাদা ( গল্প )	... ৭৯, ১৩১

শ্রীফটিকচন্দ্র বন্দ্যোপাধ্যায়—	
বঙ্গবধু ( কবিতা )	... ৩৫০
বধূসম্মী ( কবিতা )	... ৩৩৬
পল্লীবধু ( কবিতা )	... ৩৯৫


<b>ব</b>	
শ্রীমতী বেলা গুহ—	
বৎসরের নূতন দিনে ( গান )	... ২৯
ব্যথিতা ( কথিকা )	... ১০২
মাতৃ-বন্দনা ( কবিতা )	... ২০২
পতিতা ( কথিকা )	... ২৬৬
মাতৃ-মন্দিরে ( কবিতা )	... ৩৮৪

বিষয়	পৃষ্ঠা	বিষয়	পৃষ্ঠা
শ্রীমদাশিষ বন্দ্যোপাধ্যায়—		শ্রীমরোজকুমার সেন—	
মা ( কবিতা ) ...	১৬৪	নারী ( কবিতা ) ...	৩৮৫
শ্রীমতী সলিলা বন্দ্যোপাধ্যায়—		শ্রীস্বধীন্দ্রকুমার দেব বি-এ	
নিবেদন ( কবিতা ) ...	১৯৮	অপরাধিনী ( গল্প ) ...	৩৯৩
শ্রীমতী স্মৃতি চট্টোপাধ্যায়—		শ্রীসুরেশচন্দ্র মজুমদার—	
আগমনী ( গান ) ...	২১৩	মা ( কবিতা ) ...	৩৮২
শ্রীমতেন্দ্রকুমার বসু বি-এ—		সংগ্রহ—	
ভারতের নারী ( প্রবন্ধ ) ...	২২৭	সংবাদ ...	২৫
শ্রীমতেন্দ্রনাথ বসু এম-এ-বি-এল—		সঙ্কলিত—৬৪, ১৬৯, ২২৪, ২৬২, ৩০৩,	
পথ নির্ণয় ( গল্প ) ...	২৩২	৩২৫, ৩৭৮,	
শ্রীমতী সুধাহাসিনী রায়—		বিবিধবার্তা ...	৬৯, ১৮৩, ৩৪২
বিহুলা ( আখ্যানিক ) ...	২৫৬	নানাকথা ..	১০৪
ডাঃ সুধাংশুমোহন দেব—		ম্যাট্রিকুলেশন পরীক্ষার উত্তীর্ণ ছাত্রীদের	
স্বাভাৱিতার স্বাহোয়িতার প্রয়োজন ( প্রবন্ধ )	৩৩৭	তালিকা—	১৪৪
পণ্ডিত শ্রীমত্যাচরণ শাস্ত্রী—			
স্বমিত্রার উপদেশ ( প্রবন্ধ ) ...	৩৪৬		
স্বনীতি ( উপাখ্যান ) ...	৪২২		
মদালসা ( উপাখ্যান ) ...	৪২৬		
শ্রীমতী স্বর্ণলতা দেবী—			
এলিফ্যান্টা ভ্রমণ ( ভ্রমণকাহিনী )	৩৫৪		
জেলের মেয়ে ( গল্প ) ..	৪৩৫		

## হ

শ্রীমতী হেমপ্রভা মজুমদার—	
নারীজাতির বর্তমান কর্তব্য ( প্রবন্ধ )	১৯
বাকুড়া জেলা সশ্রমিকদের সভানেত্রীর	
অভিভাষণ ( বক্তৃতা )	৩৭৩, ৩৮৬, ৪৩২

শ্রীমতী-মন্দির



শ্রীমতী-মন্দির





২য় বর্ষ

বৈশাখ—১৩৩১

১ম সংখ্যা

## নববর্ষের আবাহন

কবিরাজ শ্রীসত্যচরণ মেনগুপ্ত কবিরঞ্জন।

- |   |  |
|---|--|
| এস বর্ষের পর বর্ষ আবার<br>হরষ করিতে প্রাণ,              | এস শেষে বাহা কর, প্রথম দর্শনে<br>ক'রনা হৃদয় খালি।           |
| এস ভুলোকের মাঝে ছালোকের আলো<br>আবার করিতে দান।          | এস 'আকাঙ্ক্ষা' মোদের 'এত খানি' দিতে,<br>—দিতে গো নূতন শক্তি, |
| এস নূতন রাগিণী জ্বালাপ করিতে<br>বিশ্বাসীয়ে নিষে,       | এস নূতন অতিথি, প্রথম দরশে<br>ঈগোগো অর্গ্য-ভক্তি।             |
| এস শাস্তি বিলা'তে কাহারো প্রাণে,<br>কা'রে বা ছুখ দিয়ে। | এস 'ভবিষ্যৎ' মোরা ভাবিতে জানিনা<br>জানি শুধু 'বর্তমান'—      |
| এস নূতন ভাগ্য দেখা'তে মোদের—<br>দেখা'তে নূতন ক্ষেত্র,   | এস অতীতে'র স্মৃতি মুছাইয়া দিয়া<br>শাস্ত করিতে প্রাণ।       |
| এস নবীন স্নহদ, তোমারি কারণে<br>চাহিয়া আছি গো নেত্র।    | এস সৌম্য-মধুর স্মৃতি লইয়া<br>শীতল করিতে হিয়া,              |
| এস চির প্রচলিত প্রথাটি রাখিয়া<br>যেমন আসিছ বিশ্বে,     | এস স্নিগ্ধ করুণা-স্নেহের নিবার<br>সমুখে খুলিয়া দিয়া।       |
| এস উৎসবের হাসি যেমন ঢালিয়া<br>মধুর মোহন দৃশ্যে।        | এস 'মাতৃমন্দিরে' মঙ্গল শঙ্খ<br>বাজুক তোমার স্পর্শে,          |
| এস প্রতি ঘরে ঘরে আনন্দ-প্রদানি<br>আশার আলোক আলি,        | এস ধন্য করিতে নিখিল বিশ্ব<br>মত্ত করিতে হর্ষে।               |

## মাতৃ-জাতির প্রতি

শ্রীমতপা দেবী---[ শ্রীশ্রীসারদেশ্বরী আশ্রম ]

বিশ্ব-বিধাতার সৃষ্টির মধ্যে মানব-সৃষ্টির ধারাটা দুই ভাগে বিভক্ত—স্ত্রী ও পুরুষ। যদিও স্ত্রী পুরুষ এই উভয় সৃষ্টিই এক মানব সৃষ্টির অন্তর্ভুক্ত তথাপি এই সৃষ্টির মধ্যে সম্পূর্ণ বিভিন্নতা, বহুবিধ তারতম্য পরিলক্ষিত হয়। নর নারীর মধ্যে কোনও প্রকার প্রাকৃতিক সাদৃশ্য নাই বললেই হয়। নারীর কর্তব্য-ভার পুরুষাপেক্ষা অনেক কঠিন। তাঁহারা সৃজন কারিণী জননী, তাই নারী এই বিশ্বে বরণীয়া পূজনীয়া, দেবীর আসনে প্রতিষ্ঠিত।

দেশের বর্তমান অবস্থা, সমাজের হ্রস্বপনয় তাচ্ছীল্য শক্তিমদে গর্ভিত পুরুষ-জাতির সঘণা অবজ্ঞা, জাতির ভিত্তিস্বরূপা এই মাতৃজাতির অধঃপতনের মূল। এই স্মেরু সদৃশ অচলা অটলা সহশীলা জাতির ক্ষমতার সহিত পুরুষ জাতির ক্ষমতার কোন তুলনাই হইতে পারে না। যদিও বর্তমানে নারীর আসন বহু নিম্নে তথাপি সমান ক্ষমতা দিলে কর্মক্ষেত্রে পুরুষাপেক্ষা নারী কখনই হীন হইতেন না, অধিকন্তু হয়ত অধিকতর শ্রেষ্ঠ স্থান লাভেও সমর্থ হইতেন।

মাতৃজাতির শিক্ষা, দীক্ষা, উদারতা, মহাত্মভবতা বহুকালাবধি পুরুষের নিষ্পেষনে, সামাজিক নিষ্যাৎনে লুপ্ত হইয়া গিয়াছে। উদার ক্ষেত্র বিনা কখনও হৃদয়ের প্রশস্ততা আসিতে পারে না। যত গভীর মাঝে, ক্ষুদ্রতা দীনতার মধ্যে, কঠিন বাঁধনের মাঝে আপনাকে আবৃত রাখা যায়, হৃদয় ততোধিক ক্ষুদ্র, দুর্বল ও সঙ্কীর্ণ হইতে থাকে। চীনের মেয়েদের পা যেমন লোহার জুতা দ্বারা আশৈশবে ক্ষুদ্র করিবার ব্যবস্থা, তেমন এই শস্য শ্যামল উদার বাঙ্গালার প্রশান্ত বক্ষে চতুর্পার্শ্বের

নিষেধের গভী, দুর্বিসহ অবরোধ বাঙ্গালী মেয়েদের এমনি ভাবেই ক্ষুদ্র, হীন, দুর্বল করিয়া রাখিয়াছে। চীনের মেয়েদের উক্ত ব্যবস্থার মতনই বাঙ্গালী মেয়েদের ব্যবস্থা।

যদিও বর্তমানে নারী-সমস্যা লইয়া অনেকেই আপন স্বস্থ চিন্তকে ব্যস্ত করিয়া তুলিয়াছেন তথাপি মনে হয় যে, সে চিন্তা হয়ত প্রকৃত জাতীয়তার মধ্য দিয়া কার্যকারী হয়না; কারণ তাঁহাদের সেই শিক্ষা দীক্ষার মাঝে পাশ্চাত্যের আব্‌হাওয়া পূর্ণবেগে বহিতেছে। যে শিক্ষা শুধু বিলাস প্রসাধন, বাহ্যিক চাল চলনের মধ্যেই পর্যাবসিত হয়, প্রকৃত নারীত্ব, মাতৃত্ব কি তাহার মাঝে আমরা দেখিতে পাই?

সর্বাগ্রে নারীকে মনে রাখিতে হইবে যে তাঁহারা সেই মাতৃজাতি, নারীজাতি—তাঁহাদের কর্তব্য বিশ্বে কত স্মকঠিন! তাঁহাদের মাঝে মাতৃত্বের অভাব, নারীত্বের ক্ষুদ্রতা যে সবচেয়ে আঘাত দেয়। সম্মান পালন কি কখনও 'নাস' দিয়া হয়? স্তন্য পানের সঙ্গে সঙ্গে জননী শিশুর প্রাণে যে প্রেরণা দিবেন, তাহাকে যে ভাবে পরিপুষ্ট করিয়া তুলিবেন তাহা কি ওই 'নাস' দ্বারা অথবা অপরের দ্বারা সম্ভবে? মাতৃজাতি, কর্তব্য পালনে ধাত্রী পাশা, দুঃখে বেদনায় আত্মবিশ্বস্ততা সাধনার প্রতিমূর্তি, শাস্তি সুখে চির সংচরী, পরামর্শে মন্ত্রী, শুক্রমায় সেবিকা, গৃহকর্মে দেবী, দিবসের কর্মে পূজারিণী। স্বীয় স্বথ সম্ভোগের জগ্ন হয়ত বিধাতা নারীকে বিশ্বে আনেন নাই। বিজন বনে যেমন আপনা হইতেই ফুল ফুটে উঠে সুবাস বিতরণে জগতের আনন্দ বর্ধন করে, তদ্রূপ এই নারীও যে তাপিত ধরার দুঃখ দৈন্ত্য অভাব



অভিযোগের বোঝা বহন করিয়া শান্তি দিব্যর জন্তই সৃজিতা হইয়াছেন।

অনেক খ্যাতনামা শিক্ষিত ব্যক্তির মুখেও শুনিয়াছি “মেয়ে মাতৃষে আবার লেখা পড়া শিখবে কি? তাদের কি চাকরী করতে হবে? যদি মেয়েরা লেখা পড়া শিখবে, তাদের ঘরের কাজ করবে কারা?” হায়, হায়! মাতৃষই কি মাতৃষকে স্বীয় স্বার্থ সাধনের জন্ত এমনি ভাবে নিষ্ঠুর পীড়নে মারিয়া ফেলিতে চায়? তবে কি ‘মারী শরীর’ লইয়া জন্মগ্রহণ করাই সর্বাপেক্ষা মহান অপরাধ? পুরুষের হাতের ক্রীড়া-পুস্তলিকা ও তাহাদের বিলাস বাসনার পরতৃপ্তির জন্তই বিশ্বশ্রষ্টার এই নারীসৃষ্টি? সমগ্র নারী যদি আজ শিক্ষিতা হইতেন যদি শিক্ষার নবাবরণালোকে তাহাদের জীবনের কর্তব্য পথ তাহারা নির্ধারণ করিয়া চলিতেন তবে কখনও তাহারা গৃহ কর্মে উদাসীন থাকিতে পারিতেন না। বিরাট নারী সৃজনের মাঝে মুষ্টিমেয় নারী শিক্ষিতা বলিয়াই হয়ত আজ তাহারা অশিক্ষিতা-সমাজ হইতে আপনাদিগকে শিক্ষিতা বলিয়া স্বতন্ত্র রাখিতে পারেন কিন্তু যেদিন শতকরা ৯০ জন নারী শিক্ষিতা হইবেন সেই দিন তাহাদের দ্বারা গৃহকর্ম অধিকতর স্ফূর্তরূপে সম্পন্ন হইবে ইহাই আমার বিশ্বাস। কই পুরুষ জাতি তো শিক্ষিত হইলে শিক্ষার মর্যাদা (?) অক্ষয় রাখিবার জন্ত তাহাদের গৃহকর্মে উদাসীন থাকেন না অথবা অপর দ্বারা তাহা সম্পন্ন করান না! অতএব সমগ্র নারী আজ শিক্ষিতা হইলে কখনও এইরূপ হইতনা। মুষ্টিমেয় নারীর শিক্ষার ফলেই এইরূপ দাঁড়াইয়াছে।

আবার যাহারা নারী-শিক্ষার পক্ষপাতী তাহারা চান—নারী ও পুরুষের সমান অধিকার। (অবশ্য পুরুষের সহিত সমান অধিকার গ্রহণের ভার লইবার ক্ষমতা, সে মানসিক শক্তি, কর্মক্ষেত্রে সেই তৎপরতা প্রতিযোগিতার সে তেজ নারীর মাঝে আজ চাই) আদ্যমানে হয় হয়ত সে মত ঠিক নয় কারণ নারী

পুরুষের ব্যবধান বহু। নারী যদি পুরুষের সহিত আপন কর্ম বিভাগ করিতে চান তবে এইখানেই প্রতিদ্বন্দ্বিতার বিজ্ঞাতীয় বিষয়, মতবৈধতা নানা প্রকার অপান্তির কারণ হইতে পারে, দ্বিতীয়তঃ শ্রেষ্ঠ-ধন নারীত্বের বিকাশ, মাতৃত্বের মাধুরিমা অক্ষয়ী ও মলিন হইয়া পড়ে। মাতৃত্বের চির গৌরব মাতৃ জাতির মাঝে অন্তর্মিত হইবে। পূর্ণ অবরোধের মাঝে সম্পূর্ণ গঠিতা হইয়াও রাজপুত্র নারীরা যেমন ভীষণ যুদ্ধক্ষেত্রে আপন শৈথ্য, বীর্ধ্য, পরাক্রম প্রদর্শনে শত্রুকুলের হৃৎকন্দরে যুগপৎ ভীতি ও সম্মম-জড়িত বিস্ময় জন্মাইতেও পশ্চাৎপদ বা ভীতা হন নাই সেইরূপ আমাদের মেয়েদেরও মানসিক বলে অসীম শক্তিমতী হইতে হইবে। প্রথমে চাই মেয়েদের গৃহকর্মে শিল্পির মত নিপুণ নিপুণতা, নীতি পরায়ণতা, শুষ্কতা, সন্তান-পালন, আদর্শের ধারণা সন্তান সন্ততির গঠন, স্বাস্থ্যরক্ষা পরিজনের প্রতি যথার্থ কর্তব্য পালন, পরিচ্ছন্নতা, সত্যপ্রিয়তা, সহৃদয়তা, রক্ষণ-নিপুণতা। দ্বিতীয়তঃ শিল্পচর্চা, লেখাপড়ার আলোচনা, সমগ্রছাদি পাঠ, প্রবন্ধাদি লেখা, পরিনিন্দা ও পরচর্চা পরিত্যাগ পূর্বক কোনও সম্ভব বিষয়ের আলোচনা, সংবাদ-পত্র ইতিহাস প্রভৃতি পাঠ, সঙ্গীত চর্চা। তৃতীয়তঃ চিত্তের স্বৈর্ঘ্য, সংঘের জন্ত ধ্যান ধারণাদি। গৃহ দেবতার আরাধনা, ব্রহ্মচর্যা পালন, কাযমনোবাক্যে পতিসেবা।

পূজ্যপদ স্বামী বিবেকানন্দ বলিতেন “কেহই কাহারও স্থানে ছোট নয়, সকলেই আপনাপন স্থানে বড়, ছোট ছোট বলিতে বলিতেই গাভুঘ ছোট হইয়া আত্মশক্তি ও আত্মবিশ্বাস হারাইয়া ফেলে।” অতএব নারী ছোট নহেন। মাতৃজাতিকে তাহাদের জীবনের কঠোর কর্তব্য ব্রত বুঝাইয়া দিতে হইবে। যাহাকে ঘৃণা, অবহেলা, তাচ্ছীল্যের বিবে জর্জরিত করিয়া পঙ্গু করা হইয়াছে তাহাকেই আবার সন্ন্যাসের সঙ্গীভবনী সুখা দানে পরিপুষ্ট করিয়া কর্মক্ষেত্রে সাদরে আহ্বান করিতে হইবে। আজ এই নব যুগের নব

চেতনায় মাতৃজাতি উদ্ভূত হয়েন নাই, জাগরণের সাড়া তাঁহাদের বিবশ কর্ণকূহরে আসিয়া পৌঁছে নাই, তাঁহাদের তজ্জালস-নয়নে তরুণ তপনের স্নিগ্ধ কিরণ এখনও পড়ে নাই। তাই এই বিপুল নারী প্রগতি আজ এত পিছনে পড়িয়া রহিয়াছে। যেমন একপক্ষ বিহঙ্গমের উত্থান অসম্ভব, সেইরূপ সমাজের অর্দ্ধাঙ্গ মাতৃজাতিকে বাদ দিলে সমাজের উন্নতির আশা, দেশের ভবিষ্যৎ ভরসা স্বদূর-পর্যন্ত।

এই দুর্বল আত্ম-বিশ্বাস-হীন পুরুষের পদানতা জীবনমৃত জাতিকে স্মরণ করাইয়া দিতে হইবে— যিনি আপন বক্ষ স্বেচ্ছায় পুষ্ট নয়নের মণি হৃদয়ের ধন, বিধবার জীবনের শেষ সপ্নল, একমাত্র শিশু সন্তানকে দুর্দান্ত নরপিশাচ ক্রুর ব্যাঘ্র শক্রর করে স্বেচ্ছায় সমর্পণ করেন সেই ধাত্রী পাম্মা কে ছিলেন? অমৃত্যুস্পৃশ্য কোমলাঙ্গী সুখলালিতা নারীই না একদিন প্রবল প্রতাপশালী, বীরপুঙ্গব, একচ্ছত্রাধিপতি সম্রাট আকবরের হৃদয়ে বিশ্বাস, হর্ষ, ভীতি, সম্মানের শ্রদ্ধা জাগাইয়া তোলেন? আবার কে বিপুল রাজ্যের বিশাল পরিজনদের স্বেচ্ছায়ে প্রতিপালিতা, জনক জননীর একমাত্র নয়ন পুত্তলী, অমূল্য লাবণ্যময়ী নবীনা কিশোরী পিতৃরাজ্য, ততোধিক পিতার সম্মান রক্ষার জন্ত আপন জীবনের সকল নবরাগে রঞ্জিত আশা ভরসা বক্ষে লইয়া, সমুদ্র মন্বনের অমৃতজ্ঞানে হলাহল পান করেন? কাহারাইবা রমণীর অমূল্য ধন সতীত্ব-রত্ন রক্ষার জন্ত, প্রিয়তম জন্মভূমির বক্ষে আপনাদিগকে চির অমর রাণিবার জন্ত, পতঙ্গের অগ্নিশিখা আলিঙ্গনের গ্রাম সকল হইতে প্রিয় জীবন জলন্ত ছতাশনে (বুঝি যজ্ঞীয় দেবতাগণের তৃপ্তি সাধনের জন্ত) আহুতি দিয়াছেন! অসীম জ্ঞানগর্ভা অমিত-বীৰ্য্য-শালিনী জননী ভারতীয় প্রিয়-শিষ্যা সে কে! তাঁহারই পদতলে দ্বিধিজয়ী জ্ঞানাবতার শ্রীমৎ শঙ্করাচার্য্যও অবনত মস্তকে স্বীয় পরাভব স্বীকার করতঃ প্রণত হয়েন। দুর্ভাগ্য নারী জন্ম লইয়াই না প্রাচীন গার্গী, মৈত্রেয়ী 'ব্রহ্মবাদিনী' হইতে সক্ষমা হইয়াছিলেন? খনা, লীলাই না আপন

পাণ্ডিত্যের রশ্মি বিকীরণে বিশ্ববাসীর নয়নে নবালোক দেখান। সাবিত্রীদেবীই না জীবন সংগ্রামে জয়, মরণ সাধনায় সিদ্ধিলাভ করিয়া মৃত পতির প্রাণ ফিরাইয়া আনেন। রাজনন্দিনী রাজবধু সীতাই না ভোগস্থখে জলাঞ্জলি দিয়া দুঃসহ দুঃখ দৈন্ত্য বরণ করিয়া পতিভক্তির পরাকাষ্ঠা প্রদর্শনে আজ ভারতের প্রতিগৃহে গৃহাধিষ্ঠাত্রী দেবতার আসনে প্রতিষ্ঠিতা! এইরূপ সর্বত্রই আমাদের ভারতের ইতিহাসে নারীর উৎকর্ষতা দেখিতে পাই। অতএব এই ক্ষেত্রে নারীজাতি পুরুষাপেক্ষা কোথায় ছোট?

হে মায়ের জাতি, হে নারি, তোমরা হীন নহ! মহাশক্তির অংশসম্পূতা তোমরা! তোমাদের ধৈর্য্য অসীম, শক্তি অপার, করুণা অমিত; অনন্ত স্নেহ তোমাদের বক্ষে বহন কর। তোমাদের প্রাণুর্ভাব বিনা 'মহেশের' সৃষ্টি লীলা পঙ্গু হইয়া পড়ে। তোমাদের অনির্বিচলিত মায়ী-শক্তিতে বিশ্বের প্রতি-লীলা সম্পন্ন হইতেছে। দেখাও যার শ্রীরাধিকা বিনা-শ্রীকৃষ্ণের লীলার অপূর্ণতা! পার্বতী বিনা কৈলাশ-পতি ভোলানাথের উন্মাদ উদ্ভ্রাস্ত দিগন্তে ভ্রমণ! সীতা দেবী বিনা শ্রীরামচন্দ্রের চরিত্রের উৎকর্ষতা কোথায়? অতএব তোমরা নবযুগের নবীনালোকে উদ্বোধিতা হও, আত্মশক্তিতে বিশ্বাস সম্পন্ন হও, তোমরা সৃষ্টির জাত! সৃজন তোমাদের মাঝে।

বৃক্ষ শাখায় বসিয়া সেই শাখাটাই ছেদন করিলে যেমন পতন অবশ্যস্তাবী, অক্ষয়মাজও তোমাদের প্রতি কতকটা সেইরূপ সূচিচার(?) করিতেছে। সমাজ একদিকে যেমন মাতৃজাতির প্রতি অসীম ঔনাসীগ্ৰ দেখায় অপরদিকেও তেমন সে তাহার আপনার অজ্ঞাতেই তোমাদের আশা পথে সতৃষ্ণ নয়নে বৃত্তকু প্রাণের আকুলতা লইয়া চাহিয়া আছে। কেননা নারী যে সৃষ্টির জাত। জননী বিনা কে সমাজকে, দেশকে এই অমূল্য নিধি উপহার দিবে? মা নহিলে কে সন্তান গড়িবে? "মায়ের

স্বাস্থ্য, যার শিক্ষার উপরে সম্ভানের মধ্য দিয়া ভারতের উন্নতি সম্পূর্ণ নির্ভর করিতেছে। বড় ঘরেই বড় লোকের জন্ম হয়। ঠাহাদের যা নীতি-পরায়ণা শিক্ষিতা, ধর্মভীরু, ঠাহাদের সম্ভানই উত্তর জীবনে 'মহৎ' হইয়া যান!' যে দিন ভারতে প্রতি

ঘরে যারের প্রকৃত শিক্ষিতা ও নীতিপরায়ণ হইবেন সেই দিনই ঠাহাদের সম্ভান সম্ভতি হারা ভারতের প্রকৃত উন্নতি সম্ভবপর।

যা দেবী সর্বভূতেষু মাতৃ-রূপেন সংস্থিতা ।  
নমস্তৈশ্চ নমস্তৈশ্চ নমস্তৈশ্চ নমো নমঃ ॥

## ছিন্নহস্ত

( গল্প )

শ্রীদেবী মুখোপাধ্যায় ।

পাঁচ বছরের পর ছুটি পেয়ে, আশা করেছিলুম বাড়ী ফিরে আত্মীয়-স্বজনের হাসি মুখের ছবি স্মৃতিতে এঁকে নিয়ে, বিদেশের নিঃসঙ্গ দিনের গুরুভার একটু লাঘব করতে পারব। কিন্তু এমন একটা ঘটনা মধ্য থেকে ঘটে গেল যে, ফিরে এসে এই দূর প্রবাসেও, সে ব্যথার আভাষটা মন থেকে মুছতে পারছি না। দুঃখ নাকি সকলের কাছে প্রকাশ করলে, মনের ভার অনেকটা কমে, সেই ভরসাতেই, আজ আপনাদের কাছে আমার বেদনার কারণটি প্রকাশ করতে ভরসা পাচ্ছি।

বাড়ী গিয়ে, এবারেও পূর্বের মত গোবিন্দদের বাড়ী গিয়ে হাজির হলাম। সে আমাদের প্রতিবেশী, ত ছিলই, তা ছাড়া ছেলে বেলায় এক ক্লাসে তার সঙ্গে পড়েছি, এক সঙ্গেই খেলা করেছি। গরীব হলেও তারা বেশ চমৎকার লোক ছিল। জাতির সম্মানে আমাদের চেয়ে ঢের নীচু হলেও, আমরা তার বাবাকে 'কাকা' বলেই ডাকতুম। তার বাপের মৃত্যুর পর, তার পড়াশুনা বন্ধ হয়ে গেল। সে ইলেকট্রিক না কিসের কাজ শিখতে লাগল— আর আমি বিনাবাধায় পড়তেই লাগলুম। তার পর একটা মোটা চাকরী নিয়ে আমি এসে পড়লুম

এই বিদেশে—আর সে নিজের দেশে বসে কোনও ভাবে দিন কাটাতে লাগল।

তার কুশল প্রশ্ন জিজ্ঞাসা করতে গিয়ে শুনলুম যে, কলে কাজ করতে গিয়ে তার বাঁ হাতের কবুই থেকে কেটে গিয়েছে। বেশ সহজ ভাবেই সে কথাটা বলে বটে, কিন্তু আমার প্রাণটা তার দুঃখ ব্যথায় কাতর হয়ে উঠল;—আহা, বেচারী পয়সার জঞ্জ খাটতে গিয়ে, হাতখানাই নষ্ট করে ফেললে! কি ভাগা, যে ডান হাত খানি যায় নি, তা হলে তাকে পরের অঙ্গুগ্রহের ওপর নির্ভর করে দিন কাটাতে হোত.....

তার একমাত্র পাঁচ ছ বছরের একটি ছেলে আমার পানে হাঁ করে তাকিয়ে এই নব আগন্তুকটিকে দেখছিল। তাকে কোলে টেনে নিতেই অপ্রস্তুত-ভাবে সে আমার হাতটি ধরে, নানাবিধ প্রশ্ন করে যেতে লাগল। তার কথার উত্তর দিতে দিতে, তার মার কথা জিজ্ঞাসা করতেই, সে এমন উলাস দৃষ্টিতে আমার দিকে করুণ ভাবে চাইলে, যে আমি যেন কিছু অপ্রস্তুত হয়ে পড়লুম। গোবিন্দ একটা দীর্ঘ নিঃশ্বাস ত্যাগ করে, আমার দিকে চেয়ে একটু হাসলে, কিন্তু সে হাসিতে এমন একটা বিষাদের ছায়া

ফুটে উঠল, ঘে না দেখলে, আমি নিজেই বিশ্বাস করতে পারতুম না যে, হাসিতে আনন্দ ছাড়া, ব্যথাও সময় সময় ফুটে উঠতে পারে। তার সেই স্নান হাসি দেখে আসল ঘটনাটা অস্বাভাবিক করতে দেবী হল না। ছেলেটির হাতে একটি টাকা দিয়ে বললুম,—‘আমি তোমার কাকা হই,—খাবার খেয়ো, বুঝলে?—এখন যাও খেলা করগে যাও।’ ছেলেটি সোৎসাহে সন্মতি জ্ঞাপন করে, আমার কাছ থেকে মুক্তি পেয়ে ছুটে চলে গেল। গোবিন্দ তখন বলতে লাগল,—

“সেও আজ এই চার বছর হল—ওর মা চলে গিয়েছে—তু বছরের ওই ছেলেটিকে, আমার জিন্মায় ফেলে রেখে। স্ত্রী ত ভাই অনেকেরই যায়, কিন্তু স্বামীকে এমন দাগা দিয়ে, বোধ হয় কেউ কখনও এ সংসার ছেড়ে চলে যায় না। অহরহ যন্ত্রণার জ্বালায় পুড়ে মরবার জন্তই বোধ হয় আমি বেঁচে আছি। একে ওই ছোট ছেলে—তার ওপর মনের মধ্যে কি যে আগুণ জ্বলছে”—বলে, সে অল্পদিকে এক দৃষ্টে কিছুক্ষণ চেয়ে থেকে আবার বলে উঠল, রোগ অস্বস্তি হয়ত বুঝি, কিন্তু এমন ভাবে মরণকে সে আদর করে নিলে, যেন তাতে কত আনন্দ... আমি যে পাগল হয়ে যাই নি,—এখনও এমন অবস্থায় বেঁচে আছি সেইটেই আমার পরম আশ্চর্য বলে মনে হচ্ছে !

...এই আমার হাতটা যেদিন কলের চাকার পিষে গেল, আর আমার অজ্ঞান দেহটা থেকে কৌশলী ডাক্তারের অঙ্গুষ্ঠে, সে আহত অংশটুকু বাদ দেওয়া হল,—হাতে খুব ব্যাণ্ডেজ বেঁধে গাড়ী করে, রাত্রি বেলায় আমি ত বাড়ী এসে পৌঁছলুম। আমার ওই ভয়ানক অবস্থা দেখে, প্রথমে ত সে চুপ করে রইল, তারপর হঠাৎ চমক ভাঙ্গার মত, ব্যাকুল হয়ে কাঁদতে লাগল। নিজের বেদনা কাতর হাত-খানার অসহ যন্ত্রণায় আমি ত প্রায় অস্থির হয়ে পড়েছিলুম। কিন্তু তার সেই রকম ব্যাকুল অবস্থা দেখে, আমি নিজেকে শক্ত করতে চেয়ে করতে

লাগলুম। কিন্তু তা কি আর হয়! তাকে বললুম ‘কোনও ভয় নেই...তুদিন বাদে এ ঘা শুকিয়ে যাবে,—ভাবনা কিসের? আমার কৈ তেমন ত কষ্ট হচ্ছে না...। আমার আশ্বাস বাণীতে সে যে বেশ বিশ্বাস করতে পারছে না, সেটা বোঝা গেল তার ব্যথা-কাতর মুখের স্নান দৃষ্টিতে। থেকে থেকে সে শিউরে উঠছিল..বাড়ীতে এমন আর একটি কেউ নেই, যে আমার কাছে বসতে পারে বা তাকে বুঝিয়ে স্থস্থির করে। কি ভাগিয়া, ছেলেটি পাশের ঘরে ঘুমচ্ছিল, না হলে কি ব্যতিব্যস্তই পড়তে হোত !...

ঠাকুর দেবতার পূজা মেনে, নিজেকে অনেকটা সামলে নিয়ে, কিছুক্ষণ পরে এসে সে আমার কাছে বসল। আমার মাথার হাত বুলিয়ে দিয়ে, আমাকে ঘুণ পাড়াবার ব্যর্থ চেষ্টা করে, সে সারারাত্রি জেগে কাটিয়ে দিলে। রাত্রিটা যে এত দীর্ঘ, ভীষণ অর দুর্কিসহ হয়ে পড়তে পারে, এর আগে আমি ত কল্পনা করতে পারতুম না।

ভোরের আলোর উন্মেষের সঙ্গে সঙ্গে আমার মনটা অনেকটা যেন হালকা হয়ে এল। কিন্তু তার মুখখানা এক রাত্রে দুর্ভাবনায় শুকিয়ে মড়ার মত শাদা হয়ে গিয়েছিল। তাকে সাস্বনা দিবার সময় ডাক্তার এলেন। ব্যাণ্ডেজ খুলে, নতুন করে বেঁধে খুব আশ্বাস দিয়ে বলে উঠলেন—‘অবস্থা যে রকম ভাল—এতে এক সপ্তাহের মধ্যেই কাটা শুকিয়ে যাবে।

হাসিমুখে এ কথা তাকে বলতে, সে যেন হাতে স্বর্গ পেলে, এমনই তার মুখে ওপর প্রসন্নতা ফুটে উঠল।

“ডাক্তারের কথাই সত্য হল। আমি দশদিনের মধ্যেই সুস্থ হয়ে উঠলুম। কিন্তু সেই সুস্থ হওয়ার আনন্দের দিনে কত বড় দুঃখের পাছাড় যে, আমার জীবনের বোঝার জন্ত সক্ষম করা ছিল—যা সারা জীবনেও একটু হালকা হবে না—যার দুঃসহ ভারে আমার এই অবশ শরীরখানা শেষের দিনটিকে এগিয়ে পাবার জন্ত ব্যাকুল হয়ে পড়েছে—”



কিছুক্ষণ চুপ করে থাকার পর গোবিন্দ আবার বলতে লাগল—‘হাঁ সেই আনন্দের দিন ধেয়েদেয়ে দুপুর বেলা ঘরের মধ্যে শুয়ে আছি হঠাৎ গয়লানীর চৈতানিতে আমি উঠে বাইরে এসে দেখি—উঠানের ওপর অজ্ঞান হয়ে সে পড়ে আছে—শরীর রক্তে ভেসে যাচ্ছে আর পাশে একখানা রক্তমাখা কাটারী পড়ে রয়েছে...

‘এই অবস্থা দেখে আমার সমস্ত রক্ত হিম হয়ে এল। চৈতামেচি আর গোলমালে দু চার জন লোক এসে পড়ল। ডাক্তার এল, কিন্তু কিছুতেই তখন তার জ্ঞান হল না। দেখা গেল বাঁ হাতের কব্জিতে এমন কাটা হয়েছে যে শরীর থেকে সেটা বিচ্ছিন্ন বলেই চলে! তখন আমার মনে পড়ল তার আর একদিনের ঘটনা—খুব গরম দুধ আনবার সময় তার হাত থেকে বাটি পড়ে গিয়ে আমার হাতে গরম দুধ পড়েছিল। সামান্য ফোস্কাও হল,—যন্ত্রণাও বেশ অনুভব করেছিলুম। আমার যন্ত্রণা উপশম করবার জন্য সে অশেষ চেষ্টা করতে লাগল। পরের দিন হঠাৎ কি একটা কাজে রাধা ঘরে ঢুকে দেখি,—উনানে ফুটন্ত দুধের মধ্যে সে একটা আঙুল রেখে দিয়েছে—চোখের জলে মুখ ভেসে যাচ্ছে! ‘তাঁড়া-তাড়ি তাকে সরিয়ে দিয়ে আঙুলে পিঁরিট দিয়ে তার যন্ত্রণা কমানোর চেষ্টা করতে লাগলুম। এ রকম পাগলামী করার কারণ জিজ্ঞাসা করে বোঝা গেল : চুপ করে বসে রইলুম।

যে, আমার যে যন্ত্রণা হয়েছে, সেটা কি রকম আর কতখানি, সেও সেটা বুঝতে চায়.. এ ব্যাপারটা ভুলে গেছলুম—সেদিন আবার মনে পড়ে গেল—ওঃ এই অশ্রুই সে তার হাতখানা অমন নির্ধম ভাবে কেটে ফেলতে দ্বিধা করেনি...সে চেয়েছিল শুধু আমার সেদিনকার পাওয়া যন্ত্রণাটার অংশীদার হতে—”

চোখের জল মুছে নিয়ে গোবিন্দ আবার বলতে লাগল...‘তের চেষ্টা করলুম—কিন্তু ডাক্তার বলেন “স্ট্রিপটিক্” হয়েছে...কিছুতে বাচান যাবে না। তিন দিন পরেই সে আমাকে ছেড়ে চলে গেল আমার বুকখানাকে ভেঙ্গে টুকরো টুকরো করে দিয়ে ..

...আচ্ছা যতীন, তুমিই বল ত ভাই, এইভাবে স্বামীর স্মৃতি হৃৎখে অংশী হয়ে সে কি করলে! এতে বরং আমার যন্ত্রণাই বেশী করে দিলে নাকি? এটা কি ভালবাসা, না স্বামীভক্তি—না অজ্ঞতা? এমন ধারা দেখেছ বা শুনেছ এর আগে? আমার মত হতভাগ্য আর কে আছে ভাই?” বলে সে আমার কোলে পড়ে, ছোট ছেলের মত ফুঁপিয়ে ফুঁপিয়ে কাঁদতে লাগল।

বুকের মধ্যের জমাট কাগজ অশ্রু হয়ে আমার চোখে ঝরে পড়ল। কোনও রকম আশ্বাসবাণী আর তাকে শোনাতে না পেরে, হতবুদ্ধির মত আমি

## আশায়

শ্রীমতী শোভা রুদ্র ।

তোমার আশায় পথ-চাওয়া কি  
বৃথা-ই হবে মোর,

বৃথা-ই হবে দিন-গোণা আর  
অলস আঁধি-লোর !

চেয়ে চেয়ে নয়ন-ছটা  
ক্লান্ত হয়ে পড়ছে লুটি

তবু তোমার পাইনি দেখা,  
হে মোর দেবতা,

ভালবাসা ভক্তি ভরে  
দিয়েছি যা তোমার করে  
আজকে বল কেমন ক’রে

ফিরিয়ে নেব তা।  
—জীবন-দেবতা !

## নারীশক্তির অপচয়

শ্রীশ্যামলাল গোস্বামী ।

বাঙ্গালার পুরুষজাতির ন্যায় নারীজাতির মধ্যেও আজ একটা চেতনার সাড়া পড়িয়া গিয়াছে বটে ; কিন্তু এখনও লক্ষ লক্ষ মহিলা ভিখারিণীর ব্রত অবলম্বন করিয়া দেশে জড়তার প্রশ্রয় দিতেছেন । সোজা কথায় ইহাদিগকে বৈষ্ণবী বলে । এই সমস্ত মহিলারা নবদ্বীপ, বৃন্দাবন প্রভৃতি বৈষ্ণব-অধ্যুষিত স্থানেই অধিক পরিমাণে দেখা যায় এবং ভিক্ষাবৃত্তি দ্বারা জীবিকা নির্বাহই ইহাদের প্রধান উপজীবিকা । ইহারা কেবল্য বা মুক্তিলাভের জন্ত—আহারে, বিহারে যে প্রকার সংযম ও শ্রীগৌরানু-মহিমা কীর্তনে যে প্রকার আগ্রহ প্রদর্শন করিয়া থাকেন তাহার শতাংশের একাংশও যদি দেশ মাতৃকার সেবায় নিয়োজিত হয় তবে দেশের নারী সমাজের অবস্থা হয়ত দুদিনেই ফিরিয়া যাইতে পারে । ইহারা মুক্তিলাভের জন্ত কীর্তনাদি নানাপ্রকার কঠোর তপশ্চরণ করেন, কিন্তু দেশসেবাও যে মুক্তির প্রধান নোপান তাহা তাঁহারা মনে করেন না । পাশ্চাত্যধর্মে ধর্ম সাধনার অন্ত নাম Patriotism ; রোগার্ন্তের সেবা, পিপাসিতকে বারি দান, বুকুককে অন্ন দান, অজ্ঞানীকে জ্ঞান দান ধর্মের প্রধান ও মুখ্য উদ্দেশ্য বলিয়া মনে করেন, তাই সে দেশের যা' কিছু ধর্ম সাধনা তাহা প্রযুক্ত হইয়াছে দেশসেবায় । আর আমাদের দেশে ধর্মসাধনা ও দেশসেবা এই দুইটি বস্তুকে পৃথক করিয়া দিন দিন মরণের পথে অগ্রসর হইতেছি । প্রতীচ্যের মুমুকু নরনারী যেমন গির্জায় যাইয়া মহাশ্মা যীশুখ্রীষ্টের ভজনা করেন, তদ্রূপ দেশমাতৃকার আহ্বান আসিলে সংগ্রামের মহাহবে অবতীর্ণ হইতে কিংবা লোক শিক্ষার জন্ত দুর্ধগম্য পার্বত্য প্রদেশে যাইয়া অসভ্য আদিম

জাতিকে শিক্ষাদান করিতে বিন্দুমাত্র বিধা বোধ করেন না । তাই আমরা দেখিতে পাই, যাহা-দিগকে আমরা মানুষ বলিয়া মনে করি না—সেই সাঁওতাল, গারো, কুকী নাগার মধ্যে যাইয়া শত শত খ্রীষ্টান মহিলা তাহাদের পুরীষ নিষ্ঠাবন মুক্ত করিতেছেন, তাহাদিগকে শিক্ষা দিতেছেন, সন্তানের মত তাহাদিগকে লালনপালন করিতেছেন । প্রতীচ্যের রমণী এই জনদেবাকেই মুক্তির সোপান বলিয়া জানেন এবং নর-নারায়ণের সেবার মধ্য দিয়াই তাঁহারা বিশ্বপতি নারায়ণকে সেবা করেন ।

আমাদের দেশে কিন্তু ঠিক ইহার বিপরীত ভাব ! নবদ্বীপে যাও, বৃন্দাবনে যাও দেখিবে শত শত, সহস্র সহস্র বৈষ্ণবী সর্কাঙ্গে তিলক কোঁটা কাটিয়া শুধু হরিনাম জপেই বিভোর ! তাঁহাদের সম্মুখে সমস্ত দুনিয়াটা ধ্বংস-বিধ্বংস হইলেও তাঁহাদের গায়ে একটুও ব্যথা লাগে না—কেহ জলাভাবে চাঁৎকার করিলেও তাঁহাদের হস্ত এক বিন্দু শীতল বারি তাহার রসনায় প্রদান করে না । এই শ্রেণীর বৈষ্ণবীরা বাহ্যিক গৈরিকবসন, সর্কাঙ্গে তিলকের কোঁটা ও বিভোরে কীর্তন করাকেই মুক্তি সাধনার একমাত্র উপায় বলিয়া মনে করেন ! বাঙ্গালায় এই শ্রেণীর বৈষ্ণবীর সংখ্যা নিতান্ত কম নহে । ইহারা যদি নিষ্কামভাবে দেশ সেবাব্রতে আজ ব্রতী হন তাহা হইলে মুহূর্তের মধ্যে বাঙ্গালার নারীসমাজকে চেতন করিয়া তুলিতে পারেন । ইহাদের মধ্যে অবরোধ প্রথা নাই, জাতিভেদের বাড়াবাড়ি নাই এবং সন্তানাতি না থাকায় সংসার প্রতিপালনেরও জগদল পাথর ইহাদের পক্ষে চাপান নাই । ইহারা ইচ্ছা করিলে অনায়াসে নিজেরা লেখাপড়া শিখিয়া গ্রামে গ্রামে বালিকা

বিভাগীয় শুলিয়া তাহাতে শিক্ষয়িত্রীর আসন গ্রহণ করিতে পারেন, ইচ্ছা করিলে প্রতি বাড়ীতে বাড়ীতে ঘাইয়া রোকুসমান রোগাক্তের সেবা করিতে পারেন, ইচ্ছা করিলে চরকাকাটা শিক্ষা করিয়া অল্প সমস্ত গ্রাম্য মহিলাগণকে চরকায় সূতা কাটা শিখাইতে পারেন। বস্তুতঃ পাশ্চাত্যের ক্রীষ্টান রমণীগণ সমাজে যে স্বাধীনতা স্বথ সম্ভোগের অধিকারিনী, আমাদের দেশের বৈষ্ণবীগণ ঠিক সমতুল্য স্বাধীনতার অধিকারিনী। ইহাদের সাধনা প্রণালী আজ যদি একটুকু পরিবর্তিত হইয়া দেশ-মাতৃকার যজ্ঞ-বেদীতে গণনারায়ণের পূজায় পর্যাবসিত হয় তবে বাঙ্গালাদেশ শত শত ডোরা, শত শত নাইটেঙ্গেল; শত শত নিবেদিতা ও রাভাস্কির জন্মস্থান বলিয়া গৌরব করিতে পারে। কিন্তু হুঃখের বিষয়, ভারতের ধর্মনীতি ও রাজনীতি দুইটি স্নতন্ত্র জিনিষ হইয়া পড়িয়াছে! পাশ্চাত্য খণ্ডে কিন্তু সেরূপ নয়। এখানকার ধর্মের গুরু ঠাহারা, তাঁহারা চক্ষু মুদ্রিয়া শুধু ধর্মের ভাবনাই ভাবেন, দেশের চারিদিকে যে কি আশুন দাবানলের মত দাউ দাউ করিয়া জলিতেছে, সে খোঁজ রাখেন না। ইউরোপ প্রমুখ পাশ্চাত্য খণ্ডের ধর্মযাজক কিন্তু সেরূপ নহেন; সেখানকার গির্জায় যিনি উপদেশ দেন তিনি রাজনীতি, সমাজনীতি, দর্শন, ইতিহাস সকলই জানেন। তাঁহাকে যুদ্ধক্ষেত্রে সেনানীর পদে নিয়োগ করিলে তিনি অসীম সাহসে যুদ্ধ করিতে পারেন—সাম্রাজ্যের প্রধান মন্ত্রী করিলে সে কাজও অনায়সে সম্পন্ন করিতে পারেন, আবার কলেজে অধ্যাপনা করিতে দিলে সে কাজও অক্লেশে করিতে পারেন। আমাদের দেশে কিন্তু ইহার বিপরীতাচরণ দেখিতে পাই। এখানকার নৈয়ামিক শুধু জ্ঞান শাস্ত্রই জানেন, বৈষ্ণব শুধু বৈষ্ণবশাস্ত্রই জানেন—এমন কি সংবাদপত্র পড়িয়া হুনিয়ার সংবাদ লওয়াটাও তাঁহারা ঘোর পাতকের কাজ বলিয়া মনে করেন। এই ভাবে বহির্জগত সম্বন্ধে উদাসীন হইয়া শুধু অন্তর্জগত লইয়া আমাদের দেশের ধর্মাচার্য ও

ধর্মাচার্যগণ আছেন বলিয়াই বাঙ্গালার আজ এই দুর্গতি—বাঙ্গালীর আজ এই শোচনীয় অধঃপতন। আর বাঙ্গালার এই যে লক্ষ লক্ষ বৈষ্ণবী ইহারা যতই সাধনমার্গে অগ্রসর হোন না কেন, ইহাদের অমূল্য জীবন যে বৃথা ঘাইতেছে তাহা বলাই বাহুল্য। কারণ জন-সেবা হইতে দূরে থাকিয়া কেবল কীর্তন করিলেই যে ভগবানকে পাওয়া যায়, এমন কথা ভগবান শ্রীচৈতন্যদেবও কখনও বলেন নাই।

বাঙ্গালার ঠাহারা বৈষ্ণব ধর্মাচার্য, তাঁহারা যদি চক্ষুস্মান হইতেন, দেশের মধ্যে আজ নারী সেবিকার কত অভাব ইহা যদি তাঁহারা জানিতেন তবে এই ভাবে বৃথা ভিক্ষাবৃত্তি ও কীর্তনের মধ্যে বাঙ্গালার বৈষ্ণবীগণকে না রাখিয়া তাঁহারা আজ বৈষ্ণবীগণকে দেশের কার্যে নিয়োজিত করিতেন। এখন ত দেশের নিদ্রার সময় নয়! এখন যে কঠোর কর্মের সময়! চারিদিক হইতে লক্ষ লক্ষ সন্তান রোগের জালায়, পেটের জালায়, ক্ষুৎপিপাসায় “মা” “মা” বলিয়া হৃদয়বিদারী আর্তনাদ করিতেছে, বাঙ্গালার বৈষ্ণবীগণ! আজ কি তোমরা বুকভরা স্নেহ লইয়া মাতৃরূপে তাহাদের সমক্ষে উপস্থিত হইয়া অভয়বাণী শুনাইবে না? তোমরা যে মা সন্তানের সেবার জন্ত সংসারের সকল বন্ধন ছিন্ন বিচ্ছিন্ন করিয়া আজ বুদ্ধ ভিক্ষুণীর মত বাঙ্গালার শ্মশান-ক্ষেত্রে অবতীর্ণ হইয়াছ? একবার অন্নপূর্ণার মত অন্নের খালা লইয়া তোমাদের ক্ষুধিত পিপাসার্ত সন্তানগণের ক্ষুৎপিপাসা দূর কর মা! “মা মা বলে ডাকছে এত, বাজে নাকি মা তোর প্রাণে!” তোমাদের প্রাণ কি মা এতই কঠোর! চিরদিন কি মা তোমরা ভিক্ষা করিয়া কেবল নিজের উদরই পরিপূর্ণ করিবে? তোমাদের শত শত সন্তান ঐ যে সতৃষ্ণ নয়নে তাকাইয়া আছে, একবার তাহাদের মুখে ঐ অন্নের কিছু দাওনা মা—ওরা যে তোমাদের সন্তান! দেখ মা, আজ দেশ অপিকার ঘোর তমিস্রায় ডুবিয়া; একবার শিক্ষার আলোকবর্তিকা লইয়া বাঙ্গালার ঘরে ঘরে প্রবেশ কর দেখি!

বাল্যালার ঘরে ঘরে আবার খেতপদ্মাসনা বীণাপাণির  
পদছায়া পতিত হোক। তোমরাই ত মা আজ  
দেশের সেবিকা—দেশের নেত্রী, কর্ত্রী ও শিক্ষয়িত্রী!  
তোমাদের ভোগ-বিলাস-পরিশৃঙ্খ, তপস্কর্যা-  
পরিপূরিত মুমুকু জীবনের আদর্শবাদ আজ বাল্যালার  
ঘরে ঘরে প্রচার করিয়া বাল্যালাকে সঞ্জীবিত করিয়া  
তুল—দেশের নারী-শক্তিকে শিক্ষিতা করিয়া দেশকে

“চৈতন্যময়” করিয়া! তুল—ভারতের স্নাতন  
আদর্শকে প্রচার করিয়া বাল্যালার ঘরে ঘরে  
“স্নাতনের” প্রতিষ্ঠা কর, দেখিবে উগরান  
শ্রীচৈতন্যের “জীবে দয়া, নামে রুচি” এই মহাবাকী  
সার্থক হইবে! আজ অবনতা, নৃষ্টিতা, অচেতনা  
বাল্যালার নারীকে “চৈতন্যময়ী” করিতে, হে চৈতন্য  
শিষ্টাগণ! তোমরা অবতীর্ণা হইবে কি?

## প্রেয়সী

শ্রীঅবনীকুমার দে ।

নিশিদিন অপমালা জাগরণে শয়নে

তা'রি চোখ লাগে শুধু নয়নে ।

ওই কণ্ঠ, ওই রূপ

রসগন্ধ অপরূপ

চিত্ত-বিস্ত হইয় লোপ দেখানে ;

সব দিকে সব ঠাই

প্রিয়া বিনে কিছু নাই

আপনারে ভুলে যাই ভুবনে ।

তা'রি চোখ লাগে শুধু নয়নে ।

এত গান এত স্বর বাজে কোথা চরমে

—অনাহত অহরহঃ মরমে ?

নিমিষে ভাবিতে তা'র

মানস মুরছা পায়

পুরুষ টুটিয়া যায় মরমে !

তার সে হৃপূর রোলে

ত্রিভুবন টলে মলে

কোটি শশী পড়ে গলে' ভরমে !

অনাহত অহরহঃ মরমে !

কলকে হয়েছি কালা,—সে কিনেছে গোকুলে

—কলকিনী রাধা নাম ছ'কুলে ।

কে বহিবে শিরে ডালা

এত আলা এত পালা

বিনে সেই ব্রজবালী অকুলে ?

বাঁশী বলে রাধা-রাধা

প্রাণ বাঁধা মন বাঁধা

আধা-সাধা আধা-কাঁদা স্ব-ভূলে ।

কলকে হয়েছি কালা গোকুলে ।

অনু যে করেছে মান বিরহিনী মানিনী

ভুলিতে কি পারি দীর্ঘ যামিনী ?

আঁখি পদ্ম আছে কুটে

অহরহঃ মধু লুটে

নিশায় কভু কি টুটে কামিনী ?

যৌবনে পড়ে কি তাঁটা

মন যদি থাকে আঁটা

নাহি ডরে কোন কাঁটা পরানি ।

নিশায় কভু কি টুটে কামিনী ?

জীবন-মরণ ধরে' সে যে মোর প্রেয়সী

অপরূপ ত্রিভুবন রূপসীণ

বিশ্বকর্মা ভাঙ্গে গড়ে

স্বর্গ-মর্ত্য ওঠে পড়ে

অরবিন্দ ধরে ধরে বিকশি' ;

মুগ্ধ কবি লুক গর্ভে

পূজে তা'রে নানা ছন্দে

নিশিদিন ভূমানন্দে উলসি ।

অপরূপ ত্রিভুবন রূপসী !



## কুলবধু সূজাতা

শ্রমণ শ্রীপুণানন্দ স্বামী এম-আর-এ-এস।

( কলিকাতা বিশ্ববিদ্যালয়ের অধ্যাপক )

প্রাচীন কোশলের রাজধানী আবন্তীর সর্বশ্রেষ্ঠ ধনী অনাথপিণ্ডক শ্রেষ্ঠী ভগবান বুদ্ধদেবের অতি ভক্ত উপাসক। রাজগৃহের শ্রেষ্ঠী মগধরাজ মহারাজ বিদ্বিসারের পদাঙ্ক অঙ্গুসরণ করিয়া ভগবান বুদ্ধের উপাসক হইয়াছিলেন। অনাথপিণ্ডক শ্রেষ্ঠীর ভগিনীর সহিত রাজগৃহ শ্রেষ্ঠীর বিবাহ হয়। রাজ-গৃহে ভগিনীর বাড়ীতে বেড়াইতে গিয়া অনাথপিণ্ডক ভগবানের মধুর ধর্মোপদেশ শুনিবার সৌভাগ্য লাভ করেন এবং তাঁহার একজন প্রধান ভক্ত হইয়া পড়েন। সর্বদা ভগবানের সেকাপূজা করিয়া পুণ্যলাভ কামনায় তিনি আবন্তীর উপকণ্ঠে এক প্রকাণ্ড বিহার (আশ্রম) প্রস্তুত করাইয়া ভগবানকে দান করেন।

অঙ্গদেশের ভদ্রীয় নগরের শ্রেষ্ঠী ধনঞ্জয় বুদ্ধের ভক্ত ছিলেন। তাঁহার মেয়ে বিশাখা পিতৃগৃহে থাকিতেই বুদ্ধের উপাসিকা হইয়াছিলেন। আবন্তীর অন্ততম শ্রেষ্ঠী মিগারের পুত্রের সহিত বিশাখার বিবাহ হয়। আবন্তী আসিয়া ভগবানের সেবার খুব স্বযোগ পাইয়া বিশাখা অত্যন্ত আনন্দিতা হইলেন। তাঁহার চেষ্টায় নগর জটিলের ভক্ত মিগার শ্রেষ্ঠী সপরিজন বুদ্ধের উপাসক হইলেন। বিশাখাও এক বড় বিহার প্রস্তুত করাইয়া সশিষ্ট ভগবানকে দান করেন। অনাথপিণ্ডকও বিশাখার সেবায় মুগ্ধ হইয়া স্বদীর্ঘ কাল আবন্তীতে অবস্থান করেন এবং তাঁহার অধিকাংশ উপদেশ তথায় প্রদান করিয়াছিলেন।

বিশাখার কনিষ্ঠ ভগিনী সূজাতার সহিত অমাথ

পিণ্ডকের এক পুত্রের বিবাহ হয়। সূজাতা বড় ঘরের মেয়ে এবং বিশাখার ভগিনী বলিয়া বড় অহঙ্কার করিত। স্বপ্নর বাড়ীর কাহাকেও গ্রাহ্য করিত না। সে স্বামীকে বিন্দুমাত্রও ভক্তি করিত না, স্বপ্নর খাণ্ডীকে মাগ্ন করিত না, তাঁহাদের কথা শুনিত না। সকলের অবাধ্য ছিল। দাস দাসীদের উপর অত্যাচার করিত। যাকে তাকে গালাগালি দিত। শ্রেষ্ঠীর পরিবারের সকলেই তাহার জ্বালায় উত্যক্ত হইয়া উঠিল, শান্তিতে বাস করিবার কাহারও সাধ্য ছিল না। বুদ্ধের এত বড় ভক্তের গৃহে সর্বদা উৎপাত ও কোলাহল।

একদা ভগবান অনাথপিণ্ডকের বাড়ীতে আহ্বার করিতে গিয়া তাঁহার জগ্ন প্রস্তুত আসনে উপবেশন করিয়াছেন, এমন সময় শ্রেষ্ঠীর অন্তঃপুরে ভয়ানক গোলমাল উঠিল। ভগবান উচ্চশব্দ ও মহাশব্দ শুনিতে পাইয়া শ্রেষ্ঠীকে জিজ্ঞাসা করিলেন, “হে গৃহপতি, তোমার বাড়ীতে এত গোলমাল কেন? ঘেন কৈবর্তগণ, মৎস্ত বিক্রয় করিতেছে।” গৃহপতি সূজাতার কথা ভগবানকে নিবেদন করিলেন।

সূজাতা পর্দার আড়ালে দাঁড়াইয়া, স্বপ্নর ভগবানকে নিজের কথা কিছু বলে কি না শুনিতেছিল। ভগবান টের পাইয়া তাহাকে ডাকিলেন “এস সূজাতে”।

সূজাতা ভগবানকে অভিমান করিয়া একান্তে উপবেশন করিল। ভগবান বলিলেন, পুরুষের সাত প্রকারের ভাব্যা আছে। যথা বথকাসমা, চোরীসমা,

আৰ্ঘ্যসমা, মাতৃসমা, ভগ্নীসমা, সখীসমা, দাসীসমা ।  
তুমি ইহাদের কাহার মত হইতে চাও ?

ভগবানের মধুর কথায় সে মুগ্ধ হইয়া গিয়াছিল এবং তাঁহার অলৌকিক শক্তিতে তাহার হৃদমণীয় অভিমান দমিয়া গিয়াছিল । সে বলিল প্রভু! আপনার সংক্ষিপ্ত উপদেশ আমার মত দীনহীনার বুদ্ধির অগোচর । বিস্তার করিয়া বলিয়া বাধিতা করুন ।

তবে শুন স্নজাতে !

১। বধকা স্ত্রী । পছট্টচিত্তা অহিতাহুকম্পিনী

অঞ্ঞেসু রতা অতিসঞ্ঞেতে পতিং,

ধনেন কীতস্‌স বধায় উস্‌সুকা

যা এবরুপা পুরিসস্‌স ভরিয়া

বধকা চ ভরিয়া চ সা পবুচ্চতি ।

যে স্ত্রীর চিত্ত সর্বদা দূষিত, যে স্বামীর অহিত কামনা করিয়া থাকে, অপর পুরুষে আসক্ত, স্বামীকে অবজ্ঞা করে, এবং ধন দ্বারা ক্রীতা হইয়াও যে স্বামীকে বধ করিতে উৎসুক সেই স্ত্রী “বধকা সমা” ভাৰ্ঘ্যা নামে কথিতা ।

২। চোরী স্ত্রী । যং ইথিয়া বিন্দতি সামিকে ধনং

সিপ্পং বনিঙ্জ্জ কসিং অধিট্‌হং,

অপ্পম্পি তস্‌স অপহাতুমিচ্ছতি ;

যা এবরুপা পরিস্‌স ভরিয়া,

চোরী চ ভরিয়াতি চ সা পবুচ্চতি ।

শিল্প, বাণিজ্য বা কৃষি দ্বারা স্বামী যে ধন উপার্জন করিয়া আনিয়া স্ত্রীর হাতে দেয়, স্ত্রী যদি তাহা হইতে বেশী না পারিলে অল্প মাত্রাও চুরি করিতে ইচ্ছা করে, এমন কি হাড়িতে দেওয়া বা উননে চাপান চাউল হইতেও কিঞ্চিৎ চুরি করিতে চেষ্টা করে সে স্ত্রী “চোরী সমা” নামে কথিতা ।

৩। আৰ্ঘ্যা সমা । অকম্বকামা অলসা মহগ্‌ন্‌সা

করুসা চ চণ্ডী চ ছরুত্ত বাদিনী,

উট্‌ঠায়কানং অভিজ্জা বস্ততি

যা এবরুপা পুরিসস্‌স ভরিয়া

অম্যা চ ভরিয়াতি চ সা পবুচ্চতি ।

যে স্ত্রী কোন কাজ করিতে ইচ্ছা করে না, অলসা, অতি পেটুকা, সর্বদা কর্কশ স্বভাবা, বিনয়-নম্রতাহীনা, বিবাদকারিণী, ঝগড়াটে ও নানা প্রকার কুকথা বদকথা বলিয়া থাকে; আর যে বীৰ্যবান পরাক্রমশালী স্বামীকেও বশীভূত করিয়া রাখে, যেমন কর্তী চাকরকে অধীন করিয়া রাখে, পুরুষের এইরূপ ভাৰ্ঘ্যাকে “আৰ্ঘ্যা সমা” স্ত্রী বলে ।

৪। মাতৃ সমা । যা সর্বদা হোতি হিতাহুকম্পিনী

মাতাষ পুত্তং অহুরকুথতে পতিং,

ততো ধনং সন্ততমস্‌স রকুথতি ।

যা এবরুপা পুরিসস্‌স ভরিয়া

মাতা চ ভরিয়াতি চ সা পবুচ্চতি ।

যে স্ত্রী সর্বদা স্বামীর হিতাকাঙ্ক্ষিণী এবং মাতা যেমন পুত্রকে রক্ষা করে সেরূপ পতিকেও রক্ষা করে; আর পতির উপার্জিত সম্পত্তি রক্ষা করে, কিছুতেই নষ্ট করে না, পুরুষের এইরূপ ভাৰ্ঘ্যাকে “মাতৃসমা স্ত্রী” বলে ।

৫। ভগিনীসমা । যথাপি জেট্‌ঠা ভগিনী কনিট্‌ঠা

সগারবা হোতি সাক্কি সামিকে,

হিরীমনা ভত্তু বসাহুবর্তিনী

যা এবরুপা পুরিসস্‌স ভরিয়া

ভগিনী চ ভরিয়াতি চ সা পবুচ্চতি ।

কনিষ্ঠা ভগিনী জ্যেষ্ঠ ভাইয়ের প্রতি যে ভাব পোষণ করিয়া থাকে সেইরূপ যে স্ত্রী নিজের স্বামীর প্রতিও সে ভাব পোষণ করে, এবং লজ্জাশীলা ও স্বামীর বশবর্তিনী, পুরুষের সে ভাৰ্ঘ্যাকে “ভগিনী সমা স্ত্রী” বলে ।

৬। সখী সমা । যাচীধ দিব্বান পতিং পমোদতি

সখীসখারং ব চিরস্‌সমাগতং

কোলেয়্যকা সীলবতী পতিবৃত্তা

যা এবরুপা পুরিসস্‌স ভরিয়া

সখী চ ভরিয়াতি চ সা পবুচ্চতি ।

বহুদিন পরে আগত সখাকে দেখিয়া সখী যেমন প্রমোদিতা হইয়া থাকে সেইরূপ যে স্ত্রী পতিকে

দেখিয়া আনন্দিতা হয়, আর কুলের গৌরব বর্জন  
করিয়া থাকে, স্থনীলা ও পতিব্রতা, পুরুষের সে  
ভাৰ্য্যাকে “সখী সমা” জ্ঞী বলে ।

দাসী সমা । অকুহল সস্তা বধনওতঙ্কিতা ।

অদুর্টচিত্তা পতিনো তিতিক্খতি,

অককোথনা ভক্ত বসাহুবর্তিনী

যা এবরুপা পুরিসসু ভরিয়া

- দাসী চ ভরিয়াতি চ পবুচ্ছতি ।

দণ্ড হইয়া বধ করিতে উচ্চত হইলেও যে জ্ঞী  
কুছা না হইয়া শাস্ত ভাবে থাকে, এবং মনে কোন  
পাপ চিন্তা না আনিয়া শুকচিত্তে পতিকে কমা  
করিয়া থাকে, আর যে স্বভাবতঃ ক্রোধহীনা এবং  
স্বামীর একান্ত বশবর্তিনী, পুরুষের সে ভাৰ্য্যাকে  
“দাসী সমা” জ্ঞী বলে ।

এই সাত প্রকার জ্ঞীর মধ্যে বধকা, চোরী ও  
আৰ্য্যা এই তিন প্রকার জ্ঞী দুষ্করিজা, কর্কশ  
স্বভাবা ও আদরহীনা । তাহারা নিজের  
দুঃশীলতা বশতঃ মৃত্যুর পর নিরয় গামিনী হইয়া  
থাকে ।

আর মাতা, ভগিনী, সখী ও দাসীসমা জ্ঞী  
শীলবতী, পতির প্রতি চিরাহুরক্তা ও সুসংঘতা ।  
তাহারা স্থনীলতাবশতঃ মৃত্যুর পর স্বর্গে গমন  
করিয়া থাকে ।

“হে স্বজাতে, তুমি এই সাতপ্রকার জ্ঞীর  
কোনরূপ ?

—হে ভক্তের ভগবান, আজ হইতে  
আমাকে স্বামীর “দাসী সমা” ভাৰ্য্যা বলিয়া গ্রহণ  
করুন ।

## বর্ষ-বরণ

শ্রীমতী নন্দরাণী দাসী ।

স্বর্ণ-কুন্ত ভরিয়া আন গো, আন গো বরণ-ভালা,

সিন্দুর আর চন্দন রেপি' দাও গো পুষ্পমালা,

মঙ্গলঘট রাখ পুর-দ্বারে,

শঙ্খধ্বনি কর ঘরে ঘরে,

স্বর-সঙ্গীত গাহ গো সকলে, ফুটিয়া উঠুক হর্ষ,

দিকে দিকে আজি সুখমা ছড়ায় এসেছে নবীন বর্ষ ।

এস গো নবীন বর্ষ মোদের, এস এস অগ্নি শোভনে,

শ্রাম কিসলয়ে, সুরভি কুসুমেসাজাব তোমারে ষতনে

দাও গো বিশ্বে নবীন প্রাণ,

আনন্দের ধারা করগো দান,

শান্তির বারি সিঞ্জন করি শোক তাপ কর দূর,

পুষ্পে, শস্ত্রে, ধনে ও ধান্ত্রে কর দেশ ভরণুর ।

## একখানি পত্র

( গল্প )

শ্রীমতী প্রভাবতী দেবী সরস্বতী ।

ভাই রেণি

আজ অনেক কাল পরে তোকে পত্রখানা লিখতে বসেছি, সে অল্প যেন মনে কিছু করিসনে।

মনে পড়ে কি—অনেক দিন আগে যখন আমরা সুলে পড়তুম তখনকার কথা? আমাদের ক্লাসে অতগুলি যে মেয়ে ছিল, কারও সঙ্গে আমাদের ছু'জনের তত মেলামেশা ছিল না, জগতে তুই জানতিস আমাকে, আমি জানতুম তোকে। কে জানত ভাই—আমাদের এমনি ছাড়াছাড়ি হবে যে জীবনে আর তোকে দেখতে পাব না।

বড় কষ্টে অধীর হয়ে তোকে আজ পত্র লিখতে বসেছি। বিয়ে হওয়ার অনেক আগে হতে তোর সঙ্গে আমার ছাড়াছাড়ি, তারপর আর এমন অবকাশ পাইনি যে তোকে একখানা পত্র দেই। তোর পত্র রীতিমতই এসেছে, এর জন্তে তোকে আমি কোনও মতে দোষ দিতে পারিনে। দোষ যে আমার, সে আমি সহস্রবার স্বীকার করছি।

হৃদয়ে বড় আঘাত পেয়েছি, তাই আজ এই অদিনে তোর কথাই মনে পড়ল ভাই, মনে হল, সেই তুই আমার মুখখানা একটু মলিন হলে তোর ব্যস্ততার সীমা থাকত না। সত্যি—আমায় ধে কি ভালবাসিস তুই, তা তোর পত্র গুলো এখনও বলছে।

ভাই, মেয়েদের সবারই কি আমার মতন অবস্থা হয়, আমি তাই ভাবি। বেশ মনে পড়ছে আমার ছোটবেলার একটা কথা। আমাদের পাশের বাড়ীতে একটা বউ ছিল; বউটি তেমনি নরম, তার মুখ দিয়ে একটা কথা ফুটত না; আর তার স্বামী

আরে যাস্নরে, তুইও তো তারে দেখিছিলি ভাই। সেই একদিন আমাদের সঙ্গে একটু বাগানে গেছল, তার জন্তে তাকে ধরে কি মারটাই না মারলে, তারপর লোকটা চলে গেলে আমরা তাকে জিজ্ঞাসা করলুম—খুব লেগেছে? উত্তরে নে একটা নিঃশ্বাস ফেলে, একটু হেসে বললে—'না'।

কথাটা যে কি তা এখন নিজেকে দিয়েই জানতে পারছি ভাই। আমি তোকে বলেছিলাম ভাই আমার স্বামী যদি অমনি হয়? তুই বলেছিলি দূর তা কি হতে পারে? কদাচিত্ এক একটা লোক হয় এমনি হৃদান্ত, যারা মেয়ে নিজেকে পুরুষ বজায় রাখতে চায়।

তোর কথা কিন্তু একেবারে ঝুঁকো রেণি, আমি দেখছি পনের আনা লোক এমনি করে মেয়েদের বশে রাখতে চায়, এক আনা লোকমাত্র তোর স্বামীর শ্রেণীভুক্ত।

এদের মনের ভাব কি জানিস? আমরা যেম কিছুই না, এসেছি শুধু ওদের কাজ করতে। ওরা আমাদের চোখে হাত দিয়ে যা দেখাবে তাই দেখব, আমাদের হাঁটালে তবে হাঁটব, আমাদের কথা বলালে তবে কথা বলব।

ভাই, বড় উৎসাহ আমাদের ঘরে। ঘটনাটা আগাগোড়া বলি শোন, বুঝতে পারবে।

শুধুর বাড়ীতে এসে পা দেব্রামাত্র আমার খাণ্ডী আমার ঘোমটা তুলে দেখলেন—বউ ভাল বটে; কিন্তু ঠোট ছটো যেন মোটা বড়।

স্বামী একবার আমার পানে চেয়ে চলে গেলেন। তারপর হতে আমি ঘরের বউ নামে

খ্যাতা হয়ে গেলুম, তা হোক একটু ঠোঁট মোটা, বউ তো, কুটে!

আমার এক এক দিনের ইতিহাস কেবল বুকের রক্ত দিয়ে লেখা।

লাও দাও করে মেয়ের বাপের কাছে মেয়ের বউর বাড়ীর হাত পাতা, এ চিরন্তন প্রথা, আমার বেলাতে কি তা বদলাতে পারে? আমার বাপ আমায় দান করতে নিঃস্ব হয়ে গেছিলেন, তবু কথা শুনে তাঁকে যত না হয়েছিল, আমায় তত হয়ে ছিল। মড়ার মত পড়ে থাকতুম, যার যত খুসী বাক্যবাণ ছুঁড়ে মারত, আমি তার একটা উত্তর দিতুম না।

উত্তর দেওয়া রঙ্গবধুর স্বভাবের চিরবিরুদ্ধ, কেমন, তাই নয় কি? তারা বুকখানা বাক্যবাণ বিধে বিধে রক্তাক্ত করে ফেলে, তবু সে যেন একটা কথা নূ বসতে পারে।

কিন্তু মানুষ তো সেও, সহের সীমা তারও আছে। স্বামী যে দিন হুকুম করলেন সূজোর ভাল তত্ত্ব দেওয়া হয়নি, তোমার বাপের বাড়ী লিখে দাও, শীতে আমার শাল চাই, সেদিন যথার্থই কি রকম হয়ে গেলুম। বাপের বাড়ীর পত্র খানা সেইদিনই পেয়েছিলুম, তাঁদের ছরবহার কথা শুনে আমি কিছুতেই চোখের জল রাখতে পারিনি। আমি বললুম তাঁরা তো আমার বিয়ে দিয়েই ফতুর হয়ে গেছেন, শাল দেবেন কোথা হতে; খেতেই পান না যে, সে খোঁজটা রাখো?”

এই সত্যি কথাটাই সে দিন যে আমি বলে ছিলাম, এতে আমার স্বামীদেবতা যে কি রকম কষ্ট হয়ে উঠেছিলেন তা আর তোমাকে কি বলব চাই? আমার সে দিন অনেক লাঞ্ছনা সহিতে হল, কারণ আমি উত্তর করেছি। এটাকে তোমরা ‘কিছুই নয়’ বলে মনে করতে পারো, কিন্তু বউর বাড়ীর কেউ তো কথা করতে পারেন না।

বাড়ীর বি বললে হ্যাঁগা বউমা এমন করে উত্তর করতে হয় বাছা, ওতে যে

বুলুম—কথাটা ছড়িয়েও পড়েছে এর মধ্যে, আমার স্বামীদেবতা এ কথাটা সকলের কানে ফুলতে ছাড়েন নি।

উঠতে বসতে অপমান; সে যে কি রকম তা বোন তোমায় বলে বুঝাব কি! কিন্তু অভাগিনীর কপালে যে আরও লাঞ্ছনা আছে, শোন, নিশ্চয়ই তোমায়ও বুকে ব্যথা লাগবে।

আমি এক কুৎসিত ব্যাধিগ্রস্তা হয়ে পড়লুম, আমার স্বামীর ব্যারাম হতেই তিনি পালিয়েছিলেন কলিকাতায়, আমাকে যা দিয়ে গেলেন তার যে কি ফল হবে তা তিনি একবার ভেবেও দেখলেন না। তিনি পুরুষ—নিজের এই ব্যাধি অনায়াসে তিনি সারিয়ে ফেললেন কারণ তিনি স্বাধীন, যেখানে খুসি সেখানে যেতে পারেন, নিজের রোগের কথা চিন্তাসককে জানাতে পারেন, কিন্তু আমি?

হা রে পরাধীনা নারী-জাতি, আমরা যে শুধু তার বইতেই এসেছি, আমাদের কোনও কথা জানাবার স্বাধীনতা কোথায়? শরীরে, অসহ কোন যন্ত্রণা হলেও তা মুখ ফুটে বলা যায় না। মরণান্ত কাল পর্যন্ত এমনি মুখ বুজিয়ে থাকো। সেই একদিন দেখেছিলুম একটা মেয়েকে মরতে—তারই স্বামীদত্ত নিদারুণ যন্ত্রণায় জলে পুড়ে। সে একখানা পত্রে লিখে রেখে গেছিল তার স্বামীকে—আমার সেই তার কথাই মনে পড়ছিল।

কি নিদারুণ যন্ত্রণা ব্যাধির, আঃ, সে কথা বে জানানো যায় না ভাই, তার চেয়ে বেশী যন্ত্রণা দিতে লাগল সকলের কথা। আমার স্বামী ফিরে এলেন তখন তিনি ভাল হয়ে গেছেন। দোষটা আমার ঘাড়ে সম্পূর্ণ পড়ল, দেখে আশ্চর্য হয়ে গেলুম আমার স্বামীদেবতা—যিনি এই ব্যাধির স্রষ্টা, তিনিও অমানমুখে আমার অপরাধিনী করলেন।

হার পুরুষ—জানোনা নারীর বুকের ব্যথা, লুকানো কথা। আমি সব দোষ মাথায় পেতে

করতে হয় বাছা, ওতে যে



লাভ বোন ? আমার সব গেল, আমি যে মহুশ্বের  
বাইরে এসে দাঁড়ালুম ।

স্বী বলে নয়, দাসী বলে— কারণ সংসারের কাজ  
কে ঠেলবে তাই তাঁরা দয়া করে আমায় কি ওষুধ  
দিলেন । যন্ত্রণায় অধীর হয়ে পড়েছিলুম, তাঁদের  
আদেশমত সে ওষুধ খেলুম । তারপর আমার সে  
ব্যারাম সেরে গেল, কিন্তু বোন আমার সারা গায়ে  
কি সব বেকল । আমার খাতুড়ি গভীর মুখে  
বললেন “পাপের সাজা হাতে হাতে ।”

হায় রে, পাপ করেছি আমিই বটে, কিন্তু দুর্ভাগা  
নারী যে আমি, আমি যে স্বী, মুখ—কোথায় আমার,  
আর মুখ থাকলেই বা আমার কথা শুনবে কে ?  
ওদের মিলিত কণ্ঠগুলোর কাছে আমার ক্ষীণ কণ্ঠ ?

বিচার বটে, মাহুশ্বেরও যেমনি ভগবানেরও কি  
তেমনি ? আর বিশ্বাস করব কি ভাই, বুক যে  
জ্বলে গ্যাছে, মন যে আর বিশ্বাস করতে চায় না ।  
এই পূর্ণ যৌবনে—মাত্র আঠার বছর বয়স  
আমার, আমায় জরায় ঘিরে ফেলেছে । আমার  
হাতে পারে, গাঁটে গাঁটে ব্যাথা, আমার বুক ধড় ফড়  
করে, মাথা ঘোরে, তবু মরেমরেও সংসারের  
সব কাজ করতে হবে কারণ আমি যে বউ  
আমার মুখ যে বন্ধ । একদিন সিঁড়ি ভেঙ্গে ওপরে  
যেতে গিয়ে মাথা ঘুরে পড়ে গেছিলুম, তিন ঘণ্টা  
নাকি অজ্ঞান হয়ে পড়েছিলুম, মাথা কেটে গেছিল  
কিন্তু রক্ত যতটা পড়ার কথা ততটা পড়ে নি ।  
রক্ত কোথায় এ দেখে, সব যে সেই কাল—ব্যাধি  
সবে খেয়েছে, আমার মাহুশ্ব নামের অযোগ্য করে  
ফেলেছে ।

একদিন আয়না ধরে নিজের মুখখানা দেখে চমকে  
গেছিলুম । এই কি সেই আমি ? বুকের মধ্যে  
হাহাকার উঠেছিল আমি তো আমি না, আমি  
মরে গেছি । পূর্বস্মৃতি বুক আগ্নিয়ে নিয়ে পড়ে  
আমারই ছায়া ।

স্বামীদেবতার প্রসন্নতা কিছুতেই লাভ করতে  
পারলুম না । সারাদিন খেটে খুটে রাজ্যে তাঁর

পদসেবা, পারে হাত বুলিয়ে দেওয়া, বাঁড়ান করা ।  
ঘুমে চোখ ঢুলে আসত, হাত খেমে রোতো, তিনি  
গর্জে উঠতেন—ঘুমানো হচ্ছে বুঝি ?

অমার্জনীয় অপরাধ । তিনি আরামে শুয়ে  
পড়ে থাকবেন, আমি সারারাত বসে থেকে এই  
জীর্ণ শরীর নিয়েও তাঁর পূজা করি এ ঠিক কথা ।  
বলতে পারো—নারী কি মহাপাপ করেছিল যাতে  
তাকে এমনি করে পরের মন বৃগিয়ে, সারাজীবন  
চলতে হবে ?”

আমার পুত্র হবে—বাড়ীতে আনন্দ পড়ে গেল ;  
খাতুড়ি আমার কাজের মাত্রা একটু কমিয়ে দিলেন,  
স্বামীদেবতাও সন্তান মুখ দেখতে পাবেন এই  
আশায় আমাকে দিয়ে সেবা নেওয়াটাও কমালেন ।

আনন্দ ? একটুও না, আমার মন আরও  
নিরাশায় ভেঙে যাচ্ছিল । কোন অভাগা আসছিল  
রে আমার শ্রেষ্ঠ সম্পদ, নারীর চিরাকাঙ্ক্ষিত  
ফল দান করতে ? আমি কি এত সুখ সহিতে পারব ?

ভবু সে এল । সেই আঁতুর ঘরেই আমি  
ছেলের মুখখানা দেখে সব ব্যথা ভুলে গেলুম ।  
কিন্তু একি, বাছার আমার—সারা গায় এ সব কি ?

আমার গায়ে যে সব চাকা চাকা কি বেরিয়েছিল,  
তারও সারাগায়, চোখে মুখে মাথায় তেমনি ।  
অভাগা তাকাতে পারলে না, কেবল কাঁদতে  
লাগল ।

স্বামী তাড়াতাড়ি ছেলে দেখতে এলেন ।  
তাঁর পারের তলার আছড়ে পড়ে কেঁদে বললুম  
“ওগো খোকাকে আমার বাঁচাও । ভগবান সাক্ষী,  
তুমি লজ্জায় মিথ্যা কথা বললেও এ সত্যি যে,  
তোমার ব্যারামই আমার হয়েছিল । তোমায় এ  
লজ্জা হতে বাঁচাবার জন্যে আমি মিথ্যা অপবাদ  
পর্যন্ত মাথায় নিয়েছি । দেখ সেই ব্যারামের  
চিহ্ন খোকায় সারাগায়ে বর্তমান । যাতনায় বাছা  
আমার কিছু খেতে পারছে না, চোখ মেলে  
তাকাতে পাচ্ছে না । কেবল কাঁদছে । নিজের  
যাতনা সব সহ করতে পারি, করেছিও, কিন্তু যে

রত্ন আমায় তুমি দিলে, এর যাতনা সহিতে পারছি  
নে। তোমার পায়ে পড়ি তুমি কাউকে এনে  
দেখাও।”

অভিজ্ঞা লেডীডাক্তার, কবিরাজ এল, কিছু  
কিছু হল না, বাছা আমার—বোন, বলতেও চোখের  
জলে বুক ভেসে যাচ্ছে, বাছা আমার বারটা দিন  
এমনি ভাবে কেঁদে, কিছু না খেয়ে চলে গেল,  
আমার বুকভরা দুধ, প্রাণভরা স্নেহ কিছু না, কিছু  
সে নিলেনা।

বোন, এ বুক একেবারে ভেঙ্গে গ্যাছে, আমার  
সব গ্যাছে। শুনেছি এ ব্যারামের ফল নাকি  
এমনই, সারাজীবনেও নষ্ট স্বাস্থ্য আর ফিরে পাওয়া  
যায় না। স্বামীদেবতা যে জেনে শুনে আমার এই  
সর্বনাশ করলেন, এর জন্তে আমি তাঁকে কতখানি  
ভক্তি করতে, কতখানি ভালবাসতে পারি তা আমায়  
শুধু বলে দাও। আমায় তিনি পৃথিবীর সব জিনিস  
হতেই বঞ্চিতা করলেন, আমার আনন্দ, আমার  
স্বাস্থ্য অবশেষে নারীর পূর্ণ বিকাশ মাতৃহ—হা রে  
অভাগী নারী, তবু মুখ বুজে থাক, একটা কথা যেন  
হৃটে না বেরোয় তোমার মুখ হতে।

পৃথিবীর সমা সহশীলা হতে পারি এই ব্রতটাই  
না করেছিলুম, এই প্রার্থনাই না করেছিলুম! খুব  
সহও তো করছি। নিজের বৃকের রক্তমোক্ষণ  
নিজের হাতেই করছি, একেবারে শেষ করতেই  
বাকী।

স্বামী দেবতা, হ্যা, দেবতা বই কি! কারণ মানুষ  
হয়ে মানুষের প্রতি এমন অত্যাচার করলে নিশ্চয়ই  
মনের মধ্যে বিদ্রোহ-আগুন ক্রমে জ্বলতে থাকে,  
তাই গোড়াতেই উপদেশ দেওয়া হয়েছে স্বামী

দেবতা, স্বামীর ধারা গুরু তাঁরা দেবের দেব, অতএব  
কেবল ভক্তি দিয়ে যাও, স্তবরাং তাতে চাই কেবল  
সহশীলতা।

জিজ্ঞাসা করছি ভাই, বলতে পারো আর  
কোনও দেশে এ রকম নারী-নির্ধ্যাতন আছে কি?  
যদি থাকে তবে তা জানিয়ে, জানলে মনকে  
প্রবোধ দিতে পারব—শুধু এদেশেই এ রকম ভাবে  
নারী-নির্ধ্যাতন হয় না, অন্ত দেশেও হয়।

এ রকম তো আমাদের দেশে আকছার ঘটছে,  
আমি তোমায় চের দেখাতে পারি। তাইতেই  
আমি জেনেছি এ রকম ভাবে নারী-নির্ধ্যাতন  
আমাদের দেশে একটা প্রথা হয়ে দাঁড়িয়েছে।

অনেক পুরুষ নারীর দিকে টেনে কথা বলছেন,  
এঁদের আমার স্বামীদেবতার সমশ্রেণীস্থ লোকেরা  
একেবারে হেসে উড়িয়ে দিতে চান।

তবু—মনের মধ্যে একটু আনন্দ বোধ করছি  
এই ভেবে—তুমি আমার মত অদৃষ্ট পাওনি। তুমি  
যোগ্য স্বামীর স্ত্রী, তোমার ছেলে মেয়ে দুটি  
তোমাদেরই আদর্শ পাবে, এমনি ধারায় চলতে  
চলতে পৃথিবীর এই একটানা গতি হঠাৎ একদিন  
রোধ হতে পারে।

আর না বোন, আজ তবে আসি। জানিনে  
আর কখনও তোমায় পত্র লেখার আবকাশ পাব  
কিনা কারণ সময়ে অসময়ে বৃকের মধ্যে এত ধড়ফড়  
করে, চোখে অন্ধকার দেখে অজ্ঞান হয়ে পড়ে যাই,  
রাত্রি দিন কোথা দিয়ে কেটে যায় তা বুঝতে  
পারি নে।

আমার ভালবাসা নিয়ো। তোমার ছেলে মেয়ে  
দুটিকে আমার স্নেহ-চুম্বন দিয়ে, আজ তবে বিদায়।

## আত্ম-হারা

শ্রীঅতুলচন্দ্র নন্দী ।

পথ হারিয়ে ঘুরছি গ্রামের মাঝে,  
খুঁজে না পাই কারে ।  
জ্বলে সব পুকুর কোঠা ভিটে  
আছে আঁধার ক'রে ॥  
দেখে ছিলাম ছেলেবেলায় হেথা  
হাজার হিন্দুর বাস ।  
সেই গ্রামেতে চলতে লাগে আজ  
দিনের বেলায় ত্রাস ॥  
খুঁজে পেলাম ছোট্ট একটা বাড়ী  
জংলা পথের পাশে ।  
ভরসা পেয়ে গৃহস্নকে ডাকি  
পথ শুধাবার আশে ॥  
এগিয়ে গিয়ে ডাকি বারেক দুই  
বাড়ীতে আছেন কে ?  
নিয়ম সব, বাড়ী নাই কি কেউ !  
উত্তর পাই না যে ?  
দেখতে পেলাম দুয়ারে ব'সে মাতা  
সস্তান ল'য়ে কোলে ।  
মুখপানে চাহি বক্ষ ভিজছে তাঁর  
অনিমেঘ আঁধিজলে ॥  
প্রতিমার মত উজল মুরতি থানি  
প্রতিমার মত স্থিরা ।  
সংজ্ঞাবিহীনা ঐ মাতৃ কায়া  
হ'য়ে আপন হারা ॥

কিসের কারণ অশ্রু তাঁহার চোখে  
জানতে পারি নাই ।  
শোকের ব্যথা বাজল আমার প্রাণে  
কেমন ক'রে যাই ॥  
পাশেই দেখি কচ্ছে মাটির খেলা  
পাঁচ বছরের মেয়ে ।  
জানতে গেলাম তারি কাছে আমি  
ধীরে ব্যাকুল হ'য়ে ॥  
“কিসের লাগি কাঁদেন ইনি আজ  
জান কিছু তাঁর ?”  
মেয়েটা কহিল “মাসি অমন ধারা  
কাঁদেন অনেক বার ॥  
অমন কান্না দেখে আর এক দিন  
কান্না পাচ্ছিল মোর ।  
জিজ্ঞাসা তাই করেছিলাম্ তাকে  
কি হয়েছে তোর ?”  
আমার কাছে বলেছিলেন মাসি  
“খোকার হাসি দেখে,  
আনন্দে আমার গ'লে যায় প্রাণ  
তাই জল আসে চোখে ॥”  
পথের সন্ধান নাহি হ'ল জানা  
হরষে এলাম ফিরে ।  
ঈশ্বরের কাছে করিমু প্রার্থনা  
সস্তান জননী তরে ॥



## নারীজাতির বর্তমান কর্তব্য

শ্রীমতী হেমপ্রভা মজুমদার ।

সম্প্রতি আমাদের দেশে নারী-জাগরণের বিশেষ প্রয়োজন হইয়া পড়িয়াছে। ঘরে ঘরে নারীকে জাগাইতে হইবে। আজ তিন বৎসর যাবত এ বিষয়ে শুধু জল্পনা কল্পনাই চলিতেছে কিন্তু মেয়েদের জাগাইবে কাহার? যাহাদের উপর নারী শিক্ষার ভার, ছুঃের বিষয় তাঁহারা জানেন না যে নারীকে কিরূপ শিক্ষা দিলে তাহারা বাস্তবিক শিক্ষিতা হইয়া সমাজে আদর্শ নারী বলিয়া পরিগণিত হইবে। যে শিক্ষা বর্তমানে আমাদের সামনে ধরা আছে, তাহাতে আমরা কি দেখি? দেখি একদিকে ইংরাজী পড়া এবং সঙ্গে সঙ্গে বিদেশী ভাব ও বিদেশী চালচলন শিক্ষা, তাহারা না জানে সামাজিকতা না কোথায় স্বাধীনতা, এবং এ সমস্ত বিষয় ভাবিবার শক্তি পর্য্যন্ত তাহাদের নাই। তাই বলি কে কাহাকে শিক্ষা দিবে।

বর্তমানে ইংরাজী পান করাটাই একটা প্রধান শিক্ষা। কিন্তু আধুনিক শিক্ষিতা নারীদিগের মধ্যে কয়জনকে আমরা আজ এই জাতির জীবনমরণের সন্ধিক্ষণে পাইয়াছি? কয়জন ইংরাজী শিক্ষিতা নারী আজ খন্দরে ভূষিতা! যে শিক্ষায় আমাদের জাতীয় উন্নতির পথে পরিচালিত করেনা, যে শিক্ষা স্বাধীনতার বীজ হৃদয়ে বপন করে না, সে শিক্ষার গৌরব করা সমাজের সর্বনাশ করা ছাড়া আর কিছুই নয়। ইংরাজী শিক্ষার ফলে আরও উন্নতি হইয়াছে এই যে, ইংরাজ যেমন ভারত বাসীকে “নেটিভ” বলিয়া থাকে, তেমনি আমাদের বর্তমান ইংরাজী শিক্ষিতা ভগিনীরা যাহারা ইংরাজী জানেনা তাহাদের অশিক্ষিতা ভাবে এবং একটু ঘণার চক্ষে দেখেন। এইত ইংরাজী শিক্ষার ফল! আমি বলি যে ইংরাজী শিক্ষার দরকার নাই—

তবে ইংরাজী শিক্ষার সঙ্গে সঙ্গে আরও এমন শিক্ষা দেওয়া দরকার যাহাতে নারীদিগের জাতীয় জীবনের এবং সামাজিক জীবনের উন্নতি সাধন করে। আমাদের নারীসমাজ কতক হইয়াছে বিদেশী শিক্ষায় বিদেশী ভাবাপন্ন, আর কতক হইয়াছে একেবারে গণ্ডিবদ্ধ পিঞ্জরের পোষা পাখী, তারা না জানে দেশ, না জানে সমাজ। তাহাদের অভিভাবকেরা এমন শিক্ষাই দিয়াছেন যে তাহারা বাড়ীখানার দেয়ালের গণ্ডির বাইরে আর কিছুই ভাবতে পারেনা। হিন্দুনারীর প্রধান ধর্ম স্বামীর ধর্মকে নিজের ধর্ম মনে করিয়া, স্বামীর জীবনের সন্ধিনীরূপে তাঁহার জীবনের ব্রতকে নিজের ব্রত বলিয়া, স্বামীর সহধর্মিণী হইয়া স্বামীর সহায়তা করিয়া নিজের ধর্মজীবন উদ্‌ঘাপন করা। সেই উদ্দেশ্য লইয়া দেবসেবায় ব্রতী হইয়াছি। এই কার্যে আসা অবধি অনেক পুরনারীর সহিত আমার দেখা হইয়াছে ও হইতেছে। তাহাদিগকে পুরুষেরা কি ভাবের যে ভাবুক করিয়া রাখিয়াছেন তাহা তাহাদিগের নিকট যাঁহারা যান তাঁহারা ছাড়া আর কেহ বুঝিতে পারেন না। একই কথা তাহাদের মুখে শুনি যে আমরা ইংরাজী জানি না, আমরা দুর্বল, দেশের স্বাধীনতার জন্ত কি করিতে পারি? ভেবে দেখুন কি সর্বনাশের কথা! ইংরাজী জানি না তাই দেশের চিন্তা করিতে পারি না, জাতির উন্নতির কথা ভাবতে পারি না, নিজকে দুর্বল মনে করি।

নারী দুর্বল কিসে? অস্বরদলনী শক্তির অংশ যে নারী—তাকে কে বলে দুর্বল? ছুঃখের বিষয় শক্তির অংশ নারী তোমরা—নিজের শক্তি তুলিয়া নিজকে দুর্বল ভাব। নারী, তুমি চক্ষু থাকিতে অন্ধ, অমৃতময়ী হইয়া অমৃতের সন্ধান

পাওনা। ভেবে দেখ একবার শিবাজীর কথা—  
নিরক্ষর মায়ের এই নিরক্ষর পুত্র শিবাজী দেশের  
স্বাধীনতা কি ভাবে রক্ষা করিয়াছেন। প্রবীরের  
মাতা জনা, অভিমত্যা-জননী স্ত্রীভাষা, ভীমাজ্জুন  
জননী কুস্তি ইংরাজী পড়েন নাই, কিন্তু তাঁহারা  
সর্বদা স্বাধীনতার চিন্তা করিতেন, স্বাধীনতাকে  
ধর্মের দিক দিয়া দেখিতেন, তাই তাঁহারা উভয়  
জিনিষকেই সমান ভাবে দেশের নিকট ধরিয়া দিয়া  
গিয়াছেন। বাহ্যদৃষ্টিতে দেখিলে নারী দুর্বল,  
কিন্তু নারীর মনের দৃঢ়তার নিকট মানুষ ও দেবতা  
উভয়েই পরাজিত। স্বয়ং ভগবান শ্রীকৃষ্ণ ও ভোলা  
মহেশ্বর মা আত্মশক্তির নিকট পরাজিত।

তাই বলি নারী তোমরা দুর্বল নও। তোমরা  
নারীত্ব ভুলিয়া গিয়াছ, মাতৃত্ব ভুলিয়া গিয়াছ তাই  
তোমরা মনের বল, ধৃতি-শক্তি একেবারে হারাইতে  
বসিয়াছ। আবার মাতৃত্ব ও প্রকৃত নারীত্ব লইয়া  
দাঁড়াও দেখিবে তোমরা দুর্বল রমণী নও।  
তোমরা যদি মা সাজিতে পার তবে দেখিবে—  
তোমাদের পুত্রেরা মায়ের শক্তি পাইয়া শিবাজী  
প্রবীর প্রভৃতি দেশ সেবকের মত হাসিতে  
হাসিতে দেশের গৌরব-ধ্বজা উড়াইয়া যাইবে।  
নারীজাতি যতদিন বিলাসের পাত্রী হইয়া থাকিবে  
ততদিন এই ভারতবাসীর মঙ্গল কিছুতেই হইবে

না। যতদিন প্রতি ঘরে জনার মত মা, প্রবীরের  
মত পুত্র, শিবাজীর মত পুত্র না হইবে ততদিন  
এ দেশের স্বাধীনতা আসিবে না। তবে যদি কেউ  
নারীজাগরণ করিতে চান তবে প্রতি ঘরে ঘরে  
নারী-সমাজের সাম্নে, আদর্শ নারী-চিত্র ধরিতে  
আরম্ভ করুন তাহাদিগকে—বৃষ্টিতে দেন যে  
তাহাদের ভিতর দিয়া জাতির উন্নতি এবং  
তাহাদের ভিতর দিয়াই আজ জাতির অবনতি।  
এ জিনিষ যতদিন না তাহারা বৃষ্টিবে ততদিন  
কিছুই হইবে না। কেবল নারী-জাগরণ  
চীৎকারই সার হইবে। আমার মনে হয় নারীর  
স্বাধীনতা যথেষ্ট আছে, কিন্তু উপলব্ধি করিবার  
শক্তি নাই। সেইটুকুই তাহাদের সাম্নে ধরিতে  
হইবে। আমি বলি—নারী দুর্বল নও, কেবল মনের  
দৃঢ়তাকে ফিরাইয়া আনিতে পারিলেই দেখিবে  
তোমরা কি শক্তিকে ভুচ্ছ করিয়া রাখিয়াছ।  
মনের বলের কাছে পশুশক্তি অবনত হইবে। ভেবে  
দেখ সীতা মনের বলের প্রভাবে দুষ্ট রাক্ষসের পুরী  
হতে নিজের পবিত্রতা লইয়া বাহির হইয়া  
আসিয়াছেন। এই রকম ভাবে নারী তোমার  
নিজের স্থান অধিকার করিতে শিখ। একমাত্র  
শিক্ষা এই মাতৃত্ব বাঁচাইয়া তোলা, তবেই এই  
নারী-শক্তির দ্বারা অসাধ্য সাধন হইবে।

## আশে

শ্রীকালিদাস চক্রবর্তী ।

তোমার সঙ্গে মিলব আমি ভাবছি বসে তাই,  
পরাণ পথের দিগন্তরেও তোমার দেখা নাই ।

নিঝুম রাতের স্বপ্ন জালে

মৌন সঁঝে, ভোর সকালে

তোমার আশায় বসে বসে দিন যে কেটে যায়,  
পরাণ-পথের দিগন্তরেও তোমার দেখা নাই ॥

ভেবেছিলুম আসবে তুমি ফাগুন-সাঁঝেতে,  
রাঙিয়ে দেহ অশোক ফুলে বসবে পাশেতে

পিক পাপিয়ার কুজন গানে—

জেনেছিলুম আপন মনে

বীণা ধানি হাতে ক'রে গাইবে করুণ মুর্ছনা  
ফাগুন আজি শেষ হল, কই তোমার দেখা পেলাম না।

# ব্যথিতা

( গল্প )

## শ্রীদেবেন্দ্রনাথ বিশ্বাস ।

• সে, এক লতা-কুঞ্জের মাঝে তার সঙ্গে দেখা,—  
সাঁঝের গোলাপী কিরণ তার মুখের উপরে পড়ায়  
তার লাল মুখখানি আরও লাল দেখাচ্ছিল। সে  
একদৃষ্টে চেয়েছিল অন্তগমনোন্মুখ যান সূর্যের  
দিকে, কি একটা অব্যক্ত বেদনায় অভিভূত হয়ে।  
মাথায় শুকনো চুলগুলো ছলছিল কানের ফুলকে  
চূষন ক'রে। হাতে ছিল তার বকুল ফুলের মালা।  
উন্মাদ হাওয়া যতই তার স্থলিত অঞ্চলকে নিয়ে  
যেতে চাচ্ছিল নিজের অভিলষিত পথে, ততই সে  
তাকে চেপে চেপে ধরছিল।

পাখীর গানে, ফুলের গন্ধে, তরুলতার মাঝখানে  
একটা আগরণের সাড়া এসে পৌঁছে গেছে,—নিশার  
আগমনে। এগুতেও পাচ্ছি না পেছতেও পাচ্ছি না,  
সম্মুখে স্বয়ম্ভার দেবী-প্রতিমা অচঞ্চলা। মনে  
হচ্ছিল নন্দনের সন্ত ফোটা পারিজাত—স্বর্গলোকের  
কোন দেবীর হাত থেকে পড়ে গেছে, মর্তের  
এই বনপথে!

সে-ও অপলক চোখে চেয়েছিল কি একটা ক্লান্ত-  
করণ ভাব নিয়ে আজন্মের পরিচিতের মত। বোধ  
হচ্ছিল সে যেন আমার কত জন্মের সাথী;—কোন  
ছনিবার ঘটনাঘাতে, তাকে হারিয়ে তারই ধ্যানে,  
তাকেই পাবার আশায় দিন কাটিয়ে আজকে  
দেখতে পেয়েছি; এ যে কামনার কাম্য, অর্চনার  
অর্চিতা! চোখের পলক ফেলতে পাচ্ছি না, যত  
দেখছি দেখবার আকাঙ্ক্ষা ততই যেন বেড়ে উঠছে,  
কি একটা অভূতপূর্ব বিশ্বয়ে অভিভূত হয়ে পড়ছি!  
দূরে মাধবী ছলছে—হাওয়ার ঘাতপ্রতিঘাতে, অতি  
কাছে মন পুলক-দোলায় ছলছে—আশার নিপীড়নে।

সব জিনিসের দুটো দিক,— ভেতর আর বার।  
বাইরের দিক দিয়ে তাকে এই তৃপ্ত বক্ষের উপরে  
রাখতে পাচ্ছিলাম না বটে, কিন্তু অন্তরের মাঝে  
ধরেছিলাম, তাহলেও সম্পূর্ণতার অভাব; ছ-ই  
যে চাই!

শ্রাণের তারে তারে ঝঙ্কারে ঝঙ্কারে কানেড়ার  
মিলন-রাগিণী বেজে যাচ্ছিল। আমি ব'ললাম,—  
ওগো এস, আমি কৃতার্থ হব তোমায় বক্ষে ধারণ  
ক'রে, আমি ধন্য হব তোমার বন্ধুত্বের মহত্বে।  
ওগো আমার বরণ্যা তোমাকে আদরে বরণ ক'রে  
নিতে চাই! তুমি যে আমার জীবন-মরণের  
প্রিয়-সঙ্গিনী!

উপরে নীল আকাশের গায়ে একটা একটা তারা  
ফুটছে, নিচে স্তম্ভামল তৃণ-আস্তরণে জোনাকি আলো  
বিলুচ্ছে, আর তার কপালের ক্ষুদ্র টিপটিতে  
প্রতিবিম্বিত হচ্ছিল একটু অফুট আলোর ক্ষীণ  
রেখা,— কি সুন্দর!

কি এক উন্মাদনায় ভরপুর করণ স্বরে সে ব'ল্লে,  
— ওগো আমায় ছুঁও না, চরিত্রহীনার মেয়ে আমি,  
সমাজের ঘৃণ্যা যে! আজ তুমি যেমন আদর ক'রে  
আমায় ডেকেছ, এমন ক'রে এর আগে ত কেউ  
ডাকে নি! ইচ্ছা ক'চ্ছে তোমার ঐ ছুটি পায়ে  
লুটিয়ে প'ড়ে আমার ব্যথিত চিত্তকে একটু শীতল  
ক'রে নেই। মনে হ'চ্ছে জন্মে জন্মে তুমি আমারই  
ছিলে, তোমার দাসীর অধিকার আমাকেই  
দিয়েছিলে, এজন্মেও আবার দিতে এসেছ; ওগো  
আজ আমি ধন্য হয়ে গেছি তোমার স্নেহ-সম্ভাষণে।  
আমায় গ্রহণ ক'র্ত্তে চেওমা প্রভু, তাহলে তোমার

স্বথের সংসারে আগুন লেগে যাবে, সমাজ তোমায়  
পায়ে দ'লবে ; আমি তা দেখতে পার্ক না । আমি  
তোমাকেই বুকে রেখে নিজকে বিসর্জন ক'র  
ঐ নদীর বুকে ! সাথীহারা আজ সাথী পেয়েছে,  
ভয় কি তার মরণের পথে যাত্রী হ'তে !

তার সকল বাধা ঠেলে, তাকে বুকে ক'রে নিয়ে  
এলাম ; সমাজ আমায় ত্যাগ কর্কে করুক ; আমি  
চাইনা তাদের অমন স্বার্থপরতার পক্ষপাতী  
হ'তে, আমি চাইনা তাদের অমন এক চোখো  
বিচারের কঠিন দণ্ড মাথায় পেতে নিতে !

ভগবান সাক্ষী ক'রে সে আমার গলায় বরমালা  
দিলে, সমাজচ্যুত হ'য়ে বাধ্য হ'লাম দেশ ছাড়তে ।  
তাকে নিয়ে অনেক জায়গা ঘুরে, শেষে বাস ক'লাম  
এই যমুনা-কিনারে কুটির বেঁধে ।

ফুটফুটে চাঁদের আলোয় বসন্তের পাগল হাওয়া  
যখন দিগ্দিগন্তে এলোমেলো ছুটোছুট ক'রে  
বেড়াত, বনফুলের গন্ধে চারদিক যখন ভ'রপুর  
হ'য়ে উঠত তখন ঐ কাশ-স্ত্র নদী-সৈকতে ব'সে  
সে আর আমি কত গানই গাইতাম । সে স্বর  
ঐ কলতানের সঙ্গে মিশিয়ে গিয়ে কোন অজানা  
দেশে ভেসে চ'লে যেত, কে জানে সে কোন পারে  
পৌছে কার প্রাণে আঘাত কর্ত । আমরা কত রকম  
গল্প ক'র্তাম, সে বুঝি ঢেউগুলো শুনতো,—তাতেই  
আছড়ে আছড়ে প'র্ত তার রক্ত-রাশি পায়ের  
পরে !

সে কেবলই ব'লত,—কেন তুমি আমায় গ্রহণ  
ক'লে প্রভু ! তোমার মান, সম্মান, সমাজ, সংসার  
কেন আমার জন্তে ত্যাগ ক'লে, আমি তোমায়  
পেয়েও যে সুখী হতে পাচ্ছি নে ওগো এইটেই  
যে আমার সব চেয়ে বড় দুঃখ ! যা কখন স্বপ্নেও  
আশা কর্তে পারিনি, তা আমি পেয়েছি, কত বড়  
ভাগ্যবতী আমি, কিন্তু আমার জন্তে যে তোমার  
সব গেল, এ দুঃখ যে অসহ ! এষে মৃত্যু-যজ্ঞা !  
আমায় বিদায় দাও, মরণের মাঝে জীবন খুঁজে  
নিইগে ! তুমি আবার তোমার তাদের কাছে ফিরে

যাও—যারা চোখের জলে দিনরাত অভিশপ্ত  
ক'ছে, তুমি আবার তাদের মুখে জ্বল কর'গে,  
যাদের মুখে কলঙ্কের রেখাপাত হয়েছে । এ জীবনে  
আমার কপালে সুখ নেই, তাই পলে পলে জলে-  
পুড়ে মর্ছি । তুমি মনের কোণে একটু স্থান দিয়ে  
রেখ', আবার আমি আসব, আবার তুমি আসবে,  
তোমায় আমায় আবার মিলব প্রভু !

একদিন সকালে কেবল গাছে পাতায় আলো  
দেখা দিয়েছে, আমার বাল্যবন্ধু জ্যোতি এসে  
উপস্থিত । সে বলে,—ইারে তুই এখানে লুকিয়ে  
আছিস ! তোর বাড়ীতে যে চোখের জলের ঢেউ  
চলেছে, বাপ মা কেঁদে কেঁদে পাগল হবার মতন  
হয়েছেন । তুই একবার বাড়ী চল, এখানে আমি  
রাম ডাক্তারের বাড়ীতে আছি, বৈকালে আমার  
সঙ্গে অবশ্য একবার দেখা করিস ।

জ্যোতি চলে যাওয়ার পর সে ব'লে,—তুমি  
একবার যাও, তোমার বাপ মা পাগল হ'য়ে যাবেন  
তোমারি জন্তে কেঁদে কেঁদে আর তুমি তাঁদের কাছে  
একবার ফিরে যাবে না ! এমন ক'রে তাঁদের কষ্ট  
দিও না, ছি ! আমার ভয় হ'ছে তোমার ভালবাসার  
উপরে, যে ভালবাসা কর্তব্য ভুলিয়ে দেয়, সে ভালবাসা  
কি একটা ভালবাসা, না মোহ ! সে ছুদিনের !  
আমাকে ভালবাস যদি আমার কথা রাখ, একবার  
দেখা দিয়ে এসগে । জ্যোতির সঙ্গে যাওয়াই স্থির  
কর, আমার জন্তে ভাবতে হবে না, দু একটা দিন  
আমি একা খুব থাকতে পার্ক ।

সেদিন আকাশে একটু একটু মেঘ করেছিল,  
রোদুরটা কেমন ঘোলাটে, ঔজ্জল্যহীন । জ্যোতির  
সঙ্গানে বেরুব, এমন সময় সে আমার পা জড়িয়ে  
কাদতে লাগল । আমি ব'লাম,—আজ এমন ক'রে  
কাদছ কেন লীলা ? সে ব'লে,—আমার প্রাণটা  
আজ কেমন ক'ছে তাই তোমার পায়ে একটু কেঁদে  
নিচ্ছি ।

আমি কি জানতাম সে আমায় চিরদিনের  
কাঙাল ক'রে যাবে বলে, এত কাদছে ! আমায়



জীবন্ত ক'রে যাবে বলে, চোখের জলে বিদায় নিচ্ছে। না—তা জানতে পারলে কি তাকে ছেড়ে এক পাও বেরুতাম! যাক, চোখের জল মুছিয়ে দিয়ে ক্ষত বেরিয়ে প'লাম গ্রামের পথে।

জ্যোতির সঙ্গে দেখা হ'ল, আমাকে অনেক বোঝালে, ব'লে—একবার আবার সঙ্গে বাড়ী চল, তারপর আবার আসিস্। আরও অনেক কথা, অজ্ঞান বুদ্ধবান্ধবদের কথা সবই হল, শেষে লীলার কথায় উপসংহার। তারপর বাড়ী ফিরলাম তখন সন্ধ্যা হবার বেশী দেরী ছিল না। এসে দেখি ঘরে লীলা নেই—সব শূন্য! কত তাকে ডাকলাম, কেউ সাড়া দিলে না, এদিকে-ওদিকে কত খুঁজলাম কোথাও তাকে পেলাম না। প্রাণের মধ্যে কেমন যেন একটা অব্যক্ত বেদনার আগুন জলে গেল। লীলা কোথায় কে জানে!

বিছানায় বসতে গিয়ে দেখি, তা-রি লেখা একখানা চিঠি, সে আমার নামে। বিস্ময় হ'ল,—প'ড়ে দেখলাম সর্বনাশ! আমি ত স্বপ্নেও ভাবিনি যে সে এমন ক'রে চলে যাবে! লিখে রেখে গেছে—“স্বামী! আজ তোমার কাছে চির বিদায় নিচ্ছি আমার জন্মে তোমার উচ্চশির নত হয়েছে, সমাজে সংসারে তুমি আজ ঘৃণিত। আমি এ দুঃখ রাখবার ঠাই পেলাম না, তাই ধর্ম্মনার জলে আশ্রয় ভিক্ষা ক'র্ত্তে চলেছি। আমায় খুঁজনা; তুমি যখন আমার চিঠি পাবে, তখন হয়ত আমি কোন অজানা দেশে পৌঁছে যাব। বাড়ী ফিরে আত্মীয়স্বজনকে সুখী কোরো, দিনান্তে হতভাগিনীকে একবার মনে কোরো। এজন্মে তোমায় পেয়ে কাছে থাকতে পাল্লাম না, এবার এসে বৃকে বৃকে থাকব প্রভু! আমার সকল অপরাধ ক্ষমা কর।” চিঠি প'ড়ে রূপবিলম্ব না ক'রে ছুটলাম নদীর ধারে—যদি দেখতে পাই—কোথায় সে!

• নদী কলগান গেয়ে ছুটে চলেছে। শ্রোত পূর্বগামী, ছুটলাম শ্রোতের সঙ্গে। কতদূর যাচ্ছি কোন জ্ঞান নেই, তারপর দেখলাম তাকে বৃকে

ক'রে নিয়ে ছুটে চলেছে ঐ হতভাগিনী মদী—অবাধ গতিতে! অদূরে একখানা নৌকা বাধা ছিল, মাঝিকে আমার বিপদ জানিয়ে নৌকা খুলে দিলাম। তখন পশ্চিম প্রান্তে সূর্য্য ডুবে যাচ্ছিল, তার মুখের পরে ক্লাস্ত কিরণ এসে পড়েছিল। তাকে প্রথম দেখেছিলাম এমনি এক প্রকৃতির ফাগোৎসব-রূপে আর শেষ বিদায়েও তেমনি ভাবে দেখলাম! সে যেন ঘুমিয়ে গিয়েছে, তার মাঝে স্বপ্ন দেখছে, সে স্বপ্নে সুখ-দুঃখের স্বপ্ন চলেছে,—চোখে জল, ঠোঁটে হাসি।

কাছে যেতে কি জানি কেন, কোন অতল জলে সে তলিয়ে গেল, আর তাকে খুঁজে পেলাম না। কত চেষ্টা ক'লাম কোন সন্ধানই হ'ল না। ভাবলাম আমিও নদীর বৃকে ঝাঁপিয়ে প'ড়ে সব জালা নিভিয়ে ফেলি না কেন! তাই বা পাল্লাম কৈ, মাঝিরা আমায় ধরে নিয়ে পৌঁছে দিলে তীরস্থ এক সন্ন্যাসীর কাছে। সন্ন্যাসী ব'লে,—ম'রবে কেন বাবা, তাকে খোঁজ, কাঁদ, তার জন্মে অপেক্ষা কর, আবার সে আসবে তোমায় দেখা দিতে। আরও কত কি ব'লে। একেবারে ম'র্ত্তে পাল্লাম না, কিন্তু পলে পলে ম'বুছি যে!

সন্ধ্যার বেলায় শ্রান্ত রবির ক্লাস্ত কিরণ যখন ঐ নদীর বৃকে ছড়িয়ে প'ড়ে চেউয়ে চেউয়ে খেলিয়ে বেড়ায়, তখন বোধ হয়—যেন তার সোণার মত হাত দুখানা চেউয়ের পাশ দিয়ে সঁতার কেটে ছুটে চলেছে। তাকে কত চীৎকার ক'রে ডাকি, প্রতিধ্বনি তার জবাব দেয় লীলা—লীলা! কৈ সে-ত' আর সাড়া দেয় না! আবার ভাবি হয়ত কোন ফাঁকে লুকিয়ে সে ঘরে গিয়ে বসে আছে। বাড়ী ফিরে লীলা লীলা বলে ডাকি, নীরবতাই ভেঙ্গে যায়, তার ত আর দেখা পাই নে। এ জীবনে কি পাবার নয়! ঐ নদীর জলে চাঁদ যখন নেচে নেচে হাসতে থাকে, মনে হয় সে যেন, মুখ ডুবিয়ে আমার পানে চেয়ে হেসে অধীর হ'চ্ছে,—তখন ঝাঁপিয়ে প'ড়ে তন্ন তন্ন ক'রে খুঁজি, বিফলতাই

লাভ হয় যে। ম'র্ত্তে পারি না সে আসবে  
ব'লে !

এ স্থান আমার বড় প্রিয়, তাতেই ত' কোথাও  
যেতে পারি না। মনে হয় একদিন সে আসবে,  
এসে এখানেই যে খুঁজবে, একদিন এই ব্যথিত  
বক্ষের মাঝে এসে আমার সকল বেদনা নিভিয়ে

দিয়ে কত হাসিই হাসবে, যেমন সে আগেও হ্রস্বত;  
আমার চোখের ধারা মুছিয়ে দিয়ে ব'লবে,—“ছি  
তুমি এত অধীর, একটু তুমি হাস, কতদিন তোমার  
হাসি দেখিনি যে!” তাকে আসতেই হবে,—  
সে এসে এই বিরহ-মলিন হৃৎভাগাকে ধৌত ক'রে  
নেবে—তার ভালবাসার অক্ষয় ধারে !

## বর্ষ-প্রবেশ

### শ্রীমতী প্রসন্নময়ী দেবী ।

চৈত্র গেল চিত্রার সকাশ,  
বিশাখায় বৈশাখ প্রকাশ,  
পাপিয়ার কল তান, কোকিলের কুহ গান  
হৃদে বাজে বন্দনা সঙ্গীত  
আগমনী বিসর্জন গীত ।  
মুকুলের সুধাগন্ধে, প্রকৃতি হরিত ছন্দে  
রচে প্রেম শল্লব লিখন,  
তরু গাজে অপূর্ব মিলন ।  
দখিন মলয় বায়, কিশলয় পত্রিকায়  
বৃক্ষ শাখে ধ্বজা উড়াইয়া  
বরষেরে পথ চিনাইয়া  
আনে ধরণীর মাঝে, বিচিত্র বরণ সাজে ।  
পুরাতনে নবীন যৌবন,  
হরিহর রূপে সম্মিলন,  
স্বাবর স্তম্ভ অন্ধে, শ্রামল লোহিত রঙ্গে,  
আঁকে নববরষের ছবি  
রূপান্তরে দৃশ্যপট সবি ।  
কাল বৈশাখের বেশে মহাক্রম অট্ট হেসে  
প্রলয়ের বিশান বাজার  
চরাচর আতঙ্কে কাঁপায়,

ধ্বংসপুরে সব যেন, পলকে দেখায় হেন,  
বৈশাখের বৈশাখী সঙ্কায়  
বর্তমান অতীতে মিশায় ;  
নাহি ধ্বংস, নাহি ক্ষয়, পুরাতন পরিচয়,  
যায় আনে এই শুধু নব,  
যাছ মস্ত্রে অন্ধ মোরা সব ।  
যারে হেরি ক্ষণ তবে তারেই আপন করে  
রাখিবারে চাহি হিয়াতলে  
আলিঙ্গনে চিরস্তন বলে,  
যুচে না হৃদয় ভ্রাস্তি, মিটনা দেহের ভ্রাস্তি,  
চির আকাঙ্ক্ষার তৃপ্তি নাই  
আশা সাধ পুরাতে না পাই ;  
পিপাসিত রহে হিয়া, বাহ্মিতে বিদায় দিয়া,  
নয়ন নিমিষে যায় সরি  
স্মৃতি-ছায়া রহে চিত্ত ভরি,  
বর্ষান্তে বরষ যায়, আবার নূতন পায়  
সেই একে শ্রামা বহুধরা,  
অভিনব বেশে চিত্র করা,  
নবরূপে আসে পুরাতন, বর্তমানে করিতে বরণ ।

## সংবাদ

মাজের সেবা করিতে ইচ্ছা  
পাকিতে পারেন। এতদ্বা-  
গর খরচ সংসদ বহন

### চরকার সূতা—

বরিশাল জেলার বানরীপাড়া নিবাসী শ্রীমতী স্নেহলতা গুহ রায় ১৯২২ সালের সমগ্র ভারতের পদ্ম প্রদর্শনীতে স্বহস্তে কাটা চরকার সূতা প্রদান করিয়াছিলেন। আমরা শুনিয়া অত্যন্ত আনন্দিত হইলাম যে তিনি ৮০ হইতে ১২০ নম্বরের চরকার সূতার জন্য প্রথম পুরস্কার প্রাপ্ত হইয়াছেন। বঙ্গ-মহিলার এ কৃতিত্বে বাঙ্গলার মুখ উজ্জ্বল হইয়াছে। আমরা এ আদর্শ বাঙ্গলার অন্যান্য মেয়েদের গ্রহণ করিতে বলি।

### মহিলা ব্যারিষ্টার—

কুমারী মিঠন টাটা বিলাতে ব্যারিষ্টারী পাশ করিয়া বোম্বাই হাইকোর্টে ব্যারিষ্টারদের তালিকাভুক্ত হইয়াছেন। ইনিই ভারতের সর্বপ্রথম মহিলা ব্যারিষ্টার।

### মাতৃ শিক্ষা—

আমেরিকার মেয়েদের আজকাল বিদ্যালয়ে মাতৃ শিক্ষা দেওয়া হইতেছে। কেমন করিয়া উপযুক্ত মা হইতে পারা যায়, কেমন করিয়া শিশু পালন করিতে হয়, স্বস্তানদের কেমন করিয়া শিক্ষা দিতে হয়, গৃহস্থালীর কাজকর্ম কেমন করিয়া চালাইতে হয়, এই সমস্ত তাহাদের শিক্ষান হইতেছে। রোগী-পশ্চিচর্যা কেমন করিয়া করিতে হয়, তাহাও তাহাদিগকে শিখান হইতেছে। এই সব মায়ের সম্ভান যে সাধারণতঃ দুর্বল হইবেনা, ইহা বলাই বাহুল্য। আমাদের দেশের মেয়েরা নিজেদের মাংস হইবার আগেই সম্ভানের মা হইয়া বসেন। এই সব মায়ের সম্ভান যে একালেই কাল-কবলে পতিত হইবে ইহা খুবই বাভাবিক

### ছাত্রীর কৃতিত্ব—

না থাকায় বৃথা

শ্রীমতী অরুন্ধতী সেন বেথুন স্কুল প্রত্যেকের বিভাগে সঙ্গীত পরীক্ষায় প্রথম স্থান অর্জিত করিয়া স্মার অশুতোষ মুখোপাধ্যায় প্রদত্ত স্বর্ণ-পদক প্রাপ্ত হইয়াছেন। শ্রীমতী অরুন্ধতী বরিশাল নিবাসী শ্রীযুক্ত সুরেন্দ্র নাথ সেন মহাশয়ের কন্যা। বাঙ্গালী মেয়ের এ কৃতিত্বে আমরা প্রীত হইলাম।

### বিদ্যালয়ে চরকা প্রচলন—

বিহার ও উড়িষ্যার ব্যবস্থাপক সভায় উক্ত প্রদেশের প্রত্যেক বিদ্যালয়ে দশ বৎসরের অধিক বয়স্ক ছাত্র ও ছাত্রীদের সূতা-কাটা শিক্ষা দেবার প্রস্তাব গৃহীত হইয়াছে। আমরা অন্যান্য প্রদেশের ব্যবস্থাপক সভার সভ্যগণকে সভায় এই প্রস্তাব উত্থাপন করিতে অনুরোধ করি।

### নারীহরণের মামলা—

রংপুরের শ্রীমতী বরদাসুন্দরী নামী জনৈক মহিলাকে অপহরণ করার অপরাধে নয় জন আসামীর কারাদণ্ড হইয়াছে। তিন জনের সাত বৎসর হিসাবে এবং ছয় জনের ছয় বৎসর হিসাবে কঠোর কারাদণ্ড হইয়াছে। আজকাল চারিদিক হইতে নারী অপহরণের সংবাদ আসিতেছে। এই সমস্ত অপহরণকারী দুর্কৃত্যগণের বিশেষ শাস্তি হওয়া দরকার। দেশের মা বোনদের জন্য আমরা সরকার ও দেশ-নেতৃবৃন্দের দৃষ্টি আকর্ষণ করি।

### বিশ্ববিদ্যালয়ে মহিলা—

কুমারমঙ্গলম নিবাসী শ্রীমতী রাধাভাই জমিন্দারনী মাস্ত্রাজ বিশ্ববিদ্যালয়ের সদস্য নির্বাচিত হইয়াছেন। মাস্ত্রাজ নারীসমাজের পক্ষে ইহা বিশেষ গৌরবের কথা।

লাভ হয় যে। ম'র্থে পাতি—

ব'লে। টি শিক্ষিত উচ্চ শ্রেণীর

এ স্থান আমার বড় প্রি উচ্চ সমিতি আজ কয়েক  
যেতে পারি না। মনেহইয়াছে। হিন্দু বালবিধবাদের  
এসে এখানেই দেখাই দিতে ই'হার দেশকে প্রবুদ্ধ  
বন্ধের মাঝে ন। ই'হার যে ভাবে কার্য আরম্ভ  
নাছেন, তাহা বেশ আশাপ্রদ। তবে  
দেখিতে হইবে ই'হার মধ্যে কোন উচ্চ অলতার  
সৃষ্টি না হইয়া, সম্পূর্ণ হিন্দুভাবে এই কার্য  
পরিচালিত হয়।

রাজপরিবারে শিক্ষার প্রসার—

আগরতলার মহারাজকুমার নবদ্বীপচন্দ্রের  
পৌত্রী কুমারী পুলিনা এবার প্রবেশিকা পরীক্ষা  
দিয়াছেন। ই'হার পূর্বে রাজপরিবারের আর  
কোন মহিলা বিশ্ববিদ্যালয়ের পরীক্ষা দেন নাই।  
আমরা আশা করি ইনি সম্মানে উত্তীর্ণ হইয়া  
পরিবারের মুখোজ্জ্বল করিবেন।

খনির তত্ত্বাবধানে মহিলা—

ইংলণ্ডের মনতানা নামক স্থানে মিস্ জনসন্  
নাম্নী একটি খেতাজমহিলার কয়েকটি হীরা ও  
সোনার খনি আছে। তাঁহার বাসস্থান হইতে  
খনিগুলি প্রায় দুই মাইল দূরে। মিস্ জনসন্ অতি  
প্রত্যাশে শয্যা ত্যাগ করিয়া, নিজে রন্ধনাদি করিয়া  
খাইয়া, পায়ে হাঁটিয়া দুই মাইল দূরবর্তী সেই খনিতে  
যান এবং শ্রমিকদের সহিত নিজে কাজ করেন।  
তাঁহার ব্যবসায়-বুদ্ধি এত প্রখর যে বহুস্থান হইতে  
বহু লোক তাঁহার নিকট ব্যবসায় কার্যে পরামর্শ  
গ্রহণ করিতে আইসে। মহিলার এ কৃতিত্ব  
বাস্তবিকই গৌরবের কথা।

শিশুদের পুরস্কার—

কলিকাতার শিশু-প্রদর্শনীক্ষেত্রে ১ম পুরস্কার  
পাইয়াছে একটি মাদ্রাসারী শিশু, ২য় পুরস্কার  
পাইয়াছে একটি ইউরোপীয়ান শিশু, ৩য় পুরস্কার  
পাইয়াছে একটি বাঙ্গালী শিশু। বাংলার শিশুদের  
অবস্থা কেমন ইহাতেই বোঝা যায়।

মহিলা কর্মী সংসদ—

আমরা ৭৮ নং সীতারাম ঘোষ ষ্ট্রীটস্থ মহিলা  
কর্মী সংসদের ১৯২২ সালের ১লা নবেম্বর হইতে  
১৯২৩ সালের ৩০শে জুন পর্যন্ত সময়ের আয় ব্যয়ের  
হিসাব পাইয়াছি। এই সংসদটি আমাদের জাতীয়  
আন্দোলনের অন্ততম নেত্রী শ্রীযুক্তা হেমপ্রভা  
মজুমদারের সাক্ষাৎ তত্ত্বাবধানে পরিচালিত।  
এই আয় ব্যয়ের হিসাবে দেখা যায় যে ১৯২২  
সালের ১লা নবেম্বর পর্যন্ত এই সংসদের তহবিলে  
৪০৭০।০ আট আনা জমা হইয়াছিল এবং ১৯২৩  
জুন মাসের ৩০শে জুন পর্যন্ত ব্যয়ও হইয়াছে ঐ  
পরিমাণ টাকা। বঙ্গীয় প্রাদেশিক রাষ্ট্রীয় সমিতির  
অডিটার শ্রীহরেন্দ্রমোহন সেনগুপ্ত এই আয় ব্যয়ের  
হিসাব পরীক্ষা করিয়াছেন। সংসদের পরিচালিকা  
কার্যবিবরণীতে সংসদের যে উদ্দেশ্য বিবৃত করিয়াছেন  
আমরা এস্থলে তাহা উদ্ধৃত করিলাম:—

মহিলাদের মধ্যে কংগ্রেস কার্যের প্রচার,  
তাঁহাদের মধ্যে সৃষ্টিভাবে শিক্ষাপ্রচার ও  
তাঁহাদের সর্বদীন উন্নতি বিধানের ব্যবস্থা করা  
মহিলা-কর্মীসংসদের কার্য। স্ত্রী ও পুরুষ লইয়া  
সংসার। স্ত্রী ও পুরুষের পরস্পরের সহায়তাতেই  
সংসারের সমস্ত কার্য নির্বাহ হওয়া প্রকৃতির  
বিধান; কিন্তু বর্তমানে স্ত্রীজাতি পুরুষের সহায়তা  
করা দূরে থাকুক, পুরুষের গলগ্রহরূপে পরিণত  
হইয়াছে। একদিন ছিল, যখন এই মাতৃজাতি  
সংসারের সমস্ত কার্য নির্বাহ করিত। লক্ষ্মী,  
সরস্বতী, অন্নপূর্ণা অর্থাৎ ধনভাণ্ডারের কর্তা, বিচার  
অধিষ্ঠাত্রী ও অন্নদাত্রী—এঁরা নারীজাতিই, পুরুষ  
নহে। শিক্ষার দ্বারা সমাজ গঠন, ধনের সংগ্রহ ও  
রক্ষা দ্বারা সমাজের স্থিতি এবং অন্নসংস্থান দ্বারা  
সমাজের জীবন রক্ষা—মাতৃজাতির দ্বারাই নিশ্চয়  
হইত! সেই মাতৃজাতি নিজ নিজ আদর্শ ও কর্ম  
হারাইয়া আজ সমাজের গলগ্রহ হইয়াছে। ইহার  
প্রতিকারকল্পে সংসদের প্রতিষ্ঠা। সংসদের কর্মী-  
গণ মহিলাদিগকে কর্মে ব্রতী করিয়া বাহাতে তাঁহারা



পুনরায় সংসারে স্বীয় আসন গ্রহণ করিতে পারেন  
সে রূপ বন্দোবস্ত করিবেন। সংসদের দুইটি বিভাগ  
— প্রচার ও গঠন। প্রচারের দ্বারা মহিলাগণকে  
'বর্তমান অবস্থা বুঝাইয়া দিয়া তাঁহাদিগকে তাহার  
প্রতিকার বিষয়ে উত্তোঙ্গী করাইবার চেষ্টা করা।  
তৎপরে মহিলাগণ মধ্যে যাহাদের কর্মে ইচ্ছা হয়,  
তাঁহাদের কর্মের বন্দোবস্ত করিয়া দেওয়া গঠন  
বিভাগের কার্য। রাষ্ট্রীয় সভা ( কংগ্রেস ) প্রথমতঃ  
প্রচারকার্য নারী-কর্মমন্দিরের যোগে করিয়া  
আসিতেছিলেন। তৎপরে ১৯২১ ইং এপ্রিল মাস  
হইতে এই মহিলা-কর্মীসংসদ সমস্ত কার্যভার  
গ্রহণ করিয়াছেন। গত সময়ের প্রচার কার্য দ্বারা  
দেশে মহিলাগণের মনে কর্মের বেশ আকাজকা  
জন্মিয়াছে! অতএব বর্তমানে গঠন বিভাগের  
দিকে বিশেষ মনোযোগ দেওয়া প্রয়োজন হইয়াছে।  
এযাবৎ গঠন বিভাগে কেবল চরকার প্রচলন হইয়া  
আসিয়াছিল, এখন আরও নানাপ্রকার গৃহশিল্পের  
বন্দোবস্ত করা হইয়াছে। তাহার তালিকা নিম্নে  
দেওয়া গেল :— ১। চরকার দ্বারা সূতা কাটা।  
২। তাঁতে বস্ত্র প্রস্তুত করা। ৩। সেলাই—কলে  
ও হাতে। ৪। কাটা কাপড়ের কাজ। ৫। সূতা  
দ্বারা কাপড়ের পাড় তোলা, কাপড়ের পাড় ছাপান  
প্রভৃতি আরও নানারূপ শিল্পের প্রচলনের চেষ্টা  
হইতেছে। আপাততঃ এই কয়টি বিভাগ থাকিবে।  
প্রচার বিভাগের কর্মীদিগকেও ভালরূপ শিক্ষা  
দেওয়ার জন্ত বন্দোবস্ত করা প্রয়োজন। সেজন্ত  
সংসদের একটি ভাল লাইব্রেরী থাকিবে। এ বিষয়ে  
সংসদ এযাবৎ জনসাধারণের যথেষ্ট সহায়তা  
পাইয়াছে। ইতিমধ্যে অনেক সংবাদপত্রের  
স্বাধিকারী ও অনেক গ্রন্থকার বিনামূল্যে পত্রিকা ও  
পুস্তকাদি দিতেছেন।

সংসদের পক্ষ হইতে কর্মীর জন্ত আস্থান করায়  
মানোস্থান হইতে কর্মীগণ আসিয়া যোগদান করিতে  
ছেন। কর্মীগণ-মধ্যে যার অবস্থা ভাল, নিজ খরচে

থাকিয়া দেশের ও সমাজের সেবা করিতে ইচ্ছা  
করেন, তিনি নিজ খরচে থাকিতে পারেন। এতদ্বা-  
ব্যতীত কর্মীগণের সর্বপ্রকার খরচ সংসদ বহন  
করিয়া থাকেন।

সময়ের সন্ধ্যাবহারের বন্দোবস্ত না থাকায় পূর্থা  
সময় নষ্ট হেতুই আমাদের দরিদ্রতা, এবং প্রত্যেকের  
সময়ের সন্ধ্যাবহার দ্বারাই এই দরিদ্রতার প্রতিকার  
হইতে পারে। উল্লিখিতরূপ কর্মদ্বারা অবসর সময়ের  
সন্ধ্যাবহার করিতে শিখিলে নারীজাতি সমাজের  
গলগ্রহ না হইয়া সমাজের সহায় হইতে পরিবে।

আমরা এই সংসদের প্রতি আমাদের সহায়তা  
জানাইতেছি।

পাবনা হিমাইতপুর সংসদ বালিকা  
বিদ্যালয়—

গত ইং ১৯২০ সালে পাবনা জেলার হিমাইতপুরে  
উক্ত বিদ্যালয়টি প্রতিষ্ঠিত হইয়াছে। স্থানীয়  
'সংসদের' প্রতিষ্ঠাতা এবং একজন ব্রহ্মচারিণী  
ভদ্রবিধবা বিদ্যালয়টি প্রতিষ্ঠা করেন। প্রথমে  
১২ জন ছাত্রী লইয়া বিদ্যালয়ের কার্য আরম্ভ হয়,  
একুণ্ডে ছাত্রী সংখ্যা ৮০। এই বিদ্যালয়ে জাতি বর্ণ  
নির্কিংশে বালিকাগণকে বিনা বেতনে লেখাপড়া  
ও গৃহশিল্প শিক্ষা দেওয়া হয়। বর্তমান ছাত্রীগণের  
মধ্যে ৫ জন কুস্তকার, ২ জন নমঃশূদ্র, ১ জন চর্মকার,  
৯ জন মুসলমান, ১৮ জন শ্রমিক, ১০ জন ব্রাহ্মণ,  
৮ জন কায়স্থ, ২২ জন বৈশ্য। ছাত্রীগণকে  
লেখাপড়ার সঙ্গে সঙ্গে সূতা কাটা, সীবনবিষ্ঠা,  
রন্ধনবিষ্ঠা শিক্ষা দেওয়া হইতেছে। বর্তমানে  
বিদ্যালয়টি স্থানীয় সংসদ ভবনে আছে। অর্থাৎ  
বশতঃ নিজের গৃহ নির্মাণ করা অথবা বিস্তৃত স্থান  
পাওয়া যাইতেছে না। দেশের সংকর্মে দানশীল  
ব্যক্তিগণকে এই সদস্থষ্ঠানটিকে সহায়তা করিতে  
অধুরোধ করি। আমরা মাতৃ জাতির কল্যাণ-কামী  
এই প্রতিষ্ঠানটির দীর্ঘজীবন কামনা করি।

# রন্ধন বিদ্যা

## “মুড়ো ঘণ্ট”

শ্রীমতী পুষ্পকুম্ভলা রায়।

( চট্টলবাদিনী )

উপাদান :—চিড়ে বা আতপ চাউল, কুই মাছের মুড়ো, ঘি, তেল, হলুদ, জিরে, ধনে, লবণ, লক্ষা, তেজপাতা, গরম মসলা।

মাছের মুড়োটিকে হলুদ লবণ মাখাইয়া খুব পরিষ্কার করিয়া ধুইয়া লইতে হইবে। কানের অংশের ফুলগুলি পরিষ্কার করিবার সময় ফেলিয়া দিতে হইবে। চিড়ে ( বা আতপ চাউল ) গুলিকে ভাল করিয়া পরিষ্কার করিয়া আলাদা পাত্রে রাখিয়া দিয়া বাটনার কাঁজগুলি সারিয়া লইতে হইবে। তবে গরম মসলাগুলি পরে বাটিয়া দিলে ভাল হয়।

পাকপ্রণালী :— প্রথমতঃ কড়াতে তেল চাপাইয়া মাছের মুড়োটিতে লবণ হলুদ মাখাইয়া ভালরূপ ভাজিয়া লইতে হইবে। ভাজা হইয়া গেলে একটা পাত্রে রাখিয়া দিয়া কড়াতে সামান্য ঘি চাপাইয়া চিড়েগুলি এমন একটু ভাজিয়া লইতে হইবে, যাহাতে ফুটিয়া না যায় অথচ সিদ্ধ করিলে গলিয়াও না যায়। ( চিড়েগুলি যেরূপ ভাজা হইল এরূপ চাউলের করিতে হইলে আতপ চাউলগুলিকে

এ ওজনে ভাজিয়া লইতে হইবে ) ভাজা হইয়া গেলে আলাদা পাত্রে রাখিয়া দিয়া কড়াতে তেল চাপাইয়া দুইটা শুকনা লক্ষা ও তেজপাতা দিয়া পরে জিরে, ধনে বাটা ও হলুদকে তেলের উপর ছাড়িয়া দিয়া ভাজিয়া মাছের মুড়োটিকে তার মধ্যে দিয়া ভাজিয়া দিয়া আরও একটু ভাজিয়া লইয়া সামান্য একটু জল দিয়া নাড়িতে হইবে। যখন দেখিবে জল শুকাইয়া উঠিতেছে তখন চিড়ে ভাজা ( বা চাউল ভাজা ) গুলি ছাড়িয়া দিয়া নামাইবার পূর্বে শুকো শুকো অবস্থায় থাকে সিদ্ধও ভালরূপে হয় এই ওজনে জল দিয়া জল যখন ফুটিয়া উঠিবে তখন মাপ মত লবণ দিয়া সিদ্ধ করিতে হইবে। এইটা লক্ষ্য থাকে যেন হাতে ছেকা না লাগে এ ভাবে খুস্তীর সাহায্যে নাড়িতে হইবে। যখন দেখিবে জল শুকাইয়া গিয়াছে, নামাইবার পূর্কবস্থায় জল মাখা মাখা অবস্থা আছে তখন গরম মসলা গুলি রাখিয়া ঘি এর সঙ্গে মিশাইয়া ঘণ্টের মধ্যে দিয়া নামাইয়া ভালরূপ ঢাকনার সাহায্যে বন্ধ করিয়া দিলে “মুড়োঘণ্ট” তৈয়ার হইল।

## শক্তি ও ভাগ্য

শ্রীমতী আর্মোদিনী ঘোষ।

শক্তি কহে—অয়ি ভাগ্য, চপলা কমলা  
কেন হেন বিপরীত গতি,  
নয়নে নাহিক দৃষ্টি তবুও চঞ্চলা  
স্থির নাহি রহ এক রতি !  
দীন মর্তবাসী করে প্রসাদ কামনা  
আঁধি জলে, নাহি চাহ ফিরে,

হেম তুলিকার রাগে মোহিয়া কামনা,  
হাসি ফের, স্বপনের তীরে !  
ভাগ্য কয়—মিথ্যা দোষ, আড়ের কারায়,  
অলসের কল্পনার জালে,  
ভীক নারে উর্ণা ভোরে বাধিতে আমার  
শক্তিমান বাঁধে ভুজবলে !

# বৎসরের নূতন দিনে

[ রচনা—শ্রীমতী বেলা গুহ ]

বৎসরের এই নূতন দিনে  
গানটী তোর আজ ধর-না রে ;  
নূতন আলোয় প্রাণখানি তোর  
ভর-না রে আজ ভর-না রে !  
পুরাণো যারইল পাছে,  
হৃদয়-পাতে আঁকাই আছে—  
অতীতকে তুই নূতন মাঝে  
সফল আজি কর-না রে !  
বৎসরের এই নূতন দিনে  
গানটী তোর আজ ধর-না রে !!  
নূতনকে আজ কর-না বরণ,  
নূতন পথে চলুক চরণ—  
নূতন আলোর চৌখ মেলে তুই  
নূতনকে আজ বর-না রে !

বৎসরের এই নূতন দিনে  
গানটী তোর আজ ধর-না রে !!  
প্রাণ-সাগরে চলছে সবাই  
নূতন পথের যাত্রী রে,—  
অতীত যে ভাই সকল জানের,  
সকল স্মৃতির যাত্রী রে !  
খেলছে হাওয়া উঠছে যে ঢেউ,  
লুকিয়ে আজি থাকিস-নে কেউ ;  
অনন্ত এই প্রাণ-সাগরে  
ঝাপ দিয়ে আজ পড়-না রে !  
নূতন মাঝে প্রাণ লয়ে তুই  
গানটী তোর আজ ধর-না রে !!

—oo—

[স্বর ও স্বরলিপি—শ্রীমতী মোহিনী সেন গুপ্তা]

হাঁয়ী ।

যোগীয়া—চিমে-তেতাল।

II { সা<sup>০</sup> -মা<sup>১</sup> -সা<sup>২</sup> ঝা<sup>৩</sup> | মা<sup>১</sup> -গমা<sup>২</sup> মা<sup>৩</sup> I পা<sup>০</sup> দা<sup>১</sup> -পদা<sup>২</sup> -ণা<sup>৩</sup> | দা<sup>০</sup> -পা<sup>১</sup> -দা<sup>২</sup> মা<sup>৩</sup> |  
ব ০ ২ স রে ষ এ ০ ই নু ত ০ ০ নু দি ০ ০ নে

I মা<sup>০</sup> -সা<sup>১</sup> -নসা<sup>২</sup> ঝা<sup>৩</sup> | সা<sup>১</sup> -নসা<sup>২</sup> দা<sup>৩</sup> -পদা<sup>০</sup> I পা<sup>১</sup> -মপা<sup>২</sup> গা<sup>৩</sup> -মা<sup>০</sup> | গমা<sup>১</sup> -পদা<sup>২</sup> -পমা<sup>৩</sup> -গমসা<sup>০</sup> |  
মা ০ ০ নু টী তো ০ রু আ ০ জু ধ ০ রু না ০ রে ০ ০ ০ ০ ০ ০ ০

০                    ১                    ২'                    ৩  
 | সা-ঝা ঞ-ৱা | গমা গা-ঝা-সৱা I না-ঝা-সৱা সনা | দা না-সৱা-ৱা |  
 নৃ ০ ত নৃ        আ ০ লো ০ ঞ .        আ ০ ৭, খা ০        নি তো ০ ঞ .

০                    ১                    ২'                    ৩  
 | ঞা-সঝা মগা পা | পা-মা-দা-ৱা I পমা-গমা গমা-পা | গা-মা-গা-ঝসৱা } II  
 ত ০ ঞ নৱা ০ রে        আ ০ ০ জ্ঞ        ড ০ ০ ঞ নৱা ০        রে ০ ০ ০ ০

১ম অস্তুরা ।

II { ০                    ১                    ২'                    ৩  
 মা-গা মা পা | দা না-ঝা সৱা I সা না-সৱা ঞা | সা-না-সৱা-ৱা  
 পু ০ ঞা গো        ঞা ঞ ০ ই        ল পা ০ ০        হে ০ ০ ০

০                    ১                    ২'                    ৩  
 | দপা মা-পা-দা | না-সৱা ঞা-সৱা I না দা গা-দা | দা-মা পা-দমা  
 হ দ ০ ঞ        পা ০ তে ০        ঞা কা ই ০        আ ০ হে ০ ০

০                    ১                    ২'                    ৩  
 | সা-না সা-ঝা ঞা | গা-মা গমা-গমা ঞা I সা না-ঝা-ৱা | না-দা সা-ৱা |  
 ঞ ০ তী ০ ত,        কে ০ তু ০ ই        নৃ ত ০ নৃ        মা ০ ঞে ০

০                    ১                    ২'                    ৩  
 | মা পা-দা-ৱা | দা-মা পা-ৱা I মা-গমা মপদা-নসৱা | দা-পা-মগা-ঝসৱা } |  
 স ফ ০ লু        আ ০ জি ০ ক ০ ঞ নৱা ০ ০ ০ ০        রে ০ ০ ০ ০ ০

“বৎসরের এই.....ধন্-না রে”—হুঁটা পংক্তির স্বরলিপি পূর্ববৎ II

২য় অস্তুরা ।

II { ০                    ১                    ২'                    ৩  
 সা না-দা-ৱা | পা মা-দা-পা I না-ঝা-ৱা সা | না-সৱা-সৱা-ৱা |  
 নৃ ত ০ নৃ        কে আ ০ জ্ঞ        ক ০ ঞ না        ব ০ ঞ ৭

০                    ১                    ২'                    ৩  
 | দা মা-গা-মা | ঞা-না-সৱা সা I দা-গা দা-ৱা | পা মা-গা-মা |  
 নৃ ত নৃ ০        প ০ ০ খে        চ ০ লু ০ ক        চ ঞ ০ ঞ

। সা<sup>০</sup> - ঝা<sup>১</sup> মর্গা<sup>২</sup> - মা<sup>৩</sup> | গা<sup>১</sup> - ঝা<sup>২</sup> নর্গা<sup>৩</sup> - ঝা<sup>৩</sup> | সা<sup>১</sup> - না<sup>২</sup> - সা<sup>৩</sup> দা<sup>৩</sup> | পা<sup>১</sup> - গমা<sup>২</sup> - পপা<sup>৩</sup> |  
 ন<sup>০</sup> ত<sup>০</sup> ন<sup>০</sup> আ<sup>০</sup> লো<sup>০</sup> য<sup>০</sup> চো<sup>০</sup> খ<sup>০</sup> মে<sup>০</sup> লে<sup>০</sup> ভু<sup>০</sup> ই<sup>০</sup>

। পা<sup>০</sup> গা<sup>১</sup> - দা<sup>২</sup> - পা<sup>৩</sup> | মা<sup>১</sup> গা<sup>২</sup> - মা<sup>৩</sup> - পা<sup>৩</sup> | ঝা<sup>১</sup> - গমা<sup>২</sup> সর্না<sup>৩</sup> - দপমা<sup>৩</sup> | গদা<sup>১</sup> - পমা<sup>২</sup> - গা<sup>৩</sup> - ঝসা<sup>৩</sup> |  
 ন<sup>০</sup> ত<sup>০</sup> ন<sup>০</sup> কে<sup>০</sup> আ<sup>০</sup> ক<sup>০</sup> ব<sup>০</sup> র<sup>০</sup> না<sup>০</sup> ০০০ রে<sup>০</sup> ০০ ০ ০০

“বৎসরের এই.....ধর-না রে”—পর্যাপ্ত দু’টি পংক্তির স্বরলিপি পূর্ববৎ II

সঞ্চারী ।

II { মা<sup>০</sup> - গমা<sup>১</sup> গা<sup>২</sup> - দা<sup>৩</sup> | পা<sup>১</sup> গা<sup>২</sup> - মা<sup>৩</sup> ঝা<sup>৩</sup> | গমা<sup>১</sup> - গমা<sup>২</sup> পা<sup>৩</sup> | দা<sup>১</sup> - মা<sup>২</sup> - পা<sup>৩</sup> |  
 প্রা<sup>০</sup> ০ ৭<sup>০</sup> সা<sup>০</sup> ০ গ<sup>০</sup> . রে<sup>০</sup> ০ চ<sup>০</sup> ল<sup>০</sup> ছে<sup>০</sup> ০০ স<sup>০</sup> বা<sup>০</sup> ০ ই<sup>০</sup> ০

। গা<sup>০</sup> - মা<sup>১</sup> মা<sup>২</sup> - পা<sup>৩</sup> | মা<sup>১</sup> - পা<sup>২</sup> ঝা<sup>৩</sup> - গমা<sup>৩</sup> | পা<sup>১</sup> - মা<sup>২</sup> গা<sup>৩</sup> - ঝা<sup>৩</sup> | গা<sup>১</sup> - ঝা<sup>২</sup> - সা<sup>৩</sup> - পা<sup>৩</sup> |  
 ন<sup>০</sup> ০ ত<sup>০</sup> ন<sup>০</sup> : গ<sup>০</sup> ০ খে<sup>০</sup> ০ র<sup>০</sup> যা<sup>০</sup> ০ জী<sup>০</sup> ০ রে<sup>০</sup> ০ ০ ০

। গা<sup>০</sup> - ঝা<sup>১</sup> সা<sup>২</sup> - নসা<sup>৩</sup> | দা<sup>১</sup> মা<sup>২</sup> - গদা<sup>৩</sup> - পা<sup>৩</sup> | দা<sup>১</sup> মা<sup>২</sup> - পা<sup>৩</sup> - দপা<sup>৩</sup> | দা<sup>১</sup> না<sup>২</sup> - সঝা<sup>৩</sup> - সা<sup>৩</sup> |  
 ম<sup>০</sup> ০ তী<sup>০</sup> ০ ত<sup>০</sup> যে<sup>০</sup> ভা<sup>০</sup> ০ ০ ই<sup>০</sup> স<sup>০</sup> ক<sup>০</sup> ০ ০ ল<sup>০</sup> জা<sup>০</sup> নে<sup>০</sup> ০ ০ র<sup>০</sup>

। ঝা<sup>০</sup> ঝা<sup>১</sup> - মা<sup>২</sup> - পা<sup>৩</sup> | পা<sup>১</sup> দা<sup>২</sup> - সা<sup>৩</sup> - নসা<sup>৩</sup> | দা<sup>১</sup> - গা<sup>২</sup> দপা<sup>৩</sup> - মা<sup>৩</sup> | ঝা<sup>১</sup> - গা<sup>২</sup> - মা<sup>৩</sup> - পা<sup>৩</sup> |  
 স<sup>০</sup> ক<sup>০</sup> ০ ল<sup>০</sup> স্ব<sup>০</sup> খে<sup>০</sup> ০ ০ র<sup>০</sup> ধা<sup>০</sup> ০ জী<sup>০</sup> ০ রে<sup>০</sup> ০ ০ ০

আভোগ ।

। { সা<sup>০</sup> - ঝসা<sup>১</sup> ঝা<sup>২</sup> - মা<sup>৩</sup> | মা<sup>১</sup> - গা<sup>২</sup> গঝা<sup>৩</sup> মা<sup>৩</sup> | পা<sup>১</sup> - দা<sup>২</sup> গা<sup>৩</sup> - দা<sup>৩</sup> | পা<sup>১</sup> - গা<sup>২</sup> মা<sup>৩</sup> মা<sup>৩</sup> |  
 খে<sup>০</sup> ০ ল<sup>০</sup> ছে<sup>০</sup> ০ হা<sup>০</sup> ০ ৫০ য়া<sup>০</sup> উ<sup>০</sup> ঠ<sup>০</sup> ছে<sup>০</sup> ০ যে<sup>০</sup> ০ চে<sup>০</sup> উ<sup>০</sup>

। দা<sup>০</sup> ঝা<sup>১</sup> সা<sup>২</sup> - নসা<sup>৩</sup> | না<sup>১</sup> - দা<sup>২</sup> পা<sup>৩</sup> - পা<sup>৩</sup> | মা<sup>১</sup> - দা<sup>২</sup> দা<sup>৩</sup> - মা<sup>৩</sup> | দা<sup>১</sup> - না<sup>২</sup> নসা<sup>৩</sup> সা<sup>৩</sup> |  
 লু<sup>০</sup> কি<sup>০</sup> হে<sup>০</sup> . ০০ আ<sup>০</sup> ০ জি<sup>০</sup> ০ খা<sup>০</sup> ০ কি<sup>০</sup> স<sup>০</sup> নে<sup>০</sup> ০ কে<sup>০</sup> উ<sup>০</sup>

০ ১ ২ ০  
 | সাঁ ঝাঁ -সঁঝাঁ ঝাঁ | মাঁ -পাঁ মাঁ -র্গাঁ I ঝাঁ -র্গঁঝাঁ নসাঁ -ঝাঁর্গাঁ | মাঁ -র্গাঁ -ঝাঁ সাঁ |  
 অ ন ০ নু ত এ ০ ই ০ ঐ ০ ৭ ০ ৭ ০ ০ ০ গ ০ ০ ০ রে

০ ১ ২ ৩  
 | মা -পা ঝাঁ -না | সাঁ না -সাঁ -না I দাঁ -পণা দপা -মা | গাঁ -ঝাঁ -সাঁ -না |  
 বাঁ প্ দি ০ রে আ ০ জ্ প ০ ড্ না ০ ০ ০ রে ০ ০ ০

০ ১ ২ ৩  
 | ঝাঁ মা -পা -না | দাঁ -না না -সাঁ I ঝাঁ -নসাঁ নঝাঁ সঁনা | দাঁ -গাঁ -দাঁ পা |  
 নু ত ০ নু মা ০ ঝে ০ ঐ ০ ৭ ০ ৭ ০ ০ ০ তু ০ ০ ০ ই

০ ১ ২ ৩  
 | মা -সাঁ -নসাঁ ঝাঁ | সাঁ -নসাঁ মদাঁ -ণদাঁ I পা -মপা গমা -পদাঁ | পমা -গাঁ -ঝাঁ -সাঁ II II  
 গা ০ ০ নু টী তো ০ র্ আ ০ ০ জ্ ধ ০ ০ ০ না ০ ০ ০ ০ রে ০ ০ ০ ০

## গান

### শ্রীপ্রভাসচন্দ্র প্রামাণিক ।

ওরে আয় তোরা আয়,—

মায়ের চরণে

অর্ঘ্য দেবার

শুভ খ'ণ ব'য়ে যায় ।

স্বরভি কুম্বে অঞ্জলি ভ'রে

কে পূজিবি তোরা আয় আয় ওরে,

চিত্ত ভরিয়া ভকতি-বিস্ত

কে দিবি মাতার পায় !

তরুণ উষার অরুণ-কিরণ

. জাগায়ে দিয়াছে সবে,

এখনো কে বল পূজা হোম ছাড়ি

নিদ্রা মগন রবে ;

আজিকে নবীন প্রভাতী লগনে

মঙ্গলশাখ বাজিছে সঘনে,

মন্দির দ্বার মুক্ত হয়েছে

ভক্ত ধে গান গায়


মাতৃ-মন্দির



“বীর নারী চাহে বীর”







২য় বর্ষ

{ জ্যৈষ্ঠ—১৩৩১ }

২য় সংখ্যা

সঙ্কল্প

শ্রীমতী প্রিয়ম্বদা দেবী।

“অতুলনা ভারত ললনা,” আজি তারি স্মৃতি সুখে,  
স্বপন-বিহ্বল হৃদি চলিবেনা চাহিয়া পশ্চাতে,  
আজিকে নূতন বল বাঁধিতে হইবে প্রতি বৃক্ষে,  
যেতে হবে আগুসরি অজানায় অচেনা প্রভাতে।

হয়ত পাবেনা আলো, বিষম বাজিবে পায়ে পায়ে  
পথের তীখণ কাঁটা, স্নকঠিন নিষ্ঠুর কাঁকর,  
প্রতিদিন বেদনার পরিচয়, নব নব ঘায়ে,  
স্নান হ'য়ে যাবে চোখে আনন্দের রবিশশী-কর !

তবুও চলিতে হবে, লক্ষ্য খেন ব্যর্থ নাহি হয়,  
জীবন ভরিয়া ওঠে ছঃখব্রত করি উদযাপন  
যে সুখের স্বাদ শুধু পেয়ে গেছে মহৎ হৃদয়,  
ওগো ভারতের নারী, তারি লাগি প্রাণ ক'রে পণ !

# নারীর শিক্ষা

শ্রীমতী মহামায়া দেবী ।

নারীর শিক্ষা বলতে খুব বেশী লেখা পড়া শিখে একজন খুব বড় সাহিত্যিক গড়ে ওঠাকে বা অসাধারণ পাণ্ডিত্যজ্ঞান অথবা আধুনিকের ফ্যাসানামুযায়ী বক্তৃতায় পারদর্শিনী হওয়াকে বুঝি না। যদিও আজকাল সেটি অনেকেরই বাহ্যনীয় এমন কি আইনজ্ঞ হয়ে আদালতে লড়তেও অনেকে প্রস্তুত হতে চাইছেন বা হচ্ছেন। কিন্তু অস্ত্রাণ দেশের মেয়েরা পুরুষের সঙ্গে সমান ওজনে যতই কেন চলতে থাক না, আমাদের এই ভারতের মেয়েদের জীবনের সার্থকতা সেদিক দিয়ে আদৌ নাই। পরামুর্করণে চলতে চেষ্টা করা ধৃষ্টতা, তার ফলে পতন অবশ্যস্তাবী।

আজ নারীর শিক্ষা বিশেষ করেই যে প্রয়োজন হয়েছে তাতে কোনও ভুল নাই। কিন্তু এ পর্য্যন্ত নারী যে ভাবে শিক্ষা পেয়ে এসেছে সে শিক্ষার আর মোটেই প্রয়োজন নাই। নারী লেখা পড়া শিখেছেন অনেক—যার ফলে গল্প পল্প নাটক নভেল লেখবার কল্পনায় তাঁদের মাথা ভরে গেছে, অর্থাৎ সভ্যতা ও কায়দাকানুন অস্তঃপুরে প্রবেশ করে ভারতের আদর্শকে ঢেকে ফেলেছে, কিন্তু আর নয়, আজ এসব অভিনয়ের পর্দা এইখানেই পড়ুক। এখন কবি, গ্রন্থকার বা বক্তার বিশেষ আর প্রয়োজন নাই; এখন চাই একনিষ্ঠ শিক্ষয়িত্রী। কিন্তু খুব বড় একটা মেয়েস্কুল খুলে কিছু লেখা পড়া মাত্র শিখিয়ে ছেড়ে দেওয়ার মত এমন শিক্ষয়িত্রী যে আর চাইনা একথা পূর্বেই বলেছি। এতদিন নারী যা শিখেছে, বলেছে ও করেছে তা কেবল প্রাণের উত্তেজনার বশে, তা থেকে নারীর মস্তিষ্ক সামান্য খুলতে পারে কিন্তু নারীর স্বরূপ জাগেনি, ভারতের নারীরূপে তাদের নারীত্বের বিকাশ হয়নি।

নারীর সাহিত্যে যে আদৌ দরকার নাই, লেখা পড়া যে তাদের শিখতে হবেনা একথা আমি বলছি না। লেখা পড়া চাই, লেখা পড়াকে প্রথম অবলম্বন করেই নারী-শিক্ষা প্রবর্তন করতে হবে। কিন্তু এইখানেই শিক্ষা পর্য্যবসিত হবে না বা এই লেখা পড়াই কেবল একমাত্র হবে না, এই কথাই বলছি।

নারীকে সংযমী হতে হবে এবং এই সংযম শিক্ষা নারীকে গোড়া থেকে দিতে হবে। এই সংযমের অভাবেই নারীর অধঃপতন আজ এত স্বাভাবিক হয়ে পড়েছে।

সংযম শিক্ষা করতে হলে নারীকে প্রথম ব্রহ্ম-চর্যাবলম্বন করতে হবে এবং তার জগু উপযুক্ত শিক্ষয়িত্রী চাই। এই সমস্ত নারীর অধঃপতন রোধ করে দাঁড়াবার জগু কয়েকজন ত্যাগী সন্ন্যাসিনী নারীর প্রয়োজন। সংযমী না হলে সংযম শিক্ষা দেবে কে? কিন্তু বিশ্বজুড়ে নারীকে সংসার-বিরাগী সন্ন্যাসিনী করবে বলে, যে এমন শিক্ষয়িত্রী চাই তা নয়; চাই নারীকে সংযম শিক্ষা দেবে বলে, তাদের চরিত্র গড়ে তুলবে বলে। কিন্তু সংযম শিক্ষা করতে হবে বলে যে নারী কর্মে বিমুগ্ধ হয়ে বসে থাকবে তা নয়। সঙ্গে সঙ্গে কর্মপদ্ধতিও আয়ত্ত করতে হবে, নারীর সর্ধকরী বিজ্ঞাও চাই। কখনও যদি পুরুষের সাহায্য হতে নারীকে বঞ্চিত হতে হয় তখন যেন নারী ধূলোয় লুটিয়ে না পড়ে, সে দিক দিয়েও গোড়া থেকে গড়ে ওঠা দরকার।

আজ আমাদের দেশে বোধ হয় তিনভাগ নারী নিরক্ষরী হয়ে, পরের গলগ্রহস্বরূপ অতি দীন ও হীন ভাবে কাল কাটাচ্ছে। এমন কোনও কাজ তারা জানেনা যার দ্বারা মাত্র নিজেকেও স্বাধীনভাবে

চালিয়ে নেয়। অন্তের মন জুগিয়ে, অন্তের মুখ চেয়ে, ভিক্ষা করে নিজেকে হেলায় অন্তের পায়ে লুটিয়ে দেয়। সন্তানাদি নিয়ে যে অন্তকে ভারগ্রস্ত করে তার যে কি শোচনীয় অবস্থা তা চেখে না দেখলে বলে বোঝাবার নয়। অর্থের জন্ত নারীকে এমন দুর্দশাগ্রস্ত আর যাতে না হতে হয় তার ব্যবস্থা করা উচিত।

ব্রহ্মচর্যাব্রত পালনে নারী-মনের যা কিছু নীচতা, হীনতা, দীনতা সমস্তকে ধুয়ে মুছে তাকে বিমল পরিশুদ্ধ করে তুলে অসীম শক্তিশালিনী ও সব বিষয়ে পারদর্শিনী করে তুলবে এই আমার দৃঢ় বিশ্বাস, এই আমার অমুভূতি।

নারীর চরিত্র যদি গড়ে উঠে তবে তাদের বিবেক জাগবে, বিবেক জাগলে তারা স্বার্থে অন্ধ হবে না, পরার্থে জীবন দিতে অগ্রসর হবে, তাদের মনে আপনা হতেই সাম্যভাব আসবে। নারীর যা স্নেহ-স্নেহময় হৃদয় আছে তার উপর আর বেশী দরকার হবে না। সেই হৃদয়ের উপর চরিত্র গড়লে মণিকাঞ্চনের যোগ হবে। তখন তাকে আর বলে দিতে হবে না যে, সেবা শুক্রমা, ছেলে লালনপালন, দয়াদর্শন, গৃহস্থালীর যা কিছু নিয়ম গঠন ও পরিচালনার ভার তোমার। নারীর স্বভাবানুযায়ী এ সমস্ত ভার তাদের হাত হতে স্থলিত হবার সম্ভাবনা আদৌ নাই, তেমনি হাতে তুলে দেবারও দরকার হবে না।

এখন কথা হচ্ছে, নারী-শিক্ষা প্রবর্তন করতে হলে বালিকাবস্থা থেকেই করা উচিত। প্রথম জীবন এক সংস্কারে কাটিয়ে নুতন সংস্কারে উঠে দাঁড়ান বড় শক্ত, সে সামর্থ্য অনেকেরই নাই। বিশেষ নিম্নাভিমুখী গতিকে উর্দ্ধমুখে তুলে ধরা কঠিন ব্যাপার। তাই বাল্যাবস্থাতেই সমস্ত রকম শিক্ষার প্রশস্ত সময়।

প্রথম কিছু লেখা পড়া শিক্ষা দিতে হবে যাতে পুস্তকাদি পড়ে ভাব গ্রহণে সক্ষম হতে পারে, সঙ্গে

সঙ্গে গীতা, উপনিষদ, রামায়ণ মহাভারত আদি পুরাণোতিহাস স্তব স্তোত্রও পড়াতে হবে—ধর্মভাব এবং আত্মচিন্তা জাগাবার জন্ত, ভূগোল, সাহিত্য ভারতীয় ইতিহাসাদিও কিছু কিছু পড়ান চাই—নিজের দেশকে নিজের জাতকে জানবার জন্ত, বোঝবার জন্ত, কিন্তু এরও সঙ্গে থাকবে নানাবিধ শিল্প—নারীকে স্বাবলম্বিনী হবার জন্ত। এ সমস্তকে কেন্দ্র করে ধরবে নারীর সংঘম সাধনা। কিন্তু জোরজুলুমে কাকেও কোন শিক্ষায় ব্রতী করান আদৌ যুক্তিসঙ্গত নয়। তাদের স্বাধীনভাবে হাসতে খেলতে দিয়ে, সেই হাসি খেলার ভিতর দিয়ে তাদের শিক্ষার পথে আকর্ষণ করা দরকার। কঠিন পীড়নে তাদের আনন্দের উৎস যেন শুকিয়ে না যায়।

মনে রাখতে হবে নারীকে পূর্ণনারী, সত্যকার নারী অর্থাৎ মানবা করে তুলতে হলে দশ বা বার বছর মাত্র সময় দিলে চলবে না। এর জন্ত কিছু সময় চাই। নিজের অবস্থাকে বুঝতে হলে অন্তত কুড়ি বছরও সময় দরকার হয়। তারপর তারা ইষ্টানিষ্ট বিচার করে নিজের অভিষ্ট পথ ঠিক করে নিতে পারে। খোলা কথা,—মেয়েদের বিবাহ কিছুদিন বন্ধ রাখতে হবে।

আমাদের দেশের আধুনিক মেয়েস্কুলগুলি উঠে গিয়ে তার পরিবর্তে যদি এক একটি নারী-সাধনাশ্রম গড়ে ওঠে তবেই ভবিষ্যতে নারীর গৌরব জগতে আবার দেখবার আশা করা যেতে পারে। কিন্তু সে আশা ছুরাশা বলেই মনে হয়, কারণ এভাবে নারী-শিক্ষা প্রবর্তনকারিণী নারী আমাদের দেশে কই? নারীর শিক্ষা দেবে নারী, নচেৎ নারীর শিক্ষা সর্বাঙ্গসুন্দর হওয়া সম্ভব নয়। এখানে বিপুল অর্থের প্রয়োজন হয় না, সামান্য কিছু অর্থ সাহায্যেই হতে পারে। প্রয়োজন—এক একস্থানে একপ্রাণ একআদর্শের দু তিনজন ত্যাগী সন্ন্যাসিনী শিক্ষয়িত্রী। অর্থ সাহায্য এর তুলনায় ঢের সহজ, এমনি শিক্ষয়িত্রীরই আজ একান্ত অভাব।

## প্রার্থনা

শ্রীমতী চারুলতা দেবী ।

বাসনার তৃপ্তি হোক—এ কথা বলি না আমি,  
চাহিনাক পুরাতে কামনা,  
আমি চাই যুগে যুগে তোমারে ডাকিতে স্বামী,  
প্রাণ চলে করিতে সাধনা ।  
চির প্রবাহিত রবে আমার অন্তর মাঝে  
ভালবাসা - স্বরণের নদী,  
নিভৃত মরম তলে শুধু এই সাধ আছে,  
স্নেহভরে পূর্ণ কর যদি !

সহস্র বাসনা আশা হৃদয়ের স্তরে স্তরে  
জেগে উঠে প্রতি পলে পলে,  
সীমা হারা অভিলাষ শতযুগ-যুগান্তরে,  
প্রাণে শুধু মহাতুষা ঢালে ;  
সকলি পুরিয়া যাক—কভু আমি এ মিনতি  
করিব না চরণে তোমার,  
যাচি শুধু করযোড়ে ওগো জগতের পতি,—  
মতি থাক তোমারে আমার ।

## পরাজিতা

( গল্প )

শ্রীমতী প্রভাবতী দেবী সরস্বতী ।

( ১ )

“বাবা, আমি ঠিক ও বাড়ীর ওদের মত একটা বেড়াল নেব, ইয়া, তোমায় আজই এনে দিতেই হবে ।”

আদরিণী কন্যা মেনা আসিয়া পিতার হাতখানা জড়াইয়া ধরিল । হরি ঘোষ চোখ হইতে স্তম্ভপূর্ণে ভাঙ্গা চশমা জোড়া খুলিয়া, খাপে বন্ধ করিতে করিতে বলিলেন “কোথায় কাদের বেড়াল দেখলি মা ?”

বালিকা রোদনবিজড়িত কণ্ঠে বলিল “ওই যে ওদের ।”

কথাটা ঠিক বুঝিয়াও পিতা অজ্ঞের মতই বলিলেন “কাদের, কারা বিড়াল পুষেছে ?”

এবার মেনা স্পষ্টই কাঁদিয়া উঠিল—“ওই যে পাশের বাড়ীর বাবুরা বেড়াল এনেছে, ওদের সেই আমার মত মেয়ে আছে না একজন, সে-ই বেড়ালকে কোলে নিয়ে বেড়াচ্ছে । আমায় অমনি একটা কাবুলে বেড়াল তোমায় দিতেই হবে, নইলে কক্ষনো হবে না । লটির বাগ লটিকে কিনে এনে দেছে, আমাকেও তোমার এনে দিতে হবে ।”

হরি ঘোষ এক মুহূর্ত্ত নীরব রহিলেন, তাহার পর একটা দীর্ঘনিঃশ্বাস ফেলিয়া বলিলেন “ওরা যে বড়লোক মা, ওদের কত টাকা আছে, আমাদের কি আছে মা ? দিন গেলে আমরা কি খাব, কোণায় পাব তারই ঠিক নেই যে । কাবুলে বেড়াল, বিলাতি

কুকুর এ সব পোষে মা বড়লোকে, গরীব লোকে  
কিনতে পারে, না পুষতে পারে ?”

মেনার সন্দেহনাশের চোখ দিয়া বেদনাগুলা  
গুলিয়া অশ্রুধারারূপে ঝরিয়া পড়িতে লাগিল, সে  
অশ্রুজল পিতার হৃদয় স্পর্শ করিল, তিনি ব্যথিত  
কণ্ঠ বলিলেন আচ্ছা, চেষ্টা দেখি যদি কিনে দিতে  
পারি।”

মেনার চোখের জল তথাপি বন্ধ হইল না।

হার মানিয়া পিতা বলিলেন “আচ্ছা মা, যেমন  
করেই পারি তোকে একটা বেড়াল এনে দেবই।  
আজ পারব না, এই সপ্তাহের মধ্যে দিলেই তো  
হলো ?”

মেনা উৎসাহে চোখের জল মুছিয়া ফেলিয়া  
কহিল “সত্যি দেবে বাবা ?”

অনিদ্দিষ্টের পানে দৃষ্টি রাখিয়া পিতা বলিলেন  
সত্যি দেব মা।”

কিন্তু এই সত্য পালন যে কোথা দিয়া কেমন  
করিয়া হইবে তাহার ঠিক নাই।

বড় আদরের কন্যা মেনা, তাহার বৃকে ব্যথা  
দিতেও পিতার বৃকে ব্যথা বাজিয়া উঠে, আহা,  
তাহার যে তিনি ছাড়া আর কেহ নাই। ছেলে-  
পুলেরা তাঁড়না পাইয়া মায়ের কাছে মনের  
ব্যথা জানায়, এ হতভাগিনীর যে জননী নাই।  
সে যখন তিন বৎসরের মাত্র, তখন তাহার জননী  
ইহলোক ত্যাগ করিয়াছেন। আজ যদিও সে  
মায়ের কথা ভুলিয়া গিয়াছে, তথাপি—পৃথিবী যখন  
মা ছাড়া নয়, তখন সেও জানিতেছে তাহার মা  
কেহ ছিলেন। পাঁছে সেই মায়ের কথা মনে করিয়া  
তাহার বৃকে বেদনা বাজে, তাহার চোখে জল  
আসে, এই ভয়ে হরি ঘোষ সর্বদা সঙ্গস্থ  
থাকিতেন।

এই খোলার ঘরখানি তাঁহার নিজের, এই  
খানিতে তিনি বাস করিতেন, আর পাঁচ ছয়খানি  
ঘর ইহাতে সংলগ্ন, সেগুলি ভাড়া খাটিত। তাঁহার  
কিনিকায় কয়েকশে ইহাতেই নির্বাহ হইত।

ছোট মেয়ে মেনা পিতার অবস্থা বৃথিত না,  
সময়ে অসময়ে আবদারে তাঁহাকে বিব্রত করিয়া  
ভুলিত। যতদূর ক্ষমতা ছিল পিতার, তিনি তাঁর  
আবদার পূরাতে চেষ্টা করিতেন। এমনি করিয়া  
এই সাতটা বছর কাটিয়া গিয়াছে।

এই খোলার ঘরখানির ঠিক পাশেই ছিল  
রায় বাহাদুর প্যারী গুপ্তের প্রকাণ্ড ত্রিতল  
অট্টালিকা। তিনি আগে পুলিশ সুপারিন্টেণ্ডেণ্ট  
ছিলেন, এখন অবকাশ লইয়াছেন। তাঁহার তিনটি  
উপযুক্ত ছেলে, একজন ডেপুটি ম্যাজিস্ট্রেট, একজন  
বড় ডাক্তার, অপর জন পুলিশের ডেপুটি  
সুপারিন্টেণ্ডেণ্ট। লটি ডেপুটি ম্যাজিস্ট্রেট অতীত  
গুপ্তের একমাত্র আদরিণী কন্যা।

এ মেয়েটির খেয়ালের অন্ত ছিল না, কিন্তু  
বড়লোকের মেয়ের খেয়াল পূর্ণ হইতে দেবী হইত  
না। সে মুগের একটা কথা খসাইতে না খসাইতে  
তাহা সমাধা হইয়া যাইত; তাহার ঘোড়া, বাইক,  
গাড়ী, কুকুর, ভালুকছানা, পাখী কিছুই অভাব  
ছিল না। বাড়ীর তেতালার ছাদে ময়ূরের জায়গা,  
পায়রার খোপ, বিলাতী ইঁদুর, খরগোস সব ছিল।  
বাড়ীতে হরিণ প্রভৃতিরও অভাব ছিল না।

মেনা আশ্চর্য হইয়া শুধু চাহিয়া দেখিত।  
হায়, সে যদি লটি হইত তবে তাহার বাসনাও সব  
পূর্ণ হইত। সে লটি না হইয়া মেনা হইয়াছে  
বলিয়াই তাহাকে এই খোলার ঘরে কিছু না পাইয়াও  
থাকিতে হয়।

পিতার কাছে শুনিয়াছিল তাহারা গরীব, লটি  
বড়লোক, তাই তাহার সব বাসনা মিটে, তাহার  
একটা আবদারও অপূর্ণ থাকে না। সে গরীবের  
মেয়ে বলিয়াই তাহার সব বাসনা অতৃপ্ত থাকিয়া  
গেল, সে কিছুই পাইল না।

আচ্ছা, লটিতে আর তাহাতে প্রভেদ কি ?  
লটিরও যেমন হাত পা মুখ আছে, তাহারও তেমনি  
আছে। লটির যেমন নাক চোখ দাঁত ঠোঁট আছে  
তাহারও তো তাই আছে, তবে সে কেন



বড়লোকের ঘরে জন্মিল না, সে কেন গরীবের ঘরে জন্মিল ?

আজ সকালে সে যখন উর্দ্ধ দৃষ্টিতে সম্মুখের দ্বিতলের বারাণ্ডার পানে চাহিয়াছিল, সেই সময় লটি তাহার নব-আনীত কানুলী বেড়াল বাচ্চাটী তাহাকে দেখাইয়া গর্কের সঙ্গে হাসিয়া বলিয়াছিল “দেখছিস মেনা, আমার কেমন বেড়াল ?”

এই ধনীরা আদরের পুত্রীর সহিত দরিদ্র হরি ঘোষের মেয়েটির যে কবে আলাপ হইয়াছিল তাহা আমরা বলিতে পারি না। এ আলাপে জয়ের গর্কে লটির বুক ভরিয়া উঠিত আর পরাজয়ের অপমানে মেনা একেবারে লুটাইয়া পড়িত। তাহাকে বিশেষ করিয়া আঘাত দিবার জন্যই লটি তাহাকে মধ্যো মধ্যো নিজেদের প্রাসাদে আমন্ত্রণ করিত। মেনা বুঝিতে না পারিয়া ছু চারদিন গিয়াছিল, তাহার পর তাহার গর্ক বুঝিতে পারিয়া সে আহত হইয়াছিল, আর কিছুতেই তাহাদের বাড়ী যায় নাই।

কোনও দিন সে পিতাকে অশ্রায় আবদারে সন্তুষ্ট করিয়া তুলে নাই, কারণ সে জানিত তাহার পিতা বড় দরিদ্র। আজ এই শুভ্র কাবুলে বেড়ালটা দেখিয়া ও লটির বড়মামুষী কথা শুনিয়া তাহার হৃদয় বেদনায় ভরিয়া উঠিয়াছিল। দরিদ্রের ময়ূর হরিণ কুকুর পুষিতে নাই পিতা বলিয়াছেন, কিন্তু বেড়ালও কি পুষিতে নাই ? এই যে তাহাদের ঘরের ভাড়াটিয়ারা দেশী বেড়াল পুষিয়াছে। সে না হয় একটা কাবুলী বেড়ালই পুষিল, লটির সহিত জেদ রাখিয়া সে একটা বেড়ালও পুষিতে পারিবে না ? মেনার কেবল কান্না আসিতেছিল।

পিতা অনেক খুঁজিয়া একটা কাবুলে বেড়ালের ছানা আনিয়া মেয়ের কোলে দিলেন। কি আনন্দের স্বীপ্তি যে সেই অনিন্দ-সুন্দর ছোট মুখখানিতে ভাসিয়া উঠিল, পলকহীননেত্রে তিনি তাহাই চাহিয়া দেখিলেন, একটা দীর্ঘনিঃশ্বাস তিনি কোনও মতে দমন করিতে পারিলেন না।

বেড়ালটা পাইয়া মেনার আনন্দ আর বৃদ্ধি ধরে না, সে তাহার গায়ে হাত বুলাইয়া, কোলে শোয়াইয়া কিছুতেই আর তৃপ্তি পায় না। বেড়ালটা ডাকিল,—অস্থির হইয়া মেনা বলিল “বাবা, এ যে দুধ খাবে। আমি আর দুধ খাব না বাবা, আমি তো বড় হয়েছি, দুধ না খেলেও চলে ; কিন্তু এ বড় ছেলেমানুষ, একে যে দুধ না দিলে মরে যাবে।

তাড়াতাড়ি দুধ আনিয়া সে বেড়ালটাকে খাইতে দিল। বেড়ালটাও ক্ষুধার্ত হইয়াছিল তাই চক চক করিয়া নিমেষে সবটা খাইয়া ফেলিয়া মেনার কোলে আপনিই গিয়া শুইয়া ঘড় ঘড় শব্দ তুলিয়া ঘুমাইল।

বৈকালে লটি যখন বেড়াল কোলে লইয়া গর্কের সঙ্গে বারাণ্ডায় পাদচারণা করিতেছিল, সে তখন নিজের বেড়ালটাকে দেখাইয়া বলিল “এই দেখে ভাই আমারও বেড়াল আছে।”

ভিখারীর মেয়ের কাবুলে বেড়াল, লটি ঈর্ষাপূর্ণ নেত্রে চাহিয়া দেখিল, “আচ্ছা, তোর বেড়ালের গয়না কই ? এই দেখ, আমার বেড়ালের গলায় সোণার তারে সোণার ঘুঙুর বেঁধে দেছি।”

তাই তো, এমন সুন্দর বেড়ালকে যদি সোণার ঘুঙুর না পরানো যায়, তবে এ বেড়াল গোষাই বা কেন ? বালিকার ক্ষুদ্র বুদ্ধিতে কুলাইল না— তাহার হাতে আছে কাঁচের চুড়ি, সোণা যে কি তাহা সে ব্যবহার করিয়া কখনও জানিতে পারে নাই।

তাহার জলভরা চোখ দেখিয়া পিতা দুইটা পিতলের ঘুঙুর আনিয়া গোলাপী ‘রিবনে’ গাঁথিয়া বেড়ালটির শুভ্র গলায় পরাইয়া দিয়া বলিলেন “দেখ তো মা, সোণার তারে সোণার ঘুঙুর বেঁধে দেওয়ার চেয়ে এই কি সুন্দর দেখাচ্ছে না ?”

মেনাকে অবশ্য স্বীকার করিতে হইল, এবং পরদিন লটির বেড়ালের গলার সোণার তার অন্তর্হিত হইয়া দেখানে গোলাপী ‘রিবন’ দেখা গেল। এই একটা বিষয়ে মেনা আজ জয়ী হইতে পারিল।



( ২ )

বরাবর ঠকিয়া গেলেও সেই একটা দিনের মেয়ের চিহ্ন মেনার মনে গাঁথিয়া ছিল।

মেয়ে দিন দিন বড় হইতেছিল, ক্রমে সে পঞ্চদশ উত্তীর্ণ হইয়া গেল; মেয়ের বিবাহ দিবস জন্ত হরিঘোষ ব্যস্ত হইয়া উঠিলেন।

নিসর্গসুন্দরী মেয়ে, কিন্তু তাহার উপযুক্ত পাত্র পাওয়াই এখনকার বরের বাজারে দুর্ঘট। পাত্রের ছোটে, কিন্তু এ বাজারে মেয়ে সুন্দরী হইলেই তো চলে না, টাকা চাই যে অনেক, এই গরীবের ঘরের মেয়েটা পিতার বৃকের বোঝা স্বরূপ - এই ঘরখানার মধ্যে বেশ কাজকর্ম করিতেছিল, অবসর পেলে পিতার কাছে বাংলা সংস্কৃত ইংরাজিও শিখিতেছিল। আর ওবাড়ীতে লটি যখন চেয়ারে বসিয়া 'অর্গানে' সুর দিয়া তাহার সহিত গান গাহিত, তাহার সঙ্গে সঙ্গে চুপি চুপি গান গাহিয়া গানটাও খুব ভাল শিখিয়া ফেলিয়াছিল।

সে যখন রাঁধে, পিতাকে স্নান করাইয়া, লটি তখন জুতা মোজা পায়ে দিয়া, কাপড় জামা পরিপাটীরূপে পরিয়া স্কুলের বইগুলি হাতে লইয়া নিমেষের তরে সেই বারাণ্ডায় আসিয়া তাহার কাজ দেখিয়া যায়। তাহার সমবয়স্কা এই মেয়েটা যখন হাতে হলুদ, হাঁড়ি কড়ার কালি মাখিয়া গম্ভীর মুখে চোখ তুলিয়া তাকায়, সে তখন যেন বানবিহ্বের মতই সরিয়া পড়ে। বাহিরে মটরের ঘন ঘন শব্দ শোনা যায়, বোঝা যায় লটি স্কুলে চলিয়াছে।

একদিন ওবাড়ীতে বিবাহের গুণ্ডগোল পড়িয়া গেল। আত্মীয় আত্মীয়গণ বাড়ী ভরিয়া ফেলিলেন। তাঁহাদের সকলকেই মেনা দেখিতে পাইল কারণ গরীবের কুটীরে এই অনিন্দ্যসুন্দরী মেয়েটিকে দেখিতে, ঐশ্বর্যের উজ্জ্বল প্রভায় তাহার চক্ষু ঝলসাইয়া তুলিতে, সকলেই একবার একবার সেই বারাণ্ডায় দেখা দিয়াছিলেন। মেনা তাঁহাদের ঐশ্বর্যের অহঙ্কার বৃত্তিত, তাই একদিন তাঁহারা যখন নিতান্ত অসুগ্রহ করিয়াই ডাকিয়াছিলেন—

এ বাড়ীতে এসো না, তখন সে অসুগ্রহের আহ্বান কাটাইয়া দিয়াছিল। তাঁহাদের এই ঘণামিশ্রিত দয়া সে প্রত্যাশাও করিত না।

লটির বিবাহ হইয়া গেল, কয়েকদিন আর তাহাকে দেখা গেল না, কারণ সে শশুরালয়ে গিয়াছিল।

হরিঘোষ একটা দীর্ঘনিঃশ্বাস ফেলিয়া বলিলেন "বড় লোকের কালো মেয়েরও টাকার জোরে ভাল ঘরে ভাল পাত্রে বিয়ে হয়ে যায়, কিন্তু গরীবের ঘরের সুন্দরী মেয়েটিকেও কেউ দয়া করে নিতে চায় না।"

কথাটা কিশোরীর হৃদয় স্পর্শ করিল, তাই সে মরমে মরিয়া গেল। লটি কুৎসিতা হইয়াও ভাল ঘরে ভাল পাত্রে সমর্পিতা হইল, আর সে নিসর্গ সুন্দরী হইয়াও আজও অবিবাহিতা, দিক তাহার রূপে, এমন রূপ থাকার চেয়ে না থাকাই ভাল।

লটি কয়েকদিন বাদেই কিরিয়া আসিল।

আজ একবার বিবাহিতা লটিকে দেখার জন্ত মেনার মনে বিপুল কৌতূহল জাগিয়া উঠিয়াছিল। কিন্তু আজ কি সে এ বারাণ্ডায় আসিবে? হয় তো সে আর এ বারাণ্ডায় আসিবে না।

নিহের মনে সে কলতলায় কড়াখানা মাজিতেছিল, সেই সময়ে উপরে গিল খিল হাসি শোনা গেল, - ওগো, দেখে যাও একবার।

লটির হাসি শুনিয়া সে কড়া মাজা হইতে বিরত হইয়া মুখ তুলিয়া চাহিল।

বারাণ্ডার রেলিংয়ে ভর দিয়া তাহার পানে মুগ্ধ নয়নে দাঁড়াইয়া সুপুরুষ বলিষ্ঠ এক যুবক। তাহার সে চোখে বিশ্বয় যেন ধরিতেছিল না, সে যেন কিছুতেই আশা করিতে পারে নাই এই খোলার ঘরে এমনই একটা সুন্দরী কিশোরীকে সে দেখিতে পাইবে।

লটি সরিয়া গিয়াছিল, দূর হইতে সে স্বামীকে ডাকিল, কিন্তু স্বামী সরিল না। তাহার বিভোর অবস্থা দেখিয়া বোধ হয় লটির মনে একটু বিরাগ

আসিয়াছিল, সে তাই স্বামীর পাশে দাঁড়াইয়া বুঁকিয়া পড়িয়া মেনার চোখেও বিন্ময়পূর্ণ দৃষ্টি দেখিয়া তীব্র কণ্ঠে বলিয়া উঠিল “ছিঃ, বেহায়ার একটু লজ্জা নেই, কি করে তাকিয়ে আছে দেখ তোমার দিকে।”

এই কথাটা কাণে আসা মাত্র মেনা তাড়াতাড়ি চোখ নামাইয়া লইল, তাহার পর দ্রুত পদে ঘরে ছুটিয়া গেল। ইহার পর সময় নাই অসময় নাই, সে তরুণকে সেইখানে দাঁড়াইয়া থাকিতে দেখিত; তাহার চোখে সেই বিন্ময় ভরা দৃষ্টি, যেন সে কিছুতেই তাহাকে বুঝিয়া উঠিতে পারিতেছে না।

লটি ভারি বিব্রত হইয়া পড়িল তরুণকে লইয়া। সে স্বামীকে এই মজাটা দেখাইবার জন্যই ডাকিয়াছিল, সেটা এখন ভারি সাংঘাতিক হইয়া দাঁড়াইল। বরাবর সব রকমেই সে গরীবের মেয়ে মেনাকে পরাজিতা করিয়া আসিতেছে, আজ যে সেই পরাজিতা হয় তাহার স্বামীই যে মেনার অসামান্য রূপে মুগ্ধ।

লটি বুঝিল অর্থে সম্পদে কিছুতেই লোকের হৃদয় জয় করিতে পারা যায় না, রূপ নিমেয়ে হৃদয় জয় করিতে পারে। পিতামাতার একান্ত ছেদে পড়িয়া তরুণ তাহাকে বিবাহ করিতে বাধ্য হইয়াছে, তাহাকে সে একটুও ভালবাসিতে পারে নাই। সে স্নপুরুষ, বিশ্ববিদ্যালয়ের শ্রেষ্ঠ উপাধিধারী, অর্থের প্রলোভনে তাহার পিতামাতা জোর করিয়া লটির সহিত তাহার বিবাহ দিলে, কে বলিবে তাহার মনের মধ্যে ঘৃণা সঞ্চিত নাই? লটি তরুণের চোখে যাহা দেখিল তাহাতে ভারি সঙ্কিতা হইয়া উঠিল।

সেদিন সে মেনাকে উদ্দেশ করিয়া গালাগালি দিল বড় কম নয়, অকথা কথা অনেক তাহার মুখ দিয়া বাহির হইল। সে যে তাহার রূপ দেখাইয়া লটির স্বামীকে কাড়িয়া লইতেছে লটি তাহা স্পষ্ট জানাইয়া দিল।

দরিদ্র-কন্যা মেনা উত্তর দিতে পারিল না,

নীরবে শুধু তাহার চোখ দিয়া জল গড়াইতে লাগিল, গৃহমধ্যে থাকিয়া হরিষোষ ধনীর শিক্ষিতা মেয়ের গর্বপূর্ণ তেজের কথা শুনিতেছিলেন, হৃদয় তাহার অপमानে দগ্ধ হইতেছিল।

মনের ক্ষোভ মিটাইয়া গালাগালি দিয়া ফিরিতে গিয়া লটি সামনে দেখিল তরুণকে। তরুণের মুখখানা আরক্ত হইয়া উঠিয়াছিল; ক্ষুব্ধ কণ্ঠে সে বলিল “ছি লটি, ভদ্রলোকের মেয়েকে এ রকম করে বলা কি তোমার উচিত হচ্ছে?”

লটি গর্জিয়া উঠিল “ভদ্রলোকের মেয়েকে? ও কখনই ভদ্রলোকের মেয়ে নয়। ওর ব্যবসাই ওই—যে রূপের—”

“চুপ, মুখ সামলাও, যা তা বল না বলছি। তোমার যেমন মুখের কথা তাতে তোমাকেই ভারি নীচ বোধ হচ্ছে, তোমার কথা শুনে ওই যে মেয়েটা একটা উত্তর দিলে না, শুধু চোখের জল ফেলছে, ওই হলো খারাপ এটা তুমিই বলতে পার, আর কেউ বলতে পারে না।”

তীব্র কণ্ঠে লটি বলিয়া উঠিল “তুমি? তুমি এই কথা বলছ?”

তরুণ ততোধিক তীব্র কণ্ঠে বলিল “হ্যাঁ, আমি বলছি।”

লটি দ্রুতপদে চলিয়া গেল, আর একটা কথাও বলিল না।

সন্ধ্যা হইয়াছে তখন, পিতার কোলে মাথা দিয়া মেনা পড়িয়া আছে। তাহার বুকটা ফাটিয়া যাইতেছিল। আজ লটির মুখে সে যে সব কদর্য কথা শুনিয়াছে, তাহাতে সারাদিনটাই তাহার কাঁদিয়া কাটিয়াছে। এমন সব কথা ধনী-কন্যা লটি কোথা হইতে শিখা করিল? সে দরিদ্র-কন্যা বলিয়াই তো সব মাথা পাতিয়া লইল, একটা কথা বলিতে পারিল না!

পিতা নীরবে তাহার মাথায় হাত বুলাইয়া দিতেছিলেন। ঘৃণায় হৃৎপিণ্ডে তাহার বক্ষ অর্জরীভূত হইতেছিল। তিনি ক্ষুব্ধকণ্ঠে বলিতেছিলেন

কাঁদছিল কেন মা? আমি আর এখানে তোকে নিয়ে থাকব না, অল্প জায়গায় যাব। কালই সকালে তোকে নিয়ে চলে যাব মা, যেখানে বড় লোক আছে সেখানে আর থাকব না। আমরা যেমন গরীব তেমনি গরীবের কাছে থাকব। ওঠ মা, কাঁদিস নে।

“হরি বাবু, বাড়ী আছেন কি?”

এ কে ডাকে? মেনা ধড়ফড় করিয়া উঠিয়া বসিল, এ যে তরুণের কণ্ঠ। এ কণ্ঠস্বর তাহার বক্ষে বাজিয়া উঠে, এ স্বর তাহার পরিচিত হইয়া গিয়াছে।

“বাবা, তরুণবাবু আপনাকে ডাকছেন বোধ হয়।”

বিস্মিত হরিঘোষ বলিলেন “তরুণ বাবু কে?”

মেনা বলিল “ও বাড়ীর নতুন জামাই। ৮টি এ রকম করে বলেছে তাই বোধ হয়—”

“দুধ পাগলি, ভাবছিল তাই কমা চাইতে এসেছে? ওরা কি আর আমরা কি, তা জানিস? আকাশের চাঁদ আর পথের ধুলো, আমাদের বুক যেমন পা দিয়ে দলা যায়, ওদের তেমনি হাত বাড়িয়ে পাওয়া যায় না। বোধহয় লটির আদেশ এসেছে আমাদের উঠিয়ে দেবার জন্তে।”

“না হরি বাবু, আমি তা ভেবে আসি নি—”

দরজার উপর তরুণ দাঁড়াইল “আকাশের চাঁদ সবাই হয় না তা জানবেন, আমিও আপনাদের সঙ্গে মিশে পথের ধুলো হতে এসেছি।”

সঙ্কুচিতা মেনা একবার চোখ তুলিয়া চাহিল।

হরিঘোষ বলিলেন “পথের ধুলো হতে এসেছেন তাঁর মানে?”

তরুণ বলিল “আমি আপনার মেয়েকে গ্রহণ করব, দেবেন কি?”

বিস্ময়ে আশ্চর্য হরিঘোষ তাহার পানে চাহিয়া রহিলেন। তরুণ বলিল “আপনি যে আমার কথা বিশ্বাস করছেন না তা বুঝতে পেরেছি কারণ এটা একেবারেই কল্পনার অতীত। আমি বড় লোকের জামাই, কিন্তু স্বেচ্ছাপূর্বক আমি আমার সে পদ-মর্যাদা ত্যাগ করছি। মনে করুন আমি আপনারই মত গরীব, আপনার মেয়েকে গ্রহণ করতে এসেছি।”

জড়িত কণ্ঠে হরিঘোষ বলিলেন “কিন্তু লটি—”

ঘৃণার স্বরে তরুণ বলিল “তার অহকার আমি নাশ করতে চাই। সে যাকে পৃথিবীর অগণ্য করেছে তাকে আমি বরণ্য করতে চাই। সে যদি নিজের ভুল বুঝতে পারে, তার দর্প ত্যাগ করতে পারে, সে আমার পাশে জীর্ণরূপে অবশুই দাঁড়াতে পারবে, আমার বাপমায়ের দান সে, তাকে আমি অস্বীকার করে তফাতে রাখতে পারব না। দেখুন, এতে আপনি যদি ভাল বুঝেন, আপনার মেয়েকে আমায় দান করতে পারেন।”

হরিঘোষ তরুণকে আলিঙ্গন করিয়া বাষ্পগদগদ স্বরে বলিলেন “দেব বই কি বাবা; তোমার মত উপযুক্ত ছেলে আমি যে আজ চার বছর মাথা খুঁড়েও পাই নি। আজ না চাইতে যখন আমার ছুয়ারে এসেছ বাবা, আমি কি তোমায় ফিরাতে পারি? আমার মিত্রকে আমি তোমার হাতে অর্পণ করে নিশ্চিত হলাম।”

ইহার কয়েকদিন পরে লটি গুনিতে পাইল তরুণ মেনাকে বিবাহ করিয়া নিজের বাড়ীতে চলিয়া গিয়াছে। পরাজয়ের দারুণ অপমান লটির মাথায় গুস্ত হইল, সব রকমে জিতিয়া প্রধান সংগ্রামেই সে মেনার কাছে হারিয়া গেল, নিজের সব সে হারাইয়া ফেলিল।

# রেবতী বিমান

শ্রমণ শ্রীপূর্ণানন্দ স্বামী এম্-আর-এ-এস্

কলিকাতা বিশ্ববিদ্যালয়ের অধ্যাপক

কর্মের উপর বৌদ্ধধর্মের ভিত্তি স্থাপিত। কর্মের প্রাধান্য প্রদর্শন জগৎ নানা বৌদ্ধগ্রন্থে নানা ভাবের উপদেশ দেওয়া হইয়াছে। নানা প্রকার লোকের মুক্তি দুষ্টি আলোচনা করিয়া অনেক আখ্যায়িকাও রচিত হইয়াছে। আবার এই কর্ম-ফলকে মনোবিজ্ঞানের উপর প্রতিষ্ঠাপিত করিয়া ইহাকে অসীম শক্তিসম্পন্ন বলিয়া প্রতিপন্ন করা হইয়াছে। মানুষের কর্মই মানুষকে হীনত্ব ও শ্রেষ্ঠত্ব, নীচত্ব ও উচ্চত্ব প্রদান করিয়া থাকে। পাপকর্ম মানুষের যত সব দুঃখ দৈন্তের কারণ, আর পুণ্যকর্ম স্বৈশ্বর্যের নিদান। পাপকর্মের দোষে ব্রাহ্মণ চণ্ডালত্ব প্রাপ্ত হয়, আর কুশল কর্ম্মানুভাবে চণ্ডাল ব্রাহ্মণত্ব প্রাপ্ত হয়। স্তম্ভনিপাত গ্রন্থে দেখিতে পাই “মাতঙ্গ” নামে এক চণ্ডাল ব্রাহ্মচর্য্য ও তপশ্চার ফলে ব্রাহ্মণ ক্ষত্রিয়াদির উচ্চ জাতির পূজ্য হইয়াছিলেন। খেরগাথা নামক গ্রন্থে আছে “সুনীত” নামে একজন পুরুষ জাতীয় লোক প্রসূতিদের গর্ভমল নিক্ষেপ করিয়া এবং স্তৃতিকাগার শুদ্ধ করিয়া জীবিকা নির্বাহ করিত। একদা ভগবান বিরাট সভায় ধর্মোপদেশ প্রদান করিতেছিলেন। দূর হইতে সুনীত তাঁহার বজ্রগস্তীর ব্রহ্মধর শুনিয়া অত্যন্ত শ্রীতি অনুভব করিল এবং ভগবানকে বন্দনা করিবার মানসে নিকটে যাইতে চাহিল। কিন্তু ব্রাহ্মণ ক্ষত্রিয়াদির উচ্চ জাতির সভায় চণ্ডালের প্রবেশাধিকার কি সম্ভব? সে লাহিত হইয়া অপমৃত হইল। কিন্তু ভগবানের করুণাদৃষ্টি যাহার উপর পতিত তাহার চেষ্টা কি ব্যর্থ হয়? একদা ভগবান রাজগৃহে প্রবেশ করিতে যাইতেছেন এমন

সময় স্বেযোগ পাইয়া সুনীত ভগবানের পদে পতিত হইল এবং দীক্ষা প্রার্থনা করিল। তাহার ভবিষ্যত উন্নতির লক্ষণ দেখিয়া সর্বভূতে সমদর্শী ভগবান তাহাকে দীক্ষিত করিলেন। “তারপর সে স্বীয় দৃঢ়-পরাক্রম ও অমিতবীর্য্যবলে কোন্ অবস্থায় উপনীত হইয়াছিল তাহা তাহার নিজ মুখেই শুুন।

তারপর ইন্দ্র ও ব্রহ্মা আসিয়া অঞ্জলি বদ্ধভাবে প্রণাম করিয়া আমাকে বলিলেন :—

নমোতে পুরিসজ্জ, নমোতে পুরিস্তম,  
যস্ম তে আসবা খীণা, দক্ষিণেঘোঁস মারিস।  
হে, পুরুষশ্রেষ্ঠ, আপনাকে নমস্কার, হে  
পুরুষোত্তম আপনাকে নমস্কার, যেহেতু আপনার  
পাপক্ষয় হইয়াছে, আপনি দক্ষিণেয় (পূজ্য)  
হইয়াছেন।

তার পর তিনি বলিতেছেন—

তপেন ব্রহ্মচরিয়েন, সংযমেন দমেন চ,  
এতেন ব্রাহ্মণো হোতি, এতং ব্রাহ্মণ স্তম্ভমস্তি।  
তপ, ব্রহ্মচর্য্য, সংযম ও দম দ্বারা লোক ব্রাহ্মণ হইয়া  
থাকে; ব্রাহ্মণদিগের মধ্যে এইরূপ ব্রাহ্মণই উত্তম।

কুশল কর্মের চরম সীমায় পৌঁছিলেই ব্রাহ্মণত্ব লাভ হইয়া থাকে। “কিন্তু ছোটখাট কুশল কবিয়া বা পাপাচরণ করিয়া কিরূপে স্বর্গে বা নরকে গিয়া থাকে তাহার একটা দৃষ্টান্ত দিয়া প্রবন্ধ উপসংহার করিব। অনেকে কুশল কর্ম করিয়া তৎফলে “তাবতিংশাদি” (জয়ত্রিংশাদি) দেবলোকে জন্ম-গ্রহণ করিয়া নানাবিধ স্বৈশ্বর্য্য ভোগ করিয়া থাকে। পাপীরা নানাপ্রকারের নরকে পড়িয়া দুঃখ পাইয়া থাকে।



বারাণসী সহরের নিকটবর্তী প্রাচীন ঋষিপত্তন নামক আরামে বহুসংখ্যক বৌদ্ধ শ্রমণ বাস করিতেন। ঋষিপত্তনের বর্তমান নাম সারনাথ। এই আরামের নিকট অনেক ধনবান গৃহপতি বাস করিতেন। নন্দিয় নামক যুবক ৮০ কোটি বিভব-সম্পন্ন কোন গৃহপতির উত্তরাধিকারিত্ব লাভ করিয়া পরম সুখে বাস করিতেছিলেন। নন্দিয় স্বভাবতঃ ভক্তিশ্রদ্ধাবান ও সুশীল ছিলেন। কুশল কর্ণে তিনি বড়ই আনন্দ পাইতেন। সাধুদের সেবা পূজা এবং দরিদ্রগণের দুঃখ মোচন করিতে তিনি সতত উৎসুক থাকিতেন।

নন্দিয় এক মনোহর আরাম ( আশ্রম ) প্রস্তুত করাইয়া ভিক্ষুসংঘকে দান করিলেন। সেই আরাম-বাসী ভিক্ষুগণের প্রয়োজনীয় ষাবতীয় দ্রব্য তিনি যোগাইতেন। আবার প্রত্যহ শত শত ভিক্ষু তাঁহার গৃহে গিয়া পর্যাপ্ত পরিমাণ সুস্বাদু সুখাণ্ড ভিক্ষালাভ করিতেন। স্বীয় বাসগৃহের সম্মুখে এক বৃহৎ দান শালা প্রস্তুত করাইয়া অল্পসত্ত্ব খুলিয়া দিলেন। শত সহস্র দরিদ্র নিঃস্ব কাঞ্চাল ভিখারী প্রত্যহ উদর পূর্ণ করিয়া খাইতে পাইত।

এতদ্ব্যতীত নন্দিয় সর্বদা প্রাণীহত্যা হইতে বিরত ছিলেন। সামান্য ক্ষুদ্রাক্ষুদ্র কীট হইতে সুরহৎ হস্তী পর্যন্ত কোন প্রাণী তাঁহার অসীম অনন্ত অপরিমাণ দয়া হইতে বঞ্চিত ছিল না। সকল প্রাণীকে তিনি আত্মবৎ জ্ঞান করিতেন। নিজের সুখ দুঃখের জায় অপরের সুখ দুঃখের প্রতিও তাঁহার বিশেষ মনোযোগ ছিল। নিজে কোন প্রাণীহত্যা ত করিতেনই না, অপিচ প্রাণীহত্যার কারণ ও সহায়ও হইতেন না। প্রাণীহনের প্রতি তাঁহার বিন্দুমাত্র সহানুভূতিও ছিল না। কায়-বাক্যমানে তিনি কোন প্রাণীর মনে অহুমাত্র দুঃখও জন্মাইতেন না। সেইরূপ চৌর্ধ্য, পরদার গমনাদি মিথ্যা কামাচার, মিথ্যা, কর্কশ, সম্প্রলাপ ও বাক্য কথন, সুরা, মৈরেয়াদি নেশা সেবনাদি পাপ হইতে তিনি বিরত ছিলেন। হিংসা-ষেষ-লোভহীন

চিত্তে সতত অপরের হিত কামনা করিতেন। এইরূপে নন্দিয় নানাবিধ পুণ্যকর্মে রত ছিলেন।

তাঁহার মা তাঁহাকে একাকী এত পরিশ্রম করিতে দেখিয়া তাঁহার এই সকল কুশলকর্মে সাহায্যকারিণী এক ভার্যা আনিয়া দিতে মনস্থ করিলেন। নিকটস্থ গৃহে তাঁহার মাতুল-কন্যা রেবতীকে তাহার জন্ম তাঁর মার একান্ত ইচ্ছা। মা পুত্রের মত চাহিলে তিনি অমত জানাইলেন। কারণ রেবতীর স্বভাব তাঁহার স্বভাবের সম্পূর্ণ বিপরীত। রেবতী অতি মাৎসর্য্যপরায়ণা, কাহাকেও একমুষ্টি চাউল দিতেও তাহার প্রাণ ফাটিয়া যায়, শ্রমণ ব্রাহ্মণদিগের প্রতি তাহার ভক্তি শ্রদ্ধা নাই, তাঁহাদিগকে দানাদি দ্বারা তুষ্ট করার কথা দূরে থাকুক, আরও তাঁহাদের নানা কুবাক্য বলিয়া গালাগালি দিত। ভিক্ষার্থী দরিদ্রগণকে তদ্রূপ কঠোর বাক্যে পীড়া দিত, সময় সময় প্রহার দিতেও ছাড়িত না। কোন ধর্মে তাহার আস্থা ছিল না, কোন কুশলকর্মে তাহার উৎসাহ ছিল না। নন্দিয় তাঁহার কুশলকর্মের সহায়িকা পাইলে বিবাহ করিতে প্রস্তুত, নতুবা বিবাহে কোন প্রয়োজন নাই বলিয়া মাকে জ্ঞাপন করিলে, তাঁহার মামী রেবতীকে নানারূপে বুঝাইয়া স্বঝাইয়া নন্দিয়ের অহুকরণ করিতে উপদেশ দিল, অন্ততঃ বিবাহ না হওয়া পর্যন্ত।

সে মা ও পিসির উপদেশে কৃত্রিম শ্রদ্ধাবতী, দানশীল ও শীলবতী সাজিল। প্রাতেই উঠিয়া কাঁচা গোবর দিয়া দানশালা লিপিয়া পুঁছিয়া পরিষ্কার ও পবিত্র করিত। স্বহস্তে অতি যত্নের সহিত শ্রমণ ব্রাহ্মণগণের জন্ম সুখাণ্ড প্রস্তুত করিয়া অতি ভক্তির সহিত দান করিত। তাঁহাদের ভোজন শেষ হইলে তাঁহাদের ভিক্ষাপাত্র ধুইয়া পুঁছিয়া শুকাইয়া দিত। পাথার বাতাসে তাঁহাদের ক্লাস্তি দূর করিত। মোট কথা রেবতী এমন ভাবে স্বভাব বদলাইল যে নন্দিয় দেখিয়া অতিশয় সন্তুষ্ট হইলেন এবং তাঁহাকে সহধর্মিণী ও সহকর্মিণীরূপে পাইলে তিনি প্রত্যহ

নূতন নূতন কুশলসম্পাদন করিয়া প্রভূত পুণ্য সঞ্চয় করিতে পারিবেন আশায় বড় আনন্দিত হইলেন। ছেলের মনের ভাব পরিবর্তিত হইয়াছে জানিয়া নন্দিয়ের মা শুভদিনে শুভক্ষণে দুই হাত জোড় করিয়া দিলেন। রেবতী আসিয়া নন্দিয়ের বিপুল ঐশ্বৰ্য্যের স্বামিনী হইয়া বসিল।

ঐ দিকে স্বর্গে দেবগণের মধ্যে নন্দিয়ের পুণ্য-কর্মের কথা লইয়া আলোচনা চলিতে লাগিল। তাবতিংস স্বর্গে ইন্দ্রের বৈজয়ন্তপ্রাসাদের অদূরে নন্দিয়ের জন্ত বিচিত্র বিরাট বিমান প্রস্তুত হইল। সে বিমানের ভিত্তি বৈদূষ্যমণি নির্মিত, এবং উহার সভাগৃহ বৈদূষ্যমণির সহস্র স্তম্ভে ভূষিত ছিল। সূর্য্যের আভার স্তায় ইহার উজ্জ্বল আভা দিকৃবিদিকৃ আলোকিত করিত। পঞ্চবর্ণের পদ্মসমুপশোভিত পুষ্করিণী সে বিমান সংলগ্ন উপবনের শোভা এমনই বৃদ্ধি করিত যে দেবতাগণেরও তাক লাগিত। সহস্র অঙ্গুষ্ঠ সে বিমানের পরিচারিকা নিযুক্ত হইয়াছিল। সকলে বিমানাধিপতির আগমন প্রতীক্ষা করিতে-ছিল।

রেবতী স্বামীগৃহে আসিয়া স্বামীর একান্ত বশ-বর্ত্তিনী হওয়ার ভাণ করিয়া প্রতি পদে স্বামীর অঙ্ক-সরধ করিত। ক্রমে সে দুই পুত্রের মা হইল। নন্দিয় দীর্ঘকাল পিতৃপিতামহগণের সঞ্চিত অর্থে প্রভূত পুণ্য সঞ্চয় করিয়াছেন। একদা তিনি নির্জনে বসিয়া ভাবিলেন “স্বোপার্জিত অর্থে কোন পুণ্য করিলাম না। নিজের শারীরিক পরিশ্রম দ্বারা উৎপন্ন অর্থ ব্যয় করিয়া কুশল করিলে আরও অধিক পুণ্য সঞ্চয় করিতে পারিতাম। অতএব বিদেশে গিয়া বাণিজ্য করিয়া কিছু অর্থ সঞ্চয় করিব।” এই ভাবিয়া তিনি রেবতীকে বিষয়কর্মের ভার দিয়া বিদেশে গেলেন। ষাইবার সময় বলিয়া গেলেন “প্রিয়তমে রেবতি, স্বোপার্জিত অর্থে পুণ্য সঞ্চয় করিতে ইচ্ছা হইয়াছে, আমি বাণিজ্য করিতে বিদেশে যাইব। তুমি গৃহে থাকিয়া আমার কাজ-কর্ম পরিচালন কর। আমি যে সকল পুণ্যকর্ম

করিয়াছি; খুব মনোযোগের সহিত সে সকল সম্পাদন করিবে। ভ্রমণ ব্রাহ্মণগণকে নিত্য ভিক্ষাদি দ্বারা সেবা পূজা করিবে, অন্নসত্র হইতে রীতিমত দরিদ্র ভিখারীগণকে অন্ন বিতরণ করিবে। আরামের প্রতি খুব মনোযোগ রাখিবে। তথাকার অধিবাসী ভিক্ষুসঙ্ঘকে যথারীতি আহাৰ্য্যাদি ও অন্নাত্ম আবশ্যকীয় দ্রব্যাদি দানে সন্তুষ্ট রাখিবে। মোট কথা আমার অনুষ্ঠিত কোন পুণ্যকার্য্য সমূহের যেন বিদূষ্যক্রম হানি না হয়। বড় সাবধান, এই সকলের কোন ক্রটি যদি আমি আসিয়া দেখিতে পাই তবে এই গৃহে তোমার স্থান হইবে না। যেন আমার সমস্ত সদনুষ্ঠান আমি আসিয়া পূর্ণাঙ্গ দেখিতে পাই।”

স্বামীর বিদেশ গমনের কথা শুনিয়া রেবতীর বড়ই আনন্দ হইল। রাত দিন দানধর্ম্মাদির হাজামে পড়িয়া রেবতীর প্রাণ ব্যাকুল হইয়া উঠিয়াছিল। এখন একটু স্বস্তির নিশ্বাস ফেলিতে পারিবে ভাবিয়া তাহার আনন্দ হইবারই কথা। স্বামীকে সত্ত্বর বিদেশ পাঠাইবার তার একান্ত ইচ্ছা। তাই স্বামীর উপদেশ সে অতি মনোযোগের সহিত শুনিবার ভাণ করিয়া তাঁহার উপদেশ বর্ণে বর্ণে প্রতিপালিত হইবে এবং তাঁহার পুণ্যকর্ম্মানুষ্ঠান সমূহের কোন প্রকার অক্ষহানি করিবে না বলিয়া সন্মতি দিল।

নন্দিয় স্ত্রীর প্রতিশ্রুতি পাইয়া সন্তুষ্টচিত্তে বিদেশ গমন করিল।

স্বামীর অনুপস্থিতিতে রেবতী অভিষ্টগির্জার স্বেযোগ পাইয়া ভারি খুসী হইল। এবং স্বগতঃ বলিতে লাগিল :— এবার মুগ্ধক ভ্রমণদের দেখাচ্ছি কেমন আমার ঘাড়ের উপর চেপে উদর পূরণ করে ? বাছাধনদের এবার খাওয়াইয়া খাওয়াইয়া পেট-মোটী করাচ্ছি।

সে প্রথমে অন্নসত্র বন্ধ করিয়া দিয়া ভিক্ষার জন্ত আগত লোকের কোলাহল কমাইয়া পাড়ায় শান্তি আনিল। তারপর ভিক্ষার জন্ত আগত ভ্রমণ ব্রাহ্মণদের বাহারা ভিক্ষা লইয়া আশ্রমে চলিয়া



যাইত তাহাদের ভিক্ষা বন্ধ করিল। আর যাহারা তাহার ঘরে বসিয়া খাইত তাহাদের আসনশালায় ভাত ভরকারি ছড়াইয়া নোংরা করিল এবং পাড়ার লোকদের ডাকিয়া তাহা দেখাইয়া বলিল : - দেখ মুণ্ডকদের কাজ, পরের উপর খাইয়া পেট ভরায়, আবার অন্ন ব্যঞ্জন নষ্ট করে, আর ঘর নোংরা করে। এই সকল অপদার্থ, অলস, পরামভোজী, দেশের অন্নধ্বংসকে ভিক্ষা দিয়া কোন লাভ আছে কি ? এই নিরপরাধ সাধুদের উপর দোষারোপ করিয়া লোকেরও অশ্রদ্ধা জন্মাইল, নিজেরও ভিক্ষা দান বন্ধ করিল এবং খালাগালি করিয়া তাঁহাদের ফিরাইয়া দিল।

পরিশেষে রেবতীর নজর পড়িল নন্দিয় গৃহপতির সাধের আরামের প্রতি। আরামবাসী ভিক্ষুগণের আহাৰ্য্য পাঠান বন্ধ হইল, আরাম পরিষ্কার করণ ও জীর্ণ সংস্কারাদি কার্য্য হইল না। ভিক্ষুগণ আরাম ছাড়িয়া অন্তর্জ চলিয়া গেলেন। ক্রমশঃ গাছ গাছড়া উঠিয়া আরাম অজলাকীর্ণ হইয়া উঠিল। এই সব কার্য্য সমাধা করিয়া রেবতী নিশ্চিন্ত হইয়া নিজের খাওয়া দাওয়ার প্রতি খুব মনোযোগ করিল। নানা প্রকারের প্রাণীহত্যা করিয়া মৎস্য মাংস খাইতে লাগিল। সুরা পান করিয়া খুব আমোদ করিতে লাগিল। দাসদাসীদের প্রতি অত্যাচার, গুরুজনের প্রতি অভক্তি, জ্ঞান প্রতিবেশীর প্রতি অবমাননা প্রভৃতি অপকর্ম্মের দ্বারা সকলকে অতিষ্ট করিয়া তুলিল।

যো নগেন অদগেহু অপ্পচ্ছট্টেহু হুসসতি,  
দসন্নমণ্ডতরং ধানং বিপ্পমেব নিসচ্ছতি।

যে নির্দোষ হিংসাধেবশূন্য ব্যক্তিকে দুঃখ প্রদান করে সে এই দশবিধ শাস্তির অন্ততর শাস্তি পাইয়া থাকে।—তীব্র বেদনা, ধনাদি হানি, অন্ধপ্রত্যাদি ভঙ্গ বা ছেদ, কঠিন রোগ, উন্নততা, রাজার উপদ্রব, দারুণ অপবাদ, জাতি বিনাশ, পশু পক্ষী হিরণ্য স্বর্ণাদি ধন বিনাশ অথবা গৃহদাহ। মৃত্যুর পরও সে মূৰ্খ ব্যক্তি নিরয়ে পতিত হইয়া থাকে।

রেবতীরও পাপের শাস্তি আরম্ভ হইল। অতিরিক্ত পান ভোজনের দরুণ উৎকট রোগাক্রান্ত হইল। পিতৃমাতৃবিয়োগ দুঃখও পাইল। পরিশেষে সে গৃহচ্যুতও হইল।

নন্দিয় বিদেশ হইতে ফিরিয়া আসিয়া সমস্ত দেখিলেন ও শুনিলেন। রেবতীর স্ত্রায় পাপিনীর দর্শনও পাপজনক ভাবিয়া তিনি তাহাকে গৃহ হইতে বহিষ্কৃত করিয়া দিলেন। পিতৃকুলেও এক ভাই ভিন্ন কেহ ছিল না। নিরুপায় হইয়া সে ভাইয়ের আশ্রয় লইল। কিন্তু ভ্রাতৃবধূর যত্নপায় সে অত্যন্ত কষ্ট পাইতে লাগিল। এক রকম দাসী-বৃত্তি করিয়াই সে দুই মুঠা খাইতে পাইতেছিল। রুগ্ন শরীরে পশ্চিম সহ হইল না। সে অচিরে যমালয়ে গেল।

দুই জন যমদূত তাহাকে দুই বাহতে ধরিয়া যমরাজ্যের দরবারে হাজির করিল। যমরাজ রেবতীকে অবাচি নিরয়ে ফেলিবার ব্যবস্থা দিলেন। কিন্তু আগে নন্দিয়ের বিমান দেখাইয়া আনিতে হুকুম করিলেন।

যমদূতগণ তাহাকে নন্দিয়ের বিমানের সম্মুখে লইয়া ভাল করিয়া দেখিতে বলিল। সে তাহা দেখিয়া একেবারে মুগ্ধ হইল এবং এই বিমান কাহার জানিতে চাহিল।

উত্তরে তাহার স্বামীর বিমান বলিয়া শুনিয়া সে তথায় থাকিতে চাহিল। বলিল “আমিই আমার স্বামীর সমস্ত ঐশ্বৰ্য্যের স্বামিনী। এই বিমানও আমার পরিভোগ্য। সুতরাং আমি এইখানেই থাকিব।”

যমদূতগণ উত্তর দিল “না রেবতে, তুমি এই বিমান লাভের যোগ্য নও। তুমি কত পাপ করিয়াছ স্বরণ কর। নন্দিয়ের পুণ্যকলে তাঁহার জন্ত এই বিমান প্রস্তুত হইয়াছে। তিনি মৃত্যুর পর এই বিমানে পরম সুখ ভোগ করিবেন। তুমি তোমার উপযুক্ত স্থানে গিয়া স্বকর্ম্মের ফলভোগ কর।”

রেবতী বিলাপ করিতে লাগিল। যমদূতগণ তাহাকে জোর করিয়া নরকের দিকে লইয়া চলিল। নরকের ভীষণ দৃশ্যে রেবতী ভয়ানক ভীত হইয়া কাঁপিতে লাগিল। এবং অতি কাতর ভাবে প্রার্থনা করিল “আমায় দয়া করিয়া ছাড়িয়া দিন, আমি গৃহে গিয়া প্রভূত পুণ্য সঞ্চয় করিয়া আমার স্বামীর বিমান লাভের যোগ্যা হইব।”

“না, বিশ্বাস করিতে পারি না। নারকীরা তেমন বলে, কিন্তু মহুগলোকে গিয়া সব তুলিয়া যায়। তুমি যাও,—তোমার পাপকর্মের ফল ভোগ কর।”

তারপর যমদূতগণ তাহাকে তুলিয়া অবীচ নরকের ভীষণ অগ্নিতে নিক্ষেপ করিয়া চলিয়া গেল।

## লোপামুদ্রা

শ্রীগোপালচন্দ্র কবিকুম্ভম ।

[ বৈদিক যুগের বিদ্বানী মহিলা । ইনি ঋগ্বেদের ১৭৯ সূক্তের প্রথম ও দ্বিতীয় ঋক্ সঙ্কলন করেন

১  
বিদর্ভ রাজার স্ত্রী  
অপরূপ গুণযুতা  
অগস্ত্য মুনির পত্নী, লোপামুদ্রা নাম ;—  
অতুলনা তাঁর গুণগ্রাম !

২  
ভারতের মধ্যস্থলে  
যবে উচ্চ বিজ্ঞাচলে  
সূর্যের গমন-পথ অবরোধ ক’রে,  
দাঁড়াইলা উন্নত শিখরে ;

৩  
তখন অগস্ত্য ঋষি  
বিজ্ঞাচল পাশে আসি  
কৌশলে তাহার শির অবনত করি  
সেই বিয় দিলা অপসারি ; ”

৪  
হেন ঋষি মহামতি  
সহ লোপামুদ্রা সতী  
স্বকঠিন ব্রহ্মচর্যে, পুণ্য তপোবনে  
ছড়াইলা জ্ঞানের কিরণে।

৫  
লোপামুদ্রা পতিব্রতা  
রমণী-ললামত্বতা,  
রচিলেন বেদমন্ত্র, ব্রহ্মজ্ঞান-বলে,—  
বসি’ পুত পতি-পদতলে !

৬  
মূর্ত্তিমতী সরস্বতী  
পবিত্র চরিত্রবতী,  
স্বামীসেবা দেব বিজ্ঞ অতিথি পূজন  
পুণ্য কার্যে যাপিলা জীবন !

# সন্তানের প্রতি মাতার কর্তব্য

ডাক্তার আর মেন গুপ্ত

M. D. A. R. H. S. M. R. A. S. (London )

[ জর্জ মেডিকেল কলেজের প্রিন্সিপাল ]

মাতার সহিত সন্তানের জীবন যতদূর ওতঃপ্রোত ভাবে জড়িত রহিয়াছে, পিতার সহিত তদ্রূপ নহে। এজন্য শাস্ত্রকারগণ পিতা অপেক্ষা মাতাকে উচ্চ স্থান দিয়াছেন :—

‘পিতা স্বর্গঃ পিতা ধর্মঃ পিতাহি পরমঃ তপঃ।

পিতরি প্রীতিমাপন্যে প্রিয়ন্তে সর্বদেবতাঃ ॥

পিতুরপ্যাধিকা মাতা (১)গর্ভধারণ (২)পোষণাৎ।

অথোহি ত্রিষুলোকেষু নাস্তি মাতৃসম গুরুঃ ॥

এ স্থলে দেখা যাইতেছে যে (১) গর্ভধারণ ও (২) পোষণের জন্য মাতা, পিতা অপেক্ষা এমন কি সকল দেবতা অপেক্ষাও উচ্চ স্থান লাভ করিয়াছেন। সুতরাং মাতা স্বর্গ হইতেও প্রধান, ধর্ম হইতেও প্রধান, এক কথায় বলিতে গেলে মাতা আমাদের গের সাক্ষাৎ আরাধ্য দেবতা।

পূর্বেই বলিয়াছি যে (১) গর্ভধারণ ও (২) পোষণ এই দুই কর্তব্য সন্তানের প্রতি মাতার নিহিত রহিয়াছে। সুতরাং শুধু দশ মাস দশ দিন গর্ভে ধারণ করিয়া সন্তান প্রসব করিলেই মায়ের কর্তব্য শেষ হয় না, সন্তানকে যথামত ভাবে পোষণ বা লালনপালনও করিতে হইবে। যে মাতা সন্তানকে পোষণ বা লালনপালন করিতে জানেন না তিনি ‘গর্ভধারিণী’ নামের অধিকারিণী হইতে পারেন কিন্তু প্রকৃত মাতার স্থান অধিকার করিতে পারেন না। অনেক মাতা সন্তান প্রসবের সঙ্গে সঙ্গেই সন্তানের প্রতি তাঁহাদিগের প্রকৃত কর্তব্য শেষ বলিয়া মনে করেন এজন্য তাঁহারা আপন

সন্তানের লালনপালনের ভার ধাত্রীর হস্তেই ন্যস্ত করিয়া থাকেন। ইহার পরিণাম কত দূর শোচনীয় তাহা তাঁহারা মুহূর্তের জ্ঞান ও চিন্তা করেন না। সন্তানের লালনপালনের জন্য যে ধাত্রীর সুব্যবস্থা করা হইয়া থাকে, অধিকাংশ স্থলেই তাহারা হীন স্বভাবা ও হীনবংশ-সন্তুতা। যাহারা চরিত্রহীন তাহাদিগের শরীর যে কদর্য অর্থাৎ নানা রোগের ভিত্তিভূমি তাহা সহজেই অনুমেয়। সুতরাং এইরূপ হীনস্বভাবা রুগ্না ধাত্রীর সংসর্গে স্নকুমার শিশু যে ক্রমেই অধোগতি প্রাপ্ত হইবে এবং অকালে কালগ্রাসে নিপতিত হইবে তাহাতে বিচিন্তা কি? সন্তানের এইরূপ অধোগতি প্রাপ্ত হইবার এবং অকালে কালগ্রাসে নিপতিত হইবার জন্য মাতাই প্রকৃত দায়ী; কারণ তিনি যদি তাঁহার সন্তানকে নিকৃষ্ট ভাবাপন্ন ধাত্রীর হস্তে রক্ষণাবেক্ষণের ভার না দিতেন যদি সন্তান প্রসব করিয়াই তাঁহার কর্তব্য শেষ হইয়াছে বলিয়া মনে না করিতেন, তাহা হইলে হতভাগ্য শিশু অকালে মৃত্যুমুখে পতিত হইত না।

সন্তানের চরিত্র পিতা অপেক্ষা মাতার চরিত্র সাপেক্ষ, কারণ মাতার আদর্শে সন্তানের চরিত্র গঠিত হয়। এজন্য মায়ের চরিত্রে যে সকল দোষ ও গুণ আছে, সন্তানের চরিত্রে সাধারণতঃ তৎসমুদয় দৃষ্ট হইয়া থাকে অর্থাৎ মাতা ভোগ বিলাসিণী হইলে সন্তানও ভোগ বিলাসী হয়; মাতা সচ্চরিত্রা হইলে সন্তানও সচ্চরিত্র হয়; মাতা পরশ্রীকাতরা হইলে

সন্তানও পরশ্রীকাতর হয় এবং মাতা পরের সুখে সুখ ও পরের দুঃখে দুঃখ অনুভব করিলে সন্তানও পরের সুখে সুখ ও পরের দুঃখে দুঃখ অনুভব করে । অর্থাৎ সন্তান অহরহ মাতার সংসর্গে থাকে বলিয়া মাতার চরিত্রের দোষ ও গুণ অনুকরণ করিয়া থাকে ।

মাতা যে শুধু সন্তানের চরিত্র ও শিক্ষা বিষয়ে দায়ী তাহা নহে সন্তানের স্বাস্থ্য বিষয়েও তিনি সম্পূর্ণ দায়ী । ষাহাতে সন্তান আহাৰাদি বিষয়ে সুসংযত হয় তৎকাল তাহাকে বিশেষ মনোযোগী হইতে হইবে ; নতুবা সন্তানের স্বাস্থ্য ক্রমেই ভাঙ্গিয়া পড়িবে । সন্তানের স্নান, আহাৰ ও ব্যায়ামাদি বিষয়ে মাতার বিশেষ মনোযোগ দরকার ।

রীতিমত পরিষ্কার পরিচ্ছন্ন না থাকিলে শরীরে বর্ষাদি ময়লা জমিয়া নানারূপ চর্মরোগ হয় এজন্য

স্নানাদির দ্বারা রীতিমত পরিষ্কার পরিচ্ছন্ন থাকা উচিত । অর ও সর্দি কাশি প্রভৃতি রোগ না থাকিলে প্রত্যহ শীতল বা ঈষৎ জলে স্নান করিতে হইবে ।

স্নানের স্নায় আহাৰের নিয়মও প্রতিপালন করিতে হইবে । অধিক আহাৰে কুখামাল্য, উদরাময় প্রভৃতি নানা রোগ জন্মে, অপুষ্টিকর দ্রব্য ভোজনে শরীরের উপকার অপেক্ষা অনিষ্টের সম্ভাবনাই অধিক । এজন্য পরিমিত পরিমাণে পুষ্টিকর দ্রব্য ভোজন করা উচিত ।

ভুক্ত দ্রব্য পরিপাকের জন্য আহাৰের দুই তিন ঘণ্টাকাল পরে যে কোন ব্যায়াম বা অঙ্গ চালনার আবশ্যক, অথবা স্বাস্থ্যের পূর্ণ বিকাশ ঘটে না ।

আমরা বারাস্তরে সন্তানের স্বাস্থ্য বিষয়ে বিশদ আলোচনা করিব ।

## মোহন রূপ

শ্রীমতী অজানিতা দেবী ।

আকাশে আজ জোয়ার এসেছে,  
তোমার মোহন রূপের জোয়ার এসেছে ।  
ঐ সীমাহীন গগন পটে  
রঙ বিরঙের ঢেউ যে ছোট্টে,  
নীলাঘরের বুকখানি আজ  
রঙিন হ'য়েছে ।  
তোমার মোহন রূপের  
জোয়ার এসেছে ।

রূপের তোমার নাইক সীমা  
রূপের রাজা হে,  
ঐ অপরূপ ফোটাও মম  
শুধু হিয়াতে ;—  
বিশ্ব মগন যে রূপ ধ্যানে  
ছোটাও মোরে তাহার পানে,  
গগনে আজ ও রূপ হেরি  
পরান মেতেছে ।

## ব্যর্থতা

শ্রীমতী সুধীরা মজুমদার ।

“আমি চকল হে, আমি স্বপ্নের পিয়ামী ।”

আজ আমার বয়স হয়েছে অনেক । জীবনের উপর দিয়ে কত ঝড় ঝাপ্টা যে বয়ে গেছে তার ইয়ত্তা নেই । জীবন-সঙ্কায় মনের কোণে অনেক হারান স্মৃতি থেকে থেকে উঁকি মারছে । হাতের কাছে পেলাম একটা বছরদিনের “পুরাণ খাতা ।” সেখানা দেখে যৌবনের অনেক স্মৃতিই মনের মাঝে জোয়ার ভাটার মত খেলে যাচ্ছে । আজ তার একটুখানি উদ্ধৃত না করে পারছি না ।

১৫ই ফাল্গুন—আজ অনেক দিন বাদে অনেক পুরাণো স্মৃতির ডালি নিয়ে শিশু বসন্ত আমারই হৃদয়-ঘারে এসে ডাকাডাকি করছে । কিন্তু মন ত তাতে সায় দেয় না ! আমার প্রাণে এত মরুচে পড়েছে কেন ? আজ ঐ দখিন হাওয়া আমার হৃদয়-লতাকে নাড়া দিয়ে তারই মত আগতে বলছে, নতুন আনন্দ নিয়ে, নতুন জীবন নিয়ে । আজ ঐ সুন্দর আকাশ আমার ডেকে তারই মত উদার হ’তে বলছে । বসন্তের কোকিল আজ থেকে থেকে আনন্দে গেয়ে উঠছে । মনে হয়, সে আজ তারই আনন্দে যোগ দিবার জন্ত উৎসাহিত করছে । আজ যেন আকাশে বাতাসে, জলে স্থলে, সবেই মনে আনন্দের সাড়া পড়ে গেছে । চারিদিকে বসন্ত তার রজনী উত্তরীয় উড়িয়ে পাগল হয়ে ঘুরে বেড়াচ্ছে ।

এখন জগতের সবাই আনন্দে মাতোয়ারা, শুধু মন আমার মরুচে-ধরা বেসুরো মনটী । সে-ত এই আনন্দে সাড়া দিতে পারছে না । ইচ্ছা হয় তাকে আকাশেরই মত নির্মল করি, তাকে ফুলের মত সুন্দর করি, কিন্তু মনের মাঝে অনেক কালী

লেগেছে । ঘসে কালী তোলা যায়, কিন্তু তার দাগ ত চিরকালই মনের ফাঁকে ফাঁকে লেগে থাকে ; তাকে তুলি কি করে ?

১৬ই ফাল্গুন—আজ হে আকাশ, কোথায় তোমার সেই সুন্দর মোহন মূর্তি ? কেমন করে তুমি সেই রূপটী লুকালে ? আজ তোমায় দেখে মনে হচ্ছে, কোন অভিমানী তার প্রিয়তমের উপর অভিমান করে সমস্ত সাজসজ্জা খুলে বসে আছে, আর কখনও প্রিয়তমের সাথে কথা বলবে না ।

আজ তুমি, দখিন হাওয়া, কেন চূপ্-ক’রে বসে মানব-মনের খেলা দেখছ ? কেন অল্প দিনের মত আজও অশান্ত ছেলের জায় উধাও হয়ে ধরণীর বৃক-গাছের গায়ে জড়ান লতায় পাতায় নেচে নেচে কাঁপন তুলছ না ? তুমি ফুটন্ত ফুলের দলে কাঁপিয়ে পড়ে তাদের ব্যাকুল করে দিচ্ছ না কেন ? কেন এখনও তুমি নদীর বৃক কাঁপিয়ে পড়ে তাকে আকুল করে দিচ্ছ না ? তুমি আজ এত মন-মরা হয়ে আছ কেন ? আজ আমার হৃদয়-লতাকে নাড়া দিয়ে রোজের মত তোমার সুরে সুর মিলাতে বলছ না কেন ?

হায় ! আমার মন কি এতই কালো যে, তোমরা সকলে মিলেতার কালো দাগ তুলতে পার না ? আমার যে তোমাদের সঙ্গে মিলে তোমাদের সেই চির নীল, চির শিশু, চির পুরাতন দেবতার আরাতি করতে ইচ্ছা হয় । কিন্তু আমি কি তা পারব ? তোমরা যদি আমায় সাহায্য কর ; হে আকাশ, বাতাস, তা হ’লে আমিও তোমাদের সঙ্গে সেই মহান দেবতার পূজায় জোগাড় দিতে পারি ।



আজ থেকে থেকে বনের কোকিলের সাথে সুর মিলিয়ে আমার মন গেয়ে উঠতে চাচ্ছে,—

“আজকে শুধু একান্তে আসীন  
চোখে চোখে চেয়ে থাকার দিন ।”

২৮শে ফাল্গুন—আজ অনেক দিন বাদে লিখতে বসেছি, তাই নানা রকম ফুলের গাঁথন-ছেঁড়া মালার মত এলোমেলো ভাবে চিন্তাগুলি মনের কোণে উঁকি মারছে। আজ পূর্ণিমা। নীলাকাশ চাঁদের আলো মেখে চাঁদের বাসর জাগ্রবার জন্ত প্রস্তুত। তার যে আজ বিয়ে—নিখিল মাঠের শেষে বাশ-বনের ধারে পানা পুকুরের সাপ্লার সাথে। তাই ঝাঁ ঝাঁ ধরেছে সাহানার করুণ তান। বনের কোণে যুঁই চাঁপা যেন তাদের বন্ধুর বিয়েতে এক গাল হেসে নবদম্পতির সখর্কনায় ব্যস্ত। শুধু ব্যস্ত নয়—বনের বকুল। সে চায় সবারই নীচে সকলের ছোট হয়ে থাকতে। দূরে বিরহিনী কোকিলের থেকে থেকে বুক-ভাঙা কাণ্ডা শুনা যাচ্ছে। মনে হয় সে যেন তার হারান প্রিয়তমের অপেক্ষায় থেকে থেকে শ্রান্ত হয়ে পড়েছে। সবাই ব্যস্ত এই চাঁদিনী যামিনী সম্ভোগ করবার জন্ত। শুধু ব্যস্ত নয় বনের বকুল, আমারই মত।

ওরে আমার মরা-মন, তোকে কেমন করে জাগাই, বল? তোর জীবনের উপর দিয়ে কত শরৎ এলো, কত বসন্ত গেল, তবু তুই জাগবি না? তুই এত নিরীক্ষা কেন, তোর যেন কিছুতেই কিছু হবে না? তুই কি শুধু ঘুমাবি? জগতের সবাই জাগল, শুধু তুইই ঘুমাবি? এ-তো তোর ভারি অজ্ঞায়! তোকে নিয়ে যে আর পারি না, বড় শ্রান্ত হয়ে পড়েছি, তোর সাথে যুদ্ধ করে’। বনের বকুল, যে সবার নীচে থাকতে চায়, তারও কোন গুণ আছে, কিন্তু তুই,—তোর ত কোন গুণ নাই। মনে করি তোকে কত কিছু দিয়ে সাজাই। কিন্তু তুই যে কালো, তোর ফাঁকে ফাঁকে যে ময়লা জমেছে, তা-ত’ ঘসে মুছে তোলা যায় না। তবে, হে বাতাস, তোমরা আমার সাহায্য কর, যাতে

আমি জগতের সুরে সুর মিলিয়ে গাইতে পারি,—

“আজ নিখিলের আনন্দ ধারায় ধুইয়ে-দাও  
মনের কোণের সব দীনতা মলিনতা ধুইয়ে দাও ।”

২৯শে ফাল্গুন—আজ ফাল্গুনের দিনে এই আনন্দ-ধারার মাঝেও কেন বার বার মনে প’ড়ছে—

“আমার হৃদয়লতা সুরে পড়ে,  
বাধা ভরা ফুলের ভরে ।”

সত্যি, আজ আমার চঞ্চল স্বতইন্যাত্মশীল হৃদয় কোন এক অজানা ব্যাপার ভাবে চূয়ে পড়ছে। তার সকল কাজেই কেমন যেন বেসুরো বাজছে, মনে হচ্ছে—আমার হৃদয়-বীণার কোন একটা তার একেবারে ঢিলে হ’য়ে গেছে, তাকে আর বাধতে পারছি না। সে তার তাল ঠিক রাখতে পারছে না, বার বারই তাল কেটে ফেলছে। আমার মন আজ এক দিনেই যেন বৃদ্ধ হয়ে পড়েছে। তাই যেন তার বহু পুরাতন স্মৃতির খাতাখানা নিয়ে বসেছে। আজ সে, কেবলই দেখছে, তাতে তার শ্রাস্তি নাই, ক্লান্তি নাই আজ যেন দেওয়ার চেয়ে পাওয়ারই তার সুখ বেশী। তার কাছে যেটা আব্ছা হয়ে গেছে, সেটাকে সে টেনে বের করে রত্নিন তুলি বুলিয়ে রত্নিয়ে তুলবার চেষ্টা করছে। আজ সমস্ত জগৎ থেকে সে নিজেকে গোপনে সরিয়ে নিয়ে সবার আঁড়ালে বসে কেবলই পুরান স্মৃতিগুলি ঘেঁটে যাচ্ছে।

আজ তাই মনে পড়ছে সেই বহু পুরাতন স্মৃতি, অতি জীর্ণ স্মৃতিটুকু মাঝ। শুধু স্মৃতি—যা নাকি মানুষকে কেবল দংশন করে, কেবলই দংশন আর কিছু নয়। আজ মনে পড়ছে—সেই সূদূর পর্বত কোলে যেখানে বারমাসই শীত থাকে, যেখানে শীত ছাড়া আর কিছুই বিশেষ সাজা পাওয়া যায় না, যেখানে পাহাড়ের চূড়ায় বারমাসই বরফ থাকে, সেই গগন-চূষি পর্বতমালা সকাল বিকাল সূর্যের রাজ্য রশ্মির ফাগ মেখে মাতে। সেখানে পাহাড়ের



ক থেকে হাততালি দিয়ে নাচতে নাচতে চলেছে  
‘ছোট নদীটী।’ সে যেন খেয়ালী বাপের অভিমানী  
ময়ে, চলেছে সাগরের সঙ্গে অভিসারে আর তার  
ধার দিয়ে চলে গেছে একটা সরু বাঁকা পাহাড়ী পথ।  
সইপানেই ত তার সাথে প্রথম দেখা। কি সুন্দর  
মুখ ধানা! কি চমৎকার সরল চাউনি! একবার  
ভুবন-ভুলান হাসি হেসে কোথায় পালান?

\* \* \* \* \*

তারপর থেকে তাকে খুঁজে খুঁজে সারাটা জীবন  
কাটিয়ে দিলাম। কই, তার দেখা ত পেলাম না?

তবে আশা নিয়েই বসে থাকি, এ জীবনে না হ’লেও  
—পাব। আজ আমার জীবনতরী ঘাটে এসে  
লেগেছে। সারা জীবন তার ধ্যান করেই কাটলাম,  
কিন্তু পেলাম কই? তাকে ভালবেসে ব্যর্থ-প্রেম  
নিয়েই চলে যেতে হবে। তার সঙ্গে বোধহয় আর  
দেখা হবে না। আজ আমি মৃত্যুভেরী শুনে ভয়  
পাই নাই মোটেই, তবে একটা ব্যর্থতার হাহাকার  
“হয় নাই,—হয় নাই” বলে আশায় যেন বাধা  
দিচ্ছে। তবু আমার যেতে হবে বুক ভরা ব্যর্থতা  
নিয়েই।

## নারী

শ্রীমতী ভক্তিসুধা হার ।

বিশ্বে দেবের অতুল সৃষ্টি  
প্রকৃতির লীলাভূমি,  
অনন্তকালের আনন্দ-মধু  
অস্তরে তব বহে’ আনা শুধু  
সুন্দর অতি মম্বর-গতি  
মঙ্গলময়ী তুমি।  
সন্মোচে কহে সরি’ এক কোণে  
সঙ্গীত স্বরে তারি  
‘পরিচয় মোর কিছু নাই আর  
হে পুরুষ, শুধু নারী।’  
যাও দূরে সরি অভিশাপ চির  
পরণীতে ধূমকেতু,  
একি সচল চক-চঞ্চলা  
বিলাস আলসে লুটিতাকলা  
ছলনা-মূর্তি খলতা-বৃত্তি  
চির-বন্ধন হেতু।  
অশ্রু-সজল ব্যাকুল কণ্ঠে  
লুটায় চরণে তারই  
রমণী কাহিল ‘হে সাধুপুরুষ,  
এ যে গো কেবলি নারী।’

চিনতে নারিষ্ঠ রমণী তুমি কি  
মাছুষ, পিশাচী, দেবী?  
নিষ্কার-ঝর প্রীতি রস ধারে  
প্রেমের তীথে বরিচ সবারে—  
সত্য মিথ্যা কে জানে তোমারে,  
ভাবনা, ভরি কি সেবি—  
করণে চাহিয়া হানিয়া কাঁদিয়া  
সে কহে অমনি গো  
‘দ্রাস্ত পুরুষ, কি ভাবনা ভয়  
এ শুধু রমণী গো।  
কাম্পিত হৃদে পুলকে হমে  
পুরুষ যখনি কহে—  
জননী ভগিনী প্রণয়িনী নাম,  
সহ গো প্রাণের অর্ঘ্য-প্রণাম—  
সিস্ক করেছ শুধু জগতে  
সার্থক স্নেহ বহে’।  
সে দিনও কণ্ঠে পুলকে ঢালিয়া  
অস্তর সুধা-বাগ্নি  
রমণী বুঝাল ভক্ত পুরুষে  
সে যে গো শুধুই নারী।

মা

## শ্রীরাধিকাপ্রসাদ মণ্ডল ।

“জননী জন্মভূমিঞ্চ স্বর্গাদপি গরীয়সী ।” দশ-  
মাস দর্শাদিন যিনি কঠোর যাতনা সহ্য করিয়া  
সন্তানকে জঠরে স্থান দেন এবং দুর্বিসহ প্রসব  
বেদনা সহিয়া তাহাকে বিশ্বের শোভা নিরীক্ষণ  
করিবার অধিকার দান করেন ; শৈশবে কত যত্নে,  
কত কষ্টে লালন-পালন ও শত শত বিপদ হইতে  
উদ্ধার করেন, এমন কি সন্তানের মলমূত্রাদি কত  
দিন অগ্নের সঙ্গে সঙ্গে মুখে উঠে তাহাতেও যিনি  
ক্ষুব্ধ হন না, তিনি কে ?—তিনি আমাদের মা ।

পীড়িত অবস্থায়, অনাহারে অনিদ্রায় কত দিবা,  
কত রাত্রি অতিবাহিত হইয়া যায়, তাহাতে ক্লেশ  
নাই—সর্বদা বিশ্ব-জননীর মত আমাদের শিয়রে  
বসিয়া থাকেন ; তিনি কে ?—তিনি আমাদের মা ।  
মুমূর্ষু অবস্থায় যমের সঙ্গে লড়াই করিয়া ‘হে  
ঠাকুর ! আমি যুক চিরে রক্ত দিব, আমার  
অঙ্ককারের বাতি কেড়ে নিওনা !’ বলিয়া কে  
মৃত্যু দ্বার হইতে সন্তানকে ফিরাইয়া আনেন ?—  
তিনি মা ।

মা যে কি জিনিষ, তাহা বাক্যে বঝান যায় না ;  
যার মা নাই কেবল সেই বুঝে । দাঁত থাকিতে  
আমরা দাঁতের মধ্যাদা ও মর্ষ বঝিতে পারি না ।  
মাতৃহীন শিশু অন্ধ ছেলেকে মা বলিয়া ডাকিতে  
দেখিয়া সে অন্ধরে গুমরিয়া উঠে, বলে—‘ওরে,  
আমার কি মা বলিয়া ডাকিবার কেহ নাই ?’  
তারও যে এমনি করিয়া মা বলিবার সাধ হয়, হয়  
মা নাই যার, তার মত দুর্ভাগ্য বোধ হয় আর কেহ  
নাই । প্রবাদ আছে—‘মা নাই যার, গা নাই  
তার ।’ বাস্তবিক, মা ভিন্ন সন্তানের বেদনা  
বুঝিতে, কোলে লইয়া আলা জুড়াইতে সন্তানের

আর কে আছে ? এমন শাস্তির আকর, স্নেহের  
নিঝর, অমৃতের উৎস আর কোথাও আছে কি ?  
বিধাতা বোধ হয় স্নেহ, দয়া, মংগা, ভালবাসা,  
ত্যাগ ও মহিমা,—প্রকৃতির সকল সমৃদ্ধিগুলিই  
নারীমূর্তির ভিতর দিয়া মাতৃহে প্রস্ফুট করিয়াছেন ।

জগতে নারী আত্মশক্তির অংশরূপিনী । কখনও  
তিনি অল্পপূর্ণা, অগ্নের খালি হাতে ঘরে ঘরে অল্প  
বিতরণ করিতেছেন, কখনও বা জগদ্ধাত্রীরূপে  
গৃহস্থালীকল্প বিশেষে নিম্ন হইতে উচ্চতম সর্ববিধ  
প্রাণীকে পালন করিতেছেন, আবার কখনও দুর্গা-  
রূপে দশপ্রহরণে জগতের দর্শবিধ অকল্যাণ নিবারণ  
করিতেছেন, ক্রোধ মহিষাসুরকে পদতলে দলিত  
করিয়া, ঘেব হিংসা প্রভৃতি পশু নিচয়কে অহরহঃ  
তাড়না করিয়া আপন বীর্ষ্য প্রদর্শন করিতেছেন ।  
সন্তানের সর্ববিষয় দূর করিয়া নয়, কর্ম ও জ্ঞানযুক্ত  
ষড়ৈশ্বর্যশালিনী মা আমাদের ঐশ্বর্য সকল বিধান  
করিতেছেন, আবার মুহূর্ত্তে বর ও অভয় দান  
করিয়া বলিতেছেন ‘ভয় কি,—এই যে আমি।’  
এমন যে মা, সন্তানের মঙ্গল এবং স্বাস্থ্য বিধানই  
যার একমাত্র কর্ম, কি বলিয়া যে সে মায়ের স্বরূপ  
বর্ণন করিব, তাহা ভাষায় খুঁজিয়া পাই না, কেহ  
কখন পারিয়াছেন কি না জানি না ।

একবার মা বলিয়া ডাকিলে, জননী সন্তানের  
সকল অপরাধই ভুলিয়া যান । মাত্র ‘মা’ নামের  
যে কত মহিমা তাহাও বাক্যে বলিয়া ফুরান যায়  
না । অশীতিপর বৃদ্ধও যদি কোনও অপরিচিতা ও  
বয়সনিষ্ঠা রমণীকে মাতৃসম্বোধন করেন, তাহা  
হইলে সে রমণী তাহাকে ফিরিয়া স্নেহের ‘তাত’—  
সম্বোধন না করিয়া পারেন না । তাই বলিতে—

ছিলাম, মায়ের তুলনা এ জগতে মিলেনা, মায়ের তুলনা শুধুই 'মা'। একবার মা বলিয়া ডাকিলে প্রাণে কত শান্তি আসে, হৃদয়ে কত আনন্দ মিলে, মিরাসার দীন-অবসাদের মধ্যে একটা শান্তি ও সজীবতার সঞ্চার হয়।

এমন যে মা, অবোধ সম্মান আমরা তাঁহাকে চিনিতে পারিলাম না,—সর্বদা প্রত্যক্ষ দর্শন করিয়াও নহে। অর্জুন সর্বদার অস্ত বাসুদেবকে

সঙ্গে পাইয়াও যেমন প্রথমে তাঁহাকে চিনিতে পারেন নাই, আমরাও তেমনি বিশ্ব-মাতৃ-স্নেহে সর্বদার অস্ত পরিপ্লুত থাকিয়াও তাঁহাকে তুলিয়া আছি। কবে অর্জুনের সে সৌভাগ্য লাভ করিব? মাতৃস্নেহের প্রকটিত বিরাটরূপ সন্দর্শন করিয়া সর্ববিধ ক্ষুদ্রতা হইতে কবে মুক্ত হইব? মাই জানেন সে শুভ মুহূর্ত্ত কবে আসিবে। মা—ই সত্য, মা—ই সত্য!

## অনুভূতি

শ্রীমতী জিনিয়াকুসুম সেনগুপ্তা ।

মলিনতা যত ধুয়ে দাও আর  
মুছে দাও যত কালি,  
যোগ্য কর মোরে ধরিতে মাখায়,  
তোমার চরণ ধূলি,  
শিখাও গাহিতে তব নামগান,  
দাও নব সুর, দাও নব প্রাণ,  
সঙ্গীত মোর ছুটে থাক নাথ  
দূর হতে বহু দূরে,  
আপ্তক জগত, ভরুক চিত্ত  
তব সঙ্গীত-স্বনে ।

মুছাইতে দাও শক্তি হে নাথ,  
ব্যথিত নয়ান-বারি,  
শিখাও হে নাথ পরহিতে যেন  
আপন বিকাতে পারি,  
তব করুণার রস মধু-ধারা,  
রাঙিষে তোলে গো এ জীবন কারা,  
ধৌত করিয়া পাপ মলিনতা  
ছুটে যায় বহু দূরে,  
দেবতা আমার ! দাও হে শক্তি  
জানাব জগত জুড়ে ।

# অতিথি

( গল্প )

## শ্রীমতী কুলবালা দেবী ।

পঞ্চাননের অঙ্ক পূজারী শঙ্কুনাথের মেয়ে—  
নাম ছিল তার দেবদাসী ।

পোনের বৎসর বয়স যখন, যৌবন তার  
কনক-তুলি বুলিয়ে দিলে দেবদাসীর মর্ত্ত-চুল্লভ  
রূপেব উপর। সৌন্দর্যের ষোলকলা পূর্ণ হল,  
কিন্তু এই ষোড়শী সৌন্দর্য-পক্ষ্মাকে কেউ আদরে  
বা অমাদরে বরণ করে নিতে এলনা ।

লোকচক্ষুর অন্তরালেই বনফলটি ফুটে রইল  
নিরালা বনের বৃক স্থরভিত করে ।

পঞ্চবটির ছায়া-ঢাকা ঘন বনানি-মাঝে দেবদাসীর  
রূপের মলয় নিভূতে বহিত, বনদেবতায় তৃপ্তি দিতে  
নামটিও তার সার্থক হয়েছিল । সে তার আশৈশবের  
প্রিয়তম এই উপবন-সুন্দরকে রূপের ডালি  
নিবেদন ক'রে দিয়ে ক্ষুদ্র প্রাণটি পরিপূর্ণতায় ভরে  
রেখেছিল, কোথাও এতটুকু অসূর্ণতার অভাব  
রাখেনি । কামনা-গন্ধ-লেশহীন পুলকধারায় মন  
ছিল তার নিয়তই অভিযুক্ত ।

সেদিন ষেত্বের মধ্যাহ্ন, সূর্য্যদেব উগ্রভেজে  
জলছিলেন প্রকৃতক্কে অলসতার কোলে ডুবিয়ে  
রেখে । কোথাও জন মানবের সাড়া নেই, কেবল  
নিরুন্ম নিস্তরুতা ভেদ ক'রে আমগাছে ব'সে একটা  
চাতক চীৎকার করছিল—“ফটিকজল” “ফটিকজল” ।  
এমনি সময়ে শঙ্কুনাথের খোড়ো ঘরের দ্বারে এক  
ক্ষুৎপিপাসাতুর অতিথি এল ।

দেবদাসী সন্তোষিত মেঘের মত মুক্ত কুন্তল  
ছালিয়ে ছুয়ারে এসে থমকে দাড়াল । দুটি স্নিগ্ধ  
চোখের দৃষ্টির আলোয় মনে হলো সে নিমিষে  
মিছেকে হারিয়ে ফেলে !

অতিথি দীর্ঘদেহ গৌর সুন্দর যুবক, প্রশান্ত  
ললাটে তার শত সৌভাগ্যের স্বপষ্ট চিহ্ন, স্বক্কে  
মল্লিকা মালার মত শুভ্র যজ্ঞোপবিত, সেই তাপস  
অঙ্গে গায়িত্রীর পবিত্রাসন সগৌরবে বিরাজিত ।  
সহসা তার মনের পটে ভেসে উঠল “প্রসন্নঃ  
পদ্মাসীনঃ” সেই মহেশ্বর মূর্ত্তি ।

কি এক অজ্ঞাত শিহরণে বৃকটি একবার শিউরে  
উঠে আঁপি ছুটি ধীরে ধীরে মুদিত হ'ল—রাবিকর-  
স্পর্শ-কমলের মত । লজ্জানত দৃষ্টি তুলে চাহিতেই  
আবার চারি চক্ষুর মিলন ! অতিথি এবার কথা  
কইলে, ভিক্ষাতীর মত প্রার্থনার স্বরে বল্ল, “একদিন  
বিশ্রাম করবো, একটু আশ্রয় পাব কি ?”

দেবদাসী সানন্দে সম্মতি জানালো । অতিথি  
সেবায় প্রাণ তার পুলকের সাড়ায় জেগে নেচে  
উঠল, কে জানে হৃদয়ের কোন গুপ্ত গুহার তল  
থেকে আজ ব্যাকুল বাসনা বৃক চিরে বেরুতে  
চাইছিল—পাষণবক্ষভেদা ঝর্ণা-ধারার মত অঝোর  
ধারায় ।

( ২ )

পরদিন ভোরের সময় জ্যোতিঃস্বয় অতিথি  
সেবা-তুষ্টি মনে বিদায় নিলে, নয়নের নীরব ভাষায়  
প্রসন্ন অভিনন্দন জানিয়ে । দেবদাসীর বিষন্ন মুখ  
একবার আঁবির রঞ্জে রেঞ্জে উঠল, মুখ দিয়ে একটা  
কথাও বের হল না ; মুকের মত বৃকের ভাষা কর্ণে  
এসে আবার বৃকে ফিরে গেল । কিন্তু না, তাকে  
একটিবার যে বলতেই হবে “ওগো অপরিচিত  
একটা সাহুনার বাণীরও কি প্রার্থী আমি হতে পারি  
না ? যদিও এই ক্ষণিক সেবার গৌরবের মাঝেই

তোমার পূজা করে ধন্য হয়েছি, তথাপি ওগো বাকসংঘমী ব্রহ্মচারী, একটীবার বলো—আর এক দিন আমায় সেবার অবসর দেবে।” কর্তৃকবাট মুক্ত করে ঠিক এই কথাগুলি যখন জোর করে বলতে গেল অতিথি তখন দৃষ্টির বহির্ভূত শালবনের ঝোপের ফাঁক দিয়ে সাদা উত্তরীয়-প্রান্ত বাতাসে একবার ছুলে উঠল, তার পরেই বনের আড়ে মিশিয়ে গেল—তার ক্ষণিকের পাওয়া তৃপ্তি শান্তি যা কিছু সব—

কামনার কালি গায়ে মেখেছিল সে, শাস্ত্র উপবন-শ্রী আর তাকে মুক্ত করতে পারত না, তাই মন তার চীৎকার করে বলতে চাইত—‘আমার আবাল্যের বন্ধু, এ বিলিয়ে দেওয়া বুকে আর ত তোমাদের স্থান দিতে পারব না, সে পবিত্রতা যে চিরতরে হারিয়ে ফেলেছি।’

পূর্ণিমার রাত, চাঁদের আলোয় দিক ভরে গেছে; দেবদাসী অপলকে চাঁদের দিকে চেয়ে বসেছিল। ঋগু ঋগু মেঘমালারা এসে চন্দ্রমাকে একটুখানি পরশ করেই কেমন তৃপ্ত হয়ে চলে যাচ্ছে, যেন এর বেশী আর কিছু চায় না ওরা, বুঝি বিশ্ববাসীকেও বুঝিয়ে দিতে চায় “তোমরাও শান্তিকামী হও। আমাদেরই মত একটু পরশের হাশ নিজে দূরে সরে থাক, লিপ্ত হয়ে আর প্রাণের দৈন্ত বাড়িয়ে তুল না।”

সে কেন তবে দূরের দেবতার স্মৃতির পরশ নিয়ে বরষের পর বরষ কাটিয়ে দিতে পারে না? কই আর পারে! পূর্ণ এক বৎসর যে তার জীবন-নিকুঞ্জবনে শীতল জ্যোৎস্না ভরা মিলন-মধুর ষামিনী হতাশের স্নানিমায় মিলিয়ে আছে। তবু সে তো বসে আছে পলক হারা প্রতীক্ষায়!

( ০ )

দেবদাসীর পিতা পরপারে প্রস্থান করেছেন ইহলোকের দেনা পাওনা চুকিয়ে। একমাত্র কণ্ঠার কাঁড়র কাণ্ডা সে কাজার পথে কোন বিষয়ই আনতে পারেনি। তবে হতভাগী মেয়েটার জন্ত দুফোটা

অশ্রু জোর কবেই ফেলতে হয়েছিল, তার পরই পরম নিশ্চিন্ততা এসে তাঁকে নিয়ে গেল মুক্তির দেশে।

দেবদাসী তখন পিতৃশিষ্টা বৃদ্ধা অন্নপূর্ণার গৃহে গিয়ে রইল। অন্নপূর্ণার ত্রিভ্রগতে আমার বলতে কেউ ছিল না। এখানে দেবদাসী মায়ে মতন আদর পেল। পিতৃশোকের কতক তুলল—বৃদ্ধার স্নেহের সাহায্য।

সমুদ্রের কিছু দূরে বৃদ্ধার দুখানি মাটির ঘর। এ স্থানটির লোকালয় শূন্য। প্রত্যহ সে সাগর তীরে একটি নির্জন স্থানে বসে অতীতের কত কথাই ভাবতো। সেদিনও সে নির্দিষ্ট স্থানে এসে দাঁড়াল, গোধূলির রান্ধা আলো তখন নীল-সমুদ্রের জলে এক বিচিত্র বর্ণের সৃষ্টি করে উর্ধ্বাংশগুলির সাথে নেচে যাচ্ছে কোন অসীমের পথে। সে সেই দিকে বিভোর হয়ে অনেকক্ষণ চেয়েছিল; সহসা রক্ত-হুপরের রুগু রুগু শব্দে দেবদাসী চমকে উঠল; একটি তের বৎসর বয়সের মেয়ে উজ্জল হাসিতে মুখখানি ভরিয়ে মুক্তিমতী সাগরবালার মত তার সামনে এসে দাঁড়াল। বালিকার পরিধানে রেশমী নীলাঘরী সাড়ি—তার শ্রামশ্রীকে অপূর্ণ শোভায় ফুটিয়ে তুলেছে নিপুণ শিল্পির চিত্রের মত। বহুমূল্য রত্ন অলঙ্কার পরিচয় দিচ্ছিল সে দনীর মেয়ে। দেবদাসী আদরে বালিকার চিবুক ধরে জিজ্ঞাসা করে, “তোমার নাম কি?”

বালিকা সহাস্তে উত্তর করে “কেন, তুমি কি জান না, আমি রত্নমালা?”

“বেশ নামটি ত’ তোমরা কোথায় থাক?”

“একটু দূরেই আমাদের বাড়ী।”

রত্নমালার সিঁথিতে সিন্দূর, হাতে নোয়া দেখে দেবদাসী বলে, “হ্যাঁ ভাই, তোমর স্বামী কি এখানেই থাকেন?”

“দূর, তা কি করে থাকবেন, তিনি রাজার ছেলে, মন্ত পণ্ডিত, অনেক শাস্ত্র পড়েন আর দেশ দেশান্তরে ঘুরে বেড়ান।”

“তোমার বিষে হয়েছে কত দিন।”

(৭)

“কতদিন কি গো, সে অনেক দিন; আমার তাঁকে মনেই পড়েনা।”

দেবদাসী বিস্মিত হ’য়ে বলল, “এঁটা, তোমার স্বামীকে তোমার মনে পড়ে না?”

“কি ক’রে পড়বে ভাই, সেই শুভদৃষ্টির সময় একটুখানি দেখেছিলাম; বিষের পরদিনই তিনি চলে গেলেন, তখন আমি খুব ছোট।”

বালিকার সরল কথাগুলিতে দেবদাসীর কৌতূহল আবার বৃদ্ধি হ’ল। সে জিজ্ঞাসা কলে “তিনি আবার আসবেন বোধ হয়?”

“ওমা, বোধ হয় কি, নিশ্চয় আসবেন।” কি অসীম নির্ভরতাময় বাণী! ব্যথার দোলায় ছলে মন তার তিরস্কারের স্বরে বলে উঠল, “ওরে হতভাগী, এ নিশ্চিত বাণীর অধিকারিণী তুই ন’স; তোর কল্পনায় কুড়িয়ে পাওয়ার মত স্বতির কথা হৃদয়ের রক্তকোণে চির সমাহিত থাকবে।

“হ্যাঁ গো, তোমার বৃষ্টি এখনও বিষে হয় নি?”

দেবদাসী ছোট একটা উত্তর দিলে, “না।” কিন্তু তার বেদনাতপ্ত নিশ্বাস যে বার্থ-ভবিষ্যতের সবপানি ব্যথা জানিয়ে দিলে, বালিকা তার কিছুই বুঝতে পারল না।

সন্ধ্যা সমাগত দেখে রত্নমালা চলে গেল তেমনি প্রাণভরা হাসির লহর তুলে।

সেই একদিন মাত্র রত্নমালার সহিত দেখা, তার পরই দেবদাসী কঠিন রোগে শয্যাশায়ী হয়েছিল, স্মরণ্য দেখার অবসর হয়নি।

শরতের শান্ত মধুর সকাল, ঝঝকে রোদুর বালির চড়ায় ঝিকমিক কচ্ছিল, যেন শারদলক্ষ্মীর ঝলমলে অস্ত্রের আঁচলখানি হাঙ্কা হাওয়ায় লুটুচ্ছে তীরস্বন্দরীর বৃকের পরে। আজ সমুদ্রতীরে অনেক লোক সমাগম হয়েছে, রাজকুমারীর বিদায় সম্ভাষণে দেবদাসীও এসেছিল। কে যাবে, কোথায় যাবে, এসব সে কিছুই জানত না, সকলের মত সেও তীরের দিকে চেয়ে আছে। তীরে একখানি স্তম্ভিত পান্সি বাধা, রক্তদণ্ডে রক্তচেলির নিশান উড়চে যেন রাজদম্পতির কল্যাণশ্রী কামনায় উৎফুল্ল হ’য়ে। পান্সির খোলা ছাদের মধ্যস্থলে মুক্তার ঝালর দেওয়া স্বর্ণছত্রের তলে যে কে তা দেখবার উপায় নেই, অসংখ্য লোকের জনতায় কিছুই দেখা যায় না। রাজদর্শনের পুণ্য সন্ধ্যা যে তার অদৃষ্টে নেই তা বুঝতে পেরে দেবদাসী ক্লম্মনে ফিরে যাচ্ছিল। সহসা শুভশব্দ বেজে উঠল, নৌকাও নদীর তুলে নিল, সেই সময় কতকগুলি লোক নৌকায় উঠতেই বেশ পরিষ্কার দেখা গেল,—রাজকুমারী রত্নমালা আর তার পাশেই.....ও! এহে তারই ধ্যান ধারণার জ্যোতিঃস্বর সেই অজানাদেশের অচিন অতিথি!

দেবদাসীর পাণ্ডুর ওষ্ঠপুটে একবার আর্ন্ত-চীৎকার ফুটে উঠল, নৃহৃৎসের মধ্যে তার রোগ-দুর্বল ক্লান্তদেহ নিরাশার অবসাদে সাগর বেলায় লুটিয়ে পড়ল।



# বিদ্যাসাগর-জননী ভগবতী দেবী

( শিশুচর্চা ও সন্তানশিক্ষা )

শ্রীপ্রিয়দর্শন হালদার ।

সন্তান ভূমিষ্ঠ হইয়া স্নেহময়ী জননীর কোড়ে আশ্রয়-প্রাপ্ত হয়, এবং যতকাল পর্যন্ত স্বাধীনভাবে গতিবিধি করিতে না পারে, ততকাল জননীর শিক্ষাধীন বলিয়া, শিশুকাল জায় অমুদিন বর্ধিত হইতে থাকে, এই সময় প্রতিনিয়ত জননীর নিকটে অবস্থিতি করায় শিশু যে সকল শিক্ষালাভ করে, ব্যয়বৃদ্ধিসহকারে তৎসমুদয়ের বিকাশ ভিন্ন বিনাশ হইতে প্রায়ই দেখা যায় না। সন্তান-বৎসলা জননীর অকৃত্রিম স্নেহের প্রভাব এতই প্রবল যে, শিশু তাঁহারই প্রতি সর্বাপেক্ষা অধিক অমুরক্ত হয় এবং তাঁহার আচার, ব্যবহার, রীতি, নীতির অমুরণ করিয়া থাকে। সুতরাং মাতার দোষ বা গুণ সন্তানেই সংক্রামিত হইয়া পড়ে।

যে শিক্ষা দ্বারা প্রকৃত মনুষ্য লাভ হয়, শৈশবেই তাহার সূত্রপাত হইয়া থাকে। এ সময়ে সাধারণতঃ শিশুর অমুরক্তি ও অমুরণ প্রবৃত্তি অতিশয় প্রবল থাকে। শিশু ইতস্ততঃ যাহা কিছু নিরীক্ষণ করে, সে সকল তাহার নিকটে নূতন ও অপরিচিত, সুতরাং সে যাহাকে সম্মুখে পায়, তাহাকেই তৎসমুদয়ের বিষয় জিজ্ঞাসা করে এবং সেই সমুদয় বিষয়ের বিশ্লেষণ তাহাকে বাহা বলিয়া দেওয়া হয়, তাহাই সে অত্রান্ত সত্য বলিয়া গ্রহণ করে। ফলতঃ বাল্যকালে যাহা এতবার শিক্ষা করা যায়, তাহা চিরকাল স্মৃতি-পটে দেদীপ্যমান থাকে। অতএব এ সময়ে শিশুর পুরোভাগে একরূপ আদর্শ সকল রাখা উচিত, যাহাতে তাহার হৃদয়ের মনোবৃত্তিনিচয় সজীব হয় এবং উন্নত ও পবিত্র চরিত্র লাভ করিতে

তাহাকে শক্তিশালী করে; এই সময়ে হৃদয়ে জ্ঞানের যে রেখাপাত হয়, উত্তর কালে তাহাই অধিকতর রঞ্জিত ও বর্ধিত হয় মাত্র। অতএব শিশু বেক্ষপ পরিবার মধ্যে থাকিয়া লালিত পালিত হয় তাহার শিক্ষা ও চিত্তবৃত্তির বিকাশও যে তদনুরূপ হইবে, তদ্বিষয়ে অমুমাত্র সংশয় নাই।

জনক জননী ঈশ্বরের প্রতিনিধিরূপে সংসারে শিশুসন্তানগণের রক্ষণাবেক্ষণ করিতেছেন। জননীর উদার বা অমুদার প্রকৃতি, তাঁহার তমসাক্ষর কুসংস্কার অথবা দিব্য জ্ঞানালোক নিশ্চয়ই শিশুর জীবনপথের পরিচালক। সুতরাং মাতার এক একটা সদমুষ্ঠান বা অসদমুষ্ঠান, তাঁহার আচার, ব্যবহার, রীতিনীতি, স্বভাব, চরিত্রের উপর শিশুর বর্তমান ও ভবিষ্যৎ জীবনের মঙ্গলামঙ্গল নির্ভর করিতেছে।

পরিবার মধ্যে ধর্ম ও সাধুতা রক্ষা করিবার ভার রমণীর হস্তে। জননী যদি ধর্মপরায়ণা ও বিবেকশালিনী হন, তাঁহার অস্তরে যদি সাধুতা লাভের ইচ্ছা বলবতী থাকে, তাহা হইলে সন্তানগণও সেই সকল সদগুণ লাভ করে। স্নেহময়ী মাতার অধুরনিঃসৃত স্মৃতি অমুরশাসন-বাক্য সন্তানের স্মৃতিপটে নিবদ্ধ হইয়া থাকে। বিদ্যালয়ের শত শিক্ষকের উপদেশে যে শিক্ষার লাভ না হয়, একটা স্মৃতিপটে, সচ্চরিত্রা, সংযতচিত্তা, বিবেকপরায়ণা মাতার কোড়ে বর্ধিত হইলে সন্তানদ্বিগের সে শিক্ষা লাভ হইয়া থাকে। মহান লোকের জীবনচরিত পাঠে অবগত হওয়া যায় যে, অগতে যত মহাজন যে যে সদগুণের অমুর

প্রতিষ্ঠালাভ করিয়া গিয়াছেন, অধিকাংশ স্থলে, একরূপ পরিলক্ষিত হয় যে তাঁহাদের জননীগণ সেই সকল চরিত্র গুণে বলবতী ছিলেন।

ত্রিভুবনবিজয়ী দৈত্যরাজ হিরণ্যকশিপু নিরতিশয় হরিবিষেষী ছিলেন। হরির নাম শুনিলেই তিনি ক্রোধে অধীর হইতেন। তাঁহার রাজ্যের চতুঃসীমাতেও কেহ হরি নাম উচ্চারণ করিতে পারিত না। এমন হরিষেষীর গৃহেও হরিভক্তিপরায়ণা রাজমহিষী কয়াধুর ভক্তিবলে প্রহ্লাদের আবির্ভাব দেখিতে পাওয়া যায়। পঞ্চম বর্ষীয় শিশু এতদূর ধর্ম-পরায়ণতা ও ভগবানের প্রতি এত আত্মনির্ভরের ভাব কোথায় শিক্ষা করিল? সকলেই জানেন, যে প্রেম কয়াধুর হৃদয়ে, অমৃতসলিলা ফল্গুনদীর শ্রায় প্রবাহিত হইতেছিল, তাহাই পঞ্চম বর্ষীয় শিশু প্রহ্লাদের হৃদয়ে ভক্তি মন্ডাকিনীতে পরিণত হইয়াছিল।

উত্তানপাদ রাজার পুত্র ধ্রুব, বিমাতা সুর্য্যচর দুর্ভাগ্য-বাণে বিদ্ধ হইলে পর জননীর নিকটে উপস্থিত হইয়া অতি কাতর ভাবে ক্রন্দন করিতে করিতে সমস্ত বিষয় নিবেদন করিলে, ধর্মশীলা, সৎস্ব, ও বিবেকপরায়ণা জননী সুনীতি, যে উপদেশ দিয়াছিলেন, তাহা অতি মহৎ, অতি উচ্চ। তিনি তাহাকে ক্রোড়ে লইয়া সাধনা করিয়া বলিয়া ছিলেন, “বৎস! কাঁদিও না; এই পৃথিবীতে মানুষ নিজ কার্যের গুণেই বড় হয়। যদি বিমাতার কথায় মনে অত্যন্ত ক্লেশ হইয়া থাকে, পুণ্যালাভ করিবার জন্ত যত্ন কর; পুণ্যালাভ করিলে সকল ফল লাভ হইবে। বিনয়ী, সত্যবাদী, ধর্মপরায়ণ ও পরহিত-ব্রতী হও; জল যেমন নিম্নাভিমুখেই ধাবমান হয়, এই সকল গুণবিশিষ্ট হইলে, পৃথিবীর সর্ব সম্পদ তেমনি অনায়াসেই তোমাকে আশ্রয় করিবে। সর্বদুঃখহারী ভগবান্ তোমার মঙ্গল করিবেন, তুমি তাঁহার শরণ লও।” একরূপ কমাশীলা, পুণ্যবতী জননীর সন্তান বলিয়াই, পঞ্চম বর্ষীয় শিশু ধ্রুবের হৃদয় পুণ্যের পবিত্র ও বিমল জ্যোতিতে উদ্ভাসিত

হইয়াছিল; ধ্রুব কঠোর তপঃ প্রভাবে, পদ্মপলাশ-লোচন হরির কুপালাভে সমর্থ হইয়াছিলেন।

শিশু বিদ্যাসাগর সকলের চক্ষের অগোচরে, জননীর স্নেহময়ী বক্ষে, গুরুপক্ষের শশিকলার শ্রায় অল্পদিন বর্ধিত হইতে লাগিলেন; তাঁহার ভাগ্যে বিদ্যাবতী জননী লাভ ঘটে নাই। কারণ বহু শতাব্দী ধরিয়া ভারতে স্ত্রীজাতি অজ্ঞানান্ধকারে আচ্ছন্ন ছিলেন। দেশে তখন স্ত্রীশিক্ষার প্রচলন ছিল না। কুমারসম্ভব ও বিক্রমোর্কশী নাটক প্রভৃতি গ্রন্থে এই প্রমাণ পাওয়া যায় যে, পুরাকালে স্ত্রীলোকেরা ভূজ্ঞপত্রে লিপিতেন। তাঁহারা নানা বিষয় শিক্ষা পাইতেন। সংস্কৃত দশকুমারচরিত নামক গ্রন্থেও দেখিতে পাওয়া যায় যে, স্ত্রীলোকেরা বিদেশীর ভাষা, চিত্রবিদ্যা, পুস্ত্রবিদ্যা, নৃত্যবিদ্যা, সঙ্গীত, তর্কবিদ্যা, গণনা, বাক্যবিদ্যা, সৌগন্ধ ও মিষ্টান্ন প্রস্তুতকরণ-বিদ্যা জীবিকা-নির্বাহক অর্থকরী প্রমুখ বিদ্যা শিক্ষা করিতেন। কিন্তু তাহা যে ভারতবর্ষে স্ত্রীশিক্ষার আলোচনা এক সময়ে প্রকৃষ্টরূপে প্রবর্তিত হইয়াছিল, যে ভারতে, দেবযানি, লোপামুদ্রা, বিশ্ববারা, রোমশা ও বাক প্রভৃতি বিদূষী মহিলারা বেদমন্ত্র রচনা করিয়া ছিলেন; যে ভারতে, ভাস্করাচার্যের কল্পা লীলাবতী জ্যোতিষশাস্ত্রে পারদর্শিনী হইয়া স্বনামে জ্যোতিষগ্রন্থ প্রচার করিয়া জগতের জ্ঞানচক্ৰ উন্নীলিত করিয়াছেন; যে ভারতে, অন্নসুয়া, অরুন্ধতী, সাবিত্রী, মৈত্রেয়ী, শৈব্যা, গার্গী, প্রভৃতি প্রাতঃস্মরণীয়া রমণীগণ সাংসারিক সুখসম্ভোগ পরিহারপূর্বক ধর্মালোচনায় প্রবৃত্ত থাকিতেন; যে ভারতে এমন দিন ছিল, যখন বারানসী নগরীতে চতুপ্পাঠী স্থাপন করিয়া হুটি বিদ্যালকার নামে এক বিখ্যাত রমণী, ছাত্রদিগকে শ্রায় ও স্মৃতিশাস্ত্র পর্যন্ত শিক্ষা দিতেন; যে ভারতে, মিহিরের স্ত্রী ধনা জ্যোতির্বিদ্যা ও তাহার রচনার নম্র বিখ্যাত আছেন; যে ভারতে চিতোরের রাণী আপন শক্তিগুণে অন্নদেবের শ্রায় স্মৃতি কবিতা লিখিয়া

গিয়াছেন, যে ভারতে, পৃথ্বীরাজ-লক্ষ্মী পদ্মাবতী, চৌষটি শিল্প ও চতুর্দশ বিদ্যা জানিতেন; যে ভারতে, মালাবারে 'আভীর' নামে এক অবিবাহিতা বিদ্যাবতী নারীর তত্ত্ব নীতি, কাব্য ও দর্শন বিষয়ক পুস্তক সকল রচনা করিয়া বিদ্যালয়ের পাঠ্য পুস্তকের মধ্যে প্রচলিত করিয়াছিলেন; যে ভারতে, নানাশ্রেণীর স্ত্রীলোকেরাও নানা প্রকার বিদ্যাশিক্ষা করিতেন, তৎসংক্রমে সেই ভারতে স্ত্রী শিক্ষা একেবারে বিলুপ্ত হইয়া যায়। ক্রমে এ দেশের লোকের এতাদৃশ কুসংস্কার জন্মে যে, নারীজাতি বিদ্যাশিক্ষা করিলে, তাহাদের বৈদ্য দশা মটিবে। ফলতঃ এতদেশীয় স্ত্রীলোকেরা তৎকালে এবং বিধ অকিঞ্চিৎকর ও অস্বল্পক ভয়ে বিদ্যাভ্যাসে অনুরক্তা হইতেন না। দেশে যখন স্ত্রীশিক্ষার পথ এইরূপভাবে নিরুদ্ধ, তখন স্ত্রীলোকগণ গৃহপালিত পশুবৎ জীবন যাপন করিতেন, এরূপ যেন কেহ মনে না করেন। তখন চরিত্রগত ও অন্তর্ধানগত শিক্ষাই দেশকে সজীব রাখিয়াছিল। তখন দেশে শাস্ত্রকথা, কথকথা, ঝামায়ণ, মহাভারত ও পৌরাণিক উপাখ্যান সমূহ আদর্শ হিন্দুগৃহে প্রতিদিন ধ্বনিত হইত। এবং এই সকল ধর্ম্মানুষ্ঠানই দেশের ধর্ম্মভাব ও নৈতিক-প্রাব আগরিত রাখিয়াছিল।

তখনকার জননীগণ রত্নাকরের মুক্তি, হরিশ্চন্দ্রের স্বার্থত্যাগ, যুধিষ্ঠিরের স্ত্রায়নিষ্ঠা, ভীষ্মের শরশয্যাতে শয়ন, অর্জুনের রণ-কৌশল ও বাহুবল, রামচন্দ্রের পিতৃভক্তি ও ভ্রাতৃবৎসলতা, লোকরঞ্জনের জ্ঞান স্বার্থত্যাগ, লক্ষ্মণের অগ্রজাতুরাগ, সতী সাবিত্রীর পুত্রভক্তি প্রভৃতি উপাখ্যানগুলি সন্তান-শিক্ষার প্রকৃষ্ট উপাদান বলিয়া মনে করিতেন। তখনকার সন্তানগণ মাতা, মাতামহী, পিতামহী প্রভৃতির মুখের অঙ্গে অভ্যাগতের পরিচর্যা, অপরিচিত রুগ্ন ব্যক্তির সেবা-ওক্ষ্রমা, বিপন্নকে আশ্রয় দান, ক্ষুধাতুরকে অন্ন দান করিতে দেখিয়া পরোপকার ও সেবাধর্ম্ম শিক্ষা করিত। গ্রামের সামান্ত লোকদিগের সহিতও ধনশালী সম্রাট পরিবারের

অল্পবয়স্ক বালকদিগেরও এক একটা সম্বন্ধ থাকিত, কেহ কাহাকেও ঘৃণার চক্ষে দেখিত না। এরূপে তাহারা দয়াশীল, হৃদয়বান ও মিষ্টভাষী হইতে শিক্ষা পাইত। পূর্বে আদর্শ পরিবারে বার মাসে তের পার্কণ ছিল, ধর্ম্মানুষ্ঠান ছিল, গৃহের সর্ববিধ কর্ম্মের মধ্য দিয়া সন্তানগণ স্থশিক্ষা লাভ করিত। দেশে এই সকল স্ত্রভাব ও সন্তুদ্দেশ্য বিদ্যমান ছিল বলিয়াই দেশ প্রাণহীন বা হৃদয়বিহীন হয় নাই। তখনকার জননীগণ সন্তান-শিক্ষা সম্বন্ধে বর্তমান কালের শিক্ষিতা জননীগণের স্ত্রায় বেন, গাণ্টন, হারবার্ট, স্পেন্সার, শ্বাইল, কার্পেণ্টার, ফাউলার প্রভৃতি পাশ্চাত্য পণ্ডিতগণের মস্তব্য পাঠ করিবার সুযোগ পান নাই সত্য বটে, কিন্তু ঋতধ্বজরাজ পত্নী মদালসা বিরূপ সন্তুদ্দেশ্য দানে সাধু অলকের সৃষ্টি করিয়াছিলেন, মহর্ষি যাজ্ঞবল্ক্য রাজর্ষিগণকে যে মহামূল্য উপদেশ-রত্ন দান করেন, তন্মধ্যে সন্তানের উপর মাতার প্রভাবের বিষয় যাহা উক্ত হইয়াছে, তদ্বশান্তে গার্হস্থ্যধর্ম্ম কথনের মধ্যে সন্তান-শিক্ষা সম্বন্ধে যে উপদেশের উল্লেখ আছে এবং বিবিধ উপাখ্যানের অন্তর্গত উপদেশাবলী সেই সময়ে প্রত্যেক আদর্শ হিন্দুগৃহে মুখে মুখে গীত হইত এবং সন্তান-শিক্ষার উপাদান বলিয়া বিবেচিত হইত।

এ পর্য্যন্ত সন্তানের উপর মাতার প্রভাব এবং তৎকালীন আদর্শ হিন্দু পরিবারের অন্তর্ধানগত ধর্ম্ম ও নৈতিক শিক্ষার কথা কথিত হইত। আমরা পূর্বেই বলিয়াছি, তখন বিবিধ শিক্ষা ছিল,— অন্তর্ধানগত এবং চরিত্রগত শিক্ষা। ভগবতী দেবীর চরিত্রগত শিক্ষা কি কি ছিল, সে সম্বন্ধে অনুসন্ধান দ্বারা আমরা যতদূর অবগত হইতে পারিয়াছি, আমরা এক্ষণে সেই সমুদয় বিষয় উল্লেখ করিব।

তাহার চরিত্রের এই এক বিশেষত্ব দেখিতে পাওয়া যায় যে, তিনি অসত্যকে সত্য বলিয়া প্রতীয়মান করিতে অতিশয় সূণ্যবোধ করিতেন। অনেক জননীকে এরূপ দেখা যায় যে, যোকৃত্যন

শিশুসন্তানগণকে শাস্ত করিবার মানসে কিংবা অবাধ্য সন্তানদিগকে বাধ্য করিবার অভিপ্রায়ে তাঁহারা তাহাদিগকে “জুজুর ভয়” দেখাইয়া থাকেন। একরূপ ভয় প্রদর্শন যে সন্তানের পক্ষে মহা অনিষ্টের কারণ, সে বিষয়ে অসুমাত্র সংশয় নাই। ইহা দ্বারা শিশুর বল, বিক্রম ও আত্মরক্ষার ভাব সকলই একেবারে বিনষ্ট হইয়া যায়। কোন কোন জননীকে একরূপ দেখা যায় যে, শিশু যদি তাহার প্রিয় বস্তু পাইবার জন্য ক্রন্দন করে, তবে তাহাকে “আকাশের চাঁদ” প্রভৃতির প্রলোভন দেখাইয়া সান্ত্বনা করেন। একরূপ ব্যবহারে শিশুরা অতি সহজেই অশ্রু সকলকে অবিশ্বাস করিতে শিক্ষা করে এবং ধীরে ধীরে মিথ্যা, শঠতা, প্রবঞ্চনা প্রভৃতি তাহাদের সুকোমল বাল্য-হৃদয়ে প্রবেশ লাভ করিয়া কালক্রমে বন্ধমূল হইতে থাকে।

অনেক মাতার একরূপ স্বভাব আছে যে, তাঁহারা সন্তানগণের নিকট সংসারের অবস্থা গোপন করিতে প্রয়াস পান। একরূপ আত্মগোপন নির্কুঙ্কিতার পরিচয়। কারণ শিশুদিগের অশ্রু প্রার্থনায়, তাঁহাদিগকেই জ্বালাতন হইতে হয়।

ভগবতীদেবী সন্তানদিগকে কখনও “জুজুর ভয়” দেখানর কিংবা তাহাদিগকে শাস্ত করিবার মানসে “আকাশের চাঁদ” ধরিয়া দিবার কথা বলিতেন না। তিনি একরূপ ক্ষেত্রে সন্তানের যতদূর সম্ভব প্রার্থনা রক্ষা করিতেন এবং স্নেহ ও মমতা দ্বারা পরিচালিত হইয়া তাহাদিগকে শাস্ত করিতেন, কঠোর শাসন দ্বারা তাহাদিগের কোমল বৃত্তিগুলির মূলে আঘাত করিতে তিনি কখনই প্রয়াস পাইতেন না। ইহা তাঁহার একেবারেই প্রকৃতি বিরুদ্ধ ছিল। অবস্থায় বাহা সংকুলান হয়, তাহার অতিরিক্ত প্রার্থনা করিলে, সংসারের দরিদ্র অবস্থা স্মরণ করাইয়া এবং বুঝাইয়া দিয়া তাহাদিগকে নিরস্ত করিতেন।

সংকার্যে উৎসাহদান তাঁহার চরিত্রের আর এক বিশেষত্ব। শিশু সন্তানদিগের দ্বারা অসুস্থিত

সংকার্য ও সন্যবহার দেখিলে, তিনি আনন্দ প্রকাশ করিতেন এবং উৎসাহ দিতেন। একদা বালক বিদ্যাসাগর সমবয়স্ক বালকদিগের সহিত ক্রীড়া করিতেছিলেন। ক্রীড়া শেষে দেখিতে পাইলেন একজন সঙ্গী ছিন্ন বস্ত্র পরিধান করিয়া রহিয়াছে। তিনি তাহাকে আপনার বস্ত্রখানি গ্রহণ করিতে বলিয়া স্বয়ং তাহার ছিন্ন বস্ত্রখানি পরিধান করিলেন। গৃহে সমাগত হইলে, মাতা জিজ্ঞাসা করিলেন, “তোমার বস্ত্র কোথায়?” বালক উত্তরে সত্য ব্যাপার প্রকাশ করিলেন। মাতা সন্তুষ্ট হইয়া বলিলেন, “এইত ভাল ছেলের কাজ; আমি চরকায় সূতা কাটিয়া তোমার আর একখানি নূতন কাপড় প্রস্তুত করিয়া দিব।” সন্তানগণের এইরূপ সদসুষ্ঠান বা পরোপকার-প্রবৃত্তি দেখিলে, তাহাদিগের প্রতি আদর ও স্নেহ ভাব প্রদর্শন করা তিনি অবশ্য কর্তব্য বলিয়া মনে করিতেন। কেবল তাহাই নহে, সেই সঙ্গে সঙ্গে তিনি লক্ষ্য রাখিতেন যে, বালকবালিকার জীবনে তিনি যে সকল সং-প্রবৃত্তি পরিস্ফুট দেখিতে ইচ্ছা করেন, তাহা ধীরে ধীরে তাহাদের হৃদয়ে বিকাশ প্রাপ্তি হইতেছে কি না।

স্নেহ ভালবাসা বর্জিত কঠোর শাসন যে, কোমলমতি শিশুর পক্ষে অতীব অনিষ্টকর, তাহা তিনি বিলক্ষণ বুঝিতেন। কঠোর শাসনে শিশু দিন দিন উৎসাহ ও সৃষ্টিহীন হইয়া পড়ে, এবং সেই সঙ্গে সঙ্গে অলসতা, ভীলতা ও শঠতা আসিয়া শিশুকে আশ্রয় করে। ভীলতায় মনুষ্যত্বের লোপ পায়, এ সত্য; যুধ, যুবক, শিশু সকলের পক্ষেই সমান। প্রয়োজন হইলে, শিশুকে প্রাণের স্নেহ মমতা দ্বারা পরিচালিত হইয়া শাসন করা উচিত। কোন কোন মাতা একরূপ আছেন যে, সন্তানের সামান্য অপরাধে গুরুদণ্ড বিধান করিয়া শেষে তাহাদের গুরুতর অপরাধে উপেক্ষা প্রদর্শন করেন, ইহা অতীব অশ্রুয়। প্রদীপে একবার হাত দিয়া বস্ত্রণা অসুস্থ করিলে, শিশু আর কখনও প্রদীপে



হাত দিতে যাইবে না । এরূপ স্থলে মাতার গুরুতর শাসনের প্রয়োজন হয় না । হয় ত কোন সন্তানের অস্বাভাব্যতা-বশতঃ হস্তপদ ভয় হইয়াছে, এরূপ স্থলে মাতার অগ্রে সন্তানের জীবনরক্ষার উপায় বিধান করাই সর্বতোভাবে বিধেয় । কিন্তু এরূপ অনেক নির্মম মাতা আছেন যে, তাঁহারা সেই সময়ে ক্রোধপরবশ হইয়া সন্তানকে ভয়ানক তিরস্কার করিতে আরম্ভ করেন, উপস্থিত কর্তব্যের বিষয় একেবারে বিস্মৃত হইয়া যান । ভগবতীদেবীর প্রকৃতি এরূপ ছিল না । বালক বিদ্যাসাগর এক সময়ে ধাতুক্লেত্রের নিকট দিয়া গমনকালে, ধাতুর শীষ তুলিয়া চিবাইতে চিবাইতে গমন করেন । শেষে ধাতুর শীষের সূঁয়া গলায় আটকাইয়া প্রাণ সংশয় হইয়া উঠে । তদবস্থায় বাটীতে নীত হইলে তাঁহার পিতামহী অতি কষ্টে সেই সূঁয়া বাহির করিয়া দেন, এবং সে যাত্রায় বিদ্যাসাগরের প্রাণ রক্ষা হয় । মাতা সেই সঙ্কটাপন্ন অবস্থায়, যাহাতে সন্তান বিপন্নুক্ত হয়, প্রথমতঃ তাহারই সহায়তা সর্বতোভাবে করিয়া শেষে শিক্ষা দিলেন,—“বাবা, অমুক অমুক শস্যের শীষে সূঁয়া আছে, আর কখনও এই সকল শস্যের শীষ চিবাইও না ।”

তিনি লোকের আত্মবিশ্বাসের উপর কখনও কোন প্রকার আঘাত করিতেন না । তিনি যেন এই আত্মবিশ্বাসের মধ্যে অমিত শক্তি, অমিত বল, কত প্রাণ, কত বীর্ষা, কত গুণঃ, কত অমৃত, নিহিত রহিয়াছে বলিয়া মনে করিতেন । অবশ্য সময়ে সময়ে এই আত্মবিশ্বাসের সহায়তা করায় শিশুদিগের চুই একটি ভুল ভ্রান্তি ঘটিত । কিন্তু তিনি বলিতেন যে,—“এই ভুলটাই যে একটা মহা শিক্ষা ।”

লোকের দোষ অপেক্ষা গুণের উপরই তাঁহার অধিক লক্ষ্য ছিল, এবং গুণের কথা স্মরণ করাইয়া দিয়া তাহার দোষকে গুণে পরিণত করিতে সতত চেষ্টা করিতেন । যেমন পানীকে, ‘পানী’ ‘পানী’ বলিলে তাহার উদ্ধার অসম্ভব । তাহার তিতর যে

মহাশক্তি আছে, সেই দিকে তাহার দৃষ্টি আকর্ষণ করিয়া দিতে পারিলেই তাহার মঙ্গল হয় সন্তান-শিক্ষা সম্বন্ধেও ঠিক সেই ভাবেই তিনি কার্য্য করিতেন । কারণ তিনি যেন মনে করিতেন, জগতে পাপ তাপ নাই, রোগ শোক নাই, যদি কিছু পাপ জগতে থাকে তাহা এই ভয় । যে কোন কাহা তোমার ভিতরে শক্তির উদ্রেক করিয়া দেয় তাহাই পুণ্য ; আর যাহাতে তোমার শরীর ও মনকে দুর্বল করে, তাহাই দুর্বলতা, মৃত্যু বা মহাপাপ । স্মরণীয় মৃত্যুর সহায়তা না করিয়া জীবন দান করাই প্রকৃত শিক্ষা । শিক্ষার অর্থ—ধ্বংস সাধন নহে, প্রকৃত শিক্ষার অর্থ—গঠন । স্বশিক্ষায় অস্তুর্নিহিত শক্তির উপচয়ই হইয়া থাকে ; শক্তির অপচয়ের কোন আশঙ্কাই থাকে না ।

বিদ্যাসাগর বাল্যকালে অতিশয় দুঃস্থ ছিলেন, অনেক প্রতিভাবান্ প্রতিষ্ঠাপালী ব্যক্তির বাল্য-জীবনে বালস্বভাবসুলভ চপলতার পরিচয় পাওয়া যায় । শ্রীচৈতন্য বাল্যকালে গঙ্গাতীরে ব্রাহ্মণগণের নৈবেদ্য কাড়িয়া খাইতেন ; অমর কবি সেক্সপীয়র বাল্যকালে দুঃস্থ বালকদিগের সঙ্গদোষে ধরিণ চুরি করিয়াছিলেন । কবি ওয়ার্ডসওয়ার্থের অত্যাচারে তাঁহার জননী জামাতন হইতেন । বালক বিদ্যাসাগর বাল্যকালে পাড়ার লোকের বাগানের ফল পাড়িয়া চুপে চুপে খাইতেন ; কেহ কাপড় শুকাইতে দিয়াছে দেখিলে, তাহার উপর মৃত্যু ত্যাগ করিতেন, পাঠশালায় যাইবার সময় মধ্যে মধ্যে মথুরমণ্ডল নামক একজন প্রতিবেশীর দ্বারদেশে মলত্যাগ করিতেন । এই সকল সংবাদ মাতার কর্ণে প্রবেশ করিলে, তিনি বিদ্যাসাগরকে বলিলেন,—“বাপু ! তুমি লোকের ছেঁড়া কাপড় দেখিলে, আপনার ভাল কাপড় তাহাকে পরাইয়া নিজে সেই ছেঁড়া কাপড় পরিয়া বাটীতে আইস, লোকের চুপ দেখিলে তুমি মনে এত চুপ পাও, আর এরূপ করিয়া লোকের মনে ব্যথা দাও কেন ? কোন ধাতুক্লেত্র হস্তে তাহারা তোমার বিষ্ঠা স্পর্শ করিলে,

সেই জব্যগুলি তাহাদিগকে ফেলিয়া দিতে হয়, পুনরায় আন করিতে হয়। আহা, তাহাদের কত কষ্ট দেখ দেখি।” শুনা যায়, মাতার একরূপ শিক্ষায় সন্তানের স্বকল ফলিয়াছিল। বালক বিজ্ঞাসাগর বালস্বভাবস্বলভ চপলতা বশতঃ একরূপ অন্য় কার্য করিতেন, কিন্তু যেদিন মাতার স্বশিক্ষায় বুদ্ধিতে পারিলেন যে, ঐ সকল অন্য় কার্য হেতু লোকে নিগ্রহ ভোগ করে, তাহাদের মনে কষ্ট দেওয়া হয়, সেইদিন হইতেই তিনি একরূপ অন্য় কার্য করিতে বিরত হইয়াছিলেন।

বিজ্ঞাসাগর বাল্যকালে অতিশয় অনাশ্রব (একশুঁয়ে) ছিলেন। একজন পিতা ঠাকুরদাস তাঁহাকে মধ্যে মধ্যে প্রহার পর্য্যন্ত করিতেন। এবং তাঁহার নাম রাখিয়াছিলেন—‘খাড় কেদো’, কিন্তু ভগবতীদেবী হৃদয়ের স্নেহ মমতা দ্বারা তাঁহাকে সংযত করিতে চেষ্টা করিতেন। তিনি যেন জানিতেন, প্রগাঢ় সন্তানবাৎসল্যই শিশুকে আপনার হইতে আপনার করিয়া দেয়। তখন এমন কোন কার্যই নাই যাহা তাহা দ্বারা করাইয়া লওয়া যায় না। শিশু যেমন ভালবাসার অধীন এমন আর কেহই নহে। স্নেহ, মমতা ও বাৎসল্যের শাসনই প্রকৃত শাসন। ভগবতী দেবী বলিতেন, “সন্তান বালকবৃদ্ধিবশতঃ কোন অন্য় কার্য করিলে পর, মাতা যদি মুখ আঁধার করিয়া তাহার সহিত কিছুক্ষণ আলাপ বন্ধ রাখিলেন, আর সন্তান মাতাকে প্রসন্ন করিবার জন্য তাঁহার পশ্চাৎ পশ্চাৎ ছুটিয়া না বেড়ায়, তাহা হইলে, সে মাতাই বা কিরূপ, তাঁহার ভালবাসাই বা কিরূপ, আর তাঁহার মায়ামমতাই, বা কিরূপ, কিছুই তা বুদ্ধিতে পারিলাম না।” ভগবতী দেবীর এই উক্তি হইতেই পাঠক পাঠিকাগণ তাঁহার সন্তানবাৎসল্যের প্রগাঢ়তা অনুভব করিবেন।

সহানুভূতি ও দায়িত্ববোধ তাঁহার চরিত্রের আর এক বিশেষত্ব ছিল। সহানুভূতি সর্ববিধ উন্নতির নিত্য সহচর এবং দায়িত্বজ্ঞানই মানুষকে সর্বোচ্চ উন্নতির সোপানে উন্নীত করিতে পারে, ইহাই যেন

তাঁহার ধারণা ছিল। তিনি সন্তানগণকে বলিতেন, “আপনি ভাল কাপড় পরার চেয়ে, পরকে পরাইতে পারিলে, অধিক সুখ হয়। নিজে ভাল খাওয়া অপেক্ষা পরকে ভাল খাওয়াইতে পারিলে, অধিক আনন্দ হয়।” এইরূপে তিনি সন্তানগণের হৃদয়ে মহানুভবতার উচ্চতর ও গভীরতর দায়িত্ব সকল অনুভব করাইয়া দিতেন।

স্বীকার করি, মানবের সদগুণাবলী স্বাভাবিক। কিন্তু সেই সদগুণাবলীর বিকাশ শিক্ষাসাপেক্ষ, শিক্ষারূপ ইন্ধন না পাইলে জ্ঞান ও বিজ্ঞান প্রজ্জ্বলিত হয় না। ক্রিয়ার জ্বলন্ত দৃষ্টান্ত ভিন্ন অন্য উপায়ে মানুষ মানুষকে শিক্ষা দিতে অসমর্থ। যদি কেহ সম্পূর্ণরূপে আপনাকে বিকাশ করিতে সমর্থ হন, তবেই তাহার শিক্ষা দিবারও ক্ষমতা জন্মে। কিন্তু বিস্তৃত বাক্য প্রয়োগ দ্বারা শিক্ষা দানে কেহ কখনও সম্পূর্ণরূপে কৃতকাব্য হন না। যিনি গ্রহণ করিতে সমর্থ, তিনি কেবল শিক্ষা দিতে পারদর্শী এবং গ্রহণ করিবার শক্তি না থাকিলে কেহই শিক্ষিত হইতেও পারে না। ছাত্র শিক্ষকের মনোভাব বুদ্ধি এবং বিশ্বাসের সমতলবর্তী না হইলে শিক্ষার আদান প্রদান কোনমতে সম্ভাবিত নহে। কারণ শিক্ষাকালে পরস্পরের চিত্তসংযোগ বা বিমিশ্রণ ঘটয়া থাকে। এইরূপ চিত্ত সন্নিপাতের সংঘটন হইলেই, কেবল প্রকৃত শিক্ষা কার্যোপযোগিনী হয় এবং প্রতিকূল দৈবপাত বা অসৎ সংসর্গ হেতু তাহার উপকারিতা কোন কালেই সম্পূর্ণ বিলুপ্ত হয় না।

ভগবতী দেবীর এই সকল শিক্ষাদীক্ষা সকল সন্তানগণই সমান পরিমাণে লাভ করিয়াছেন। কিন্তু তাঁহার উপদেশের স্বফল আমরা বিজ্ঞাসাগর মহাশয়ের জীবনে যে অধিক পরিমাণে পরিস্ফুট দেখিতে পাই তাহারও কারণ এই। এ সম্বন্ধে অপর দিকে মহাকবি ভবভূতির গভীরতর পূর্ণ নিম্নলিখিত শ্লোকটি আমাদের মনে পড়ে :—



“বিতরতি গুরুঃ প্রাজ্ঞে বিদ্যাং যথৈব তথা জড়ে,  
ন চ খলু তয়োজ্ঞানে শক্তিং করোতাপহস্তি বা ।  
ভক্তি চ তয়োভূয়ান্ ভেদঃ ফলং প্রতিতদ্ যথা,  
প্রভবতি শুচিবিদ্যোগ্রাহে মগ্নিন মৃদাং চয়ঃ ।”  
গুরু, সুবোধ ও নিকোঁধ, দ্বিবিধ ছাত্রকেই

সমভাবে বিদ্যা বিতরণ করেন; কিন্তু তহুতয়ের  
ধারণাশক্তির বৃদ্ধি বা হ্রাস করিতে পারেন না।  
বিদ্যাবিসয়ে যে পূর্বোক্ত ছাত্রই প্রভূত পার্থক্য  
প্রাপ্ত হন ইহা বলা স্বাভাবিক। নির্মল মগ্নি প্রতিবিদ্য  
গ্রহণে সমর্থ হয়, মৃৎপিণ্ড কখনই সমর্থ হয় না।

## স্মৃতি

শ্রীমতী স্নেহময়ী দেবী ।

এসেছিল অতিথির বেশ  
বাদলের রাতে একদিন,  
কুঙ্গ তনু কোমলতা মাখা  
প্রাণ তার ব্যথাভরা ক্ষীণ ।  
আঘাতে আঘাতে যেন আজ  
মুয়ে পড়ে ভাঙ্গা হৃদিখান,  
আনন্দ হারায়ে গেছে ওগো  
আছে শুধু বেদনার গান ;  
আছে শুধু মৌন ব্যাকুলতা,  
আছে শুধু তপ্ত আঁধিজল,  
আছে শুধু হাহাকার ভরা  
শুক এই হৃদয়ে অনল ।  
বাদলের ঘন অন্ধকারে  
আসিয়া দাঁড়াল ঘারে মোর,  
হাতে তার গুচ্ছ কেয়াফুল,  
আঁধিতলে মাখা ছিল লোর ।  
দেখে তারে মনে হয় যেন  
ফিরেছিল ঘারে ঘারে কত,  
কেহ ত দেখনি-ঠাই হয়,  
অপরাধ করেছিল এত !

পথের পথিক সে ত' শুধু  
ক্লান্ত শ্রান্ত দেহখানি ঢেকে  
চাহিয়াছে এতটুকু ঠাই  
বরষার বারিধারা মেখে ।  
তরুণ অতিথি ওগো মোর  
এস হেথা দ্বার খোলা আছে,  
এস তুমি কুটির আমার  
এস তুমি আজি মোর কাছে ।  
সরনে জড়িত আঁধি ছুটি  
নয়নের পরে রেখে মোর,  
কি যেন বলিতে গেল শুধু  
কণ্ঠে কই ভাষা নাহি ওর !  
নীরবে দেখায়ে দিমু ঘর  
মুক সন নিস্তরতা ভরে,  
ভোরে উঠে দেখি অপরূপ  
অতিথি ত' নাহি মোর ঘরে ।  
স্মৃতিচিহ্ন কিবা রেখে গেছে  
আজি কেন এ কথাটি বাজে,  
অশ্রুভরা চোখে দেখি চেয়ে—  
কেয়াফুল কুটিরের মাঝে ।

## সঙ্কলিকা

### চুর্কলের বল—

রক্তকরীণ চুর্কলতম জাতিরও যান রক্ষার অস্ত্র অহিংস আন্দোলন। শ্রীলোকদিগকে চুর্কলতার প্রতিমূর্ত্তি বলিয়াই ধাৰ্য্য করিয়া আসা হইয়াছে। দেহের দিক দিয়া দেখিতে গেলে চুর্কল হইলেও আত্মা ও মনের দিক দিয়া তাঁহারা বলবন্তদের অপেক্ষাও বলবতী হইতে পারেন। চরকা তাঁহার বাবুতীর কলিতার্থেই সহিত আধুনিক ভারতীয় পুরুষ ও নারীর অহিংস বলের মূর্ত্তিমান প্রতিমূ। এই আশ্চর্য্য চক্রকে অন্তরূপে ব্যাপক ভাবে গ্রহণ করিলে গ্রেটব্রিটেন্ ভারতের সহিত তাঁহার কেবলমাত্র বার্ষিক সঞ্চয় হইতে বিচ্যুত হইবে। তখনই ভারতবর্ষ এবং ইংলণ্ডের সংযোগ পবিত্র ও নিঃস্বার্থ হইয়া জগতের মঙ্গলের জন্ত হইবে। ভারতীয় নরনারী, বিশেষ করিয়া নারীগণ চরকার সূতা তাটাক নিজদের দৈনিক কর্তব্যরূপে গ্রহণ করিলে আমাদের দেশের চুর্কলতম যে মালুমটী, তাঁহারও স্বাধীনতার সংগ্রামে তাঁহারা নিজদের পূর্ণ অংশ গ্রহণ করিলেন ইহাই প্রতিপন্ন হইবে। (এন্, কে, গান্ধী)। —ভারতী।

### দেশ মা—

রব উঠেছে সারাটা ভারত জুড়ে “দেশ মা।” জয়ন্ত কণ্ঠে—  
মায়ের আগমনী গান, বন্দনা—বন্দে মাতরম্। তবু ত' কই  
এলনা মা, দেখা ত' দিল না শস্ত্রাঘাতী স্বজনা স্বকলা মা।

\* \* \*

ভক্তে মা আসেনা। প্রতিমা চাই, মন্ত্র চাই, পূজা চাই।

\* \* \* প্রতিমার পদতলে ব'সে আসনুজ্জ্বলিতমাসী  
অগমিত ভাই বোনের ভক্তি মন্ত্র জন্মে, অক্লান্ত মন্তকে, বাপ্পাকুল  
নয়নে, জাতিধর্ম জুলে গিরে “মায়ের সন্তান” পরিচয়ে, আগমনী  
গাইতে হবে। চালচিত্রে থাকবে বঙ্কিম, \* \* \*  
গান্ধী, চিত্তরঞ্জন, মহম্মদ, সৌকৎ, মতিলাল, ভিলক। মায়ের  
এসাত, মায়ের সন্তান সবাই কাড়াকাড়ি করে পাশাপাশি ব'সে  
থাবে। হিন্দু নাই, মুসলমান নাই, খৃষ্টান, ব্রাহ্ম, জৈন মেধ  
নাই—সবার এক পরিচয়—সবার ঐ এক মা, দেশ মা, সবাই  
ঐ এক মায়ের সন্তান \* \* \* । তবেই না  
আনবে মা, তবেই না আমাদের পূজা সার্থক হবে—তবেই না  
কবির কথা সকল হবে—আমরা আমাদের চক্কর সপক্ষে দেখব—

“এই ঐশ্বরীতা, প্রকৃতিতা, রক্ত শ্রোতবতী ভৈরবী ভারত-  
ভূমির পরিবর্তে এক রত্নালঙ্কারী, সঙ্গীতযুগলী হস্তময়ী জননী;  
জলধি হ'তে জলধি পর্য্যন্ত বিস্তীর্ণ এক মহাসাম্রাজ্য।”

বতদিন না আমাদের দেশে দেশমায়ের পূজার প্রচলন হয়,  
বতদিন না আমরা \* \* \* অধীর আগ্রহে দেশমাকে  
আবাহন ও চোখের জলে বিসর্জন ক'র্তে না শিখি, ততদিন  
গান্ধীর মত এবতার চিত্তরঞ্জনের মত দেশপ্রাণ, মহম্মদ  
সৌকৎএর মত উদার বীর বৃথাই আমাদের জাতির মিলনের  
জন্ত সর্ববিধ চুৎখ বস্তুণী বরণ ক'রে নেবেন।

বিসর্জনের দিন দেশমায়ের চতুর্দোলার চারদিক চার জাতি  
কাঁখে ধ'রে রাজপথ প্রদক্ষিণ ক'রে যখন গজার-জলে বিসর্জন  
দেবে, আর অন্তিমিত সূর্যের শেষ-রাশি-উজ্জল গোখলী বেলায়  
পরস্পর পরস্পরকে ভাই বলে আলিঙ্গন করবে—সেই দিন, সেই  
শুভ সন্ধ্যায় আমাদের জাতীয় জীবনের নূতন অধ্যায় আরম্ভ  
হবে, আর সেই অধ্যায় হ'তে জীবনপুস্তকের প্রতিটি পৃষ্ঠা  
সাকল্যের উজ্জলো ঝলমল করবে।

এস দেশের তরুণ তরুণী, এস দেশের কন্যা, এস সেবাস্বর্গী  
আমরা দেশমায়ের প্রতিমা গড়ি, পূজা করি, মন্ত্র রচি—এসো।

—সেবা ও সাধনা।

### জনসংখ্যার কথা—

ভারতবর্ষের মোট জন সংখ্যা বর্তমানে ৩১৮৯৪২৮০।

ইহার মধ্যে বাংলার সংখ্যা ৪৭৫২২৮৬২

তন্মধ্যে—

মুসলমান ২৫৪৮৬১২৪, হিন্দু ২০০৯১৪৮, এনিমিষ্ট ৮৪৯০৪৫,  
বৌদ্ধ ২৫৫৭৫৯, খৃষ্টান ১৪৮০৭৫, অন্যান্য ২৩৩১১।

পুরুষের তুলনায় এতি হাজার কম নারীর সংখ্যা—

কুমার ৯৩৮, আন্তরী ৯৩৬, নাপিত ৯২৬, বাকুই ৯২৫,  
কামার ৯২৫, সূত্রধর ৯২৩, খোপা ৯১৪, কলু ৯০১, লোহার  
৮৮৪, ময়রা ৮৮৪, তক্তবার ৮৮১, মুচি ৮৪৮, পুত্র ৮৪৩, গোয়ালী  
৮০৭, ডুইরা ৮০১, সোপার ৭৯৫, কুর্মা ৭৫২, চামার ৬৪৪,  
কাহার ৬১৩, হনিয়া ৫৯৩, দোসাই ৪১৭।

প্রতিহাজার শ্রীলোকের তুলনায় সর্বজাতির বিধবার সংখ্যা—

বয়স	হিন্দু	মুসলমান	বৌদ্ধ	খৃষ্টান
১০-১৫	৩৮	১৮	৪	৪
১৫-২০	২৪	৪১	২৬	২০
২০-২৫	১৪৪	৬১	৪৮	৪৯
২৫-৩০	২৩৬	১০৫	৭৭	৭১
৩০-৩৫	৩৪৩	১২৬	১১৭	১২৫
৩৫-৪০	৪৫৫	১২১	১৬৯	১৭৩
৪০-৪৫	৫৭৮	৪৭৮	২৩৫	২২৯

—প্রাচী।

# প্রত্যয়ত

( উপন্যাস )

শ্রীমতী প্রভাবতী দেবী সরস্বতী ।

( ১ )

ধীরে ধীরে তরীখানি নদীর কল জল ভেদ করিয়া লক্ষ্য রাখিয়া চলিতেছিল। ক্ষুদ্র তরীর দুই পাশ দিয়া চল্ চল্ করিতে করিতে জলের তেউ পিছনে সরিয়া যাইতেছিল। দুটি পাশে কেবল কাল চেউয়ের সারি। মাথার উপর সুনীল আকাশ। পশ্চিমে সূর্য তখন ডুবু ডুবু। লাল আলোর ফিন্কে আসিয়া সমস্ত পৃথিবীটা রঙিন করিয়া তুলিয়াছে।

শ্রোতের মুখে ক্ষুদ্র তরী আপনিই ভাসিয়া চলিয়াছে। আরোহী দুটি নীরব হইয়া বসিয়া আছে। বৃষ্টি অনন্তের অসীমতা কল্পনা করিয়া তাহারা দুজনেই নিজেদের হারাইয়া ফেলিয়াছে।

অসীমের পায়ের কাছে দাঁড়খানা পড়িয়া ছিল, সরিতের কোলে তাহার দাঁড় ছিল। আজ তাহারা দুজনেই যেন অসীম পথের যাত্রী, এমান তাহাদের ভাব। পিছনের ডাক যে আবার তাহাদের বিচলিত করিবে, আবার যে তাহারা ফিরিবে, তাহা তাহারা এখনও ভাবে নাই।

সময় যে চলিয়া যাইতেছে সে দিকে কাহারও দৃষ্টি ছিল না। যখন সূর্যের আলো একেবারে ডুবিয়া গেল, সন্ধ্যার মলিন ছায়া চারিদিকে ঘনাইয়া আসিল, তখন হঠাৎ সরিত চমকাইয়া উঠিল, তাহার কোল হইতে দাঁড়খানা ছিটকাইয়া পড়িল গিয়া অসীমের গায়ে; অসীমের অসীম ধ্যান ভাঙ্গিয়া গেল, সে ধরমড় করিয়া উঠিয়া দাঁড়াইল।

তাহার গায়ে লাগিয়াছে ইহা জানিতে পারিয়া সরিতেই খুব লজ্জিত হওয়া উচিত ছিল, কিন্তু সে দিকে একবারও মন না দিয়া সে বলিয়া উঠিল,

“আরে যাঃ! এ করেছি কি? কোথায় এসেছি ভাসতে ভাসতে?”

অসীম চারিদিকে চোখ ফিরাইয়া বেদনার কথাটা ভুলিয়া গিয়া বলিল, “তাই তো, পাচ ছয় ক্রোশের তো কম হবে না বোধ হয়। আমি যে এদিকে কখনও এসেছি তা-তো মনে হচ্ছে না।”

সরিত হতবুদ্ধি ভাবে বলিল, “উপায়? সন্ধ্যা হয়ে এসেছে যে, দিনের আলো থাকলেও না হয় বুদ্ধি খাটানো যেত, যেমন করেই হোক ফিরে যাওয়া যেত। যাই বল ভাই, দোষটা কিন্তু আমাদেরই। বেরিয়েছি সেই বেলা তিনটার সময়, জলপাবারটা পর্যন্ত আজ পাওয়া হয় নি। কতবার বলেছি গিরবার কথা, তুমি সে কথা সাক কাণেই তোল নি, কেবল বলেছ আর একটু চল দেখা যাক কত দূর কি হয়।”

অসীম লজ্জিত ভাবে বলিল, “হা সত্যি বটে, আমার জগুই তোমাকে এতটা কষ্ট পেতে হল। আমি ভাই গরীবের ছেলে, সব কষ্ট সহ করা অভ্যাস আমার আছে। না হয় আজ এই বোট্টেই থাকব কিছু না খেয়ে, তাতে ভয় করিনে; কিন্তু ভাবনা হচ্ছে তোমায় নিয়ে, তুমি বড় মানুষের ছেলে, কষ্ট কষ্ট বলে তা কখনো জান না। বিশেষ তোমার আবার অস্থখ প্রায় লেগেই আছে। আজ মাথা ধরা, কাল সর্দি, পরশু জ্বর—”

বাধা দিয়া সরিত বিরক্ত ভাবে বলিয়া উঠিল, “থাম বাপু, আর সে সব কথা পাড়তে হবে না। বড়লোক আর গরীব লোক ওসব আমি বুঝিনে। গরীব লোক তুই তাই বুদ্ধি এই রায়ে বোট্টে বসে

থাকতে চাস ? ফিরতে গেলেও কাজ হবে না, তা দেখা যাচ্ছে ।”

সে কিছুক্ষণ চুপ করিয়া ভাবিতে লাগিল, অসীম মুখ নয়নে সন্ধ্যার তরল অন্ধকারে আবৃত গ্রামখানির পানে চাহিয়া বলিল, “দেখ ভাই, কি সুন্দর দেখাচ্ছে এই জায়গাটা ।”

সরিত গম্ভীর ভাবে বলিল, “সৌন্দর্য্য দেখে মুখ হবার সময় এটা নয় অসীম ! মাথার উপরে কি বিপদ ঝুলছে দেখছো তা ?”

অসীম এবার হাসি রাখিতে পারিল না, মুখ ফিরাইয়া হাসিয়া ফেলিল । সে ভারি সরল ছিল, হাসিটাও তাহার এত বেশী ছিল যে সময় সময় তাহাকে সরিতের নিকট কানমলা, চড়, কীল পর্য্যন্ত খাইতে হইত । মাথার উপর বিপদ ঝুলিতেছে, সেই বিপদের গুরুত্বটা সরিত যত বেশী অনুভব করিয়াছিল, সে যে ততটা বেশী করে নাই, ইহা বলাই বাহুল্য ।

অসীম তখনি মুখখানা গম্ভীর করিয়া ফেলিল, তাহার সৌভাগ্য যে সরিত তাহার হাসি দেখিতে পায় নাই । যদি হাসি দেখিত তাহা হইলে সে খুবই জলিয়া উঠিত তাহাতে একটুও সন্দেহ ছিল না ।

সরিত বলিল “সামনের ঘাটে বোট বাধা যাক এসো, তার পর গাঁয়ের মধ্যে যাওয়া যাক । যদি কেউ জায়গা দেয় একটু আর একটু ডাল ভাত দেয়, তাই পুণ্যের জোর বলে খেতে হবে । বোটে বসে আকাশ পানে তাকিয়ে থেকে লাভ নেই কিছু অদৃষ্ট পরীক্ষা করা যাক ।”

তাহার বীরের মত কথা শুনিয়া অসীমের আবার হাসি পাইতেছিল, কিন্তু অতি কষ্টে হাসি সামলাইয়া বলিল “বেশ, ভাল কথা ।”

দুই বন্ধু বোট ফিরাইয়া ঘাটের দিকে লইয়া চলিল ।

গ্রাম্য মেটে ঘাট । বৈশাখ মাস স্তুরাং গঙ্গার জল একেবারে তলায় নামিয়া গিয়াছে ।

ঘাটের দুইদিকে নানা আগাছা জন্মিয়াছে । বর্ষাকালে এই সমস্ত খাতটা জলে ভাসিয়া উঠে ।

সন্ধ্যা গগনের রক্তিম আভা গ্রাম্য ঘাটটা তখনো আলো করিয়া ছিল । ঘাটের উপর বাবলা গাছের শ্রেণী বড় সুন্দর দেখাইতেছিল । অসীম বোট বাধিতে বাধিতে দুই একবার সেদিকে মুখ নেত্রে চাহিল কিন্তু শেষে সরিতের তাড়া খাইয়া আর চাহিতে সাহস করিল না ।

হঠাৎ পিছনে শিশুর কণ্ঠধ্বনি শুনিয়া অসীম তাড়াতাড়ি ফিরিতে গেল,— সেই সময় পা-টা সরিয়া গিয়া সে সশব্দে পড়িয়া গেল, সঙ্গে সঙ্গে খিল খিল হাসিতে সেই নিস্তর নদীতীর ভরিয়া উঠিল । অপ্রতিভ ও লজ্জিত হইয়া সে উঠিবার আগেই সরিত আসিয়া তাহাকে টানিয়া তুলিল, সক্রোধ তাহার কাণ ধরিয়া নাড়া দিয়া বলিল “ভ্যাগাবণ্ড কোথাকার, এত দেখেও আশ মেটে না তোর ?”

অসীম চাহিয়া দেখিল ঘাটের উপর দাঁড়াইয়া একটা বালিকা, তাহারই হাত ধরিয়া একটা চার পাঁচ বছরের ছেলে এতবড় লোকটাকে হঠাৎ পড়িতে দেখিয়া হাসিয়া ফাটিয়া পড়িতেছে । বোধ হয় তাহার জ্ঞান আছে পড়াটা তাহাদেরই একচেটিয়া, তাহারাই পড়ে, তাহারাই কাঁদে । এত বড় লোকটা যে তাহাদের মতই হঠাৎ আছাড় খায়, ইহা দেখিয়া হাসি সামলানো তাহার পক্ষে কঠিন ব্যাপার হইয়া উঠিয়াছে ।

কিন্তু সেই মেয়েটির মুখ লজ্জায় রাঙা হইয়া উঠিয়াছে । অপরিচিত লোকটা যে পড়িয়া গেল, সে লজ্জাটা আসিয়া যেন তাহাকেই ঘেরিয়া ফেলিয়াছে । সে মুখে আসিয়া পড়িয়াছে সেই সন্ধ্যার স্নান দীপ্তি । অসীম একবার মুখ তুলিয়া চাহিল তখনই চোখ নামাইল । সে সৌন্দর্য্য-প্রেমিক, সৌন্দর্য্য দেখার লোভে সে সকল কষ্ট সহ করিতে প্রস্তুত ; এ সৌন্দর্য্য একবার দেখিয়াই তাহার সাধ যেন মিটিয়া গেল, সে আর চোখ তুলিতে পারিল না ।

সরিত্ত তাহাকে অগ্রসর হইবার জন্য বারবার টিপিতে লাগিল, অসহিষ্ণু ভাবে অসীম পা বাড়াইল।

সে অসকোচে সেই উচ্চনীচ আঁকাবাকা নদীর ঘাট ভাঙ্গিয়া উপরে উঠিতে লাগিল, একটুও তাহার পায়ে বাধিল না, মুস্থিলে পড়িয়া গেল বেচারী সরিত্ত। সে পাশের ছোট ছোট আগাছা করিয়া অতি সন্তর্পণে উঠিতে লাগিল ভয়, পাছে সে পড়িয়া যায় এবং সকলের কাছে উপহাসাস্পদ হয়।

উপরে আসিয়া হাঁফ ছাড়িয়া বলিল “বাবাঃ, পাড়া গেল, এমন ভয়ানক ঘাটে মেয়েরা কলসী নিয়ে নামা গুঠা করে কি করে আমি তাই ভাবছি। প্রাণ খেন বেরিয়ে গেছল এখনি।”

অসীম একটু হাসিয়া বলিল “অভ্যাস থাকলে সবই পারা যায়। দেখ না ওই মেয়েটাই কেমন উঠে আসবেখাম। আচ্ছা, ওকেই জিজ্ঞাসা কর না কেন, কোথায় আশ্রয় পাওয়া যেতে পারে?”

সরিত্ত বলিল “তুমিই জিজ্ঞাসা কর না কেন।”

অসীম হাসিল “বিলক্ষণ। বেশ আমিই করছি।”

সেই মেয়েটা তখন শিশুটীর হাত ধরিয়া ঘাট হইতে উঠিতেছিল। তাহার সহিত দাসীশ্রেণীর একটা স্ত্রীলোক। সে মেয়েটাকে তিরস্কার করিতে করিতে উঠিতেছিল “এই ভরা সন্ধ্যা বেলা, কেন তুমি এসেছ ঘাটে খোকাকে নিয়ে? বাড়ী গিয়ে সব কথা মাকে বলে দিচ্ছি। আমি ঘাটে এমু, ভাবনু কেউ জানতে পারে নি। ও মা মা, কি দস্তি মেয়ে ছেলে গো, অমনি ছুটে এসেছে ঘাটে। এতবড় মেয়ে, একটুকু কি লজ্জাসরমের ধার দিয়ে নাযনি গো!”

আরও কতক্ষণ তাহার বক্তৃতা চলিত বলা যায় না, হঠাৎ সামনে ছুটি ভদ্রলোককে দেখিয়া সে থমকিয়া গেল। মেয়েটাকে আগে করিয়া

বলিল “হন হন করে বাড়ী পানে ছোট এখম। হাজার বার বননু তবু—”

অসীম একটু তাহার দিকে অগ্রসর হইয়া সবে মাত্র বলিয়াছে “ওগো বাছা একটা—”

স্ত্রীলোকটা চীৎকার করিবার উপক্রম করিতেছিল, মেয়েটা তাহাকে এক ধমকে ঠাণ্ডা করিয়া দিয়া অসীমের পানে চাহিয়া সংযত কণ্ঠে বলিল “ওকে বলাও যা না বলাও তাই। অপনার যা বলবার থাকে আমাকে বলুন, আমি শুনছি।”

তাহাকে আরও ভাল করিয়া অহুভব করিয়া অসীম আরও সঙ্কচিত হইয়া পড়িল। দুই একবার ইতস্ততঃ করিয়া সে বলিয়া ফেলিল “আমরা দুজন সহর হতে বেড়াতে বেরিয়ে অনেক দূরে এসে পড়েছি; আর এখন ফিরতে পারছি নে। এখানে কোথাও জায়গা হবে কিনা তাই জিজ্ঞাসা করছিলুম।”

দাসী কাংসাকণ্ঠে বন্ধার দিয়া বলিয়া উঠিল “সে আমরা কি জানি বাছা। সোজা পথ রয়েছে, হাজার বাড়ী রয়েছে, দেখে শুন ঠিক করে নাওগে যাও। আমাদের কাছে কেন বাছা? দীপা দিদি বলছি তোমায়—তাড়াতাড়ি করে চলে এসো, এর পর মার কাছে মুখ খেতে হবে তোমায়।”

দীপালি তাহার দিকে ফিরিয়া তীব্রকণ্ঠে বলিল “তুই খাম রূপা”, অসীমের পানে চাহিয়া বলিল “আপনারা এখানে সুদীরবাবুর বাড়ীতে থাকতে পারেন। বোধ হয় তাঁর সঙ্গে আপনারদের পরিচয় থাকতে পারে তিনি বহরমপুর কলেজেই পড়েন, এই ছুটিতে বাড়ী এসেছেন।”

আনন্দপূর্ণ কণ্ঠে সরিত্ত বলিয়া উঠিল “আমাদের সুদীর? তাদের গায়ে এসে পড়েছি একেবারে? আচ্ছা, আমরা এখন দেখে নিচ্ছি তাকে। তোমাদের আর বাধা দেব না, তোমরা যাও।”

দীপালি চলিতে চলিতে হাত দিয়া বিপরীত দিকে একটা পথ দেখাইয়া বলিল “ওই পথ দিয়ে যান, সামনেই তাঁদের বাড়ী দেখতে পাবেন।” বক্তৃত্ত সেই পথে চলিয়া গেল।

রূপাদাসী এতক্ষণ আর কথা কহিতে পারে নাই, এখন বলিল “আচ্ছা দীপাদিদি, কি আক্কেল তোমার? একবড় মেয়ে হয়েছ থাকলেই না হয় কলকাতায়, তা হলেও আমাদের দেশের মেয়ে তো তুমি। একটু লজ্জাসরমের ধার ধার না? এর চেয়ে আমাদের ছোটলোকের মেয়ে যে হাজার গুণে ভালো বাছা।”

দীপালি কথা কহিল না।  
শিশু সময় একবার তাহার হাতখানি ধরিয়া  
টানিয়া চুপি চুপি বলিল “ওরা কে দিদি?”  
দিদিও তেমনি চুপি চুপি উত্তর দিল  
“জানিনে।”  
(ক্রমশঃ)

## জাগ গো

### শ্রীচণ্ডীচরণ বন্দ্যোপাধ্যায়।

সময়ে স্বরি' অতীত কাহিনী,  
নব গোরব-পুলক ভ'রে ;  
জাগ গো, জগতজননীর জাতি,  
পোহাইল রাত্তি ধরার' পরে !  
ঐ বহে যাহ মলয় পবন,  
কুসুম-স্বরভিময় গো ;  
ঐ ছুটে আসে নবাক্ষণ-রেখা,  
বাহির লেখা নয় গো !—  
মঙ্গলময়ি ! সৃষ্টির হেতু,  
জাগরণে তুলে দাও জয়কেতু,  
বিজয়-শঙ্খ উঠুক বাজিয়া,  
আজি এ বঙ্গে সকল ঘরে !  
জাগ গো, জগতজননীর জাতি,  
পোহাইল রাত্তি ধরার' পরে ।  
বিহগ সকল, কল কোলাহল,  
তুলেছে কাননময় গো ;

মিলনের মহামন্ত্র ও সব,  
বিপ্লব-রব'নয় গো !—  
মঠ, মন্দির, দেউল সকল,  
চূর্ণ ক'রোনা প্রকাশিয়া বল,  
স্নেহ-বন্ধনে বাঁধ এ জগত,  
শান্তি শীতল-কমল-করে !  
জাগ গো, জগতজননীর জাতি,  
পোহাইল রাত্তি ধরার' পরে ।  
হাসিয়া আকুল, পুষ্পপুঞ্জ  
কুঞ্জ স্বরভিময় গো ;  
দেবতা-চরণে দাও তুলে তাহা,  
বিলাসীরূপে করে নয় গো !—  
দলগুলি ছিঁড়ে আপনার করে,  
ছড়ায়ে দিওনা ধুলায় উপরে,  
গাঁথি' মালা, দাও বিশ্বনাথের  
কণ্ঠে ছুলায়ে আপন করে !  
জাগ গো, জগতজননীর জাতি,  
পোহাইল রাত্তি ধরার' পরে ।



## বিবিধ বার্তা

### বালিকার স্বদেশ প্রেম :—

লাহোরের শ্রীবুদ্ধ ভকতরাম কাপুরের ষোড়শবর্ষীয়া কন্যা সরলা দেবী গত ১৯২১ সালে প্রতিজ্ঞা করেন—জীবনে কখনও স্বদেশ তির অস্ত্র বস্ত্র পরিধান করিবেন না। তিনি অবিবাহিতা; ভবিষ্যতে বিবাহের পর স্বশুরালয়ে এরূপ প্রতিজ্ঞা রক্ষা না হইতে পারে তাবিয়া তাঁহার মাতা তাঁহাকে প্রতিজ্ঞা হইতে নিবৃত্ত রাখিতে চেষ্টা করেন, কিন্তু সরলা দেবী তাঁহাতে বিচলিত হন নাই। সম্প্রতি সরলা দেবীর মৃত্যু হইয়াছে। মৃত্যুর পূর্বে মূর্ত্তি পঠানু তিনি স্বীয় প্রতিজ্ঞা রক্ষা করিয়া গিয়াছেন। মৃত্যুর পূর্বে তিনি তাঁহার পিতাকে স্বরাজ্য-ভাণ্ডারে একশত টাকা দেবার প্রস্তাব অঙ্গুরোধ করিয়াছিলেন। শোকাহুর পিতা কন্যার শেষ অঙ্গুরোধ রক্ষা করিয়াছেন।

দেশের ঘরে ঘরে সরলা দেবীর মত আদর্শ কন্যা জন্ম গ্রহণ করিয়া দেশকে ধন্য করুক, উহাই আমাদের প্রার্থনা।

### নারী রক্ষা সমিতি :—

নারীগণকে দুর্ভিক্ষ ও সম্পটগণের হস্ত হইতে রক্ষা করিবার জন্য উত্তর ও পূর্ববঙ্গের ভ্রাতা ভ্রাতৃনে নারী রক্ষা সমিতি স্থাপিত হইয়াছে। এই সব সমিতি হইতে নারী নিধ্যাতন সম্বন্ধীয় ঘটনার তদন্তের জন্য স্বেচ্ছাসেবক প্রেরিত হইতেছে। যেখানে নারীর উপর অত্যাচার হইবে অথবা হইবার সম্ভাবনা আছে, সেখানে এই স্বেচ্ছাসেবকগণ নারীগণকে দুর্ভিক্ষের কবল হইতে রক্ষা করিবে ও যাহাতে ভবিষ্যতে আর ঐ প্রকার দুর্ঘটনা না ঘটে তাহার চেষ্টা করিবে।

বঙ্গলার নারীজাতির উপর দুর্ভিক্ষের উপদ্রব দিন দিন বেরূপ বাড়িয়া চলিয়াছে, তাহাতে প্রত্যেক জেলায় প্রত্যেক গ্রামে এই প্রকার নারী-রক্ষা সমিতির গঠন হওয়া বিশেষ আবশ্যক বলিয়াই মনে হয়। আশা করি বঙ্গলার তরুণ সম্প্রদায় এই সব সমিতির স্বেচ্ছাসেবক-বাহিনীতে যোগদান করিয়া তাঁহাদের মা বোনদের ধর্ম রক্ষার্থে সহায়তা করিবেন।

### বঙ্গালী বালিকার কৃতিত্ব :—

পাটনার ইন্সটিটিউটের সুপারিন্টেন্ডেন্ট শ্রীবুদ্ধ হরিদাস চট্টোপাধ্যায়ের কন্যা কুমারী নিত্যলীলা চট্টোপাধ্যায় পাটনা

বিদ্যালয়ের প্রবেশিকা পরীক্ষার সর্বপ্রথম স্থান অধিকার করিয়াছেন।

বঙ্গালী বালিকার এ কৃতিত্ব বিশেষ গৌরবের কথা।

### দান :—

শ্রীশ্রীসারদেশ্বরী আশ্রম ও তৎসংলগ্ন অবৈতনিক বালিকা-বিদ্যালয়ের ত্রিতল বাড়ী এবং মন্দির নির্মাণ সাহায্যে সম্প্রতি নিম্নলিখিত দান পাওয়া গিয়াছে :—শ্রীধীরেন্দ্রকুমার বসু ৫০০, জটনক ভদ্রলোক ২৫০, দ্বিতীয় ভদ্রলোক ৬০০, শ্রীসারদা চরণ কল ১০০, শ্রীপ্রসন্নচন্দ্র উট্টাচাধ্য ১৫০, শ্রীকমলকৃষ্ণ কুণ্ড ১০০, জটনক মহিলা ১৫০।

### বিধবা বিবাহ সমিতি :—

যাটালের অর্ধগত ধানুধর নামক স্থানে একটি বিধবা বিবাহ সমিতি স্থাপিত হইয়াছে। ত্রিপুরার ফুলতলীতে গত কাঙ্ক্ষন মাসে চারিটি কামত্ব, এবং একটি শীলবংশীয়া বিধবার বিবাহ কার্য সম্পন্ন হইয়া গিয়াছে।

### মতিলাল সম্মান :—

বোম্বাইয়ের শ্রীমতী বিজয়া বেগম ও শ্রীমতী জগমোহন দাস বারজীবন দাস নানা জনহিতকর কার্যের জন্য ইতিপূর্বে বিশেষ প্রসিদ্ধি লাভ করিয়াছিলেন। সম্প্রতি বোম্বাই গভর্নমেন্ট ইন্সটিটিউটকে “ওটিগ অফ দি পীন” উপাধি প্রদান করিয়াছেন।

ইন্সটিটিউটকে এই উপাধি প্রদান করিয়া বোম্বাই গভর্নমেন্ট উপযুক্ততা ও নারী-জাতির সম্মান রক্ষা করিয়াছেন।

### শিশু মৃত্যু :—

প্রতি ১৫ মিনিটে একটি করিয়া শিশু মৃত্যুর কারণে মৃত্যু মুখে পতিত হয়। প্রতি ৩০টি মৃত শিশুর মধ্যে ২৬টি স্বাস্থ্যকর অবস্থায় থাকিলে বাঁচিতে পারিত।

দেশের শিশুদের অবস্থা শুনিলে শরীর শিহরিয়া উঠে না কি ?

## উপেক্ষিতা

( গল্প )

শ্রীশ্যামাদাস মুখোপাধ্যায় এম্-এস্-সি ।

আমি তোমাদের একটা কথা জিজ্ঞাসা করি । আজকাল নাকি নবজাগরণের যুগ এসেছে, পুরুষ নাকি নারীর নারীত্বের দায় জেনেছে, তার প্রতি কৃত অত্যাচারের প্রায়শ্চিত্ত কর্তে শিখেছে তাই আমার, তাদের কাছে এ দুঃসাহস ।

আমি জন্মেছিলাম এক গরীব ব্রাহ্মণের ঘরে, কলিকাতা হতে অনেক দূরে এক পল্লীগ্রামে । বাবার অতি কষ্টে দিন চলত । বাবার আমার পোষ ছিল অনেকগুলি । তাদের ছবেলা ছমুঠা ক্ষুধার অন্নই জুটতনা, -লেখাপড়া বিবাহ ত দূরের কথা ।

আমাদের যে গ্রামে বাস সে গ্রামে হিন্দুর সংখ্যা অতি অল্পই ছিল—আর ব্রাহ্মণ গোটে আমরাই একঘর । অন্নাহারে, অন্নাদরে পালিত হ'য়েও বেশ মাথা ঝাড়া দিয়ে উঠলাম—একদিন লজ্জিত পুলকের সঙ্গে অনুভব করলাম আমার নারীত্ব !

আর ত' আমার রাখা চলেনা - এ গল্পগ্রহকে এইবার যেমন ভাবে হ'ক বিদায় ক'র্তে হবে । বাবা আমার মশু কুলীন, যা'তা' ঘরে বিষে কি দিতে পারেন ? তাতে যে তাঁর কুলের অমর্যাদা ! কাজেই আজকাল ক'রে যখন আমি তেরো উত্তীর্ণ হ'তে চললাম, তখন তিনি বেকলেন গ্রাম ছেড়ে জামাইয়ের সন্ধানে ।

প্রায় মাসখানেক পরে আমার নারী-জীবনকে ধস্ত আর আমার পিতার কুস উদ্দেশ্য কর্তে তাঁর

সঙ্গে এক পঞ্চাশ বছরের . . . কি বলব—এসে দেখা দিলেন । শুনলাম—আগামী ত্রয়োদশী তিথিতে এঁর গলে বরমালা দিয়ে আমার নারীত্বকে লাঞ্ছনার হাত হ'তে বাঁচাতে হবে ।

মনে যে কি ভাবের উদয় হয়েছিল, তা' ধোঝাতে পারিনা—শুধু এইটুকু বলেই বোধ হয় যথেষ্ট হবে যে সেদিন বৈকালে পুত্রের নির্জন ঘাটে গা ধুতে ধুতে প্রাণে এক ছুর্নিবার ইচ্ছা জেগেছিল জলটা কত শীতল পরীক্ষা করি । ত একবার ডুবেছিলাম কিন্তু কেবলই ভেসে উঠলাম, একেবারে ডোবা হলনা । সন্ধ্যার সময় এক রাশ ভিক্ষে চুল পিঠে ছড়িয়ে, চোখ লাল ক'রে বাড়াই এসে ঢুকলাম । সেইরাত্রেই স্বতন্ত্রকযোগে শুভলগ্নে চার হাত এক হয়ে গেল !

আমি শুরুরবাড়ী এলাম । ভোর পাঁচটার উঠে উঠান ধোয়া, বাসন মাজা, গরুর খড় কাটা, উনানে আগুন দেওয়া হ'তে আরম্ভ ক'রে রাত্রি দশটা এগারটা পর্যন্ত সংসারের ধাবতীয় খুঁটিনাটি কাজ একা আমাকেই ক'র্তে হ'ত - একটু তার অল্প সহায়ত্ব বা প্রশংসমান দৃষ্টি পেতামনা ।—এ সব ত' দূরের কথা একটু ভুল হ'লে তীব্র তিরস্কার, বিদ্রূপ, লাঞ্ছনা, দণ্ড অদৃষ্টের নিত্যকার পাওনা ছিল ।

স্বামী যে কি তা' বুঝলাম না—কারণ তাঁর পদসেবা কর্তার অধিকার এ জীবনে মেলেনি ।

তিনি নাকি মস্ত উচ্চ কুলীন, আমার বাবার চাইতে উচ্চ—কাজেই তিনি আমার বিবাহ কর্তে পারেন কিন্তু শয্যার অংশ দিতে পারেন না।

অল্পদিন পরে বাবার বড়-অস্থির খবর পেয়ে অনেক ব'লে ক'য়ে মাত্র পনেরটা দিনের বড়ারে বাপের বাড়ী গেলাম। আর দিন পাঁচ ছয় পরই আবার ফিরতে হবে।

একদিন বৈকালে ঘাটে গা ধুতে গেছি—দেখি ও পাড়ের গাছের ঝোপের আড়ালে কে গুঁড়ি মেরে ব'সে। গা ধোয়া হ'ল না, ভয়ে ভয়ে চ'লে এলাম।

পরদিন সকালেও সেই মূর্তি, বৈকালেও। আমার মনে দারুণ ভ্রাসের সঞ্চার হ'ল। তাইত' এ কে ? ভয়ের কথা আরও পাঁচজনকে বললাম—সবাই হেসে উঠিয়ে দিলে।

রাত্রে কি প্রয়োজনে ঘরের বাইরে এসেছি—দমদন্তের মত বিকট চেহারার ছোটো রাক্ষস ছুটিক হ'তে ছুটে এসে আমায় চেপে ধরলে। আমি হঠাৎ এইভাবে আক্রান্ত হ'য়ে এমন মুহূমান হ'য়ে পড়েছিলাম যে গলা দিয়ে আমার একটুও স্বর বেরুল না।

তারা যেন আমায় শূন্যে শূন্যে উড়িয়ে নিয়ে চলল। তখন অস্তিম শ্বাসের সঙ্গে সবটুকু শক্তি প্রয়োগ ক'রে চীৎকার ক'রে উঠলাম—“ওগো কে কোথা আছ, ছুটে এসো, আমায় বাঁচাও।”

আমার চীৎকারে তাঁরা রেগে উঠে, আমায় মাটিতে নামিয়ে আমার মুখে কাপড় গুঁজে দিতে লাগল। কিন্তু তার আগেই আমার চীৎকার গ্রামের প্রতি গৃহে প্রতি লোকের কাণে পৌঁছেছিল। অনেকে ব্যাপার কি দেখতে ছুটেও এলো—কিন্তু প্রতীকার কর্তে কেউ এগিয়ে এলনা—শুধু চূপ ক'রে দাঁড়িয়ে দেখতে লাগল—বড় জোর এ ওর কাণে বলল—“হেয়ত আলির লোক!”

হেয়ত আলি! আমাদের গ্রামের চতুর্দিকে বিশ প্রকাশ জুড়ে এমন লোক নেই যে তার নাম না শুনেছে। তার কাছে অনেক নারীই আজ

পর্যন্ত লাহিতা হয়ে এসেছে। কত হিন্দু মুসলমান মর্যাদা রাখবার জন্ত ঘরবাড়ী, পৈত্রিক ভিটার মায়া ছেড়ে পালিয়েছে—আর কতক বা তার অত্যাচারে কুলমান খুঁয়ে ধর্মাস্তর গ্রহণ করেছে।

আমি তারই বিলাসকে নীত হ'ছি! কত কত মর্মহীন কাহিনী, কত সতীর কত কত সতীত্ব রক্ষার জন্ত তীব্র চীৎকার, রক্তাক্ত তুলুষ্ঠিত কত সতীত্বনিধিবঞ্চিত নারীর মৃত্যুমলিন মুখ—সব এক সঙ্গে আমার স্মরণপথে উদয় হ'ল। “বাবা গো” ব'লে চীৎকার ক'রে উঠবার একটা নিফল প্রয়াস ক'রে আবার আমি মূর্ত্তিত হয়ে গেলাম।

\* \* \* \* \*

অনুন্নয়, উপেক্ষা, ভয়প্রদর্শন সব অগ্রাহ্য ক'রে হাসতে হাসতে সেই পিশাচ আমার অকলক জীবনে গভীর কালীর দাগ লেপে দিল। দুদিন না তিন দিন আমায় তার কক্ষে বন্দী রেখে, আমার যথা সর্বস্ব, আমার একমাত্র অবলম্বনটুকু কেড়ে নিয়ে, ছিন্ন বস্ত্রের মতই আমায় একদিন রাত্রিশেষে পদাঘাতে বাইরে নামিয়ে দিল।

পরিজ্ঞান ত মিলেছে : এখন যাই কোথা! আলির ক্ষুধা মিটেছে, তার ঘরে আমার ঠাই নাই। পায়গোরা জোর ক'রে আমায় ধরে নৈধে তুলে এনেছে, বাবাও আমায় আর নেবেন না। কোলিঙ্গ মর্যাদা ক্ষুণ্ণ হবে এই ভয়ে গিনি শয্যার অংশ পর্যন্ত দিতে কাতর ছিলেন তিনি যে আমায় তাঁর ঘরে নেবেন—এ চিন্তা উন্নাদের মনের কোণেও ঠাই পায় না।

আমি দাঁড়াই কোথা, করি কি? শাস্ত্রে বলে আত্মহত্যা পাপ,—কতকটা সেজন্ত আর কতকটা পারিনি ব'লে—আজও আমি বেঁচে আছি। সকল দুয়ার বন্ধ হ'য়ে গেল যদি, আমি বাঁচি কি ক'রে? আমার ছায়া পর্যন্ত লোকে ঘৃণার সঙ্গে পরিত্যাগ করে। যেন আমি এক নরকের কীট, যেন এক মূর্ত্তিমান অনাচার, আমায় তারা ঘৃণা দেখাবার উপযুক্ত ভাষা ব্যবহার অবধি খুঁজে পায় না।

অথচ আমার কি অপরাধ ! আমি ত' কাতরে তাদের ডেকেছিলাম, কত মিনতি করেছিলাম— তারা তখন ত' তার কোন প্রতিকারই করেনি, আমি একা কত যুঝব ?—অথচ আমাকেই শাস্তি ভোগ কর্তে হবে !

এ রকম আমি একা নয়, সারা ভারতের বুক জুড়ে আমার মত হতভাগিনী অনেক আছে । দুর্ভাগীদের কাছে সর্বস্ব আছতি দিয়ে জীবনু ত হ'য়ে কোন মতে বেঁচে আছে—এমন অনেক হতভাগীদের কথা আজকাল তোমরা পবরের কাগজে দেখতে পাও ।

কই তোমাদের প্রাণ কঁাদে কি ? তাদের বাচাতে তোমরা কেউ হাত বাড়িয়ে দিয়েছ কি ? আমার মত নারীদের কায়ক্লেশে যাতে পেটটা চলে তার কোনও উপায় ক'রে দিয়েছ কি ?

ওগো দেশের তরুণ তরুণী—তোমরা শিক্ষা শিক্ষা ক'রে ত' পাগল—কিন্তু বল দেখি আমাদের এ দুর্দিনে তোমরা কি কর ? তোমাদের শিক্ষার সময় ব'য়ে যাবে না, অবরোধ ভাঙ্গবার সুসময় নষ্ট হবে না, কিন্তু আজ যদি এই মুহূর্তে আমাদের মুখের পানে না চাও তাহ'লে আমাদের মর্তে হবে নয় আরও গুরুতর পাপে লিপ্ত হ'তে হবে—যার নামমাত্র তোমাদের কাছে উচ্চারণ করলে তোমরা ঘণায় বদন ফেরাবে ।

ওগো তরুণ, আমরা ত' তোমাদেরই মাতৃজাতি ? লাক্ষিতা, অপমানিতা, সর্বস্বঅপহৃত্তা তোমাদেরই সহদরা ত' ? আমাদের মুখপানে একবার চাও । ওগো তরুণী, তোমার কাণে ঘুমভাঙ্গানর গান গেয়ে যে তরুণ তোমায় জাগিয়েছে, তার কাছে তোমার জাতির জন্ত একটু করুণা, ভিক্ষা ক'রে নাও !

## গান

### শ্রীপ্রভাসচন্দ্র প্রামাণিক ।

সকলের শেষে পূজিতে তোমায়

মন্দিরে মা গো এসেছি,

বহু আশা নিয়ে তোমার চরণে

অর্ঘ্য আমার এনেছি ।

অমৃত ভক্ত কণ্ঠে তোমার

পরায়ে দিয়াছে কাঞ্চন হার,

দীন হীন আমি কোথা পাব তাহা ?

বনফুলে মালা গেঁথেছি ।

চরণকমলে ঢালিব জননী

উছল নয়ন বারি,

বরণ করিব হৃদয় ডালায়

পুলকে পঞ্চাণ ভরি ;

মজ্ঞ জানি না, অস্তর-বাণী

দেব প্রাণ খুলে,—এই শুধু জানি,

আরতি করিতে কোথা হেম-দীপ ?


জীবনপ্রদীপ এনেছি ।



মহামনীষী ৩ আশুতোষ মুখোপাধ্যায় ।  
( ভারতবর্ষের সৌভাগ্য )







২য় বর্ষ

{ আষাঢ়—১৩৩১ }

৩য় সংখ্যা

## আমার মা

শ্রীকুমুদরঞ্জন মল্লিক ।

যদি উজ্জল চাঁদ বলে কেউ উচ্ছে আমায় তোলে  
মা গো আমার ওগো আমার মা,  
জানি তুমি আকাশ হ'বে করতে আমায় কোলে  
মা গো আমার ওগো আমার মা ।

সাগর তলে ফেলায় যদি মুক্তা আমায় করে,  
মা গো আমার ওগো আমার মা,  
শুক্রি হয়ে থাকবে তুমি বুকের মাঝে ধরে  
মা গো আমার ওগো আমার মা ।

নিজের ছায়া সঙ্গ ছাড়ে এলে ছুখের নিশি  
মা গো আমার ওগো আমার মা,  
তোমার মায়া দুঃখ সুখে বন্ধে থাকে মিশি  
মা গো আমার ওগো আমার মা ।

পক্ষে যদি ভোবে আমার আত্মা এবং দেহ  
মা গো আমার ওগো আমার মা,  
আবার মোরে পন্ন করে ফোটাঁবে ওই স্নেহ  
মা গো আমার ওগো আমার মা ।

## তুর্কীস্থানে মহিলা জাগরণ\*

শ্রীযোগেন্দ্রকিশোর ভট্টাচার্য ।

ছেলেবেলা হতে শুনে আসছি, মুসলমান স্ত্রীলোকদের জায় এমন পর্দানশীন নারী পৃথিবীর আর কোথাও দেখা যায় না। মুসলমান মেয়েদের চন্দ্র, সূর্য্যও নাকি দেখিতে পারে না, মাহুস ক দূরের কথা। তাই রাস্তায় বেড়বার সময় পর্য্যন্ত “বোরখা” নামে এক অদ্ভুত পোষাক পরে একেবারে খাস কবু হয়ে জগতের এক অদ্ভুত জীব সেজে রাস্তা চলে।

নারী-স্বাধীনতার চরম পন্থি এই ইউরোপে তুরস্ক দেশের মেয়েরা এতদিন ঠিক এমনি পর্দানশীন ছিল। কিন্তু রাতারাতি যখন এই অসূর্য্যমুগ্ধা নারীজাতি বিধাতার কোন মজলময় সাড়ায় জাগ্রত হয়ে একেবারে পর্দার বাহিরে এসে দেশের বিপদে এতকালের কুসংস্কার ভুলে অসঙ্কোচে পুরুষদের সঙ্গে তাদের কাজ করতে লাগল শুনে আর ঘরে বসে থাকতে পারলুম না। আরও অবাক হয়ে গেছলুম শুনে যে, এই জাগরণের মূলে মাত্র ২২ বৎসরের একটি মেয়ে। নাম হামিদা খানুম।

বিধাতার এই বর-কল্যাকে ও তার দেশের মেয়েদের দেখবার জন্ত একদিন বাড়ী হতে বেরিয়ে পড়লুম।

রাস্তার কথা বলে আর পাঠকের ধৈর্য্যচ্যুতি করতে চাইনা। এখন এই মাত্র বলব যে সে সব মেয়েরা যে কি উৎসাহ নিয়ে দেশকে তৈরী করে তুলছে তা নিজ চখে যা দেখেছি তাই বলব।

তুর্কীস্থানে যে একটা ঘোর পরিবর্তন এসে দেখা দিয়েছে তা সেই দেশের মাটিতে পা দিয়াই বুঝতে পারছিলাম। আর একবার এদেশে এসেছিলাম আমার বাবার সঙ্গে। তখন আমার বয়স দশ কি এগার। তখনকার তুর্কী আর বর্তমানের তুরস্ক রাত দিন তফাত। যারা অতীতের তুরস্ককে দেখেছেন তাঁরা বর্তমানের তুরস্ককে দেখে এটাকে পরীর দেশ না বলে থাকতে পারবেন না। পরীরা যেমন রাতকে দিন এবং দিনকে রাত করে ফেলে এও যেন ঠিক তাই হয়ে গেছে।

রাস্তা ঘাটে ছেলেমেয়েরা চলাফেরা করছে, কোন বাধা নাই। নিজ নিজ সন্মান রক্ষা করে নিজেরা চলছে। মেয়েদের আর “বোরখা” নাই। সেই রাস্তা টুকটুকে মেয়েরা নিজ দেশী পোষাক পরে তুর্কী সেগোল পায়ে দিয়ে কেমন সুন্দর চল যাচ্ছে। রাস্তার উপর কোন যুবতী পড়লে, যুবক সসন্মানে মাথা হেঁট করে যুবতীর রাস্তা ছেড়ে দিচ্ছে, কাঁরো মুখে কোন কথা নাই। একই গাড়ীতে ছেলেমেয়েরা উঠছে। গাড়ীতে লোকের অত্যন্ত ভীড় হলে যদি কোন মেয়ে সেই গাড়ীতে উঠে একটু জায়গা না পায় তাহলে ছেলেরা বিনা বাক্যে নিজেদের জায়গাটুকু মেয়েটিকে দিয়ে নিজে অতি কষ্টে বাইরে দাঁড়িয়ে থাকে। বাইরেও জায়গা না থাকলে তারা গাড়ী ফেল করে, তাতে তাদের মনে কোন কষ্ট হয় না। ছেলেরা বন্ধুবান্ধব নিয়ে গাড়ীতে বসে কোন অশ্লীল কথা আলাপ করবার

\* ইংরেজী হইতে অনুবাদিত। মিস্ পেপী নামে একজন ইংরাজ মহিলা তুরস্কের নারী জাগরণের বার্তা পাইয়া সেখান কার মেয়েদের কার্যকলাপ দেখিতে গিয়াছিলেন। তিনি নিজ দেশে কিরিয়া উপরোক্ত বর্ণনা বিলাতের লেডীজ মেগাজীন (Ladies magazine) নামক পত্রিকায় প্রকাশ করেন।

সময় যদি কোন মেয়ে সে গাড়ীতে উঠে তাহলে তৎক্ষণাৎ ছেলেরা সে সব অশ্লীল কথা বন্ধ করে চূপ করে বসে থাকে।

তিন চার বৎসর পূর্বে যিনি তুরস্কে এসেছিলেন তিনি এই সব কথা বিশ্বাস করতে চাইবেন না। কিন্তু এসব অতি সত্যি কথা।

এখানে এসেই ঠিক কল্পম যে হামিদা খান্নুমের সঙ্গে প্রথম দেখা করুব। মনে মনে ভাবছিলুম বড় সহজে তাঁর সঙ্গে দেখা করতে পারব না। বলতে গেলে তুরস্কের রাজা রাণীর সঙ্গে দেখা করা, না জানি কত দরখাস্তই করে বসে থাকতে হবে।

কিন্তু অবাধ হয়ে গেছি তাঁর ব্যবহার দেখে। আমি হৃদয় ইংলণ্ড হতে তাঁর সঙ্গে দেখা করতে এসেছি শুনে নিজে এসে আমাকে নমস্কার করে আপন ঘরে নিয়ে গেলেন। কোন দরখাস্ত করতে হয় নাই। মাত্র ভিজিটিং কার্ড পাঠিয়েছিলুম।

মুসলমান জাতি সাধারণতঃ বড় সৌধীন ও জাঁক জমক প্রিয় জাতি। তার প্রমাণ ভারতের মুসলমান রাজাদের চালচলন। হামিদা খান্নুমের তা দেখতে পেলুম না। একবারে সাদাসিদে, দেখলে রাণী বলে মনে হয় না। একটা সাধারণ তুর্কী মহিলা বলেই মনে হয়। ঘরখানিতে বিশেষ মূল্যবান আসবাবপত্র ছিল না। অতীতের তুরস্কের বড় বড় যুদ্ধের কয়েকখানি ছবি। নিজ পাঠাগারে তুরস্কের প্রত্যেক জিলার এক একটা মানচিত্র আছে। তিনি রাণীর মত শুধু বসে দিন কাটান না। নিজ কাজ করে খাবারও সময় পান না। সব সময়ই আছেন শুধু দেশের মেয়েদের চিন্তা নিয়ে। দেশের গ্রামে গ্রামে মেয়েদের শিক্ষার জন্য বিদ্যালয় করে দেওয়া হচ্ছে। কোন্স্থানে কত টাকা পাঠাতে হবে, কোন্স্থানে স্কুল হল না এই সব নিয়েই দিন রাত কাটাচ্ছেন।

এই অল্প সময়ের মধ্যেই মেয়েদের উচ্চ শিক্ষার জন্য অনেক গুলি কলেজ তৈরী হয়ে গেছে।

একদিন তিনি নিজে আমাকে সেই সব স্কুল

কলেজ দেখাতে নিয়ে গেলেন। প্রায় ত্রিশ চল্লিশ বিঘা জমির উপর সেই বিদ্যালয় তৈরী করা হয়েছে। চারিদিকে খুব উচ্চ প্রাচীর। তার ভিতরে সব। মেয়েদের বোর্ডিং, কলেজ, খেলার মাঠ, সাতার কাটবার পুকুরিণী ইত্যাদি সেই দেওয়ালের ভিতরে। বোর্ডিংএ যেসব মেয়ে দেখলুম—তাদের বড় একটা বাবুগিরী নাই। কলেজের নিয়ম করা আছে প্রত্যেক মেয়ের কতগুলি কাপড় বা পোষাক রাখতে হবে। পাঠ্যাবস্থায় অত্যন্ত সাদাসিদে ভাবে থাকতে হয়। জেনারেল লাইনে ছেলেমেয়েদের একই বিশ্ববিদ্যালয়ের নিয়মমত পড়াশুনা বা পরীক্ষা দিতে হয়। কিন্তু মেয়েদের কতকগুলি বেশী কাজ শিক্ষা করতে হয়। প্রথমতঃ শিশুদের সেবা শুশ্রূষা করা। তার অন্ত ঠিক মেডিকেল কলেজের মত বন্দোবস্ত। প্রত্যেক কলেজের সঙ্গে সঙ্গে এক-একটা অনাথআশ্রম আছে। সেই সব অনাথ-আশ্রমের ছোট ছেলেমেয়েদের নাওয়ান খাওয়ান প্রভৃতি কাজ এই কলেজের মেয়েদের করতে হয়। কি করে শিশুকে নাওয়ালে, খাওয়ালে শরীর ভাল থাকে, কি করলে শিশুর স্বাস্থ্য ভাল থাকে—“হাইজিন” ক্লাসে শিক্ষা করে এই সব অনাথ শিশুদের দিয়ে সে সব পরীক্ষা করতে হয়। তারপর গৃহকার্যের কথা। বোর্ডিংএর যাবতীয় গৃহকর্ম, যেমন ভাত, তরকারী, রুটী, মাংস তৈরী করা, তরকারী কোটা প্রভৃতি কাজ ছাত্রীদেরই করতে হয়। অবশ্য সাহায্য করবার জন্য চাকরানী আছে। এক এক দিন দশপনরটা মেয়ে পাক করতে আসে। সেখানেও অধ্যাপিকা আছেন। তিনি তাদের কাজ কর্ম দেখেন। কে কি রকম কাজ করল তা দেখে নম্বর দেন। খুব বড় বড় রাজকর্মচারীদের মেয়েরা এই বোর্ডিংএ আছেন। কিন্তু তাদেরও এ সব করতে হয়। মেয়েদের খাবার বন্দোবস্ত অত্যন্ত ভাল। কারণ দেশে যত প্রকারের ভাল ভাল খাবার বা পাকপ্রণালী আছে, সবই মেয়েদের শিখতে হয়। কাজেই মেয়েদের খাবারও ভাল হয়।

তারপর নার্সিং। যুদ্ধের আহত সৈন্যদের নার্সিংএর কথা বলা হচ্ছে। কি করে ব্যাণ্ডেজ করতে হয়, শরীরের নানা স্থানের নানারূপ ব্যাণ্ডেজ আছে তা শিক্ষা করতে হয়। আহত সৈন্যদের কি করে উষ্ণ পথ্য দিতে হয়, তাও জানতে হয়। এসব অবশ্য যুদ্ধের নিয়মামুসারে শিক্ষা দেওয়া হয়।

এর পর ঘোড়ায় চড়া, সাইকেল, মটরকার চালান খুব ভাল করে শিক্ষা করতে হয়। এসব শিক্ষা করবার জন্তও এই দেওয়ালের ভিতর প্রকাণ্ড মাঠ আছে।

মেয়েদের প্রত্যেককে সাঁতারকাটা শিক্ষা করতে হয়। এ সবেৰ জন্তে মেয়েদের পৃথক পৃথক পোষাক আছে। তা পরে শিক্ষা করতে হয়। এ সব করে আবার ব্যায়াম করতে হয়।

পড়া শুনা ছেলেমেয়েদের একই, তবে এই কলেজেই মেয়েদের জন্ত কতকগুলি টেকনিকেল বিভাগ আছে। সে সব লাইনে প্রবেশিকা পাশ করেই ভর্তি হওয়া যায়। মেয়েদের জন্তে স্ট্রাইপ টাইপ রাইটিং, টেলিগ্রাফ, বুককপিং প্রভৃতি আছে। প্রত্যেক মেয়েকেই সেলাইএর কাজ করতে হয়। তবে ধারা জীবিকার জন্ত সেলাইএর কাজ শিক্ষা করতে যান, তাঁদের জন্ত ড্রেস্ মেকিং বিভাগ আছে। সেখানে নানা প্রকারের ড্রেস তৈরী করা শিক্ষা দেওয়া হয়।

কলেজে যে শুধু আর্টবিভাগ আছে তা নয়। বিজ্ঞান ক্লাসও আছে। ইউরোপের অনেক বড় বড় বৈজ্ঞানিক অধ্যাপিকারা এখানে এসেছেন, মেয়েদের প্রাকৃতিক (Practical) ক্লাসের জন্ত লেবরেটরী আছে, মেয়েরা সে সব মেশিনে কি সুন্দর কাজ শিক্ষা করছে।

যে সব লোকের দৈনন্দিন আয়ই দৈনন্দিন ব্যয়, তাদের মেয়েছেলেদের জন্ত একটা শিল্পাশ্রম খুলা হয়েছে, সে সব মেয়েদেরও শিল্প কার্য শিক্ষার সঙ্গে সঙ্গে একটু আর্থটু লেখাপড়া শিক্ষা করতে হয়।

অন্ততঃ নিজের মাতৃভাষাটাকে একমত শিখে নিতে হয়।

সে শিল্পাশ্রমের কি প্রকাণ্ড বাড়ী। ঘরখানি প্রায় ৭৮ শত হাত লম্বা। প্রস্থও প্রায় ৩৪ শত হাত। তার মধ্যে প্রায় ৬৭ শত মেয়ে মজুর কাজ শিক্ষা করছে। এই শিল্পাশ্রম হতে সুন্দর সুন্দর গালিচা, কার্পেট, লেন্স, পর্দা, কাপড়, মোজা প্রভৃতি তৈরী হচ্ছে। তুরস্কে এক প্রকার বেত গাছ আছে। ইহা দেখতে বড় সুন্দর, তাকে “লাঞ্চুম” বলে, এই “লাঞ্চুমের” তৈরী, মুসলমানদের টুপী, বড় সুন্দর হচ্ছে। তা ছাড়া, নানা প্রকারের জিনিষপত্র রাখবার পাত্র তৈরী হচ্ছে।

এই আশ্রম একমাত্র হামিদা খানুমের তত্ত্বাবধানে আছে।

কলেজের মেয়েরা আরও অদ্ভুত ত্যাগ স্বীকার করছে। তাদের কি উৎসাহ। এদের দেখে মনে হয় যেন কোন ইলেক্ট্রিক মেশিনের জোরে কাজ করে যাচ্ছে। একটুও ক্লান্তি নাই। কি করে যে দেশের মেয়েদের মানুষ করে তুলবে তাই চিন্তা। জগতজাতা যিশুখৃষ্ট যেমন তাঁহার পরম পিতার বাণী পেয়ে আপনি জগতের নরনারীকে তা জানাবার জন্ত পাগল হয়েছিলেন এ সব তুর্কী মেয়েরাও যেন তেমনি কি এক মহাবাণী প্রচারের জন্ত পাগল হয়ে ছুটছে।

মেয়েরা সহর বাস ত্যাগ করে চিরতরে পল্লীতে চলে যাচ্ছে। তাদের অপরাপর অশিক্ষিত ভগ্নিদের তাদের স্থায় শিক্ষিত করবার জন্ত গ্রামে গ্রামে মেয়ে স্কুল করছে। রাতদিন পরিশ্রম করে তাদের শিক্ষা দিচ্ছে। কি অপূর্ব স্বর্গীয় দৃশ্য।

অল্প দিন হ'ল মেয়েরা Grand National Assemblyতে সদস্য হবার জন্ত রাজ সরকারে ডেপুটেসন পাঠিয়েছে, এই Grand National Assembly দ্বারাই রাজ্য শাসিত হয়। মেয়েরা আইম ব্যবসায় এমন কি বিচারবিভাগে অধিকার লাভের জন্তও উঠে পড়ে চেষ্টা করছেন। বৃদ্ধ মন্ত্রীদের

যত আপত্তি, নবীনদের পূর্ণ মত। তা নিয়ে আবার মত্বিদের মধ্যে ছু দল হয়ে গেছে।

অনেক ঝগড়ার পর এই ঠিক হয়েছে যদি দেশের মেয়েদের বেশী ভাগের মত হয় তাহলে তাদের সদস্য হতে দেওয়া হবে। এখন অশিক্ষিত মেয়েরা লেখাপড়া না জানলে এ সব বিষয় ত বুঝে উঠতে পারবে না, বা কি বিষয়ে ভোট দিতে হবে তা বুঝবেনা। তাই এই সব শিক্ষিত মেয়েরা উঠে পড়ে লেগে গেছেন দেশের মেয়েদের শিক্ষিত করবার জন্তে।

ওরা একটি Ladies Congress তৈরী করেছেন, প্রতিবৎসর এই কংগ্রেস দেশের এক এক প্রদেশে বসবে ও তাতে দেশের মহিলারা যথা সাধা সন্মিলিত হবেন। উক্ত কংগ্রেসে তাঁদের সকল প্রকারের উন্নতি অবনতির কথা আলোচনা হবে।

এবার সেই কংগ্রেস ঠিক করেছেন যে, যে করেই হউক মেয়েদের মধ্যে হতে Grand National Assemblyর সদস্য হতেই হবে। তারপর সেখানে প্রবেশ লাভ করে নিজেদের জাধ্য অধিকারসমূহ যাতে লাভ করা যায় তার জন্ত যথাসাধা বাকযুক্ত করা যাবে। এদিকে ধীরে ধীরে দেশের অশিক্ষিতা মেয়েদেরও তৈরী করে দেওয়া যাবে।

এর ফলাফল এখনও কিছু জানা যায় নাই। তবে মেয়েরা যে ভাবে আশ্রয় চেষ্টা করছেন তাতে তাঁরা যে কৃত-কার্য্য হবেন তার কোন ভুল নাই। একদিন একটি কলেজের ছাত্রীর সঙ্গে আমার অনেক কথা হয়। মেয়েটির বয়স সতর আঠার। কথার ধারাটা চলছিল তাদের স্বাধীনতা নিয়ে। মেয়েটি আমাকে বলে “দেখুন কাগজে কলমে শুধু পুরুষদের গাল দেওয়ায় কোন কাজ আসে না। ধীরে বলেন পুরুষ জাতি আমাদের জাধ্য অধিকার হতে বঞ্চিত করে রাখছেন তাঁদের এই কথাগুলো নেহাত ভীক বা কাপুরুষের কথা। কে তার

স্বাধীনতা দিতে পারে? সবাইকে নিজেই নিয়েই ভর দিয়ে দাঁড়াতে হয়। আমরা আমাদের জাধ্য অধিকার পাচ্ছি না সে আমাদের দোষ। কাজ করলে পাব ত? ছু একটা মেয়ে ছু কলম লেখা শিখে গেলে ত আর কিছু হল না? এখন চাই দেশের পল্লীর মেয়েদের তৈরী করা, তার পর আমাদের সব অধিকারই আপনি আপনি হয়ে যাবে। কি সাধ্য পুরুষের আমাদের কার্য্যে বাধা দেয়।”

পাঠিকা, এই সতর বৎসরের মেয়েটির কথা হতেই হয়ত বুঝতে পারছেন যে তুরস্কের নারী সমাজ কত উন্নত হয়ে গেছে।

তুরস্কের স্ত্রী-স্বাধীনতা আর আমাদের ইউরোপীয় স্ত্রী-স্বাধীনতায় অনেক তফাৎ। তুর্কী মেয়েরা ইউরোপীয় স্বাধীনতাকে কথার ভাবে বুঝলুম যে ঘৃণাই করে, তারা আমাদের স্বাধীনতাকে স্বাধীনতা বলেই স্বীকার কর্তে চায় না। এ নাকি এক মাত্র উচ্ছৃঙ্খলতা।

দেশে আসবার কয়দিন পূর্বে আর একবার হামিজা খানুমের সাথে দেখা করতে যাই। সেদিনও কথায় কথায় আমাদের ইউরোপীয় স্ত্রী স্বাধীনতার কথা উঠল। হামিজা খানুম একটু সঙ্কোচিত হয়ে আমাকে বলেন “দেখুন কথাগুলি হয়ত আপনার কাছে অপ্রিয়ই হবে কিন্তু আপনার বার বার প্রশ্ন করায় উত্তরও যে না দিয়ে থাকতে পারছি না। আপনাদের নিকট হতে আমি অনেক সদৃশ্য চুরি করেছি। কিন্তু আপনাদের স্বাধীনতাকে আমি একটুও পছন্দ করি না। আপনাদের ইংলও আমেরিকা প্রভৃতি দেশের মেয়েরা স্বাধীনতার নাম নিয়ে অনেক বীভৎশ কাণ্ড করছেন, তা নইলে প্রতিদিন কোটে দুই শত তিন শত করে ডাই ভোস (তালক) কেস উঠে কেন? এই কি আপনাদের কোর্টসিপের ফল? ছেলেতে মেয়েতে ভাব হয়ে বিয়ে হয় এটা আমি অত্যন্ত ভালবাসি। কিন্তু এরূপ ভাবে আমি ভাল বলি না। শুধু পাশবিক কামুকতার উন্নততা।”



“এই যে এমেরিকান ফ্লেনবাইজ দলের মেয়েদের কেহ বলছেন “গর্ভ ধারণ করা বড় লজ্জার কথা।” এই কি স্বাধীনতার আদর্শ? আমরা যাদের জাত। মাতৃহই আমাদের একমাত্র সম্বল। স্বাধীন হতে যেয়ে কি সেই মাতৃহকে ঘৃণা করতে শিখব? আমরা পুরুষের সব কাজ করলেও ভুলে যাব না যে আমার ঘরে স্বামী পুত্র ও স্বপ্নরশাশুড়ী আছেন। সারাদিন বাইরে পুরুষের মত কাজ করে সন্ধ্যার সময় বাড়ী যেয়ে ঠিক স্বামীর কাছে প্রেমময়ী পত্নী, পুত্রের কাছে স্নেহময়ী মা, ও স্বপ্নর শাশুড়ীর কাছে ভক্তিমতী বধূ হতে ভুলে যাব না। তাদের প্রত্যেকের কাছে আমার যে যে কর্তব্য তা সাধন করতে যথাসাধ্য চেষ্টা করব।”

আমি মন্ত্রমুগ্ধের মত তাঁর কথাগুলি শুনে যাচ্ছি।

যাচ্ছিলুম। কি নির্ভিক ও যুক্তি সঙ্গত উত্তর। আমার হাঁ না করবার একটুও জো ছিল না এ যে বড় মিথ্যা কথা নয়।

আজ দেশে এসেও বাড়ী বসে ঠিক সেই কথা গুলিই ভাবছি। কি শুনে এলাম আর কি দেখে এলাম। সবই যেন আমার কাছে স্বপ্ন বলে এখন মনে হচ্ছে। মনে হচ্ছে যেন ঘুমিয়ে ঘুমিয়ে তুর্কী স্থানের সে সব স্বর্গীয় দৃশ্যাবলী স্বপ্নের ঘোরে দেখে ছিলাম আর আজ হঠাৎ জেগে দেখি যে কিছুই নাই, যে ইংলও সেই ইংলও।

আজ বুঝেছি যে, যেখানে ইচ্ছা আছে সেখানে উপায়ও আছে। তুর্কী মেয়েদের ঐকান্তিক ইচ্ছা আছে বলে তাহাদের উপায়ও হয়ে

## পূজারিণী

কুমারী স্ত্রতাপুরী দেবী।

মন্দিরে ওই বেজে ওঠে শাঁক,  
পূজারিণী সবে ছুটিয়া আয়,  
তোরা না আসিলে ব্যর্থ সকলি  
পূজার লগন বহিয়া যায়।  
চারিদিকে আজ খোলা সব দ্বার,  
নাহি অন্ত কারো প্রবেশাধিকার,  
মন্দিরে হের দীপ্তা প্রতিমা  
তোমাদের পানে চাহিয়া হায়।

তোরা বিনা বল কে সাজাবে ডালা  
দিয়া হেসে প্রাণ বলিদান,  
কে রাখিবে বল ছুঁড়িনে এই  
আম্ম ভুলিয়া সবার মান?  
কোথা নারী বিনা হয় কোন কাজ?  
তাই বলি তোরা সেজে আয় আজ!  
দীপ্ত ললাটে রক্ত-তিলক,  
নিজে এঁকে দিবে ভগবান।



## মর্যাদা

( গল্প )

শ্রীফকিরচন্দ্র চট্টোপাধ্যায় ।

( ১ )

সে দিন মাতুল মহাশয় যখন মাকে ডাকিয়া বলিলেন, “আমি আর পেয়ে উঠছি না, তোমরা অন্তত ঘাবার বন্দোবস্ত কর ।”

মা তাঁহার আঁত্রার মুখের প্রতি একবার চাহিয়া নীরবে বসিয়া রহিলেন “হাঁ” “না” কোন উত্তর দিলেন না ।

মাতুল মহাশয় একটু রাগান্বিত ভাবে ও উচ্চ গলায় পুনরায় বলিতে লাগিলেন “দেখ সুনীলা, আমার অবস্থার লোকের যাঁ করা সম্ভব তার চেয়ে অনেক বেশী করেছি, এখন আর পারছি না, তাই তোমাকে তোমার ছেলে নিয়ে অন্তত যেতে বলছি । তিন দিন সময় দিলাম, এর মধ্যে যেখানে হোক তোমার যেতে হবে । শেষ কথা, আমাকে যেন লোক হাসাহাসি কর্তে না হয় । মানে মানে গেলে, কোন কথাই হবে না । তুমিই একটু বুঝে দেখ না ।”

এবারও মা কোন জবাব করিলেন না । তাঁহার নয়ন হইতে সকলের অজ্ঞাতে দুই বিন্দু অশ্রু গড়াইয়া পড়িল । বুঝি অনেক দিন পরে আজ তাঁহার নিতৃত হৃদয়ের কতস্থান ভেদ করিয়া দুই বিন্দু রক্ত অশ্রু ধারায় বাহির হইয়া পড়িয়াছিল । তাঁহার সমস্ত অস্তর বেড়িয়া একটা অসহ্য অপমান-ভার তাঁহার মস্তককে ঝুড়িকা সংলগ্ন করিয়া আনিতেছিল । পাশের ঘরে বসিয়া আমি পড়িতেছিলাম । অকস্মাৎ মাতুলের অস্বাভাবিক রুম্ব কণ্ঠস্বর শুনিতে পাইয়া জানালার নিকট গোপনে মুখ রাখিয়া সকল কথা শুনিলাম । আমাকে লইয়াই যে মায়ের এত

কষ্ট, এক মুহূর্তের ভিতর সে কথা বুঝিলাম । এতবড় অপমান মা যে কেন মুখ বুজিয়া হুঁজম করিতে ছিলেন, তাহা আমার জানিতে বাকি রহিল না । মায়ের পেটের ভাই যে তাঁহাকে একদিন এমনি করিয়া পথে বাহির করিয়া দিতে পারেন মা বোধ হয় কোন দিন তাহা ভাবিতে পারেন নাই, তাই তিনি একেবারে নির্ঝাক হইয়া গিয়াছিলেন । এখন বেশ বুঝিতে পারিলাম, মার যদি কোন উপায় থাকিত তাহা হইলে তখনই আমার হাত ধরিয়া তিনি বাড়ী হইতে চলিয়া যাইতেন কিবা আমি যদি না থাকিতাম তাহা হইল অভাগিনী জানি না, কোনরূপ অন্তায় উপায় অবলম্বন করিয়া সংসারের সকল জালা যন্ত্রনার হাত হইতে অনেক দিন পূর্বেই নিষ্কৃতি লাভ করিতে মোটেই ইতস্ততঃ করিতেন না । দেখিলাম, মা একবার আমার পড়িবার ঘরের দিকে তাকাইলেন । বোধ হইল এসকল কথা আমি শুনিতে পাইয়াছি কিনা জানিবার জন্তই চাহিলেন । আমি অস্ত্র জানালা ফাঁক করিয়া দেখিতেছিলাম, স্ততরাং মা আমাকে দেখিতে পাইলেন না । বরং আমি মাকে বেশ ভালরূপ দেখিতেছিলাম । মার মুখের ভাব দেখিয়া বুঝিলাম, এতখানি অপমান মা যে মাথা পাতিয়া লইয়াছেন এ সংবাদটা যেন আমি জানিতে না পারি । আমি জানিতে পারিলে আমার শিশু হৃদয়ে যে নির্ধম আঘাত লাগিবে তাহা ভাবিতে তিনি আতকে কাঁপিয়া উঠিতেছিলেন ।

মাতুল বলিলেন “আমাকে যেন একথা আর দ্বিতীয় বার বলতে না হয় ।”

এবার মা অত্যন্ত মৃদু অথচ ভার ভার কণ্ঠে উত্তর করিলেন “তুমি ত জান আমার শত্রুর বাড়ীর কেউ নেই। ইদানিং ভাড়া-ঝড়ীতে তিনি তাঁর জীবনটা শেষ করে গেছেন। নলিন ছেলেমানুষ, সংসারের কিছু জানে না, এখনো লেখাপড়া কিছু শেখেনি, ও আমাকে নিয়ে কোথায় যায় বল? নলিন আমার একটু কিছু আনতে পারলে আর তোমাকে ভাই আমার ভার নিতে হবে কেন? আমি একলা হলে এত কথা বলতাম না। আর ছুটো বছর রাখ, নলিন একটু বড় হলে একটা দোকানে টোকানে বলে দিলে যা হউক দুপয়সা আনতে পারবে ত!”

মাতুলগহাশয় এবার তাঁহার মস্তক ঠিক রাখিতে পারিলেন না, তিনি অত্যন্ত রাগিয়া গিয়া বলিলেন “ওসব কথা আমি শুনতে চাই নে, সুন্দা কথা, আমি পারব না। তোমাদের পথ দেখতেই হবে। নিজে বাঁচলে বাপের নাম! আমি ছেলেপুলে নিয়ে এখন মরি তারপর ওঁর নলিন বড় হয়ে আমাকে রাজা করবেন! ওসব হবেনা বলছি, বৃধবার দিন তোমাকে যেতেই হবে। ভগবান যখন তোমার অদৃষ্টে ঘরবাড়ী দেননি, শত্রুর বাড়ীর কাউকেই রাখেননি, তখন যেখানে ইচ্ছা সেখানেই যেতে হবে।”

মা বলিলেন “আমার হাতে আর কিছুই নেই। আমার শেষ গহনাখানি পর্যন্ত তোমাকে দিয়েছি। এখন কি নিয়ে গিয়ে দাঁড়াই বল? আর যাবই বা কোথা?”

আমি আর সহ্য করিতে পারিলাম না। কারণ তখন সবে মাত্র যৌবনে পা দিতেছি, বয়স পনের বছর হইবে। মাস খানেক হইল দ্বিতীয় শ্রেণীতে প্রমোশন পাইয়াছি। একটা আত্মসম্মত-বোধ বেশ ভিতরে ভিতরে সাড়া দিয়া উঠিতেছিল। আমি তাড়াতাড়ি সেখানে আসিয়া, বলিলাম “মা, আমার অনেক লেখাপড়া শেখা হয়েছে। অনেক ছেলের যে এতখানিও হয় না; আর পড়ার দরকার নেই, আমি

আজই চাকরী করতে যাব। তিন দিনের ভিতর চাকরী ঠিক করে এসে তোমাকে নিশ্চয় নিয়ে যাব।” এতগুলো কথা যে আমার সম্মুখে গুছাইয়া বলিতে পারিব এমন বিশ্বাস বা সাহস কোন দিন আমার ছিল না। সুতরাং কে যে আমার মুখ দিয়া খাঁটি সত্য কথাগুলি বলাইয়া দিয়াছিল তখন তার প্রকৃত সম্মান না পাইলেও সে যে আমার অন্তরের ভিতর ছিল তাহা বেশ বুঝিতে পারিয়াছিলাম। মাতুল খুব গম্ভীর ভাবে আমার মুখের দিকে চাহিয়া বলিলেন “এই ত পুরুষ মানুষের মত কথা, যে নিজে খেতে পায়না তার লেখাপড়া শেখা বিড়ম্বনা।” এই বলিয়া তিনি সেখান হইতে চলিয়া গেলেন।

মা আমার হাত ধরিয়া ঘরের মধ্যে টানিয়া লইয়া গেলেন। তখনও আমার হাত পা কাঁপিতেছিল। কি যেন একটা অভূতপূর্ব উত্তেজনা আমার সমস্ত শরীরের শিরার ভিতর গিয়া তড়িৎ বেগে প্রবাহিত হইতেছিল। সারাদিন গল্প করিয়া কোন দিন স্নিহ্বা শুকাইয়া যায় না, আজ এই সামান্য কয়েকটা কথার ভিতর কি এমন শক্তি ছিল, যে আমি অসহ্য পিপাসায় তখনই অস্থির হইয়া উঠিলাম। এতটা বয়সের ভিতর এমন ধারা ভাব ত কোন দিন অনুভব করি নাই! হঠাৎ মনে হইল যেন রক্তমঞ্চের একখানি শরৎ-জ্যোৎস্নার পট পরিবর্তিত হইয়া নিবিড় মেঘভার সম্বলিত বর্ষার দৃশ্য আসিয়া দর্শকের চক্ষে ধাঁ ধাঁ লাগাইয়া দিল। আমি মার বক্ষে মস্তক রাখিয়া কাঁদিয়া ফেলিলাম। তিনি বলিলেন “কাঁদিসনি, ভাবনা কি, এখনো তোমার মা মরেনি।” মার উৎসাহ বাক্য যেন মন্ত্রশক্তির মত আমাকে এক নূতন জীবনের পথ দেখাইয়া দিল। এখনও বেশ মনে আছে সেদিন রবিবার। ইচ্ছল ছিল না। সমস্ত দিন ধরিয়া মা আমাকে কত বুঝাইলেন কিন্তু আমি বলিলাম “নিজে উপায় করিয়া যদি পড়িতে পারি তবেই পড়িব নতুবা চাকরী করিতেই হইবে।”

মার চাকরীর উপর বড় বিতৃষ্ণা ছিল, তিনি বলিলেন “স্বাধীনভাবে পয়সা এনে তুই সংসারী হরোছস দেখলে আমার সব কষ্ট দূর হবে। আমাদের যে কোনরূপ ব্যবসা করবার মূলধন নেই, সেজন্য চাকরী করে কিছু টাকা সংগ্রহ কর্তেই হবে।”

আমার কলিকাতা যাওয়াই স্থির হইয়া গেল। পরদিন আমি মায়ের পায়ের ধূলাও আশীর্বাদ লইয়া কলিকাতা যাত্রা করিলাম। মা আমার চাদরে মহামায়ার প্রসাদ ও পূজার ফুল বাঁধিয়া দিতে ভুলিলেন না।

( ২ )

পথে আসিতে আসিতে স্থির করিয়াছিলাম, কোন আত্মীয়স্বজনের নিকট যাইব না। যদি ভিক্ষা করিয়া খাইতে হয়, যদি অনাহারে মরিতে হয় সেও শ্রেয়ঃ তথাপি পরিচিতের উপেক্ষিত অনুগ্রহ কিছুতেই গ্রহণ করিব না।

কলিকাতা আসিয়াই প্রথমে বাঁহার সহিত পরিচয় হইল তিনি বেশ ফিটফাট সুন্দর যুবক। পরিধানে একখানি দেশী কাঁলাপেড়ে কাপড়, গায়ে আদ্রির পাঞ্জাবী তাহাতে সোণার বোতাম, আঙ্গুলে একটা চুনী বসান ফ্রেঞ্চপ্যাটার্ণ আংটা। হাতে হাতীর দাঁতের একগাছি ছড়িও ছিল। এত সব সরঞ্জামের মধ্যে দেখিলাম ভদ্রলোক চাদর ব্যবহার করেন না। লোকটা গৌরবর্ণ, বয়স চব্বিশ পঁচিশ বৎসর হইবে। জিজ্ঞাসায় জানিলাম তাঁহার নাম সুরেন্দ্রনাথ ঘোষ, কথায় কথায় তাঁহার সহিত বেশ আলাপ হইয়া গেল। আমার অবস্থার কথা তাঁহাকে সমস্তই বলিলাম। তিনি আমাকে একটা চা ব্যবসায়ীর নিকট লইয়া গিয়া পরিচিত করিয়া দিলেন।

সুরেনবাবু আমার অবস্থার কথা যেমনটা শুনিয়াছিলেন ভদ্রলোককে ঠিক সেইরূপ বর্ণনা করিলেন। আমার মত একজন লোককে এতখানি বিশ্বাস যদি সুরেনবাবু সেদিন না করিতেন, তাহা হইলে আমার যে কি পরিণাম হইত তাহা বলিতে

পারি না। সুরেনবাবু আমাকে যে ভদ্রলোকটির নিকট লইয়া গিয়াছিলেন তিনি থাকিতেন মাণিক-তলা স্ট্রীটে। যে বাড়ীতে তিনি থাকিতেন, সেখানি ছোট হইলেও বেশ পরিষ্কার পরিচ্ছন্ন। নীচের ঘর দুইটা বড় রাস্তার ধারে বলিয়া দোকানদারদের ভাড়া দেওয়া ছিল। দোতলার একখানি ঘরে তাঁহার বৈঠকখানা, সেই ঘরেই সুরেনবাবু আমাকে লইয়া গিয়াছিলেন। বৈঠকখানাঘরের মাঝে একটা দরজা ছিল। সেই দরজা দিয়া অন্দরমহলে যাইতে হয়। দরজাটা বোধ হয় সর্বদা খোলা থাকিত সেইজন্য একখানি লাল ও নীলবর্ণের জোরাকাটা পর্দা টাঙ্গানো ছিল। ঘরের আসবাবপত্র দেখিয়া বুঝিয়াছিলাম লোকটা বেশ সৌখীন। আমার ইতিহাস শুনিতে শুনিতে তিনি অনেকবার বিশ্বাস বিষ্ট নয়নে আমার মুখের প্রতি দেখিতেছিলেন। একবার দেখিলাম, যেন আলোক সম্পাতে তাঁহার নয়নকোণে দুইটা বড় বড় অশ্রুকণা হীরক খণ্ডের মত উজ্জ্বল হইয়া উঠিল। সব শুনিয়া তিনি বলিলেন “এখানে আপনার কেউ পরিচিত লোক আছেন?” আমি বলিলাম “অনেক আছেন কিন্তু তাঁদের সঙ্গে আমি দেখা করতে প্রস্তুত নই। আপনার মনের মধ্যে যদি কোনরূপ অবিশ্বাস এসে থাকে তবে আমি চলে যেতে পারি।” এই কথা বলিয়া যেমন উঠিয়া দাঁড়াইয়াছি এমন সময় ভিতর হইতে কে যেন সেই পর্দাখানি নাড়িয়া শব্দ করিয়া গৃহ স্বামীকে ভিতরে আহ্বান করিলেন। তিনি বলিলেন, “একটু অপেক্ষা করুন, আমি এখনি আসছি।” ভদ্রলোক ভিতরে চলিয়া গেলেন। অল্পক্ষণ পরে ফিরিয়া আসিলেন এবং সঙ্গে সঙ্গে চাকর দুইখানি রেকাবীতে সুরেনবাবু ও আমার জন্য জলখাবার আনিয়া দিল। তিনি বলিলেন “একটু জল খান।”

আমি একটু ইতস্ততঃ করিতেছি দেখিয়া সুরেনবাবু বলিলেন “এমন বোকা ছেলে দেখিনি ত? যতখানি সৌভাগ্য এগিয়ে এসেছে তাকে সমাদর

করে না'নিলে আবার অনেকখানি তফাতে পেছিয়ে পড়বে।" কথা কয়টি বলিয়াই তিনি জলযোগে মন সংযোগ করিলেন। জলযোগান্তে স্বরেনবাবু বলিলেন "এখন আসি, ছোকরার যাহোক একটা ব্যবস্থা করবেন।"

ভদ্রলোকের নাম পরেশচন্দ্র বসু। তিনি বোধহয় ভিতর হইতে আমাকে রাধিব্যার ভয় অল্পকল্প হইয়া আসিয়াছিলেন। এবার আর ভয় প্রকাশ না করিয়া বলিলেন—"বেশ, আপনি আমার ছেলেকে পড়াবেন। আমার বাড়ীতেই থাকবেন, মাসে মাসে আপনার মাকে ৭০ টাকা করে পাঠালে হবে ত?"

অত্যন্ত আনন্দের সহিত বলিলাম "আপনি যথেষ্ট অল্পগ্রহ করেছেন কিন্তু আপনি বোধ হয় বিশ্বাস হ'য়েছেন যে, আমাদের থাকবার জায়গা নেই, মা কোথায় থাকবেন?" বলিতে বলিতে আমার কণ্ঠস্বর বাষ্পভারাক্রান্ত হইয়া আসিল।

এমন সময় একটা অষ্টমবর্ষীয় বালক পর্দা তৈলিয়া আসিয়া কহিল "আমাদের বাড়ী থাকবেন।"

আমি অত্যন্ত আগ্রহ ও স্নেহভরে ছেলেটিকে কোলে তুলিয়া লইয়া তাহার মুখ চূষন করিয়া বলিলাম "খোকা তোমার নাম কি?"

ছেলেটা তাহার এক মাথা কৌকড়া চুল ছুলাইয়া একগাল হাসিয়া উত্তর করিল আমার নাম "সুধাংশু কুমার। আপনি আমাকে মারবেন না ত? মা বলেছেন, পড়া না করলে খুব মারবেন মাটার বাবু, ইয়া মাটার বাবু আপনি আমাকে মারবেন?"

আমি পুনরায় সাদরে তাহার মুখ চূষন করিয়া বলিলাম "না মারব কেন, তুমি ভাল হয়ে পড়া করবে ত?"

পরেশবাবু বলিলেন "তাহলে সুধাংশু ত বলেই দিরাছে, আপনি আপনার মাকে এখানে নিয়ে আসুন, আমি আপনাকে মাসিক ২০০ টাকা করে দেব, আপনি সকালে বিকালে সুধাংশুকে

পড়াবেন এবং ছুপুর বেলা আমার চাংয়ের কাণ্ড দেখবেন।"

সমস্ত ঠিক হইয়া গেল। সুধাংশুর অনন্য আমাকে ছেলের মত যত্ন করিয়া থাকাইলেন এবং পরদিন আমার মাকে আনিবার ব্যবস্থা করিয়া দিলেন। আমি মাকে আনিয়া সুধাংশুকে পড়াইতে লাগিলাম।

( ৩ )

পূজার আর দশ বার দিন বিলম্ব আছে। বাঙ্গালা মূলুকটা যেন শত দৈন্তের মধ্যে, সহস্র ব্যাধি ও শোকের ভিতরও অকস্মাৎ একটা অতীবনীয় আনন্দের রসাস্বাদ করিয়া মাতিয়া উঠিতেছিল। শরতের লঘুশুভ্র ঋণ ঋণ মেঘগুলি ব্যস্তভাবে এদিকে ওদিকে ছুটাছুটা আরম্ভ করিয়াছে। মেঘ ও রৌদ্রের মধ্যে হঠাৎ যেন একটা সন্ধি কখন হইয়া গিয়াছে। বর্ষার রজনীগন্ধা শরতের শেফালির কণ্ঠ জড়াইয়া বিদায় প্রার্থনা করিতেছিল। সারা বৎসর পরে এসময় যেন পরম্পরের খোঁজ খবর লওয়া বন্ধবানীর অন্তিমসঙ্গাত ভাব। আমার বাড়ী হইতে আজ পাঁচ বৎসর হইল আমরা কলিকাতা আসিয়াছি, এখন আমি চাকরী ছাড়িয়া দিয়া সকালে একটা মাড়োয়ারীর ছেলেকে পড়াই, তাহার নিকট হইতে যে টাকা পাই তাহাতে কম্পাউণ্ডারী পড়ি। উদ্দেশ্য—পাস করিয়া একটা বড় ডাক্তারখানায় কয়েক বৎসর চাকরী করিব, পরে কোন একটা পল্লীগ্রামে গিয়া মায়ের কথামত স্বাধীন ভাবে অর্থোপার্জন করিব।"

পূজার দিন কয়েক থাকিতে মা বলিলেন "তোমার মামাকে একখানি পত্র দিস নলিন, অনেক দিন তার কোন খবর পাইনি রে? ইচ্ছা করে পূজার সময় একবার গিয়ে তাদের দেখে আসি। মার পেটের ভাই, তার ভয় প্রাপ্তি বড়ই হ'ল করে। তার ছেলেপুলে সব কেমন আছে কে জানে? তুই একবার গেলেও ত পারিস?"



মা আমার অপরাধের কথা সবই খুলিয়া ছিলেন। এইরকম ভাবে আমাকে প্রায়ই তাঁহার কথা জিজ্ঞাসা করিতেন।

যে এই নিঃসহায় বিধবা ভগ্নীকে তাঁহার সংসারানভিজ্জ বালক-পুত্রের সহিত গৃহের বাহির করিয়া দিতে মূর্ছার্তের অন্ত লক্ষ্য বা নির্দয়তা অনুভব করেন নাই, পুত্র প্রতিপালন তঁ দূরের কথা— অনাথা, গৃহহীনা ভগিনীকে যে ভাই অনায়াসে তিন দিনের ভিতর গৃহত্যাগ করিয়া চলিয়া না যাইলে অপমান করিবেন বলিয়া প্রতিজ্ঞা করিয়া ছিলেন, সেই ভাইকে দেখিতে যাইবার অন্ত যে ভগিনীর হৃদয় ব্যাকুল হয়— তাঁহাকে ভক্তি শ্রদ্ধা করিবার অন্ত মস্তক সততই নত হয়না কি? মায়ের এই উদার হৃদয়ের কথা, তাঁহার এই অকুণ্ঠিত কমা আমার হৃদয়ে একটি স্থায়ী অবিরল ধারা প্রবাহিত করিয়া দিয়াছিল। মনে মনে বলিতাম “মা, তুমি মানবী, না দেবী!”

এই পাঁচ বৎসরের মধ্যে আমি তিনবার আমার বাড়ী গিয়াছি মায়ের একান্ত অহুরোধে। পত্নাদি তাঁহাকে নিয়মিতই দেওয়া হত। তিনি অবশ্য উত্তরাদি খুব কমই দিতেন, যাহা দিতেন তাহাও অতি সামান্য— এবং সব কথাগুলিতেই একটা অবশ্বা, একটা স্থগার ভাব ঘেম শিশাম থাকিত। মা কিন্তু আমার সেই উত্তরেই যথেষ্ট শ্রীতিলাভ করিতেন এবং আমার কাছে সেই পত্রের বিস্তারিত ব্যাখ্যা করিতেন। মায়া হয় ত মনে করিতেন— এত চিঠিপত্র লিখে আলাপ করে আবার হয়ত আমরা তাঁহার সঙ্গে চাপিয়া পড়িব, খুব সম্ভব এ আশঙ্কা তাঁহার যায় নাই। না যাইবার কারণও যথেষ্ট ছিল— অমন করিয়া ভাড়াইয়া দেবার পরও আমরা লক্ষ্যহীনের মত তাঁহাদের তোষাষোদ করিয়া সংবাদাদি লইতেছিলাম এটা যে ভগিনীর পবিত্র

স্নেহধারা-সঙ্কত—তাহা তিনি কখনা করিতেই পারিতেন না।

এই সময় আমি কম্পাউণ্ডারী পাস করিলাম।

যেদিন পাসের খবর বাহির হইল মার আনন্দ রাধিবার স্থান রহিল না। এই সময় একদিন একটা অভাবনীয় আশ্চর্য ঘটনা হইল। আমার পিতা তাঁহার পৈত্রিক ভিটাখানি ১০০ টাকায় একজন্মের নিকট বন্ধক রাখিয়াছিলেন। তাহা হুদে আসলে অনেক টাকা হইয়া গিয়াছিল, সে অন্ত তিমি সে খানির উদ্ধার করিতে কোনরূপ চেষ্টা করেন নাই। যে লোকের নিকট বাড়ীখানি বন্ধক ছিল, তিনি অনেক অহুসঙ্কান করিয়া আমার নিকট আসিয়া উপস্থিত হইয়া বলিলেন “বাবা, আমি কাশীবাস করব স্থির করেছি, অতএব তোমাদের ভিটা তোমরা ফিরিয়ে নাও, আমায় কেবল আসল টাকাটা দিয়ে দাও, হুদে প্রয়োজন নাই।”

আমি তাঁহাকে আমার বর্তমান অবস্থার কথা খুলিয়া বলিলাম। শুনিতে শুনিতে তাঁহার চক্ষু জল আসিল। তিনি অনেককণ কি ভাবিয়া বলিলেন “তোমার কাজকর্ম হলে মাসে মাসে যেমন সুবিধা বুঝবে কাশীর ঠিকানায পাঠিয়ে দিও।” এই বলিয়া তিনি তাঁহার ছিন্ন তৈলসিক্ত ক্যান্ডিসের ব্যাগ খুলিয়া বাড়ীর বন্ধকীয় খতখামি আমার হাতে দিলেন। আমি বিশ্বাস্যবিষ্ট নয়নে তাঁহার মুখের প্রতি চাহিয়া রহিলাম। “ভগবান তোমার মঙ্গল করুন। সময় মত যা পার আমার পাঠিয়ে দিও বাবা।” বলিয়া তিনি চলিয়া গেলেন।

মাকে লইয়া দেশে চলিয়া গেলাম। বাড়ীখানি যথাসাধ্য মেরামত করা হইল। পাড়াপ্রতিবেশীরা খুব আগ্রহ ও আনন্দ প্রকাশ করিলেন। আমি যেন অমেকটা নিশ্চিন্ত হইলাম। মায়াও এ সংবাদ পাইলেন।

( আগামী সংখ্যায় সমাপ্য )

## কন্যাদায় ও তাহার প্রতীকার

শ্রীশ্যামলাল গোস্বামী ।

বেশী দিনের কথা নহে । বাঙ্গালার এক নিষ্ঠুর নীধর পল্লীতে দরিদ্র ব্রাহ্মণকন্যা স্নেহলতা যেদিন কন্যাদায়গ্রন্থ মাতাপিতার চিন্তাভার দূর করিবার জন্ত জলন্ত হৃতাশনে আত্মাহুতি দিয়া জ্বর ব্রত অবলম্বন করিয়াছিল, সেদিন একবার বাঙ্গালার হিন্দু সমাজে কন্যাদায়ের প্রতীকার করিবার জন্ত সাড়া পড়িয়া গিয়াছিল ! কত সভা হইল—সমিতি হইল—বক্তৃতা হইল—প্রস্তাব পাশ হইল কিন্তু জল-বহুদের স্তায় হৃদয় কয়েকদিনেই নিভিয়া গেল । যদি কতশত স্নেহলতা যে জলন্ত আগুনে পুড়িয়া মারতেছে তাহার আর ইয়ত্তা নাই । কিন্তু কই ? সমাজ ত তাহার প্রতীকার করিবার জন্ত বিন্দুমাত্র চেষ্টা করিতেছে না !

হিন্দুসমাজের কন্যাদায় হইতেছে আজুর ফল আর ছেলেরা সব কাবুলী মেওয়া । আজুর ফল অতি দৃশ্যে কোঁটার পুরিয়া রাখিলেও বেশীদিন থাকে না, তাই ভয়ে ভয়ে যে দামেই হোক তাহাকে বিক্রয় করিতে হয় ! কিন্তু কাবুলী মেওয়ার ত আর সে ভয় নেই ! তাইতে বোধ হয় হিন্দু-বালিকার বয়স ১১ স্থলে ১২ হইবামাত্র মনুর বিধান লঙ্ঘন-জনিত পাপার্ণবে পড়িবার ভয়ে কন্যার পিতা যে ভাবেই পারেন তাহাকে পাত্রস্থা করিবার জন্ত চেষ্টিত হন । এই যে দুর্বলতা, এই দুর্বলতা সমাজ হইতে না গেলে কন্যাদায় যে হ্রাস হইবে এমন ধারণা আমাদের নাই । পূর্বে কুলীনের ঘরে আমরণ কত নারী অবিবাহিতা অবস্থায় থাকিত, এখনও কোথাও কোথাও থাকে । ঘরে ঘরে বয়স্থা বিধবা-কন্যাও অনেকের আছে ; কই তাহাতে ত কাহারও জাতি ম্লান না ! তবে কেন মেয়েদিগকে বেশী বয়স পর্যন্ত ঘরে রাখিতে কন্যার পিতারা ভয় পান ? এই ভয়

পান বলিয়াই ত ছেলের দল তাহাদিগকে পাইয়া বসে এবং বিশ্ববিদ্যালয়ের চাপরাশ অল্পসারে যে যেমন পারে চুষিয়া লয় । বাল্যবিবাহের ঝুলুকুলে শ্রীমতী অল্পরূপা দেবী যতই প্রমাণ প্রয়োগ দেখান না কেন বাল্যবিবাহের ফলে দেশে স্ত্রী-শিক্ষার যেমন একদিকে ব্যাঘাত হইতেছে, অন্যদিকে অল্প বয়সে বালিকারা প্রসূতি হওয়ায় সন্তান সন্ততি অল্পায়ুঃ, কুশ, ক্ষীণ, দুর্বলকায় ও মেধাহীন হইয়া পড়িতেছে । বালিকাগণকে অধিক বয়স পর্যন্ত বিবাহ না দিয়া ঘরে রাখিলে একদিকে যেমন তাহাদের শিক্ষার পথ প্রশস্ত হইবে, অন্যদিকে তাহারা একটু বেশী বয়সে স্বামী-গ্রহে যাইয়া সংসারের কাজ কর্মও বেশ গোছাইয়া লইতে পারে ।

কোন দেশই চিরন্তন নিয়ম যা প্রথার অঙ্কুরণ করিয়া চলিতে পারে না । দেশ কাল পাত্র ভেদে সামাজিক রীতি নীতি প্রথারও পরিবর্তন করিতে হয় । আমরা সত্য, ত্রেতা, ষাণ্ময় যুগে মনুর যে অল্পশাসনকে বেদবাক্য বলিয়া মাথা পাতিয়া লইয়া বাল্যবিবাহ দিয়াছি, সে ব্যবস্থা বর্তমান যুগে চালাইতে গেলে বর্তমান জগতের সহিত প্রতি-দ্বন্দ্বীতা করিয়া আমরা কখনই বাঁচিয়া থাকিতে পারিব না । কাজেই বালিকা-বিবাহ একেবারে সমূলে উৎপাটিত করিয়া প্রত্যেক মেয়েকে উচ্চ শিক্ষা দিতে হইবে—যাহাতে তাহাদের মনে একটা "মহুযাৎ"-বুদ্ধি জাগে, এবং তাহারা পুরুষের শুধু কীড়নক হইয়া সংসারে ভারবাহী গর্দভের মত জীবনযাত্রা মিস্রাহ না করে । দেশের সমস্ত মেয়ের ম'বাপ যদি ছেলেদের ঘরে ঘরে টাকার তোড়া হাতে করিয়া কন্যা সম্প্রদানের জন্ত তোষামোদ না করেন,



সকলেই যদি এক জোটবদ্ধ হন, তবে ক'দিন এই কুব্যবস্থা সমাজে থাকিতে পারে?

কন্যাদায়ের আর একটা প্রতীকারের প্রধান উপায় রাঢ়ী, বারেন্দ্র, বৈদিক প্রভৃতি শ্রেণীর মধ্যে আদান প্রদান। সমাজের মধ্যে যত ক্ষুদ্র ক্ষুদ্র থাক বা বর্ণ আছে তাহা তুলিয়া দিয়া সকলেই অব্যবস্থাপূর্ণের মধ্যে কন্যা-পুত্র আদান প্রদান করিতে পারিলে কন্যাদায় অনেকটা কমিতে পারে। এখন কুলীনের ঘরের ছেলে বংশজের অথবা শ্রোত্রীয়ে ঘরের কন্যা বিবাহ করিতে পারেন, তাহাতে তাহাদের কৌলীণ্যমর্যাদা নাকি বাড়ে, কিন্তু বংশজ বা শ্রোত্রীয়ে ঘরে তাহারা কন্যা দিতে পারেন না— তাহাদিগকে স্বঘরেই কন্যা সম্প্রদান করিতে হয়। ইহার ফলে কুলীনের ঘরে অবিবাহিতা কন্যার সংখ্যা দিন দিন বাড়িতেছে; আর তাহার ফলে হিন্দুর সংখ্যা হ্রাসও যৈ না হইতেছে এমন নহে। এই কৌলীণ্য প্রথা একেবারে আমাদের জাতির সংখ্যা বৃদ্ধির মূলে কুঠারাঘাত করিতেছে। পূর্বে গুণগত কৌলীণ্য ছিল, এখন তাহা গিয়া বংশগত কৌলীণ্য হইয়া পড়িয়াছে। ফলে বাধাচরণ মুখোপাধ্যায়ের পুত্র গদাইচরণ মুখোপাধ্যায় গাঁজার দোকান খুলিয়া গাঁজা বিক্রী করিলেও কিংবা চুরি ডাকাতি রাহাজানি করিয়া জীবিকার্জন করিলেও সমাজে কুলীন বলিয়া সম্মানাই! একটা জাতির পক্ষে এরূপ বংশগত কু-সংস্কার জাতির উন্নতির পক্ষে ঘোর পরিপন্থী!

পূর্বে আমাদের দেশে নারীর একটা মর্যাদা ছিল। স্বয়ম্বর প্রথা যখন প্রচলিত ছিল, তখন এক একটা রাজকুমারীকে বিবাহ করিবার জন্য কত রাজা, মহারাজা, যোদ্ধা ধর্মুর্ভক পণ করিয়া তবে বিবাহ করিবার অধিকারী হইতেন। যে দিন হইতে নারীর এই সম্মান সমাজ হইতে উঠিয়া গিয়াছে—নারীকে যে দিন পুরুষের “দাসী”র স্থলে অভিষিক্ত করা হইয়াছে সেই দিন হইতে কাল পণপ্রথা জগদল পাথরের মত মেয়েদের

বুকে চাপিয়া বসিয়াছে। পুরুষে বিবাহ করিবে যতবার ইচ্ছা, মেয়ে দেখিবে, সে কাল কি অন্ধ, ধর্ম কি পক্ষু কতপ্রকারে তাহার পরীক্ষা লইবে, কিন্তু মেয়েদের তাহার শতাংশের একাংশও অধিকার নাই। নারীর স্বাধীনতা হরণের এই যে ব্যবস্থা, ইহাই কি পণ-প্রথা প্রচলনের মূল কারণ নহে? তাহাদিগকে অবলা, সরলা প্রভৃতি আখ্যায় আখ্যায়িত করিয়া সমাজ তাহাদিগকে এমনই ভাবে অবলা, দুর্বলা করিয়া রাখিয়াছে যে তাহাদের ‘টু’ শব্দটি করিবার উপায় নাই, ব্যক্তিগত বলিয়া কোন জিনিষের ধারণাই তাহারা করিতে পারে না!

নারীর প্রতি বিশ্বাস স্থাপন আর নারীর ব্যক্তিগত প্রকাশের অবসর না দিলে পণপ্রথা কখনই দূর হইবে না।

স্বামী নানারূপ দুষ্কাণ্ড করিয়া স্ত্রীকে মারধর করিবে, স্বাণ্ডী তপ্ত লৌহ শলাকায় গায়ে ছাকা দিবে, ননদিনী তাহার পিতৃপিতামহের উদ্দেশ্যে কত কি অমৃত বর্ষণ করিবে, অথচ সেই স্বামীকে তাহার “পতিরেকো গুরু স্ত্রীনাং” বলিয়া পূজা করিতেই হইবে—এই যে দুর্বলতা, এই দুর্বলতার জগুই ত আজ পুরুষ উচ্ছৃঙ্খল, যথেষ্টাচারী আর মারী নিঃসহায়। কিন্তু পুরুষের জায় নারীর যদি ব্যক্তিগত থাকিত তবে কি তাহার উপর স্বামী-স্বাণ্ডী-ননদিনী এরূপ অত্যাচার করিতে পারে? কখনই নয়। নারী অশিক্ষিতা, নারীকে জগতের জ্ঞানরাশি হইতে একেবারে দূরে অন্ধ তমসাচ্ছন্ন অর্গলবদ্ধ রন্ধনশালায় আবদ্ধ রাখা হয়, তাহার ব্যক্তিগত লোপের ইহাই মুখ্য কারণ।

নারীর শক্তি নিতান্ত সামান্ত শক্তি নহে। সেই নারীশক্তিকে আজ আমরা উপেক্ষা করিয়া স্বরাজের সৌধ গড়িবার জন্য অগ্রসর হইতেছি। ফলে পদে পদে ভগ্নোত্তম, পলে পলে হতাশা আমাদের পথের সম্মুখবর্তী হইতেছে। নারীকে যদি শুধু বিলাসের সামগ্রী মনে না করিয়া শক্তিশালী

বলিয়া আমরা মনে করিয়া তাহাকে রাষ্ট্রীয় জীবনের অংশভাগিনী করিতে পারি, তবেই ত আমাদের সাধনা সম্পূর্ণ শক্তিসম্পন্ন হইয়া সমাধা হয়। বস্তুতঃ নারীর ব্যক্তিত্ব ও মনুষ্যত্ব ক্ষুরণের উপরেই এই পণপ্রথা মূলোচ্ছেদ নির্ভর করে।

এক একটা বর্ষের রাক্ষসপ্রতিম পুরুষ অতি সামান্য কারণে জীকে ত্যাগ করিয়া দারাস্তর পরিগ্রহ করে, হতভাগী নারীকে যে সারাটি জীবন ইহার জন্য সধবা হইয়াও বিধবার ন্যায় অতি কষ্টে জীবন যাপন করিতে হয়। সমাজ কি নারীর এ দুর্দশা দেখেন না? দেখেন, কিন্তু নারী যে হিন্দু সমাজে জীতদাসা, পুরুষের হাতের জীড়নক। তার প্রতি যত অত্যাচারই হোক না কেন, অমান বদনে তাহা সহ করাই নাকি “পাতিব্রত” ধর্মের লক্ষণ! যে সমাজে নারীর এইরূপ হীন অবস্থা, একটু মুখ উচু করিয়া কথা কহিবার কিংবা একটু ‘টু’ শব্দ করিবার তাহার যে সমাজে অধিকার নাই, সে সমাজে টাকা দিয়া ছাগল গরুর মত তাহাকে বিক্রয় করিবে না ত কি করিবে?

নারীকে আজ যদি তাহার মনুষ্যত্ব বিকাশের একটুমাত্র অধিকার দেওয়া হয়, তবে এই পণপ্রথা সমাজ হইতে এক মুহূর্ত্তে উঠিয়া যাইতে পারে। নারী তাহা হইলে ছোর গলায় বলিতে পারে—টাকা দিয়া কারও চরণে আজীবনের জন্ত বিক্রীত হইব না; বরং আজীবন কুমারী থাকিয়া দেশের সেবা—সমাজের সেবা করিয়া যাইব।

বলি পুরুষেরও ত বিবাহ করিবার প্রয়োজনীয়তা আছে। মেয়েরা যদি সব পণ করিয়া বসে কারও চরণে টাকা দিয়া আত্মবিক্রয় করিব না, তবে কতদিন পুরুষ অবিবাহিত অবস্থায় থাকিতে পারে? বাধ্য হইয়া তাহাকে নারীর নিকট বস্তুতা স্বীকার করিতেই হইবে।

চাই এই দৃঢ়তা—চাই এই আত্মবিশ্বাস—চাই এই অটল সঙ্কল্প। তবেই ত অত্যাচারী, অর্থ লোলুপ পুরুষের দল সায়েস্তা হইবে। সমাজ

নিষ্ঠা করে কক্কক। দুয়ের সমবায়েরই ত সমাজ। সকলে যদি নারীর মর্যাদা রক্ষার জন্ত একমত হন তবে তাহাই ত সমাজে গৃহীত ও স্বীকৃত হইবে। কিন্তু অশিক্ষিত হিন্দুজাতি এ সত্যটুকু বুঝিবে কি?

পণপ্রথা দূর করিবার ইহা ছাড়া অন্য কোন উপায় নাই। ছেলের দল সভায় পাড়াইয়া হাজার বার প্রতিজ্ঞা করিলেও রক্ত-কাঁকনের লোভ কার্যকালে তাহারা কিছুতেই ছাড়িতে পারিবে না। পাত্তের পিতার চরণে আবেদন-নিবেদনের ঝুলি লইয়া হাজারবার কাকুতি-মিনতি করিলেও তাহাদের দয়ার উদ্রেক হইবে না। এ হতভাগা দেশ তা নয়। এ দেশ কেবল আত্মস্বার্থের জন্ত প্রস্তুত। পরের জন্ত কাঁদিতে, পরের জন্ত মরিতে, পরের জন্ত ভাবিতে যদি এ দেশ শিক্ষিত তবে কি আজ পরাধীনতার লোহ-শৃঙ্খল পামে পরিয়া এমনই ভাবে জগতের একপ্রান্তে নিতান্ত দীনহীনের স্তায় কোণঠাসা হইয়া পড়িয়া থাকে!

তবে উপায় কি? পূর্বেই বলিয়াছি, উপায় একমাত্র আছে—সে উপায় মেয়েদিগকে অধিক বয়স পর্যন্ত অবিবাহিতা রাখিয়া কেবল তাহাদিগকে শিক্ষা দেওয়া। মেয়ে শিক্ষিত হইলে কার সাধ্য তাকে অবহেলা করিয়া ত্যাগ করে?

কামমায়রণাং রক্ষেং গৃহে কন্যাস্তুমতাপি।

ন চৈবৈনাং প্রযচ্ছেত্তু গুণহীনায় কর্হিচিং।

—ইহাই ত শাস্ত্রের অমুশাসন। মেয়েকে আজীবন অনুচা অবস্থায় ধরে রাখিবে সেও ভাল, তখাচ তাহাকে কখনও গুণহীন পাত্তের করে সমর্পণ করিবে না।

হিন্দুজাতি, তোমরা ত শাস্ত্রবাক্য পালন কর বলিয়া প্লাঘা করিয়া থাক, যদি সত্য সত্যই তোমাদের বাক্য ও কার্যে সামঞ্জস্য থাকে, তবে প্রতিজ্ঞা কর মেয়েকে অবিবাহিতা অবস্থায় ধরে রাখিবে তখাচ টাকা দিয়া মুর্থ, দুশ্চরিত্র, সার্টিফিকেট-সর্বস্ব কোম জীব-বিশেষের হতে

কল্পা রত্ন সমর্পণ করিয়া তাহাকে চির ছুখ সাগরে  
ভাসাইবে না।

আজ চেয়ে দেখ অস্ত্র জাতির ইতিহাসের দিকে!  
কোথাও কোন জাতির মধ্যে এই ছুট পণ-প্রথা  
নাই—কোন জাতিই ছাগল গরুর মত টাকা দিয়া  
যার তার হাতে কল্পা সমর্পণ করে না। অপর  
কোন সমাজে নারীর লাঞ্ছনা—নারীর হুর্গতি নাই,  
তাই আজ তারা জগতের মাঝে কেমন মাথা

উচু করিয়া দাঁড়াইয়া আছে। আর নারীর  
লাঞ্ছনা করিয়া—অমর্যাদা করিয়া তোমার এই  
হুর্গতি!

পণ-প্রথা দূর করিতে চাও, মন হইতে নারীর  
প্রতি হীনভাব দূর করিয়া দাও। তাহাদের মর্যাদা  
রাখিতে শিখ, তাহাদের স্বাধীনতার পথ উন্মুক্ত  
করিয়া দাও, উচ্চ শিক্ষা দাও, দেখিবে সমাজ হইতে  
এ পাপ অচিরে দূর হইবে।

## কে তুমি আমার ?

শ্রীসাবিত্রীপ্রসন্ন চট্টোপাধ্যায় ।

প্রিয়তম,

আজি এই কৰ্ম হীন শ্রান্ত সন্ধ্যাবেলা  
নিতান্ত নিঃসঙ্গ শুধু স্মৃতি নিয়ে খেলা ;  
ভাবিতেছি বসে বসে কে তুমি আমার ?  
কি সম্বন্ধ তোমা সনে, কি হেতু তোমার  
মুখখানি মনে পড়ে রহিয়া রহিয়া  
বেদনায় অশ্রু বারে রহিয়া রহিয়া !  
তুমি কেন প্রাণে মনে সর্ব দেহময়  
আপনারে বিস্তারিয়া, করিয়াছ জয়  
আমার জীবন মন কৰ্ম চিন্তারশি ;  
তব প্রেম অহুত্ব, তব অশ্রু হাসি,  
তোমার সকল কৰ্ম সর্ব অপচয়  
সব কথা সব দৈন্ত সব কতি ভয়  
আমার জীবন মাঝে মোরে লয়ে সাথে  
নিয়ত আগ্রহ আছে কেন দিনে রাতে ?

কে তুমি ? কোথায় ছিলে ? আমি কোথাকার ?  
তু'দণ্ডের পরিচয়ে হ'লে আপনার,  
হৃদয় ভাঙার খুলি দিলে গুপ্ত ধন  
কাঙাল হইল ধন্ত, তৃপ্ত তনু মন ।  
তুমি যে হাসিয়াছিলে প্রথম দর্শনে,  
সে হাসিটা আজও মোর পড়িতেছে মনে ;  
কি কথা कहিয়াছিলে প্রথম কথায়—  
কেমনে তোমার বলি বরিলে আমার,  
সব কথা মনে পড়ে ; কিন্তু ভাবি প্রিয়  
তুমি কেন নিজেকে এসে হ'লে বরণীয় ?  
পরশ বিধুর করি' বসি প্রেমসুখা  
কেন তুমি ঘুচাইলে অন্তরের সুখা ?

যে কথা বলিনি ফুটে কা'রো কাছে আমি  
কেমনে তা বুঝে নিলে হে হৃদয়-স্বামি ?

যে গান হয়নি গাওয়া, স্বর সাধা যা'র  
ছিন্ন-বীণা-তন্ত্রী-পার হলো একাকার ;  
আপনার হাতে তুমি স্বর দিলে গানে,  
মূর্ছনা ছড়িয়ে প'ল সারা মনে প্রাণে !  
সে মূর্ছনা কিছু নয় মহিমা তোমার,  
শিরা উপশিরাময় হঠল আমার !

হে দয়িত, হে প্রাণেশ, হে হৃদয়-স্বামি,  
কোনু কল্পলোক হ'তে আসিলে গো নামি'  
মর্ত্য-মানবের এই দুঃখ বেদনাতে—  
কেমনে বাঁচবে তুমি কঠিন আঘাতে ?  
সারা বিশ্ব খুঁজে তুমি নিলে যে জনায়,  
নিশিদিন সেও জাগে প্রেম-কামনায় !  
সে চাহে অসীম প্রেম, তোমা হেন ধন,  
একি তার প্রগল্ভতা তাই ভাবে মন !  
সেও ত বিলাতে চায় হৃদয় তাহার,  
তা'তে কি পূরিবে সাধ হে প্রিয় তোমার ?  
অস্তর সম্পদ যদি কিছু থাকে ঘোর—  
সে যে গো তোমার তরে স্কন্ধ আঁধি লোর ।  
ব্যর্থ বাসনায় হত দীর্ঘশ্বাসে ভরা—  
এ প্রাণে, হে প্রাণারাম দেবে কি গো ধরা ?  
এ বৃকের সর্ব ঠাই তোমার হিন্দোলা  
সর্বকণ চঞ্চলিয়া দিয়ে যায় দোলা,

বৃকের শোণিত ধারা তোমার পরশে  
আগিয়া উঠে যে প্রিয় অধীর হরবে,  
নয়নে তোমার তৃষ্ণা বাড়িছে কেবল,  
হৃদয়ে তোমার ক্ষুধা আগে অবিরল ;  
সারা বৃকে তব স্পর্শ অভাবের দুখ  
এস প্রিয়, প্রেমময় ক'রো না বিমুখ ।  
নথরে নথরে জাগে তোমার বিলাস  
পঙ্কর ভেদিয়া বহে তোমার নিশ্বাস ;  
নয়নে তোমার আলো জগৎ দেখায়,  
হৃদয়ে তোমার ভাব আমারে আগায় !

তুমি যদি আছ প্রিয় সর্বকাল ধরে,  
আমারে নিয়ত তব প্রেমকামী ক'রে—  
তুমি ছাড়া সত্য নাই, নাহিক জীবন,  
তুমি ছাড়া ভাবহীন নিখিল তুবন ;  
রূপ রস শব্দ গন্ধ স্পর্শ অনুভব  
তুমি ছাড়া কিছু নাই, তুমিই ত সব !  
সখা, তুমি বন্ধু, তুমি চির কাব্য ধন,  
প্রাণের দোসর তুমি অতি প্রিয়জন ;  
দয়িত প্রাণেশ তুমি জীবনে মরণে,  
আমার এ প্রেম ধন তোমার বরণে ;  
সব তুমি, তবু কেন অবোধ এ মন,  
কে তুমি আমার ? তাই ভাবে সর্বধন !

## প্রত্যায়ত্ত

( উপন্যাস )

শ্রীমতী প্রভাবতী দেবী সরস্বতী ।

[ পূর্ব প্রকাশিতের পর ]

( ২ )

সরিত ঠিক ভাবিয়াছিল, তাহাদের কপালে আছে গাছতলায় নিশি যাপন আর অনাহারে থাকন, তাহার পরিবর্তে যখন রাক্তভোগ এবং দ্বিতলের দুষ্কফণনিভ শয্যা জুটিল, তখন আনন্দে হৃদয় এত পূর্ণ হইয়া উঠিল যে, সে একবার ভুলিয়া গিয়া ভগবানকে ধন্যবাদও দিয়া ফেলিল ।

তাহার মুখে ভগবানের নাম কেহ শুনিতে পাইয়াছে কি না সন্দেহ । সুধীর তাই হাসিয়া বলিল, “নাস্তিকের মুখে আজ যে বড় ভগবানের নাম শোনা যাচ্ছে ? অবাক কাণ্ড বটে ।”

অসীম বলিল, “গাছতলায় অনাহারে পড়ে থাকার বন্দোবস্ত, শেষে জুটিল কি না রাক্তার মত খাওয়া আর এত নরম বিছানা যে লোকে শুতে পারে না ; কাজেই কৃতজ্ঞতায় হৃদয়টা ভরে উঠেছে কি না, তাই একটা নাম বেরিয়ে গেল ।

সরিত বলিল, “হাই বল, সেই মেয়েটাই কিন্তু মূল ; নইলে কে জানিত যে সুধীর এখানে থাকে । যদিও শুনেছিলুম সুধীরের বাড়ী এখানে কিন্তু অমন বিপদে কি মনে থাকে সে কথা ? ধন্যবাদ দেওয়া উচিত তাকেই, কি বল অসীম ?”

সুধীর বলিল, “কোন মেয়েটী ?”

সরিত অসীমকে একটা ধাক্কা দিয়া বলিল, “বল না । কে দীপালি বলে একটা মেয়ে আছে না তোমাদের এখানে— ?”

সুধীর একটা আড়মোড়া দিয়া, হাই ভুলিয়া

বলিল, “হ্যা, হ্যা, সেই দীপালি বলে মেয়েটী ? বেশী ব্যেস পঞ্চম কুমারী রেখে অতিরিক্ত লেখাপড়া শিখিয়ে তার সৌন্দর্য দেবার রোগ হয়েছে বটে । আমি প্রায়ই সন্ধ্যাবেলা তাকে নদীর ধারে দাঁড়িয়ে থাকতে দেখি । কাছেই বাড়ী কি না, যখন তখন এসে ওইখানেই দাঁড়ায় ।”

অসীম বলিল, “অতিরিক্ত লেখাপড়া কি রকম ?”

সুধীর বলিল, “মানে খানিকটে পড়েছে যা আমাদের ঘরের মেয়েরা পড়তে পায় না ।”

অসীম বলিল “লেখাপড়া লেখাটাকে মন্দ বলতে চাও নাকি তুমি ? আমি তো বলি ওই ভালো । মূর্খা নারী নিয়ে সংসারে বাস করা ভারি ঝকঝক । একটা কথা বলতে গেলে তারা ঠিক উল্টো বোঝে । ভাল কথা বলে মনে ভাবে ধারাপ ।”

সরিত ধাঁ করিয়া তাহার পিঠে একটা চড় মারিয়া বলিল । আশ্চর্যভাবে অসীম বলিল, “এর মানে ?”

সরিত গম্ভীরভাবে বলিল, “অনেকক্ষণ হ’তে একটা আলাদা ভাব আমার সামনে জেগে রয়েছে । আমি দেখছি, তুমি তোমার কর্তব্য জ্ঞান হারাচ্ছ । তোমায় সচেতন ক’রে দিচ্ছি তাই, সাবধান । যাকে যে গ্রহণ করবে, সে মূর্খাই হোক আর শিক্ষিতাই হোক, তাকে নিয়েই জীবন কাটাতে হবে । ফেলবার যখন উপায় নেই, তুল যখন শোধরানো যাবে না, তখন সে সব কথা তোলাই মিছে ।”



সুধীর ইহাদের ভিতরের পরিচয় কিছু জানিত না। এক সঙ্গে বি, এস, সি পড়িয়েছে—এইমাত্র। সে একটু বিস্মিতভাবে উল্লয়ের পানে একবার চাহিল।

পরদিন প্রাতে এক কাপ করিয়া চা ও খাবার খাইয়াই উভয় বন্ধু বাড়ী ফিরিবার জন্য ব্যগ্র হইয়া উঠিল, সুধীর অনেক বলিয়া কহিয়াও তাহাদের রাখিতে পারিল না।

ঘাটের পথ ছাড়াইয়া একটু দূরে একটা লাল রঙের বাড়ী দেখাইয়া সুধীর বলিল, “ওই বাড়ীটাই নরেশ বোসের, দীপালির বাপের।”

অসীম সেইদিকে চাহিল। স্বিতলের উগ্ৰুস্ত বাতায়নে একখানি সুন্দর মুখ শোভা পাইতেছিল। প্রভাতের অরুণ আলো তাহার মুখের উপর পড়িয়া এক অনিন্দ্য সৌন্দর্য্য দান করিয়াছে। সে চাহিয়া আছে আকাশের পানে। বুঝি প্রভাত বায়ু সংস্পর্শে ধুও ধুও সাদা মেঘগুলি ধীরে ধীরে নীল আকাশের কোল দিয়া কেমন করিয়া চলিয়া যাইতেছিল, তাহাই দেখিতেছিল।

সুধীর তাহাদের বোটে তুলিয়া দিল। দুই বন্ধু হাসির সহিত বিদায় লইয়া নীল অলে তাহাদের বোট ভাসাইল।

সমস্ত পথ উভয়েই নীরব। সরিত নীরবে অসীমের ভাব লক্ষ্য করিতেছিল, ইহাতে অসীম অত্যন্ত চঞ্চল হইয়া উঠিতেছিল। কি বলিয়া যে প্রথম কথাটা আরম্ভ করিয়া এই নীরব ভাবটাকে দূর করিয়া দিবে সে, তাহা মোটে ভাবিয়া পাইল না।

সন্মুখেই একটা শ্মশান। চিতা তখন ধু ধু করিয়া জলিতেছে, কয়েকটা লোক বিষণ্ণভাবে নিকটে দাঁড়াইয়া।

সরিত দাঁড় বাহিতে কান্দ হইল। একবার সেইদিকে চাহিয়া অসীমের পানে চোখ ফিরাইয়া বলিল “দেখছ ?”

বিস্মিত ভাবে অসীম বলিল, “দেখছি।”

সরিত বলিল, “কি দেখছ ?”

অসীম বলিল, “চিতা।”

সরিত গম্ভীর ভাবে মাথাটা হেলাইয়া বলিল, “হ্যা, চিতা। এই দেখছ বাসনা কামনার শেষ? ছোট বেলা হ’তে লক্ষ বাসনা কামনা যে আমাদের মধ্যে জেগে উঠছে, তার শেষ দেখতে পাচ্ছে? চিতা বলেই যে কথাটা শেষ হল, মরা বলেই যে সেই কথাটার শেষ হল, তা নয়; তার মধ্যে থেকে আগে সত্যটাকে খুঁজে বার করতে হবে। মরা আর চিতা। অর্থাৎ কামনা বাসনা প্রভৃতি পৃথিবীর জিনিসের সঙ্গে সব সম্বন্ধ শেষ। এবার দেখ দেখি চিতাটা।”

অসীম একটা নিঃশ্বাস ফেলিল, সরিত কেন যে এ কথা বলিতেছে, তাহা সে বেশ বুঝিয়াছে। তাহার হৃদয় বিচলিত হইয়াছে, সরিত সে হৃদয় দৃঢ় করিতে চায়।

নিজদের ঘাটে পৌছাইয়া বোট বাধিয়া সরিত উপরে উঠিতে উঠিতে বলিল, “যাও বেশ ক’রে বুঝে দেখ গে আমার কথাগুলো। যদি মন্দ ব’লে বোধ হয় তবে ত্যাগ কোরো আর যদি ভালো ব’লে মনে হয়, গ্রহণ কোরো।”

অসীম নীরবে বাড়ীতে চলিয়া গেল।

সংসারে অসীমের পিতা ললিতবাবু, বিমাতা হেমলতা এবং পত্নী সেবিকা আর ছিলেন বৃদ্ধা ঠাকুরমা।

ললিতবাবু ওকালতি করিতেন, উপার্জন করিতেন মন্দ নয়। অসীম যখন দশমবর্ষীয় বালক তখন তাহার মাতার মৃত্যু হয়। তখন হইতে অনেক ঘটকের আমদানী হইতে থাকে, কিন্তু ললিতবাবু তখন অকম্পিত পদে দণ্ডায়মান। অনেক মেয়ের ফটোও তাহার হস্তগত হইয়াছিল, কিন্তু তিনি কোনও দিকে চোখ দেন নাই, কোনও কথা কাণে তুলেন নাই। অনেকে ইহাতে দোষ দিত মায়ের কেন না তিনি একদিনও ললিতবাবুকে বিবাহ করিবার অনুরোধ করেন নাই। লোকে



সারদার সখুখেই তাঁহার নিন্দা করিত, তিনি হাসিতেন আর বলিতেন, “ওগো, তোমরা বুঝবে কি, কেন আমি ললিতকে আর বিয়ে করতে বলিনে? যদি সোণারচাঁদ ছেলেটা না থাকত তার, আমিই যে জোর করে বিয়ে দিতুম। অমন ছেলে রয়েছে, আর পাঁচ সাত বছর গেলে পরে ওরই বিয়ে দিয়ে বউ আনবে ঘরে।” দরকার কি ওর বিয়েতে?”

অসীম যখন আই, এস্. সি পড়িতে লাগিল, সেই সময়েই তিনি জোর করিয়া তাহার বিবাহ দিলেন। সেবিকা দরিদ্রের কন্যা। তাহার পিতা তাহাকে কিছু দিতে পারেন নাই। কিন্তু সে রূপবতী। গরীবের ঘরে শিক্ষা তাহার হয় নাই। অসীম শুধু রূপ লইয়া সস্তুষ্ট হইতে পারে নাই। সে যাহা চায় সেবিকার কাছে তাহা পায় নাই। সেবিকা, নামেও সেবিকা কাজেও সেবিকা। একমাত্র সেবাত্রতকেই সে জীবনের শ্রেষ্ঠ ধর্মরূপে বরণ করিয়া লইয়াছিল। প্রথম হইতেই অসীম তাহার উপর সস্তুষ্ট হইতে পারে নাই।

অসীমের বিবাহের এক বৎসর পরে ললিতবাবু কোথায় মফঃস্বলে গিয়াছিলেন। সাত আট দিন পরে যখন তিনি বাড়ীতে ফিরিলেন তখন তাঁহার সহিত পত্নী হেমলতা। দেখিয়া মাতা শুধু ললাটে করাঘাত করিলেন, অসীম একটু হাসিল মাত্র।

ললিতবাবু প্রথমটা খুব কুণ্ঠিত হইয়া পড়িয়াছিলেন, তাই যেমন তেমন করিয়া বুঝাইয়া দিলেন, মেয়েটির বাপ তাঁরই মকেল। বড় বিপদগ্রস্ত হইয়া পড়িয়াছিল, মেয়ে এদিকে অষ্টাদশ বৎসর উত্তীর্ণ হইয়াছে, মোকদ্দমার দায়ে সর্বস্ব যায়। এমনই সময়ে যখন আসিয়া তাঁহার পা জড়াইয়া ধরিয়া কাঁদিয়া পড়িল, তখন তিনি তো ছার, পাষণ হইলেও গলিয়া যাইত।

অনেকে তাঁহার দয়ার ষথেষ্ট প্রশংসা করিল, আবার অনেকে তাঁহার নিন্দাও করিল, এই বিবাহ আগে করিলেই ভাল হইত, বলিবার কোনও কথা

থাকিত না, এখন আশান পথের যাত্রী যে, তাহার আবার নূতন করিয়া সংসার গড়াইবার সাধ কেন?

হেমলতা স্বামীর গৃহে পদার্পণ করিয়াই সব দেখিয়া লইলেন। আগেই তাঁহার কাজ হইল হিসাবপত্র রাখা। ললিতবাবু আগে যাহা পাইতেন কাজ করিয়া, সব আনিয়া সেবিকার কাছে ফেলিয়া দিতেন। আজকাল সব জমা হয় নূতন গৃহিণীর ভাণ্ডারে।

বি, এম, সি পাশ করিয়া অসীম ও গালতী পড়িতে চলিয়া গেল। এইবার তাহার একজামিনু শেষ হইয়াছে, ছুটিতে মে বাড়ী আসিয়াছে।

কিন্তু বাড়ী তাহার কাছে বড় নিরানন্দময়। স্ত্রী তাহার উপযুক্ত নহে। সে যাহা বলে তাহা কাণেই তুলে না। আর নূতন মায়ের কথা তো বলিবার নয়। সারদার সঙ্গে তাঁহার বিবাদ তো লাগিয়াই আছে। সময় সময় উভয়ের কণ্ঠস্বর এত উচ্চে উঠে যে তাহাকেই অগত্যা মাঝখানে দাঁড়াইতে হয়। যুদ্ধের গোলাগুলি তাহাকেও যে পাইতে হয় এ কথা বলাই বাহুল্য।

আজ যখন সে বাড়ী ফিঙ্গিল তখন ললিতবাবু বাহিরের বারাণ্ডায় মকেল লইয়া বসিয়াছিলেন। বাড়ীর মধ্যে ওদিকে খুব বিবাদ বাধিয়াছিল। ললিতবাবু পুত্রের পানে একবার চাহিয়া খুব গভীর ভাবে বলিলেন “দিন দিন তোমার হচ্ছে কি অসীম? আজ কাল আবার রাতেও—”

মকেলের কথায় তাঁহার কথা আর শেষ করিতে পারিলেন না, তাঁড়াতাড়ি সেই দিকে তাঁহাকে ফিরিতে হইল।

অসীম অন্তঃপুরে প্রবেশ করিয়া দেখিল হেমলতা নীচের গৃহের বারাণ্ডায় দাঁড়াইয়া সেবিকার উদ্দেশে অজস্র গালি বর্ষণ করিয়া যাইতেছেন। সারদা প্রাচীরে কাপড় মেলিয়া দিতে-দিতে এক একটা উত্তর দিতেছেন।

পার্শ্বের গৃহের দরজায় একটা কিশোরী চুপ করিয়া দাঁড়াইয়াছিল, অসীম প্রবেশ করিতেই সে কোথায় অস্তিত্ব হইয়া গেল।

অসীম বিমাতার ঝগড়ার উঠিতে উঠিতে হাসি মুখে বলিল “কি হয়েছে গো নতুন মা ? সকাল বেলা এত ঝগড়া আরম্ভ করেছ কিসের ?”

হেমলতা দেখিলেন অসীম ঠাকুরমাকে সম্ভাষণ না করিয়া আগে তাঁহাকেই সম্ভাষণ করিল। অসীম তাঁহার একটু প্রিয়পাত্র হইয়াছিল কারণ সে তাঁহার বিরুদ্ধে এ পর্য্যন্ত একটীও কথা বলে নাই। তিনি ষাহা বলেন সে তাহাই শুনিয়া যায়। তাঁহার পক্ষ হইয়া কখন কখন সারদার সহিত বিবাদও করে।

তবু মুখখানা অঙ্ককার করিয়া বলিলেন “হ্যাঁ, ঝগড়া যে আমিই করি, তা তো বলবেই।”

অসীম ব্যস্তভাবে বলিল “না নতুন মা, আমি সে কথা বলিনে। দুই হাত ভিন্ন কি তালি বাজে ? সে যাই হোক, রোজ ভদ্রলোকের বাড়ীতে এ রকম ঝগড়া, এ তো ভাল নয়। এই যে চারিদিকে ভদ্রলোকেরা আছেন, ষাদের সামনে তোমরা কখনও বার হওনি, ষারা তোমাদের পায়ের একটা আঙ্গুল পর্য্যন্ত দেখেননি এ রকম চীৎকার শুনে তাঁরা কি ভাবেন বল ত ? আমি সেই জন্তই বলি, নচেৎ আমার বলবার কারণটা কি বল দেখি ?”

হেমলতা নরম স্বরে বলিলেন “সে কথা হাজার বার সত্যি বাবা। আমিও কি বুঝতে পারিনে তা ? আমি কি সাধে চীৎকার করি ? আমায় রাগিয়ে দিলেই আমার চীৎকার আসে। আজকের ঝগড়ার কারণটা বলি শোনো। ঘুম হতে উঠে বাইরে এসে দেখি বউমা ওই খামটাতে হেলান দিয়ে কাঁদছে। বল দেখি, একটা রাত তুমি বাড়ী আসনি, এতে বউয়ের এত কান্না দেখে গা জলে ষায় কিনা ?”

নিজের জ্বর লক্ষ্যহীনতায় অসীম জলিয়া উঠিল। সে একটু ঝাজের সহিত বলিল “নিশ্চয়ই, নিশ্চয়ই।”

হেমলতা বলিলেন “তাতে যদি কথা বলেছি, অমনি মা এসে পড়লেন, কাঁদবে বেশ করবে।

আমি সৎমা, আমার কি মায়্যা দয়া আছে, আমি তো এই চাই যে অসীম মরে যাক, ‘এমনি কত কথা শুনিয়ে দিলেন—”

হেমলতার চোখে জল আসিতেছিল, তিনি অঞ্চলে চোখ মুছিতে মুছিতে বলিলেন “হলুমই বা সৎমা, তাই বলে কি সেই প্রার্থনা করব যে তুমি মরে যাও ? আমারই বা আছে কে, যে এ সম্পত্তি ভোগ করবে ? বাপমা ছিলেন মরবার সময় তাঁদের সব আমাকেই দিয়ে গেলেন। - আমার কি দশটা ছেলে মেয়ে আছে ষাদের জন্তে জমিয়ে রাখব ? সবই তো তোমারই বাবা, আমি কোথাকার কে ?”

চোখ মুছিতে মুছিতে তিনি গৃহমধ্যে চলিয়া গেলেন ! অসীম খানিক বসিয়া থাকিয়া সারদার সন্ধান গেল।

( ৩ )

আজ অসীম জ্বর উপর খুব রাগিয়াছিল। একটা সামান্য ছুতার অভাবে সে এতদিন সেবিকাকে কোনও মতে জ্বল করিতে পারে নাই। অনেক দিন সে ছল খুঁজিয়া বেড়াইয়াছে কিন্তু সেবিকার কার্যে কোনও ছল পাওয়া অসম্ভব।

আজ একটা ছুতা, পাইয়া সে বিবাহের পরের প্রত্যেক দিনটার কথাই আগাগোড়া ভাবিয়া দেখিল। আজ সেবিকার সব গুণগুলি চাপা পড়িয়া গেল, মৃতিমান ভাবে কুটিয়া উঠিল তাহার দোষগুলি। সেগুলি লইয়া অসীম যতই তোলাপাড়া করিতে লাগিল ততই জ্বর উপর তাহার যে অল্প স্নেহটুকু ছিল তাহা সরিয়া যাইতে লাগিল।

শুধু সেবা—আর কিছু নয় ?

অসীম জ্ব কুণ্ডিত করিল। কে চায় তাহার সেবা ? সে কেন অসীমের মনের মত হইতে পারিল না ? কাজের অন্ত লোকের আশ্রয় নাই ত ? পাচিকা সত্ত্বেও কেন সে রক্তনষ্টকে দিয়া কালিঝুলি মাখিয়া আসে ? কাপড়খানা হসুমের

নাগে রঞ্জিত, হাতখানা হলুদের দাগে ভরা। যে  
যাহার নিজের কাজ করিয়া লইতে পারে সে কেন  
গিয়া তাহা করে ?

আরও একটা প্রধান দোষ বর্তমান যে তাহাতে।  
সে যে লেখাপড়া জানে না। অসীম চায় তাহার  
স্ত্রী তাহারই মত ভাবপ্রবণ হইবে, সৌন্দর্য্য দেখিয়া  
তাহার সমালোচনা করিবে, নূতন নূতন গাথায়  
কাণ তাঁহার ভরিয়া দিবে। সে বাহির হইতে  
তাহা বহিরা আনিবে স্বামীস্বীতে তাহার সমা-  
লোচনা করিবে।

জীবনটা তাহার পূর্ণ ছিল সুখের স্বপ্নে। সে  
কত আশা করিয়াছিল, কত ভাবে হৃদয় পূর্ণ  
করিয়াছিল। বিবাহের রাতেই তাহার সুখের  
স্বপ্ন ভাঙিয়া গিয়াছিল, তাহার আশাকে সে দূরে  
ফেলিয়াছিল। সে বেশ আনিয়াছিল সে সুখী  
হইতে পারিবে না।

সামনেই একখানা ফটো ছিল, তাহার বন্ধু ও  
তাহার পত্নীর। এই বন্ধুটি যেমন শিক্ষিত তেমন  
শিক্ষিতা পত্নীও পাইয়াছিল। লক্ষ্য নাই, সঙ্কোচ  
নাই, স্বামীর পার্শ্ব কেমন সে দাঁড়াইয়া আছে।  
এ ফটোটা বিবাহ-সময়ে তোলা, নববধূর যে একটা  
কুণ্ঠিত ভাব, তা পর্য্যন্ত তাহার মুখে নাই। আর  
তাহার স্ত্রী? আজ সুদীর্ঘ চার বৎসর বিবাহ  
হইয়াছে, এই দীর্ঘকালের মধ্যেও তাহার সঙ্কোচ,  
তাহার কুণ্ঠা গেল না। তাহার ললাট হইতে সে  
অবগুণ্ঠন উঠিল না, তাহার মুখের সে লজ্জিত ভাব  
ঘুচিল না।

সেই ফটোখানা দেখিতে দেখিতে আর এক-  
খানা মুখ তাহার মনে আগিয়া উঠিল। সেই সাক্ষ্য  
অকর্ণিয়া-বাহার মুখে পড়িয়া অপরিমিত সৌন্দর্য্য  
ছড়াইয়া দিয়াছিল, আর প্রভাতের আলো বাহার  
মুখের উপর পড়িয়া ঝিক ঝিক করিয়াছিল।  
প্রভাতের বায়ু-বাহার চুলগুলি আনিয়া  
একবার ললাটে কেলিতেছিল আবার সরাইয়া  
দিতেছিল।

একটা দীর্ঘনিশ্বাস অসীম কোনও মতে দমন  
করিতে পারিল না।

কি সঙ্কোচহীন কুথা তাহার? কোথাও একটু  
বাধে নাই। শিক্ষা এই বটে, অপরিচিত যখন  
আপনাকে পথহারা ভাবিয়া সামনে দাঁড়ায় তখন  
অবগুণ্ঠন টানিয়া দূরে পলায়ন কতদূর যুক্তিসঙ্গত  
তাহা সে ভাবে নাই। সে নিজের কর্তব্য পালন  
করিয়াছে ঠিক।

সঙ্গে সঙ্গে সরিতের কথা মনে আগিয়া উঠিল।  
সে চমকিয়া উঠিল আচ্ছা, সরিত তাহার মনের ভাব  
আনিতে পারিল কিরূপে? তাহার অন্তরের কথা ত  
সে বাহিরে কাহারও কাছে প্রকাশ করে নাই।  
সরিত কি অন্তর্যামী?

রাত্রি তখন অনেক হইয়া গিয়াছে। দেওয়ালের  
ঘড়িতে ঠুন ঠুন করিয়া এগারটা বাজিয়া গেল।  
অল্প দিন তো সেবিকার এত রাত্রি হয় না। আজ  
সে নিশ্চয়ই তিরস্কার সহ করিবার ভয়ে আসিতেছে  
না। অসীমের মনটা করুণায় একটু আর্দ্র হইয়া  
আসিল।

দেখা যায়, যতক্ষণ দোষী ভয় না পায়, আমরা  
ততক্ষণ তাহার উপর অত্যাচার করি। দোষী ভয়  
পাইলে স্বতঃই আমাদের মনটার একটু দয়া  
হয়।

অসীম ভাবিল যদি সে যথার্থই ভয় পাইয়া  
থাকে, তবে তাহাকে বেশী কিছু বলিতে হইবে না,  
কারণ সেটা অত্যন্ত অসুচিত হইবে।

সে একখানা বই টানিয়া লইয়া মনোযোগ  
দিয়া পড়িতে বসিল। প্রথমটা মন না লাগিলেও  
তাহার পর কখন যে মনটা তাহাতে বসিয়া গেল  
তাহা সে আনিতেও পারিল না।

হঠাৎ দরজা বন্ধ করার সুদে সঙ্গে চুড়ির ঠুন  
ঠুন শব্দ শুনিয়া সে মুখ তুলিয়া দেখিল সেবিকা  
আসিয়াছে।

বেশ সহজভাবেই সে টেবিলটির সামনে  
আসিয়া দাঁড়াইল, সহজ স্বরেই বলিল "এখনও

শোণনি যে তুমি ? রাতও তো বড় কম হয় নি ।  
অস্থির করতে পারে এত রাত জেগে ।”

তাহার সহজ স্বর, কুণ্ঠাহীন মুখের ভাব দেখিয়া  
অসীম অবাক হইয়া গেল । অপরাধিনীর এ রকম  
সহজ ভাব কেন ? কোথায় স্বামীর রাগত ভাব  
বুঝিতে পারিয়া পা ছুথানা জড়াইয়া ধরিতে  
যাইবে, অশ্রুধর কণ্ঠে ক্ষমা প্রার্থনা করিবে,  
তাহার কিছুই না ! যেন কিছুই হয় নাই এমনই  
ভাব ! অসীমের মনটা আবার কঠোর হইয়া  
উঠিল । না, ক্ষমা করা হইবে না, শাস্তি দেওয়া  
আবশ্যক ।

সে কথা না কহিয়া আবার ঘাইতে মন দিল ।  
সেবিকা আশ্চর্য্যভাবে একটুখানি দাঁড়াইয়া রহিল,  
তাহার পর ধীরে ধীরে বলিল “আর রাত জেগো না,  
যাও শোও গে ।”

বইখানা বন্ধ করিয়া অসীম স্ত্রীর পানে একবার  
তীব্র নেত্রে চাহিয়া বলিল “এতক্ষণ কোথায় ছিলে  
সেবা ?”

সেবিকা স্বামীর কথার ভাব কিছুই বুঝিতে  
পারিল না । সে বলিল “বাবা আজ তো কিছু  
খাননি, বড় মাথা ধরেছে তাঁর, তাই মাথা টিপে  
দিচ্ছিলুম ।”

সহজ ভাবে অসীম বলিল “নতুন মা ?”

সেবিকা বলিল “তাঁর সঙ্গে বাবার আজ খুব  
ঝগড়া হয়েছে যে ।”

অসীম বলিল “কেন ?”

সেবিকা একটু কুণ্ঠিতা হইয়া পড়িল—মাথা নত  
করিয়া বলিল “অবশ্য আমিই এ সকলের মূল ।  
কাল সেই ছপুতে তুমি কিছু না খেয়ে চলে গেলে ।  
যি বললে সে ঘাটে তোমাকে আর সন্নিত  
ঠাকুরপোকে বোটে উঠতে দেখেছে । তারপরে  
সমস্ত দিন গেল, রাত হল, তুমি এলে না, তখন  
আমার কি অবস্থা হল তা আর কি বলব । ঠাকুর  
মাকে তবু জানাইনি যে তুমি বোটে গেছ । যদি  
শুনতেন তাহলে তিনি তখনই আছড়াতেন ।

বাবাকেও বলতে পারলুম না । বললুম নতুন মাকে ।  
তিনি আমায় যাচ্ছেতাই ব'কে তাড়িয়ে দিলেন ।  
সমস্ত রাত আমার য়ে কি করে কেটে গেছে তা  
তুমি বুঝতে পারবে না । সকালে দরজা খুলে  
বাইরে এসে কিছুতেই চোখের জল রাখতে পারলুম  
না—যি যখন বললে তুমি আসনি । ভোরবেলা  
নাকি সন্নিত ঠাকুরপোর বাড়ী হতে লোক এসেছিল  
তোমরা ফিরে এসেছ কিনা তাই জানবার জন্তে ।  
সকালবেলা তাই নিয়ে ঝগড়া বেধেছিল । বাবা  
বাড়ী মধ্যে এসে যখন ঠাকুরমার মুখে শুনলেন  
নতুন মা আমায় খুব বকেছেন, তখন মাকে বকতে  
লাগলেন । মাও অনেক কথা শুনিয়ে দিলেন ।  
দুজনের কেউ কারও সঙ্গে কথা বলছেন না ।  
আমি যদি সকাল বেলাই চোখের জল না  
ফেলতুম—”

বাধা দিয়া তীব্রকণ্ঠে অসীম বলিয়া উঠিল  
“থাক্ আর সে সব কথা বলতে হবে না । এটা ঠিক  
যে বাবা আর নতুন মার সঙ্গে ঝগড়া বাধিয়ে দেছ  
তুমিই । আমি দেখছি প্রায় তোমাকে নিয়েই  
ঝগড়া বাধছে । কেন এরকম হয় তাই আমি  
শুনতে চাই তোমার কাছে ।”

সেবিকার চোখ হঠাৎ জলভারে অবনতা হইয়া  
পড়িল । সে চুপ করিয়া খানিক দাঁড়াইয়া থাকিয়া  
তাহার পর রুদ্ধকণ্ঠে বলিল “কেন যে হয় তা যে  
আমিই বলতে পারি নে । তোমাকে তা বলব  
কি করে ? আমি যদি জানতুম তা হলে কি ঝগড়া  
হতে দিতুম ? আমার কপালের দোষ ।”

উত্তেজিত ভাবে অসীম বলিল “কপাল আবার  
কি ? ও সব মূর্খ লোকের মনকে প্রবোধ দেওয়া  
মাত্র । একটা অজ্ঞায় কাজ করে বসলে ; কেউ  
সেটা যখন ধরিয়ে দিলে, বলবে অমনই অদৃষ্টে  
করেছে । অদৃষ্ট কি করতে পারে জিজ্ঞাসা করি ?  
দোষ করবে নিজে, ঘাড়ে ফেলবে অস্ত্রের, এমন  
স্বভাব কেন ?”

সেবিকা কথা কহিতে পারিল না, নীরবে



পদাঙ্গুলি খুঁটিতে লাগিল। স্বামীর নিকট সে কখনও আদর পায় নাই। বিবাহের পরের দিনগুলি সমান একভাবেই কাটিয়া যাইতেছে। আজ হঠাৎ তিরস্কার শুনিয়া সে কি বলিবে তাহা ভাবিয়া পাইল না।

অসীম গম্ভীর স্বরে বলিল “তোমার স্বভাবের জন্তেই তুমি ক্রমাগত আমার কাছ হইতে দূরে সরে যাচ্ছো? আমি আশা করেছিলুম আমার মনের মত করে তোমাকে গড়ে তুলব; কিন্তু তুমি এমনই অবাধ্য, কিছুতেই যদি আমার কথা শোনো। আমি দেখছি ঠিক আমার বিরুদ্ধ ভাবে চলেছ তুমি। আমি যা চাইলুম তুমি তা কিছুতেই দিলে না আমাকে।”

অশ্রুভরা দুইটা নয়ন স্বামীর মুখের উপর স্থাপন করিয়া সেবিকা বলিল “কি চেয়েছিলে? জীয়ে যা দেওয়া উচিত স্বামীকে, দিইছি তা। কি লুকিয়ে রেখেছি আমার মধ্যে?”

বিজ্ঞপূর্ণ স্বরে অসীম বলিল “কি দিয়েছ! সেবা করছ এই তো? কে চায় তোমার ও লোক দেখানো সেবা? আমি কোনও দিন চেয়েছি তোমার কাছে? আমি তোমায় শিক্ষিতা করতে চাইলুম, নিজের তোমায় শিক্ষা দিতে চাইলুম, আসলে কি তুমি? সংসারের কাজ করবার লোক কি কেউ নেই যে তুমি না হাত দিলে হবে না? আমার যে জী হবে সে আমার মনের মত হবে, আমার মতে চলবে। আমি যদি তাকে সংসারের কাজ না করতে দেই, আমি যদি তাকে চেয়ারে বসিয়ে রাখি, তার তাই করতে হবে। তুমি কিসে আমার জী? এই রাত্রির সম্পর্কটুকু নিয়ে কি? সমস্ত দিন তোমার নাগাল আমি পাইনে, আমার মনের ভাষা তোমার মনে ঢেলে দিতে পারিনে। কি নিয়ে তুমি আমার জী বলে পরিচয় দিতে চাও বল দেখি?”

সেবিকার মুখে কথা ফুটিতেছিল না কিন্তু তাহার অন্তর কথায় ভরিয়া উঠিয়াছিল। অসীমের

যদি তাহা বুঝিবার, শুনিবার ক্ষমতা থাকিত সে শুনিত সেখানে অতি করুণ ক্রন্দনের স্বর বাজিয়া উঠিয়াছে—‘কেমন করে পারব তা? এতদিনকার অভ্যাসগুলো কেমন করে ছেড়ে দেব, কেমন করে তোমার প্রদর্শিত পথে চলব?’

অসীমের অন্তর-বাণী বুঝিবার ক্ষমতা ছিল না, সে অন্তর চিনিত না। বাহিরটা দেখিয়া সে মুগ্ধ হইত, নিজের জীকেও সে চিনিতে পারে নাই।

নিজের মনের আবেগে সে বলিতে লাগিল “ভেবেছিলুম, বিয়ে করে সবাই সুখী হয়, আমিও হব। সব ভুল দেখছি। আমার একটা আশাও মিটেনি। চার বছর আমাদের বিয়ে হয়েছে তবু আমি তোমায় আমার আপন বলে ভাবতে পারিনে। মাঝখানে আমাদের ব্যবধান যথেষ্ট। এ ব্যবধান জীবনেও দূর হবে না। তুমিও সুখী হবে না, আমিও সুখী হব না। একই সংসারে স্বামীজীরূপে বাস করেও আমাদের দূরত্ব এতখানি!”

সামনের ফটোখানা দেখাইয়া সে বলিল “দেখ দেখি বিবাহিত জীবন কত সুখের। কি শান্তির ভাব আঁকা এদের মুখে। চাও দেখি এই মেয়েটার পানে, কতদূর আত্মনির্ভরতা এর মুখে ফুটেছে দেখছো? তোমাকে আমি এই ভাবে ফুটিয়ে তুলতে চেয়েছিলুম কিন্তু তুমি তা হতে পারলে না। নিজের ত সুখী হতে পারছই না, উপরন্তু সংসারের সকলকে অসুখী করে তুলছ।”

তাহার পর একটা হাই তুলিয়া চেয়ার হইতে উঠিতে উঠিতে বলিল “যাক, সে সব বলে এখন তোমার মন খারাপ করতে চাইনে বিশেষ। এখনও বলছি ভেবে দেখ সব। এর পর ঘেন অসুতাপ না কর্তে হয়, এই আমার কথা। যাও এখন শোও গে।”

বেশ ধীরভাবেই সে নিজের বিছানায় গিয়া শুইয়া পড়িল। সে একবারও ভাবিল না যাহাকে লক্ষ্য করিয়া এই ক্রন্দনহীন মত কথাগুলো সে



বলিয়া গেল, তাহার হৃদয়ে কি ব্যথা বাজিল, কি ঝড় উঠিল।

শয়ন করিবার খানিক পূরেই সে ঘুমাইয়া পড়িল। সেবিকা তখনও সেই স্থানে তেমনই নতমুখে দাঁড়াইয়া।

অনেকক্ষণ পরে সে একটা দীর্ঘনিশ্বাস ফেলিল। স্বামীর পানে একবার চাহিল, ঝর ঝর করিয়া চোখের জল ঝরিয়া পড়িল।

এতক্ষণ এই ছুর্কলতাটাকে সে যে কি কষ্টে চাপা দিয়া রাখিয়াছিল তাহা সেই জানে আর তাহার অন্তরের দেবতাই জানেন। স্বামীর সম্মুখে গোপন থাকিতে তাহাকে শিক্ষা দিয়াছিল স্বামীরই

কঠোর ব্যবহার। এ পর্যন্ত কখনও সে স্বামীর নিকট নিজ-জনের উপযুক্ত ব্যবহার পায় নাই। অসীম যথার্থই বলিয়াছে এত কাছে থাকিয়াও তাহারা এত দূরে। কেহ কাহারও নাগাল এ জীবনে তাহারা পাইবে না।

এতক্ষণ সে প্রাণপণে চোখের জল চাপিয়া রাখিয়াছিল। আর পারিল না কারণ স্বামী এখন নিদ্রিত।

ছুই হাত মুখের উপর চাপা দিয়া স্মার্তভাবে একবার মাত্র সে বলিয়া উঠিল “মা গো।”

( ক্রমশঃ )

## আসামদেশীয় মহিলাদিগের সামাজিক প্রথা

“ আসাম পর্যটক—শ্রীবিজয়ভূষণ ঘোষ চৌধুরী। ”

### বিবাহ—

অসমীয়া ব্রাহ্মণ কল্যাণ দ্বিতীয় সংস্কারের পূর্বে বিবাহিতা হইয়া থাকেন। এই বিধির ব্যতিক্রম ঘটিলে তাঁহাদিগের পিতামাতা আতিশূচ্য হইয়া থাকেন। আসামের মধ্যে গোয়ালপাড়া ও কামরূপ অঞ্চলের কায়স্থ কল্যাণকে এবং মধ্য-আসামের খাতি কায়স্থের কল্যাণকে ব্রাহ্মণকল্যাণ মত দ্বিতীয় সংস্কারের পূর্বে বিবাহ দিতেই হইবে—অনুগ্রহে জাত যাইবে। গণক (দৈবজ্ঞ) ব্যতীত অসমীয়া কলিতা, কৈবর্ত, কেওট, কোচ, নদীয়া (ভোম) প্রভৃতি জাতির কল্যাণদিগের বিবাহের কোন নির্দিষ্ট কাল নাই। তাহারা দ্বিতীয় সংস্কারের পরেও পরিণীতা হইলে সমাজে কোনরূপ শ্রদ্ধা হয় না। এ কারণ অসমীয়া ব্রাহ্মণ, কায়স্থ

ও দৈবজ্ঞ সমাজে কেবল বাল্যবিবাহের প্রকোপ দৃষ্ট হয়। আসামে শাক্ত ও বৈষ্ণবগণের মধ্যে ধর্মগত বিরোধ থাকিলেও শাক্তধর্মাবলম্বী ব্যক্তির কল্যাণ সহিত বৈষ্ণবধর্মাবলম্বী ব্যক্তির বিবাহ হইতে পারে। তাহাতে কোন বাধা নাই।

বিবাহ, পূজা ও অন্যান্য কর্মকাণ্ডের সময় অসমীয়া মহিলা গীত বাজ করতঃ আনন্দোচ্ছ্বাসে মাতোয়ারা হইয়া থাকেন। অন্য কোন সময়ে স্বেচ্ছায় তাঁহাদিগের গীত গাহিবার রীতি নাই। তবে বাড়ীর ছোট ছোট ছেলেমেয়েরা এক সঙ্গে গৃহ-কর্ম করিবার কালে অনেক সময় গান গাহিয়া থাকে।

বঙ্গীয় হিন্দুদিগের প্রথা অনুসারে বিবাহের দিন স্থিরের পূর্বে সপ্তাহ কাল মধ্যে কোন একটা শুভকালে বর ও কল্যাণ পাত্রহরিয়া হইয়া থাকে।

বরের বাড়ী, কন্ডার বাড়ী হইতে ৪।৫ ক্রোশের মধ্যে হইলেও এবং ঐ দিন ৩।৪ ঘণ্টা পরেও যদি পঞ্জিকাতে শুভক্ষণের উল্লেখ থাকে তাহা হইলে বরপক্ষ বরের গাত্রহরিদ্রার পর নাপিত দ্বারা কন্ডার বাটীতে ঐ হরিদ্রার কিয়দংশ পাঠাইয়া থাকেন। সেখানে উহাই কন্ডাকে মাখান হয়। বর কন্ডার বাড়ী পরম্পর দূরবর্তী স্থানে হইলেও এবং কন্ডার বাড়ীতে হরিদ্রা পাঠান অস্ববিধাজনক বোধ হইলে, ঐ নিয়ম প্রতিপালিত হয় না। এরূপ স্থলে উভয় পক্ষের কথা অনুসারে একই দিনের একই শুভক্ষণে বর কন্ডার গাত্রহরিদ্রা হইয়া থাকে। কিন্তু অসমীয়া হিন্দুদিগের মধ্যে এরূপ প্রথা প্রচলিত নাই।

৩ দিন ৫ দিন অথবা ৭ দিনের দেশীয় অনুষ্ঠান অন্তে অসমীয়া হিন্দুদিগের বিবাহকার্য্য সমাপ্ত হইয়া থাকে। যেদিন বিবাহ হইবে তাহার একদিন পূর্বেই অসমীয়াদিগের বিবাহের অধিবাস হয়। অধিবাসের দিন “কলর গুরিত গা ধুওয়া”ন’র কালে অর্থাৎ কলাগাছের নিকট বর কিম্বা কন্ডাকে স্নান করাইবার সময় উভয়ের গাত্রহরিদ্রা হইয়া থাকে। অগ্ৰাণ্ণ দিন সেখানে বর কিম্বা কন্ডাকে কেবল স্নান করাইবার রীতি আছে। চূড়াকরণ আদি সংস্কার কালে কলাগাছের নিকটও স্নান করান হয়।

অসমীয়াদিগের “কলর গুরিত গা ধুওয়া” প্রথাটি কিরূপ তাহা হয়তো জানিবার আগ্রহ অনেকের জন্মিতে পারে। এই বিষয়টি হইতেছে— প্রত্যয়ে বরের বাটীতে বরের মাতা এবং কন্ডার বাটীতে কন্ডার মাতা গ্রামস্থ সম্পর্কীয় ও অগ্ৰাণ্ণ মহিলাগণ সহ মিলিত হইয়া ঢাক, ঢোল, খোল প্রভৃতি বাস্তবস্ত্রের সহ গীত গাহিতে গাহিতে নদী কিম্বা পুষ্করিণীর ঘাটে যান। সেখানে ঘাইবার কালে বর অথবা কন্ডার মাতা ও অগ্ৰাণ্ণ মহিলারা হস্তে মৃৎঘট ও একটা ডালায় করিয়া প্রদীপ, হরিতকী প্রভৃতি মঙ্গল্য দ্রব্য লইয়া থাকেন। তাহারা ঐ ঘটে করিয়া জল আনিয়া সেগুলিকে

গৃহমধ্যে সঞ্চয় রাখেন। অতঃপর বাড়ীর লোকে একটা কলাগাছ আনিয়া উঠানের কোন এক পার্শ্বে পুঁতিয়া দেন। এই কলাগাছের তলায় বর কিম্বা কন্ডাকে উপবেশন করাইয়া স্নান করাইবার জন্য আসনস্বরূপ কয়েকটা খণ্ডিত কদলি-কাণ্ড পাশাপাশি বিছাইয়া রাখা হয়। সন্ধ্যার পর বর কিম্বা কন্ডাকে ঐ আসনে বসান হয়। বর অথবা কন্ডার মাতা ও অগ্ৰাণ্ণ সম্পর্কীয় স্ত্রীলোকেরা পেঁষিত মাসকলাই, হরিদ্রা প্রভৃতি দ্রব্য বর কিম্বা কন্ডার গাত্রে লেপন করতঃ উক্ত ঘটস্থ জল দ্বারা স্নান করাইয়া দেন। চূড়াকরণের সময় দুপুরবেলায় এইরূপ নিয়মে স্নান করান হয়। ইহাকে “কলর গুরিত গা ধুওয়া” বলা হয়। লোয়ার আসামে বিবাহের দিনেই ঐ প্রকারে জল আনা (পানী টুলা) হয়। কিন্তু আপার আসামে বিবাহ-দিনের ৭ দিন, ৫ দিন কিম্বা ৩ দিন পূর্বে নদী অথবা পুষ্করিণী হইতে এই প্রকারে গৃহে জল আনাইয়া বর কিংবা কন্ডাকে স্নান করান হয়।

“কলর গুরিত গা ধুওয়া”ন’র কালে অসমীয়া মহিলারা নিম্নোক্ত ধরণের নাম (গীত) গাহিয়া থাকেন :—

### কলর গুরিত গোয়া নাম

“সলাগ লৈ জেঠেরি                      মূচুকাই হাছিলে  
বৈনাই বর ভাল বুলিহে ।  
অলাপ মাতিয়া                              বৈনাই কুমলীয়া  
সত্র ধরিছে তুলিহে ॥  
শহরর পধূলি                                      দকা-দমকা  
কি ফুল ফুলিলে হালিহে ।  
পিঙ্কিবর মনে গল                              জেঠেরি বৈনাই  
ইন্দ্রমালতীর চাকি হে ॥  
শহরর মরমে                                      বাকু দেখিলো  
ছপাই কল গুরিত থলে হে ।  
শাহু আইর মরমে                              নিছেই নিদাঙ্গণে  
জিয়েকক পইতা যাছে হে ॥

জিয়েকে বুলিছে                      মই কিরে খামে  
 স্বামী কল গুরিত আছে হে ।  
 কিনো কলে পুলি                    কলাই ঐ জেঠেৰি  
 গত হালি আলি পরে হে ।” \*

বিবাহকালে বাড়ীৰ লোকেৰা “বেই” তৈয়াৰ  
 করেন । ইহাতে কোন ব্রাহ্মণেৰ আবশ্যক হয় না ।  
 ইহাৰ আয়তন লক্ষা চওড়ায় কতখানি হইবে সে  
 সম্বন্ধে কোন নিয়ম নাই । ইহা প্রস্তুতকালে তাঁহাৰা  
 স্তুবিধামত লক্ষা চওড়া কৰিয়া লন ।

কন্তাৰ পিতৃভালয়ে বিবাহকাৰ্য্য শেষ হইলে পর  
 বর প্রথমে কন্তাৰ গৃহে কোন খাণ্ডদ্রব্য গ্রহণ করেন  
 না—নিজ গৃহ হইতে প্ৰেৰিত জলখাবাৰ খাইয়া  
 থাকেন । অতঃপর তাঁহাকে অন্তঃপুৰে কন্তাৰ সান্নিধ্যে  
 লইয়া যাওয়া হয় এবং চিপিটক, পিঠা, পৰমান্ন  
 প্রভৃতি নানাবিধ স্নসজ্জিত খাণ্ড দ্রব্য খাইতে দেওয়া  
 হয় । বর উহাৰ কিয়দংশ লইয়া মুখশুদ্ধি কৰতঃ  
 মুখ ধুইয়া বাহিৰে তাঁহাৰ জন্ত নিৰ্দিষ্ট স্থানে আসেন ।  
 দেশীয় প্রথা অনুসারে সে দিন বরকে কন্তাৰ গৃহেৰ  
 কোন দ্রব্য গলধঃকরণ কৰিতে নাই ।

### বিধবা বিবাহ—

আসামে ব্রাহ্মণ, কাশ্মু ও দৈবজ্ঞ ( গণক )  
 ব্যতীত অন্যান্য অসমীয়া হিন্দুজাতিৰ মধ্যে বিধবা  
 বিবাহ প্রচলিত আছে । আসাম অঞ্চলেৰ কুজাপি  
 বিধবাৰবিবাহে “কলৰ গুরিত গা ধুওয়া”ন’ৰ কালে  
 গাজহৰিঞা অথবা “বেই”য়েৰ আবশ্যক হয় না ।  
 হোম পূজা কৰিবার বিধিও নাই ।

আপাৰ আসামে অৰ্ধাৎ শিবসাগৰ ও লখিমপুৰ  
 জেলায় বর বিধবাৰ পিতৃভালয়ে গিয়া উপস্থিত  
 হয় । সেখানে “আগ চাউল” দেওয়া হটলে বিবাহ  
 কাৰ্য্য সম্পন্ন হইল ; কিন্তু লোয়াৰ আসামেৰ অৰ্ধাৎ

গোয়ালপাড়া ও কামৰূপ জেলাৰ প্রথা অনুসারে  
 বিধবাকে তাহাৰ স্তৃত স্বামীৰ অথবা পিতাৰ গৃহ  
 হইতে লইয়া গিয়া নতন স্বামীৰ বাটীতে “আগ  
 চাউল” দেওয়া হয় ।

“আগ চাউল” জিনিসটা কি তাহা হয়তো  
 জানিবার আশ্রয় অনেকৰ হইতে পারে । বরের  
 আশ্রয়ৰা ধৰ ও কন্তাকে একটা পাটি ( mat )এৰ  
 উপৰ উপবেশন কৰাইবার পর তাহাদেৰ সন্মুখে  
 পুশ্প, ঘট, একটা বাঁশেৰ ডালায় প্রক্ষীপ শিলখা ও  
 অন্যান্য মাজল্য দ্রব্য এবং একটা দোনাতে এক  
 দোনা চাউল রাখিয়া দেয় । বরের মাতা আসিয়া  
 বর কন্তা উভয়েৰ মস্তকে যংকিঞ্চিৎ চাউল ও অথবা  
 ৫ বার ছড়াইয়া দেয় । তৎপরে সম্পৰ্কীয় অন্যান্য  
 মহিলাৰা তদ্রূপ চাউল ছড়াইয়া থাকে । সম্পৰ্কীয়  
 ভিন্ন অল্প কোন মহিলাৰ এইরূপ কৰিবার নিয়ম  
 নাই । অসমীয়াৰা ইহাকে “আগ চাউল দিয়া”  
 বলিয়া থাকেন ।

পরে ঐ দোনাৰ চাউলেৰ মধ্যে বর একজোড়া  
 আংটা লুকাইয়া রাখে । কন্তাকে ঐ আংটা জোড়া  
 খুঁজিয়া বাহিৰ কৰিতে বলা হয় । এই সময় সমবেত  
 মহিলাগণ গীত গাহিয়া থাকেন । কন্তা সহজে আংটা  
 বাহিৰ কৰিতে না পারিলে তাঁহাৰা বরকে লক্ষ্য  
 কৰিয়া অনেক ঠাট্টা করেন এবং কন্তাকে ক্ৰেশ  
 না দিয়া ‘স্নেহ কৰিয়া’ বর যেন চাউলেৰ উপরেই  
 আংটা রাখিয়া দিয়াছে, এইরূপ অৰ্ধজ্ঞাপক ও  
 হাস্যদীপক গীত গাহিয়া থাকেন । অতঃপর দুইটা  
 পায়সপূৰ্ণ বাটা তাহাদেৰ সন্মুখে স্থাপন করা হয় ।  
 বর একটা বাটা কন্তাৰ দিকে ঠেলিয়া দেয় । কন্তাও  
 তাহা বরের দিকে ঠেলিয়া দেয় । উভয়েই ৩ বার  
 অথবা ৫ বার উভয়েৰ দিকে পায়স-পাত্ৰ ঠেলাঠেলি  
 কৰিয়া থাকে ।

\* অসমীয়া শব্দার্থ—সঙ্গ—কৃতজ্ঞতা প্রকাশ ; কুমলীয়া—কোমল ; দকা-দমকা—উচ্চ-নিম্ন ; হালি—হেলন ; বজ ‘হইয়া  
 ( bonding ) ; ঢাকি—ঢাকা, মওল ; বাক—ভাল ; ছপাই—ধৰিয়া আসিয়া ; কল—কলাগাছ ; ধলে—হাপন কৰিল ;  
 আই—মা ; নিছেই—একেবাৰেই ; পইতা—পাত্ৰভাত ; খামে—খাইব ; কিনো—কি প্রকার ; হালিআলি—হেলেবুলে  
 আলি—বুলিয়া ।

বিধবার স্বামী কিংবা পিতার বাটতে কোন রূপ উদ্বাহ-ক্রিয়ার অনুষ্ঠান করা হয় না। দরজা জেলায় আমরা দেখিয়াছি পাত্রপাত্রী উভয় পক্ষের আত্মীয়স্বজন এবং গ্রামস্থ নিমন্ত্রিত ব্যক্তিগণ বিবাহ সভায় সম্মিলিত হইলে কস্তাপক্ষ কস্তাকে বরপক্ষের প্রদত্ত বস্ত্র অলঙ্কার পরিধান করাইয়া সেখানে উপস্থিত করে। তখন পাত্রপাত্রীকে আশীর্বাদ ও নিমন্ত্রিত ব্যক্তিগণকে জলযোগ করান হয়।

যদি কস্তা স্বামীগৃহে যাইবার পূর্বে বিধবা হয় এবং তাহার “দ্বিতীয় সংস্কার” না হইয়া থাকে, তাহা হইলে নূতন স্বামী তাহাকে পিত্রালয় হইতে একটু আড়ম্বর করিয়া ঢাকঢোল বাজু সহ নিজ গৃহে লইয়া যায় এবং সেখানে কেবল “আগ চাউল” দেওয়া হইলে বিবাহের কার্য সমাপ্ত হইয়া যায়। এরূপ স্থলেও হোম হয় না অথবা “বেই” বাধিবার নিয়ম নাই।

বিধবা বিবাহিতা হইলে পিত্রালয়ে যাইতে পারে—তাহাতে কোনরূপ সামাজিক প্রতিবন্ধকতা নাই। তাহার বহুবার বিবাহ হইতে পারে। তাহাতেও সমাজে কোন আপত্তি নাই। মনে করুন—স্বামীর মৃত্যুর পর কোন ব্যক্তি তাহার বিধবা পত্নীকে বিবাহ করিল। এই দ্বিতীয় স্বামীরও মৃত্যু হইল। তখন ইচ্ছা করিলে সেই বিধবা

তৃতীয় পতি গ্রহণ করিতে পারে, এবং তৃতীয় পতির মৃত্যু হইলে চতুর্থ পতি—এই প্রকারে যত ইচ্ছা পতি গ্রহণ করিতে পারে। ব্রাহ্মণ, গণক (দৈবজ্ঞ) এবং কায়স্থজাতি ব্যতীত আসামে অল্প জাতির মধ্যে এই প্রকার বিধবাবিবাহ প্রচলিত আছে। বিধবারা দ্বিতীয় বা তৃতীয় পতি গ্রহণ করিলে অসমীয়ারা সাধারণতঃ ইহাকে “টেনুনি আনা” অর্থাৎ বিবাহিত নয় বলিয়া থাকেন।

বিধবা ব্রাহ্মণীর জারজ সন্তান ও তাহার বংশধরগণকে কামরূপ অঞ্চলের লোকেরা “মৃত কুলিয়া” বনাম “বরিয়া” বলিয়া থাকেন। বিধবার প্রথম পতির ঔরসজাত পুত্র বিধবার দ্বিতীয় স্বামীর সম্পত্তির অংশ পায় না। সে বড় হইয়া তাহার নিজ পিতার সম্পত্তি পাইয়া থাকে। প্রথম স্বামীর ঔরসজাত পুত্র যদি মাতার সহিত দ্বিতীয় স্বামীর গৃহে থাকে, তখন ঐ পুত্রকে লোকে “গুরু গুরীয়া” বলে। বিধবার সন্তানেরাও পৈত্রিক সম্পত্তির পূর্ণ অধিকারী। মনে করুন—অনেক নাপিত বা বৈশ্যের বিবাহিত পত্নীর গর্ভজাত এক পুত্র আছে। “পত্নীর মৃত্যুর পর সে ব্যক্তি একটা বিধবাকে বিবাহ করিল, এই বিধবার গর্ভে দুইটা পুত্র জন্মিল। মোট তিনটা পুত্রের মধ্যে তাহার বিষয় সম্পত্তি সমভাবে বিভাগ হইবে।

## লাঞ্ছিতা

শ্রীশ্রীপতিপ্রসন্ন ঘোষ ।

দ্বাদশ বরষে যবে একদা সন্ধ্যায়  
গঙ্গাজলে গেল মোর শাখা ছুটি ভাসি,  
সমাজে সাপের মত বিষফণা তুলি  
অভাগী বিধবাবেশে দাঁড়াইছু আসি।  
সমাজ-মুহুর্ত যারা—কণিকের তরে  
ঢালেনি তুলেও করু প্রবোধের বানী ;

লভিয়াছি চিরদিন যুগা অপমান,  
দহিয়াছে লাজে কোভে সারা মনখানি।  
তারপর কতদিন সমাজের কাছে  
রাছিল ছুঁষিত হিয়া এক ফোঁটা জল,  
আগুনের শলা দিয়ে নেতা তার যত  
পোড়ায়ের করেছে ছাই মরমের তল।

অতৃপ্ত আকাঙ্ক্ষা আর অনন্ত বেদনা  
এ বুকে বহিয়া আগে লাঞ্ছিতা ললনা।

## মনীষি আশুতোষ মুখোপাধ্যায়

শ্রীশ্যামলাল গোস্বামী ।

অনন্ত রত্নের ধনি, জ্ঞান-বিজ্ঞানের নীলাম্বুধি ভারতের তুলনা শুধু ভারতই । এই ভারতে যুগে যুগে কত শত মহাপুরুষ জন্মগ্রহণ করিয়া আপন অলৌকিক প্রতিভার দ্বারা জগতের সভায় ভারতের মুখ উজ্জ্বল করিয়া গিয়াছেন । বিংশ শতাব্দীর মধ্যে ভারতে যে সমস্ত প্রতিভাবান পুরুষের জন্ম হইয়াছে, তন্মধ্যে স্মার আশুতোষ মুখোপাধ্যায় অস্বতম ।

১৮৬৪ সালের কথা । একদিন শুভ সুপ্রভাতে ভবানীপুরের ডাক্তার গঙ্গাপ্রসাদ মুখোপাধ্যায়ের ঔরসে একটি শিশুপুত্র ভূমিষ্ট হয় । কে জানিত এই শিশুপুত্র অজ্ঞাতভাবে তাহার হৃদয়ে একটা অদম্য তেজ, ললাটে অক্ষয়কীর্তি লইয়া আসিয়াছে ! দিনের পর দিন যাইতে লাগিল শিশু আশুতোষ শশীকমার ঝায় বার্কত হইয়া ক্রমে ক্রমে প্রবেশিকা, এফ্-এ, বি-এ প্রভৃতি পরীক্ষায় উত্তীর্ণ হইলেন । বি-এ পরীক্ষায় বিশ্ববিদ্যালয়ের মধ্যে সর্বপ্রথম স্থান অধিকার করিলেন । তখন শিক্ষিত সমাজের দৃষ্টি সেই তরুণ যুবকের ভবিষ্যৎ-সৌভাগ্যের দিকে আকৃষ্ট হইল ।

এম্-এ, বি-এল পাশ করিয়া আশুতোষ ডাক্তার স্মার রাসবিহারী ঘোষের আর্টিকেলেন্ট ক্লাক হইলেন । তিনি ইতিপূর্বে গণিতে এম্-এ পাশ করিয়াছিলেন, এবার বিজ্ঞানেও এম্-এ পাশ করিলেন । তার পর পি-আর-এস, পাশ করিয়া আশুতোষ সুধী সমাজে বরণ্য হইলেন । ভারত গভর্নমেন্ট এই উদীয়মান সিংহকে অমনি হাইকোর্টের বিচারাসনে বাধিয়া ফেলিলেন—স্মার আশুতোষ হাইকোর্টের অস্বতম বিচারপতি হইলেন ।

এই জজীয়তীপদে ২০ বৎসরকাল কার্য্য করিয়া —অতি দক্ষতার সহিত বিচারপতির গুরুতর কার্য্য করিয়া গত জাম্মারী মাসে ৬০ বৎসর, পূর্ণ হইবার প্রাক্কালে অবসর গ্রহণ করিলেন । কিন্তু কর্ম্মীর আবার অবসর ! অমনি দেশবন্ধু চিত্তরঞ্জন তাঁহাকে ডুমরাওন রাজ্যের মামলা পরিচালনের ভার দিলেন । অক্লান্ত কর্ম্মী আশুতোষ পাটনায় অবস্থান করিয়া তাহাই করিতে লাগিলেন ।

অকস্মাৎ সংবাদ আসিল আশুতোষ নাই ! বাঙ্গালা আঁধার—ভারত আঁধার হইল—আবাল বৃদ্ধ-বণিতা সকলেরই মুখে এক কথা আশুতোষ নাই ! কেন এ উৎকণ্ঠা ? কেন এ আবেগ ? আশুতোষ যে বাঙ্গালার একটা পুরুষ সিংহ ছিলেন । জীবনের অস্ত্র কোন ব্রত ছিল না—অস্ত্র কোন লক্ষ্য ছিল না, ছিল শুধু শিক্ষার বিস্তার । কি করিলে দেশের বালক বালিকারা শিক্ষা লাভ করিবে আশুতোষ নিশিদিন কেবল তাহাই ভাবিতেন । তাই ১৯০৪ সালে যখন লর্ড কার্জন উচ্চ শিক্ষার পথরোধ করিবার জন্ত বিশ্ববিদ্যালয় বিল উপস্থাপিত করেন, তখন ভারতীয় ব্যবস্থাপক সভার সভ্যরূপে স্মার আশুতোষ তাহার তীব্র প্রতিবাদ করিয়াছিলেন ।

বিশ্ববিদ্যালয় ছিল তাঁহার পুত্রাপেক্ষা প্রিয়তম বস্তু । হাইকোর্টের কঠোর শ্রমের পর আশুতোষ শ্বেনসিক্ত কলেবরে ছুটিয়া আসিতেন সিনেট হাউসে । কি করিলে কলিকাতা বিশ্ববিদ্যালয় অক্সফোর্ড, ক্যাম্ব্রিজ প্রভৃতি বিশ্ববিদ্যালয়ের সহিত সমকক্ষতা করিতে পারে, স্মার আশুতোষ দিবানিশি কেবল সেই চেষ্টা করিতেন । তাই



দেশ বিদেশের যত ভাল ভাল অধ্যাপক, তাঁহাদিগকে আনিয়া বিশ্ববিদ্যালয়ের অধ্যাপকের পদে নিযুক্ত করিতেন ।

বঙ্গালীর মধ্যে আশুতোষ ছাড়া আরও অনেক ভাইস্‌চ্যান্সেলার হইয়াছেন, কিন্তু আশুতোষের মত দীর্ঘকাল কেহই ভাইস্‌চ্যান্সেলারী করেন নাই এবং বিশ্ববিদ্যালয়ের সেবায় কেহ এরূপ ভাবে জীবনের বিন্দু বিন্দু শোণিতও অর্ঘ্য প্রদান করেন নাই । ঐ যে সাকুলার রোডে বিজ্ঞান কলেজ, ঐ কলেজের প্রতি ইষ্টক গাত্রে স্মার আশুতোষের নাম চিরকাল স্বর্ণাক্ষরে খোদিত থাকিবে । তিনি যদি বঙ্গীয় গভর্নমেন্টের নিকট হইতে প্রয়োজনাত্মক অর্থ পাইতেন তাহা হইলে বিশ্ববিদ্যালয়কে যে কি করিতেন তাহা কল্পনায়ও আনা যায় না ।

স্মার আশুতোষের সর্বাপেক্ষা গৌরব শুভ কি ? অনাদৃতা বঙ্গভাষার সমাদর । তিনিই সর্বপ্রথম বিশ্ববিদ্যালয়ে বঙ্গভাষা বাধ্যতামূলক করেন এবং বঙ্গভাষায় এম্-এ পরীক্ষার প্রচলন করেন । কিন্তু ইহা ছাড়াও আশুতোষের আর একটি বিশেষত্ব ছিল । তিনি স্বাধীনচেতা তেজস্বী পুরুষ-সিংহ ছিলেন, একথা নূতন নহে । ভূতপূর্ব শিক্ষা সচিব প্রভাসচন্দ্র মিত্র মহাশয় তাঁহার প্রভাব স্মরণ করিবার জন্ত বিশ্ববিদ্যালয় বিল উপস্থিত করিলে এবং বঙ্গীয় গভর্নমেন্ট শিক্ষা সচিবের পোষকতা করিলে স্মার আশুতোষ জলদ-গম্ভীর নির্ঘোষে বিশ্ববিদ্যালয়ে দাড়াইয়া বলিয়াছিলেন, বিশ্ববিদ্যালয় স্বাধীন প্রতিষ্ঠান, ইহাকে কখনও গভর্নমেন্টের অধীনে যাইতে দিব না—Freedom first, Freedom last, Freedom always ইহাই ছিল স্মার আশুতোষের বঙ্গনির্ঘোষ ।

আশুতোষ,—বঙ্গালার গৌরব ও স্নাঘার আশুতোষ,—বঙ্গালার মধ্যমাম ছাতি কিরীট আশুতোষ,—বীণাশাণির স্বরপূজা আশুতোষ শুধু কি আইনজ্ঞ, গণিতজ্ঞ, প্রকৃতবিদ, ঐতিহাসিক,

শিক্ষার প্রচারক ছিলেন ? তা নয়, শুধু তা নয় ! তিনি ছিলেন বঙ্গালার দলিতা মথিতা নারী জাতির রক্ষক । বঙ্গালার স্ত্রীশিক্ষার আজ এই যে এত প্রসার ইহার মূলে স্মার আশুতোষের সাধনা, আশুতোষের উত্তম অধ্যবসায় নিহিত । বেথুন কলেজের পারিতোষিক বিতরণী সভায় সভাপতির অভিভাষণে তিনি বঙ্গালার নারী সম্প্রদায়কে লক্ষ্য করিয়া যে কয়েকটি কথা বলিয়াছেন, তাহা আজও বঙ্গত হইতেছে । তিনি বলিয়াছিলেন,—“দেশকে জাগাইতে গেলে, স্বরাজ লাভ করিতে গেলে সর্বাগ্রে দেশের মাতৃ-শক্তিকে উদ্ধৃত্ত করিতে হইবে । ঘরে ঘরে শিক্ষিতা মহিলা না হইলে দেশের অজ্ঞতা যাইবে না । সন্তানের যা' কিছু—শৈশব বাল্য কৈশোর ও তরুণ যৌবনের শিক্ষা সবই সে পায় মায়ের নিকট । যতদিন ভারতে স্নশিক্ষিতা মাতা ঘরে ঘরে বিরাজ না করিবেন, ততদিন ভারতের উন্নতির কোন আশা নাই ।”

ঊনবিংশতি শতাব্দীতে বালবিধবার অশ্রু দেখিয়া একজনের প্রাণ কাঁদিয়া উঠিয়াছিল, তিনি দয়ার সাগর বিদ্যাসাগর । আর এই বিংশ শতাব্দীতে বালবিধবার আল্লায়িত কেশপাশ, ছিন্ন মলিন বসন, বিমর্ষ মুখমণ্ডল দেখিয়া আর একজন মহাপুরুষের প্রাণে ব্যথার করুণ সুর বাজিয়া উঠিয়াছিল, তিনি ভারতপূজ্য স্মার আশুতোষ মুখোপাধ্যায় ! সমাজ কত প্রকারে তাঁহাকে লাহিত করিয়াছিল, বিবেক-বুদ্ধি-প্রণোদিত আশুতোষ সেদিকে ভ্রক্ষেপ না করিয়া আপন বিধবা হৃহিতার পুনর্বিবাহ দিয়াছিলেন । আজ এই যে দেশে স্থানে স্থানে বালবিধবার বিবাহ হইতেছে, এই অল্পপ্রেরণা লোকে লাভ করিয়াছে স্মার আশুতোষের দৃষ্টান্তে ।

বঙ্গালার স্ত্রীশিক্ষার প্রসারের জন্ত যদি কাহারও নাম চিরস্মরণীয় হইয়া থাকে তবে থাকিবে পণ্ডিত ঈশ্বরচন্দ্র বিদ্যাসাগর, রাজা রামমোহন রায় ও স্মার আশুতোষ মুখোপাধ্যায় মহাশয়ের । তিনি যদি আরও কিছুদিন জীবিত থাকিতেন তবে

বাকালার স্ত্রী-জগতে শিকার প্রসারতা আমরা আরও দেখিতে পাইতাম ।

বাকালার দুর্ভাগ্য -বাকালী মহিলার দুর্ভাগ্য এই যে এত বড় একটা দেশ-প্রেমিক, নারী সমাজের কল্যাণ-কামী, ভারতের গৌরব-স্তম্ভ মাত্র

৬০ বৎসর বয়সে কর্মজীবনের অপরাহ্নে চলিয়া গেলেন ! তাঁহার পাঞ্চ-ভৌতিক দেহ চিত্তানলে ভস্মীভূত হইয়াছে, রহিয়াছে বাকালীর হৃদয়-মন্দিরে তাঁহার কর্ম-জীবনের প্রতিভা অঙ্কিত,—সুন্দর চিত্রপট ।

## ব্যথিতা

( কথিকা )

শ্রীবেলাগুহ ।

সেদিন বিদায়ের কালে সে প্রভাতের শিশির সিক্ত পদ্ম-পাপড়ির মত তার অশ্রু সজল চোখ দুটি তুলে—সাহানার মতই করুণ স্ববে আমাকে বলে গিয়েছিল,—“আবার আস্ব গো—আবার আস্ব । তোমার সনে আবার আমার দেখা হ’বে পথের শেষে ছুকুল ভাঙ্গা নদীর কূলে—যেখায় আলো আঁধার নিবিড় আলিঙ্গনে এক হ’য়ে মিশে গেছে !”

সেদিন থেকে আধ অবধি অসীম ব্যাকুলতা বৃকে নিয়ে বসে আছি তারই প্রতীকায় ।

সারাদিনটি ধরে’ বাতায়ন-পথে একলাটি বসে আনমনে চেয়ে থাকি ওই সুদূর অসীম নীল আকাশের দিকে । সকাল হ’তে সন্ধ্যা আবার সন্ধ্যা হ’তে সকাল কত দৃষ্টই না আমার চোখের সামনে ভেসে যায়—কত কাণ্ডা, কত হাসি, কত অলো, কত গান ! কিন্তু কৈ আমার প্রাণের তারে ত তাদের সাড়া জাগে না । পাষণ দেয়ালের গায়ে ঢেউয়ের মত সবই যেন আমার হৃদয়-তলে ব্যর্থ হ’য়ে চূর্ণ হ’য়ে যায় ।

ভোরবেলাকার ফুলগুলি সোহাগভরে এ-ওর কাণে কাণে প্রাণের গোপন কথা জানায়—রং-বেরঙের প্রজাপতির নূতন আলোয় রঙিন পাখা উড়িয়ে হেলে ছলে গিয়ে বসে আধ-ফোটা বেল-

কুঁড়িগুলির বৃকের উপর—তারা যেন কোন্ অজানা পুলকে ঘুমের ঘোরেও শিউরে শিউরে ওঠে, বুর বুর করে গাছগুলোর পুরাণো শীর্ণ পাতাগুলি ঝরে ঝরে পড়ে ।

পাতা-ঝরার করুণ বেদনা,—কেয়াবনের দীর্ঘ-নিশ্বাস,—‘চোখগেল’র বুক-ফাটা ডাকাডাকি আর আমার একটানা সুদীর্ঘ জীবনের ব্যর্থতা—আমাকে করে দেয় আরও আনমনা !

বহু যুগের পদচিহ্নে আঁকা ওই রাজা মাটির বাঁকা পথখানির পানে দিনরজনী আকুল-তৃষিত চোখে চেয়ে থাকি—যে পথ এসেছে ঐ শূন্য প্রান্তরের প্রান্ত থেকে সরিস্রপের মত এঁকে বেকে—ঐ বালু-তীরের উপর চির পরিচিত খেয়াঘাটের পাশ দিয়ে—থেমেছে এসে আমারই নিষ্ফুট নিকুঞ্জের ছায়া-বাটে !—যেখানে কোন দিন কোন লোকের আসা-যাওয়া হয়নি—পায়ের রেখা সেখানে নেই ! যেদিকে তাকাও কেবলই সবুজ-রূপ-রস আর গন্ধে ভরা ! আর দূরে—বহুদূরে একটা অনাবিল নীলের অসীম পরিমা তাকে বৃকে জড়িয়ে অনন্ত সমাধিতে মগ্ন হ’য়ে রয়েছে !

সকাল সাঁকে, আকাশে বাতাসে, পল্লবে যে রং ধরে সে যে আমার প্রিয়-র প্রাণেরই রং, তাপা-

ফুলের পাতিয়-চাপা বদীর-মিষ্টি গন্ধ টুকুন যে সে  
কুসুম-পেলব অদেরই সুমধুর গন্ধ!

• কিন্তু আমার চেয়ে থাকা আর ফুরোয় না—  
দেখতে দেখতে দূরের বাঁপসা আর ছায়াতে চোখ  
দৃষ্টি হারিয়ে ফেলে উদাসী হাওয়ার নিখাসের সাথে  
সাথে আমার মনও ভরে যায় গোপন অতৃপ্তিতে ও  
নিষ্ফলতায়! আমার চোখের পাতা ছুটি বেদনার  
অশ্রুতে সিঁক হ'য়ে ওঠে, বুক ছাপিয়ে একটা  
কাঁয়ার করণ সুর বেজে ওঠে—

“ওগো আর কতদিন—ওগো আর কতদিন  
রব আমি তব পথ চেয়ে,  
দিন যে ফুরিয়ে এল—রবি জ্যোতিঃ হীন,  
অন্ধকার নামে ধরা ছেয়ে।”

দিন শেষের শেষ আলোটুকুও আস্তে আস্তে  
সরে যায় পশ্চিম আকাশের কালো কালো মেঘের  
ভিতর দিয়ে, রাতের আঁধার নেমে আসে ধরার তপ্ত  
বুকে—ঠিক প্রিয়ের পরশের মতই শীতল মধুরতার  
পরশখানি!

• আমার নিরীহা গৃহকোণের প্রদীপখানা জ্বালা  
হ'তে না হ'তেই নিভে যায়। আমি ভাবি—  
“আমার কি হ'বে আলোতে? আমার বুক-ভরা  
আঁধার নাকি একটা ক্ষীণ প্রদীপের স্নান আলোতে  
ঘুচে যাবে?”

পূরবীর অশ্রু ভরা রাগিণীর মত তার আসার  
আশাও দিনান্তের ক্লাস্তি-নিঃখাসের সঙ্গে মিলিয়ে  
যায়!

গভীর অন্ধকারের বাহবেষ্টনের মরণ-আঘাতে  
আমার কণ্ঠ সাহানার মত করুণ সুরে কেঁদে  
বলে, “ওগো আমার প্রিয়, আমার হৃদয় বেদনায়  
ভ'রে গেছে—সেই বিদায় দিনের ব্যথার বাণী  
আজও আমার মন-সেতারের তারে, তারে বেসুর  
বাজছে—তুমি কি আর আসবে না? আমার  
এতদিনের আকুল পথ চাওয়া কি ব্যর্থ হ'য়ে যাবে?  
বন্ধের গোপন আশার কোরকগুলি বাসি ফুলের  
পাপড়ির মতই কি ধুলার বুকে এমনি ক'রে ঝরে  
যাবে?”

আমার আঙিনার পাশে সেই পথের ধারের  
নব মল্লিকার ঝাড় কাঁপিয়ে কাঁপিয়ে ঝড়ো হাওয়া  
এসে বারে বারে আমার কঁকরু ধারের কাছে আছড়ে  
প'ড়ে ডাক দিয়ে ব'লে যায়—“ওগো বিরহি, তোমার  
প্রিয়-র বাণী ত তোমারই নিকুঞ্জ ফোটা গন্ধে  
বিভোল ফুলদলের আগরণের ভাষায় লুকিয়ে আছে;  
সে বাণী তো কানাকানি ক'রছে কেমনাবনের নৃত্য-  
দোহল ওই মর্মগীতির ছন্দের সাথে, সে-ও তো  
তোমার বাণী খুঁজে বেড়াচ্ছে লোকালয়েরই  
তীরে তীরে!”

## সুখ ও দুঃখ

শ্রীমতী আমোদিনী ঘোষ।

ধাতা শুধালেন “নর, কি তব প্রার্থনা?”

নর কহে, “ধরা তব আনন্দ সদন,

আনন্দে উদ্ভব সৃষ্টি আনন্দে বিলয়,

তার মাঝে কেন দিলে দুঃখের বেদন?”

ধাতা কন “হায় মূঢ় বুঝাই কেমনে,

পুষ্পরূপে ফোটে সুখ দুঃখ তরুপরে,

দুঃখেই বিদায় দিলে সুখ যাবে সাথে,

বেদনা গোপনে থাকি বহে আনন্দেই!”

## নানা কথা

### বাল্যলার বাহিরে বাঙ্গালী মহিলার কৃতিত্ব—

এবার কালী হিন্দু বিশ্ববিদ্যালয়ের সংস্কৃত এম-এ পরীক্ষার প্রথম বিভাগে উত্তীর্ণ হইয়া সর্বোচ্চ স্থান অধিকার করিয়াছেন একজন বাঙ্গালী মহিলা। ইহার নাম কুমারী আশালতা অধিকারী।

বাঙ্গালী মহিলার এ কৃতিত্বে বাল্যলার মুখ বিশেষ উজ্জ্বল হইয়াছে।

### ব্রহ্মমহিলা কনফারেন্স—

ব্রহ্মদেশের পাংদে নামক স্থানে ব্রহ্মদেশীয় মহিলাগণের একটি কনফারেন্স হইয়া গিয়াছে। সভায় প্রায় দুইশত বিভিন্ন নারীসম্প্রদায়ের প্রতিনিধি উপস্থিত ছিলেন। বিদেশী বস্ত্র বর্জন, স্বায়ত্তশাসন লাভের জন্ত বিশেষ ভাবে প্রচার করা প্রভৃতি কয়েকটি প্রস্তাব গৃহীত হইয়াছে। যে সকল যুবক ইংরাজী ক্যান্সানে চুল কাটিবে তাহাদিগকে কোন স্ত্রীলোক বিবাহ করিবে না—এই প্রস্তাবটিও সভায় সর্বসম্মতিক্রমে গৃহীত হইয়াছে।

### বিধবা বিবাহ—

সম্প্রতি বঙ্গীয় সমাজ সংস্কার সমিতির উদ্যোগে কলিকাতা আমহাট্ট স্ট্রীটস্থ বঙ্গীয় হিতসাধন মণ্ডলীর বাড়ীতে হিন্দু-শাস্ত্রানুসারে একটি বিধবার বিবাহ কার্য সম্পন্ন হইয়া গিয়াছে। বর—যশোহর জেলার নবাবপুর নিবাসী শ্রীযুক্ত রসিকলাল বিশ্বাস। বয়স ২১ বৎসর, বর্তমান বৎসরে তিনি বি-এ পরীক্ষা দিয়াছেন। পাত্রী—শ্রীমতী দেববানী করিমপুর জেলার সাতপুর গ্রাম নিবাসী শ্রীযুক্ত গরালীচরণ বিশ্বাসের কন্যা। শ্রীমতী দেববানীর বয়স তখন মাত্র নয় বৎসর যখন তাহার স্বামী যুদ্ধে নিহত হইয়া যান। শ্রীমতী দেববানী বাল্যলার লেখাপড়া বেশ ভালরকম জানেন। বর ও কন্যা উভয়েই নমঃশূদ্রশ্রেণীর। কলিকাতা সংস্কৃত কলেজের অবসরপ্রাপ্ত অধ্যাপক পণ্ডিত মুরলীধর বন্দ্যোপাধ্যায় মহাশয় হিন্দুশাস্ত্র অনুসারে এ বিবাহের পৌরহিত্য করিয়াছিলেন। বিবাহসভায় নমঃশূদ্র শ্রেণীর বহু ভ্রাতৃ ও শিক্ষিত ব্যক্তি এবং শ্রীযুক্ত রাজেন্দ্র বিদ্যাসূর্য, ডাঃ সুনীতি চট্টোপাধ্যায়, অধ্যাপক কালী প্রসন্ন দাস গুপ্ত, ডাঃ ডিঃ এন, মিত্র, শ্রীযুক্ত পীযুষকান্তি ঘোষ, অধ্যাপক দেবেন্দ্র নাথ রায় প্রভৃতি বিশিষ্ট ব্যক্তিগণ উপস্থিত ছিলেন।

### কুম্ভিহার বালিকা বিদ্যালয়—

গত ১৩১৮ সালে বরিশালের কুম্ভিহার নামক গ্রামে এই বিদ্যালয়টি স্থাপিত হয়। কিছুদিন পূর্বে এই বিদ্যালয়ের পুরস্কার বিতরণী সভা হইয়া গিয়াছে। সভায় বিদ্যালয়ের জন্ত একটি গৃহ নির্মাণের প্রস্তাব উঠে। বহু ভ্রাতৃলোক চাঁদা দেওয়ার প্রতিশ্রুতি করেন। জনৈক ভ্রাতৃমহিলা এই শুভ উদ্দেশ্যে তাঁহার কানের ফুল খুলিয়া দেন। আমরা শুনিয়া সুখী হইলাম যে, এই বিদ্যালয়ে বালিকাগণকে লেখাপড়ার সঙ্গে সঙ্গে চরকার হতা কাটিতে শিক্ষা দেওয়া হয় এবং ভবিষ্যতে যাহাতে তাহারা উন্নত চরিত্র হইয়া স্নিগ্ধা গৃহিণী এবং উপযুক্ত মা হইতে পারে তাহা বিবেচনা বিশেষ দৃষ্টি রাখা হয়।

### বিধবাবিবাহ সম্বন্ধে মহাত্মাজীর অভিমত—

“নবজীবন” পত্রের বিধবাবিবাহ সম্বন্ধে মহাত্মা গান্ধী লিখিয়াছেন যে, দশ বৎসরে কন্যার বিবাহ দিলে পিতার কোন পুণ্যই হইতে পারে না। যে কন্যার আজ বিবাহ হইয়া আজই পতি মরিয়া গেল, তাহাকে বিধবা বলিতে পারি না। বৈধব্য সম্বন্ধে বাড়াবাড়ি করিয়া আমরা মহাপাপ করিতেছি। যদি বিধবাদের সুরক্ষিত করিতে হয়, তাহা হইলে পুরুষদেরও কি নিজধর্মের বিচার করা আবশ্যিক হয় না? স্বীকার মন বিধবা হয় নাই তাঁহার শরীর বিধবা হয় কি করিয়া? তাঁহার প্রতি তাঁহার পিতার কর্তব্য কি? তাঁহার পলায় ছুরি মারিলেই কি পিতার কর্তব্য পালন করা হইল?

বৈধব্যের পবিত্রতা রক্ষার জন্ত, ধর্ম রক্ষার জন্ত এবং সমাজের সুব্যবহার জন্ত আমি অনেক চিন্তার পর নিম্নলিখিত নিয়মগুলির আবশ্যিকতা বিবেচনা করিতেছি :—

(১) কোন পিতা ১৫ বৎসর বয়সের পূর্বে কন্যাকে বিবাহ দিতে পারিবেন না।

(২) ১৫ বৎসর বয়সের পূর্বে বিধবাদের বিবাহ হইয়া গিয়াছে এবং ১৫ বৎসরের মধ্যেই যাহারা বিধবা হইয়া গিয়াছে, তাহাকে পুনরায় বিবাহ দেওয়া পিতার ধর্ম হইবে।

(৩) ১৫ বৎসর বয়সের বালিকা যদি বিবাহের এক বৎসরের ভিতর বিধবা হইয়া যায়, তাহা হইলে মাতাপিতার কর্তব্য হইবে তাহাকে পুনরায় বিবাহ করিতে উৎসাহিত করা।

(৪) আত্মীয়স্বজনের প্রত্যেকেরই বিধবাকে সম্পূর্ণ আদর করা উচিত। মাতা, পিতা, স্বশ্রু, শাশুড়ী সকলেরই বিধবার জ্ঞানবৃদ্ধির জন্ত যত্নবান্ হওয়া কর্তব্য।

মাতৃ মন্দির



মায়ের কোলে

ANASI PRESS.  
CALCUTTA







২য় বর্ষ

শ্রাবণ—১৩৩১

৪র্থ সংখ্যা

## অতুলনা

শ্রীমতী আমোদিনী ঘোষ ।

“অতুলনা ভারত ললনা” ;  
 দূরগত অতীতের লুপ্ত চিত্রশালা  
 ঘেরি উঠে সঙ্গীত মূর্ছনা ।  
 লক্ষ শিখে রশ্মি চালে আরতির দীপ,  
 কণ্ঠে কণ্ঠে বঙ্কত বন্দনা,  
 বাজে মাতুলিক শব্দ বর্ষে পুষ্পাঞ্জলি,  
 মুগ্ধ চক্ষে নেহারে কল্লনা—  
 অতুলনা ভারত ললনা ।

লাজে নত শির বর্তমান ;  
 শূন্য সৌধ আগে বৃকে লইয়া তিমির,  
 নীরব মুরলী বীণা জন ।  
 মৃত্যু মেলি আশ্র হাশে ব্যাধির নীড়েতে,  
 ভীতি করে নিত্য অভিযান,  
 মূর্খতার আলিঙ্গনে সুমার কুজতা  
 ঈর্ষা মেলে জিহ্বা লেলিহান ;—  
 লাজে নতশির বর্তমান ।

# বঙ্গনারী

শ্রীবেণোয়ারীলাল গোস্বামী ।

[ এই প্রবন্ধের পূর্বার্ধ ১৯৩০ সালের কাঙ্ক্ষন সংখ্যার মাতৃ-মন্দিরে বাহির হইয়া গিয়াছে ]

পূর্ব প্রবন্ধে বলিয়াছি অস্তঃপুর-কারা হইতে জীলোকদিগকে বাহির হইতে হইবে। আজীবন অস্তঃপুরে রুদ্ধ বায়ুতে থাকার ফলে সহরবাসিনী নারীদের মধ্যে শতকরা ৯০ জন রুগ ও অস্থু, এই স্বাস্থ্যহীনা রমণীরাই আবার সম্ভানের জননী। রুগ মায়ের সম্ভান কখনই স্থু ও নিরাময় হইতে পারে না। বর্তমানকালের বাঙ্গালীদের স্বাস্থ্যহীনতার ইহাই অশ্রুতম কারণ। শরীরের সঙ্গে মনের সম্বন্ধ খুব নিকট, কাজেই রোগজীর্ণ মস্তক কখনই মনীষার আধার হইতে পারে না, তন্নির অস্থু দেহে মানসিক পরিশ্রম ও পরিপাক হয় না। আমাদের দেশে শিক্ষিত সম্প্রদায়ের বহুমাত্র, অজীর্ণ প্রভৃতি রোগ ও অকালমৃত্যু ইহারই অনিবার্য পরিণাম। যাহা হউক জাতিতে প্রত্যাসন্ন ধ্বংসের করাল কবল হইতে রক্ষা করিতে হইলে নারীদের পায়ের শৃঙ্খল উন্মুক্ত করিতে হইবে, ঘরের বাহিরে প্রকৃতির প্রাক্তনে স্বাধীনতার সঙ্গে তাহাদের পরিচিত করিতে হইবে।

যে নারীর প্রতি আমাদের পিতৃপুরুষগণের সম্মন ও সৌজন্দের সীমা ছিল না—যে বরণ্য জাতির ব্যবস্থাকার মনুষ্পট ভাষায় বলিয়া গিয়াছেন “শোচন্তি আময়ো যত্র বিনশ্চত্যাশ্চ তৎকুলং। ন শোচন্তি তু যত্রৈতাঃ বর্জতে তচ্ছি সর্কদা” অর্থাৎ “যে গৃহে কুলকামিনীগণ ছুঃখে কাল কাটায় সে গৃহ ঘরায় বিনষ্ট হয়, ইহারা যেখানে স্থুখে থাকে সে গৃহের দিন দিন শ্রুষ্টি হয়।” সেই প্রাচীন আর্ধ্য জাতির বংশধর হইয়া আমরা জীলোকদের প্রতি এত অবহেলা ও অনায়া দেখাই কেন, তাহা বাস্তবিকই ভাবিবার বিষয়।

জীলোকদের স্বাধীনতা দিবার পূর্বে চাই পুরুষদের নৈতিক বৃদ্ধির আগরণ। যতদিন না দেশের পুরুষেরা নারীদের সম্বন্ধের চক্ষে দেখিতে অভ্যস্ত হইতেছে, যতদিন না পুরুষ কঠোর সাধনার দ্বারা অস্তরস্থ হীন প্রবৃত্তিনিচয়কে জয় করিতে পারিতেছে ততদিন জীস্বাধীনতা স্বকলপ্রস্থ হইবে না। একথা অবশুই স্বীকার্য যে বর্তমান সময়ে পুরুষদের মধ্যে নীতি ও সমাজের বন্ধন যথেষ্ট পরিমাণে শিথিল হইয়াছে। সমাজও অন্ধশ্রেহের বশবর্তী হইয়া ( কারণ পুরুষদের হাতেই সমাজ ) পুরুষদের ব্যবহার্য জটীবিচ্যুতি নির্কিচারাে কমা করিয়া থাকেন, যতদিন না নারী ও পুরুষের মধ্যে খাঙ্খ খাদকের সম্বন্ধ গিয়া স্ফূট প্রীতির বন্ধন স্থাপিত হয় ততদিন জীস্বাধীনতা আদৌ নিরাপদ নয়।

বিশেষতঃ আজকাল যে প্রাণালীতে মেয়েদের শিক্ষা দেওয়া হইতেছে আমরা তাহার বিরোধী। কতকগুলি সেক্সপীধর মিল্টন গলাধঃকরণ করিয়া ও তাহার জাবর কাটিয়া আমাদের দেশের ভাবী জননীরা যখন ডিগ্রীর তক্মা বুলাইয়া কলেজ হইতে বাহির হন তখন তাঁহাদের কঙ্কালসার পাণ্ডুর মুষ্টিগুলির পানে চাহিয়াই গভীর ব্যথায় বুক ভরিয়া যায়। অধুনাতন এই পাশ্চাত্য শিক্ষা আমাদের দেশের পক্ষে সম্পূর্ণ অস্থপযোগী। আমাদের বিশ্বাস এই অযোগ্য শিক্ষার ফলে এদেশের মেয়েদের মধ্যে দয়া স্নেহ মমতা প্রভৃতি জীস্বলভ স্বকুমারবৃত্তির দিন দিন অপচয় ঘটতেছে। এই ধর্মহীন শিক্ষার ফলে নৈতিক চরিত্র স্ফূর্তিলাভ করিবার সুধোপ পাইতেছে না।

পত কাঙ্ক্ষনমাসের বঙ্গবাণীতে প্রকাশিত

“সিংহের বিবরে” শীর্ষক প্রবন্ধে শ্রীমতী সরলা দেবী যে ভাষায় বন্ধুবর প্রবীণ সাহিত্যিক বতীন্দ্রমোহন সিংহ মহাশয়কে আক্রমণ করিয়াছেন তাহাতে সন্দেহভরতা এবং কচির সম্মান পদে পদে ক্রম হইয়াছে। সিংহ মহাশয় বিধবার “প্রেমে পড়ার” বিরুদ্ধ মত পোষণ করেন বলিয়া পাশ্চাত্য শিক্ষার সুশিক্ষিতা শ্রীমতী সরলা “পরকীয়া” প্রকৃতির উল্লেখ করিয়া যেরূপ তীর্থ্যক ভঙ্গিতে কটুক্তি করিয়াছেন তাহা দেখিয়া বর্তমান জ্ঞানিকার প্রতি আমাদের বিশ্বাস সম্পূর্ণ বিচলিত হইয়াছে। একজন শিক্ষাভিমানিনী রমণী যে এইভাবে কোমল বাধিয়া কলহ করিতে পারেন তাহা আমাদের অজ্ঞাত ছিল। যে সহস্র কোমলতা ও বাক্যসংঘম কামিনীর কমনীয়তাকে এক স্বর্গীয় সুসমায় পূর্ণ করিয়া রাখে — প্রচলিত জ্ঞানিকা যদি তাহার সহায়ক না হইয়া বিলোপের কারণ হয় তবে তাহার চেয়ে পরিতাপের বিষয় আর কি হইতে পারে? বাস্তবিক, সারহীন পুস্তক পাঠ করিয়া আমাদের মেয়েদের বুদ্ধি বিপৃথ-গামী হইতেছে। মোপাসাঁ, ব্যালজাক্ প্রভৃতি পাশ্চাত্য লেখকগণের কুরুচিপূর্ণ অশ্লীল গল্প উপন্যাস পাঠ করিয়া চিত্ত এত কলুষিত হইয়াছে যে শীলতার সীমারেখা লঙ্ঘন করিতে তাহাদের একটুও বাধে না অথবা মন্দকে মন্দ বলিয়া চিনিবার চেতনা পর্যন্ত লোপ পাইয়াছে। বিলাতী সভ্যতার স্রোতে তাহারা একেবারে গা ভাসাইয়া দিয়াছেন আপাত-রম্য প্রবৃত্তির পথকেই শ্রেয়ঃ মনে করিয়া তাহারই শরণাপন্ন হইয়াছেন। তা ছাড়া নারী পুরুষের প্রকৃতি যখন স্বতন্ত্র, তখন শিক্ষা কখনও এক হওয়া উচিত নয়। পুরুষদের মত বি-এ, এম-এ পাশ করিলেই যে চরম সুশিক্ষা হইল তাহা যেন কোন রমণী মনে না করেন। যে শিক্ষার স্বদয়বৃত্তির উল্লেখ হয়—যে শিক্ষা নারীস্বদয়কে এক হ্রদ মণি ময়ূরার পরিণত করে—প্রতিভার সহিত মাধুর্যের, দৃঢ়তার সহিত কারুণ্যের অপূর্ণ সমন্বয় ঘটাইয়া দেয় তাহাই প্রকৃত জ্ঞানিকা নামের যোগ্য। অপিচ,

দেশের বা কিছু সমস্তই অকিকিৎকর ও বিদেশের শিক্ষা দীক্ষা সকলই চমৎকার এই ভ্রান্ত ধারণাই সমস্ত বিপত্তির মূল।

মেয়েদের স্বাধীনতা দিতে হইবে কিন্তু তাহাও ক্রমে ক্রমে। অবরোধের অঙ্ককারে চক্ষু বাহার দীপ্তিহীন, মধ্যাহ্ন-রবির প্রথর রশ্মি তাহার সহিবে কেমন করিয়া? বাস্তবিক সমাজের স্বাস্থ্য রক্ষা করিতে হইলে দেশীর সহিত বিলাতীর কলম বাধিতে হইবে, বর্জন বরণের মধ্য দিয়া আদর্শকে আয়ত্ত করিতে হইবে।

অনেকের ধারণা নারীকে স্বাধীনভাবে বিচরণ করিতে দিলেই বুদ্ধি তাহার সতীত্বের হানি হইবে। প্রথম প্রথম ব্যভিচারের সংখ্যা হয়ত কিছু বেশী হইবে। কিন্তু এই অবাধ মিলনের অজস্র প্রলোভনের মধ্যেও যাহাদের চরিত্র-মহিমা অক্ষুণ্ণ থাকিবে সেই নারীরঙ্গণের অক্ষয় পুণ্যে ভাগ্যবিধাতা প্রসন্ন হইয়া দেশের উপর কল্যাণ ও আশীর্বাদ বর্ষণ করিবেন। নারীর অপমানের গুণ্য দায়ী কে? পুরুষ। পুরুষের লালসা-বহ্নিতে নারীর উৎসর্গ নূতন কথা নয়। তা ছাড়া, সতীত্ব কি কেবল বাহিরের বস্ত্র? কি তাহার সতীত্বের গৌরব? যে পরের প্রতি আসক্তি পোষণ করিয়া শুধু স্বযোগের অভাবে তাহা কার্যে পরিণত করিতে পারে না? স্বায়মনে যে পতিপ্রেমাত্মরাগিনী নয় সে আবার সতী কোন্‌খানে?

কামনার বশবর্তী হইয়া ভালবাসা—আর প্রণয়ের বশবর্তী হইয়া ভালবাসা, এক নহে। উদ্দাম কাম রিপুকে নিবৃত্তির ডোরে জীপুরুষ উভয়েই সমভাবে আবদ্ধ না করিলে, প্রেমের নির্মল সলিল আবিলতায় পূর্ণ হয়। ঘেব, হিংসা, পরত্রীকাতরতা ও অনৃত্ত-বাদিতা সতীত্বের নির্মাল্যের পরিপন্থী। পরপুরুষে অনাগস্ত রমণীও স্রামিকাহীনা গভী নহেন, যদি তাহার স্বদয়ে—অনুরাগি প্রবৃত্তি আশ্রয় গ্রহণ করিয়া থাকে। স্বর্গার বশবর্তী রমণী ঐশ্বরিকী সঙ্করী।

নারীপ্রকৃতির সহিত আমাদের বতটুকু পরিচয়

তাহাতে জানি যে দাম্পত্যসম্বন্ধে বদ্ধ হইয়া গৃহ পরিবারে প্রতিষ্ঠিত হওয়া নারীর পক্ষে স্বাভাবিক । স্বতরাং জ্ঞান শিক্ষা বিষয়ে চিন্তা করিতে গেলে নারীর পারিবারিক কর্মক্ষেত্রেই সর্বাগ্রে গণনা করিতে হয় । এই হিসাবে পতিসেবা ও সম্ভান পালন নারীর প্রথম এবং প্রধান কর্তব্য । যে জননী পুত্রের অন্ততঃ ১১০ বৎসর পর্যন্ত শিক্ষার ভার নিজ হস্তে রাখিতে না পারেন তাঁহার শিক্ষা কিছুই হয় নাই জানিতে হইবে । স্বাস্থ্যতত্ত্বের স্কুল নিয়ম-গুলি প্রত্যেক নারীরই জানা থাকা উচিত ।” এক কথায় উপযুক্ত জননী, সেবাপরায়ণা সহধর্মিণী, নিপুণ গৃহিণী ও জনপ্রিয় প্রতিবেশিনী হইতে হইলে যেরূপ শিক্ষার প্রয়োজন তাহাই হইল প্রকৃত জ্ঞান শিক্ষা । লোকসমাজে ধর্ম ও নীতির মর্যাদা রক্ষাও জীলোকের কাজ । পাপের প্রতি বিরাগ ও সাধুতার প্রতি অহুস্রাপ নারী চরিত্রের স্বাভাবিক ধর্ম, তাহাতে এই স্বাভাবিক বৃত্তি উন্মেষলাভ করিতে পারে সে বিষয়ে লক্ষ্য রাখা শিক্ষার অমূল্যতম কর্তব্য । পূর্বে বলিয়াছি আধুনিক শিক্ষাযাত্রা-কালের মধ্যে পড়িয়া রমণীহুলভ কান্ত কোমল গুণাবলীর হ্রাস হইতেছে । রমণী—কল্যাণী, গৃহলক্ষ্মী ; সংসার-সাগর মন্থনোচিত গরল পান করিয়া রমণী পুরুষের জন্ত অক্ষয় অমৃত সঞ্চিত করিয়া রাখে । অতএব যে শিক্ষা এই সমস্ত গুণ বিকাশের পরিপন্থী তাহা কর্ণনই সমীচীন হইতে পারে না । রোগার্জ ও দরিদ্র নারায়ণের সেবা, বিপন্নের বিপদহ্রাস নারীর অপর কর্তব্য । আমরা পরের দোষটা অহুকরণ করি, গুণের খবরও লইনা । গীড়িতের আর্ডনাদ শুনিয়া চক্ষু করুণার্জ করিয়া কি বল যদি তাহার কোন কাজেই না লাগিলাম ? সে সহানুভূতিতে কি প্রয়োজন যাহা শূন্যগর্ভ হুচারিণী বাক্য ও হুএক বিন্দু অশ্রু ব্যতীত আর কিছুই প্রসব করিল না ! Florence, Nightingale প্রভৃতি ইংরাজ কুমারীর সেবার কথা আমরা জানি ; কিন্তু সেইরূপ নিঃস্বার্থ-সেবা ও পরহিতব্রতে দীক্ষিত হইতে পারি কিজন ?

পরিশেষে বক্তব্য আমাদের সমাজের যে অবস্থা তাহাতে মহিলাকুল সম্পূর্ণভাবে পুরুষের মুখাপেকী । প্রায়ই দেখা যায় স্বামী বা অন্য কোন অভিজ্ঞাবকের তিরোधानে নারী পরের পক্ষগ্রহ হইয়া পড়ে । এক মুষ্টি অন্ন ও একখানি পরিধেয় বসনের জন্ত শত লাহনা, অবমাননা সহিয়াও পরের আশ্রয়ে তাহাদের পড়িয়া থাকিতে হয় । এরূপ স্থলে যদি মেয়েদের সীবন ও বয়ন প্রভৃতি কার্যকরী শিল্প শিক্ষা দেওয়া যায় তবে নারীর অনেক অস্তায় লাহনা বাঁচিয়া যায় । আমরা সখ্যা নারীর রোজগার করিতে যাওয়ার পক্ষপাতী নহি তবে লাখি কাঁটা সহিয়া পরের আশ্রয়ে থাকিয়া কৌলীন্ড বজায় রাখাও সমীচীন মনে করি না । এমন দিনকাল পড়িয়াছে যে শিক্ষিতা বধুর পাকশালায় গেলে মাথাধরে, রাত্রিদিন নভেল গুঁজিয়া না থাকিলে হজমের ব্যাঘাত হয় । সকলেই কিছু সমৃদ্ধির অধিকারী হয় না অতএব দারিদ্র্যের মধ্যে শান্তির আশ্বাস পাইতে হইবে । দারিদ্র্য যে পথের পাথর হরণ করিতে অক্ষম, সেই ধর্মের পথ অবলম্বন করিতে হইবে নতুবা এই অকৃত্রিম শিক্ষাবিধি আপনি আপনাকে অহুরিত, পল্লবিত ও ফলবান করিয়া তুলিবে তাহাতে কিছু মাত্র সন্দেহ নাই ।

হিন্দুর বৃহৎ একাঙ্গবর্তী পরিবার । মাতাপিতা, ভ্রাতা ভ্রাতৃবধু পুত্রকন্যাদি লইয়া অদূর অতীতেও হিন্দু যে স্বথের বিপুল নীড় রচনা করিয়া নিরবচ্ছিন্ন শান্তিতে কাল কাটাইত তাহা সহজে বিশ্বাস হয় না । আজ আমাদের ঘরে ঘরে ইংরাজী ভাব ঢুকিয়াছে, উপার্জনক্ষম হইলেই আমরা সন্তীক নিজের পথ দেখিয়া লই—জীবিকাকর্মে অক্ষম বৃদ্ধ মাতাপিতাকে গলগ্রহ বলিয়া মনে করি । ভায়ে ভায়ে সন্তাব নাই—ভায়ে ভায়ে দারুণ বিরাগ । একদিন ছিল যেদিন ছোট ভাই বড় ভাইকে সংসারের সর্বময় কর্তৃত্বের আসনে প্রতিষ্ঠিত করিয়া কৃতার্থ হইত, দাদাও ভাই বলিতে আশ্বহারা হইত । সেদিন আর নাই ।



কোথায় গেল সেই স্নেহ-স্বরধুনীর পবিত্র ধারা !  
কোথায় আজ সেই অটল বিশ্বাস, অমের প্রেম ও  
অনন্ত নির্ভর ? বহুসময়ে এই আত্মবিচ্ছেদের মূলে  
রুমী'র স্বার্থপরতা, জ্বরে জ্বরে মনোমালিন্য ।  
আমার স্বামী উপার্জন করেন অতএব সে অরে  
আমি ছাড়া আর কাহারও অধিকার নাই এই হীন  
স্বার্থবুদ্ধিই গৃহবিবাদের একমাত্র কারণ । জীদিপের  
এই হীনচিত্ততার মূলে অশিক্ষা অথবা কুশিক্ষা ।  
তারপর স্বর্গ ও পুত্রবধুর সম্বন্ধে আজকাল বড়  
মধুর নয় । বোর্কাটকী শান্তী'র বাক্যের উদ্বায়  
ও অমাহুযিক অভ্যাচারে অর্জুরিত হইয়া কত  
স্নেহলতা যে অকালে মরণকে বরণ করিতেছে  
তাহার ইয়ত্তা নাই । পূর্বে স্বর্গ ও পুত্রবধুর  
সম্বন্ধ ছিল মা মেয়ের সম্বন্ধ, কনে বৌ পতিগৃহে  
আসিয়া শান্তী'র শীতল স্নেহচ্ছায়ায় বিচ্ছেদের  
সকল ছঃখ ভুলিয়া যাইত । তাই বলিয়া সেকালে  
শান্তী'রা পুত্রবধুদের তিরস্কার করিতেন না এমন  
নয় । স্নেহময়ী জননীর জায় দোষ সংশোধনের  
সাধু-ইচ্ছা লইয়া তাহার তিরস্কার করিতেন, গায়ের  
আলা মেটাইবার জন্ত নয় । স্নেহের মধ্যে যে  
কঠোরতা, প্রচ্ছন্ন মঙ্গলচ্ছা লইয়া যে ভৎসনা  
তাহা অকারণ ব্যবধানের সৃষ্টি না করিয়া মিলনের  
হৃদয় সেতু রচনা করিত । • কিন্তু আজকালকার

নভেল-গড়া শান্তী'দের তিরস্কারের ভিতরে আলাই  
সবখানি ; তিলপরিমাণ স্নেহের আভাসও তাহার  
মধ্যে পাওয়া যায় না । শান্তী'দের মধ্যে আর সে  
প্রাণ-খোলা সরলতা নাই । বৌ সারাদিন সমস্ত  
গৃহকর্ম করিয়া মরিল কিন্তু যেমনই পাড়াবেড়ানী  
বামান্দরীর আবির্ভাব হইল অমনই শান্তী'  
ঠাকুরাণীর মুখ হইতে তীব্রতা কোথায় চলিয়া গেল,  
উচুগলার স্নেহে গলিয়া বলিলেন "থাক থাক বৌমা,  
তুমি ছেলে মানুষ, তুমি কি এই আশুপের তাতে  
বসে ছুখ জাল দিতে পার ?" তারপর মোলায়েম  
ভাষায় একে একে বধুর গুণের যে তালিকাটা দিয়া  
গেলেন তাহাকে যদি কেহ বিপরীত অর্থে গ্রহণ  
করে তবে তাহার দোষ দেওয়া যায় না । স্বভাবতঃই  
এই সকল নিগৃহীতা বধুরা শান্তী' হইয়া তাহাদের  
পাওনা Compound interestএ আদায় করিয়া লয় ।  
এই বিরোধের মূলেও অশিক্ষা অথবা কুশিক্ষা ।  
ইহাদের মধ্যে বধুপক্ষ যদি এরূপ ভাবে শিক্ষিত হয়  
যে উদ্বায় সমস্ত উত্তাপ অবলীলাক্রমে সহিতে প্রস্তুত  
থাকে, সর্ববিধ ছর্ক্যবহারকে স্বচ্ছন্দমনে বরণ করিয়া  
লইতে অভ্যস্ত হয় তবে সেই আশুত্যাগের অমূল্য  
মূল্যে যে শান্তি ক্রীত হইবে তাহার কম কখনও  
হইবে না । জীশিক্ষা দিবার সময় এই কথাটা মনে  
রাখিলে অভূত উপকার সাধিত হইবে ।

## আনন্দ করু

শ্রী আশুতোষ মুখোপাধ্যায় কবিগুণাকর বি-এ ।

আনন্দ করু আনন্দ করু

এ যে আনন্দ ধাম,

ছঃখ দৈন্ত ভুলে যারে সব—

নিম্নে ছঃখের নাম ।

এ যে আনন্দময়ীর ভবন,

হেথা নাহি থাকে অভাব বেদন —

কোথায় এমন প্রেমের বাধন

স্বভাবের শোভা জ্বায় ?

একবার যদি শুধু 'মা' 'মা' বলে'

তাকিস্—বিপদ কোথা বাবে চলে'

পাখি নব বল, শেষে তাঁর কোলে

পাখি স্থান—কি আরাম !

# নির্বাণ

( গল্প )

## শ্রীআশুতোষ দত্ত বি-এ।

( ১ )

শৈশবে মাতৃহারা ও বাল্যে পিতৃহারা হইয়া  
বহুরশাস্ত্রীর মধ্যে নতন মাতাপিতা পাইয়া সকল  
অভাব, সকল দুঃখ তুলিয়াছিলাম এবং দেবোপম  
বহুরশাস্ত্রীর সেবা ও নারীজীবনের একমাত্র  
অবলম্বন, কোমলতায় ভরা আমার জীবন-সঙ্গীর  
সাহচর্য্যে জীবন সুখেই কাটিয়া যাইতেছিল—যেন  
সোণার ভরী মধুর হিম্মোলে হেলিতে ছলিতে সুখ  
সাগরে ভাসিয়া চলিতেছিল।

ঘোল বৎসর কাল এইভাবে কোথা দিয়া যে  
কাটিয়া গেল বলিতে পারি না। বাহাদের সংসারে—  
বিশেষতঃ বাহার হাতে—মাতৃহারা এই বালিকা  
কন্তাকে পিতাঠাকুর মহাশয় সমর্পণ করিয়া নিশ্চিত  
হইয়াছিলেন, তাঁহাদের অকপট মেহ ও সন্তদয়তার  
ছোট বড় কত পরিচয়ই যে পাইয়াছি তাহা বলিতে  
পারি না। এমন বহুরশাস্ত্রী এবং স্বামী পাইয়া  
কেবল আমিই যে ভাগ্যবতী বলিয়া গর্ব্ব অল্পভব  
করিতাম তাহা নহে, কত সংকীর্ণচেতা নারীও  
আমাকে হিংসা করিতে ছাড়িতেন না। যাক্ সে  
সকল কথা।

( ২ )

তখন পচিশে মাত্র পা দিয়াছি। কোজাগরী  
পূর্ণিমার সন্ধ্যায় তিনি পীড়িত হইয়া পড়িলেন।  
সেবার ঘরে ঘরে ইন্ধুয়েন্ডা। সারারাত্রির মধ্যে  
স্বামীর সংজ্ঞা দেখিলাম না। বড়ই ভয় হইল—  
কি জানি ভাপ্যে কি ঘটে! পরদিন ছপুরের পর  
আমিও ইন্ধুয়েন্ডায় শয্যা লইলাম, সবে সবে  
জানলোপ হইল। বিয়াল্লিশদিন পরে জাম ফিরিয়া

পাইলাম, কিন্তু বুদ্ধিতে পারিলাম আমি সে আমি  
নহি। জানিতে পারিলাম, ক্রমাগত আটাদিন  
অকসিঞ্জন গ্যাসের সাহায্যে আমার শ্বাসক্রিয়া  
বন্ধায় রাখা হইয়াছিল, অন্যান্য বাটটি ইন্ধুয়েন্ডায়  
দেওয়া হইয়াছিল; বরফ অভিকোলন ও ইউ-  
ক্যালিপ্টাস প্রভৃতির খরচের ত কথাই ছিল না।  
আত্মীয় স্বজনের, বিশেষতঃ সোদর প্রতিম দেবরের  
অক্লান্ত সেবাসুশ্রবা ও পূজনীয় বহুরঠাকুরের  
কৃগবচ্চরণে আকুল প্রার্থনায় যমঘার হইতে ফিরিয়া  
আসিয়াছিলাম। রোগীর পরিচর্যা যে কি ভাবে  
করা যাইতে পারে তাহার অলস্ত দৃষ্টান্ত আমার  
দেবর দেখাইয়াছিলেন। ভগবান্ তাঁহাকে দীর্ঘ-  
জীবি করিয়া সুখে স্বচ্ছন্দে রাখুন। আমার বহু  
ভাগ্য যে স্বামী আমার পূর্বেই আরোগ্য লাভ  
করিয়াছিলেন।

রোগ মুক্তির পর যে শিশুর স্বভাব পাইয়াছিলাম  
তাহা মনে করিলে এখন হাসি পায়। মনে আছে  
আহারে বিলম্ব হইলে কিরূপ কাঁদিয়া আকুল  
হইতাম। রহস্তালাপও বুদ্ধিতে পারিতাম না,  
রাগিয়া মরিতাম। পচিশ বৎসরের 'স্বরণি' গৃহিণী  
আমি, সে অবস্থায় পুতুল খেলাও করিয়াছি। কত  
আর ছাই বলিব! কিন্তু এ যে কাহিনীও নয়,  
কল্পনাও নয়! হায়, কি সরলতাই পাইয়াছিলাম!

( ৩ )

চিকিৎসকেরা আমাকে তুলা পশুমে আচ্ছাদিত  
পুতুলের স্তায় রাখিতে উপদেশ দিয়াছিলেন।  
তাঁহাদের ভয় ছিল আমার শরীর আরে কখন বৃহৎ  
ঘরের অপরিহার্য্য পরিষ্কারও সহ করিতে পারিবে না।

ভনিয়া আমি আতকে শিহরিয়া উঠিলাম। ও মা! সে কি গো? রমণী-জীবন লাভ করিয়া যদি আত্মীয় স্বজনের সেবায় অসমর্থ হইলাম, তবে এ জীবনের আবশ্যিকতা কি? অল্পদিনেই যে জীবন ছুর্কিসহ ভার হইয়া উঠিবে, স্বামীর গলগ্রহ হইয়া পড়িবে, দরিদ্রের গৃহে অশান্তির সৃষ্টি হইবে! শরীরে যেমন নববলের সঞ্চার হইতে লাগিল, মনোরক্তি যেমন প্রচলিত পথে চলাফেরা করিতে লাগিল, হৃদয় ততই ব্যর্থ জীবনের ছুর্কিসহ গুরুভার বহনের ভয়ে শিহরিয়া উঠিতে লাগিল। সদানন্দপুরুষ আমার স্বামীদেবতার মুখে ত্রিষাদের ছায়া দেখিলাম। ভাবনায় আকুল হইয়া, ভগবানের পাদপদ্মে শরণ লইলাম। “যদি এ জীবন ফিরাইয়া দিলে প্রভো, তবে আত্মীয় স্বজনের সেবা ও পরিচর্যার স্বখ হইতে বঞ্চিত করিও না, নারী-জীবন ব্যর্থ করিও না।” হৃদয়ের অকপট নিবেদন, ব্যথিতের কাতর ক্রন্দন যদি করুণাময়ের নিকট না পহুঁচিবে তাহলে যে তাঁহার অকলঙ্ক নামে কলঙ্ক হইবে!

কয়েকমাসের মধ্যেই সাংসারিক কার্য চালাইবার উপযুক্ত সামর্থ্য ফিরিয়া পাইলাম। স্বামী আমার পরিশ্রমে বাধা দিতেন না বটে, কিন্তু পরে যেমন বৃষ্টিতে পারিয়াছিলাম, তাঁহার মন হইতে আমার সম্বন্ধে উষ্মতা যায় নাই। বায়ু পরিবর্তন দ্বারা আমার স্বস্থ্যায়িত্ব হইবে এই আশায় তিনি স্বাস্থ্যকর স্থানে চাকরির চেষ্টা করিতে লাগিলেন। এই হতভাগিনীর চিকিৎসার ঋণ ও স্বাস্থ্যের চিন্তাই তাঁহার নির্মল জীবনাকাশে কাল মেঘের সৃষ্টি করিল। বৃদ্ধ ঠাকুর ও বর্ষীয়সী ঠাকুরাণী যে আমাদের অভাবে তাঁহাদের সেবা-নির্ভর জীবনে কত অসুবিধা ভোগ করিবেন! হতভাগিনী আমি! আমার নবজীবনের উন্মাদনায় এত বড় সত্যটা আমিও ভুলিয়া গেলাম। আত্ম স্বথের চিন্তা ও প্রচেষ্টাই যে মানব জীবনের সকল অশান্তির কারণ—একথা কেন ভগবান আমাদের মনে অহরহঃ আগুরু রাখেন না?

ছই তিন মাস বিদেশ বাসের পরেই আমরা উত্তরেই আমাদের ভুল বৃষ্টিতে পারিলাম। বাহাদের স্নেহাকলের নিবিড় আবরণে সংসারের সকল অসুকার, সকল কুকাটিকা হইতে আমাদেরকে আজীবন রক্ষা করিয়া আসিয়াছে, দয়াধর্মের অবতার সেই মাতাপিতা হইতে বিচ্ছিন্ন অবস্থায় থাকিয়া তাঁহার কাল্পনিক স্বথের মোহ অচিরে টুটিয়া গেল। প্রতি পক্ষেই স্বস্তর মহাশয় তাঁহার স্নেহের পুতুল নাতি নাতিনীর অল্প ব্যাকুলতা প্রকাশ করিতে লাগিলেন। আমাদের মানসিক চঞ্চলতাও বাড়িয়া উঠিতে লাগিল।

( ৪ )

সেদিনের কথা কখনও ভুলিতে পারিব না। ভাদ্রমাস; সেদিন অজস্রধারায় বৃষ্টিপাত হইতেছিল। সন্ধ্যার পূর্বেই স্বামী আমার বৃষ্টিতে ভিজিতে ভিজিতে বাসায় উপস্থিত হইলেন। শুষ্ক বস্ত্রাদি নিকটে ধরিয়া দিয়া ‘চা’ তৈয়ারের জন্য ‘টোভটি’ আলিতে যাইতেছি, অশ্রুভারকণ্ঠে তিনি বলিলেন, “চা তৈরি করতে হবে না।” মুখ পানে চাহিয়া দেখি তাঁহার চোক ছল ছল করিতেছে। ব্যাপার কি অসুসন্ধান করিতে সাহসে কুলাইল না। কিন্তু বৃথা কালক্ষেপের অবসর ত ছিল না। চোকের জল ফেলিতে ফেলিতে বলিয়া উঠিলেন, “বাবার বড় অসুখ, আমাদেরকে এই ক্ষণেই বাড়ী বেতে হবে, তুমি গোছ গাছ করে নাও আমি গাড়ী দেখি।” আধ ঘণ্টার মধ্যেই সেই দারুণ বর্ষার মধ্যে আমরা বাড়ী রওনা হইলাম।

• যখন আমরা দেশে পৌঁছিলাম, তখন রাজি প্রায় তিনটা হইবে। ষ্টেশন হইতে আমাদের বাড়ী বেশী দূর নহে, আমাদের মানসিক চঞ্চলতাও বড় প্রবল ছিল। জিনিষপত্র ষ্টেশনে রাখিয়া একটি মাত্র কুলি লইয়া, নিত্মাচুর ছেলেপুলেকে হাঁটাইয়া আধ ঘণ্টার মধ্যে বাড়ীতে উপস্থিত হইলাম। স্বাস্থ্য ঠাকুরাণীর চরণধূলি গ্রহণান্তে স্বস্তর মহাশয়ের নিকট উপস্থিত হইবামাত্র তিনি

উৎকল নরনে বলিয়া উঠিলেন, “আমার ঘরের লক্ষী ঘরে এসেছ মা ! দেখ মা, তোমাদের সেবা বন্ধ না পেয়ে আমার দেহের অবস্থা কি হয়েছে !” তখন তাঁহার রোগপাতুর মুখমণ্ডলে কি আনন্দ-অ্যোতিঃই শোভা পাইতেছিল ! আত্মীয় বন্ধুবান্ধবের সমাগমে রোগশয্যায় কত না সান্ত্বনাই আনে ! আমরা উভয়েই নির্ঝাক অবস্থায় শয্যাপার্শ্বে দাঁড়াইয়া আছি, চোখ হইতে টপ্ টপ্ করিয়া জল পড়িতে লাগিল ।

কমল ও অরবিন্দ এতক্ষণ তাহাদের পিতামহের শয্যাপার্শ্বে দণ্ডল করিয়া বলিতেছিল, “দাদাম’শায়, আমরা এসেছি ; এতদিন তোমাকে না দেখে আমাদের বড় কষ্ট হ’ত, দাদাম’শায় ।”

“এস দাদা এস, আয় দিদি আয় । তোদের না দেখেই আমার এ অস্থি, এবার আমি ভাল হ’য়ে যাব ।”

“দাদাম’শায়, তোমার মাথা ব্যথা ক’বুচে ? মাথার হাত বুলিয়ে দি’ ।” বলিয়া কমল তাঁহার মাথার ধারে গিয়া বসিল । অরবিন্দ আন্তে আন্তে পা টিপিতে লাগিল । মাতাঠাকুরাণী ইতিমধ্যে গরম ছুখ ও হালুয়া তৈয়ার করিয়া আনিয়া উপস্থিত হইলেন, ছেলে মেয়েদের খাওয়াইয়া তাঁহার পুত্রকে হাত মুখ ধুইতে বলিলেন ।

আমার স্বামী বরাবরই কম কথ্য কহিয়া থাকেন, কিন্তু তেমনই আবার ভাবপ্রবণ । পিতাঠাকুর মহাশয়ের স্বাস্থ্যভঙ্গ সঘনকৈ মনে মনে নিজেকে অপরাধী করিয়া লইয়াছিলেন । এই কাল্পনিক অপরাধের চিন্তা তাঁহার কোমল হৃদয়কে একরূপ মথিত করিতেছিল যে দীর্ঘ-দিবসের পরিশ্রম ও অনাহার তাঁহার মনে আদৌ স্থান পায় নাই । মাতাঠাকুরাণীর আগ্রহাতিশয্যে বজ্রাদি পরিবর্তন করিয়া সামান্ত কিছু আহার করিলেন । কিন্তু চিকিৎসকের নিকট হইতে কতকণে পিতাঠাকুর মহাশয়ের পীড়ার প্রকৃত অবস্থা শুনিবেন, এই উৎকর্ষায় শয্যাগ্রহণ করিতে পারিলেন না । দেখিতে দেখিতে রাত্রি প্রভাত হইয়া গেল ।

( ৫ )

ম্যালেরিয়ার কুগিতে কুগিতে শব্দ মহাশয় ক্রমশঃ দুর্বল হইয়া পড়িতে লাগিলেন । মধ্যে মধ্যে দুই চারি দিন একটু সুস্থ থাকিতেন বটে, কিন্তু প্রায়ই অর হইতে লাগিল । ক্রমে কুইনাইন ও ফিবার মিক্চারের উপর তাঁহার বিড়কা জন্মিল । তখন কবিরাজি চিকিৎসা আরম্ভ হইল । কবিরাজি ঔষধে প্রথম প্রথম কিছু উপশম বোধ হইল, ক্রমে তাহাও নিফল । রক্তহীনতার লক্ষণ প্রকাশ পাইল, সঙ্গে সঙ্গে আমাদের ভয়ও বাড়িয়া উঠিল । গ্রামের সকলেই তাঁহাকে বিশেষ ভক্তি জ্ঞান করিতেন, এবং সকলের সঙ্গেই তাঁহার বেশ সৌহার্দ ছিল । প্রায়ই দুই একজন আসিয়া তাঁহার সহিত গল্পজব করিয়া ও তাঁহাকে সাহস দিয়া রোগদীর্ঘ একঘেয়ে দিনগুলি কাটাইয়া দিয়া যাইতেন । আমার স্বামী তিন মাসের ছুটি লইয়াছিলেন, তাহা ফুরাইয়া আসিল । ছুটি বাড়াইবার ক্ষমতা পুনরায় আবেদন করিলেন । তিনি পিতাঠাকুর মহাশয়ের শুক্রযায় সর্বদা নিযুক্ত থাকিতেন, ঔষধ পথ্যাদি তাঁহার উপস্থিতিতে দেওয়া হইত । তিনি মাত্র একবার সন্ধ্যার সময় বেড়াইয়া আসিতেন ।

সেদিন উত্তরায়ণ সংক্রান্তি । প্রাতে কয়েকজন ভদ্রলোক আসিয়া কয়েক ঘণ্টা কাটাইয়া গেলেন । হরেকৃষ্ণ ভট্টাচার্য্য আমার শব্দরমহাশয়ের নিকট কয়েকবার বিশেষ উপকার পাইয়াছিলেন । তিনি সেদিন অনেকক্ষণ তাঁহার সহিত কথাবার্তা করিতে লাগিলেন । উভয়ের মধ্যে বড়ই সম্প্রীতি ছিল, বিশেষতঃ আমার শব্দর বংশে সকলেই দেবর্ষিই বিশেষ ভক্তিমান । ভট্টাচার্য্য মহাশয় উঠিবার চেষ্টা করিতেছিলেন, আর শব্দরমহাশয় বলিতে-ছিলেন, “বস দাদাঠাকুর, আর একটু বস, হয়ত’ আর তোমার সঙ্গে দেখা হবে না ।” ভট্টাচার্য্য মহাশয় বয়সে অনেক ছোট, তিনি বলিতেছিলেন, “সে কি কথা বলেন দাদা ? তবু কি ? আপনি



নিচরই সেয়ে উঠবেন।” “তবু আমার কিছু বৈধি দাড়াইব, তবে আমার মন কেন বন্দে—আর তোমাদের সঙ্গে দেখা হবে না।”

তট্টাচার্য মহাশয় চলিয়া ধাইবার সঙ্গে সঙ্গেই দেখা গেল বঙ্গর মহাশয় যেন একটু অতিরিক্ত নিস্তেজ ও স্তিমিত। আমরা তাবিলাস, বোধ হয় দুর্বল শরীরে বেশী কথাবার্তা করিয়া রোগ-কাতর দেখে একটু অবগাদ আসিয়াছে, অল্প পরম দুখ বা অল্প কোন রকম পথ্য খাইলেই সুস্থ হইতে পারিবেন। পরম দুখে চুপুক দিতে দিতে বলিয়া উঠিলেন, “ওগো! আমার সময় হ’য়ে আসছে, আমি আর বেশীকথ বীচব না, আমার মেয়েদের খবর দাও। আর দেখ, আমাকে ঘরে বের’ না, দুর্গামণ্ডপে নিয়ে যেও।” ইহার পর প্রতি মুহূর্তেই যেন তাঁহার অবস্থা দেখিয়া আমাদের হাত পা অধিকতর অবশ হইয়া আসিতেছিল। ইহার ঘণ্টা খানেক পরেই তাঁহার অমর আত্মা নরমেহ ছাড়িয়া চলিয়া গেল—বারিবিধু বারিধিতে মিশাইল।

পূর্বেই আমার ঠাকুরঝিদের নিকট টেলিগ্রাম গিয়াছিল, কয়েক ঘণ্টার মধ্যেই তাঁহারা আসিয়া উপস্থিত হইবেন, এ আশা ছিল। সুতরাং তাঁহাদিগকে একবার শেষ দেখা দেখিতে দিতে হইবে, স্থির হইল। কয়েক ঘণ্টার মধ্যেই বাড়ী আত্মীয়স্বজনে ভরিয়া উঠিল। বহু আত্মীয়স্বজন ও দেশের অনেক গণ্যমান্ত লোকে মিলিয়া তাঁহার অকৌটিল্য সম্পন্ন করিলেন। সকলে একবাক্যে বলিতে লাগিলেন—এ রকম মৃত্যু বহু ভাগ্যের কলেই ঘটয়া থাকে। সাধক বলিয়াছেন, “অপ তপ কর কি মরণে হ’সিয়ার।”

( • )

বঙ্গরমহাশয় পৃথিবীর যারা তাঁহার মরিতা চলিয়া ধাইবার পর আর দুই বৎসর পরের কথা। আমরা মাহুদানীয়া খাজুরী ঠাকুরাণীর দেহ মন ক্রমশঃ নিস্তেজ হইয়া পড়িয়াছে, সংসারের দুখ দুঃখ

আর তাঁহাকে স্পর্শ করে না। মূল শরীর রক্ষার জন্য নিত্য প্রয়োজনীয় আহাৰ্য্যাদি বিবরেও তাঁহার আগ্রহ আকাজকা করিয়া আসিয়াছে, তিনি এরূপ নিরীকার-চিত্ত হইয়া উঠিয়াছেন যে নর-নারী মাজই লক্ষ্য নির্কিণেবে তাঁহার নিকট “মা,” “বাবা” হইয়া উঠিয়াছে। সংসারের কর্তৃত্বের ভার কেমন যেন অজান্তসারে আমার দুর্বল হৃদয়ে আসিয়া পড়িয়াছিল। আটাল বৎসর বয়স হইলেও, পরী-প্রাণের এক সত্যত গৃহস্থ ঘরের বধু আমি, এ যাবৎ বঙ্গর খাজুরী মেহাদর বেটীর তিতরই বাড়িয়া উঠিয়াছি। সাংসারিক কার্যে সাধ্যমত সহায়তা করিয়া আসিয়াছি বটে, কিন্তু সম্পূর্ণ কর্তৃত্ব করি নাই বলিয়া সর্বাঙ্গীন শান্তিরক্ষা করিয়া সংসার চালাইবার মত শক্তি আমাতে বিকাশ পায় নাই। বুদ্ধিও আমার যেন তেমন স্থির ধীর ছিল না, যখন যে কাজটি করিতাম মোটামুটিভাবে তখন সেটি করিয়া বাইতে পারিতাম বটে, কিন্তু গৃহিনীপদবাচ্যা হইতে হইলে যে কার্যকুশলতা ও উপস্থিত বুদ্ধির প্রয়োজন তাহা আমাতে ছিল না। কলে ইহাই হইল যে আমাকে পরিশ্রম করিতে হইত যথেষ্ট, কিন্তু স্বামীর ইচ্ছার রূপ সংসার-সৌঠব বজার রাখিতে পারিতাম না। কতবার তাঁহার মুখে শুনিয়াছি, আত্ম-নিয়োগ ও সেবাস্বারা অন্তঃপুরের শান্তিরক্ষা করাই গৃহিনীর প্রথম ও প্রধান কর্তব্য। সঙ্গীত ধারিয়া গেলেও যেমন সুরের রক্ষার ও গানের ভাব প্রোতোর আশে পাশে ঘুরিয়া বেড়ান, তাঁহার সেই মধুর উগদেশবাণীও তেমনই আমার শ্রুতির আশে পাশে বিরাজ করিত। কিন্তু কি যে আমার স্বভাবের কঠী! একটা কাজ করিতে করিতে আর পাঁচটা বিবরে লক্ষ্য রাখিতে বা চিন্তা করিতে আমার শক্তি ছিল না।

কর্পোপলকে আমার স্বামী বিশেষে থাকিতেন কখনও সপ্তাহান্তে কখনও বা পকাত্তে দুই এক দিনের জন্য বাকী আসিতেন। বুঝা বাত-



ঠাকুরাণীর ও কমল অন্নবিশেষ সংবাদ লইয়া  
জন্মে তিনি প্রান্তিক করিতেন। এমন কোমল  
হৃদয় ছিল তাঁর, যে সচরাচর ভেতন বেথা যায় না।  
যতাবতুই ছিল তেমনি মধুর; সংসারের তাকনার  
মধ্যে মধ্যে বিরক্ত হইতেন, কিন্তু তাঁহার বিরক্তি  
যা রোগ সঙ্গে লকেই চলিয়া যাইত। ছেলেপুত্রের  
অবস্থা তাঁহাকে সব চেয়ে বেশী বাজিত, কিন্তু  
তাই বলিয়া তাহাদিগকে কখনও কোন বিষয়ে  
প্রশ্ন করিতেন না। বরং এ সকল বিষয়ে তাঁহার  
একটু বৈশিষ্ট্য ছিল—ছেলেপিলেকে সৌখিন  
কাপড় জামা বা বেশী সোনামানা কখনই দেন  
নাই। কিন্তু তাঁহার হৃদয় যে, কত গভীর এবং  
তাঁহার স্নেহরাশি যে কত স্থির ও অচঞ্চল, অবিচ্ছিন্ন  
আঠার বৎসর কাল উপভোগ করিয়াও তাহা এখনও  
আমার ধারণার অতীত। তাঁহার হৃদয় চিরদিনই  
আমার নিকট এক মহত থাকিয়াই গেল।

( ৭ )

সংসারের অভাব অভিযোগ ও সুখ দুঃখের  
মধ্যে দিন এই ভাবেই কাটিয়া যাইতে লাগিল।  
একদিন সংবাদ আসিল আমার শত্রু মহাশয়ের  
কনিষ্ঠ জাত্য কাঞ্চ্যে অবসর লইয়া দেশে ফিরিতে-  
ছেন। আমার বিবাহের পর এই তদীর্ঘ কালের  
মধ্যে তাঁহাকে মাত্র দুই একবার দেখিয়াছিলাম।  
তিনি বাঁড়ী আসিলে আনন্দকোলাহলে বাঁড়ী  
ভরপুর হইয়া উঠিলে ভাবিয়া আমরা সকলেই  
উৎকর্ষার সহিত দিন প্রতীক্ষা করিতে লাগিলাম।  
যেদিন তিনি দেশে ফিরিলেন, সত্যই সেদিন বাঁড়ী  
আমাদের উৎসবগৃহে পরিণত হইল। লোকান্তাবে  
যাহা “খাঁ” “খাঁ” করিত, লোক সমাগমে এখন  
তাহা কাকলসমাকুল ঘটবৃক্ষের ডাং হইয়া  
উঠিল।

শুভামহাশয় বিপরীক; হাস দানীর সাহায্যেই  
মাতৃকারা শিশু-সন্তানগুলিকে মাহুব করিয়াছিলেন,  
সংসারে আর কোন স্ত্রীলোক ছিল না। শত্রু

মহাশয়ের বৃত্যতে আমাদের বে অভাব ঘটয়াছিল,  
শুভামহাশয় বাঁড়ী আসাতে তাহার কতক পুত্র  
হইল। বিশেষতঃ পিতৃমাতৃহীন আমার পক্ষে  
তাঁহার স্নেহলাভ সৌভাগ্য বলিয়া মনে হইল।  
সংসারের কাজ কর্ম বেশ বাড়িয়া গেল বটে কিন্তু  
তাহা আমাদের জানাইল না।

কয়েক মাস বেশ আনন্দেই কাটিল। আমার  
দানী পূর্ববৎ সপ্তাহান্তে বাঁড়ী আসিতেন; কিন্তু  
তাঁহার কালও বাড়িয়া গিয়াছিল, চিন্তাও বাড়িয়া  
গিয়াছিল। প্রথম প্রথম আমি বুকিতে পারিতাম  
না কোন চিন্তায় তাঁহাকে ব্যাকুল করিতেছিল।  
আমার খাত ক্রমে সর্দি প্রবণ হইয়া উঠিল, প্রায়ই  
সর্দি কাসিতে তুগিতে লাগিলাম, মধ্যে মধ্যে দুই  
একদিন গায়ের উত্তাপও হইত। একদিন রাত্রিতে  
ঘরে আসিয়া তাঁহাকে বিশেষ চিন্তাঘিত দেখিলাম।  
চাঁদিনী রাত্রি, বাঁড়ীর চারিদিক একেবারে “ধব্-  
” “ধব্-” করিতেছিল। শোভামহাশয় প্রকৃতি অবিরাগ-  
ধারে, অনন্ত সৌন্দর্যরাশি ঢালিয়া দিতেছিলেন,  
এমন সময় শরন কক্ষের জানালার বসিয়া তিনি  
নিবিষ্টচিত্তে কি ভাবিতেছিলেন। স্থান কাল  
পাত্রেই সেই অপূর্ব সমাবেশ এই বিপত যৌবনার  
হৃদয়ে আবেগময় প্রেমের সৃষ্টি করিল। আমার  
সেই তীর্থগৃহে ধীরে ধীরে প্রবেশ করিলাম, নিকটে  
উপস্থিত হইয়া তাঁহার গায়ে স্পর্শ করিলাম সর্ব্বাঙ্গে  
অপূর্ব পুলকসকার হইল। আমি বিহ্বলচিত্তে  
জিজ্ঞাসা করিলাম, “হ্যাঁ-গা, কি ভাবছ’ বল’ না ?”  
তিনি এতই অস্তবনক ছিলেন যে আমার এই প্রশ্নে  
চমকিত হইয়া উঠিলেন, কম্পিতকণ্ঠে বলিলেন,  
“কৈ, কিছুই না। তুমি কখন এলে ? এমন চোরের  
মত চুপি চুপি কেন ?” এমন সময়েও লুকোচুরির  
ভাব দেখিয়া মনে বড় ব্যথা পাইলাম। কিন্তু  
তাঁহার চিন্তায় বিব্রত কি জানিবার অত মনে বড়ই  
কৌতুহল করিল। আমি বড়ই পীড়াপীড়ি করিতে  
লাগিলাম, তিনি ততই বিহ্বল হইয়া উঠিতে  
লাগিলেন। অবশেষে হতভাগিনীকে কোলে

টানিয়া লইয়া উজুসিত করে বলিতে লাগিলেন, হে, তোমার কথাই ভাবছিলাম; দিন দিন তোমার শরীরের যে অবস্থা হ'য়ে উঠছে, তা' দেখে আমার মনে আর একটুও শান্তি নেই। বড় ভয় হয়, কোন দিন বা তোমাকে হারাতে হয়।" তাঁহার চোক হইতে টপ্ টপ্ করিয়া জল পড়িতেছিল। "তুমি আমার কথা ভেবে কাঁছ? ছি। ছি। আমার কি সেই সৌভাগ্য হবে যে তোমার কোলে মাথা রেখে হাতে হাতে ম'রতে পারবো? আর যদি তোমার সংসর্গে—তোমার সংসর্গে—এসে আমার ভেমন ভাগ্যই হয়, তোমার তা'তে দুঃখ কেন? তুমি ত' পুরুষ মানুষ, সফ ক'ব্বার শক্তি অনেক বেশী!"

তিনি চোকের জল মুছিতে মুছিতে বলিলেন, "দুঃখ এই জন্মে চূর্ণি—এমন ভাগ্যহীন হইয়াছিলাম যে কখন স্ত্রীকে হৃদনের জন্তেও সংসারের খাটাখাটনি থেকে বিজ্ঞান দিতে পারলাম না।"

প্রেমের ডাকে অবলাজাতি সাজা না দিয়া থাকিতেই পারেনা। অকপট রেহের নিকট তাহাকে পরাভব স্বীকার করিতেই হয়। কিয়ৎকাল কথাবার্তার পর, তাঁহার প্রস্তাবমত আমাকে স্বীকার করিতে হইল যে নিয়মিতভাবে চ্যবনগ্রাণ ও মকরধ্বজ ব্যবহার করিব। একথাও স্থির হইল যে সংসারের ভার লইবার জন্ত একজন বর্ষীয়নী স্ত্রীলোকের সন্ধান করা হইবে, এবং একজন একজনকে পাওয়া গেলেই আমাকে দিনকতক বিজ্ঞান লইতে হইবে।

( ৮ )

সপ্তাহ বাইতে না বাইতে আনুর্ভেদ চিকিৎসা ব্যবসায়ী তাঁহার এক বন্ধুর নিকট হইতে তিনি আমার জন্ত মকরধ্বজ ও চ্যবনগ্রাণ আনিয়া দিলেন। আমিও নিয়মিতভাবে বাইতে লাগিলাম। চারি মাসের মধ্যে যে সন্ধানক ইচ্ছাশক্তির হাত হইতে

আমি রক্ষা পাইয়াছিলাম তাহাতেই আমার হৃদয়ের অবস্থা ধারাপ হইয়া গিয়াছিল। একটু বেশী পরিচর্য করিলে বা ছুইবার উপর নিচে করিলেই আমার বেন হাপ ধরিত। দুঃখের বাহা অপরিহার্য—আমাকেও সেই আশুনের সঙ্গে লড়াই করিতে হইত, কি করিব, উপায় ছিল না।

বৈশাখের তুলানবমীর দিন রক্তন পরিবেশনাদি সারিয়া কলসী কয়েক ইন্দারার শীতল জল গায়ে মাখার চালিয়া আহা হাতে শরনককে গিয়া শরন করিলাম। সন্ধ্যার সময় বেশ একটু অরতাব বোধ করিলাম। ছোট জা'কে বলিলাম, "ভাই, একটু কষ্ট ক'রে তুই আজ রাজিটা চালিয়ে দে, আমার শরীরটা বড় ধারাপ বোধ হচ্ছে।" পর দিন প্রাতে দেখি, অরত্যাগ হয় নাই, উঠিবার শক্তিও নাই, মেমার প্রকোপও বেশ হইয়াছে। লক্ষী বোনটি আমার সংসারের চাপে ক'ত কষ্ট, কত অহুবিধাই ভোগ করিতেছে, রোগশয্যায় পড়িয়া তাহাই ভাবিতেছিলাম, কমল আমার গায়ে মাখায় হাত বুলাইয়া দিতেছিল। রাজিতে পিপাসা বাড়িত, নিদ্রা হইত না। মধ্যে মধ্যে নিদ্রাতুরা বালিকা কড়া আমার সোপার কমলকে তুলিয়া তুলিয়া জল পান করিতে হইত।

পরদিন খুড়ামহাশয় ডাক্তার ডাকিলেন। হেথ আমাদের বাড়ীর ডাক্তার, ছোট ভাইটির মত। বাড়ীতে অব্যাহতকার; আমাদের বিশেষ ভক্তিপ্রভা করেন; আমরাও তাঁহাকে বিশেষ মজা করি না, রেহের চক্ষেই দেখি। হেথ আসিয়া ধায়মো-মিটারাদির সাহায্যে স্বাস্থ্যপীতি পরীক্ষা করিয়া বলিলেন, "বিশেষ তয়ের কারণ নাই, পুরাতন গর্ভ কাসি, এই কয়দিন অর্থাৎ পূর্ণিমা কাটিয়া গেলেই সুস্থ হইতে পারিবা।" তিন চারি দিনের মধ্যে তাঁহার আসিবার সন্ধান ছিল; সুতরাং তাঁহাকে সবাদ দিবার আবশ্যকতা ছিল না। আমাদের দুই সম্পর্কীয়া আত্মীয় বর্ষীয়নী এক বিধবাকে দিন

কয়েকট লক্ষ লইয়া আসিবার বন্দোবস্ত করা হইল।

তুই তিন দিন প্রায় এক ভাবেই কাটিয়া গেল। কমল দিনরাত্রই আমার কাছে থাকে, অরবিন্দ কিন্তু কাক পাইলেই একবার এদিক ওদিক ঘুরিয়া আসে। সে যে ছেলে, আর কমল যে মেয়ে, সেবা ত' মেয়েরই ধর্ম।

চতুর্দশীর সন্ধ্যা হইতেই যেন আমার হাঁপ ধরিতে লাগিল, আর যেন শুইয়া থাকিতে পারিতেছি না। আমার দেবর তখন বাড়ীতেই ছিলেন, তিনি আসিয়া কয়েকটি বালিস উপর উপর রাখিয়া আমাকে ঠেপ দিয়া বসাইলেন। ইহাতেও আমার খাস কষ্ট কমিল না। তিনি চিন্তিত হইয়া ডাক্তারকে সংবাদ দিলেন।

ডাক্তার আসিয়া পরীক্ষা করিয়া বলিলেন, নিউমোনিয়ার ঠাড়াইয়াছে। একটি ইন্জেকশন দিয়া বিশেষ সাবধানে রাখিতে বলিয়া চলিয়া গেলেন। আমার ভিতরের অবস্থা যেন ক্রমেই খারাপ হইয়া আসিতে লাগিল। আমি ছট্‌ছট্‌ করিতে লাগিলাম। তুই দেবর শয্যাপার্শ্বে বসিয়া আমার পরিচর্যা করিতে লাগিলেন।

মনে মনে কেঁদরকে ডাকিয়া বলিতে লাগিলাম, "প্রভু, আজ রাত্রিটা কাটিয়ে দাও। কাল তিনি বাড়ী আসিলে তাঁহার পারের ধূলা লইয়া ঘরিতে পারি যেন।" দেবরকে বলিলাম "ঠাকুরপো, তোমার হাতাকে একটা টেলিগ্রাম করে দাও, কাল সকালেই যেন চলে আসেন।"

বুকের ভিতর কি এক অব্যক্ত যন্ত্রণা হইতে লাগিল। অস্থিরতাও এত বাড়িয়া উঠিল, যে মনে হইতে লাগিল আর বেশী দেবী নাই। একবার শুইয়া পড়ি, একবার বালিসে ঠেপ দিয়া বসি। ঘরের দরজা জানালা সব খুলিয়া দিতে বলিলাম, ঘরের চারিদিকে খোয়াওয়ার আলোক আসিয়া পড়িল। ক্রমে একটু তন্দ্রা আসিল।

শেষ রাত্রি হঠাৎ তন্দ্রা-ভঙ্গ হইল। নদে নদে

বুক ধড়কড় করিতে লাগিল, বুক যেন কাটিয়া যাইতেছে। অতি কষ্টে বলিলাম, "ঠাকুরপো, আমি আর বাঁচলাম না, সকলকে কাছে ডাক।"

খুড়ামহাশয় অস্ত্র ধরে খুসাইতেছিলেন, তাঁহাতে ডাকা হইল। তিনি কাছে আসিলে, পারের ধূলা লইবার অস্ত্র অতি কষ্টে হাতখানি বাড়াইয়া দিলাম। বলিলাম, "কাকা, আমি ত চলিলাম, আশীর্বাদ করুন আর যেন এ যন্ত্রণা ভোগ করতে না হয়। এক বছর হল সাধ্যমত আপনার সেবা করেছি, দেখবেন, কমল আমার যেন ভাল ঘরে পড়ে।" আর কথা বলিতে পারিলাম না, ঘন ঘন হাঁপাইতে লাগিলাম।

কিছুক্ষণ পরে একটু সামলাইয়া বলিলাম, "ঠাকুরপো, মা'কে আর এখানে এনে কাজ নেই, তাঁর বড় কষ্ট হবে। তুমি গিয়ে তাঁর পায়ের ধুলো নিয়ে এস, আমার মাথায় দিয়ে দাও।"

ছোট বউকে বলিলাম—“ছোট বৌ, তোর ত' ছেলে-মেয়ে হয় নি। তোর হাতে আমার কমল অরবিন্দকে দিয়ে গেলাম, ওরা আজ থেকে জোর। তাদের মায়ের স্থান তুই পূরণ করিস। আর তাই আমি কথা কইতে পারছি নে।”

ছোট বৌ হাট হাট করিয়া কাঁদিয়া উঠিল।

কথা কহিবার শক্তি কমিয়া আসিতেছে, কিন্তু সব বুঝিতে পারিতেছি। দেখি, চারিদিকে সকলেই কাঁদিতেছেন। অস্ত্র বাঁহাকে নিরস্ত্র চাহিতেছে, কেবল তাঁহাকেই দেখিতেছি না। বুঝি বা শেষ দেখা হয় না!

ক্রমে যেন আমার সকল শক্তিই বিলুপ্ত হইয়া আসিল। অজানতা কি নিদ্রা আমাকে যেন অভিভূত করিয়া ফেলিল। মাত্র একটু অল্পতব শক্তি আছে আর কিছুই নাই।

যেন দুই ভাঙিয়া গেল; দেখি বাহিরে বাহুরের উপর পড়িয়া আছি, আর আঁপে পাঁপে সকলেই কাঁদিতেছেন। আমি বলিয়া উঠিলাম, "ঠাকুরপো,

আমাকে কোথায় এনেছ ? একি ! আমাকে কিসের উপর শুইয়ে রেবেছ ? করে নিয়ে চল আমার, ভাল বিছামার শুইয়ে দাও। আমি তু এধন ম'ব্বো না ! তোমার দাদা কৈ ?”

ঠাকুরপো যেন বলিতেছেন, “বৌদি, দাদা এসেছেন। “মনে হইল যেন খুব দূর থেকে কে কথাটা বলিল। আমি একটু ইসারা করিয়া বলিলাম, “কৈ ? কাছে আসতে বল।” তিনি কখন ঘরে আসিয়াছিলেন, বুদ্ধিতে পারি নাই।

যখন তিনি আমার পাশে বসিয়া আমাকে চাপিয়া ধরিলেন, তখন আমার সকল শক্তি কেবল

তোকে আসিয়া জড় হইয়াছে, আমি কেবল এক হৃষ্টে তাঁহাকে দেখিতে লাগিলাম। আজ হৃষ্টি বৎসর ধরে তাঁকে দেখেও যে আমার হৃষ্টি হয় নি !

ঠিক সন্ধ্যার সময় যখন পূর্ণিমার চাঁদ উঠিল, আমি হাঁপাইতে হাঁপাইতে বলিলাম, “ওগো ! তুমি আমার মাথার গোড়ার ব'স', আমি তোমার কোলে মাথা রেখে একটু ঘুমুই।”

একথা কি তিনি ঠেলিতে পারেন ? সন্ধ্যা তিনি আমার মাথা কোলে লইয়া বসিলেন, আমি হাসিতে হাসিতে অগাধ শান্তির মধ্যে ঘুমাইয়া পড়িলাম।

## চাওয়ার দুঃখ

শ্রীমতী লীলা দেবী।

চাইলে তুমি দাও না আমার  
না চাইলে দাও উজাড় ক'রে,  
ভরিয়া আমার সকল হৃদয়  
দাও যে আমার হুঁহাত ড'রে।

রয়না যখন ফলেরি আশ  
তখন ওঠে কুঁড়ির আভাষ,  
ফুল ব'রে হয় ফলের বিকাশ,  
অগুস্তি কল ধরে।

যেদিন আমি চাইনা কিছুই  
যেদিন থাকি সবার পিছুই,

সেদিন আমার হুঁহাত ধ'রে  
দাও যে সবার আগে ;  
সেদিন থেকেও ঘরের মাঝে  
আমার এ মন বিধে বাজে,  
সেদিন দেখি নিখিল জগৎ  
যনের মাঝে আগে।

তাই সে চাওয়ার দুঃখ হ'তে  
বাঁচাও সখা বাঁচাও ঘোরে,  
চাইলে তুমি দাওনা তাহা  
না চাইলে দাও উজাড় ক'রে।

# নারী-হরণ ও তাহার প্রতীকার

শ্রীশ্যামলাল গোস্বামী ।

বাঙ্গালার চারিদিক হইতে আজ নারী হরণের সংবাদ আসিতেছে । এ কি হইল ।

যখন দেশে পুলিশ ছিল না, পাহারা ছিল না, গেয়েন্দা ছিল না, জেলখানা ছিল না, কই তখন ত কেহ নারী হরণের কল্পনাও করে নাই, নারীরা সব স্বচ্ছন্দে এক স্থান হইতে স্থানান্তরে যাতায়াত করিতেন, সত্যি দাঁড়াইয়া বক্তৃতা করিতেন, সকলেই তাঁহাদের দেখিয়া সম্মুখে মাথা নত করিত—সে হিন্দুরাজত্বের কথা ।

তারপর যোগল পাঠানের আমলে দস্যু তরুরে টাকা কড়ি, ধন দৌলত চুরি করিত বটে, কিন্তু কাহারো ঘরের পাশে ওং পাতিয়া থাকিয়া ঘরের ফুল মহিলাকে জোর করিয়া টানিয়া লইয়া গিয়াছে কই এরূপ ত কোন কথা ইতিহাসে পাওয়া যায় না ।

আজ তবে এরূপ হইল কেন ? এই নারী-হরণের মূলে সামাজিক, রাজনৈতিক অনেক কারণ প্রচ্ছন্ন রহিয়াছে । কি সে কারণ ? পূর্বে গ্রামে গ্রামে জমিদার থাকিত, তালুকদার থাকিত, তাহাদের ছিল অপরিণীত কন্যাস্বত্ব, অসাধারণ প্রতাপ, তাহাদের প্রতাপে বনের সিংহ বাঘ পর্যন্ত ধরু ধরু করিয়া কাপিত । তাঁদের স্বীকৃত আদালত ছিল, জেলখানা ছিল, তাঁরা ছুটের দমন শিটের পালন করিতেন । গ্রামের চোর ডাকাত বদমায়েস তাঁদের প্রতাপে টুংসটি করিতে পারিত না । এখন সে সব জমিদার আর নাই । তাহাদের সে প্রতাপ নাই । এখন সে রক্তন রায় নাই, সে টাল রায়, কেদার রায়ও নাই । অধিকাংশ বনিয়াদী জমিদার এখন কেবল তৈলহীন প্রবীণের মত মিটি মিটি জলিতেছেন মাত্র । পুলিশের হাতের তাহারা

ক্রীড়নক । মহকুমা ম্যাজিস্ট্রেট, জেলার ম্যাজিস্ট্রেট হইতে খানার দারোগাবাবু তাঁদের অভিব্যক্তি শুধু রেখে দিলেছেন কেবল বকঃবল ভ্রমণে বাইরা খাবার আড্ডার অন্ত ! আর ছ'চারটা বড় বড় জমিদার ধারা আছেন, তাঁরা শব তরী তরী নিয়ে একেবারে সহরে এসে উপস্থিত হইয়াছেন, দেশের সহিত তাঁদের সম্পর্ক কেবল খাজনা আদায়ের । তাঁদের ধারা নায়েব, গোমস্তা, কর্মচারী তারা — থাকে পল্লীগ্রামে, কাছারীতে । লাক্ষিতা নারী তাঁদের কাছে কি অভিযোগ করিবে, তারা যে নিজেরাই ভক্ষক ! এই জাতীয় সব নায়েব গোমস্তা গ্রামের ছুটদিগকে সায়েস্তা করা ত দূরের কথা, তাহাদের সহিত একত্র মস্তাদি পান করিয়া গ্রামে কোন জীলোকের সর্বনাশ করিবে কেবল সেই সঙ্কানে কিরে । গ্রামের চৌকিদার, দকাদার, পকায়েত, তাহদের কথা আর নাই বলিলাম । মাসের মধ্যে কোথাও এক দিনও চৌকি দেয় কিনা, সন্দেহ । প্রেসিডেন্ট পকায়েত বাবুর কাজ করা, বাজার করা, মাচধরা, দারোগা সাহেবের মোট বহন করা—এই সমস্তই হইল তাহাদের কাজ । কাহেই ছুর্ভ তাহাদের ধারা কেমন শাসিত হয় তাহা সহজেই অনুমেয় । আবার মজা এই, বাছিয়া বাছিয়া এমন লোককে মার্কেলের পকায়েত নিযুক্ত করা হয় বাহারা দারোগা সাহেবের সফরের ভাত ধোপাইতে পারে—বেশ বড় বড় ধামা ধরিতে পারে । পুলিশের ধারাও এই সমস্ত কারণে গ্রামের ছুর্ভ দমন হয় না ।

আবার ব্যাপার এই—তবু ঘরের কোন জীলোকের উপর কোনরূপ অভিযাচার হইলে তিনি প্রাণ পেলেও



তাহা প্রকাশ করেন না। আশানুগত নাশিত  
করিলেও শাকীর অভাবে মোকর্জনা কালিয়া যায়,  
কাজেই কোন ভদ্র মহিলার উপর অত্যাচার হইলে  
তাহা সহসা সাধারণ্যে প্রকাশিত হয় না—তাহারা  
“হান ত্যাগেন দুর্জন” নীতি অবলম্বন করেন।

যে সমস্ত জীলোক অসহায়, বাহাদুর হইয়া  
কুজিবার লোক নাই, সাধারণতঃ দুর্ভিক্ষের  
তাহাদেরই উপর অত্যাচার করে। গ্রামের লোকের  
মধ্যে একতী না থাকায়, কেহ কাহারও বিপদে  
অগ্রসর না হওয়ায় সেই সমস্ত জীলোকেরা কোনরূপে  
আত্মরক্ষা করিতে পারে না, তাহার ফলে যখন  
তাহারা দুর্ভিক্ষের কবল হইতে মুক্ত হইয়া আসে  
তখন একদেশদর্শী সমাজ তাহাদিগকে আশ্রয় না  
দেওয়ার তাহারা সমাজের বাহিরে অস্ত উপায়ে  
জীবিকাার্জন করিতে বাধ্য হয়।

সাধারণতঃ আজকাল দেখা যাইতেছে যে,  
মুসলমান গুণ্ডারাই জী-হরণ করিতেছে বেশী।  
মুসলমানদের মধ্যে শিক্ষা ও সত্যতা তেমন বিস্তার  
লাভ করে নাই, জমিদার, পুলিশ কিংবা মুসলমান  
মাতঙ্গরদিগেরও তেমন শাসন নাই, কাজেই দিন  
দিন ইহারা প্রস্রয় পাইতেছে। গ্রামেও লোকজন  
নৈতিক বলে বলীয়ান্ না হইলে ইহার যে কোন  
প্রকার প্রতীকার হইবে, তেমন আশা নাই।

আবার জীলোকদের দুর্ভিক্ষের, অস্তও যে  
অনেক সময় তাহারা অপহৃত ও লাহিত হয়, সে  
বিষয়ে কোন সন্দেহ নাই। জীলোককে অশিক্ষা,  
অজ্ঞানতার মধ্যে ডুবাইয়া রাখিয়া আমরা তাহা-  
দিগকে এমনই “অবলা” করিয়া তুলিয়াছি যে  
শুভা যেখিলেই তাহাদের বাক্যোধ হয় ভয়ে  
সমস্ত শরীর কাপিতে থাকে। কিন্তু জীলোককে  
যদি লাঠি খেলা, গুলি চালান, মুগুর তাঁকা শিক্ষা  
দিয়া তাহাদিগকে কারিক শক্তিতে আবার  
শক্তিমতী করিয়া তুলিতে পারিতাম, তাহা হইলে  
অন্ততঃ তাহারা গুণ্ডাদের সহিত কিছুকণ সমতাকান্তি  
করিয়া তাহাদিগকে কাবু করিতে পারিতাম।

আগে কত জীলোকের বিবরণ পাওয়া যাইত,  
তাহারা মায়ের হাতের খসল লইয়া রপনদিনী স্ত্রীকে  
প্রচণ্ড ডাকাতের সম্মুখীন হইয়া তাহাদিগকে  
ডাড়াইয়া দিত। “কিন্তু কই? এখনত” তেমন  
যেয়ে লোকের নাম শুনি না। এক একটা রাজপুত্রের  
যেদের দিকে চাহিয়া দেখ, তাহারা রীতিমত  
ঝোড়ায় চড়িয়া এখনও অশিচালনা করিতে পারে।  
আর বাঙ্গালীর মেয়ে খোড়া দেখিলেই মুর্ছা  
যায়।

যে জাতি শারীরিক মানসিক দুর্ভিক্ষতাকে এমনই  
ভাবে বরণ করিয়া লয়, কেবল মনীচালানই যে  
জাতির আদর্শ ও লক্ষ্য, সে জাতির মা ভদ্রী আজ  
যে এভাবে লাহিতা, অপমানিতা ও অপহৃত হইবে  
তাহাতে আর বিশ্বাসের কথা কি আছে? কিন্তু  
বাঙ্গালীর এই দুর্ভিক্ষতার অস্ত শুধু বাঙ্গালীকে  
দোষ দিলে চলিবে না। সরকার যে আমাদের  
হাতে বিশ্বাস করিয়া একটা পাঁচহাতি বাশের  
লাঠিও ব্যবহার করিবার অধিকার দেন নাই।  
প্রতি পাঁচ গ্রামের মধ্যে সন্ধান করিলে একটা বন্ধুক  
পাওয়া যায় কি না সন্দেহ। কোথাও যদি একটা  
কুস্তীর আখড়া হয়, ছেলেবা যদি একটু ব্যায়াম  
করে তবে অমনি তথায় পুলিশের দৃষ্টি পড়ে। এ  
ভাবে শারীরিক ব্যায়াম চর্চার ব্যাঘাত পড়ার  
ফলে বাঙ্গালীর পুরুষেরাও আজ জীলোকে পরিণত  
হইয়াছে।

তবে উপায় কি? নারী-হরণের তবে কি  
কোন উপায় নাই? আছে বৈ কি! গ্রামে গ্রামে  
উৎসাহী, সচ্চরিত্র যুবকগণকে লইয়া কমিটি গঠন  
করা, গুণ্ডাদের মধ্যে নারী জাতির প্রতি সন্মানের  
প্রয়োজনীয়তা প্রচার করা, ছুট দুর্ভিক্ষ বে কত  
বড়ই শক্তিশালী ও ধনবান হোক না কেন,  
তাহাকে সমাজ হইতে দূর করিয়া দেওয়া, গুণ্ডাকে  
পুলিশের হাতে সমর্পণ করিয়া তাহাকে রীতিমত  
শাস্তি দেওয়া, আর সর্বোপরি অসহায়, অবলা  
নারীর বরণকারের প্রতি সর্বদা সতর্ক দৃষ্টি রাখা—

এই ভুলি, করিতে পারিলে বোধ হয় নারী-হরণের কতকটা প্রতীকার হইতে পারে।

নারীসমাজের জানিয়া রাখা সরকার, চুক্তি, পাপীকে যদি তাঁহারা নিজের ধর্ম রক্ষার জন্য খুনও করেন, তাহা হইলেও তাঁহাদের কোন সাজা হইবে না। চাই তাঁহাদের ভিতর এই শক্তি। শুধু অস্ত্র থাকিলেই মানুষ যে আত্মরক্ষা করিতে পারে তাহা নহে, অস্ত্র পরিচালনা, অস্ত্রের সঙ্গে অস্ত্র নিক্ষেপের মত মনের বলও থাকা চাই।

যেখান হইতে নারী-হরণের সংবাদ আসিতেছে, প্রায়শঃ দেখা যাইতেছে তাহারা অধিকাংশই হিন্দুর মেয়ে। ইহার দ্বারা এই বুঝা যায়—হিন্দু সমাজের নারীর মর্যাদা রাধিতে এখনও শিখে নাই, অথবা হুর্দল, ভীক, কাপুরুষ। মুসলমান কোন বলে বলী হইয়া হিন্দুর মেয়ে চুরি করিতে সাহস পায়? সাহস পায় এই কারণে,—তাহারা জানে হিন্দুর মধ্যে সত্বশক্তি নাই—হিন্দু পরের মেয়ের জন্য বিপদকে বরণ করিতে আদৌ রাজী নহে। তাহারা জানে হিন্দুর মেয়ে মুসলমানের হস্তস্পর্শ হইলে সমাজ অপহৃতাকে দূর দূর করিবে এবং অপহৃত নারীও সেই কারণে যাইতে চাহিবে না। কিন্তু মুসলমানের বেলায় কি তাই? কখনই না। কারণ মুসলমানের মধ্যে সত্বশক্তি আছে। আর তুমি হিন্দু, কিন্তু তোমার মধ্যে নাই।

নারী-হরণের প্রতীকার আজ যে ভাবেই হোক করিতে হইবে। আদালতকে বলি—তাঁহারা মেয়েদের বিচারের জন্য—সে ধনী ঘরের আর ছোট ঘরের মেয়ে হোক না কেন, ক্যামেরাতে তাদের বিচার করিবার ব্যবস্থা করুন। তাহা হইলে অনেক বড় ঘরের মেয়েরাও তাদের ছঃখ-হুর্দশা, লাঞ্ছনা, অত্যাচারের প্রতীকার আদালতে অভিযোগ করিতে পারিবেন।

আমার মনে হয়, ম্যাজিস্ট্রেট, ডেপুটি ম্যাজিস্ট্রেট পত্নীরা যদি পত্নীপ্রায়ে নারী-লাঞ্ছনা ও নারী নির্যাতনের এবং নারীহরণের অঙ্গসজ্জানের ভার

গ্রহণ করেন তবে অনেক ধনী ঘরের নারীর প্রতি অত্যাচারের প্রতীকার হয়। বাতালার হিন্দু নারী—বতাবতঃই লজ্জাশীলা। ইহাদের লজ্জাশীলতার বশবর্তী হইয়া নিতান্ত প্রাণে দারুণ ব্যথা না পাইলে, কোন কথা অস্ত্র পুরুষের সম্মুখে প্রকাশ করিতে পারেন না। এই যে চরমনাইতে পুলিশের হাতে লাহিতা জ্বীলোকেরা তাহাদের সব কথা প্রকাশ করিল, যদি শ্রীমতী হেমপ্রভা মহকুমার মহাশয় নিজে তথায় বাইরা জ্বীলোকদের নিকট সমস্ত ঘটনা না উল্লেখিতেন তাহা হইলে আজ সব কথা প্রকাশ পাইত কি না সন্দেহ! মহকুমার ডেপুটি ম্যাজিস্ট্রেট মহাশয়েরা কি যখন সহরে বাহির হন তখন আপন আপন পত্নীকে সঙ্গে লইয়া বাইরা গ্রামের জ্বীলোকেরা কে কি অবস্থায় আছেন তাহা—জানিতে পারেন না? তাঁহাদের সব সময়ে জানা উচিত তাঁহারা Public servant—জনসাধারণের ভৃত্য। এই ভৃত্য-বুদ্ভি লইয়া—যদি তাঁহারা দেশ শাসন করিতে না পারেন, যদি লখা লখা বেতন লওয়া ও গ্রামবাসীদের উপর হাকিমী চাল চালান তাঁহাদের উদ্দেশ্য হয়, তবে সে চাকুরী না করাই ভাল।

পরিশেষে—দেশের সমাজপতিদিগকে বলিতে চাই—এখনও তাঁহাদের অস্ত্র গৌড়ামী ছাড়ুন। আর মেয়েদিগকে ঘরের কোণে আবদ্ধ রাখিয়া জাতটাকে অধঃপাতের দিকে যেন নিক্ষেপ না করেন। মেয়েদিগকে শিকালান্তের সুযোগ দান করুন। উপবাসের ব্যবস্থা দিয়া বিধবদিগকে যেন আর দিন দিন কীর্ণ করিয়া হুর্দলা করিয়া না তুলেন। সর্বদা যেন তাঁহারা মনে রাখেন—ঘরে বাহিরে এখন আমাদের শত্রু। এখন যে ভাবে হোক আত্মরক্ষা করিতেই হইবে। আত্মরক্ষাই বলবৎ ধর্ম। কথার আছে, “আত্ম রক্ষাে ধর্ম” পরাধীন, হুর্দল জাতির “ধর্ম” একটার কথা কথা মাত্র। এখন আর “ধর্ম” “ধর্ম” করিয়া কথা চীৎকার করিবার সময় নয়। আগে হিন্দুশক্তি

বাঁচিয়া উঠুক, তখন আবার তোমার শাস্ত্র-অহুশাসন  
অহুযায়ী দেশকে গড়িয়া তুলিও ।

আর নারী-জাতি, তোমাদিগকেও বলি, তোমরা  
উঠ, আগ—“উত্তীর্ণত আগ্রত প্রাপ্য বরান্  
নিবোধত ।” তোমরা মাহুয—একখাটা দিনরাত  
ভাব । কতকাল আর এরূপে অবলা সরলা হইয়া  
পবের অত্যাচার সহ করিবে ? এখন তোমাদের ধর্ম

তোমাদিগকেই রক্ষা করিতে হইবে । শক্তির অংশ  
তোমরা ; তোমরা কি না আজ শক্তিহীনা সামান্ত  
অবলা নারী ! তোমরা তোমাদের অধিকার প্রতিষ্ঠা  
কর । শারীরিক ব্যামায় চর্চা করিয়া—লেখাপড়া  
শিখিয়া এক একটা “দেবী চৌধুরাণী” হইয়া উঠ ।  
দেশ বাঁচুক—জাতি বাঁচুক—বাকী হইতে এই  
নারী-নিগ্রহ ও নারী হরণের পালাও উঠিয়া যাউক ।

## মন্দিরে চল

শ্রীঅতুলচন্দ্র নন্দা ।

মন্দিরে চল, মন্দিরে চল, মন্দিরে চল ।

ওগো মা, ওগো ভগিনি চল চল চল ।

বেশ ভূষার নাই প্রয়োজন

শুভ্র চিত্ত সেই ও ভূষণ,

বলতে তীরে প্রাণের বেদন

দিয়ে চোখের জল ।

ওগো মা, ওগো ভগিনি চল চল চল ।

আজকে মায়ের ভাঙ্গা বৃকে

পড়ছে আঘাত উথর থেকে;

ধরবি বহু মাথা রেখে

বেঁধে বৃকে বল ।

ওগো মা, ওগো ভগিনি চল চল চল ।

আঘাত হবে পরশ পাথর

পড়বে ঝরে পুণ্য নিঝর,

হেথা শান্তি স্থখার সাগর

কুরবে টলমল ।

ওগো মা, ওগো ভগিনি চল চল চল ।

বহু সে যে আশীষ হবে

তোদের মাথায় পড়বে যবে,

শিরের ভূষণ সগৌরবে

রইবে চিরকাল ।

ওগো মা, ওগো ভগিনি চল চল চল ।

## প্রত্যয়ত্ব (উপস্থাপন)

শ্রীমতী প্রভাবতী দেবী সরস্বতী ।

[ পূর্ব প্রকাশিতের পর ]

সেবিকা বসিয়া তখন পান সাজিতেছিল। সেই সময় হঠাৎ “বৌদি গোটা কত পান দিতে হচ্ছে যে, পানের খন্ডের হাজির” বলিতে বলিতে সরিত আসিয়া পড়িল।

এ বাড়ীতে তাহার অবাধ গাতি ছিল। সেবিকা প্রথমটা তাহাকে লক্ষ্য করিয়া চলিত, তাহার পর অসীম এবং সারদা তাহাকে বুঝাইয়া দিলেন সরিতকে লক্ষ্য করা তাহার পক্ষে একেবারে অসম্ভব কারণ ধরিতে গেলে সে অসীমের ভাই।

সরিত নামজাদা বড়লোকের ছেলে, এম-এ পাশ দিয়া বাড়ী আসিয়াছে। তাহার সংস্কারের কথাও অনেক শুনা যাইত, কিন্তু তাহাকে দ্বিভ্রাসা করিলে সে স্পষ্ট উত্তর দিত “আমি তো কিছুই করি নে।” দেশের সে একটা অমূরক্ত ভক্ত ছিল। লোকের সহিত আলাপ পরিচয় করিতেও সে ভারি যত্নবৃত্ত ছিল। এই জন্যই সেবিকার সহিত আলাপ করিয়া লইতে তাহার দেয়ী হয় নাই।

সরিতকে দেখিয়া সেবিকা সচকিত হইয়া উঠিল। বহুদিন সে এ বাড়ীতে আসে নাই। সরিত এ বাড়ীতে আসিলেই একটা আনন্দের সাদা পড়িয়া যাইত। সে নিজে আনন্দের প্রতিমূর্তি ছিল বলিয়া কাহারও বিষাদ ছুঃখ সহিতে পারিত না। এদিকে সে স্পষ্টবাদী ছিল। কাহারও দোষ দেখিলে মুখের উপরই বলিয়া দিতে ভয় পাইত না। অনেকে সেই জন্য এই দীর্ঘকায় বলিষ্ঠ যুবককে ভয় করিত, অনেকে ভক্তি করিত। হেমলতা তাহার স্পষ্টবাদীতাকে একটু ভয় করিতেন। এ বাড়ীতে সে

যে বেশী আসা যাওয়া করে ইহা তিনি পছন্দ করিতেন না, অথচ মুখ ফুটিয়া কিছু বলিতেও পারিতেন না। তবে ভাবটা তাঁহার মুখে চোখে যে ব্যক্ত হইয়া পড়িত, তাহাতে সন্দেহ নাই। সরিত তাঁহার ভাব একটু বুঝিয়াছিল বলিয়া এ বাড়ীতে তাহার স্বাধীন পাদক্ষেপ একটু সংযতও করিয়াছিল।

ভাই যেমন বোনের কাছে অসঙ্কোচে বসে, সরিতও তেমনই করিয়া বসিয়া পড়িল। হাসিতে হাসিতে বলিল “আচ্ছা বউদি, খুব মন কো তোমাদের। এতদিন যে আসিনি, একটু খোঁজও তো নিতে পারনি কেন আসিনে? ধর যদি গরেই যেতুম তা হলেও তো খোঁজ নিতে না।”

সেবিকা তাহার মলিন মুখে হাসির রেখা ফুটাইয়া বলিল “তাই মনে করেছো ঠাকুরপো? আমি রোজ তোমার খোঁজ নেই যে তা তুমি জান না। আমাদের ঝিকে রোজ একবার তোমাদের বাড়ী যেতে হয়, তাকে দেখেছ?”

সরিত মাথা ছুলাইয়া বলিল “তা হতে পারে বটে। কই, পান সাজা এখনও শেষ হয় নি তোমার? না, বাধ্য হয়ে দেখুছি আমাকেই সেজে নিয়ে যেতে হয়। তুমি যে সহজে দেবে তা তো বোধ হচ্ছে না।”

সেবিকা তাড়াতাড়ি পানে সুপারী দিতে দিতে বলিল “এত তাড়াতাড়ি কেন ঠাকুরপো; বসলেই বা ছুদও এখানে। আসলেই যে অমনি বন্ধুর খোঁজে যেতে হবে তার কোনও মানে নেই।”

সরিত বলিল “আজ কয়েকদিন সে যায়নি যে

আমার কাছে । আমি কাল পত্র লিখে পাঠানুম  
নেমন্তন্ন করে, তার উত্তরে লিখেছে—‘আমার শরীর  
ধারাপ, মাপ কোরো ।’ সত্যি সত্যি তার শরীর  
ধারাপ হয়েছে নাকি বৌদি ?’

সেবিকা একটা চাপা নিশ্বাস ফেলিয়া বলিল  
“বোধ হয় হয়েছে নইলে লিখবেন কেন সে কথা ?”

সরিত হো হো করিয়া হাসিয়া বলিল “বাঃ, তুমি  
কিছু জান না ? নেহাৎ পরের মতই কথাটা বলছ  
যেন, ঐখচ সে কথাটা তোমার জানা একান্ত  
প্রয়োজনীয় ।”

কথাটা শেষ করিয়া সে একবার সেবিকার মুখের  
পানে চাহিল । এই আঙ্গ এতক্ষণের পরে তাহার  
মুখ দেখা । কই, কিছুদিন আগে সে মুখে যে  
স্বাসির রেখা ভাসিত, প্রসন্নতার একটা দীপ্তি সে  
মুখে যে সদা বিরাজিত থাকিত, তাহা আঙ্গ  
কোথায় ? সেবিকার ভাসা ভাসা চোখ দুইটার  
নীচে যেন কালিমা পড়িয়াছে, গঙ দুটি যেন শুখাইয়া  
গিয়াছে, নাসিকাটি আরও উন্নত দেখাইতেছে,  
তাহার ললাটে চিন্তার রেখা অঙ্কিত, তাহার মুখখানা  
যেন বড় স্নান ।

সরিত বলিল “আমার কাছে তুমি অনেক কথা  
লুকিয়ে রাখছ বউদি, তা আমি বুঝতে পারছি ।  
অসীমও আগে তার কথা সব আমায় বলত, কিন্তু  
ইদানীং অনেক কথা সে গোপন করে যাচ্ছে । তার  
সে ভাব দেপে আমি এ বাঁড়ীতে আসা কমিয়েছি,  
এবার দেখছি আসা একেবারে বন্ধ করতে হবে ।”

সেবিকার মুখ লাল হইয়া উঠিল, বলিল “কি  
কথা লুকোচ্ছি ঠাকুরপো ?”

সরিত বলিল “আমায় এতদিন নিজের ভাই বলে  
ভেবেছ, পর বলে ভাব নি । আমিও নিজের বোনের  
মত তোমায় দেখেছি । এখন দেখছি আমি সেই  
পির ভিন্ন আর কেহই নই, আচ্ছা, সত্যি কথা বল  
দেখি বউদি, অসীম কি তোমায় কোনও কঠিন কথা  
বলে নি ?”

সেবিকা ঘামিয়া উঠিল । সরিত যে এ কথা

আনিয়া ফেলিবে তাহা যদি আগে সে জানিত,  
তবে তাড়াতাড়ি দুইটা পান দিয়া তাহারে শুধনি  
বিদায় করিয়া দিত । সে সরিতের পানে চাহিতে  
পারিল না, মুখ নীচু করিয়া পান মুড়িয়া ডিবাঘ  
ফেলিতে লাগিল ।

সরিত একটা নিশ্বাস ফেলিয়া বলিল “আমি সবই  
জানি বউদি । অসীম মোহে ভুলে নিজের সর্বনাশ  
নিজে করতে বসেছে । আমি তোমায় তোমায়  
কর্তব্য দেখিয়ে দিচ্ছি, যেন ভুল কোরো না ।”

সে সেদিনকার বেড়াইতে যাইবার কথা, দীপা-  
লীর কথা, সব ব্যক্ত করিয়া বলিল “তুমি স্ত্রী,  
স্বামীর ভাল মন্দ তোমার হাতে রয়েছে তা দেখছ ।  
এখন যদি তার কঠোর একটা কথা শুনে তুমিও  
অভিমান করে কঠোর কথা শুনাতে যাও তাকে,  
তাতে মন্দ ফলই হবে সন্দেহ নেই । আমি  
বরাবর তাকে দেখে আসছি, তাকে চিনেছি । সে  
ভারি একরোখা, যা ধরবে তা আর ছাড়বে না ।  
কঠিন কথায় তাকে বশ করতে পারা যাবে না,  
নরম কথায়, তার বশতা আগে স্বীকার করে তবে  
তাকে বশে আনতে হবে । তুমি কেন তার মনের  
মত হও নি—এই তার রাগ । আচ্ছা বউদি, চেষ্টা  
কর না কেন ?”

রুদ্ধকণ্ঠে সেবিকা বলিল “আমি যে তা পারিনে  
ঠাকুরপো ।”

সরিত বলিল “কেন পারবে না ? তুমি সামান্য  
একটু লেখা পড়া শিখলেই যদি হয়—”

সেবিকা বলিল “তা আমি করব বলেছিলুম,  
তিনি শুধু তা চান না । তিনি চান দিনরাত—”

কথাটা লজ্জায় সে শেষ করিতে পারিল না ।

সরিত আন্দাজে তাহা বুঝিয়া গেল । ক্লান্তভাবে  
বলিল “এটা অসীমের বড় বাড়াবাড়ি । মা, বাপ  
কাউকেই দেখছি সে কেয়ারে আনতে চায় না,  
নিজের জেনই বজায় রাখতে চায় । ছি ছি ! দেখি,  
আমি একবার তাকে বলিগে যাই । যদি আমার  
কথা আঙ্গ শুনে রাগি হয় ।”



সেবিকা অপ্রসন্ন চোখ দুইটি তুলিয়া বলিল “আমার কথা কিছু বোলনা ঠাকুরপো, তা হলে আমার মুখ দর্শন করবেন না।”

“না না, সে ভয় করতে, হবে না তোমার—” বলিয়া সরিত পান লইয়া উঠিতে বাইতেছিল, সেই সময় অসীম আসিয়া পড়িল।

সেবিকা অপরাধিনীর মত তাড়াতাড়ি মুখ কিরাইয়া চোখের জল মুছিয়া ফেলিল। সে আর মুখ তুলিতে পারিতেছিল না কারণ সে ভাবিয়াছিল অসীম তাহার সব কথা শুনিয়া ফেলিয়াছে। সরিতও প্রথমটা ভারি অপ্রসন্ন হইয়া পড়িল। সম্মুখে সে অসীমকে তিরস্কার করিবে ভাবিয়াছিল, সেটাতে দোষও হয় না, কিন্তু আড়ালে অসীমের সম্বন্ধে তাহার সমালোচনা করা অশ্রায় হইয়া গিয়াছে। অসীম উভয়ের পানেই একবার তীব্র চোখে চাহিল। তখনই তাহার মুখের কৃষ্ণিত ভাবটা দূর করিয়া প্রসন্নতা আনিয়া বলিল “কিসের ভয় নেই সরিত?”

সেবিকা অড়মড় ভাবে তাড়াতাড়ি পানের পাত্র এক পাশে ঠেলিয়া ফেলিয়া উঠিয়া পড়িল। দ্রুত চলিয়া বাইতে তাহার অকলের চাবীর গোছা দরজার সারির উপর পড়িয়া কাঁচখানা ঝন্ ঝন্ করিয়া ভাঙিয়া পড়িয়া গেল। সে আর কিরিয়াও চাহিল না।

একটা তীব্র বিরক্তিতে অসীমের সারা বুকটা ভরিয়া উঠিয়াছিল। সে একবার পলায়মানী জীর পানে তাকাইয়া বন্ধুর পানে আবার চাহিল।

সরিত সেবিকাকে বাঁচাইবার জন্য ব্যগ্র হইয়া উঠিয়াছিল। হঠাৎ উত্তরযোগ্য কোনও কথা তাহার মনে হয় নাই, সে তাই পকেট হইতে একটা সিগারেট বাহির করিয়া সেটা ধরাইয়া দুই এক টান দিয়া বলিল “বাইরে চল, বলা যাচ্ছে সব।”

উভয়ে বাহিরে আসিয়া সামনা সামনি দুখানা চেয়ার লইয়া বসিল। সরিত সিগারেটের ছাইগুলি আবুল দিয়া ঝাড়িতে ঝাড়িতে বলিল—“কথাটা হচ্ছে তোমারই সম্বন্ধে।”

অসীম স্থিরভাবে বলিল “আমার সম্বন্ধে কি রকম?”

সরিত একটু বিরক্তভাবে বলিল “রকম টকম আমি বুঝিনে। আমি দেখছি তুমি দিন দিন আলাদা হয়ে যাচ্ছ, কারও কাছে আর নিশ্চেষ্টে ধরা দিতে চাও না। আমি বউদির কাছে এ কথাটা মনের কষ্টে পাড়তে তিনিও বললেন তোমার ডাবই অমনি হয়েছে। তিনি ভয় করছিলেন তোমার কোনও অসুখ হয়েছে ভেবে। আমি তাই যাচ্ছিলুম তোমার কাছে।”

অসীম একটু মলিন হাসিয়া বলিল “এনকোয়ারী করতে? ডাক্তারের উপরেও ডাক্তারী করতে যাও তুমি, এত ক্ষমতী হয়েছে? দেব নাকি থার্মোমিটার, টেম্পারেচার নেবে? টেথিসকোপটা এনে দি, একবার ব্রেস্টটা একজামিন করতো তাই।”

সরিত গম্ভীর হইয়া বলিল “ইয়ারকির কথা নয় এটা। তোমার টেম্পারেচার নেয়ার কোনও দরকার নেই আমার, ব্রেস্ট একজামিন করবারও দরকার নেই। ব্রেস্টটা কোনও মেডিক্যাল অফিসারের কাছে একজামিন করানো দরকার তা বুঝতে পারছি।”

অসীম হো হো করিয়া হাসিয়া উঠিল, বলিল “দেখ, এবার যদি লিউনেটিক এসাইলামে পাঠাতে পার।”

সরিত অতিরিক্ত বিরক্ত হইয়া বলিল “বাস্তবিক বলছি অসীম, তোমার মনটা যে এমন হয়ে গেছে এতে আমি ভারি দুঃখিত হচ্ছি। আমি ডাবছি, তুমি তো আগে এ রকম ছিলে না। তেমন সরল অকপট মনটা তোমার কোথায় বিসর্জন দিলে অসীম? আমার কাছে কখনও কোনও কথা গোপন ত কর নি। আমি যখন কোনও বিপদে পড়েছি, তোমার কাছে পরামর্শ চেয়েছি, তুমি যখন কোনও বিপদে পড়েছ আমার কাছে পরামর্শ চেয়েছ। আজ তোমার কি হয়েছে, তোমার মুখ অত আঁধার কেন? আমি তোমার ধরবার চেষ্টা

করেও ধরতে পারছিলেন কেন? সব কথাগুলো—  
বন্ধুত্বের খাতিরে নয়, ঘৃণা করে আমার বলবে কি?”

অসীম মাথাটা নীচু করিয়া একখানা বই  
টামিয়া লইয়া পাতা উন্টাইয়া ঘাইতে লাগিল।  
স্মৃতির কথা উত্তর দিল না।

সহৃদে স্মরিত বলিল “বুঝেছি তুমি আমার  
কাছে সব গোপন করে রাখতে চাও। আমি  
জেনেছি এর মধ্যে তুমি আরও একবার স্থধীরের  
বাড়ী গেছলে। ভেবে না আমি কিছু জানতে  
পারছি নে। নিজের দিকে তাকাও বা না তাকাও  
তাতে আমার কিছু আসে যায় না, কারণ তোমাকে  
তুমিই চালনা করবে। তোমার সঙ্গে আর একটা  
নারীর অদৃষ্টও জড়িত আছে। তোমার মুখ দুঃখ  
তাকে সমানভাবে স্পর্শ করবে। এতে তুমিও  
যতটা কষ্ট পাচ্ছ, সে তার চেয়েও কষ্ট পাচ্ছে।  
তোমার কষ্ট তুমি ইচ্ছা করলেই দূর করতে পারো,  
সে তা পুরে না, পারবেও না—”

বাধা দিয়া একটু তীব্র ভাবেই অসীম বলিল  
“কেন পারবে না? ইচ্ছা করলেই সেও পারবে।”

স্মরিত তাহার কাণ নাড়িয়া দিয়া বলিল “বেশী  
লেখাপড়া শিখলে, জানটা বুঝি এই রকমই বেড়ে  
যায়? হিন্দুধর্মের মেয়েরা স্বামীকেই একমাত্র  
পরমারাধ্য দেবতা বলে জেনে নেয়। স্বামী তাকে  
হাজার নির্যাতন করলেও সেই স্বামীর পায়ের  
তলে বুক পেতে রেখে দেয়। তুমি ইচ্ছা করলে  
দীপালিকে গ্রহণ করতে পারবে কিন্তু তোমার স্ত্রী  
অন্ত স্বামী নিতে পারবে না। তুমি আবার স্থধী  
হতে পার, সে আর স্থধী হতে পারে না। বিধবাদের  
দেখেছ? স্বামী চলে গেছেন, স্ত্রী তাঁর পবিত্র  
স্বতি বুক নিয়ে বেঁচে আছেন। যতদিন বেঁচে  
থাকবেন, সেই স্বতিই তাঁর একমাত্র অবলম্বন হয়ে  
থাকবে। কি পবিত্র ত্যাগ দেখ ত। তাঁরাও  
তো আবার বিয়ে করতে পারতেন, কিন্তু নিজেরাই  
ত্যাগ স্বীকার করে এ মহা আদর্শ ভারতের বুক  
এঁকে রেখে গেছেন। আমরা একটার স্বপ্নপায়

দশটা বিয়ে করি, আজ বউ মরে গেলে কাল আবার  
বিয়ে করি, এই তো আমাদের স্বভাব। নিজের  
সঙ্গে আর স্ত্রীর সঙ্গে এত সহজে কেমন করে যে  
তুলনা করে দেখে তাকেও তোমার মত উচ্ছ্বল  
হতে বল, তাই ভেবে আমি আশ্চর্য হচ্ছি।”

অসীম মাথা না তুলিয়াই বলিল “আমায় কি  
করতে বল তুমি, শুনি?”

উত্তেজিত হইয়া স্মরিত বলিল “কি, তুমি  
আমার কথা শুনে তারপরে নিজের কর্তব্য ঠিক  
করতে চাও? নিজের স্ত্রীর প্রতি তোমার কি  
কর্তব্য তা তোমার নিজের জ্ঞান নেই? যদি তাই  
হয়, অর্থাৎ যদি আমার কথা শুনে তোমার কর্তব্য  
ফেরে, সে কর্তব্য আমি চাইনে। সেটা দয়ার  
দান মাত্র, স্বৈচ্ছার দান নয়। বউদি যদি স্বার্থ  
মানুষ হন, মনুষ্য যদি থাকে তাঁর হৃদয়ে, তবে  
এ দয়ার দান ঘেন কখনও না গ্রহণ করেন। পরের  
দ্বারা ভিক্ষা করানো জিনিস বিষের মতই তাঁর দূরে  
ফেলা উচিত। যেটা তাঁর স্বভাবতঃ প্রাপ্য, সেটা  
কিনা অবশেষে মাথা ছুইয়ে ভিক্ষা স্বরূপ নিতে  
হবে? ছিঃ, ঠিক না এমন জীবনে।”

খুব রাগত ভাবেই সে ক্ষুণ্ণপদে ঘর ছাড়িয়া  
বাহির হইয়া গেল। অসীম তখনও চুপ করিয়া  
বইয়ের পাতা উন্টাইতে লাগিল।

খানিক বাদেই স্মরিতের জুতার শব্দ আবার  
পাওয়া গেল। সে দরজার উপরে দাঁড়াইয়া  
থাকিয়াই বলিল “আমি আজই দার্জিলিং যাচ্ছি,  
বোধ হয় মাস পাঁচ ছয় এখানে আসব না।  
আজকের দুপুর বেলায় তোমায় আমার বাড়ী  
নিমন্ত্রণ করছি, যাবে কি?”

অসীম মুখ তুলিয়া চাহিয়া দেখিল তাহার মুখে  
সে উগ্রতা আর নাই। সে লাল রং ঘুচিয়া গিয়া  
আবার তাহার স্বাভাবিক পৌর রং ফিরিয়া  
আসিয়াছে। তাহার ওষ্ঠে আবার সেই হাসির  
রেখা ভাসিয়া উঠিয়াছে।

অসীম একটুখানি কি ভাবিল, তাহার পর মাথা

নাড়িয়া বলিল “না আমার শরীর খারাপ বোধ হচ্ছে।” জোয়ার কাল রাত্রে নিমন্ত্রণ নিতে না পেরে আমি লজ্জিত হয়েছি, তা জেনেও যে আবার আমার বেশী করে লজ্জা দেবার জন্তে তুমি আজ আমায় নিমন্ত্রণ করছো, এতে আমি দুঃখিতও হলাম।”

সরিত একটুখানি দাঁড়াইয়া রহিল, তাহার পর একটা নিঃশ্বাস ফেলিয়া ধীরে ধীরে পথে বাহির

হইয়া পড়িল। অসীম একবার তাহার পানে চাহিল, চক্ষু ছুইটী তাহার জলিয়া উঠিল; অক্ষুট স্বরে সে আপন মনে বলিল “আমি বলে তাই, অল্প কেউ হলে এতক্ষণ খুন করে ফেলত।”

বইখানা ছুড়িয়া ফেলিয়া সে চেয়ারখানাতে আড়ভাবে পড়িয়া পা দুখানা টেবিলে তুলিয়া দিয়া ভাবিতে লাগিল—এক্ষণে উপায় কি, কি করিলে সে নষ্ট শাস্তি ফিরিয়া পায়। (ক্রমশঃ)

## আসামদেশীয় মহিলাদিগের সামাজিক প্রথা

আসাম পর্য্যটক - শ্রীবিজয়ভূষণ ঘোষ চৌধুরী ।

( ২ )

বিবাহ-ব্যবস্থা—বঙ্গীয় হিন্দুসমাজ নদীয়ার স্বর্গ রঘুনন্দন ভট্টাচার্যের বিবাহ বিষয়ক বিধি-ব্যবস্থা মানিয়া চলেন। গোয়ালপাড়া ও কামরূপ জেলায় মহামহোপাধ্যায় পীতাম্বর সিদ্ধান্তবাগীশের ব্যবস্থা-মতে অসমীয়া হিন্দুদিগের বিবাহ হয়। দরঙ্গ (Darrang) জেলায় সাধারণতঃ পীতাম্বর সিদ্ধান্ত বাগীশের বিধান মতে এবং কাছারও রঘুনন্দন ও পীতাম্বর উভয়ের মাঝামাঝি মিশ্রিত ব্যবস্থামতে বিবাহ হইয়া থাকে। শ্রীহট্ট অঞ্চল উত্তর, দক্ষিণ, পূর্ব, পশ্চিম এই চারিটা বিভাগে বিভক্ত। উত্তর ও পূর্ব শ্রীহট্ট অঞ্চলের হিন্দুরা শূলপাণি ও বাচস্পতি মিশ্রের প্রাচীন বিধানমতে বিবাহের ক্রিয়া কলাপ সম্পাদন করিয়া থাকেন। কাছাড় অঞ্চলের হিন্দুরা ইহাদেরই মতাবলম্বী। হাইলাকান্দ্রির রায় বাহাদুর হরকিশোর চক্রবর্তী মহাশয় আমাদের লিখিয়াছেন—“দক্ষিণ ও পশ্চিম শ্রীহট্টের কতক অংশের হিন্দুরা শূলপাণি ও বাচস্পতি মিশ্রের বিবাহ-বিধি পালন করেন এবং সেখানকার আর কতক হিন্দুরা

স্বর্গ রঘুনন্দন ভট্টাচার্যের ব্যবস্থায়মানী উদ্ভাহ-ক্রিয়া সম্পন্ন করিয়া থাকেন। নগাঁও জেলার নিম্নশ্রেণীর মধ্যে বহুকাল হইতে যে “হাড় শুচিবিবাহ” প্রচলিত আছে তাহার ব্যবস্থাপকের নাম অজ্ঞাত। গোয়াল-পাড়া জেলার কোন কোন স্থানে বাঙ্গালীদিগের পদ্ধতি মত অসমীয়া হিন্দুদিগের “বাসী বিবাহ” হয়। আসামের কোন স্থানে বাঙ্গালীদিগের এই প্রথা প্রচলিত নাই।

পণপ্রথা—পূর্বে কামরূপ অঞ্চলে বরণ ও কস্তাপণ খুবই ছিল। এক্ষণে বিবাহের জন্ত আসামের কোথাপিও পাত্রীর পিতাকে “পণ” দিতে হয় না। বিপত্নীকেরা পুনরায় বিবাহ করিতে চাহিলে কামরূপীয়া কস্তাপণ খুব বেশী পণ দাবী করিয়া থাকেন। গোয়ালপাড়া ও কামরূপ অঞ্চলের ব্রাহ্মণগণ অধিকাংশ হলে পণ গ্রহণপূর্বক কস্তার বিবাহ দিয়া থাকেন। দরঙ্গ জেলায় বরণ ও কস্তাপণ নাই বলিলে চলে। সেখানে সাধারণ লোকের মধ্যে দেখিতে পাওয়া যায় যে, কস্তাপণীয় ব্যক্তির আর্থিক অবস্থা অস্বচ্ছল হইলে বরণের

নিকট হইতে কিছু অর্থ লওয়া হয়। দরঙ্গ ও লখিমপুর অঞ্চলের ব্রাহ্মণগণ কন্ডার বিবাহ উপলক্ষে কোনরূপ পণ গ্রহণ করেন না। শ্রীহটে কন্ডাপণ বহুলরূপে প্রচলিত ছিল এখনও আছে। অম্বু-সন্ধানে জানা গিয়াছে, ১৩২-২১ বৎসর হইতে সেখানে বরণ চলিতে আরম্ভ হইয়াছে। শ্রীহটে কায়স্থ, বৈষ্ণব ও সাহু জাতির মধ্যে বিবাহ প্রচলিত আছে। একপ স্থলে পণপ্রথা অনিবার্য। কায়স্থ বৈষ্ণব কন্ডার পানিগ্রহণ করিলে এবং সাহু জাতীয় বরের অম্বু কায়স্থ কন্ডার আবশ্যক হইলে বরণকে অতিমাত্রায় পণ দিতেই হইবে। কাছাড়ের হাইলা-কান্দ মহকুমায় বৈষ্ণব ও সাহুজাতি নাই। সেখানে ব্রাহ্মণ ও কায়স্থ জাতির মধ্যে কোনরূপ পণপ্রথা নাই। বহুদিন পূর্বে সেখানে ব্রাহ্মণ ও কায়স্থ জাতির মধ্যে কন্ডাপণ প্রচলিত ছিল। এক্ষণে তাহা রহিত হইয়া গিয়াছে।

• **পাত্রীদেখা**—বিবাহের কথাবার্তা হইলে অধিকাংশ স্থলে বাড়ীর মেয়েরা "পাত্রী" দেখিতে যান। সাধারণ লোকের বাড়ীর মেয়েরা নিজেরাই অবাধে ঘাইয়া থাকেন। কেবল কামরূপের কোন কোন স্থানের ব্রাহ্মণ, কায়স্থ ও সম্রাস্ত্র দৈবজ্ঞ জাতির মহিলারা পাত্রী দেখিতে যান না। গোয়ালপাড়া ও গোহাটী মহকুমায় ঐ জাতিত্রয়ের বাড়ীর স্ত্রীলোকেরা পাত্রী-গৃহে আদৌ যান না। তাহাদের পরিবর্তে অম্বু জাতীয় স্ত্রীলোকদিগকে সেখানে পাঠান হয়। দেশীয় প্রথাগুণারে ঐ স্ত্রীলোকেরা প্রত্যাবর্তন করিবার কালে পাত্রীকে একটা অলঙ্কার ও এক বোতল তৈল দেন এবং তৎপরে তাহাকে নূতন কাপড় পরাইয়া তাহার কপালে সিন্দূর দিয়া থাকেন।

**কন্ডাবরণ**—কামরূপ জেলায় বিবাহ কালে কন্ডাকে "খাড়ু" পরিধান করান হয়। এখানকার খাড়ুগুলি রৌপ্যানির্মিত, কচিং সোণার

পাতে মোড়া দেখিতে পাওয়া যায়। কোন্ কোন ধনীলোক রূপার "মুঠি"তে সোণার পান ঢালাইয়া লন। অসমীয়াগণ ইহাকে "সোণ খটোয়া মুঠি" বলিয়া থাকেন। দরঙ্গ জেলা ব্যতীত কামরূপ অঞ্চলে "খুরিয়া" নামক কর্ণালঙ্কারের প্রচলন নাই। আপার আসামে ও দরঙ্গ জেলায় "বলয়" ব্যবহার-বিধি আছে। যাহাদের অবস্থা স্বচ্ছল নহে, তাহারা আর বালা কোথায় পাইবেন, কাজেকাজেই তাহাদিগকে শুধু হাতে থাকিতে হয়। আপার আসামের লখিমপুর অঞ্চলের হিন্দু কন্ডারা বিবাহ-কালে অথবা মহিলারা কোন সময়ে কোমরে "করধন" বা অম্বু কোনপ্রকার অলঙ্কার এবং কাণে সোণার "করিয়া" পরিধান করেন না। সেখানকার প্রাচীনা মহিলাদিগকে কাজকর্মের সময় সাধারণতঃ কাণে "কেক" এবং গলায় "মণি" পরিধান করিতে দেখা যায়। কায়স্থ ও কলিতাদিগের কন্ডারা বিবাহ-কালে একই প্রকার অলঙ্কার পরিধান করিয়া থাকেন। গোহাটীর রায় বাহাদুর কাশীনাথ সেন মহাশয় বলেন ( ১৬ই মার্চ তারিখের পত্র )— "আপার আসামে খাতি কায়স্থ আছেন কিনা সন্দেহ। তত্রস্থ যাহারা আপনাদিগকে কায়স্থ বলিয়া পরিচয় দেন তাহাদের মধ্যে অসবর্ণ বিবাহ প্রচলিত আছে।" অবসর প্রাপ্ত একট্রা অ্যান্টিস্ট্যান্ট কমিশনার রজনীকান্ত বুরদটেল মহাশয় বলেন ( বিগত ২৪শে মে তারিখের পত্র )—"লখিমপুর জেলায় খাতি ( ১ ) কায়স্থ আছেন বলিয়া মনে হয় না, সেখানে কায়স্থ এবং কলিতাতে মেশান।" গোয়ালপাড়া জেলার সজ্জতিপন্ন ব্যক্তির কন্ডারা বিবাহকালে খাড়ুর পরিবর্তে সূবর্ণ বলয় এবং দরিদ্র ব্যক্তির কন্ডারা বিবাহকালে শাখা পরিধান করিয়া থাকেন। শ্রীহটে খাড়ুর প্রচলন ক্রমশঃ উঠিয়া যাইতেছে এবং উহার পরিবর্তে "গঙ্গা যমুনা রুপী" এবং "ছয়রা",

(১) খাতি অর্থাৎ বিবাহ। যে সকল "কায়স্থ" কায়স্থ জাতির ব্যবসায় সংস্কার পালন করেন, ব্রাহ্মণদিগের মত বিধিবিবাহ করেন না, রজঃখলার পূর্বে কন্ডার বিবাহ দিয়া থাকেন তাহারা খাতি কায়স্থ। ( ভরগুণ্ডা নিবাসী প্রক্বেয় বীরহরি বসু বরুণা মহাশয়ের বিগত ২৯শে তারিখের পত্র । )



“ওজরী” প্রকৃতি পদাভরণ ব্যবহৃত হইতেছে। বিবাহকালে সেখানে প্রধানতঃ শেখোক্ত অলঙ্কার ও “চরণপদ্ম” ব্যবহৃত হয়।

বরের আগমন - গোয়ালপাড়া, গোহাটী, বড়পেট ও মঙ্গলদৈ মহকুমার বর কন্ডার বাড়ীতে উপস্থিত হইলে হোম পূজাদি বৈদিক ক্রিয়া অহুষ্ঠিত হয়। এই সকল সমাপনান্তে কন্ডাপক্ষ বরকে অন্দরমহলে লইয়া যায়। সেখানে বহু মহিলা সমবেত হইয়া গীত গান। কিছুকণ পরে বরের আত্মীয়ারা বর ও কন্ডাকে একটা পাটীর উপর উপবেশন করাইয়া তাঁহাদিগের দেশীয় “আগ চাউল দিয়া” প্রথা পালন করেন। আমরা এই প্রথার বিষয় গতবারে সবিশেষ বিবৃত করিয়াছি। বিবাহকালে কাছাড়স্থ সকল শ্রেণীর মহিলারাই গান গাহিয়া থাকেন। উজনীয়া অঞ্চলে বর যখন কন্ডার পিতৃভ্রাতৃগণের বহির্ভাগে আসিয়া উপস্থিত হয়, কন্ডার কনিষ্ঠা ভগ্নী ‘সর্বসমক্ষে তাহাকে চূষন প্রদানপূর্বক অস্তঃপুর গমনের জন্ত সজ্জাষণ করিয়া থাকে। উজনীয়াবাসীরা কামরূপে অবস্থানকালে তাহার কন্ডার বিবাহ হইলে উজনীয়া অঞ্চলের পদ্ধতি অনুসারে বিবাহ হইয়া থাকে, ঐ প্রথারও ব্যতিক্রম ঘটে না। কিন্তু গোয়ালপাড়া ও কামরূপ অঞ্চলে বরকে সঘর্জন্যর জন্ত কন্ডার কনিষ্ঠা ভগ্নীর চূষন করিবার রীতি নাই।

মংলিখিত আসাম প্রসঙ্গে লিখিত হইয়াছে— “আসামের সর্বত্রই ব্রাহ্মণ ব্যতীত অল্প শ্রেণীর হিন্দু কন্ডাপণের বিবাহের নির্দিষ্ট বয়স নাই।” গোহাটীর শ্রীযুক্ত অধিকানাথ বরা আমাদিগকে কয়েক বৎসর পূর্বে দৃঢ়তার সহিত ইহাই বলিয়াছিলেন। পুস্তক প্রকাশের পর কামরূপের কয়েকজন সম্ভ্রান্ত কায়স্থ এ বিষয়ে তীব্র প্রতিবাদ করিলে আমরা প্রকৃত তথ্যের অহুস্কানান্তে অবগত হইয়াছি “গোয়াল-পাড়া ও কামরূপ অঞ্চলে দ্বিতীয় সংস্কারের পূর্বে

ব্রাহ্মণ কন্ডার মত কায়স্থ ও দৈবজ জাতির কন্ডার বিবাহ না হইলে পাতীর পিতাকে জাতিচ্যুত হইতে হয়।” এই জন্ত এই তিনটি সমাজে বাল্যবিবাহের প্রাবল্য পরিলক্ষিত হয়। কাছাড় অঞ্চলে দ্বিতীয় সংস্কারের পূর্বে কায়স্থ কন্ডাপণের বিবাহ দিবার নিয়ম আছে। তবে তেমন বর পাওয়ার অভাবে অনেক কায়স্থ কন্ডাকে ৩১ঃ বৎসর বয়স পর্যন্ত বাধ্য হইয়া অবিবাহিত থাকিতে হয়। আমরা অহুস্কানে জানিয়াছি, ইতিমধ্যে তাহারা পুষ্পবতী হইয়া পড়িলে, নিজ পরিবারের মধ্যে তাহা গোপন রাখা হয়। সমাজে পতিত অথবা জাতিচ্যুত হইবার আশঙ্কায় বাড়ীর লোকেয়া অল্প কাহাকেও জানিতে দেন না।

দ্বিতীয় সংস্কার—কন্ডা প্রথম ঋতুমতী হইলে বাঙ্গালার পল্লীতে তৎকাল “কাদা-মাটি”র প্রথা প্রচলিত আছে। কোন অসমীয়া কন্ডা ঋতুমতী হইলে ঘরের পশ্চাৎভাগে একটা কলাগাছ পোতা হয়। বাড়ীর লোকে একটা অথবা দুইটা কলাগাছ ধুও ধুও করিয়া সেখানে বিছাইয়া রাখিয়া দেয়। স্বচ্ছল ভঙ্গুরের কন্ডা হইলে, বাড়ীর ঝি এবং নিম্নশ্রেণীর ঘরের হইলে তাহার আপন জ্যেষ্ঠাই, খুড়ী অথবা কোন ঘনিষ্ঠ আত্মীয় চতুর্থ দিবসে তাহাকে ঐ ধুওিত কলাগাছের উপর বসাইয়া স্নান করাইয়া দেয়। সেখানে গ্রামের অনেক স্ত্রীলোক যথাসময়ে একত্রিত হইয়া গীত গাহিয়া থাকেন। স্নানান্তে কন্ডাকে ঘরে লইয়া যাওয়া হয়। অতঃপর ৭টা বজা, ডুঘুর, ৩টা পান, খানিকটা খুরি (১) কলাপাতা, ৪৫ অঙ্কুর প্রমাণ দীর্ঘ ঝড়, এই গুলিকে একত্রিত করিয়া তিনটি বিভিন্ন রংয়ের সূতার দ্বারা বাঁধা হয়। অসমীয়ারা ইহাকে “কানাই” অর্থাৎ ছেলে কৃষ্ণ বলেন। এই কানাইকে কন্ডার হাতে দেওয়া হয়। কন্ডা তাহার প্রত্যেক প্রতিবাসিনীর হস্তে উহা

(১) অসমীয়ারা খুব কচি কলাপাতাকে “খুরি কলাপাতা” বলেন।



প্রদান করে । তাঁহারা উহাকে চুষন করেন এবং যথাসাধ্য উপহার সহ কস্তাকে প্রত্যাবর্তন করেন । অনিচ্ছুক স্ত্রীলোকেৱা কানাই গ্রহণ করেন না ।

আপার আসাম অঞ্চলে এই কানাই করিবার প্রথা আছে ; কিন্তু নিম্ন আসামে কানাইয়ের পরিবর্তে একখানি কাটারী উপরোক্ত জব্যাদি সহ একখানি গামছায় বাধিয়া পূর্বমত করা হয় । এই কাটারীর সহিত একটা মাড়িষ ফলও বাধা হয় । অসমীয়াৱা ইহাকে “ফল কাটারী” বলিয়া থাকেন । এই কানাই এবং ফল কাটারী যত্নপূর্বক ঘরে রাখিয়া দেওয়া হয় । স্থিরীকৃত দ্বিতীয় বিবাহের দিন, বিবাহ-সভায় বর ও কস্তার মধ্যভাগে একখানি কাপড় ( পর্দা ) ধরা হয় । কস্তা ঐ কানাই অথবা ফল কাটারীকে পর্দার উপর দিয়া বরের দিকে ফেলিয়া দেয় । কস্তাও কাপড় পাড়িয়া উহাকে ধরিয়া থাকে । ৩ অথবা ৫ বার এইরূপ করাই দেশীয় প্রথা । উজানী অঞ্চলে ইহাকে “কানাই সলেয়া” এবং ভাটী অঞ্চলে “ফল কাটারী” বলা হয় । অসমীয়া ভাষায় “সলেয়া” অর্থে অদল-বদল বুঝায় ।

একুণে আমরা দরঙ্গ জেলার কথা বলিব । কস্তা ঋতুমতী হইলে গ্রামস্থ এবং নিকটস্থ আত্মীয় কুটুম্বের স্ত্রীলোকেৱা সপ্তম দিবসে একত্রিত হইয়া তাহাকে স্নানান্তর নূতন বস্ত্র পরিধান করাইয়া আশীর্বাদ করেন । এই কার্যে পুরোহিতও আসিয়া শাস্তিভল দেন । দরঙ্গ জেলায় এই অস্থচানকে “পাশীতোলানী” বলে ।

### সামাজিক আচার ব্যবহার—

সমগ্র আসামে ব্রাহ্মণ, গোখামী, কায়স্থ এবং কলিতা প্রভৃতি জাতির মহিলাৱা স্ব স্ব গৃহে বস্ত্র বয়ন করিয়া থাকেন । গোয়ালপাড়া ও কামৰূপের

কায়স্থ মহিলাৱা বাড়ী হইতে কখনও বাস্তায় বাহির হন না । তাঁহাদের সাংসারিক অবস্থা যতই কেন অস্বচ্ছল হউক না, প্রকাশভাবে কিছুতেই তাঁহারা বাস্তায় চলিতে চাহেন না । ইহার একমাত্র কারণ এই ছই অঞ্চলের কায়স্থ মহিলাৱা বহুকাল হইতে বাস্তায় ব্রাহ্মণ ও কায়স্থ মহিলাদিগের স্তায় অন্দর মহলে জীবন যাপন করিয়া আসিতেছেন । উজানী অঞ্চলের কৃষক-পত্নীৱা মাঠে ধাত্ত কর্তন করেন ও সেগুলিকে বিড়া বাধিয়া বাড়ীতে আনিয়া তদ্বারা গাদা ( pile ) প্রস্তুত করেন । সেখানকার কোন কোন ব্রাহ্মণ বিধবা ধাত্ত কর্তন করিয়া থাকেন । নিম্ন আসামের কৃষক-পত্নীৱা চাষের কার্যে হস্তক্ষেপ করে না । শ্রীহট্ট অঞ্চলের কোন শ্রেণীর মহিলা “রীশা” অথবা “মেথেলা” পরিধান করেন না । স্ত্রীর বড় ভগ্নীর সহিত স্বামীর কথা কহিবার রীতি অসমীয়াদিগের মধ্যে আদৌ নাই । কাছাড় জেলাস্থ ব্রাহ্মণ, কায়স্থ ও শিক্ষিত শূদ্ৰেৱা স্ত্রীর স্মোষ্ঠা ভগ্নীমহ আলাপ করিয়া থাকেন ; কিন্তু অনেকেই তাঁহাকে স্পর্শ করেন না । সেখানকার হিন্দু জাতির মধ্যে অসবর্ণ বিবাহ প্রচলিত নাই । সেখানে বিবাহের পরদিন পাকস্পর্শ হয় না । পাকস্পর্শ প্রথা প্রায় উঠিয়া গিয়াছে । কোন কোন স্থানে উহা আছে । সেখানে চতুর্থ মঙ্গলবারের পর দিন পাকস্পর্শ হইয়া থাকে । বিবাহের পূর্বে অসমীয়া কুমারীৱা কপালে ও সিংখায় সিন্দূর পরিধান করে । শ্রীহট্ট অঞ্চলেও এরূপ প্রথা আছে । কলিতা, কেওা, কৈবর্ত এই তিন জাতির বিধবা বিবাহ একই পদ্ধতিতে হইয়া থাকে—হোম হয় না । আগচাল দিলেই হইল । লখিমপুর জেলার কেওা ও কলিতার মধ্যে ভূরি ভূরি অসবর্ণ বিবাহ হয় । নদীয়া জাতির সহিতও এই ছই জাতির বিবাহের আদান-প্রদান হইয়া থাকে ।

## চিত্রকর \*

শ্রীমত্বেন্দ্রকুমার গুপ্ত ।

( ১ )

তরুণ চিত্রকর  
তুলিকা তাহার ফুটায় তুলিত  
একটা ছবির'পর !  
দিবানিশি তার থাকিত না জান  
আলোক আধার সকলি সমান,  
কক্ষ সে ঘর—নীরব আধার •  
পশে না রবির কর,  
একাকী তথায় থাকিত বসিয়া  
নবীন চিত্রকর ।

( ২ )

সহযোগী তার কত  
নানান্ রঙেতে আপনার ছবি  
তুলিত ফুটায় শত !  
শিল্পী হেথায় বসিয়া বিজনে  
আঁকিত ছবিটা আপনার মনে,  
লোহিত ব্যতীত কোন রং তার  
ছিল না তাদের মত,  
বিশ্বয়ে তবু ফুকরিয়া উঠে  
পটুয়া-পথিক যত !

( ৩ )

স্বনাম তাহার শেষে  
কি জানি কেমনে পড়িল ছড়ায়ে  
দূর কত দেশে দেশে !  
ছুটে আসে সব পটুয়ার দল  
ছয়ায়ে দাঁড়ায় করে কোলাহল  
রঙের সন্ধান জিজ্ঞাসে সবে,  
—পটুয়া কহিল হেসে,  
সন্ধান তার পাবে না এখন  
কহিব সুরগ-শেষে ।

( ৪ )

ভুলিল না কেহ হায় !  
বাতুল বলিয়া উপহাসে' কেহ  
—রোবে কেহ ফিরি' যায় ।  
শিল্পী তখন তুলিকা তাহার  
হাতে তুলি ধীরে লইল আবার  
আঁকিয়া চলিল অতি সযতনে  
কোন দিকে নীহি চায়—  
একটা বরষ এইরূপে পুনঃ  
ধীরে ধীরে কেটে যায় ।

( ৫ )

সহসা একদা প্রাতে  
পটুয়ার প্রাণ মিশে গেল ধীরে  
পঞ্চবায়ুর সাথে !  
ভুলিয়া সকলে হরষিত মনে  
ছুটিয়া চলিল পটুয়া সদনে,  
সন্ধান করে রঙটা তাহার,  
উৎসাহে সবে মাতে,  
বরিল না কেহ তরুণ যুবকে  
একটি অশ্রুপাতে !

( ৬ )

আকাশ নীরব রান—  
চিতার উপরে শায়িত শিল্পী  
—জীবনের অবসান !  
বুকের উপরে শোভিতেছে কত  
তিল তিল করি লভিয়াছে যত  
সকল শোণিতবিন্দু সে যে গো  
ছবিরে করেছে দান,  
নির্ঝাক হোল পটুয়া সকলে  
নিশ্চল হতমান !

\* বর্তমান আখ্যায়িকার মাতৃ-স্মরণে শ্রীমতী বীণাপাণি বহু লিখিত 'চিত্রকর' গ্রন্থসমূহে লিখিত ।—লেখক ।

## ঘর্ষাদা

শ্রীককিরচন্দ্র চট্টোপাধ্যায় ।

( গল্প )

[ পূর্ব প্রকাশিতের পর ]

( ৪ )

কম্পাউণ্ডারী পড়িবার সময় ভিতরে ভিতরে রাত্রি জাগিয়া ম্যাট্রিক পাশ করিয়াছিলাম। অতিরিক্ত পরিশ্রম করিতে দেখিলে মা নিষেধ করিতেন বলিয়া এ কথা তাঁহাকে জানিতে দিই নাই।

সেবার দেশে অতিরিক্ত বর্ষা হইয়াছিল। পথ ঘাট সব জলে ডুবিয়া গিয়াছিল। নীবিড় ঘন মেঘে সূর্য্যদা আকাশ আচ্ছন্ন হইয়া আছে। ঘরের বাহির হওয়া একরূপ অসম্ভব হইয়া পড়িয়াছে। একমাত্র কৃষকগণ মহানন্দে মাথায় তালপাতার টোকা দিয়া জমিতে লাঙ্গল দিতেছে। জীবন-মরণ পণ করিয়া সারা বৎসরের গ্রাসীচ্ছাদন করিবার উপায়টি আগ্রহভরে, আশাবিত্ত অন্তরে সম্পন্ন করিতেছে। শুষ্ক পুষ্করিণীগুলি আবার জলপূর্ণ হইয়া ভেককুলের অপার আনন্দের পথ মুক্ত করিয়া তুলিয়াছে। রৌদ্র-দগ্ধ তরলতাগুলি নববারি সম্পাতে নবীনহর্ষে নগ্নন বিমোহন সবুজ হইয়া প্রকৃতির শ্রামল শোভার আনন্দবার্তা চতুর্দিকে প্রচার করিতেছে। পাঠশালার ছেলেদের অনেকেই তালপাতার 'পাততাড়ি' পরিত্যাগ করিয়া পুকুরে পগারে ছিপ্ হাতে ভিজিয়া ভিজিয়া মাছ ধরিবার আশায় কিরিতেছে। একটু একটু ম্যালেরিয়া দেখা দিবার উপক্রম করিতেছে।

ঠিক সেই সময়ে আমার একটা চাকরী হইল। মাকে চাকরীর কথা বলিলাম। মা, চাকরী হইয়াছে শুনিয়া সন্তুষ্ট হইলেন সত্য কিন্তু, তিনি কি ভাবিয়া যেম অধিকতর চিন্তাবিত্ত হইয়া পড়িলেন।

আমাদের ঘৎসামান্য জমি ছিল। তখন আবাদ করাইবার সময়। তাহার উপর নূতন করিয়া ঘর বাড়ী মেরামত করা হইয়াছিল, সে সব ছাড়িয়া আমার সহিত মার কর্মস্থানে যাইতে হইলে বাড়ী ঘর সব আবার নষ্ট হইয়া যাইবে। এই সব মেরামত করিতে আমাদের কিছু টাকা দেনা হইয়াছিল। তাহা পরিশোধ করিতে হইবে এবং কাশীতেও টাকা পাঠাইতে হইবে। হুতরাং চাকরীতে আর অমত থাকিলেও বর্তমান অবস্থা চারিদিক দিয়া ভাবিয়া তিনি সন্তুষ্ট হইয়াছেন এমন ভাব মুখে প্রকাশ করিলেন, মনে মনে যেন তাহার সমর্থন করিতে পারিতেছিলেন না বলিয়া অনুমান হইল।

মা অনেক বিবেচনা করিয়া শেষে মত দিলেন, বলিলেন "কিছুদিন চাকরী করে হেনাগুলি পরিষ্কার কর, তারপর কিছু টাকা জমিয়ে গ্রামে একটা ভাস্কারখানা খুলে স্বাধীনভাবে থাকতে পারবি।"

ধাওয়া থাকা ছাড়া আমার মাসিক বেতন হইয়াছিল ৫০ টাকা। মা জিজ্ঞাসা করিলেন— "যেখানে চাকরী হয়েছে সে দেশ কেমন? সেখানে ম্যালেরিয়া আছে কি না? ধাওয়া দাওয়ার কোন কষ্ট হবে না ত?" মার প্রশ্নের বর্ধাযথ উত্তর দিয়া আমার কর্মস্থলে যাইবার ব্যবস্থা করিতে লাগিলাম। কতকগুলি খামে মাকে ইংরাজিতে আমার কর্মস্থানের ঠিকানা লিখিয়া দিলাম। খুব সাবধানে থাকিবার কথা বলিয়া একবার সন্তরে জিজ্ঞাসা করিলাম "মা, এখন ত আমার চাকরী হয়েছে, এখানে একলা থাকা অপেক্ষা আমার

বাড়ীতে তোমার থাকলে হয় না? আমি মাসে মাসে মামাকে তোমার খরচের টাকা পাঠিয়ে দেব।”

মা আমার কথা শুনিয়া অনেকক্ষণ পর্যন্ত নির্বাক হইয়া আমার মুখের দিকে চাহিয়া রহিলেন। বৃষ্টি-লাম, মা যেন এ প্রস্তাবে মনে মনে বিশেষ বিরক্ত ও চুঃখিত হইয়াছেন। কিন্তু, আজ পর্যন্ত একদিনও ত তিনি মামার উপর কোন প্রকার অসন্তোষের ভাব প্রকাশ করেন নাই, বরং কতবার তিনি আমাকে জিদ করিয়া তাঁহার সংবাদ আনিতে পাঠাইয়াছেন। মামাকে তিনি ত অন্তরের সহিত ভালবাসিতেন, তবে সেখানে খরচের টাকা দিয়া থাকিবার কথা শুনিবামাত্র মা কেন অপ্রসন্ন হইয়া উঠিলেন! আমি কোন কথা বলিবার পূর্বেই মা নিজ হইতে বলিলেন, “নলিন, এখন সেখানে গেলে ঘরবাড়ী চাষবাস সব নষ্ট হ’য়ে যাবে যে, মইলে আমি ত সঙ্গেই যেতাম। যদি আমি এখানে তেমন কষ্ট বা অসুবিধা হ’চ্ছে বৃষ্টি তাহলে সেখানে যেতেই বা কতক্ষণ? সেজন্য তোর কোন চিন্তা নেই। কষ্ট হবে বলে যদি খত্তরের ভিটা, স্বামীর ঘর ছেড়ে আজ চলে যাই তবে কোন দিন আর এখানে বাস করতে পারব না, তুইও পারবি না। খত্তরের ভিটার সন্ধ্যা পড়বে না, তাঁর নাম গুরু পর্যন্ত লোপ পেয়ে যাবে, এ অসম্মান আমার বা তোর কোন দিক দিয়ে হওয়া একেবারেই উচিত নয়। যে মর্যাদা রক্ষার জন্য একদিন তোর বালক-অন্তর অপমান বেদন ভরে হুয়ে পড়েছিল, যেদিন নলিন, তুই তোর অসহায় বিধবা মা’র হাত ধ’রে অনায়াসে অজানা পথে বেরিয়ে পড়তে এতটুকু বিধা করিনু নি, সেদিনকার মত সৌভাগ্য ক’জন জননীর অদৃষ্টে ঘটে তা বলতে পারি না, তবু তখন তুই তোর পৈত্রিক ভিটা হ’তে বঞ্চিত ছিলা। তোর সেই সংসাহস দেখে স্বর্গ হ’তে তাঁরা তোকে, আমাকে তাঁদের চিরদিনের শ্রীতি মণ্ডিত মেহ-সীড়ের মধ্যে যখন পুঁদরায় টেনে এনেছেন, এবং যেখানে নারী তার পরিপূর্ণ মহিমায় প্রতিষ্ঠিত হ’য়ে

নারী বিশ্ব-সংসার তুচ্ছ ও অবহেলা করবার মত সাহস ও শক্তি পায় সেই পুণ্যস্থান পরিত্যাগ করে আমার রাজার ঐশ্বর্যও পছন্দ হয় না। আমার কোথাও আর যেতে ইচ্ছা হয় না। এখানে যে তাঁদের সমস্ত গৌরব তোকে তোর সমস্ত দারিদ্র্যের মধ্যেও সম্মানিত করে রেখেছে, সে কথাটা নলিন, কোন দিন যেন ভুলিসনি। আশীর্বাদ করি তুই যেন এই ভিটার মধ্যে তাঁদের সম্মান ও নাম অক্ষুর রেখে আনন্দে বাস করতে পারিস।”

মার ‘কথাগুলি সেদিন আমাকে যেন একটা নূতন পথ দেখাইয়া দিল। মাকে প্রণাম করিয়া বলিলাম, “মা তোমার আশীর্বাদ-বাণী যেন রক্ষা করতে পারি, এর অধিক সৌভাগ্য আমি কোন দিন চাই না।” তিন চার দিন পরেই আমি কৰ্ম-স্থানে যাত্রা করিলাম। মা মাথায় হাত দিয়া, চিবুক স্পর্শ করিয়া আশীর্বাদ করিয়া বলিলেন, “বিদেশে খুব সাবধানে থাকবে, কারো সঙ্গে বিবাদ কোরো না। মাঝে মাঝে পত্র দিও।” আমি যে কতদূর বাইতেছি সে কথাটা আর মাকে জানিবার অবসর দিই নাই। যেখানে আমার চাকরী হইয়াছিল সে জায়গাটা রাজপুতানার বিকানির প্রদেশের প্রান্ত-সীমার মকরাজ্যের সূজানগড় গ্রামের দাতব্য-চিকিৎসালয়। মা জানিলে বোধহয় এতদূর আসিতে দিতে সম্মত হইতেন না।

(৫)

আজ প্রায় ছয় মাস হইল আমি সূজানগড় আসিয়াছি। এখানে এক ডাক্তারবাবু শ্রীভর দ্বিতীয় বাঙ্গালীর মুখ দেখিবার আশা, চুরাশা। ডাক্তারবাবু সস্ত্রীক আছেন। তিনি আমাকে যথেষ্ট স্নেহ করেন। তাঁরই বাসায় আমার আহালাদি চলে। কোনরূপ কষ্ট নাই। তবে কেবল বালি ধু ধু করিতেছে। কোথাও সর্ব্বজের সন্ধ্যাটি পর্যন্ত দেখিতে পাওয়া যায় না। সেজন্য মনও হ হ করিতে থাকে। এক বৎসর চাকরি করিলে এক মাস ছুটি—সে ছুটি কি মিটি, সেজন্য

একটি দিন চলিয়া যায় আর একটু খানি বাড়ী যাইবার আনন্দ বাড়ে। মার চিঠি বরাবর পাইতেছি, প্রত্যেক চিঠিতে তিনি খুব উৎসাহের কথা লিখিয়া থাকেন। সেদিন একখানি পত্র পাইয়াছি, যা সমস্ত দেনা পরিশোধ করিয়া পাচ বিঘা জমি ধরিদ করিয়াছেন। এই জমিতে ধান হইলে আমাদের সারা বৎসর আর চাল কিনিতে হইবে না। মাহিনার সমস্ত টাকাই মাকে মাসে মাসে পাঠাইয়া দিই। এখানে মাসে 'কলে' প্রায় ২০, ২৫ টাকা উপরি পাই, সে টাকা সেভিংস্‌ব্যাঙ্কে জমা রাখি।

ডাক্তারবাবু এখন প্রায় অনেক সমাগত রোগী আমাকেই দেখিতে দেন, কিরূপ ঔষধাদির ব্যবস্থা করি, তাহা নিজে দেখিয়া দেন ও বলেন "তুমি ত ডাক্তার হয়ে গেছ; এখন তুমি নিজে প্রাক্‌টিস করতে পার।" আমি চূপ করিয়া থাকি, কোন উত্তর দিই না। আমি মনে মনে স্থির করিয়া ছিলাম, এবার বাড়ী গিয়া ক্যাষেলে ভর্তি হইব।

এমন ভাবে যখন সুখে স্বচ্ছন্দে প্রবাসের দীর্ঘ দিনগুলি কাটিতেছিল, তখন হঠাৎ প্রায় ২০।২২ দিন মার নিকট হইতে কোন পত্র পাইলাম না। মন বড় ব্যাকুল হইল। মাকে পত্র দিলাম, উত্তর আসিবার দিন উত্তীর্ণ হইয়া গেল। ডাকপিয়ন কত দেশ দেশান্তরের চিঠি বহিরা আনিল, কিন্তু আমার চিঠি ত আনিল না? আমার মন অস্থির হইয়া পড়িল। মা পত্র পাইবামাত্র উত্তর দেন, অনেক সময়ে আমার পত্র পাইতে একটু বিলম্ব ঘটিলে উপরি উপরি পত্র আসিয়া পড়ে। আর আজ প্রায় মাসাধিক কাল হইতে চলিল, মার কোন সংবাদ নাই কেন? যদি তাই হয়, তাহা হইলে মার নিশ্চয় অসুখ হইয়াছে। মার উঠিবার কমতা থাকিলে পত্র না দিয়া কি তিনি কোন দিন মিচ্ছিত থাকিতে পারেন? মা যদি সত্যই এত অধিক পীড়িত হইয়া থাকেন, তাহা হইলে পাড়ার মহেন্দ্র কাকা, ডাক্তারবাবুও আমাকে সে কথা

নিশ্চয় জানাইতেন! মাও তাঁর এতবড় অসুখের সময় সংবাদ না দিয়া কখনই চূপ করিয়া থাকিতে পারিতেন না। পাড়ার কাহাকেও দিয়া কি হই লাইন লিখিয়া পাঠাইতে পারিতেন না! মার মত বুদ্ধিমতী স্ত্রীলোক সহজে ত দেখিতে পাওয়া যায় না, তবে কি কারণে তিনি নীরব হইয়া আছেন? মা কি রাগ করিয়াছেন? কৈ, কোন দিন ত তিনি আমার উপর অপ্রসন্ন হন নাই। আমি যেন আর ডাবনার কুল কিনারা খুঁজিয়া পাইলাম না। একবার মনে হইল, হয়ত মার খুব বেশী রকম অসুখই করিয়াছে। খবর পাইয়া মামা মাকে তাঁর বাড়ী লইয়া গিয়াছেন। মা হয় ত মামাকে ঠিকানা দিতে পারেন নাই। তাঁর বাস্কের ভিতর ঠিকানা লেখা খামগুলি সব হয়ত ফেলিয়া গিয়াছেন। কিন্তু মা আমাকে সংবাদ না দিয়া কিনা, তাঁর ভাইয়ের বাড়ী চলিয়া যাইবেন? একথা বিশ্বাস করিতে যে প্রবৃত্তি আসেনা। আর ভাবিতে পারিলাম না, চক্ষু জলে ভরিয়া গেল।

আমি যখন ডাক্তারখানায় বসিয়া কাঁদিতে ছিলাম, বোধহয় ডাক্তারবাবুর স্ত্রী তাহা কোন রকমে দেখিতে পাইয়াছিলেন। ডাক্তারবাবু তাড়াতাড়ি আমার নিকট আসিয়া বলিলেন "তুমি দেখছি ডাক্তারী করতে পারবে না। সামান্ত কারণে কিনা, ছেলে মানুষের মত কাঁদা শুরু করে দিয়েছ। মন কেমন করছে? নিদেশে এলে অমন সবাইএর করে থাকে। চিঠি পাওনি, তার মানে যে, তোমার মা চিঠি দেন নি একথা হুঁতে পারে না। অনেক সময় যে ডাকের চিঠি ডাকঘরের কুপায় পথেই পড়ছে প্রাপ্ত হয়, তার খবর রাখ কি? কেবল মন্দ দিকটা মত বড় করে দেখবে, ভাল দিকটা ততই যে চাপ পড়ে যাবে, সে কথাটা তুলে চলবে কেন?"

আমি বলিলাম, "আজ প্রায় সাত মাস এসেছি, কিন্তু কোন দিন ত এমন হয়নি। কখনও চিঠি মারা যায়নি।"



ডাক্তারবাবু হাসিয়া সমস্ত ব্যাপারটাকে খুব হাস্য করিয়া দিয়া উত্তর করিলেন, “কোন দিন মারা যাবনি বলে যে কখন মারা যেতে পারে না, এমন কোন ব্যক্তি কোন শাফে লেখেনা। কোন দিন কি এত দূরে চাকরি করতে এসেছিলে? ও সব বাজে চিন্তা মাথা থেকে তাড়িয়ে দাও। জানটান করে খাবে চল। আজ তোমার মায়ের খবর পেলেই ত হ'লো?”

“তা'হলে মা আমার বেঁচে আছেন?”

“হাঁ গো মশাই বেঁচে আছেন, অত উতলা হবার কোন প্রয়োজন হয় নি।” বলিয়া তিনি আমার হাত ধরিয়া টানিয়া স্নান করিতে লইয়া গেলেন। আমার মনের ভিতর কিছু একটা অশান্তি লাগিয়াই রহিল।

( ৬ )

যখন ডাক্তারবাবুর টেলিগ্রামের উত্তর আসিল যে সত্য সত্যই আমার মা সৰ্বটাপন্ন পীড়ায় শয্যাশায়ী হইয়া আমাদের বাড়ীতেই আছেন, তখনই ডাক্তারবাবু আমার বাড়ী যাইবার ব্যবস্থা করিয়া দিলেন। তিনি ষ্টেশনে আমাকে গাড়িতে তুলিয়া দিতে আসিলেন। গাড়ি ছাড়িবার সময় তিনি আমার হাতে ২খানি ১০০/- শত টাকার নোট দিয়া বলিলেন, “এ টাকা তোমার, আমার নিকট জমা ছিল, নিতে দিখা করো না। এ বিষয় পরে তোমাকে পত্রে সমস্ত খুলে লিখব। তুমি গিয়েই টেলিগ্রাম করবে—তোমার মা কেমন থাকেন; যদি চিকিৎসার জন্য টাকার প্রয়োজন হয়, আমাকে তার করতে কিছু মাত্র ইতস্ততঃ কোরোনা।”

গাড়ী ছাড়িয়া দিল। ডাক্তারবাবুর মুখের দিকে চাহিতেই দেখিলাম তাঁহার সংসম ভেদ করিয়া দুই চক্ষু দিয়া অশ্রু গড়াইয়া পড়িতেছে। প্রবাসে এমন আত্মীয়তা যে কি মধুর তাহা বোঝান যায় না।

মার অস্থখ যখন সামান্য হইয়াছিল, ‘ও কিছু নয়

আপনিই সেয়ে যাবে’ বলিয়া মোটেই কোন প্রতিকারের চেষ্টা করেন নাই। যখন শরীর দুর্বল হইয়া পড়ে, উঠিবার শক্তি পর্যন্ত কমিয়া আসিতে শুরু করে, তখন যে গোয়ালাবধু মার নিকট রাজিতে থাকিত সে মার নিবেদন সঙ্কেও ডাকিয়া আনে। ডাক্তার যখন আসেন তখন রোগ ঠিকিয়া গিয়াছে। অস্থখ খুবই কঠিন। নিউমোনিয়া হইয়াছে। ছেলেকে সংবাদ দিবার কথা বলায় তিনি কোন উত্তর দেন নাই। গোয়ালানৌয়ের নিকট পরে বলেন “নলিন ছেলে মানুষ, তাকে ব্যস্ত করে কাজ নেই। নূতন চাকরি হয়েছে, হয় ত এখনি ছেড়ে চলে আসবে।” প্রতিবেশীরা যখন ধরিয়া বসে—এ সময় নলিনকে আনানো বিশেষ প্রয়োজন, তখন তিনি উত্তর করেন “আর ৪৫ দিন দেখা যাক, শেষে তাকে সংবাদ দিলেই হবে।”

কোনমতেই তিনি পুত্রকে আনিতে স্বীকৃতা হন নাই। তাঁর কেবলই মনে হইতেছিল “নলিন বালক, চিরজীবনটাই সে কষ্ট পেয়ে আসছে। আমার অস্থখে আসলে সে হয় ত আহাৰ নিত্যা ত্যাগ করে নিজের শরীর নষ্ট করে ফেলবে। এই ম্যালেরিয়ার সময়, চারিদিকে জরে লোক মরছে। আমার যে অদৃষ্ট! হয় ত সে এসে অস্থখে পড়বে, মুখে জল দেবার লোকটি পর্যন্ত নেই, তাকেই বা কে দেখবে। না, এখন তার এসে কাজ নাই। যদি এ যাত্রা রক্ষা না পাই, তখন তাকে টেলিগ্রাম করলেই চলবে।” একখানা চিঠিতে দুই লাইন মাত্র “ভাল আছি” লিখিয়া একটা ছোট ছেলেকে ডাকঘরে ফেলিতে দিয়াছিলেন, কিন্তু সে চিঠি ফেলিতে তুলিয়া গিয়াছিল এবং যথারীতি তার বইএর ভিতর সেখানি থাকিয়া গিয়াছিল। যেদিন তার মনে পড়ে তখন প্রায় ১০।১২ দিন বিলম্ব হইয়া গিয়াছে। সুতরাং ভয়ে সে পত্রখানি খণ্ড খণ্ড করিয়া ছিঁড়িয়া পগারে ফেলিয়া দিয়াছিল। চিঠি লিখিবার এক সপ্তাহ পরে মায়ের বিকার দেখা দেয়। গ্রামের লোকেরা ব্যস্ত হইয়া পড়ে। কেহই

আমার ঠিকানা জানে না। বড়ই মুন্সিল, উপায় কি? ব্রাহ্মণকন্টার মুখে কি পুত্র থাকিতে এক পণ্ডিত জল বা অগ্নি পড়িবে না? গ্রামের বয়োবৃদ্ধেরা পরামর্শ করিয়া স্থির করেন, যে আমার মামাকে সংবাদ দেওয়া হউক। তাহাই হয়। একদিন, দুইদিন, তিনদিন পরেও আমার কোন সংবাদ মেলে না। এতে সকলেই আশ্চর্য হইয়া পড়েন। শেষে তাঁহার নিকট ডাকে আর পত্র না দিয়া লোক পাঠান হয়।

ধর্মাসময় মামা প্রথম পত্রখানি পাইয়াছিলেন, কিন্তু পাছে কোনপ্রকার অর্থাদি সাহায্য করিতে হয় এই আশঙ্কায় আসেন নাই। মনে মনে ভাবিয়াছিলেন, পরে বলিলেই হইবে “চিঠি পাই নি।” তাহা হইলে সর্কাদিক রক্ষা হইবে এবং কোন কথা হইবে না। তিনি ঘোরতর রকমের বিষয়ী লোক, সুতরাং অকারণ, অনর্থক আত্মীয়তা দেখাইবার বে' বিশেষ কোন প্রয়োজন আছে, তাহা তিনি কোন দিনই মনে করিতেন না। মামীমা হাজার হোক স্ত্রীলোক—পত্রের কথা শুনিয়া বলিয়াছিলেন, “মার পেটের বোন, অসময় ধর্মতঃ তোমার যাওয়া ও দেখা খুবই কর্তব্য, নইলে লোকে যে গায়ে থুথু দেবে, ভদ্রসমাজে মুখ দেখাবে কি ক'রে? তোমার কি নিষ্ঠুর প্রাণ, নলিন শুনচি বাড়ীতে নেই, ঠাকুর-ঝির মুখে একটু জল দেয় এমন মাতুষটি পর্যন্ত কাছে নেই, কেমন করে পেটে অন্ন দিচ্ছ বুঝতে পারি না।”

“মামীর কথায় ও আত্মীয়তায় মামা নাকি রাগিয়া অগ্নিশর্মা হইয়াছিলেন। মামীকে বলেন “আমার বোনকে দেখি না দেখি তোমার বাবার কি? আমার অনেক টাকা দেখেছেন! আমার ইচ্ছে, যাই আর না গ'ই। কেবল এ সংক্ষে যদি কোন কথা বল, তাহলে বাপের বাড়ীর সোজাপথ পড়ে আছে যেন স্বরণ থাকে, বলে দিচ্ছি। লোকে কি বলবে, সে কথা ভেবে ভেবে ত আমার ঘুম হ'চ্ছে না। লোকে, আমি খেতে না পেলে, রসো-

গোলায় হাঁড়ি এনে মুখে ভুলে দেয় কি না, তাই লোকের কথায় ভয় ক'রে চলতে হবে! দেখছ— সে নিজে চিঠি লিখতে পারেনি, মরবার বোধ হয় আর বেশী বিলম্ব নেই, তাই পাড়ার লোক আমার মাথায় কাঁটাল ভাঙ্গবার ক্ষমি এঁটে চিঠি দিয়েছে। যদি তাই না হয়, শুধু হাতে ত আর যাওয়া চলে না; রোগীর পথ এখন ২-টাকার কিনে নিয়ে যেতে হয়। নিয়ে গিয়ে লাভ? পাবার প্রত্যাশা কি আর কিছু রেখেছি—সে সব আগেই আত্মস্বয়ং ক'রে তবে না বাড়ী থেকে বের করেচি। শুনেছি, নলিন ছোঁড়া চাকরী করে, ছ-পয়সা নাকি হাতে ক'রে ছিল, তা বাড়ী করতেই বেরিয়ে গেছে। কি আশায় যাই বল দেখি? শেষে সবাই বলবে—তোমার বাড়ী নিয়ে যাও, তখন কি হবে? বেনো জল খাল কেটে ঘরে আনব নাকি? তা আমি কিছুতেই পারব না।

প্রতিবেশীদের প্রথম পত্রখানি মাতুলের অভাব-নীয় বিচার-বুদ্ধির মধ্যোই চিরসমাধি প্রাপ্ত হইয়াছিল। কিন্তু লোকের হাতের পত্রখানাকে অস্বীকার করিবার আর কোন পথ মুক্ত নাই দেখিয়া তিনি মহা চিন্তাদ্বিত হইয়া পড়েন। তখন পত্রবাহককে প্রশ্ন করেন—“নলিনকে টেলিগ্রাম করা হ'য়েছে কি?”

“আজ্ঞে আমি ত বলতে পারলাম না।”

“নলিনের ঠিকানা কি জানিস? কোথায় চাকরী করে? কত টাকা বেতন পায়?”

“দা-ঠাকুর, ও সব ত কিছুই বলে দেন নি। তিনি কোথায় চাকরি করেন বলতে পারি না। তবে শুনেছি অনেক টাকা বেতন পান, মাসে মাসে মা-ঠাকরণকে ঢের টাকা পাঠান, সেদিন তিনি পাঁচ বিঘা জমি কিনেছেন—হাতে ঢের টাকা আছে; যদি নলিনবাবু না এসে পড়েন তবে সব টাকা বেহাত হ'য়ে যাবে সে বিষয়ে কোন সন্দেহ নেই। আমরা মুখ্য-মাতুল, আমাদের ও সব কথায় থাকা উচিত নয়।”

মামার এবার কিন্তু ভগিনীকে দেখিতে যাইবার উৎসাহ খুব প্রবল হইয়া উঠে। তিনি মনে মনে ভাবেন—‘হাতে নিশ্চয় অনেক টাকা আছে। ওখানে রাখলে কিন্তু মনোস্থায়ী সিন্দূর হবে না। এখানে যে কোন উপায় নিয়ে আসতেই হবে। কপালে টাকা থাকলে ঠিক এসে যাবে। নইলে নলিন এ সময় বিদেশে পড়ে থাকবে কেন? না, বিলম্বে কার্য-হানি, আত্মই ধ্বংস হতে হবে।’ সেই দিনই মামা মাকে আনতে রওনা হন। মামী-মা কপালের আড়াল হইতে সকল কথা শুনিয়াছিলেন, সুতরাং মামীর উৎসাহের কারণ বুঝিতে তাঁহার বাকি ছিল না।

( ৭ )

মা কিছুতে মামার সহিত যাইতে স্বীকৃত হন নাই। তিনি বলেন, “নলিনকে তার করা হোক সে এসে যেরূপ বন্দোবস্ত করে সেরূপ হবে।” মামা যথেষ্ট অস্থির বিনয়, এমন কি ছুঃখে চোখের জল পর্যন্ত ফেলিতে কুণ্ঠিত হন নাই। কিন্তু যখন কিছুতেই মা সম্মত হইলেন না, তখন মামা রাগিয়া চলিয়া যান এবং মার সঙ্গে তাঁহার ভবিষ্যতে কোন সংস্ক থাকিবে না সে কথা বলিয়া আসিতে ভুলেন না। মা সে কথার কোন উত্তর দেন নাই। কারণ তাঁহার জ্ঞান ভালরূপ ছিল না। মা কেবল আমার আশাপথ চাহিয়া যেন কোন মতে প্রাণ-ধারণ করিয়াছিলেন। ডাক্তারবাবু আসিলে মা অতি কষ্টে বালিসের নীচ হইতে আমার ঠিকানা বাহির করিয়া দিয়া কোনপ্রকারে জানান যে আমাকে তার করিতেই হইবে। কিন্তু তাঁহার পূর্কদিনই তিনি স্বজ্ঞানগড় হইতে ডাক্তারবাবুর তার পান ও তাহার উত্তরে আমাকে যাইবার তার করেন। সে কথা ডাক্তারবাবু মাকে বলেন।

নানা চিন্তার ভিতর দিয়া যেদিন সকালে আমি গ্রামের মধ্যে আসিয়া প্রবেশ করিলাম, সেদিন আমার চক্ষে গ্রামের প্রাতঃছবির সে মনোমুগ্ধকর ভূষণ সৌন্দর্য্য নাই। তরুণ-অরুণের আলোক-

সম্পাতে তরুণরব স্বর্ণকান্তিতে হ্রস্বোজিত হয় নাই। বিহবল-কণ্ঠে কই সে প্রভাতী সুললিত সঙ্গীত-ঝঙ্কার? মাধুর্য্যময়ী সূত্র গ্রামখানির সে-মহিমা আজ কে হরণ করিয়াছে? চারিদিকেই যেন একটা হাহাকারের পূর্কভাষ পরিলক্ষিত হইতেছে। আমার চক্ষু কাটিয়া কারা আসিতেছিল। পথেই ডাক্তারবাবুর রাড়ী, তাঁহার ঘরের নিকট গিয়া যেন আমার সমস্ত শরীর কাপিতে লাগিল। ওষ্ঠদ্বয় শুক হইয়া আসিল, তাঁহাকে ডাকিবার মত সাহস হইল না। এখনি হয় ত তিনি আসিয়া বলিবেন, “এত দেৱী করে আসতে হয়? আর যদি একদিন আগে আসতে তাহা হইলে দেখা হত।” একথা ভাবিমা-মাত্র আমি ধপ্ করিয়া ডাক্তারবাবুর ঘরের নিকট বসিয়া পড়িলাম। রেলের কুলীরা আমার জিনিস-পত্র লুইয়া আসিতেছিল, আমার অবস্থা দেখিয়া চীৎকার করিয়া জিজ্ঞাসা করিল “বাবু কি হ’ল, বসে পড়লেন যে, মাথা ঘুরে গেল নাকি?” আমি কোন উত্তর না দিয়া হাত তুলিয়া তাঁকে চূপ করিতে ইঙ্গিত করিলাম। এমন সময় ডাক্তারবাবুর ছেলে কুলীর চীৎকারে দরজা খুলিয়া আমাকে দেখিয়া বলিল “এই যে নলিন-দা এসে পড়েছেন। কাল রাত্রি থেকে বাবা আপনাদের বাড়ীতে আছেন— বাবা আপনাকে তার করেছেন, পান নি? আপনার কোন অস্থখ করেনি ত?” আমি বলিলাম, “না, মা কেমন আছেন?”

“অবস্থা মোটেই ভাল নয়। এখন ডগবানের হাত। কেবল নলিন, নলিন বলছেন” আমি আর কোন প্রশ্ন না করিয়া বাড়ীর দিকে ছুটিলাম। মা এখন বাঁচিয়া আছেন জানিয়া যেন অনেকটা বল পাইলাম। আমি যখন ঘরের মধ্যে গিয়া প্রবেশ করলাম তখন পাড়ার অনেকেই সেখানে উপস্থিত। ডাক্তারবাবু মার শয্যার উপর বসিয়া নাড়ী পরীক্ষা করিতেছেন। ঘরের মধ্যে প্রবেশ করিয়াই চীৎকার ‘করিয়া কাঁদিয়া বলিলাম “মা আমি এসেছি, একবার আমাকে ডাক।” গৃহ

অত্যন্তরহিত সকলে বলিয়া উঠিলেন “এই যে নলিন এসেছে।” এই আকস্মিক চীৎকারে মার যেন মুহূর্তের অন্ত সংজ্ঞা ফিরিয়া আসিল। তিনি চুপ্ মেলিয়া আমার দিকে কিছুক্ষণ চাহিয়া, আমাকে তাঁর রোগক্রিষ্ট কীর্ণ বাহুঘর দিয়া কীর্ণ বক্ষের উপর অত্যন্ত আগ্রহভরে বিগুলিত মাতৃ-স্নেহে টানিয়া লইলেন। অত্যন্ত উত্তেজিত কণ্ঠে বলিলেন “নারায়ণ আমার অন্তরের ব্যাথা বুঝেছেন। তুমি তাকে ফিরিয়ে এনে দিয়েছেন রে নলিন! তোর জগ্গেই আমি এতক্ষণ তাঁর কাছে যেতে পারিনি। এক দিন তুমি তোর বিধবা

অসহায় মার হাত ধরে পথে দাঁড়িয়ে তোর পিতৃপুরুষের যে মৰ্যাদা আমার হাতে তুলে দিয়ে ছিলি, আমি যত্ন পূর্ণ করে অমূল্য মনুষ্যত্বের মৰ্যাদা নিয়ে বসে আছি রে, সে মৰ্যাদা কি সামান্ত জীবনের মমতায় কারো কাছে হীন করে যেতে পারি? আজ নলিন আমি ঋণ মুক্ত! তোদের মৰ্যাদা তোর হাতে তুলে দিয়ে গেলুম, এখন তুমি তোর সম্মান রক্ষা কর।”

এই অদ্ভুত বাণী মন্ত্রশক্তির মত সকলকে মুগ্ধ করিয়া যাতার শয্যার নিকট মস্তক নত করিয়া আনিল। (সমাপ্ত)

## মোহ

শ্রীঅবনীকুমার দে ।

নিশিদিন নিরন্তর নয়নে নয়নে যোর  
শুধু তা'রে রাখিবারে চাই,  
হ'লে পরে চোখো-চোখি আসে মহা তন্দ্রাঘোর  
অমনি সে নয়ন ফিরাই!

মরমের এত কথা বলি-বলি মনে করি  
দেখা হ'লে সব তুলে ধাই,  
টুটে যায় সব স্বর বৃথা শুধু ঘেমে মরি  
কোথা হতে আপনা হারাই!

কি যেন কি মোহ এসে করে চিত্ত ভরপুর  
চাই চাই চাহিতে নাপাই,  
নিশিদিন এত কাছে তবু যেন কতদূর  
দেখে দেখে না দেখে পলাই!

একি আশা-নিরাশার একি স্বপ্ন-আর্গরণ  
একি মোহে নিমত্ত বেড়াই,  
মানেনা বোঝেনা প্রাণ;—বৃথা শুধু এ মরণ  
—তবু যদি তা'রে নাহি পাই!

# নারীর অধিকার

শ্রীমতী শ্রীতিকণা দত্তজায়া ।

বর্তমানে আমাদের দেশের সমস্ত সমস্যার চেয়ে বড় সমস্যা দাঁড়াইয়াছে যেন নারী-সমস্যা । দেশের লোক অস্বাভাবিক হাহাকার করিতেছে, বজ্রাভাবে লক্ষ্য নিবারণ করিতে পারিতেছে না, ম্যালেরিয়া, ইনফ্লুয়েঞ্জা প্রভৃতি ছরস্ব ব্যাধির কবলে পড়িয়া দেশটা দিন দিন উৎসন্ন যাইতেছে, উপযুক্ত শিক্ষার অভাবে দুইবেলা দুই মুষ্টি পেট ভরিয়া খাইয়া জীবন সংগ্রামে জয়ী হইবার মত শক্তি সঞ্চয় করিতে পারিতেছে না, সমাজে কত অত্যাচার নির্বিরোধে চলিয়া আসিতেছে, কিন্তু কৈ, তৎসমুদায়ের প্রতি-বিধানকল্পে ত দেশেরু শিক্ষিত সমাজ তেমন ভাবে মন প্রাণ নিয়োগ করিতে পারিতেছেন না, ঘটটা করিতেছেন এই নারী-সমস্যা, নারী স্বাধীনতা বা নারীর অধিকার লইয়া ! মাসিক, দৈনিক, সাপ্তাহিক প্রায় সমস্ত কাগজেই এই সমস্যা লইয়া কিছু না কিছু লেখালেখি চলিতেছে, দেখিয়া শুনিয়া মনে হয় এই নারী-সমস্যা লইয়া কিছু আলোচনা না করিলে বুঝি কাগজ আর বাজারে চলেনা । অনেক লেখাতেই বিশেষতঃ নারীর এবং তৎসমুদায়ের পুরুষ-পুরুষদের লেখায় রীতিমত বিদ্রোহের ভাব মাথা তুলিয়া দাঁড়াইতেছে,—যেন এই সমস্যাটার সমাধান অচিরে না করিলে দেশটা যায় আর কি ? আমরা ত খুঁজিয়া ভাবিয়া পাই না যে বর্তমান বঙ্গসাহিত্য এই বিষয়টা লইয়া এত আলোড়িত হইতেছে কেন ? 'না জাগিলে সব ভারত ললনা, ভারত যে আর জাগে না জাগে না'—এই জগুই কি ?

নারীর অধিকার লইয়া নারী-সমাজে যে একটা সাড়া পাড়িয়াছে ইহাকে আমরা ছোট খাট নারী-বিদ্রোহের পূর্ব সূচনাও বলিতে পারি । এই

বিদ্রোহের নেতৃত্ব গ্রহণ করিয়াছেন কয়েকজন শিক্ষিতা মহিলা আর কয়েকজন পুরুষ । তাঁহারা চাহেন এই নিদ্রিত দেশের মহানিদ্রায় অভিভূত নারী-সমাজে প্রাণের প্রতিষ্ঠা করিয়া তাঁহাদিগকে জাগাইয়া তুলিতে,— শুধু জাগাইয়া তুলিতেই নয়, পুরুষদের অত্যাচারের বিরুদ্ধে রীতিমত লড়াই করিয়া তাঁহাদের স্বাধিকার হস্তগত করিতে । তাঁহারা বলেন, ভারতের নারী-সমাজ পুরুষদের স্বার্থময় অত্যাচারে নিপেষিত ও স্বাধিকার-চ্যুত, সমাজ-শাসন ও শাস্ত্রের নিগড়-বন্ধনে তাঁহারা সমাজে এত হেয় হইয়া পড়িয়াছেন যে, তাঁহাদের কাজ শুধু গর্ভধারণ আর গৃহ-আবেষ্টনের মধ্যে আবদ্ধ হইয়া নিছক দাসী-বৃত্তি দ্বারা পুরুষদের স্বার্থ সংরক্ষণ করণ । সমাজের কাজে, দেশের কাজে তাঁহাদের কোনও কর্তৃত্ব নাই, পুরুষদের প্রদর্শিত আলোক বস্তিকার পশ্চাদনুসরণ করাই তাঁহাদের একমাত্র কৰ্ম বলিয়া যেন বিধাতা কড়ক তাঁহারা সংসারে প্রেরিত হইয়াছেন, তাঁহাদের বিবেক বুদ্ধির ক্ষুরণ পুরুষদের অভিপ্রেরিত নহে ;—ইহাই হইতেছে নারী সমাজের পক্ষ হইতে নালিশ ;—ঠিক নালিশও বলা চলে না, কারণ নালিশ করিতে হয় কোনও বিচারকের কাছে, কিন্তু এক্ষেত্রে আমরা স্বহস্তেই আমাদের বর্তমান দুর্বস্থার (?) প্রতীকার করিতে বদ্ধপরিকর । আমরা শাস্ত্রবচন মানিতে নারাজ, কেননা শাস্ত্রকার ছিলেন স্বার্থান্ধ পুরুষ ঋষিরা । শাস্ত্রকারেরা আমাদেরকে যে সমস্ত শ্লোকের দ্বারা অসীম সম্মানের আসনে, দেবীর বেদীতে প্রতিষ্ঠিত করিয়া গিয়াছেন, তাহা আমরা স্তোকবাক্য বলিয়া নির্দেশ করিয়া—আমাদের



ভগিনীপন্থকে সে সমস্ত শ্লোকের মোহে ভুলিতে নিষেধ করিতেছি। কবীর, ভুলসীদাস, বিবেকানন্দ প্রভৃতি প্রাতঃস্মরণীয় মহাত্মাদিগকে কুৎসিত ভাষায় বাক্য করিতেও কেহ কেহ লজ্জা বা কুণ্ঠা বোধ করিতেছেন না। প্রায় দুই বৎসর পূর্বে "বিজলী" পত্রিকায় কোনও শিক্ষিতাভিমানিনী মহিলা 'স্বী স্বাধীনতা' নামক প্রবন্ধে যাহা লিখিয়াছেন তাহা এই সীতা সাবিত্রীর দেশে কোনও হিন্দু মহিলার কলমে কেন, মনেও যে আসিতে পারে, তাহা ঐ প্রবন্ধ পাঠের পূর্বে ভাবিতে পারি নাই। ইহাতেই মনে হয়, দেশে একটা নারী বিদ্রোহের সূচনা হইতেছে।

এটা অবশ্যই ঠিক যে, আমাদের দেশে নারী ক্রান্তির উপর অনেক অগ্নায় অত্যাচার হইতেছে, এবং তাহার প্রতীকার হওয়াই বাঞ্ছনীয়। কিন্তু প্রতীকার কি ঐ ভাবে বিদ্রোহের স্বজ্ঞা তুলিলেই হইবে? দেশের মহাপুরুষদিগকে গালাগালি দিয়া, শাস্তবচন পায়ে ঠেলিয়া, স্বামীকে 'ইতর' 'নীচ' 'স্বপ্না' ইত্যাদি কুৎসিত বিশেষণে বিশেষিত করিয়া, নারীর যাহা বৈশিষ্ট্য তাহা ত্যাগ করিয়া গলাবান্ধী করিলেই কি প্রতীকার হইবে? আমার মনে হয়, তাহাতে প্রতীকার না হইয়া সমাজে একটু বিশৃঙ্খলার সৃষ্টি হইবে। আর সেই বিশৃঙ্খলার জন্ত আমাদের এই শান্তিময় বাংলার কুণ্ডলগৃহ যে অশান্তির ধুমশিখায় অতিষ্ঠ হইয়া উঠিবে তাহাতে সন্দেহ নাই। যে অধিকারের জন্ত আমরা আজ লালায়িত সে অধিকার আমাদের অস্বীকৃত শাস্তি দিতে সমর্থ হইবে কি না তাহা সন্দেহ করিবাব পক্ষেও যথেষ্ট কারণ বিদ্যমান রহিয়াছে।

"নারীর অধিকার" কথাটা কি তাহা একটু ভাল করিয়া আলোচনা করা হউক। ভগবানের রাজ্যে সমস্ত হিসাবে পুরুষ ও নারীর যে একটা অধিকার বা দাবী আছে তাহা সর্ববাদীসম্মত। প্রত্যেক মানুষেরই এক একটা অধিকার ও স্বাভাব্য আছে,

এবং তাহা থাকাই হইতেছে প্রকৃত মনুষ্যত্বের পরিচায়ক। সৃষ্টির আদিকাল হইতেই ভগবান তাহার সৃষ্টিরাজ্যকে সুনিয়ন্ত্রিত করিবার জন্ত পুরুষ ও নারীর সৃষ্টি করিয়া প্রত্যেকের অধিকার বা কার্যের একটা সীমা নির্দেশ করিয়া দিয়াছেন। তারপরে তাহার অনেক পরে যখন সমাজ সৃষ্টি হইল, তখন সমাজের শৃঙ্খলা বিধানের জন্ত শাস্ত্রকারেরা নর ও নারীর কর্তব্য কর্মের গণ্ডী বাঁধিয়া দিলেন। নর ও নারীর শারীরিক ও মানসিক গঠন সর্বদেবে সর্বকালে পরস্পর সম্পূর্ণ পৃথক। এই শক্তি এবং গঠনের তারতম্যসূত্রেই সমস্ত দেশে পুরুষ ও নারীর অধিকার এবং কর্মক্ষেত্র সম্পূর্ণ পৃথক করিয়া দেওয়া হইয়াছে, তাহাতে সমাজ বেশ একটা সুনিয়ন্ত্রিত দারায় ক্রমোন্নতির পথেই অগম্য হইতেছে। যদি নর ও নারীর মধ্যে কর্মক্ষেত্রের একটা পার্থক্য না থাকিত তবে সমাজ সুশৃঙ্খলভাবে কোন দেশেই চলিতে পারিত কি না তাহা বিশেষ করিয়া ভাবিয়া দেখিবার বিষয়। চিরকালই পুরুষের কর্মক্ষেত্র বাহিরে এবং নারীর কর্মক্ষেত্র গৃহে নির্দিষ্ট, এবং প্রত্যেকেই প্রত্যেকের নির্দিষ্ট কর্ম সুসম্পাদিত করিয়া সমাজের ও দেশের সুখ, শান্তি, সমৃদ্ধি ও সুশৃঙ্খলা রক্ষার সাহায্য করিয়া আসিতেছে। সমাজ সৃষ্টির অবাবহিত পর হইতেই যদি উভয়েই উভয়ের কর্মক্ষেত্রে কর্তৃত্ব করিতে বাইত তবে এই পৃথিবী বোধ হয় আজ এত উন্নতির পথে উঠিতে পারিত না। কি প্রাচ্য কি পাশ্চাত্য সমস্ত দেশেই নরনারীর কর্মের একটা শ্রেণী বিভাগ রহিয়াছে। যদিও জড়বাদী পাশ্চাত্যের নারীসমাজ আজ ঘর ছাড়িয়া রণরঙ্গিনী মূর্তিতে পুরুষের অধিকার কাড়িয়া লইতে বাহির হইয়া পড়িয়াছে, তবু এটা বোধহয় খুবই সত্য যে, নারীর যাহা বৈশিষ্ট্য যুগ যুগ হইতে চলিয়া আসিতেছে, শত আক্ষালন করিলেও তাহারা তাহার হাত হইতে মুক্তি পাইতে পারিতেছে না। সেই পরপারের ঢেউ আসিয়া ভারতের বেলাকূষে লাগিয়াছে, আর সেই ঢেউ-এর কলরোলে আমরা

ভারতের নারীসমাজ চঞ্চল হইয়া আমাদের পাশ্চাত্যের ভগ্নিনীগণের অঙ্কুরণে রণসাজে সজ্জিত হইবার আয়োজন করিতেছি। যে সকল শিক্ষিতা মহিলা এই নারী-আগরণের নেতৃত্ব লইয়া অগ্রে অগ্রে চলিয়াছেন, তাঁহারা সকলেই হ্রত মনে করিতেছেন, পুরুষেরা আমাদের এই সংহারিণী মূর্তি দেখিয়া কিংকর্তব্যবিমূঢ় হইয়া পড়িয়াছেন। পুরুষেরা যে একটু ভীত না হইয়াছেন তাহা অস্বীকার করিলে নিছক মিথ্যা কথা বলাই হয়। আমরা হইতেছি সাক্ষাৎ আত্মাশক্তির অংশ-সম্পূতা, সেই আত্মাশক্তি সতীই যখন তাঁহার সেই দশমহা-বিদ্যা-রূপ প্রকটন করিয়া শিবকে ভীত সঙ্কচিত করিয়া তুলিয়াছিলেন, তখন আমরা সেই আত্মা-শক্তির ছোট খাট অংশগুলিও যে পুরুষদিগকে ভীত চমকিত করিতে না পারিব তাহা ভাবাই নিতান্ত মূর্খতা।

আবহমান কাল হইতে ভারতবর্ষ নারী-জাতিতে যে সম্মানের ঝটসনে বসাইয়া প্রকৃত্তির পুষ্পাঞ্জলি দিয়া আসিতেছে, পৃথিবীর আর কোনও দেশে বোধহয় তাহা দেওয়া হয় নাই। যে পাশ্চাত্যের অঙ্কুরণে আমরা আজ অধিকার ও স্বাধীনতা বলিয়া চীৎকার করিতে শুরু করিয়াছি, তাহাদের স্থান যে আমাদের অপেক্ষা কত নীচে তাহা কি আমরা একবার ভাবিয়া দেখিয়াছি? পাশ্চাত্যের জনসমাজ নারীদিগকে দেখে ভোগের উপকরণরূপ, তাহাদের বিবাহপদ্ধতি, বিবাহ ছেদ-প্রথা এবং আইন-ই তাহার জলন্ত সাক্ষী। পাশ্চাত্যে যত ব্যভিচার, পাশ্চাত্যে যত নারী-নির্ধ্যাতন তাহার শতাংশের একাংশও কি আমাদের এই পুণ্য-ক্ষেত্র ভারতবর্ষে অঙ্কুরিত হয়? ভারত চিরকালই নারীজাতিতে সম্মান ও শ্রদ্ধার চোখে দেখিয়া আসিতেছে। তাই এখানে আমাদের উপর যে কর্মভার স্তম্ভ করা হইয়াছে তাহাও অতি মহৎ, অতি গৌরবের। আমরা সংসারের একছত্র অধীশ্বরী, লক্ষ্মী, অন্নপূর্ণা। কেহ আমাদের কর্মে

হস্তক্ষেপ করিবার নাই, পুরুষেরা তাঁহাদের গৃহ-তরঙ্গী খানির সমুদায় পরিচালন ও রক্ষণাবেক্ষণের ভার আমাদের উপর ছাড়িয়া দিয়া বাহিরের কাজ লইয়া ব্যস্ত, উপার্জন করিয়া অর্থ আনিয়া আমাদের হাতে দিয়াই খালাস, সময়মত এক মুষ্টি জুটিলেই তাঁহারা সন্তুষ্ট, সংসারের দিকে দেখিবারও তাঁহাদের বড় অবসর নাই। সংসারের সর্বময়ী কর্ত্রী আমরা। বাড়ীর কর্তা হইতে আরম্ভ করিয়া সামান্ত পিপীলিকাটির অন্ন সংস্থানের ভার আমাদের উপর। গৃহকর্ত্রী স্বীয় কর্মকুশলতার গৃহসংসারকে শান্তি-নিকেতন করিয়া তোলেন। পুরুষের কাণ্ড বাহিরে, তাঁহারা বাহির লইয়াই ব্যস্ত, সংসারের দিকে দেখিবার বড় একটা অবসর নাই। নারীজাতির বিকাশ মাতৃশ্রেণী, ভারতে নারীজাতি সেই ভাবে সম্পূর্ণতা। এতবড় একটা সম্মানের উচ্চ পদবী বোধহয় আর কোনও কালে নারীজাতিতে অর্পিত হয় নাই। কিন্তু বড়ই দুঃখের বিষয় আমাদের দেশের মেয়েরা আজ ঘরের ঠাকুর ফেলিয়া পরের কুকুর পূজা করিতে উঠিয়া পড়িয়া লাগিয়াছেন। আজ আমরা পাশ্চাত্যের অঙ্কুরণে আমাদের অত বড় গৌরবের পদ উপেক্ষা করিয়া, নিজের অধিকারের, কর্তব্যের দায়িত্ব ও সম্মান বিস্মৃত হইয়া পুরুষের অধিকার ভোগের জন্ত কলম-বাজী ও গলাবাজী করিতে আরম্ভ করিয়াছি। যাহারা আবহমানকাল প্রচলিত স্বাধিকারের মৰ্যাদা অক্ষুণ্ণ রাখিতে পারিল না, তাহারা পুরুষের অধিকার নিজেদের হাতে লইয়া নিজেরাই বা এমন কি কৃতার্থ ও ধন্য হইবে এবং দেশকেও ধন্য করিবে? কথাটা একটু ভাল করিয়াই বলি, গৃহ-সংসারের নেতৃত্ব ও কর্তৃত্বের যাবতীয় ভার, এতদিন আমাদের ঘারাই পরিচালিত হইয়া আসিতেছিল, কিন্তু আজকাল, আমরা আমাদের সেই ভগ্নবদন্ত নেতৃত্ব সন্তুষ্ট নই, ঠাকুর, চাকর ও স্বীয় হাতে আমরা আমাদের সেই গৌরবের কাজ ধীরে ধীরে ছাড়িয়া দিতে আরম্ভ করিয়াছি। স্বামী পুত্র

ঐতিহাসিক সময়ে আহাৰ পাইল কি না, দাসদাসীৰ হাতে সংসারের কত অপব্যয় হইতেছে তাহাও একবার চোখ ফিরাইয়া খোঁজ লইবার প্রবৃত্তি আমাদের হয় না। আমাদের মঙ্গল হস্তের পুষ্পক্ষেপে একদিন এই দেবকুমি ভারতের ঘরে ঘরে লক্ষ্মী ছুটিয়া উঠিয়াছিল, আজ আবার আমাদেরই ঐদাসীয়ে সেই সুখ ও শান্তির গৃহ দারিত্র্যের হাহাকারে ভরিয়া উঠিতেছে। গৃহলক্ষ্মীদ্বারা গৃহের যে শান্তি পুরুষেরা কৰ্মক্লান্ত শরীরে আসিয়া অপরাহ্নে ভোগ করিত, আমরা পশ্চাত্যের অহুকরণে তাহা নষ্ট করিতে দৃঢ় সঙ্কল্প হইয়া উঠিয়াছি। আজকাল তাস ও উপস্থাস লইয়াই আমাদের অধিক সময় অতিবাহিত হয়, ঘরের যে সৰ্বনাশ আমাদের দ্বারা সাধিত হইতেছে সেদিকে একবার চাহিয়া দেখিবার অবসর আমাদের নাই। আমরা মায়ের জাতি, সংসারের যা শ্রেষ্ঠ সম্পদ তাহা আমাদের এই মাতৃত্বের মধ্যে সঞ্চিত, কিন্তু ভগবানের কি অভিসম্পাত আজ আমাদের দেশে ও সমাজে পড়িতে আরম্ভ হইয়াছে। যে, আমরা সেই মাতৃত্বের গৌরবকে নিতান্ত তুচ্ছ স্বণ্য সামগ্রী বলিয়া অবহেলা করিতে আরম্ভ করিয়াছি। সৌন্দৰ্য্য ক্লম্ব হইবার ভয়ে আমরা পেটের ছেলে মেয়েকে ভগবানের দেওয়া তাহাদের খাচু স্তন্য তুচ্ছ বঞ্চিত করিয়া আয়া, বা ফিডিং বোতলে তাহাদের ক্ষুধা নিবারণের ব্যবস্থা করিতেছি। আমরাই না করুণাময়ী মাতৃজাতি, আমাদেরই দয়ালু, আমাদেরই স্নেহেই না এই ভগত এত স্কন্দর, আমাদেরই উপর না সৃষ্টি সংরক্ষণের অধিকাংশ ভার ভগবান কর্তৃক সমর্পিত? আমরা আজ আমাদের সেই অধিকার ও দায়িত্ব এমনি করিয়াই পালন করিতেছি! আমরা আজ অধিকার পরিত্যাগ করিয়া যাইতেছি পুরুষের অধিকার কাড়িয়া লইতে! যাহারা নিজেদের অধিকার হ্রস্পন্ন করিতে অসমর্থ, তাহারাি আবার গরের অধিকার লাভের জন্য এত লালায়িত কেন?

যে আমেরিকা ও ইউরোপের অহুকরণে আমরা অধিকার অধিকার বলিয়া নাচিয়া উঠিয়াছি। সেই দেশেরই কোনও বিছবী মনষিনী মহিলা তাহাদের দেশের নারী জাতির অধঃপতন দর্শনে ব্যাকুল চিন্তে প্রতীকারের চেষ্টা করিতেছেন। তাহারা বুঝিয়াছেন, নারী ও পুরুষের কাৰ্য্যক্ষেত্র কোনও দিনই এক নহে, এবং কোনও দিনই এক হইবে না, যদি বলপ্রকাশে এক করিতে যাওয়া যায়, সৃষ্টিরাজ্যে বিশৃঙ্খলা ঘটবে, সমাজ চূর্ণ বিচূর্ণ হইয়া যাইবে। - আর আমরা ভারতের নারীসমাজ তাহাই পাইতে লালায়িত হইয়া পড়িয়াছি, ইহা কুচিবিকার, না শিকার সার্থকতা?

আমাদের দায়িত্ব, আমাদের কর্তব্য, আমাদের অধিকার যে কত কঠোর, কত গুরুতর, কত গৌরবময় তাহা একবার ভাবিয়া দেখা উচিত। আমাদের উপর গৃহ-সংসারের শান্তি প্রতিষ্ঠার ভার, তার চেয়ে একটা বড় ভার হইতেছে গর্ভধারণ ও সেই সন্তানকে দেশের প্রকৃত সন্তানরূপে গড়িয়া তোলা। একবার ভাবিয়া দেখা উচিত পশ্চাত্য সভ্যতার চটকে আমরা কোন পথে অন্ধের মত ছুটিয়া চলিয়াছি! আমরা আমাদের বৈশিষ্ট্য হারাইতে বসিয়াছি। ভারতের পুণ্যময় গৃহায়তনে পবিত্র বেদীতে সমাসীনা হইয়া আবার আমাদের আগের মত গৃহসংসারের পালন-দণ্ড পরিচালন করিতে হইবে, তাহা হইলেই ভারত আবার সোণার ভারত হইবে, গৃহসংসার আবার সুখ ও শান্তির প্রতিষ্ঠানক্ষেত্ররূপে বিরাজ করিবে। লেখাপড়া শিখিয়া দেশ বিদেশের জ্ঞান বিজ্ঞান আলোচনা করিতে সমর্থ হওয়া, আমাদের উপর অন্ত্য অত্যাচারের বিরুদ্ধে দণ্ডায়মান হইবার মৃত শক্তি সঞ্চয় করা খুবই দরকার কিন্তু নিজের অধিকার পরিত্যাগ করিয়া অন্তের অধিকার কাড়িয়া লইবার চেষ্টা করিলে কিছুই হইবে না, যে তিমিরে সেই তিমিরেই থাকিতে হইবে।

## একখানি চিত্র

শ্রীবিধমোহন সান্যাল ।

দিন চিরকাল সমান যায়না যেন এই কথা  
প্রমাণ করিবার জন্যই লক্ষ্মী বাঁচিয়া রহিল । স্বামীর  
সঙ্গে সঙ্গে তাহার অগাধ বিষয় সম্পত্তি যে কেমন  
করিয়া উড়িয়া গেল, তাহা রহস্যময়ই বলিতে  
পারেন । যাই হোক, লক্ষ্মীর আজ মাথা গুঁজিবার  
স্থানও নাই—তাহার দেবর তাহাকে আনাইয়া  
দিয়াছে যে দাদার ঋণ শোধ করিতে ও আত্মকাৰ্য্য  
সম্পন্ন করিতে ভ্রাসন পর্য্যন্ত বেচিয়া ফেলিতে  
হইয়াছে ।

লক্ষ্মী দেবরের কাছে আশ্রয় পাইবার আশা  
করিয়াছিল । কিন্তু তাহা হয় কি করিয়া ? ছোট  
ও বড় বোএ কোনকালেই নাকি মিল নাই ।  
অতএব লক্ষ্মীর দেবর সংসারে অনর্থক অশান্তি  
সৃষ্টি ত আর করিতে পারে না ! তবে বড় বোকে  
মাসিক ৫ টাকা করিয়া সে দিবে—তিনি যেন  
একটি চালা তুলিয়া পৃথক বাস করেন । একজনের  
লজ্জা আর কতই বা দরকার হয় !!

• • • • •

লক্ষ্মী কিছুই বলিল না । চোখের জল ও  
দেবরের দেওয়া পাঁচটি টাকা লইয়াই সে দিন  
কাটাইতে লাগিল । পাড়ার লোক কিন্তু কাণাকাণি  
করিতে কহর করিল না । লক্ষ্মীর দেবর যে তাহাকে

ঠকাইয়া সব আত্মসাৎ করিয়াছে, সে কথা তাহারা  
বলিতে ছাড়িল না । কিন্তু লক্ষ্মীর তাহাতে কিছুই  
উপকার হইল না ।

হিন্দু বিধবাকে ঠকাইবার নানা উপায় আছে ;  
কিন্তু তাহাকে বাঁচাইবার উপায় কৈ ? নারীকে  
প্রথম হইতে যে ভাবে শিক্ষা দিলে এই বিপদকে  
দূর করা যায়, সে শিক্ষা হিন্দু-সমাজে কোথায় ?  
পরমুখাপেকী জীব মাত্রেই যে অশেষ দুর্গতি ভোগ  
করিতে হয়, একথা এক ভারতবাসী ব্যতীত কে না  
জানে ? মনু বলিয়াছেন—নারী বাল্যে পিতার,  
যৌবনে স্বামীর ও বার্দ্ধক্যে পুত্রের অধীনে থাকিবে ;  
অতএব সেই বিধান মতেই আমরা চলিতেছি ।  
আমরা ভুলিয়া বসিয়াছি যে, পারিপার্শ্বিক অবস্থা  
বিবেচনা করিয়া কালে কালে স্মৃতির বিধান  
পরিবর্তন অবশ্যস্বাভাবী । সে যুগে মৃত্যুপ ও দুঃস্বপ্ন  
স্বামীর ছড়াছড়ি ছিল না—শৈশবে ও আত্মস্বপ্নস্বপ্ন  
পুত্রের প্রাচুর্য্য ছিল না—ভ্রাতৃবধূকে ঠকাইবার  
জন্তু খেনামী করিয়া সম্পত্তি ক্রম করিবার মত  
দেবরের সংখ্যাও বেশী ছিল না ।

• • • • •

মোট কথা, মনুর যুগের শিক্ষাই লক্ষ্মীর ছিল—  
তাই এ যুগে তাহার চক্ষের জল আর ফুটাইল না ।

## আবাহন

শ্রীশশাঙ্কশেখর সরকার ।

এস শশুভ্রামলা ইন্দ্রিমা মাতা  
পল্লী-আড়িনা তলে ;  
আজি অরুত তব পূজিবে তোমা  
অনিমেঘ আঁধি জলে ।  
এস প্রাণনে খুলে' সোণার আঁচল,  
ছড়ারে সিঁদু হাসি,

আজি ভরুক পল্লী সঙ্গীতে সুরে  
জাগুক হৃদ রাশি ।  
এস শান্তি প্রদানি' ভবনে ভবনে  
চিত্র কল্যাণময়ী,  
আজি পুলকে পল্লী-সন্তান নমে'  
এস মা লক্ষ্মী অয়ি !



# শিশু চিকিৎসার সহজ ব্যবস্থা

কবিরাজ শ্রীহনুভূষণ সেনগুপ্ত এচ-এম-বি ।

**কুকুণক :**—শিশুদিগের চক্ষুর পাতায় কুকুণক বা কোথ নামক এক প্রকার রোগ হয়। ইহা দৃষিত ছদ্ম পানে, স্মৃতিকা গৃহের দোষে ও হিম লাগান প্রভৃতি কারণে হইয়া থাকে। ইহাতে শিশুর চক্ষু চুলকায়, বারংবার চক্ষু হইতে জল নির্গত হয়। ইহার অল্প শিশু কপাল, চক্ষু ও নাসিকা ঘর্ষণ করিয়া থাকে এবং রোক্তের দিকে চাহিতে পারে না ও চক্ষুর পাতা উন্মীলন করিতে পারে না। ইহাকে চলিত কথায় শিশুর "চোখ উঠা" বলিয়া থাকে।

**চিকিৎসা :**—(১) এই কুকুণক বা কোথ উঠিলে গরম জল আধ হাত পরিমাণ উচু হইতে পারাণী করিয়া ভাল করিয়া চক্ষু ধুইয়া দিবে।

(২) গরম জলে পরিষ্কার স্নাকড়া ভিজাইয়া চক্ষুর পিচুটি মুছাইয়া দিবে।

(৩) স্নাকড়া পরিমিত তুঁতে এক ছটাক পরিষ্কার জলে গুলিয়া একটা শিশিতে রাখিবে। উক্ত জলদ্বারা প্রত্যহ দুই তিনবার চক্ষুতে ছাট দিবে।

(৪) সেগড়ার আটায় কাঁজল পাতিয়া চক্ষুতে সেই কাঁজলের অঙ্গন দিবে।

(৫) ছাগ দুগ্ধের সহিত দারু হরিদ্রা, মুতা ও গিরি মাটি পেষণ করিয়া চক্ষুর বাহিরে প্রলেপ দিবে।

**তড়কা :**—শিশুদিগের 'তড়কা' নামক এক প্রকার পীড়া দেখিতে পাওয়া যায়। ইহাতে মূর্ছা ও হাত পায়ের খিঁচুনী প্রভৃতি লক্ষণ দৃষ্ট হয়। নানা কারণে এই রোগ হয়। অর অথবা অন্য কোন কারণে শরীরের উত্তাপ বৃদ্ধি হইলে, হঠাৎ ডয় পাইলে, শরীরের কোন স্থানে আঘাত বা বেদনা পাইলে, ফোড়া বা ক্রিমি হইলে এই রোগ হয়। তড়কা আরম্ভ হইলে শিশু অচেতন হয়। মুখের বর্ণ ক্যাকাশে হয়, হাতের অঙ্গুলি মুষ্টিবদ্ধ হয়, পায়ের অঙ্গুলি বক্র হয়, এবং হাত পা খেঁচিতে থাকে। ১ মিনিট হইতে ৫ মিনিট পর্যন্ত ইহার অবস্থিতি সময়। অনেকের আবার ১ বার ভিন্ন

বার বার তড়কা হয়। এই রোগ হইবার পূর্বে—মুমের সময় চমকাইয়া উঠা, চক্ষু টেবা হওয়া ও বৃদ্ধ অঙ্গুলি কুঞ্চিত হওয়া প্রভৃতি লক্ষণ দৃষ্ট হইয়া থাকে, এই গুলিকে তড়কার পূর্বরূপ বলে।

**চিকিৎসা :**—শিশুর তড়কায় হেতনা সম্পাদনের অল্প একখানি হরিদ্রা আঙুণে উত্তপ্ত করিয়া কপালে অল্প তাপ দিবে। অর বেশী হওয়ার অল্প তড়কা হইলে চোখে মুখে ও মাথায় ঠাণ্ডা জলের ছিটা দিবে। দুর্বলতার অল্প তড়কা হইলে রাই সরিষা গুঁড়া করিয়া গরম জলের সহিত মিশাইয়া ঐ জলে একটা পাত্রে পূর্ণ করিয়া তাহাতে হাঁটু পর্যন্ত শিশুর পা ডুবাইয়া দিবে। এই ভাবে কিছুক্ষণ রাখার পর ময়দা ও রাই সরিষার গুঁড়া একত্র জলে মিশাইয়া লইয়া শিশুর দুই পায়ের ভিমে উহার পটি বসাইয়া দিবে এবং হাতে, পায়ে ও বগলে আঙুনের সেক দিবে।

**ক্রিমির অল্প তড়কা হইলে :**—গরম জল পূর্ণ একটা পাত্রে শিশুর গলা পর্যন্ত ডুবাইয়া রাখা কর্তব্য। উৎকর্ষ প্রকারে আধ হাত উচু স্থান হইতে মস্তকে শীতল জল ঢালিতে হয়। একপ অবস্থায় শিশু যখন সুস্থ হইবে তখন দুগ্ধের সহিত এরকম তৈল সেবন করাইয়া দাস্ত করাইবে।

**মুখের ঘায়ে :**—শিশুর মুখে ঘা হইলে সোহাগার খই মধুর সহিত মিশাইয়া মুখে লাগাইতে দিবে। ভেড়ার দুধ লাগান শিশুর মুখের ঘায়ে বিশেষ উপকারী।

**কাণ পাকায় :**—শিশুর কাণ পাকিয়া পুঁথ নির্গত হইতে থাকিলে গরম জল কিম্বা কাঁচা দুধ ও জলসহ পিচুকারীর সাহায্যে কর্ণ ধৌত করিয়া তাহার পর ভাল করিয়া মুছাইয়া দিয়া ২।৩ কোঁটা আন্তর কর্ণ মধ্যে ঢালিয়া দিবে।

কটকিরির জলের ফুট দিলে বা আলতা গরম করিয়া তাহার ফুট দিলে কাণ পাকা ভাল হয়।



# ম্যাট্রিকুলেশন পরীক্ষোত্তীর্ণ ছাত্রীদের তালিকা

নিম্নলিখিত ছাত্রীগণ এবার ম্যাট্রিকুলেশন পরীক্ষার উত্তীর্ণ হইরাছেন। বাঁহানের নামের শেষে ১ চিহ্ন আছে তাঁহারা প্রথম বিভাগে, বাঁহানের নামের শেষে ২ চিহ্ন আছে তাঁহারা দ্বিতীয় বিভাগে, এবং বাঁহানের নামের শেষে ৩ চিহ্ন আছে তাঁহারা তৃতীয় বিভাগে উত্তীর্ণ হইরাছেন।

## বেথুন কলেজিয়েট স্কুল—

অমিতা বন্দ্যোপাধ্যায় ১, রেণুকা বন্দ্যোপাধ্যায় ১, সরস্বতী দাস গুপ্ত ১, সুলভা মিত্র ১, হরনা মিত্র ১, তমালিকা সরকার ১, হরনা মিত্র ১, জরতী গুপ্তা ১, অমিতা আই ১, কল্যাণী দাস গুপ্ত ১, ভারলেট নিরুপমা রায় ১, পুলিনা দেবী ১।

## ডায়োসেসন কলেজিয়েট স্কুল—

রত্নডালি বেঙ্গলদুলা ১, মনোরমা বসিক ১, প্রভা গুপ্ত ২, জৈনবরহিম ১, নীলনলিনী বিশ্বাস ১, মিলি সেন ১, নীতা মুখার্জী ১, নীলা রায় ২, জানতাতি ভাণ্ডারী ১, এলিজাবিথ এলিঙ্গা ১, বেথ জেকবস ১।

## ব্রাহ্ম বালিকা শিক্ষালয়—

সুপ্রভা ঘোষ ১, প্রতিমা বন্দ্যোপাধ্যায় ১, নীহার নলিনী দত্ত ১, হরতি সিংহ ১, বিনীতা বিশ্বাস ১, মণিকা দত্ত ১, শান্তনা বসাক ১, সুপ্রভা দত্ত ১, মেহলতা সেন ১, আতা দাস ২, সুলেখা সেন ২, পরিমিতা সেন ২, কমলা দাস গুপ্ত ১, কণিকাকণা সেন ২, শোভনা ঘোষ ১, রেণুপ্রভা নাগ ১।

## সেন্ট মারগারেট স্কুল—

বীণাপাণি বহু ১, ভবেন বালা দাস ১, রমলা বালা বিশ্বাস ১, বিনয়বালা বহু ১, পুষ্পলতা বিশ্বাস ১, রূপমা বিশ্বাস ১।

## ভিক্টোরিয়া ইনষ্টি—

সুধমা বহু ১, সুধাসি ঘোষ ১, প্রতিভা বিশ্বাস ১, বিনীতা সেন ১, সুধা ঘোষ ১।

## ময়মনসিংহ বিজ্ঞানময়ী গার্লস স্কুল—

শশিমুখী লাহিড়ী ১, বিসখা নাগ ২, নীহারবালা নন্দী ২,

সুবীতি সরকার ১, মণিলতা বন্দ্যোপাধ্যায় ২, মেহলতা চৌধুরী ১, প্রীতিলতা গুপ্ত ১, নীহার হালদার ১, হরনা রায় ১।

## চট্টগ্রাম ডাক্তার খানসমীরস্ বালিকা হাই স্কুল—

শোভনা চৌধুরী ১, সুধীরা দত্ত ১, নীলিমা রায় ১, সুগীরা নারায়ণ ১, হিরণ বিশ্বাস ১, অমিতা দাস ১, সাধুরী গুপ্তা ২।

## ক্রাইষ্ট চার্চ হাই—

চন্দ্রমুখী রায় চৌধুরী ২, কৃপাকণা বহু ১, অরবিন্দ ক্রিস্চেন ১।

## বরিশাল সদর হাই বালিকা বিদ্যালয়—

শান্তিহা ঘোষ ১, মনোরমা গুহ ১, নবনীলা ঘোষ ১, মেহলতা রায় ১।

## ইউনাইটেড মিশনারী গার্লস হাই—

বেলি হডসন ১, পারুল বালা মণ্ডল ১।

## চট্টগ্রাম উমাতারা ইনষ্টি—

সুপ্রভা চৌধুরী ৩।

## দার্কিলিং মহারাণী স্কুল—

শরৎশশী দে ১, মীরা ধর ১, শৈবলিনী দাস ৩।

## প্রাইভেট ছাত্রী—

দীপ্তি চট্টোপাধ্যায় ১, এস পেটাস ১, আশালতা বহু ৩, বিধুমারী দাস গুপ্তা ২, মুণালিনী সাউ ২, বসন্ত হেমিকিরার ১, রেণুকা রায় ২, রোজ ভারলেট দত্ত ১, বকুল দেশপাণ্ডে ১, শোভনা দেবী ২, ইয়েনিডি বনিফেশাস্ ১, কোপার্বা লক্ষ্মীনারায়ণ সা ২, নিরিন্দ্রা ফ্রাঙ্ক ২, ধর্মশীলা জয়বল ৩, রেবা রায় ১, রেখা দেবী ১, সুহাসিনী দেবী ২, কুলবালা মণ্ডল ২, লীলা দত্ত ৩, ইলা দত্ত ২, হিরণ দত্ত ১, জ্যোৎস্না দত্ত ৩, দোখোথি গুয়ার ২, প্রিজিবন ২, মিস মিতা ৩, মেরি ইসিবন ২, সন্তোষ দত্ত ১, বেথিলিনা ২, সুমতি গুপ্ত ১।

# মাতৃ-মন্দিরে

## শ্রীপ্রভাসচন্দ্র প্রামাণিক ।

মন্দির-দ্বার মুক্ত আজিকে মঙ্গলঘট পাতা,  
কোথায় পুজারী, কোথায় ভক্ত, কোথা গো অর্ঘ্যদাতা ?  
হোমের আগুণ কে জালিবে আজ,  
কে পরাবে মাকে শত ফুল গাজ ?  
কোথা সন্তান,—আল' আল' দীপ, গাহ' গাহ' অরুণাধা ।  
এস অগণিত তরুণ সাধক, ডাকিছেন আজি মাতা ।



— "কেন যেমন আলোর জগৎ,        না ভেবে রাত কাটায় জাগি,  
      তেমনি হোনার জগৎ আলোর গুরু আছে ছেয়ে " — রবীন্দ্রনাথ ।  
      কি বসন্তকুমার গঙ্গোপাধ্যায় অঙ্কিত





২য় বর্ষ

ভাদ্র—১৩৩১

৫ম সংখ্যা

## ভাদ্র

শ্রীমতী প্রিয়ম্বদা দেবী ।

সুভদ্রা-হরণ পালা ভাদ্র আজি গায়,  
চলে রথ সুভদ্রায়, অর্জুন দক্ষিণে তাঁর  
পরহিত মেঘদল যতুকুল ধায় ।  
সমুখে অবাধ পথ চলেছে বিজয়ী রথ  
সমুখে অপার আলো কিরীটী ছড়ায়,  
রমণী সারথি আজ, নিখিলে মোহন সাজ  
জল স্থল শূন্য ভরে, মাধুরী লীলায় ।  
জলে কমলের মেলা, মাঠেতে ধানের খেলা  
আলোকিত নদী বেলা কাশ সীতিমায় ।  
আকাশে বকের পাঁতি ফুটায় নীলের ভাতি  
চাঁদিমা উজল রাতি নয়ন ভুলায় ।  
পথ ধূলি আজি লীন, দিগন্ত যে অস্তুহীন  
বাঞ্ছিত পরশে আশা যাত্রী অসীমায় ।

# নারী-চরিত্র

শ্রীমতী মহামায়া দেবী ।

নারীর উন্নতি নির্ভর করছে নারীর চরিত্রের উপর। নারী-চরিত্র আজ এত দুর্বোধ্য, এত অটলতাময় এবং এত আচ্ছন্ন যে তার স্বরূপ খুঁজে পাওয়া যায়। পর্দার পর পর্দা ফেলে নারী আপন স্বরূপকে ঢেকে ফেলেছে।

নারী বড় গোপনতা প্রিয়। এই গোপন-প্রিয়তাই তার সর্বনাশের মূল। নারী আপনার সঙ্গে আপনি লুকোচুরি খেলে, আপনাকে আপনি বিকৃত করে প্রকাশ করে। নারী-চরিত্রের এইটাই মহৎ দোষ, এই খানেই নারী-চরিত্র খর্ব হয়েছে। সে কিছুতেই নিজেকে সহজভাবে প্রকাশ করতে পারে না।

নারীর এই গোপনতার কারণ অনেক আছে জানি। জানি, নারীর মুক্ত-গতি রোধ হওয়ায় গলিপথ তাদের আবিষ্কার করতে হয়েছে; জানি, সত্য অধিকারের দাবী অগ্রাহ্য হওয়ায় কৌশলে চাতুরীজাল বিস্তারে তাদের প্রাণ্য আদায় করতে হয়; জানি, চারিদিক আমাদের ক্রন্দ, আমরা অলঙ্ঘ্য, অভেদ্য বিধানের প্রাচীর-ঘেরা ঘরে বন্দী হয়ে আছি, কিন্তু তাই বলে কি ঐ প্রাচীর গাড়ে সিঁদু কেটে আসা যাওয়ার গোপন পথের সৃষ্টি করে সেটা পাথর চাপা দিয়ে নিজের চরিত্রকে কলুষিত করতে হবে? এ যে চোরের উপর রাগ করে ভূঁয়ে ভাত খাওয়ার মত আমরাই ঠকছি, নিজের হাতে নিজের অমঙ্গলের পথ পরিষ্কার করছি।

কারো বিপকে বিদ্রোহ করতে আমি নারাজ, অক্ষমতায় নয়, ঘৃণা বোধ করি। আমার প্রাণ্য যা, তা কারো হাতে নাই, আমি তার অধিকারী হলেই পাবো—এই আমার বিশ্বাস। তাই আমি আমাদের শত বাধনের বিধানকে অথবা বিধাতাকে

দোষ দিই না, দোষী নারী, দোষী আমি। আমার নিজের কোথাও ফাঁক আছে তার অহুস্কান আগে আমার করা চাই; আমার উন্নতি অন্তের নিকট প্রার্থনীয় নয়, আমার উন্নতি আমার নিজের হাতে।

নারীর এক দারুণ অক্ষমতা যে, সে হয় নিজেকে ঢেকে রেখে দেখাতে চায়, 'নয় তো নানারকম রং ফলিয়ে দেখাতে চায়। এ এক মস্ত ফাঁকি। এ বাহিরকে ঠকান নয়—এ নিজেকে ঠকান, আপনার হাতে আপনার চরিত্রকে ছিন্ন বিচ্ছিন্ন করে ফেলা।

নারীকে সহজ হয়ে দাঁড়াতে হবে, আপনার স্বভাব নিয়ে, স্বরূপ নিয়ে, স্বধর্ম নিয়ে দাঁড়াতে হবে। অস্বাভাবিকতাই পতন, ধ্বংস, মৃত্যু। গোপনতাই পাপ, তার অন্ত পরিভাপই নরক ভোগ। এই গোপনতার জাল নারীকে নিজের হাতে একে একে ছিন্ন করে প্রকাশ হতে হবে। উদার, অনাবৃত, নিষ্কলঙ্ক চরিত্র নিয়ে, একমাত্র সত্যকে, ভগবানকে আশ্রয় করে নারী যদি দাঁড়াতে পারে, তবে শত বছরের কারা নিমেষে ধূলিসাৎ হয়ে যাবে। নারী যদি আপনার দিক থেকে উন্নত হয়ে না উঠতে পারে তবে তার উন্নতির আশা করা বিড়ম্বনা।

আজ আমরা বাইরের দিক দিয়ে অনেক কিছু করে যেতে পারি কিন্তু সে করাটা আমাদের কণিক সাহসনা স্বরূপেই হবে, শাস্তি দিতে পারবে না, যদি সেখানে আমরা চরিত্রে দুর্বল হই।

নারীর চরিত্র যারপর নাই দুর্বল এবং চঞ্চল এ কথা নারীর অস্বীকার করলে চলবে না।

এবং চঞ্চল বলেই তো নারী আজ স্বরাজ্যশায় ও স্বাধীকারাশায়, এবং এ সবের আড়ালে নিজের নাম ও যশের আশায়, অনেকে অনেক কিছু বলতে চাচ্ছে, করতে যাচ্ছে, অনেক রকম বিদ্রোহ



বিপ্লবের সৃষ্টি করতেও চেষ্টা করছে, কিন্তু আসল বস্তুটার জন্ত কেউ কি কিছু করছে, যে বস্তু পেলে আর কোন কিছু করবার প্রচেষ্টা করতে হয় না এবং ছাইতেও হয় না, আপনা হতেই পাওয়া যায়? বিবেকানন্দের বাণী প্রথমে প্রথমে শ্রবণ করবার দিন কি এখনও আসেনি যে, চালাকির দ্বারা কোনও কাজ হয় না, চাই চরিত্র, চাই ধৈর্য, চাই সত্যনিষ্ঠা। তাঁর এই মহাশক্তি আমি কেবলমাত্র পুরুষের দিকেই প্রযোজ্য বলে মনে করি না, নারীরও এ বাণী গ্রহণীয়। কিন্তু নারী সে মহাশক্তি গ্রহণ করবার যোগ্যতা কি এখনও লাভ করতে পারলে না?

লক্ষ্যায় স্থণায় মরমে মরতে ইচ্ছা হয়—এখনও পুরুষমহলে নারী চরিত্রের দুর্জয়তা নিয়ে অনায়াসে আলোচনা চলছে! নারী আপন মহান চরিত্র দেখিয়ে পুরুষের এ সাহসের মূলে কুঠারাঘাত করতে প্রস্তুত হচ্ছেনা কেন?

• 'নারী-চরিত্র দুর্জয়' একথা পুরুষের মুখ থেকে

নারী অবাধে শুনে আসছে। কিন্তু এ পর্যন্ত এর প্রত্যুত্তর নারী আপনার চরিত্র দেখিয়ে দিতে পারলে না যে, নারী-চরিত্র দুর্জয় তো বটেই কিন্তু দুর্জয়তার পুরুষ-চরিত্র তার অপেক্ষা একটুও কম যায় না বরং অধিক। নারী-চরিত্র দুর্জয় হয়েছে অবস্থার পড়ে কিন্তু এমনও কত পুরুষ আছেন আমি প্রত্যক্ষ করেছি যাদের চরিত্রে প্রতি মুহূর্তে পরিবর্তন ঘটে।

কিন্তু কি বলা যাবে? এখানে বেশী কথা বলবার নাই। নারী অনাবশ্যক আন্দোলন করে আপন চরিত্রকে গুলিয়ে না তুলে বরং চরিত্রের মলিনতা ধুয়ে ফেলবার চেষ্টা যদি করেন তবেই তাঁহার মঙ্গল, তবেই তাঁহার মুখ থাকে, ছোটো কথা বলাও সাজে, কিন্তু তার আগে নয়।

যতদিন না নারী চরিত্র গড়ছে, ততদিন নারী-চরিত্রের এই সব অপবাদ নারীকে মাথা পেতেই নিতে হবে নারীর এষে প্রায়শ্চিত্ত!

## পূর্ণ-লাভ

শ্রীমতী ভক্তিসুখা হার ।

লক্ষ যুগের বেদনা বহিয়া  
বন্ধ গিয়াছে ভরি'  
নিষ্ঠুর দহনে দহিয়া দহিয়া  
দুঃখ লয়েছ হরি' ।  
মরমে কঠিন পরশ শোণিয়া  
আঘাতের লাগে লাগে,  
এ মধুর কতে প্রেমের লালিয়া  
প্রণয়ের রাস্তা রাগে ।  
আশা নিরাশার সংশয় মাঝে  
বাঁচালে বন্ধু ঘোর,

সাজালে ব্যর্থ পিয়াসীর সাজে  
মিটালে বন্দ ঘোর !  
আঁধি পাশে থাকি তুবা শুধু বাড়ে  
বৃথা আর দূরে দূরে,  
তাই দিলে ধরা নয়নের আড়ে  
এ গোপন স্বদি পুরে ।  
অশ্রুসাগর মন্বন করি'  
যে স্বধা দিয়াই বধু  
শ্রীতির জোয়ার অস্তর, ভরি'  
বহাবে তাহার মধু ।

## শেষ দৃষ্টিতে

( গল্প )

শ্রীমতী প্রভাবতী দেবী সরস্বতী ।

( ১ )

সেখানে ছিল বার মাসই বসন্ত অর্থাৎ সকল শুধুই বসন্ত না হলেও ক্ষতি ছিল না, প্রাণ যেখানে দিনরাত মসগুল, সেখানে বারমাস বসন্ত নয় তো কি ? ফুরফুরে বাতাস, কোকিল পাখিয়ার স্বমধুর ঝঙ্কার, এ সবও নবাবজাদির আরাগের স্থান মনিমঞ্জিলে অভাব ছিল না ।

সামনে বয়ে যেত কাঁচপারা ঠাণ্ডা জলভরা বড় দীর্ঘিকাটা, তার ধারে শুধুই বসরাই গোলাপ, সে গোলাপ বারমাসই ফুটত, তবে কম আর বেশী, বড় আর ছোট। ধারে ধারে বড় বড় ঝাউগাছের সরু পাতা গুলোতে বাতাসের ধাক্কা লেগে সোঁ সোঁ শব্দ উঠত, দিগ্বধূরা তার শব্দে মুগ্ধ হয়ে যেত। দীর্ঘিকার কালো জলে ছায়া ফেলে খেলা করত ছুখের মত সাদা হাঁসগুলি। মীনশিঙুরা জলের ওপর কণিকের তরে ভেসে উঠে পৃথিবীর বাহুসৌন্দর্য্য দেখবার চেষ্টা করত, সূর্যের আলো উপভোগ করত, চঞ্চল হাঁসগুলোর পা দিয়ে জলকে কেটে অগ্রসর হওয়ার শব্দ শুনে চকিতে ভয় পেয়ে তারা ডুবে গিয়ে গভীর জলের মাঝে লুকিয়ে যেত। মাছে হাঁসে এই লুকোচুরি সেখানে চলছে প্রত্যেক দিনই ।

সেখানে সারাদিন ফোটা ফুলের পাশে ভ্রমরের গুঞ্জন, কুঞ্জে কুঞ্জে গোলাপের ফুট সৌন্দর্য্য দেখে মত্ত কোকিলের ঝঙ্কার এ আছেই। পোষা কোকিল, পাখিয়ার রূপোর খাঁচায় সোণার দাঁড়ে বসে সোণার বাঁচিতে খাবার খেত, আর সময় অসময়ে কুহ কুহ

পিউ পিয়া পিউ শব্দে বহুদূর প্রতিধ্বনিত করে তুলত। তাদের ডাকে বনের পাখী ছুটে আসত, অননুভূত বারমাসে বসন্তের সৌন্দর্য্যে মুগ্ধ হয়ে তারাও এদের সঙ্গে নিজেরদের গলার মিষ্ট স্বরটা মিশিয়ে ফেলত ।

চারিদিকে ফুলের হাসি, পাখীর গান, ভ্রমরের ঝঙ্কার ; এরই মাঝে একদিন শারদ প্রভাতে ঝরে পড়ে যাওয়া শিউলির পানে চয়ে মেহেরুণ বীণার স্বরে স্বর মিলিয়ে গান গাচ্ছিল--

আজু সখি কাঁহা পিয়া

আবাতু ন আওয়ে ।

ভারি সুন্দর প্রভাত সেটা। এই চিরবসন্তের মাঝেও শরৎ পূর্ণরূপে ফুটে উঠেছিল—শেফালির ফুটে ওঠা ও তার ঝরে পড়ার মধ্যে দিয়ে। আর তার চিহ্ন ছিল শুধু আকাশের গায়ে। নির্মল নীল আকাশের কোলে এক এক ঋণ সূর্য্যতেজে উদ্দীপ্ত সাদা মেঘ ক্রমশঃ চলতে চলতে কাছে এসে আবার চলে যাচ্ছিল। শারদলক্ষ্মী আজকের এই শুভ আশীর্বাদ বর্ষণ করছিলেন শারা ধরাটার গায়ে, তার একটু কণা ছিটকে এসে এই চিরবসন্তের লীলাকাননেও পড়েছিল ।

প্রভাতের মুহূ. বাতাসে ছলছিল তার কালো রেশমের মত চুলগুলো যা সামনে তার কুঞ্জ রক্তাভ কপালের পরে পড়েছিল। বেশীটা তার পে। তারে মতির গাঁথনীতে অঙ্কিত হয়ে পিঠের পরে লুটিয়ে পড়ছিল, যেন কৃষ্ণ সাপ একটা তার মূখানা বেটন করে সোহাগ করবার আশায় তাকে রেড়ে উঠছিল। কালো রঙের ওড়নাটিতে রূপোর মত

জরীর পাড় বোনা, সেটা ছিল তার বুক পিঠ খানিকটা ঢেকে, গোলাপী কাঁচুলীর সামান্য একটু অংশ বুকের উপর সামান্যই জেগে ছিল। নবাব-জাদির উন্নত কর্তে শুধু এক ছড়া বড় মতির মালা, বেশী ভার সে ফুলের চেয়ে কোমল দেহ বইতে পারবে না, তাই অতি সামান্যই অলঙ্কার।

বসন্তের রাণী সে, শারদ উষা, আজ তারই সম্বন্ধনার জন্তে ছয়ারে এসে দাঁড়িয়েছে, সেও দু হাত বাড়িয়ে তাকে বুকের মধ্যে জড়িয়ে ধরেছে, তার মধুর স্পর্শ উষার মুখে মাখিয়ে দিয়েছে।

প্রভাত গগনে শুকতারা যখন উঠে সে সেই তখন হতে উঠে গাছে—

আজু সখি কাঁহা পিয়া

আবাহ ন আওয়ে।

কাঁহা পিয়া—কাঁহা পিয়া ? হৃদয় সেই অজানিতের উদ্দেশ্যে ঘুরে মরছিল কিন্তু কোথা স্নেহ? কতদিন যাচ্ছে, কত রাত যাচ্ছে, এই বারমেসে বসন্তের বুক দিনরাতের তো সমান ষাওয়া আসা আছে। কিন্তু সে অজানিত অতিথি তো কোনও দিন এলো না!

চাঁদে ওঠে, সমস্ত বাগান খানা তার শুভ্র আলোয় প্রাবিত হ'য়ে যায়, দীর্ঘিকার কালো বুক বাতাসের ঘারা পরিচালিত হয়ে যে ছোট ছোট চেউ গুলো ওঠে, তার মাথায় চাঁদের আলো প'ড়ে জলে ঠিক গলানো রূপোর মতই, আঁসুহারা পাপিয়া মালতী কুঞ্জের মধ্যে গা লুকিয়ে ডেকে ওঠে,—চোখ গেল, ওগো, আমার চোখ গেল।

মুক্ত বাতায়নের পাশে পালকে শুয়ে পড়ে থাকে মেহেরুণ, ঘরের দীপ্ত আলো নিভিয়ে দেয় সে, বাতায়ন পথ দিয়ে খোলা চাঁদের আলো ফুলের গন্ধের সঙ্গে মিশে ঘরের মধ্যে প্রবেশ লাভ করে, সে চেয়ে দেখে আলো আঁধারের খেলা, সাদার কালোয় মেশামিশি, গভীর ঘনিষ্ঠতা, সেই দৃশ্য দেখতে দেখতে, পাপিয়ার বুককাটা চীৎকার শুনে শুনে সে জান হারিয়ে ফেলে, কাকে ডেকে ডেকে

তার অন্তরটা একেবারে শুকিয়ে ওঠে, যদি তখন গোলাপী সরবৎ এনে তার মুখের কাছে ধরে।

সার্থক হবে সেদিন যেদিন তার চির অপরিচিত কোনও অতিথি এসে তার এই চিরবসন্ত নিকেতনের দরজায় হাত পেতে দাঁড়াবে শুধু দুটি ভিকে পাবার তরে। কিন্তু আসবে কি সে? সাত দেউড়ি পার হয়ে, হাজার প্রহরীর চোখে ধুলো দিয়ে এই সোণার খাচায় আবদ্ধ বিহগীর কাছে সে আসবে কি?

নিদারুণ ব্যথায় মেহেরুণ বিছানায় লুটিয়ে পড়ত।

(২)

কিন্তু সত্যিই সে একদিন এলো। জানিনে কেমন করে সাত দেউড়ি পেরিয়ে হাজার চোখে ধুলো দিয়ে সে এসে দাঁড়াল মেহেরুণের বিশ্বয়ভরা দুটি চোখের সামনে।

আকাশ ভরা সেদিন মেঘের খেলা, বিছাতের ঝিকিমিকি, ছুটোছুটি, তার আলোয় মেহেরুণের বাগানখানা ঝলসে উঠছিল।

নিষ্পন্দ ভাবে কিশোরী শুধু চেয়ে রইল। সে শুধু চেয়েই থাকা তা ছাড়া আর কিছুই তার মধ্যে ছিল না। তার বাপ ছাড়া সে যে কারও অস্তিত্ব জানত না, সেই বাপেরই বা পরিচয় কতটুকু সে জানত? এই চিরবসন্তের নিকেতনে সে সম্রাজ্ঞী হয়ে ছিল, কিন্তু এখানে সবই নারী, নরের সঙ্গে তার চাক্ষুস দেখা হ'ত যখন সে প্রহরী ও সহচারিণী পারবৃত্তা হয়ে পিতৃভবনে পিতৃসন্দর্শনে যেত। তার প্রাসাদের পুরুষ প্রহরীর অস্তিত্বও সে সেই সময়টীতে জানতে পারত।

কিংখাপের মতি মুক্তা সোণা রূপা জড়িত তাঞ্জাম সে, নবাবজাদী পাছে দৃষ্টা হন, সতর্ক নারী প্রহরীরা তারও পরে আবরণ চাপাত। কিশোরীর হৃদয়টা সে আবরণ ছিঁড়ে ফেলে একবার প্রকাশ হতে চাইত, কিন্তু পারত না। তাকে এমনই আবরণের মধ্যে থাকতে হবে

বিধাতার এই নিয়ম যে, বিধাতার আইন রদ করবার কমতা কি তার ?

সে এলো, তার সামনে হাত ছুখানা পেতে সে দাঁড়াল, তার আরক্টিম অধরোষ্ঠ দুটি ভেদ করে শুধু একটা কথা প্রকাশ হল—“ভিক্ষা—”

ভিক্ষা ? এ চায় ভিক্ষা ? এই প্রকৃতির শ্রেষ্ঠ দান নয়—এর যে সবই আছে, তবু এ চায় ভিক্ষা ? এর ভাঙার যে পূর্ণ, তবু কি চায় এ ?

যেমে উঠে মুখখানা লাল করে ফেলে কুমারী বললে “ভিক্ষা ? তুমি কি চাও তরুণ, কি তোমার প্রার্থিত বস্তু এ জগতে আছে ?”

তরুণ স্মিতমুখে বললে “আছে বই কি ?”

“আছে ?” সে ব্যগ্রভাবে তরুণের হাত ছুখানা ধরে ফেললে “কি নেবে তুমি ?”

“আমি তোমার কাছে তোমায় চাইতে এসেছি নবাবজাদি ।”

বিশ্বয়ে মেহেরুণ স্বরূপ হয়ে গেল, সে অবাক হয়ে এই তরুণের ছন্দর মুখখানার পানে চেয়ে রইল । শরৎ তপনের প্রথম স্নিগ্ধ আরক্টিম আলোর ছটা তার মুখখানার পরে পড়েছিল । সেই মুখখানার পানে চেয়ে চেয়ে কখন যে তার কণ্ঠ হতে একটা আর্ন্তনিনাদ ফুটে বেরিয়ে গেল, তা সে জানে না । পর মুহূর্তে সম্যক জ্ঞান পেয়ে সে যখন তার মুদিত নেত্র উন্মিলন করল তখন সে তরুণ আর সেখানে নেই, কিন্তু সে যে এসেছিল তার পায়ের চিহ্ন এখনও কার্পেট মোড়া মেঝের পরে পড়ে আছে ।

মেহেরুণ আর্ন্তভাবে সেই পায়ের চিহ্নের পরে লুটিয়ে পড়ল, সুন্দর গো, তুমি আজ প্রাতে এসেছিলে !—

আজ তার মনে হল সব ব্যর্থ হয়ে গেল । তার এই চির বসন্তের “নিকেতনে যেন হঠাৎ শীতের আর্বির্ভাব হল, তার সাধের গোলাপ গাছে ফুল ফুটতে ফুটতে কবে যে একেবারেই ফুল কোটা বন্ধ হয়ে গেল, কোকিল পাঁপিয়া কবে যে নীরব

হয়ে গেল, তা সে জানতে পারলে না । তার বসন্তের নিকেতন হয়ে গেল শীতের কুয়াশার অন্ধকার, সেখানে আর তেমন মিঠে রোদ পড়ে না, শীতের বাতাস হাড় কাঁপিয়ে হ হ করে বয়ে যেতে লাগল, তাতে না আছে স্নিগ্ধতা, না আছে প্রফুল্লতা ।

নিরানন্দ চারিদিকে তার কঠোর হাত বুলিয়ে দিলে, অশান্তি আপনি এসে অধিষ্ঠান করলে । দিনের পর দিন, মাসের পর মাস, বছরের পর বছরও কাটতে লাগল । চিরবসন্ত নিকেতনে আর ফুল ফুটল না, আর পাখী গাইল না আর সেখানে বীণার স্বর বন্ধ হতে গুঠে না, আর সেখানে গান কেউ গায় না । ঐন্দ্রজালিকের মোহময় যষ্টিস্পর্শে সব যেন রাতারাতি পাষাণে পরিণত হয়ে গেল ।

( ৩ )

কে সে, কোথা হতে এলো, আবার কোথা চলে গেল, সে কি যাবার মুহূর্তে এমন করে ‘সত্যি’ সব পাথর করে দিয়ে গেল ?

অকস্মাৎ একদিন নবাবজাদি অত্যন্ত সচেতন হয়ে উঠল । সে একদিন বিছানা হতে উঠে তার সেই খোলা বাতায়নে দাঁড়াল । কই—বাগানে সে ফুলের সৌন্দর্য কোথায় গেল ? গাছগুলো সব মরার মত হয়ে গ্যাছে, তাদের মধ্যে যে চির সবুজ রঙ ছিল, তা এখন হৃদয়ে রঙে পরিণত হয়েছে !

ঝাউগাছগুলি যেন অসহ শোকে মাথা নীচু করে দাঁড়িয়ে, বাতাস এসে আজও তেমনি তাদের গায়ে লাগছে, কিন্তু তা লাগছে মাজ, কারণ তরুণ বৃকে তাতে একটু পুলকের শিহরণ উঠতে পারছে না । তার বৃকের যেখানে আনন্দের প্রস্রবণটা গোপনে রক্ষিত ছিল, সেখানকার প্রস্রবণ শুকিয়ে গেছে, আর তা বইবে না, আর তাকে দোহুল দোলায় ছুলিয়ে দিয়েও যাবে না ।

পোষা হরিণগুলো যেন কেমন হয়ে গ্যাছে । মাছুষ দেখলে তারা হঠাৎ চমকে ওঠে, উর্দ্ধ্বাসে ছুটে পালাতে যায়, কিন্তু তারের বেড়া তিড়িরে

পালাবার তাদের ক্রমভাও ছিল না, তাই তারা অমনি জীবনহীনের মত পড়েই থাকত। তাদের চাউনি গুলোও যেন কেমন ভয়চকিত হয়ে গ্যাছে, তারা আর কাউকেই যেন বিশ্বাস করতে চায় না।

ময়ূরগুলো নীল আকাশে মেঘের খেল দেখে আর পেখম তুলে নেচে ওঠে না, ছলে ছলে সবুজ হাওয়ায় বেড়িয়ে বেড়ায় না। তাদের কেকাধ্বনিতে মায়া বাগানটা আর ভরে ওঠে না, সব নীরব, সব নিরুৎসাহ।

অবাক হয়ে মেহেরুণ ভাবতে লাগল এ হ'ল কি? নিমেষে সব পরিবর্তন হল কি করে?

কে সে এসেছিল, সে আসবে বলেই বুঝি এই পৃথিবীটা এমন মোহন সাজে সেজেছিল, এমন করে সবুজ পাতায় রঙিন ফুলে ভ'রে উঠেছিল! সে চ'লে গেল, যাবার সময় তার আসার সব চিহ্নটুকু মুছে নিয়ে গেল! নিমেষে সারা ধরা আঁধার হ'য়ে গেল, গান থেমে গেল, বীণা বাজতে বাজতে তার ছিঁড়ে গেল! জগৎটা চলেছিল একভাবে, হঠাৎ যেন তার গতি বদলে গেল।

না, আর সে অপরিচিতের কথা ভাবা হবে না। যাক, সে গ্যাছে ভালই, সে কে এসেছিল সে কথা ধেমন করে হোক ভুলে যেতেই হবে।

মেহেরুণ আবার তার বাগানের দিকে মন দিলে।

কিন্তু আর হয় না যে। ছিন্ন তার জোড়া দিয়ে বাজাতে গেলে সে তার আবার ছিঁড়ে যায়, সে সুর আর বীণায় বাজে না। বাগানে আবার সবুজ পাতা রঙিন ফুল ধরল, আবার ময়ূর পেখম তুলে নাচল, আবার পাখী গাইল, আবার ফুলকে হুইয়ে দিয়ে, পাতা গুলোকে দোহুল দোলায় ছুলিয়ে দিয়ে বসন্তের স্নিগ্ধ হাওয়া বয়ে গেল, কিন্তু প্রাণের মাঝে আর সে স্পন্দন সে জাগিয়ে তুলতে পারলে না। প্রাণের ফুলের পাপড়িগুলি মুদেই রইল। বাতাসে সে ফুল ফুটে উঠতে পারলে না।

নবাবজাদি হুকুম দিলে "আমি বাপের সঙ্গে দেখা করতে যাব।"

• প্রাসাদে সাড়া প'ড়ে গেল "সাজ, সাজ!" প্রহরীরা, প্রহরিনীরা, বাঁদীরা, সহচরীরা সব প্রস্তুত হতে লাগল। আজ নবাবজাদি যেন জেদ করেই বাপের দেওয়া মণি-মুক্তার গহনা সব পরলে, তার সর্বশ্রেষ্ঠ পেশোয়ার, ওড়না পরলে।

পিতৃ সন্দর্শনে নবাবজাদি যাত্রা করলেন।

পথের ধারে কাতার দিয়ে দাঁড়িয়েছে লোক নবাবজাদির পিতৃ সন্দর্শনের যাত্রা অবাক হ'য়ে দেখছে। প্রহরীরা মহাগর্বে বন্দুক ঘাড়ে ক'রে চলেছে, তাদের তালে তালে পা ফেলার শব্দ কানে আসছে।

তাজামের মধ্যে বসে মেহেরুণ ধ্যানে নিমগ্ন, যেন কোনও দেবীমূর্তি।

তাজামের দরজায় হঠাৎ আঘাত লাগল, বিরাট শোভাযাত্রা হঠাৎ থমকে দাঁড়াল, সব বিশ্বাসে, ভয়ে আড়ষ্ট!

ক্ষিপ্ৰহস্তে দরজা খুলে কে তার মুখখানা বাড়িয়ে দিয়ে আবেগ কম্পিত কণ্ঠে ডেকে উঠল "মেহেরুণ!"

সেই তরুণ, সেই স্বন্দর মুখখানা! মেহেরুণ আড়ষ্ট হ'য়ে চেয়ে রইল। যুবক দুই হাতে তার সৌন্দর্য ও অলঙ্কারে মগ্নিত মুখখানা ধ'রে কাছে নিয়ে এল, মূচ্ছিত প্রায় কুমারীর কম্পিত অধরোষ্ঠের পরে তার প্রথম ও শেষ একটা চূষন রেখা অঙ্কিত করে দিলে, মরণের পূর্ব মুহূর্তে সে তার অমুরাগ জানালে।

• মূচ্ছিত হয়ে নবাবজাদি ট'লে পড়ল। যখন সে চোখ মেলে—তরুণ তখন বন্দী।

\* \* \* \*

অপরাধীর বিচার শেষ - ফল প্রাপদও। সামান্ত একটা লোক হয়ে সে নবাবজাদির মর্যাদা নাশ ক'রেছে, তাজামের দরজা, যা শুধু প্রহরিনীরাই স্পর্শ করতে পারে, সেই দরজা নিজের হাতে খুলে ফেলে। মহামান্ত্রী নবাবপুত্রীর অসামান্ত রূপদেখতে পেয়েছে।



উচ্চ প্রাসাদের চূড়ায় দাঁড়িয়ে দেখছিল মেহেকণ,  
চোখ দুটি তার জলে ভ'রে উঠেছে, তবু সে চোখ  
মুছতেও পারছিল না, চোখের পলকটীও ফেলতে  
পারছিল না, পাছে সেই সময় টুকুর মধ্যে তার  
প্রিয়তমের শেষ নিঃশ্বাসটা ব'য়ে যায়।

বহুদূরে, বহু নীচে সে যুবক। সেও তৃপ্তির  
চোখে চেয়েছিল এই প্রাসাদের দিকে সূর্য্য আঁকা  
পদ্মাকির সন্ধানে।

ওই গেল—সব ফুরিয়ে গেল, অপরাধীর দেহ  
লুটিয়ে পড়ল, তার সব শেষ হ'য়ে গেল !

দুই হাতে বুকখানা চেপে ধ'রে নবাবনন্দিনী  
সেখানে লুটিয়ে পড়ল। তার সেই দুটি কাজর  
চোখের সামনে নেমে এল অমাবস্থা রজনীর  
মেঘাবৃত নিবিড় অন্ধকার, এ অন্ধকারের নিবিড়তা  
ভেদ ক'রে কখনও আর একটা ক্ষীণ দীপশিখাও  
তার সামনে জলে ওঠে নি।

## মাতৃ-মন্দির

শ্রীকুমুদরঞ্জন মল্লিক ।

( ১ )

জগতের মাঝে ষ্টি মন্দির আছে,  
তুলনায় সব হার মানে এর কাছে,  
শিশুর দেয়লা, স্বপন মাখানো হাসি  
অফুট ফুলের পরিমল রাশি রাশি,  
নিয়ত নিত্য আনন্দ করতালি,  
কোমল মুখের কণক চাঁপার ডালি,  
হাসি অক্ষর রামধনুকের খেলা,  
বিমল প্রভাতে কমলের হাঁই তোলা  
বাল্য ভোগ আর প্রভাত আরতি লয়ে  
আছে মন্দির বিশ্ব বিজয়ী হয়ে।

( ২ )

এই অলকায় চিরশিশু রয় রবি  
শিশির মুকুরে হেরে আপনার ছবি,  
কোকিল বালক বসি বসি গলা সাথে  
হেথায় মিলন' প্রথম চকোরে চাদে।

নবনীর দেশ, লাবণীতে আছে ভরি,  
বিশীর্ণ লতা শোভে ফুল বৃকে করি।  
সাপিনী বাঘিনী থাকে না হেতায় ক্রুর,  
মায়ের এ পীঠ সমতায় জরপুর।  
শিশু ভোলানাথ দিগম্বরের ভূমি  
হেরি আনন্দে দিশেহারা হবে তুমি।

( ৩ )

হেথা ঝরে ক্ষীর শ্রামলীর বাঁট হতে,  
পেতে রাখে আঁধি যশোদা কানন পথে ;  
প্রতাপ মাটির শাদ্দুল ধরে বাঁধে,  
মামুদ খেলার পুতুল ভাঙ্গিয়া কাঁদে ;  
তৈমুর করে বুঝুঝু লয়ে খেলা,  
কালিদাস হেরে আবাঢ়ে মেঘের মেলা।  
হেথায় গোপাল ক্ষীর ননী লয়ে থাকে,  
মধুরার কথা শুনায় না কেহ তাকে।  
ভাবী জগতের সৃষ্টি চলেছে হেথা  
বাঁধিয়াছে বাসা নন্দন নবীনতা।

# স্ত্রীশিক্ষা ও সমাজ-সংস্কার

শ্রীধীরেন্দ্রচন্দ্র মজুমদার বি-এল ।

আমাদের দেশের প্রায় যাবতীয় সমাজ-সংস্কার স্ত্রীজাতি সংক্রান্ত। কৌলীন্ত, বিধবা-বিনাহ, বাল্যবিবাহ, পণপ্রথা, স্ত্রীস্বাধীনতা প্রভৃতি সমস্ত গুলিই স্ত্রীজাতিকে কেন্দ্র করিয়া তাঁহাদের উন্নতির চেষ্টায় পর্যাবসিত হইয়াছে। ইহার কারণ, খুঁজিতে অধিক দূর যাইতে হয় না। সমাজ-শরীরের অর্ধেক স্ত্রী ও অর্ধেক পুরুষ। আমাদের শাস্ত্রে বলে স্ত্রী পুরুষের অর্ধেক এইজন্য স্ত্রীর অপর নাম অর্ধাঙ্গিনী। সমাজের এই দুই বিভাগকে আমরা দেহের দক্ষিণ ও বাম অঙ্গ বলিতে পারি। বাম অঙ্গকে যদি দুর্বল, বিকল, নিশ্চেষ্ট ও পঙ্গু করিয়া রাখা যায়, তবে দক্ষিণ অঙ্গের দ্বারা কোন কার্য সফলরূপে সাধিত হইতে পারে না। আমাদের সমাজের স্ত্রী ও পুরুষের অবস্থা যদি তুলনা করি, তাহা হইলে কি তাহা এইরূপই বিকলাঙ্গ বলিয়া মনে হয় না? আমাদের সমাজে নারীর অবস্থা যে কত হীন ও অধঃপতিত তাহা একটু অসুধাবন করিলেই বুঝিতে পারা যায়। একজন প্রকৃত দায়ী কে, সে বিষয়ে মতভেদ থাকিতে পারে। আমাদের পারিপার্শ্বিক অবস্থা হয়ত ইহার জন্য কতকটা দায়ী, কিন্তু তাহা সত্ত্বেও কবির সংকে স্মরণ মিলাইয়া বলিতে ইচ্ছা হয় --

“ওরে ছুরাচার, হিন্দু কুলাঙ্গার !  
এই কি তোদের দয়া সদাচার ?  
হয়ে আর্ধ্যবংশ জগতের সার  
রমণী বধিছ পিশাচ হয়ে !”

হিন্দুসমাজে স্ত্রীজাতির অবস্থা চিরকাল বোধ হয় একরূপ অধঃপতিত ছিল না। বেদ, স্মৃতি, রামায়ণ, মহাভারত প্রভৃতি গ্রন্থ পাঠে জানা যায় যে, সেই সময়ে স্ত্রীজাতির সামাজিক অবস্থা অনেক উন্নত ছিল। পণ্ডিতেরা বলেন, “বৈদিক যুগে

স্ত্রীগণ পতির সহিত যজ্ঞ করিতেছেন এবং বনিতাগণ যজ্ঞে নিযুক্ত আছেন, এইরূপ বহু উক্তি বহু মন্ত্রে দেখিতে পাওয়া যায়। ঋগ্বেদের মন্ত্র রচনাকালে বহু নারী আজীবন অবিবাহিতা থাকিতেন। ঋগ্বেদে নিম্নলিখিত নারী-ঋষিগণের উল্লেখ দেখিতে পাওয়া যায়—জ্যোৎস্না, সূর্য্যা, লোপমুদ্রা, বিশ্ববারা, আপালা, ইন্দ্রাণী বা শচী, এবং সর্পরাজ্ঞী প্রভৃতি। ইহারা সকলেই ঋক্ বা যজ্ঞ রচনা করিয়া ঋষিপদ-বাচ্যা হইয়াছিলেন। বিশ্ববারা যে কেবল মন্ত্র রচনা করিয়াই জগতে প্রসিদ্ধি লাভ করিয়াছিলেন, তাহা নহে; পরম্পর অগ্নির স্তব উচ্চারণ করিয়া ঋত্বিকেরও কার্য সম্পাদন করিয়াছিলেন। বিশ্ববারা নারী, অথচ তিনি হোতা, তিনি উদগাতা, তিনি অধ্বর্ষা, এবং তিনি স্বয়ংই তাঁহারা রুত যজ্ঞের ব্রহ্মা। পাঠক এস্থলে স্পষ্ট দেখিতেছেন, বৈদিক যজ্ঞাদি কার্যের সমস্ত অধিকার নারীতে বর্তমান।” — (শ্রীঅবিনাশচন্দ্র দাস)

বৈদিক যুগের পরে আমরা নারীর উন্নত অবস্থা সম্বন্ধে অনেক প্রমাণ পাইয়া থাকি। মন্ত্র প্রভৃতি সংহিতাকারেরা যদিও নানাভাবে নারীর অধিকার খর্ব করিতে প্রয়াস পাইয়াছেন, তথাপি মনুই বলিয়া গিয়াছেন,—“যত্র নারীস্ত পূজ্যন্তে, রমন্তে তত্র দেবতাঃ।” অর্থাৎ যেখানে, যে গৃহে নারী, পূজিতা হন সেখানে, সে গৃহে দেবতা স্ত্রীতি লাভ করেন। মহাভারতে আছে,—

“অর্কঃ ভার্যা মহুয়ন্ত, ভার্যা শ্রেষ্ঠতমঃ সখা ন  
ভার্যা মূলং ত্রিবর্গস্ত ভার্যা মূলং ভবিষ্যতঃ ॥”

অর্থাৎ ভার্যা পতির অর্ধাঙ্গ, শ্রেষ্ঠ বন্ধু, ধর্ম, অর্থ, কাম এই ত্রিবর্গের মূল, সংসার-সাগর পার হইবার অর্থাৎ মোক্ষলাভেরও মূল।

বস্তুতঃ, প্রাচীনকালে হিন্দুসমাজে নারীর অবস্থা

যে বর্তমানের অপেক্ষা অনেক উন্নত ছিল, নারীর স্বাধীনতা যে অনেক ব্যাপক ছিল, শাস্ত্রাদি গ্রন্থে তাহার অনেক প্রমাণ পাওয়া যায়। প্রাচীনকালের তুলনায় বর্তমানে নারীর অবস্থা যে কত শোচনীয়, তাহা বোধহয় কাহাকেও চোখে আবুল দিয়া দেখান আবশ্যক করে না। পুরুষকে শিক্ষা, স্বাধীনতা ও অধিকার দিয়া যে রূপ সমাজের কর্তব্য পালনের উপযোগী করা হয়, স্ত্রীজাতিকে কি সেই পরিমাণেই সকল বিষয়ে হীন ও কর্তব্য-পালনের অক্ষুপর্ষ্যগী করিয়া রাখা হয় না? ফলে সমাজের যে অধঃপতন হইবে, তাহাতে বিচিন্তা কি? পরন্তু সমাজের অধিকাংশ সমস্যাই যে স্ত্রীজাতিকে কেন্দ্র করিয়া উদ্ভূত হইবে, তাহাতেই বা আশ্চর্য্য কি?

আমাদের মনে হয়, আমাদের দেশের নারীর অবস্থা যতই উন্নত হইবে, আমাদের সামাজিক সমস্যাগুলির সমাধান ততই সহজ ও সরল হইয়া আসিবে। স্ত্রীজাতির অবস্থার উন্নতির প্রধান ও একমাত্র উপায় স্ত্রীশিক্ষা বিস্তার। স্ত্রীরাং স্ত্রী শিক্ষাই আমাদের সমাজ সংস্কারের প্রধান উপায়, ইহাই আমাদের ধারণা। আমরা সমাজ-সংস্কারের জন্য যত চেষ্টাই করি না কেন, কিছুতেই সে চেষ্টা সম্পূর্ণ ফলবতী হইতে পারে না, যতক্ষণ না আমাদের স্ত্রীজাতির অবস্থা উন্নীত হয়, যতক্ষণ না আমরা স্ত্রীজাতিকে শিক্ষায় দীক্ষায়, ধর্মে কর্মে, সমাজের কর্তব্য-পালনের উপযোগী করিয়া তুলিতে পারি।

আমরা সমাজের দুই একটি সমস্যা লইয়া আমাদের উক্তির সত্যতা প্রমাণ করিতে চেষ্টা করিব। প্রথমতঃ পণপ্রথার কথাই ধরা যাউক। পণপ্রথা আমাদের সমাজের যে কিরূপ সর্বনাশ করিতেছে, তাহা কাহারও অবিদিত নাই। আমাদের সমাজে তথাকথিত উচ্চশ্রেণীর মধ্যে সকলেই কন্যাসন্তান হইলে দুর্ভাগ্য মনে করেন। কন্যা হইলেই আমাদের প্রথম ও একমাত্র ভাবনা হয়, কি করিয়া উহার বিবাহের ব্যয় নির্বাহ করিব। বরের পণ দিতে

কন্যার পিতা সর্বস্বান্ত হইতেছেন, ইহা আমাদের সমাজে নিত্য-নৈমিত্তিক ঘটনা। পণপ্রথা অত্যন্ত কুপ্রথা ও অস্বস্ত প্রথা, তাহাতে সন্দেহ নাই, কিন্তু যে ভাব হইতে ইহার প্রথম উৎপত্তি, তাহা কিছু তত দোষের ছিল না। আমাদের দেশে পুত্রের জায় কন্যার পিতৃধনে অধিকার নাই, স্ত্রীরাং বিবাহের সর্ম্ম পিতা কন্যাকে স্বেচ্ছায় নিজের ধনের কিয়দংশ যৌতুক-স্বরূপ দান করিবেন, ইহাই ছিল শাস্ত্রের বিধান। মহানির্বাণতন্ত্রে স্পষ্টই উক্ত হইয়াছে—

“কন্যাপোবং পালনীয়া শিক্ষনীয়ান্তি যত্নতঃ।

দেয়া বরায় বিদুষে ধনরত্ন সমম্বিতা ॥”

অর্থাৎ—কন্যাকেও অতি যত্নের সহিত (পুত্রের জায়) লালন-পালন করিবে ও স্ত্রীশিক্ষাদান করিবে এবং সেই স্ত্রীশিক্ষিতা কন্যাকে ধনরত্ন যৌতুক দিয়া বিধান বরে অর্পণ করিবে।

স্ত্রীরাং আমাদের শাস্ত্রের বিধান যে দোষের ছিল তাহা বলা যায় না। কিন্তু বর্তমানে যেভাবে পণপ্রথা প্রচলিত, তাহা বাস্তবিকই দোষণীয় ও গর্হিত। বরের পিতার অর্থগ্নুতাই বর্তমান পণপ্রথার প্রধান কারণ।

পণপ্রথা নিবারণের জন্য কত সভা-সমিতি কত বক্তৃতা ও আলোচনা, কত আন্দোলন চলিতেছে, কিন্তু ইহার গতিবেগ একটুও হ্রাস হইতেছে কি? যতদিন আমাদের মনোভাবের পরিবর্তন না হয়, যতদিন ধর্ম ও নীতি স্বার্থপরতা ও অর্থ-গ্নুতার স্থান অধিকার না করে, ততদিন এ কুপ্রথা দূর হইবে না। আমার মনে হয়, আমরা যদি কন্যাকে স্ত্রীশিক্ষাদান করি, যদি তাহাদিগকে শিক্ষা দিয়া স্বাধীনভাবে জীবিকানির্বাহের উপযুক্ত করিয়া তুলিতে পারি, তবে পণপ্রথার কঠোরতার অনেকটা উগ্ৰশম হয়। পাড়াগায়ে চাষাদের ঘরে মেয়ে পড়িতে পায় না, পাড় আসিয়া পণ দিয়া মেয়েকে বিবাহ করে। ইহার কারণ বুঝিতে বোধ হয় কষ্ট হয় না, ইহার কারণ এই, চাষাদের মেয়েরা তথাকথিত ভদ্রঘরের মেয়ে-

দের আয় শুধু গৃহের শোভা বৃদ্ধির উপকরণ নহে, তাহারা স্বামীর ঘরের, বাহিরের সকল কার্যের সহায়, পল্লীজীবনের অভাব মোচনের জন্য যে কার্য-পটুতা ও শ্রমশীলতা আবশ্যিক, তাহা তাহারা বাল্যকালে পিতৃগৃহে শিক্ষা করিয়া থাকে। স্বামীর গৃহে আসিয়া তাহারা শুধু গৃহের বিলাস-সামগ্ৰী হইয়া থাকে না, কেবলমাত্র রক্ষণ ও সন্তানপালনেই তাহাদের সমগ্র শক্তি ব্যয়িত হয় না, পরন্তু এ সমস্ত সুচাক্ষুরে সম্পন্ন করিয়াও তাহারা পরিবারের সুখ ও সচ্ছন্দতাবৃদ্ধির বিশেষ সহায়তা করিয়া থাকে। ভদ্র-ঘরের কন্যাদিগকেও সেইরূপ উপযুক্ত শিক্ষার দ্বারা পারিবারিক ও সামাজিক সর্বপ্রকার কর্তব্যপালনের উপযোগী করিতে পারিলে, তাহাদের বিবাহ সমস্যা অনেকটা সহজ ও সুগম হইয়া আসে, পণপ্রথার কঠোরতাও অনেক পরিমাণে হ্রাস প্রাপ্ত হয়। কন্যা যদি সুশিক্ষিতা হয়, সে যদি স্বাধীনভাবে জীবিকা-কর্য্যক্রম হয়, তবে তাহার বিবাহ ব্যাপারটা তত জটিল হয় না, যত হয় অশিক্ষিতা ও অক্ষম কন্যার পক্ষে। কন্যা সুশিক্ষিতা হইলে, তাহার বিবাহ না হইলেও তাহাকে পরের গলগ্রহ হইতে হইবে না, এ বিশ্বাস ও ভরসা তাহার অভিভাবক ও আত্মীয়-স্বজনগণের মনে থাকে। কিন্তু অশিক্ষিতা ও অক্ষম কন্যার পক্ষে এ ভরসা কোথায়? সুতরাং যে ভাবেই হউক, তাহাকে পাত্রপুত্র করিবার জন্য সকলেই উদগ্রীব হয়; এক্ষণে পাত্র মূর্খই হউক, আর অক্ষমই হউক, সেদিকে তখন তত দৃষ্টি থাকে না, ফলে বালবৈধব্য প্রভৃতি আরও নানারূপ সমস্যা আসিয়া দেখা দেয়।

অবশ্য, কন্যা সুশিক্ষিতা হইলেই যে পণপ্রথা সমাজ হইতে একেবারে উঠিয়া যাইবে, সে ধারণা আমাদের নাই। পণপ্রথা উঠাইতে হইলে আমাদের শিক্ষার আমূল সংস্কার করিতে হইবে, জাতীয় জীবনের আদর্শ ও লক্ষ্যের উন্নতি-সাধন করিতে হইবে। যুবকদের মধ্যে ধর্ম ও নীতিশিক্ষার ব্যবস্থা করিতে হইবে, তাহাদিগকে অর্থকরী শিক্ষা দেওয়ার

বন্দোবস্ত করিতে হইবে। আর আমাদের কন্যা-গণকেও সর্ববিষয়ে উপযুক্ত শিক্ষাদান করিতে হইবে। তবেই আমাদের সমাজে স্ত্রী ও পুরুষের শিক্ষা ও অবস্থার মধ্যে প্রকৃত সামঞ্জস্য বিধান হইবে, তবেই সমাজে অর্থ গৃহুতা চলিয়া গিয়া ষথার্থ গুণের আদর হইবে এবং পণের পরিবর্তে প্রকৃত সহধর্মিণী ও সহকর্মিণী লাভই বিবাহের প্রধান ও একমাত্র লক্ষ্য হইবে।

অস্পৃশ্যতা আমাদের সমাজের আর একটি প্রধান সমস্যা। অস্পৃশ্যতা হিন্দু-সমাজের কলঙ্ক, ইহা বলিলে অত্যাক্তি হইবে না। অস্পৃশ্যতা-দোষ দূর করিবার জন্য মহাত্মা গান্ধী, স্বামী শ্রদ্ধানন্দ, পণ্ডিত মালব্য প্রভৃতি দেশের মহারথীগণ বন্ধ-পরিষ্কার হইয়াছেন। এই দোষ নিরাকরণের নিমিত্ত দেশের নানাস্থানে সভা-সমিতি ও নানারূপ আন্দোলন চলিতেছে। কিন্তু এত চেষ্টা সত্ত্বেও আমরা এ বিষয়ে কতদূর কৃতকার্য হইতে পারিয়াছি বা পারিব, তাহা ভাবিবার বিষয়। আমার মনে হয়, স্ত্রীশিক্ষার সঙ্গে এই আন্দোলনের নিগূঢ় সংযোগ রহিয়াছে। অস্পৃশ্যতা-দোষ দূর করিতে হইলে শুধু পুরুষদের এ বিষয়ে বুঝাইলে চলিবে না, মেয়েদিগকেও বুঝান একান্ত দরকার। অস্পৃশ্যতার অপকারিতা ও কুফল সবেশে পুরুষ বাহিরে যত বুদ্ধতা ও যত আশ্ফালনই করুক না কেন, ইহা কিছুতেই পূর্ণ সফলতা লাভ করিতে পারিবেন না, যতদিন না এ বিষয় মেয়েদের হৃদয়ঙ্গম করান হয়। পুরুষ বাহিরের কর্তা হইতে পারেন, কিন্তু গৃহের অন্তঃপুরের কর্তা পুরুষ নয়, কর্তা—মাতা, পত্নী, ভগ্নী, কন্যা প্রভৃতি। গৃহে কোন অস্পৃশ্য জাতির ছোঁয়া জল আচরণীয় করিয়া লওয়া পুরুষের ইচ্ছার উপর তত নির্ভর করে না, যত করে মেয়েদের উপর। বাহিরে পুরুষ কত অত্যাচার করুক, নানাজাতির সহিত মিলিত হইয়া আহার বিহার করে, কিন্তু শত দোষপ্রতাপশালী হইলেও কয়জন পুরুষ নিজের গৃহে তাহা করিতে সাহস রাখে? মা বোনকে যদি

অস্পৃশ্যতার অপকারিতার কথা বুঝান যায়, তবে মা বোনের সাহায্যে বাড়ীর ছেলে পিলে এমন কি বাড়ীর কৰ্ত্তাদিগকে বুঝান বিশেষ কঠিন কাজ হয় না ।

সুতরাং দেখা বাইতেছে, আমরা সমাজ-সংস্কারের যে কোন বিভাগেই হাত দেই না কেন, জ্ঞী জ্ঞাতিকে বাদ দিয়া কাজ করিলে কিছুতেই সফলতা লাভের সম্ভাবনা নাই । কোন বিভাগেই যে আমরা এ পর্য্যন্ত আশাশূন্য ফল পাইতেছি না, তাহার একমাত্র কারণও ইহা । সমাজের সহিত জ্ঞীজ্ঞাতির যে কোন সম্পর্ক আছে, জ্ঞীজ্ঞাত যে সমাজ-শরীরের প্রধান অঙ্গ, আমাদের কাষের দ্বারা তাহা অনেক সময় স্বীকার করিতে চাহি না । সুতরাং প্রতি কাজেই যে আমাদের অসফল্যকে বরণ করিয়া লইতে হয়, তাহাতে আর বিচিত্র কি ? শরীরের একাঙ্গিকে বিকল রাখিয়া কেহ কি গোটা শরীরের পূর্ণ পরিপুষ্টি আশা করিতে পারে, না করিলেই পারা যায় ?

সুতরাং যদি আমরা প্রকৃতভাবে সমাজ-সংস্কার করিতে চাই, তবে আমাদের সর্বাগ্রে প্রয়োজন দেশে জ্ঞীশিক্ষার বিস্তার । পণপ্রথা, কৌলীভপ্রথা, বাল্যবিবাহ, বিধক-বিবাহ, অস্পৃশ্যতা প্রভৃতি সমাজের যে কোন কুসংস্কার আমরা দূর করিতে চাই না কেন, জ্ঞীলোকের মধ্যে জ্ঞান বিস্তার না করিতে পারিলে কোনটাতেই আমরা সফলতা লাভ করিতে পারিব না । জ্ঞীলোকদিগকে অন্ধ রাখিয়া তাহাদের ইচ্ছা ও ধর্মবিশ্বাসের বিরুদ্ধে কেহই এ সকল সংস্কার সমাজে প্রবর্তন করিতে পারিবেন না, বলপূর্ব্বক করিতে গেলেও ফল হইবে গৃহ-বিদ্ভাঘ ও অশান্তি । সুতরাং প্রত্যেক সমাজ-সংস্কারকেই সর্বাগ্রে জ্ঞীশিক্ষা বিস্তারের চেষ্টা করা দরকার, কেননা, আমাদের দেশের প্রায় সমস্ত সমাজ-সংস্কারই জ্ঞীশিক্ষা বিস্তারের উপর নির্ভর করিতেছে । নান্দ পন্থাঃ বিঘ্নিতে অয়নায় ।

## স্বপ্নরাণী

অধ্যাপক শ্রীসত্যচরণ সেনগুপ্ত কবিরঞ্জন ।

তখনো রজনী ছিল, জাগেনিক' পিকরাণী  
তখনো খোলেনি ধরা শ্রামল অঞ্চল ধানি ।  
তখনো স্তব্ধ, শাস্ত প্রকৃতির চাক দেহ,  
তখনো স্বপ্নি ঘোরে মেলে নাই আঁখি কেহ ।  
তখনো আকাশে ঠাদ বন্ধিম রঞ্জিল বেশে;  
তখনো উজ্জল তারা চাহিতেছিল গো হেসে ।

কুসুম কানন হ'তে গোপনে করিয়া চুরি  
সমীর আনিয়াছিল গন্ধটুকু অঙ্গে পুরি' ।  
নিশ্বাসে সে বাস মিশি' পশিল মরমে গিষে,

আবেশে অবশ প্রাণ আকুলতাটুকু নিয়ে  
স্তিমিত নয়ন দুটি নিমৌলিয়া আধ আধ,  
স্তব্ধ বদনখানি - যেন কিসে বাধ বাধ ।

স্বপ্নার রাণী সে যে - অমরা প্রদেশে বাস,  
ধরায় উদয় কেন - জানিনাক' অভিলাষ ।  
অজানা প্রদেশ হ'তে অজাত হিয়াটি নিয়ে  
অপরিচিতের প্রতি কেন শুভদৃষ্টি দিয়ে  
যা' ছিল লইল সব মরম মাঝারে আসি,  
যেন আর কিছু নাই - শুধু সেই রূপরাশি !



# কারমাটারে কয়দিন

শ্রীমতী তমাললতা বসু ।

গতবার পূজার ছুটিতে কোথায় বেড়াইতে যাওয়া হইবে, তাহা ১৩ই অক্টোবর শনিবারের আগের দিন অবধি স্থির ছিলনা। শনিবার দিন বিকালে স্থির হইয়া গেলে রাজ্বেই বাঁকা স্পেশালে যাত্রা হইল কারমাটারে। জেলা সাঁওতাল, পরগণা, উ. আই, রেলের মেন লাইন ধরিয়া গেলে মধুপুরের আগের স্টেশন।

কারমাটার স্টেশনে গাড়ী যখন দাঁড়াইল তখন সবে তরুণ রবির কিরণে পূর্বাকাশ সোনালী আভা ধারণ করিয়াছে, শরৎ প্রভাতে মুক্ত আকাশতলে দাঁড়াইয়া এ অপূর্ণ শোভা দেখিবার ও উপভোগ করিবার জিনিষ। মধুর স্নিগ্ধ পশ্চিম সমীরণে সারস্বতীর অনিভ্রা-জনিত সকল কষ্ট এক নিমিষে জুড়াইয়া গেল। আমাদের আগে যাহারা গিয়াছিলেন, তাঁহারা হাসিমুখে আসিয়া আমাদের আগাইয়া লইলেন, বালকবালিকারা কলকণ্ঠে স্বর্জন করিয়া, জুড়াইয়া ধরিল।

প্রতিবারই প্রায় এখানেই যাই কারণ এখানে আমাদের বাঁধা আস্তানা আছে, আসবাবপত্র, বাসন-কোসন সবই সেখানে মজুত, স্ততরাং কোনরকমে নিজেরা গিয়া পৌঁছাইতে পারিলেই হয়। তা ছাড়া কারমাটারে যাওয়ার আরও একটা সুবিধা এই যে এখান থেকে মিহিআম, আমতাড়া, মধুপুর বৈষ্ণনাথধাম, সিমুলতলা, ঝাঝা প্রভৃতি সন্ধ্যায় ঘুরিয়া আসিয়া, রাতিকালে নিজের ডেরায় ফিরিয়া সুখে বিশ্রাম ও নিদ্রা উপভোগ করা যায়।

স্থানটি স্বাস্থ্যকর, সুধাকর ও কাঁকর এই তিন কারণে খ্যাত। জল এখানে অতি সুস্বাদু ও মিষ্ট, গ্রীষ্মকালে সস্ত তৈলা জল এত ঠাণ্ডা যে বরফের কোনই প্রকার করেনা। শীতের দিনে সস্ত তৈলা জল প্ররম থাকে। ঘুরে ঘুরে চারিদিকে পাহাড়

দেখিতে পাওয়া যায়, মউলগাছ ও শালগাছ এখানে বেশী। সবগুলি ২৫৩০ টি কোঠাবাড়ী, পূজার সময় সবগুলি লোকে ভরিয়া যায়, তিল ধারণের স্থান থাকেনা। এখানে মেয়েদের প্রধান কাৰ্য্য সকালে বিকালে মুক্ত বাতাসে বেড়াইতে যাওয়া। কলিকাতা হইতে এখানে আসিয়া তাঁহারা যেন হাঁফ ছাড়িয়া বাঁচেন। পিঞ্জরাবদ্ধ বিহঙ্গম যেমন ছাড়া পাইলে মনের স্থখে উড়িয়া বেড়ায়, তেমনি গৃহরূপ পিঞ্জরাবদ্ধা রমণীরাও এখানে আসিয়া খোলা পাইয়া বেড়াইয়া হাওয়া খাইয়া বাঁচেন। তাঁহাদের বেড়াইতে যাইবার উৎসাহ ও আনন্দ দেখিলে, সত্যিই প্রাণে বড় আনন্দ হয়।

আগে আগে এখানে কিছুই পাওয়া যাইত না, আজকাল মাছ, মাংস, ঘি, দুধ, চাল, ডাল প্রচুর পরিমাণে পাওয়া যায়। তরিতরকারী, শাকসবজী সব সময়ে বড় পাওয়া যায়না। যাহারা নিজের নিজের জমীতে ও সকলের চাষ করেন, তাঁহাদের প্রচুর ফসল হয়।

মিশনারীদের দল এখানে বালকবালিকা বিদ্যালয় ও চিকিৎসালয় স্থাপন করিয়াছেন। উহাদের চেষ্ঠার মূলে স্বার্থ থাকিলেও, উৎসাহ ও সঙ্কল্পমত শিখিবার জিনিষ। সুদূর আমেরিকা, ইংলণ্ড হইতে আসিয়া আর্ন্তের সেবা, অশিক্ষিতের শিক্ষা, আশ্রয়হীনের আশ্রয় স্থাপনা এইসব ব্রত হইল উহাদের। গ্রাম্য বালক বালিকারা কি ছিল আর উহাদের যত্নে কি হইয়াছে দেখিলে সত্যিই আনন্দ হয়।

নিজ কারমাটারে দেখিবার জিনিষ কিছুই নাই। দেড় কোশ দূরে আছেন কীর্ণ সুলিলা নদী মহাজোড় এবং তাহারি পথে আছেন মাঠের মাঝখানে পাথরের চাইয়ের উপর দিয়। গড়াইয়া পড়া নদীর জলধারা, লোকে তাহারই নাম দিয়াছে ঝর্ণা।

আরও ৫ ৫ মাইল দূরে আছে ছোট ছোট পাথরের টিবি, সৈ-ই ওখানের পাহাড়। বড় পাহাড় নিকটে নাই। মহাজোড়ের ওপারে বীরো গ্রাম। গ্রামটি বেশ, অনেক ভদ্র ভদ্র ব্রাহ্মণ কায়স্থের বাস আছে; অনেক কোঠাবাড়ী, লক্ষী নারায়ণ প্রভৃতি দেবতার মন্দির আছে; পূজার সময় ৫।৬ খানি প্রতিমা হয়। এখানে ৮সখারাম গণেশ দেউড়রের বাসস্থান। কারমাটারে আর আছে রেলের ষ্টেশন, যেখানে বাবুদের কাজ তিন বেলা গিয়া গাড়ীতে চেনা লোক'খোঁজা।

মোটের উপর কারমাটার দেশটি মন্দ নহে। জল হাওয়া খুবই ভাল। চারিদিক খোলা, ধূ ধূ করিতেছে মাঠ, দূরে দূরে মেঘের মত ধোঁয়া ধোঁয়া পাহাড়, গাছপালা, জ্যোৎস্নালোকে এসব ঘেন হাঁসিতে থাকে—সে এক অপকৃপ দৃশ্য; মহয়াফুলের গন্ধে ভরা পশ্চিমের মধুর স্নিগ্ধ বাতাসে চারিদিক আমোদিত থাকে। এক একদিন জ্যোৎস্নায় আমরা দলবদ্ধ হইয়া বেড়াইতে যাইতাম। ঘরে থাকিতে মন সরিত না। খোলা জায়গায় চাঁদের আলোয় ঘেমন শোভা হয় এমন শোভা সহরের আলো ধোঁয়ার ভেতর হয় না।

চাঁদের আলোয় বসিয়া বালকবালিকারা যখন সুধামাখা কণ্ঠে রবীন্দ্রনাথের গান গাহিত, তখন কণেকের তরে শোক দুঃখ তাপ অনেক দূরে সরিয়া দাঁড়াইত। আমরা মুগ্ধ হইয়া সে সঙ্গীত-সুধাধারা পান করিতাম।

পতবারের আগের ছুটিতে আমাদের এখানের বাড়ীতে সাহিত্যিকের মেলা বসিয়া গিয়াছিল। আমাদের সাদর নিমন্ত্রণে আসিয়াছিলেন—শ্রীযুক্ত সৌরীন্দ্রমোহন মুখোপাধ্যায়, শ্রীযুক্ত নরেন্দ্র দেব, শ্রীযুক্ত প্রেমাক্ষর আতর্ষী, শ্রীযুক্ত হেমেন্দ্রকুমার রায়, শ্রীযুক্ত নলিনীকান্ত স্বরকার, শ্রীযুক্ত চারুচন্দ্র রায় ও শ্রীযুক্ত স্বধীরচন্দ্র সরকার। আর সঙ্গিনী ছিলেন কমলবাসিনী ও সুবর্ণ দেবী প্রভৃতি। সম্পাদক, কবি, ঔপন্যাসিক, চিত্রকর, গায়ক কারুরই অভাব

ছিলনা, প্রাচুর্য্যই ছিল; দিব্যরাজ আমাদের গৃহ সাহিত্য-উৎসবে মধুময় ও মুখর ছিল।

সাহিত্যিক দেবরগুলির ভক্তি প্রক্কা ভালবাসায় মনের স্বেথই ছিলাম। সকালবেলা আনাজ কুটিতে বসিলে, দেবরগুলি বেড়াইয়া ফিরিতেন, এবং গ্রাম হইতে আনাজপাতি সংগ্রহ করিয়া আনিয়া দিতেন।

গতবারে গিয়া অবধি সর্বদাই তাঁহাদের কথা মনে পড়িত। বেশ আনন্দেই দিনগুলি কাটিয়াছিল সেবার।

জামতাড়া মহকুমার কর্তা শ্রীযুক্ত মন্থনাথ সেন মহাশয় সপরিবারে আসিয়া কারমাটারে ডাক বাঙলার সম্মুখে তাঁবু ফেলিলে স্থানটি বেশ একটু জমিয়া উঠিয়াছিল। তাঁহার পুত্রবধু অরুণা (৩শ্রীশ মজুমদারের দৌহিত্রী) ও তাঁহার কন্যা কুমারী স্নেহরাণী রবীন্দ্রনাথের গানের ধারায় আমাদের সরস করিয়া রাখিত।

কারমাটারে এস, পি, কুণ্ড ও সহায়রাম কুণ্ড মহাশয়দের ফুলের নাশারী আছে, খুব বড় বড় চন্দ্রমল্লিকা, গোলাপ প্রভৃতি ফুল সেখানে হয়। সেখান হইতে কলিকাতা মিউনিসিপ্যাল মার্কেট ও অন্যান্য স্থানে ফুল চালান আসে।

কারমাটার সাঁওতালদের দেশ। সবল, সুস্থ, কার্যকর সাঁওতাল পুরুষ ও রমণীদের দেখিলে আনন্দ হয়। ঘেন কালো পাথরের খোদাই করা মুক্তি। ইহারা স্ত্রীপুরুষেই খাটিয়া খায়। কেহ কারো মুখাপেক্ষী নহে। এদেশের কোন আনন্দ উৎসবে পূজাপার্বণে সর্বাগ্রে সাঁওতাল-নাচ হইয়া থাকে, পুরুষরা মাদল প্রভৃতি বাজায়, মেয়েরা সার গাঁথিয়া হাত ধরাধরি করিয়া কুড়ি ত্রিশজন একসঙ্গে নাচে। মেয়েরা ফুল বড় ভালবাসে, ফুল পাইলেই মাথায় বা কাণে গুঁজিয়া রাখে। সাঁওতাল রমণীরা বড় সরল, বয়স্হা মেয়েরাও বালিকার মত এমন ভাবে রাস্তার মাঝে ছুটাছুটি করিয়া হাসিয়া খেলিয়া বেড়ায় দেখিলে আনন্দ হয়।

সাঁওতাল পল্লীতে বেড়াইতে গেলে দেখিতাম,

পরিষ্কার পরিচ্ছন্ন তক্তকে বাক্বকে কুটিরগুলি,  
সিঁদুর পড়িলে তুলিয়া লওয়া যায়।

একদিন সকালে—সেদিন পূজার অষ্টমী,  
বেড়াইয়া ঠাকুর দেখিয়া বাড়ী ফিরিতেছিলাম,  
পথে এক অপূর্ব দৃশ্য দেখিয়া মুগ্ধ হইলাম,  
চোখের জল রাখিতে পারিলাম না। ওখানের  
কোনও ভদ্রলোকের স্ত্রী পীড়িত অবস্থায় মেডিকেল  
কলেজে গিয়াছিলেন, জীবনের আশা ছিল না;  
তিনি স্বস্থ হইয়া সেদিন পালকীতে, করিয়া  
বাড়ী ফিরিতেছিলেন, ২টার ট্রেন হইতে। সঙ্গে  
মাতা ও স্বামী পদব্রজে আসিতেছিলেন। বাড়ীর  
নিকটে পাকী আসিতেই ছোট ছোট বালক-বালিকা  
গুলি সমন্বয়ে “ওরে আমার মা এসেছে রে” বলিতে  
বলিতে পাকীর কাছে ছুটিয়া আসিল, শ্মশ্রু ঠাকুরাণী  
চোখের জলে ভাসিতে ভাসিতে “এসো মা আমার  
গৃহলক্ষ্মী ঘরে এসো” বলিতে বলিতে কাছে আসিয়া  
দাঁড়াইয়া চিবুক ধরিয়া তাহাকে চুম্বন করিলেন।  
মা আমার যে কি আনন্দ তাহা প্রত্যক্ষ করিলাম।  
আজ বালকবালিকাগুলির মা আসা সার্থক হইল।  
তাহারা শুনিতেছে মা আসিয়াছেন, চারিদিকে  
উৎসব হইতেছে, ওঁ সাড়া পড়িয়া গিয়াছে, কিন্তু  
তাহারা বুঝিতে পারিতেছিল না, মা কই আসিয়া-  
ছেন। সেদিন তাদের ষথার্থই মা আসিয়াছিলেন।  
হৃদয় ভরিয়া উঠিল, সেদিন দিন সার্থক হইয়া গেল।

কারমাটার হইতে কলিকাতার দিকে আসিতে  
তিনটা স্টেশন আগে সালনপুর। এখানে নামিয়া  
কল্যাণেশ্বরী দেবীর মন্দিরে যাওয়া যায়। উহা  
‘স্টেশন হইতে ৩ মাইল’দূরে। স্থানটি বড়ই মনোরম।  
দুইটি পাহাড়ের নীচে দিয়া বহিয়া গেছে বরাকর নদী  
— তারই কিনারায় ঐ মন্দির। ঐ মন্দিরের নাম-  
ডাক খুব, ভক্তের সমাগমও সেখানে বেশ হয়।  
আর একটি দেবালয় আছে মধুপুর থেকে দুই ক্রোশ  
দূরে পাথুরোলে। মূর্তিটি কালীমূর্তি। এখানকার  
প্রাকৃতিক দৃশ্যও চমৎকার, এখানেও লোক সমাগম  
হয় যথেষ্ট। নিজ মধুপুরে আজকাল অন্নপূর্ণাদেবী  
প্রতিষ্ঠিত আছেন। শ্রীযুক্ত মতিলাল মিত্র ও  
দেওয়ান বাহাদুর উপেন্দ্রলাল বন্দ্যোপাধ্যায়  
মহাশয়দের যত্নে সেখানে ঐ সময় পাঠ, ব্যাখ্যা,  
কীর্তনাদি ও অন্নকূট উৎসব হইয়াছিল। আমরা  
নিজেরা উপস্থিত থাকিয়া তাহাতে যোগদান  
করিয়াছিলাম।

কারমাটারের স্থানীয় লোকে যে ভাষায় কথা  
কহে তাকে বলে ‘চিকাচিকি’ ভাষা। বাজারে  
দোকান পাট সবই প্রায় মাড়োয়ারীদের, বাঙ্গালীর  
চিহ্ন সেখানে নাই।

বাঙ্গালী সর্বত্রই বঞ্চিত, কুণ্ঠিত হইতেছে।  
জাতির প্রাণ এমন করিয়া আর কতদিন  
টিকিবে?

## সুখা ও ক্ষুধা

শ্রীকালিদাস রায়।

সুখা আর ক্ষুধা একই জনে কতু দাওনাক ভগবান,  
যারে দাও সুখা, ক্ষুধার অভাবে করেনা সে তাহা পান;  
একটি মুষ্টি তুলো যার তুলত, —সুখা তালা,  
তারে দেছ প্রভু শুধু প্রচণ্ড ক্ষুধার অনল জ্বালা;  
মরতে-মেরতে, সাগর-ভূধরে, গড়েছ বিশ্বভূমি,  
একই বিধান জীবলোকে আর ভুলোকে রেখেছ তুমি।

# সুখের স্মৃতি

[ গল্প ]

শ্রীরামেন্দু দত্ত ।

পিতা 'এম-এ, বি-এস,' দেখিয়াই জামাই করিয়াছিলেন। তিনি নিজেও উকিল। তবে বিয়ের সময় একখানি গহনার জন্ত সামান্য একটু গোল হইয়াছিল। যখন পূজার সময় বেহানের নিকট হইতে তত্ত্ব আসিল, তখন হেমলতার শাশুড়ি সেগুলি একবার দেখিয়া সমস্ত ফেরৎ দিলেন।

\* \* \* \* \*

হেমলতার স্বামীর বংশে বেশী কেহ ছিল না। তাহার খণ্ডরেরা তিন ভাই। বড় নিঃসন্তান অবস্থায় মারা গিয়াছেন, ছোট ভাই সংসার-ত্যাগী বৈরাগী। হেমলতার স্বামী অম্বুজকুমারই পিতার একমাত্র সন্তান। শাশুড়িই কত্রী; এই ক্ষুদ্র সংসারের অন্তর্গত আর কেহ ছিল না। ছোট গৃহস্থ দেখিয়া হেমলতা ভাবিয়াছিল শাস্তি-সুখেই তাহার দিনগুলি কাটিয়া যাইবে।

কিন্তু ভাগ্যবিধাতা লিখিয়াছিলেন অন্তরূপ। 'বিয়ের কনে' হেমলতা প্রথম হইতেই টের পাইল, শাশুড়ি মোটেই সুবিধার লোক ন'ন। কোনো একটু জটিল একবার পাইলে হয়, আর রক্ষা নাই-- হেমলতা মাতাপিতার নিন্দায় আরম্ভ হইয়া শেষে তাহা ক্রন্দনেই পর্যাবসিত হইত। মাতৃভক্ত পুত্র অমনি ক্রন্দন শুনিয়া বধুর উপর হাড়ে হাড়ে জলিয়া উঠিতেন। প্রথম দিনকতক একরকম কটিল। কিন্তু বিয়াগমনের পরের মাস হইতেই হেমলতার উপর রীতিমত অত্যাচার আরম্ভ হইল। যেখানে কোনোই কারণ নাই সেরূপ স্থলেও শাশুড়ি-ঠাকুরাণী তাহার দোষ দেখিতেন ও গালাগালি দিয়া প্রাস্ত হইলে কাঁদিতে বসিতেন। পুত্র প্রথম প্রথম বধুর উপর অসন্তুষ্ট হইতেন। পরে তাহাকে ভৎসনা আরম্ভ করিলেন। শেষে মায়ের কথায় তাহাকে

রীতিমত নির্ধ্যাতন পর্যন্ত করিতে লাগিলেন। মা যে প্রকার শাস্তি বধুকে দিতে বলেন তিনিও নির্বিকার-চিত্তে তাহাই দিতেন, একবার ভাবিতেন না জ্বর দোষ আছে কিনা অল্পসন্ধান করা উচিত।

হেমলতা বিবাহের প্রথম কয়দিনের স্মৃতিগুলি মনে আনিয়া বর্তমান দুঃখ-অস্বীকার করিতে চেষ্টা করিত। যতদূর সাধ্য মন যোগাইয়া চলিত। কিন্তু তাহাতেও নিস্তার ছিল না। কোন কুলগ্নেই না তাহার বিবাহের স্থলগ্ন স্থিত হইয়াছিল! বৈবাহিক যে নির্দিষ্ট গহনার একটি দেন নাই ইহাতেই খণ্ডরমহাশয় পুত্রবধুর উপর তত প্রশর হইতে পারেন নাই। আর তিনি দিতান্ত প্রকৃতির লোক ছিলেন। বাড়ীর একটি প্রাণীর উপর যে অথবা অত্যাচার চলিতেছে তাহা যেন তিনি দেখিয়াও দেখিতেন না।

হেমলতা প্রথমে সমস্ত দোষ অদৃষ্টের ঘাড়ে চাপাইয়া সহ্য করিবার চেষ্টা করিত। ইদানীং স্বামী তাহার সহিত বড় একটা বাক্যালাপ করিতেন না। যেদিন গৃহিণীর মেজাজ সপ্তমে চড়িত সেদিন তিনি পুত্রকে আজ্ঞা করিতেন, আর অম্বুজকুমারও হেমলতাকে সমস্ত বিকাল ও রাত্রি একটি ঘরে শিকল দিয়া রাখিতেন—সকালে আবার খুলিয়া দিতেন, কেননা কাজের সময় হেমলতাকে চাই! সমস্ত রাত্রি অনাহারের পর দিনের যত কাজ শেষ করিয়া বেলা উত্তীর্ণ হইয়া গেলে সকলের উচ্ছিষ্ট একমুঠা অন্ন হয়ত তাহার ভাগ্যে হুটিত। সেই ক'টিতে অর্দ্ধাহার শেষ করিয়াই তাহাকে আবার কাজ করিতে হইত। বাড়ীতে বি-চাকরাণীর বালাই ছিল না। সকলের বিষচক্ষে পড়িয়া সে এই রকম অসহ্য যন্ত্রণা নীরবে সহিতে লাগিল। উপযুক্ত,



শিক্ষিত স্বামীই যখন তাহার দিকে চাহিলেন না তখন সে আর কাহার কাছে স্নেহ, সহানুভূতি আশা করিতে পারে? একটু অবসর পাইলেই সে ঘরে খুলি দিয়া মাটিতে লুটাইয়া কাঁদিত। তাহার ক্রন্দন শুনিবার লোক ছিল না, তাহার ব্যথায় ব্যথিত হইবার মত কোন দরদী ছিল না।

একদিন আর হেমলতা ছুঃখ চাপিষ্ঠে না পরিয়া ভাবিল পিতাকে একখানি পত্র দিবে। কিন্তু পত্র লিখিতে বসিয়া সে দেখিল বিষম বিপদ। যদি খবরবাড়ীর কেহ জানিতে পায় যে সে তাহাদের নামে দোষ দিয়া বাপের বাড়ীতে চিঠি দেয় তাহা হইলে তাহার পত্র দেওয়া ত বন্ধ হইবেই, উপরন্তু নির্ধ্যাতনের আধি থাকিবে না। তাই সে অনেক ভাবিয়া চিন্তিয়া, অনেক চিঠির কাগজ চোখের জলে নষ্ট করিয়া, এইরূপ একটি পত্র শেষ করিল :—

“বাবা, অনেকদিন আপনাদের না দেখিয়া আমার বড় মন কেমন করিতেছে। আমার শরীরও ভাল নাই। যদি দয়া করিয়া আমায় কিছুদিনের জন্য লইয়া যান, তাহা হইলে আমি বড়ই আনন্দিত হইব।”

পিতা পত্র পাইয়া সমস্ত বুঝিলেন। তিনি অতিশয় চিন্তিত হইয়া বৈবাহিককে দিন স্থির করিয়া পত্র দিলেন।

হেমলতার স্বক্ৰমেই সে কথা শুনিয়া পুত্রের নিকট আবার ক্রন্দনের অভিনয় করিয়া বলিলেন, “বাবা শুনেছ, ডাইনি আমাদের নামে আবার বাপকে লাগাতে গেছে। ওর অসাধি কিছু নেই। খবরদার বাবা, যেন ওকে ষেতে দিস নে।” ইত্যাদি, ইত্যাদি।

এইবার একবার পুত্র, জ্বর হইয়া একটি কথা বলিলেন, “আচ্ছা মা, ওকে পাঠিয়েই বা দেওয়া গেল। ওকে ত কেউই দেখতে পারে না—আমাদের চোখের বাইরে কিছুদিন থাকুক না কেন?”..... আর যায় কোথা! মা উত্তরে বলিলেন “ওমা, ডাইনি আমার ছেলেটাকেও বশ করেছে যে গো! কোথা যাবো গো! কলিতে কি আর ধর্ম আছে?”

বউয়ের হ'য়ে মায়ের সঙ্গে ঝগড়া করতে আসা? ইত্যাদি।

অনুজ্জকুমার দেখিলেন কথাগুলো ক্রমশঃ বড় অপ্রীতিকর হইয়া চলিয়াছে। তিনি এ পোলমালের সমাপ্তির জন্য মাকে বলিলেন যে বধুকে পিত্রালয়ে পাঠান হইবে না। তখন প্রসন্ন হইয়া জননী তাঁহাকে ‘মাতৃভক্ত বিদ্যাসাগর’ ও আরো কত কি বলিয়া প্রশংসা করিতে লাগিলেন।

বধুকে তাড়াইয়া দিলে যে নিজের একদণ্ড চলিবে না তাহা অনুজ্জের মাতা বেশ জানিতেন। কেননা ঝি-চাকরাণী, রাধুনী, সকলের কাজই হেমলতার দ্বারা চলিয়া যাইত। সময়ে অসময়ে আহ্বান করিবামাত্রই এত লাঞ্ছনা সত্ত্বেও আবার হেমলতা তাঁহার পা টিপিয়া দিত, তেল মাখাইয়া দিত। এইজন্য বধু পিত্রালয়ে যায় এ ইচ্ছা তাঁহার এতটুকুও ছিলনা।

কিন্তু এত লাঞ্ছনা, এত কষ্ট হেমলতার সহিবে কেন? সে নব-মালিকার মত নিজ-সৌরভে পূর্ণ হইয়া যাহার কণ্ঠ-লগ্ন হইয়াছিল, তাহার নিকট সে কঠোর হৃৎকের স্পর্শ আশা করে নাই। সে যখন অনাদৃত কণ্ঠ্য হইয়া নির্দয় ব্যবহারে নিত্য প্রপীড়িত হইতে লাগিল তখন তাহার নূতন জীবনের উন্মেষ শেষ হইল। সে দিন দিন শুকাইয়া যাইতে লাগিল।

শারীরিক ছরবছায় ও মনের অশান্তিতে তাহার প্রথম প্রথম অল্প অল্প জ্বর হইতে লাগিল। গৃহস্থের মধ্যে এমন কেহই ছিলনা যাহার নিকট সে নিজের শরীরের অবস্থা কি মনের বেদনা জানায়।

যে বনের পাণী প্রথম উড়িতে শিখিয়াছে, তাহার উড়ায় কত আনন্দ! তাহাকে যদি ধরিয়া খাঁচায় বন্ধ রাখা হয়, সে ছুদিনেই নিশ্বাস-রুদ্ধ হইয়া ছুট্‌ছুট করিতে করিতে মরিয়া যায়। হেমলতারও সেই দশা হইল। তাহার সমস্ত চিন্তাবৃত্তি যখন সতেজ ও উন্মেষশালী, তাহাকে সেই সময় দিনরাত নিষ্ঠুর কর্মময় গৃহের অবরোধের মধ্যেই থাকিতে



হইত। কাহারও নিকট একটু মনের কথা কহিতে পাইত না। ছুটি মিষ্ট-কথার, একটু স্নেহ-সহানুভূতির তাহার বড়ই প্রয়োজন হইয়াছিল। কেহই তাহাকে উহা দিল না।

অর হইত, সে ভয়ে কাহাকেও জানাইত না— কাহাকেই বা জানাইবে? তাহার উপর স্বস্থ শরীরের মত সমস্ত কাজকর্ম করিতে লাগিল। ভয়ে স্নানাহারও রীতিমত করিতে হইত। একদিন সে অত্যন্ত অস্থির বোধ করিতে গুইয়া রহিল। সকাষে উঠিয়া গৃহিনী দেখিলেন সমস্ত পূর্ব-রাত্রের অবস্থাতেই পড়িয়া। কোনো কাজ হয় নাই। হৃদয়পূর্ণ ক্রোধের বিষ লইয়া বধূর নিকট উদ্গীরণ করিতে চলিলেন। স্বাক্ষর দিয়া বলিলেন ‘কি গো নবাবের মেয়ে, আজ আর ওঠা হবেনা নাকি?’ ধীরে ধীরে হেমলতা বলিল “মা, আমার বড় অর হয়েছে।” তিনি পূর্ববৎ কর্কশস্বরে বলিলেন “তা বলে সবাই উপোস করে থাকবে নাকি? কি তোমার মনে আছে বল ত? অত আদিখ্যেতা এখানে চলবে না, বাপের মায়ের কাছে কোরো। ভালোয় ভালোয় বান্দন মেজে, রান্না চড়িয়ে দাও গিয়ে। অস্থির কাছারীর ভাত খেন ঠিক সময়ে তৈরী হয়।”

শীতে ও ভয়ে কাঁপিতে কাঁপিতে হেমলতা আদেশ পালন করিতে চলিল। ভাবিল যতক্ষণ একটুও শক্তি আছে, ততক্ষণ করিবে—নহিলে তাহার নিস্তার নাই। সেদিন ষথাষথ দিনের সমস্ত কাজগুলি করিয়া হেমলতা না খাইয়া সন্ধ্যার সময় গুইয়া পড়িল। সেদিন স্বামী কাছারী হইতে করিয়া কি সৌভাগ্যবশতঃ তাহার খোঁজ লইলেন। মাতা উত্তর করিলেন “দেখগে না কেমন আছে। থাকবে আবার কেমন, ভালই আছে। একটু গা গরম হয়েছে ত আর রক্ষা নেই।” ঘরে ঢুকিয়া অস্থির দেখিলেন হেমলতার চক্ষু মুদ্রিত, মুখ ঘোর রক্তবর্ণ। তিনি তাহার কপালে হাত দিতেই হেমলতা চমকিয়া চক্ষু

মেলিল। “ওকি, তোমার চোখমুখ যে বড় লাল হয়েছে! উঃ, গা কি গরম!” বলেই ‘অস্থিরকুমার’ ডাক্তার আনিতে গেলেন। হেমলতা মনে মনে ভাবিল, “হে ঈশ্বর, এ অস্থির আমার চিরদিন থাকুক—যদি এতে গুঁর অমনি সহানুভূতি পাই!” হেমলতার শান্তি ভাবিলেন ‘ডাইনি মরে তু বেশ হয়। ছেলের আর একটা ভাল দেখে বিয়ে দি। ডাইনি আমার ছেলেকে খেয়ে ফেলবে—একটু গা গরম হয়েছে ত অমনি ডাক্তার আনিতে ছোটা!’

ডাক্তার আসিয়া পরীক্ষার পর বলিলেন “এর আগে কখনো অর হত?” অস্থিরকুমারের মাতা আড়াল হইতে বলিলেন, “কখনও হয়নি, সমস্ত কাজকর্ম করত; এও কিছু নয়, অনিয়মে একটু অর হয়েছে সেরে যাবেখন।” ডাক্তারবাবু ঘাড় নাড়িয়া অস্থিরকুমারকে বলিলেন “আমার সন্দেহ হয় অস্থিরবাবু, মা হয়ত জানেন না, আপনিই একবার নিজের গিয়ে রোগীণীকে জিজ্ঞাসা করুন তু।” জিজ্ঞাসা করিয়া আসিয়া তিনি বলিলেন “অল্প অল্প অর প্রায় গত কয়েকদিন ধরে রোজই হ’ত।” তাঁহার মা ভাবিলেন—‘মেয়েটা কি সয়তান! ওহা মিথ্যা কথাটা বলে পাঠালে!—ডাক্তারবাবু বলিলেন “তাইত, পরীক্ষা করে দেখলাম এ অস্থির শেষে বড় সাংঘাতিক দাঁড়াতে পারে। কিছুদিন হাওয়া-বদলান আর খুব ষত্ব গুজ্জ্বার দরকার হয়েছে। কোথাও নিয়ে যান না কিছুদিনের জন্তে? ওষুধও দিচ্ছি, খাওয়াবেন।” এই বলিয়া ডাক্তার চলিয়া গেলেন। তাঁর ব্যবস্থা শুনিয়া অস্থিরবাবুর জননী বলিলেন—“কেন, আমরা কি ওর শক্র, না কখনো ওকে দেখি না? এতদিন বেঁচে রইল কি করে? আবার হাওয়া-বদলান! আমরা কি এখানে থেকে মরে গেছি, না এখানে লোক বাস করে না? উনি কি এমন স্বর্গের পরী যে এ অল-হাওয়া সহ হবে না?”

চিকিৎসাটা নেহাৎ না করিলে নয়, তাই সেটা বাহাল রহিল; নহিলে তাঁহার ইচ্ছা ছিল ওই

বাজে খরচটাও বন্ধ থাকে। কিন্তু এ উপায়ে বেশী দিন চলিল না। ঔষধে বিশেষ কোন উন্নতি না হওয়ায় অম্বুজকুমার পিতার সন্মতি লইয়া ঠিক করিলেন হেমলতাকে বাপের বাড়ী পাঠাইয়া দিবেন। শুক্রবা ও স্থান-পরিবর্তন উভয়ই হইবে।

এবারে শান্তিও বধুকে পিজালদে পাঠাইতে বিশেষ গোলোযোগ করিলেন না। নিম্নকেরা বলিল 'হেমলতা আর খাটিতে পারে না, আর ঔষধ পথ্যেরও ত খরচ আছে, তাই এবার শান্তিও বধুর পিতার স্বপ্নে এই বোঝা চাপাইতে চাহেন।' সে যাহাই হউক, হেমলতার পিতা আসিয়া তাহাকে দেখিয়া কাঁদিতে কাঁদিতে লইয়া গেলেন। যাইবার সময় জামাতাকে বলিলেন 'মেয়েটাকে এমনি করে মেয়ে ফেলতে হয় বাবা?' জামাতা মুখ নীচু করিলেন।

• • • • •  
হেমলতা বাপের বাড়ী যাইবার কিছুদিন পরে অম্বুজকুমার তাহার পিতার পত্র পাইলেন—

‘যদি অন্ততঃ আর কিছুদিন আগে আমার মেয়েকে ফেরৎ দ্বিতে, তাহা হইলে বোধ হয় বাঁচাইতে পারিতাম।’

• • • • •  
পত্র পাইয়া অবধি অম্বুজকুমারের মন ভাল ছিল না। সেদিন কাছারী হইতে কিরিয়া যে ঘরে তাঁহার ফুলশয্যা হইয়াছিল সেই ঘরে বসিলেন। মনে হইল সে যেন সেদিনের কথা—বোধহয় এখনো ঘরের কোথাও পুরানো ফুল পড়িয়া আছে; এখনো সেই ফুলের গন্ধ বুঝি ঘরে খেলিয়া বেড়াইতেছে! এই সব মনে হওয়ায় তাঁর মন আরও ধারাপ হইয়া গেল। আজ সে হেমলতা কোথায়!

ধীরে ধীরে তাঁর বিবাহের ঠিক পরের কয়দিনের স্বপ্নের ঘটনাগুলি মনে পড়িতে লাগিল। ছোট ছোট তুচ্ছ ঘটনা বটে, কিন্তু প্রথম প্রেমের স্বপ্নের স্বপ্নময় প্রত্যেকটি মধুর, প্রত্যেকটি অমূল্য! অলবিন্দু মূল্যহীন কিন্তু স্বাভাবিক সলিল যেন

শুক্লি-গর্ভে পড়িয়া মুক্তা হইয়াছে। প্রত্যেকটি স্বপ্নের, অতি স্বপ্নের!..... অম্বুজকুমারের সমস্ত মন সেদিন .সে স্বপ্নের সম্পদে পূর্ণ হইয়া রাঙিয়া উঠিল।

যখন শান্তির একান্ত বাসনা পূর্ণ করিয়া হেমলতার মৃত্যুসংবাদ পাইলেন, তখন তিনি আরো হাজার কতক টাকার চিন্তায় বিভোর হইলেন। তাঁহার ছেলে কি যে সে ছেলে? পাঁচ পাঁচটি পাশ করেছে, তার ওপর মায়ের প্রতি কি ভক্তি! আরও পাঁচ হাজার টাকা তাঁহার মনস্কক্ষে অতি স্পষ্ট হইয়া আসিল।

স্ববিবেচকের মত তিনি মনের কথা মনেই রাখিলেন, ভাবিলেন, ‘ক’টা দিন থাক একবার, তখন ছেলে আমার নিশ্চয়ই ডাইনিকে ভুলে যাবে; তারপর আমার ছেলে ত আমারই আছে। আবার এক গা গয়না নিয়ে একটি টুকটুকে বউ আর অন্ততঃ পাঁচটি হাজার টাকা আসবে!’

অম্বুজকুমার হেমলতার মৃত্যুসংবাদ পাইয়া বড়ই কাতর হইলেন। তিনি যে তুাহাকে ভালবাসিতেন না, তাহা নয়। বরং প্রতিহত হইয়া তাঁর সমস্ত স্নেহ সহানুভূতি প্রতিদিন ব্যাকুলতর হইয়া উঠিয়াছিল। ইচ্ছা হইত হেমলতাকে সমস্ত অত্যাচারের হাত হইতে পরিজ্ঞাণ করিবার জন্য তাহাকে লইয়া অল্প কোথাও যান; কিন্তু পাছে মায়ের মনে আঘাত করা হয়, বা তিনি কিছু মনে করেন এই জন্য সমস্ত দেখিয়া, বুঝিয়াও তিনি কিছু করিতেন না। ভাবিতেন, মা আর কতদিনই বা আছেন? তাঁহার মনে কেন শেষ বয়সে কষ্ট দি? তারপর ত আমাদের স্বপ্ন-শান্তি রহিলই। কিন্তু যে যাইবার সে রহিয়া গেল, ও যে থাকিবার সে-ই চলিয়া গেল—ইহাই তাঁর বেশী মনে লাগিল। সে যদি যাইবার সময় তাহাকে ছুটি অল্পবোধের কথা বলিয়া যাইত, যদি ছুটি অভিযোগ শুনাইয়া যাইত, হয়ত তখন তিনি নিশ্চিত হইতেন। কিন্তু তাহা ত সে করে নাই, তিনি কি বলিয়া আজ

নিজেকে সাধনা দিবেন ?—তিনি নিজেকে আরো বেশী অপরাধী মনে করিতে লাগিলেন ।

যেন তাঁর স্পষ্টই মনে হইল অভিমানভরেই হেমলতা সমস্ত মায়া কাটাইয়া গেল । চিন্তায় সে আর ফিরিবে না, তাই যথাসাধ্য, চিন্তা করিতে বিরত হইলেন । কিন্তু মন স্বাধীন, সে তাঁহার কথা শুনিবে কেন ? ক্রমে ক্রমে শুধু ইহাই মনে হইত 'তাঁহার কাছে ক্ষমাও ত চাওয়া হইল না ! যদি একবার বলিতে পাইতাম,—‘তোমায় অনেক কষ্ট দিয়েছি, আমায় ক্ষমা কর’ তাহলে সে. বোধ হয় আমায় সর্বাস্তঃকরণে ক্ষমা করিত ।

কিছুদিন খুব চেষ্টা করিয়া অম্বুজকুমার এই কাতরতা পরিত্যাগ করিলেন । মনের মধ্যে সেই প্রপীড়িত নির্দোষ মানস-প্রতিমার মূর্তি স্থাপন করিয়া নীরবে সমস্ত জালা সহিলেন । মনকে শুধু এই বলিয়া সাধনা দিতেন—‘সে যখন নীরবে আমার অত্যাচার সহ করিয়াছে, আমিও তাহার কষ্ট নীরবেই সহ করিব । আমার অন্য প্রায়শ্চিত্ত নাই ।’

মা ভাবিলেন ছেলে বুঝি বউয়ের কথা সমস্তই ভুলিয়াছে । কেন না, সে কোন কালেই আর শোকের চিহ্ন দেখায় না । না ভুলিবেই বা কেন ? সে ডাইনির কি কিছু গুণ ছিল ? অতিশয় সাধ-ধানীর মত ধৈর্য ধরিয়া তিনি তিনটি মাস কাটাইয়া দিলেন ।

শেষে একদিন ভাবিলেন এতদিন ঠিক সময় হইয়াছে । একদিন অম্বুজকুমারকে কাছারীর ভাত দিয়া পাখা করিতে করিতে বলিলেন—“অম্বু বাবা, ওবেলা কাছারীর ফেরৎ একবার নিধুবোসের বাড়ী হয়ে এস ত ? সমস্ত বলা-কওয়া আছে । মেয়েটিকে একবার দেখে এস অম্বুনি । বড় সুন্দরী, আর গুণে যেন লক্ষ্মী.....”

ধীরে ধীরে, শাস্ত অথচ পূর্ণ দৃঢ়তার সহিত অম্বুজকুমার বলিলেন “মা, ও কথাটি আমায় আর বোলো না । ও আর আমি পারব না ।”

জননী পুত্রের এই প্রথম অবাধ্যতায় স্তম্ভিত হইয়া গেলেন । অম্বুজকুমারও এই প্রথম নিজেকে বিজ্ঞাসাগরের আদর্শচ্যুত করিলেন ।

## মা

### শ্রীসদাশিব বন্দ্যোপাধ্যায় ।

মার মুরতি জ্যোৎস্না-গড়া, ফুল-পরিমল মাখা,  
মার নয়নে ভালবাসার অসীম সিন্ধু ঝাঁক ।  
মায়ের বৃকে বস্তা-উছল পুণ্য পীযুষ-ধারা,  
মায়ের পেছে আনন্দ-দীপ—আধার-আলো করা ।  
মায়ের হাসি ইন্দ্রধরুর বর্ণ-বিলাস ময়,  
মায়ের প্রেম “পাগলা-ঝোরা”র ঝর্ণাবেগে বয় ।  
মায়ের স্নেহ পরশ-মণি—চাঁদের অমল আলো ;  
অমিয়-মধুর মায়ের কথা শুন্তে বড় ভালো ।

দয়া-মায়ার মন্দাকিনী—সর্ব-সহা মাটি,  
মেঘের মত আপন-চালনা—নাথির-নীতল গা’টি  
মায়ের কোলে নন্দন-বন—বিশ্ববনের সেরা,  
স্নিগ্ধ শীতল, কুঞ্জনয়ন, সবুজ শোভায় ঘেরা ।  
মায়ের পায়ে কোটা স্বরগ কোটা কমল ফুটে,  
মধুপ হ’য়ে মায়ের পায়ে বেড়াই মধু লুটে ।  
শিশির মাখা শরত-রাণী—ভূর্গা, দশভূজা,  
বন্দী সদানন্দময়ী—ছন্দে লহ পূজা ।

# স্বদেশী-সাধনার মাতৃজাতি

শ্রীশ্যামলাল গোস্বামী ।

বাকালার মা-ভগ্নীদের কর্তব্যের ছ' একটি ক্রটির কথা আজ বলিব। বলিব—সম্মান যেমন মায়ের নিকট আব্দার করিয়া বলে তেমনি আব্দার করিয়া। বাকালার হিন্দু-ঘরের মা-ভগ্নীরা হিন্দু জীবনের ভগবন্তুখী আদর্শবাদকে ব্রত, পূজা, পার্শ্ব, একাদশী, অতিথিসেবা, পতিসেবা প্রভৃতির দ্বারা রক্ষা করিতেছেন, ইহা কেহই অস্বীকার করিতে পারে না, কিন্তু সেই সঙ্গে সঙ্গে তাঁহারা বাকালীর সংসারে ছুঃখ-দারিদ্র্য ও বিলাসিতার কালিমা চড়াইতেছেন। ইহা কি কোন মা ভগ্নী অস্বীকার করিতে পারেন? কাঁচের চুড়ি বিলাতি, একটু আঘাত লাগিলেই ভাঙিয়া চুরমার হয়, ইহা জানিয়াও তাঁহারা বেদে-বেদেনী ঘাইবামাত্র কাঁচের চুড়ি ক্রয় করেন। খন্দরের কাপড়, দেশী কাপড় পরিলে দেশের লোকে ছুঁটি পয়সা পায়, দেশের পয়সা দেশে থাকে, ইহা জানিয়াও তাঁহারা অনেকে বিলাতি কাপড় পরিয়া থাকেন। ইহার ফলে বৎসরে ৮৪ কোটি টাকা বিদেশে চলিয়া যায়। তাঁহারা যদি তাঁহাদের স্বামী ভ্রাতা বা পুত্রগণকে একটু জিদ করিয়া বলেন যে, তোমরা প্রাণান্তে বিদেশী কাপড় আমাদের ঘরের আঁকিনায় আনিতে পারিবে না, তবে সাধ্য কি পুরুষেরা বিদেশী কাপড় স্পর্শ করে? মা স্কুলেরা যদি ছেলেরদের মাহুয করিবার জন্য তাহাদিগকে জাতীয় বিদ্যালয়ে পাঠান, তবে সাধ্য কি ছেলেরা সরকারী স্কুলে পড়িয়া কেবল কেরাণী আর কুলীর দলে পরিণত হয়? কাহারো আজ বাকালার অস্তঃপুর হইতে রামায়ণ মহাভারত দূর করিয়া দিয়া সেখানে “বিষবৃক্ষ” রোপণ করিয়াছেন? গ্রামের “কথকতা” “রামায়ণ” প্রভৃতি লুপ্ত হওয়ায় তাহার স্থানে সখের খিঘেটার, যাজ্ঞ প্রভৃতিকে স্থান

দিবার অধিকার দিয়াছে কে? সে কি আমাদের বাকালার দেশের অস্তঃপুরের মা-ভগ্নীরাই নহেন? সখের খিঘেটারে “খাক” “চিন্তামণির” অঙ্গভরণের জন্য নিজেদের হাতের স্বর্ণভরণ খুলিয়া দেন কাহারো? সে কি আমাদের বাকালার দেশের মা-ভগ্নীরা নহেন? গো-হাড়, গো-রক্ত দিয়া পরিস্কৃত লিভারপুলের সুন ও জাভার চিনি দিয়া দেবতার ভোগ রাখিয়া দেন কে? সেও কি আমার বাকালার হিন্দু নারীরা নন? বস্তুতঃ আজ দেশে যা কিছু অনাচার, যা কিছু পাপাচার প্রবেশ করিয়াছে তাহার অধিকাংশের জন্য বাকালার মা-ভগ্নীদেরই দোষী করিব। মায়েরা আজ কলার বাসনায় কাপড় কাচা ছাড়িয়া সোভা স্ত্রাবান রিঠের আশ্রয় লইয়াছেন, মায়েরা আজ পাটকাটি গন্ধক ছাড়িয়া দেশলাইয়ের আশ্রয় লইয়াছেন, মায়েরা আজ সিন্দুর-চন্দন ছাড়িয়া পমেটম-পাউডারের আশ্রয় লইয়াছেন বলিয়াই ত বাকালীর ঘরে ঘরে আজ এত অভাবের তাড়না!

পূর্বে বাকালার মা, ঠাকুরমা, দিদিমারা খাওয়াদাওয়ার পর টেঁকো লইয়া সূতা কাটিতে বসিতেন, বাড়ীর আঁকিনায় কাপাস গাছ হইত, তাহাতে তুলা হইত। তাঁহাদের হাতেকাটা সূতার তাঁতি, জোলারা দিব্য কাপড় গামছা বুনিত আর ব্রাহ্মণেরাও সেই সূতায় বিস্তৃত উপবীত গ্রহি দিয়া পরিধান করিতে পারিতেন। ঠাকুরমা দিদিমাদের কাছে রামরায়ণের যুদ্ধ, কুরুক্ষেত্রের সংগ্রাম, কালীদমন, কংশবধ প্রভৃতির উপাখ্যান শুনিয়া ছেলেমেয়েদের তাহা এমন আয়ত্ত হইয়া যাইত যে জীবনের শেষ মুহূর্ত পর্যন্ত তাহারা তাহা ভুলিত না। কিন্তু আজকালকার বাকালার সংসারের দিকে তাকাইলে আমরা কি দেখিতে পাই? দেখিতে



পাই মা-ভগ্নীরা আহারান্তে যদি পড়িতে হয় তবে অমনি একথানা “বিন্দুর ছেলে” কি “অভাগী” লইয়া বসেন। আর ছেলেমেয়েরা মা-ঠাকুরমাদের কাছে পৌরাণিক উপাখ্যানের পরিবর্তে শেষে কাহার কিরূপ টুকটুকে বর ক’নে আসিবে তাহারই আলোচনা শ্রবণ করে, কাজেই শৈশব হইতে মা ঠাকুরমা দিদিমার কাছে শিশুরা ঐ যে টুকটুকে বর ক’নের কথা শুনে সেই কথাটাই তাদের মনে ছাপ পড়িয়া যায়। ভবিষ্যৎ-জীবনে যখন তাহাদের জীবন-তরু পত্র পুষ্প কিমলয়ে পরিশোভিত হইয়া উঠে, তখন শৈশবের সেই টুকটুকে বর-ক’নের চিত্রই তাদের প্রাণে আকুলতা আনিয়া দেয়।

“লেখা পড়া করে যেই

গাড়ী ঘোড়া চড়ে সেই”

মা ঠাকুরমা থাকিয়া থাকিয়াই সম্ভানের কাণে এই কথা বর্ণন করেন, ফলে বালকবালিকা শৈশব হইতেই লেখাপড়া শিখে শুধু গাড়ীঘোড়া চাড়বার জন্মই। ফলে পরিণত বয়সে যদি তাহারা হাকিম উকিল হইবার জন্ম কোর্টরগত চক্ষু লইয়া, জীর্ণ শীর্ণ ককালসার পৃষ্ঠে সার্টিফিকেটের বোঝা বাধিয়া সরকারের দ্বারে ধরুণা দিতে থাকে, তবে তাহাদের বিশেষ দোষ দেওয়া যায় কি ?

বাকালার প্রতি লোকের গড়ে প্রত্যহ আশ্রয় কত ? লর্ড কর্জন গণিয়া পড়িয়া বলিয়াছেন—মাত্র ১০ এক আনা। মা ভগ্নীরা স্বামী ভ্রাতা বা পুত্রের আর্থিক ছরবস্থা আনিয়া শুনিয়াও থিয়েটার, বায়স্কোপ দেখাইবার জন্ম তাঁহাদিগকে পীড়াপীড়ি করেন। ফলে কোন সংসারেই মাসকাবারে এক পয়সাও উদ্ধৃত থাকেনা—দেনায় পুরুষের মাথা বিকাইয়া যায়। যাহারা মাগার ঘাম পায়ে ফেলিয়া ছু’পয়সা রোজগার করেন তাঁহারা যে অস্তঃপুরের পীড়াপীড়ি ছাড়া কখনও থিয়েটার বায়স্কোপে টাকার ছিনিমিনি খেলিতে যান না, ইহা ভুক্তভোগী মাত্রেই বুঝিতে পারেন। একেত্রো মা-ভগ্নীদের অপব্যয়ের দোষ না দিয়া পারি না।

পাশ করা জামাই চাই—পাশ করা ছেলে চাই—একথা বলিয়া স্বামীকে ব্যতিব্যস্ত করিয়া তুলেন কারা ? সে কি আমাদের মা-ভগ্নীরাই নহেন ? তাঁরা যদি একবার একটি দিনের জন্মও ঘরের বাহিরে আসিয়া দেখেন তাঁহাদের স্বামী কত দুঃখে, কতকষ্টে ছু’পয়সা রোজগার করেন, তাহা হইলে বোধ হয় অতি পাষণ্ডেরও চোখে ছু’ফোটা জল না পড়িয়া পারে না! পাশ করা ছেলেরা আজকাল পেটের ভাত জোগাড় করিতে পারে না, গাধার মত কেবল সার্টিফিকেটের বোঝা আর অহমিকা তাহারা বহন ও পাষণ্ড করিয়াই বেড়ায়। এ কথা জানিয়া শুনিয়াও মা-ভগ্নীরা যে মেয়ের জন্ম পাশ করা জামাইয়ের জন্ম স্বামীর হাতে ভিকার ভাণ্ড তুলিয়া দেন, তাহা কোন্ বিবেচনায়—বুঝিয়া উঠিতে পারি না। কেন, জমাজমিওয়াল, সচ্চরিত্র, সরল প্রাণ, মোটামুটি ভাত কাপড় দিতে সক্ষম জামাতা কি তাঁহাদের পছন্দ হয় না ?

বঙ্গদেশে যে আজ রসাতলে যাইতে বসিয়াছে ইহার মূল উৎস অস্তঃপুর। অস্তঃপুরের মা-ভগ্নীরা বিলাসের মাত্রা কমাইলে কি বাকালী হিন্দু আজ এত নিঃশ্ব হইয়া পড়ে ? পুরুষের জন্ম সংসারে আর কি ব্যয় হয় ? একটা পুরুষের একটা ঘড়ি, একটা আঙুটি ও বড় জোর একজোড়া চশমা হইলেই তিনি মনে করেন তাঁহার বিলাসের সমস্ত সম্ভারই হইল। কিন্তু মা-ভগ্নীদের বেলায় কি তাই ? হাতে, পায়ে, নাকে, কাণে, কোমরে, সর্কাছে সোণার গহনা, ভাল কাপড়, চুলের ফিতে, গায়ের সাবান, সুগন্ধি তেল না পাইলে তাঁহারা জীবনটাকে ব্যর্থ ও বিড়ম্বনাময় বলিয়া মনে করেন। একটি কুড়ি টাকা মাহিনার কেরণীবাবুর নিজের পেটে অন্ন থাকুক আর না থাকুক—তাঁহার পত্নীর অঙ্গে নিতান্ত পক্ষে ৪৫ শত টাকার গহনা চাই-ই-চাই। নহিলে পরিবারের নাকি ভঙ্গসমাজে মিশিবার উপায় নাই ? অবশ্য আপদ-বিপদকালের জন্ম গহনা ভাল বটে, কিন্তু চোর ডাকাত দস্যু ভক্তের উপদ্রব শুধু এই



গৃহনার জন্ত, আর গৃহনায় যে টাকা ব্যয় হয় তাহা আর কস্মিন্ কালে কমে ছাড়া বাড়ে না। কিন্তু সেই ৪।৫ শত টাকা দিয়া অগি জমা করিলে গৃহস্থের ধন ধাত্তের পরিমাণ দিন দিন বাড়িয়াই চলে! দুঃখের বিষয় সেদিকে মা-ভগ্নীদের নজর কই?

বাকালার হিন্দু-ঘরের ভাইয়ে ভাইয়ে যে ভ্রাগ-বাটোয়ারা, গৃহবিবাদ ইহার জন্ত মা-ভগ্নীদের স্বার্থ সাধান' দূরভিসন্ধি যে দায়ী এ কথা কেহ অস্বীকার করিতে পারেন কি? কে নিত্য রাত্রে বোবা-কাল-স্বক্ষম ছোট ভাই, ছোট ভাই-বৌকে পৃথক করিবার জন্ত স্বামীর কাণে বিষ উল্কার করিয়া থাকেন? কে ভাইয়ে ভাইয়ে বিচ্ছেদ ঘটাইয়া সোণার সংসার ছারেখারে দিয়া থাকেন?—সে কি আমাদের মা-ভগ্নীরা নহেন? তাহাদের প্রাণে যদি উদারতা, দয়া, মায়া, মমতার কিছুমাত্র লেশ থাকে তবে কি ভাইয়ে ভাইয়ে ভাগ বাটোয়ারা হইয়া মুখ দেখাদেখি বন্ধ হয়?

লেখক একটি মহীমুভব মহিলার কথা জানেন। তিনি বহু ছিলেন, স্বামীর বংশে বাতি দেওয়ার অন্য কেহ না থাকায় তিনি নিজে স্বামীকে পীড়া-পীড়ি করিয়া তাহার আবার বিবাহ দেন এবং আজিও তাহার সপত্নীকে নিজের ছোট বোনের মত আদর যত্ন স্নেহ করিয়া আসিতেছেন। কিসে তাহার সপত্নী স্বামীর মনোরঞ্জন করিতে পারিবে—কিরূপে স্বামীজীর মধ্যে পবিত্র দাম্পত্য সন্ধন্ধ স্থাপিত হইবে, তিনি সেইজন্য অহোরাত্র সপত্নীকে নিজ হাতে বেশ ভূষা পরাইয়া, তাহার চুল বাঁধিয়া, সীমস্তে সিন্দূর-বিন্দু পরাইয়া দিয়া থাকেন! ভাবুন দেখি এই মহীয়সী মহিলাটির প্রাণটা কতদূর উদার! এরূপ মহিলা বাকালার হিন্দু সংসারে ক'টি আছেন?

জীলোকের স্বামী দেবতা, স্বামীই পরমেশ্বর, স্বামীই ইহ পরকালের পতি - ইহা শতবার স্বীকার্য। কিন্তু সেই স্বামী যদি বিপথে গমন করেন, তবে তাহাকে সুপথে আনিবার জন্য মা-ভগ্নীদের মধ্যে বড় কম চেষ্টাই দেখা যায়। জী যে স্বামীর সখা,

মিত্র, সচিব একথা তাহার ভুলিয়া যান কেন? স্বামী থিয়েটারে অভিনয় করিয়া, অস্থানে কুস্থানে বেড়াইয়া, মিথ্যা জুয়াচুরি করিয়া ঘরে ফিরেন, ৫০০ টাকা বেতনের ট্রেনমাস্টার-স্বামী ৫ শত টাকা আনিয়া মাসে মাসে গৃহিণীর হস্তে অর্পণ করেন, কই কোন মহিলা ত তাহাতে কিছুমাত্র ইতস্ততঃ করেন না—কথাটি পর্যন্ত বলেন না! লেখক জানেন, বর্তমান অসহযোগ আন্দোলনের একজন নামজাদা প্রচারিকা তাহার স্বামী বিলাতি কাপড় চোপড় পরেন বলিয়া তাহাকে পরিত্যাগ করিয়াছেন এবং যতদিন তাহার স্বামী বিলাতি কাপড় চোপড় ত্যাগ না করিবেন ততদিন তিনি স্বামীর ঘর করিবেন না—স্বামীর মুখদর্শন করিবেন না বলিয়া প্রতিজ্ঞা করিয়াছেন। আদর্শবাদীদের নিকট হয় ত এই বিদূষী যুবতীর এরূপ আচরণ নিন্দনীয় হইতে পারে, কিন্তু দেশের স্বার্থের দিক হইতে বিচার করিতে গেলে, নারীর কর্তব্যের দিক হইতে বিচার করিতে গেলে বলিতে হইবে ইনি ঠিক উপযুক্ত কাজই করিয়াছেন!

আর গুরুদাস বন্দোপাধ্যায় মহাশয়ের জননী গুরুদাসকে একদিন পাতকুয়ায় ডুবাইয়া মারিতে উদ্যত হইয়াছিলেন, গুরুদাসের অপরাধ তিনি একটি পেনসিল চুরি করিয়া আনিয়াছিলেন। জানি না কবে বাকালার ঘরে ঘরে এরূপ মাঘের সৃষ্টি হইবে!

সত্য কথা বলিতে কি আজ হিন্দু-সমাজে, হিন্দু-জাতির মধ্যে এই যে অনাচার, অবিচার, স্বৈচ্ছাচার, মিথ্যাবাদিতা, নীতিজ্ঞানহীনতা, বিদেশী দ্রব্যাদির প্রতি আকর্ষণ, ভোগবিলাসে হৃদমনীয় আকাঙ্ক্ষা দেখা যাইতেছে তাহার মূলে হিন্দু-রমণীর শৈথিল্যই বিরাজমান। অমর যদি অভিমান ভরে পিত্রালয়ে না যাইয়া গোবিন্দলালকে সুপথে আনিবার চেষ্টা করিত তবে বোধ হয় রোহিণী-মুগ্ধ গোবিন্দলালের জীবনের যবনিকা ওরূপ শোচনীয় জাবে পড়িত না।

আমরা গত ২০ বৎসর কাল এই যে চরকা, ধন্দর, ভ্রাতৃপ্রেম, প্রভৃতি বিষয়ে এবং অস্পৃহতা,

মত্যাগ প্রভৃতির বিরুদ্ধে বক্তৃতা করিয়া বেড়াইতেছি, যদি আমাদের মা-ভগ্নীরা অস্ত্রপুর হইতে একবার অভয়বাণী দেন, তবে শত শত বক্তৃতাতে এতদিন যাহা না হইয়াছে, তাঁহাদের একদিনের চেষ্টায় তাহা হইবে।

“অন্ধকার নাহি যায় বিতর্ক করিলে  
মানে না সে বাহুর আক্রমণ,  
একটি আলোক রেখা সম্মুখে ধরিলে  
মুহুর্তে সে করে পলায়ন।”

একবার মা-ভগ্নীরা যদি অস্ত্রপুর হইতে ভীমগর্জনে বলিয়া উঠেন.—এই রহিল তোমার হাতাবেড়ী, বিলাতি মুন, বিলাতি চিনি, সাপের চর্কি, বাঘের চর্কি দিয়া রান্না করিব না; এনার্মেলের, এলুমিনেমের বাসন ঘরে ঢুকিতে দিব না, বিলাতি কাপড় ঘরের আলনায় রাখিতে দিব না, ছেলেদের হাতে জাম্বানীর চুষিকাঠি দিব না, বাবুদের সফালে ডিস্‌পেনসিয়ার সৃষ্টিকর্তা চা জালু দিয়া দিব না; বিলাতি চুড়ি, এসেম্প, সাবান, দেশলাই, হারিকেন ঘরের আদিনায় ঢুকিতে দিব না, মুখে মদের গন্ধ বাহির হইলে তাহাকে বাড়ীর দরজায় আসিলে সম্মাজ্জনী প্রহার করিব; সার্টিফিকেট-সর্বস্ব, স্বাস্থ্যহীন ছেলেদের হাতে মেয়েগুলোকে সমর্পণ ক’রে তাদের হৃৎকের পাথারে ভাসাইয়া দিবনা, বরং বিবাহ না দিয়া কুমারী করিয়া ঘরে রাখিব, কচি কচি হৃৎকের বালবিধবাদের হাতের শাঁখা ভেঙ্গে আর তাদের তপ্ত দীর্ঘশ্বাসে ধরণী উষ্ণ করিব না, তবে গান্ধী-চিন্তরঞ্জন-তিলক-লজপত-সরোজিনী-হেমপ্রভা-মোহিনীদেবীর হাজার হাজার বক্তৃতায় এতদিন যাহা না হইয়াছে তাহা হু’দিনেই হইবে।

মা-ভগ্নীদের এক ওজর আছে, পুরুষের হাতের ক্রীড়নক তাঁরা, পুরুষে কেন তাঁদের কথা শুনিবে! তাঁদের দুর্বলতা ত এইখানেই! কেন তাঁরা নিজের দিগকে কেবল হুকুমের দাসী মনে করেন? শ্রাঘ্না-ন্যায় বিচার করিবার ক্ষমতা কি তাঁদের নাই? তাঁরা

কি হস্তপদবিশিষ্ট মানুষ নন? যাহা সত্য বলিয়া বুঝিবেন তাহা করিবার ক্ষমতা কি তাঁহাদের নাই? যে পুরুষ তাঁদের কথা পদাঘাতে দূরে ঠেলিয়া ফেলিবে তাঁহারা তেমন পুরুষের দাসীপনা নাই বা করিলেন! সমাজ নিন্দা করিবে তা করুক। বিবেক হইল সংসারে সব জিনিষের চেয়ে বড়। বিবেককে জলাঞ্জলি যে দেয় সে পুরুষ হোক, নারী হোক, কোন মতে মানুষ নয়।

মা-ভগ্নীরা যেন সর্বদা মনে রাখেন দেশের স্বার্থের জন্য আজ তাঁহাদিগকেই অগ্রে দাঁড়াইতে হইবে। বীর বাদলের জননী ন্যায় তাঁহাদিগকেই অন্ধের নিধিকে বিপদ-সাগরে পাঠাইতে হইবে—কুস্তীর শ্রায় প্রাণাধিক পুত্রকে—রাক্ষসের মুখে প্রেরণ করিতে হইবে। এই যে তারকেশ্বরে মা-ভগ্নীর ইচ্ছত নষ্টকারী মোহান্তের বিরুদ্ধে অহিংস সত্যগ্রহ আরম্ভ হইয়াছে, কই বাঙ্গালার মা সকল তাহাতে পুত্র সন্তানগণকে পাঠাইতেছেন কই? শ্র্যামের-বাঁশী ঐ যে বাজিতেছে, এমন সময় কুল-মান ত্যাজিয়া তাঁহারা কদম্বমূলে আসিয়া দাঁড়াইতেছেন কই? মা বোনেরাই ত দেশের প্রাণ। শক্তির অংশ তাঁরা, সন্তানের ধমনীতে শক্তি সঞ্চার তাঁরা না করিলে কে করিবে? দেশ কি এমনই ভাবে দিন দিন উৎসন্নের দিকে যাইবে? বাঙ্গালা কি আর জাগিবে না? আর কি ভারতজননী জাতিসঙ্ঘের মহাসভায় রাজমাতার বেশে গৌরব-কিরীট পরিয়া সিংহাসনে বসিবেন না?

মা-ভগ্নীগণ! আর এখন ঘুমাইয়া থাকিও না। ঐ দেখ বাতায়নের মধ্য দিয়া কেমন বালার্ক তরুণ তপনের ক্ষীণ কনক-রশ্মি-রেখা আসিতেছে, একবার এই শুভ প্রভাতে উঠিয়া বল—আমরা উঠিয়াছি, জাগিয়াছি, আমাদের ঘুমঘোর ভাঙ্গিয়াছে, আর তোমাদের ভয় নাই সন্তানগণ! আজ হ’তে দেশ-মাতৃকার যজ্ঞবেদীতে আহুতি দিতে আমরা অবতীর্ণ হইতেছি।

## সকলিক

### ম্যালেরিয়া ও তাহার প্রতিকার—

ম্যালেরিয়ার সময় আসিরা পড়িরাছে, এখন হইতে প্রতিরোধের উপায় না করিলে নীচাই ঘরে ঘরে সবাই করে পড়িবে।

ম্যালেরিয়া এর হইতে আমরা নিস্তার পাইতে পারি; অতি অল্প ব্যয়ে ইহার প্রকোপ হইতে উদ্ধার পাইতে পারি এ কথা বোধ হয় সবাই জানেন না। ম্যালেরিয়া এরের এক প্রকার বীজাণু আছে, এই বীজাণু মানুষের শরীরে প্রবেশ করিয়া রক্তের মধ্যে চলাচল করিয়া এরের সৃষ্টি করে; মশা এই বীজাণু একজনের শরীর হইতে অন্য জনকে দেয়—এইরূপে ম্যালেরিয়ার সময় এরের প্রকোপ বাড়িয়া চলে। এই সময়ে অর্থাৎ জীবন, ভাঙ্গ, আধিন, কার্টিক মাসে, মশা ডিম পাড়ে এবং মশার সংখ্যা বৃদ্ধি হয় বলিয়া এরেরও বিস্তার বাড়িতে থাকে।

ম্যালেরিয়ার হাত হইতে নিস্তার পাইতে হইলে—  
(১) শরীরে প্রবেশিত ম্যালেরিয়ার বীজাণুর ধ্বংস করিতে হইবে, (২) মশার কামড় হইতে নিজেকে বাঁচাইতে হইবে, (৩) মশা বাহাতে ডিম পাড়িয়া কুল বৃদ্ধি না করিতে পারে তাহার ব্যবস্থা করিতে হইবে।

### প্রতিকারের উপায়—

(১) কুইনাইনই ম্যালেরিয়া বীজাণু ধ্বংসের একমাত্র ঔষধ। সম্ভাহে তিনবার ৫ গ্রেন করিয়া কুইনাইন খাইতে হইবে তাহা হইলে যে বীজাণু শরীরে প্রবেশ করিয়াছে তাহা বিনষ্ট হইবার সম্ভাবনা। দান্ত পরিষ্কার রাখিতে হইবে, না হইলে ত্রিকণ (হরিতকী, আমলকী ও বহেড়া) তিজান জল প্রত্যহ প্রাতে খাওয়া উচিত।

(২) মশারী নিয়মিত ব্যবহার করা উচিত অভাবে সম্ভার সময় ঘরে ভাল করিয়া ধুনা জ্বালাইয়া ঘর বন্ধ করিয়া রাখিলে মশার উপদ্রব কম হয়। কেরোসিন তেলের পক্ষে মশা কম থাকে, হলুদে রংএর কাপড়, জালা ও বিছানার মশা কম আসে।

(৩) মশা হির ময়লা জলে ডিম পাড়ে, যে সব সার গাদার গর্ভে, নালায়, ডোবার মশা ডিম পাড়ে তাহা ভরাট করা উচিত; বেগানে জল জমে তাহাতে কেরোসিন তেল ছিটাইয়া দিলে মশা ডিম পাড়িতে পারে না। ডিম পাড়িতে না পারিলে মশার বৃদ্ধি কমিয়া যায়।

এই তিনটি উপায় এখন হইতে সকলের অবলম্বন করা উচিত; তাহা হইলে এরের হাত হইতে অনেকটা পরিভ্রাণ পাওয়া যাইবে।  
—সঞ্জিবনী।

### রোগীর সেবা—

#### (১) রোগীর ঘর ও বিছানা—

যে ঘরে অনেক দরজা জানালা এবং বেশী আলোক আসে ও হাওয়া খেলে সেই ঘরে রোগীকে রাখিবে। যদি রোগী সংক্রামক রোগাক্রান্ত হয় তাহা হইলে বাটার স্থল লোকদিগের ঘর হইতে যে ঘরটি সর্বাপেক্ষা দূরে সেই ঘরে রোগীকে রাখিবে। রোগীর ঘরে আসবাব বস্তু কম রাখিবে তত ভাল, কারণ বেশী আসবাব রাখিলে ঘর ভাল হাওয়া খেলিবে না। এই ঘরে রোগীর শুইবার জন্ত খাট, এবং পুখু ও ঔষধ রাখিবার জন্ত একটি আলমারি বা টেবিল এবং ডাক্তার প্রভৃতির জন্ত দুই একটি টুল বা চেয়ার তিন জন্ত কিছু রাখিবে না। রোগীর ঘর প্রত্যহ দুইবেলা কাঁট না দিয়া ভিজা নুনকড়া দিয়া মুছিবে, তাহা হইলে ধূলা চারিদিকে উড়িয়া যাইবে না। রোগীর শরীর, বিছানা এবং ঘরের কোনও জায়গায় যেন ময়লা না থাকে। রোগীর মল মূত্র ও কক প্রভৃতি খুব লীল সরাইয়া ফেলিবে এবং তদ্বারা তাহার বিছানা কাপড় প্রভৃতি দূষিত হইবামাত্র বদলাইয়া পরিষ্কার কাপড় ও বিছানা দিবে। রোগীর, বিশেষতঃ সংক্রামক রোগীর মশারি, বিছানার চাবর ও কাপড় প্রভৃতি ময়লা হইলেই গরম জলে ফুটাইয়া রৌদ্রে শুকাইয়া লইবে। রোগীর গ্লা চাকিয়া দিয়া ঘরের দরজা জানালা সর্বদা খুলিয়া রাখিবে। রোগী বস্তু বিশুদ্ধ বাতাস পায় তাহার পক্ষে তত ভাল। কেবল এখন তাহার গা ধুলিয়া মুছান হইবে তখন দরজা জানালা বন্ধ করিয়া দিবে। প্রত্যহ রোগীর গা পরিষ্কার করিবে। এইজন্য গরম জলে একখানি তোয়ালে ভিজাইয়া নিঙড়াইয়া তদ্বারা একজন রোগীর গা রগড়াইয়া দিবে এক সেই সঙ্গে আর একজন আর একখানি পরিষ্কার শুক তোয়ালে দিয়া তাহার গায়ে যে জল লাগিয়া থাকিবে তাহা মুছাইয়া দিয়া তৎক্ষণাৎ জানা পরাইয়া কিম্বা পরিষ্কার শুক চাবরে গা চাকিয়া দিবে। রোগীর মাথা প্রত্যহ চিকুশী দিয়া আঁচড়াইয়া মাথার ময়লা বাহির করিয়া দিবে এবং দাঁত মাজাইবে।

## (২) রোগীর খাদ্য—

রোগীকে দুধ, মাগু, বালি, এরাকট, মুগ, মত্তর প্রভৃতি ডালের কিছা কই মাগুর প্রভৃতি মাছের ঝোল এবং ভাসপাতি, ডালিম, কমলালেবু প্রভৃতি কলের রস চিকিৎসকের উপদেশ মত খাইতে দিবে। মাগু, বালি, এরাকট প্রভৃতি দুধের ও মিছরির সহিত কিছা কাগজিলেবুর রস ও লবণের সহিত মিশাইয়া দিলে রোগীর খাইতে ভাল লাগে এবং সহজে হজম হয়। দুধের সহিত পরিষ্কার চূণের জল মিশাইয়া দিলে দুধ সহজে হজম হয়। পেটের অস্থির রোগীর দুধ অপেক্ষা দধি ও ঘোল সহজে হজম হয়। হাঁপানী রোগীকে রাত্রে লঘু আহার করান উচিত। শোথ রোগে লবণ যত কম খাওয়া যায় তত ভাল। বাতে নিরামিষ আহার ও বহুমাত্র রোগে চিনি ত্যাগ করা উচিত। বাতশ্লেষ্মা, বিষ্কার প্রভৃতি রোগে চিকিৎসকের আদেশ ব্যতীত কিছুই খাইতে দেওয়া উচিত নয়। শোথ ব্যতীত অন্ত সকল রোগে জলপান বিশেষ উপকারী।

## (৩) ঔষধ খাওয়ান ও জ্বর দেখা—

চিকিৎসক যে সময় যে ঔষধ খাওয়াইতে বলিবেন ঠিক সেই সময় রোগীকে সেই ঔষধ দিতে হইবে। তিস্ত ঔষধ খাওয়াইবার পূর্বে রোগীকে একটু সুপারি কিছা হরীতকী চিৎসাইতে দিলে ঔষধ বেশী তিস্ত লাগে না। বিষাদ বড়ী কিছা পুরিয়া পাকা কলা চটকাইয়া তাহার মধ্যে দিলে রোগী সহজে গিলিয়া ফেলিতে পারে। খায়মিটার যন্ত্রের ঘেখানে তীয় আঁকা আছে অর্থাৎ ৯৮°৪ ডিগ্রী উত্তাপ শরীরের পক্ষে স্বাভাবিক। শরীরের তাপ তীরের নীচে চলিয়া গেলে কিছা ১০৪ ডিগ্রী পর্যন্ত উঠিলে আশঙ্কার কারণ হয় এবং চিকিৎসককে জানান উচিত। —বাহ্য।

## নারী হরণ নিবারণের জন্ত ছাত্রদের সভা—

সম্মতি স্থানীয় হার্ডিঞ্জ হটেলের ছাত্রেরা এক সভা করিয়া স্থির করিয়াছেন—

১। বাঙ্গালাদেশের সর্বত্র, বিশেষতঃ যে সব স্থানে অত্যাচারের প্রাদুর্ভাব হইয়াছে সেই সব স্থানে আন্দোলনের জন্ত “নারী রক্ষা সমিতি” স্থাপন করিতে হইবে।

২। সব বিদ্যালয়ে, এমন কি বালিকাবিদ্যালয়েও, বাধ্যতামূলক ব্যায়াম-শিক্ষার প্রবর্তন করিতে হইবে।

৩। দুর্ভাগ্যবশত কতক লাক্ষিত ও অপমানিত রমণীদিগকে সম্মানে সমাজে আশ্রয় দিতে হইবে।

৪। অবরোধ অথবা উঠাইয়া দিয়া বাঙ্গালার স্ত্রীলোকদিগকে আত্ম-নির্ভরশালিনী হইবার সুযোগ প্রদান করিতে হইবে।

৫। স্ত্রীলোকেরা বাহাতে সর্বদা তাঁহাদের কাছে একখানি করিয়া তীক্ষ্ণধার কুপাণ রাখেন, তাহার ব্যবস্থা করিতে হইবে।

—সময়।

## আমাদের সমাজে নারীর সম্পূর্ণ স্বাধীনতা চাই—

এক কথায় পুরুষ যে স্বাভাবিক ও স্বাধীনতা ভোগ করছে নারীকেও আমরা সেই স্বচ্ছন্দ ও স্বাভাবিক অধিকারী দেখতে চাই। পুরুষেরা কোনো দিন তা নারীকে দিবে এবং দিলেও নারীরা সত্যি পাবে, এ বিশ্বাস আমাদের নেই। নারীকেই স্বাধিকার অর্জন করতে হবে, তা ছাড়া আর কোন পথ নেই। যুগ-যুগান্ত ধরে নারী ধীরে ধীরে তার অধিকার (যা আগে কোনোদিন কোথাও ছিল কি না জানা নেই) ফিরে পাবে এ ভরসা আমাদের নেই। অকস্মাতের দাবীই পৃথিবীতে সবার চেয়ে বড় দাবী। নারী একদিনেই তার প্রতিষ্ঠা লাভ করতে পারে ও করবে। সনাতন অচলায়তন একদিনের ভূমিকম্পেই ধ্বংসে যেতে পারে; যুগান্তকালের পুঞ্জীভূত আবর্জনা একদিনের দাবানলেই সাক হতে পারে—দিনে দিনে তিলে তিলে তার ক্ষয় হবার সম্ভাবনা নেই। —স্বাধীনতা।

## হিন্দুর ঘরে শিশু হত্যা—

প্রতিবৎসর আমাদের হিন্দুর ঘরে যে কত ক্রম হত্যা হইতেছে তাহার খবর বোধ হয় অনেকেই রাখেন না। ১৯২১ সালের সেনসাস রিপোর্ট পাঠে জানিতে পারা যায় যে ভারতে বিধবার সংখ্যা প্রায় ২ কোটি তন্মধ্যে বাল-বিধবার সংখ্যা—গণনা হইয়াছে ১৮৮১০৭১ জন। তাহারা কে কি বয়সের তাহা এই তালিকা হইতেই বুঝিতে পারিবেন :—

• হইতে	১	বয়সের	৭৫৯ জন।
১	২	”	৬১২ ”
২	৩	”	১৬০০ ”
৩	৪	”	৩৪৭৫ ”
৪	৫	”	৮৬২৩ ”
৫	১০	”	২০২২২৩ ”
১০	১৪	”	২৭২১২৫ ”
১৪	২০	”	৫১৭৮২৮ ”
২০	২৫	”	৯৬৬৬১৬ ”
			১৮৮১০৭১

উপরোক্ত প্রায় দুই কোটি বিধবার সকলেই যে সংসারী, ব্রহ্মচারিণী তাহা নহে। যে বাল-বিধবার পিতা ষাট বৎসর বয়সে বোড়সীর পানিগ্রহণ করিয়া পার্শ্বের ঘরে বসিয়া তরুণী ভাণ্ডার সহিত আশ্রয় করিতে পারেন—যে বাল-বিধবার ভ্রাতা “লগুন রহত” আনিয়া তাহা দ্বারা ঘরের শোভা বর্দ্ধিত করেন এবং যে বাল-বিধবার আত্মবধু সজ্জায় হারমোনিম বাজাইয়া কোকিলকণ্ঠে “এসেছি এসেছি, বধু হে নিরে এই হাসিরূপ গান” গাইতে পারেন, এমত, দ্বারা পারিবারিক অবস্থার মধ্যে যে বাল-বিধবার দিন কাটাইতে হয়, সে সংসারে তাহার যৌবনের ইঞ্জিয়-লিপ্সা বন্ধ আনিয়া উঠে এবং সেই জন্ত যদি অলিতপদ হয় তবে তাহাকে দোষ দেওয়া যায় না। এই সমস্ত বাল-বিধবারের অনেকের গর্ভসংকার হয়, যাহারা অর্ধশালিনী তাহারা কানী কিংবা অস্ত্র কোন দূর তীর্থ (?) স্থানে গাইয়া গর্ভ স্থলন করিয়া আসেন, আর যাহাদের সে সাধ্য নাই তাহারা কেহ হয় ঔষধের দ্বারা গর্ভ নষ্ট করেন, না হয় গোপনে প্রসব করিয়া সন্তানজাত শিশুসন্তানের গলা টিপিয়া মারিয়া ফেলেন। প্রতিদিন বাজালার হিন্দুর ঘরে ঘরে যে কত ক্রণ হত্যা হইতেছে তাহা আর ইয়ত্তা নাই। কত রান্ধা, ষাট, পুঁজুর, ধানার ডোবার মুমূর্ষ শিশুর দেহ পাঁওরা বাইতেছে। এই যে প্রতি বৎসর হাজার হাজার ক্রণ হত্যা হইতেছে, এই যে প্রতিদিন দুই কোটি বাল-বিধবা একবেলা এক সূঁটি ভাত

চোখের জলে মিশাইয়া খাইতেছে, এই যে প্রতিদিন ২ কোটি বাল-বিধবাকে জীন্তু দক্ষ করা হইতেছে, ইহাদের জন্ত প্রাণ কাণ্ডিতেছে করজনের? এই যে এক কলিকাতা সহরে ৮৮৩৩ জন বীরাজনা বিক্রয় করিতেছে, ইহাদের গর্ভধারণীরা সমাজের কোন ক্রটিতে, কি লাঞ্ছনার আজ বারবনিতা-বৃষ্টি অবলম্বন করিয়াছে তাহা কেহ তাকাইয়া দেখিয়াছেন কি?

“নষ্টে মৃত্তে প্রব্রজিতে ক্লীবচ পতিতে পতৌ।

পঞ্চাশৎ নারীণাং পতিরন্যো বিধীয়তে।”

পরশর সংহিতায় এই অনুশাসন কি ভালপত্রে লিপি বন্ধ রাখিবার জন্ত রচিত হইয়াছিল? স্বর্গীর বিজ্ঞানসুগর মহাশয় কি উদ্ভাদ ছিলেন?

যাদের ঘরে ঘরে প্রতিদিন ২ কোটি বাল-বিধবা জীবন্ত অ'গুণে পুড়িয়া মরিতেছে, প্রতিদিন শত শত ক্রণ হত্যার শোণিত যে দেশকে কলঙ্কিত ও রঞ্জিত করিতেছে, সে দেশের অবস্থা কেমন তাহা সহজেই অনুমেয়। এখন কি জাতির শাস্ত্রের যুক্তি তর্ক লইয়া বসিয়া থাকিবার সময়?—না এখন হুনিগার বাঁচিয়া থাকিবার সময়? এই দুই কোটি বাল-বিধবার বিবাহ হইলে দেশে বীরাজনার সংখ্যাও কমিয়া যায়, ক্রণ হত্যাও বিবাহিত হয় আর ধ্বংসোদ্ভূত, হিন্দুজাতি, তোমার বংশ সংখ্যাও বাড়ে। কিন্তু আশ্রয়বিহীন, বার্ষিক, নিষ্ঠুর জাতি তোমরা এখনও আপন ভুল বুঝবে কি? —মজলিস।

## নারী

শ্রীজ্যোতিঃ সেন ।

জ্ঞেগেছিলে কোন্ প্রভাতে

কোন্ কুসুমের কোলে,

কোন্ আলোকের চিকমিকিতে

কোন্ বিহগের যোলে?

হৃদয় ভরা স্নেহ প্রীতি

সাত সাগরের জল,

সেবা প্রেমে উজল হ'য়ে

করছে গো টলমল ;

পারবে কি তায় দিতে তুমি

রিক্ত করি বুক,

করতে সবুজ নিখিল ভূমি,

আনতে বিপুল স্বপ্ন?

তবেই তুমি ভারত নারী,

ধরায় তুমি দেবী,

আকাশ, আলো, বাতাস, বারি

যন্ত্র তোমায় সেবি।



## প্রত্যয়ত্ব ( উপস্থাপন )

শ্রীমতী প্রভাবতী দেবী স্মরণতী ।

[ পূর্ব প্রকাশিতের পর ]

( ৫ )

আজ কয়েকদিন নাতবউয়ের ব্যবহার সারদার বড়ই অসহ্য বলিয়া বোধ হইতেছিল। তিনি প্রথম দিন দেখিলেন সে তাঁহার গৃহেই শয়ন করিল। দুইদিন পরে যখন তিনি তাহার কারণ জিজ্ঞাসা করিলেন সে উত্তর দিল না। বেশী পীড়াপীড়ি করাতে কাঁদিতে লাগিল। শরীর অস্থখ করিয়াছে ভাবিয়া তিনিও আর কিছু বলেন নাই।

কিছু দেখিতে লাগিলেন সে সর্বতোভাবে অসীমের সংস্রব ত্যাগ করিয়া চলিতেছে। অসীম যেদিকে থাকে সে সেদিকেও যায় না। অসীমের জল, পান দাসীর হাতে দিয়া চালান করে। সেদিন তাঁহার কাছেই সে বসিয়াছিল এবং তাঁহার পাকাচুল তুলিয়া দিবার অল্প অমুনয় বিনয় করিতেছিল; সেই সময় দাসী আসিয়া বলিল “দাদাবাবু বললেন তাঁর জামা আছে বাক্সের মধ্যে, সেটা এখনি বার করে দিতে হবে।”

তাঁহার কথা শুনিয়া সেবিকা বনাম করিয়া চাবীটা তাঁহার সামনে ফেলিয়া দিল। বিস্মিতা দাসী বলিল, “কোন চাবী তা আমি কি করে জানবু?”

সেবিকা তাঁহার মধ্য হইতে একটা চাবী আলাদা করিয়া দিল।

দেখিয়া সারদা আর চূপ করিয়া থাকিতে পারিলেন না, তাঁর কণ্ঠে বলিয়া উঠিলেন “তা, না হয় তুমিই গিয়ে দিয়ে এসো না কেন বাপু। কি হয়েছে তোমার, এরকম ভাব হয়েছে কেন?”

সেবিকা মাথা নীচু করিয়া বসিয়া রহিল; সারদা এত বলিলেন সে কিছুতেই উঠিল না। ওদিকে অসীম জামার জুতা খুব গোলমাল করিতেছিল—“না হয় চাবীটাই নিয়ে আয় না ঝি, আমি নিজেই জামা বার ক’রে নিচ্ছি।”

দাসী চাবী লইয়া তাড়াতাড়ি চলিয়া গেল। সারদা রুদ্ধরোধে পর্জন করিতে লাগিলেন। সেবিকা খানিক তাঁহার কাছে মাথা নত করিয়া বসিয়া থাকিয়া আশ্বে আশ্বে বাহির হইয়া গেল।

নির্জন একটা ঘরে সে মনের রুদ্ধ উৎস উন্মুক্ত করিয়া দিয়া সামান্য বালিকার গায় কাঁদিতে লাগিল। হায়! কে জানিবে কেন সে অসীম যেদিকে থাকে সেদিকে যায় না? অসীম যে তাহাকে দেখিলে গম্ভীর হইয়া যায়, তাহার মুখে স্পষ্ট বিরক্তির রেখা ফুটিয়া উঠে।

অসীমকে সে কত ভালবাসে তাহা সে কেমন করিয়া বুঝাইবে? এ সংসারে কেই বা তাহা অনুভব করিবে?

আজ প্রথম সেবিকার মনে হইল সে মরিয়া গেলে বোধ হয় ভাল হইত। অসীম স্বচ্ছন্দে দীপালিকে বিবাহ করিয়া আনিয়া সুখী হইতে পারিত, সংসারের সকলেই সুখী হইত। আজ এই প্রথম মরিবার ইচ্ছা তাঁহার মনে জাগিয়া উঠিল।

তখন সে চমকাইয়া উঠিল,—না না, মরিবে সে কেমন করিয়া? মরিবার পথ যে তাহার বন্ধ। সে স্বচ্ছন্দে সেবার ভার হাতে করিয়া লইয়াছে, মরিলে কে সকলের সেবা করিবে?

বৃদ্ধ স্বপ্নের কথা ভাবিয়া তাহার চোখ ফাটিয়া জ্বল বাহির হইল। প্রকৃত স্নেহ লাভ করিয়াছে সে ইহারই কাছ হইতে, তিনি যে সম্পূর্ণ নির্ভর করিয়া আছেন তাহার উপরে। তাহার সেবা না পাইলে তিনি যে অত্যন্ত কষ্ট অনুভব করিবেন। না, মরিবার কল্পনা করাও তাহার পক্ষে পাপের কাজ হইয়াছে।

সেই মুহূর্ত্তে সরিতের কথা মনে পড়িল। সরিত বলিয়াছে স্বামীকে সুখী করাই রমণী-জীবনে শ্রেষ্ঠ কাজ। সকল সেবার শ্রেষ্ঠ সেবা স্বামী-সেবা।

সে কই, স্বামীকে তো একটা দিনের জন্তও সুখী করিতে পারে নাই। দিনের পর দিন কেবল দুঃখই দিয়া আসিয়াছে। সংসারে স্বামীস্ত্রী রূপে পরিচিত হইয়াও তাহারা যেমন অপরিচিত এমন আর কেহ নাই। দুইজনে এত কাছে বাস করিয়াও কেহ কাহারও নিকট একটু স্নেহের দাবী করিতে পারিতেছে না।

ইহার চেয়ে একেবারে দূরে সরিয়া যাওয়া কি ভাল নহে? হাঁ, সেই সর্বোৎকৃষ্ট উপায়। দীপালির সহিত অসীমের বিবাহ দিতেই হইবে। হয়তো তাহার প্রতি কর্তব্য মনে করিয়াই অসীম দীপালিকে গ্রহণ করিয়া সুখী হইতে পারিতেছে না, মুখ ফুটিয়া কোন কথা কহিতে পারিতেছে না। এ সঙ্কোচ ভাঙ্গিয়া দেওয়া তাহারই কর্তব্য। স্বামী ইহাতে সুখী হইবেন, তাঁহার সুখ দেখিয়া সেও সুখী হইবে নিশ্চয়।

সম্মুখে এই একটা লক্ষ্য স্থির করিয়া সে প্রাণে বড় শৃঙ্খলিত অনুভব করিল। তাহার চোখের জল পড়িতে পড়িতে শুকাইয়া গেল। উর্দ্ধপানে চাহিয়া সে অক্ষুণ্ণ বলিল "দেখো মা, যেন নিজের কর্তব্য পালন করে যেতে পারি, যেন নিজেকে এই আবর্ত্তের মাঝে না ডুবিয়ে কেলি।"

সারদা তাহাকে শুনাইয়া দিবার জন্ত আরও অনেক কথা ঠিক করিতেছিলেন, ঠিক সেই সময়ে তাঁহার খুব জ্বর আসিল। জ্বরের আক্রমণে তিনি

জানিতেও পারেন নাই সেবিকা কোন ঘরে থাকিল।

কয়েকদিন জ্বরের আতিশয্যে তিনি অচেতন-প্রায় পড়িয়া রহিলেন। বৃদ্ধ বয়সে, বিশেষ তাঁহার মত স্ববিরার পক্ষে জ্বর হইলে তাহা কাটাইয়া উঠা বড় কঠিন। ললিতবাবু অনেকদিন পূর্ব হইতেই যে আশঙ্কা করিয়াছিলেন তাহাই হইল। বৃদ্ধার জ্বর শেষে বিকারে পরিণত হইবার মত হইল।

রাত্রিতে একটু জ্ঞান হইলে তিনি চাহিয়া দেখিলেন, মাথার কাছে বসিয়া সেবিকা তাঁহার মাথায় আইসব্যাগ ধরিয়া আছে। চকিতে তাঁহার মনে হইল অসীমের সহিত সেবিকার বিবাদ এখনো মেটে নাই। সেবিকা যে এখনও বসিয়া আছে ইহাতে তিনি একটু রাগের সহিত বলিলেন "ইয়া নাভবউ, রাত এত হয়েছে এখনও যাওনি তুতে? ঝিকে বল আমার কাছে থাকতে, তুমি যাও বলছি।"

সেবিকা নড়িল না।

অত্যন্ত বিরক্ত ভাবে তিনি বলিলেন "আমার কথা বুঝি কাণে ওঠে না তোমার? তুমি যাবে কিনা বল দেখি?"

সেবিকা নিজের মনে কাজই করিয়া যাইতে লাগিল।

অসহিষ্ণু ভাবে সারদা তাহার হাত হইতে আইসব্যাগটা ছিনাইয়া লইয়া দূরে নিক্ষেপ করিলেন, তীব্র কণ্ঠে বলিলেন "ভগবান কবে যে আমার মরণ দেবেন আমি তাই ভাবি। পোড়া যম সুবাইকে নেয়, আমায় কেন নেয় না?"

ঝি কাছে দাঁড়াইয়া ছিল, ব্যাপার দেখিয়া সে অসীমকে সংবাদ দিতে ছুটিল।

অসীম আসিতেই সেবিকা সরিয়া দাঁড়াইল।

অসীম তাহার পানে লক্ষ্য না করিয়া সারদার পানে চাহিয়া ঐংস্কোর সহিত বলিল "কি হয়েছে ঠাকুর মা? হটাৎ আইসব্যাগটা অমন করে টেনে ফেলে দিলে কেন?"

সারদা ফিরিয়া শুইয়া একটা দম লইয়া বলিলেন “আমার আর ভালো লাগে না বাপু । এবার তো মরবই । যাবার আগে যদি তোরা এমনি করিস, মরার পরেও যে শান্তি পাব না আমি ।”

অসীম তীব্র ভাবে পত্নীর পানে চাহিল, তাহার পর বলিল, “কিছু হয়নি তো ঠাকুরমা । যদি কিছু মনে ভেবে থাক, সব মিছে । তোমার অস্থখ বলেই আমি ওকে তোমার সেবা করতে এখানে রেখেছি । রোগের সময় যে যা বলবে তাই শুনতে হবে । তোমাকে কিছু ভাবতে হবে না, দেখতে হবে না, আমরা যা করি তাই দেখে যাও শুধু ।”

সারদা চুপ করিয়া রহিলেন । অসীম বাহিরে যাইবার সময় স্ত্রীর পানে লক্ষ্য করিয়া বলিল “বাইরে এসো, একটা কথা শোনো ।”

বাহিরের বারাণ্ডায় একটা আলো জ্বলিতেছিল । সেবিকা বাহিরে আসিয়া দেখিল অসীম আলোর কাছে তাহার প্রতীফায় দাঁড়াইয়া আছে । স্ত্রীকে দেখিয়া ফিরিয়া বলিল “এ সব কথা ঠাকুরমার কাছে বলা হয়েছে কেন ?”

সেবিকা সকল আঘাত সহ করিবার জন্ত প্রস্তুত হইয়াছিল । সে শাস্তভাবে বলিল “আমি কিছু বলি নি ।”

তীব্রকণ্ঠে অসীম বলিয়া উঠিল “না, তুমি বল নি আমি বলেছি, কেমন ? সব কথা না জানতে গেলে হয় না ? তফাতে রয়েছ ভালই, আবার এ সব গোল বাধাবার মানে কি ?”

সেবিকা এবারও চুপ করিয়া গেল, একটা উত্তরও করিল না ।

অসীম অত্যন্ত বিরক্ত হইয়া বলিল “যার লজ্জা নেই তাকে কেউ কি লজ্জা করিয়ে দিতে পারে ? নিজের মুখ দেখাতে যদি লজ্জা না হয়, স্বচ্ছন্দে তুমি সকলের সঙ্গে বসে বেড়াও গে, কোনও আপত্তি নেই তাতে । তোমার মত মেয়েরা কিছুতেই যে লজ্জা বোধ করবে না, তা আমি বেশ জানি ।”

সে চলিয়া গেল । সেবিকা সেখানে খানিক

দাঁড়াইয়া রহিল । স্বামীর কথার অর্থ সে কিছুতেই বুঝিতে পারিল না ।

ধীরে ধীরে সে আবার গৃহে ফিরিল । দাসী তাহার পানে চাহিয়া বলিল “আপনি আবার এলেন যে বউ মা ”

“আমার ইচ্ছে । তুই যা ঘুমাতে” বলিয়া সে পাখাখানা তার হাত হইতে কাড়িয়া লইয়া সারদার কাছে বসিল ।

দাসী খানিক ইঁা করিয়া চাহিয়া থাকিয়া বলিল “আপনি আজ ক’রাতই তো জেগে কাটাচ্ছেন ; আমি একদিন থাকলে—”

বাধা দিয়া সেবিকা বলিল “তোকে বেশী ব’কতে বারণ করছি ঝি । এখনি ঠাকুরমার ঘুম ভেঙে যাবে এ ঘরে বেশী কথাবার্তা বললে । দরকাটা ভেজিয়ে দিয়ে চলে যা ।”

দাসী আর কথা কহিতে সাহস করিল না । দরজা ভেজাইয়া দিয়া সে চলিয়া গেল ।

( ৬ )

সারদার অবস্থা যেদিন খারাপ হইয়া গেল, সেদিন হেমলতা বারাণ্ডায় পা ছড়াইয়া বসিয়া বেশী করিয়া দোকান দিয়া পান চিবাইতে চিবাইতে বলিলেন “এ আমি আগেই জানি । এদানী মা যেমন খিটখিটে হয়েছিলেন তাতে সবাই জানতে পেরেছে । যাক, এখন সবগুলিকে বর্তমান রেখে আস্তে আস্তে সরে যান, গঙ্গায় হাড়খানা পড়ুক ।”

তাঁহার কথা শুলো খুব ভাল হইলেও অসীমের গায়ে কশাঘাতের মত লাগিল । তথাপি সে একটা কথাও কহিল না । ললিতবাবু গৃহ মধ্যে ছিলেন, বাহির হইয়া একটু রাগের ভরে বলিলেন “কথা শুলো এখনকার সময়ের মত একটুও নয় । বুঝতুম, যদি ছুই একটা সেবার কাজ করেও বলতে ।”

বন্ধার দিয়া হেমলতা বলিয়া উঠিলেন “কি সেবার কাজ করতে যাব আমি ? ও ছুঁড়ির যেমন ধেয়ে দেয়ে কাজ নেই তাই ওই রোগীর মেথরের

কাজ পর্যাপ্ত করছে। আমায় কি তাই করতে বল তুমি ?”

ললিতবাবু গভীর মুখে বলিলেন “দরকার হলে সবই করতে হয়। মেথরের কাজও করতে হয়, আবার ব্রাহ্মণ হয়েও চলতে হয়। সময় যখন যেমন আসবে তেমনি ভাবে তার ব্যবহার করবে, এই হচ্ছে মূল কথা।”

রাগ করিয়া হেমলতা উঠিয়া গেলেন। সেবিকা তখন নিম্নিতা সারদার মাথার কাছে বসিয়া বাতাস করিতেছিল, ঝড়ের মত সেই ঘরে প্রবেশ করিয়া হেমলতা বলিয়া উঠিলেন “উঠে যাও তুমি, আমি দেখব এবার থেকে সব। দেখি পারি কিনা! সবাই আমায় এত হেনস্থা করবে কেন? আমি কি কিছু পারি নে? করবার লোক আছে বলেই করি নে; যদি তুমি না থাকতে, আমারই কি করতে হ’তো না সব? এর জন্যে এত কথা কেন?”

কথায় কথায় অভিমানিনী হেমলতার চোখে জল আসিত। তিনি চোখ মুছিতে লাগিলেন। সেবিকা অবাক হইয়া গেল; বলিল “কে কি বলেছে তোমায় মা? আমরা কেউ ত কোনও কথা তোমাকে বলি নি।”

দীপ্তভাবে হেমলতা বলিলেন “থাক্ গো থাক্, আর গোড়া কেটে আগায় জল ঢালতে হবে না। সব এক কাটা আমি কি আর বুঝি নে? যাও বাছা উঠে যাও, আমি কাজ করতে পারি কিনা দেখ।”

সেবিকা হেমলতাকে বিলক্ষণ ভয় করিত। তাঁহার কথা শুনিয়া আশ্বে আশ্বে সে উঠিয়া দাঁড়াইল। সে জানিত হেমলতা যাহা বলিবেন তাহা আর ছাড়িবেন না। তাঁহার জেদ বড় বেশী ছিল, তথাপি সে দীনভাবে আর একবার বলিল “কেন মা আপনি আবার এলেন? আমি তো রয়েছি, তবে—”

সহিষ্ণু ভাবে হেমলতা বলিয়া উঠিলেন “ইয়েছে ইয়েছে, ঢের ইয়েছে। মাপ কর বাছা, তোমার হাতে ধরছি যাও তুমি।”

সেবিকা বাহির হইয়া আসিল।

আহারের সময় উত্তীর্ণ হইয়া গেল, হেমলতা উঠিলেন না, স্বামীর উপর রাগ করিয়া জোরে বাতাস করিতে লাগিলেন। দাসী আসিয়া ভয়ে ভয়ে বলিল “খাবেন চলুন মা, বামুন ঠাকরুণ ভাত বেড়ে বসে আছেন।”

হেমলতা হাতের পাখাখানা উচাইয়া বলিলেন, “বেরো হারামজাদি। ভাত তুলতে ব’ল্গে যা, আমি খাব না।”

ভয়ে সে পলাইল। সেবিকার কাছে গিয়া সে এ কথা জানাইল। সেবিকা সত্যে হেমলতার কাছে আসিয়া দাঁড়াইল। হেমলতা তাহার পানে একবারও চাহিলেন না।

সেবিকা একবার ডাকিল “মা।”

হেমলতা উত্তর দিলেন না।

সেবিকা আবার ডাকিল “মা উঠুন, খাবেন চলুন ভাত শুকিয়ে গেল যে।”

হেমলতা উত্তর দিলেন না। সেবিকা এত সাধ্য সাধনা করিল, কিন্তু হেমলতা নিকন্তর।

বেগতিক দেখিয়া সে ললিতবাবুকে সংবাদ দিল।

সেদিন রবিবার। স্ত্রীর কর্তব্যনিষ্ঠায় খুব বেশী রকম প্রীত হইয়া তিনি অমৃতবাজার পত্রিকাখানা গভীর মনোযোগের সহিত পড়িতেছিলেন, অতিরিক্ত মনোযোগ দেওয়ার জন্য চোখে চশমা দিয়াই ঘুমাইয়া পড়িয়াছেন।

সেবিকা তাঁহাকে ডাকিয়া কোনও তুমিকানা করিয়াই বলিল “বাবা, মা আজ কিছুতেই সেখান হতে উঠছেন না। খাবেনও না, কথাও বলবেন না; আপনি “একটু বলে দেখুন না—আমি তো হার মেনে গেছি।”

ললিতবাবু একটু নীরব থাকিয়া বলিলেন “ওকে যেতেই বা কে সেধেছিল যে তাতো বুঝতে পারি নে। এমন চূড়ান্ত প্রকৃতির স্ত্রীলোক বোধ হয় দ্বিতীয়টা দেখা যায় না। কি করব, যখন বিয়ে

করেছি তখন কর্তব্য পালন করেই যেতে হবে ।  
কি ভুলই করেছি, তখন যদি এ দয়াটুকু না করতে  
যেতুম ।”

কথাগুলি তিনি নিজে নিজেই বলিতেছিলেন ও  
উঠিয়া কাপড়খানা ভাল করিয়া পরিতেছিলেন ।  
সেবিকা তাঁহাকে উঠিতে দেখিয়া চলিয়া গেল ।

হেমলতা ঠিক জানিতেন এইবার স্বামী তাঁহাকে  
খোসামোদ করিতে আসিবেন । বাস্তবিকই যখন  
ললিতবাবুকে বারাণ্ডায় উঠিতে দেখা গেল তখন  
তিনি গভীর মনোযোগের সহিত বাতাস করিতে  
লাগিলেন ।

ললিতবাবু গৃহমধ্যে প্রবেশ করিয়া একবার  
মার গায়ে হাত দিলেন, হাত খানা একবার পরীক্ষা  
করিলেন, তাহার পর স্ত্রীর পানে ফিরিয়া বলিলেন  
“অসীম ডাক্তার ডাক্তারে গেছে, না ?”

হেমলতা উত্তর দিলেন না ।

ললিতবাবু খেন সেদিকে নজর না করিয়া  
চিন্তাপূর্ণ মুখে বলিলেন “আচ্ছা, সে তো গেছে  
অনেকক্ষণ, বোধ হয় ঘণ্টাখানেক হবে । এখনও  
ফিরে এলো না, মানে কি ?”

এবারও হেমলতার মুখে কথা নাই ।

ললিতবাবু তাঁহার মুখপানে চাহিয়া বলিলেন  
“আচ্ছা তোমারই বা ব্যাপারখানা কি ? আমি কি  
তোমায় বলেছি যে রোগীর কাছে এসে তুমি বসে  
থাক ? আমি কি জানি নে যে রোগীর সেবা তুমি  
ক'তে পার না ? সেই জন্তেই তোমায় ঠাট্টা করে  
একটা কথা বললুম্ । এতে তোমার এতটা রাগ করা  
কি বড় অজ্ঞায় কাজ হয় নি হেম ?”

হেমলতা আরও জোরে বাতাস করিতে  
লাগিলেন, স্বামীর কথার উত্তর দেওয়া যে  
প্রয়োজনীয় তাহা মনে করিলেন না ।

ললিতবাবু মনে মনে বিরক্ত হইলেও পত্নীকে ভয়  
করিতেন । ক্রোধ ও গাঙ্গীর্ধ্য ভরা সেই মুখখানার  
পানে চাহিয়া তাঁহার ভয় হইতেছিল ; তিনি অনেক  
খোসামোদ করিলেন, হেমলতা তথাপি নীরব ।

ললিতবাবু হার মানিয়া হাত জোড় করিয়া  
বলিলেন “দেখ, হাত জোড় করছি তোমার পক্ষের  
কাছে । এমন কিছু মন্দ কথা বলিনি যে এতটা  
রাগ করতে পারি । এই নাক কাণ মলছি,” আর  
কখনও যদি তোমায় একটা কথা বলি । আজকের  
‘মত দয়া করে ওঠো, দুটি খেয়ে এসে বসে থাকো  
দিন রাত, তাতে আমার কোনও আপত্তি নেই ;  
বউমাকে না আসতে দাও, সে আসবে না ।  
তোমার উপরেই আমি সব ভার দিচ্ছি আজ হতে ।”

আবার বউমার নাম শুনিয়া হেমলতা জ্বলিয়া  
উঠিলেন । ললিতবাবু সে দিকে লক্ষ্য না করিয়া  
বলিলেন “বউমা সেবার কাজটা ভাল পারে আর  
সব জানে শোনে বলেই তার হাতে ভার দিয়েছিলুম ।  
সে সেবা করতে ভালও বাসে তেমনি । যদিও  
আমি জানছি এ সেবার কাজ হতে বঞ্চিত করে  
তাকে এক রকম দণ্ডিত করা হ'ল, তবু তোমার  
জন্তে বাধ্য হয়ে তাও আমাকে করতে হবে ।”

এবার হেমলতা আর সহিতে পারিলেন না,  
বলিয়া উঠিলেন “বটে ?” রাগে তাঁহার মুখ দিয়া  
আর কথা বাহির হইল না । বউমার প্রতি এত  
টান তাঁহার অসহ !

আশ্চর্য্য ভাবে পত্নীর পানে চাহিয়া ললিতবাবু  
বলিলেন “কি তুমি বলতে চাও আমি কিছু বুঝতে  
পারছি নে । যদি তোমার মনের ইচ্ছে স্পষ্ট করে  
বলই না কেন ?”

হেমলতা গর্জন করিয়া বলিলেন “থাক, আর  
বলার দরকার দেখছি নে । স্পষ্ট বলে ফেললেই  
হতো যে আমার হাতে রোগী দিয়ে তোমার বিশ্বাস  
হয় না, পাছে আমি বিষ খাইয়ে মেরে ফেলি ! রইল  
তোমার রোগী, তোমার বউমাকে ডেকে বসাও  
এখানে, আমি চললুম ।”

পাখাখানা ছুড়িয়া ফেলিয়া তিনি ছুপ্পাপ  
করিয়া চলিয়া গেলেন । এক কথা বলিতে আর  
এক কথার উত্তর হইল দেখিয়া ললিতবাবু হা করিয়া  
চাহিয়া রহিলেন ।



হেমলতার স্বভাবটাই এই রকম। কাহারও কথা তিনি সহ্য করিতে পারিতেন না। জেদটা তাঁহার খুব বেশী রকমের ছিল। তিনি চান সকলেই তাঁহার নিকট করুণাপ্রার্থী হইবে, তিনি যাহা বলিবেন সকলে তাহা শুনিয়া যাইবে। শুধু এই জন্ত সারদার সহিত তাঁহার একদিনও মিলন হয় নাই। ললিতবাবু সেবিকার পক্ষ হইয়া স্ত্রীর সহিত যুদ্ধ করিতেন বলিয়া হেমলতা সেবিকাকে মোটেই দেখিতে পারিতেন না। অসীমের উপর তিনি প্রসন্ন ছিলেন, তাহার কারণ অসীমও সেবিকাকে দেখিতে পারিত না। মুখে কোনও দিন তাহা সে প্রকাশ না করিলেও তীক্ষ্ণবুদ্ধি হেমলতা তাহার চালচলন দেখিয়া বুঝিয়াছিলেন, তিনি অসীমকে যাহা বলিতেন সে তাহাই বিশ্বাস করিত। অসীম সতীনকাটা হইয়াও শুধু এই গুণে তাঁহার আপনার হইয়াছিল।

বেলা প্রায় তিনটার সময়ে অসীম বাড়ীতে ফিরিল। সেবিকার কাছে ঔষধ দিয়া তাহা খাওয়াইবার নিয়ম বলিয়া দিয়া সে ফিরিতেছিল সেই সময় কক্ষ হইতে হেমলতা তাহাকে ডাকিলেন।

অসীম হেমলতার শুষ্ক মুখ ও জলভরা চোখ দুটি দেখিয়া বিস্মিত হইয়া বলিল “আজ আবার কি হয়েছে নতুন মা ?”

হেমলতা চোখ মুছিতে মুছিতে বলিলেন “আমি আজ তোমায় একটা কথা বলতে ডেকেছি বাবা : আমি আর এ সংসারে থাকব না। জানোই তো আমার বাবা আমায় অনেক টাকা দিয়ে গেছেন মরবার সময়। সে সব টাকা ওর কাছ হতে আদায় করিয়ে দাও আমাকে, আর একটা বাসা ভাড়া করে দাও, আমি আলাদা হয়ে সেখানে থাকব। তুমি মাঝে মাঝে গিয়ে আমায় দেখে এসো। আমার কেউ নেই বলে সবাই আমায় হেনস্থা করবে? কেন, আমার কি কোন উপায় নেই? লক্ষ্মী বাবা আমার, এই কাঁজটা তোমায় আজ করে দিতেই হবে। কাল আবার তোমার কাছারি আছে, কাল হবে না।

আজ বাসা ঠিক করে কাল সকালেই আমি আমার ঝিকে নিয়ে চলে যাব সেখানে। এখানে থাকতে আমি জল গ্রহণও করব না।”

ব্যাপার যে আজ কিছু গুরুতর তাহা অসীম বুঝিল। সে বলিল “ব্যাপার কি আগে আমায় বল। এত বড় সহরে একটা বাসা পাওয়া কিছু কঠিন কাজ হবে না। আমি এখনই গিয়ে সব ঠিক করে দিচ্ছি।”

হেমলতা রুদ্ধকণ্ঠে বলিলেন “বউমার পক্ষ হয়ে রোজ যে উনি আমার সঙ্গে ঝগড়া করতে আসবেন তা আমি কোনও ক্রমে সহ্য করতে পারব না। উনি আশ্বারা দিয়ে দিয়েই তো বউকে মাথায় তুলছেন। কোন দিন আবার বউয়ের মুখে কি অপমানের কথা শুনতে পাব ঠিক কি? আগে হতে সরে যাওয়াই ভালো তার চেয়ে।”

অসীম ঠিক ধারণা করিয়া লইল দোষটা সেবিকারই। সে নিজে তাহার দোষ দেখিতে পার বলিয়া তাহাকে কিছুতেই বিশ্বাস করিতে পারে না। পিতা যে সেবিকার পক্ষ হইয়া বিবাদ করিতে আসেন ইহা অত্যন্ত অগ্ৰায়। সে ভাবিল, ভাল মানুষ পিতা সেবিকাকে আজও চিনিতে পারেন নাই। সে যে কত বড় সয়তানী তাহা না জানিতে পারিয়া তিনি তাহাকে ভালবাসেন। পিতার চক্ষু ফুটাইয়া দেওয়া দরকার।

উপস্থিত হেমলতাকে প্রবোধ দিয়া বলিল “নতুন মা, আমি তোমার ভালর জন্মেই হই, এখন এ গোলমালটা কোর না। ঠাকুরমার অবস্থা ভাবি খারাপ, এখন বাড়ী ছেড়ে গেলে এত নিন্দে হবে তোমার তা আর বলতে পারি নে। সঙ্গে সঙ্গে লোকে আমাকেও নিন্দে করবে, কেন না আমি তোমার বাসা ঠিক করে দেব। বাবারও মনটা খারাপ রয়েছে, কেমন করে তাঁকে এখন টাকার কথা বলি? আমার মতে ছুটার দিন বাদে যা হোক তোমার বন্দোবস্ত একটা ঠিক করে দেবই।”

হেমলতা ভাবিয়া দেখিলেন কথাটা যথার্থ।

তিনি এত জেদি হইলেও লোকনিন্দার ভয় তাঁহারও ছিল। বলিলেন, “তবে তাই ভাল।”

অসীম বলিল, “শুধু শুধু উপোস করে থেকে কষ্ট পাচ্ছ কেন নতুন মা? তুমি নই খেলে কার কি ভেবে দেধ দেখি। সকলেই বেশ খেয়েছে, কষ্ট পাচ্ছ কেবল তুমিই। যাও খেয়ে নাও গে। অমন করে আত্মাকে কষ্ট দিতে নেই।”

হেমলতা ভাবিয়া দেখিলেন ঠিকই ত; যাহাদের উপর তাঁহার রাগ, তাহারা দিব্য খাইয়াছে; না খাইয়া কষ্ট পাইতেছেন কেবল তিনিই। অসীমের পানে চাহিয়া বলিলেন “তুমি বলে যাও বামুন-ঠাকুরপকে এ ঘরে আমার ভাত দিয়ে খেতে।”

আসল কথা তিনি একবার তাহাকে তাড়াইয়া দিয়া আবার নিজে ডাকিতে লক্ষ্য বোধ করিতে-ছিলেন। অসীম তাহা বুঝিল এবং খাইবার সময় বামুনঠাকুরাণীকে আদেশ দিয়া গেল।

সেবিকার উপর সে ভারি বিরক্ত হইয়া উঠিয়াছিল এবং ইহার প্রতিবিধানের জন্ত ব্যস্ত হইয়াছিল। উপস্থিত ঠাকুরমায়ের ব্যারাম বলিয়া কিছুই সে করিতে পারিল না।

পরদিন সকালবেলা বৃদ্ধা সারদা ইহসংসার হইতে সরিয়া গিয়া সকলের পথ সরল করিয়া দিলেন।

(ক্রমশঃ)

## নারী-সৌন্দর্য্য

শ্রীযতিপ্রসাদ বন্দ্যোপাধ্যায় কাব্য-সাংখ্যাতীর্থ বি, এ ।

ভগবান গীতায় বলেছেন—“শ্রী বাক্চ নারীনাম্” অর্থাৎ নারীদিগের “শ্রী ও বাক্যের মধ্যে আমি বিরাজমান।

বাস্তবিক কথা এই, নারীর শ্রী ও বাক্যের মধ্যে যে সৌন্দর্য্য, তাকে প্রকাশ করতে পারে এমন শক্তি পুরুষের নেই। গলা যতই সাধ আর শরীরটাকে যতই ঘস, আর মাজ নারীর স্বাভাবিক সৌন্দর্য্য পুরুষের কৃত্রিম সৌন্দর্য্য অপেক্ষা বেশী হবেই।

শ্রী বা সৌন্দর্য্যের সঙ্গে রূপের সহযোগ আছে বটে কিন্তু রূপই যে সৌন্দর্য্য তা কেউ যেন না মনে করেন; তবে রূপ সৌন্দর্য্যের সহায়ক ও পরিপোষক একথা সকলেই স্বীকার করেন। আবার এ কথা ঠিক যে রূপ না থাকলেও সৌন্দর্য্য থাকতে পারে।

গীতায় ভগবান দান-ধ্যান, আহার-বিহার প্রায় সব বিষয়কে তিনভাগে ভাগ করে দিয়েছেন, সাত্ত্বিক, রাস্ত্বিক ও তামসিক এই তিনের মাপ-কাটাতে। তবে তিনি সৌন্দর্য্যকে তিনভাগে ভাগ

করবার অবসর পাননি। খুব সম্ভব সেই সময় কৃষ্ণার্জুনের দিকে শত্রুপক্ষ হ’তে বাণবৃষ্টি হ’তে থাকে আর ভগবান বাধ্য হ’য়ে তাড়াতাড়ি ক’রে তাঁর বক্তব্য সমাপ্ত ক’রে ফেলেন। অবশ্য এটা আমার অনুমান মাত্র আর আমি এই অনুমান ক’ছি আত্মরক্ষার জন্ত।

যাক্ সে কথা। সৌন্দর্য্য কয় প্রকার? না, তিন প্রকার—সাত্ত্বিক সৌন্দর্য্য, রাস্ত্বিক সৌন্দর্য্য ও তামসিক সৌন্দর্য্য। নারীর মধ্যে যে যে সময় সাত্ত্বিক সৌন্দর্য্যের প্রকাশ পায় তাঁর মোটামুটি দুই একটা উদাহরণ দেওয়া যাক্।

জ্ঞান করবার পর এলোচুলে কসী কাপড় প’রে থাকলে নারীর মধ্যে এই সাত্ত্বিক সৌন্দর্য্য স্ফুটতর রূপে দেখা দেয়। আবার এই সৌন্দর্য্য আরো বৃদ্ধি পায় কাপড় খানা যদি হয় গরদের, আর এই গরদের কাপড় প’রে সে যদি ঠাকুরঘরে পঞ্চপাত্রী পুষ্পপাত্রী প্রভৃতি নিয়ে ব্যস্ত থাকে।

অবশ্য সাস্থিক কাজ নিয়ে ব্যস্ত থাকলে এই ভাবটা আপনি ফুটে উঠেই : এই সৌন্দর্যের আর একটা রুঢ় মধুর অবস্থা লক্ষ্য করেছি—মা যখন তার প্রথম বৃকের ধনকে বৃকে চেপে রেখে, বাহুজ্ঞান হারিয়ে তার সঙ্গে কথা কইতে থাকেন তখন যে পবিত্র মধুর সৌন্দর্যের বিকাশ হয় তা বৃকি অপর কোন অবস্থাতেই প্রকাশ পায় না। ছেলে বিছনায় শুয়ে আনন্দে মেতে আছে, মা একটু অবসর পেলেই রান্নাঘর হ'তে ছুটে এসে, ছেলের শরীরের উপর ঝুঁকে প'ড়ে নিজের মুখ ছেলের মুখে রেখে, তাকে বৃকে জড়িয়ে ধরছেন ছেলেও একহাতে মায়ের চুলের ঝুঁটি ধ'রে, আর এক হাত দিয়ে মাকড়ীটা টানতে টানতে আধ-আধ স্বরে বলচে “মা! মা! মা!” মা সেইরূপ ভাবে থেকেই বলছেন, “কি! কি! কি!” এমন সময় ডাক পড়ল, “বৌ, একবার রান্নাঘরে শীগির এস ত।” মা অমনি এক সেকেণ্ডে ছেলেটাকে ছশবার চুমু খেয়ে, সজোরে একবারে ছুটে পালিয়ে গেলেন। মাতৃদেহের প্রথম অভিব্যক্তির এই সৌন্দর্য যার নয়নকে তৃপ্তি দিতে পারেনি তার নয়নের সার্থকতা আছে বলে আমাদের মনে হয় না।

সাস্থিক সৌন্দর্যের আর একটা অবস্থা আছে যেটাকে বোঝাতে হ'লে দু'একটা অবাস্তব কথা পাড়তে হবে। একখানা ইংরেজী বইএ পড়েছিলাম প্রাচ্য ও পাশ্চাত্য-মহিলার মধ্যে সর্বপ্রধান পার্থক্য এই যে প্রাচ্য-মহিলার পুরুষের সঙ্গে কথা কইবার সময় তার মধ্যে sex consciousness পুরা মাত্রায় বজায় থাকে আর পাশ্চাত্য-মহিলার মধ্যে এভাবে আদৌ থাকে না। অর্থাৎ প্রাচ্য-মহিলা কথা কহিতে কহিতে সর্বদাই ভাবে, “আমি মেয়ে মানুষ, এবং কথা কইছি একজন পুরুষের সঙ্গে।” তখন এই ভাবটা তার মুখে বেশ ফুটে ওঠে। ইংরাজ-লেখক বলেছেন, “ভূমধ্যসাগরের এপার হতে জাপান পর্যন্ত সর্বত্রই মেয়েদের এই অবস্থা অর্থাৎ অবনতমুখী হয়ে তারা কথা কয়। সমগ্র প্রাচ্য

ভূখণ্ডের মেয়েদের অবস্থা আমি জানি না কিন্তু বাঙ্গালীর মেয়ে যে সত্যি সত্যি sex-consciousnessএ ভরপুর থাকে একথা খুবই সত্য এবং আমার চক্ষে এই অবস্থাটাও সাস্থিক সৌন্দর্যের প্রকাশক।

সাস্থিক সৌন্দর্যের আরও অনেক লক্ষণ আছে তন্মধ্যে—একটা যৌবনের প্রারম্ভে মেয়েদের মুখে অকারণে হাসি ফুটে ওঠা। অলঙ্কার শাস্ত্রে আছে, “হসিতাং তু বৃথাহাসঃ যৌবনোন্তেদসম্ভবঃ”; মেয়েদের চৌষট্ঠীরকম হাব-ভাবের মধ্যে “হসিত” বলে একটা হাব-ভাব আছে, যেটা হচ্ছে “বৃথাহাস”। আমাদের বাঙলা-সমাজে ঘরে ঘরে যে ছোট-ছোট বোনগুলি আছে তারা স্বখে দুঃখে সব অবস্থাতেই এই হাসি নিয়ে সংসার আলো করে রেখেছে। এদের এই ‘বৃথাহাস’ না থাকলে সংসার নিঃশক্তি হয়ে উঠতো, বিজন অরণ্যে পরিণত হ'ত।

এই গেল সাস্থিক সৌন্দর্যের কথা। এবার রাজসিক সৌন্দর্যের কথা বলি। রাজসিক সৌন্দর্য, নারীর মধ্যে বেশীক্ষণ স্থায়ী হতে পারে না, ফুটে উঠেই আবার মিলিয়ে যায়, চপলার মত দেখা দিয়েই অদৃশ্য হয়ে যায়। কাজেই দর্শকও এ সৌন্দর্য বেশীক্ষণ উপলব্ধি কর্তে পারে না। মুক্ত কেশরাশিতে সাস্থিক সৌন্দর্য থাকে কিন্তু সেই কেশে চিকণী উঠলেই তাহা রাজসিক হয়ে দাঁড়ায়। বেশভূষা অলঙ্কারে রাজসিক সৌন্দর্যই প্রকাশ পায় কারণ এই সৌন্দর্য দর্শকের চিত্তে বেশীক্ষণ স্থায়ী হয় না। নারীর চোখের জলটাও রাজসিক সৌন্দর্যের লক্ষণ, তা সে দুঃখ শোক থেকেই হোক আর আনন্দের আতিশয্যেই হোক। দেবর বা ভগ্নীপতিকে নিয়ে আলাপ করবার সময়, স্বামীর সঙ্গে দাম্পত্য-কলহ করবার সময়, নারীর মধ্যে যে সৌন্দর্য ফুটে ওঠে সে সবই হচ্ছে রাজসিক কারণ তার মধ্যে আকর্ষণ থাকলেও সে ক্ষণস্থায়ী, অল্প সময়ের মধ্যেই সে দৃশ্য দর্শকের মন হতে বিলীন হয়ে যায়।

এরপর রইল তামসিক সৌন্দর্য। এই সৌন্দর্যের

দুই একটা লক্ষণ পূর্বে বলেছি বাকীগুলো পাঠকের বাঙলার মাসিক ও সাপ্তাহিকের কৃপায় এই বুদ্ধি ও কল্পনাশক্তির উপরই চাপান রহিল। এই সৌন্দর্য্য এতদিন লোকে লুকিয়ে রাখতো, সমাজ-চক্রর গোচরে আনতে দিত না কিন্তু আজকাল' বাঙলার মাসিক ও সাপ্তাহিকের কৃপায় এই সৌন্দর্য্য চারিদিকেই ছড়িয়ে পড়ছে, যাদের ইচ্ছে যায় কলিকাতার কয়েকখানি মাসিক সাপ্তাহিকের পাতা ওলটালেই এই সৌন্দর্য্য দেখতে পাবেন।

## আসামদেশীয় মহিলাদিগের সামাজিক প্রথা

আসাম পর্য্যটক—শ্রীবিজয়ভূষণ ঘোষ-চৌধুরী।

(৩)

ব্রত—গ্রাম্য ভাষায় ইহাকে "বর্জ" বলা হয়। ইহার অর্থ—স্বর্গস্থ বা ধনাদি কামনায় নিয়মিত পুণ্যকর্মের অমুষ্ঠান। বঙ্গীয় উচ্চ-শ্রেণীর হিন্দু রমণীগণ অনন্ত চতুর্দশী ব্রত, দুর্কাষ্টমী ব্রত, অক্ষয় তৃতীয়া ব্রত, সাবিত্রী ব্রত, কাত্যায়নী ব্রত, শিবরাত্রি ব্রত, একাদশী ব্রত প্রভৃতি পালন করিয়া থাকেন। ভাদ্র মাসের শুক্লাচতুর্দশী তিথিতে অনন্ত ব্রত, শুক্লাষ্টমী তিথিতে দুর্কাষ্টমী ব্রত, চান্দ্র বৈশাখ মাসের শুক্লা তিথিতে অক্ষয় তৃতীয়া ব্রত, জ্যৈষ্ঠমাসের কৃষ্ণচতুর্দশীতে সাবিত্রী ব্রত, কাঠিক মাসের শুক্লাষ্টমীতে কাত্যায়নী ব্রত, ফাল্গুন মাসের কৃষ্ণ চতুর্দশী তিথিতে শিবরাত্রি ব্রত অমুষ্ঠিত হইয়া থাকে। দুর্কা ঘাস দ্বারা দুর্কাষ্টমী ব্রত উদ্‌যাপন হইয়া থাকে। ইহার সম্যক বিবরণ ভবিষ্য পুরাণে বিবৃত আছে। কথিত থাকে অক্ষয় তৃতীয়ার দিন সত্য যুগের উৎপত্তি হইয়াছিল। কাত্যায়নী ব্রত-মুষ্ঠানের উদ্দেশ্য—শ্রীকৃষ্ণের গ্রাম পতি লাভ করা। কাত্যায়নী শব্দের অর্থ "দুর্গা"। মহর্ষি কাত্যায়নই সর্বাগ্রে ইহার পূজা করেন। একাদশী বিবিধ—শুক্লা ও কৃষ্ণ। যে সময় সূর্যের দৃষ্টি হইতে চক্রেয় একাদশ কলা (Phase) বহির্গত হইয়া যায় সেই সময় "শুক্লা একাদশী" এবং যে সময় চক্রেয় একাদশ কলা সূর্যের দৃষ্টিপথে প্রবেশ করে, সেই সময় "কৃষ্ণ একাদশী" হয়।

অসমীয়া ব্রাহ্মণ, খাতি কায়স্থ ও কামরূপ ও গোয়ালপাড়া অঞ্চলের দৈবজ্ঞ (গণক) জাতির বিধবারা "অম্বুবাচী ব্রত" পালন করিয়া থাকেন। এই ব্রত বাঙলাদেশে কেবল ব্রাহ্মণ, কায়স্থ ও বৈষ্ণব জাতির বিধবাদিগের মধ্যে প্রচলিত দেখিতে পাওয়া যায়, আসামের ব্রাহ্মপুত্র উপত্যকায় পূর্বে বৈষ্ণব জাতির বাস ছিল না। ইদানীং কামোপলক্ষে জনকয়েক বৈষ্ণব সেখানে গিয়া বসবাস করিতেছেন। আসামে ব্রাহ্মণ, কায়স্থ, ব্যতীত অন্ত জাতির মধ্যে প্রকৃতপক্ষে অম্বুবাচী ব্রত পালন নাই। সেখানে এই দুই শ্রেণীর অতি অল্পসংখ্যক বিধবাই "একাদশী ব্রত" করিয়া থাকেন এ সম্বন্ধে দৈবজ্ঞ জাতির বিধবাদিগের কথা তেমন উল্লেখযোগ্য নহে। কাছাড়ের হাইধাকান্দি অঞ্চলের উচ্চ শ্রেণীর হিন্দু-বিধবা মাত্রেই একাদশীর উপবাস করিয়া থাকেন। পশ্চিম-বঙ্গীয় উচ্চ-শ্রেণীর সধবা ও বিধবা মহিলারা এবং ব্রাহ্মণ ও কায়স্থ-পল্লীর সন্নিকটবর্তী কোন কোন সম্ভ্রান্ত ঘরের কৈবর্ত বা তথাকথিত মাহিষ্ঠ-মহিলারা স্বেচ্ছায় কোন মাসে একটা, কোন মাসে দুইটা বা তিনটা—এইরূপে বৎসরে অনেকগুলি ব্রত উদ্‌যাপন করিয়া থাকেন। কিন্তু অসমীয়া উচ্চ-শ্রেণীর হিন্দু মহিলারা অম্বুবাচী ও একাদশী ভিন্ন আর কোন ব্রত পালন করেন না।

আমিষ ভক্ষণ—ব্রাহ্মণ ও গণক জাতির বিধবারা এবং ধুবড়ী ও গোয়ালপাড়া অঞ্চলের



কায়স্থ বিধবারা আদৌ আমিষ ভক্ষণ করেন না । কামরূপ অঞ্চলের অতি অল্পসংখ্যক কায়স্থ বিধবাৎ মৎস্ত মাংস ভক্ষণে বিরত দেখা যায় । আমাদের অসুস্থতান-মতে সেখানকার চোন্দ আনা কায়স্থ-বিধবা মৎস্ত মাংসানী । কলিতা জাতির বিধবারা অবাধে উহা খাইয়া থাকেন । কামরূপ মহামন্ত্রার রাজ্য (কোনু সময় হইতে ?) বলিয়া সেখানে বিধবাদিগের • মৎস্ত, মাংস ভক্ষণ দৃশ্যীয় নহে । হাইলাকান্দি অঞ্চলের ব্রাহ্মণ ও কায়স্থের বিধবাগণ নিরামিষানী । অনেকে রীতিমত ব্রহ্মচর্যা গ্রহণ করিয়া থাকেন ।

সামাজিক চালচলন—১ । রীহা, মেখেলা অসমীয়া মহিলাদিগের জাতীয় পরিচ্ছদ । আপার আসাম ও সেন্ট্রাল আসামের ( মঙ্গলম মহকুমা ব্যতীত ) স্ত্রীলোকেরা রীহা ও মেখেলা নামক পরিচ্ছদ পরিধান করেন । মেখেলা—কোমর হইতে পা পর্যন্ত ( বঙ্গ-মহিলাদিগের শাড়ীর উপরিভাগ ঠিক যে ভাবে জড়ান থাকে ) জড়ান থাকে । ২ । এই দুই অঞ্চলের স্ত্রীলোকেরা কাণে কোরিয়া, কেরু অথবা থুরিয়া ; গলায় গলপতা, মণি মাছুলি, গেজেরা, ডুকুড়িকি ; হাতে সচকু খারু, বালা এবং আঙ্গুলে আংটি পরিধান করেন । মঙ্গলদৈ হইতে কামরূপ ও গোয়ালপাড়ার অসমীয়া মহিলারা কোমর হইতে পা পর্যন্ত মেখেলা পরিধান করেন, বুকের উপর রীহা জড়ান এবং “আগুরণে” নামক একখানি ছোট কাপড় মস্তকে দেন । অলঙ্কারের মধ্যে সাধারণতঃ তাঁহারা কাণে কোরিয়া, নাকে নঞ্চ বা নাকফুল, হাতে পতিয়া খারু এবং পায়ে মল পরিধান করেন । এতদ্ব্যতীত কেহ কেহ কোমরে করধনী, গলায় গলপতা, মণি, মাছুলি প্রভৃতিও ব্যবহার করিয়া থাকেন । (৩) আসামের সহর-বন্দরে যে সকল অসমীয়া মহিলা বাস করেন, বঙ্গ-মহিলাদিগের

সংস্পর্শে আসিয়া কেবল তাঁহারা “শাড়ী” পরিধান করিতে শিখিয়াছেন । (৪) শ্রীহট্ট অঞ্চলের ধোগী ও মণিপুরী জাতীয় রমণীরা তাঁতে কাপড় গামছা বয়ন করেন, কিন্তু আসামে প্রত্যেক শ্রেণীর মহিলারা নিজ নিজ গৃহে তাঁতের সাহায্যে বস্ত্র, গামছা ইত্যাদি বয়ন করিয়া থাকেন । (৫) কোন স্থানে যাইতে হইলে সস্ত্রাস্ত-ঘরের অসমীয়া মহিলারা কাষ্ঠনির্মিত দোলায় আরোহণ করেন । কামরূপ, দরঙ্গ ও শিব-সাগর জেলার বড় বড় পল্লীতে বর্তমানেও এই দোলার প্রচলন দেখা যায় । দোলাগুলি সাধারণতঃ দৈর্ঘ্যে ৩ হাত হইয়া থাকে । কোচ • জাতীয় লোকেরা বরাবর “দোলা” বহন করিয়া আসিতে-ছিল । ইদানীং তাঁহাদের অনেকেই ঐ কাজ ছাড়িয়া দিয়া কৃষিকার্যে মনযোগ দিয়াছে । ত্রাত-প্রতীম শ্রীযুক্ত বীরহরি দত্ত বরুয়া বলেন ( বিগত ৩রা জুলাই তারিখের পত্র )—গৌহাটীর মত সহরে বর্তমানে মাত্র দুইখানি পাঙ্কি আছে । (৬) প্রাচীন-কালে বঙ্গ-মহিলারা “কানাড়া” ছাঁদে চুল বাঁধিতেন—

“ধনী কানাড়া ছাঁদে বাঁধে কবরী ।

মম মালতীমাল তান্তি উপরি ।”—গোবিন্দ দাস ।

“কানড় খোপায় কনকচাপা পাটের খোপা দোলে ।”—কবিচ ।

১৬টা গুচ্ছের বিননী ৪টীতে পরিণত করিয়া কুস্তল বাঁধাকে কানাড়া ছাঁদে চুল বাঁধা বলে । কানড় সাপ যেরূপ কুণ্ডলী পাকাইয়া থাকে, ইহা দেখিতে সেইরূপ বলিয়া “কানাড়া” নামে খ্যাত । ফিতা দিয়া চুল বাঁধবার রীতি অসমীয়া মহিলাদিগের মধ্যে কস্মিনকালে ছিল না, এখনও নাই । চুল দিয়াই তাঁহারা খোপা বাঁধেন । তাঁহাদের খোপা-গুলি সাধারণতঃ ঝুলান ।

সামাজিক প্রথা—১ । কলিতা, কৈবর্ত প্রভৃতি জাতির পুষ্পিতা কস্তার বিবাহ হইলে প্রথম বিবাহের পরই কস্তা স্বশুরালয়ে যাইয়া থাকে ; কারণ

\* . আহোম রাজত্বের আমলে আসামে দাস-দাসী ক্রম দাসদাসী পাইতেন । তৎকালে ক্রীত দাসদাসীগণের মধ্যে দাসদাসী ।

প্রথা চলিত ছিল । রাজাসুগৃহীত ব্রাহ্মণ কারহরণ বিনাধারে অধিকাংশ ছিল কোচ-জাতীয়, তৎপূর্বে ছিল কলিতা-জাতীয়



পুন্ডিতা কন্ডার “দ্বিতীয় বিবাহ” নাই। ব্রাহ্মণ, কায়স্থ, অথবা গণক-কন্ডার মত দ্বিতীয় সংস্কারের পূর্বে বিবাহ” হইলে তাহাদের “দ্বিতীয় বিবাহ” হয়। ইহার পরই তাহারা শবুরবাড়ী যায়। ২। লখিমপুর জেলায় কেওট ও কলিতার মধ্যে ভূরি ভূরি অসবর্ণ বিবাহ হয়। অবসরপ্রাপ্ত একট্রা আসিষ্টাণ্ট কমিশনের শ্রীবৃদ্ধ রজনীকান্ত বরদলৈ মহাশয় বলেন \* “নদীয়া জাতির সহিত তাহাদের বিবাহও হইয়া থাকে।” কামরূপ অঞ্চলে এই জাতি জল আচরণীয় নহেন। শিবসাগর ও লখিমপুর অঞ্চলের ব্রাহ্মণ ও দৈবজ্ঞের জাতীয় অল্পসংখ্যক শিক্ষিত ও অবস্থাপন্ন ব্যক্তি দ্বিতীয় সংস্কারের পূর্বে কন্ডার বিবাহ দিয়া থাকেন। যখন তাঁহারা দেখেন কন্ডা নিতান্ত বড় হইয়া উঠিয়াছে তখন তাঁহারা হিন্দু বলিয়া পরিচিত যে কোন শ্রেণীর পাত্র হউক না কেন, সে ব্যক্তির সাংসারিক অবস্থা একটু ভাল দেখিলে তাহারা সহিত কন্ডার বিবাহ দিয়া থাকেন। ৩। গোয়ালপাড়া ও কামরূপের কোন শ্রেণীর হিন্দু-কন্ডার বিবাহে “গাঁধিয়ান খুস্তা” বিধি নাই। সুরমা উপত্যকা ও পার্শ্বতা বিভাগ ব্যতীত আসামের অস্তান্ত স্থানের ব্রাহ্মণ ও দৈবজ্ঞের জাতির মধ্যে এই প্রথা প্রচলিত দেখিতে পাওয়া যায়। (৪) বাঙ্গালীদিগের প্রথমত কন্ডার বাড়ী হইতে বরের বাড়ীতে হরিদ্রা পাঠাইবার রীতি অসমীয়াদিগের মধ্যে নাই। অধিবাসের দিন এবং “কলরগুরিত গা ধুয়া”নর কালে কন্ডাকে হরিদ্রা মাখান হয়। ৫। অধিবাসের সময় ৩ জন কিম্বা ৫ জন সম্পর্কীয় মহিলা আসিয়া কন্ডার মাথায় তৈল

ঢালিয়া তৎপরে তাহার মস্তক স্পর্শ করে। ৬। হাইলাকান্দি অঞ্চলে বিবাহের পরদিন পাকস্পর্শ হয় না। সেখানকার অনেক স্থানে উহা প্রায় রহিত হইয়া গিয়াছে এবং কোন কোন স্থানে উহা প্রচলিত আছে। যেখানে প্রচলিত আছে সেখানে চতুর্থ মঙ্গলবারের পরদিন পাকস্পর্শ হইয়া থাকে। ৭। বাঙ্গালীদিগের প্রথমত পত্নীর মৃত্যুর পর তাহার কনিষ্ঠা ভগ্নীর পাণিগ্রহণ করিবার রীতি অসমীয়াদিগের মধ্যে আছে। ৮। স্ত্রীর বড় ভগ্নীর ( বড় শালীর ) সহিত স্বামীর কথা কহিবার প্রথা অসমীয়াদিগের মধ্যে আদৌ নাই। হাইলাকান্দি অঞ্চলে ব্রাহ্মণ, কায়স্থ ও শিক্ষিত শূদ্রাদি স্ত্রীর জ্যেষ্ঠ ভগ্নী সহ আলুপ করিয়া থাকেন। কিন্তু অনেকেই তাঁহাকে স্পর্শ করেন না। দ্বারবন্দে উচ্চশ্রেণীর লোকেরা বড়শালীর সম্মুখে আসাও দূষণীয় মনে করেন। ৯। ভাগেবউয়ের সহিত মামাখণ্ডের কথা কহা অসমীয়ারা দূষণীয় বলিয়া মনে করেন। ১০। আসামে গর্ভিণীকে “সাধ” দেওয়া হয়। কামরূপে ইহাকে “জেঠেরা” দেওয়া বলে। সাধের সময় পিত্রালয় হইতে খাণ্ড-দ্রব্য প্রেরিত হয়। দ্বারবন্দে ব্রাহ্মণ-সমাজেও সাধ-উক্ষণ প্রথা আছে। সেখানে উহাকে “সাধরি” বলা হয়। ১১। শ্রীহট্ট অঞ্চলে এক্ষণে “চড়ক পূজা” নাই, ৫০।৬০ বৎসর পূর্বে তথায় উহার প্রচলন ছিল। অসমীয়াদিগের মধ্যেও চড়ক পূজা নাই। ১২। মানস করিয়া মাথায় চুল রাখা অথবা দেবালয়ে ধন্য দিবার প্রথা আসামে নাই। ১৩। বাঙ্গালার বহুস্থানে উচ্চ-শ্রেণীর হিন্দুদিগের মধ্যে জ্যেষ্ঠ মাসে জামাইবস্তীর ধুমধাম পড়িয়া যায়। আসামে এই প্রথা অজ্ঞাত।

\* লখিমপুর জেলার হাৰোনা চা-বাগান হইতে বিগত ২৪শে জুন তারিখের পত্র ।

## বিবিধ বার্তা

### উৎকল মহিলা সম্মিলন—

গত ৩০শে জুন তারিখে উৎকলে এক বিরাট মহিলা সম্মিলনের অধিবেশন হইয়া গিয়াছে। উক্ত অধিবেশনে ৫০০ মহিলা যোগদান করিয়াছিলেন। আচার্য্য এফুলচন্দ্র রায় ও শ্রীযুক্ত দিলীপকুমার রায় সভার যোগদান ও বক্তৃতা করিয়া ছিলেন। আচার্য্য রায় সম্মিলনে প্রদর্শিত শিল্প জব্যাদির ক্ষুদ্রসী প্রশংসা করেন। সভার কয়েকজন ইউরোপীয় মহিলাও যোগদান করিয়াছিলেন।

### ভারতে বিধবার সংখ্যা—

১৯২১ সালে যে লোক গণনা হইয়া গিয়াছে, তাহাতে দেখা যায় ভারতে হিন্দু-বিধবার সংখ্যা ২ কোটি, ৬৮ লক্ষ, ৩৪ হাজার ৮ শত ৩৮ জন। ১ বৎসর হইতে ২৪ বৎসরের মধ্যে কতজন বিধবা তাহার একটি তালিকা নিম্নে প্রদত্ত হইল—

১ বৎসর বয়সের বিধবা	৭৫২ জন।
২ বৎসর বয়সের বিধবা	৬১২ জন।
৩ হইতে ৩ বৎসর বয়সের বিধবা	১৬০০ জন
৪ " ৪ " "	৩৪৭৫ "
৫ " ৫ " "	৮৬২৩ "
৬ " ১০ " "	১০২২২৩ "
১০ " ১৪ " "	২৭২১২৪ "
১৪ " ২০ " "	৫১৭৮২৮ "
২০ " ২৫ " "	২৬৬৬১৭ "

উপরোক্ত তালিকা হইতে বোঝা যায় যে ভারতের প্রায় ১২ লক্ষ বিধবা সুবতী আর প্রায় ১৫ হাজার বিধবা অতি শিশু অর্থাৎ মায়ের হাত ধরিয়া হাঁটিতে পারে কি না সন্দেহ।

দেশের এ অবস্থা দেখিলে শরীর শিহরিয়া উঠে না কি ?

### কমলা লোকচারার—

শরীর ভার আঙুতোর মুখোপাধ্যায় তাহার কন্যা কমলার স্মৃতি রক্ষা করে কলিকাতা বিশ্ববিদ্যালয়ের হাতে ৪০,০০০ টাকা দিয়াছিলেন। এই অর্থে প্রতি বৎসর ভারতীয় দর্শনের দর্শন শিকা ও বিজ্ঞান সম্বন্ধে অন্ততঃ তিনটি বক্তৃতা দেবার ব্যবস্থা করিবার ইচ্ছা তিনি প্রকাশ করিয়া গিয়াছিলেন। ভবনুসারে বর্তমান বর্ষে ডাঃ আনি বেসান্তকে কমলা লোক-

চারার নিযুক্ত করা হইয়াছে। তিনি এ ব্যবধে ১০০০ বৃত্তি এবং একখানি স্বর্ণ পদক পাইবেন।

### পতিতা বালিকা আশ্রম—

কলিকাতার পতিতাদের গৃহে প্রায় ২০০০ বালিকা আছে। বড় হইলে এই সব বালিকাকে পতিতার পাপ ব্যবসারে লিপ্ত করিবে। এই বালিকাদের উদ্ধারের জন্য পুলিশকে আইন দ্বারা ক্ষমতা প্রদান করা হইয়াছে কিন্তু তাহাদিগকে কোথায় রাখা হইবে, তাহা স্থির না হওয়ার পুলিশ তাহাদিগকে পাপ নিকেতন হইতে সরাইতে পারিতেছে না। এ কারণ কলিকাতা জিলিলাল এসোসিয়েশন ইহাদের জন্য একটি আশ্রম নির্মাণার্থ জনসাধারণের নিকট সাহায্য প্রার্থী। এই কার্যের জন্য এক লক্ষ টাকা লাগিবে। টাকা কড়ি সমস্ত কলিকাতা জিলিলাল এসোসিয়েশন, ২৫নং চৌরঙ্গী, কলিকাতা--এই ঠিকানায় পাঠাইতে হইবে।

আশা করি দেশবাসী এ দানে কৃপণতা করিবেন না।

### সূতা কাটিবার কল—

ত্রিপুরার কালীকচ্ছ নিবাসী ডাক্তার শ্রীযুক্ত মহেন্দ্রচন্দ্র নন্দী মহাশয় স্বল্প মূল্যের একটি সূতা কাটিবার কল আবিষ্কার করিয়াছেন। উক্ত কলের দ্বারা অল্প সময়ে বেশী সূতা প্রস্তুত করা বাইতে পারে। ছোট ছেলেমেয়েরা পর্যন্ত ইহাতে সূতা তৈরী করিতে পারিবে।

আমরা এরূপ কলের বহুল প্রচার কামনা করি।

### মেদিনীপুরে বিধবা-বিবাহ—

(১) মেদিনীপুর জেলার ঝাঙ্গারডিহি গ্রামে শ্রীযুক্ত ভূপতি চরণ চৌধুরী শ্রীমতী পঞ্চমী দাসী নারী একটি ১২ বৎসর বয়স্ক বিধবার পাণিগ্রহণ করিয়াছেন। বালিকাটি ৭ বৎসর বয়সে বিধবা হয়। বরকত্তা উত্তরেই সম্বোগপ জাতীয়।

(২) উক্ত জেলার ঝাঙ্গুরদা গ্রামে শ্রীযুক্ত বিকুণ্ঠ দত্ত একটি বালবিধবার পাণিগ্রহণ করিয়াছেন। বর কত্তা উত্তরেই কারহ জাতীয়। কত্তার নাম শ্রীমতী সরোজিনী দাসী, বয়স ১৩ বৎসর, ৭ বৎসর বয়সে বিধবা হয়।

(৩) ঐ জেলার আমলাকুচি গ্রামে শ্রীযুক্ত সিহিরচন্দ্র রাণা শ্রীমতী কিরণবালা দাসী নারী একটি বালবিধবার পাণি

এহণ কারিয়াছেন। কস্তাটি ৮ বৎসর বয়সে বিধবা হন। বর্তমানে তাহার বয়স ১২ বৎসর। বর ও কস্তা উভয়েই কর্ণকার জাতীয়।

গত ১৯২৩ সালে মেদিনীপুরে একটি বিধবা-বিবাহ-সমিতি স্থাপিত হইয়াছে। এ বিবাহ তিনটি উক্ত সমিতির সহায়তায় সম্পূর্ণ হিন্দুধর্মে সম্পন্ন হইয়াছে।

আমরা এই সমিতির দীর্ঘ জীবন প্রার্থনা করি।

### সংকার্যে দান—

মেদিনীপুরের দাসপুর থানার অন্তর্গত কেলোগাছা গ্রাম নিবাসী শ্রীযুক্ত রাধানাথ মাইতি মহাশয় স্বীয় পত্নীর ইচ্ছানুসারে সোরাখালি গ্রামে একটি দাতব্য চিকিৎসালয় স্থাপনের জন্য ৫০০০ টাকা দান করিতে প্রতিশ্রুত হইয়াছেন। এতদ্ব্যতীত তিনি চিকিৎসালয়ের ভূমি ক্রয় ও গৃহনির্মাণের ব্যয়ভার বহন করিতেও স্বীকৃত হইয়াছেন।

দেশের বিত্তশালী ব্যক্তিগণকে আমরা এ আদর্শ গ্রহণ করিতে অনুরোধ করি।

### রেজুণ বিশ্ববিদ্যালয়ে বাঙ্গালী মহিলার কৃতিত্ব—

সাজুতেলি কোম্পানীর প্রোপ্রাইটার, চট্টগ্রাম নিবাসী শ্রীযুক্ত নগেন্দ্রনাথ চৌধুরী মহাশয়ের কস্তা শ্রীমতী জ্যোতির্পুত্রী চৌধুরী বর্তমান বৎসরে রেজুণ বিশ্ববিদ্যালয়ের বি-এ পরীক্ষায় বিশেষ কৃতিত্বের সহিত উত্তীর্ণ হইয়াছেন। ইহার পূর্বে আর কোন বাঙ্গালী মহিলা এই বিশ্ববিদ্যালয় হইতে উপাধি পরীক্ষায় উত্তীর্ণ হন নাই।

বাঙ্গালী মহিলার এ কৃতিত্বের সংবাদে আমরা বিশেষ ক্রীত হইলাম। ইহার ভবিষ্যৎ সর্বপ্রকার সাফল্যে মগ্নিত হউক—ইহাই কামনা করি।

### নারী-শিক্ষার জন্ত দান—

রাজপুতানার কিংগড় স্টেট-কাউন্সিলের চীফ মেম্বর কেওরান বাহাছর কে, এল, পাণ্ড নন্দর, নাসপুর বিশ্ববিদ্যালয়ের

পরীক্ষার উত্তীর্ণ ছাত্রীদের বৃত্তি ও পদক ঘোষার ব্যবস্থা করিবার জন্ত গভর্ণমেন্টের হাতে ১৭০০০ টাকা দান করিয়াছেন।

আশা করি বাঙ্গালার ধনীসম্প্রদায় এই আদর্শ গ্রহণ করিয়া দেশে নারী শিক্ষা প্রচারে সহায়তা করিবেন।

### মহিলা শিক্ষা প্রদর্শনী—

আগামী শারদীয়া পূজার পূর্বে ঢাকা মহিলাসভা একটি মহিলা-শিক্ষা প্রদর্শনী স্থলিবে। উক্ত প্রদর্শনীতে মহিলাদের নির্দিষ্ট সর্বপ্রকার শিল্প জব্য প্রদর্শন ও বিক্রয় চলিবে। সর্ব প্রকার তাঁতের কাপড়, বেতের ও তালপাতার কাজ, মাইরি পুতুল ও অন্যান্য জব্য, খুঁচি শিল্পের জব্যাদি, চিত্র প্রকৃতি এই প্রদর্শনীতে সাদরে গৃহীত হইবে। স্থান, তারিখ ও অন্যান্য বিবরণ জানিবার জন্ত ৮ নং ওয়াইজ স্ট্রট, ঢাকা—এই ঠিকানায় সম্পাদিকার নিকট লিখিতে হইবে।

এই প্রদর্শনী সর্ব বিধায় সফলতা লাভ করুক, ইহাই প্রার্থনা।

### অকেজো বাঙ্গালীর সংখ্যা—


বাঙ্গালার অকেজো লোকসংখ্যা ৪৬৬২৫৩৬ জন। তন্মধ্যে উগ্রাদ ১৮৮২০ জন, কালা ৩১২৬৪ জন, অন্ধ ৩০৪৫৮ জন এবং কুঠগ্রহ ৫১৪৫১ জন। তাহার মাধ্য—

উগ্রাদ	পুরুষ	১১১০২ জন।
"	স্ত্রীলোক	৭৭১১ জন।
কালা	পুরুষ	১৮২৩৯ জন।
"	স্ত্রীলোক	১২৩২৫ জন।
অন্ধ	পুরুষ	১৮৭০২ জন।
"	স্ত্রীলোক	১৪৭৬৬ জন।
কুঠগ্রহ	পুরুষ	১১৪৪৮ জন।
"	স্ত্রীলোক	৪০০৩ জন।

এই প্রকারে ছুর্ভাগ্য দেশের প্রায় একলক্ষের উপর লোক দেশের ও সমাজের অনুরোধের উপর নির্ভর করিয়া জীবন কাটাইতেছে!




মাতৃমন্দির



আগমনী ।

Printed at Fine Art Press, Calcutta.





২য় বর্ষ

আশ্বিন—১৩৩১

৬ষ্ঠ সংখ্যা

শরৎ

শ্রীমতী শ্রিয়ম্বদা দেবী ।

ত্যাগের মন্ত্র জপায় শরৎ,  
শিখায় করিতে দান,  
শূণ্য আজিকার নীল নভোপথ,  
মাঠে ধরেনাক ধান !

মেঘমালা আজ করেছে নিঃশেষ  
যত ছিল জলধার,  
তাই তার আজ উদাসীন বেশ,  
নদী বহে জলধার !

ধরণী সাজিল সম্পদে ধার  
সে আজ হয়েছে দীন,  
উজল মুকুট তপন রাজার,  
কিরণে নিখিল লীন ।

## মুক্তির পথে

শ্রীমতী মঞ্জরী দেবী ।

দেশ যখন জাগে তখন সকল দিক দিয়াই জাগরণের লক্ষণ নানা ভাবে প্রকাশ পাইতে থাকে । অনেক সময় সেই জাগরণের বিকশিত মূর্তি বিদ্রোহের রূপ ধরিয়া আসিতে পারে, পার্শ্ববর্তী অনেকের দেহমানে আঘাত ও বেদনার সৃষ্টি করিতে পারে কিন্তু তথাপি আমরা এই জাগ্রত বিদ্রোহ-প্রতিমূর্তিকে গলা টিপিয়া নিঃশেষ করিয়া ফেলিতে পারি না । রোগীর প্রলাপ বকা এবং বিকারে হাত পা ছুঁড়িয়া প্রহার করিতে যাওয়া তবু ভাল, কিন্তু অসাড়, নিষ্কীব, প্রাণহীন প্রশান্ত ভাব যে মৃত্যুর লক্ষণ ।

আমাদের অজপ্রত্যজ যতদিন প্রাণবন্ত থাকে ততদিনই সাড়া দেয়—প্রাণের লক্ষণ আমরা সর্ব-কর্মে সর্বঅঙ্গসঞ্চালনে প্রত্যক্ষ করিয়া থাকি । যে অঙ্গ কোন স্পর্শে, কোন আঘাতে সাড়া দেয় না আমরা জানি তাহার মৃত্যু হইয়াছে । তেমনি কোন একটা জাতি যদি যুগের পর যুগ ধর্ম, সমাজ ও রাষ্ট্রের সর্ববিধ অবিচার অত্যাচার নির্কিঁচারে সহিয়া যায়, ঞ্চায়ের বিরুদ্ধে রুধিয়া দাঁড়াইতে তাহার প্রাণে ঐতটুকু সাহসের চিহ্নমাত্র পরিলক্ষিত না হয় তবে আমরা বুঝিব সেই জাতিরও মৃত্যু হইয়াছে ।

আপান জাগিয়াছে, চীনও বহুশতাব্দীর অলস-নিদ্রার পর জাগিয়া উঠিয়াছে । এটা জাগরণের যুগ—এই জাগ্রতযুগে পৃথিবীর সর্ব অংশে সর্বজাতি কালের সঙ্গে তাল রাখিয়া উন্নতির সম্মুখ পথে যাত্রা করিয়া চলিয়াছে । সবাই জাগিয়াছে—সবাই উন্নতির পথে অগ্রসর হইয়া চলিয়াছে কিন্তু জাগিয়াও জাগে নাই এই হতভাগ্য ভারতের নিকরীর্ষ অধিবাসী-বৃন্দ । কত রাষ্ট্রের পরিবর্তন, কত অত্যাচার লাঞ্ছনার ঝড়বাত্যা এই দেশবাসীর বুকের উপর

দিয়া রক্তচরণে নৃত্য করিতে করিতে চলিয়া গেল কিন্তু দেশ তবু জাগিল না, জাতির অন্তরে প্রাণের স্পন্দন তবু জাগিয়া উঠিল না । এই জাতি যে কতযুগ ধরিয়া তিল তিল করিয়া মৃত্যুর পথে অগ্রসর হইয়া চলিয়াছে এবং কত যুগ ধরিয়া যে ইহার কাণে জাগরণের বিজয়মন্ত্র উচ্চারণ করিতে হইবে কে জানে !

কবি গাহিয়াছিলেন—

“না জাগিলে সব ভারত-ললনা

এ ভারত আর জাগেনা জাগেনা”

কবি বুঝিতে পারিয়াছিলেন যে ভারত যদি জাগে তবে সর্বাগ্রে জাগিতে হইবে এই ভারতের যত ললনাদিগকে । একটা জাতি শুধু পুরুষশক্তি দ্বারাই বলশালী এবং শক্তিমান হইতে পারে না, তাহাকে সম্পূর্ণ-জাগ্রত, প্রতিষ্ঠিত এবং সর্বকর্মে পরিচালিত করিতে হইলে নারীশক্তিরও সাহায্য এবং সহায়ত্ব চাই ।

এই নারীশক্তিকে অবহেলা করিয়া, পশ্চাতে ফেলিয়া রাখিয়া কোন জাতিই পৃথিবীতে আত্ম-প্রতিষ্ঠা লাভ করিতে পারে নাই । পৃথিবীর উত্তর দক্ষিণ, পূর্ব পশ্চিম যে কোন প্রান্তে যাই, সকল দেশের সকল জাতির ভিতরই দেখিতে পাই এই নারীজাতির সম্মান সর্বাগ্রে, এই নারীশক্তিকে সকল জাতিই স্থান দিয়াছে পুরুষের পার্শ্বদেশে । কিন্তু আমাদের দেশ এই নারীশক্তিকে চিরকাল ধরিয়া দাবাইয়া রাখিয়াছে—তাহার স্থান নির্দেশ করিয়াছে পুরুষের পশ্চাদভাগে । আমাদের সমাজ, আমাদের ধর্ম এই নারীশক্তিকে চিরকাল অস্মানতার পুত্তিগন্ধময় অন্ধকার গহ্বরে নির্ধাসিত করিয়া রাখিয়াছে ।

ইহাতে লাভ হইয়াছে এই যে একটা জাতির একটা অঙ্গ একেবারে পঙ্গু হইয়া রহিয়াছে—বহু-শতাব্দীর অস্তায় অবৈধ অবরোধে একটা অঙ্গ একেবারে শিথিল দুর্বল অকর্মণ্য হইয়া পড়িয়াছে। সেই লুপ্ত শক্তিকে জাগ্রত করিয়া তুলিতে হইলে আজ আমাদের সর্বাঙ্গমনা স্বার্থসর্বস্ব হইয়া থাকিলে চলিবে না—দেশের এবং দেশের পরিভ্রাণের দিকে লক্ষ্য স্থির রাখিয়া আমাদের যদি আজ মহত্ব বিপদ ও বিক্রমের সম্মুখীন হইতে হয় তবে তাহাও আমাদের প্রসন্ন চিত্তেই হইতে হইবে।

ব্যক্তিগত এবং সমাজগত সুখস্বাচ্ছন্দ্যের চেয়ে নিজের দেশ ও জাতি অনেক বড়। বৃহৎ লাভের কাছে ক্ষুদ্র সুখস্ববিধা, ক্ষুদ্র স্বার্থ মানবসমাজ চিরকাল বিসর্জন দিয়া আসিতেছে। আমাদের ক্ষুদ্র সমাজের সঙ্কার সাধন দ্বারা যদি দেশের মুক্তি-পথ উন্মুক্ত হওয়ার পক্ষে সহায়তা করে তবে আজ বিধাধিকারী না করিয়া আমাদের সেই সংস্কারকার্যে আত্মনির্ভোগ করিতে হইবে। দেখিতে হইলে গলদ কোথায়—বুঝিতে হইবে ভাঙ্গন ধরিয়াছে কোনখানে। রোগীর অবস্থা বুঝিয়া ব্যবস্থা করিতে পারিলে রোগ নিরাময় হইতে বেশীদিন লাগে না—বেশী বেগও পাইতে হয় না।

আমরা শুনিয়া থাকি বটে 'নারী অবলা' কিন্তু বাস্তবিক পক্ষে কি তাই? নারী আজ আমাদের দেশে অবলা হইয়া, দুর্বলা হইয়া প্রবলের অত্যাচারে জর্জরিত হইতেছে। এই যে দুর্বলের প্রতি প্রবলের নৃশংস অত্যাচার—একজন্ম দায়ী কে? দায়ী কি পুরুষই নয়? আমাদের দেশের সমাজপতিগণের স্বার্থপূরিত বিধানরাশি আমাদের নারীজাতিটাকে কি একেবারে পঙ্গু অকর্মণ্য করিয়া রাখে নাই?

আজ যদি দেশের কল্যাণ কামনা করি—যদি মুক্তি আনিতে চাই তবে ঐ শক্তিদৃষ্ট অত্যাচারী স্বৈচ্ছাচারী পুরুষের রক্তচক্ষু দেখিয়া ভয় পাইলে 'চলিবে না—সমাজচ্যুতি, নরকপ্রাপ্তির ভীতিতে পিছাইয়া গেলে চলিবে না। আজ আমাদের অস্তর্নিহিত স্তম্ভশক্তিকে উদ্বোধিত জাগ্রত করিয়া তুলিতে হইবে—দেখাইতে হইবে আমরা সেই পদ্মিনী, ঝাঙ্গীর রাণীর জাত—আমাদের দেবী সিংহবাহিনী, দশভূজা, দশপ্রহরধারিণী; আমাদের মা কালী করালবদনী, ধর্পরধারিণী দানবদলনী!

যে রক্ষক সেই যদি ভক্ষক হইয়া দাঁড়ায়—যার কাছে বিচারের প্রত্যাশা করিতেছি সেই যদি অত্যাচারীর প্রচণ্ডমুষ্টিতে আসিয়া সম্মুখে দাঁড়ায় তবে কোন্ সাহসে আর তা'র কাছে আত্মসমর্পণ করিতে ধাইতে পারিব? আজ পুরুষ নারীর প্রতি যে অত্যাচার করিয়া চলিয়াছে সেই পুরুষেরই কাছে নারী তার ধর্মের জগ্ন, মুক্তির জগ্ন কাতর প্রার্থনা করিতেছে, সাশ্রুনেত্র, শুষ্ক কণ্ঠে, ব্যথিত চিত্তে মুক্তির জগ্ন কৃপাভিক্ষা করিতেছে। মুক্তি চাই, মুক্তি চাই—ধর্মে, কর্মে, শিক্ষায়, সমাজে সর্বত্র আজ নারী মুক্তি চাহিতেছে। দেশের স্বার্থক পুরুষ! চোখ চেয়ে দেখ—তোমারই হাতে মুক্তি-মন্ত্রের চাবী রহিয়াছে। দ্বার খুলিয়া দাও। অর্গলবন্ধ প্রাচীরের অন্ধকার হইতে' লাক্ষিতা জীবন্ত নারীর কণ্ঠোচ্চারিত স্বর ঐ শোন বলিতেছে—

• • "সময় হয়েছে নিকট এখন .

বাধন ছিড়িতে হবে।"

(শিশির)

## কমলার পত্র

শ্রীমতী শ্রীতিকণা দত্ত-জায়া ।

নোলফামারী,

১২শে ভাদ্র, ১৩৩১ ।

শ্বেহের বোন মিনতি,

জীবনের পরপারে যাত্রার জন্ত প্রস্তুত হ'য়ে খেয়া-নৌকার ওপর দাঁড়িয়ে আজ তোমায় এই চিঠিখানা লিখছি। তোমায় জীবনের আমার এইখানাই প্রথম চিঠি, আর এইখানাই শেষ! শুধু চিঠিই শেষ নয় বোন,—জীবনের শেষ, খেলার শেষ, হাসি কাগ্না সুখ দুঃখের শেষ,—সমস্ত সম্বন্ধের অবসান,—তারপর যে কি আছে তাত জানিনে ভাই!

জীবনে তোমায় কখনো দেখিনি,—দেখবার সাধ ছিল যথেষ্ট, কিন্তু সাধের অঙ্কুর হৃদয়েই শুকিয়ে গেল, ভগবান-আর 'তা' পূর্ণ হ'তে দিলেন না। শুনেছি তুমি সুন্দরী,—স্বামীর কণ্ঠের যোগ্য কুসুম-মালিকা, স্বামী তোমার মতন রত্ন পেয়ে সুখী হ'য়েচেন, তাঁর বার্ষ জীবনে তুমি, সার্থকতার নন্দন-কানন রচনা ক'রেছ, তোমার চরণ-স্পর্শে স্বামীর গৃহাঙ্গনে শত সুসমা ফুটে উঠেছে;—এ বার্ষা শুনে সত্যসত্যই ভাই সুখী হ'য়েছি আমি। যে আসন তুমি আজ অধিকার ক'রেছ, সেই আসনেও যতদিন আমি একছত্রাধিশ্বরী ছিলাম, ততদিন ত তাঁর মুখে বিদ্যুতের ঝলকের মতও এক তিলের জন্ত একটু হাসির রেখা দেখিনি, শুধু বিষাদ, শুধু নিরানন্দ, শুধু দীর্ঘশ্বাস দেখে এসেছি। কতদিন স্বামীর মুখে একটু হাসি দেখবার জন্ত কত চেষ্টা ক'রেছি, নির্লজ্জের মত কত আচরণ ক'রেছি, কিন্তু কই ভাই, একদিনও ত আমার চেষ্টা সফল হয় নি। আজ আমি এই চিরবিদায়ের সন্ধিক্ষণে দাঁড়িয়ে, বুকের নীচে আমার জমাট অঙ্ককার,—এ সময়ও যদি মনে করতে পারতুম বোন, যে আমি এক মুহূর্তের জন্ত তাঁর হাসি ভরা মুখখানি কোনো

দিন দেখেছি, তবে বোধ হয় আজ আমার হৃদয়খানি আলোর আলোময় হ'য়ে যেত, তরলিত ৭৯৫৯৯-ধারায় প্রাণটা যেত কুমুদের মত অনাবিল আনন্দ নিয়ে ফুটে উঠতো,—আমার যাত্রার পথ আলোকিত দেখতুম, সুরভিত অহুভব করতুম। তা'ত আমার কপালে ঘটেনি বোন। তাই চারিদিকে দেখছি শুধু বিরাট অঙ্ককার,—আকাশ পাতাল ঘেরা অঙ্ককার!

একদিন আমার কাণে এলো, সদানন্দ তিনি—আমায় জীবন-সঙ্গিনী ক'রেই অমল 'বিগর্ষু' হ'য়ে গেলেন, সেই দিন মনে হ'ল, হায় হতভাগিনী আমি একজনের আনন্দ আহ্লাদ সব ডুবিয়ে দিয়েছি! প্রাণে অহুতাপের জ্বালা অহুভব কর্তে লাগিলুম, জীবন অসহ বোধ হ'তে লাগলো। যদি স্বামীকেই সুখী কর্তে না পারলুম, তবে নারী-জীবন আমার কিসের জন্ত? বাল্যকাল হ'তে ত শুধু শিখে এসেছি—স্বামীকে সুখী করাই নারী-জীবনের চরণ সার্থকতা। কিন্তু আমার জীবনে সে পুণ্যার্জনের সুযোগ ঘটলো কই? বরং বিপরীত ফলই ফলেছে; আনন্দের সৌরকরোদ্ভাসিত আকাশ আমি নিবিড় মেঘ-মালায় ঢেকে দিয়েছি, আমার তপ্ত নিশ্বাসে একটা স্বর্ণ শতদল শুকিয়ে যাচ্ছে। জীবনটা আমার স্মরণ, লঙ্কায়, অহুতাপে অসহ হ'য়ে উঠলো।

তখন ভেবে ভেবে একদিন ছির সিদ্ধান্ত করলুম, এই বার্ষ বিড়ম্বিত জীবনটা বাতাসে উড়িয়ে দেবো। স্বামী-ত তাহ'লে সুখী হবেন, আবার বিয়ে ক'রে মনোমত পত্নী লাভ ক'রে তিনি তাঁর হারিয়ে ফেলা হাসি আবার কিরিয়ে পাবেন। আমি অন্তরীকে ব'সে ব'সে তা' দেখে প্রাণে শান্তি

পাব। জীবনে যা পাইনি, মরেত' তা' পাবো! কি জানি কেন, হঠাৎ মনের গতিটা বদলে গেল। কে যেন আমার মনের পুর থেকে ব'লে উঠলো, 'ম'রে শাস্তি পাওয়াই কি নারী-জীবনের চরম উদ্দেশ্য রে? তা'ত নয়, প্রাণ মন দেহ-দিয়ে স্বামীর সেবা কর, তাহ'লেই জীবন ধন্য হবে, জীবনের পরে শাস্তি পাবি।' ..... বিবেকের সেই আদেশ ভগবানের বাণী ব'লে মাথা পেতে নিলুম,—তাই হোক, তাই হোক, আমার এ ক্ষুদ্র শক্তিতে যতটা কুলোয়, স্বামীর পূজায় তাতে একটুও রূপণতা কর্কে না,—স্বামি পূজাই যে নারীর ভগবদারাধনা। স্বামী সেবা ক'রেই জীবন ধন্য কর্কে, চাই না পার্শ্ব স্বপ্ন।

মরণের পথ থেকে আমি আবার ফিরে দাঁড়ালুম, মৃত্যু-কামনা পাপ ব'লে শিউরে উঠলুম। তাঁরপর বিবেকের সেই নির্দেশিত মহা-কর্তব্যকে বরণ ক'রে নিয়ে পথ চলতে লাগলুম। কিন্তু কই স্বামী ত স্ত্রী হলেন না আমার পূজায়, হৃদয় নিংড়ে যে অর্ঘ্য দিবারাত্র দিলাম তাঁর চরণে তাতে ত পরিতৃপ্ত হ'লেন না তিনি। আমার দেখলেই তিনি মুখ ফিরিয়ে নিতেন, আমি তাঁর ঘরে ঢুকলেই তিনি কোনো কাজের আছিল করে বেড়িয়ে পড়তেন, যতটা সম্ভব তিনি আমায় এড়িয়ে চলতে লাগলেন। এক মাস জলও যদি তিনি আমার কাছে হাসি মুখে চেয়ে নিতেন তাহ'লে বোধ হয় আজ আমার একটা সান্ত্বনার সামগ্রী থাকতো। প্রাণপণে তাঁর সেবা করেছি বটে, কিন্তু সে সেবায় নিজেরই ভূষ্টি পাইনি, যার সেবা করেছি তিনিও সন্তুষ্ট হননি, তবে আমার সে সেবার মূল্য কি, সে সেবার স্বর্থ কি? যাকে সেবা করা যায় তিনি যদি অস্বস্তি বোধ করেন তবে সে সেবা যে পীড়নের রূপান্তর মাত্র। মন আবার বিদ্রোহী হ'য়ে উঠলো, মরণের আকাঙ্ক্ষা আবার মাথা তুলে দাঁড়ালো, মরণ আমার হাত ছানি দিয়ে ডাকতে লাগলো,—  
আয়, আয়, আয়!

এমন সময় বিয়ল আমার পেটে এলো, আর মরা হ'লো না, জীবনের উপর যেন একটা মমতা এসে পড়লো। ভাবলুম, ঐ অদূরে আমার দুঃখ দৈন্তের অমানিশার ঘনাককার দূরীভূত ক'রে স্বথের স্বর্ধ্য উঠছে।—যাক সে কথা, কি বলতে কি ব'লে ফেলছি! সাজিয়ে গুছিয়ে তোমায় কিছুই লিখতে পাচ্ছি না বোন,—আর এ সময় কি লেখা আসে? যাবার সময় তোমায় আমার অন্তরের আশীর্বাদ জানিয়ে যাবো এই জন্তে বহুদিন পরে আজ এই কাগজ কলম নিয়েছি। কিন্তু কি লিখবো বোন? নিজের বুকফাটা দুঃখের কথাই যে কেবল এসে পড়ছে। যাক সে কথা। সত্যই বোন, যখন শুনলুম, তুমি স্বামীকে স্ত্রী করতে পেরেছো, তখন আমার বড়ই আনন্দ হ'লো, আজও সে আনন্দ হারাইনি। সতিন চিরকাল ঈর্ষ্যার সামগ্রী ব'লেই জীবন ভ'রে শুনে আসছি, নিজের জীবনে সতিন পেয়েও কিন্তু ঐ কথাটার ষাথার্থ্য কিছু উপলব্ধি কর্তে পারলুম না;—তোমায় ত আমার একটুও হিংসে হয়না, বরং তুমি স্বামীকে স্ত্রী করতে পেরেছো এই জন্তে ছোট হ'লেও তুমি আমার অগাধ শ্রদ্ধার পাত্রী। হয়ত তোমার এ কথা বিশ্বাস হবেনা, কারো হয়ও না, কিন্তু ভাই, মরণ-সময়ে ত আর মিথ্যে ব'লে জীবনের বোঝা ভারী করতে মানুষ পারেনা, এটা ত' বোঝ, তাই বুঝে এই হতভাগিনী সর্বস্ব-রিক্তাকে বিশ্বাস কর। আশীর্বাদ করি,—জন্মে জন্মে তুমি এমি স্বামী-সোহাগিনী হও।

বোধ হয় শুনেছো, আমি ধনী পিতার কন্যা, কিন্তু কালো কুসিং। স্বামী অর্থ-লোভেই আমায় বিয়ে ক'রেছিলেন। কিন্তু আমার গ্রহণের বিনিময়ে বাবা তাঁকে যা' দিয়েছিলেন, তাতে তাঁর আকাঙ্ক্ষার নিবৃত্তি হয়নি, তাই তিনি আমায় নিয়ে কেবল দুঃখ ও অশান্তিই ভোগ ক'রেছেন, স্ত্রী হ'তে এক দিনও পারেন নি। আমিও পিতার ঐ অপরাধের জন্ত স্বামীর সোহাগ ভালবাসা—যা' নারী-জীবনের একমাত্র প্রার্থিত,—তা' হ'তে বঞ্চিত হ'য়েছি।



তারপর স্বামিগৃহ থেকে কি অপরাধে আমি চির-নির্কাসিতা তাও বোধ হয় শুনেছো ।

বিমল পেটে এসেছে, তখন সবে চার মাস । সেবার রথের যোগে অনেকেই পুরী দর্শনে যাচ্ছিলেন । স্বামী ও শালুড়ীর সঙ্গে আমিও গেলুম, জানিনা ভাই, সেদিন কি অ-যাত্রায় পা বাড়িয়েছিলুম । সেই যাত্রাতেই আমার কপাল ভাল ক'রে ভাঙলো । মন্দির থেকে ঠাকুর দর্শন ক'রে ফিরে আসছি স্বামী ও শালুড়ীর সঙ্গে, হঠাৎ ভিড়ের মাঝে প'ড়ে আমি পথ হারিয়ে ফেলুম । যেখানে আমরা বাসা নিয়ে-ছিলুম, তার নাম ঠিকানা আমি জানতুম না । ভয়ে আতকে আমি কেঁদে ফেলুম,—হায় হায় ঠাকুর, তোমায় দেখতে এসে কি এই হ'লো ভাগ্যে আমার ? রামকৃষ্ণ মিশনের একজন সেবক আমার অবস্থা শু'নে আশ্বাস দিয়ে বলেন, "এস মা, আমি তোমার সন্তান, কোনো ভয় নেই, তোমায় নিরাপদে আমরা বাসায় বা বাড়ীতে পৌঁছে দেবো ।" প্রাণে তখন অনেকটা আশা এলো, কিন্তু বাসার নাম ঠিকানা তাঁকে আমি দিতে পারলুম না, দেশের নাম ঠিকানা তাঁকে বলুম । তিনি আমায় তাঁদের আশ্রমের বাড়ীতে নিয়ে গেলেন । সেই আশ্রমে কয়েকজন নারী-সেবিকা ছিলেন, তাঁদের ওপরেই আমার রক্ষণাবেক্ষণের ভার ন্যস্ত হ'লো ।

সেই সেবকের সঙ্গে আমি এসে স্বামিগৃহে পৌঁছেই শুনলুম সমাজপতিদের বিচারে আমাকে পুনর্গ্রহণ নিষিদ্ধ হ'য়ে গেছে, এমন কি স্বামীকে পর্যন্ত রীতিমত প্রায়শ্চিত্ত কর্তে হ'য়েছে ! সেবক অনেক যুক্তি তর্ক দেখালেন, কিন্তু সমাজপতিরা আমাকে সমালোচনা নিয়ে ব্যভিচারের প্রশ্ন দিতে পারেন না ব'লে একবাক্যে জবাব দিয়ে বসলেন । সেবক স্বামীকে তাঁর মতামত জিজ্ঞেস করলে তিনি স্পষ্ট ভাষায় বলেন, "বিচারিণীকে আমি গৃহে স্থান দিতে পারি না ।" হায়, হায়, স্বামীর মুখে ও-কথা শুনবার আগে যদি পৃথিবী স্থিরা হ'য়ে আমায় স্থান দিতেন ! তারপর আমি স্বামীকে জীবনের শোধ

একবার দেখতে চাইলুম, কিন্তু সে প্রার্থনাও আমার আগ্রাহ হ'লো ।—কি জানি, আমার দর্শনে যদি তাঁর পাপ স্পর্শে ! পিতৃগৃহেই স্মরণে আমার স্থান হ'লো :...সেই থেকে আজ এই সাত বছর আমি স্বামীস্বথ-সৌভাগ্যে বঞ্চিতা ।

'তারপরেও ছ'একবার মরবার সাধ হ'য়েছিল কিন্তু বোন, তাঁর দেওয়া নিধি, আমার বড় আদরের, বড় স্নেহের, বুক চেরা ধন বিমলের দিকে, তাকিয়ে আমি সে পথ থেকে পিছিয়ে এসেছি ।

আজ ছ'মাস আমি মরণ-শয্যায় প'ড়ে আছি । অস্তিমসময় একবার তাঁর শ্রীচরণ ছ'খানি দেখবার সাধ ছিল, এজগৎ তাঁকে ছ'খানা চিঠি অবধি লিখে-ছিলুম, কিন্তু বোন, এ হতভাগিনীকে একবার চোখে দেখলেও হয়ত তাঁর পাপ হবে অথবা সমাজ তাঁকে ঘৃণার চোখে দেখবে, এই ভয়েই বুকি তিনি আমার এই মরণসময়েও একবার দেখা দিতে সাহস করেননি, অথবা তাঁর প্রবৃত্তি হয়নি ; তাই তাঁকে আর বিরক্ত করতে ইচ্ছা নেই । বেশী কিছু যে আর লিখতে পারছি না বোন, সময় যে আমার হ'য়ে এলো । তোমার কাছে আমার একটা শেষ অনুরোধ, অস্তিম প্রার্থনা,—আমি ত ভাই বিমলকে ছেড়ে চলুম, কার হাতে আর আমার স্নেহের ধনকে দিয়ে যাবো ? তোমারি হাতে দিয়ে যাচ্ছি । তুমি তাকে বুকে টেনে নিয়ে স্নেহের আঁচলে ঘিরে মায়ের অভাব ভুলিয়ে রেখো দিদি ! আমার ভরসা আছে, তোমার হাতে তার আদর স্নেহের ক্রটি হবেনা ।

স্বামীর চরণে অচলা ভক্তি রেখো বোন । তাঁকে আমার বিদায়-প্রণাম দিও । আর যদি পারেন তিনি যেন এ হতভাগিনীকে -ক্ষমা করেন । এখন বিদায় দাও ভাই, ভগবানের চরণে প্রার্থনা করি তোমরা সুখী হও । ইতি ।

আশীষাদিকা—

তোমার হতভাগিনী দিদি

কমলা ।

# নারীর অবস্থা

শ্রীমতী উষাপ্রভা সেন।

নারীর সকল অবস্থার মধ্যে বৈধব্যই সর্বাপেক্ষা উল্লেখযোগ্য। অতুল ঐশ্বর্যের অধিকারিণী হইয়াও নারী যদি বিধবা হয় তবে কেহই তাহাকে ভাগ্যবতী, ধনবতী বলিবে না। ভাগ্যহীনা দুঃখিনীই বলিবে। সে সময় তাহার বয়স যত অল্প বা যত অধিকই হউক সমাজের নির্দেশ হেতু বৈধব্যের সকল আচার অনুষ্ঠানই তাহাকে পালন করিতে হইবে, সে যত ধনের অধিকারীই হউক একবেলা আহার ও একখানা সাদা কাপড় হইতে তাহার অব্যাহতি নাই। একবেলা ভিন্ন দুইবেলা আহারের সামর্থ্য যাহার নাই, অতুল ঐশ্বর্যাধিকারী হইলেও সে যে দুঃখিনী কে এ কথা অস্বীকার করিবে?

আমাদের এক আত্মীয়ের মৃত্যুতে আমাদের মৎস্যাহার বন্ধ হইয়াছিল, আমরা সর্বদাই অশৌচাশ্রমের দিন গুণিতাম ও মাছ না খাইয়া থাকিতে পারা যায়না বলিয়া হা ছতাশ করিতাম, তাহাতে আমার একটি মুসলমান সখীর বালিকা-কন্যা বলে “আপনাদের তো এই কুটা দিন গেলেই হলো, কিন্তু আপনার ‘—’ যে আর কোনদিন মাছ খেতে পারবে না, দুবেলাও খাবে না, একবেলা খেয়ে তাকে থাকতে হবে।” মেয়েটির কথা মনে বেশ একটা দোলা দিই গেল। সকলের অশৌচের, শোকের শেষ আছে কিন্তু বিধবার অশৌচের আর শেষ নাই! ঠাকুরমা, দিদিমা ও শ্বশুরীকে চিরদিন একবেলা খাইতে ও একাদশী করিতে দেখিয়া আসিতেছি মনে তো কোনদিন কোন প্রশ্ন উঠে নাই; সরল মেয়েটির সোজা কথাগুলির ধাক্কার মনটা যেন কেমন হইয়া গেল। বিধবা সামাজিক রীতি অহুসারে সর্বপ্রকার ভোগ, বিলাস হইতে বিচ্যুত, কিন্তু শরীরীর শরীর-ধর্ম পালনও কি

বিলাসিতা? বিধবার কি ক্ষুধা তৃষ্ণাও পাইবে না?

বিধবা হইবার কোন একটা নির্দিষ্ট বয়স নাই, আজ যাহারা দিনে ৩৪ বার খাইতেছে, বিধবা হইলেই তাহাদের সেই খাওয়া একবারে আসিয়া ঠেকে একবেলায়, তাছাড়া মাছ প্রভৃতি অনেক কিছু ত্যাগ করিতে হয়, সর্বোপরি একাদশী আছে। এই সব ছোট ছোট মেয়েরা ক্ষুধা তৃষ্ণায় যখন এলাইয়া পড়ে, তখন কোন সঙ্গদয় স্নেহপরায়ণ ব্যক্তির মনে না হয় এ ব্যবস্থা অমানুষিক ও বর্করোচিত? আমি স্বচক্ষে কত বিধবা দেখিয়াছি—একাদশীতে জলস্পর্শ না করিয়া অর্ধমৃতবৎ হইয়া থাকে এবং ষাদশীর দিনও ভালরূপে খাইতে পারে না। একাদশীর গ্নানি কাটিতে ২৩ দিন লাগে।

মুসলমান বালিকাটি বলিল “আমাদের মধ্যে এরূপ নয়।” সে বেশ একটু গর্বের সহিতই এ কথাটি বলিয়াছিল। আমাদের রক্ষণশীলেরাও হয়তো সগর্বে বলিবেন “ওঃ ভারি বিধবা! মাছ খায়, মাংস খায়, দুইবেলা খায়, ওরা আবার বিধবা কোন জায়গায়? আমাদের বিধবা মরলেও জলস্পর্শ করবে না, সাক্ষাৎ পুণ্যের প্রতিমূর্তি।” এখন জিজ্ঞাস্য এই যে যাহা মানুষকে কষ্ট দেয়, পীড়ন করে সেই রীতি ভাল না যাহা মানুষকে স্নেহে সহজ ভাবে রাখে সেই রীতি ভাল? শাক্যসিংহ জিজ্ঞাসা করিয়াছিলেন—“যে হত্যা করে সেই অধিকারী না যে রক্ষা করে সেই অধিকারী?”

জলধর সেন মহাশয়ের “একটু জল” নামক গল্পে ছোট বিধবা মেয়েটি ‘একটু জল’ ‘একটু জল’ করিয়া প্রাণত্যাগ করিল, তাহার মা ভাই কাহারও সাধ্য হইল না যে ঐ শিশুর শুক কণ্ঠে একবিন্দু জল দিয়া

তাহার, অস্তিম-তৃষ্ণা নিবারণ করেন । ইহার উত্তরে  
শ্রদ্ধাম্পদ ষাদবেশ্বর তর্করত্ন মহাশয় বলিয়াছেন  
“আমি অশক্ত বিধবাদের জল গ্রহণে মত দিলাম” ।  
এবং “অমুক ( তাঁহার নাম মনে নাই ) তাঁহার  
বিধবা পুত্রবধূকে ভগবৎ-প্রসাদী ফলমূল ও গজাজল  
দিয়াছিলেন ।” এস্থলে অশক্ত বিধবা বলিতে কি  
বুঝায় ? যতক্ষণ বিধবা মৃতবৎ না হইবে ততক্ষণ  
তাহার জলখাওয়াও হইবে না । সকল বিধবাই  
জল অভাবে মৃতবৎ না হইতে পারে কিন্তু তৃষ্ণা  
সকলেরই হয় । তাহারা জল খাইতে পারিবে না  
কেন ? তাহাদের পতির মৃত্যু হইয়াছে বলিয়া ?  
একাদশীতে জল খাইলে কি পতির প্রতি কর্তব্যের  
হ্রাস পাইবে না পরলোকবাসী পতি বিধবা পত্নীকে  
জল খাইতে দেখিলে আতঙ্কে শিহরিয়া উঠিবে ?

“ভগবৎ-প্রসাদী ফলমূল ও গজাজল খাইতে  
দিয়াছিলেন ।” ভগবৎ-প্রসাদী নহে কি ? আমরা  
তো জানি যে জগতের সবই ভগবৎ-প্রসাদী । তিনি  
কি তাঁহার পুত্রবধুর জন্ত ভগবানের নিকট বিশেষরূপে  
ফরমাস দিয়া খাবারগুলি আনাইয়াছিলেন ? আর  
গজাজল কিছু সবদেশে পাওয়া যায় না । সুতরাং  
গজাহীন দেশের বিধবা জল খাইতে পারিবে না !  
সহৃদয় ও সঙ্গীবেচনার ব্যবস্থা বটে !

প্রৌঢ় বা বৃদ্ধের জী মরিলে তাঁহার পিতামাতা,  
আত্মীয় বন্ধু, পুত্র-কন্যা এমন কি তিনি নিজেও আবার  
বিবাহের জন্ত অস্থির হইয়া উঠেন, কেন না তাঁহার  
মন ধারাপ হয়, ঘরে মনে বসেনা, অতএব নীচুই তাঁহার  
বিবাহের দরকার ।

ভারতবর্ষে প্রকাশিত “বিজিতা” নামক উপন্যাসে  
বিধবা প্রতিভাকে দেখা যায় । প্রতিভা এত  
অল্প বয়সে বিধবা হইয়াছে যে, স্বামীর কথা তাহার  
কিছুই মনে নাই । প্রতিভা শৈলেন্দ্রকে ভালবাসিয়া  
হৃদয়ের যুদ্ধে কত বিকৃত হইয়া গিয়াছিল, অবশেষে  
ইহা হইতে মুক্তি পাইবার জন্ত তাহাকে পলায়ন  
করিতে হইল । স্বামীকে যাহার স্মরণ নাই তাহার  
অস্তরে অতি সহজে অপরের স্থান হইতে পারে ।

‘তুই যে বিধবা’ এ কথা অস্ত্রে তাহাকে স্মরণ  
করাইয়া দিতেছে, কঠোর শাসনের দ্বারা তাহার  
হৃদয়কে রুদ্ধ করিতে চেষ্টা করিতেছে, কিন্তু  
পারিতেছে কি ? অথচ তাহারই সম্মুখে বয়সে  
তাহা হইতে অনেক বড় একজন পুরুষ পত্নীর  
মৃত্যুর পর পুনরায় বিবাহ করিয়া পরমস্বখে সংসার  
যাত্রা নির্বাহ করিতেছে, একবারও তাহাকে আমরা  
তাহার মৃত পত্নীর নাম উল্লেখ করিতে  
শুনি নাই । অধিকন্তু তাহার পূর্ব জীবন একটি  
পুত্রও আছে । অবশেষে এই প্রতিভা পরকালে  
শৈলেন্দ্রকে যেন পায় এই প্রার্থনা করিল । সে তো  
তাহার স্বামীকে প্রার্থনা করিল না ! সে যে কেন  
বৈধব্য পালন করিল, কেন শৈলেন্দ্রকে ইহকালে  
সে পাইল না ইহার কারণ কিছুই বুঝা যায় না ।

আমাদের সমাজ-হিতৈষীগণের দৃষ্টি নারী যাহাতে  
দ্বিতীয়বার বিবাহ করিতে না পারে, “আমার  
জিনিসকে অপরে অধিকার কেন করিবে” এই ইচ্ছা  
হইতেই এই ভাবের উৎপত্তি হইয়াছে । কিন্তু জী  
যে রূপ স্বামীর, স্বামীও তেমনি জী । একই সময়ে  
পরস্পর বিবাহিত হয় । পুরুষ কোন স্বেচ্ছায় তাহা  
অপারকে দান করে ? নারী আশ্চর্য হইতে পারে  
যে পুরুষ কিরূপে ১০।২০।৩০।৪০ বৎসর একত্র বাসের  
পর আবার অনায়াসে বিবাহ করে ! উভয়ে যদি  
উভয়কে প্রার্থনা করে তবেই তো পরলোকে মিলন  
হইবে । ফলে সে ভার নারীর ঘাড়ে ফেলিয়া রাখিয়া  
ফাঁকির দ্বারা কাণ্ডা সিদ্ধি করা মানুষের উচিত নহে ।  
যদি সত্যই পরলোকের প্রতি বিশ্বাস থাকে, তবে  
জোড় করিয়া নারীকে নিবৃত্ত না করিয়া পুরুষও  
দ্বিতীয়বার বিবাহ হইতে নিবৃত্ত হউন, পরলোকগত  
পত্নীর সহিত অক্ষয় মিলনের ইচ্ছায় ইহলোকে  
যশ ও অক্ষয় পূণ্য সঞ্চয় করিয়া মুসলমান ও খৃষ্টান-  
সমাজকে বৃদ্ধান্ত দেখাইয়া, সগর্বে উন্নতশিরে  
দণ্ডায়মান হউন ।

অতীত যুগের প্রতি চাহিয়া দেখি যে সীতাকে  
রাবণ চুরি করিয়া লইলে রাম কত চেষ্টায়

তাঁহাকে উদ্ধার করেন। এখনকার পুরুষ রাম হইতে অনেক বুদ্ধিমান। তাঁহারা কি একরূপ চুক্তিকরাদ্বারা বস্ত্র নির্যাসের মত বৃথা এত কষ্ট করিতেন? দীর্ঘ আয় একটি বিবাহ করিতেন; রাম তাহা করিলে অনর্থক রাক্ষসগণ্য ধংশ, বানরবংশ ধংশ হইত না, নির্বিবাদে গোল চুক্তিত। রাম কি বুদ্ধির কাজ করিয়াছিলেন? বর্তমান কালের পুরুষ রামের মত নিবুদ্ধিতা করেননা ইহা ভাগ্যের কথা, নতুবা নারীগণের আর সত্যিক

ধাকিত না। কই আজকাল বলপূর্বক কোন গুণী কোন নারীকে লইয়া গেলে তাহার স্বামী তো এত গোলমাল করেন না! সে ক্রী যদি দাসীর পদও প্রার্থনা করে তবু তাহাকে স্থান দেন না! কি হৃদয় কর্তব্যপরায়ণতা! বর্তমান উন্নতযুগের ইহা হৃদয় দৃষ্টান্ত! পুরুষকে এ বিষয়ে অভিনন্দন করিয়া প্রবন্ধ শেষ করিলাম। নারীসম্মানে ও নারীভক্তিতে পুরুষ কেবলমাত্র বিখ্যাত পিতৃভক্ত আওরঙ্গজেবের সহিত তুলনায় হইতে পারে।

## জীবন প্রবাহ

শ্রীমতী ভক্তিসুধা হার।

চলতে হবে কর্মপথে

হবেই চলিতে,

গোপন বৃকের নীরব কথা

উধলে ওঠা প্রাণের ব্যথা

বলতে হবে বিশ্ব-সভায়

হবেই বলিতে,

চলতে হবে কর্ম-পথে

হবেই চলিতে।

কৃষ্ঠাবরণ গুণী তোমার

হবেই তুলিতে ;

লাগতে হবে সকল কাজে

লাগতে হবে সবার মাঝে

যুম ভেঙ্গে যে আজকে হবে

নয়ন খুলিতে ;

কৃষ্ঠাবরণ গুণী তোমার

হবেই তুলিতে।

আজকে যে তান তুলতে হবে

নূতন সুরেতে,

এই ধরণীর গন্ধে গাঙ্গে

আগুবিরে তুট নবীন-প্রাণে

শঙ্খা-ভীতি, লজ্জা-সরম

রইবে দূরেতে ;

আজকে যে তান তুলতে হবে

নূতন সুরেতে।

আজ তোমারে সবার মাঝে

হবেই দাঁড়াতে,

তন্দ্রা-অলস স্বপন টুটে

নূতন-আলোর আয়রে ছুটে

কঠিন-হৃদয় সিক্ত করি'

প্রেমের দ্বারাতে ;

আজ তোমারে সবার মাঝে

হবেই দাঁড়াতে।

# মন্দাকিনী

শ্রীমতী কুলবালা দেবী ।

( ১ )

একে শারদীয়া মেলা, তার আবার সেদিন রাজকুমারী মন্দাকিনীর জন্মোৎসব । উৎসবের আয়োজনটা এবারেও প্রতি বৎসরের মত বিরাট রকমেরই হয়েছে । রাজার একটা নতুন খেয়াল হয়েছে, প্রকাণ্ড নীল দীঘির গাঝ-জলে লাল পাথরের তৈরী একটা রক্তকমল এমন ক'রে ভাসিয়ে রাখা হবে, যেন সেটা দেখাবে সরোবর-জাত সচ ফোটা কমল ; যে আগে সাতরে গিরে পদ্মটা তুলে এনে রাজকুমারীকে এই উৎসব-দিনে উপহার দেবে সেই হবে মন্দাকিনীর স্বামী ।

তবে ছ'জন ছাড়া এ প্রতিযোগিতায় আর কেউ অধিকার পাখে না । একজন প্রতাপপুরের রাজকুমার শশাঙ্কমোহন, আর একজন রাজার পালক-পুত্র আদিত্যনারায়ণ । এই জন্ত এবার উৎসবের খুব ধুম । দেশ-দেশান্তর হ'তে আত্মীয়-স্বজন আসতে শুরু হয়েছে বহু পূর্ব হতেই, কুবেরের ভাণ্ডার উজাড় করে এনে রাজপুরী সাজান হয়েছে তবু যেন কত এখনও বাকি ।

পক্ষে পুষ্পে মঙ্গলকমলে তোরণগুলি সজ্জিত হ'য়ে দেশবাসীকে আনন্দ-আলয়ে আহ্বান ক'চ্ছে । আবাল-বৃদ্ধ দলে দলে আসছে উৎসবের আনন্দ বাড়ি'র তুলতে কত শোকাতুরা বৃদ্ধ বৃদ্ধা আজকের দিনে অরাকেও বিস্মিত হ'য়ে স্ববেশে রাজকুমারীকে আশীর্বাদ করতে এসেছে, আবার মরণোন্মুখ রোগী যে সেও তার শীর্ণ কম্পিত দেহকে লাঠির ভরে এগিয়ে নিয়ে চলেছে যেখানে রাজস্বয়ংক্রমের মত দান-ভাণ্ডার মুক্ত ক'রে দেওয়া হয়েছে প্রার্থীর প্রার্থনা পূরণ করবার জন্তে ।

রাজকুমারীর তিলমাত্র অবকাশ নেই । বহুমূল্য বসনভূষণ-ভূষিতা স্তম্ভরী-শ্রেষ্ঠা মন্দাকিনী মুক্তিমতী উৎসব-রাশীর মত অন্তঃপুর-উৎসবের ভাগ নিয়েছে নিজে ।

নীল দীঘি হ'তে পদ্ম ভোলবার সময় নির্দেশ করা হয়েছে গোধূলি বেলায় । আর দেবী নেই । দেখতে দেখতে দীঘির পাড় লোকে লোকারণ্য হয়ে উঠল । সকলের মনেই এই কথাটা জাগছে — আর একটু পরেই ভাগ্যলক্ষ্মী কে জানে কাকে জয়মান্য পরিণয়ে দেবেন ।

নির্দেশিত সময়ে ছুটি সবল স্তম্ভর 'যুৎসু' দীঘির জলে পূর্ণ উচ্চমে সাতরে চললো পদ্মটী লক্ষ করে । একবার আদিত্য কিছু এগিয়ে যাচ্ছে আবার তখনি কুমার শশাঙ্ক আদিত্যের ছুহাড় আগে চলে যাচ্ছে । উভয়েই সস্তরণে পটু, এখন জয় পরাজয় অদৃষ্টের উপর নির্ভর করে । আর একটু, আর এক পলকেই আদিত্য পদ্ম পর্শ করবে ! কিন্তু এ কি, হাজার কণ্ঠে ও কার জয় ঘোষিত হল ? কুমার শশাঙ্ক-মোহনের জয় !

বাতায়ন-পথে ছুইখানি মুখ বেশ দেখা যাচ্ছে, একখানি উল্লাসে উৎফুল্ল, একখানি বিষাদে ম্লান । পূর্ণিমার রাত, চাঁদের আলো, আর সুরভিত দক্ষিণ বাতাসের পরশ মেখে কুলবালাদেবীর শোভা শত ধারায় উজ্জ্বল পড়ছিল, কামিনীঝাড়ের কেয়ারির চারি পাশ দিয়ে মাধবীলতা লতিয়ে জড়িয়ে যেখানদীতে বিপ্রাম-কুণ্ড গড়ে উঠেছিল ঠিক তারি সামনা সামনি ছুটি বিপ্রাম-বেদীতে বসেছিল উৎসবরাজ্য মন্দাকিনী ও তাহার সখী রত্না ।

মহুজাই প্রথম কথাটা উত্থাপন করলে—“দিদি,



আমি বেশ দেখেছি আদিত্যই প্রথম পদ স্পর্শ করেছিলেন. কুমার ত একরকম ঘোর ক'রেই তাঁকে ঠেলে দিয়ে পদ তুলে নিলে।" "হাজার হাজার লোকের দৃষ্টিশক্তি তবে সেই সময় লোপ হয়েছিল বল?" মন্দাকিনীর স্বরে বিজ্ঞপ মাথা।

"কিন্তু দিদি যাই বল, আদিত্য যতখানি ভালবাসেন কুমার তার শত অংশের এক অংশও পারবে না, এ তুমি স্থির জেন'; তাই বলি তুমি আদিত্যকেই,—"

মন্দাকিনীর অধরে উপেক্ষার হাসি ফুটে উঠল। সে বললে "তুই কি পাগল হলি মছ, না তুলে গেছিল আমি রাখার মেয়ে আর আদিত্য বাবার আশ্রিত অহুগ্রহাকাকী ছাড়া আর কিছু নয়। আশৈশব পরাশ্রিত, রাজাহুগ্রহে পালিত।" ..

আদিত্যের প্রতি মন্দাকিনীর তাজ্জল্য ভাব মছজা বহু পূর্বে হইতেই লক্ষ্য করে আসছিল, আজ মন্দাকিনীর স্পষ্ট উক্তিতে তার সারা বুক বাধার খোঁচার একবার খস ক'রে উঠল। মছজা আবার কঠিন স্বরে বললে "আত্মমর্ধ্যাদাভিমান তুলে যাও দিদি, আমি বেশ জানি তোমার অভাবে জীবন তাঁর মরুময় হ'য়ে উঠবে।"

"তোমার কি ধারণ মছ সে আমার ভালবাসে? কখন' নয়। দরিদ্র সে, ভালবাসে, আমার রূপৈশর্য। তুল, সম্পূর্ণ তুল তোমার."

মছজা উত্তেজিত হয়ে বললে "আদিত্যের ভালবাসা কামনার গঙ্ঘলেশ হীন এ আমি শপথ ক'রে বলতে পারি। আরও বলতে পারি তাঁর ভালবাসার মূল্য এই রাজ্যের তাবী অধিকারীর জীবন বিনিময়েও নিরূপণ হয় না।"

এত বড় কথাটা আর কাহারও মুখ দিয়ে বার হ'লে কি হে অনর্থ হ'ত তা জানতেও পা শিউরে ওঠে, কিন্তু পিছুমানুহীনা মছজাকে মন্দাকিনী সহোদরাসম্বন্ধে ক'রত বলে সকল অপরাধই ছিল তাঁর মন্দাকিনীর।

কিন্তুদিন হ'তে মন্দাকিনীর মনেও কেমন একটু

সন্দেহের আবছায়া পড়েছিল, তাই উপযুক্ত অবসর বোধে সকল সন্দেহের সমাপ্তি করবার আশায় মন্দাকিনী তখন বলে ফেলল "আচ্ছা সত্য বল দেখি তুই আদিত্যকে ভালবাসিস কিনা?"

মছজা নীরব। এর উত্তর যে তার সারা দেহ মনে নিশি দন দিয়েও সে তৃপ্তি পায় না। হৃদয়ের গোপন-মন্দিরে সংগোপনে সে আদিত্যকে পূজা করে, কিন্তু মনের মৌন দেবতার প্রসন্ন করবার আকাঙ্ক্ষা তো সে কোনও দিন রাখেনি, সেই অনাশ্রুজিত পৌরবের পূজাই যে ছিল তার একমাত্র কাম্য।

মন্দাকিনী স্নেহে বললে "এতদিন কেন বলিগনি মছ?"

স্নেহের সাড়ায় চোখের জল আর বাধা মানল না, টাপা পাছের ঝাঁকড়া ভালটার অনেকখানি ছায়া পড়েছিল মছজার মুখে, তাই মন্দাকিনী দেখতে পেলে না তার তুই চোখ বেয়ে অকোরে অশ্রু ঝরে পড়ছে। মন্দাকিনী বললে "তুই এ বিশ্বাস করিস মছ—নিঃস্বার্থভাবে সে আমার ভালবেসেছে?"

—"অবিশ্বাসের তা কারণ নেই দিদি আমি কত দিন দেখেছি তোমায় ঘুমন্ত দেখতে দেখতে তিনি আত্মহারা হয়ে গেছেন, কিন্তু তোমায় তা কখন জানতে দেন নি, যেদিন হতে বুঝেছি তোমায় নীরব পূজায় তাঁর আত্ম সমর্পিত সেই দিন হতেই আমিও তাঁকে মনে মনে পূজা করেছি কাম্যনা-লেশ ন রেখে—মছজার কথা গুলি কারায় তেজা।

মন্দাকিনী অর্ধপূর্ণ দৃষ্টিতে একবার মছজার মুখের দিকে চাইল, কিন্তু বুকে উঠতে পারল না মছজার তৃপ্তি ত্যাগে,—না ভোগে!

(২)

কঠিন রোগে আদিত্য শয্যাশায়ী। বসন্ত-ব্যাধি সক্রমক, হুতরং রোগের নৃত্যপাতেই তাঁকে স্থানান্তরিত করা হয়েছিল। শতযথ পক্ষ নিরক্ষিতই দেওয়া হচ্ছে, সেবারও ক্রটি নেই, আদিত্যের যত্না-কাতর মুখের দিকে অপলক জাঁধি হুঁসি সদা সতর্ক

যেবে মনুজা শুশ্রূষা নিযুক্ত। তবু রোগ উপশম হয় কই? মনুজা-সংগ্রামে পরাজয় অবশ্যতাবী হুইতে গেলে সে হতাশ হয়ে পড়ছিল।

প্রায় সপ্তাহকাল পরে একদিন পতীর রাতে আদিত্যের জ্ঞানের লক্ষণ দেখে মনুজার ব্যথিত অন্তর সেবাসার্থকে খুল হয়ে উঠল বটে, কিন্তু তার মুখখানি ছেয়ে যে চিন্তার ছোপ ধরেছিল তা-তো কই একটুও মিলিয়ে গেল না।

উজ্জল আলোর কক আলোকিত, বাহিরেও বর্ষাঋতু অনন্ত সৌন্দর্য্য সেই শাস্ত্রপ্রকৃতি নিস্তরু নিশিধিনীকে জ্যোৎস্না বস্তায় ভাসিয়ে নিয়ে চলেছে। খোলা জানালা দিয়ে ঘরেও তাঁদের আলো এসেছিল অনেকগানি।

মনুজা তখন আদিত্যের পায়ে গাড়ায় বসে উঠলে পড়া চোখের জলকে কোন মতে চেপে রাখছিল, পাছে এক ফোঁটাও তাঁর পায়ে পড়ে। ধীরে ধীরে চোখ মেলে আদিত্য একধার চারিদিকে চাইল, তার পর কীর্ণস্বরে বললে, “মন্দা, আমি কোথায়?”

“ভাল ঘরগার আছেন, আপনি পীড়িত।”

উৎকর্ষা ভরে আদিত্য হঠাৎ উঠে বসল, মনুজার হাতখানা ধপ ক’রে ধরে ফেলে বললে—“এ স্বপ্ন নয়তো মন্দা, কত যুগযুগান্ত ধরেই না তোমায় এমনি ক’রে পেতে চেয়েছি, পায়নি কেন মন্দা? তোমার আমার মধ্যে কি একটা ঘেন এত দিন আড়াল দিয়ে রেখেছিল, এখন দেখছি সে ব্যবধান আর আমাদের মাঝে নেই।”—আদিত্যের চোখ দুটি তখনও অর্ধ মুদ্রিত।

মনুজা মনে মনে বললে “হায় কোথায় তোমার মন্দাকিনী, সে যে তোমার সুখময় ভবিষ্যৎকে অবহেলার দলে একজন কুমার শশাঙ্কের পাশে হুহুম-শরনে শায়িতা, আজ যে তার কুলশয্যা-স্বামিনী। ওগো কেনন করে নিষ্ঠুর হয়ে তোমায় সে কথা জানাব! আজ সে কত হুই আর চির-কাঙালিনী এ হুতাসী তার কাহান-মুখা নিয়ে অস্বত

পারাবারের ভীরে দাঁড়িয়ে আছে কোন্ কল্পলোকে পাওরা নিবেদ-অধিকারের দাবী নিয়ে!...

আদিত্যের রোগ-দুর্ভল কম্পিত দেহ বাহ-বেষ্টনে ধরে শুইয়ে দিয়ে মনুজা কোমল কণ্ঠে বললে “অত ব্যস্ত হ’বেন না আপনি, এখনও সম্পূর্ণ আরোগ্য হননি।”

“না মন্দা, এখন আমি রোগমুক্ত, বল তুমি আমার আর—”

উজ্জল আলোটা আরও একটু উজ্জল করে দিয়ে একটু কি ঘেন ভেবে নিয়ে মনুজা আলোর সামনে এসে দাঁড়াল, তার পর মাথাটা একটু উচু করে বললে “আমায় চিনতে পাচ্ছেন না, আপনি যাকে ভাবছেন আমি সে নয়, তাঁর সখী মনুজাকে মনে আছে কি?”...

বেশ পরিষ্কার চোখে আদিত্য মনুজার মুখের দিকে চেয়ে দেখল, সঙ্গে সঙ্গে একটা আর্তনাদ করে শব্দায় লুটিয়ে পড়ল।

(৩)

কালের পরিবর্তন বুকে নিয়ে জলশ্রোতের মত দীর্ঘ পাঁচ বৎসর অতীত হয়ে গেছে। এখন মন্দাকিনী অপুত্রক বিধবা, ব্রহ্মচর্যা-ব্রত-ধারিণী। মনুজা আজও কুমারী।

রোগ মুক্তির পর হতে আদিত্যকে কেহ আর দেখেনি, তার স্মৃতিও সকলের মন থেকে প্রায় মুছে গেছে, তবে একজন এখনও তাকে ভুলতে পারেনি,—সে মনুজা। মনুজা দিনান্তে একবারও হুই বিন্দু অশ্রু উপচারে আদিত্যের পূজা করতে ভুলে যেত না।

হঠাৎ একদিন লোকমুখে রাষ্ট্র হয়ে গেল আদিত্যনারায়ণ নাকি বহু ধন উপার্জন করে কিরে এসেছে। শতক্র-সৈকতে প্রাসাদ-সম অষ্টালিকা নিষ্কাণ করে সজীব বাস করছে।

তখন অপরাহ্ন বেলা। মুক্ত বাতায়নে বসে মনুজা ভাবছে,—সত্যই কি তিনি মন্দাকিনীকে

ভুলতে পেরেছেন, মন তা বিখাস করতে চায় না যে! তবেতো মন্দাকিনী ঠিকই বলেছিল,—পুরুষ ভালবাসতে জানে না কণিকারূপের মোহে তারা এমনি পাগল সাজে তারপর সেই কণ্ডকুর মোহ কেটে গেলে দেখতে পাওয়া যায় হাঙ্গা বাতাসের মুহূর্ণশে করা শেকালিকার মত তার করে পড়ে।

চিত্তানিবিষ্ট মনুজার পাশে এসে মন্দাকিনী মুহূ হলে বললে “কি ভাবছিল মনু, আদিত্যের নিঃস্বার্থ ভালবাসার প্রত্যক্ষ পরিচয় তুই একদিন পেয়েছিলি না?”

মনুজার মুখ স্নান হয়ে গেল—গোধূলির স্নান আকাশের মত। আজ আর সে মন্দাকিনীর কথার প্রতিবাদ খুঁজে পেলেন না।

মন্দা ইদানীং ব্যথিতার নীরব ভাষা বেশ বুঝতে পারত। সন্নেহে মনুজার হাতখানি ধরে কোমল কুণ্ঠে বললে “দেখ মনু, যেমন করে হ’ক সেই একুত্তের সঙ্গে একবার আমায় দেখা করতেই হবে, কেন তা শুনিবি?—তোরা জন্মে, তোরা—

মনুজা বাধা দিয়ে বললে, “আমার জন্মে?”

“—হ্যাঁ তোরাই জন্মে তোরা জীবনের সম্পূর্ণ দায়ী সে-ই।”

“এ তোমার মন্ত ভুল, তিনি তো কোন দিনই আমায়—”

“তবে কেন তুই নিম্নের জীবনকে চিরব্যর্থতায় ভরিয়ে রাখলি বোন?”

মনুজা নত হয়ে বললে “না দিদি, আমার জীবন চির-সার্থকতায় পরিপূর্ণ।”

• মন্দাকিনী একটা ছোট্ট নিশ্বাস কেলে বললে “তুই সর্বক ভালবাসতে শিখিছিলি মনু, এমনিটা যদি সবাই পারতো!”...

( ৪ )

বাসন্তী প্রভাতে অরুণের সোনার কিরণ আদিত্য-নারায়ণের স্তম্ভ ধবল প্রাসাদ-শিখরে যখন সোনালি কনক বুনছিল সেই সময় কুটী যোগিনী ঘরে এসে

দাঁড়াল, হারবান সসম্মে যোগিনীদের চরণে প্রণত হয়ে ঘর ছেড়ে দিল। যোগিনীদের এমন ভাবটা জানালে তারা যেন প্রফুর পরিচিত আত্মীয়। একজন ভৃত্য বিতলের একটু কক্ষ দেখিয়ে বললে “এখানেই তিনি সর্বদা থাকেন, আপনারা যান, আমাদের ও ঘরে প্রবেশাধিকার নিষেধ।”

কম্পিত চরণে ছুঁ ছুঁ বন্ধে উত্তরে এগিয়ে চলল। সূর্য রেশমী পর্দা ঠেলে এক প্রকাণ্ড ঘরে তারা প্রবেশ করল। বিলাসীর কক্ষ অশ্রু-চন্দনগন্ধে ভরপুর, বর্ডেশর্বে সুসজ্জিত। ঠিক সামনেই এক অপকৃপ রূপলাবণ্যময়ী যোগিনী স্নানরী সহান্তে দাঁড়িয়ে আছে। যোগিনীদের তত্ত্বিত ও ততোধিক বিস্মত! চন্দ্র সূর্য যদি শরীর ধারণ করে মর্ন্তে নেমে আসতেন তা দেখেও বোধ হয় উত্তরে এত আশ্চর্য্য হত না। কিন্তু একি? এষে খেতমর্ন্ত-গঠিত মন্দাকিনীর মূর্ত্তি!...

কক্ষে তখন এক বিরাট নিস্তকতা বিরাজ করছিল, সেই নীস্তকতা ভঙ্গ করে উদ্ভাসিতা মনুজা বলে উঠল “খস্ত একনিষ্ঠ পূজারী, তোমার সাধনা-শক্তি, প্রেমমহামন্ত্র-বলে আজ তুমি পাষাণে প্রাণ প্রতিষ্ঠা করেছ!”—পাষাণীর সেট উৎসব-দিনের বেশ! জর্দারংয়ের সাজির আঁচলখানি তেমনি ভাবেই কোমরে জড়ান, হিরক-জ্বলের উজ্জল আতা সেদিনও মন্দাকিনীর গোলাপী গণ্ডে মিশে বিচিৎ স্বর্ণ-মাধুরী ফুটিয়ে তুলেছিল। হাতে সেই রক্ত কগল! মূর্ত্তির চরণতলে জ্যোতির্ম্বর মূর্ত্তিতে আদিত্য উপবিষ্ট! এতো বিলাসী কোটিশ্বর আদিত্যনারায়ণ নয়,— এষে, ত্যাগের পরম শাস্তিময় মূর্ত্তি—ভবানীপতি!

যোগিনীদের মন্তক আপনা হতেই যেন প্রণাম-নত হয়ে পড়ল যোগীর পায়ের কাছে।

মন্দা ভাবিল—“আদিত্য।”

“কেন মন্দা?”

“তুমি জান বোধ হয় আমি পরম্পরী, অদৃষ্ট বিড়ম্বলার এখন বিধবা।

“জানি মন্দা, কিন্তু—”

“কিন্তু নয়, এই মূর্ত্তে তুমি এ মূর্ত্তি তেবে  
কেল ।”

“হাঁ, সে সত্তর অনেক দিন হ’তে আমার মনে  
আছে। তবে এতদিন করিনি কেবল তোমারই  
অপেক্ষায়। একদিন তোমারই সামনে বিদায়-  
বিসর্জন আরও সুখময় করে তুলব বলে প্রতিজ্ঞায়  
বলে আছি ।”

কথা শেষ করেই সেই পাষণ-প্রতিমা বৃকে  
তুলে নিয়ে আদিত্য বললে “এস মন্মা, মম্মা তুমিও  
এস ।”

দুহুগ-পার্বী মহানর শতক্র ভীমপর্জনে  
বয়ে যাচ্ছে কত দূর দূরান্তরে, সেই নদীর উচু  
বাঁধে এসে তিনজনে দাঁড়াল । একটু নীরবে

দাঁড়িয়ে থেকে, আদিত্য একবার ব্যাখ্যাতর দীপ  
দৃষ্টিতে মম্মার দিকে চেয়ে ধীরে ধীরে বললে  
“কথা কর মম্মা, তোমার পুণ্যময় প্রেম অধোপায়ে  
অর্পণ করেছিলে ! ‘তুলে যাও এ হতভাগকে ?  
আর মন্মা তুমিও—’ মুখের কথা তার মুখেই র’য়ে  
গেল; পাষণ মূর্ত্তি বৃকে দৃঢ় করে চেপে ধরে আদিত্য  
নিমেষমধ্যে নদীর জলে কাঁপিয়ে পড়ল ।

“একি করলে, ওগো আর একটু অপেক্ষা কর” —  
বলে আর্তচীৎকার করে মম্মা জলের বৃকে  
কাঁপিয়ে পরল । সঙ্গে সঙ্গে শতক্রর কেনীল,  
জলরাশি তখনি উচ্ছল হয়ে তরঙ্গ ভেদে নেচে  
চলল—হুটী মর্ড-হুর্লড পবিএ প্রেমময় জীবন  
বলি নিয়ে !

## নিবেদন

শ্রীমতী সলিলা বন্দ্যোপাধ্যায় ।

চাহি না ত অগতির ধন অলঙ্কার,  
দাপ্ত মোরে নম্রতা-ভূষণ ;  
মান, উচ্চপদ নাহি চাই এ ভবের  
হৃদে পূর্ণ শান্তি কর দান ।  
সহিব জীবনে নাথ বসত সহাইবে,  
নাহি হব হুঃখেতে কাতর ;  
লাঞ্ছনা, তাড়না শত বল কি করিবে,  
তুমি যদি হৃদে থাক মোর ।  
সব চিন্তা, উচ্চ আশা তুলিয়ে আমার  
তুমি মাত্র হও লক্ষ্য সার,

তব আরাধনা, সেবা হ’ক প্রেমাধার  
জীবনের শ্রেষ্ঠ ব্রত মোর ।  
ধূয়ে মুছে গুচি কয়ি এ হৃদি-আসন,  
কর তুমি পূর্ণ অধিকার ।  
বতটুকু ভক্তি আছে, অর্ঘ্য করি দান,—  
বয় ওগো রাজ রাজেশ্বর ।  
নিকৃত হৃদয় সাবে প্রেমের মন্দিরে,  
আরাধ্য দেবতা হও মোর,  
শিরে দাও পদরজঃ, কর আশীর্বাদ,  
ধন্য হ’ক জীবন আমার ।

# পূজা ও সৌন্দর্য

শ্রীমতী লীলা দেবী ।

পূজা ও সৌন্দর্যের মধ্যে যে ঘনিষ্ঠ যোগ আছে তাকে আমরা সর্বাস্তঃকরণে স্বীকার করে নিতে পারি না-ব'লেই উভয়কে বিচ্ছিন্ন করে উভয়েরই অকহানিষ্ক এনে থাকি। এই ঘনিষ্ঠ যোগকে বোধ হয় আমাদের জানী পূর্বপুরুষেরা ভালো করে জেনেছিলেন ব'লেই পূজার সমস্ত আয়োজনকেই বাহ্যিক সৌন্দর্যে ভূষিত করার অস্ত্রে এত রকম বিধিব্যবস্থা নিয়ন্ত্রিত করেছিলেন। তাই বোধনের বাজনা, তোরণের আয়তন ও পূর্ণ-কুণ্ড, জুই নৈবেদ্য সস্তার, ও পুষ্পপাত্রে ১০৮ অরবিন্দ, তাই ধূপ ধূম্র-কীটক চন্দনের ছফাছড়ি, ফুলের ফাঁসার আলিঙ্গন ও আরতীর পঞ্চপ্রদীপ। তাই মাদলিক শঙ্খনিদান ও সানায়ের করুণ কোমল স্তম্ভের সংদীত এক সৌন্দর্যের স্ফোভনা করে। অবশ্য এগুলি সমস্তই বাহ্যিক কিন্তু বাহ্যিকতা ভিন্ন সাধারণের মধ্যে কোন ভাব বা রূপকে প্রকাশ করাও যায় না। তাই তাঁরা বাহ্যিকতার আশ্রয় নিয়ে, পূজা যে অস্ত্রলোকের সৌন্দর্যসমৃদ্ধির ব্যক্ত মূর্তি সেইটারই অভিব্যক্তিতে পূজার নিয়মপ্রথা প্রচলিত করেছিলেন। অবশ্য আমার এ ধারণা সম্পূর্ণ ভুল ও যুক্তিহীন হ'তে পারে কারণ যোগশাস্ত্র আলোচনা করলে দেখা যায় যে বাহ্যিক পূজার প্রত্যেকটি অঙ্গ আধ্যাত্মিক বা আত্মযোগের এক একটা ইঙ্গিত মাত্র কিন্তু সে স্থলেও ভাবুকতার দিক দিয়ে দেখতে গেলে যোগের ঘনীভূত অবস্থা বা আত্মার সঙ্গে পরমাত্মার মিলন এক বিপুল প্রেমের পরিণতি ছাড়া আর কিছুই নয়। আর প্রেম যেখানে আছে সেখানে সৌন্দর্যকে বাদ দেওয়া যায় না—প্রেম, সৌন্দর্য ও আনন্দ পরস্পরের নামান্তর মাত্র। ধ'রতে গেলে পূজারই দ্বিতীয় নাম

প্রেম। অতএব আধ্যাত্মিক দিক দিয়ে দেখতে গেলেও পূজা ও সৌন্দর্য পরস্পরের অপেক্ষা রাখে পূজার অর্থ পবিত্রতা—এই পবিত্রতা বানসিক ও নৈহিক দুই হিসাবেই প্রযুক্ত। সেই প্রভেদেই শাস্ত্রে আছে শুদ্ধ না হ'লে পূজার অধিকার নাই। কিন্তু আজকাল এই শুদ্ধতা কেবলমাত্র বহু পরিবর্তন ও অস্পষ্টতাবাদ-সংস্কারে গিয়ে পৌঁছেছে। যথার্থ পবিত্রতা সাধনা-সাপেক্ষ। মনের পবিত্রতা যে কি জিনিষ, তাতে যে মাহুকের কত বড় সম্পদ হ্রস্বোপন আছে তা বোধ হয় আমরা সব সময় লক্ষ্য করি না। নিজের মন যার পবিত্র, তিনিই নির্ভীক উদার পরিতৃপ্ত ও মহৎ, তিনিই প্রেমিক ও সুখর! অপরে তাঁর অনিষ্ট করার শত প্রয়াস সবেও নখাগ্র পর্যন্ত স্পর্শ করতে পারে না কারণ প্রকৃতির অলঙ্ঘনীয় নিয়মে 'যতোধর্মন্ততোভয়ঃ'।

এই পবিত্রতাই পূজা। যেখানে এই পূজা বা পবিত্রতা আছে সেখানে অবশ্য সৌন্দর্যের উৎস অক্ষুরন্ত। যে ব্যক্তির মন ঐরূপ পবিত্র তাঁর মুখে যে জ্যোতিঃ যে স্বতঃস্ফূর্ত আলোক ও তেজ উদ্ভাসিত হয় তাহাই সৌন্দর্য। তাঁর আয়ত চক্ষের আবেশপূর্ণ চাহনিতে যে নিঃস্বাম প্রেম, হান্তদীপ্ত অধরে যে বিশ্বপ্রীতি, প্রশস্ত ললাটে যে পরাজ্ঞানের মহিমা প্রোক্ষল থাকে, তাহাই সৌন্দর্য! তাঁহার সর্বদা এক বিপুল সৌন্দর্যের আধার। যে ছাতি, যে নির্মলপ্রভা তাঁদের কাছে গেলে অহুভব করি তাহাই সৌন্দর্য। এই অহুপমের সৌন্দর্য চোখের বিশালতার, বর্ণের উজ্জল্যে বা অধরের লালিমায় স্ফূর্ত নহে, তাহা তাঁহার একান্ত ভালবাসার ফলে, পবিত্রতারূপ জ্ঞান ও আনন্দ লাভের জ্যোতিতে।

এইরূপ সৌন্দর্যই সর্বদেহে, সর্বকালে, সর্ব-



জাতিতে, ও সর্কাবহায় বাহনীয় । এর কয় নেই, বিলোপ নেই । যৌবনের কণিকতা, রোগের বিস্তীর্ণতা, শোকের কালিমা এ সৌন্দর্যের বিন্দুমাত্রও হানি ক'রতে পারে না ।

আজকাল আমরা রূপের প্রাচুর্য লাভের অস্ত্র কত রকম প্রয়োগই না ক'রে থাকি ! কত হেজেলিন্, ভেজেলিন্ কত সো, ব্লু, ক্রীম্, সোসান্, কত পাউডারের খে প্রাক করি তার আর ঠিক ঠিকানা নেই ! এর ফলে সৌন্দর্য বাড়ি তো ঘুরের কথা কিছুদিন বাদে মুখের কোমল চামড়া রূপ মেছেতা ইত্যাদি চর্মরোগের আকর হয় ও স্বভাবতঃ কবুসা রংও ঐ সকল জিনিষ ব্যবহারে একেবারে মলিন ও প্রভাশূন্য হ'য়ে পড়ে কারণ ক্রমাগত মুখের উপর কোন না কোন প্রলেপ পড়ায় মুখস্থ ছিদ্রগুলি বন্ধ হ'য়ে যায় । আর তাও যদি কেউ না স্বীকার করেন, যদি কারো এই বিশ্বাসই থাকে যে ঐ সব cosmetic ব্যবহারে তাঁদের সৌন্দর্যের কখনই ক্ষতি হবে না তা হলেও কালকে বা অদৃষ্টকে তো cosmetic দিয়ে এড়ান যায়না, এটা স্বীকার করবার মত যুক্তি বোধ হয় কেউ এখনও খুঁজে পাননি । অবশ্য পাশ্চাত্যে এর আলোচনা ও উপায় যথেষ্ট হ'য়েছে ও হ'চ্ছে, মৈহিক সৌন্দর্য চিরদিন বজায় রাখার জন্তে তারা

নানাপ্রকার উপায় উদ্ভাবনে ব্যস্ত আছে । কিন্তু যে সৌন্দর্যের মূল মুখোস বা চর্ম পরিবর্তন বা যে কোন বস্তুবিজ্ঞানের সাহায্যের উপর নির্ভর করে, সে সৌন্দর্য কি যথার্থই চোখ জুড়ান, প্রাণ জুড়ান হ'তে পারে ? সে সৌন্দর্য কি হৃদয় ঢালা আত্মোৎসর্গ, অকুরত প্রেম ও প্রকার অধিকারী ?

যথার্থ হৃদয় হবার জন্তে আমাদের আজ পূজা বা পবিত্রতার দরকার । অবশ্য তেমনে এই পূজার বিবিধ নাম—পূজা, পবিত্রতা, প্রেম, আনন্দ, সৌন্দর্য—ও সব শেষ প্রকাশ বা সৃষ্টি করণ । কারণ এতগুলি বিস্তৃতি বা ঐশ্বরিক ঐশ্বর্য যে মনের উপলব্ধ হ'য়েছে সৃষ্টি করা তার স্বাভাবিক ধর্ম । এই সৌন্দর্য অলীক যৌবনের অপেক্ষা রাখে না, যৌবনই ইহার চিরবন্দীভূত থাকে, ব্যাধির মালিন্যে এ সৌন্দর্যের ধ্বংস হয় না কারণ ব্যাধিকেও এই সৌন্দর্য হস্তমুখে প্রিয়তমের দান ব'লে বরণ করে, শোকের কালিমা তার মুখে অশান্তির অন্ধকার আনতে সমর্থ নয় কারণ শোককে এই ইঞ্জিয়-বিজয়ী সৌন্দর্য প্রেমালিখন দিয়ে কৃতার্থ ক'রেছে । এই চির-যৌবনের উদ্দেশ্যেই রবীন্দ্রনাথ বলেছেন—

“যোদের পাকবেনারে চুল পাকবেনা,  
যোদের ক'রবেনারে ফুল ক'রবেনা !”

## নয়নাভিরাম

শ্রীমতী 'অন্নপূর্ণা দেবী ।

তুমি যে আমার প্রাণে রয়েছ নিরন্ত জাগি,  
পরাম কাঁদিয়া মরে তোমার মিলন মাগি' ।

হে নয়ন অভিরাম,

দরশ 'অভিরাম

যাচিছে কুণ্ডিত আঁধি আকুল পিয়াদা লাগি,

মরম আপনা তুলে আমরণ অহুয়গী ।

হৃদয়ে হৃদয়ে রাখা,

মোহন মুরতি আঁকা

চাহিছে পরাম মম সকল করম ত্যাগি'

হে মম সাধন-নিধি, তোমাংরে পাবার লাগি ।

## ঘটক আগমন

শ্রীমতী প্রসন্নময়ী দেবী ।

রাজসাহী জেলার চারিদিকে রাজা মহারাজা, রাণী মহারানী ও ধনী জমীদারগণের বাস। তাঁহাদের পুত্রকন্যাদিগের বিবাহ দিবস বয়স হইলে তাঁহারা গ্রামে গ্রামে ঘটক পুরোহিত ও পুরাতন দাসদাসী পাঠাইয়া পাত্র ও কন্যা নির্বাচন করাইতেন। কাহার ঘরে কাহার সম্মানসম্মতিগণের বিবাহ হইতে পারে তাহা সকলেই অবগত আছেন। চৌধুরী কন্যার কুলীন ভিন্ন কাপ শ্রোত্রিয়ের সঙ্গে বিবাহ হয় না। ধনবান উচ্চ কুলীন আবার কাপের ঘরে বিবাহ কুসিদ্ধ। ভঙ্গ হইতে মোটেই রাজি নয়। কন্যাগত কুল—সেইজন্য হরিপুর, কাশিমপুর ও নালাোরের মেয়েদিগের সকালে বিবাহ দেওয়া বড় কঠিন ব্যাপার ছিল। আজকাল অনেক সুবিধা হইয়াছে, তেমন কঠিন আর নাই। আমাদিগের ঘরের হিন্দুরী ভগিনীদিগের বড় মাতৃষের পুত্রের সহিত বিবাহ হইত। মৈমনসিংহের জমীদারগৃহে অনেকেরই সকালে বিবাহ হইয়াছে।

“হাটিকুম্ভোলের” লাহিড়ীদিগের ঘটক ও অন্যান্য লোকজন পাড়ায় পাড়ায় মেয়ে দেখিয়া অবশেষে শ্রামবর্ণা হরিপ্রিয়া দিদিকেই পছন্দ করিয়া “পালোট” (পরিবর্তে) ছোট দিদির বড় দাদা সারদীভূষণ সায়্যালের সহিত লাহিড়ী-কন্যা চিন্ময়ী দেবীর ও তাহার ভ্রাতা বিপিন লাহিড়ীর সঙ্গে ছোটদিদির সম্বন্ধ স্থির করিয়া গেলেন। লোকে বলাবলি করিতে লাগিল যে কাল, অত্যন্ত চঞ্চল হ্রস্ব দম্ভা মেয়ের এমন বিবাহ হওয়া একটা বড় সৌভাগ্যের কথা। মেয়ের অদৃষ্ট খুব ভাল।

সারদা দাদার সম্বন্ধে দু’চারি কথা এখানে বলা প্রয়োজন। তিনি সকালের হিন্দুকলেজের জুনিয়র

সিনিয়র পাস, ৫৫ টাকা বৃত্তিপ্ৰাপ্ত খ্যাতনামা ছাত্র ও সরকারী জেলা স্কুলে হেডমাষ্টারী করিতেন। অন্ধে সুপণ্ডিত, স্কুলে ছেলেদের শিক্ষা দেবার পক্ষে কিরূপ ছিলেন জানি না, তবে গৃহে ও সমাজে একেবারে অচল। সামাজিক বিধিব্যবস্থা মানিতেন না, যাহা তাহা করিয়া বসিতেন। বুদ্ধিমতী মাতার শাসনে কোনরূপে চলিয়া যাইত। প্রবীণারা তাঁহার সঙ্গে স্ব ইচ্ছায় কথা কহিতেন না। ভাষা “হালুম খালুম গেলুম”—পূবা কলকাতাই। গ্রামে পুঙ্গবদ্বিবিশিষ্ট (fool) বলিয়া পরিচিত ছিলেন। এক একদিন এক এক অদ্ভুত কাণ্ড করিয়া গ্রামস্বল্প হাসাইতেন। এক কালীপূজার রাত্রে ঘরে বসিয়া বসিয়া পুঁথিপত্র পড়িতেছেন, আহার করিতে ডাকিলে কিছুতেই আসেন না; ব্রাহ্মণ তাঁহার অপেক্ষায় বসিয়া বসিয়া বিরক্ত হইতেছিল, তখন পিসীমা স্বয়ং যাইয়া পুত্রকে আহার করিবার জন্য ডাকিতে লাগিলেন। কোন উত্তর না, পাইয়া তিনিও রাগ করিয়া বকিতে বকিতে চলিয়া আসিতেছিলেন, এমন সময় ঘর হইতে সারদা দাদা বলিয়া উঠিলেন, “মা, আমি খাইয়াছি, এখন উঠিতে মাথা ঘুরিতেছে, হাঁটিতে পারি না।” পিসীমা আবার খুব রাগের সহিত যখন জিজ্ঞাসা করিলেন, “কি খাইয়াছি?” তখন তিনি বলিলেন “Wine”; তাহাতে পিসীমা জানিতে চাইলেন সে কি জিনিস। সরল পুত্র বলিলেন “কারণ”। শুনিয়া তিনি ত একেবারে চীৎকার করিয়া উঠিলেন ও বলিলেন “আজ যা হইবার হইয়াছে, পুনর্বার যদি ‘কারণ কারণ’ খাও ত বাড়ী ও গ্রাম হইতে “পাক” দিয়া গলাধাকায় বাহির করিয়া

দিব। তোমার বাপ পিতামহের বাড়ী না, আমার পিতৃদত্ত বাড়ী, ইহাতে হাড়ী ভোমের খাদ্য অনাচার চলিবে না। খবরদার।” সমস্ত রাজি-বার কড়ক করিয়া ঘরে রাখিয়া দিলেন। কথটা গ্রামময় রাষ্ট্র হইয়া হাসিঠাট্টার তরঙ্গ বহিয়া গেল। পিসীমাই লজ্জায় কিছুকাল বাড়ী হইতে বাহির হন নাই।

আর এক সময় স্ত্রী বর্তমানে সারদা দাদা সমাজ-সংস্কারক হইয়া বিদ্যাসাগর মহাশয়ের মতে বিধবা-বিবাহ করিতে বাস্তব হইয়া উঠিয়াছিলেন। সাজসজ্জা করিয়া কোন এক ধনীৰ অন্দরমহলের

বাহির ঘরের পার্শ্বে লুকাইয়া থাকিয়া দাসদাসী-দিনকে দিয়া প্রস্তাবটা অন্তঃপুরে পাঠাইয়াছিলেন; তাহার পর, কথটা চারিদিকে জানাজানি হইলে অতিশয় অপমানিত হইয়া সে স্থান হইতে বিতারিত হইয়াছিলেন। স্ত্রী এই ব্যাপারে অনেক দিন আর আমীর মুখদর্শন করেন নাই। সারদা দাদা বাহাকে বিবাহ করিতে কেপিয়াছিলেন তিনি সম্পর্কে স্ত্রীলিকা ও বঙ্গদেশের এক প্রধান রাজবংশের রাজমাতা। এসব মহিমময়ী রমণী ও এসব সাধ্বী নারী সংসারে বিরল।

## মাতৃ-বন্দনা

শ্রীমতী বেলা শুহ।

নাহি জ্ঞান, নাহি শক্তি,  
নাহি শ্রদ্ধা, নাহি ভক্তি,  
অহরক্তি-হীনে মুক্তি দাওনো জননি!  
আরাধিব কোন্ মন্ডে,  
পূজিব মা কোন্ তন্ডে,  
নাহি জ্ঞানি কোন্ ফুলে পূজি পা ছুখানি?  
কিরূপে করিব পূজা  
অরি মাতঃ দশভূজা,  
কৃপা করি হৃদি-পথে কর অধিষ্ঠান;

পাপ-ভাপ ঘুচাইয়া,  
আধি-জল মুচাইয়া,  
দেখাও সত্যের পথ উজ্জল মহান!  
মাতৃ-স্নেহ ক'রে দান  
তৃপ্ত কর'ন্তু প্রাণ,  
অথমে কৃতার্থ কর শুভদৃষ্টি দানে;  
করুণা-কিরণ দিয়া  
জ্ঞান-আধি বিকশিয়া  
রহ চির বিদ্যাহিতা হৃদয়-আগনে।

## প্রত্যাহ্বত

শ্রীমতী প্রভাধতী দেবী সরস্বতী ।

[ পূর্ব প্রকাশিতের পর ]

( ১ )

শ্রীকাদি মহা ধুমধামে সমাধা হইয়া গেল । হেমলতার অপর বাসায় ষাইবার কথা আর উঠিল না, কারণ স্বামীজীর বিবাদ সেখানেই মিটিয়া গিয়াছিল । ললিতাব্যু পত্নীর মনের ভাব বেশ স্পষ্ট বুঝিতে পারিয়া সতর্ক হইয়াছিলেন । সেবিকার সহজে কোন কথা তাঁহার সম্মুখে উত্থাপন করিতেন না । হেমলতা যদি কোন দিন তাহার সহজে কোন কথা উঠাইতেন, তিনি অল্প প্রসঙ্গ আনিয়া তাহা চাপা দিয়া ফেলিতেন ।

অসীম কোটে প্র্যাকটিস করিতেছিল । ললিতাব্যু নিজের ভার পুত্রের মাথায় দিয়া পরম নিশ্চিন্তভাবে বাড়ীতে বসিয়াছিলেন, কোটে ষাইবার তাঁহার কোনও আবশ্যকতা ছিল না ।

এই সময় তিনি একটা জমিদারী কিনিয়া ফেলিলেন । হেমলতা জিজ্ঞাসা করিলেন “জমিদারী কার নামে কেনা হয় ?”

ললিতাব্যু উত্তর করিলেন “উপস্থিত আমার নামেই তো রইল, তারপর যা হয় দেখা যাবে ।”

দিন দিন অসীমের খ্যাতি বাড়িয়া ষাইতেছিল, পিতাও আনন্দে কীভ হইয়া উঠিতেছিলেন ।

অন্তঃপুরের সঙ্গে তাঁহার সম্পর্ক খুব কম ছিল । আত্মকাল রাতে ও দুপুরে আহারের সময় ব্যতীত আলিসেই গান না । জমিদারী কিনিয়া তাহার বন্দোবস্ত করিতে ব্যতিব্যস্ত হইয়া পড়িয়াছিলেন ।

সেদিন দুপুরবেলা আহার করিতে আসিয়া তিনি বহুদিন পরে আবার বিবাদ শুনিতে পাইলেন । অবশ্য বড় একপক্ষেই চলিতেছিল, অপর পক্ষ সম্পূর্ণ নির্দোষ ।

আহারে বসিয়া তিনি বলিলেন “ব্যাপার কি ? মাস তিনেক ঝগড়াটা বন্ধ ছিল, আবার হঠাৎ আরম্ভ হল, এর মানে ?”

হেমলতা মুখ ঘুরাইয়া বলিলেন “মানে আমার মাথা । তোমার ছেলের বউ হতে মান সন্তান কিছু আর থাকবে না, তা আমি স্পষ্ট দেখতে পাচ্ছি । ছি ছি ছি ! কি লজ্জার কথা, মনে করতেও পা যেন কাঁটা দিয়ে ওঠে । ছোটলোকের মেয়ে, ভদ্রতা জানবে কোথা থেকে ? আর তোমাকেও বলি,— অমন সোণারটাদ ছেলের আর কি পাত্রী খুঁজে পাও নি ? ভিক্টা ষাধের ব্যবসা, তাদের ঘরে গেছে ছেলের বিয়ে দিতে ? তখন যদি আমি আসতুম, কখনো এমন বিয়ে হতে দিতুম না । পাত্রীর আবার অভাব বাংলায় ? অমন ছেলে যে রাজকন্যা নিয়ে আসতে পারত ।”

অতীতের কথা ভাবিয়া ললিতাব্যু কৃথা আক্ষেপ না করিয়া শান্ত ভাবে বলিলেন, “যা হয়ে গেছে তার অস্তে অল্পশোচনা করা কৃথা । এখন আসল কথাটা কি তাই বল । বউমা কি করেছে ?”

হেমলতা বলিলেন “আজ্ঞা, পতি্য কথা বল দেখি, তোমার ছেলের বউ হয়ে নে কিনা স্ত্রীলা করতে যার তোমারই কিয়ের কাছে সাব্যস্ত করেকটা

পয়সা? ঘোর কলি আর কাকে বলে? তুমি না লক্ষপতি অমীদার? তোমার ছেলের বউ ছুই আনা পয়সার অস্ত্রে ঝিয়ের খোসামোদ করে? আচ্ছা, আমার কাছে চাইলে কি কতি হতো তার? আমি কি দিতে পারতুম না পয়সা? অসীমের কাছে চাইতেই বা কি হয়েছিল? সেই কবে ঝগড়া হয়েছে মা মারা ষাবার আগে, সেই ঝগড়া নিয়ে এখনও মনের মধ্যে তাল বাধিয়ে বসে আছে। আমি হাজার কথাই বলুন, সে সব কি ঝেড়ে ফেলেনা মাছুবে? তুমি যে আমার হাজার কথা শুনিয়ে দাও, আমি যদি সব কথা মনে গেরো দিয়ে রাখতুম, এতদিন যে একখানা রামায়ণ হয়ে যেতো তা দিয়ে। আমি রাগ করি বটে কিন্তু বেশীক্ষণ থাকে না। অমন উদ্ভুটে রাগও আমার নয় যে আজ তিন মাস স্বামীর সঙ্গে কথা নেই, মুখ দেখাদেখি নেই। সাথে বলছি ছোটলোকের মেয়ে। নিজের মান সম্মান বিসর্জন দিয়ে যে ছোটলোকের পাশ ধরতে যায় কয়েকটা পয়সার অস্ত্রে, তাকে কি বলতে ইচ্ছে করে বলতো তুমি?”

হেমলতার অপরিসীম স্বামীভক্তির কথা শুনিয়া ললিতবাবু শুধু একটু হাসিলেন; বলিলেন “কাজটা বেজায় রকম ধারাপ হয়েছে বটে। আচ্ছা, সে আমি পরে বিবেচনা করে দেখছি। অসীমের সঙ্গে ঝগড়ার কথা কি বলছো?”

হেমলতা বলিলেন “ঝগড়ার সব কথা অবশ্য আমি জানি নে। তবে ঝির মুখে শুনলুম বউমা অসীম ঘেদিকে থাকে সেদিকে যায় না, অসীমও বউয়ের নাম পর্যন্ত মুখে আনে না, বউমার কথা কেউ তার সামনে বললেও সে রেগে ওঠে।” কি যে হয়েছে তাদের মধ্যে জানিনে তো। আমি বলি, অসীম বাই বলুক সব সাজে তার, কারণ সে ছেলে, মেয়েমাছুবের এত দর্প, এত ভেজ কেন? সকলের কাছে মাথা তার ছুইয়ে রাখতে হবে এটুকু জান নেই? কাঙালের মেয়ের এত ভেজ মানায় না কিছুতেই। যার বাপ পথে ভিক্ষা করে খেত, যেতেন কোন কাঙালের ঘরে, ভিক্ষা করতে হত

সারাজীবন ধরে, কপালে ছিল তাই, অসীমের মত ছেলের সঙ্গে বিয়ে হয়েছে, তার আবার গর্ক, তার আবার অহঙ্কার; বরং করলেও করতে পারি আমি। দেখেছ তো আমার বাপের সৎসার? তুমি কি কম টাকা পেতে এক একটা কেসে? কুড়ি বাইশ হাজার টাকা দিয়েই গেলেন আমার বাপের টাকাতে তুমি বড়লোক এ কথা বরং আমি বলতে পারি।”

কথাটা খট করিয়া ললিতবাবুর কাণে বাজিল, হৃদয়ের মধ্যেও সঙ্গে সঙ্গে বাজিয়া উঠিল। মুখখানা তাঁহার অত্যন্ত অন্ধকার হইয়া আসিল। তিনি মুখ না তুলিয়াই বলিলেন “ঠিক এ কথা।”

তিনি উঠিতে বাইতেছিলেন। হেমলতা বিস্ময়ে বলিলেন “ওক, উঠছো যে?”

ললিতবাবু বলিলেন “পেট ভরে গেছে আর খেতে পারছি নে।”

হেমলতা বলিলেন “বাঃ, সামান্য একটু খেয়েই পেট ভরে গেল? এখনও মাছ দুধ সব পড়ে রইল, শুধু ভাল দিয়ে চারটি ভাত খেয়েই উঠলেন না, বসো, ওই দুধটুকু নিদেন খেয়ে যাও। একে এই হাড়ভাঙ্গা খাটুনি, তাতে একটু দুধ ঘি মাছ, কিছু থাকবে না। বাচবে কি করে?”

পত্নীর এ সংহৃদয়তার পানেও ললিতবাবু চাহিলেন না, বরং বিরক্তি দেখাইয়া বলিলেন “খিদে না থাকলেও খেতে হবে, এমন কোনও কথা থাকতে পারে না, এ আদরের নামে অত্যাচার। আবার খানিক পরে অঘল হয়ে উঠবেখন, তখন আবার ডাক্তার ডাকো, ওষুধ আনো। আগে হতে সাবধান হওয়া ভাল, না রোগ বাড়িয়ে তুলে শেষে সাবধান হওয়া ভাল?”

স্বামীর বিরক্তি দেখিয়া হেমলতা আর কিছু বলিতে পারিলেন না। বাস্তবিকই ললিতবাবুর ডিসপেনসিয়া ছিল এবং অত্যাচার হইলে সময় সময় তাহা এত বাড়িয়া উঠিত যে তখন তিনি শয্যাগত হইয়া পড়িতেন।



ললিতবাবু তাড়াতাড়ি আচমন করিয়া পানের ভিঁয়া হইতে ছইটা পান তুলিয়া লইয়া বাহির হইতেছিলেন, হেমলতা বলিলেন “এই খেয়ে একটু না জিরিয়ে নিষেই আবার যাচ্ছ কোথায় ?”

ললিতবাবু বলিলেন “বাইরে এখনও ঢের কাজ পড়ে আছে।”

তিনি তাড়াতাড়ি বাহির হইয়া পড়িলেন।

প্রাচীরের ওদিকে সেবিকার গৃহ। অসীম তখন কোর্টে চলিয়া গিয়াছে, সেবিকা আহায়ে বসিয়াছে। হঠাৎ দরজার উপর ললিতবাবুকে দেখিয়া সম্বন্ধে সে মাথায় কাপড় টানিয়া ভাত ফেলিয়া উঠিল।

প্রশান্ত ভাবে ললিতবাবু বলিলেন “আমায় দেখে লজ্জা কি মা? তুমি আমার মেয়ে, বাপের কাছে মেয়ের লজ্জা নেই। তুমি খাও, তারপরে তোমার পক্ষে আমার একটা কথা আছে।”

সেবিকা জড়সড় ভাবে বলিল “আপনি আগেই তা বলুন না কেন বাবা? আমি পরে খব'খন নাহুঁস্ন।”

ললিতবাবু বলিলেন “না, আগে তুমি খাও তারপর বলছি।”

সেবিকার বিবাহ হওয়া পর্যন্ত একদিনও তিনি এদিকে আসেন নাই। আজ তিনি দরজায় দাঁড়াইয়া, সেবিকা ভারি অশ্রুত হইয়া পড়িয়াছিল।

ললিতবাবু তাহার আহাৰ্যের পানে লক্ষ্য করিয়া গভীর চুঃখের সহিত বলিয়া উঠিলেন “একি মা? আমাদের সকলের ভাল খাবার জোটে, তোমার জোটে না? চাকর কি যে ভাত খায় তুমিও সেই ভাত খাও?”

সেবিকা ভাত আড়াল করিবার চেষ্টায় ছিল কিন্তু সে চেষ্টা তাহার ব্যর্থ হইয়া গেল। সে বলিল “এতো আমি ইচ্ছে করে খাই বাবা। সন্ধ্যা চালের ভাত খেতে আমার মোটেই ভাল লাগে না, আর বেশী তরকারী, মাছ খাওয়াটাও আমি পছন্দ করি নোঁ। এই তো সব ঢেরে ভাল খাবার বাবা।”

ভাণ্ডার গৃহের চাৰি হেমলতার হস্তে, তিনিই স্বহস্তে চাল ভাল মাপিয়া দিতেন। সেবিকা মুখ ফুটিয়া বলিতে পারিল না যে তিনিই দাসী চাকরের সহিত তাহাকেও এক্ষেত্রে দণ্ডায়মানা করিয়াছেন। সারদা মারা যাইবার পর হইতে তাহার এই নূতন ব্যবস্থা হইয়াছে।

ললিতবাবু তাহার গোপন চেষ্টা বুঝিয়াছিলেন, তিনি শুধু একটা নিখাস ফেলিয়া বলিলেন “তোমার যদি এই পছন্দ হয় তাতে আমার কোনও আপত্তি নেই। যদি অসুবিধা বোধ কর কিছু আমায় জানাতে লজ্জা ক'রনা বউমা। আমি বার বার তোমায় বলে দিচ্ছি আমার তোমার বাপ বলে ভেবো—স্বপ্ন বলে ভেব না। আমার মেয়ে নেই, আমি তোমাকেই মেয়ে বলে জেনেছি।”

কথাটা বলিতে বলিতে তাহার দুই চোখ অশ্রু পূর্ণ হইয়া উঠিল। অসীমের পরে একটা মেয়ে হইয়াছিল। তাহার হৃদয় ঠিক সেবিকার মতই কোমল ছিল। কাহারও সেবা করিতে পারিলে সে নিজের জীবন ধন্য বলিয়া জ্ঞান করিত। মাত্র নয় বৎসরের হইয়া সে চলিয়া গিয়াছে। সেই মেয়েটিকে তিনি বড় ভালবাসিতেন। সেই ভালবাসাটা সব পড়িয়াছিল গিয়া সেবিকার উপর। মৃত্যুর ভাব লইয়া সেবিকার সহিত তিনি মিলাইয়া দেখিয়াছিলেন, যদি সে বাঁচিয়া থাকিত সেবিকার মতই সেবাত্রতকে জীবনের শ্রেষ্ঠ কর্মরূপে বরণ করিয়া লইত। সেও ঠিক এমনি কথো অনলস ছিল, তাহার মুখেও এমনি একটা শান্ত কোমল ভাব জ্বালা থাকিত। এ পর্যন্ত একদিনও তিনি সে মেয়ের কথা মুখে আনেন নাই। আজ বড় আঘাত পাইয়া তিনি রুদ্ধকণ্ঠে বলিয়া উঠিলেন “না, তোমাকে পেয়ে আমি স্বজাতার শোক তুলে গেছি। তোমার ব্যথা আজ স্বজাতার ব্যথা বলেই আমার মনে হচ্ছে।”

সেবিকা লজ্জিতভাবে কোনরকমে তাহারটা সারিয়া লইল। আচমন করিয়া আসিয়া সে দরজার পাশে দাঁড়াইয়া বলিল “কি কথা বলবেন বাবা?”

ললিতাবাবু একটা নিখাস ফেলিয়া বলিলেন “তুনলুম তুমি আজ কির কাছে ছুই আনা পরসা চেয়েছিলে ? পরসা তোমার কিসের অন্তে দরকার মা ?”

সেবিকা মাথা নীচু করিয়া রহিল। কাণ্টা অন্তায় তাহা সে জানে, কিন্তু উপায় নাই তাহার। সে বঙ্কলোকের পুত্রবধু, সোণায় তাহার সকল অঙ্গ আচ্ছাদিত, কে বিশ্বাস করিবে যে সে ছুই আনা পরসার অন্ত দাসীর কাছে মাথা নোয়াইবে ? দাসীটি হেমলতার পিজালয়ের। সে পরসা নাই বলিয়া হেমলতার নিকটে গিয়া বধুর এই নীচতার কথা দশখানা করিয়া লাগাইয়াছিল।

ললিতাবাবু বলিলেন “লজ্জা কি ভয় আমার কাছে কিছু কোরো না। আমি বেশ বুঝতে পারছি বড় দায়ে না পড়লে কখনও তুমি মাথা নোয়াতে যাও নি। সত্য কথা বল, আমি তোমাকে তো কিছুই বদাব না মা।”

সেবিকা তেমনই অবনত মুখে বলিল “মা চিঠি দিয়েছেন আজ কতদিন, তার উত্তর দেব কি—”

ললিতাবাবু বলিলেন “বুঝেছি। আচ্ছা মা, কির কাছে না চেয়ে আর কারও কাছে চাইলে তো পারতে। তোমার কাছে কি কিছু নেই ?”

সেবিকা নীরব হইয়া রহিল।

ললিতাবাবু বলিলেন “আমারই অন্তায় হয়েছে এটা। এখার হতে আমি তোমার হাতখরচা কিছু কিছু দেব। এখন এই মাও এই টাকা কটা রেখে দাও মা। বিকেলে তোমার একটা বন্দোবস্ত আমি ঠিক করে দেব। আর তোমার খাওয়ার উপরেও এবার হতে মজুর রাখতে হবে আমার। আমরা সব ভাল খাব আর তুমি বে অল্প খাওয়া খাবে, তা হবে না। আমি বলছি মা, তোমার যখন বা দরকার হবে আমার জানিয়ে। মা থাকতে তিনিই সব জানাতেন ; এখন তুমি নিজে মা বললে আমি জানব কি করে ?”

লজ্জা করণী তাহার হাতে দিয়া তিনি কিরিলেন।

আর সব সাংসারিক ব্যবস্থা তিনি করিয়া দিতে পারিবেন কিন্তু তাহাদের বিবাদের তো কিছুই মীমাংসা করিতে পারিবেন না। আজ যদি মা থাকিতেন !

ভাবিতে ভাবিতে তিনি বাহিরে চলিয়া গেলেন।

( ৮ )

অসীম তখন কোটে বাইবার অন্ত পোষাক পরিতেছিল, সেই সময় ভৃত্য রামলাল আসিয়া ছুইখানা পত্র তাহার সম্মুখে রাখিল।

অসীম পত্র দুইখানা উন্টাইয়া দেখিল ছুই খানিই দার্জিলিং হইতে আসিতেছে, একই হাতের লেখা। একখানি তাহার নামে, অপরখানি সেবিকার নামে।

এ পত্র কে যে দিয়াছে তাহা বুঝিতে তাহার একটুও দেরী হইল না। তাহার প্রশান্ত ললাট আবার কুঞ্চিত হইয়া উঠিল। হৃদয় গুরুত্বাবে আবার আক্রান্ত হইয়া পড়িল।

ক্রীর পত্রখানার পানে সে কঠোর ভাবে চাহিল। কে জানে এই পত্রখানা কি সব গোপনীয় কথা তাহার নিকট হইতে বহন করিয়া আনিতেছে। কত হৃদয়ের উচ্ছ্বাস এই পত্র খানির ভিতর পূর্ণ করিয়াছে।

একবার খুলিয়া দেখিবে কি সে ?

না না, দরকার কি ? অসীম তো তাহাকে ত্যাগই করিয়াছে, তাহার সহিত অসীমের তো কোনও সম্পর্ক নাই। সে যাহা ইচ্ছা করুক না কেন, অসীমের তাহাতে কি ?

রামলালের হাতে সে পত্রখানা ফেলিয়া দিয়া বলিল, “এখানা বাড়ীর মধ্যে দিগে যা।”

রামলাল বলিল “মার ?”

অসীম বিরক্তভাবে বলিয়া উঠিল “না।”

রামলাল আর কথা কহিতে সাহস না করিয়া চলিয়া গেল। অসীম নিজের নাকীর পত্রখানার পানে একবার চাহিল। খুলিবে কি সে এ পত্র খানা ? খুলিবে দেখিতে পাইবে কেবল কর্তব্য

সবকে কঠিন উপদেশ, বহুতার ভাণে শক্ততা ।  
পত্রখানা না পড়িয়া টুকরা টুকরা করিয়া ছিঁড়িয়া  
পকে-কেলিয়া দিলে কতি কি ?

তথাপি খুলিতে হইল । হৃদমণীয় কৌতূহল  
যে তাহা করিতে দিতে চায় না । সে শুনিয়া নিবৃত্ত  
হইতে চায় পত্রখানা কতগুলি উপদেশ বহন করিয়া  
আসিয়াছে ।

কিন্তু পত্রখানার উপদেশ কিছুই ছিল না ।  
সেবিকার নাম দীপালির নাম তাহাতে নাই । সে  
যেন সব ভুলিয়া গিয়াছে, তাহাদের উভয় বন্ধুর  
মধ্যে যেন কেহ দাঁড়াইয়া আছে । সেই কলেজ  
জীবনে তাহার যেন অকৃত্রিম বন্ধু ছিল, কেহ দূরে  
গেলে সে যেন ভাবে অপরকে পত্র দিত, এ পত্র-  
খানা সেই রকমের । নিজের দাঙ্কলিং ভ্রমণ-  
বৃত্তান্ত সে উৎসাহের সহিত বর্ণনা করিয়া গিয়াছে ।  
সর্বশেষে জানাইয়াছে সে পূজার সময় বহরমপুর  
ফিরিয়া আসিবে । এখনও তাহার বেড়াইবার  
স্থান কয়েকটা আছে, সে কয়টা দেখা শেষ না হইলে  
সে আসিতে পারিবে না ।

সে আরও লিখিয়াছে এখানেও কয়েকটা তাহার  
বন্ধু জুটিয়া গিয়াছে । তাহাতে অসীম যেন হিংসা  
না করে, কারণ অসীমের পার্শ্বে সে কাহাকেও স্থান  
দিতে পারে নাই ।

“অপদার্থ কোথাকার !”

অসীম পত্র খানা ছই হাতে দলা পাকাইয়া এক  
কোণে কেলিয়া দিল । সে মানস চক্ষু দিয়া দেখিবার  
চেষ্টা করিতে লাগিল সেই পত্র খানা পাইয়া  
সেবিকার কি অপরিমিত আনন্দ হইয়াছে । সে  
ভাবটা দেখিবার জন্য তাহার মন ভারি চঞ্চল  
হইয়া উঠিল, কিন্তু কোর্টে আজ জরুরী কেস  
খাকার সে আর বিলম্ব করিতে পারিল না,  
তাড়াতাড়ি করিয়া পান লইয়া, গাড়ীতে উঠিয়া  
বসিল ।

সারাদিন কোর্টে থাকিয়া সে কিছুতেই শান্তি  
পাইতেছিল না । তাহাকে সে নিজেই নিজের

কাছ হইতে দূর করিয়া দিয়াছে, বাহার জুল মন্দ,  
পতন উত্থান সবকে সে একেবারে উদাসীন, আজ  
তাহার মুখের আনন্দের রেখাটা দেখিবার জন্য সে  
বাগ্ন হইয়া পড়িতেছিল । ম্যাজিস্ট্রেটের সম্মুখে  
সাক্ষীকে ক্রম করিতে করিতেও ছই একবার তাহার  
মনে হইতেছিল এতক্ষণ বোধ হয় সেবিকা সেই  
পত্রখানা বন্ধে লইয়া সজলনমনে প্রার্থনা করিতেছে  
‘ওগো তুমি শীঘ্র ফিরিয়া এসো ।’

অন্তদিন সে সন্ধ্যার পূর্বে বাড়ী আসিত না,  
আজ বেলা একটু পড়িয়া আসিতেই পদব্রজে বাড়ী  
চলিয়া আসিল, তখন কোচম্যান কোর্টে বাইয়া  
তাহাকে আনিবার জন্য গাড়ী ঠিক করিতেছিল ।

পিতা তখন কয়েকটা বন্ধুর সহিত নানা  
কথাবার্তা বলিতেছিলেন, হঠাৎ তাহাকে হাঁটিয়া  
আসিতে দেখিয়া, তিনি সবিস্ময়ে বলিলেন “এ  
আবার কি ? গাড়ী যায় নি এখনও, হেঁটে এলে  
যে তুমি ?”

অসীম একটু হাসিয়া বলিল, “আমার যে বন্ধুর  
বাসায় রোজ বাই আমি ফিরবার সময়ে, সে বাড়ী  
চলে গেছে । গাড়ীর জন্য আর কতক্ষণ বসে  
থাকব ? সবাই চলে গেল, কাজেই আমিও  
চলে এলুম ।”

ললিতাবাবু বলিলেন “তোমাদের বন্ধুও তো  
এলো ? কাল বুঝি কোর্ট বন্ধ হবে, না ?”

অসীম “হ্যাঁ” বলিয়া ভিতরে চলিয়া গেল ।

পোবাক খুলিয়া ঠাণ্ডা হইয়া সে বারাণ্ডায়  
একখানা চেয়ারে বসিল । সেবিকা দাসীর হাতে  
দিয়া জলখাবার ও চা পাঠাইয়া দিল ।

আজ অসীমের মনটা চঞ্চল, মেজাজটাও পরম ।  
সমস্ত প্রস্তুত চা হইতে তখনও ধোঁয়া উঠিতেছে, কিন্তু  
সে একবার তাহাতে আঙ্গুল দিয়া দেখিরাই বিরক্তি  
ও রাগের সহিত গ্রেট ও কাপ প্রাচীরে ছুড়িয়া  
কেলিয়া দিল, খাবারের ভিস লইয়া নিজের আদরের  
কুকুর জেলিকে দিল, রাগের সহিত চীৎকার করিয়া  
বলিল “এমন চা, এমন খাবার না দিলেই হয় ।

চা ঠাণ্ডা হয়ে গেছে, খাবারগুলো শক্ত হয়ে গেছে। না হয় নাই খাব এবার হতে বাড়ীতে, আমি কালই আগাদা বাসা ঠিক করে চলে যাব। বাবা যাদের ভালবাসেন, তাদের নিয়ে থাকুন, আমি বাবুন চাকর রেখে বেশ থাকতে পারব।”

প্রেট ও কাপের কন্ কন্ করিয়া ভাঙ্গিয়া যাইবার শব্দ ও অসীমের চীৎকার শুনিয়া হেমলতা তাড়াতাড়ি বাহিরে আসিলেন। পার্শ্বের গৃহের দরজার কাছে গেবিকা দাঁড়াইয়াছিল, তাহার মুখ তখন একেবারে সাদা হইয়া গিয়াছে, হেমলতাকে দেখিয়াই সে গৃহ মধ্যে চলিয়া গেল।

অসীম তাঁহাকে দেখিয়া একেবারে জলিয়া উঠিয়া বলিল “আচ্ছা নতুন মা, আমার জলখাবার আর চা টা কি তুমিও করে দিতে পার না? সত্যি যদি তোমাদের কষ্টই হয়, সে কথা স্পষ্ট করে বলে ফেললেই পার।”

হেমলতা একেবারে এতটুকু হইয়া গিয়া বলিলেন “কেন পারব না বাবা? ওই তো এক কাপ মাত্র চা, আর কখানা লুচি, কে না পারে করতে? ওতে কষ্টই বা কিসের? বড় বেশী কপের কাজও তো নয় যে—”

ষিগুণ চড়িয়া উঠিয়া অসীম বলিল “বড় বেশী কপের যে কাজ নয় তা তো আমিও জানি। তবু চা ঠাণ্ডা, ওবেলাকার ঠাণ্ডা শক্ত লুচি, আর যা তা করে পাক করা মোহনভোগ, এই তো প্রত্যেক দিনই পাই। কোনও দিন চায়ে ছুধ কম, কোনও দিন গিষ্টি একেবারেই নেই, এসব কি? তুমি যদি পার, কাল থেকে করে দিও সব। যে আমার দেপতে পারে না সে যে আমার খাবার কত ভাল করে তৈরী করবে তা জানা কথা।

হেমলতা এতক্ষণ একটু ধো পাইলেন। মুখখানা তার করিয়া বলিলেন “আমার কি করতে অপাধ বাবা? ছেড়ে যদি না দেয়, কি করে করি বল? আর বাবা, আমি তো সৎমা, চিরকাল গর হয়েই আছি। নিজের লোকে যদি এমনি করে—”

বাধা দিয়া চীৎকার করিয়া অসীম বলিল “কে আমার নিজের লোক? আমি ওকে বিয়ে করেছি এই মাত্র। আমি অনেক দিন আগেই তো ছেড়ে দিইছি ওকে; ইচ্ছে হয় নিজের পথ খুঁজে নিক গৈ যাক এখন। আমার স্ত্রী বলে কখনও কাহারও কাছে পরিচয় যেন না দেয়।”

হেমলতা সাধনার স্বরে বলিলেন “যাক বাবা, এখন এই এলে কোর্ট হতে, আর মেলা বকাবকি করলেই মাথা ধরে যাবে এখন।”

দাসীর পানে তাকাইয়া বলিলেন “যা তো ষি, শীগগির করে খানিকটে জল বসিয়ে দিগে। আমি এখনি আবার চা খাবার করে আনছি। চারটি ময়দা নিয়ে শীগগির মাথপে যা। রামলাল গেল কোথা? এসে একটু বাতাস করুক না কেন বাপু? চাকর যেন নবাব হচ্ছেন দিন দিন। এই বাছা এল খেটেখুটে, বাড়ীতে এসে যে একটু শান্তি পাবে তার ঘো-টা নেই।

অপ্রস্তুত রামলাল কোথা হইতে একটা পাখা ষোগাড় করিয়া হাঁফাইতে হাঁফাইতে আসিয়া বাকাস করিতে লাগিল।

হঠাৎ হেমলতার এতটা যত্ন দেখিয়া অসীমের লজ্জাবোধ হইতেছিল। নিজের কথাটাও সে ভাবিয়া দেখিল। সে কখনও এ রকম হয় নাই। দুদিনের জিনিস সে আরও জিদ করিয়া এই কয়েকদিন আগে খাইয়াছে, আজিকার এই রাগটা অকস্মাৎ হইয়া উঠায় সে কিছুতেই নিজেকে সামলাইতে পারে নাই।

হেমলতা তাড়াতাড়ি রন্ধনগৃহে চলিয়া গেলেন। রামলাল সমানভাবে পাখা টানিতে লাগিল। সে একরকম প্রায় হাতে করিয়া অসীমকে মাহুয করিয়াছে। ছোটবেলার মতই সে তাহার মূর্ত্তি ব্যবহার করিত। আজ সে বুঝিতে পারিল অসীম আর সে অসীম নাই, সে এখন বাবু হইয়াছে, তাহাকে এখন সম্মান করা বিশেষ আবশ্যিক।

অসীম তাহার পানে চাহিয়া বলিল “যাক আর



বাতাস করতে হবে না। পাখাখানা আমার হাতে দিয়ে তুমি অন্য কাজ কর গে যাও।”

রামলাল মাথা চুলকাইয়া বলিল, “আমার এখন আর কোনও কাজ নেই। বাবুর কাছে লছমন আছে।”

ক্রকুটী করিয়া অসীম বলিল “নেই তো বেশ, পাখা দিয়ে যাও আমাকে।”

পাখা তাহার হাতে দিয়া রামলাল পলাইল।

খানিক পরে চা ও খাবার লইয়া হেমলতা দর্শন দিলেন। সেগুলি টেবিলে রাখিয়া অসীমের হাতে পাখা দেখিয়াই বলিয়া উঠিলেন “পোড়ার মুখো চাকর পালিয়েছে বুঝি? বড় আশ্চর্য্য বেড়েছে যে ওর। রোসো, ওকে যদি না তাড়াতে পারি কাল, তবে আমার নামই নয়। বিটলে বড়ো খালি খাবাব যম। এক খালা করে ভাত ঠেসতে এদিকে নির্লক্ষণ মজবুৎ।”

অসীম চায়ে চুমুক দিতে দিতে বলিল “না তার দোষ নেই। বাবা তামাক চাচ্ছিলেন তাই আমি তাকে পাঠিয়েছি।”

হেমলতা আক্রমণের আর স্বেযোগ পাইলেন না। গজ গজ করিতে করিতে বলিলেন “কেন, লছমন আছে, গুলুয়া আছে, তারা কেউ গিয়ে তামাকটা আর দিতে পারলে না?”

বলিতে কি—সেবিকার মনে এই আঘাতটুকু দিয়া অসীম মদয়ে বর্করোচিত আনন্দ অনুভব করিতেছিল বড় কম নয়।

শেদিন জ্যোৎস্না মাথা স্নাতকী। চারিদিক ধবধবে জ্যোৎস্নার জ্বরিয়া গিয়াছে। অসীম দ্বিতলে শয়ন করিত। সে রাজে সে খোলা ছাদে বসিয়া আছে। সামনে কুল কুল নাদে প্রবাহিতা গঙ্গা। ওপারে সারি সারি গাছগুলি পায়ের কাছে ছায়া ফেলিয়া সর্কাকে জ্যোৎস্না জড়াইয়া দণ্ডায়মান। ধীরে ধীরে ছোট ছোট কুটীরে তখনও আলো জলিতেছে, গঙ্গাবকে তাহাদের ছোট ছোট নৌকাগুলি ভাসিতেছে।

অসীম বরাবরই সৌন্দর্যের একটি প্রিয় ভক্ত, আজ সমস্ত দিন মন তাহার ভারগ্রস্ত ছিল; যামিনীর এই সৌন্দর্য্য দেখিয়া তাহার প্রাণে আনন্দ আসিয়াছে, সে আপন মনে গুন গুন করিয়া তাহার প্রিয় গানটী গাহিতেছে—“প্রাণের পথ বেয়ে গিয়াছে সে গো।” আজ তাহার মনে সেই একটি দিনের নিমেষের তরে দেখা একটি কিশোরীর অনিন্দ্যসুন্দর মুখখানি আগিয়া উঠিয়াছে। তাহার হৃদয় দলিয়া সে চলিয়া গিয়াছে, তাহার সন্ধান সে জীবনের মধ্যে পাইবার আশা করে না। বার বার সে তাই গভীর আক্ষেপের সহিত, হৃদয়ের সব ভাষা ঢালিয়া দিয়া গাহিতেছিল—

“প্রাণের পথ বেয়ে গিয়াছে সে গো,

চরণ চিররেখা আঁকিয়া যে গো।”

বাস্তবিকই কখন সে আসিয়াছিল, কখন সে চলিয়া গেল কিছুই সে জানিতে পারে নাই। যখন জানিল তখন শুধু তাহার চরণের রেখাই হৃদয়ে অঙ্কিত। তাহার শূন্য হৃদয়-আসনখানা সেই দেবীর ছায়া লইয়া হাহাকার করিয়া কাঁদিতেছে—‘এসো গো এস। তোমারই আসন এ, আর কারও নয়। তোমার বস্তু তুমিই আসিয়া গ্রহণ কর। ওগো চির দ্বিগ্নিত, ওগো কত জনমের আরাধনার ধন, তুমি এস গো এস।’

সে বুঝি তাহার আরাধনাই করিতেছিল। হঠাৎ পশ্চাতে চুড়ির ঠুন ঠুন শব্দ শুনিয়া সে অত্যন্ত চমকাইয়া ফিরিল। এ কে? এতো তাহার ধ্যানের প্রতিমা নয়। যথাকৈ নিম্নত ঘৃণা করিয়া আঘাতে আঘাতে বন্ধ ভাঙ্গিয়া দিতেছে, সেই যে!

কোন লজ্জায় আবার সে তাহার মুখ দেখাইতে আসিল অসীমের কাছে? চারি মাস পরে সে আবার স্বামীর কাছে কেন? বৈকালে খাবার নষ্ট করিয়া অসীম যে অনুশোচনায় ভরিয়া উঠিয়াছিল তাহাই দেখিয়া বুঝি সে আসিয়াছে! ওরে ঘৃণিতা, সে অনুশোচনা তাহার নিজের হঠাৎ রাগ হইবার অন্ত, অন্ত কোনও কারণে নহে।



অসীম কথা কহিল না। চকু ফিরাইয়া আবার গজার ওপার পানে চাহিল।

সেবিকা নিজেই অগ্রসর হইয়া তাহার সম্মুখে দাঁড়াইল। সকোচর কোন ভাব না দেখাইয়া বেশ শান্ত ভাবে বলিল “আমি আজ তোমায় একটা কথা বলতে এসেছি।”

সে ভাবিয়াছিল অসীম নিশ্চয়ই জিজ্ঞাসা করিবে, ‘কি?’ কিন্তু অসীম নীরব।

সেবিকা নিজের ভুল বুঝিয়া আরও শক্ত হইল, বলিল “আমি দেখছি আমাকে নিয়ে তোমাদের সংসারে অনেক গোলমাল হচ্ছে। আমি সেই জন্তে চলে যাব। কিন্তু চলে যাবার আগে তোমাকে স্থগী করে যেতে চাই। আমি জেনে যেতে চাই তুমি স্থগী হয়েছ, সেই চিন্তাই আমার সাধনা হয়ে দাঁড়াবে।”

অসীম এবার কথা কহিল “কি রকমে স্থগী করতে চাও আমাকে তুমি?”

সেবিকা বলিল “আমি দীপালির সঙ্গে তোমার বিষে দিবে যেতে চাই।”

অসীম আত্মবিশ্বস্ত ভাবে দাঁড়াইয়া বলিয়া উঠিল “দীপালি?”

সেবিকা পূর্ববৎ শান্তভাবে বলিল “হ্যাঁ দীপালি।”

অসীম আপনাকে সামলাইয়া বসিয়া পড়িল, বলিল “তুমি দীপালির কথা কি করে জানলে?”

সেবিকা বলিল “আমি জানি।” সে যে সরিতের মুখে সে কথা শুনিয়াছে তাহা বলিল না, অসীমও আর জানিতে চাহিল না। যে কথাটা

ভুলিয়াছিল তাহা আবার অসীমের হৃদয়ে আগিয়া উঠিল। সে বেশ বুঝিল এ কথা নিশ্চয়ই আজ সরিত লিখিয়াছে। আজিকার ঝগড়াটা বাধাইবার উদ্দেশ্যে নিশ্চয়ই সেবিকার ছিল—ইহা বেশ জানা যাইতেছে।

অসীম উর্দ্ধদিকে চাহিয়া আপন মনে বলিল “আমার বিয়ে করতে তাকে কোনই আপত্তি নেই কারণ সে খুব ভাল মেয়ে, আর আমি তাকে খুব ভালবাসি। তুমি দূরে যেতে ইচ্ছা করছ, ভালই। আমার মতেও সেইটেই ভাল। কোথায় থাকবে তুমি তা’ বলতে বোধ হয় আপত্তি নেই?”

সেবিকা অনেক কষ্টে আত্মসংবরণ করিয়া বলিল “ঠিক কি ক’রে বলতে পারি? আমার কাকা এখানে আছেন, তাঁর কাছে গিয়ে থাকতে পারি।”

অসীম বলিতে যাইতেছিল “সরিতের বাড়ীতে?” কিন্তু খুব সামলাইয়া লইল। বলিল “সরিত আসছে যে আজকাল।”

“তা আমি জানি” বলিয়া সেবিকা ফিরিয়া চলিল। নির্জন সিঁড়ির পথে নামিতে নামিতে সে একবার উচ্ছ্বসিত ভাবে কাঁদিয়া বলিয়া উঠিল “নির্দয়—পাষণ!”

সে যে তাহার কতখানি বিসর্জন দিতে গেল অসীম তাহা একটুও বুঝিল না। দীপালিকে বিবাহ করিতে পারিবে, তাহার পথের কাঁটা আপনাই সরিয়া যাইবে, এই আশঙ্কায় সে অধীর হইয়া উঠিল। জগতে ভালবাসার প্রতিদান নাই, জগত পাষণের চেয়েও কঠিন-হৃদয় মানুষকে বন্ধে ধরিয়া রাখে।

(ক্রমশঃ)

# ব্যর্থ বেদনা

শ্রীমতী প্রতিভা দেবী ।

অস্তরেরো নিভৃত অস্তরে—

ধরে ধরে

কবে একদিন

ফুটেছিল কুসুম নবীন,

নিয়ে তার

নব গন্ধ মধু রসভার ।

ফুঙ্ক দ্বার গোপন নিলয়ে

ছিল গুপ্ত হয়ে,

আপনারি বিকাশ-গৌরবে

স্বপ্নমা সৌরভে,

তরুণ প্রেমের রঙে গোলাপী আভায়

আছিল ঘুমায়ে স্নিগ্ধচ্ছায় ।

অমৃত স্বপনে,

কেন ধরা দিলে সখা নয়নে নয়নে,

হাসির লহরী তুলে কি কহিলে ভাষা,

আগায়ে অজানা শত আঁশা ।

স্বরে স্বরে,

বাঁশীখানি পুরে

কেন ধরে ছিলে তান ?

প্রস্তুত এ প্রাণ

চকিতে যে উঠিল বিকশি

পুলকে বিলসি ।

কেন তার

গোপন হিয়ার

তন্ত্রী পরে

ধীরে ধীরে ধীরে

পেলব পরশখানি দিলে বুলাইয়ে,

ভুলাইয়ে

তার আপনারে,

মরম-বীণার তারে তারে,

ফুটায়ে তুলিলে স্বরখানি—

আস্বহারী প্রণয়ের বাণী ।

অনাদরে

অবহেলা ভরে

তুমি ত কিরায়ে নিলে মুখ,

জীবনের সুখ

সাধ আশা ভেঙ্গে চুরে দিয়ে,

কৌতুকে হাসিয়ে

তুমি গেলে চলে

অবহেলে ।

অশাস্ত এ অস্তরের আকুল কন্দন—

এযে সখা মানে না বন্ধন ;

আর্জুনে

মর্ষ দীর্ঘ করে

সে যে চায় লুটাইতে তোমারি চরণে,

বারণ না শোনে,

মানিতে চাহেনা কোনো মানা ;

অশ্রুঝরা ছুটি আঁর্থে কহে শুধু 'না না' ।

# রন্ধন-বিদ্যা

## ছানার কালিয়া

শ্রীমতী পুষ্পকুম্ভলা রায় ।

উপাদান :—ছানা, নামিতাল আলু, ঘি, তৈল, হলুদ, জিরে, ধনে, লঙ্কা, তেজপাতা, লবণ, জাফরাণ, গরম মসলা ।

পাথরের বাটীতে সামান্য দইয়ের সহিত জাফরাণ গুলিয়া রাখিয়া নামিতাল আলুগুলি ছাড়াইয়া, একটা স্নালুকে চারি টুকরা বা পছন্দ অনুযায়ী কাটিয়া লইতে হইবে। হলুদ, ধনে, জিরে, লঙ্কাগুলি বাটিয়া আলাদা আলাদা রাখিতে হইবে। এর পর একটু ভাল ছানাকে ভালরূপ জল নিংড়াইয়া একখানি খালার উপর রাখিয়া, জাফরাণ মিশ্রিত দই তাহার সহিত ভালরূপে মাখিয়া খালার উপর পুরু অবস্থায় রাখিয়া চৌকো ভাবে কাটিয়া লইতে হইবে। এমন ভাবে কাটিতে হইবে যেন মাছের টুকরার মত দেখায়। এইটা কর্মীর পছন্দ অনুযায়ী হলেও মন্দ হয় না।

পাক প্রণালী :—কড়াতে ঘি চাপাইয়া চৌকো ভাবে যে ছানাগুলি কাটিয়া রাখা হইয়াছে তাহাকে খুব ভালরূপ ভাজিয়া লইতে হইবে। ভাজা হইয়া

গেলে একটা পাত্রে রাখিয়া কড়াতে সরিসার তৈল চাপাইয়া আলুগুলিও খুব ভালরূপ ভাজিতে হইবে। ভাজার কাজ হইয়া গেলে আলাদা পাত্রে রাখিয়া দিয়া পুনরায় কড়াতে সামান্য পরিমাণ তৈল চাপাইয়া তৈলে কয়েকটা তেজপাতা ও কিছু জিরা, ধনে, লঙ্কা দিয়া ভাজিতে হইবে। একটু ভাজা হইয়া উঠিলে তাহাতে আলুভাজাগুলি দিয়া মসলা ও আলুগুলিকে খুস্তীর সাহায্যে সামান্য জল ছিটা দিয়া বেশ একটু নাড়িতে হইবে। যখন দেখিবে যে খুব ভালরূপ ভাজা হইয়া উঠিয়াছে তখন পরিমাণমত জল ও বাটনা দিয়া ছানাভাজাগুলি ছাড়িয়া দিতে হইবে। জল ফুটিয়া উঠিলে মাপ মত লবণ দিয়া সিদ্ধ করিতে হইবে। মাঝে মাঝে একটু নাড়িয়া দেওয়া উচিত। যখন জল শুকাইয়া উঠিবে তখন গরম মসলাগুলি বাটিয়া ঘিএর সঙ্গে মিশাইয়া কালিয়ার মধ্যে দিয়া নামাইয়া ভালরূপ চাপানার সাহায্যে বন্ধ করিয়া দিলে “ছানার কালিয়া” তৈয়ার হইল।

## ফেলী পিঠা

( আসামদেশীয় প্রাচীন পিঠা )

শ্রীমতী নিকুঞ্জলতা চলিহা ।

আসামী বড়াধানের চাউল ১/১ সের, ঘি ১/২ সের, একতারবন্দ-চিনির রস ১/২ সের ( পরিষ্কার চিনি ), দুধ আনুমানিক মত ।

চাউলগুলি পরিষ্কার জলে ধুইয়া ভিজাও। ১১ ঘণ্টা পরে জল ঝড়াইয়া, বেশ ঝড়ঝড়ে কর। এখন ঢেঁকীতে আটা প্রস্তুত কর। খুব সূক্ষ্ম চালুনীতে দুই তিনবার চালিয়া লও। আটা যতই ময়দার মত হইবে, পিঠাও সেইরূপ সূক্ষ্ম হইবে।

আটায় একটু একটু দুধ দিয়া ময়দার লুচীর মায় মোলায়েম করিয়া মাখ। ছোট ছোট লেটী কাটিয়া বেলানায় খুব পাতলা করিয়া বেল। যত পাতলা হইবে, ততই নরম, মুখরোচক হইবে। কড়ায় ঘি দিয়া আঙনে চড়াইয়া দাও। বীচ মরিয়া গেলে, এক একখানা লুচী বেশ শক্ত করিয়া ভাজ ; কিন্তু লাল যেন না হয়। চিনিরসে ডুবাইয়াই উঠাও। বেশ ঠাণ্ডা হইলে খাইতে দিবে।

# আগমনী

[ রচনা—শ্রীমতী স্মৃতি চট্টোপাধ্যায় ]

কে তোমারে পাঠালে গজে বল না ?  
 যে তোমারে পাঠায়েছে সে বুঝি কিছু বুঝে না !  
 নিতে পারে পরেরি মেয়ে যত্ন বুঝি জানে না ;  
 এসেছ মা বাপের বাড়ী কৈলাসে আর যেও না ॥

—০০—

[স্বর ও স্বরলিপি—শ্রীমতী মোহিনী সেন গুপ্তা]

স্থায়ী ।

খান্ধাজ—টিমে-তেতাল।

II { <sup>১</sup>পা -ধঃ মা পা পঃ I <sup>২</sup>সাঃ গঃ ধা মমা | <sup>৩</sup>পা -১ -১ -গা |  
 কৈ ০ তো মা রে . পা ঠা লে গজে ব ০ ০ ল

<sup>০</sup>মা -১ -১ -১ | <sup>১</sup>মাঃ ধঃ ধা ধা I <sup>২</sup>পা গধা পা পা |  
 না ০ ০ ০ যে তো মা রে পা ঠা ০ রে ছে

| <sup>৩</sup>পধা ধপা মা গরগা | <sup>০</sup>গা মপা পা -১ } II  
 . সে ০ বু ০ ঝি . কিছু ০ বু ০ বে ০ না ০

অন্তরা ।

II { <sup>১</sup>মমা মা ধা ধা I <sup>২</sup>গাঃ ধগঃ পা ধা | -১ <sup>৩</sup>সর্গা না রী |  
 . নিতে পা রে প রে রি ০ মে . যে ০ যত্ন বু ০ ঝি

| <sup>০</sup>সর্গা গাঃ সর্গাঃ } | { <sup>১</sup>সর্গা সর্গা না না I <sup>২</sup>সর্গা সর্গা পা গধা |  
 জা নে না এ সে ছ মা বা পের বা ডী ০

| <sup>৩</sup>পা রী সর্গা গধা | <sup>০</sup>ধা পধা পা -১ } II II  
 কৈ লা সে আর যে ও না ০

## ব্যথার দান

শ্রীমতী স্নেহময়ী দেবী ।

( ১ )

বৈকাল বেলা। রাস্তায় জল দিয়া গিয়াছে, ফুটপাথ দিয়া অবশ ক্লাস্ত চরণে কেরাণীর দল বাড়ী কিরিতেছে। সেই সময় মেস হইতে শুভেন্দু বাহির হইয়া লালদীঘির রাস্তা দিয়া চলিতে লাগিল, খানিক দূর যাইতে না যাইতে পশ্চাৎ হইতে কে আসিয়া তাহাব স্বচ্ছ ধরিয়া বেশ একটি ঝাঁকুনি দিয়া কহিল "হ্যালো ইন্দু, ভাল আছ ত ?" শুভেন্দু বিস্মিত দৃষ্টিতে চাহিয়া দেখিল বন্ধু বিমল হাসি হাসি মুখে দাঁড়াইয়া আছে। উৎসাহপূর্ণ কণ্ঠে কহিল "একি রে বিমল এমন সময় যে, কবে এলি ?" বিমল হাসিয়া কহিল "বাবা যে এখানে বাড়ী কিনেছেন, পাঁচ ছ দিন হল আমরা এসেছি, তুই বুঝি কিছুই জানতিস্ নে ?"

শুভেন্দু অপ্রস্তুতভাবে কহিল "না, হ্যাঁ মণীর মুখে শুনেছিলুম বটে তোর বাবা এবার থেকে কলকাতাতেই থাকবেন।" বিমল শুভেন্দুর হাত ধরিয়া কহিল "চল না আমাদের বাড়ী, এখান থেকে বেশী দূর নয়।" শুভেন্দু ব্যস্তভাবে হাত ছাড়াইয়া লইবার ব্যর্থ প্রয়াস করিয়া কহিল "আঃ ছাড় লাগছে, এখন যাবার সময় নেই, অল্প একদিন দেখা যাবে।" বিমল কিন্তু হাতটি আরও শক্ত করিয়া ধরিয়া উত্তর দিল "তবেই হয়েছে, তোরা হচ্চিস্ কবি মাহুদ, আমার কথা কি আর মনে থাকবে ? এই এখনই একটা মন্ত তুল করে ফেলি।" শুভেন্দু বিস্মিত হান্তে কহিল "কখন রে ?" বিমল হাসিমুখে কহিল "এই বলি তুই মণীর কাছে শুনেছিলি আমরা এখানে এসেছি, অথচ আমার দেখে আকাশ থেকে পড়লি, এ তুল তোর অক্ষয়, নয় কি ?" শুভেন্দু

ছোরে হাসিয়া উঠিল, বিমল তাহাকে নিজের দিকে আকর্ষণ করিয়া কহিল "রাস্তায় দাঁড়িয়ে বাজে বকার চেয়ে চল যাওয়া যাক।" শুভেন্দু আর বেশী আপত্তি না করিয়া বন্ধুর অহুসরণ করিল।

বিমল দুচারটা রাস্তা ঘুরিয়া একটি রাস্তার মোড়ের মাথার একখানি প্রকাণ্ড সাদা রঙের বাড়ীর ফটকের মধ্যে ঢুকিল। বাড়ীর সামনে সুন্দর একটা বাগান, তাহার মাঝে মাঝে সানের বেদী, বেদীর উপর টবে করা নানাজাতীয় বৃক্ষ রহিয়াছে। বাগানের শেষ সীমায় মোটরের ঘর দেখা যাইতেছে, গন্ধরাজ, কামিনী ও রমুণী বোপের আড়ালে কতকগুলি সাদা খঙ্গগোস চরিয়া বেড়াইতেছে; ম্যাকলোলিয়া গাছের উপর একটা কাকাতুয়া বসিয়া আর্ন্তরবে চীৎকার করিতেছে, একজন মালী বসিয়া চারাগাছগুলির তলা হইতে আগাছা সব তুলিয়া ফেলিয়া দিতেছে, গাড়ী বাড়ান্দার খাম জড়াইয়া মাঁধবীলতা উঠিয়াছে, সোপানের ধাপে ধাপে বাহারী টবে করা পাম ও অগ্ন্যান্ত বৃক্ষ রহিয়াছে।

বিমল শুভেন্দুকে লইয়া কক্ষে প্রবেশ করিল। কক্ষটি দেশী ও বিলাতী আসবাবপত্র সুসজ্জিত। কার্পেটে মোড়া ঘরটির চারি কোণে চারিটি ছোট ছোট টিপাইয়ের উপর চারিটি ফুলদানি। মধ্যে একটি গোল টেবিল, চারিপাশে অসংখ্য গদী আঁটা চেয়ার, বিচিত্র পেষ্টিং করা দেয়ালে বহু চিত্র শোভিত। ঘরটির ভিতর একখানি চেয়ারে বিমলের পিতা বিমানবাবু বসিয়া ধবরের কাগজ পড়িতেছিলেন, পাশের একখানি চেয়ারে জননী মহাশয় বসিয়া একখানি ইংরাজী পুস্তক পড়িতে ছিলেন। বিমল শুভেন্দুকে পিতামাতার সহিত



পরিচয় করাইয়া দিল। শুভেন্দু নমস্কার করিল। বিমানবাবু স্থিত হস্তে তাহাকে বসিতে বলিলেন। মহামায়া চশ্মার ভিতর হইতে প্রীতিপূর্ণনেত্রে শুভেন্দুর পানে চাহিয়া পুস্তকখানি রাখিয়া তাহার সহিত আলাপ জুড়িয়া দিলেন।

বিমল নিতান্ত ফাঁকে পড়িয়া একবার চারিদিকে চাহিয়া কহিল “মুকুলকে দেখছি না যে, সে কোথায় মা ?” সহসা পর্দা সরাইয়া একটা আঠার উনিশ বছরের তরুণী প্রবেশ করিয়া কহিল “আজ যে বড় চাঁনা খেয়েই বেড়িয়েছিলে দাদা ?” সহসা একজন অপরিচিতকে দেখিয়া সে একটু অপ্রতিভ হইল। বিমল হাসিয়া কহিল “এই দেখ মুকুল, তুই যার সঙ্গে আলাপ করবার জন্তে ক্রমাগত আমায় বলছিলি তাকে আজ পাকড়াও করে এনেছি। জানেন বাবা মাসিকপত্রে শুভেন্দুর কবিতা পড়ে মুকুল ওর একটা ভক্ত হয়ে উঠেছে।” নিজের বিষয় প্রকাশ হইয়া পড়ায় লজ্জায় মুখ রাঙা করিয়া মুকুল শুভেন্দুকে একটা ছোট নমস্কার করিয়া একখানি চেয়ার টানিয়া লইয়া বসিল। শুভেন্দুও মনে মনে যথেষ্ট লজ্জিত হইয়া প্রতি নমস্কার করিল। মুকুল লজ্জিত ভাবটা ঝারিয়া ফেলিয়া কহিল “দেখছেন বাবা, দাদাই ত আগে বন্ধুর খুব সখ্যাতি করে বলেছিল শুভেন্দু বাবুকে একদিন আমাদের বাড়ী আনবে।” পরে শুভেন্দুর প্রতি চাহিয়া কহিল “সত্যি আপনার কবিতা অসুখের খুব ভাল লাগে, ‘মঞ্জরী’ আর ‘প্রতিবাসীতে’ আপনার যা কবিতা বেরোয় সমস্তই আমি পড়ি, এবার ‘মঞ্জরীতে’ ‘অঞ্জলি’ বলে কবিতাটি আমার খুব সুন্দর লেগেছে, মাও খুব প্রশংসা করছিলেন।”

শুভেন্দু দীপ্ত মুখে কহিল আপনি বৃষ্টি কবিতা পড়তে খুব ভালবাসেন ?” মুকুল ঘাড় হেলাইয়া কহিল “খুব, আমার লাইব্রেরীতে সমস্তই প্রায় কবিতার বই। আপনার ‘পথের রেণু’ ‘স্বরের রেখা’ আমার আছে।” রিষ্টেওয়াচের দিকে দৃষ্টি পড়িতেই মুকুল উঠিয়া পড়িয়া পিতার দিকে চাহিয়া

কহিল “চারটে ত বেজে গেছে বাবা, চা খাবেন কখন ?” অতি ব্যস্তভাবে সে গ্রহণ করিল, বিমান বাবু উঠিয়া পড়িয়া কহিলেন “এস শুভেন্দু, চা খাবে এস।” সকলে ঘোর কঁরাতে শুভেন্দু বেশী আপত্তি করিল না।

( ২ )

শুভেন্দুর নামে একখানি পত্র আসিল, খামের উপর ঠিকানা দেখিয়া বৃষ্টি ইহা কার! অতি আগ্রহে খুলিয়া পড়িল। তাহাতে লেখা আছে—  
ইন্দুদা,

ছুটিত তোমাদের অনেক দিন হয়ে গেছে, তবে আসতে এত দেরী করছ কেন ? মা ভারি ব্যস্ত হয়েছেন, যত শীগগির পার চলে এস। প্রণাম নিও।

ইতি

তোমার বাণী

পড়িয়া শুভেন্দু মনে মনে লজ্জিত হইয়া পড়িল। সত্যি ত আজ পাঁচ ছয় দিন হইল তাহাদের কলেজের ছুটি হইয়া গিয়াছে, অত্যাধিক ছুটির পরদিনই সে বাড়ী চলিয়া যায় এবার কি বিমান বাবুদের স্নেহে পড়িয়া সে এ কথাটা ভুলিয়া গিয়াছে ? সেখানে জননী পুত্রের আসার দিনগুলি গুণিতেছেন, মার বাণী ? তাহার কথা শ্রবণ হইতেই শুভেন্দুর মুখে বিহ্বল খেলিয়া গেল, সে স্থির করিল কালই রওনা হইবে।

শুভেন্দুর বাড়ী এলাহাবাদে, তাহার পিতা একজন ইঞ্জিনিয়ার ছিলেন এবং অনেক সম্পত্তি রাখিয়া গিয়াছেন। সে কলিকাতায় থাকিয়া এম-এ পড়িতে ছিল, সঙ্গে সঙ্গে কাব্যচর্চাও ঘোরে চলিতেছিল ; এরি মধ্যে সে একজন শ্রেষ্ঠ কবি নামে পরিচিত। বাণী তাহার পিতৃবন্ধু নরেশবাবুর একমাত্র কন্যা। নরেশবাবু একজন প্রসিদ্ধ ডাক্তার ছিলেন, শুভেন্দুর পিতার সহিত তাঁহার বাল্যকাল হইতে বন্ধুত্ব এবং সেই বন্ধুত্ব চিরদিনই তাঁহাদের প্রগাঢ় ছিল। নরেশ

বাবুর পত্নী পাঁচ বছরের এক কন্যা রাখিয়া প্রস্থান করায় তিনি অত্যন্ত মর্মান্বিত হইয়া পড়েন, বন্ধুর একান্ত অনুরোধেও তিনি আর দিবাহ করেন নাই। বাণী শুভেন্দুর বাল্য সহচরী, দুর্ভাগ্যেই দুজনকে অত্যন্ত ভালবাসিত। নরেশবাবু ও অরবিন্দবাবু হাসিয়া কহিতেন ‘ইন্দুর সঙ্গে বাণীর বিয়ে দেব।’

শুভেন্দুর জননীকে বাণী মা বলিয়া ডাকিত, রমাসুন্দরীও তাহাকে যথেষ্ট স্নেহ করিতেন। বাণীর পিতা অকালে চলিয়া যাওয়ায় অভিভাবকশূন্য বালিকার সম্পূর্ণ ভার অরবিন্দবাবু লইলেন, তাহাকে নিশ্চ বাটীতে আনিলেন, রমাসুন্দরী ও অরবিন্দবাবুর বাবুর স্নেহ যত্নে বাণী শীঘ্রই পিতৃশোক ভুলিয়া গেল। ক্রমে ক্রমে সে শৈশব ছাড়িয়া কৈশরে পা দিল, এই সময় অকস্মাৎ অরবিন্দবাবুও বন্ধুর আহ্বানে কি জানি না, স্বদূরে যাত্রা করিলেন।

কলিকাতায় থাকিয়া শুভেন্দু বি-এ পাশ করিলে জননী স্নেহ করিলেন—বাণী বড় হইয়াছে তাহার পিতার চিরদিনই ইচ্ছা ছিল তাহার সহিত শুভেন্দুর মিলন হয়। শুভেন্দুর কিন্তু বিষম আপত্তি, শেষে জননীর বিষাদক্লিষ্ট মুখ দেখিয়া সে কহিল “এ বছরটা যাক মা।” মাও ইহাতে সন্তুষ্ট হইয়া সেই শুভদিনের প্রতীক্ষা করিতে লাগিলেন।

শুভেন্দু বাড়ী আসিতেই প্রথমেই জননী ব্যস্ত হইয়া কুশল জিজ্ঞাসা করিলেন। শুভেন্দু হাসি মুখে মায়ের সমস্ত প্রশ্নের জবাব দিল, বিমলের পিতার আগ্রহে সে একটু দেৱী করিয়া ফেলিয়াছে সে কথাও বলিল। জননী আশ্বস্তা হইলেন।

বৈকালে শুভেন্দু আপন কক্ষে খোলা জানালার ধারে চেয়ারে বসিয়া বই পড়িতেছিল এমন সময়ে বাহির হইতে কে বীণানিন্দিত স্বরে কহিল “ইন্দুদা, ভেতরে যাব কি?” শুভেন্দু হাসিয়া কহিল “কে বাণী, এস।” বাণী রত্নিন পর্দা সরাইয়া ভিতরে প্রবেশ করিল। শুভেন্দু দেখিল বাণী বেশ বড় হইয়া পড়িয়াছে, তবু তাহার স্নন্দর মুখখানিতে চির শৈশবতা মাখানো রহিয়াছে, সমস্ত অঙ্গে

সৌন্দর্য-জ্যোৎস্নার রাশি বলমল করিতেছে। শুভেন্দু মুখনেত্রে তাহার দিকে চাহিয়া রহিল। বাণী সঙ্কচিত হইয়া টেবিলের ধারে ঘেসিয়া দাঁড়াইয়া একখানি মোটা খাতা টানিয়া তাহার পাতা উন্টাইতে উন্টাইতে যত্নস্বরে কহিল “ইন্দুদা, এবার কি কবিতা লিখেছ পড়ালে না ত?” শুভেন্দু একটু হাসিয়া কহিল “মাত্র ত আশ্রয় এসেছি, তাও সকালে তোমায় দেখিনি ত, কাকে কবিতা শুনাব?” বাণী লজ্জায় মুগ্ধ রাঙা করিয়া কহিল “বাঃ, আমি বুঝি তাই বলছি?” সে খাতাখানি লইয়া পলাইয়া গেল, শুভেন্দুর মুখে একটু গোপন হাসি খেলিয়া গেল।

একটু পরেই রমাসুন্দরী সেই কক্ষে প্রবেশ করিলেন, কহিলেন “এই যে ইন্দু, বেড়াতে যাসনি যে?” শুভেন্দু বইখানি রাখিয়া দিয়া কহিল “ভাল লাগছে না।” মা একটু ইতস্ততঃ করিয়া কহিলেন “ইন্দু, বাণী ত এখানে বেশ বড় হয়ে পড়েছে, মিছে কেন দেৱী কচ্ছিস তা-ত বুঝতে পারছি নে।” শুভেন্দু মুখ নত করিয়া কহিল “আর দু চার মাস আমার সময় দাও মা।” রমাসুন্দরী ক্ষুব্ধস্বরে কহিলেন “দু চার মাস করে দুবছর ত কাটিয়ে দিলি ইন্দু, আরও সময় চাচ্ছিস?” শুভেন্দু এইবার মিনতি করিয়া কহিল “শুধু দুটো মাস সময় দাও মা, তোমার ছেলে ত পালিয়ে যাচ্ছে না?” রমাসুন্দরী বিষণ্ণ মনে প্রস্থান করিলেন।

( ৩ )

বৈকালে মুকুল বাড়ীর সন্মুখের, উদ্ভানে বেড়াইতেছিল এমন সময় দেখিল শুভেন্দু ধীরে ধীরে আসিতেছে। সে একটু অগ্রসর হইতেই শুভেন্দু তাহাকে নমস্কার করিল, প্রতি নমস্কার করিয়া উচ্ছ্বাসিতস্বরে কহিল “কবে এলেন?” শুভেন্দু ধীরে ধীরে কহিল “প্রায় আট দিন হল এসেছি।” মুকুল বিস্মিত হইয়া কহিল “আট দিন এসেছেন, তবে আমাদের বাড়ী আসেন নি কেন?”

শুভেন্দু একটু থাকিয়া কহিল “একটু কাজ ছিল বলে আসতে পারিনি।” কথাটা মিথ্যা, ইচ্ছা করিয়াই সে আসেনি।

মুকুল খানিকক্ষণ চুপ করিয়া থাকিয়া কহিল “আজ্ঞা শুভেন্দুবাবু, আপনার বাড়ীতে কে কে আছেন?” শুভেন্দু মুহূ হাসিয়া কহিল “আমাদের বাড়ীতে যা আছেন আর—” সে থাকিয়া গেল, কেননা বাণীর পরিচয় সে কি রকম ভাবে দিবে,? সহসা তাহার কণ্ঠে কিছু যোগাইল না। মুকুল আগ্রহাধিত হইয়া কহিল “আর বলে থামলেন কেন, বলুন বলুন?” শুভেন্দুর মুখ দিয়া অকস্মাৎ বাহির হইয়া গেল “আর বাণী আছে।” মুকুল বিস্মিত হইয়া তাহার পানে চাহিয়া কহিল “বাণী কে?” শুভেন্দু অপ্রস্তুত হইয়া কহিল “বাণী আমার একজন আত্মীয়া।” সম্মুখের বৃক্ষ হইতে একটা সাদা ধপ-ধপে গোলাপ ফুল ছিঁড়িয়া তাহার পাপড়ি ছিঁড়িতে ছিঁড়িতে নতদৃষ্টি তাহার উপর নিবন্ধ করিয়া মুকুল ধীরে ধীরে কহিল “ওঃ!”

হুইজনেই শুরু। সহসা বিমল আসিয়া হাসিমুখে কহিল “এই যে ইন্দু এসেছিল, চল না আজ একটু মোটরে করে বেড়িয়ে আসা যাক। মুকুল, তুই যাবি?” মুকুল কি ভাবিয়া কহিল “না থাক আজ একটু কাজ আছে।” বিমল অবাক হইয়া কহিল “সে কি? সকালে তুই-ই ত বলছিলি না—” মুকুল তীব্র পুরে কহিল “সকালে মনে ছিল না যে আজ বিকেলেই লাইব্রেরীর বইখানা শেষ করতে হবে।” কথা কয়টি বলিয়াই সে ধীরে ধীরে গাড়ী-বাড়ান্দার দিকে অগ্রসর হইল। বিমল কিছুক্ষণ শুধু থাকিয়া কহিল “ইন্দু, চল আমরাই যাই।” শুভেন্দু হাসিয়া কহিল “এ, প্রস্তাব তোমার আজ আমার প্রত্যাখ্যান করতে হচ্ছে, কারণ এক জায়গায় আমার নৈমন্ত্য আছে।”

বিমল একটু আহত হইয়া কহিল “তবে আমি কি হবে বল, কাল কিছু আসিলে নইলে আমি গিয়ে ধরে আসিব।” শুভেন্দু অল্প হাসিয়া প্রস্থান করিল।

সে বরাবর মেসেই গেল, তাহার যে নিয়ম ছিল তাহা যেন সে তুলিয়া গেল।

পরদিন ঠিককালে শুভেন্দু বিমলদের বাড়ী গেল, দেখিল ড্রিংরুমে মুকুল বসিয়া একখানি বই পড়িতেছে। তাহাকে দেখিয়া মুকুল মুখ তুলিয়া মুহূ হাসিয়া নমস্কার করিতে যাইতেই তাহার কোল হইতে বইখানি কার্পেটের উপর পড়িয়া গেল। শুভেন্দু তাহা কুড়াইয়া মুকুলের হাতে দিতেই উভয়ের আঙ্গুলে আঙ্গুল ঠেকিয়া গেল, মুকুলের মুখ লাল হইয়া উঠিল; ঠিক সেই সময় বিমল আসিয়া উচ্ছ্বসিতস্বরে কহিল “এই যে এসেছিল, আমি মনে করেছিলুম আসবিনে বুঝি।” শুভেন্দু একখানি চেয়ারে বসিয়া পড়িয়া স্বাভাবিক স্বরে কহিল “এ ধারণাটা তোমার কেন হল বিমল?” হাসিমুখে বিমল কি বলিতে যাইতেছিল মুকুল বাধা দিয়া কহিল “শুভেন্দুবাবু, আপনার শেকালিকা কি বেরিয়ে গেছে?” শুভেন্দু বিস্মিত দৃষ্টিতে তাহার পানে চাহিয়া কহিল “হ্যাঁ, সে ত মাসের প্রথমেই বেরিয়ে গেছে, কেন আপনি কি পান নি?” মুকুল ক্ষুব্ধস্বরে কহিল “না কই আমি ত পাই নি।” শুভেন্দু হাসিয়া কহিল “আমার কাছে কথানা আছে আপনাকে দেবো’ ধন।” আশ্বস্তা হইয়া মুকুল কহিল “দেবেন ত? মাসের প্রথম হইতেই আমি শেকালিকার প্রতিষ্ঠা করে আসছিলুম কিন্তু দাঙ্গা বললে সে নাকি এ মাসে বেরোবে না, দেখুন ত কি অশ্রায়।” বিমল হাসিয়া কহিল “অশ্রায়টা কি? কবিতার দিকে কোন জন্মেও আমার ঝোক নেই, তবে মুকুর তাঁড়ার চোটে গুরুদাসবাবুর দোকানে গেলুম, শেকালিকা নাম ভুলে গিয়ে বললুম মশাই মঞ্জুরিকা কবে বেরোবে, তাঁরা বললেন সে ত এ মাসে বেরোবে না কাঙ্ক্ষন মাসে বেরোবে, আমি মুকুলকে ধুসে তাই বলেছিলুম।” মুকুল ও শুভেন্দু জোরে হাসিয়া উঠিল, কোন মতে হাসি থামাইয়া মুকুল কহিল “মাপো, দাদা কি অশ্রুত, শুভেন্দুবাবুর শেকালিকাকে কি না হেমেদ্রবাবুর

মুর্খিত্ব করে দিলে, আমি প্রথম হতেই এই সম্বন্ধ করে আসছিলাম।” তারপর সে উঠিয়া পড়িয়া কহিল “আহ্নে শুভেন্দুবাবু, এক কাপু চা খেয়ে যাবেন, এস দাদা।” বিমল ও শুভেন্দু উঠিয়া পড়িল।

( ৪ )

সন্মুখে মুকুলের জন্মদিন আসিল। শুভেন্দুকে বিমলবাবু অনেক করিয়া বলিয়া দিয়াছেন সে যেন নিশ্চয় আসে।

শুভেন্দু চিন্তিত হইল। বড়বাজারের প্রায় সব দোকান ঘুরিয়া অবশেষে সে উপহারের উপযোগী একটা হীরার আংটি কিনিল। জন্মদিনে উৎসবের পর বারোটা রাতে সব বন্ধু চলিয়া গেলেন, শুভেন্দু বাহিরের বারান্দায় আসিয়া দাঁড়াইল, সঙ্গে মুকুল ও তাহাকে বিদায় দিবার জন্য আসিল। একটু ইতস্ততঃ করিয়া পকেট হইতে আংটির বাকোটা বাহির করিয়া ধীরে ধীরে শুভেন্দু কহিল “সকলের সঙ্গে দিলে তখন যদি আপনার চোখে না পড়ে তাই এ ক্ষুদ্র উপহারটি দিতে পারিনি, ক্ষমা করবেন।” মুকুল হাত বাড়াইয়া উপহারটি গ্রহণ করিয়া কম্পিত স্বরে কহিল “ধন্যবাদ আপনাকে।” শুভেন্দু নমস্কার করিয়া রাস্তায় নামিয়া পড়িল।

মেসে বৈকাল বেলা শুভেন্দু বিমলবাবুর একখানি পত্র পাইল, পড়িয়া সে স্তম্ভিত হইল, বিমলবাবু লিখিয়াছেন—শুভেন্দুর সঙ্গে মুকুলের বিবাহ হয় ইহা তাঁহার আন্তরিক ইচ্ছা, শুভেন্দুর কি মত সে যেন তাহা লিখিয়া পাঠায়।

শুভেন্দু সমস্তায় পড়িল, তাহার সহিত মুকুলের বিবাহ—ইহা কখনও সম্ভব নয়! সেখানে তাহার ধননী প্রতিজ্ঞা করিতেছেন, বাণী আর মুকুল ইহার মধ্যে মুকুলকেই বাদ দিতে হয়। তখন সে লিখিয়া পাঠাইল—তাঁহার এ শুভ ইচ্ছা তাহাকে অত্যন্ত চুঃখের সহিত প্রত্যাখ্যান করিতে হইতেছে, একটা জরুরি কাজের জন্য সে কালই বাড়ী যাইবে, তাড়াতাড়িতে তাঁহার সহিত দেখা করিতে পারিল না। বিমলবাবু যেন তাহাকে ক্ষমা করেন।

সত্যই সে পরদিন বাড়ী চলিয়া গেল সেখানে গিয়া আনাইল বাণীকে সে এই মাসে বিবাহ করিতে প্রস্তুত আছে। জননী প্রথমে বিস্মিত হইলেন কিন্তু আনন্দে শীঘ্রই তাঁহার সে বিশ্বাস কাটিয়া গেল। সেই মাসেই বাণীর সহিত শুভেন্দুর বিবাহ হইয়া গেল।

• • • • •

ইহার কুড়ি বৎসর পরের কথা। শুভেন্দু এখন আর সেই যুবক নাই, সে একজন প্রবীণ ইঞ্জিনিয়ার। আপাততঃ সে বাঁকিপুরে সপরিবারে বাস করিতেছিল।

একদিন সকালে সে বাহিরের ঘরের সন্মুখে বারান্দায় চেয়ারে বসিয়া খবরের কাগজ পড়িতেছিল সেই সময় একখানি ‘কার’ বাড়ীর সন্মুখে আসিয়া থামিল। তাহা হইতে নামিলেন একজন কোর্টপ্যান্ট ধারী ভদ্রলোক। শুভেন্দু বিস্ময়ে হতভম্ব হইয়া কহিল “একি তুমি, বিমল!” বিমল তাঁহার সন্মুখে আসিয়া হস্তমুখে কহিল “হ্যাঁ, আমি সেই বিমলই বটে, চিন্তে পেরেছ তা হলে; ওঃ কতদিন পরে আবার দেখা বলত!” শুভেন্দু তাহার হাত ধরিয়া আনিয়া ঘরে একখানি চেয়ারে বসাইয়া আপনি তাহার সন্মুখে আর একখানি চেয়ারে বসিয়া কহিল “তোমাদের খবর কি বিমল?” বসিয়াই তাহার একজনের কথা মনে পড়িয়া গেল।

বিমল কহিল “হ্যাঁ, আমাদের সব ভাল।” শুভেন্দু ইতস্ততঃ করিয়া কহিল “মুকুল ভাল আছেন ত, তাঁর রিয়ে হয়ে গেছে বোধ হয়?” বিমল মুখ স্তান করিয়া কহিল “মুকুল? সে ত নেই, তুমি কি শোননি তোমার চলে আসার পরই সে বেণারসে মেয়েদের স্কুলে টিচার হয়ে চলে যায়? বাবা আমি সকলেই বারণ করেছিলাম সে শোনেনি, আজ ছ বছর হল সে মারা গেছে। কুমারী ছিল; আমাদের একান্ত অছুরোধেও সে বিয়ে করে নি। কান্নিতে চোদ্দ বছর টিচার ছিল।”

বিমল একটি দীর্ঘনিশ্বাস ফেলিয়া চুপ করিল, ছইজনেই স্তব্ধ। পনের মিনিট পরে বিমল পকেট



হইতে একটা মোড়ক বাহির করিয়া ধীরে ধীরে কহিল  
“মুকুলের মরবার সময় আমরা কাশীতে গেছলুম,  
একদিন নির্জনে আমরা ডেকে মুকুল এই মোড়কটা  
দিয়ে বললে “দাদা শুভেন্দুবাবুর সঙ্গে যদি কখন  
তোমার দেখা হয় তবে তাঁকে এটা দিও । তারপর  
আমি মাস্ত্রাজে গিয়ে ওকালতি করি, তোমার গৌরব  
নিইনি, আজ দু মাস হল দেশে এসেছি, তোমার  
খবর পেয়ে এইটে দিতে এসেছি, জানি না এর  
ভেতরে কি আছে ।”

শুভেন্দু কম্পিত হস্তে মোড়কটি খুলিয়া দেখিল  
একটা ছোট ভেলভেটের বাকোর ভিতরে একটা  
হীরার আংটি বন্ধ করিতেছে । সে চমকিয়া  
গেল, তাহার মনে পড়িল কুড়ি বছর আগে একদিন  
মুকুলকে জন্মদিনের উপহার বলিয়া এই আংটি সে  
দিয়াছিল ।

যাইবার সময় মুকুল আংটিটি ফিরাইয়া দিয়া গিয়াছে,  
আংটির তলার একটি ক্ষুদ্র কাগজে শুভেন্দু পড়িল  
বড় বড় অক্ষরে লেখা রহিয়াছে “ব্যথার দান ।”

## অকাল বোধন

শ্রীমতী বিমলাবালা দেবী ।

মহাশক্তি জেগেছিল অকাল বোধনে,  
আজ্ঞা তার স্মৃতিরেখা ভাঙিছে নয়নে ।  
সেদিন স্মদূরগত, সবংশে রাবণ হত,  
মত্ত রঘুবীর যবে যুঝে রক্ষঃরণে,  
মনে পড়ে সেইদিন বোধন পূজনে ॥

ভুবন পাবন রামচন্দ্ররূপ হেরি,  
মোহিতা কন্দর্পশরে ছুটা নিশাচরী ।  
ধেরূপ দরশে হায়, পাপরাশি দূরে যায়,  
সেই স্থখা পাত্ৰভেদে বিষরূপ ধরি,  
মজিল রাক্ষসী পিতৃবংশ ধ্বংস করি ॥

কামমুগ্ধা নিশাচরী অনৃতবাদিনী,  
যাইয়া রাবণ পাশে গাহিল কাহিনী ।  
কুলটার মিথ্যাভাবে, দশকঙ্ক মহাদরাষে,  
কপট ধোণীর বেশে পশি সে বনানী  
হরি' সীতাসতী যার নিজ রাজধানী ॥

জলিল যে মহানল সেই সে কারণ,  
সপ্তসিদ্ধু জলে তার হয় নির্দাপণ ।  
মহাবংশ রক্ষোকুল, হইল কয়িতমূল,  
হইল লঙ্কেশ শেষে বিগত চেতন  
হইল সকল মহাশক্তির সাধন ॥

অকাল বোধনে মনে পড়ে কত কথা,  
কবিগুরু-মহাকাব্যে জ্ঞাছে সে বারতা ।  
যাইয়া মানস-সরে, মাক্ৰতি সংগ্রহ ক'রে  
আনি দিল নীলোৎপল অষ্টোত্তর শতা,  
পরীক্ষিতে রামে দেবী খেলে চতুরতা ॥

হরিল একটি পদ্য দেবী আয়াবলে,  
মহাপূজা সিদ্ধ নাহি হয় তার ফলে ।  
তবে হায় রঘুবীর, অবিচল ধীর স্থির,  
প্রেমাক্ষ প্রাবিত পড়ি দেবী পদতলে,  
নিবেদিল আত্মাহুতি ভক্তি-বিষদলে ॥

“লোকে বলে দেবী ! মোরে কমললোচন,  
উৎপাটিয়া চক্ষু এক করিব অর্পণ ।  
প্রসীদ পরমেশ্বরী, ক্ষম দাসে ক্ষমকরি ।’  
এত বলি তীক্ষ্ণ শর করিল গ্রহণ,  
আবির্ভূতা বিশ্বমাতা হইলা তখন ॥

মহাশক্তি পূজা সেই অপূর্ব কখন,  
আজ্ঞা স্মৃতি সমুজ্জল—অকাল বোধন ।  
কিন্তু এ অভাগা দেশে, কি দশা হ'য়েছে শেষে,  
উঠে গেছে মহাপূজা সে শক্তি সাধন,  
এখন বিকল তাই অকাল বোধন ॥



## একখানি চিঠি

শ্রীমতী মোহিনী দেবী ।

কল্যাণী—

আজকাল মহিলাদের অবস্থার উন্নতি করিবার জন্য অনেক মহোদয় অনেকরূপ চেষ্টা করিতেছেন তন্মধ্যে তাঁহারা বিশেষ ধন্যবাদার্থ । কিন্তু আমার মনে হয় তাঁহাদের সেই চেষ্টা শুধু সহরের মধ্যে সীমাবদ্ধ, পল্লীগ্রামে এখনো সেই পূর্বের মত নারী-নির্ধ্যাতন পুরাদমে চলিতেছে । প্রতিকারকারী মহোদয়গণ যদি অল্পগ্রহ করিয়া এ বিষয়ে একটু মনোযোগ দেন তাহা হইলে বহু হতভাগিনী নির্ধ্যাতনের হাত হইতে মুক্ত হইয়া জীবনে একটু শান্তিলাভ করিতে পারে । আজ যে পত্রখানা তোমায় পাঠাইতেছি ইহার সবই সত্য ঘটনা এবং ঘটনার স্থল কলিকাতার নিকটবর্তী একটি পল্লীগ্রাম । এই দুঃখপূর্ণ ঘটনার 'নায়কনাটিকাগণ স্বস্থ শরীরে, ধোমসেজ্ঞাঙ্কে এখনো জীবিত আছেন, এত বড় রকমের একটা অত্যাচার করিয়া তাঁহাদের মনে কোন প্রকার মানি বা অনুশোচনা নাই । আজ এই ঘটনাটি লিখিতেছি, ভবিষ্যতে আরও নির্ধ্যাতিতা কল্পা ভগিনীদের বিষয় জানাইব ।

কলিকাতার নিকটবর্তী কোন একটি গ্রামে দুই মাতৃভক্ত (?) ভাই বাস করিতেন । এঁদের অবস্থা বেশ সম্বল । বিবাহের পর বড় ভাইটির একটি কন্যা সন্তান হয় এবং এই কন্যাটি হইবার পরই বড় বধুর শরীর বিশেষ খারাপ হইয়া পড়ে । ছোট মেয়ে লইয়া অস্থস্থ শরীরে সংসারের কাজকর্ম সর্বস্বত্ব করিয়া সম্পন্ন করা কতদূর কষ্টসাধ্য তাহা সহজেই অনুভব করি । কিন্তু শান্তী ঠাকুরাণী বধুর কার্যের জটিল জন্ত বিশেষ রাগান্বিত হইয়া উঠিলেন । এই সময় বধুর শরীর আরও খারাপ হইয়া

উঠে কিন্তু শান্তী ঠাকুরাণী হাড়িলেন না, কাজ করাইয়া লইবার জন্য বধুকে যথেষ্ট নির্ধ্যাতন করিতে আরম্ভ করিলেন । এক একদিন এমন নির্দয়ভাবে প্রহার করিতেন যে তাহাকে রোদন করিতে করিতে গৃহ পরিত্যাগ করিয়া নিকবর্তী কোন লোকের বাড়ীতে দৌড়াইয়া যাইয়া আশ্রয় গ্রহণ করিতে হইত । কিন্তু মানুষ অত্যাচার কতদিন সহ করিতে পারে ? এইরূপ প্রহার খাইতে খাইতে বধুটি সাজাতিক পীড়িত হইয়া পড়িল এবং কয়েকদিনের মধ্যেই সকল যন্ত্রণার হাত হইতে অব্যাহতি পাইয়া তাহার সেই আকাজিক দেশে গমন করিলু যেখানে স্নেহসহানুভূতিহীন স্বামী বা প্রহারকারিণী শান্তী নাই ।

ছোট ভাইটির বিবাহ ইতিমধ্যেই সম্পন্ন হইয়াছিল, অল্প বিস্তর নির্ধ্যাতন সে বধুর উপরও হইয়া আসিতেছিল । শান্তী ঠাকুরাণী একদিন ডাকিলে ছোট বধুর আসিতে একটু বিলম্ব হওয়ায় তিনি একখানি পিঁড়ি ছুড়িয়া তাহাকে এমন ভাবে আঘাত করিলেন যে বধুটি রোগাকের উপর হইতে আছড়াইয়া উঠানে পড়িয়া গেল এবং তাহাতেই তাহার জীবনের অবসান হইল । তখন উপায় কি ? তীক্ষ্ণবুদ্ধিসম্পন্ন মাতাঠাকুরাণী এবং কর্তব্যপরায়ণ পুত্রবধুটিকে তাড়াতাড়ি পুরুষপীর জলে ডুবাইয়া রাখিয়া প্রচার করিলেন যে বধু জলে ডুবিয়া মারা গিয়াছে । একটু আধটু গোলযোগ যে না হইয়াছিল তাহা নহে কিন্তু টাকার জোরে সব হয় - এঁরাও নির্দ্বিধাতে নিস্তার পাইলেন ।

এই সময় মাতাঠাকুরাণী বড়ছেলের পুনরায় বিবাহ দিবার জন্য উদগ্রীব হইয়া পড়িলেন । বাঙ্গলাদেশে কল্পার অভাব নাই । যথাসময়ে বড়টি

পুনরায় একটি সালকারা কস্তাকে মাতাঠাকুরাণীর দাসী হইবার অল্প আনয়ন করিলেন ।

কিছু দিন কাটিলে একদিন রাত্রে স্বামীদেবতা বালিকাবধুকে পদসেবা করিতে আদেশ দিলেন । স্ত্রীর স্বামীই পরমদেবতা, তাঁহার আদেশ অমান্য স্ত্রী কিছুতেই করিতে পারেনা । বধু স্বামীর পদসেবা করিতে লাগিল । দুইতিন ঘণ্টা পদসেবা করার পর কখন জানেনা সে স্বামীর পদতলেই ঘুমাইয়া পড়িয়াছে । স্বামীমহাশয় নিজাভঙ্গে দেখিলেন বধু তাঁহার পদতলে নিজামগ্না, এই আর কোথায় যাইবে, তিনি সেই নিজাকাতরা বধুকে এমন এক লাথি মারিলেন যে বালিকা ভয়ানক আর্তনাদ করিয়া কয়েক হাত দূরে ছিটকাইয়া পড়িল । চীৎকার শুনিয়া মাতাঠাকুরাণী ও ছোট ছেলে সেই ঘরে প্রবেশ করিলেন এবং বড় ছেলে বধুর অবাধ্যতার কথা তাঁহাদের স্তম্ভন করিলেন । ব্যাপার শুনিয়া তাঁহারা ক্রোধে অগ্নিশিখা হইয়া গেলেন এবং সোদরপ্রতিম কনিষ্ঠ ভ্রাতা এবং স্নেহশীলা জননী বড়ঝাবুর কার্কেয় প্রশংসা করিয়া বধুকে বিশেষ শাস্তি দেওয়া উচিত বলিয়া মন্তব্য প্রকাশ করিলেন এবং সঙ্গে সঙ্গে সশাস্ত্রী আঘাতে বধুকে গৃহ হইতে বহিষ্কৃত করিয়া দেওয়া হইল ।

মেয়েটির পিতার অবস্থা তেমন সচ্ছল নহে, তবু নিজের মেয়ে ত! পিতা তাহাকে নিকটেই রাখিলেন । প্রায় তিন বৎসর মেয়েটি পিতৃালয়ে থাকার পর উভয় পক্ষের মধ্যে একটা মিটমাট হয় এবং কস্তার পিতা পুনরায় তাহাকে জামাতা-গৃহে রাখিয়া গেলেন ।

কথায় বলে স্বভাব না মরলে যায় না । দিনকতক বেশ ভালভাবে কাটার পর বধুর উপর আবার নির্ধ্যাতন আরম্ভ হইল । অনবরত অত্যাচার,

কথায় কথায় প্রহার, অনাহারজনিত কষ্ট সহ করিতে করিতে কয়েকমাসের মধ্যেই সে পীড়িত হইয়া পড়িল । ডাক্তার বৈদ্য দেখান দূরের কথা শশঠাকুরাণী ও স্বামীদেবতা বধুকে একটি নির্জন কক্ষে আবদ্ধ করিয়া রাখিলেন কারণ বধুর রোগশয্যার আর্তনাদ তাঁহারা সহ করিতে পারেন না । মেয়েটি রোগ-যন্ত্রণা, অত্যন্ত ক্ষুৎপিপাসা সহ করিতে না পারিয়া একদিন রাত্রে সেই নির্জন কক্ষে গলায় দড়ি দিয়া সকল কষ্টের হাত হইতে মুক্ত হইল । পরদিন প্রাতে কক্ষ হইতে কোন সাড়া শব্দ না পাওয়ায় স্বামীদেবতা ও শাওড়ী ঠাকুরাণী দরজা খুলিয়া দেখিলেন বধু গলায় দড়ি দিয়া প্রাণত্যাগ করিয়াছে । গ্রামের মধ্যে হৈ চৈ পড়িয়া গেল । নানান জনে নানান কথা বলিতে লাগিল । কিন্তু পয়সায় সব হয় । কলসীর জলের মত হড় হড় করিয়া পক্ষা ধরচ করিয়া তাঁহারা নিস্তার পাইলেন । প্রমাণ হইল—তাঁহারা যত্নে চেষ্টার ক্রটি করেন নাই, বধুটি খেঁচায় আত্মহত্যা করিয়াছে ।

আর লেখনী সরিতেছেন । দুই মাস পরেই স্বামীপুঙ্গব অশ্রু বিবাহ করিয়া স্থখে স্বচ্ছন্দে দিন কাটাইতে লাগিলেন । কিন্তু এই যে নির্দোষী বালিকার অশরীরি আত্মা হায় হায় করিয়া অশান্ত ভাবে ঘুরিয়া বেড়াইতেছে তাহা স্মরণ করিলে হৃদয় বিদীর্ণ হয় না কি ? শুধু কি এই বালিকা ! এই প্রকার বাদলার বৃকে কত শত বালিকা, কত শত রমণী যে নিত্য নির্ধ্যাতিতা হইতেছে তাহার খবর কে রাখে ?

আজ এই পর্যন্ত । ভবিষ্যতে অন্যান্য নির্ধ্যাতিত কস্তা ভগিনীদের সংবাদ তোমাদের জানাইব । ইতি

## মায়ের আগমনে

শ্রীমতী তমাললতা বসু ।

তখন সবে সকাল হয়েছে, চোখটি খুলে সবে মাত্র চেয়েছি, এমন সময় বাইরের দরজায় ভিখারী খড়নী বাজিয়ে গেয়ে উঠলো—

“উঠ গিরি করা করি  
আনগে প্রাণের গোরি”

সময়োপযোগী গানটি কাণে এসে যেন সুখা বর্ষণ কর্তে লাগলো ।

আলস্য ত্যাগ করে উঠে এসে বাইরে দাঁড়ালুম, একবার চারিদিকে চেয়ে দেখলুম, শারদীয়া প্রকৃতি অপূর্ণ শোভাময়ী, মনে হ'লো -

“আজি কি তোমার মধুর মুরতি  
হেরিছু শারদ প্রভাতে  
হে মাত বন্ধ শ্রামল অঙ্গ  
ঝলিছে অমল শোভাতে ।”

প্রাণ ভ'রে উঠলো । চারিদিকেই মার আগমনী ঘোষিত হ'চ্ছে ।

অনেকদিন পরে প্রবাস থেকে মা যেন সন্তানদের কাছে ফিরে আসছেন । তাই মার সন্তানরা আনন্দে উৎফুল্ল হয়ে মার দর্শন আশায় উদ্গ্রীব হয়ে উঠছে ।

চক্ষু মুদ্রিত করে হৃদয়ের মধ্যে মার সেই বরাভয়প্রদায়িনী মূর্তি স্মরণ কবলুম । দেখলুম দশভুজামূর্তিতে দশহাতে দশপ্রহরণ ধারণ ক'রে সিংহপৃষ্ঠে দাঁড়িয়ে মা আমার অস্বরদলনে নিযুক্তা

আবার মার নয়ন ছুটিতে করুণার অজস্র ধারা ঝরে পড়ছে । মুখে স্নেহমাখা মিষ্ট হাসি । দশহাতে তিনি সন্তানদের অভয় দান করছেন । তাঁর সর্বালঙ্কারভূষিত দেহ থেকে অপূর্বজ্যোতি বিকিরিত হচ্ছে । মেঘের মত কালো কেশরাশি পৃষ্ঠদেশে এলিয়ে পড়েছে । মার মস্তকে স্বর্ণমুকুট, অলঙ্কার-রাগ-রঞ্জিত রাতাপারে নীলোৎপল ও রক্ত-জবা শোভা পাচ্ছে, তাঁর দক্ষিণে সর্বসিদ্ধিদাতা

গণপতি এবং বিষ্ণুপ্রিয়া ইন্দ্রিরা, বামে দেবসেনাপতি কার্তিকেয়, এবং বিজ্ঞাবুদ্ধিপ্রদায়িনী বাণী বীণাপানি ।

মা যেন সন্তানদের অভয় দিয়ে বলছেন “হে আমার প্রিয় পুত্রকন্তাগণ, তোমাদের আর ভয় নাই, আমি এসেছি, তোমাদের দুঃখ দূর কর্তে এসেছি, সর্বকাৰ্য্য সিদ্ধিকারী গণপতিও এসেছেন, তোমাদের ধন ধান্ন দান কর্তে স্বয়ং লক্ষী অবতীর্ণা, বিজ্ঞা বুদ্ধি প্রদান কর্তে বীণাপানি মুক্তহস্তা, শত্রুদলনকারী দেবসেনাপতি কার্তিকেয় স্বয়ং অগ্রগামী, তবে আর তোমাদের ভয় কি ? একবার বুক বেঁধে, নব বলে বলীয়ান্ হয়ে সকলে দাঁড়িয়ে ওঠো, ঘুম ছেড়ে জাগো, অলসতা ছেড়ে বেরিয়ে পড়ো ।

“বার বার তোমাদের দুঃখ দূর কর্তে এসে তোমাদের প্রাণের আগ্রহ ও একাগ্রতা না দেখে বিফল মনোরথ হয়ে ফিরছি । এবার ওঠো, বাঙ্গালার পুত্রকন্তাগণ, নিজা পরিত্যাগ ক'রে নিজের পায়ে ভর দিয়ে দাঁড়াও ।

“তোমাদের দেশের পয়সা দেশ দেশান্তরের লোক এসে নিয়ে যাচ্ছে, আর চারিদিকে পয়সা ছড়ান থাকতেও তোমাদের কুড়িয়ে নেবার চেষ্টা নেই । পথে ঘাটে যে কেবল কাজে সর্বত্রই দেখি বিদেশীরাই অগ্রণী, মিস্ত্রীর কাজ করছে চীনেরা, ব্যবসা করছে মাড়োয়ারীরা, মোটর চালাচ্ছে শিখেরা, হোটেল দোকান বাজার সবই বিদেশীর দ্বারা পরিচালিত হচ্ছে ।

“বাঙ্গালাদেশ—বাঙ্গালীর জন্মভূমি, চির বাসস্থান । কিন্তু সব কাজেই বাঙ্গালীর সংখ্যাই কম । কেবল আপিস্অফিসে দেখলে বুঝতে পারি যে বাঙ্গালী কি রকম ভাবে দাসত্বশৃঙ্খলে বদ্ধ হয়ে কেবল জীবন বাপন করছে !

“হায় ! এই যে ধনধান্ন ভরা শত্রুশ্রামল ”

যেই প্রথমদী বাকালীর মাতৃভূমি, তোমাদের জন্মভূমি, স্বর্গাদপি গরীয়সী জননী অস্বাচিত ভাবে তোমাদের বিবিধ ব্যবস্কার দান করছেন, তোমরা মায়ের সে স্নেহের দান অগ্রাহ্য করে, বিমাতার চাকচিক্যময়ী দানই সাদরে গ্রহণ কর্তে অগ্রসর হ'চ্ছে। তোমাদেরই দেশের চির প্রসিদ্ধ বাণী 'বাণিজ্যে বসতে লক্ষ্মী।' তোমরা তার অবহেলা ক'রে হাতে লক্ষ্মী পায়ে ঠেলে বিদেশীর মুখাপেক্ষী হয়ে রয়েছ। বাকালদেশ অঞ্চল বাকালী ব্যবসাদার খুঁজেই পাওয়া যায় না।

“আজ বৎসরের পর ফিরে এসে আমি একি দেখলুম, আমার প্রিয় সন্তানরা জীবনমৃত অবস্থায় পরাধীনভাবে দুঃখের জীবন যাপন করছে! কাহারো পেটে অন্ন নাই, পরণে কাপড় নাই, কেউ বা ম্যালেরিয়ার জীর্ণ, কেউ বা অধাতু আহার করে ভীষণ রোগে আক্রান্ত, কেউ বা কস্তার বিবাহের ষ'সংসারের ভাবনায় মুহ্যমান। কঙ্কাল সার দেহ, স্ফুর্তিহীন প্রাণ এই নিয়ে, আর দলাদলি বাদবিসম্বাদ ভ্রাতৃবিচ্ছেদ পরনিন্দা পরচর্চা এই করে' জীবন যাপন কর্তে ব্যস্ত। তোমাদের অস্ত্রে এত' যে ব্যবস্কার ০ মাজিয়ে নিয়ে এলুম, তা তোমরা একবার ফিরে দেখতেও সময় পেলেনা। কাজেই ষারে ষারে ফিরে এবারও আমার বিকল মনোরঞ্ধ হয়ে ফিরতে হয় বুঝি!”

চোখ খুলে ব্যাকুল হয়ে জোড়হাতে বলে উঠলুম—“হায় মা স্নেহময়ী, করুণাময়ী অগত জননী,  
'কুপুত্র বদ্যপি হয়  
কুমার্তী কখন নয়’

তাই বলি মা, তুমি বিমুখ হয়ে বার বার অমন করে চলে যেওনা, তাহলে তোমার সন্তানরা চির অন্ধকারেই থেকে যাবে। তুমি তোমার এই অধঃপতিত সন্তানসন্ততিকে মাটি ময়লা ধুয়ে দিয়ে তোমার স্নেহের কোলে স্থান দিয়ে স্মৃতি দাও, দুঃখ দূর করো। শোকে দুঃখে তাপে অত্যাচারে অবিচারে দলিত মথিত সন্তান-প্রাণে শান্তি দাও। মাগে, তুমি না চাইলে আর কে তোমার সন্তানদের মুখ চাইবে মা?”

“ভাঙ্গা বুক বেঁধে, মলিন মুখে হাসি এনে, তোমার পূজার অর্ঘ্য মাজিয়ে নিয়ে তোমার সন্তানসন্ততি অপেক্ষা করছে। তাদের মোহতিমির বিদূরিত ক'রে, জ্ঞান প্রদীপ প্রজ্জ্বলিত করে দাও মা।”

“শক্তিময়ী মা আমার, তুমি সদানন্দময়ী তবে তোমার সন্তানদের প্রাণে এ নিরানন্দ কেন মা?”

“এ নিরানন্দ দূর করে আনন্দধারায় তাদের প্রাণ অভিসিদ্ধিত করে তোলো—তোমার চরণে এই প্রার্থনা।”

## জন্মভূমি

শ্রীমতী তরুলতা দাসী ।

নম জন্মভূমি ! এ অগতে তুমি  
খতাব-শোভায় ভরা,  
শান্তি নিকেতন , পুণ্য তপোবন  
নী তুমি মানস-হরা ।  
নম জন্মভূমি ! পাতিয়াছ তুমি  
স্নেহের আঁচল খানি,  
'পবিত্র স্তম্বর' বকের উপর  
ডনয়ে রেখেছ টানি ।

ধাত্রে ভরা মাঠ পণ্যে ভরা হাট  
জলভরা নদী নদ,  
শ্রামল কোমল তরু, ছুর্বাদল  
মা তব পরিচ্ছদ ।  
যথা তথা থাকি মনে ধেন রাখি  
তোমার অসীম স্নেহ,  
করি নমস্কার নাহি মা আমার  
তোমার তুল্য কেহ ।



## সকলিকা

### মহিলা প্রগতি—

ভারতবর্ষে কোচিন রাজ্যই সর্বপ্রথম নারীদের ভোট দিবার অধিকার এবং নির্বাচনে দাঁড়াইবার অধিকার দান করেন। সেখানেই নারী এবং পুরুষের মধ্যে সকল রকমের প্রভেদ একেবারে দূর করিয়া দেওয়া হয়। কোচিন প্রদেশের মত ভারতবর্ষের অন্য কোন প্রদেশের নারীরা এত শিক্ষিত নহেন। শিক্ষিত নারীর সংখ্যাও কোচিনে অস্বাভাবিক প্রমণে অপেক্ষা বেশী। কোচিনের মহারাণীও খুব শিক্ষিতা এবং প্রজাদের উন্নতির জন্য সতত যত্ন নিন্মাছেন। \* \* \*

বম্বের একজন বণিক-দাতার স্ত্রী বেনারস হিন্দু বিশ্ববিদ্যালয়ে নারীদের জন্য একটি বিশেষ হোটেল নির্মিত হইয়াছে। এই ছাত্রী-আবাসণী একটি দেখিবার জিনিস। \* \* \* এই বিশেষ কার্যে দাতার নামকে প্রশংসা না করিয়া পারা যায় না, কারণ দাতা স্পষ্টই বুঝিয়াছেন যে, নারী এবং পুরুষ একসঙ্গে না চলিতে পারিলে দেশের কোন আশা নাই। এই নূতন ছাত্রী-আবাসণে ১০০ জন ছাত্রী থাকিবার মত স্থান হইয়াছে। \* \* \*

মাদ্রাজের আদালার বিদ্যালয়ের মেয়েদের একজন ডাচ-মহিলা বাইসাইকেল চড়া শিখাইতেছেন। তিনি তাঁহার নিজের বাইসাইকেল এই কার্যে দান করিয়াছেন। গত দুইমাসে ১৫ জন মহিলা বেশ ভাল বাইসাইকেল চড়িতে শিখিয়াছেন। ইহাতে তাঁহাদের কার্যের অনেক সুবিধা হইয়াছে, সঙ্গে সঙ্গে খোলা হাওড়ায় যাত্রার সময় শরীরও ভাল হইতেছে। \* \* \* বাইসাইকেল চড়িতে শিখিলে মেয়েদের অনেক সময় স্বাধীনভাবে চলা-ফেরা করিবার সুবিধা হয় এবং এপাড়া ওপাড়া বাইতে হইলে খর্ড ক্রাণ গাড়ী ডাকিয়া ছয় আনা পরসী ভাড়া দিতে হয় না।

আফগানিস্তানের বর্তমান আমীর আমান-উল্লা দেশের নানা প্রকার উন্নতি করিবার সময় নারীদের ভুলিয়া যান নাই। দুইবৎসর পূর্বে মহারাণীর নিজ কর্তৃত্বাধীনে একটি মেয়েদের বিদ্যালয় খোলা হইয়াছে। ইহার পূর্বে এই দেশে আর কখনও নারী-বিদ্যালয় খোলা হয় নাই। বিদ্যালয়টি পর্দা-বিদ্যালয় হইলেও ইহাতে দেশের অনেক উপকার হইতেছে। বিদ্যালয়ের চারিদিকে কড়া পাহারার ব্যবস্থা হইয়াছে। বিদ্যালয়টিতে ৩৫০ জন ছাত্রী আছে। সকলেই বুদ্ধিমতী। বিদ্যালয়ে পাঁচ বৎসর পড়িত হয়। ছোট মেয়েদের সাত বছর বয়স হইতে লেখাপড়া শুরু করিতে হয়। বিদ্যালয়ে পড়া, লেখা, অঙ্ক, ক্রমোল, ইতিহাস, চিত্রাঙ্কন, গেলাই-শিল্প ইত্যাদি সহজ ভাবে শিক্ষান হয়। শিক্ষকগণ ভারতবর্ষ হইতে শিক্ষিত হইয়া গিয়াছেন।

এছুর চীনদেশের উচাও সহরের নারীরা একটি দৈনিক কাগজ বাহির করিবার চেষ্টা করিতেছেন। এই কাগজে নারীদের সংক্রান্ত ব্যাপার এবং সংবাদাদি ছাড়া অন্য কিছুই থাকিবে না।

জাপানে নারী-অধিকারের একটি সন্মত হইয়াছে। বর্তমানে ইহার সভ্য সংখ্যা ১০০। এই সংখ্যার মধ্যে সকল

রকমের নারীই আছে। এই সন্মত অনুযায়ী তাঁহাদের মত বাড়াইতেছেন এবং ক্রমে তাঁহারা জাপানের সমস্ত নারী-অধিকারের কেন্দ্র-সম্মত হইবেন বলিয়া মনে হয়। সন্মত নারী-অধিকারের সকল প্রকার উন্নতির দিকে দৃষ্টি করিবার চেষ্টা করিতেছেন। ভারতবর্ষের বিভিন্ন প্রদেশে গুলিতে এই একরকম নারী-অধিকার-সম্মত বিশেষ প্রয়োজন আছে।

এবাসী।

### ম্যালেরিয়া নিবারণের উপায়—

ম্যালেরিয়ার আক্রমণে বাজালায় পল্লীগণি ধংশ হইতে বসিয়াছে। \* \* \* মশকই যে এই রোগের উৎপত্তির কারণ তাহা বোধ হয় সকলেই জানেন, অথচ এই মশকগুলির ধ্বংসের আশ্রয় কোমরপই চেষ্টা করি না। ম্যালেরিয়ার হস্ত হইতে রক্ষা পাইতে হইলে প্রথমতঃ জলনিকাশের ব্যবস্থা করিতে হইবে। আগে আমাদের দেশে সময়ে বৃষ্টি হইত, সে বৃষ্টির ফলে পল্লিপথের আবর্জনা সমূহ উত্তমরূপে ধৌত হইয়া লোকসম্মত স্থান হইতে বহুদূরে চলিয়া যাইত। তাহার ফলে সময়ের হ্রবৃষ্টির দরুন পল্লিপথের জলনিকাশের কার্য সম্পাদন হইত। এখন সময়ে হ্রবৃষ্টি হয় না, হ্রতরাং ভালরূপে জল নিকাশও হয় না। পল্লীর বনগণ পরিষ্কার করিতে হইবে, বাড়ীর নিকট যে সব ডোবা বা গর্ত আছে তাহা বুলাইয়া ফেলিতে হইবে। জলাশয়গুলি বাহাতে কলুষিত না হয় তাহার ব্যবস্থা করিতে হইবে। মশক সংশয় হইতে অব্যাহত থাকিবার জন্য "সক্যার পর আর নগ্ন গায়ের" থাকা চলিবে না, সকলকেই জামা বা কাপড় গায়ে দিয়া থাকিতে হইবে। মশারি খাটাইয়া রাখিতে নিজে যাইতে হইবে। \* \* \* প্রত্যহ প্রাতে ও সক্যার গৃহমধ্যে ধূপ-ধূনা দিবার ব্যবস্থা করিতে হইবে। ধূপ ধূনার গন্ধ মশকগণ সহ্য করিতে পারে না—ইহা সকলে মনে রাখিবেন। আগে প্রত্যেক হিন্দুর সংসারে তুলসী ও কুকচূড়া ফুলের গাছ সবচেয়ে রক্ষিত হইত। ইহার রস টানিয়া, স্যাতেসতে জমী শুক করে। তাহার ফলে বাহারকা কার্যে অনেক উপকার আসে। সে প্রথা পুনঃ প্রচলন করিতে হইবে। শরনঘরে খাট, পালক, তক্তাপোষ তির অন্য কিছু রাখা চলিবে না। বাজালীকে আবার তৈলমর্দনে অভ্যস্ত হইতে হইবে; উত্তমরূপে তৈলমর্দনকারী ব্যক্তিগণের ম্যালেরিয়ার আক্রমণ অনেক কম হইয়া থাকে। পল্লিগ্রাম ম্যালেরিয়ার লীলা-নিকন্তন বলিয়া পল্লি পরিষ্কাপ করিলে চলিবে না, পল্লিরকার অন্য চেষ্টাশীল হইতে হইবে। \* \* \* অর্ধে পার, সামর্ধে পার, বহু লইয়া, চেষ্টা করিয়া, কতক নিজেরা টানা দিয়া, কতক লোকাল বা ডিষ্ট্রিট বোর্ডের দৃষ্টি আকর্ষণ করিয়া বাহাতে প্রায়ের কলসংহারে নিমুক্ত হয়, বাজালাটের সংস্কার হয়, হ্রপের জলসংহারের ব্যবস্থা হইতে পারে তাহার জন্য প্রাণপাত পরিশ্রম করিতে হইবে। দেশরক্ষা, সমাজ রক্ষা, বাজালী জাতির অস্তিত্ব রক্ষা করিতে হইলে এরূপ ব্যবস্থা তির আদর্শের গত্যন্তর নাই।

—অর্চনা।




# মাতৃমন্দির



কৈলাস প্রত্নাবলম্বন





২য় বর্ষ

{ কার্তিক—১৩৩১ }

৭ম সংখ্যা

## বিজয়া

রায় শ্রীবঙ্কিমচন্দ্র মিত্র এম-এ-বি-এল বাহাদুর ।

আজি সে কোথায় গেল,            কিবা ছিল কি হইল,  
কি হইল পলকেতে সে আনন বিহনে ;  
আলোকে আলোকময়            ছিল এ দিবস-ত্রয়  
এ আলোকহীন পুরী ছালোকের বরণে ;  
বহিল আনন্দে তার            আনন্দের পারাবার  
মন্দিরে অঙ্গনে পথে নিরানন্দ ভুবনে ;  
যেন উষা পূর্বাকাশে            দিবস শর্করী হাসে,  
যেন নিশি পৌর্ণমাসী নিশিদিন গগনে ;  
প্রফুল্ল প্রসূনাবলী—            ফুল যেন বনস্থলী  
পিককুলে-কাকলীতে পরিপূর্ণ প্রভাতে,  
হর্ষময় কলরবে            তিন দিন মস্ত সবে,  
সুশোভিত ছিল সব ত্রিদিবের শোভাতে ;  
আজি সব কোথা গেল,            কিবা ছিল কি হইল,  
কি রহিল বল এই নিরানন্দ নীরবে ;  
কি আলোক, কিবা আশা,            কিবা সাক্ষনার ভাষা  
রহিল তিমিরাচ্ছন্ন ছিল ছিল এ ভবে ।

সে কি সব নিয়ে গেছে ? কিবা কিছু বাকী আছে ?  
 কিবা কিছু চিরস্তন দিয়ে গেছে সস্তানে,  
 আলোক আঁধায়ে যায় সমভাবে দেখা যায়,  
 আনন্দ আনন্দ ভুলে থাকে যার সঙ্কানে,  
 আনন্দের সে প্রতিমা, স্বপ্নমার সে উপমা  
 গঙ্গাজলে ভেসে গেছে গঙ্গাধর মদনে ;  
 নিমগ্ন হ'য়েছে কায়া, লগ্ন তার অঙ্গছায়া  
 নিস্তরঙ্গ গঙ্গাজলে অচঞ্চল আসনে ,  
 কৌমুদী নিভিলে পরে নীলতর নীলাশ্বরে  
 যে ছায়া বসিয়া থাকে অনাকুল আননে  
 এ যে আনন্দের পরে আজি তাই ঘরে ঘরে,  
 এ যে শান্তি, লিপ্ত যাহা দেবতার চরণে ;  
 এ যে শান্তি, দেবতার সব প্রসাদের সার,  
 দেবপদে অন্তরের অতি নম্র প্রণামে  
 আপনি নামিয়া আসে, অন্তরে বাহিরে ভাসে,  
 এ প্রপঞ্চ আবরিয়া বৈকুণ্ঠের বিরামে ;  
 দেবতার দরশন, আনন্দের সঙ্কীর্ণ  
 ক্ষণপ্রভা সম হেসে মিশে যায় তখনি ;  
 পা ছ'খানি চ'লে যায়, পদধূলি বিশ্ব ছায়,  
 সে ধূলিতে চির তৃপ্ত শাস্ত থাকে অবনী ;  
 এই শান্তিজল আজ বহুক এ বিশ্বমাব,  
 শাস্ত হ'ক এ অনন্ত সে অমৃত পরশি ;  
 শাস্ত হোক রোগ শোক, পাপ তাপ শাস্ত হোক,  
 ঘেঁষ হিংসা ধোত করি' এস শান্তি বরষি' ;  
 এস শান্তি নভস্থলে, এস শান্তি ভূমণ্ডলে,  
 এস শান্তি অন্তরীক্ষে, পর্বতের কন্দরে,  
 এস নীল সিঙ্কুজলে, শ্যামল বিটপীদলে,  
 এস শান্তি মানবের এ অশান্ত অন্তরে ;  
 শাস্ত কর মত্ত ক্রোধ, ভ্রাতৃত্বন্দে এ বিরোধ,  
 এই ভেদ এক মার এই সব নন্দনে ,  
 শাস্ত কর গব ভাগ, জাতি-কুল-অভিমান,  
 শাস্ত কর ধনমদ নির্ধনের বন্দনে ;

শাস্ত কর দুঃশায়,                      পরবিস্ত-পিপাসায়  
 শাস্ত কর লোলুপের এ নৃশংস কবলে ;  
 শাস্ত কর ধর্মবৈরী,                      জগৎ হিতের অরি,  
 শাস্ত কর অশ্রায়ের ঐ প্রসার ভূতলে ;  
 শাস্ত কর ক্ষমতার                      অবিনয়, অত্যাচার ;  
 শাস্ত কর, ক্ষমাহীন মানসের তাড়নে ;  
 শাস্ত কর সবাধার .                      সর্ববিধ অহঙ্কার,  
 শাস্ত কর জ্ঞান-গর্ব ভক্তি-বারি-সেচনে ।

## ভারতের নারী

শ্রীসত্যেন্দ্রকুমার বসু বি, এ।

বিলাতের ওয়েমরি নামক স্থানে যে বিরাট সাম্রাজ্য প্রদর্শনী খোলা হইয়াছে, তন্মধ্যে একটা ভারতীয় বিভাগ আছে, একথা সকলেই জানেন। একদিন তথায় নারী সপ্তাহের ভারতীয় দিন নির্ধারিত হইয়াছিল। ঐ দিন ভারতীয় নারী সম্বন্ধে মহারানী মেরীর একটি বক্তৃতা পঠিত হইয়াছিল, বক্তৃতা পাঠ করিয়াছিলেন রাজকুমারী হেলেনা ভিক্টোরিয়া। মহারানী ঐ বক্তৃতায় বলিয়াছেন,—“আমি দুইবার ভারতে ভ্রমণ করিয়া ভারতীয় নারীদিগের সহিত মিলামিশা করিয়া যে অভিজ্ঞতা সঞ্চয় করিয়াছি, তাহাতে এখনও আমার তাঁহাদের গুণাবলী, করুণা ও সরলতার কথা প্রায়ই মনে পড়ে। তাঁহাদের কথা আমি সর্বদাই চিন্তা করি এবং সর্বদাই আমি তাঁহাদের মঙ্গল কামনা করি। আমি দুইবার তাঁহাদিগকে নারীর মহৎ কার্যক্ষেত্র “সংসার ও পুত্র পরিবারের” সম্বন্ধে বাণী প্রেরণ করিয়াছি। নারীর হস্তে পঠিত সংসার হইতেই জাতি ও সাম্রাজ্য গঠিত হয় ভারতের যেকোন অবস্থা তাহাতে স্বস্থ, সবল ও সতেজ পুত্র-সন্তান উদ্ভূত হওয়া অতীব প্রয়োজনীয় হইয়া পড়িয়াছে। যাহাতে এই সমস্ত পুত্রসন্তান সংযত ও

শাস্ত চিন্তের অধিকারী হয় এবং মঙ্গলকর আদর্শ সম্মুখে ধারণ করিয়া কার্যক্ষেত্রে অগ্রসর হইতে পারে, ভারতের নারীর সেই দিকে দৃষ্টি রাখা কর্তব্য। জগতের কুত্রাপি ভারতের ন্যায় অস্তঃপুর পবিত্র নহে—এই অস্তঃপুরচারিকারা কত কি মঙ্গল সাধন করিতে পারেন, তাহারও ইয়ত্তা করা যায় না। কারণ সংসারের প্রতি ভালবাসা এবং পুত্রপরিবারের প্রতি কর্তব্যপালন ভারতীয়ের জীবনের মূল লক্ষ্য। আমার মতে জগতের কুত্রাপি অন্য নারী এবিষয়ে ভারতীয় নারীর ক্ষমতায় সমতুল নহে।”

কেন মহারানী এই কয়টি কথা বলিয়াছেন, তাহা ভারতীয়রা বিলক্ষণ বুঝিতে পারে। ভারতের নারী শিক্ষায়, দীক্ষায়, ‘সভ্যতায়’, চালচলনে, কথায়, বার্তায় প্রতীচ্যের fast womenদের বহু পশ্চাতে পড়িয়া আছে, একথা অস্বীকার করা যায় না। মার্কিন বা যুরোপের fast women বা sport womenরা কেমন পুরুষের সমকক্ষতা করিয়া আকাশে উড়িতে পারে, জলে ডুবিতে পারে, ফুটবল, ক্রিকেট, টেনিস, গল্ফ খেলায় পুরুষকে হারাইতে পারে, চাকুরীক্ষেত্রে পুরুষকে পশ্চাতে ফেলিয়া রাখিতে পারে! ভারতে এখনও এই ‘শুভদিনের’ উদয় হয় নাই।



কিন্তু তাহা না হইলেও মহারাণী মেরি ভূয়োর্ধনে ভারতের নারীকেই জগতে সংসার ধর্মে শ্রেষ্ঠ আসন প্রদান করিয়াছেন। আমাদের দেশের এক শ্রেণীর লোক প্রতীচ্য। সভ্যতার প্রভাবে প্রভাবান্বিত হইয়া হউক, বা অন্ত যে কোন কারণে হউক, দুঃখ করেন যে, এদেশে পূর্বরাগ না হইয়া বিবাহ হয়, বর ক'নে নিজের স্বধ দুঃখ না বুঝিয়া অবস্থার সম্পত্তির মত ক্রীত-বিক্রীত হয়, স্ত্রীপুরুষে অবাধ মিলামিশা হয় না বলিয়া নারী সমাজ বহু পশ্চাতে পড়িয়া আছে এবং সে জন্ত সামাজিক হিসাবে বিদেশীদের সহিত আমাদের প্রকৃত মিলন হয় না, চাকুরী বা ব্যবসায়ক্ষেত্রে নারী পুরুষের প্রতিযোগিতা করেন না বলিয়া পুরুষও নারীর সমকক্ষতায় প্রতিষ্ঠালাভ করিতেছেন না ইত্যাদি। কিন্তু তাঁহারা এইটুকু বুঝেন না যে, বাহিরের ধূলি কর্মমুক্ত পঙ্কিল মলিন পথে নারী বিচরণ না করিয়াও বিদূষী ও গুণবতী হইতে পারেন, পরন্তু মাতৃস্ব ও গৃহস্থালীর দাবীতেও তাঁহারা পুরুষের অশেষ সম্মানার্থে দেবীত্ব পদে অভিষিক্ত হইতে পারেন। নারীর কর্মক্ষেত্র অন্তঃপুর, একথা এখন প্রতীচ্যেরও বহু নারী স্বীকার করিয়া থাকেন। আমি বলি না যে নারীকে পিঞ্জরের পক্ষীর মত বন্দি করিয়া রাখা কর্তব্য, আমি বলি না তাঁহাকে অশিক্ষিতা ও নিরক্ষরা করিয়া রাখিয়া কেবল গৃহে দাসীস্বাস্ত্যে অভ্যস্ত করা কর্তব্য। কিন্তু তাহা বলিয়া আমাদের এই দেশে আমাদের আর্ধ্য-সভ্যতার ভাবধারার গণ্ডী অতিক্রম করিয়া পুরুষের সহিত তাঁহাদের অবাধ মিলামিশা ঘটানও কর্তব্য নহে, জীবিকার্জনের জন্ত তাঁহাদিগকে কালেক্সী শিক্ষা দেওয়াও সমীচীন নহে, গৃহস্থালী ও সম্মান পালন হইতে তাঁহাদিগকে অব্যাহতি দিয়া প্রজাপতির মত ডানা মেলিয়া উড়িতে দেওয়া সমাজের পক্ষে যত্নকর নহে; ভারতে আর্ধ্যসভ্যতার বাধাবাধি আছে বলিয়াই আজ মহারাণী মেরীর মুখে ভারতীয় নারী এই স্বখ্যাতি লাভ করিয়াছে।

আমি অন্ত্র নারী-মঙ্গল সম্বন্ধে লিখিয়াছি যে, আমাদের 'হায় রে সেকাল' অথবা 'আহা মরি একাল', এই দুইয়ের কোনটারই অর্থ স্তাবক হওয়া কর্তব্য নহে। আমাদের প্রাচীন আর্ধ্যসভ্যতার যুগে কস্তাও পুত্রের মত শিক্ষিতা ও মার্জিত-কচি হইতেন। সতীশিরোমণি সাবিত্রী ইহার প্রকৃষ্ট দৃষ্টান্ত। সীতাও তাই। শকুন্তলার জীবনেও শিক্ষার পরিচয় পাওয়া যায়। তখন শুদ্ধান্ত ছিল বটে, কিন্তু এত 'আবরু' ঘটাই ছিল না। সীতা অসুখ্যাম্পশুরূপা বলিয়া বর্ণিতা হইয়াছেন বটে, কিন্তু প্রয়োজন হইলে স্বামীর সঙ্গে ভীষণ দণ্ডকারণ্য চারিণীও হইয়াছিলেন। দময়ন্তী, শৈব্যা, চিন্তা,— দৃষ্টান্তের অভাব নাই।

তাঁহারা সংসারধর্মই নারীর শ্রেষ্ঠ ধর্ম বলিয়া মনে করিতেন—মাতৃস্বই নারীর চরম অধিকার বলিয়া মানিয়া লইতেন। তাহাতে সমাজ বেশ সুশৃঙ্খলার সহিত চলিয়া যাইত। নারী শিক্ষিতা, বিদূষী গুণবতী হউন, ইহা কাহার না ইচ্ছা? কিন্তু বাহিরের জগতের স্বর্ণ মলিন স্বর্ষের দিকে দৃষ্টি না রাখিয়া, মহারাণী যাহাকে পবিত্র অন্তঃপুর বলিয়াছেন, তাহার দিকে দৃষ্টি নিবন্ধ রাখিয়া তাঁহাদিগকে সংসার সংগ্রামে পুরুষের সঙ্গিনী হইতে হইবে। ইহাই সকল আর্ধ্য ভাবধারার শিক্ষা। কেবল এদেশে নহে, যুরোপেরও কোনও কোনও অংশে ভারতের এই ভাবধারা কেমন ফুটিয়া উঠিয়াছে, তাহার দুই একটা পরিচয় দিতেছি: কৃষিায় ও বলকানে শ্রাভ জাতির বাস। এই শ্রাভরা আর্ধ্য জাতিরই বংশধর। যুরোপের মধ্যে ইহারা যতটা আর্ধ্য-রক্ত বিস্তৃত রাখিয়াছেন, তত আর কেহ নহে। আমি ইহাদের নারীজাতির রীতি প্রকৃতির কতকটা পরিচয় দিতেছি। পাঠক ইহা হইতে নারীর কর্মক্ষেত্র কোথায় তাহা বুঝিতে পারিবেন।

বলকানের শ্রাভ নারী।

বলকান উপদ্বীপ যুরোপের অন্তর্ভুক্ত প্রতীচ্য সভ্যতায় প্রভাবান্বিত। কিন্তু বলকানের শ্রাভ

জাতির নারী যুরোপের নারী হইতে অনেকাংশে বিভিন্ন প্রকৃতির। বলকানের স্লাভদিগের মধ্যে আমাদের মত একান্তবর্তী পরিবারের দৃষ্টান্ত পাওয়া যায়। এক এক পরিবারকে ব্রাভস্তভো বলে। এই ব্রাভস্তভোর অন্তর্ভুক্ত নর-নারীর বিবাহ হয় না। স্লাভরা এই হেতু অস্বীকার করিয়া অগ্ন্যান্ত যুরোপীয়ান জাতিকে বলিয়া থাকে যে, তাহারা আপনাদের রক্ত-সম্বন্ধের লোকের সহিত উদাহবন্ধনে আবদ্ধ হয় না। তাহাদের বিবাহ সম্বন্ধ ব্রাভস্তভোর পুরুষগণ নির্ধারণ করে। বিবাহকালে বর ও বধুর প্রথম সাক্ষাৎ হয়— তাহাদের পূর্বরাগের ব্যবস্থা নাই। বাল্যবিবাহ অথবা বাল্যে সম্বন্ধ নির্ণয় বলকান স্লাভদের মধ্যে খুবই প্রচলিত। এমন কি বিহার বা উড়িষ্যার মত জন্মের পূর্বেও স্লাভদের কস্তার বাক্দস্তা হইয়া থাকে। অবশ্য প্রতীচ্য সভ্যতার প্রভাবে এ সব প্রথার অনেক পরিবর্তন হইতেছে।

গৃহস্থালীর ও কৃষিকার্য্য স্লাভ নারীদিগের দ্বারা সম্পন্ন হয়, পুরুষরা প্রতিবেশী শত্রুদিগের আক্রমণ প্রতিহত করিতেই নিযুক্ত থাকে। অথবা পর্বতে গো-মেঘ চারণ করে। এখনও স্লাভ নারীরা কাষ্ঠ ও জল আহরণ রূপ ভারি কাজ করিয়া থাকে।

নারীরা পুরুষদিগের সহিত একত্র ভোজন করে না। গৃহের পুরুষদের আহার শেষ হইলে অবশিষ্ট অংশ নারীরা আহাৰ করে। এ বিষয়ে বলকান স্লাভ নারী আমাদের ভারতীয় নারীরই অল্পরূপ। আরও অনেক বিষয়ে ভারতীয় নারীর সহিত তাহা-দিগের সৌসাদৃশ্য পরিলক্ষিত হয়। স্লাভ পুরুষরা অপরিচিতের সম্মুখে কখনও স্ত্রীর সহিত কথা কহে না। তাহাদের স্ত্রী পুরুষ অগ্ন্যান্ত যুরোপীয় জাতির স্ত্রায় পরম্পর নাম ধরিয়া থাকে না।

পূর্বরাগের ব্যবস্থা না থাকিলেও স্লাভ স্বামী-স্ত্রীর মধ্যে প্রেমের অভাব হয় না। স্লাভ নারী স্বামীর একান্ত অহুরাগিণী। এখনও দেখা গিয়াছে যে, যুদ্ধকালে স্ত্রী স্বামীর সহিত যুদ্ধে অহুগমন

করিয়াছে এবং স্বামীর মৃত্যুতে নিজের জীবন বিসর্জন দিয়াছে। এখনও শুনা যায়, স্লাভ নারী গ্রহণের মায়া বিসর্জন দিয়া তুর্ক সীমানা অতিক্রম করিয়া গভীর রাত্রিকালে দণ্ডে প্রোধিত স্বামীর মৃত্যু আনয়ন করিয়াছে।

স্লাভ নারী গৃহস্থালীর সকল কার্যই সম্পন্ন করে। কিন্তু তাহা বলিয়া কেহই মনে করে না যে, তাহারা পুরুষের ক্রীতদাসী। স্লাভ নারীদেরও নানা অধিকার আছে। স্লাভদের মধ্যে আমাদের পশ্চিমের সীমান্ত পাঠানদের মত বংশগত প্রতিহিংসা গ্রহণের প্রথা বর্তমান থাকিলেও নারী ইহার অন্তর্ভুক্ত নহে। নারীদের আমোদ প্রমোদের অভাব নাই। অবসরকালে উত্তম পরিচ্ছদে ভূষিত হইয়া স্লাভ নারী তাহাদের জাতীয় “কোলো” নৃত্যে যোগদান করে।

স্বতবাং দেখা যাইতেছে যে, প্রতীচ্য সভ্যতা-সুযায়ী পূর্বরাগের পর বিবাহ না হইলেও স্ত্রী-পুরুষের প্রেম অসম্ভব নহে, পরন্তু নারী গৃহস্থালীর কার্য সম্পন্ন করিলেও গৃহের ক্রীতদাসী নহে।

### কৃষিয়ার নারী ।

কৃষিয়া যুরোপের অন্তর্ভুক্ত—এখানেও প্রতীচ্যের সভ্যতার বিস্তৃতি ও প্রভাব অল্পভূত। অথচ কৃষিয়ার সাধারণ নারী অগ্ন্যান্ত যুরোপীয় বা মার্কিন নারীর মত Foot women বা ক্রত উন্নতিকামী নারী নহে। ইহার একটা প্রধান কারণ এই যে, কৃষিয়া আমাদের মত বহুকাল পরাধীনতার দৃশ্বে শ্রাবদ্ধ ছিল—৩ শতাব্দী যাবৎ তাতার বিজেতা কৃষিয়ায় আধিপত্য করিয়াছিল। আমি অগ্ন্যান্ত তাতার নারী সম্বন্ধে প্রবন্ধে দেখাইতেছি যে, তাহাদের মত ঘোর পর্দানশীনা অগতে কুজাপি নাই। স্বতরাং দীর্ঘকাল তাতার শাসনের ফলে কৃষিয়া যে তাতারদের আচার ব্যবহারে অভ্যস্ত হইয়াছে, এখনও তাহার প্রভাব হইতে মুক্ত হইতে পারে নাই।

অধিক দিনের কথা নহে, মাত্র ২ শত বৎসর পূর্বে ক্রিমিয়ার নারী তাতার নারীর মত পর্দার অন্তরালে বাস করিত! পিটার দি গ্রেট প্রথম অবশ্যই মোচনের আইন প্রণয়ন করেন। কিন্তু তৎপূর্বে ক্রিমিয়ার গৃহস্থের সদর ও অন্তর ছিল। বিবাহের পূর্বকাল পর্যন্ত বালিকারা এইরূপে অন্তরে বন্দিনী হইয়া থাকিত। এখনও ক্রিমিয়ার পল্লীমঞ্চস্থলে আমাদের দেশের মত ঘটক ও ঘটকী আছে, তাহারা বিবাহ সম্বন্ধ করিয়া দেয়, কোর্টসিপ দ্বারা বিবাহ ক্রিমিয়ার সহরে সীমাবদ্ধ, কোথাও কচিং দুই একটা পূর্বরাগের পর বিবাহের কথা ক্রিমিয়ার গ্রামে শুনা যায়। ক্রিমিয়ার কৃষক কামিনীরা এখনও গৃহের বাহির হইলে মস্তকে অবগুষ্ঠন দিয়া থাকে।

ক্রিমিয়ার কৃষকদিগের মধ্যে বিবাহ-বন্ধন আমাদেরই মত অচ্ছেদ্য, আইনের দ্বারা বিবাহ-বিচ্ছেদ তাহাদের মধ্যে নাই বলিলেই হয়। যদি স্বামী স্ত্রীর মধ্যে মনোমালিন্য উপস্থিত হয়, তাহা হইলে উভয়ে স্বতন্ত্র থাকিবার ব্যবস্থা করিয়া লয়— স্বামী পুত্রসন্তানদিগকে এবং স্ত্রী কন্যাগুলিকে নিজের হেপাজতে রাখে। নারীর বিবাহকালীন যৌতুক (স্ত্রীধন) তাহার মৃত্যুকাল পর্যন্ত নিজস্ব থাকে, মৃত্যুর পর তাহার কন্যা অথবা অন্য কোন নিকট নারী আত্মীয়্যার নিজস্ব হয়।

ক্রিমিয়ায় চারিপুরুষের তফাৎ না হইলে সগোত্রে বিবাহ হয় না, ইহাই গ্রীক ধর্মের বিধান। সগোত্রে বিবাহ হইলে প্রায়ই সন্তান-সন্ততি উন্মাদরোগগ্রস্ত হয়, একথা ক্রিমিয়ানরা মানে।

লিটন বিরাট কৃষ রাজ্যের একাংশ। এখানে নারীর চরিত্র সম্বন্ধে আমাদেরই দেশের মত কঠোর সামাজিক নিয়ম প্রতিপালিত হয়। ক্রিমিয়ার অন্তর নারীর যত সম্মান এখানে তদপেক্ষা অনেক অধিক। আমাদেরই মত এখানকার ক্রিমিয়ানরা ‘গৃহিণী গৃহমুচ্যতে’ প্রবাদের সার্থকতা স্বীকার করে। তাহারা “যখন গৃহে গৃহিণী থাকে না, তখন রোদন করে।” আবার নারী দুষ্চরিত্রা হইলে এখানে যত কঠোর

সামাজিক শাসনের বিধান আছে, অন্তর তত নাই। দুষ্চরিত্রা নারীর গৃহ দ্বার প্রতিবেশীদের দ্বারা আলকাতরা দ্বারা লেপিত হয়, উহা নারীর অপমানের চিহ্ন।

ক্রিমিয়ার উচ্চশ্রেণীর নারীরা অতীব উচ্চশিক্ষিতা, অত্যন্ত বুদ্ধিমতী এবং লোকের মনোমুগ্ধকারিণী,—ক্রিমিয়ায় ষাহারা পর্যটন করিতে গিয়া তাঁহাদের সহিত মিলামিশা করিয়াছেন, তাঁহারা এই কথা বলিয়া থাকেন। তাঁহারা প্রায়ই ২৬টা ভাষায় ব্যাপন্ন হইয়া থাকেন, একজন তাঁহাদের মতামত প্রায়ই উদারভাবাপন্ন হয়। এ বিষয়ে তাঁহারা ইংরাজ বা জার্মান নারী অপেক্ষা বহুলাংশে শ্রেষ্ঠ।

কিন্তু লক্ষ্য করিবার বিষয় এইটুকু যে, তাঁহারা এত গুণে গুণবতী হইয়াও fast women নহেন। তাঁহারা quite womenly, তাঁহাদের নারীমূলভ দয়া কোমলতা:লজ্জা-বিনয়-সর্বজন বিদিত। তাঁহারা বড় বড় নাচতামাসায় বা ভোজে যোগ দান করেন বটে, কিন্তু মার্কিন বা অন্যান্য যুরোপীয়ান নারীর মত তাঁহাদের পোষাকের ‘বাড়াবাড়ি’ নাই অথবা এক কথায় ইংরাজীতে যাহাকে ‘Side’ বলে তাহা আদৌ নাই। এই বিদূষী গুণবতী ক্রিমিয়ার নারীরা ঘরসংসারে অতীব আসক্তা, আমাদেরই দেশের নারীর মত ‘ঘরসংসার’ তাঁহাদের অস্থিমজ্জাগত, অথচ তাঁহারা আপনাদিগকে পুরুষ অপেক্ষা নিকট মনে করেন। একজন পর্যটক ক্রিমিয়ান বিদূষী মহিলাদের সম্বন্ধে এইরূপ অভিমত প্রকাশ করিয়াছেন:—“Russian women of the upper classes do not feel that their interests are separate from those of their men nor do they think their sex inferior and imagine that submissive self-effacement is their highest ornament yet no country in the world has given us more beautiful examples of wifely devotion and self-

sacrifice than Russia. কথাটা খুব লম্বাচোড়া ।  
যে দেশে সতীদাহ বা জ্বরব্রত প্রচলিত ছিল, যে  
দেশে এখনও স্নেহলতা আঙুনে পুড়িয়া মরিতে  
ভয় পায় না, সে দেশের লোক একথা শুনিলে  
হাসিবে । অগতে কৃষিয়ার মত পতিভক্তি দৈবা যায়  
না, একথাটা সীতা সাবিত্রী বা পদ্মিনীর দেশে  
কেমন বেখাপ্পা লাগে । তবে একথা ঠিক যে  
কৃষিয়ার বিদ্যুী সম্ভ্রান্ত মহিলারা নানা গুণে ভূষিতা  
হইয়া পাতিব্রত্য ধর্ম পশ্চাদপদ নহেন ।

• যদি ইহা কৃষিয়ার সম্ভব হয়, তবে ভারতে  
হইবে না কেন ? যে দেশে প্রাচীন যুগে সীতা  
সাবিত্রী 'শৈব্যা, দময়ন্তীর সঙ্গে খণা গার্গেয়ী মৈত্রী  
অরুন্ধতীর উদ্ভব হইয়াছিল, সে দেশে নারী কেবল  
কি পাতিব্রত্য ধর্ম ও সংসার ধর্ম পালন করিলেই  
যথেষ্ট হইবে ? সাবিত্রী ও সীতাও যে উচ্চশিক্ষিতা

ছিলেন, তাহার প্রমাণ পুরাণে আছে, সে প্রমাণ  
আমি অন্তত উদ্ধৃত করিয়াছি । তবে তাঁহারা  
পাততাড়ি বগলে করিয়া পাঠশালায় গিয়াছিল, এম  
এমন প্রমাণ আমরা পাই নাই । ঘরেই সেই  
শিক্ষার ব্যবস্থা হইত । আত্মীয় স্বজন অথবা গুরু  
পুরোহিতের মুখে যে উপদেশ তাঁহারা প্রাপ্ত হইতেন  
তাঁহাই তাঁহাদের শিক্ষার ভিত্তি ছিল । এখন  
কালধর্মে উহা লোপ পাইয়াছে । যাত্রা, কথকতা  
রামায়ণ বা চণ্ডীর গানেও যে লোক শিক্ষা হইত  
তাঁহাও ক্রমে উঠিয়া যাইতেছে । কল্পাপোষ  
পালনীয়া শিক্ষণীয়ত্ব যত্নতঃ—মিথ্যা এ ঋষি উপদেশ  
প্রদত্ত হয় নাই, একথাটা যেন আমরা অহুঙ্কণ  
স্বরূপ রাখি ; নতুবা জাতি হিসাবে আমরা যে বহু  
নিম্নে থাকিয়া যাইতেছি, তাহাতে বিশ্বয় প্রকাশের  
কোন কারণ নাই ।

## সাধের সাধনা

শ্রীমতী লীলা দেবী ।

তোমার স্বর আর আমার বাণী  
মুক্তি দিল পরস্পরে,  
এই তো শুধু জানি ;  
স্বরটী তোমার আমার কথায়  
বাধন নিল সার্থকতায়,  
কথা আমার স্বরের শিখায়  
বাধন ছেড়ে অসীম পানে  
বাইল তরী খানি !  
আমি যে গো ফুলেরি দল  
তুমি যে তার গন্ধ বিমল ;

দলের মাঝে সাধ ক'রে চাও বাধতে তুমি ঘর,  
দলগুলি চায় স্ববাস শ্রোতে  
বাধন খুলে মুক্ত হ'তে,  
তাইতো সাধের মুক্তি সাধন ক'রল পরস্পর !  
স্বরটী তোমার কথার মাঝে  
প'ড়ল ধরা ব্যাকুল লাজে  
কথা আমার উদাস সাজে  
বৈরাগিনী মানি !  
তোমার স্বর আর আমার বাণী ।



## পথনির্গয়

( গল্প )

শ্রীসত্যেন্দ্রনাথ বসু এম্ এ বি এল ।

রাত্রি তখন প্রায় শেষ হইয়াছে । স্তিমিত চন্দ্রালোকের শেষরাশ্মি বাতায়ন পথে হতভাগিনী শিবাণীর আলুলায়িত কুন্তল জালে পড়িয়া নিতান্ত স্নেহভরে যেন তাহাকে সাস্বনা দিতেছিল । এই দারুণ দুঃখের কশাঘাতে অর্জুনি হইয়া চিন্তার মর্মদাহে হতভাগিনী বিনিত্র নয়নে সমস্ত রজনী জাগিয়া বাতায়ন পাশে রজনীশেষে ঘুমাইয়া পড়িয়াছিল, সহসা তাহার দুয়ারের কবার্টে ভীতি তাড়িত আকুল করাঘাত পড়িতে লাগিল । ব্যস্ত হইয়া সে দুয়ার খুলিল ;—খুলিয়াই দেখে দ্বারে এক অর্জনয় রক্তাক্ত যুবক ! একি সর্বনাশ ! শিবাণী বিষ্ময়ে চিৎকার করিয়া উঠিতে গেল, কিন্তু সহসা সেই যুবক তাহার পাছুখানি ধরিয়া বসিয়া পড়িল— একটাও কথা বলিতে পারিল না—অত্যন্ত পরিশ্রমে দীর্ঘশ্বাস পড়িতেছিল, মূর্চ্ছিত হইয়া তাহারই পদ-প্রান্তে পড়িয়া গেল । শিবাণীর হৃদয় করুণায় বিগলিত হইল—তাহার হৃদয় সমবেদনায় ভরিয়া গেল । সে যে মানুষ । হোক খুনে, হোক বদমায়েস, হোক অপরাধী, এওত মানুষ, বিপন্ন-আশ্রয় প্রার্থীকে সে আশ্রয় দিবে না ? সন্তুষ্ট হইয়া মূর্চ্ছিত যুবকের দেহ গৃহ মধ্যে টানিয়া আনিয়া সে দ্বার বন্ধ করিয়া দিল । কিছুক্ষণ পরেই বাহিরে চিৎকার উঠিল—ভীতি-কম্পিত বন্ধে ত্রস্ত পদে বাতায়ন পার্শ্বে দাঁড়াইয়া চারিদিকে চাহিয়া দেখিল ! কিছুক্ষণ এদিক ওদিক চারিদিক খুঁজিয়া পাহারাওয়াল চলিয়া গেল, সে দ্বারে আসিয়া মূর্চ্ছিত যুবকের পার্শ্বে বসিয়া তাহার চেতনা সম্পাদনের চেষ্টা পাইল । ভোরের পাখী ২১টা করিয়া ডাকিয়া

উঠিল । সজিনীর দল গজান্নানে যাইবার পথে, শিবাণীকে ডাকিল, শিবাণী বিজড়িত স্বরে উত্তর দিল “না ভাই আমার শরীর ভাল নাই, আজ আমি যা'ব না ।”

( ২ )

আজ বহুদিন পরে আবার সেই অতীত জীবনের ব্যথার পূর্বকাহিনী শিবাণী মনে পড়িল । মনে পড়িল শৈশবের সেই খেলা ধূলা ; সেই সকলতার সত্য যুগ, সেই দুঃখিনী মায়ের অনাবিল স্নেহ ; সে যেন আজও তাহার চোখের সম্মুখে জাগিয়া উঠিল । কুলীন কন্যা মাতুলালয়ে পালিতা, বালা পিতৃহীনা, উপযুক্ত ঘরে ও বরে সেই শৈশবেই বিবাহ হইয়াছিল—এ কথা সে পরে শুনিয়াছে, অতীত স্বপ্নের বিষ্মত প্রায় স্মৃতির আভাসের মত সে কথাও তাহার একটু একটু মনে পড়িতে লাগিল । তারপর কি কুক্ষেণে গ্রামে মড়ক ঢুকিয়া তাহার বংশ নির্কংশ হইয়া গেল । একমাত্র বালিকা কন্যাকে অবলম্বন করিয়া তাহার মাতা অকুল শোকেও জীবন ধারণ করিয়াছিলেন । তারপর তিনি শিবাণীর খস্তর কুলের সর্ভান করিয়াছিলেন । সে কুলেও মড়কে সমস্ত নির্কংশ—কেবল শিবাণীর স্বামী বালক রমানাথ জীবিত ছিলেন । এই প্রবল মড়কের পর পিতামহী বাসক রমানাথকে সঙ্গে করিয়া তীর্থযাত্রা করিয়াছিলেন, সে অবধি আর কেহ তাহাদের কোনও সংবাদ রাখে না । কোথায় আমাদের আমাতার অনুসন্ধান করিবেন ? কোনওরূপে তাহাকে লইয়া তাহার মাতা পিতার বাস্তবিতার



সন্ধ্যাদীপ জ্বলাইতেন । বিধাতার মনে তাহাও  
সহিল না । প্রৌঢ়া একমাত্র কন্যাটিকে রাখিয়া  
পরলোকের পথে যাত্রা করিলেন, আশা সে কথা  
মনে হইয়া শিবাণীর হৃদয় যেন ভাঙিয়া যাইতে  
লাগিল, মনে পড়িল মায়ের সেই শেষ আশীর্বাদ  
—“ভগবান তোমাকে দেখবেন।” কই ভগবান  
ত তাহাকে দেখিলেন না ! তখন শিবাণীর বয়স  
কেবলমাত্র দ্বাদশ বৎসর । প্রতিবেশী রামলোচনের  
গৃহে সে আশ্রয় পাইয়াছিল । কিন্তু এই রামলোচনের  
ধাতু রমণীমোহন হইতেই আজ তাহার এই দশা,  
রমণীমোহন তাহাকে প্রথম জানাইল সে স্বামিহীনা ।  
তারপর ধীরে ধীরে সহানুভূতির বাতাসে তাহাকে  
ভোগের পথে টানিয়া আনিবার জ্ঞান সে কি ছলনা !  
মনে পড়িল সেই চুড়ামণি যোগের সময় কলিকাতায়  
গঙ্গাস্নানে রমণীমোহন তাহার মাতা ও শিবাণীকে  
সঙ্গে করিয়া লইয়া আসে ।

তারপর কেমন করিয়া পথের মধ্যে কোশল  
করিয়া পথ ভুলাইয়া তাহাকে এই জঘন্য পল্লীতে  
আনিয়া তুলিয়াছিল, কেমন করিয়া নরাদম ভাল-  
বাসার প্রলোভন দেখাইয়া বিধবাবিবাহের  
প্রলোভনে মজাইয়া তাহাকে এই নরকের পথে  
টানিয়া আনিয়াছে—আর আজ তাহার আকাঙ্ক্ষা  
পুরিয়াছে বলিয়া তাহাকে অকূলে ভাসাইয়া সে  
আর চোখের দেখা দিবারও অবকাশ পায় না ।  
সত্য বটে আজ রামলোচন রায় নাই, তাহার  
সমস্ত জমিদারীর কাজ রমণীমোহনকেই দেখিতে হয়,  
সত্য বটে সে একদিন শিবাণীর বস্ত্র অলঙ্কারের জ্ঞান  
অর্ধব্যয়ে কার্পণ্য করে নাই, কিন্তু কই এই এক  
বৎসর ধরিয়া ত’ কেবল মাসের খরচা ছাড়া আর  
কিছু পাঠায় নাই । তাহাও আবার এই দুই মাস  
বন্ধ । হায়, সরল বিশ্বাসের—ভালবাসার এই  
পরিণাম ! ভালবাসা ; কই শিবাণী কি তাহাকে  
ভালবাসিত ? না ; কণিকের মোহে—মূলধ্বংসের  
দুর্ভাগ্য—পাপকে প্রায় দিয়াছিল মাত্র । রমণী-  
মোহনের উপর আজ তাহার বিজাতীয় ঘৃণা জাগিয়া

উঠিয়াছে । সে কোথায় ছিল, আর নরাদম  
তাহাকে কোথায় নামাইয়াছে । হায় ! কেঁচু সে  
ভুলিল—এ পাপের কি প্রায়শ্চিত্ত নাই ? আ কি  
সে পথে ফেরা যায় না ? সমস্ত জীবন দিয়াও কি  
ইহার প্রতিকার নাই ? শিবাণী কয়দিন ধরিয়া  
তাহাই ভাবিতেছিল । জীবন আর তাহার নিকট  
লোভনীয় নহে । আত্মগনানে তাহার হৃদয়  
ভরিয়া উঠিয়াছে । তাহার চক্ষু বসিয়া গিয়াছে ।  
সমস্ত অলঙ্কার বেশবিষ্ঠাস দূরীভূত, করিয়া  
আজ কয়েকদিন ধরিয়া সে কেবল কখনও  
ভগবানকে, কখনও মৃত মাতাকে, কখনও মৃত  
স্বামীকে কাতর প্রাণে ডাকিয়া ঐকান্তিকভাবে  
তাঁহাদের করুণা ভিক্ষা করিতেছে । এই তীব্র  
মর্ষদাহে পাপপথ তাহার নিকট অত্যন্ত বিষময়ী  
বলিয়া বোধ হইতেছে । রাত্রি কাঁদিতে কাঁদিতে  
ভাবিতে ভাবিতে কাটিয়া গিয়াছে—প্রত্যাষেই আজ  
এই অভূতপূর্ব ঘটনা । এই নিরাশ্রয় যুবক  
অপ্রত্যাশিত ভাবে তাহারই ঘরে ঢুকিয়া তাহার পা  
জড়াইয়া ধরিল । তাহার কাপড়ে রক্ত, পায়ে রক্ত,  
হয়ত কাহাকে খুন করিয়া আসিল—কিছুক্ষণ পরেই  
পাহারাওয়ালারাও “খুনে খুনে” বলিয়া গোল করিয়া  
উঠিল । সত্যই ত’ এ খুনে, সে কি খুনেকে আশ্রয়  
দিবে ? তাইত, কিন্তু তাহার মত পাপিষ্ঠাও ত  
ভগবানের করুণা ভিক্ষা করিতেছে, আর এই খুনে  
কি তদপেক্ষাও পাপী ? হোক পাপী, হোক খুনে,  
সে যখন অমন কাতরভাবে প্রায় হতচেতনাবস্থায়  
তাহার পা ধরিয়া কাঁদিয়া পড়িয়াছে তখন তাহার  
হৃদয় সহানুভূতিতে ভরিয়া গেল । সে গৃহমধ্যে  
তাহার মূর্ছিত দেহ টানিয়া আনিয়া দ্বার বন্ধ করিয়া  
দিল । আজ প্রাত্যাহ্নিক গঙ্গাস্নানের অপেক্ষা  
সে এই নিরাশ্রয়ের সেবাকে গুরুতর পুণ্যকাণ্ড  
বলিয়া মনে করিল ।

( ৩ )

অনেক শুক্রবার পর ধীরে ধীরে যুবক নয়ন  
মেলিল, শিবাণী দেখিল তাহার গলায় যজ্ঞসূত্র

আছে—হায় সেওত কুলীন ব্রাহ্মণের কন্যা, কুলীন ব্রাহ্মণের বধু, তথাপি আজ সে কি হইয়াছে! ভাবিয়া অনেক ইতস্ততঃ করিয়া যুবকের মুখে গঙ্গাজল দিল। ক্রমে শুক্রবার পর যুবকের চৈতন্যোদয় হইল, সে উঠিয়া পলাইতে চাহিল, শিবাণী তাহাকে ধরিয়া বসাইল। যুবক প্রথমে বিশ্বাস করিতে পারিল না যে এই ত্রিসংসারে তাহাকে আশ্রয় দিতে পারে এমন কেহ আছে। তাই শূণ্ণ দৃষ্টিতে শিবাণীর মুখের দিকে চাহিতে লাগিল। সহানুভূতি ও করুণার ছায়া সে মুখে ফুটিয়াছে দেখিয়া তাহার চক্ষু দিয়া দরবিগলিত ধারায় অশ্রু বুক বাহিয়া পড়িতে লাগিল। এমন করুণা, এমন সহানুভূতি সে আশা করে নাই। শিবাণী তাহাকে সাহসনা দিয়া বস্ত্র পরিবর্তন করিতে বলিল। তারপর তাহাকে ক্ষুধিত দেখিয়া যথাযোগ্য পরিচর্যার বন্দোবস্ত করিয়া বিশ্রামের অবকাশ দিল। দুর্কল শ্রান্ত দেহের ও চিন্তাক্রিষ্ট মনের পক্ষে নিদ্রাই মহৌষধ কিন্তু ভবিষ্যৎ যাহার অন্ধকার তাহার স্নিদ্ধা হইবে কেন? যাহা হউক যুবক যখন সম্পূর্ণরূপে সুস্থ হইল তখন শিবাণী তাহার নিকটে আসিল। যুবক বলিল, আর সে সেখানে থাকিতে চায় না—সে নরহত্যাকারী, অনর্থক এখানে থাকিয়া তাহার আশ্রয়দাত্রীকে বিপদে ফেলিতে তাহার প্রবৃত্তি নাই। শিবাণী ইতিপূর্বেই শুনিয়াছে যে সেই অঞ্চলের একটা গণিকা তাহার উপপতির দ্বারা সাংঘাতিকরূপে আহত হইয়া হাসপাতালে নীত হইয়াছে এবং তাহার সে উপপতি পলায়ন করিয়াছে। সে অসুস্থানে বুঝিল এই যুবকই ঐ অপরাধে অপরাধী। সে জিজ্ঞাসা করিল “তুমি এমন কাজ করিলে কেন?” যুবক বলিল “সে অনেক কথা, তাহা আর কাহাকেও বলিয়া লাভ নাই, তাই বলি না ভাবিয়াছিলাম, আশ্রয় তুমি আমার যে উপকার করিয়াছ তাহাতে চিরজীবন তোমার কাছে কৃতজ্ঞ থাকিব, তোমাকে বলিলে আমার পাপের বোঝা আর একটু লঘু হইবে।”

“বহুদিন পূর্বে আমার প্রথম ধোবনে আমি একাকী কাশী থাকিতাম। সেখানে টোলে পড়িতাম, ত্রিকূলে আমার আপনার বলিতে কেহ ছিল না, কিন্তু কিছু অর্থ ছিল, কাজে কাজেই একটা ঘর লইয়া সেইখানেই একাকী থাকিতাম, সমস্ত দিনের মধ্যে রাত্রিতে ঘরে আসিতাম, দিবসে অধ্যাপকের গৃহেই আহার করিতাম, তাঁহার সাংসারিক কার্যের সহায়তা করিতাম ও আমার পড়া লইয়াই থাকিতাম। তখন ব্যাকরণ পরিশেষ করিয়াছি এমন সময়ে অধ্যাপকের সাধ্বী গৃহিণী স্বামীর পায়ে মাথা রাখিয়া গঙ্গালাভ করিলেন। আমরা যেন মাতৃহীন হইলাম। প্রোট অধ্যাপক একটা মাত্র পুত্র লইয়া বিষম বিপদে পড়িলেন; নিজের অর্ধাচীনতায় আবার সেই বয়সে একটা চতুর্দশীকে ঘরে আনিলেন। সেইমাত্র তিনি আমাদের অধ্যাপক গৃহে আবিভূতা হইলেন অমনি যেন কি এক ঘাট-বিছা-বলে আমাদের অমন সরল স্নেহপরায়ণ অধ্যাপক আর এক মানুষ হইয়া গেলেন। পুত্রটির প্রতি আর তেমন স্নেহ নাই, আমাদের পরেও সর্বদা সন্দেহ,—পাছে আমরা পূর্ণবয়স্ক যুবক তাঁহার দ্বিতীয় পক্ষের পত্নীর কুপাদৃষ্টিতে পড়ি; সুতরাং আমাদের আর সেখানে স্থান হইল না, বিরক্ত হইয়া সমস্ত দিন বাসাতেই থাকিতাম। নিজেই রন্ধন করিয়া খাইতাম, কেবল বিকালে গঙ্গারঘাটে ঘাইতাম, সেখানে সন্ধ্যাবন্দনা সারিয়া চলিয়া আসিতাম, কখনও সহাধ্যায়িগণের সহিত দেখা হইলে নানাবিধ কথা আলোচনা হস্ত কৌতুকে কিয়ৎকাল অতিবাহিত করিয়া সন্ধ্যায় ঘরে ফিরিতাম।

“একদিন দ্বিপ্রহরে গৃহান্তান করিতে গিয়াছি, তখন বর্ষাকাল, কেদারের ঘাটের প্রবল স্রোতে একটা একাদশ বর্ষীয়া বালিকাকে ভাসাইয়া লইয়া ঘাইতেছিল। তখন দ্বিপ্রহর অতীত হইয়াছে, সে ঘাট অপেক্ষাকৃত নির্জন, বালিকার বিধবা মাতা, অত্যন্ত ব্যাকুল হইয়া জলে ঝাঁপাইয়া বালিকাটির

বস্ত্র ধরিলেন, কিন্তু কাপড় ধরিয়া হাতে থাকিল, বালিকা ডুবিতে ডুবিতে স্রোতের বেগে নীত হইল, তখন আমি ঘাইয়া বালিকাকে ধরিয়া বহুকষ্টে তাহাকে কুলে আনিলাম। বিধবা আমাকে প্রাণ ভরিয়া আশীর্বাদ করিলেন, বালিকাটির চৈতন্য সম্পাদন করিবার জন্য তাহার মাতা ও আমি তাহাকে ধরিয়া নিকটে আমার বাসায় লইয়া গেলাম। বালিকাটির নাম চঞ্চলা। ব্রাহ্মণ-কন্যা—বালবিধবা। আর কেহ না থাকায় তাহার বিধবা মাতা তাহাকে লইয়া কশীবাসিনী হইয়াছেন।

“দরিদ্র বালিকার মাতা ছত্রে রাধুনীগিরি করিয়া কোনওরূপে দিনপাত করেন, আমি একাকী থাকি, আমারও কেহ নাই শুনিয়া তিনি অবকাশ-কালে কন্যাসঙ্গে আমাকে দেখিয়া যাইতেন ও কদাচিত্ত আমার রক্ষনাদিও করিয়া দিতেন।

“কিন্তু এই সংস্রবই আমার কাল হইল, সংস্কৃত কাব্যের আদিরসায়ক কবিতা যখন পড়িতাম তখন মন বড় ফাঁকা ফাঁকা বোধ হইত।

শিবাণী জিজ্ঞাসা করিল “বিবাহ করিলেন না কেন?” যুবক ক্রকুণ্ণ করিয়া শিবাণীর দিকে চাহিল তারপর বলিল “বিবাহ নাকি খুব শিশুকালেই হইয়াছিল, আমি কেবল শুনিয়াছি—কুলীনের ঘরের বিবাহ কি না! সে কুলীন-কন্যাও নাকি ইহলোকের যজ্ঞনার হাত অনেক দিন এড়াইয়াছিল। আমার মত নরাধমের ঘর যে তাহার করিতে হয় নাই—সে তাহার বহু সৌভাগ্য। আর বিবাহের কথা তখন মনে আসে নাই, তখন কেবল মনের সঙ্গে চাতুরী খেলিতেছি। অনেক বড় বড় বেদান্ত সাংখ্য পাতঞ্জলের কথা শুনিয়াছি—ব্রহ্মচর্যের অভিমান হইয়াছে—নিজকেও খুব বড় বলিয়া ভাবি, মনে যে আমার নরক তাহা নিজেও তখন ভাল করিয়া বুঝিতে পারি নাই।

“কিছু দিন পরে চঞ্চলার পীড়া হইল, তখন আমাকেই ঘন ঘন তত্ত্বতামাস লইতে হইত, অনেক

সময় বিধবা কেবল আমাকেই তাহার নিকট রাখিয়া যাইতেন। চঞ্চলাও আমাকে দাদা বলিয়া ডাকিত, অত্যাচার আবদার করিত, এইরূপে স্নেহের বন্ধন আরও দৃঢ় হইল। ক্রমে সে আরোগ্য লাভ করিল।

“চঞ্চলার বয়স তখন চতুর্দশ—সৌন্দর্য্যও কম ছিলনা, বিধবা তাহার দিকে চাহিতেন এবং নীরবে দীর্ঘশ্বাস ফেলিতেন, কখনও আমাকে বলিতেন—“বাবা, আমি বহু পাপ করিয়াছি নহিলে আমার এমন হইল কেন?”

“এই সময়ে কলেরা রোগে বিধবা প্রাণত্যাগ করিলেন, মরিবার কালে আমাকেই বলিলেন “বাবা চঞ্চলার আর কেহ নাই, তুমি উহাকে দেখিও।”

“আমি চঞ্চলাকে একটি বর্ষিয়সী বিধবার নিকট রাখিলাম কিন্তু চঞ্চলা প্রায়ই আমার নিকট আসিত, দ্বিপ্রহরে জোর করিয়া আসিয়া আমাকে রাখিয়া দিয়া যাইত। এইরূপ ধুবকযুবতীর অবাধ মিলনে আমার মন কলুষিত হইল। পরে সে পোড়ারমুখীর নিকট শুনিয়াছি সেও আমাকে ভালবাসিয়া ফেলিয়াছিল। একদিন আমি তাহাকে বলিলাম, “চঞ্চলা তুমি এত বেশী আমার নিকট আসিওনা, লোকে মন্দ বলিবে।” সে বলিল,—“বলুক, আমি লোকের কথা গ্রাহ্য করিনা, মা আমাকে আপনার কাছে রাখিয়া গিয়াছেন—আপনার কাছে না থাকিলে কার কাছে থাকিব?” আমি তাহাকে ব্রহ্মচর্যের কথা বলিতাম, সে নীরবে শুনিত, ভালমন্দ কোনও উত্তর করিত না। ক্রমে যাহা ঘটবার তাহা ঘটিল, চারিদিকে নিন্দা ছড়াইয়া পড়িল, শাস্ত্র অতল জলে ডুবিল, ধৈর্য লঙ্ঘা দূরে গেল—চঞ্চলাই আমার ঘরে আসিল।” শিবাণী বলিল “বিধবাবিবাহও ‘ত’ শাস্ত্রসম্মত, তাহাকে বিবাহ করিলেন না কেন?”

যুবক বলিল “ভাবিলাম যাহা করিতেছি ইহা পাপ—পাপই করি। পুণ্যের আবরণ দিয়া পাপকে ঢাকিয়া লাভ কি? আর কশীতে কি বিধবা-বিবাহ চলে? কিছু দিন পরে বহুবাহুব ও পরিচিত

সমাজে মুখ দেখান ভার হইল, তাহাকে লইয়া বৃন্দাবনে পলায়ন করিলাম, কিন্তু চঞ্চলা বুঝিল যে তাহার রূপ আছে, যৌবন আছে; আমার মত দরিদ্রের আদরে তাহার স্নেহ আসিল। এই সময়ে আমার বসন্ত হইল, চঞ্চলা সেবা করিত বটে কিন্তু কেমন উদাসীন ভাবে। আমি যে বাঁচিয়া থাকিব এ কথা সে ভাবে নাই, হঠাৎ সে একদিন আমাকে ফেলিয়া এক ধনীবাবুর সহিত বৃন্দাবন ত্যাগ করিয়া পলায়ন করিল।

“আমি বাঁচিয়া উঠিলাম, টাকাকড়ি তখন ফুরাইয়া গিয়াছে, আবার অর্থের প্রয়োজন, কলিকাতায় আসিলাম, এখানে চাকুরী জুটিল কিন্তু সেই রাক্ষসীর উপর তীব্র প্রতিহিংসায় আমার মন জলিয়া যাইতে লাগিল। প্রায় দুইমাস হইল খুঁজিতে খুঁজিতে দেখিলাম যে পাপিয়সী সোনাগাছিতে পাপ ব্যবসায়ে বহু অর্থ উপার্জন করিয়াছে। আমি একদিন সন্ধ্যোগ পাইয়া তাহার গৃহে ঢুকিলাম, সে আমাকে অপমান করিয়া দরোয়ান দিয়া বহিষ্কৃত করিয়া দিল। এই অপমানের যন্ত্রণায় পাগলের মত হইয়া চাকুরী ছাড়িলাম, সর্বদা সন্ধ্যানে ফিরিতাম—গতকাল সন্ধ্যোগ পাইয়া আমার এতদিনের প্রতিহিংসা-প্রবৃত্তি চরিতার্থ করিয়া শানিত ছুরিকা তাহার বক্ষে বসাইয়াছি। কিন্তু এ কার্যে যে শাস্তি পাইব ভাবিয়াছিলাম তাহা ত পাইলাম না! ইহাকেই একদিন গঙ্গার স্রোত হইতে বাঁচাইয়াছিলাম, আজ আবার ইহাকেই নিজ হাতে হত্যা করিলাম। এই অজ্ঞান স্ত্রীলোককে হত্যা করিয়া পাপের মাত্রা বাড়াইলাম, তখন ভয় হইল তাই পলাইয়াছি কিন্তু এখন মনে হইতেছে পলাইয়া ভাল করি নাই; আমি ধরা দিব—যাহার কেহ নাই তাহার পাপময় জীবনে প্রয়োজন?”

শিবানী জিজ্ঞাসা করিল “আপনার নাম ত’ বলিলেন না?” যুবক বলিল “আমি অত্যন্ত হতভাগ্য, ব্রাহ্মণকুলে জন্মিয়াছিলাম, শৈশবে পিতৃমাতৃহীন হইলে বৃদ্ধা পিতামহী আমাকে লইয়া কাশীবাসী

হইয়াছিলেন—এখন আর কেহই নাই। আমার নাম বলিলে সেই দেবতার কুলের সহিত সঙ্ঘর্ষ আসিয়া প.ড়, কিন্তু তোমাকে না বলিয়া পারিব না, তুমি আমার জীবন রক্ষা করিয়াছ—আমার নাম রমানাথ বন্দোপাধ্যায়।”

সহসা শিবানী মুখ ফিরাইল, তাহার চোখে যেন কি পড়িল, সে তখনই ঘর হইতে বাহির হইয়া চলিয়া গেল।

( ৪ )

অনেক কষ্টে শিবানী ধৈর্য্যাবলম্বন করিয়াছে। এইত তাহার স্বামী—তাহার ইহকালের, পরকালের জন্ম জন্মান্তরের দেবতা, সেত’ ইহাকেই মৃত ভাবিয়াছিল—আজ কি দেবতা তাহার প্রতি সদয় হইয়াছেন? আজ কি তাহার সমস্ত পাপ, সমস্ত দুর্বলতা ক্ষমা করিয়া পতিতপাবন দেবতা তাহার স্বামীরূপে আবির্ভূত হইয়াছেন?

সে কি তাঁহার পায়ে আশ্রয় পাইবে, সে কিছুই চাওয়া, অনাহারে মরিতে হয় সেও ভাল তবুও তাঁহার পায়ে মাথা রাখিয়া মরিবার সাধ কি তাহার মিটিবে? তিনি কি এই পতিতার কাহিনী জানিলে ইহাকে তাঁহার পায়ে আশ্রয় দিবেন? তিনি যদি তাহাকে আশ্রয় দেন তবে সে লোকালয় যদি ত্যাগ করিতে হয় তাহাতেও সম্মত, বনমধ্যে অর্দ্ধাশনে থাকিয়া ও তাঁহার পুদসেবা করিয়া তৃপ্ত হইবে? বোধ হয় তাঁহার পা’দুখানি একবার বুকে ধরিতে পারিলে তাহার সমস্ত মর্মান্দাহ জুড়াইয়া যাইবে। সে শুইয়া শুইয়া অনেক কাঁদিল, সহসা তাহার মনে পড়িল তাইত, প্রবল মনোবেদনায় ইনি অস্থির আর আমি আমার এই পতিত দেহ লইয়া তাঁহার সম্মুখে দাঁড়াইব! হয় ত ইহাতে তাঁহার ব্যাথা সহস্র গুণ বাড়িবে। এই দুঃখের সময় তাঁহার দুঃখ আরও বাড়াইয়া সে কি স্বামীর সেবা করিবে? এখন থাকুক আগে তাঁহাকে বাঁচাইয়া, তাঁহাকে রক্ষা করিয়া ক্রমে সে তাঁহাকে সমস্ত কথা, তাহার পাপ জীবনের ইতিহাস নিঃশেষে খুলিয়া বলিবে।



কিন্তু—একি, কিসের গণ্ডগোল? শিবাণী তাড়া-  
তাড়ি ছুটিয়া আসিয়া দেখিল পুলিশ তাহার স্বামীকে  
গ্রেপ্তার করিয়াছে। রমানাথ বলিল “আমি  
চলিলাম, তুমি আমাকে আশ্রয় দিয়াছিলে—ভগবান  
তোমার মঙ্গল করিবেন।” দারোগা কনষ্টেবলকে  
বলিলেন “গুঁঠা মারিয়া বাহির কর।” শিবাণী  
উন্নতবৎ রমানাথের পায়ে উপর আছাড় খাইয়া  
বলিল, “আপনি যান, ভগবান যদি থাকেন তবে  
আমি আপনার উদ্ধার করিব, আশীর্বাদ রুকন—”  
বলিতে বলিতে সে মূর্ছিত হইল, দারোগা এবং  
সমবেত নরনারী শিবাণীর এই আচরণে আশ্চর্যা-  
স্থিত হইল, কি তাহাকে ধরিয়া কোলে হইল,  
রমানাথও এই অপরিচিতার অদ্ভুত ব্যবহারে  
আশ্চর্যস্থিত হইল—কিছুই বুঝিতে পারিল না।

( ৫ )

দীনবন্ধু দাস কলিকাতা হাইকোর্টে ব্যাব্ৰিষ্টারী  
করেন। প্রচুত পসার, যথেষ্ট টাকা করিয়াছেন,  
মটর ফিটন কিছুই অভাব নাই। কিন্তু পুত্রহীন,  
একটা মাত্র কন্যা, বড় ঘরে তাহার বিবাহ দিয়াছেন।  
এখন বৃদ্ধ হইয়াছেন, হিন্দুধর্মের উপর অত্যন্ত  
বিশ্বাস আসিয়াছে। বিলাতফেরত হইলে কি  
হয়, কোলিক গুরু আনিয়া দীক্ষা লইয়াছেন।  
পূজা-সন্ধ্যা-আহ্নিকেই অধিকাংশ সময় কাটিয়া যায়।  
মক্কেলও কিছুতেই তাঁহাকে ছাড়িতে চায় না।  
তিনি অসমর্থ দরিদ্রের নিকট হইতে পয়সা না  
লইয়া তাহাদের মকদ্দমা করিতে ইতস্ততঃ করেন  
না। মকদ্দমা হাতে বেশী নেননা এবং যাহা সত্য  
বলিয়া বুঝেন তাঁহাই হাতে নেন, তাহার জন্ত  
যথাসাধ্য থাকেন, পয়সার দিকে লক্ষ্য রাখেন না।  
গৃহিনীও বৃদ্ধা, অত্যন্ত নৈষ্ঠিক, হিন্দুধর্মপরায়ণা  
এবং স্বামীর অল্পকুলা। দাসমহাশয়ের দানধ্যান পূজা  
আহ্নিক ও নিত্যনৈমিত্তিক পূজাপার্কণে তিনি যে  
বিলাতফেরত তাহা লোকে ভুলিয়া গিয়াছে কিন্তু  
নব্য বিলাতফেরতেরা তাঁহার এই নিষ্ঠা দেখিয়া  
অন্তরালে তাঁহাকে বিজ্ঞপ করিতেও ইতস্ততঃ করেনা।

শিবাণী সন্ধ্যার পর গাড়ী করিয়া বৃদ্ধা কি  
বামীর মাকে সঙ্গে লইয়া দাসমহাশয়ের অস্ত্রপুরে  
যাইয়া তাঁহার গিন্নীর পায়ে মাথা রাখিয়া কাঁদিয়া  
বলিল—“মা, আপনি সাধু সতী, পাকা চুলে  
সিন্দূর পরিতেছেন; আমার স্বামী বড় বিপদাপন্ন,  
আত্মীয় স্বজন কেহ নাই—আজ আপনার  
তাঁহাকে রক্ষা করিতে হইবে।” দাস-গিন্নী তাহাকে  
সান্ত্বনা দিয়া স্বামীকে ডাকিলেন, শিবাণীকে  
বলিলেন “মা, তুমি নিঃসঙ্কোচে ইহাকে সমস্ত  
বুঝাইয়া বল, কোনও লজ্জা করিও না, আমাকে  
মা বলিয়াছ, ইহাকে লজ্জা কি?” এই বলিয়া দাস  
গৃহিনী স্বামীকে শিবাণীর কথা বলিয়া কার্যান্তরে  
চলিয়া গেলেন। শিবাণী তখন শুধু স্বামীর কথা  
নহে, তাহার পতিত জীবনের ইতিহাস, স্বামীর  
জীবনের ইতিহাস, তাহার বর্তমান অবস্থা, তাহার  
বর্তমান মনভাব সমস্তই একে একে তাঁহাকে খুলিয়া  
বলিল। দাসমহাশয় পরম সহানুভূতির সহিত  
সমস্ত কথা শুনিয়া বলিলেন “মা তুমি আমার ধর্ম-  
কন্যা, আমি মিথ্যা মকদ্দমা লইনা, তোমার স্বামী  
যদি সত্য স্বীকার করেন আমি যথাসাধ্য তাঁহাকে  
বাঁচাইবার চেষ্টা করিব। আমাকে তোমার একটা  
পয়সাও দিতে হইবে না। তোমার ভাল হইবে,  
তোমার স্বামীকে যদি ভগবানের রূপায় আমি  
উদ্ধার করিতে পারি তবে তাহার পদসেবা করিলে  
তোমার সমস্ত পাপ দূর হইবে। তোমার মকদ্দমার  
সমস্ত খরচ আমি বহন করিব। তোমার স্বামী  
ফিরিয়া আসিলে তুমি কি করিবে?”

“বাবা, তখন তাঁহাকে সমস্ত বুঝাইয়া বলিব,  
তিনি যদি আমাকে পায়ে রাখেন ভাল, না হইলে  
তাঁহার পায়ে মাথা রাখিয়া আমি মরিব—আমি  
তাঁহার পত্নীর অধিকার চাহিনা, শুধু দাসী হইতে  
পারিলেই কৃতার্থ হইব।” দাসমহাশয় বলিলেন  
“মা, বৃদ্ধের একটা পরামর্শ শোন, স্বামীর সহিত  
হিন্দুস্ত্রীর সম্বন্ধ চিরকালের, অতএব স্ত্রীর প্রার্থনায়  
স্বামীর যত কল্যাণ হয় অত আর কিছুতেই হয় না,



তুমি ব্রহ্মচারিণী হইয়া কায়মনোবাক্যে ভগবানকে ডাকিয়া তাঁহার নিকট স্বামীর ও নিজের মঙ্গল চাও, আর বাহিরের চেষ্টার দ্বারা যাহা হয় আমি তাহার ক্রটি করিব না; এখন তবে এস, আমি যথাসময়ে সমস্ত বন্দোবস্ত করিব।” শিবাণী দাসমহাশয় ও দাসগিন্নীকে নমস্কার করিয়া ফিরিয়া আসিল।

সে চৌপুরের বাসা ছাড়িয়া কালীঘাটে আসিয়া থাকিল। বৃদ্ধা ঝি মাত্র বাসায় থাকিল, স্বপাকে একসন্ধ্যা হবিষ্যন্ন মাত্র আহার ও গঙ্গা স্নান করে এবং প্রাণপণে দিবারাত্রি ভগবানকে ডাকে।

তাহার মূর্তি পরিবর্তিত হইয়া গেল—দুইমাস পরে শিবাণীকে দেখিলে আর সে শিবাণী বলিয়া চেনা যায় না, তাহার শরীর একটু ক্লশ হইল বটে কিন্তু রূপ যেন বাড়িয়া উঠিল, সে রূপের সহিত একটা তেজের আভা যেন ফুটিয়া বাহির হইতে লাগিল - যে আভা দেখিলে প্রাণে মাতৃভাবের উদয় হইয়া প্রকায় ভক্তিতে আপনি মাথা নত হইয়া আসে। সেই গৃহস্থবধুর অঙ্গে স্বামিব্রতচারিণী, ব্রহ্মচারিণীর বিমল রূপের আভা প্রকটিত হইল।

রাত্রিতেও তাহার ঘুমাইবার অবসর নাই, একান্ত মনে স্থিরামনে বসিয়া সে তাহার স্বামীর মূর্তি চিন্তা করে, তাহার মধেই নারায়ণের আবির্ভাব দেখিতে চেষ্টা করে, তখন বড় বড় মুক্তাকল-সদৃশ অক্ষর ধারা ছুটি ডাগর চক্ষু হইতে গঙ্গা-ধমনার ধারার মত বন্ধ বাহিয়া ঝরিয়া পড়ে। এমন স্নেহ ত’ সে জীবনে পায় নাই, এইরূপ করিয়া শিবাণী এই দুঃখের মাঝেও একটা শান্তি পাইতে লাগিল।

( ৬ )

চঞ্চলা ঝরিল না। হাঁসপাতালে চিকিৎসার পর সে আরোগ্য লাভ করিল। ব্যারিষ্টার দাসমহাশয়ের অক্লান্ত চেষ্টায় রমানাথের স্বীকারোক্তি সত্ত্বেও তাহার মাত্র একমাস কারাদণ্ড হইল, পাপের এই ফল পাইয়া রমানাথ স্কন্ধ হইল না।

সে আদালতের বিচারের সময় হইতেই দাসমহাশয়ের মুখে তাহার জন্ম শিবাণীর এই চেষ্টাবস্ত্র উচ্চম ও ত্যাগস্বীকারের কথা সবিস্তারে শুনিয়া অন্তরে শিবাণীর প্রতি বড়ই কৃতজ্ঞ হইল। কিন্তু দাসমহাশয় কেবল শিবাণী যে তাহার কে—এই একটা মাত্র কথা তাহাকে বলেন নাই।

শিবাণীও স্বামী সন্দর্শনাশায় এই একমাস উৎফুল্ল হইয়া থাকিল। রমানাথের মুক্তির দিবস দাসমহাশয় নিজে গাড়ী করিয়া তাহাকে নিজের বাড়ীতে আনিয়া রাখিলেন; নিঃস্বপ্নে একটা একটা করিয়া শিবাণীর ইতিহাস তাহার নিকট বলিলেন, তাহার আত্মগানি, তাহার বর্তমান পরিবর্তনের কথা তাহাকে বলিয়া বলিলেন “শিবাণীর পতনের চেয়ে তাহার উত্থানই মহৎপূর্ণ, তাহার এই অপূর্ণ পরিবর্তন দেখিলে তাহাকে মানবী বলিয়া বিশ্বাস হয় না; সে তোমারই আশায় জীবন ধারণ করিয়া রহিয়াছে, এখন তাহাকে গ্রহণ করিবে, না সে আবার তাহার ব্যর্থজীবন লইয়া চিরকাল দুঃখ পাইয়া মরণের প্রতীক্ষায় বসিয়া থাকিবে? সমাজ কি করিবে তাহা জানি না কিন্তু তুমি তাহাকে যতটা জান সমাজ হয়ত ততটুকু জানিতে চাইবে না। এ অবস্থায় সমাজ লোক ধর্ম সকল ছাড়িয়া তাহাকে লইবার মত বল ও প্রবৃত্তি তোমার আছে?” রমানাথ বাষ্পগদগদ স্বরে বলিতে লাগিল “আপনি আমার পিতৃতুল্য, আমি অত্যন্ত পাপিষ্ঠ, আমার যদি ত্রাণের পথ থাকে তবে শিবাণীই আমার সে পথ। সে আমার পত্নী, সে আমার সহধর্মিণী, আমি তাহাকে গ্রহণ করিয়া যদি নরকেও যাইতে হয়—তাহাতেও স্বীকৃত।”

দাসমহাশয় ডাকিলেন—“মা শিবাণী, এস, তোমার স্বামীকে প্রণাম কর।” আলুলায়িত কুন্তলা একটা তপস্বিনী মূর্তি ধীরে ধীরে অগ্রসর হইল। পরণে তাহার একখানি লালপেড়ে শাড়ী, হাতে তাহার শব্দবলয় এবং সীমস্তে উজ্জল সিন্দুরের চিহ্ন; দীর্ঘশ্বাসে অবগুণ্ঠনে সে ধীরে আসিয়া রমানাথের

পদদ্বয়ের উপর মস্তক রাখিয়া প্রণাম করিল। বমানাধের পা দুখানি তাহার পবিত্র অশ্রুধারায় সিক্ত হইল; বমানাধও আশীর্বাদ করিয়া হাত ধরিয়া তাহাকে উঠাইল। দাসমহাশয় ও দাস গিন্নীর চক্ষুও এই পবিত্র মিলন দেখিয়া সজল হইল। উভয়ে দাসমহাশয় ও তাঁহার গিন্নীকে নমস্কার করিল। তাঁহারা বলিলেন “আমাদের আশীর্বাদ করিবার ক্ষমতা নাই, ভগবানের নিকট প্রার্থনা করি তোমরা ধর্ম ও সৌভাগ্য লাভ কর।” “শিবাণীকে আমরা নিজের কন্টার মতই দেখি, আজ আমাদের এই সামান্য উপহার তোমরা গ্রহণ কর।”—এই বলিয়া দাসগৃহিণী শিবাণীকে নিজহস্তে স্বর্ণবলয়ে ভূষিত করিলেন।

দাসমহাশয় বলিলেন “বাবা, তুমি ব্রাহ্মণ, কোনও তীর্থস্থানে স্বধর্মপরায়ণ থাকিয়া বর্ণোচিত কর্তব্য অবলম্বন করিয়া শিবাণীর সহিত বাস কর। আর

মনে রাখিও যে মাত্র দৈহিক মিলনে স্বামীজীর সখ্য পর্ধ্যবসিত নহে। এ সখ্য যেমন ইহলোকের তেমনি পরলোকের। অজ্ঞানতাবশতঃ তোমরা যে পাপ করিয়াছ সমস্ত জীবন ধর্মাচরণ করিয়া তাহার প্রায়শ্চিত্ত কর।”

শিবাণী কেবল মাত্র বলিল—“বাবা, আপনাদের স্নেহ আশীর্বাদ যে সকলের চেয়ে মূল্যবান—এ জ্ঞান যেন আমাদের চিরকাল থাকে।”

এই কয় মাসের অবিরত তপস্তায় হৃদয়ের মধ্যে যাহার স্পর্শ লাভ করিয়াছিল আজ সেই সচল বিগ্রহকে লাভ করিয়া শিবাণীর তপস্তা অয়মুক্ত এবং তাহার মাতৃ-আশীর্বাদ সার্থক হইল। সে দেশ ও সমাজ হইতে বহুদূরে নিভৃত তীর্থস্থানে পতিদেবতার পদে আত্মনিবেদন করিয়া সংঘতোদ্রিয়া হইয়া তাঁহার সহধর্মিণীর আসন অধিকার করিয়া ধস্ত হইল।

## নিবেদন

শ্রীমতী ভক্তিসুধা হার ।

আমি ফুলের মতন রূপ শোভা ল'য়ে  
তব মনোবনে ফুটিব প্রিয়,  
তুমি নিঃশেষ করি' দুইটি নয়নে  
স্বরভি-স্বষমা লুটিয়া নিয়ো ।

আমি হৃদয়-পাত্র প্রেম-মধু-রসে  
পূর্ণ করিয়া দাঁড়াব যবে  
তুমি অধরে অধর পরশি নীরবে  
আকুল ত্রিঘাসা জুড়িয়ে লবে ।

তুমি বিজন-আধারে পথ-হারা হ'লে  
ব্যাকুল হতাশে ভাবিবে শুধু,

আমি নয়নে জ্বালায়ে নিশ্চ আলোক  
অজ্ঞানার পথ দেখাব বঁধু ।

আমি ধনী হ'য়ে যবে বিলাব আমার  
সঞ্চিত যত ধনের রাশি,  
তুমি তোমার কাঙাল কুটীরখানিরে  
পূর্ণ করিয়া নিয়ো গো আসি !

ওগো তুমি ব্যথাতুর আঘাতে যখন  
পোহাইবে নিশি আগিয়া,  
আমি কল্যাণ-করে সেবিব তোমায়  
চুষনে ব্যথা ঢাকিয়া ।

আমি দিব বঁধু দিব সবটুকু মোর  
যা আছে, তোমাদের ঢালিয়া ;

তুমি শতরূপে মোরে পরাণে পরাণে  
রেখো প্রিয় শুধু আঁকিয়া ।

# ভারতের নারী ও লর্ড লিটন

শ্রীশ্যামলাল গোস্বামী ।

ইংলণ্ডের বিখ্যাত ঔপন্যাসিক, “লাই ডে অব পম্পে”র অমর লেখক লর্ড লিটনের পৌত্র, ভারতের ভূতপূর্ব বড়লাট লর্ড লিটনের পুত্র, ইংলণ্ডের আভিজাত্য সম্প্রদায়ের অগ্রতম, বাঙ্গালার লাট লর্ড লিটন ঢাকা নগরীতে পুলিশ প্যারেডে বাঙ্গালার — তথা ভারতের নারীগণকে লক্ষ্য করিয়া একটা অতি আপত্তিজনক উক্তি করেন। তিনি বলেন, “এ দেশের নারীরা কোন কোন রাজনৈতিক সম্প্রদায়ের প্ররোচনায় পুলিশের বিরুদ্ধে ধর্মনাশের অভিযোগ করে।” তাঁহার এই উক্তি যে চরম-নাইয়ের লাহিতা, ধর্মিতা মুসলমান-রমণীগণকে লক্ষ্য করিয়া প্রকাশ করা হইয়াছিল সেইরূপ মনে হয়। তাঁহার এই অসম্ভব উক্তির জন্ম সমগ্র ভারতময় তুমুল আন্দোলন হইয়াছিল। শ্রীমতী নাইডুর সভানেত্রীত্বে কলিকাতা টাউনহলে একটি এবং ময়দানে চারু চারিটি বিরাট সভা করিয়া লাটের এই বিসদৃশ উক্তির তীব্র প্রতিবাদ করা হইয়াছিল। কিন্তু এ পর্য্যন্ত লর্ড লিটন তাঁহার উক্তির প্রত্যাহার করেন নাই, ব্যাকরণগত ফাঁকা প্রমাণ দেখাইয়া তিনি প্রতিপন্ন করিবার চেষ্টা করিতেছেন যে তিনি ভারতের সমগ্র নারীজাতিকে লক্ষ্য করিয়া ঐরূপ উক্তি করেন নাই, পরন্তু মুষ্টিমেয় কয়েকজন ইতর শ্রেণীর নারীকে লক্ষ্য করিয়া। তাঁহার এই কথাও যদি সত্য হয় তবে বলিতে হইবে লর্ড লিটন তাঁহার বংশধর্যাদা, পদধর্যাদা তুলিয়া গিয়াছেন। নতুবা একটা প্রাদেশিক শাসনকর্তার মুখে কি কখনও ঐরূপ কথা প্রকাশ পায়? তাঁহার উচিত অনতিবিলম্বে ভারতের নারী সম্প্রদায়ের নিকট ক্রটি স্বীকার করা এবং নিজের উক্তির প্রত্যাহার করা। তাহাতে তাঁহার স্বয়ং আরও বাড়িবে ছাড়া কমিবে না।

অসুখমনোমুখ করি রবি এই ব্যাপারে লর্ড লিটনের ছুতিয়ালী করিয়াছেন। তিনি লাটসাহেবকে লিখিয়াছিলেন, তাঁহার বক্তৃতায় নাকি ভারতের নারী সমাজের প্রতি একটা অবজ্ঞার ভাব প্রকাশ পাইয়াছে, তাঁহার বক্তৃতাটা কবির সম্যক্রূপে বুঝিয়া উঠিতে পারিতেছেন না, অতএব বক্তৃতার ব্যাখ্যাটা একটু সুস্পষ্টরূপে করিয়া দেখান হউক, হয় রে হয়! নোবেল প্রাইজ প্রাপ্ত, বিশ্ব কবি রবীন্দ্রনাথ জগতের এত কাব্য-সাহিত্যের মর্ম বুঝেন আর এই সামান্ত উক্তিটা তাঁর বোধগম্য হইল না! তা না হইবারই কথা। যে কবির তুলিকায় “চিত্রাঙ্গদা” একজন পণ্যাঙ্গিনীর ছায় চিত্রিতা হইয়াছেন, যে কবির কাব্যরাশি পাশ্চাত্যের অবাধ নারী-প্রেমের লহরীমালায় সমাবৃত, হিন্দুনারীর প্রকৃত আদর্শ যিনি জীবনে দেখিবার সুযোগ পান নাই, সেই কবি রবীন্দ্রনাথ যে লর্ড লিটনের মুখে ভারতীয় নারীর অবমাননাসূচক বক্তৃতার ভাব ও ভাষা হৃদয়ঙ্গম করিতে পারিবেন না, তাহাতে আর বিস্ময়ের বিষয় কি আছে!

আমাদের বিশ্বাস লর্ড লিটন যখন ঢাকা নগরীতে ঐরূপ বক্তৃতা করিয়াছিলেন, তখন তিনি আদর্শেই তুলিয়া গিয়াছিলেন। যে, এটা ভারতবর্ষ! বোধ হয় প্যারিস সহরের নগ্ন-মনলোভা মূর্তি তাঁহার চক্ষুর সমক্ষে উদ্ভাসিত হইতেছিল। তিনি কি জানেন না এটা ভারতবর্ষ, এদেশের রমণী একটা মাত্র বিষয় জানে—সে হইল তাঁহাদের ধর্ম রক্ষা। কত শত রাজপুত্রের মেয়ে জলস্ত হতাশনে বাষ্প প্রদান করিয়া “জ্বর ত্রত” করিয়াছিল, তাহা ত তাঁহারই দেশবাসী কর্ণেল টড লিখিয়া গিয়াছেন! লর্ড লিটন কি সে সংবাদও রাখেন না? ধর্মরক্ষার জন্ত এদেশের

মহিলা পুলিশটির জায় জীবন পরিত্যাগ করিতে পারে! কোন কোন দেশে এক শ্রেণীর স্ত্রীলোক আছে তাহারা গাড়ীতে উঠিয়া সম্ভ্রান্ত পুরুষলোককে একা গাড়ীতে পাইলেই ভয় দেখায়,—যদি তুমি আমাকে এত টাকা না দেও তবে পরবর্তী টেশনে যাইয়া তোমাকে পুলিশের হাতে সমর্পণ করিব, বলিব তুমি আমার প্রতি অত্যাচার করিবার চেষ্টা করিয়াছ! তখন সম্ভ্রান্ত পুরুষলোকটি সম্মান-প্রতিপত্তি-স্বঘণঃ হারাইবার ভয়ে স্ত্রীলোকের প্রার্থনা মত অর্থ দান করিয়া তবে অব্যাহতি লাভ করেন। কিন্তু এই ভারতবর্ষে, গত দেড় শত বৎসরের ইংরেজ-শাসিত ভারতের ইতিহাসে তাঁহারা কি এমন একটা উদাহরণও দেখাইতে পারেন যে কোন ভারতীয় মহিলা এই ভাবে সম্ভ্রান্ত পুরুষলোকের কাছ হইতে টাকা আদায় করিয়াছেন?—কখনই না।

ভারতের লজ্জাশীলা স্ত্রীলোকের স্বভাবই এই যে সে মরিয়া গেলেও নিজের ধর্মহানির কথা কাহারও নিকট প্রকাশ করে না। অত্র বড় স্পর্শনখা, যে রাম লক্ষণের নিকট আসিয়া বিবাহের প্রস্তাব করিয়াছিল, সেও লক্ষ্য যাইয়া রাবণের নিকট এমন অভিযোগ করে নাই যে রাম লক্ষণকে সে বিবাহ করিতে চাওয়ায় লক্ষণ তাহার নাসিকা কর্ষণ করিয়াছেন! বাজারের গুটি কয়েক ব্যরবণিতার দিকে দৃষ্টিপাত করিয়া ভারতীয় নারী চরিত্রের প্রতি মন্তব্য প্রকাশ করা অত্যন্ত গর্হিত কাজ। ভারতের সমাজ ব্যরবণিতাকে কখনও আপন সমাজের সীমানায় স্থান দেয় নাই এবং যতদিন সমাজের শৃঙ্খলা ও পবিত্রতা থাকিবে ততদিন ঐ সমস্ত কলুষিতা নারীকে হিন্দু সমাজ কুমিকীটাদির মত, ঘৃণ্য জীবের মতই দেখিবে। কোন সচ্চরিত্র ভারতবাসীই ব্যরবণিতাকে প্রীতির চক্ষে দেখে না। তাহারা কলুষিত উপায়ে ঘৃণ্য জীবিকা অর্জন করে, যদি জীবিকা অর্জনই তাহাদের লক্ষ্য ও উদ্দেশ্য হয় তবে ঘরে বসিয়া

চরকা কাটিয়াও সে উদ্দেশ্য সিদ্ধ হইতে পারে। আজকাল এক শ্রেণীর লোক ইহাদিগকে বন্ধগার চক্ষে দেখিতে বলেন। এই সমস্ত ঘৃণ্য ব্যর-নারীদের প্রতি আবার করুণা কিম্বা? ইহাদিগকে সহর হইতে দূর দূরান্তরে কোন নির্জন প্রদেশে দূর করিয়া দেওয়াই উচিত। উরগদষ্ট অঙ্গুলির জায় ইহারা চিরকালই বর্জনীয়। সে যাহা হোক লর্ড লিটন যদি মুষ্টিমেয় ব্যরনারীদের প্রতি লক্ষ্য করিয়া এই উক্তি করিয়া থাকেন তবে তাহা, তাঁহার হিন্দুসমাজ সম্বন্ধে অনভিজ্ঞতারই পরিচয় প্রদান করা হইয়াছে।

তাঁহার জ্ঞান উচিত ছিল, তিনি যখন রাজ-প্রতিনিধি তখন যা-তা একটা কিছু বলিয়া ফেলা তাঁহার পক্ষে সাজে না। ভারতে স্ত্রীলোককে জগন্মাতা, জগদ্ধাত্রী, মহামায়ার অংশ স্বরূপিণী বলিয়া পূজা করে। ভারতের স্বামী পর্য্যন্ত স্ত্রীকে “আর্ঘ্য” ভিন্ন অল্প কোন ভাষায় সম্বোধন করে নাই। “যত্র নার্যন্ত পূজ্যন্তে রম্যন্তে তত্র দেবতা”—ইহা এ দেশেরই বাণী। কোন কোন স্থলে ছুই একটি পশু স্ত্রীকে লাঞ্ছনা, যত্ননা দেয় সত্য, কিন্তু সাধারণ ভাবে স্ত্রীকে ভারতে লক্ষ্মীস্বরূপিণী বলিয়াই মনে করে। “মাতৃবৎ পরদারেষু” ইহা এদেশেরই নীতি শাস্ত্রের বাণী, কাজেই এ দেশের মাতৃজাতিকে লক্ষ্য করিয়া কোন মানিস্চক মন্তব্য প্রকাশ করিলে সমস্ত দেশ যে তাহার এক বাক্যে প্রতিবাদ করিবে তাহাতে বিশ্বাসের বিষয় কিছুই নাই। ভারতের নারী-সমাজ আজ অন্ধকারে, মোহ-হুঁহু-ধোরে আচ্ছন্ন, নতুবা লর্ড লিটনের এই মন্তব্যে আজ দলিতা ফণিনীর মত ভারতের নারী-শক্তি মাথা তুলিয়া দাঁড়াইত। ইংলণ্ডে, আয়ারলণ্ডে যদি আজ এইরূপ মন্তব্য প্রকাশিত হইত তাহলে পার্লামেন্ট মহাসভা প্রথমে উপর প্রায়ে একেবারে ব্যতিব্যস্ত হইয়া উঠিত। কিন্তু এ যে বিষহীন পরাধীন বিলিত ভারতবর্ষ! এ জাতিকে বুটের তলে মাড়াইলেও তাহা চাটিয়া খাইবে, পিছু-



পুরুষকে You Indian liars বলিয়া সিনেট হাউসে ঠাড়াইয়া গালাগালি করিলেও এ জাতি অধোবদনে তাহা বেমালুম হজম করিবে! তাইতে বোধ হয় লর্ড লিটন এত বড় একটা অসম্ভব উক্তি করিতে সাহস পাইয়াছিলেন!

এ কোন দেশ? কোন্ দেশের নারীকে তিনি অবমানিত করিয়াছেন?—যে দেশের রাজার মেয়ে স্বামীর সঙ্গে বহুল পরিয়া বনবাসে যাইত—যে দেশে রাজার রাণী স্বামীর ঋণ শোধার্থে নিজে পরের গৃহে বিক্রীত হইত—যে দেশে মৃত স্বামীর প্রাণের জন্ত স্ত্রী কালান্তক যমের পশ্চাৎ পশ্চাৎ ছুটিত। দেহ বিক্রয় করিয়া জীবিকাকরন যদি এদেশের নারীর আদর্শ হইত তবে আর ভারতের ঘরে ঘরে অনশনক্রিষ্টা, বুদ্ধিক্রিতা, জীর্ণ শীর্ণ বলেবরা হাজার হাজার রমণীকে আমরা দেখিতে পাইতাম না। দৈহিক ভোগ এ দেশের নারী চরিত্রের আদর্শ নহে; তাহা যদি হইত তবে যে দিন স্ত্রীর আন্ততঃ মুখোপাধ্যায় শত শত হিন্দুর প্রতিবাদ সত্ত্বেও দুহিতা কমলার পুনর্বিবাহ দিয়াছিলেন, সেদিন হইতে বাঙ্গালার ঘরে ঘরে বিধবাবিবাহের ধুম পড়িয়া যাইত। কিন্তু সংঘম, ব্রহ্মচর্য, তিতিক্ষাই যে এ দেশের নারীর আদর্শ। হিন্দুনারী অস্ত্রাস্ত্র স্বাধীন দেশের নারীর ন্যায় মুক্ত আকাশের তলে খোলা প্রাণে বেড়াইতে না পারিয়াও স্বধী, ভারত-নারীর এ আদর্শ জগতের ইতিহাসে একটা অভিনব বস্তু। এই আদর্শ বজায় আছে বলিয়াই আজও হিন্দুজাতি শত শত বিদেশী জাতির প্রবল আক্রমণের ঝঞ্ঝাবাতকে অগ্রাহ করিয়া ঠিকিয়া আছে। কত শত ভিখারিণী ভিক্ষাবৃত্তি করিয়া দিন ঘাপন করে, কিন্তু তথাচ মূর্খের জন্ত কোন প্রকার পাপ বৃত্তির দ্বারা অন্ন সংস্থানের চিন্তা বা কল্পনা পর্যন্ত করে না। এই যে গত বৎসর ডিক্রগড় চা বাগানের হীরার মামলা হইয়া গেল, সে মামলার কথা কাহার না মনে আছে? কুলী-বালিকা হীরা পর্যন্ত খেতাব কর্মচারীর কুৎসিত

প্রস্তাবে মন্ত সিংহীর মত গর্জিয়া উঠিয়াছিল। এদেশের প্রবাদ বাক্যই এই “পুরুষের চোর ও স্ত্রীলোকের অসতী” অপবাদের মত অপবাদ আর ইহ জগতে নাই।

আমরা সত্য সত্যই লর্ড লিটনের উক্তি শুনিয়া বড় ব্যথিত ও দুঃখিত হইয়াছি। এখনও তিনি দুঃখ প্রকাশ করিলে আমরা জানিব হঠাৎ ভ্রমক্রমে তিনি ঐরূপ উক্তি করিয়াছিলেন। ভারতের নারী-জাতির “সম্মান রাজপুরুষ তাঁহারা, তাঁহারা যদি না রাখিবেন তবে রাখিবে কে? পরাধীন জাতি বলিয়া অবশেষে কি আমাদের মা-ভগ্নীদের প্রতিও তাঁহাদের বিক্রপ-বাণ বর্ষিত হইবে? আমরা সব সহিতে পারি, পারি না—মা ভগ্নীর লাঞ্ছনা। ভারতের ইতিহাস পর্যালোচনা করিলে দেখা যায় স্ত্রীলোকের ইচ্ছত রক্ষার জন্তই এদেশে যাহা কিছু বুদ্ধিগ্রহ ঘটিয়াছে। সীতার অবমাননায় অত বড় লঙ্কার সমরানল প্রজ্বলিত হইয়াছিল—ক্রৌপদীর লাঞ্ছনায় কুরুবংশ সমূলে বিনষ্ট হইল,—দৈবকীর লাঞ্ছনায় কংস ধ্বংস হইল। এদেশের প্রাচীন আবে-হাওয়া পরিবর্তিত হইলেও এখনও স্ত্রীলোক দেখিলে ভাল লোক মাত্রেই রাঁস্তা ছাড়িয়া দাঁড়ান। ভারতীয় আদালতের বিচারে পর্যন্ত স্ত্রীলোককে গালাগালি কিংবা স্ত্রীলোকের অঙ্গে হস্তক্ষেপ করিলে তার কঠোর শাস্তি হয়।

কুমারী এলিস্কে ভারতের সীমান্ত প্রদেশ হইতে অসভ্য আক্রিদিরা ধরিয়া লইয়া গেলে তাঁহাকে উদ্ধার করিবার জন্ত ইংলণ্ডের গভর্নমেন্ট হইতে ভারত গভর্নমেন্ট পর্যন্ত কি পরিমাণে চেষ্টা করিয়াছিলেন তাহা আমরা ভুলি নাই—অমৃতসরে একজন খ্রীষ্টান মহিলার অবমাননার জন্ত অত বড় জালিয়ানওয়ালাবাগের নৃশংস হত্যাকাণ্ড সংসাধিত হইয়াছিল তাহাও আমরা বিস্মত হই নাই, এক্ষেত্রে আমরা যদি আমাদের মাতৃজাতিকে অবমাননার হাত হইতে উদ্ধার করিবার জন্ত দুই একটি প্রতি-বাদ সভা করি তাহা কি দোষের? কোন খেতাব



রমণীর প্রতি কেহ অবমাননাসূচক ভাষা প্রয়োগ করিলে লর্ড লিটনের প্রাণে ঘেঁরুপ ব্যথা লাগে, আমাদের দেশের মা-ভগ্নীদের প্রতি কেহ কোনরূপ অবমাননাসূচক ভাষার প্রয়োগ করিলে আমাদের প্রাণেও সেইরূপ ব্যথা লাগে। পরাধীন, বিজিত জাতি বলিয়া আমাদের প্রাণের স্পন্দন যে একেবারে লোপ পাইয়াছে তাহা নহে।

আমরা কি চাই? আমরা চাই শাসকজাতির কাছে একটু ভালবাসা, একটু সহানুভূতি, একটু সম্বোধন, একটু দয়া, দাক্ষিণ্য ও তিতিক্ষা। তোমাদের মুখের একটু মিষ্ট কথা শুনিলে আমরা আহ্লাদে সোহাগে আটখানা হইয়া যাই। লর্ড রিপন আমাদের ভালবাসিতেন, দেখ দেখি এখনও প্রত্যেক ভারতসন্তান কত কৃতজ্ঞতার সহিত তাঁহার নাম করে। লোককে গালাগালি করিয়া, লোকের উপর অযথা অত্যাচার করিয়া কখনও তাহার হৃদয় অধিকার করা যায় না। আজ যদি ভারতবাসী বুক চিরিয়া দেখাইতে পারিত তবে দেখাইত তাহাদের প্রাণের পরতে পরতে লর্ড লিটনের এই উক্তিতে কত ব্যথার দাগ পড়িয়াছে! লর্ড লিটনই এই ব্যথা দিয়াছেন, আবার তিনি ক্রটি স্বীকার করিলে এই ব্যথা লোপ হইবে। ভারতবাসী চিরকাল ক্ষমাশীল।

ভারতমহিলা রাজনৈতিকদের প্ররোচনায় পুলিশের নামে মিথ্যা অভিযোগ করে—লর্ড লিটন এই মন্তব্য প্রকাশ করিয়াছেন। একথা সর্ব্বৈব তাঁহার স্বকপোলকল্পিত। পুলিশ যদি নিজের কর্তব্য ত্রায়তঃ ধর্ম্মতঃ পালন করে তবে কেন ভারতবাসী তাহাদের নামে মিথ্যা অভিযোগ করিবে? পুলিশ ত এদেশেরই লোক। লর্ড লিটন একবার হাকিম-অল-রসিদ অথবা লর্ড হার্ডিঞ্জের মত ছদ্মবেশে বাঙ্গালার জেলায় জেলায় ঘুরিয়া দেখুন ত পুলিশ তাহার কর্তব্য কতটা পালন করিতেছে?

লর্ড লিটন মনে করেন আমরা বুঝি তাঁহাদের । তাহা সত্য নহে। দেশের শান্তি, শৃঙ্খলা,

স্থশাসন, ছুটের দমন শিষ্টের পালন সকলেই চায়। এইটুকু সব সময় পাই না বলিয়াই ত আমরা অভিযোগ করি। এদেশের পুলিশ আর ইংলণ্ডের পুলিশে যে কত পার্থক্য তাহা কি তিনি জানেন না? এদেশের পুলিশের সম্বন্ধে মুন্সী ঈশ্বর শরণের একখানি চিঠি গত ৯ই সেপ্টেম্বরের অমৃত-বাজার পত্রিকায় প্রকাশিত হইয়াছে, তাহা পাঠে জানা যায় যে লণ্ডনের পুলিশ জীলোক দেখিলে সর্ব্বাগ্রে অতি সম্মানের সহিত তাঁহাকে পার্কে প্রবেশ করিবার পথ করিয়া দেয়। জীলোকের প্রতি লণ্ডন-পুলিশের এইরূপ ভদ্র আচরণ দেখিয়া মুন্সী ঈশ্বরশরণ একজন কনষ্টেবলকে বলিয়াছিলেন, আহা, আমি যদি জীলোক হইতাম! এখন দেখুন, মুন্সী ঈশ্বর শরণ নিতান্ত সামান্য ব্যক্তি নহেন, তিনি পর্য্যন্ত ইংরেজ পুলিশের নারী জাতির প্রতি সম্মান দেখিয়া অধিক হইয়া গিয়াছেন আর আমাদের দেশে? লর্ড লিটন একবার ছদ্মবেশে মফঃস্বলের কোন একটি খানায় ঘাইয়া দেখুন তথায় দারোগাবাবু জীলোকের প্রতি কিরূপ অশ্লীল ভাষা প্রয়োগ করেন! চরমনাইয়ের নারী লাঞ্চার কথা লর্ড লিটন মিথ্যা এবং রাজনৈতিকদের প্ররোচনা মনে করিতে পারেন, কিন্তু এদেশবাসী কখনই তাহা অবিশ্বাস করিবে না। এমন কি লর্ড লিটন নারী-জাতিকে লক্ষ্য করিয়া যে ভাষার প্রয়োগ করিয়াছেন, তাহার জ্ঞান নিরপেক্ষ সম্রাট ইংরেজ মহিলারা পর্য্যন্ত লঙ্কায় মাথা হেট করিয়াছেন। দার্কিলিং হইতে একজন বিদূষী মহিলা "ফরওয়ার্ড" পত্রে যে চিঠি দিয়াছিলেন তাহা পাঠেই জানা যায় ইংরেজ মহিলারা পর্য্যন্ত এই উক্তিতে কতটা লঙ্কাবনত হইয়াছেন।

পৃথিবীটা গোলাকার নহে—চতুষ্কোণ, সূর্য চন্দ্র একদিন একত্রে আকাশে উদয় হইবে, ভারত মহাসাগরটা হঠাৎ একদিন একটা মহাদ্বীপে পরিণত হইবে, এই সমস্ত অসম্ভব কথা ভারতবাসী বিশ্বাস করিলেও করিতে পারে, কিন্তু পুলিশের নামে

মিথ্যা কলঙ্ক আরোপ করিবার জন্ত ভারতের নারী আপন সতীত্ব নামের মিথ্যাকথা সাধারণে প্রকাশ করিতে পারে এ কথা কখনই বিশ্বাস করিবে না। কেন করিবে না? এ দেশের নারী যে স্বতন্ত্র খাতু-প্রকৃতি দিয়া গঠিত! এ দেশের নারী পরপুরুষের চিন্তা পর্যন্ত ধর্ম হানিকর বলিয়া মনে করে। চুরি না করিলেও চুরি করার চিন্তা পর্যন্ত এদেশের শাস্ত্রে পাপ বলিয়া কীর্ষিত। সাবিত্রীকে যখন তাহার পিতা বলিয়াছিলেন যে, সত্যবানের অন্ন আয়ুঃ উহাকে তুমি বিবাহ করিও না, তখন সাবিত্রী মুক্তকণ্ঠে তাঁহার পিতাকে বলিয়াছিলেন, বাবা একবার যখন মনে মনে সত্যবানকে পতিত্বে বরণ করিয়াছি, তখন তাঁহাকে বিবাহ না করিলে যে আমি ষিচারিণী হইব? দেখুন দেখি কত বড় মহান্ আদর্শ! বৃন্দাবনের কেলে সোনা, পীতধ্বড়া মোহন চূড়া ছাড়িয়া মথুরার রাজা হইয়া যখন বৃন্দাবনে গোপিনীদের, সঙ্গে রাজবেশে সাক্ষাৎ করিতে আসিলেন, তখন তাঁহাকে দেখিবার জন্ত কেহই ঘরের বাহির হইল না, এমন কি বাতায়নের মধ্য দিয়াও কেহ তাঁহার দিকে তাকাইল না, সকলেই বলিল আমরা কি পরপুরুষ দেখিয়া “ষিচারিণী” হইব? আমরা যমুনা-পুলিন বিহারী, মোহন-মুরলীধারী, চন্দন-চচ্চিত-ভাল, নীল কলেবর, পীত-বসন বনমালীর ভক্ত, কই ও ত আমাদের সেই কালা নয়, ওকে কেন দেখিব? এত বড় পাতিব্রত্যা, সতীত্ব মহিমা ছিল ব্রজাঙ্গনাগণের! যাহারা মূর্খ, ছুপাতা ইংরাজী পুস্তকের পাতা উল্টাইয়া যাহারা নিজেদিগকে মহা বিদ্বান মনে করে, তাহারাই ভগবান শ্রীকৃষ্ণের বৃন্দাবন-লীলা-মাধুরীর মধ্যে একটা ব্যক্তিত্বের আরোপ করিয়া উহাকে ব্যাভিচার-ছুট করিয়া তুলে। কিন্তু যাহারা “শ্রীশ্রীরাসপঞ্চাধ্যায়”-খানির আধ্যাত্মিক তত্ত্ব গূঢ়ভাবে কদম্বকম করিয়াছেন, তাঁহারা জানেন ভগবান শ্রীকৃষ্ণের এই লীলামাধুরী একটা সম্পূর্ণ দেহতত্ত্বের ব্যাপার। ধর্ম-অর্থ-কাম-মোকক্ষপ কদম্বকমলে

দাঁড়াইয়া এই দেহ-বৃন্দাবনে ভগবান শ্রীকৃষ্ণ ‘আয়’ ‘আয়’ বলিয়া সংসার-তাপদগ্ধ, মোহগ্রস্ত জীষকে ডাকিতেছেন, আর তাঁর সেই মোহন বাশীর স্বরে মুগ্ধ জীব সমস্ত ফেলিয়া তাঁহার দিকে ছুটিতেছে! রাধ্ ধাতুর অর্থ আরাধনা করা, আর কৃষ্ ধাতুর অর্থ আকর্ষণ করা। যাহারাই ভগবানকে প্রাণমন দিয়া আরাধনা করে ভগবান তাহাদিগকেই আকর্ষণ করেন। স্মৃৎভাবে বাধাকৃষ্ণ তত্ত্ব ইহাই। কিন্তু এই স্মৃৎ রাধাকৃষ্ণ তত্ত্বকে স্মুলত্বে পরিণত করিয়া একদল বৈষ্ণব বৈষ্ণবী ইহাকে তিরক্ত করিয়া তুলিয়াছে। এমন কি পশ্চাত্য-শিক্ষার অঙ্গন পরিয়া বঙ্কিমচন্দ্র পর্যন্ত শ্রীকৃষ্ণ চরিত্রে একটা ব্যক্তিত্বের আরোপ করিয়া অতবড় আধ্যাত্মিক ব্যাপারকে লোকসমক্ষে সঙ্কীর্ণ করিয়া তুলিয়াছেন। যাহা হোক এই বৃন্দাবন-লীলা দেখিয়া যাহারা মনে করেন, ভারতের জীলোক বুঝি পরপুরুষের আহ্বানে কুলমান ত্যাগ করিতে দ্বিধা বোধ কর না, তাঁহারা সম্পূর্ণ ভ্রান্ত। ভগবান স্বতন্ত্র একটা উপাদান দিয়া এ দেশের জীলোককে নির্মাণ করিয়াছেন। নান্নায়ণ জানে অতিথি সেবার জন্ত এদেশের জীলোকই আপন হাতে ইন্দীবরতুল্য পুত্রকে কাটিতে পারে, আবার ব্রাহ্মণের জীবন রক্ষার জন্ত এদেশের জীলোকই আপন পুত্রকে রাক্ষসের সম্মুখে প্রেরণ করিতে পারে। রাক্ষ্য ঐশ্বর্য ছাড়িয়া এদেশেরই জ্যোপদী স্বামীর সহিত বনবাসে জীবন কাটাইয়া ছিলেন।

পশ্চাত্যদেশে রূপ-ঐশ্বর্য-লাবণ্যের উপর দাম্পত্যপ্রেম নিবন্ধ বলিয়া তথায় প্রতিদিন স্বামী জীকে এবং স্ত্রী স্বামীকে পরিত্যাগ করিয়া পত্যস্তর ও দারাস্তর গ্রহণ করিতেছে! সে জন্ত তথায় “ভাইভোস কোর্ট” সর্বদাই লোকে লোকারণ্য। কিন্তু এদেশে কত স্ত্রী স্বামী-শাশুড়ীর হাতে নির্যাতিতা হইতেছে, কত স্ত্রী কুষ্ঠ রোগাক্রান্ত স্বামীর সেবা করিতেছে, কত স্ত্রী স্বামীকে ভিকার করিয়া থাকাইতেছে, তবুও মুহূর্তের জন্ত পত্যস্তর

গ্রহণের কল্পনা পর্যন্ত করে না। হিন্দু জী 'স্বামীর বিয়োগে পর্যন্ত মূর্ত্তের জন্ত পত্যস্তর গ্রহণের কল্পনা করে না। সে জানে পরলোকে আবার স্বামীর সহিত তাহার পুনর্জীবন হইবে— সে আবার তাহার স্বামীর পাদপদ্ম পূজার অধিকার পাইবে! এই পরলোকমুখী আদর্শবাদ হিন্দু সমাজে বিদ্যমান আছে বলিয়াই হিন্দুসমাজে, হিন্দুর অন্তঃপুরে এখনও শাস্তি পবিত্রতার পূর্ণ কৌমুদী স্নিগ্ধ কিরণ বিকীরণ করিতেছে, আর পশ্চাত্য রমণী ও প্রাচ্যের রমণীতে এইখানেই পার্থক্য। একজনের জীবনের লক্ষ্য দৈহিক ভোগ সুখ, আর একজনের জীবনের লক্ষ্য পারলৌকিক শাস্তি। হিন্দুর বিবাহ দেহে দেহে বিবাহ নহে, বিবাহের মন্ত্রই হইল, “আজি হইতে তোমার আত্মা আমার হউক, আর আমার আত্মা তোমার হোক।” লর্ড লিটন যদি ভারত নারীর জীবনের আদর্শ টুকু পূর্ণা-লোচনা করিতেন তবে আমাদের বিশ্বাস তাঁহার মুখ হইতে কখনও ওরূপ বিসদৃশ উক্তি বাহির হইত না। সামান্য একজন চৌকিদার কনষ্টেবল দারোগা যদি ওরূপ উক্তি করিত, তবে কোন দুঃখ ছিল না, কিন্তু তিনি একটা প্রদেশের কর্ণধার, স্বয়ং রাজ-প্রতিনিধি, একটা বড় ঘরের বংশধর, তাঁহার মুখে এ কথা শুনিয়া ভারতের নারীসমাজের মাথা যে একেবারে কাটা গিয়াছে!

একে শু আমরা এমন দুর্কল হইয়া পড়িয়াছি যে, নারীজাতিতে দুর্কৃত্তদের হাত হইতে রক্ষা করিবার শক্তি সামর্থ্য আমাদের নাই। ট্রেনে নারীর উপর গোরার অত্যাচার, ষ্টেশনে ভিখারিণীর উপর শ্বেতাঙ্গের অত্যাচার, পল্লীতে বৈষ্ণবীর উপর মুসলমান গুণ্ডার অত্যাচার! তারপর যদি দেশের শাসনকর্তারা নারীজাতির প্রতি লক্ষ্য করিয়া ওরূপ মন্তব্য প্রকাশ করেন, তবে ত দুর্কৃত্তেরা আরও প্রভ্রম পাইয়া বসিবে। আজ কাল দেশে পুলিশের যা কিছু কর্মশক্তি তাহা নিয়োজিত হইয়াছে কংগ্রেস-কর্মীদের পশ্চাদ্গমনের। কোথায় কোন্ যুবক

চরকার মাহাত্ম্য প্রকাশ করিল, কোথায় কোন্ যুবক “বন্দেমাতরম্” ধ্বনি করিল, কোথায় কোন্ যুবক দেশমাতৃকার পূজার বেদীতে অকু চন্দন বিধাঞ্জলি দিবার জন্ত ঘর সংসার ছাড়িল, পুলিশের কর্মশক্তি নিয়োজিত হইয়াছে প্রধানতঃ তাহাই দেখিবার জন্ত। সেই কারণে এত যে নারী হরণ, এত যে চুরি ডাকাতি তাহার বিশেষরূপ তদন্ত ও প্রতীকার হইতেছে না। তার উপর যদি শাসনকর্তাদের মুখে এমন কথা প্রকাশ পায় যে ভারতের কোন কোন নারী মিথ্যা করিয়া পুলিশের নামে অভিযোগ করে, তবে ত মুন্সিলের কথা। পুলিশ আমাদের শত্রু নহে, আমাদের मित्र। কেননা তাহারা না থাকিলে নিরাপদে গৃহস্থের নিদ্রা যাওয়াও অসম্ভব। কিন্তু সেই পুলিশ অন্য় করিলেও কি তাহার প্রতীকার আমরা আশা করিতে পারি না? ভারতের নারী মিথ্যা করিয়া সতীত্ব হানির অভিযোগ করে এ কথা স্মরণ করিতেও যে দেহ শিহরিয়া উঠে! আমরা বলি, লর্ড লিটন এখনও এদেশের সর্ব সম্প্রদায়ের নারীর প্রতি একটা শ্রদ্ধা ভক্তির ভাব পোষণ করিতে শিখুন, তাহা হইলে বৃষ্টিতে পারিবেন এ দেশের নারী কত উচ্চ—কত গরীয়সী—কত মহীয়সী!

নারী অবস্থাপন্ন ঘরের স্বর্গালকার ভূষিতা হইলে তিনি সম্মানার্থী ও ভদ্র পদবাচ্য হইবেন, আর দরিদ্র হইলে তাঁহার প্রতি অসম্মান দেখাইতে হইবে—এ যুক্তি কোন নিরপেক্ষ লোক সমীচিন বলিয়া মনে করে না। নারী ধনী ঘরের হোন আর পথের ভিখারিণীই হোন, তিনি সর্বত্র সমানভাবেই সম্মানার্থী। অবস্থার খাতিরে কোন নারী ছিন্নবাস পরিধান করিলেই যে তাঁহাকে—“অভদ্র” “ইতর” “নীচ” আখ্যায় আখ্যায়িত করিতে হইবে ইহা কখনও ভদ্র সমাজের অনুমোদিত নহে। দরিদ্র নারীর জন্মেরও অপত্যস্নেহ, দেবদেবী ভক্তি, আতিথেয়তা, ভগবিশ্বাস, দয়া, স্নেহ, করুণা আছে, সেও জানে সতীত্বই নারীজাতির একমাত্র অমূল্য সম্পদ। এ

কথা যে একটা প্রাদেশিক শাসনকর্তার পক্ষে জানা উচিত, ছিল তাহা বলাই বাহুল্য ।

লর্ড লিটনের জন্মস্থান এই ভারতবর্ষ । তিনি যখন এখানে গবর্নর হইয়া আসিবেন বলিয়া “লণ্ডন টাইম্‌স্” সংবাদ দেন, তখন আনন্দে বুকটা দিগুণ হইয়া উঠিয়াছিল । ভাবিয়াছিলাম—তাঁহার আমলে বঙ্গের নারীজাতির মধ্যে শিক্ষার বিস্তার ত হইবেই, তাহা ছাড়া নারী চিকিৎসালয়, নারী সমিতি, নারী শিক্ষাপ্রম প্রভৃতিরও যথেষ্ট উন্নতি হইবে । কিন্তু যাদের ভাগ্য মন্দ তাদের সব দিকেই মন্দ হয় । এদেশে পদার্পণ করিতে না করিতে কি জানি কি আবহাওয়ার গুণে লাট সাহেবের মনটা পরিবর্তিত হইয়া গেল । যে লর্ড লিটন ইংলণ্ডে নারীজাতির কল্যাণের জন্ত প্রাণপণ চেষ্টা করিতেন, যাহার ভগ্নী ইংলণ্ডের নারী সমাজের অগ্রতম নেত্রী তিনি এদেশে আসিয়া অবধি নারীজাতির উন্নতির জন্ত কিছুই ত করিলেন না, অধিকন্তু ভারতের নারীর প্রতি অসংযত ভাষা প্রয়োগ করিয়া এ দেশবাসীর মনে বৃথা একটা তীব্র বেদনার সঞ্চার করিলেন । তিনি বিশ্ব-বিদ্যালয়ের তত্ত্বাবধারণ করিতেছেন, কিন্তু এখনও বেখুন কলেজে এম্-এ পড়িবার সুযোগ দেওয়া হইল না ! দেশে একটা নারী-বিদ্যালয়ও প্রতিষ্ঠা হইল না ! কত শত নারী অস্বাভাবে হাহাকার করিয়া বেড়াইতেছে রাজকোষ হইতে তাহাদেরও সাহায্যার্থে কিছু দেওয়া হয় না ! সরকার হইতে “চরকা” বিতরণ করিলে এই সমস্ত ছন্দা নারীরা সূতা কাটিয়া উদরের অন্ন সংস্থান করিতে পারে, কিন্তু মঞ্জীদের ৫৬৩৩ টাকা করিয়া দিবার জন্ত চেষ্টা চলিতে পারে, ইহাদের বেলায় বর্ধীয় সরকারের তহবিলে টাকা থাকে না । বিচারপতি স্যার ইউয়ার্ট গ্রীভ্‌স্ কলিকাতার পতিতালয় হইতে উদ্ধারিতা বার হাজার বালিকার আশ্রয়স্থান স্থাপনের, জন্ত জনসাধারণের নিকট

অর্থপ্রার্থী হইয়াছেন । লর্ড লিটন হস্তান্তরিত বিভাগ ত নিজের হাতে গ্রহণ করিয়াছেন, এখন উদ্বৃত্ত টাকাগুলি দিয়া এই আশ্রম স্থাপনের সহায়তা করুন না ? শুধু আইনের বলে (Immoral traffic law) বালিকাগণকে উদ্ধার করিলে ত চলিবে না, সঙ্গে সঙ্গে তাহাদের আশ্রয় স্থানও ত প্রতিষ্ঠা করিতে হইবে । আবার এই আশ্রম যাহা স্যার গ্রীভ্‌স্ প্রতিষ্ঠা করিতে যাইতেছেন, তাহাতে গেলে বালিকাগণকে খ্রীষ্ট ধর্মে দীক্ষিত করিয়া লওয়া হইবে এই ভয়ে অনেক হিন্দুরই উহাতে আপত্তি আছে ।

লর্ড লিটন ৫৭লক্ষ টাকা সরকারী তহবিল হইতে একটা হিন্দুমতের আশ্রম প্রতিষ্ঠার জন্ত দান করুন না কেন ? হিন্দুরা তাঁহার কর্তব্যনিষ্ঠার প্রশংসা করিবে । ব্যয় সঙ্কোচ কমিটি (Inchcape committee) স্পষ্টভাবে ব্যয় সঙ্কোচের জন্ত প্রস্তাব করিয়াছেন, কই এ পর্যন্ত প্রাদেশিক গবর্নমেন্টে তদন্তকারী কতটুকু ব্যয় সঙ্কোচ হইয়াছে ? মার্কিন, লণ্ডন, প্রভৃতি ধনী দেশের গভর্নর, ইন্স্পেক্টর জেনারেল প্রভৃতির মাহিনা যাহা নহে, দরিদ্র ভারতবর্ষে তদপেক্ষা দিগুণ । গভর্নর বাহাদুর গড্ডলিক প্রবাহের জায় পূর্ববর্তী দুইজন শাসকের অনুসরণ না করিয়া বাঙ্গালার নারী সমাজের মঙ্গলের জন্ত কিছু করুন—দেশ তাঁহার প্রশংসায় মুখরিত হইবে । কোন সিভিলিয়ানের কত বেতন বাড়িল তাহা শুনিয়া আমাদের কোন লাভ নাই । দেশে নারী শিক্ষার বিস্তার করিতে, নারীর স্বাস্থ্য অটুট রাখিতে লর্ড লিটন আজ সমস্ত দিক্‌কার ব্যয় সঙ্কোচ করিয়া সমস্ত শক্তি নিয়োগ করুন, আর তাঁহার যে অতর্কিত উক্তির জন্ত দেশব্যাপী অসন্তোষের সৃষ্টি হইয়াছে সেজন্ত দুঃখ প্রকাশ করুন ; তাহাতে তাঁহার পদমর্যাদা (Préstige) বিন্দুমাত্র লাঘব হইবে না বরং দেশ বিদেশে তাঁহার সংসাহসের প্রশংসা ধ্বনি উখিত হইবে ।



## প্রফুল্ল

শ্রীতারাপদ ভট্টাচার্য্য বি-এ।

“প্রফুল্ল” নাট্যাচার্য্য গিরিশচন্দ্রের অন্ততম শ্রেষ্ঠ নাটক। বাংলার যৌথ পরিবারের একখানি বিয়োগান্ত চিত্র ইহাতে চিত্রিত হইয়াছে। পরিবারের একজন স্বার্থপর ও কূট বুদ্ধি হইলে সোণার সংসার যে অচিরেই ধূলিসাৎ হয়, শাস্তি স্বপ্নের উৎস যে শীঘ্রই মরুভূমির আকার ধারণ করে, “সাজানো বাগান” শ্মশানে পরিণত হয় প্রফুল্ল নাটকে কবি তাঁহার নিপুণ তুলিকায় তাহা অঙ্কিত করিয়াছেন।

উমাসুন্দরী তিনটি নাবালক শিশুকে লইয়া বিধবা হইলেন। যোগেশ, রমেশ ও স্বরেশ তিন ভাই একমাত্র পৈতৃক বিত্ত দারিদ্র্যেরই উত্তরাধিকার লাভ করিল। কিঞ্চিৎ বয়ঃপ্রাপ্ত হইয়া যোগেশ কলিকাতার, কোন সওদাগরী আফিসে কার্য্য করিতে লাগিল, সচ্চরিত্রতা ও অধ্যবসায়ের বলে অবস্থার অভাবনীয় উন্নতি সাধন করিল। মধ্যম ভ্রাতা রমেশ জ্যেষ্ঠের ধরচাফড় পড়াশোনা করিয়া এটর্নি হইল। কনিষ্ঠ স্বরেশ ভাইএর টাকায় ক্ষুষ্টি করিয়া বেড়াইতে লাগিল, পড়াশোনায় আঁদৌ তাহার মনোযোগ ছিলনা। যোগেশ সাধু ও সরল প্রকৃতির লোক ছিল; এই কারণে তাহার পত্নী জানদা মৃত্যু কালে বলিয়াছিল, “আমি শিবপূজা করে শিবের মত স্বামী পেয়েছিলাম।” কৃতঘ্ন রমেশ জ্যেষ্ঠের এই গুণাবলীকে দুর্বলতা মনে করিয়া জ্যেষ্ঠকে প্রতারণা পূর্বক স্বার্থ উদ্ধারে সচেষ্ট ছিল। লেখাপড়া না শিখিলেও স্বরেশের ভ্রাতৃত্বাব যথেষ্ট ছিল, তাহার সত্যনিষ্ঠা ছিল, সে পরিবারের মর্যাদা রক্ষণে কখনও স্বিধা বোধ করিত না।

উমাসুন্দরীর বৃন্দাবন যাত্রার উদ্যোগ হইতেছে এমন সময় সবাদ আসিল যোগেশ যে ব্যাঙ্কে আজীবন সঞ্চিত টাকা জমা রাখিয়াছিল তাহা ফেল হইয়া গিয়াছে; এ সংবাদে যোগেশ দিশেহারা হইল, মানসিক যন্ত্রণা হইতে রক্ষা পাইবার জন্য মদ ধরিল। রমেশের স্বর্ণস্বয়োগ উপস্থিত হইল। পাণ্ডনাদারদিগকে ঠকাইবার ভাণ করিয়া রমেশ যোগেশের অংশ বেনামী করিয়া লইল। সুনাম নষ্ট হইল দেখিয়া যোগেশ উন্মাদ গ্রস্ত হইল। এই সময় সংবাদ আসিল যে যোগেশের ব্যাঙ্ক শুধরাইয়া উঠিয়া জমা টাকা ফিরাইয়া দিতেছে। কিন্তু চতুর রমেশ এই সংবাদ গোপন করিয়া যোগেশের অপ্রকৃতিস্থ অবস্থায় তাহার নিকট হইতে সম্পত্তির অংশ লিখিয়া লইল। কাঙ্গালীচরণ নামে একটি প্রতারক জগমণি নামী একটি রাক্ষসী রমণীকে লইয়া ডাক্তারখানা খুলিয়াছিল। স্বরেশ কাঙ্গালীচরণের বাড়ীতে যাতায়াত করিত। রমেশ কাঙ্গালীচরণকে হাতে আনিয়া চুরির অভিযোগে স্বরেশকে পুলিশে ধরাইয়া দিল। বিচারে স্বরেশের জেল হইল। এ সংবাদ পাইয়া উমাসুন্দরী পাগলিনী হইলেন। যোগেশ ও তাহার পত্নী জানদা শিশুপুত্র যাদব সহঃ গৃহ হইতে বিতাড়িত হইয়া ভাড়াটিয়া বাড়ীতে একটি আশ্রয় লইল। যোগেশ ঘোর মদ্যপ হইয়া কু-স্থানে কাল কাটাতে লাগিল। ঘটি বাটি বাধা রাখিয়া তাহাদের দিন কাটিতে লাগিল। ভাড়ার অল্প যে, তিনটি টাকা জানদার হাতে ছিল তাহাও একদিন যোগেশ লাধি মারিয়া কাড়িয়া লইল। এই সময় জানদা পীড়িত হইল। তাহার আসন্নমৃত্যু অবস্থা দেখিয়া বাড়ীওয়ালী



তাহাকে গৃহের বাহির করিয়া দিল। ইতিপূর্বে সংবাদ রটিয়াছিল জেল হইতে বাহির হওয়ার পর সুরেশের মৃত্যু হইয়াছে। নিষ্কণ্টক হইবার জন্য রমেশ মদন নামক জনৈক পাগলের দ্বারা যাদবকে ধরাইয়া আনিয়া গৃহে আবদ্ধ করিয়া রাখিল। অনাহারে আবদ্ধ থাকায় সে পীড়িত হইয়া পড়িল। রমেশের পত্নী প্রফুল্ল ইহা জানিতে পারিয়া যাদবের শুক্রঘাঘ নিষুক্র হইল; রমেশের সকল চেষ্টা বিফল হইল; যাদব সারিয়া উঠিতে লাগিল। রমেশ ক্রোধে প্রফুল্লকে মারিয়া ফেলিল। সুরেশ সজ্ঞান পাইয়া ঘটনাস্থলে উপস্থিত হইল, রমেশ কাঙ্গালীচরণ ও জগমণি সহ পুলিশ ধৃত হইল, যোগেশের “সাজানো বাগান শুকিয়ে গেল”। প্রফুল্ল নাটকের ইহাই সংক্ষিপ্ত আখ্যায়িকা।

জ্ঞানদা ও প্রফুল্ল এই পরিবারের গৃহলক্ষ্মী ছিল। বর্তমান প্রবন্ধে আমরা প্রফুল্ল চরিত্রেরই আলোচনা করিব।

প্রফুল্ল আদর্শ হিন্দু বধু। গুরুজনের শুক্রঘা, বয়স্শ্রাগণের প্রতি সুখ্যবৃত্তি, স্বামীকর্তৃক তিরস্কৃত হইয়াও হাশ্বমুখে তাঁহার হিতাচরণ, পতি নিন্দায় কাতরতা, গৃহকর্মে তৎপরতা, পরিজনের প্রতি সদয় ব্যবহার, বর্তমান অবস্থায় সন্তুষ্টি—হিন্দু রমণীর এই আকাঙ্ক্ষণীয় গুণসমূহ প্রফুল্ল-চরিত্রে মূর্ত্তমান হইয়া রহিয়াছে। গুরুজনের মধ্যে প্রফুল্ল পাইয়াছিল শাণ্ডী, “ভাসুর, বড় জা ও তাহার স্বামীকে। বিধবা শাণ্ডীর সেবাশ্রমা প্রফুল্ল অবশ্য কর্তব্য বলিয়া মনে করিত। তাঁহার জন্য পূজার আয়োজন করা, তাঁহার নামন পরিষ্কার করা, তাঁহার উছন ধরান, তাঁহার কাছে থাকা এই গুলি প্রফুল্ল প্রতিদিন অবহিত চিন্তে সম্পাদন করিত। উমাসুন্দরীর বৃন্দাবন যাত্রার প্রস্তাব উঠিলে পর সরলা প্রফুল্ল বলিয়াছিল যে সেও শাণ্ডীর অঙ্গুগমন করিবে। সে না গেলে শাণ্ডীর আগুণ ধরাবে কে? বাটনা বাটিবে কে? পূজার আয়োজনই বা কে করিবে? ঘরে আসিয়া

ভাসুরের আহারে, বিশ্রামে যাহাতে কোনরূপ অসুবিধা না হয় তাহার প্রতি প্রফুল্ল সন্তর্ক থাকিত, বড়জার মারফতে প্রায়ই ইহার তত্ত্ব লইত। শেষে অদ্ভুত বিপর্যয়ে যোগেশের বিকৃতি ঘটিলেও প্রফুল্ল তাহার কর্তব্যের ক্রটি করে নাই। আবেগ ও সহানুভূতিতে সে স্থির থাকিতে পারিত নী, অহরহঃ জ্ঞানদার কাছে থাকিয়া জা ও ভাসুরের চুঃখোপশমের প্রয়াস পাইত। ফলতঃ জ্ঞানদাকে সে জ্যেষ্ঠের স্থায় শ্রদ্ধা করিত। সহোদরা ভগিনীর স্থায় তাহারা যেন অভিন্ন ছিল। সুরেশ যোগেশের জন্য মাতুলী আনিবার প্রস্তাব করিলে প্রফুল্লও রমেশের জন্য একটি মাতুলীর ফরমায়েশ দিল, তাহার বিশ্বাস ছিল—মাতুলীতে রমেশ অমঙ্গলের হাত এড়াইতে পারিবে, তাহার সিঁথির সিন্দুর অক্ষয় হইবে, তাহাদের বিবাহজীবন সুখময় হইবে। সতীলক্ষ্মীর এই আশঙ্কার মূলে হিন্দুনারীর হৃদয়ের অন্তরতম ভাব ফুটিয়া উঠিয়াছে। স্নেহ ও অমুরাগ পাপ-শকী, সুতরাং প্রফুল্লের মনে ইহা অহরহঃই জাগরুক থাকিবে ইহাতে আশ্চর্যের বিষয় কিছুই নাই। সুরেশের কারাদণ্ড সংঘটন ব্যাপারে রমেশ সান্দ্য আদায়ের জন্য প্রফুল্লকে জেদ করিয়াছিল, প্রফুল্ল স্বামীকে এই অন্তায় প্রস্তাব হইতে নিরস্ত করিতে চেষ্টা পাইয়াছিল। কুলবধুকে আদালতে উপস্থিত হইতে হইবে দেখিয়া সুরেশ অভিযোগ স্বীকার করিল; ফলে তাহার জেল হইল। এ সংবাদে প্রফুল্ল অত্যন্ত ব্যথিত হইল, কিন্তু শাণ্ডীর নিকট প্রকাশ করিল না। পিশাচী জগমণি এই নিদারুণ সংবাদটি যোগেশের অন্দর মহলে প্রচার করিবার জন্য তাহাদের বাড়ী গেল। প্রফুল্ল ও জ্ঞানদা এই রাক্ষসী মূর্ত্তিকে ডাইনী বলিয়া ঠাহর করিল এবং ইহাকে তাড়াইয়া দিবার জন্য জেদ করিতে লাগিল। কিন্তু জগমণির ভাবভঙ্গীতে উমাসুন্দরীর কোঁতুহল ও উৎকর্ষা বাড়িয়া উঠিল। জগমণি কথা প্রসঙ্গে সুরেশের কারাদণ্ডের সংবাদ

উমাসুন্দরীর কাণে পৌঁছাইয়া দিল। উমাসুন্দরী পুত্রের শোচনীয় পরিণামে উন্মাদিনী হইলেন; প্রফুল্ল প্রধানরূপে তাঁহার শুক্রবায় ব্যাপ্তা রহিল। সে তখনও মাতৃস্নেহ লাভ করে নাই, জ্ঞানদার একমাত্র পুত্র যাদবই বংশের দুলাল ছিল। প্রফুল্ল যাদবকে পুত্রবৎ স্নেহ করিত। কাকীমার স্নেহে যাদব মাকে ঘেন ভুলিয়া যাইতেছিল। যাদব কাকীমী ছাড়া কিছু বুঝিত না। এই স্নেহের দুলাল যাদবকে চক্রান্ত করিয়া যেদিন রমেশ গৃহছাড়া করিয়া দিল, প্রফুল্লর মনে সেদিন যে ক্ষোভ ও দুঃখ হইয়াছিল তাহা অননুমেয়। স্বামীকে সংপথে আনিবার জন্ত প্রফুল্লর সকল চেষ্টা ও যত্ন বিফল হইতে লাগিল। পতিদেবতার এই বুদ্ধি-বিপর্যয়ে প্রফুল্ল প্রমাদ গণিতেছিল; কিন্তু ইহার প্রতীকার ঘেন অবলা নারীর শক্তির বহির্ভূত হইয়া পড়িয়াছিল। জ্ঞানদাকে হাত করিবার জন্ত রমেশ প্রফুল্লকে পাঙ্কি করিয়া পাঠাইয়া দিলে প্রফুল্ল জ্ঞানদা ও যাদবকে দেখিয়া আসিবার সুযোগ পাইল। আত্মোপাস্ত বৃত্তান্ত অবগত হইয়া প্রফুল্ল সমবেদনায় অশ্রমোচন করিল, নিজের গহনা খুলিয়া দিতে চাহিল, জ্ঞানদা গহনা লইল না, সামান্য কয়েকটি টাকা রাখিয়া প্রফুল্লকে বিদায় দিল। যাদবের ঘাহাতে কষ্ট না হয় তৎপ্রতি দৃষ্টি রাখার জন্ত জ্ঞানদাকে অনুরোধ করিয়া প্রফুল্ল বিষয় মনে বিদায় লইল। জ্ঞানদার মৃত্যু সংবাদ পৌঁছিলে রমেশ মাতৃহারা শিশুর বিনাশ সংঘটন করিয়া নিরুপদ্রব হইবারই ইচ্ছা করিল। এজন্য মদন পাগলা নামক দৈনিক কাণ্ডজ্ঞানহীনকে নিযুক্ত করা হইল; মদন পাগলা যাদবকে ধরিয়া আনিল। রমেশ জগমণি ও কাদালীচরণের চক্রান্তে ও সাহায্যে যাদবকে অনাহারে আটক করিয়া রাখিল। মদন পাগলার মুখে যাদবের এই অবস্থার কথা জানিতে পারিয়া প্রফুল্লর মাতৃহৃদয় কাঁদিয়া উঠিল, সে আর স্থির থাকিতে পারিল না। স্বামিকর্তৃক নিধাতিত হইতে হইবে

এই কথা নিশ্চিত জানিয়াও প্রফুল্ল মাতৃহারা শিশুর সেবা করিতে লাগিল। যাদব শক্রর রাজ্যে আহার মাতৃসমা কাকীমাকে পাইয়া ঘেন হাতে চাঁদ লাভ করিল,—সে সকল যত্না ভুলিয়া গেল। রমেশ প্রফুল্লর এই কার্যের তীব্র প্রতিবাদ করিল, প্রফুল্ল ইহা শুনিয়া না, যাদব তাহার শুক্রবায় সারিয়া উঠিতেছে দেখিয়া সে নিধাতন ভ্রক্ষেপ করিল না। স্বামীর দুর্ঘটি হইয়াছে দেখিয়া প্রফুল্ল অশ্রু ব্যথিত হইয়াছিল, কিন্তু মুখ ফুটিয়া স্বামীকে তিরস্কারসূচক কিছুই বলিল না; স্বামীর কৃতকার্যের প্রতীকারের জন্ত নীরবে প্রয়াস পাইয়াছিল মাত্র,—ইহাতে তাহার আড়ম্বরের লেশমাত্র ছিল না। অন্তের মুখের নিন্দাবাদ হইতেও সে দূরে দূরে থাকিত। এত গুণবতী হইয়াও সে স্বামী-সোহাগ হইতে বঞ্চিত ছিল, কিন্তু ভ্রমেও পতির নিন্দাবাদ করে নাই। সে সতীর স্মরণ পতিনিন্দাকে বিষবৎ পরিত্যাগ করিত। মদন পাগলা পারাভ্রম্ম আনিয়া দিলে প্রফুল্ল যাদবকে তাহা খাওয়াইল, যাদব স্তম্ভ হইয়া উঠিল। ষড়যন্ত্র ব্যর্থ হইয়াছে দেখিয়া রমেশ প্রফুল্লর উপর ক্রোধে অগ্নিশর্মা হইয়া উঠিল, তাহার গলা টিপিয়া ধরিল; প্রফুল্ল স্বামীর হস্তেই স্বামীর চরণ দর্শন করিতে করিতে প্রাণত্যাগ করিল। মৃত্যুকালে সে আর্তকণ্ঠে বলিয়াছিল, “তুমি স্বামী, তোমার নিন্দা ক’রবোনা, জগদীশ্বর করুন ঘেনু আমার মৃত্যুতে তোমার পাপের প্রায়শ্চিত্ত হয়। তুমি বড় অভাগা, সংসারে কাউকে কখন আপনার করনি। আমার মৃত্যুকালে প্রার্থনা—জগদীশ্বর তোমায় মার্জনা করুন।” রমেশ কুকর্মের বিপরীত ফল পাইল; সে রাজদ্বারে নিগৃহীত হইল। প্রফুল্লকে কিন্তু স্বামীর এই শোচনীয় পরিণাম দেখিয়া যাইতে হয় নাই।

এইরূপ কত শত প্রফুল্ল মরমে মরিয়া অমূল্য জীবনকে অকালে কালের কবলে ডালি দিতেছে,—কত আদর্শ সতী স্বামী-কর্তৃক উপেক্ষিত।

ও নির্ধ্যাতিতা হইতেছে তাহার ইয়ত্তা নাই। জায় পুরুষাধম আত্মসংশোধন করিবে, ততদিন এই, অনাদর ও নির্ধ্যাতনের ফলে বাংলায় বাংলার উন্নতির আশা স্বপ্নেই পর্যাবসিত থাকিবে; অলক্ষীর ছায়া পড়িয়াছে,—বাংলার গৃহী অস্তহিত কখনও বাস্তবে পরিণত হইবে না;—সতীলক্ষীর হইতে বসিয়াছে। যতদিন পর্যন্ত না রমেশের মর্মান্তিক অভিশাপ ব্যর্থ হইবার নয়।

## বঙ্গবধু

শ্রীফটিকচন্দ্র বন্দ্যোপাধ্যায় ।

নমি গৃহ-দেবী বঙ্গের বধু  
আধো ঘোমটায় লক্ষা ভার,  
রাঙা শাড়ী আর সিঁদুর বিন্দু  
শাঁখের কাঁকন সজ্জা যার ।  
কোমল পরশে করিয়াছ সাঁঝা  
গৃহ অগ্নিদ শান্তিময়,  
শান্ত স্নিগ্ধ মধুর আলাপে  
কর সদা দেহ-শ্রান্তি জয় ।

অচলা করেছ লক্ষীরে তুমি  
গেহে, মধুময়ী স্বর্ণ-প্রাণ,  
অন্নপূর্ণা রূপে ঘরে ঘরে  
কর কুধাতুরে অন্ন দান ।  
প্রভাতে শুভ্র-বসনা হইয়া  
রত হও দেব-অর্চনায়,  
শুচিতায় ধায় ভরিয়া হৃদয়  
তোমার মন্ত্র-মূর্ছনায় ।

তোমার কক্ষ-কলস-বারিতে  
গেহতল সদা সিক্ত রয়,  
স্বরগ হইতে দেবতা-আশীষ  
আঙিনায় তব বরে সদাই ।

তুলসীতলায় জ্বলেছ যে দীপ  
জ্বলেছে তাহাতে লক্ষ ঝাড়,  
আলিম্পনের চিত্র-ভূষণে  
শোভে অতুলন করু যার ।

অফুরান দয়া, প্রীতির কুসুম  
ফুটে আছে তব চিত্তময়,  
ছুয়ারে আসিয়া ভিখারী তোমার -  
মুষ্টিভিক্ষা নিত্য পায় ।  
পিপাসার্তের কাতর কণ্ঠ  
তব নীর-ক্ষীরে সিক্ত হয়  
ভারে ভারে স্নেহ করি বিতরণ  
হৃদয় কখন রিক্ত নয় ।

ভুবন ভুলান' হাসিতে তোমার  
করেছ হৃদয় দীপ্তিমান,  
সোহাগে সেবায় চির অকাতরে  
করেছ সকলে তৃপ্তি দান ।  
কলরোলে' শিশু তব ক্রোড়দেশে  
হেরি বর্শোদার অন্ন সাজ,  
দেব-অন্ননা সম বিরাজিছ  
ওগো স্নেহময়ী বদে আজ ।

## প্রত্যয়ত

( উপন্যাস )

শ্রীমতী প্রভাবতী দেবী সরস্বতী ।

[ পূর্ব প্রকাশিতের পর ]

( ১ )

হেমলতা তখন অসীমের জন্ম খাবাব তৈয়ারী করিতে বসিয়াছিলেন, দাসী তাঁহার সাহায্য করিতেছিল। এই দাসীটি হেমলতার বড় প্রিয়পাত্রী। দেখিতে সে খুব ভালমামুষ ছিল, যেন সে কিছুই লক্ষ্য করে না, কিন্তু প্রকৃতপক্ষে সে সেরূপ ছিল না। সকল দিকেই তাহার লক্ষ্য তীব্র ছিল; খুব ছোট একটা ঘটনাও তাহার চক্ষু এড়াইয়া যাইতে পারিত না। সে যেখানে যাহা দেখিত, শুনিত তাহা তৎক্ষণাৎ আসিয়া হেমলতাকে জানাইত।

সেদিনকার রাত্রিতে যে সেবিকা ছাদে গিয়াছিল তাহা দাসীর চোখ এড়াইতে পারে নাই। দুর্ভাগ্যেই সে তখন আহায়ে বসিয়াছিল বলিয়া তাহাদের কোনও কথা শুনিতে পায় নাই। এক একজন লোক এমনই থাকে বটে, যাহারা পরের কথা গোপনে শুনিয়া হৃদয়ে অতুল আনন্দ অনুভব করে। অনেক ভক্ত মহিলার মধ্যেও এ ব্যাধিটা দেখা যায়; তাহারা ইহাকে অত্যন্ত দোষাবহ বলিয়া জানেন, তথাপি ত্যাগ করিতে পারেন না। দাসী যখন তাড়াতাড়ি খাওয়া শেষ করিয়া উপরে উঠিবার উদ্ভোগ করিতেছিল, সেই সময় অঞ্চলে চোখ মুছিতে মুছিতে সেবিকা নামিয়া আসিতেছিল। খাপারটা যে বৈকালের মতই একটা কিছু হইয়াছিল, তাহা দাসী বেশ বুঝিল। দেখা বা শোনা যে হইবে না ইহার জন্ম সে বড় দুঃখীতও হইয়াছিল।

আজ কর্তী ও দাসীতে সেইদিনকার রাত্রির কথাই হইতেছিল। বাহিরে আকাশ তখন ঘোর মেঘাচ্ছন্ন। আজ অষ্টমী পূজা, সকাল হইতে টিপ্ টিপ্ করিয়া অনবরতই বৃষ্টি পড়িতেছে।

দাসী লুচি কয়খানা গড়িয়া দিয়া মুখটা একটু ভারি করিয়া বলিল “ঘাই বলুন মা, বৌমার এসে লুচিটা গড়িয়ে দেওয়াও তো উচিত। সেদিন ছোটবাবু অমন করলেন বলে এরকম করে থাকা তাঁর ভারি অস্বাভাবিক। সত্যিই তো, পুরুষ ছেলে কাজ করে আসবে যখন তখন যদি তার দিকে একটু না চাওয়া যায়, সে রাগ করবেই তো।”

হেমলতা তখন ঘুমে একখানা লুচি ছাড়িয়া দিয়া খুস্তি দিয়া সেটা চাপিতে চাপিতে বলিলেন “ও মেয়ের কথাই আলাদা। সাথে আর আমি দেখতে পারি নে ওকে? স্বভাবের আদর পেয়ে মাটিতে পা আর পড়ে না! দেখেছিস কি, আমার সঙ্গে পর্যন্ত আর ভাল করে কথা বলে না সেদিন থেকে। কাছে আর আসা হয় না, নিজের ঘরটাতে বসে পেঁচার মত কি ভাবছে কেবল ওই জানে।”

হঠাৎ পিছনে পায়ের শব্দ শুনিয়া দাসী মুখ ফিরাইয়া দেখিল সেবিকা। অপ্রতীত ভাবে সে বলিয়া উঠিল “এই যে, বউমার নাম করতে করতেই বউমা এসেছেন। অনেককাল বাঁচবেন। আহা,

তাই বাঁচুন, পাকা চূলে সিঁহুর পকুন, দশটা লোকে নাম ফক্ক ।”

সেবিকা তাহার দিকে সিরিয়াও চাহিল না। সে যেন কি বলিবে ভাবিয়া আসিয়াছে এমনি মুখখানা করিয়া দেয়ালে ঠেস দিয়া দাঁড়াইল।

দাসী বলিল “ও দেয়ালে ঠেস দিও না বউমা। দেখছ না কালি যে কি হয়ে আছে, ওই সব কালি তোমার কাপড়ে গায়ে লেগে যাবেখন; এই পিঁড়িখানায় বস ।”

সেবিকা নড়িল না।

হেমলতা আপন মনে আরও বেশী করিয়া তাহাকে দেখাইবার জন্তই লুচি খুব ফুলাইয়া ভাজিয়া তুলিতে লাগিলেন। তাহার পর খানকতক কচুরীও ভাজা হইয়া গেল। সেবিকা শূণ্য নয়নে চাহিয়া চাহিয়া দেখিতে লাগিল তাহার কাজ কে করিতেছে। এমনই করিয়া সকল কাজই তাহার হাত হইতে-খসিয়া পড়িতেছে। শুধু শূণ্যতা লইয়া সে বাঁচিয়া থাকে কি করিয়া ?

শুধু ডিমের ডালনাটা তখনও বাকী ছিল। হেমলতা এতক্ষণে মুখ তুলিবার অবকাশ পাইলেন, কথাও এতক্ষণে তাঁহার মুখে ফুটিল। সেবিকার পানে চাহিয়া বলিলেন “কোনও কথা আছে নাকি ?”

সেবিকা মাথা নাড়িয়া জানাইল “আছে।”

হেমলতা অন্তরে বিরক্ত হইয়া উঠিয়াছিলেন, বলিলেন, “কথা যা বলবার থাকে বলে ফেল না কেন ? আমার এখনো ঢের কাজ আছে। ডালনাটা তৈরী করে অসীমকে আর ঠুকে খাওয়াতে হবে, চা করতে হবে।”

সেবিকা বলিল “তবে এখন থাক, অল্প সময় ধ’লবখন ।”

হেমলতার কোঁড়ুহল হইয়াছিল, তথাপি আত্ম-মৰ্যাদা বজায় রাখিবার জন্ত জোর করিয়া বলিলেন। “তাই বোলো, এখন আমার মোটেই সময় নেই। বায়ুন ঠাকরণও ঠিক এমনি সময়ে জর করে বসল। পায়াও যায় না বাপু এত খাটুনী খাটতে।

অল্প কেউ হলে শর্মা কি উঠতেন ? নেহাৎ কেবল স্বামী আর ছেলে, তাই এসেছি। মরে মরেও এ কাজ আগে করে দেওয়া চাই।”

কথা শেষ করিয়া তিনি কড়া চড়াইয়া খানিকটা তৈল ঢালিয়া দিলেন।

তাঁহার এ অপূর্ব পতিভক্তি ও পুত্রস্নেহ সেবিকাকে অশ্রুভাবে স্পর্শ করিল। তিনি যথার্থই তাহাকে জ্বালাইবার জন্ত এ কথা বলিয়াছিলেন। সেবিকা ঘাইবার জন্ত পা বাড়াইয়াছিল, এ কথা গুলি শুনিয়া আর গেল না, আবার দাঁড়াইল।

ডালনাটা চড়াইয়া দিয়া হেমলতা দাসীকে কি বলিবার জন্ত ফিরিতেই সেবিকাকে দেখিতে পাইলেন। ক্র কুণ্ঠিত করিয়া তিনি বলিলেন “যা কথা বলবার আছে বল না কেন বাপু ? এখনি আবার ওরা খেতে আসবে।”

সেবিকা মুহূর্ত্তে বলিল “আমি এখানে থাকব না, তাই বলতে এসেছি।”

হেমলতা বলিলেন “এখানে থাকবে না, যাবে কোথায় ? বাপ তো নেই, এক তো বিধব মা, সেই থাকে ভাইয়ের বাড়ী। কাকা আছে সৈদাবাদে, সেও তেমনি লোক। বার শ’ জন্মে ভাইবিরু খোজ নেয় না এমনি তো গুণের কাকা ! মদ খাচ্ছে আর যা মাইনে পাচ্ছে উড়াচ্ছে ! থাকবে কোথায়, ভার নেবে কে তোমধর ?”

সেবিকা চূপ করিয়া রহিল, খানিক পরে মুখ তুলিয়া বলিল সে আমি ঠিক করেছি।”

মুখখানা খুব গম্ভীর করিয়া হেমলতা বলিলেন “ঠিক করে থাক ভালই। সে জন্তে আর আমাকে বলতে আসা কেন তবে ? এখন নিজেরা লায়ক হয়েছ, আমাদের মতের কিছু তো দরকার দেখি নে। যা খুসি তোমার কর গে যাও।”

সেবিকা বলিল “আমি শুধু সে কথা বলতে আসি নি।”

হেমলতা বিরক্ত হইয়া বলিলেন “তবে আবার কি বলবে ?”



একটু চুপ করিয়া থাকিয়া সেবিকা বলিল  
“আপনার ছেলের বিষের কথা বলতে এসেছি।”

হেমলতা বিস্ময়ে বলিয়া উঠিলেন “কার?”

সেবিকা বলিল “আপনার ছেলের।”

হেমলতা বলিলেন “অসীমের?”

সেবিকা বলিল “হ্যাঁ।”

হেমলতা তাহার পানে ই করিয়া চাহিয়া থাকিলেন; কিছুক্ষণ পরে বলিলেন “তুমি বললেই সে যে বিষে করবে এমন কোনও মানে নেই।”

সেবিকা বলিল “মানে যথেষ্ট আছে মা। তিনি রাজি হয়েছেন, পাত্রী ঠিকই রয়েছে। আপনি এখন যদি একটু চেষ্টা করেন এই অল্পাণ মাসেই তাহলে বিষেটা হয়ে যায়।”

হেমলতা বিস্ময়ে কিছুক্ষণ কথা কহিতে পারিলেন না; তাহার পর বলিলেন “সত্যি কথা বলছ, না ঠাট্টা করছ?”

সেবিকা ক্রুদ্ধ কণ্ঠে বলিল “আপনি মা, আপনার সঙ্গে ঠাট্টা করতে পারি আমি? আপনি আপনার ছেলেকে জিজ্ঞাসা করলেই তো সব কথা জানতে পারবেন মা। আমার কথা যদি বলতে চান আমি সম্পূর্ণ মত দিচ্ছি এতটুকু। আপনি সব ঠিক করুন।”

হেমলতা মুখ ধান্ডা ভার করিয়া বলিলেন “তোমাদের কথা তোমরাই জাননা বাছা। আমরা বলছি বলতে অসীমকে,—বেশ বলব, তাতে আর কি?”

সেবিকা চলিয়া গেল।

অসীম বাহিরের গৃহের বারাণ্ডা হইতে দাসীকে ডাকিয়া বলিল “চা হয়েছে কি? যদি হয়ে থাকে বাবাকে এখানে দিয়ে যাও, আমি ওখানে গিয়ে খেয়ে আসছি।”

হেমলতা অসীমকে ডাকিয়া বলিলেন “একটা কথা শুনে যাও অসীম। কি চা নিয়ে যাচ্ছে, লুচি তরকারী গুলো নিয়ে যাবে কে তাই ভাবছি।”

অসীম ঘরে প্রবেশ করিতে করিতে হাসিয়া বলিল “অত বাছবিচার করতে গেলে ছলে না মা।

বাজারের তৈরী জিনিষ গুলো, হোটেলের খাবার যারা খেতে পারে তারা সকলের হাতেই থাকার। অজ্ঞকালকার দিনে জাতের বিচার করা চলবে না। ছুদিন বাদে হয় তো এমন সময় আসবে যেদিন হিন্দু মুসলমান একই লাইনে বসে থাকবে। কি তো জাতে কৈবর্ত, ওতো তবু পদে আছে।”

হেমলতা বলিলেন “হ্যাঁ, তোমার যেমন কথা। হিন্দু মুসলমান এরা আবার এক লাইনে থাকবে! তার চেয়ে বলনা কেন সবই মুসলমান হবে?”

অসীম বলিল “না মা, মুসলমান হবে কেন? যদি আমরা মানুষ হতে চাই তবে জাতির পার্থক্য, জাতির অহঙ্কার আমাদের বিসর্জন দিতেই হবে। ভারতের আর সে দিন নেই মা। বাড়ীর মধ্যে বসে আছি, বাইরের কথা কিছু জানতে পারছি না। বাইরে এদিকে খুব গণ্ডগোল চলছে। ভারতের আকাশ এতদিন অহঙ্কার হয়ে ছিল, আলো কাকে বলে তা কেউ জানতে পারিনি। এবার একটু আলো ভেসে এসেছে। আমরা এখন সব বাধা বিপদ ঠেলে সেই আলোর রাজ্যটা লুট করতে যাব। যাদের ঘৃণা করে এতদিন দূরে রেখেছি আজ আমরা দেখছি তারা ঘৃণার পাত্র নয়, তারাও আমাদের ভাই। তোমাদেরও এমন করে ঘরে বসে থাকা চলবে না মা।”

হেমলতা সশব্দে বলিলেন “আমাদের আবার কি করতে হবে; তোমরা ফৌজ হয়ে যুদ্ধ করতে যাবে, আমরা হাতিয়ার হয়ে যাব নাকি?”

অসীম তাহার ভাব দেখিয়া ও কথা শুনিয়া হাসিয়া ফেলিল, বলিল “তোমাদেরও এবার বেকরতে হবে যে। আমরা শুধু বাড়ীর মধ্যে তোমাদের পাব, যেখানে প্রকৃত কার্যক্ষেত্র সেখানে পাব না, তা হবে না। সেখানেই তোমাদের প্রকৃত পরীক্ষা হবে। দেখব সেখানে তোমরা আমাদের ঠিক চালাতে পার কিনা। এতে তোমাদেরও ভাল হবে, সমস্ত জগৎটাকে চিনতে পারবে, সব কথা জানতে পারবে।”

হেমলতা মুখ ঘুরাইয়া বলিলেন “দরকার নেই বাবা, এই আমার ভাল। বেশ থাকি আমরা এই বাড়ীর মধ্যে, তোমরা ওঠো, জাত বিচার না মান কোনও ক্ষতি নেই, আমাদের সংসার নিয়ে আমরা এর মধ্যে থাকি। এখন খাবারগুলো যে জুড়িয়ে গেল তার উপায় কি করি? কি না হয় ডেকে আনুক না এখানে।”

অসীম বলিল “না না, বুড়োমানুষ আবার এই বৃষ্টিতে ভিজবেন কেন? দাও না তুমি ঝির হাতে, ও নিয়ে যাক সব।”

হেমলতা তবু বলিতে গেলেন “তরকারী।”

অসীম বলিয়া উঠিল “আঃ, কি যে ওই সংসারগুলো তোমাদের মোটে আমি বুঝতে পারিনে। দাও বলছি ওর হাতে। ভারী তো জাত তার আবার অভিমান। তোমাদের জন্তেই যে আমাদের পতন, এ কথা ঠিক! কেবল কুসংসার ভিন্ন তোমাদের আর কিছু যদি থাকে! হাজার লেখাপড়া শেখ, তবু ওগুলো ছাড়তে পারনা কেন?”

অনিচ্ছার সহিত হেমলতা দাসীর পানে চাহিয়া বলিলেন “তবে তুই-ই নিষে যা।”

সে আপত্তির কথা উত্থাপন করিতে না করিতে অসীম তাহাকে একটা তাড়া দিয়া উঠিল। ভয়ে সে আর কথা কহিতে পারিল না, সবগুলি লইয়া চলিয়া গেল।

হেমলতা অসীমের সম্মুখে চা ও খাবার দিয়া বলিলেন “সে সব যাকগে চুলোয়, আমি এখন একটা কথা জিজ্ঞাসা করছি তোমায়, কথাটা কি সত্যি?”

অসীম এক নিশ্বাসে চায়ের কাপ খালি করিয়া ফেলিয়া লুচি ভাঙিতে ভাঙিতে বলিল “কি?”

হেমলতা বলিলেন “তুমি নাকি আবার বিয়ে করতে চাও?”

অসীমের মুখখানা সাদা হইয়া গেল। একটা ঢোক গিলিয়া সে বলিল “কে বললে?”

হেমলতা বলিলেন “শুনতে পেলুম।”

অসীম ঠিক আনিয়া লইল সেবিকা বলিয়া গিয়াছে। উঃ এতদূর! সে বিবাহবন্ধন ছিন্ন করিয়া ফেলিবার জন্ত এতদূর ব্যগ্র হইয়া উঠিয়াছে!

কোনও উত্তর না দিয়া সে লুচি মুখে দিয়া চিবাইতে লাগিল, মনটা অত্যন্ত তিক্ত হইয়া গেল বলিয়া কোন খাবারই ভাল লাগিল না।

আধ খাওয়া করিয়া সে উঠিতেছে দেখিয়া হেমলতা বলিলেন “ওকি, খাবার সব পুড়ে রইল যে?”

মান হাসি হাসিয়া অসীম বলিল “চা খেয়ে আজ পেট ভরেছে। দেখ নতুন মা, তোমার কথাটার উত্তর দিতে ভুলে গেছি, সত্যিই আমি বিয়ে করব। অন্ত্রাণ মাসের একটা দিন দেখে রেখ, দরকার হয় আমিও দেখতে পারি। আমি পুরুষ, আমার সমাজের সামনে আবার বিয়ে করবার অধিকার আছে। সমাজ এতে ‘না’ বলতে পারবে না।”

কথাটা শেষ করিয়াই সে গাড়াগাড়া বাহিরে চলিয়া গেল। হেমলতা হাঁ করিয়া চাহিয়া রহিলেন।

খানিক পরে দাসী বাসন আনিয়া উঠানে ফেলিয়া রন্ধন গৃহে আসিল। হেমলতাকে তদবস্থায় দেখিয়া সে বলিল “কি হয়েছে মা?”

হেমলতা নিজের চিন্তা লুকাইয়া বলিলেন “না, কিছু নয়।”

দাসী বলিল “বউমার কথা বলেছিলেন?”

হেমলতা বলিলেন “বলেছিলুম, দেখছি অসীম বিয়েতে রাজি। এতে আমি খুসিই হয়েছি। কিন্তু তবু যে কেন এক একবার বুকের মধ্যে একটা অজানা ব্যথা বেজে উঠছে জানি নে।”

(ক্রমশঃ)

## নারী-নির্যাতন

ডাক্তার আর সেনগুপ্ত এম্-ডি, এফ-আর এইচ-এস, এম্-আর-এস ( লণ্ডন ) ।

সংবাদপত্রে হিন্দুযুবতী-হরণের ঘটনাবলী উপস্থাপিত পাঠ করিয়া বিস্মিত ও স্তম্ভিত হইতেছি। আমরা, পল্লীগামকে সর্ববিধে শাস্তিপ্রদ বলিয়া মনে করিতাম। স্বহস্তা, গাঙ্গীর মত :—‘পল্লীগামের স্থখসাজ্জন্মের উপর দেশের স্থখসাজ্জন্ম নির্ভর করে।’ বর্তমান হিন্দু-মুসলমান মিলনের দিনে পল্লীগামের ঐরূপ বিভৎস ব্যাপার কতদূর ঘৃণিত ও লজ্জাকর তাহা সহজেই অনুমেয়। এই ব্যাপারে আমাদের দেশের নেতাদিগের কোন সাড়া পাওয়া যাইতেছে না কেন? তাঁহারা কি ইহাকে দেশের কাজের মধ্যে মনে করেন না? আমাদের মাতা ভগ্নী প্রভৃতির রক্ষাকার্য্য কি দেশের কাজের অন্তর্গত নহে? আশা করি তাঁহারা শীঘ্রই এবিষয়ে মনোযোগী হইয়া প্রকৃত দেশসেবকের পরিচয় দিবেন এবং নারী-নিগ্রহের বাবতীয় ব্যাপারের প্রতিকার-কল্পে বধাবধ চেষ্টা ও সাহায্য করিয়া মাতা ভগ্নী প্রভৃতির ইচ্ছা সম্মান রক্ষা করিবেন। বলা বাহুল্য যে শুধু দুর্কৃত্তদিগের কবল হইতে নিগৃহিতা নারীর উদ্ধার সাধন এবং দুর্কৃত্তদিগের শাসনশাস্ত দমনের প্রতিবিধান করিয়াই, কান্ত হইলে চলিবে না, বাহাতে সরলা, সচ্চরিত্রা, নিপীড়িতা নারীকে পুনরায় সমাজে গ্রহণ করা হয় তাহার সুব্যবস্থা করিতে হইবে। আমাদের দুর্কৃত্ততা প্রযুক্ত আমরা, আমাদের মাতা ভগ্নী প্রভৃতিতে রক্ষা করিতে পারিতেছি না বলিয়া কোথায় দুঃখিত ও লজ্জিত হইব এবং তাহাদিগকে দুর্কৃত্তদিগের হাত হইতে উদ্ধার করিয়া হারানিধি লাভ করিয়া কোথায় আনন্দে আধীর হইয়া তাহাদিগকে গ্রহণ করিব, তা’ না করিয়া আমাদের অপরাধে তাহাদিগকেই অপরাধী করিতেছি,—আমাদের একমতের জন্তে তাহারা নির্যাতিতা ও লাঞ্চিতা হইয়া সমাজ পরিত্যক্ত বা অস্পৃশ্য হইতেছে। ইহা হইতে ঘৃণা, লজ্জা ও দুঃখের বিষয় আর কি হইতে পারে? আমার মতে যদি সমাজচ্যুত হইতে হয়,

আমাদিগেরই হওয়া উচিত কারণ আমরা পাবণ দুর্কৃত্তদিগের হাত হইতে আমাদের মাতা ভগ্নীকে রক্ষা করিতে পারিতেছি না। তাহারা আমাদের সম্মুখ হইতে আমাদের মাতা ভগ্নী প্রভৃতিতে ছিনাইয়া লইয়া যাইতেছে সুতরাং এই পাপের প্রায়শ্চিত্ত, এই দুর্কৃত্ততা ও একমতের শাস্তি আমাদেরই ভোগ করা উচিত। সচ্চরিত্রা, নিপীড়িতা নারীকে পুনরায় সমাজে স্থান দিলে এক পক্ষে যেমন সত্য, ধর্ম ও শ্রায়ের মর্যাদা রক্ষা করা হয়, অপর পক্ষে তেমনই পাবণদিগের ভবিষ্যৎ অত্যাচার হইতে তাহাদিগকে সুরক্ষিত রাখা হয়; কারণ নির্যাতিতা নারীদিগকে সমাজে স্থান দিলে তাহারা অনভ্যুপায় হইয়া জীবিকা নির্বাহের জন্ত অসংপথ অবলম্বন করিতে বাধ্য হইবে এমন কি তাহারা, যে দুর্কৃত্তদিগের হাতে লাঞ্চিতা হইয়াছে আমাদের ঘৃণা ও অবহেলার দোষে পুনরায় তাহারা সেই পাবণদিগেরই করতলগত হইবে; সুতরাং ইহা অপেক্ষা দুঃখের, ইহা অপেক্ষা কোভের এবং ইহা অপেক্ষা লজ্জা ও ঘৃণার বিষয় জগতে আর কি আছে? যদি আমাদের দুর্কৃত্ততা ও একমতের জন্ত কঠোর শাস্তি তাহাদিগকে ভোগ করিতেই হয়,— যদি তাহাদিগকে সরল, নির্দোষ ও সচ্চরিত্রা জানিয়াও ত্যাগ করিতে হয়, তাহা হইলে তাহাদিগের উদ্ধার সাধনের প্রকৃত চেষ্টার প্রয়োজন কি? যদি তাহাদিগকে পতিতা ও সমাজচ্যুতা হইতেই হয়, তাহা হইলে তাহাদিগকে পাবণদিগের হাতেই লাঞ্চিতা হইতে দাও, তাহারা মরুক, তাহারা আমাদের দুর্কৃত্ততা ও একমতের কঠোর শাস্তি ভোগ করুক।—বৃথা মারাকারী করিয়া শত্রু হাসাইয়া, মিত্র কাঁদাইয়া নির্যাতিতা ও লাঞ্চিতা নারীকে উদ্ধার করিয়া পুনরায় পাবণদিগের কবলে কেবলিয়া দিয়া তাহাদিগের বিপণ অভিশম্পাত লইবার প্রয়োজন কি আছে?

# বিহুলা

শ্রীমতী সুধাহাসিনী রায় ।

বিহুলা একজন ক্ষত্রিয়কুলসমৃদ্ধা, তেজঃস্বিনী, ক্ষত্রধর্মনিরতা এবং বহু শাস্ত্রাভিজ্ঞা রমণী ছিলেন ।

এই তেজঃস্বিনী রমণী স্বীয় ভোগবিলাসী পুত্র সঞ্জয়কে নানাপ্রকার কঠোর বাক্যে উত্তেজিত করিয়া যুদ্ধে পাঠাইয়া মাতৃদেহের এক অপূর্ণ কীর্তি রাখিয়া গিয়াছেন । তিনি একদিন পুত্র সঞ্জয়কে শত্রুহস্তে পরাজিত এবং শায়িত দেখিয়া কহিলেন "কাপুরুষ, গাত্রোখান কর, পরাজিত, হইয়া শত্রুগণের হর্ষ ও মিত্রগণের শোকবর্দ্ধন পূর্বক শয়ান থাকিও না । কু নদী অল্প জলে পরিপূর্ণ হয়, মুষিকের অঞ্জলি অল্প জব্যে পূর্ণ হয় এবং কাপুরুষ অল্পমাত্র লাভেই সন্তুষ্ট হইয়া থাকে । হে অধম ! কি নিমিত্ত বজ্রাহত মৃতের শ্রায় শয়ান রহিয়াছ ? গাত্রোখান কর ; শত্রু হস্তে পরাজিত হইয়া নিদ্রিত হইও না ।- তুমি অসঙ্গত না হইয়া স্বকর্ম দ্বারা বিখ্যাত হও ; তিস্তুকার্ঠের অলাতের শ্রায় মুহূর্ত্ত মধ্যে প্রজ্জলিত হও, তুবাগ্নির শ্রায় চিরকাল ধূমায়িত হইও না ; চিরকাল ধূমায়িত হওয়া অপেক্ষা ক্ষণকাল প্রজ্জলিত হওয়া শ্রেয়ঃ । হে পুত্র ! স্বীয় প্রভাব উদ্ভাবনে প্রবৃত্ত হও, নচেৎ প্রাণত্যাগ কর ; ধর্ম্মে-পরিত্যক্ত হইয়া জীবিত থাকিবার কিছু

মাত্র আবশ্যক নাই । হে ক্লীব ! তোমার কীর্তিসকল বিলুপ্ত হইয়াছে, ভোগ-মূল রাজ্যধন বিচ্ছিন্ন হইয়াছে, তবে আর কি নিমিত্ত বৃথা জীবন ধারণ করিতেছ ? বুদ্ধিমান ব্যক্তি আপনার পতনসময়েও শত্রুর শির গ্রহণ পূর্বক তাহার সহিত নিপতিত হয় ; ছিন্নমূল হইলেও কদাপি উন্মোদ্যম হয় না । এই কুল তোমার দোষেই নিমগ্ন-প্রায় হইয়াছে, অতএব তুমি ইহার উদ্ধার কর ।

"যে ব্যক্তি অধ্যয়ন, তপস্যা, বিক্রম প্রভৃতি দ্বারা অন্তকে পরাভব করিতে সমর্থ হয়, সেই যথার্থ পুরুষ । হে পুত্র ! মূর্খের শ্রায়, কাপুরুষের ন্যায়, হুঃখজনক ভিক্ষাবৃত্তি অবলম্বন করা তোমার কদাপি বিধেয় নহে ; শত্রুগণ যে ব্যক্তিকে তাচ্ছিল্য করে এবং যে ব্যক্তি হীনবীর্য ও নীচাশ্রয়, বন্ধুগণ তাহাকে প্রাপ্ত হইয়া কখনই সুখী হয় না ।"

বিহুলানন্দন সঞ্জয় জননী বাক্যে উত্তেজিত হইয়া সুশিক্ষিত অশ্বের ন্যায় তাঁহার বাসনামুরূপ সমুদায় কার্য সম্পাদন করিলেন ।

পাণ্ডব-জননী কুন্তী বিহুলার এই জলন্ত দৃষ্টান্ত দ্বারা যুধিষ্ঠিরকে নষ্টরাজ্য উদ্ধার সাধনে উৎসাহিত করিয়াছিলেন ।

## বাগ্‌দেবীর প্রতি

শ্রীকালিদাস রায় বি-এ, কবিশেখর ।

আশৈশব জননী গো পুত্রিহু শ্রীপদ  
আবালা সেবার অর্ঘ্য করিহু রচনা,  
তাই কি না এই দণ্ড এহেন বিপদ ?  
একি দিবে উজ্জ্বল তুই করিলি বধনা !  
যক্ষরক্ষোগণ মাঝে করিলি প্রেরণ,  
অমর্কের বৃষ্টি মোর শিরে করি দান,  
পাঠালি সেবিত্তে নর-বাহন চরণ,

পাঠাইলি 'ঘটোৎকোচে' শুনাইতে গান ?  
বারাণসী অন্নসত্ত্রে ভিক্ষা মেগে খাব',  
বৈশালীর পথে হর্ষ শকট চালক,  
বৃন্দাবনে মাধুকরী করিয়া বেড়াবো,  
নবদ্বীপধামে হব গোধন-পালক ।  
পাতালেও যেতে রাখী জানী গুণী সহ,  
নরকে প্রভূষ মোর হয়েছে চূর্ব্বহ ।

# আতুরী

( গল্প )

শ্রীশ্রীপতিমোহন ঘোষ ।

( ১ )

পূজার অনেক আগেই আতুরী তাহার বাপের বাড়ী আসিত। আজ পাঁচ সাত বৎসর তাহার বিবাহ হইতে চলিয়াছে, কোন বৎসর এ নিয়মের ব্যতিক্রম হয় নাই। লোকে বলিত আতুরী নহিলে তাহার বাপের বাড়ীর গ্রামে পূজাই অচল। আসলে তাহার বাপের বাড়ীতে পূজাই হইত না, একখানি বারোয়ারীর ঠাকুর আসিত তাহাতে আতুরীর বাপের কিছু টাকা দেওয়া ছিল মাত্র, আর চণ্ডীমণ্ডপটাও ছিল আতুরীদের বাড়ীর ঠিক লাগোয়া। আগে খুব ধুমধামের সহিত পূজা হইত, কাঙালী ভোজন, যাত্রা গান, কথকতা কত কি হইত, এখন সে সবের কোন বীজ্য নাই। নানা-প্রকার দলাদলি ও মামলা মোকদ্দমায় প্রতিবেশীদের পরস্পর মুখ দেখাদেখি পর্য্যন্ত বন্ধ, নেহাৎ ব্রাহ্মণ পুরোহিতের উপরোধ অনুরোধে ও কয়েকটি সেকলে বিধবার নিতান্ত নির্বন্ধাতিশয়ে কোন প্রকারে মায়ের পায়ে পুষ্পাঞ্জলি দেওয়া হয় মাত্র। গ্রামে ঐ একখানি মাত্র পূজা, বড় লোক ছুই এক ঘর আছেন বটে কিন্তু তাহাদের হাতে কোন প্রবৃত্তি নাই।

যাই হোক পূজার পূর্বে আশ্বিনের প্রথমেই আতুরী তাহার বাপের বাড়ী আসিয়াছে। ছেলেবেলায় সে যেমন ফুল তুলিত ছেলের মায়ের বয়স লইয়া এখনও তেমনি সে ফুল তুলিতে বাহির হইত। একখানি চেলির সাড়ী পরিয়া সমস্ত সকালবেলাটা সাড়া পাড়াখানির 'বাড়ী বাড়ী ঘুরিয়া আসিত। কোথাও বা দাঁড়াইয়া দাঁড়াইয়া ছন্দও গল্প করিত, কোথাও বা সে নিম্ন হইতে পড়শীদের খুড়ী ভেঁটা প্রভৃতি সম্বোধন করিয়া সকলকার কুশল সংবাদ লইত।

ছোটলোকদের বাড়ীর ছুয়ারে দাঁড়াইয়া তাহাদেরও ছোট ছোট স্বখচ্ছের খবর লইতে সে বিন্দুমাত্র ইতস্ততঃ করিত না। সমস্ত গ্রামখানির লোকে তাহাকে নিতান্ত আপনার বলিয়া দেখিত। সাক্ষ্য দেওয়ার হাকামায় তাহার বাপ ভৈরব আচার্য্যের সহিত অনেকের বিবাদ ছিল কিন্তু তাহার সহিত কাহারো এতটুকু মনের গোল ছিল না। অমন যে ব্রহ্ম জ্বেলেনী, যার কাছ হইতে একটি চিংড়ী মাছ ফাউ লইতে হইলে খরিদারকে কত মারামারি করিতে হয়, আতুরী বাড়ী আসিয়াছে, শুনিতে একসের মাছ তাহার একদিন আতুরীদের বাড়ী দিয়া আসা চাই। সৌরভ গোয়ালিনীও আমরা জানি একবার পুরা একমাসের দুধের দাম ভৈরব আচার্য্যকে ছাড়িয়া দিয়াছিল।

আতুরীর গায়ে গহনা ছিলনা, মাত্র হাতে দুগাছি কলী, গলায় একটা সৰু সোনার হার, তবু ঐ সামান্য গহনাতে তাহাকে কি সুন্দর মানাইত। তাহার স্বামীর উপার্জন খুব কমই ছিল, আতুরীও তাহাতে কিন্তু এতটুকুও অসন্তোষ ছিল না। বলিত—সবারই স্বামীত সমান উপার্জন করতে পারে না। কিন্তু তাহাদের ভালবাসা ছিল একবারে অটুট। সমস্ত পূজার সময়টি আতুরীর স্বামী তাহার দরিদ্র পিতার গৃহে আতিথ্য গ্রহণ করিত এবং আতুরীও ব্রাতারা যাহা খাইত তাহাতেই পরম তৃপ্তির সহিত আতুরী স্বামীকে খাওয়াইয়া ভুক্তাবশেষে নিজের আহারটা সমাধা করিয়া বিশেষ আনন্দ লাভ করিত।

লোকে বলিত আতুরীর চোখে জল কেহ কোনদিন দেখে নাই, হাসি একটু তাহার অধরে লাগিয়াই আছে। তাহার স্বামীও তাই ঠাট্টা করিয়া বলিত—আদর চিরকালই আমার আদর।



( ২ )

সেদিন সকালে ফুল তুলিতে গিয়া আদরিণী শুনিয়া আসিল তাহার সই আসিতেছে। আগামী কলাই সে আসিবে। ছেলেবেলাকার সই, সইএর কথায় তাহার মনটা ভারি স্থখী হইয়া উঠিল। যদিও সে মধ্যশ্রেণী ব্রাহ্মণের কন্যা আর সই তিলি জাতীয় কৃষকের কন্যা, তবু ছেলেবেলা হইতে একত্রে থাকার দরুণ তাহার মনে কোন প্রকার ছোট বড়র রেখাপাত করিতে পারে নাই।

আদর সন্ধ্যাবেলায় ঘরের দাওয়ায় বসিয়া আরও পাঁচটি ভাইভগিনীর সহিত বিশ্রান্তালাপের সময় তাহার মাকে জিজ্ঞাসা করিল—আচ্ছা মা, শুনচি নাকি আমার সইএর একটি ছেলে হয়ছে ?

আদরিণীর মা বলিলেন—তোর আবার সই কে হ'লরে ?

আদরিণী বিস্মিত হইয়া বলিল—এই ক বছরের মধ্যে তুমি আমার সইকেও ভুলে গেলে মা ? সইএর মা তোমায় কত চাল গুড় আলু দিবেছে মনে করে দেখ দেখি।

আদুরীর মায়ের এতকণে ছ'স হইল—তখন সেই অনটনের সময় সই পাতানোর গুপ্ত কাণটাও মনে আসিল। জ্ঞাতিতে তাহারা তখন যতই নিরুপস্থ থাকুক তাহাদের আলু গুড় কি তরী তরকারী মোটেই নিরুপস্থ ছিল না, এবং আদুরীর সইএর মারফত তাহা প্রতিদিনই তাহাদের গৃহে ষথারীতি আসিয়া উপস্থিত হইত। মা বলিলেন—ওহো মনে পড়েছে, তুই অল্পদের কথা বলছিস ? তাই বল। আর বলিসনে মা, তোদের সঙ্গে ত এত ভাব ছিল, অল্প বাবাটা কিনা শেষকালটার আমাদের বিরুদ্ধে আদালতে হলপ প'ড়ে মিথ্যে সাক্ষী দিবে এলো।

আদুরী শুনিয়াছিল অল্প রকম, তাছাড়া এই সাক্ষী দেওয়ার কচকচানীটা হইতে সে দূরে থাকিবারই চেষ্টা করিত। কোনরকমে একটু হানি টানিয়া আনিয়া বলিল—মিথ্যে সাক্ষী দেওয়ার অল্প

তোমাদের মধ্যে গোল করিতে পার কিন্তু আমাদের কি ? আমরা যে সই তেমনি সই-ই আছি।

সেদিন সকাল হইতে না হইতে আদুরী তাহার সইদের বাড়ীর ছয়ারে গিয়া ডাক দিল—সই, ও সই—কবারটা খোল না ভাই।

মুখে হাতে জল না দিয়াই অল্পমা বাহিরে আসিয়া বলিল—কি ভাগিয়া, আজ কার মুখ দেখে উঠলুম। তুমি ভাল আছো ত সই ?

আদুরী একবারে বাড়ীর মধ্যে ঢুকিয়া বলিল—তুই ভাল আছিস ত ভাই ? চ-চ তোর খোকন-মণিকে দেখাবি ভাই।

অল্পমার মাও খোকাকে লইয়া ঘরের বাহিরে আসিতেছিল, আদুরী অল্পমানে এইটি অল্পমার খোকা বুঝিয়া ফুলের সাজটা একবারে ছুঁড়িয়া ফেলিয়া বলিল—হাঁ সই, এইটি তোরা খোকা, না ? বেশ দেখতে হ'য়েছে ত। ওরে খোকা ও খোকা—বলিয়া একবারে অল্পমার মায়ের কোল হইতে এক রকম কাড়িয়া সে, তাকে আপনার কোলে তুলিয়া লইল। আদুরীর মা হাসিয়া বলিল—আ লাগলো মেয়ে, আমাদের সব ছেলের ময়লা লাগা কাপড়, ঠাকুর দেবতার ফুল তুলতে এসেছিলে তুমি—

আদুরী ছেলেটিকে চুমো দিতে দিতে বলিল—ঠাকুরে আর ছেলেতে তফাৎ আছে মনে কর্তে চাও সই-মা ? তা কখনই না।

তাহার ছেলে হয় নাই তাই প্রত্যেক কচি শিশুর পরে তাহার একটা অর্ধহুক টান বাজিত, পরের ছেলে কোলে তুলিয়া আদুরী ভাবিত পরের ছেলের কল্যাণে সে যদি নিশ্চয় ছেলেকে কোনদিন বুকে ধরিতে পায় !

\* \* \* \*

তারপর দুই সইয়ে কত কথা হইল, বিবাহের পর এই তাহাদের প্রথম সাক্ষাৎ স্মরণ্য কথা আর ফুরাইতে চাহে না। কার স্বামী কি রোজগার করে, কোথায় থাকে কিছু বাস পড়িল না এবং

কথা কহিতে কহিতে বেলা যে দশটা বাজিয়া গিয়াছিল সেদিকে দুই অনেরই খেয়াল রহিল না ।

অনেকবেলা পর্যন্ত আছুরীকে অল্পপস্থিত দেখিয়া আছুরীর মা মনে করিল আর কিছু নয় আছুরী যে বলিয়াছিল তাহার সইএর কথা, নিশ্চয় সই আসিয়াছে এবং সইএর বাড়ীতে সে খস্মা দিয়া বসিয়া পড়িয়াছে ।

তাঁহাকে অধিক দূর খুঁজিতেও যাইতে হইল না । পড়ণী আতরমণি, ষাঁহার পেশাই হইল পাড়া-বেড়ান এবং পরচর্চা লইয়া দিন কাটান; তিনি কোথা হইতে দুটি পুইভুঁটা পাইয়াছিলেন তাহা আচার্য্য-বাড়ীতে দিতে আসিয়া খবর দিলেন—তুমি একবার দেখে এসো আছুরীর মা, আছুরীর তোমার রকমখানা কি ! কোথাকার তেলীবাড়ীর অল্পপমা, তার একটা হুম্মান বাচ্চার মত ছেলে হয়েছে, সেটাকে নিয়ে কি রকম আছুরীর দুখ-খাওয়ানো, কাজলপড়ানো চলেছে দেখে এসোগে । আমরাও এককালে ছেলেমামুষ ছিলাম কিন্তু এমন খারাটি ত দেখিনি বাবা ! কালে কালে কতই না দেখবো ! তুই বামুনের মেয়ে আর সে যাই হোক শূত্রের বাড়ীর ঝি, ছিঃ ছিঃ—বলিতে বলিতে শুচিবাই-গ্রন্থা আতর আছুরীর মায়েরও শুচিবাইটাকে আগ্রত করিয়া চলিয়া গেলেন ।

• আছুরীর মা তাঁহার ছোট ছেলেটাকে হুকুম করিলেন একবার আছুরীকে ডেকে নিয়ে আস দেখি, আজ তাকে গোবর খাওয়ানো, গঙ্গা নাওয়ানো তবে ছাড়বো । এমন অবুঝ মেয়ে দুটি যদি ভূভারতে জন্মেছে ! মিছেই লেখা পড়া শিখিয়েছিলুম গা ।

( ৩ )

খানিক পরে আছুরী ছোট ভাইটির হাত ধরিয়া বাড়ীতে প্রবেশ করিল । মুখে একগাল হাসিয়া তাহার মাকে বলিল—মা, সইএর কি পরিষ্কার ছেলেটি দেখে এলাম । আহা, বামুন কায়তের ঘরের ছেলে কোথায় লাগে ।

মা তখন কুবাণদের ও ছেলেদের মুড়ী দিতে ব্যস্ত ছিলেন, আছুরীর কোন কথার উত্তর করিলেন না, সংক্ষেপে কহিলেন—তুমি ঘরের দাবায় উঠো না, ঐ খানেই দাঁড়াও ।

আছুরী ঘরের রোয়াকটার নীচে দাঁড়াইয়া হাসিয়া বলিল—মা, খন্নি তোমার শুচিবাই বাপু, আগে ত এত ছিল না । রাস্তা দিয়ে চ'লে এলেও অপবিত্র হবো মনে করো নাকি ?

মা স্বরটাকে যথা সম্ভব রুপ্ত করিয়া বলিলেন—ওরে তার জন্ত নয়রে, রাস্তা দিয়ে সব মামুষই চলে তা আমি জানি । আজ তোর ও ফুলও রাখ, স্নান না সারা পর্যন্ত বাইরে থাক । কোথায় ছিল এতক্ষণ শুনিনি ? সেই চাষাবাড়ীতে যে বসে থাকলি, বসেই না হয় থাকলি—ছেলে কোলে ক'রে সোহাগ দেখাবার দরকার কি ছিল ? মনে করেছিস আজও সেই ছোটটি আছিস, কেমন ? এখন তোতে আর তোর সইএতে কত তফাৎ হ'য়ে গেছে জানিস ?

আছুরীর রাগে গা গিস্ গিস্ করিয়া উঠিতেছিল কিন্তু অতি দুঃখে কাষ্ট হাসি হাসিয়া বলিল—কতখানি তফাৎ তার কিছুই হদিস পাইনি মা, এখন কি করতে হবে তাই বলো ?

মা বলিলেন—মাথা আর মুণ্ডু কর্তে হবে, কাল দিয়েছিস আবার আজও ডুব দিয়ে আয় ; তারপর অস্থখবিস্থখ একটা হোক । তাব'লে জাতজন্ম ত খেয়াতে পারা যায় না ! কথাতেই বলে আচারে লক্ষ্মী বিচারে পণ্ডিত ।

তিনি তাড়াতাড়ি গিয়া একটা কাচের বাটীতে করিয়া খানিকটা তেল আনিয়া খুব সস্তর্পণে আছুরীর কাছে নামাইয়া দিয়া বলিলেন—তেল রইল, মেখে স্নান ক'রে শুক স্ব স্ব হ'য়ে আয় ।

আছুরীর এতক্ষণে সমস্তটা হৃদয়ঙ্গম হইল । ভাবিল মায়ের শাস্তি দিবার মত কারণ একটা হাতের কাছে আসিয়াছে বটে । মনে পড়িল ছেলেবেলার কথা, তখন তাহারা দু'মন ছিল না কিন্তু এই কয়বৎসরের মধ্যে ছেলে বয়স হইতে এতখানি

দূর বয়সে আসিয়া পৌঁছিয়াছে যেখানকার পেশাটাই হইতেছে ছুঁৎমার্গ। পরস্পরের মধ্যে মিলনের এখানে কোন কদর নাই, নির্বিচারে মেয়েলী শাস্ত্রের এই ছুঁৎমার্গটিকে মানিয়া যাইতেই হইবে। তাহার মনে পড়িল যে সইকে সে তাহাদের বাড়ীতে নিমন্ত্রণ করিয়া আসিয়াছে, সই আসিলে কি করিয়া তাহার মৰ্যাদা রক্ষা করিবে ?

( ৪ )

স্নান সারিয়া আসিয়া ভিজা চুলগুলি না শুকাইয়াই আছুরী ঘরে খিল দিয়া কাগজে কি লিখিতে লাগিল। অবশেষে পরমপূজনীয় শ্রীযুক্ত রাধিকাপ্রসাদ চক্রবর্তী শ্রীচরণে লিখিত চিঠিখানি ছোট ভাইকে ছুঁই আনা পয়সা কবলাইয়া ডাকে দিয়া আসিতে বলিল।

ছোট ভাই চিঠি ডাকে দিয়া আসিল, বাড়ীর আর কেহ এ খবর রাখিল না এবং রাখিবার দরকারও কাহারো ছিল না।

হঠাৎ দেখা গেল পূজার বঙ্গীর দিন জামাতা শ্রীমান রাধিকাপ্রসাদ পাকী বেহারা লইয়া আচার্য্য বাড়ীতে আসিয়া উপস্থিত।

অসময়ে পূজা না দিয়া জামাতার এরকম অপ্রত্যাশিত আগমনে সকলেই বিস্মিত হইয়া উঠিল। আছুরী মা জামাইবাড়ীতে কোন বিপদ আপদ উপস্থিত হইয়াছে কি না খবর জিজ্ঞাসা করিয়া পাঠাইলেন।

জামাই জানাইল তার জন্ম নয়, এবার আমাদের গ্রামে বারোয়ারীতে পূজা বসেছে, মা তাই বস্ত্র নিয়ে আসতে। একলা তিনি মহাপূজার কাজে পেরে উঠবেন না বলে আমায় পাকী সঙ্গে দিয়ে পাঠিয়ে দিলেন।

এতক্ষণে ব্যাপারটা সবার কাছে পরিষ্কার হইয়া গেল। মা আদরিণীকে জিজ্ঞাসা করিলেন—কিছু খাবি নাকি ? আছুরী মুখটি নীচু করিয়া বলিল—যখন পাকী বেহারী নিয়ে এসেছেন তখন না গেলে আর উপায় কি ?

মা পড়শীদের কাছে আছুরীর মতামত তুলিয়া বলিলেন—মেখে খবরঘর চিনলে বাপের ঘর অতি সহজে ভুলবে তা আর আশ্চর্য্য কি !

পড়শীরাও বলিল—তাই ভুলুক, ঐ ঘরই ত জন্ম জন্ম ডাকে করতে হবে।

• মা বলিলেন—তা কক্কক, কিছু মেয়েও আস্তে আস্তে কেমন পর হয়ে যায় তাই চাখো। কেন, পাকী এসেছে তার কি হয়েছে ? আমরাও এককালে কি ছিলাম ! অনায়াসে জামাইকে বস্ত্রই ত পারে পূজোর পর নইলে যাবো না। আমার বিশ্বাস ঐ আছুরীই চিঠি লিখিয়ে জানিয়েছে ;—কালে কালে কতই হবে মা !

বৈকালের দিকে আছুরী তাহার সইএর সহিত দেখা করিতে গেল। সই অল্পপমা বলিল—এরি মধ্যে চললে সই ? একদিন তোমাদের বাড়ীতেও যাবো মনে করেছিলাম তাও আর হ'লো না।

• আছুরী কষ্ট হাসি হাসিয়া মনে মনে বলিল—সেই অপমান হ'তে রেহাই দেবার জন্মই ত আমার এ বিদায় যাত্রা। মুখে বলিল—তার কি হয়েছে ভাই, আবার কতবার আসব, আবার কতবার দেখা হবে। অল্পপমার খোকাটিকে কোলে লইয়া দুটি টাকা খোকাটির ছুঁই হস্তে দিয়া একটু চুমু খাইয়া আছুরী বিদায় লইল।

অল্পপমাও তাহার সঙ্গে আসিল। আর জীবনে ছুঁই সইতে দেখা হইবে কিনা তাহারই পুনঃ পুনঃ আলোচনা হইতে লাগিল। বাড়ীর কাছ বরাবর আসিয়া অল্পপমা বলিল—এতদূর যখন এসেছি জামাইবাবুকে একটা প্রণাম করে যেতে পারবো না ?

আদরিণী শুধু স্বরে বলিল—আর প্রণাম ক'রে কি হবে সই, সেও মাহুষ তুইও মাহুষ।

সে কেবলি শঙ্কিত হইতেছিল প্রণাম করিবার সময় যখন সে ঘরের ছয়ারে উঠিবে শুচিতার ধুয়া ধরিয়া নিশ্চয় তাহার মা স্বপ্নায় মুখ ফিরাইবেন, আর সত্য সত্যই ফুটিয়া যদি কিছু বলিয়া কেলেম তাহা হইলে সে অপমানের হাত হইতে তাহার সখীকে বাঁচাইবার উপায় কি ?

বাহির বাড়ীতে জামাই রাধিকাপ্রসাদ তাঁস খেলিতেছিল, বুড়ি ঝি আসিয়া ডাক দিল—ওগো জামাই বাবু, একবার বাড়ীর মধ্যে যাও, তোমায় কে একজন দেখতে এসেছেন ।

জামাই ইতস্ততঃ হাঁকিতে হাঁকিতে বলিল—তিনি কি দয়া ক’রে এখানে একবার দেখা দিয়ে যেতে পারেন না ?

তখন প্রায় সন্ধ্যা হইয়া আসিয়াছিল, এই ডাক শুনিয়া আর আর পেলীরা উঠিয়া পড়িল । জামাইও উঠিয়া বাড়ীর মধ্যে গেল ।

ঘরের ভিতর প্রবেশ করিতে যাইবে এমন সময় রাধিকাপ্রসাদ দেখিল ঘরের দাবার কাছে কে একটি অপরিচিতা স্ত্রীলোক তাহার স্ত্রীর কাছ ঘেসিয়া দাঁড়াইয়া রহিয়াছে । পরণে তাহার ময়লা সাদা কাপড়, হাতে পা’য়ে অলঙ্কারের বাহুল্য নাই, দেখিলে না ভদ্র না অভদ্র দুইএর মাঝামাঝি বলিয়া মনে হয় । সেই বুড়ি ঝি-ই পরিচয় করাইয়া দিয়া বলিল—জামাইবাবু এটি তোমার মই হয়, ভাল ক’রে দেখে নাও ।

ও, মই ! জামাই অত্যন্ত খুসী হইয়া উঠিল, বলিল—তা মই ঘরের ছাঁচতলায় কেন ? ঘরের ভিতরের দিকে আসুন না ।

বুড়ি ঝি বলিল—না, ওরা এখন দু সইয়ে গা হাত ধুতে যাবে ।

আর কিছু বলিবার পূর্বেই অল্পপমা গড় হইয়া প্রণাম করিয়া জামাইবাবুর পায়ে ধূল্য যেখানে পড়িয়াছিল সেখান হইতে দুটি ধূল্য মাথায় তুলিয়া লইল ।

আতুরীর মাথায় ঘোমটা দেওয়া ছিল, সে ডাকিল—আমি মই গা ধুয়ে আসিগে, তারপর তুই বাড়ী যাবি আমিও বাড়ী আসবো । এই বলিয়া সে অল্পপমার হাতটি ধরিয়া খিড়কীর রাস্তা বাহির হইয়া গেল । তাহারা বাড়ীর বাহির হইয়া গেলে বুড়ি ঝি জামাইবাবুর কাছে আসিয়া চুপি চুপি

বলিল—জামাই বাবু, তোমায় মইকে ঠাট্টাসাট্টা করতে গিয়ে যেন ছুঁয়ে কেল’ না । জেতে ওরা তেলি, কলুর জাত আর কি । আমিই দেখেছি ওর ঠাকুরদাকে ঘনি যুরিয়ে তেলের ব্যবসা করতে, আজ যেন অবস্থা কিরেছে—

জামাই বাবু যেন অত্যন্ত অবাক হইয়া পড়িয়াছে এই ভাবে চীৎকার করিয়া উঠিল, বলিল—বল কি ? কি সর্বনাশ !

সন্ধ্যার পর আতুরী মইকে বিদায় দিয়া গা হাত ধুইয়া ঘরের মধ্যে আসিলে স্বামী রাধিকাপ্রসাদ বলিল—শোন, তুমি ডুব দিয়ে এসেছ ? আতুরী বলিল—না ।

স্বামী ব্যগ্রস্বরে বলিল—তবে আর এক পাও এগিয়ে না । আমার কথা শোন, একটা ডুব দিয়ে এসো, তৈলীর মেয়ের গায়ে হাত দাও ডুব দিতে পারো না !

আতুরী তাহার স্বামীর দিকে চাহিয়া স্তম্ভিত হইয়া গিয়াছিল এখন বচনসুধায় আরও স্তম্ভিত হইয়া গেল । স্বামীদেব আবার বলিল—যাও, দাঁড়িয়ে রৈলে যে ? রাত্রি দশটার ট্রেণ, জানত ? ভেবে কি হবে বলা, আমি যদি না শুনতাম তাহলে কথা ছিল কিন্তু যখন শুনে ফেলেছি—তোমার কোন আপত্তিই টিকবে না ।

আচ্ছা যাচ্ছি—বলিয়া আদরিণী তাড়াতাড়ি পুকুর হইতে একটা ডুব দিয়া আসিয়া হি হি করিয়া কাঁপিতে কাঁপিতে জিজ্ঞাসা করিল—আচ্ছা তোমাদের শাস্ত্রে মাহুব বড়, না মাহুকের তৈরী স্নাচার বড় ? কথাটার উত্তর দাও ।

রাধিকা খানিক ইতস্ততঃ করিয়া বলিল—আচারই বড়, কেন না শাস্ত্রের যে তাই বিধান ।

আদরিণী বলিল—চমৎকার, তুমিই ব্রাহ্মণের যোগ্য বংশধর, আমার একবার পায়ে ধূল্য দাও ; এবং স্বামীর পায়ে ধূল্য মাথায় তুলিয়া লইল । স্বামী অবাক হইয়া স্ত্রীর মুখে দিকের চাহিয়া রহিল ।



## সকলিকা

নারী-নিগ্রহের প্রতিকার—

\*\*\* বাঙ্গালীর ঘরে ঘরে যে সব পৈশাচিক কাণ্ডের অভিনয় হইতেছে তাহা অরণ্যেও প্রাণ বিদীর্ণ হইয়া যায়। যাহারা সহরবাণী উহার কেবল সহরের অনাচার দেখিয়াই হয়ত গ্রামের একটা চিত্র মনে মনে অঙ্কিত করিয়া কর্তব্যের একটা লিপি করিয়া নেন। কিন্তু তাহারা ভুলিয়া যান যে পল্লীগ্রামে আন্তে আন্তে এমন ব্যক্তির প্রবেশ করিতেছে, যাহা কেহ কল্পনাও করিতে পারেন না;—তাহা হিন্দু গুণ্ডাঘারাও অসংখ্য নারী নির্ধ্যাতিতা হন, সন্দেহ নাই। কিন্তু কেন এরূপ হয়—কে তাহাদের খোঁজ রাখে?

সহরে মেয়েদের লেখাপড়া শিক্ষার ব্যবস্থা সম্ভাব্যজনক না হইলেও যে কতকটা আছে, এ কথা অস্বীকার করা যায় না। পাড়াপায়ে কিন্তু তাহাদের হাজারাহাজার একাংশ থাকিলেও আক্ষেপের বিষয় ছিল না মোটেই। সেখানে মেয়েদের লেখাপড়ার ব্যয়ভার বহন করার মত অপব্যয় দ্বিতীয়টি আছে বলিয়া অতিভাবকগণ স্বীকার করিতে চাহেন না। সুপ্ত নারী-জাতিতে জাগাইয়া দিবার মত শিক্ষক বা শিক্ষয়িত্রীর বিশেষ অভাব। গোবেচারী পাঠশালার “মুখ বৈজ্ঞানোচ্চের” শিক্ষকগণ, অবসর মত মাসিক ২৩ টাকা সাহায্যের লোভে ৪৫টা ছাত্রী লইয়া বসেন, উদ্দেশ্য মাসিক টাকা আদায়—শিক্ষাদান নহে। তাহাতেও আর এক অন্তরায় বিদ্যমান। এগার ছাড়িয়া বারতে পদার্পণ করিলেই ছাত্রীদিগকে পক্ষীর অন্তরালে আশ্রয় গ্রহণ করিতে হয়। সর্বনাশ! এতবড় ধেড়ে মেয়ে কি আর ঘরের বাহির হইতে পারে। স্ট্রটনোমুগ্ন জীবনের এখানেই এক অন্ধ শেখ হইয়া যায়।

তারপর বিবাহ। বাল্য-বিবাহ মেয়েদের উন্নতির মূলে কুঠারঘাত করিতেছে। বাল্যকালে যখন তাহারা হাসিবে, খেলিবে, বেড়াইবে, ও জ্ঞানার্জন করিবে, তখনই তাহাদিগকে ২১টা সন্তানসম্ভতির পূর্ণধারিণী হইয়া সংসারের বেড়াপাকে পড়িয়া হাবুড়ু খাইতে হয়।

নারীমূর্খতার প্রথা স্ত্রীলোকদের মধ্যে আরো নাই। “নারীর অভাবে শরীরের প্রত্যেক অঙ্গপ্রত্যঙ্গের পুষ্টি সাধিত হয় না”—এ কথা বোধ হয় কেবল পুরুষদের অস্ত্রই লিখিত হয় নাই, মেয়েদের পক্ষেও এ কথা খাটে। কিন্তু তাহাদের তা হইবার বো নাই। সুখে হটক, দুঃখে হটক, ইচ্ছায় হটক, অনিচ্ছায় হটক তাহাদিগকে আজীবন গৃহকোণেই আবদ্ধ

থাকিতে হইবে। বিধাতার উন্মুক্ত আকাশতলে বসিয়া একটু উন্মুক্ত বায়ু সৈবনও তাহাদের অদৃষ্টে নাই; অপরাধ—তাহারা নারী। শারীরিক ব্যাধির অভাবে ও অকাল-মৃত্যুতে তাহাদের জীবনের উন্মেষধালেই স্বাস্থ্য ভাঙ্গিয়া যায়। তার মধ্যে নিত্য নৈমিত্তিক ‘অভাব’ তো লাগিয়াই আছে। বড় ঘরের রমণীগণ তো মোমের পুতুল সাজিয়া কর্তাদের সম্ভাষণ বিধান করিয়া থাকেন। কলে গুণ্ডার অত্যাচারে, চোর ডাকাতির উপক্রমে কি হিন্দু, কি মুসলমান, কি বড়, কি ছোট, কোন রমণীই রোখিয়া দাঁড়াইতে পারেননা বা নিজ মর্যাদা রক্ষা করিতে সমর্থ হন না।

বিধবা-সমস্যাও খুব বড় সমস্যা। বাল্য-বিবাহের দ্বার বৃদ্ধের তরুণীগ্রহণের কলেও বাল-বিধবার দেশ ছাড়িয়া ফেলিতেছে। নারীজাতির জীবন লইয়া সমাজের কর্তারা ছিনিমিনি খেলিতেছেন। \*\*\* ভারতে মাতৃশ্রমপূরী বিধবার সংখ্যা তিন লাখের উপর। ১৪ হাজারেরও উপর বিধবা মায়ের হাত না ধরিয়া হাটিতে পারে না। \*\*\* এই যে কয়েক লক্ষ বিধবা দেশ জুড়িয়া বিদ্যমান, ইহাদের না আছে শিক্ষা, না আছে সংবন—ইহারা না বুকে ব্রহ্মচর্যা। সুতরাং হলে বলে কোশলে ইহারা অনেকের গুণ্ডা কর্তৃক নির্ধ্যাতিতা হন; ইহারা সমাজে আশ্রয় পায় না কাজেই অন্ন-বস্ত্র সংস্থানের অশ্রু উপায় না পাইয়া সহরে আসিয়া বসে। সমাজ বিধবা সৃষ্টির কারণনা হইয়াই ক্ষান্ত হন নাই, বিধবাদের জন্ত কঠোর প্রাশস্তিতের ব্যবস্থাও করিয়াছেন; কিন্তু তাহাদের শান্তিতে ও সৎভাবে জীবিকার্জনের কোন পথ অন্বেষণও দেখাইয়া দেন নাই। নির ও অশিক্ষিত শ্রেণীর মধ্যেই এরূপ অসংখ্য বিধবার সংখ্যা বেশী বলিয়া স্বীকার করিলেও একথা ঠিক যে সকলেই নারী। বিধে কাহারও অধিকার অস্বীকার করিলে চলিবে না। \* \* \*

বর্তমানে দেখা যাইতেছে যে, গ্রামের বাহারা ধনী, গণ্যমান্ত বলিয়া খ্যাত তাহারাই বেশী লম্পট। কেহ কিছু বলিতে পারে না; কলে করিদারের প্রাসাদে, বড় লোকের আড্ডায় কত অসহায় নারীর উপর অত্যাচার হইয়া থাকে। তার ইয়ত্তা কে করিবে? শিক্ষার দোষে দেশের যুবকশক্তিও অনেকটা এই ভাবেই অনুপ্রাণিত হইতেছে। অত্যাচার নির্ধ্যাতন হইতে নিজ নিজ মাবোনকে রক্ষা করা এখন আর তারা তত চরতার বলিয়া মনে করে না। \* \* \*



সব চেয়ে বড় কথা হইল এই, নারীজাতিকে জানাইয়া দিতে হইবে—তাহারাও মানুষ, তাহাদেরও শক্তি আছে। তাহাদের ব'হতেও বল আছে। তাহাদের নিজের মান, নিজের ইচ্ছা চেষ্টা করিলে তাহারা নিজেরাই স্বকীয় করিতে পারে। পুরুষের দিকে চাহিয়া থাকিলে আর চলিবে না। জগতের সমস্ত শক্তি পুরুষের একচেটিয়া নহে। কি সমাজে, কি রাজনীতিতে, কি স্বাস্থ্যনীতিতে—নারীর হান পুরুষের চেয়ে কোন অংশেই কম নহে। স্বাধীন দেশের স্বাধীন রমণীদের চরিত্র-গাথা তাহাদের ভাল করিয়া বুঝাইয়া দিতে হইবে। কুসংস্কার, আবর্জনা প্রভৃতি সমাজের বুক হইতে দূরে ছাড়িয়া ফেলিয়া নারীজাতিকে উন্নত করিতে হইবে। তবেই প্রতিকার সম্ভব। —আনন্দবাজার পত্রিকা।

### রোগীর সেবা—

রোগীর সেবা তাহার অবস্থা ও রুচি অনুসারে বিভিন্ন হইবে, বিস্তৃত নীচে কতকগুলি সাধারণ নিয়ম দেওয়া হইল এগুলি প্রায় সকল অবস্থাতেই প্রযুক্ত।

১। যে সকল লোককে রোগী পছন্দ করে না সেসকল লোককে রোগীর ঘরে আসিতে দিবে না।

২। রোগীর ঘর সর্বদা পরিষ্কার রাখিবে।

৩। রোগীর অস্বীতিকর বা তাহার সহিত সম্পর্কশূন্য কোনও কথা রোগীর ঘরে কহিবে না।

৪। রোগীর ঘরে চুপে চুপে বা অপরিস্ফুট ভাবে কাহারও সহিত কথা কহিবে না। যে সবল কথা বলিবে তাহা রোগী যেন বেশ শুনিতে পায়। রোগীকে শুনান উচিৎ নয় এরূপ কথা বলিতে হইলে বাহিরে যাইয়া বলিবে। বাহিরে যাইবার সময়েও রোগী যেন বুঝিতে না পারে যে তোমরা কথা বলিবার জন্যই বাহিরে যাইতেছ।

৫। কতকগুলি লোক মিলিয়া রোগীর ঘরে হটগোল করিবে না।

৬। রোগী কোন অবস্থায় শুইতে পছন্দ করে তাহা লক্ষ্য করিবে, চিকিৎসকের আপত্তি না থাকিলে সেই অবস্থাতেই শোয়াইয়া রাখিবে।

৭। রোগী যখনই বাহা আদেশ করিবে তাহাতে চিকিৎসকের আদেশ না থাকিলে তাহা তদগুণেই পালন করিবে। অবস্থা আলস্য করিয়া দেয়ী করিয়া রোগীর অস্বীতিকার হইবে না।

৮। বাতাস দিতে হইলে দেখিবে প্রত্যেক বারের হাওয়া শুষ্ক রোগীর গায়ে লাগে অথচ পাখা তাহার গায়ে না লাগে।

নাথার বাতাস দিতে হইলে গায়ে চাদর ঢাকা দিয়া নাথার উপরের দিক হইতে বাতাস দিবে—মুখের দিক হইতে নয়। মুখে বাতাস দিতে হইলে মুখের একপাশ হইতে পাখা নাড়িবে। মুখের সামনে পাখা নাড়িও না।

৯। রোগীর গায়ে মশা, মাছি বা পিঁপীলিকা বসিলে তাহা সঙ্গে সঙ্গে তাড়াইয়া দিবে। রোগী কিছু বলিতে না পারিলেও তৎক্ষণাৎ অশান্তি বোধ করে।

১০। নাথার বরফ দিতে হইলে তাহা স্ত্রাকড়ার মধ্যেই দাও আর রবারের বলির মধ্যেই দাও ভাল করিয়া শুঁড়া করিয়া দিবে নতুবা বড় বড় চাপের কোণগুলি নাথার ব্যথা দিবে অথচ মাথা ভাল ঠাণ্ডা হইবে না।

১১। বরফের পরিবর্তে জল বা অডিকোলন দিলে সঙ্গে সঙ্গে বাতাস দেওয়া দরকার নতুবা ভাল ঠাণ্ডা হয় না।

১২। কিছু খাওয়াইবার সময় উহা যেন রোগীর গায়ে না পড়ে। ১ ফোঁটা জল বা দুধ পড়িলেও তাহা সঙ্গে সঙ্গে মুছাইয়া লইবে। মুখের পাশ দিয়া কিছু গড়াইয়া পড়িলেও তাহা সঙ্গে সঙ্গে মুছাইয়া লইবে। খাওয়াইবার সময়ে মুখ ও গলার উপর একটি তোয়ালে চাপা দিয়া খাওয়ার ভাল, ইহাতে এসকল স্থানে কিছু লাগিতে পার না আর মুখের পাশ দিয়া গড়াইয়া যাইলেও ঐ তোয়ালে দিয়া সঙ্গে সঙ্গে মুছিয়া লওয়া যায়।

১৩। জল ভিন্ন যে কোনও জিনিষ খাওয়াইবার পরে মুখে একটু পরিষ্কার জল দেওয়া ভাল, ইহাতে রোগীর মুখ পরিষ্কার হয়, রোগীও শান্তি বোধ করে।

১৪। রোগীর গায়ে ঘাম হইলে তাঁহা সঙ্গে সঙ্গে মুছাইয়া দিবে।

১৫। অনেক রোগী বেড-প্যাানে মল ত্যাগ করিতে পারে না, তাহাদের জন্য সরা, ডিস, খালা, কাগজ, চট বা স্ত্রাকড়ার ব্যবস্থা করিবে। মলত্যাগের পর শুষ্কতার আগে তিজা স্ত্রাকড়া দিয়া মুছাইয়া পরে শুকনা স্ত্রাকড়া দিয়া মুছাইয়া দিবে।

১৬। চিকিৎসকের অনুমতি লইয়া মধ্যে মধ্যে রোগীর গা মুছাইয়া দিবে।

১৭। সকল সময়ে রোগীকে আরোগ্যের আশা দিবে কিন্তু তাই বলিয়া তাহার কষ্টের প্রতি উপেক্ষার ভাব প্রকাশ করিবে না।

১৮। সেবা করিবার সমস্ত সময় মনোবোগটি রোগীর প্রতি অর্পণ করিবে। মনে স্থিতি হইবে অহুকের সময় রোগীর অন্ত কান্ন থাকেনা, সে নিজের ক্লান্ত ক্লান্ত হবিধা অহুবিধাগুলিকেই বড় করিয়া দেখে।

ব্যর্থ সেবা করিতে হইলে মান প্রকৃত সেবকের ভাব আনা দরকার। ইহা বড় সহজ নয়। প্রায় সকলেরই এমন

একজন আছে বাহাকে, সে সর্বাপেক্ষা অধিক ভালবাসে বা ভক্তি করে। রোগীকে সেই পরমাত্মীর মনে করিয়া লইলে সেবা অনেকটা সহজ হইয়া পড়ে। —বাহ্য ।

### নারীর আর্থিক স্বাধীনতা—

পুরুষদের বেলায় আমরা ইহা সবাই স্বীকার করি, যে, পুরুষ-সুখাপেক্ষিতার তাহানের মনুষ্যত্ব খর্ব হয়, এবং স্বাবলম্বী হইতে পারিলে তাহাতে চারিদিক উৎকর্ষ হইবার অধিক সম্ভাবনা বটে। নারীদের বেলায় কিন্তু ইহা স্বীকার করিতে সকল দেশেই বিলম্ব ঘটিয়াছে ও ঘটিতেছে। কিন্তু ইহা ক্রম সত্য যে, স্বাবলম্বন নারীদের পক্ষেও মঙ্গলজনক। শৈশব হইতে বার্ষিকো

বৃত্ত্য পর্যন্ত নারীর পরসুখাপেক্ষী ভাল নয়। কোন এককৃতিত্ব পিতা, খাশী, জাতা, বা পুত্র মনে করেন না, যে, তিনি অসুগ্রহ করিয়া কস্তা, পত্নী, ভগিনী বা মাতার ভরণপোষণ করিতেছেন, ইহা সত্য। কিন্তু ইহাও সত্য যে, সকল পিতা, খাশী, জাতা বা পুত্র এককৃতিত্ব বা আদর্শ হানীর মত। নারীমাত্রেয়ই সকল সময়ে ঐরূপ বিকট সম্পর্কের আত্মীয় থাকে না। নারীর স্বাবলম্বনের উপায় থাকিলেই তিনি পিতার স্নেহ, পতির প্রেম, জাতার ঐতি ও পুত্রের ভক্তি হইতে বঞ্চিত হন না। সুতরাং নারীর স্বাবলম্বিনী হইবার সঙ্গ তাহার উপার্জননের ক্ষেত্র বিস্তৃততর হওয়া ভাল। পরিবারের সহিত বৃদ্ধ থাকিয়া উপার্জন করিতে পারা নারী ও পুরুষ উভয়ের পক্ষেই মঙ্গলকর। —প্রবাসী।

## পূজার শেষে

### শ্রীপ্রভাসচন্দ্র প্রামাণিক ।

পূজা ও আরতি বন্ধ আজিকে  
ভক্ত গিয়াছে চ'লে,  
কীর্ণ দীপ-শিখা স্তব্ব কক্ষে  
স্তিমিত-নয়নে অলে ।  
বেদীৰু উপর দেবতা নাহিক'  
শূন্য যে চারি ধার,  
মন্দিরতল, অঙ্গন-বুক  
করে শুধু হাহাকার !  
কোয়ের আঁশুন অলেনাক' আজ  
গন্ধ হ'য়েছে শেষ,


কোথা ফুলরাশি বিল তুলসী ?  
নাহিক চিহ্ন লেশ  
বন্দনা-গান, শব্দ-নির্নাশ  
সকলি গিয়াছে থেমে  
স্বপ্ন হইতে নীরবতা-রাশি  
দেউলে এসেছে নেমে ।  
পূর্ণকুন্তে চূত-পল্লব  
শিহরিয়া 'বেন বলে—  
“ওরে সন্তান, কাঁদ শুধু আজ,  
অননী গিয়াছে চলে ।”

মাতৃ-মন্দির



দেশজননীৰ একনিষ্ঠ পূজাৰী  
চিত্তরঞ্জন ।





২য় বর্ষ

অগ্রহায়ণ—১৩৩১

৮ম সংখ্যা

পূজা

শ্রীবেণোয়ারীলাল গোস্বামী ।

বনখানি সুরভিত, কোমুদী প্লাবিত ;  
আলোক জড়িয়ে আছে আঁধারের গলা ;  
পাদধৌত তরঙ্গিনী সতত চঞ্চলা  
কল কল রবে চলে আলাপি' সঙ্গীত ।  
লভিকা-বিতানে মঞ্চ করি বিরচিত  
বনদেবী পূজিছেন প্রকৃতি-চরণ ;  
করিছে বর্ষণ তরু, কৈবল্যকারণ—  
পবিত্র শিশির বারি হইয়া কম্পিত ।  
বিলাইছে ফুলবালা মধুর সুবাস,  
বিহগ করিছে সুখে মঙ্গল কুজন,  
তুষার-উষীষ নগ আনন্দে মগন ;  
ছুটিছে সমীর তুলি সুরভি উচ্ছ্বাস ।  
তটিনী বিদ্বিগত চাঁদ, পুলকে কাঁদিয়া,  
আকাশের চন্দ্র পানে আছে তাকাইয়া ।



# পতিতা

( কথিকা )

শ্রীমতী বেলা গুহ ।

সে ছিল পতিতা । বিশ্বের দরবারে রূপঘোবনের ব্যবসা করেই তার অধিকাংশ জীবন কাটিয়েছে । বিশ্বের চোখে—সমাজের কাছে আজ সে হীনা, ঘৃণিতা ! সমাজে তার স্থান অতি নীচে ।

তার সঙ্গে আমার প্রথম দেখা হ'ল গঙ্গার ঘাটে । সেদিনের সে স্মৃতি আজও আমার চোখের সামনে স্পষ্ট হ'য়ে জেগে আছে ।

সেদিন স্নানযাত্রা—গঙ্গার তীরে কতযাত্রী, যেদিকে তাকাই দেখি শুধু যাত্রীর মেলা, কাণে শুনি শুধু তাদের আনন্দের কলরব !

আমি স্নানান্তে সিক্তবসনে মন্দিরে যেই প্রবেশ করব, ঠিক এমনি সময়ে তার সঙ্গে আমার দেখা হ'ল । দেখলুম সে ফুল নিয়ে দ্বারের বাইরে দাঁড়িয়ে আকুল নয়নে যাত্রীর চলাচল দেখছে । তার সেই বাঁকা বাঁকা চোখ তুলে আমার পানে তাকালো । উঃ, কি সে করুণ বেদনা-ভরা চোখের চাহনি !

আমি জিজ্ঞাসা করলুম,—তুমি কে ?

সে করুণকণ্ঠে বলল,—আমি ? আমি বড় অভাগিনী ! আর বলতে পারল না । ব্যথার ভারে তার কণ্ঠস্বর গাঢ় হ'য়ে এল, চোখের পাতা ছলছলিয়ে উঠল ।

খানিক চুপ করে নিজকে সংম্লে নিয়ে সে আবার বলল,—মন্দিরে ঢোকবার আমার যে অধিকার নেই, আমি যে পতিতা, অস্পৃশ্য, ঘৃণিতা !—উঃ, আমার উপায় কি হ'বে ?

তার সেই নিরাশ, কাতর বাণী শুনে আমার হৃদয় ব্যথিত হ'য়ে উঠল । আমি সাধনার স্বরে । বললুম—তোমার হৃদয় যদি ব্যাকুল হয়েই থাকে,

তবে নিশ্চয় তাঁর চরণ দর্শন তোমার ভাগ্যে ঘটবে ।

আমি মন্দিরে প্রবেশ করবার জন্ত চেষ্টা করছি কিন্তু যাত্রীর ধাক্কা পেয়ে অনেক দূর পিছিয়ে পড়লুম, মন্দিরে ঢুকতে না পেরে এক পাশে দাঁড়িয়ে রইলুম ।

এমন সময় এক গলিত কুষ্ঠ রোগী অতিকষ্টে আমার পাশে এসে দাঁড়াল । তার সর্কাজ পচে গিয়েছে, দুর্গন্ধ কেউ সামনে যেতে পারছে না । মাঝে মাঝে সে কতের যন্ত্রণায় আর্তনাদ করছিল । সবাই তাকে তিরস্কার করতে করতে যন্ত্রণায় মুখ ফিরিয়ে মন্দিরে ঢুকতে লাগল । আমিও নাকে কাপড় চেপে সড়ে দাঁড়ালুম ।

\* \* \* \* \*

একি ! যে নাকি বিশ্বের চক্ষে ঘৃণিতা—হীনা, সমাজের নিকট পতিতা, সেই অভাগিনী নারীর কোলে, ও কে ?—ওই তো সেই গলিত-দেহ কুষ্ঠ-রোগী ! ওই তো সেই পতিতা মারী যার কিছু নেই, বিশ্বের দরবারে সমস্ত হারিয়ে রিক্তা হ'য়েছে, রূপঘোবন বেচে যে আজ পথের ভিখারিণী ! যুগযুগান্ত ধরে যে করুণাধারা প্রতিনিয়ত প্রবাহিত হচ্ছে নারীর গোপন অন্তর তলে, সে বুঝি তা' আজও হারায় নি—সে ধারা বুঝি আজও শুকায় নি ! সেই সর্কতোমুখী করুণাধারা তার জীবনের সমস্ত কালিমা ধোত করে তাকে আজ সেবার মাধুর্যে মহাশয়ী করে তুলেছে ! ধন্য, ধন্য নারী, তুমি পৃথিবীতে ! সংসার-মক্ভু মাঝে তুমি স্থা-নিষ্করিণী !

আমার আর দেবতা দর্শন হ'লনা—সেই দয়াবতী পতিতা নারীই যে আমার সাধনার দেবী ।

# দুঃখী রমণীর জীবিকা

শ্রীযতীন্দ্রনাথ চক্রবর্তী।

আজকাল যে কোন সাময়িক কাগজ খুলিলেই দেখিতে পাই—‘নারী-সমস্যা’, ‘নারী-নিপীড়ন’, ‘নারী-বিদ্বেহ’ শীর্ষক প্রবন্ধ বঙ্গসাহিত্যকে বিশেষ মনোযোগ করিয়া তুলিয়াছে। এই সব প্রবন্ধের লেখক-লেখিকাগণ কেউ বা গল্পে, কেউ বা পद्यে দীর্ঘ ও দীর্ঘতর বাক্যবিন্যাসে নারীগণকে ভাবিতেন। যেন দেশের রমণীগণ চিত্তহারা রুদ্ধ করিয়া ঘুমাইতেছেন,—সেই ঘুম ভাঙাইবার জন্যই এই আয়োজন।

কিন্তু ঘুম ভাঙিলেই ত হইবে না। কাজ করা চাই যে। শান্তিপূর্ণ নিদ্রার একটা সার্থকতা আছে। তাহাতে শরীর অন্ততঃ সুস্থ থাকে, কিন্তু জাগিয়াও যাহারা কাজ না করিয়া অলসতায় দিন কাটায়ে দেয়, তাহাদের দেহমন শীঘ্রই যে গ্লানিতে ভরিয়া যায়।

জীলোকে কাজ করিবে, এ কথা বলিলেই অনেকে প্রতিবাদ করিবেন, তাহা আমরা জানি। তাহারা কোমলাঙ্গী, কুসুমসদৃশা, লতিকার সহিত উপমিতা। কাজ করা কি তাহাদের সাজে? অথচ আশ্চর্যের বিষয় এই যে আমরা পুরুষ হইয়াও নারীর চেয়ে অধিকতর অলস ও শ্রমবিমুখ, একথা তুলিয়া যাই। এমন কোন গৃহ আছে এ জগতে, যেখানে একটি মেহের স্বকোমল স্পর্শে সমস্ত গৃহস্থালীর নিতান্ত অনাশ্রুক বস্ত্রটিও একটি রহস্ত নিকেতন হইয়া দেখা দেয় না? সুতরাং নারী কাজ করিবে না এ মত প্রকৃতপক্ষে কাহারও নয়। কিন্তু কাজ করিয়া কিছু উপার্জন করিবে ইহা কাহারও সহ হয় না, ইহাতে আমাদের অভিমানে বৃষ্টি আঘাত লাগে!

একদিন ছিল যখন আমাদের এ অভিমান খাটিত। দেশে একাধিক-প্রথা প্রচলিত ছিল—

যিনি বা যাহারা উপার্জন করিতেন, সমস্ত পরিবার পরিজনের জন্মই করিতেন। দেশে লোক কম ছিল, অভাব কম ছিল, অনেকেই পল্লীগ্রামে বাস করিতেন, প্রায় সকলেরই কিছু কিছু ভূসম্পত্তি ছিল। ঙ্গনিষপত্রের এমন অগ্নি-মূল্য হয় নাই, বিলাসিতাও এত বাড়ে নাই। অন্নদায় কন্ডাদায় প্রভৃতি বিবিধ “দায়ে” লোকে এখনকার মত বিব্রত হইয়া উঠে নাই। তখনও মানুষ নিজের চেয়ে নিজের আসবাবপত্রের মূল্য এমন অসম্ভবরূপে বাড়াইয়া দেয় নাই।

কিন্তু আজ আর সেদিন নাই। এখন হাড়ভাঙ্গা খাটুনি খাটিয়াও বাঙ্গালীর ছেলে পেটের ভাতের জোগাড় করিয়া উঠিতে পারিতেছে না। যেদিকে তাকাও দেখিবে কেবল ম্লান, জীর্ণ, শীর্ণ, অর্দ্ধাহারী মূর্তি; আশা নাই, হাসি নাই, আবেশ নাই। সমস্ত প্রাণবসন্তুকুর উপর কে যেন অকালে শীতের জড়তা আনিয়া দিয়াছে। বাঙ্গালীর সমস্ত উপার্জনকারীর সংখ্যা কম, অথচ অনেক কুপোষ। ইহাদের মধ্যে অক্ষয় জীলোকের সংখ্যাই বেশী। বাঙ্গালীর ধরে বিধবার সংখ্যাও বড় কম নয়।

স্বামী বা পুত্র বর্তমানে জীলোকের তত কষ্টের কারণ নাই। কিন্তু এরূপ কেউ না থাকিলে বাঙালী-বিধবার কি চরিত্র হয়, তাহা অনুমান করা কঠিন নয়। স্বামী যদি কিছু রাখিয়া যান, তাহা হইলে পাঁচজন আত্মীয় বান্ধব তাহা ফাঁকি দিয়া খায়, আর যদি কিছু না থাকে, তাহা হইলে তর্কখাই নাই। কি পিতৃগৃহে, কি স্বশ্রমালয়ে, সর্বত্রই হিন্দুবিধবা গলগ্রহস্বরূপা। পিতৃগৃহে যতদিন পিতা মাতা জীবিত থাকেন ততদিন বরং দিন একরূপে কাটে কিন্তু তাহাদের মৃত্যু হইলে জীভবধর ব্যবহার ক্রমেই উগ্র হইতে উগ্রতর হইয়া উঠে। স্বশ্রমগৃহে

ভাস্কর, দেবর' এবং তাঁহাদের সহধর্মিণীগণের ব্যবহারও খুবই খারাপ। অবশ্য ইহার ব্যতিক্রম নাই, তা নয়। নিজেদের উপার্জনের সংস্থান নাই বলিয়া, এবং বিধবাবিবাহ প্রচলিত না থাকায় বিধবাগণকে বাধ্য হইয়া এই সব লাঞ্ছনা সহ্য করিতে হয়। ষাঁহাদের সহ্য করিবার শক্তি কম তাঁহারা বাধ্য হইয়া হয় আত্মহত্যা করেন, নতুবা বিপথে যান। একবার পদাঙ্কন হইলেই আর উপায় নাই। আত্মীয় গৃহে তাঁহাদের স্থান নাই, সমাজ তাঁহাদের দেখিবে না, নিজেদেরও উপার্জনের ক্ষমতা নাই, স্ত্রীরাং পেটের দায়ে বাধ্য হইয়া তাঁহাদিগকে কদম্ব্য পঙ্কিলতার মধ্যে বাস করিতে হয়। নিতান্ত মরণ হয় না বলিয়াই বিধবাগণ বাঁচিয়া থাকেন, জীবনের কোন মোহে, আনন্দে নয়।

যদি উপার্জন ক্ষমতা থাকে, তাহা হইলে এই শ্রেণীর বিধবাগণের আত্মীয়নিরপেক্ষ হইয়াও স্বাধীনভাবে বাস করা সম্ভব হয়। আর আত্মীয়-স্বজনও তাঁহাদিগকে ততটা ভার বলিয়া মনে করে না, কারণ সংসারে নিতান্ত মন্দ লোক না হইলেও অনেক সময় পেটের দায়ে বাধ্য হইয়া লোকে বিধবাগণকে পোষণ করিতে অসমর্থ হয়।

আমাদের দেশে কুস্তকার, তক্তবায়, এবং কৃষক সম্প্রদায়ের মধ্যে জীলোকে পুরুষের প্রায় অর্ধেক কাজ করে। অপর কোন সম্প্রদায়ের মধ্যে এক্রপ প্রথা নাই। পূর্বেই বলিয়াছি সংসারের কাজে খুব বেশী সময় লাগে না। সংসারের কার্য্যান্তে বাকী সময় প্রায়ই পরনিন্দা, পরচর্চা অথবা কলহেই কাটিয়া যায়। সময় এইরূপে নষ্ট না করিয়া তাঁহারা কিছু কিছু কাজ করিয়া সংসারের আয় যদি বাড়ান, তাহাতে অঁগোরবের কিছু আছে কি? আমাদের মতে ইহাতে লজ্জা কিছুই নাই। এইরূপ মিথ্য অভিমানেই আমাদের সর্বনাশ হইতে বসিয়াছে।

এখন কথা হইতেছে—জীলোক কিরূপ কাজ করিবে? সকলেই মনে রাখিবেন আমি এ প্রবন্ধে দক্ষিণ বাঙালী-মুন্দের কথাই আলোচনা করিতেছি।

আমার বিবেচনায় জীলোকে এক্রপ কাজ করিবে যাহা তাহাকে মানায়।

আজকালকার দিনে প্রথমেই মনে পড়ে চরকার কথা। এ বিষয়ে দেশপূজ্য নেতৃগণ এত বিশদরূপে বলিয়াছেন, যে আর কিছুই বলিবার দরকার করে না। ইহাতে শুধু যে অর্থাগম হয় তা নয়, মনের বিক্ষেপ দূর হয়, একাগ্রতা আসে। সেকালে ব্রাহ্মণ-বিধবাগণ চরকা এবং টেকোয় সূতা কাটিয়া অনেকে জীবিকা অর্জন করিতেন। এখন ছুই-ই উঠিয়া গিয়াছে। এখন, আর মাতৃহস্তের পবিত্র সূতা পাই না, পৈতা বলিয়া যাহা গলায় দিই তাহা মাঝেঠারের ৪০ নম্বরের সূতা মাত্র। অনেকে উল, কার্পেট বুনেন। কিন্তু তাহাতে সময় এবং অর্থের অল্পরূপ আয় হয় কি? চবকা কাটিয়া যদি একটি পরিবারের বস্ত্রাভাব দূর হয়, তবে সে কি কম লাভ? বস্ত্র ত কতই পরি, তাহাতে মাত্র লজ্জা নিবারণ হয়; কিন্তু বাড়ীর তুলায়, ঘরের সূতায় প্রস্তুত কাপড় পরিয়া যে প্রকৃত (Positive) আনন্দ পাই তাহা কি কলের কাপড়ে পাই?

পল্লীগ্রামে এখনও অনেকে কাঁথা সেলাই করিয়া অন্নবস্ত্রের সংস্থান করেন। অনেকে তাহাতে এমন নিপুণতা দেখান যা বাস্তবিকই অদ্ভুত। এই সব কাঁথা মনোযোগ অভাবে আর পূর্কের তায় উৎকৃষ্ট হয় না। লোকেরও দৃষ্টি ক্রমে অশ্রদ্ধিকৈ যাইতেছে, যাহার বিছানায় ষত দামী তোয়ালে বা চাদর পাতা থাকে তাহাকে তত সৌখীন মনে করি, কিন্তু এই সব মনোহর কারুকার্য-খচিত কাঁথা দেখিলে মুখ টিপিয়া হাসি। ইচ্ছা করিলে এই সব শিল্পকে পুনরায় বাঁচান যায় না কি? অনেকে সুন্দর সুন্দর সিকা তৈয়ারী করিতে পারেন, তাহাতেও বিচিত্র নিপুণতা প্রকাশ পায়।

রথ, চৈত্রসংক্রান্তি প্রভৃতি পার্বণে গ্রামে গ্রামে যে সব মেলা বসে, তাহাতে প্রচুর পরিমাণে মাটির পুতুল বিক্রীত হয়। অনেকেই ইহা বিনা পরিশ্রমে প্রস্তুত করিতে পারেন। ষাঁহারা

সাধারণতঃ বিক্রয় করিতে আনেন তাঁহাদের হাতে পুতুলের ছদ্মশা অনেকই দেখিয়াছেন,— চোখের কালি মাথায় এবং ঠোঁটের লাল দাগ কপালে পড়ে । এবার চৈত্রমেলায় আমি পাখী বলিয়া একটি মাটির খেলানা আনিয়াছি, তাহার পিঠ কুমীরের মত, ঘাড় কুকুরের মত এবং মুখ দেখিয়া তাহাকে হাঁস বলিয়া ভুল হইবে । বুদ্ধিমতী মহিলাগণের হাতে পড়িলে এ শিল্পের বোধ করি এরূপ ছদ্মশা থাকিবে না । অনেক স্থলে নারিকেল গাছের খুব প্রাচুর্য, তাহার পাতায় ঝাঁটা তৈয়ারী করিলে প্রচুর আয় হইতে পারে ।

আমাদের দেশে আচার, আমসত্ত্ব লোকে খুব ভালবাসে । সর্বত্রই ইহার প্রচলন । অথচ দেখিতে পাই প্রতিবৎসর প্রচুর কাঁচা আম ঝড়ে পড়িয়া নষ্ট হইতেছে, এদিকে কাহারও দৃষ্টি নাই । আমের আচার উৎকৃষ্ট হইলে যে আমের চেয়েও রসনা তৃপ্তিকর হয়, ইহা অনেকেই জানেন । যদি বিক্রয় করিবার ব্যবস্থা করা যায়, তবে ইহা অতি লাভজনক ব্যবসায়ের পরিণত হইয়া শুধু বিধবার নয়, অনেক বেকার ভদ্র যুবকেরও অন্নসংস্থান হইতে পারে । এইরূপ মাত্র আমের নয়, কুল, চালতা, আমড়া, তেতুল প্রভৃতিরও অতি উৎকৃষ্ট আচার

হইয়া থাকে । ছুঃখের বিষয় এদিকে কেহ ফিরিয়াও চাহেন না ।

সেলাইএর কলের দাম অনেক কমিয়াছে । কেহ কেহ তাহার ব্যবহারও করিতেছেন । কিন্তু আরও অধিক প্রচলন হওয়া বাঞ্ছনীয় ।

এইরূপ কত শত শিল্প আছে যাহা শ্রমসাধ্য নয়, ঘরের মধ্যে বসিয়াই সম্পন্ন করা যায়, এবং মুখ্যভাবে অর্থোপার্জন না হইলেও সংসারের অনেক খরচ বাঁচিয়া যায় । আলস্ত, পরনিন্দা, কলহ, প্রভৃতি তুলিয়া এই সবে মন দিলে সংসারের শান্তি কতকটা ফিরিয়া আসিতে পারে ।

দেশে নারীদের জন্ম নানাবিধ আশ্রম হইতেছে । কিন্তু পল্লীগ্রামের নিরাশ্রয়া বা বিধবাগণ যে সহজে আশ্রয়বর্গ বা প্রতিবাসিগণের সাহায্য ছাড়িয়া সহসা এই সব আশ্রমে আসিবেন আমার তাহা মনে হয় না । তাঁহারা এই প্রকার সামান্ত সামান্ত কার্যে মনোযোগ দিলে সচ্ছন্দে কিছু কিছু উপার্জন করিতে পারেন । যাহারা ভগবানের কৃপায় পতিপুত্রশালিনী তাঁহারাও আলস্তে সময় না কাটাইয়া এইরূপে কাজ করিয়া পতিপুত্রের ভার কথঞ্চিৎ লাঘব করিতে পারেন ।

## ধিকৃত

শ্রীমতী আমোদিনী ঘোষ ।

কণ্ঠ হ'তে ঝুটা মোতির মালা

খুলিয়া সবে লইল যবে কঠিন রুচ করে

তুলিয়া দিয়া মিথ্যা মানির ডালা—

মাথার পরে পূর্ণ করি, অঙ্গে দিল আঁকি

বিপুল ঘুণা মসীর ছাপে ছাপে,

টানিয়া দিল রাহির করি আসন হতে তুলি

কথিয়া দার কঠিন অভিশাপে—

কৃত্রিমতার বাঁধন যত লুতার মত বেড়ি

ছেয়ে যে ছিল হাজার পাকের ঘেরে,

গরল খাসে জলিয়া গেল, ভ্রমরূপে তারি

প্রভাত তোমার আসি, নামি ধীরে !

## শরৎচন্দ্রের নারী-চরিত্র

শ্রীযতিপ্রসাদ বন্দ্যোপাধ্যায়, বি-এ, কাব্যসাংখ্যাতীর্থ ।

শরৎচন্দ্র শরৎচন্দ্রের মত বাঙালার সাহিত্যাকাশ আলো করে বসে আছেন। তাঁর লেখা পড়তে ইচ্ছুক নন এমন সাহিত্যিক আছে বলে ত আমাদের মনে হয় না। যে কোন লাইব্রেরীতে গিয়ে দেখলে তাঁর প্রত্যেক পুস্তক দু-তিন কপি করে সংগৃহীত, তাও আবার হাতে হাতে বিলি, সেল্ফে বই গুঠেনা বা মৃত্যুর পূর্বে পর্যন্ত বিশ্রামের অবসর পায় না। স্বদূর মফঃসল হতে আশ্রীয়ার নামে চিঠি আসতে বাড়ী যাবার সময় একসেট শরৎ চাটুয্যের গ্রন্থাবলী নিয়ে যেতে; পল্লীস্থ ক্ষুদ্র ক্ষুদ্র লাইব্রেরীর কর্তারা হাঁ করে বসে আছেন—কবে শরৎবাবুর আর একখানি পুস্তক প্রকাশিত হবে; ডেলিপ্যাসেঞ্জারের দল শরৎচন্দ্রের উপস্থাপন হাতে করে ট্রেনের নিত্য-নৈমিত্তিক সহস্র অসুবিধা অমানবদনে সহ করে দিনের পর দিন কাটিয়ে দিচ্ছেন। শারদীয় পুস্তকাবলী সমগ্র জাতিটার মধ্যে একটা মাদকতা এনে দিয়েছে।

শরৎবাবুর এ সফলতার কারণ কি? তার প্রধান কারণ তিনি যে কটি বস্তুকে কেন্দ্র করে বিরাট সাহিত্যক্ষেত্র প্রস্তুত করছেন সেই কটি বস্তুর মত মধুর জিনিষ ইহসংসারে আর কিছু আছে বলে আমাদের মনে হয় না। এই বস্তুকয়টি চিত্তের অতি উৎকৃষ্ট প্রযুক্তি এবং মূলতঃ এক হলেও বাস্তবতঃ বিভিন্ন প্রকার। তাদের নাম—শ্রীতি, ভালবাসা, স্নেহ, মমতা, স্নেহ, অসুরাগ, অভিমান ও সহায়ত্ব। তিনি বুদ্ধিমানের মত পুরাণ 'নভেলিষ্টদের' মামুলী মসলা—প্রতিহিংসা, প্রতিশোধ, জিঘাংসা, রিরাংসা প্রভৃতিকে একপাশে ঠেলে রেখেছেন,—বিশেষ প্রয়োজনে একটু আধটু কেবল ব্যবহার করেন, তাও স্বকীয় বস্তুকয়টির পুষ্টিসাধনোদ্দেশ্যে

শরৎচন্দ্রের পুস্তকাবলীর বহুল প্রচারের দ্বিতীয় কারণ—তাঁর প্রত্যেক পুস্তকে ভাষা-সৌন্দর্যের সঙ্গে সঙ্গে দুটি করে অবাস্তর বিভাগ থাকে—একটি সমাজ সম্বন্ধে এবং অপরটি মনস্তত্ত্ব সম্বন্ধে। সাহিত্যিকতায় তাঁর নিপুণ হস্ত যেমন স্বাভাবিক স্বচ্ছন্দ গতিতে চলাফেরা কর্তে পারে তেমনি আবার প্রত্যেক পুস্তকে তিনি ভবিষ্য সমাজের উপযোগী এমন এক একটা চিত্র অঙ্কিত করে বসেন যা পড়তে লোকের যেমন আগ্রহ হয়, আবার পড়ে ভাবনা চিন্তায় তেমনি ভরপুর হয়ে যেতে হয়। শরৎবাবু বক্তৃতামঞ্চে সমাজসংস্কারের সম্বন্ধে কোন কথাই বলেন না বটে কিন্তু সাহিত্যের সাহায্যে এমন নূতন নূতন চরিত্রের অবতারণা কর্তে সক্ষম করে দিয়েছেন যা পড়ে কেউ তাঁকে 'কালাপাহাড়' বল্চে, কেউ তাঁকে 'অশ্লীলতার অবতার' বল্চে, আবার কেউ বা বল্চে 'শরৎবাবু যথার্থ সমাজসংস্কারকগণের অগ্রদূত।'

আমরা অনেক সাহিত্যিকের সহিত আলোচনা করে দেখেছি, সকলেরই বিশ্বাস শরৎবাবু এমন কতকগুলি শ্রীচরিত্র অঙ্কিত করেছেন যার ফলে নারী-সমাজে একটা বিশেষরকম ওলট পালট এসে পড়বে, তবে কেউ তাতে ভয় পাচ্ছেন আর কেউবা আশা-উৎফুল্ল-নেত্রে সেই ভবিষ্যতের দিকে চেয়ে আছেন, কখন শারদীয় আদর্শ বাঙালীর সমাজ অবনত মস্তকে গ্রহণ করে নির্ভীকভাবে চলতে আরম্ভ কর্কে।

শরৎবাবুর অস্তরের কথা কি? কোন্ কল্পনা-স্রষ্টাটিকে সমাজক্ষেত্রে বহুমূল করে দেখার জন্মে তিনি আজীবন সাহিত্য সাধনার ব্রতী আছেন? আমার মনে হয় কেবলমাত্র একটা জিনিষ তাঁর বাচ্য, তাঁর সাধ্য,—সেটা হচ্ছে এই যে ভালবাসা



স্বর্গীয়, স্বচ্ছ ও এক এবং এই ভালবাসার মধ্যে বৈধ অবৈধের রেখা টানা যায় না। এই ব্যাপারটিকে প্রমাণ করবার জন্তে তিনি আর একটা বন্ধমূল সমাজ-বৃক্ষকে একেবারে প্রভঞ্নের মত উৎপাটিত করে “উর্দ্ধমূল অধঃশাখা” করে তুলেচেন। সে জিনিষটা হলো—“সতীত্ব”। তিনি দেখাতে চান যে সতীত্ব জিনিষটা একটা হীরকশৃঙ্খের মত বজ্র কঠোর প্রস্তর বিশেষ, একে মহজে ভাঙাও যায় না এবং আগুনে পুড়িয়ে ছাই করাও যায় না, এর মধ্যে একটা বিরাট অন্তঃসারতা আছে।

শরৎবাবুর ভাষার মধ্যে এমন মধুরতা কেন বলতে পারেন? পুরুষ বা নারী যে অবস্থায় যে ভাবে কথা কয় তিনি ঠিক সেই ভাবের ভাষা প্রয়োগ কর্তে পারেন বলে। সাহিত্য-লেখকদের কেমন একটা ভ্রান্ত ধারণা যে, কথিত ভাষাকে অলঙ্কার ভূষিতা না কর্তে পারলে বুঝি ভাষার কদর থাকে না। শরৎবাবু সে পথকে উরগক্ষত আঙ্গুলের মত অমানবদনে বর্জন করেচেন। তাই তাঁর ‘বিরাজ বউ’ হাস্তে হাস্তে স্বামীকে বলতে পেরেচে—“তুমি কম সয়তান!” সাবিত্রী সতীশের মত ছুট, ছুঁদাস্ত, অুবোধ ভাইটির কাণ্ড দেখে ব্যাকুল অহরে, উপরদিকে চেয়ে বলতে শুরুচে—“ভগবান, স্বাক্ষী থেকে!” নারীদের কতকগুলি মিষ্টমধুর বাঁধাবুলি আছে, সেগুলি তাদের অপূর্ণ স্বর ও ভঙ্গিমার সাহায্যে যেমন ভাবে উচ্চারিত হয় শরৎবাবু ঠিক তেমন ভাবেই বইএ লিখেচেন।

শরৎবাবুর ভাষা, তাঁর মনের কথা, তাঁর চরিত্রাবলী—এই তিনটা বিষয় নিয়ে পৃথক পৃথক বহুল সমালোচনা হয়েছে, হচ্ছে এবং হবেও। আমাদেরও ইচ্ছা আছে, সময় এবং সুযোগ পেলে এই সব বিষয়ে গোটাকতক কথা বলবো। এখন তাঁর চরিত্রাবলী বিশেষতঃ “নারী-চরিত্রের” সম্বন্ধে দুই একটা কথা বলে এই প্রবন্ধ শেষ করে যাই। সকলেই একবাক্যে বলে থাকেন শরৎবাবু নারী-

চরিত্র বিশ্লেষণে মনস্তত্ত্বের চরমোৎকর্ষ দেখাতে পারেন। আমিও সর্বাস্তঃকরণে তা স্বীকার করি। শরৎবাবু যে সমস্ত চরিত্রাংশ ফুটিয়ে তুলেচেন তাঁর অধিকাংশই বাস্তব সত্য এবং দৈনন্দিন জীবনের স্বাক্ষীস্বরূপ। সত্য বলতে কি আমার পরিচিত মহিলাদের মধ্যে কাকেও আমি ‘সাবিত্রী’, কাকেও ‘বিরাজ’, কাকেও ‘বিন্দু’, কাকেও ‘রাজলক্ষ্মী’, কাকেও ‘জ্যাঠাই মা’ বলে মনে করি।

যাক বাজে কথা। এখন শরৎবাবুর নারী-চরিত্রের গোটাকতক বিশেষত্বের বিষয় উল্লেখ করে এই প্রবন্ধ সমাপ্ত করি। শরৎবাবু দেখাতে চান—

১। নারীর ভালবাসা একটা বাস্তব পদার্থ। স্ত্রীপুরুষের মিলনে নারীর হৃদয়ে যদি একবার অহুরাগ জন্মে যায় তবে সেই অহুরাগ সহস্র বাধা বিশ্বের মধ্যেও সমান ভাবে বর্জিত ও পরিপুষ্ট হতে থাকে। দেশ ও কালের ব্যবধান এই অহুরাগকে কোনরূপ ক্ষীণ বা বিনষ্ট কর্তে পারে না।

২। নারী কখনো প্রতিশোধ নিতে জানে না। যদি পুরুষের উপর প্রতিশোধ নেবার প্রবৃত্তি তার মধ্যে জেগেও ওঠে তবে সেই প্রতিশোধ এমনভাবে নিয়ে থাকে যাতে নিজেরই সর্বনাশ ছাড়া আর বেশী কিছু কর্তে পারে না—পুরুষের অনিষ্ট করা তার সাধ্যে ঘটে না।

৩। নারী কখনো অসভ্য বস্তুকে লাভ করবার জন্ত লালায়িত হয় না। যদি বিধির বিড়ম্বনায় এমন কোন পুরুষের উপর স্নেহ-প্রবণ হয়ে পড়ে যাকে স্নেহের অতিরিক্ত একবিন্দু অপর কিছুই দেবার অধিকার তার নেই, তবে সেই পুরুষের সহস্র অহুরোধও তাকে কেবল স্নেহ ছাড়া আর কিছু’সে প্রাণান্তেও দেবে না; নিষ্ঠুর নির্মম হৃদয়ে তার কাতর প্রার্থনা পদদলিত কর্তে!

৪। ভাব-গুপ্তিতে নারী অধিতীয়। যদি বাল্যকালের মেলামেশা হতে কোন পুরুষের উপর তার অহুরাগ জন্মে এবং পরে যদি সে বুঝতে পারে

এ অচ্যুত তার পক্ষে অবৈধ, তবে সেই পুরুষের সঙ্গে এমনভাবে শ্রদ্ধা করে যাতে তার হৃদয় ভেঙে চূঁরমার হয়ে গেলেও জগৎ দেখবে এরা দুজনে সাপে নেউলে, বা আদায় কাঁচকলায়।

৫ : নারী রূপ অপেক্ষা গুণেতেই বেশী মুগ্ধ, আবার গুণ অপেক্ষা নিগুণে আরো মুগ্ধ। যে লোক সংসারে উদাসীন, ছুট, বালকহুলভ চপল, অলস, ভবঘুরে, তাকে সংসারী করবার জন্ত, তাকে স্নেহ যত্ন করবার জন্ত নারীর প্রাণ আপনা হতেই ব্যাকুল হয়ে পড়ে। তাকে সহস্র বিপদ হতে উদ্ধার করবার জন্ত নারী নিজের বুক সর্কাগ্রে পেতে দিয়ে বসে।

এইবার এই বিশেষত্বগুলি উদাহরণ দ্বারা বোঝাতে চেষ্টা করো। পাঠকপাঠিকা প্রথম বিশেষত্বটী মনে করুন। একটা পিলেকুগী পেট-মোটা বাচ্চা নেয়েকে শ্রীকান্ত ছেলেবেলায় ঘুরিয়ে ফিরিয়ে নিয়ে বেড়াত, সহস্রভাবে উৎপীড়ন করে তাকে দিয়ে কাজ করিয়ে নিত কিন্তু কি আশ্চর্য, সেই মেয়েটা—সেই রাজলক্ষ্মীটা মনে মনে এই উৎপীড়ক ছেলেটাকেই ধ্যান কর্তো। তারপর সেই রাজলক্ষ্মী বিখ্যাত সুলক্ষী, বিখ্যাত গায়িকা পিয়ারীবাইজী হয়ে উঠলো, আর বহুকাল পরে ঘটনাচক্রে শ্রীকান্তও তারই বাড়ীতে এসে উপস্থিত। পিয়ারী এক দৃষ্টিতে তার সেই ধোয় বস্তকে চিনে নিয়ে চিরকালের জন্ত তারই চরণে আত্মবিক্রয় করে দিলে; তাকে কোথাও যেতে দেবেনা, চকের আড়াল কর্তে দেবে না—সে যখন পালিয়ে গেল, তখন সে কেঁদে কেঁদে পাগলিনী হল।

কিরণময়ী উপেনের উপর অভিমান করে তাকে জ্বল কর্তে। উঃ, সে কি জ্বল! কি প্রতিশোধ! দিবারককে নিয়ে বর্ষায় পলায়ন! কেমন উপেন, তুমি জ্বল হলে কি না? তারপর উদ্গাদিনী হয়ে পথে পথে ভ্রমণ! এইবার উপেন? উপেন

পরপারে চলে গেল, কিরণময়ী পাগলাপারদে ঢুকলো।

সাবিত্রী মনে জানে বুঝেছিল সতীশকে স্নেহ যত্ন ছাড়া আর অধিক কিছু দিবার অধিকার তার নেই। সতীশ সাবিত্রীর নিরুট হতে আরো অধিক পার্ভার জন্তে কি কাণ্ডই না কর্তে! হৃদ্যন্ত সতীশ,— চরিত্রহীন সতীশ সাবিত্রীকে জালিয়ে পুড়িয়ে অন্ধার করে তুলতে লাগল, কিন্তু কিছুই আদায় কর্তে পার্তে না, শেষ পর্যন্ত সেই এক জিনিষ—স্নেহযত্ন।

কঠোর পল্লীসমাজের বিধবা রমা দেখলে রমেশ,—তার সহস্র অশান্তির মূল রমেশ আবার ঘুরে ফিরে দেশে ফিরে এলো এবং এসে বসবাস কর্তে শুরু করে দিল। রমার মাথায় বজ্রাঘাত পড়লো, একে যে আর কাছে ডেকে 'রমেশ দা' বলবার অধিকার তার নেই! তাই এমনি শ্রদ্ধা শুরু করে দিল যে বিশ্বাসক্রান্ত তা দেখে অবাক হয়ে গেল, রমেশ নিজে স্তম্ভিত হয়ে ভাব্তে এই কি সেই রমা! বিধির বিড়ম্বনা বটে!

সাবিত্রী ছুট, হৃদ্যন্ত, সংসারে উদাসীন, অমিতব্যয়ী সতীশকে নিয়ে কি জ্বালাতনেই না পড়েছিল কিন্তু তা সত্ত্বেও তার সেই অবাধ্য ভাইএর জন্ত সদাসর্বদা তার একটা চক্ষু আর একটা হাত উন্মুক্ত করে রেখেছিল।

আমি মোটামুটি কয়েকটি বিশেষত্বের উল্লেখ করলাম এবং উদাহরণ সমেত তা বুঝিয়ে দিলাম। আরো অনেক বিশেষত্ব আছে, সব বর্ণনা কর্তে গেলে প্রবন্ধের কলেবর স্তব্ধ হয়ে পড়ে।

মোটকথা শরৎবাবু নারী-চরিত্র বিশ্লেষণে যে অদ্বিতীয় এ কথা সর্ববাদীসম্মত। তবে তিনি অনেক সময় অত্যন্ত একসূত্রীমে উঠে পড়েচেন এবং তা হতে অনেক বিষয়ে আবাস্তবিকতার ছায়াপাতও হয়েছে। এসম্বন্ধে এবং শরৎবাবুর নারী-চরিত্র সম্বন্ধে আরো বিস্তারিত আলোচনা বারাস্তরে করা যাবে।

# প্রত্যাহ্ব

( উপস্থাপন )

শ্রীমতী প্রভাবতী দেবী সরস্বতী ।

[ পূর্ব প্রকাশিতের পর ]

( ১০ )

বিজয়ার দিন নয়টার ট্রেনে সরিত বহরমপুর  
ষ্টেশনে নামিয়া পড়িল ।

বহুদিন পরে সে নিজের দেশে ফিরিয়াছে ।  
অসীমের জন্ত তাহার প্রাণটা বড় ব্যাকুল হইয়া  
উঠিয়াছিল । সে নিজেরই জানিত না অসীমকে  
সে এতটা ভালবাসে । যখন সে দেখিল অসীম  
কি জানি কেন তাহার উপর বিরক্ত হইয়া উঠিয়াছে,  
তখন সে কিছুদিন তাহার নিকট হইতে দূরে  
থাকাই সঙ্গী মনে করিল । ছোট বেলা হইতে  
এ বাড়ীতে যাতায়াত করিয়া সে আপনার লোকের  
আয়ই হইয়া গিয়াছিল । কিছুদিন দূরে গিয়া সেই  
ভাবটা বিসর্জন দিয়া সে পরের আয় আসিতে ইচ্ছা  
করিয়াছিল ।

• সে পূর্বেই অসীমকে পত্র দিয়াছিল যে সে  
বিজয়ার দিনে নয়টার ট্রেনে বহরমপুর পৌঁছাইবে ।  
ট্রেন হইতে নামিবার সময়ও তাহার খুব আশা  
ছিল অসীম আসিয়াছে । কিন্তু নামিয়া চারিদিকে  
চাহিয়া দেখিল অসীম আসে নাই ।

মুহূর্তের জন্ত তাহার মনে হইল অসীম বোধ হয়  
তাহাকে এখনও সেই বিরক্তিপূর্ণ নেত্রে দেখিতেছে ।  
সে যে দার্জিলিং হইতে কত উচ্ছাসময় পত্র প্রেরণ  
করে, তাহার উত্তর লেখা থাকে সামান্য দুচার  
লাইন মাত্র । নেহাৎ না দিলে নয় তাই অসীম  
যেন বাধ্য হইয়া উত্তরটা দেয় । সে যে যথার্থ  
বন্ধুর মত অসীমকে ফিরাইতে গিয়াছিল, তাহার

মনের অঙ্ককার দূর করিয়া দিতে গিয়াছিল তাহা  
অসীমের নিশ্চয়ই বিরক্তি উৎপাদন করিয়াছে ।

সরিত চূপ করিয়া একটুখানি দাঁড়াইয়া রহিল,  
তাহার পর ধীরে ধীরে ষ্টেশনের বাহিরে আসিল ।

বাড়ী হইতে তাহাকে লইয়া যাইবার জন্ত গাড়ী  
আসিয়াছিল । আর একবার একটা নিখাস ফেলিয়া  
সে গাড়ীর পাদানে পা রাখিয়া সবেমাত্র উঠিতে  
যাইতেছে, সেই সময় কাহার আহ্বান তাহার কাণে  
আসিল “ওহে সরিত, বলি, কাণে কি কম শুনছ  
নাকি, না সাহেব হয়ে গেছ দার্জিলিংয়ে থেকে,  
বাকালী বন্ধুদের কথা আর কাণে যাবে না ?”

সরিতের হৃদয়খানা কাঁপিয়া উঠিল । খুব আশা  
করিয়া সে মুখ ফিরাইল, কিন্তু সে অসীম নয় সুধীর ।  
সুধীর ততক্ষণে কাছে আসিয়া পড়িল । সরিতের  
পৃষ্ঠে একটা চপেটাঘাত করিয়া বলিল “দেখ দেখি,  
চিনতে পারবে ?”

‘সরিত আপনাকে সামলাইয়া লইয়া হাসিয়া  
বলিল “ভয় নেই । সাহেবী পোষাকে থাকলেই  
সাহেব হয় না, এর মধ্যে সেই বাকালীরই হৃদয়  
আছে।”

সুধীর তাহার পোষাকের পানে চাহিয়া বলিল  
“এ পোষাক তোমাকে কখনই মানায় না সরিত ।  
যে বাকালী বলে নিজের গর্ব করে, তার গর্ব অক্ষুণ্ণ  
রাখতে বাকালীর সোজাসৃজি কাঁপড় চাদর ভাল ।  
তোমার যে বাকালীর হৃদয় আছে তা জানা যাচ্ছে  
না, কারণ সেটা লুকিয়ে আছে, এই পোষাকটার  
অস্তরালে । বাকালীমায়ের সন্তান যারা তারা

সর্বাংশে বাঙ্গালীই থাকবে, সেটা তোমায় মনে করিয়ে দিতে হবে না নিশ্চয় ?”

সরিত অপ্রস্তুত ভাবে টুপিটা গাড়ীর মধ্যে ফেলিয়া দিয়া বলিল “ঠিক কথা বলেছ। আমরা যেন বর্ণসঙ্কর হয়ে যাচ্ছি দিন দিন। মনটা থাকে বাঙ্গালী, পোষাকটা হয় সাহেবী। ভয় হয় পাছে কাপড় চাদরে কেউ না মানে। শূন্যগর্ভ মানটাই চাই কিনা, আসল কাজের লোক হতে গেলে যে দীনতাই দরকার, সে-ই যে আমাদের উচ্চ সম্মান দেবে, তা বুঝিনে। যাক আক্কেল হয়ে গেছে খুব।”

সুধীর হাসিয়া বলিল “আর নিজের লোকদের ছেড়ে পরের কাছে বসা এটাও ভাল নয়। তোমার পয়সা আছে, তুমি বড়লোক, তা বলে তুমি যে একেবারে সাহেবদের মাঝখানে গিয়ে বসবে, সেটাও কোন রকমে মানায় না। থার্ডক্লাস, ইন্টারক্লাস এই দুটো যখন বাঙ্গালীরই, তখন বসতে হবে, তাদেরই মাঝখানে। তোমার পয়সা আছে, তুমি বিদ্বান বলে সাহেবরা আদর করে তোমায় কাছে বসাবেন, আর যারা তোমারই এক একটা ভাই, তাদের পয়সা নেই, তারা লেখাপড়া জানেনা বলে তাদের ‘বি অফ্ ইউ ব্লাডি নিগার’ বলে তাড়িয়ে দেবেন। তোমার তখন অমুভব করা উচিত যে—”

সরিত হাতঘোড় করিয়া বলিল “তোমার পায় পড়ি সুধীর, আর ওসব কথাগুলো তুলো না। আমি ঠিক বলছি আমার আসন ওই থার্ডক্লাসের ভারতবাসীর মধ্যে, দেখে নিয়ো এবার হতে।”

সুধীর তাহার পকেটের পানে লক্ষ্য করিয়া বলিল “আর পয়সা আছে বলে তুমি যে দেশী বিড়ি ফেলে, দেশের কথা ভুলে বিলাতি সিগার খাবে, তাতেও নিজেকে খাঁটি স্বদেশী বলতে পারবে না তা আমি বলে দিচ্ছি।”

সরিত সিগার-কেসটা বাহির করিয়া সম্মুখস্থিত ফুলবাগানে ছুড়িয়া ফেলিল। কিরিয়া বলিল

“আজ হতে বিড়িই ধরব। আর কি বলতে চাও বলে কেল।”

সুধীর তাহার ভাব দেখিয়া হাসিতেছিল, বলিল “বলতে গেলে এখনও ঢের আছে। অামরা দিন দিন এত বিলাসী হয়ে পড়েছি যে ছোট খাট অনেক জিনিস মোটে কেয়ারে আনি নে। প্রতিদিনকার অভ্যাসগুলি—হেস না যেন আমার কথা শুনে, যেমন ঘুম থেকে ওঠা, মুখ ধোওয়া, স্নান করা, অভ্যাসমত চা খাওয়া, ঢের জিনিস আছে যাদের সঙ্গে আমাদের দেশের আগে কখনও পরিচয় ছিল না, অথচ আমরা তাকেই দেশের জিনিস বলে দেশে চালাতে চাই।”

সরিত একটু হাসিয়া বলিল “তুমি তো আগে এত শ্রাশানালিষ্ট ছিলে না সুধীর, হঠাৎ হয়ে উঠলে কি করে তাই ভাবছি।”

সুধীর বলিল “একটা ঝড় উঠেছে যে দেখতে পাচ্ছো না? আজকাল শ্রাশানালিষ্ট প্রত্যেকেই। প্রকৃত যে কয়টি, তাই দেখা হচ্ছে, আসল কাজ। সে যাই হোক, তা দেখবার জন্তে আমাদের মাথা ঘামানোর দরকার নেই, আমরা ঠিক নিজের কাজ করে গেলেই হল। তুমি এখন এখানে থাকবে তো?”

সরিত একবার আকাশের দিকে চাহিয়া বলিল “সবে তো এই ট্রেন থেকে এসে নামলুম, এখনই জিজ্ঞাসা করছ কতদিন থাকব?”

সুধীর হাসিয়া বলিল “তোমার খেয়ালই যে অপূর্ব। হয় তো আবার সন্ধ্যার ট্রেনে চলবে কলকাতায়। কাজেই জিজ্ঞাসা করতে হয় থাকবে কি না?”

সরিত বলিল “উপস্থিত জেলা ছেড়ে কোথাও যাচ্চিনে। ছই একদিন বিশ্বাস করে পাড়াগাঁগুলো বেড়াতে যাব।”

সুধীর বলিল “আমাদের বাড়ীতে পদার্পণ হবে কি?”

চকিতে আজ কয়েকমাস পূর্বকার একটা দিনের



কথা সরিতের মনে জাগিয়া উঠিল। সেদিন কে জানিত অসীম তাহার কাছ হইতে দূরে সরিয়া যাইবে ?

সরিত বিমর্ষভাবে বলিল “যাব তো ইচ্ছে আছে, দেখি কতদূর কি করে উঠতে পারি। এখন ঠিক করে কিছুই বলতে পারব না। কি জানি আজ তোমায় কথা দিয়ে যাব, রাত্রেই যদি মরে যাই।”

সুধীর আবার তাহার পিঠে একটা চড় মারিয়া বলিল “ফের ওসব কথা বলবে যদি, ভাল হবে না। মরবে মুরুক অপদার্থ বড়লোক গুলো, যারা দেশের পানে ফিরে চায় না, দেশের দুঃখীর অবস্থা বুঝে দেখে না, নিজেদের উচ্চতার অহঙ্কার মনে জাগিয়ে, মাথায় সম্মানের বোঝা নিয়ে পরের অনুকরণ করে বেড়ায়। তোমার উপরে আমরা অনেক আশা রাখি ভাই, তুমি যে দেশের ছেলে, দেশের কাজ করবে এ আমি বেশ বলতে পারি।”

সরিত তাহার মুখে হাত চাপা দিয়া বলিল “থাক, অতটা গর্ব ক’র না। জানতো, মানুষের মন সব সময় সমান থাকে না। আজ আমি খেয়ালের বেশে দেশের ছেলে হয়ে কাজ করব, কাল আবার হয়তো দেশের শত্রু হয়ে দাঁড়াব। আকাশে এখনও মেঘ আছে, আর্মার মধ্যে এখনও বিলাসিতার আক্রমণ আছে। এখন আমি স্নামাকে শেষ শস্যায় শায়িত করতে পারব দেশের কাজ করে, তখন আমার প্রশংসা কোরো। বেঁচে থাকতে আমার কথা যেন মুখে এনো না। ওতে আমায় দুর্বল করবে বই সবল করতে পারবে না।”

মুখখানা সরাইয়া লইয়া সুধীর বলিল “সে ভাল কথা। যাক, এ কথা ছাড়ছি, এখন সংসারের কথা ছুটো বলি। এই তো উপযুক্ত সময়; বিয়ে করলে না, কিছু না। এটা কি বড় ভাল কাজ ইচ্ছে তোমার ?”

সরিতের মুখখানা অন্ধকার হইয়া আসিল। সে বলিল “বিয়ে ক’রে লাভ ?”

সুধীর মুখখানা নানা রেখায় বৃদ্ধিত করিয়া বলিয়া উঠিল “লাভ ? লাভ যথেষ্ট। দেশের কাজে যেমন ছেলের দরকার, মেয়েরও তেমন দরকার। দুখানা হাতে যে কাজ করবে, চারখানা হাতে সে কাজটা কত অল্প সময়ের মধ্যে হয়ে যাবে মনে ভেবে দেখ দেখি।”

সরিত বলিল, “সহায় লাভের কথা বলছ তো ? তোমরাও তো আছ। আমি যদি হাঁফিয়ে পড়ি কোন কাজ করতে, তোমাদের ডাকব। বিয়ে করে একটা সংসার নিয়ে জড়িয়ে পড়তে ইচ্ছে আমার একটুও নেই ভাই।”

সুধীর সহঃখে বলিল “আমাদের কথা বলেই ঠেলতে পারছ। যদি তোমার মা বাপ থাকতেন, তাঁদের কথা কোন মতেই ঠেলতে পারতে না। সংসারে একটা মোটে বোন, সেও বয়সে ঢের ছোট, একটা তাড়া দিলেই কোথায় লুকাবে।”

ভগিনীর কথা শুনিয়া সরিতের মুখের অন্ধকার দূর হইয়া গেল; হাসিতে তাহার মুখখানা উজ্জ্বল হইয়া উঠিল। সে বলিল “ওঃ, তাই ভাবছ তুমি ? বিনীতাকে তেমন মেয়ে ভেব না যে একটা তাড়া দিলে পালাবে। সে উণ্টে আমাকেই এমনি শাসন করে যেন আমিই তার ছোট ভাই। বাস্তবিকই তাকে আমি ভয় করে চলি। আর ভয় না করলেই বা উপায় কি ? তার প্রধান অস্ত্র আছে চোখের জল; পাছে সে অস্ত্র বার করে, এই ভয়েই আমায় অস্থির থাকতে হয়।”

সুধীর বলিল “অসীম কেন যে আজ টেশনে আসেনি” আমি তাই ভাবছি। আমায় সে কাল বিকেলে তোমার পত্রখানা দেখিয়ে, বললে ‘তুমি যদি ভাই দয়া করে একটু টেশনে যাও।’ তার কথা শুনেই আমি আসলুম। কি যে হয়েছে তার তা জানিনে, তাদের বাড়ীতেই একটা গোল বেধেছে। ললিতবাবুর মুখখানাও তেমন অন্ধকার। অবশ্য বাড়ীর ভেতরের খবর যদিও আমি কিছু জানি নে, তবু আন্দাজে বুঝতে পারছি সেখানেই



গোল বেধেছে । তুমি তো যাও, তাদের বাড়ীর মধ্যে—”

বাধা দিয়া সরিত বলিয়া উঠিল “যেতুম রটে । সেটা পাষ্টএ চলে গেছে, প্রেক্ষেণ্টের মধ্যে আর নেই, কিবা কিউচারেও থাকবে না ।”

বিস্মিত হইয়া স্বধীর বলিল “তোমাদের সবাই এক একটা হেঁয়ালী । যাই হোক আমার পরের কথা বলবার বিশেষ দরকার নেই, তোমার কাছে সবই প্রকাশ পাবে এটা ঠিক কথা । আমি এখন তাহলে যাচ্ছি, বিকেলে বিসর্জনের পরে আবার দেখা করবখন ।”

সরিত তাহার হাতখানা চাপিয়া ধরিয়া বলিল “গাড়ীতেই চল না কেন ? তোমাদের বাসার কাছে নামিয়ে দিয়ে যাব । আমাকেও তো সেই রাস্তাতেই যেতে হবে ।”

স্বধীর মাথা নাড়িয়া বলিল “উহ । আমার এদিকে যেতে হবে এক বছর কাছ, বিশেষ রকমের দরকার আছে, নইলে এমন করে আরামে গাড়ীতে বসে খাবার প্রলোভনটা ত্যাগ করতুম না । বিকেলে নিশ্চয়ই যাব ভাই । খাবার আয়োজনটা যেন করা থাকে, এখন হতেই বলে রাখছি ।”

সরিত তাহার হাত ছাড়িয়া দিয়া হাসিতে হাসিতে গাড়ীতে উঠিয়া বসিয়া বলিল “নিশ্চয়ই । কোনদিন শুধু মুখে ফিরেছ, বল দেখি ?”

স্বধীর বলিল “সেটা তোমার দয়ায় নয়, তোমার বোনের দয়ায় । তুমি তো গলাধাক্কা দিয়ে তাড়াতেই চাও হে, ভাপ্যে সে ছিল তাই যেতে পাওয়া যায় ।”

সে চলিয়া গেল । কোচম্যান গাড়ী ছুটাইল ।

( ক্রমশঃ )

## জননী

শ্রীরামেন্দু দত্ত ।

জয় মা জননী জয় মা জয় !

লক্ষ যুগের কলুষ, তোমার

‘পুণ্য পরশে হয় মা ক্ষয় !

ধরার মলিন ধূলিরাশি যবে

আসে উপহাসি’ হা-হা কলরবে,

‘তোমারি-চিন্তা-শান্তি-ধারায়

সকল বেদনা হয় মা লয় !

জয় মা জননী জয় মা জয় !

আধার যখন আবরে অবনী,

গরজে অশনি, ঝঞ্জা বয়,

সে আধার মাঝে তোমারি চরণ

আর্জনের স্মরণ হয় !

পিতা কভু ছাড়ে মমতা তুলিয়া,

তুমি তবু কোলে লও তুলিয়া,

স্নেহ যে তোমার সর্ব-বিজয়ী

তার কাছে কিছু নয় মা নয় !

জয় মা জননী জয় মা জয় !

# হিন্দুমহিলা-জাতীয়-বিশ্ববিদ্যালয়

শ্রীশ্যামলাল গোস্বামী ।

প্রায় দুই বৎসর পূর্বে আচার্য প্রফুল্লচন্দ্র রায়, ৮আশুতোষ চৌধুরী প্রভৃতির স্বাক্ষরিত একখানি আবেদনপত্র পড়িয়াছিলাম। সেই পত্রে তাঁহারা একটি হিন্দুমহিলা-জাতীয়-বিশ্ববিদ্যালয় প্রতিষ্ঠার জন্য দেশবাসীর নিকট অর্থ সাহায্য প্রার্থী হইয়াছিলেন। তাঁহাদের প্রার্থনায় দেশের কেহ টাকাকড়ির সাহায্য করিয়াছিলেন কিনা জানি না, তবে আবেদনপত্রে আচার্য প্রফুল্লচন্দ্রের নাম দেখিয়া ভাবিয়াছিলাম, যখন অনন্ত কন্ঠী আচার্যদেবের শ্রায় লোক এই সদনুষ্ঠানে ব্রতী হইয়াছেন তখন ইহা নিশ্চয়ই “বহুভাষে লঘুক্রিয়ায়” পর্যবসিত হইবে না। কিন্তু আমাদের সকল আশাই আকাশকুসুমের পরিণত হইয়াছে, আচার্য, রায়ের মূলে আর সে বিষয়ে উচ্চবাচ্য শুনিতে পাই না। এদিকে দেশে বর্ণাশ্রম ধর্ম্মানুযায়ী জ্ঞানশিক্ষা দিবার জন্য দেশের মধ্যে যে প্রবল আগ্রহের সঞ্চার হইয়াছে, তাহার স্পষ্ট আভাষ চতুর্দিকেই দেখা যাইতেছে। নিতান্ত গোড়া ব্রাহ্মণও যিনি, তিনিও এখন মেয়েদের ন্যায়বিবাহের ঘোরতর বিরোধী এবং কি করিয়া অনুচা, অবিবাহিতা কুমারী মেয়েদের আর্ধ্যধর্ম্মানুমোদিত শিক্ষা দেওয়া যাইতে পারে তাহার উপায় চিন্তা করিতেছেন। ডাঃ গৌরের “কনসেন্ট বিলের” সমর্থন অনেক গোড়া হিন্দু পর্যন্ত করিয়াছেন, কেন না জগতের রাজনৈতিক, অর্থনৈতিক চেতনার দিকে দৃষ্টি প্রসারিত করিয়া এখন তাঁহারা প্রাণে প্রাণে এ সত্যটা বেশ হৃদয়ঙ্গম করিয়াছেন যে, আত্মীয় পরাধীনতার বন্ধন মোচন করিতে গেলে শুধু পুরুষের চেষ্ঠায় তাহা হইবে না, পরন্তু নারী জাতিকেও এই মুক্তিসংগ্রামে নামাইতে হইবে।

তাহা ছাড়া পণপ্রথার বিষয় চাপে বাধ্য হইয়া লোককে কন্ঠাগণকে অবিবাহিতা রাখিতে হইতেছে। কিন্তু বিনা কার্যে, বিনা শিক্ষায় মেয়েদের যদি ঘরে রাখা যায় তাহার ফলও খারাপ হইবে এই আশঙ্কায় অনেকের প্রাণই উষ্মলিত হইয়াছে। কাজেই বলিতে হয়, হিন্দুবালিকাদের শিক্ষার জন্য উচ্চতর বিদ্যালয় ও বিশ্ববিদ্যালয় প্রতিষ্ঠা করিবার যদি কোন প্রশস্ত সময় থাকে তবে এখনই মাহেশ্বরকণ,—অমৃতযোগ। শ্রীশ্রীগৌরীমাতার অক্লান্ত পরিশ্রমে বলরাম ঘোষের স্বীকৃতিতে শ্রীশ্রীসারদেশ্বরী আশ্রমের জন্য একটি প্রকাণ্ড অট্টালিকা নির্মাণের চেষ্টা চলিতেছে। সেই অট্টালিকায় আশ্রমের শিক্ষাপ্রণালী আরও উচ্চতর করিয়া হিন্দুমহিলা জাতীয় বিশ্ববিদ্যালয়ের ভিত্তি স্থাপন করা হইবে। আমরা শ্রীশ্রীসারদেশ্বরী আশ্রমের শিক্ষয়িত্রী, অনুষ্ঠানজীবনের কাহারও কাহারও নিষ্কাম কর্মনিষ্ঠার সংবাদ রাখি এবং মাতাজী দুর্গাপুরী দেবী, মাতাজী স্তম্ভা দেবী প্রভৃতির শ্রায় আদর্শস্থানীয়া হিন্দুবিহুসীর নেতৃত্বাধীনে এরূপ একটি প্রতিষ্ঠান গড়িয়া উঠিলে যে তাহা হিন্দু জনসাধারণের একটা প্রবল অভাব দূর করিবে সে বিষয়ে অসুন্দর সন্দেহ নাই। দেশের আপামর সাধারণের কর্তব্য অর্থাৎ দ্বারা এই প্রতিষ্ঠানটির প্রতিষ্ঠায় সহায়তা করা। এই আশ্রমটিকে একটা জাতীয় মহিলা-বিশ্ববিদ্যালয়ে পরিণত করার চেষ্টা অনেক দিন হইতেই করা হইতেছে এ সংবাদ আমরা রাখি এবং অনেক দিন হইতেই এই প্রতিষ্ঠানটির শাখাপ্রশাখা বৃদ্ধির সর্বজন প্রতিষ্ঠিত করিবার চেষ্টা হইতেছে তাহাও আমরা জানি, কিন্তু এতদিনেও প্রতিষ্ঠানের কর্তৃগণের চেষ্টা সাকল্যমণ্ডিত না হওয়ায় আমাদের মনে এই

ধারণা বহুমূল হইয়াছে যে দেশের রাজা, মহারাজা, জমিদার, ধনাঢ্য ও শিক্ষিত লোকেরা এদিকে তেমন দৃষ্টি প্রদান করেন নাই।

বেধুন কলেজাদি বিশ্ববিদ্যালয়ের সংশ্লিষ্ট স্কুল কলেজে হিন্দুর ঘরের মেয়েরা ছু'পাতা ইংরাজী পড়িয়া শেষে যে আচারে, ব্যবহারে, কথাবার্তায়, চালচলনে একেবারে আধা "মেম সাহেব" হইয়া পড়েন একথা আমরা অনেকবার বলিয়াছি। বিশ্ব-বিদ্যালয়ের শিক্ষাপ্রণালীর ফলে দেশের হিন্দু মুসলমান-ঘরের ছেলেরা যখন আজ বিকৃত-ধর্ম, শিথিল ধর্ম, নৈতিক চরিত্রহীন, আলশুপরায়ণ, উপার্ক্সনে অক্ষম একটা বিলাসী সম্প্রদায়ে পরিণত হইতেছে, তখন মেয়েরাও যে তদপেক্ষা আরও নিকৃষ্টতর হইয়া পড়িবে তাহাতে আর বিশ্বয়ের বিষয় কি আছে? আমাদের হিন্দু-ঘরের মেয়েদের চাই একরূপ শিক্ষা যাহার দ্বারা স্বামীভক্তি, দেবদ্বিজ্ঞে আত্মরক্তি, অতিথিবাৎসল্য, পূজা, পার্কণ, ব্রতাহুষ্ঠান প্রভৃতিতে তাহাদের মন অবিচলিত থাকে। কিন্তু বিশ্ববিদ্যালয়ের অহুমোদিত পাঠ্য পুস্তকানুসারে উপরোক্ত স্কুল কলেজ সমূহে যে শিক্ষা দেওয়া হয় তাহা হিন্দুজাতির পক্ষে আত্মঘাতী শিক্ষা,—ওরূপ বিষয়ময়ী শিক্ষা দেওয়ার চেয়ে মেয়েদিগকে অশিক্ষিতা রাখাও সর্বাংশে শ্রেয়স্কর। আজকাল অনেক শিক্ষিত হিন্দু ভদ্রলোক মেয়েদের হিন্দু ধর্মাহুমোদিত শিক্ষা দিবার অল্প কোন উপায় না দেখিয়া তাহাদিগকে ব্রাহ্মবালিকা বিদ্যালয় প্রভৃতিতে নিতান্ত অনিচ্ছা সত্ত্বে পাঠাইতেছেন। কি করেন? বিশ্ববিদ্যালয়ের অনেক নব্য যুধক মেয়ে লেখাপড়া অর্থাৎ 'এ-বি-সি-ডি' না জানিলে এবং উচ্চৈঃস্বরে-হারমোনিয়ম সহযোগে, ছুই একটা গান করিতে না পারিলে সে মেয়েকে আদৌ বিবাহ-যোগ্য মনে করেন না। এই সমস্ত শিক্ষিত হিন্দুগণ যেই মাত্র সারদেশ্বরী আশ্রম প্রভৃতির দ্বায় উচ্চ শিক্ষালয়ের সন্ধান পাইবেন, সেই অবিচলিত চিত্তে তাঁহাদের কর্তাগণকে তথায় প্রেরণ করিবেন।

সারদেশ্বরী আশ্রমের কর্তীগণের উচিত আর নীরব না থাকিয়া অবিলম্বে তাঁহাদের প্রতিষ্ঠানটির বিস্তৃতি সাধন করা। আশ্রমের কর্তীগণের একটি প্রধান ক্রটি এই, যে তাঁহারা এ পর্যন্ত তাঁহাদের প্রতিষ্ঠানের সংবাদ জনসাধারণের গোচর করেন নাই। আমাদের মত দুই চারিজন লোক যাহারা ক্রীশিক্ষার বিষয় একটু চিন্তা করেন, অথচ অর্থাভাবে, সময়ভাবে কিছু করিতে পারেন না, তাঁহারা এই আশ্রমের সংবাদ রাখেন। আশ্রমের কর্তীগণ যেভাবে হিন্দুনারীর আদর্শ বজায় রাখিয়া মেয়েদিগকে বেদ, বেদান্ত, শ্বত্ৰি, সাংখ্য হইতে ইংরাজী, ইতিহাস, ভূগোল, চরকা ও বয়নশিল্প প্রভৃতির শিক্ষা দেন তাহাতে তাঁহাদের শিক্ষাপ্রণালীর দিকে এতদিনে দেশের লোকের নিশ্চয়ই দৃষ্টি আকৃষ্ট হইত, যদি তাঁহারা দেশের দৃষ্টি আকর্ষণ করিবার জন্য তেমন "চেষ্টা" করিতেন।

আজকাল নব্য তুরস্কের দেখা দেখি ভারতের মুসলমানসমাজও অবরোধপ্রথার কঠোরতা দূর করিয়া মেয়েদিগকে শিক্ষা দিবার অল্প উদ্গ্রীষ হইয়াছেন। এ সময় গোঁড়া মুসলমানগণ কেন যে এ বিষয়ে নিশ্চেষ্ট রহিয়াছেন তাহা আমাদের স্কুল-বুদ্ধির অতীত। সরকারী বিশ্ববিদ্যালয়-সংশ্লিষ্ট বিদ্যালয় হইতে ছুই একটা মুসলমান মহিলা প্রতি বৎসর ম্যাট্রিক, আই-এ, বি-এ পরীক্ষায় উত্তীর্ণ হইতেছেন বটে, কিন্তু তাঁহারা যে ক্রমেই মুসলমান সমাজ ও ইসলাম ধর্মের বাহিরে গিয়া পড়িতেছেন তাহা কি কেহ ভাবিয়া দেখিয়াছেন? আমরা আশা করি মাদ্রাসার কর্তৃপক্ষগণ মুসলমান বালকগণকে শিক্ষা দিবার সঙ্গে সঙ্গে মুসলমান মেয়েদের জাতীয় ভাবে শিক্ষা দিবার অল্প অবিলম্বে চেষ্টা করিবেন।

শ্রীযুক্তা মোহিনী দেবী, শ্রীমতী হেমপ্রভা মজুমদার প্রমুখ দেশনেত্রীগণ মহিলা-কর্মীসংসদ প্রভৃতির প্রতিষ্ঠা করিয়া মেয়েদিগকে কার্যকরী শিক্ষা দিবার অল্প চেষ্টা করিতেছেন। তাঁহাদের

উদ্দেশ্য যে ভাল সে বিষয়ে কোন সন্দেহ নাই । কিন্তু শুধু কার্যকরী শিক্ষায় মেয়েদের জানানোমুখের কোন সহায়তা হইবে না । জ্ঞান ও কর্ম এই দুইটি বস্তু লাভ না করিতে পারিলে কোন লোকেরই জীবনের পরিপূর্ণতা লাভ হয় না । ইহারা ইচ্ছা করিলে মেয়েদের শিক্ষাপ্রণালী শুধু কার্যকরী শিক্ষার মধ্যে আবদ্ধ না রাখিয়া তাঁহাদিগকে ব্যবহারিক জগতের শিক্ষাও দিতে পারেন । আজকাল বাংলার রাষ্ট্রীয় কর্মক্ষেত্রে শ্রীযুক্তা মোহিনী দেবী ও শ্রীমতী হেমপ্রভা মজুমদারের স্থান অতি উচ্চে অবস্থিত । ইহারা দুই জনেই আদর্শ হিন্দু-মহিলা । আচার-ব্যবহারে, পোষাক-পরিচ্ছদে ইহারা হিন্দুজননীরা আদর্শ অক্ষুণ্ণ রাখিয়াছেন । পুরাকালে গার্গী প্রভৃতি বিদূষী মহিলাগণ যেমন প্রকাশ্য সভাসমিতিতে উপস্থিত হইলেও নিজেদের জীবনকে সংযম, তিতিক্ষা, ধর্মপরায়ণতায় এমনভাবে গঠিত করিয়াছিলেন যে তাঁহাদের দেখিলেই দ্রষ্টার মাথা আপনা হইতেই জঙ্কিত হইত, সেইরূপ ইহারা দুই জনে সভা সমিতিতে উপস্থিত হইয়াও বাঙ্গালীজাতির শ্রদ্ধা ভক্তি একরূপ আকর্ষণ করিয়াছেন যে ইহাদিগকে দেখিলে শ্রদ্ধায় সকলের শির অবনত হয় । ইহারা দুই জনেই বিদূষী, অখচ শিক্ষিতা এবং সম্ভ্রান্ত বংশোদ্ভবা, বাগ্মীতায় দুই জনেই অপ্রতিদ্বন্দ্বিনী । প্রাদেশিক কংগ্রেস কমিটির সাক্ষাৎ প্রতিনিধি বলিয়া কংগ্রেস কমিটিতে ইহাদের প্রতাপ অসাধারণ । এখন প্রাদেশিক কংগ্রেস কমিটি যদি ব্যবস্থাপক সভা ভাঙ্গিবার জন্ত তাঁহাদের সমস্ত শক্তি নিয়োগ না করিয়া আতিগঠনের দিকে মনোনিবেশ করেন, আমাদের বিশ্বাস তবে প্রকৃত কাজের মত কাজ হয় । জাতির মধ্যে শিক্ষার বিস্তার করিতে না পারিলে কখনই জাতিগঠন হইবে না, ইহা যেন কংগ্রেস-কর্তৃপক্ষ মনে রাখেন । পঞ্চাশ বৎসর পূর্বে "অসভ্য জাপানের" ( ? ) সম্রাট মিকাদো এই সত্যটুকু হৃদয়ঙ্গম করিয়াই

ঘোষণা করিয়াছিলেন :—“Henceforth education will be so diffused that there will be not a single family with an ignorant man or a man with an ignorant family” অর্থাৎ অতঃপর আমার রাজ্যে শিক্ষাকে একরূপ বিস্তৃত করিতে হইবে যে কোন পরিবারে যেন একটিও লোক অশিক্ষিত না থাকে ।” ক্ষুদ্র জাপান যে আজ এত উন্নত,—এত সমৃদ্ধ, তার মূলে এই শিক্ষা-বিস্তার নিহিত ।

কংগ্রেস কমিটি ছেলেদের মধ্যে জাতীয় শিক্ষা বিস্তারের যতই চেষ্টা করুন, তাহা কোন মতেই তেমন ব্যাপক হইবে না । জাতীয় স্কুল সমূহের মধ্যে যেখানে টেকনিক্যাল শিক্ষা দেওয়া হয়, কেবল সেইগুলির মধ্যে কোন কোনটি টিকিয়া থাকিবে, আর যে সমস্ত জাতীয় বিদ্যালয়ে টেকনিক্যাল বা শিল্প-কার্যকরী শিক্ষা দেওয়া না হয় তাহা থাকিবে না । জাতীয় গবর্নমেন্ট ভিন্ন পুরুষের মধ্যে জাতীয় শিক্ষার প্রসার হইতে পারে না । তবে হিন্দুর মেয়েকে শিক্ষালাভ করিয়া জজীয়তি, ম্যাজিষ্ট্রেটী, ব্যারিষ্টারী, ওকালতী, ডাক্তারী, হাকিমী, বা কেরাণীগিরি করিতে হইবে না বলিয়া জাতীয় শিক্ষা হিন্দু মেয়েদের মধ্যে বেশ ব্যাপক ভাবেই চলিবে । কংগ্রেস কমিটি নানাভাবে অর্থ ব্যয় করিয়া আসিতেছেন । তাঁহারা কি একটা জাতীয় মহিলা-বিশ্ববিদ্যালয় প্রতিষ্ঠা করিতে অথবা শ্রীমতীসারদেশ্বরী আশ্রমের সহিত যোগদান করিয়া এই আশ্রমটিকে একটা বিশ্ববিদ্যালয়ে পরিণত করিতে পারেন না ? শ্রীমতী সন্তোষকুমারী গুপ্তা আমাদের হিন্দু-মলনাগণের গৌরবের স্থল । দুঃখের বিষয় তাঁহার জায় উচ্চ শিক্ষিতা মহিলা দেশে জাতীয় শিক্ষার প্রসারে যত্নবতী না হইয়া শ্রমিকদের মধ্যে আপন কর্মক্ষেত্র স্থাপন করিয়াছেন । তাঁহার পক্ষে একরূপ কর্মক্ষেত্র বাছাই আদৌ উপযুক্ত হয় নাই । তাঁহার মত একজন বিদূষী, উচ্চ শিক্ষিতা, উদ্বোধিনী মহিলা যদি এই বিশ্ববিদ্যালয় গঠনে কায়মন নিয়োগ

করিতেন তাহা হইলে আমাদের বিশ্বাস এতদিনে প্রয়োজনীয়তা উপলব্ধি করিয়া দেশনায়ক ও একটা হিন্দুমহিলা-জাতীয়-বিশ্ববিদ্যালয় প্রতিষ্ঠা দেশনেত্রীগণ অবিলম্বে বর্ণাশ্রম ধর্মাহুয়োদিত একটা হইতে পারিত । উচ্চতর শিক্ষা-প্রতিষ্ঠান গড়িয়া তুলিবার জন্য ব্রতী আমরা আশা করি, দেশে স্ত্রীশিক্ষার হইবেন ।

## স্মৃতি

### শ্রীমতী 'প্রসন্নময়ী' দেবী ।

বহুবর্ষ চলে গেছে বহু স্মৃতি নিয়া  
 হৃদয়ের ছিন্নপত্র হিসাব লিখিয়া,  
 যোগ বিয়োগের ঘর  
 গরমিল পূর্বাঙ্গুর,  
 যোগের কোটায় খালি বিয়োগের জের  
 পতিয়া দেখিতে গেলে শূন্য পড়ে ঢের ।  
 অতীতের নিদর্শন  
 স্মৃতি করে আকর্ষণ  
 যা গিয়াছে পুনর্বার তাই আনে তুলে,  
 ভুলিতে চাহিলে কত নাহি যাই তুলে ;  
 শৈশব কৈশোর আর  
 যৌবনের সমাচার  
 একে একে ফুটে উঠে কল্পনার আগে  
 পুরাতনে আগাইয়া নব অমুরাগে ।  
 বাল্যের সে ধূলাখেলা  
 স্বপ্নন বাস্তব মেলা  
 হাসি কাণ্ডা স্বপ্ন প্রীতি বিচ্ছেদ মিলন,  
 ক্ষণে অভিমান, ক্ষণে প্রিয় সম্ভাষণ,  
 যৌবনের প্রাণ খোলা  
 ভালবাসা আশ্রয় ভোলা  
 দিয়া নাহি তৃপ্তি মানি, আরো দিতে চায়

নিয়া দিয়া কাড়াকাড়ি, প্রণয় বাড়ায় ।  
 তুমি আমি নাহি দূর  
 সবখানি ভরপুর  
 হিয়ায় হিয়ায় বহে প্রেমের জোয়ার,  
 আনন্দ মিলনে ভাসে জীবন দৌহার ।  
 সে দিনের ষত কথা  
 আজি শুধু মর্মব্যথা,  
 ছিল, নাই, আসিবে না আবার কখন,  
 যা যায় সে একেবারে স্মৃতির স্বপন ।  
 বিশ্বতির মাঝখানে  
 স্মৃতি আগাইয়া আনে  
 হরষ বিষাদ, কত বর্ষ কত দিন  
 ধরিয়া রাখিতে নারে ক্রমে হয় ক্ষীণ,  
 আধ-মোছা চিত্র হেন,  
 বর্ণ রাগ নাহি ঘেন,  
 তবু স্মৃতি আঁকাইয়া ধরে নেত্র পরে,  
 আঁকা বাঁকা দৃশ্যপটে শোভে ধরে ধরে ।  
 যুগান্তর গেছে ব'য়ে  
 আধেক জীবন ল'য়ে,  
 আজি সব ফাঁকা ফাঁকা শূন্যতায় ভরা,  
 "হরণ পূরণ" বিশ্বে নাহি যায় করা ।



# ঋণমুক্তি

( গল্প )

## শ্রীমতী কুলবালা দেবী ।

“এ কথা সত্যি রাণী, সেই সামান্য টাকার জল্প শরৎ তোমার সঙ্গে বড় নিষ্ঠুর ব্যবহার করেছে ?”

জ্যেষ্ঠা ভগিনী বাণীর প্রশ্নের উত্তরে রাণী একটি ছোট্ট “না” বলিয়া নিরুত্তর হইল বটে কিন্তু চাপা নিশ্বাসটাকে সে কিছুতেই বাধা দিতে পারিল না, সেইটুকুই জানাইয়া দিল যে সে বুকজোড়া ব্যথার ঘায়ে দিবানিশি জ্বলিতেছে। বুদ্ধিমতী বাণী সেটা বুঝিল, সে অশ্রুট স্বরে বলিল “উচ্চ শিক্ষিত ধনী-সম্মানকে জামাই করে ঋণের দায়ে বাবা আত্মহত্যা করিলেন, সেই শোকে মা উন্মাদিনী হলেন, তবু তাদের একটু দয়া হল না!”—বাণীর স্বর কাতরতায় ভরা ।

কিছুক্ষণ পরে পুনরায় বাণী বলিল “একজন বাবার কষ্ট বুঝেছিল রাণী। সেও শিক্ষিত ছিল কিন্তু ধনীর সম্মান ছিল না—তাই বুঝি দুঃখীর দুঃখ বুঝেছিল কিন্তু এ পোড়া বরাতে তাও যে সহিল না বোন। মৃত্যুর আগে আমায় বললে ‘বাণী, আমার সকল কৰ্তব্য পড়ে রইল, তোমার রুগ্ন পিতা উপার্জনহীন তায় আবার কল্যাণদায়ক, এ সময় আমি তাঁর কিছু করতে পার্লাম না। তিনি যেন আমায় ক্ষমা করেন।’ বোন, আমি যে—”

বাণী আর বলিতে পারিল না, তাহার অশ্রুভরা করুণ চোখ দুটি গোঁধুলির ম্লান আকাশের গায়ে স্তম্ভ হইল,—বুঝি সত্যিই সেই সজল সকাতির দৃষ্টি প্রাণভরা কৃতজ্ঞতার উচ্ছ্বাস কোন অজানা দেশে বহিয়া লইয়া গেল—দেবোপম পতির পদে নিবেদন করিয়া দিতে ।

“দিদি”—রাণী যেন কি বলিতে গিয়া থামিয়া গেল। বাণী চোখ মুছিয়া বলিল “মনের ভিতর তুষের আগুন চেপে রেখে দিবানিশি দগ্ধ হ’সনে

বোন, যা বলবি বলে ফেল দিদি আমার ; মুখ বুজে ভেবে ভেবে জীবনটাকে আর ধ্বংসের পথে নিয়ে যাসনে ।”

বাণীর বৃকে মুখ রাখিয়া কান্না-রুদ্ধ কণ্ঠে রাণী বলিল “তারা আমায় এক মাসের জল্প আসতে দিয়েছিল, কাল চিঠি এসেছে এবার তিনি আমায় স্বয়ং নিতে আসবেন। কিন্তু টাকার তো কোন কিনারাই হ’ল না দিদি ; আর যে অপমান সহ্য হয় না।”—রাণী আর নিজেকে সংযত রাখিতে পারিল না। রুদ্ধ হৃদয়ের সঞ্চিত বেদনা সবখানি বুক চিরিয়া বাহির করিয়া দিল প্রাণভেদী কান্নার সঙ্গে সঙ্গে ।

অঞ্চলে রাণীর চোখ মুছাইয়া বাণী বলিল “চুপ কর ভাই, কাঁদতেই আমরা জন্মেছি, জীবনভোরই হয়ত কাঁদতে হবে, সব চোখের জল একেবারে ফুরিয়ে ফেলিস কেন দিদি ? শরৎ আসছে তা বলে আর কি হবে, ভগবান যা করেন তাই হবে।”

রাণী ধীর স্বরে বলিল “আচ্ছা দিদি, এতবড় বাড়ীখানা রয়েছে, বাধা দিলে কি কেউ ছশো টাকা দেয় না ?”

রাণীর কথায় বাণীর মুখখানা যেন কাল মেঘে ঢাকিয়া গেল। সে বেদনাভরা স্বরে বলিল “এ বাড়ী কি আজও আমাদের আছে রাণী, এ যে তোমার বিয়ের দেনায় গত বছর বিক্রী হ’য়ে গেছে, এখনো যে আমরা ভিটেটায় দাঁড়িয়ে রইছি সে কেবল উত্তম ঘোষের অসীম দয়ায়—”

নিরাশার অবসাদে রাণীর মুখখানা বিবর্ণ হইয়া উঠিল। সে যে ক্ষীণ আশা-দীপটি নিভৃত অন্তরে জ্বলাইয়া এবার পিত্তালয়ে আসিয়াছিল তাহা এক নিমিষেই নিভিয়া গেল। হা ভগবান, এই এক

আশাতেই সে স্বামীকে প্রতিশ্রুতি দিয়া আসিয়াছে—যে কোন উপায়ে হউক সে এবার টাকা লইয়া তবে আসিবে। বিবাহের দুই বৎসর পর অর্থপ্রাপ্তির সম্ভাবনায় রাণীর স্বামী এবং খাণ্ডী-ঠাকুরাণী তাহাকে পিজালয়ে আসিতে দিয়াছেন। আজ কিংবা কালট যে স্বামী তাহাকে লইতে আসিবে, তখন সে কি বলিবে; আত্মমর্যাদাভিমानी, সম্পদশালী স্বামীর রুদ্রমূর্তির সম্মুখে সে কেমন করিয়া দাড়াইবে ?

সন্ধ্যাসতীর মঙ্গল আস্থানে যখন পল্লী-গৃহস্থের ঘরে ঘরে শত শত বাজিয়া উঠিল রাণী তখন ঠাকুরঘরে শালগ্রাম শিলার সম্মুখে গিয়া মুক্ত করে প্রার্থনা করিল—আমার সকল শকার অবসান কর ঠাকুর তোমার চরণতলে একটু স্থান দিয়ে।

• • • • •

নিম্নম নিম্নক রাত্রি তখন, রাণী শঙ্কা-কম্পিত বৃকে, সস্তর্পণে কক্ষে প্রবেশ করিল। শুভ্র শয্যায় শরৎ অঘোরে নিদ্রা যাইতেছে, উজ্জল আলোয় কক্ষ আলোকিত। শরতের গৌর উজ্জল লজাটে বিন্দু বিন্দু শ্বেদ মুক্তাফলসদৃশ শোভা পাইতেছে, সারা মুখখানি সরল সৌন্দর্যে মাখা, কে বলিবে এই মাহুষের হৃদয়ে এত নিষ্ঠুরতা লুকান আছে! রাণী অপলক নয়নে স্বামীর শাস্ত সৌন্দর্য্য-মণ্ডিত মূর্তি দেখিয়া মনে মনে বলিল “ওগো আমার পাষণ দেবতা, পাষণ বৃকেই ত অমৃত-নির্ঝরিণী প্রবাহিত হয়, সেই পবিত্র বারিধারায় আমায় অভিষিক্ত করে দাও। দু বৎসর হতে পূজার অর্ঘ্য সাজিয়ে নিয়ে তোমার রুদ্র দ্বার ঠেলে বার বার ব্যর্থ হ’য়ে ফিরে গেছি, আর কত দিন হতাশ প্রতীক্ষায় বসে থাকব প্রভু!”—মর্যাদাসিক ঘটনায় রাণীর একটু আর্ন্তস্বর অজ্ঞাতে বাহির হইয়া পড়িল, শরৎ চক্ষুঃশ্লিষ্ট করিল;—সেই ঘূর্ণাভরা দৃষ্টি, ক্রোধরঞ্জিত মুখে সেই অস্তরের বিরক্তি ফুটিয়া রহিয়াছে। রাণী আর চাহিয়া থাকিতে পারিল না, ধীরে ধীরে চক্ষু নত করিল।

শরৎ শয্যায় উঠিয়া বসিয়া গভীর স্বরে বলিল “তোমার দিদির স্পর্কার কথা সব শুনেছ বোধ হয়। আমাদের ঘরে মেয়ে দিয়ে তোমাদের চৌদ্দ পুরুষ সম্মানিত হয়ে গিয়েছে, এখন আমরা ত অভদ্র হবই! ভাল, এখন থেকে আমাদের সঙ্গে আর সম্পর্ক রাখার দরকার নেই, আজ থেকে তুমি চিরদিনের জন্য এখানে থেকে যাও। তোমার দিদি আমাকে অনেক কথা বলেছেন।”

রাণী স্বামীর পায়ের তলে মুখ গুঁজিয়া উচ্ছ্বসিত আবেগের সহিত বলিল “ক্ষমা কর দিদিকে; নানা-রকম শোকে দুঃখে তিনি কাতর, তাই হয়ত কি বলতে কি বলে ফেলেছেন।”

শরৎ রাণীকে পায়ের নিকট হইতে টানিয়া সরাইয়া গর্জন করিয়া বলিয়া উঠিল “রেখে দাও তোমার শোক দুঃখ, ও সব মেয়েলী চাল আমার ঢের জানা আছে। দুশো টাকার জন্য আমরা মরে যাবনা কিন্তু মনে জেনো তোমাদের সঙ্গে আমাদের সম্পর্ক এই শেষ, টাকা আদায় করতে পারি কিনা পরে বুঝিয়ে দেব।”

• • • • •

সকালবেলা ঠাকুর দালানের রোয়াকে বসিয়া কাদম্বিনী দেবী অন্নজল-সংক্রান্তীর ব্রতের একখানি ক্রটিহীন বৃহৎ ফর্দ করাইতেছিলেন। ফর্দ শেষ হইলে নায়েব কালীচরণ মাথা চুলকাইয়া বলিলেন “তা মা-ঠাকুরগণ এঘে হাজার টাকার ওপর খরচা হবে, এবার অন্নপূর্ণা পূজায় বিত্তর টাকা ব্যয় হয়ে গেছে, তহবিল একেবারে খালি।”

কাদম্বিনী দেবী মাংসবহুল মুখখানি হাস্তবিকশিত করিয়া বলিলেন “না হে বাপু, এবার তবিলের টাকায় হাত পড়বে না। শরৎ যখন নিজের গায়ে গেছে তখন এবার স্বদ সমেত টাকা আদায় হ’য়ে আসবে, সে আমার খা-তা ছেলে নয়। ওরা যেমন বুনো ওল শরৎ আমার তেমনি বাঘা তেঁতুল। তোমরা যেমন দু বছরেও আদায় করতে পারলে না!”

নায়েব বলিলেন “কি করব মা, আঠারগাঁর

ধবর আমি ভাল রকমই জানি, আমার কথা বিশ্বাস করুন—তাদের এখন দিন চলাই দায় ।”

কাদম্বিনী দেবী গম্ভীর স্বরে বলিলেন “ওসব বাজে কথা, জামাইকে ফাঁকি দেবার মতলব—”

“ঠিক বলেছ মা, শুধু ফাঁকি দেবার মতলব নয়, অপমান করবারও মতলব । যে অপমানটা আমায় করেছে তা মনে করে আমার শরীর জলে যাচ্ছে । এর প্রতিশোধ দিতেই হবে !”

কাদম্বিনী দেবী শরতের মুখে সমস্ত বৃত্তান্ত শুনিয়া একেবারে জলিয়া উঠিলেন । বলাবাহুল্য শরৎ সমস্তই নিজের তৈয়ারী কথা বলিল । কাদম্বিনী দেবী গর্জন করিয়া বলিয়া উঠিলেন— “বটে, এত বড় স্পর্ধা, আচ্ছা দেখে নেব । আমি এই বোশেপেই ছেলের বিয়ে দেব । কালী, তুমি আজই বিকেলে রাধনগরে চলে যাও । সেখানকার দেবেন মুখোজ্যেকে চেনো নিশ্চয়, তার একটি সুন্দরী বয়স্কা মেয়ে আছে । তাদের সঙ্গে আমার খুব জানাশোনা আছে, এ বিয়ের সম্বন্ধে একটু বলা-কওয়াও আছে । তুমি গিয়ে পাকা ব্যবস্থা করে এস । ওদের চোখের সামনে দিয়ে শরৎ আমার নতুন বোঁ আনবে—তবেই বেটীদের ঠিক অপমান করা হবে । কাদম্বিনী দেবী কেমন মেয়ে এবার আমি ওদের ভাল করেই বুঝিয়ে দেব ।”

\* \* \* \* \*

কয়েকদিন পূর্বে স্নানের ঘাটে যে কথাটা শুনিয়া রাণী প্রথমোক্তাদেও বিশ্বাস করিতে পারে নাই আজ সেই কথাটাই আবালবৃদ্ধের মুখে গ্রামময় রাষ্ট্র হইয়া পড়িল,—দেবেন মুখোজ্যের মেয়ে কিরণের সঙ্গে তাহার স্বামীর বিবাহ ।—হটুক না বিবাহ, স্বামী ত তাহাকে লইয়া একদিনের তরেও স্থধী হইতে পারেন নাই । যদি এ বিবাহে তিনি স্থধী হন, হউন না, তাহাতে আর দুঃখ কি ? সে তো চিরদিনই অবহেলার ধূলার লুটাইয়াছে, আজ আর মৃতন করিয়া কি দুঃখ হইবে ? রাণী নানা রকমে মনকে বোঝাইল, কিন্তু মন যে বুঝিয়াও বোঝে না !

বাণী ও মাতা দেখিলেন রাণী বরা ফুলটির মত শুকাইয়া যাইতেছে । প্রায় বৎসরাধিক কাল পূর্বে রাণীর বুকে একবার যে ব্যথা হইয়াছিল এই সময়ে হঠাৎ সেই ব্যথা ভয়ানক রকম বাড়িয়া গেল । এই সঙ্গে আবার অল্প অল্প জ্বর হইতে লাগিল । জ্বর উত্তরোত্তর বৃদ্ধি প্রাপ্ত হইল, যক্ষারাক্ষসী তাহাকে করতলগত করিয়া একেবারে শয্যাশায়ী করিয়া দিল । বিবাহের পর হইতে রাণী একান্তে যে মৃত্যুর উপাসনা করিয়া আসিতেছিল এতদিন পরে সে বৃষ্টি আসিল উপাসিকার সকল দুঃখের অবসান করিতে ! পক্ষকাল পরে ব্যারাম আরও বৃদ্ধি পাইল । গ্রাম্য কবিরাজ স্পষ্টই বসিয়া গেলেন—জীবনের আশা খুবই কম ।

দুই দিন অজ্ঞান থাকার পর সেদিন অপরাহ্নে রাণীর একটু জ্ঞান হইলে, বাণী জিজ্ঞাসা করিল “কেমন আছিস বোন ?”

রাণী ক্ষীণ কণ্ঠে বলিল “কেশ ভাল আছি দিদি । আচ্ছা দিদি, সেদিন যে কথা বলেছিলাম তা করেছ কি, সত্যি বলিস ভাই ?”

বাণী সজলনয়নে বলিল “করেছি বোন, সেই দিনই ধবর পাঠিয়েছি । কেন যে এল না জানিনে, হয় ত আর আসবে না বোন । তার কথা ভাই আর ভাবিসনে, এখন ভগবানকে ডাক, তিনিই তোঁর মঙ্গল করবেন ।”

রাণী পূর্ববৎ ক্ষীণস্বরে বলিল “আজ আবার একি কথা বলছ দিদি ? তোমার মুখেই শুনেছি স্বামীই নারীর পরম দেবতা, তার ত আর কোন দেবতা নেই ।”

বাণী সজলনয়নে বলিল “বলেছিলাম, এখনও বলছি কিন্তু তোঁর দেবতা যে বিমুখ—”

বাণী আর কিছু বলিল না, কি একটা কাজের অছিলা করিয়া ঘরের বাহিরে গেল । যাইবার সময় দ্বারপার্শ্বে দাড়াইয়া রুদ্ধকণ্ঠে বলিল “তবে তোঁর সেই পাষণ দেবতাকেই ডাক, সতীর অস্তিত্ব আত্মান ব্যর্থ হবে না ।”

বৈশাখী বৈকালের পাগল বাতাস রাণীর কুম্ব  
চুলগুলি লইয়া খেলা করিতেছিল। রাণী খোলা  
আনালা দিয়া একদৃষ্টে মুক্ত প্রকৃতির দিকে চাহিয়া  
আছে। আজ আবার নৃতন করিয়া তাহার মনে  
পড়িতেছে সেই দিনের কথা, এমনি এক গোখুলি  
বেলায় সে উল্লাস-কম্পিত হৃদয়ে স্বরভিত কুম্বমাল্য  
স্বামীর গলায় জড়াইয়া দিয়াছিল। সে আজ পূর্ণ  
ছই বৎসরের কথা, সেদিনও দক্ষিণা বাতাস এমনি  
ভাবে বহিয়াছিল, সেদিনও এমনি অস্তমিত রবির  
রাঙা আভা দিগ্ধর ধূসর আঁচল খানি, রাঙাইয়া  
তুলিয়াছিল, সেদিন সে ছিল সংসার-পথের নৃতন  
যাত্রী, আশা আকাঙ্ক্ষায় তরুণ বুকখানি সেদিন তার  
ভরা ছিল, আর আর ? আজ সে জীবনের সকল  
বাসনা কামনা অপূর্ণ রাখিয়া কোন্ অজানা দেশে  
যাত্রা করিবার জন্ত প্রস্তুত হইয়াছে। ওগো ধৈর্য  
পায়ের কাণ্ডারী, এবার তাকে কোন কুলে নিয়ে  
যাবে! ঠিক এই সময় অদূরে মাঠের প্রান্তে কোন  
রাখালবালক গাহিয়া উঠিল—“অবেলায় হাট  
ভাঙলি শ্রামা কি নিয়ে যা ঘরে ফিরি।”

—“রাণী।”

রাণী চমকিয়া উঠিল। কে ডাকে? এ স্বর  
যে তার চেনা চেনা, এ আদর আহ্বান কার ?

শরৎ রাণীর শিয়রে বসিয়া কোলের উপর  
তাহার মাথাটি রাখিয়া বাষ্পবিজড়িত স্বরে বলিল—  
“রাণী, আমি এসেছি।”

রাণীর স্তমিত চোখ দুইটি আনন্দাশ্রুতে পূর্ণ  
হইয়া গেল। সে পা দুখানি জড়াইয়া ধরিয়া বলিল,  
“আগে যদি একবার এমনি করে ডাকতে তাহলে—  
তাহলে তোমার পায়ে একটু স্থান করে নিতুম প্রভু,  
এমন করে মরণের পথে এগিয়ে যেতুম না!”

শরৎ অশ্রুপূর্ণ নেত্রে বলিল “তখন পায়ে ঠাই  
পাওনি বলে আজ বুক পেতে দিতে এসেছি রাণী।  
ফিরে এস, ফিরে এস রাণী।”

রাণী ক্ষীণকণ্ঠে বলিল “কি করে ফিরব প্রভু,  
এখনো ত—” রাণীর মুখের কথা মুখেই রহিয়া গেল,  
একটা অব্যক্ত বেদনায় সে গোংরাইয়া উঠিল।  
তারপর ? তারপর এক মূহুর্তের মধ্যে রাণী সকল  
ফেলিয়া অনন্তপথে যাত্রা করিল।

ঠিক সেই সময় বাণী ছুটিয়া আসিয়া শরতের  
পায়ের গোড়ায় কতকগুলি টাকা ঢালিয়া দিয়া  
রাণীকে জড়াইয়া ধরিয়া আকুল স্বরে বলিয়া  
উঠিল “রাণী, আর একটু দাঁড়িয়ে যা, বোন,  
তোকে ঋণমুক্ত করেছি, মুক্তির আলোয়,—  
পরিভূষিত আনন্দে মুখখানি উরিয়ে তোল বোন।”

## নিবেদন

শ্রীপ্রমথনাথ দত্ত ।

পরাম আশার চাহেনা মুক্তি

চাহেনাক' কোন কামনা,

চাহি গো তোমায় ওগো প্রাণপ্রিয়,

পুরাও আমার বাসনা ।

মুক্ত রেখেছি এ হৃদি-হুম্মার

তুমি যে আসিবে বলে,

নিরাশ ক'রনা হে মোর দেবতা

এস প্রভু এস চলে ।

চির ছুখ ক্লেশ বরিয়া লইব.

তোমাকে পাবার তরে,

দেখা দাও প্রভু, পুঞ্জিব তোমায়

কুম্ব পরাম ভরে ।

# নারী-অবদান

শ্রীবিজয়কুমার ভৌমিক ।

বুনো রামনাথের পত্নী—

রামনাথ তর্কসিদ্ধান্ত অসাধারণ নৈয়ায়িক পাণ্ডিত ছিলেন। নব্বীপের প্রান্তরে বনের মধ্যে তাঁহার টোল ছিল। তিনি অত্যন্ত দরিদ্র ছিলেন। দরিদ্রতা-প্রযুক্ত তিনি বিবাহ করিতে চাহেন নাই; অবশেষে স্বীয় অধ্যাপকের অনুরোধে বিবাহ করেন। তাঁহার শিক্ষাগুরু আশীর্বাদ করেন যে তিনি সর্ব বিষয়ে নিজ অমূল্য পত্নী লাভ করিবেন এবং তাঁহাদের উভয়ের এক মন হইবে।—হইয়াছিলও তাহাই।

সে সময়ে নিয়ম ছিল পাঠসমাপ্তিতে ছাত্রেরা স্থানীয় ভূস্বামীর নিকট যাইয়া বিত্তার পরিচয় দিয়া টোলঘর নিষ্কাশন করিবার জন্ত অর্থ সাহায্য ও ভরণপোষণের জন্ত ভূমি প্রাপ্ত হইতেন। নিতান্ত দরিদ্র হইলেও তেজস্বী রামনাথ ইহা করেন নাই। দারিদ্র্যকে সানন্দে বরণ করিয়া লইয়া তিনি বনের মধ্যে নিজের সামান্য কুঁড়েঘরে শাস্ত্রালোচনার নিয়ম থাকিতেন, রাজারাজড়ার ধার ধারিতেন না। অতি কষ্টে তাঁহার আহাৰাদির সংস্থান হইত। তখন মহারাজ শিবচন্দ্র কৃষ্ণনগরের রাজা ছিলেন। তিনি এই দরিদ্র অধ্যাপকের অসাধারণ পাণ্ডিত্য ও ততোধিক তেজঃপ্রদীপ্ত দরিদ্রতার কাহিনী শুনিয়া মুগ্ধ হইয়া কিছু দান করিবার আশায় নিজেই একদিন তাঁহার কুঠীতে উপস্থিত হইলেন।

শাস্ত্রালোচনা সমাপনান্তে রাজাকে লক্ষ্য করিয়া রামনাথ তাঁহাকে যথাযোগ্য অভ্যর্থনা করিলেন। রাজা জিজ্ঞাসা করিলেন “আপনার কিছু অল্পপত্তি (অভাব) আছে কি?” রামনাথের মনে শাস্ত্রের কথা ভিন্ন অন্য কিছুই স্থান পাইত না। তিনি একটু ভাবিয়া বলিলেন, “মহারাজ, চারি খণ্ড চিন্তামণিশাস্ত্রের উপপত্তি (সিদ্ধান্ত) করিয়াছি,

কিছুই অল্পপত্তি (অপত্তি) নাই; কেমন হে ছাত্রবর্গ, তোমাদের কিছু আছে কি?” মহারাজ তখন বলিলেন “আমি শাস্ত্রের কথা বলিতেছি না, আপনার সাংসারিক কিছু অভাব আছে কিনা জিজ্ঞাসা করিতেছি।” ইহাতে রামনাথ উত্তর করিলেন “সংসারের কথা আমি কিছু জানিনা, সে গৃহিণী জানেন; তাঁহাকে জিজ্ঞাসা করিতে পারেন।”

মহারাজ শিবচন্দ্র রামনাথের অল্পমতি লইয়া তাঁহার পত্নীর নিকট উপস্থিত হইয়া নিজ পরিচয় দিয়া জিজ্ঞাসা করিলেন “মা, আপনার সংসারে কিছু অভাব আছে কি? অল্পমতি হইলে আমি পূরণ করিতে পারি।” রামনাথ-পত্নী স্বামীর আদর্শেই গঠিত; সেইরূপ সরল, নিম্পৃহ। তিনি উত্তর করিলেন “বাছা, আমার কিছুরই অভাব নাই; আমার পরিবার ঠেঁটা আছে, জল খাইবার ঘটি আছে, শুইবার চাটাই আছে। ইহার পর বামহাতে যখন লোহা আছে, তখন আমার আর কিসের অভাব?”

স্বামীর উপযুক্ত পত্নীর এই উপযুক্ত উত্তরে মহারাজ বিস্মিত হইলেন। তিনি কাহাকেও কিছু গ্রহণ করাইতে পারেন নাই।

পরমহংসদেবের মাতা—

শ্রীশ্রীরামকৃষ্ণ পরমহংসদেবের মাতা অতি পুণ্যবতী রমণী ছিলেন, তাঁহার মনে কোনওরূপ বিষয়-বাসনা ছিল না। বৃদ্ধ বয়সে গলাতীতে বাসের অভিপ্রায়ে তিনি দক্ষিণেশ্বরে রাণী রাসমণির কালীবাড়ীতে আসিয়া বাস করেন। রাণীর আমাতা মধুরবাবু তাঁহার সমস্ত সম্পত্তির উদ্বাবধায়ক ছিলেন। তিনি পরমহংসদেবের একজন বিশেষ ভক্ত ছিলেন। পরমহংসদেবের প্রতি ভক্তিবশতঃ



তিনি তাঁহার সকল আত্মীয়েরই কিছু সংস্থান করিয়া দিতে ইচ্ছা করিয়াছিলেন। এই অভিপ্রায়ে তিনি পরমহংসদেবের মাতাকেও কিছু গ্রহণ করিতে অস্বরোধ করিলেন। তাহাতে তিনি উত্তর করিলেন “আমার কিছুই ত অভাব নাই, তা’ কি প্রার্থনা করিব? শেষকালে প্রতিদিন গঙ্গাস্নান করিতেছি ও মায়ের প্রসাদ পাইতেছি; ইহা অপেক্ষা মাতৃষের আর কি সৌভাগ্য হইতে পারে?” এ উত্তরে সন্তুষ্ট হইতে না পারিয়া মথুরাবাবু অন্ততঃ সামান্য কিছু গ্রহণ করিবার জন্য তাঁহাকে বারবার অস্বরোধ করিতে লাগিলেন। অবশেষে তিনি বলিলেন, “তবে বাছা, আমাকে দু’ পয়সার দোক্তা তামাক কিনিয়া দেও।” মথুরাবাবু বুঝিলেন এমন না হইলে কি তাঁহার গর্ভে রামকৃষ্ণের জন্ম দেবতার জন্ম হয়!

### কেট্ বারল্যাস্—

স্কটল্যান্ডের রাজা প্রথম জেমস্ রাজ্যে শৃঙ্খলা স্থাপন করিতে যাইয়া অনেক উচ্চপদস্থ লোকের বিরাগভাজন হইয়াছিলেন। ইহাদের কতিপয়ে মিলিয়া তাঁহাকে হত্যা করিবার ষড়যন্ত্র করিতে লাগিল।

একদিন কোনও ধর্মোৎসবে রাজা ও রাণী পার্থনগরে গমন করিয়াছিলেন। সেখানে তাঁহারা ধর্মমন্দিরে আশ্রয় গ্রহণ করিলেন এবং তাঁহাদের অসুচরেরা নগরে ছড়াইয়া পড়িল। এই স্থান ও কাল উদ্দেশ্য সিদ্ধির পক্ষে অসুকুল বুঝিয়া ষড়যন্ত্রকারীরা তাহার আয়োজন করিতে লাগিল। তাহার উৎকোচ দিয়া মন্দিরের কয়েকজন ভৃত্যকে বাধ্য করিল এবং তাহাদের দ্বারা দরজার খিল সরাইয়া রাখিল। একদিন রাত্রে রাজা ও রাণী সহচরীদের সহিত বসিয়া আছেন, এমন সময়ে অদূরে অস্ত্রের কন্ডনা শুনিতে পাইলেন। রাজা অসুস্থানে বুঝিলেন শত্রুরা তাঁহাকে হত্যা করিতে আসিতেছে। তিনি স্বয়ং নিরস্ত্র এবং

অসুচরেরাও কেহ নিকটে নাই। এ অবস্থায় বাধা দিবার চেষ্টা বৃথা। তিনি যে ঘরে বসিয়াছিলেন উহার মেঝে কাষ্ঠনির্মিত এবং তাহার নীচে যুক্তিকা-গর্ভে একটি প্রকোষ্ঠ ছিল। নিরুপায় হইয়া সকলে মিলিয়া মেঝের তক্তা তুলিয়া ফেলিলেন এবং নিম্নস্থ প্রকোষ্ঠে লাফাইয়া পড়িলে পুনরায় উহা যথাস্থানে সন্নিবিষ্ট হইল। ষড়যন্ত্রকারীরা আসিয়া রাজাকে অনেক খুঁজিল; অবশেষে না পাইয়া গৃহ হইতে বাহির্গত হইয়া গেল। তখন বিপদ অতীত হইয়াছে মনে করিয়া পুনরায় মেঝের তক্তা সরান হইল। রাজা উপরে উঠিলেন এমন সময় অতি নিকটে পুনরায় অস্ত্রের ঝঙ্কনা শোনা গেল। গৃহ-নিম্নস্থ প্রকোষ্ঠ পরীক্ষা করিতে তাহারা ফিরিয়া আসিতেছিল। তখন তক্তা যথাস্থানে সন্নিবিষ্ট করিবার সময় নাই। ভীত রমণীবর্গ চাহিয়া দেখেন দরজায় খিল নাই, খিলের লোহার আংটা দু’টি আছে মাত্র!

ক্যাথারিন ডগ্‌লাস্ নামী রাণীর একজন সহচরী ছিলেন। তিনি অবিলম্বে উঠিয়া গিয়া বিধামাত্র না করিয়া আংটা দু’টির ভিতর দিয়া নিজের একখানি সুকোমল বাহ প্রবেশ করাইয়া দিয়া দাঁড়াইলেন এবং চীৎকার করিয়া বলিতে লাগিলেন, “এ ঘরে এখন কেহ প্রবেশ করিতে পাইবে না। কোনও পুরুষ মাতৃষ এখানে নাই। এখানে এখন মহিলারা বস্ত্র-পরিবর্তন করিতেছেন।” পাষাণেরা তাঁহার কথায় কর্ণপাত করিল না। তাহারা সকলে মিলিয়া দরজায় আঘাতের পর আঘাত করিতে লাগিল। অবিলম্বে ক্যাথারিনের কোমল হৃৎকল বাহ ভাঙ্গিয়া দরজা খুলিয়া গেল। দুর্কৃত্তেরা গৃহে প্রবেশ করিয়া রাজাকে হত্যা করিল।

বিফল-প্রযত্ন হইলেও এই বীরোচিত কার্যের জন্য ক্যাথারিনের নাম সে দেশে বিখ্যাত হইল। বাহুদ্বারা দ্বার-অর্গল বন্ধ করায় (bar) তাঁহার নাম ক্যাথারিন বা কেট্ বারল্যাস্ বলিয়া প্রসিদ্ধ হইল।

## পল্লী-বধু

শ্রীকুমারেশচন্দ্র ভট্টাচার্য্য ।

সে যে—বঙ্গ-পল্লী-বধু,

অন্তঃসলিলা ফল্লুর মত বুক পোরা যার মধু ।  
লজ্জা বাদেই সম্ভা, দেহের শব্দ-সিঁছর অলঙ্কার,  
সহিকুর্তীর কম নহে যার। সর্বসহা এ বহুধার ।  
ঘোমটার ঢাকা গণ্ডিতে ঘেরা ধর্মের বেড়া-আড়ি  
যড়ির মতন ক'রে যার কাজ একপদ নাহি নড়ে ।

সে যে—বঙ্গ-পল্লী-বধু,

অন্তঃসলিলা ফল্লুর মত বুক পোরা যার মধু ।

\* \* \* \*

কনকনে শীতে বিছানা ছাড়িতে যারা নাহি হেলে দোলে,  
ভোরে "ছড়াঝাঁট", "গোয়াল বাড়ামো" ম'লেও কছু না ভোলে ;  
রোদ ঝু উঠিতে খালাবাটা ধোয়া, কুটনো কুটাটি চাই,  
ছেলেদের ভাত এর মাঝে হবে, নচেৎ উপায় নাই ।  
ছপূর না হ'তে কলসী-কাঁকালে পুকুরেতে যেতে হবে,  
নইলে যে ঘরে বুদ্ধ খণ্ডর জল বিনে স্নান যাবে ।  
সকাল সকাল স্নান না হ'লে ব্যথা পায় যে গো হুদে,  
• "বৌ ভাল নয়"—এ কথাটি যার অন্তরে শর বি'ধে ।

সে যে—বঙ্গ পল্লী-বধু,

অন্তঃসলিলা ফল্লুর মত বুক পোরা যার মধু ।

\* \* \* \*

আধপেটা খেয়ে ছিন্ন-বসনে কত দিন যার কেটে,  
চাপা হুখে যদি বুক ফেটে যায় মুখ তবু নাহি ফোটে ;  
নিরে ছুতোনাতা গিন্নী যখন তিলকে করিয়া তাল—  
চৌদ্দপুরুষ নরকে পাঠায় বাপ মাকে দিয়া গাল,  
গোপনেতে মুছে নুরনের ধারা, মুখে অভিযোগ নাই,  
• মানবীর সাজে স্বর্ণের দেবী কোথা মিলে বল তাই ?  
চিরপরাধীনা গৃহ-পশু-প্রাণ দয়ার ভিখারী সদা,  
"তোমাদের ছাড়া" আমার বলিতে পদে পদে যার বাধা ;

কচি ছেলেমেয়ে লালিতে পালিতে যারা ধাত্রীর বাড়ি ;  
অল্পেতে খুসী হেন ক্রীতদাসী কোথা পাবে বল ধরা ?

সে যে—বঙ্গ-পল্লী-বধু,

অন্তঃসলিলা ফল্লুর মত বুক পোরা যার মধু ।

\* \* \* \*

বেলা পড়ে গেলে ঘর দোর ঝাঁট, প্রদীপেতে তেল ভরা,  
ছেলে নিরে কোলে ভুলায়ে খাওয়ানো, পাখী ডেকে কওয়া হুড়া ;  
সূর্য্য ডুবিলে তুলসীতুলার, ঘরে ঘরে দীপ আলা—  
এষে একেচেটে বউ-ঝির কাজ অস্তের নাই পালা ।  
গাড়ু ও গাম্ছা খড়ম কি জুতা টুলখানি ঠিক রাখা,  
গরমের দিনে ভুল নাহি হয় তার সাথে তাল-পাখা ।  
'আরু ঘুম আর' বলে মা জননী শিশুরে পাড়ান ঘুম,  
নইলে তখন হেঁসেলে গিন্নী লাগান বেজার ঘুম ।  
রান্না-অস্তে পরিবেশনটি গিন্নিকে দিয়ে স'পে,  
ভয়ে জড়মড় শঙ্কিত মনে রয় কে গো স্নান মুখে ?

সে যে—বঙ্গ-পল্লী-বধু,

অন্তঃসলিলা ফল্লুর মত বুক পোরা যার মধু ।

\* \* \* \*

সকলের শেষে বিশ্রাম আশে বিছানায় যার শুতে,  
আগামী দিনের কাজের চিন্তা তবু স্নেহে উঠে চিতে ।  
সারাদিন খেটে অঙ্গ এলায়ে বিছানায় যার প'ড়ে,  
"দেবতার" বাণী স্বপনের মত শুনি ওঠে ধড়ফড়ে ।  
যার তরে তার এ ঘর ছন্নর, জাল শাঁখা-সাড়ী পরা—  
কপিকের তরে শুধু তার সাথে চারচোখে এক করা ;  
ভক্তি পুরিত পরাণে করিয়া জাহার চরণসেবা—  
শিশু বুকে করি শান্ত হৃদয়ে নিদ্রা যার গো কেবা ?

সে যে—বঙ্গ-পল্লী-বধু,

অন্তঃসলিলা ফল্লুর মত বুক পোরা যার মধু ।

# বিলাতের কথা

শ্রীমতী লীলাবতী পাল ।

লগনে এসে প্রথম প্রথম আমার সবই খুব নূতন মনে হ'ত ! এদেশ সম্বন্ধে আমার এক অভূত ধারণা ছিল। ভাবতাম আমাদের দেশের সঙ্গে এদেশের কিছুই বৃষ্টি সাদৃশ্য নাই ! আমি যখন খুব ছোট ছিলাম তখন আমার বাবাকে ( শ্রীযুক্ত বিপিনচন্দ্র পাল ) আমি বিলাতে লিখেছিলাম "বাবা, তুমি যখন দেশে ফিরে আসবে তখন টেম্শের জল, বিলাতের মাটি ও লোহিত সাগরের জল এনো, আমি আর কিছু চাই না।" আমার বাবা আমার ফরমাস মত কষ্ট করে সবই নিয়ে গিয়েছিলেন। জ্ঞান হওয়ার সঙ্গে সঙ্গে ধারণা অনেক বদলায় বটে, কিন্তু আমার সমস্ত ধারণা যে বদলে গিয়েছিল তা বলতে পারি নে ! বিলাতে এসে প্রথম যেদিন রাস্তায় কাদা দেখলাম সেদিন আমি বাস্তবিকই অবাক হয়ে গিয়েছিলাম !

বিলাত দেশটা মোটের উপর পরিষ্কার। আমাদের দেশের মত রাস্তার ধারে Dust bin বা আবর্জনা ফেলার টিন এখানে থাকে না। যত আবর্জনা বাড়ীর মধ্যে জমিয়ে রাখতে হয়, সপ্তাহে একদিন লোক এসে নিয়ে যায়। আমার মনে হয় এ নিয়মটা এক পক্ষে ভালই, তবে আমাদের দেশে করা চলে না কারণ আমাদের জল বায়ু ভিন্ন।

এখানে বাজার হাট সমস্তকণ লোকে লোকারণ্য থাকে। ফুটপাথে চলা ছরুহ, রাত ১১টার সময়ও বেজায় ভিড় থাকে। এত লোক কোথা থেকে যে আসে এবং রোজ রোজ কি যে কেনে তা বুঝে উঠতে পারি না। কিন্তু এই যে লোক-সমূহ এর মধ্যে শতকরা ৭০ জন জ্রীলোক। বিলাতে পাড়ায় পাড়ায় দোকান, এত দোকান বোধ হয় পৃথিবীর মধ্যে আর কোনও সহরে নাই ! দোকানগুলিও খুব সুন্দর করে সাজানো।

বিলাতে আসার তিন দিন পরে রাজকুমারী "মডের" বিয়ে হ'ল। শুনে পেলাম যে হাইডপার্ক গেলে শোভাযাত্রা দেখতে পাওয়া যাবে। দেখবার জন্য আমার বড়ই আগ্রহ হল, ২টার সময় বরকনে যাবে, আমি ১১ টার সময় গিয়ে দেখি রাস্তার দু'ধারের ফুটপাথে হাজার হাজার লোক দাঁড়িয়ে অপেক্ষা কচ্ছে, কিন্তু এই যেনভিড়, এতে ঠেলাঠেলি বা গুতাগুতি নাই। জায়গা করে নিতে পারলে দাঁড়ান যাবে নইলে বাড়ী যাওয়া ভিন্ন অন্য পথ নাই। আমি এমন টুপীর ভিড় জীবনে আর কখনও দেখি নাই ; এত যে লোক, কিন্তু সবাই নীরবে দাঁড়িয়ে আছে। যথা সময়ে বরকনে মোটর হাঁকিয়ে চলে গেল, আমি তৈরি অবাক, কোথায় নাগর দোলা, পুতুল নাচ এবং গড়ের বাজ ? আমার কাছে কিন্তু এ দৃশ্য ভাল লাগেনি। শুনলাম এ দেশের বিয়েতে ধুমধাম কিছু নই।

নভেম্বর এদেশের নিকট মাস। তখন এখানে শীত খুব বেশী, তাতে আবার সূর্য্যদেবের দূর্শন পাওয়া দেবেরও অসাধ্য, তার উপর সমস্ত দেশটা কুয়াসাতে ঢেকে যায়। বেলা ১০টার সময় এত fog বা কুয়াসা হয় যে রাস্তা ঘাট সবই অন্ধকার হয়ে যায়। সময় সময় কুয়াসা এত ঘন হয় যে আধ হাত দূরের কিছুও দেখা যায় না। তখন রাতের মত রাস্তায় গ্যাস এবং চৌমাথায় খুব বড় করে মশাল জালিয়ে দেওয়া হয়, তবুও অনেক দুর্ঘটনা হয়। এই কুয়াসা কিন্তু ৩৪ ঘণ্টার বেশী থাকে না।

ডিসেম্বর মাসটা হচ্ছে এখনকার আদরের মাস,—যেন আমাদের দেশের আশ্বিন কাষ্ঠিক মাস। আমাদের দেশে যেমন পূজোর আগে দেশ শুদ্ধ একটা সাজা পড়ে যায়, এ দেশেও ঠিক তাই হয়। সমস্ত দোকানগুলি অতি চমৎকার করে সাজান

হয়। মাহ, তরিতরকারীর দোকানগুলি দেখলেও  
চোখ জুড়িয়ে যায়।

বড়দিন বা খুঁটমাসে এদেশে ছোট, বড়, ধনী,  
গরীব সকলেই আমোদপ্রমোদ করে। গরীব  
এদেশে প্রচুর আছে কিন্তু কি সুন্দর তার জন্ত  
ব্যবস্থা! গরীব বিধবা ৪টা সন্তান নিয়ে কি করে  
বড়দিন করবে, তার তো প্রচুর অর্থ নাই; এজন্য  
এখানে নিয়ম আছে বড়দিনের জন্ত গরীবরা এবং  
ইচ্ছা করলে বড়লোকেও মূদীর, মাছের, মাংসের ও  
কেক বিস্কুটের দোকানে বছর ধরে সপ্তাহে সপ্তাহে  
কিছু অর্পণ দিয়ে থাকে, এবং বড়দিনের সময় সেই  
পয়সা দিয়ে গরীবরা নানাপ্রকার ভাল ভাল জিনিস  
ক্রয় করে। আমাদের দেশের মত নবমীর দিনে  
গরীব বিধবাকে শিশুদের নিয়ে চক্ষের জল ফেলতে  
হয় না। এ ব্যবস্থা আমার বুড়ই ভাল লেগেছে।

বড়দিনের সময় নূতন পোষাক, নূতন খেলনা, নানা  
প্রকার খাবার ইত্যাদি থেকে এদেশের গরীবরা  
বঞ্চিত হয় না। Xmas pudding বড়দিনের একটা  
বিশেষ খাদ্য, সেটা এখানে ২৫শে ডিসেম্বর ধনী  
গরীব সকলেই খায়।

বড়দিন এদেশের পারিবারিক উৎসব। বড়দিনের  
দিন কেউ বাইরে যায় না, সবাই ঘরে আমোদ-  
আহ্লাদ করে। যদি কেউ বাইরে যায় তাহলে  
বুঝতে হবে সে নিরাশ্রয়, এমন কি বন্ধুবান্ধব পর্যন্ত  
তার নেই। বড়দিনের পরের দিন Boxing day.  
এ দিনটা ঠিক আমাদের দেশের যেন বিজয়ার  
দিন। এই দিনে আত্মীয় স্বজন বন্ধুবান্ধব প্রত্যেকে  
প্রত্যেকের বাড়ী যাত্রা দেখা শুনা করতে। বিবাহিতা  
মেয়ে বড়দিনের দিন নিজের বাড়ীতে থেকে উৎসব  
করে, Boxing dayতে বাপের বাড়ী যায়।

## মাতা

### শ্রীমতী ভগবতী দেবী ।

নমামি তোমারে দেবী তুমি মা জননী,

জগতে প্রত্যক্ষ তুমি স্বকলকারিণী ।

প্রকাশিতে সৃষ্টি লীলা

ব্যষ্টিভাবে কর খেলা,

শক্তির আধার তুমি, শক্তি-স্বরূপিনী ;

হস্তরে তুমিই মা গো বিপদনাশিনী ।

তুমি মা গো এ সংসারে পরমাপ্রকৃতি,

লয় কর একাধারে সৃষ্টি স্থিতি, সতি ।

বৃষ্টিবারে তব মর্শ

মানবের নহে কর্শ,

অনন্ত অতুল মা গো মহিমা তোমার ;

ধরাতলে তুমি মা গো মোক্ষ-মুলাধার ।

মার সম দয়া মায়া না হেরি জগতে,

স্নেহ প্রেম এত মা গো সম্ভবে কাহাতে ?

জ্ঞানের অগম্যা তুমি

চিনতে পেরেছি আমি,

অকাতরে পার দিতে হৃদয়-শোণিত

এমনই ভালবাসা তোমাতে নিহিত ।

উপমা তোমারি শুধু তুমি ভূমণ্ডলে,

নিজ মুখ-গ্রাস দাও পুত্র-মুখে তুলে ।

মাতৃনামে পাপ যায়

রোগ শোক ছুরংহয়,

বৃষ্টিব কেমনে মাগো স্বরূপ তোমার

—অকৃতি, অধমা, হীনা, আমি যে অসার ।

# একখানি ছবি

শ্রী বিশ্বমোহন সান্যাল ।

রহিম সর্দারের দৌরাণ্যে সে গ্রামের সকলেই সন্ত্রস্ত । বিশেষতঃ মেয়েরা ত রহিমের নাম শুনিলে সংজ্ঞা হারাইয়া ফেলে । কত পরিবারের মর্যাদা যে তাহার হাতে নষ্ট হইয়াছে, তাহার আর ইয়ত্তা নাই ! কত লোক কত অভিশাপই না তাহাকে দিয়াছে ! সত্যযুগ হইলে হয়ত তাহাতেই কাজ হইত, কিন্তু এটা নিতান্ত কলিযুগ কিনা—তাই এখনও রহিম সর্দার গ্রামের জড়তাকে টিটকারী দিয়া হাসিয়া খেলিয়া নিজের লালসাকে পূর্য্যামাত্রায় মিটাইয়া লয় । সে হয়ত জানে যে, অভিশাপের পিছনে যদি মনুষ্য না থাকে, তাহা হইলে ভয়ের কিছুই কারণ নাই !

সেদিন সন্ধ্যার অন্ধকার সবে মাত্র পৃথিবীর বুকে ঘনাইয়া আসিতেছিল । রহিমের দল তাড়িখানার আসর ছাড়িয়া শীকার সন্ধানে বাহির হইয়াছে । তাহাদের বিকট উল্লাস-ধ্বনিতে সকলেই ভগবানের নাম স্মরণ করিতে করিতে গৃহের অর্গল বন্ধ করিয়া দিতেছে । পথের ধারের জানালা বন্ধ হইয়া গিয়াছে,—রমণীদের কণ্ঠধ্বনি শব্দ হারাইয়া ফেলিয়াছে !

\*

বেলা এই গ্রামে নূতন আসিয়াছে । সে গ্রামের জমিদারের একমাত্র কন্যা, কলিকাতায় থাকিয়া লেখাপড়া করে । এইবার নাছোড়বান্দা হইয়া কে বাবাকে লইয়া গ্রামের জমিদারী দেখিতে আসিয়াছে । রাজকৃষ্ণবাবু আজ ১৮১৯ বৎসর পরে আদরিণী কন্যার অগ্রহাতিশয্যে গ্রামে আসিয়াছেন ।

গ্রামের এই আকস্মিক স্তব্ধতায়ে বেলা কোতুলী হইয়া পড়িল । তাহার ঘোবনোচ্ছাসিত মনখানি ইহার কারণ জানিবার জন্য উদ্গ্রীব হইয়া উঠিল,— সে পথের উপর কার উদ্ভানটীতে ছুটিয়া আসিল ।

ঠিক সেই সময়েই রহিমের সহিত তাহার দেখা । রহিমের দল লাফাইয়া উঠিল ! বেলা ত অবাক ! এমন অসভ্য মানুষ কি করিয়া হয়, ইহাই হয়ত সে ভাবিতেছিল । কিন্তু সে কতক্ষণ ? একটা লোক তাহাকে একোলে লইয়া ছুটিতে লাগিল । প্রথমটা বেলা কিংকর্তব্যবিমূঢ় হইয়া গিয়াছিল । কিন্তু যখন বিপদের পরিমাণ সে বুঝিল, তখন সাহায্যলাভের জন্য চীৎকার আরম্ভ করিল—আপনাকে মুক্ত করিবার জন্য প্রাণপণ চেষ্টা করিতে লাগিল ।

রাজকৃষ্ণবাবু বেলায় চীৎকার শব্দে বাহিরে আসিয়াই যাহা দেখিলেন, তাহাতে তিনি স্তম্ভিত হইয়া গেলেন । পরক্ষণেই চাকরবাকর ও লোকজন আসিয়া পড়িল । তাহাদের মধ্যে যাহারা স্থানীয় লোক, তাহারা দাঁড়াইয়া দাঁড়াইয়া হায় হায় করিতে লাগিল ; কলিকাতা হইতে যাহারা আসিয়াছিল, তাহারা বেলাকে উদ্ধার করিতে ছুটিল । কিন্তু কে কাহাকে ধরে ? অন্ধকারের ভিতর রহিমের দল যে কোথায় মিশিয়া গেল, তাহা তাহারা ঠিক করিতেই পারিল না ।

রাজকৃষ্ণবাবু খানায় ডায়েরী করিয়া রহিমের ডেরা খুজিয়া বাহির করিবার জন্য পুলিশের সাহায্য চাহিলেন । দারগাবাবু শিহরিতে শিহরিতে যে জবাব দিলেন, তাহাতে রাজকৃষ্ণবাবুর চক্ষুস্থির !

রাজকৃষ্ণবাবু অনেক ভাবিয়া চিন্তিয়া মহকুমার ম্যাজিষ্ট্রেটের কাছে লোক পাঠাইলেন । 'ম্যাজিষ্ট্রেট সদলবলে গ্রামে পৌছিতে পরদিন ৮—৯টা হইয়া যাইবে । ইতিমধ্যে গ্রামের মাতব্বরদের সহিত পরামর্শ করিবার জন্য সকলকে ডাকিয়া পাঠান হইল । সকলেই রহিমকে অভিশাপ দিতে দিতে রাজকৃষ্ণবাবুর বৈঠকখানায় আসিয়া জুটিলেন । কিন্তু কেহই রহিমের বিরুদ্ধে প্রকাশ্যে কিছু



করিতে রাজ্ঞী হইলেন না। তাঁহাদের জ্ঞীপুত্র লইয়া ঘর করিতে হয় - কোন রকমে ধর্মরক্ষা করিয়া বাস করিতে হয়!

সারারাত রাজকৃষ্ণবাবু ছটফট করিয়াছেন। ভোরের দিকে বোধ হয় একটু তন্দ্রা আসিয়াছিল, হঠাৎ সেটুকু তাঁহার প্রিয় খানসামা রামচরণের চীৎকারে ভাঙিয়া গেল। তাড়াতাড়ি ঘরের বাহিরে আসিয়া দেখিলেন অর্ধমুচ্ছিত বেলাকে কোলে লইয়া রামচরণ,—আর চারিপাশে শুভানুধ্যায়ীর দল! সেই গুণ্ডগোলের মধ্যে ব্যাপার কিছু জানিবার চেষ্টা না করিয়া রাজকৃষ্ণবাবু বেলাকে ঘরের মধ্যে লইয়া আসিলেন,—একজনকে ডাক্তার ডাকিতে পাঠাইলেন।

ডাক্তার আসিয়া যথারীতি চিকিৎসা ও ঔষধ পথ্যের ব্যবস্থা করিয়া চলিয়া গেলেন। ষাঁহারা এতক্ষণ ভিড় জমাইয়া ছিলেন, তাঁহারাও একে একে সরিয়া পড়িলেন। এতক্ষণে রাজকৃষ্ণবাবুর যেন জ্ঞান ফিরিয়া আসিল। কি করিয়া বেলাকে পাওয়া গেল, তাহা জানিবার জন্য রামচরণকে প্রশ্ন করিলেন।

রামচরণ কাঁদিতে কাঁদিতে ষাঁহা বলিল, তাহার মর্ম এই যে, বেলাকে বাগানের পথের উপর অচৈতন্য অবস্থায় পাওয়া যায়।

ওদিকে গ্রামের মাতৃস্বরদের সভা বসিয়া গিয়াছে। রাজকৃষ্ণবাবু এ অবস্থায় কতাকে ঘরে স্থান দিতে পারেন কি না তাহা লইয়া শাস্ত্রীয় আলোচনা চলিতেছে। শেষ পর্য্যন্ত স্থির হইল যে হিন্দুধর্মকে বাঁচাইতে হইলে রাজকৃষ্ণবাবুকে কঠিন হইতে হইবে, ইত্যাদি ইত্যাদি।...

একটু বেলা হইলে যথাসময়ে রাজকৃষ্ণবাবুর কাণে এই কথা পৌছিল। তিনি হাসিয়া বলিলেন “হাঁ, আমাকে কঠিন হইতে হইবে। যে সমাজের বিপদ ঠেকাইবার ক্ষমতা নাই, অথচ বিধান দিবার দুঃসাহস আছে তাহাকে ত্যাগ করিতে হইবে,—ধর্মের দিকে লক্ষ্য রাখিয়া মেয়েকে আমার বৃকে করিয়াই রক্ষা করিতে হইবে।”

বৃকের দল ছিছিঙ্কার করিতে লাগিলেন,— তরুণের দল বিস্ময়-সম্মমে রাজকৃষ্ণবাবুর উদ্দেশে মাথা নত করিল।

## মাতৃস্নেহ

শ্রী অন্নদাকুমার চক্রবর্তী, বাণীদিনোদ।

হ'কনা রাজা, বাদসা, নবাব  
হ'কনা ফকির নিঃব দীন,  
হ'কনা প্রভু, ভৃত্য, পাপী  
হ'কনা তাপী, সর্বহীন,  
মায়ের স্নেহ, মায়ের আদর  
ভালবাসার বিভেদ নাই,  
বিশ্বমাত্রে মূর্ত্তিমতী  
করণা তাঁর দেখতে পাই।

মায়ের কাছে সবাই সমান  
আপন পরের নাইক বিচার,  
সবাই সেথায় অবোধ ছেলে,  
সবাই মাতার রক্ত-হিয়ার;  
শক্তিরূপা বিশ্বমাতা  
তোমায় নৈমি ভক্তি ভরে,  
শক্তি দেহ, ভক্তি দেহ,  
মুক্তি দেহ সন্তানেরে।

# ছেলেমেয়েদের শিক্ষা, স্বাস্থ্য ও পরিণয়

( আলোচনা )

শ্রীমতী বিরজাসুন্দরী দেবী ।

আমাদের ছেলেমেয়েদের শিক্ষা বর্তমান সময়ে কি ভাবে হইতেছে এবং ইহার পরিণাম কি দাঁড়াইতেছে তাহা অনেকেই উপলক্ষ করিতেছেন । শিক্ষা সম্বন্ধে এখন অনেক আলোচনাও চলিতেছে কিন্তু শিক্ষার উদ্দেশ্য যে চরিত্র গঠন, সে দিকে আমাদের মোটেই দৃষ্টি নাই । আমাদের শিক্ষার মূল মন্ত্র হইতেছে ত্যাগ ও সংযম, এখন সেই ত্যাগ ও সংযমের অর্থ হইয়াছে উল্টা । আপনাকে দেশের ও দেশের মধ্যে বিলাইয়া দেওয়াই ত্যাগ । এখন ত্যাগ অর্থে কর্মত্যাগ, ও নিতান্ত ঘৃণিত ভিকারবৃত্তি হইয়াছে বলিয়া আজ দেশ এত দরিদ্র, এত কাঙাল । এখন অর্থই হইয়াছে আমাদের শিক্ষার একমাত্র লক্ষ্য । কাজেই আর কোন দিকে দৃষ্টি দিবার ইচ্ছা ও শক্তি আমাদের নাই এবং সকলের ইচ্ছা না হইলে অল্পসংখ্যক লোকের ইচ্ছায় শিক্ষার নিয়ম পরিবর্তন হওয়াও অসম্ভব ।

আমরা স্পষ্টই দেখিতে পাইতেছি আমাদের ছেলেমেয়েদের দিন দিন কি শোচনীয় অবস্থা হইতেছে, তথাপি স্কুলকলেজের ভূরি ভূরি পুস্তকের মধ্যে আমাদের জাতির জীবন যুবকগণ যখন স্বাস্থ্য ও আয়ু হারাইয়া ত্রিগ্ৰী লইয়া বাহির হইয়া আসে তখন আমাদের আনন্দ আর ধরে না । আমরা বুঝি না যে আমাদের লাভের ঘরে কতটা জমা থাকিল আর ক্ষতির ঘরে কতটা বাদ পড়িল । যাহারা "ভাল-ছেলে" দায়ু পাইয়া ইউনিভার্সিটির উচ্চ স্থান অধিকার করিয়া বাহির হইয়া আসে, তাহাদের দিকে চাহিতে প্রাণ উড়িয়া যায়, চোখে জল আসে, মনে হয় ইহারাই কি আমাদের জাতীয়-জীবনের ভিত্তি, ভবিষ্যতের আশা-ভরসা ?

এমনি করিয়াই উচ্চ শিক্ষার মোহে আমাদের জাতি ধ্বংস হইতে বসিয়াছে । আমরা দেখিয়া শুনিয়া প্রতিকারের কোন উপায়ই উদ্ভাবন করিতেছি না । কেনই বা ইহাদের স্বাস্থ্য নষ্ট হইতেছে, কি প্রকারে ইহার কিঞ্চিৎ প্রতিকার হইতে পারে, সে বিষয় একটু আলোচনা করিবার জন্তই আমার এ প্রবন্ধের অবতারণা ।

বড়লোকের বাড়ীতে ছেলেমেয়েদের ভাল আহারের বন্দোবস্ত থাকে (আবার ৬ টিফিন আওয়ারে) বাড়ী হইতে দরওয়ান কিম্বা বি স্কুলে জলখাবার লইয়া যায়, তাহাদের পড়ার খাটুণীও কিছু কম, গৃহশিক্ষক অনেক সাহায্য করে । গরীবের ছেলেদের অবস্থার সঙ্গে স্কুল কলেজের ব্যবস্থার খাপ খায় না বলিয়াই তাহাদের হইয়াছে মরণ । দরিদ্রের সম্মান জন্মিয়াই জ্ঞান হওয়ার সঙ্গে সঙ্গে অভাবকে অনুভব করিতে থাকে এবং অনেকেই উহা দূরীকরণের জন্ত বন্ধপরিষ্কার হইয়া স্বাস্থ্যের প্রতি মোটেই লক্ষ্য রাখে না বা ভীষণ দারিদ্র্যবশতঃ লক্ষ্য রাখিতে পারে না । মায়ের হয়ত সংসারের সমস্ত কাজ শেষ করিয়া রান্না করিতে হয় বলিয়া রান্নায় বিলম্ব হয় । ছেলেকেও হয়ত অনেক পথ হাঁটিয়া স্কুলে যাইতে হইবে বলিয়া শীঘ্র শীঘ্র আহার করিতে হয় ! ফলে কোন দিন অর্ধসিদ্ধ ভাল ভাত খাইয়া, কোন দিন বা আলু-ভাতে ভাত খাইয়া উর্ধ্বশ্বাসে স্কুল অভিমুখে দৌড়িতে হয় । সারাদিন ঐ ভাবেই কাটে, ছুটির পর ক্ষুধা-তৃষ্ণায় অবসন্ন দেহটা লইয়া বাড়ী ফিরিয়া ঠাণ্ডা ভাত আর ভাল বা কিছু তরীতরকারী খাইয়া জীবন ধারণ করে এবং ক্রমে স্বাস্থ্য তদ

করিয়া অকালে মৃত্যুমুখে পতিত হয়। শিক্ষার পদ্ধতি পরিবর্তন যদি নিতান্তই অসম্ভব হয় তাহা হইলে ছেলেমেয়েদের অন্তর্ভুক্ত জলযোগের ব্যবস্থা থাকা উচিত। স্কুলে ছেলেমেয়েদের পড়াইতে হইলে যেমন বেতন দিতে হইবেই, সেই সঙ্গে জলযোগের ব্যবস্থার জন্ত আরো কিছু ধরিয়া লইয়া বাধ্যতামূলক করিয়া লইলে সেটি প্রত্যেকেই দিবে। সেখানে ধনী দরিদ্র সকলের নিকট হইতে সমান হারে লইতে হইবে এবং সকলের জন্ত সমান ব্যবস্থা থাকিবে। এইরূপ ব্যবস্থা না করিলে আমাদের ছেলেমেয়েদের বাঁচিবার উপায় নাই।

পাঠ্যাবস্থায় ছেলেদের শরীর পুষ্টির জন্ত প্রচুর পরিমাণে পুষ্টিকর আহারের দরকার। তাহা ত জ্বোটেই না, তাহার মধ্যে আবার ফুটবল খেলার অনুরোধ করিতে গিয়া নিষ্কীব বাঙ্গালী যুবকগণ আরো ধ্বংসের পথে অগ্রসর হইতেছে। এই খেলাতে শরীরের যতটা শক্তির ক্ষয় হয় তাহা পূরণ করিবার মত আহার কয়জন যুবকের ভাগ্যে জ্বোটে? অথচ এই খেলার জন্ত ছেলে বড়ো অনেকেই কোমর আঁটিয়া লাগিয়া যান, ছেলেদিগকে উৎসাহিত করেন;—খুবই আশ্চর্যের বিষয়, সন্দেহ নাই! জাতিকে বাঁচাইতে হইলে এই দরিদ্র দেশের ছেলেদের ফুটবল খেলা বন্ধ করিয়া দেওয়া কর্তব্য কিনা তাহাও একটু বিবেচনা করিয়া দেখা উচিত নয় কি?

মেয়েরাই আমাদের জাতীয় জীবনের ভিত্তি, কারণ তাহারা মাতা। এইজন্য মেয়েদের শিক্ষা ও স্বাস্থ্যের প্রতি বিশেষভাবে লক্ষ্য রাখা কর্তব্য। আমরা আজকাল ছেলেমেয়েদের শিক্ষার ব্যবস্থা একভাবে করিতেছি বলিয়া মেয়েরাও কেবল অর্থকরী বিজ্ঞান শিখিতেছে। ছেলেদের ত অর্থকরী বিজ্ঞান শিক্ষার ফল বর্তমানে ব্যর্থপ্রয়াস হইয়া পাড়াইয়াছে, দুই চারি বৎসর পর মেয়েদেরও তাহাই হইবে না কি? মেয়েরাও তো সংখ্যাগ নেহাৎ কম পাশ করিতেছে না। ক্রমে তো এই

পাশের সংখ্যা বাড়িতেই থাকিবে, তখন তাহাদের জন্ত কি ব্যবস্থা হইবে? তাহারা স্ত্রী কাটিয়া বস্ত্র বয়ন করিয়া অথবা ঐ রূপ কোন গৃহশিল্প করিয়া অনবস্ত্রের সংস্থান করিতে পারিবে কি? পারিলেও তখন পুনরায় নূতন করিয়া সেই সমস্ত শিল্প শিক্ষা করিতে সময় লাগিবে না কি? এইরূপ শিক্ষার ফলে সাংসারিক জ্ঞান একেবারেই হইতেছে না। মেয়েদের এই প্রকার শিক্ষা অনবস্ত্রহীন দরিদ্র বাঙ্গালীর পক্ষে নিতান্ত বিষময় হইয়া উঠিতেছে। কেবল বুদ্ধির উৎকর্ষ সাধন করিতে যাইয়াই তাহারা তাহাদের হৃদয়ের প্রধান বৃত্তিগুলি অর্থাৎ ভক্তি, শ্রদ্ধা, স্নেহ, ভালবাসা, সেবা, সহিষ্ণুতা এককথায় বলিতে গেলে মাতৃহ হারাইয়া ফেলিতেছে। এ কথায় কেহ কেহ বলিতে পারেন যে, শিক্ষা দ্বারা এসব হারাইবে কেন বরং ভালমন্দ বৃত্তিতে পারিয়া এইসব গুণে আরো বিভূষিতা হইবে। কিন্তু ইহা ভুল। এই সমস্ত গুণ লাভ করিতে হইলে শৈশব হইতে পারিবারিক শিক্ষার প্রতি বিশেষভাবে দৃষ্টি রাখিতে হয় এবং সে শিক্ষা মাতা কিম্বা অভিভাবিকাদের কার্যপ্রণালী দেখিয়া, তাহাদের কাজের সাহায্য করিয়া শিখিতে হয়। দেখিয়া শুনিয়া যে শিক্ষা হয় পুস্তক পাঠে তাহা হয় না। আজকালকার স্কুল কলেজে পড়া মেয়েদের পক্ষে সে শিক্ষা পাওয়া অসম্ভব, কারণ তাহাদের সকালে উঠিয়া স্কুল কলেজের পড়া, তারপর স্নান, আহার, অন্তর্বিস্তার প্রসাধন করিয়া সাড়ে নটা দশটার মধ্যেই প্রস্তুত হইয়া থাকিতে হয়, গাড়ী বা মোটরের প্রতীক্ষায়। তারপর স্কুলে রওয়ানা, সেখান হইতে ফিরিতে পাঁচটা সাড়ে পাঁচটা, তারপর খাওয়া, চুল বাঁধা ইত্যাদি আছে। তারপর আবার সন্ধ্যার পর পড়া, সারাদিন সংসারের কাজকর্ম, রন্ধন, সন্তান পালন, রোগীর সেবা ইত্যাদি কি ভাবে চলে তাহারা এই সমস্ত অত্যাবশ্যকীয় বিষয়গুলির খোঁজখবর করিবারও অবসর পায় না, মাতা প্রভৃতিকে একটু আধটু সাহায্য করা তো

দূরের কথা । আমরাও কতকগুলি পুস্তক অধ্যয়ন করিতে শিখাইয়াই মেয়েদের শিক্ষিতা বলি, তাহারাও তাই বোঝে । মেয়েদের শিক্ষাটা ঠিক পুরুষদের অনুকরণে না হইয়া, যাহাযে তাহাদের গৃহস্থালীর কাজকর্ম করিবার অভিজ্ঞতা জন্মে, স্বাস্থ্য অটুট থাকে তাহা করাই বোধ হয় আমাদের দরিদ্র দেশের পক্ষে মঙ্গলজনক । তবে প্রত্যেক মেয়েরই কিছু কিছু ইংরাজী শিক্ষা করা দরকার তাহা না হইলে মেয়েরা অনেক কিছু জানিবার বুঝিবার বিষয় হইতে বঞ্চিত থাকে ।

তারপর স্বাস্থ্য । এই যে ৭৮ ঘণ্টা না খাইয়া স্থলে বন্ধ থাকিয়া পড়া, এরই অল্প অধিকাংশ মেয়েদের শরীর ভাঙ্গিয়া পড়ে ; মাথাধরা, দৃষ্টিহীনতা, বুক ধড়ফড় করা ইত্যাদি বোগ একচেটিয়া হইয়া বসে এবং দু'একটা সন্তান প্রসব করিয়াই কেহ কেহ এমন রুগ্ন হইয়া পড়ে যে চিরদিন তাহাকে বিশেষ কষ্টভোগ করিতে হয় । ইহার ফলে অনেকেই অকালে মৃত্যুমুখে পতিত হইয়া অসহায় শিশুদের মাতৃহীন করিয়া যায় এবং মাতৃহীন শিশুরাও শুকাইয়া রিয়া পড়ে ; যাহারা বাঁচিয়া থাকে তাহারাও চিরকর্ম হয় । ইহারাই আমাদের ভবিষ্যৎ-বংশধর ! এইত গেল সহরের উচ্চশ্রেণীর লোকের শিক্ষার কথা, পল্লীর শিক্ষা আবার ইহার বিপরীত ; নিরক্ষর বলিয়া তাহাদের না আছে স্বাস্থ্য বিষয়ক জ্ঞান, না আছে প্রকৃতি ও শিশুরক্ষার জ্ঞান । নিতান্ত অস্বস্তি শিশুর প্রাণ নষ্ট হয়, কিন্তু তাহাদের বিশ্বাস অপদেবতার দৃষ্টিতে মারা যায় ।

আমাদের দেশে একদিকে যেমন শিক্ষার চাঁপ, অন্যদিকে তেমনি শিক্ষার অভাব, এই দুইটাই ভীষণ মারাত্মক হইয়া আমাদের জাতীয়-জীবন ধ্বংস করিতে বসিয়াছে । জাতিকে বাঁচাইতে হইলে, সর্বপ্রথমে স্বাস্থ্য ও চরিত্রের প্রতি বিশেষ মনোযোগ দিতে হইবে । আর শিক্ষাটা যাহাতে ধর্ম ও নীতি-মূলক হয় সে বিষয়েও বিশেষভাবে দৃষ্টি রাখিতে হইবে ; ইহাই ভারতের বৈশিষ্ট্য ।

তারপর পরিণয়ের কথা । পারিবারিক শিক্ষায় যাহারা সম্পূর্ণ ভিন্ন-প্রকৃতির, এমন দুইটি পরিবারের মধ্য বিবাহসূত্রে মিলন হইলে প্রকৃতগত বৈষম্যের অল্প মিলন মধুর হইতে পারে না । মাতৃষের রুচি চিরদিনই ভিন্ন প্রকারের আছে এবং থাকিবে । নিজেরই ইচ্ছামত বধুকে গড়িয়া তুলিবার পক্ষে বাল্যবিবাহ অনুকূল হইতে পারে, কিন্তু তাকে লেখাপড়া শিখান ও স্বাবলম্বী করান'র পক্ষে বাল্যবিবাহ নিতান্ত প্রতিকূল হইয়া দাঁড়ায় । উত্তমরূপে জ্ঞানের উন্মেষ না হইতেই জড়তার বেষ্টনী দিয়া মেয়েদের বিবাহ দেওয়াতে তাহারা তাহাদের বিবেক হারাইয়া ফেলিয়াছে । কাজেই বাল্যবিবাহ সমীচীন নহে । পিতামাতা পুত্রকন্যাকে যেকপ ভাবে শিক্ষা দিবেন, বিবাহ দিবার সময় সেইরূপ শিক্ষায় শিক্ষিত পরিবারের মধ্যে যাহাতে বিবাহ হয় তাহাই দেখিবেন । তাহা হইলে তাহাদের জীবনযাত্রা সুখের হইবে । এ বিষয়টা আর একটু বিশদ করিয়া লিখিতেছি । যেমন,—দুইটি শিক্ষিত পরিবার, দুই দিকই আর্থিক অবস্থায় উন্নত, এক পরিবার সম্পূর্ণ পাশ্চাত্যভাবে শিক্ষিত, অল্প পরিবারের শিক্ষা প্রকৃত হিন্দুত্বের উপর প্রতিষ্ঠিত । এই দুইটি পরিবারের মধ্যে যদি বিবাহবন্ধন স্থাপিত হয়, তাহা হইলে পাশ্চাত্য-ভাবাপন্ন মেয়ে হিন্দুত্বে সন্তুষ্ট থাকিতে পারিবে না । সে চাহিবে, তাহার অভ্যাসমত চলিতে কিন্তু দেখিবে সকলই বিপরীত । তেল মাখা, আলতা পড়া অসভ্যতা মনে করিবে ; জুতো পায়ে না দিলে হাঁটিতে কষ্ট ও পায় ব্যথা পাইবে ; খন্দরের শাড়ী পরিলে শরীরের চামড়া উঠিয়া যাইবে মনে করিবে ; নিজ হস্তে রন্ধন করিয়া খণ্ডর, খাণ্ডরী, স্বামী, দেবর, নন্দ প্রভৃতি আত্মীয়পরিজন ও দাস-দাসীকে খাওয়ানকে সে সবচেয়ে হীন কাজ মনে করিবে ; খণ্ডর, খাণ্ডরী, স্বামী প্রভৃতির সেবা করা করমাইস খাটা, এবং সন্তানপালনকে সে আয়া ধানসায়ার কাজ বলিয়া মনে করিবে । এইরূপ শিক্ষা-



বৈষম্যের দক্ষণ চরিত্রবান, বিদ্বান, ধনবান স্বামীকেও সে প্রাণের সহিত গ্রহণ করিতে বা স্মৃতি করিতে পারিবে না এবং সংসারে একটা অশান্তির সৃষ্টি করিবে ।

আবার ঐরূপ নিষ্ঠাবান হিন্দুঘরের স্মৃতিশক্তি স্মরণী মেয়ে সাহেববাড়ী ষাইয়া স্মৃতি হইতে পারিবে না । তার লজ্জা, বিনয়, সহিষ্ণুতা দেখিয়া স্বামী ও তাহার আত্মীয় লোকেরা অশিক্ষিতা বলিয়া তাহাকে ঘৃণা ও উপেক্ষার চক্ষে দেখিবে । ভারতীয় নারীর যেগুলি প্রধান গুণ সেগুলিই তাহাদের নিকট দোষের বলিয়া গণ্য হইবে । একজন সূদূর ভিত্তির উপর প্রতিষ্ঠিত জাতীয়শিক্ষার প্রভাবে প্রাণপণ ধর্মের সহিত পত্নীর কর্তব্য পালন করিতে চাহিবে, আর একজন পতিপ্রাণা সাক্ষী পত্নীকে অকুণ্ঠিত চিন্তে ত্যাগ করিয়া মনের মত পত্নী গ্রহণ করিতে চাহিবে বা করিবে । আমাদের জাতীয় শিক্ষা এমন একটা ধর্ম ও নীতির মূলে স্থাপিত যে, সে ভাবে যাহারা শিক্ষা পাইয়াছে, তাহারা কখনই এই পবিত্র বিবাহ-

বন্ধনকে নিঃশঙ্কচিত্তে ছিন্ন করিয়া, দ্বিতীয় বার পতি বা পত্নী গ্রহণ করিয়া স্মৃতি হওয়ার কল্পনা মনেও আনিতে পারেনা । পাশ্চাত্য মিলনের মধুরতা কল্পনার চক্ষে দেখিয়া, আমাদের ছেলেমেয়েরা যখন মুগ্ধ হইয়া পড়ে, তখন তাহাদের ভবিষ্যত ভীষণতার বিষয় উপলব্ধি করিবার সময় নয় বলিয়া সে কথা তাগদের মনে আসেনা । পরে যখন মোহ ছুটিয়া যায়, তখন ভীষণতা অনুভব করে এবং তাহা হইতে রক্ষা পাওয়ার আর উপায় থাকে না । সেই জন্ত পুত্রকন্যাদের শিক্ষা, স্বাস্থ্য ও পরিণয় সম্বন্ধে পিতামাতা প্রভৃতি অভিভাবক অভিভাবিকাদের বিশেষ ভাবে বিবেচনা করাই সর্বতোভাবে মঙ্গলজনক । ভারতের শিক্ষা ভারতীয় ভাবে ও বাঙ্গালার শিক্ষা বাঙ্গালার বৈশিষ্ট্য রক্ষা করিয়া হওয়াই বোধ হয় উত্তম । এ বিষয়ে নবযুগ-প্রবর্তকদের নৃষ্টি আকর্ষণ হওয়া নিতান্ত আবশ্যিক । আগে জাতির প্রাণ রক্ষার সমস্যা সমাধান করিয়া পরে অন্য চিন্তা করা উচিত বলিয়া মনে করি ।

## শেষ করে দাও

শ্রীমতী শোভা রুদ্র ।

চোখের পরে এই যে আলো,

এই যে কলরব,

ব্যর্থ প্রাণের এই যে হাসি

জাগায় অভিনব,

শেষ করে দাও আজকে আমি,

এসব কিছুই চাইনি আমি,

চাইগো শুধু ভগ্ন-প্রাণের

ক্রন্দনেরি রব ;

শেষ করে দাও শেষ করে দাও

—শেষ করে দাও সব !

তোমার আলো তোমার বাতাস

ব্যর্থ সে সব আজ,

মিথ্যা তোমার আনা-গোনা

মিথ্যা সকল কাজ ;

তোমার ডাকা তোমার আসা,

মিথ্যা তোমার ভালবাসা,

ব্যর্থ তোমার সাধনা গো—

ব্যর্থ এসব সাজ ;

শেষ করে দাও এ সব প্রভু

শেষ করে দাও আজ !



## অসমাপ্ত

( গল্প )

শ্রীমতী স্নেহময়ী মিত্র ।

লোকে তাকে পাগল ব'লত, আমিও তাকে পাগল বলেই জানতুম। সে থাকত আমাদের সামনের লালরঙের বাড়ীটায়। বি-এ পাশ করে ডাক্তারী পড়ছিল সেই সময় মাথা খারাপ হ'য়ে যায়, লোকে বলে পড়ে পড়ে তার মাথা গরম হয়ে গেছে। সে বাপমার এক ছেলে, কাজেই ডাক্তারটাক্তার অনেক আসে শুনেছি, ডাক্তার এলেই না কি পাগল দরজায় খিল লাগিয়ে দেয়, মার শত অহুনিয় বিনয়েও সে সেদিন দরজা খোলে না। সে এক আশ্চর্য্য শ্রেণীর পাগল।

পাগলের বিষয়ে মনোযোগ দেবার মত আগ্রহ আমার ছিল না, তাই কেউ বলতে এলে মাঝে মাঝে বিরক্ত হয়ে উঠতুম। ছাদে উঠলে দেখতুম সে একখানা মোটা খাতা নিয়ে ছাদে পায়চারি করছে, দেখলে ত পাগল বলে বোধ হত না। আমার ছোট বোন লতি তার সঙ্গে নাকি আলাপটা বেশ জমিয়ে নিয়েছে, সে যখন তখন এসে তার সত্যদার (পাগলের নাম সত্যেন্দ্র) গল্প করে।

একদিন লক্ষ্য করে পাগলকে দেখলুম—মাথায় ঝাঁকড়া ঝাঁকড়া চুল, চোখ দুটি আশ্চর্য্য রকমের, ভীক্ তরঙ্গালের মত কখন ঝক্ ঝক্ করে কখন বা শান্ত নীরব থাকে। মরমের বাতাস যেন সদাই মৌন ব্যথা-ভরে নত, দেখলেই মনে হয় কত নীরব বেদনা গোপনে সে বহন করছে। লতি বলে তার সত্যদা পাগল নয়, সে তার সঙ্গে কেমন কথা কয়, তবে মিছিমিছি লোকে কেন তাকে পাগল বলে?

সেদিন তাকে একটু আগ্রহভরেই দেখছিলুম, কৌতুহলও বলা চলে। পাগল অল্পমনস্ক ছিল।

আমার হাতের সোনার চুরির শব্দে সে বিশ্বয়ভরে তার কাল কাল চোখ দুটি তুলে আমার দিকে চাইল, আমি লজ্জিত হয়ে থামের আড়ালে সরে গেলুম।

একদিন লতি শুক মুখে এসে বলে "দিদি সত্যদার ভারি জর, কি হবে তাই?" মনটা একটু দমে গেল। কি জ্বালা, লতির মত আমাকেও ভুতে ধরল নাকি! কোথাকার কে একটা পাগল, তার জর হয়েছে ত আমি ভেবে মরি কেন? যাই হোক লতিকে সাহুনা দিয়ে বললুম "সন্মান জর, ভাল হয়ে যাবে খ'ন।" কিন্তু লতি যেন সারাটা দিন অস্বস্তিতে কাটিয়ে দিলে। পরদিন এসে বলে "দিদি, সত্যদার জর ভয়ানক বেড়ে গেছে, জান নেই, সত্যি বল না ভাই সত্যদা বাঁচবে কি না?"

তার ভাসা ভাসা চোখ দুটো জলে ভরে এল, কোলের কাছে তাকে টেনে নিয়ে তার গুচ্ছ গুচ্ছ চুলের ভিতর আঙ্গুল দিয়ে নাড়তে নাড়তে "আদর করে বললুম "ভয় কি, তোর সত্যদা নিশ্চয় ভাল হয়ে যাবে।" আমার সাহুনা জানি না সে বিশ্বাস করল কি না; মনমরা ভাবে চলে গেল। তারপর একদিন সকালে শুনলুম পাগল মারা গেছে।

ছ'চার দিন পরে ছপুয়ে বসে পড়ছি, লতি একটা খাতা নিয়ে ঘরে ঢুকে বলে "সত্যদার ভাঙা টিনের বাস্কেটা গুচ্ছতে এই খাতাটা পেয়েছি, তুমি নেবে দিদি?" খাতাটা দেখেই বুঝলুম এইটাই নিয়ে পাগল ছাতে বেড়াতো! সাগ্রহে লতির হাত হতে খাতাটি নিলুম, মলাট খুলে ছ'চার লাইন পড়েই বুঝলুম এ পাগলের মনের কথা;—যাই হোক পড়েই দেখি না। তাতে লেখা আছে—

“লোকে আমায় পাগল বলে কেন? আমি কি সত্যই পাগল! তারা ত আমার বেদনার স্বর কখন অনুভব করেনি, আমার হৃদয়ের গোপন ব্যাথা ত কখন শুনতে আসেনি, তাই বোধ হয় আমি লোক-চক্রুর কাছে পাগল। আচ্ছা, যাকে পাবার আশা কখন করিনি বা করতে পারি না, যে আমার চোখের সামনে একদিন সম্পূর্ণ অপরিচিতা ছিল কেন তার স্বর শুনে প্রাণ কেঁপে উঠে? একি বিড়ম্বনা!...”

“যে শুনবে সে আমাকে পাগল বলবে তবু আমি নিজেকে পাগল বলে ভাবতে পারব না। একদিন অকস্মাৎ যখন ধুমুকেতুর মত ভাবের ধারা আমার হৃদয়ে এসে উদয় হল, কে জানত তখন প্রাণ আমার মানসীর সন্ধানে ছুটবে! তাঁরা থাকতেন আমার পাশের বাড়ীটায়। তাঁদের সঙ্গে প্রথম আলাপ করিয়ে দেয় রমেন, সে অসিতবাবুর ভাগ্যে। প্রথম দিন যখন তাঁদের বাড়ী গেলুম অসিতবাবু হাত্মমুখে অভিবাদন করে বসালেন এবং তাঁর দুই মেয়েকে ডাকতে পাঠালেন। দুজনেই এসে আমার দিকে একবার বিস্মিত দৃষ্টিতে চেয়ে চেয়ারে বসল। অসিতবাবু বললেন “সত্যেনবাবু, এই আমার দুই মেয়ে—অমিয়া আর অমিতা।” তারপর মেয়েদের দিকে চেয়ে বললেন “এঁর নাম সত্যেন্দ্রনাথ বসু।”

“বড় মেয়ে অমিয়া বেশ সপ্রতিভ ভাবে নমস্কার করিয়া কহিল “হ্যাঁ, আপনি ত আমাদের পাশের বাড়ী থাকেন, না? রমেনদা একদিন বলছিল।” অসিতবাবু স্নিগ্ধ স্বরে বললেন “অমিতা, যাও ত মা রমেন আর সত্যেনবাবুর জন্ত দু কাপ চা নিয়ে এসো।” আমি বললুম, “এক কাপই আনুন, আমি চা খাইনা।” অসিতবাবু আগ্রহভরে বললেন “না, না এক কাপ খান না।” অমিয়া হেসে বলল “কেন বাবা, মিছে ঠেকে জোর করছ, ঠুঁট হয়ত অভ্যাস নেই।” অমিতা কিন্তু একটাও প্রতিবাদ না করে চলে গেল। একটু পরেই ট্রেতে টি-পট ইত্যাদি

নিয়ে এসে টেবিলের উপর রেখে দে চা তৈরি করতে লাগল, আশ্চর্য্য হয়ে দেখলুম সে দু কাপ চা করে, রমেনকে এক কাপ দিয়ে আর একটা কাপ আমার দিকে দৃষ্টি ঠেলে দিয়ে চলে গেল। পরক্ষণেই দু ডিস্ খাবার নিয়ে এসে রমেনের সামনে এক ডিস্ রেখে আমার সামনে অপর ডিস্টি রাখতে রাখতে হেসে বলে “অতিরিক্তে মিষ্টিমুখ করাতে হয়, না বাবা, আপনি কি বলেন?” অসিতবাবু হাত্মমুখে বললেন “সত্যেনবাবু, আমি অমিতার মতেই মত দিচ্ছি, আপনার বোধহয় আর আপত্তি নেই।” আমি হেসে বললুম “না, আপনারা যখন এত করে অহুরোধ করছেন তখন প্রত্যাখ্যান করবার সাধ্য আমার নেই।” পরিচয়ে জানলুম অমিয়া বিরাহিতা, তার স্বামী বন্দের একজন উকিল; অমিতা কুমারী।

“অসিতবাবুদের বাড়ী প্রায়ই যেতুম। সন্ধ্যাবেলা পড়তে বসতুম কিন্তু ওবাড়ী থেকে যখন পিয়ানোর স্বরের সঙ্গে ভেসে আসত—

“তুমি সন্ধ্যার মেঘ শান্ত, হৃদয়  
মম বিজ্ঞান গগন বিহারী

তুমি আমারি তুমি আমারি”...

তখন কেন যে জানি না সব ভুল হয়ে যেত, মনে মনে সত্য সত্যই লজ্জিত হয়ে পড়তুম। কদিনেরই বা চেনা কিন্তু তবু অসিতবাবু আমায় তাঁর আত্মীয়ের মতই স্নেহ করে গ্রহণ করেছেন যে!.....

“একদিন সন্ধ্যাবেলা গিয়ে দেখি বৈঠকখানায় ঈবাই বসে আছেন, অমিতা পিয়ানো বাজাচ্ছে। আমি যেতেই নমস্কার করে সে বলে “আনুন, একটু পিয়ানো ব্যাজান।” আমি বিনীত স্বরে বললুম “আমি তেমন ভাল জানি না।” সে হেসে বলে “তা বললে চলবেনা, রমেনদা বলছিল আপনি খুব ভাল গান গাইতে পারেন, আমরা বুঝি একটাও শুনব না, কেবল বন্ধুকেই শোনাবেন?” কি করি, তখন গাইলুম—

“মায়ি, তরী হেথা বাধবোনাকো আজকে সাঁঝে,  
ওপারের ওই ঘাটেতে

এমনি সাঁঝে আমার প্রিয়া

যেত ছোট কল্মসটিকে

কোমল তাহার কক্ষে নিয়া”...

“পানের শেষে চেয়ে দেখলুম সকলে স্বপ্ন হয়ে  
বসে আছেন, তাড়াতাড়ি বিদায় নিয়ে উঠে পড়লুম ;  
গাড়ীবাড়াওয়া নামতেই দেখি অমিতা সামনে  
দাঁড়িয়ে । সে আমার দিকে চেয়ে মুহূ অভিমান-দ্বীপ্ত  
স্বরে বলে “ওঃ এমন করুণ গানও গাইতে পারেন ?  
—জীবনে আর কখন আপনাকে গান গাইতে বলব  
না।” তার অশ্রুভারাক্রান্ত স্বর শুনে কি বলতে  
যাচ্ছিলুম কিন্তু চেয়ে দেখলুম সে অদৃশ্য হয়ে গেছে,  
ধামের আড়ালে শুধু তার রঙ্গীন শাড়ীর আঁচলটুকু  
একবার চোখে পড়ল ।

“বাড়ী এসেই লক্ষ্য মনটা ছুয়ে পড়ল । সত্যই  
ত এ গান গাইবার অমির কি দরকার ছিল !  
তার সেই অশ্রুভরা স্বর আমার প্রাণে এসে দারুণ  
আঘাত দিল । মনে মনে প্রতিজ্ঞা করলুম তার  
সামনে আর কখন গান গাইব না । রমেনটাই  
ত এই কাণ্ড ঘটালে, কি দরকার ছিল তার সকলের  
সামনে বলে বেড়ানো—আমি গান জানি ! সে  
যদি অমিতার কর্ণগোচর না করাত তা হলে আজ  
হয়ত আমাকে এত অপ্রস্তুত হতে হ’ত না ।  
অনুতাপে হৃদয় দগ্ধ হতে লাগল । গান আর কখন  
গাইবোনা—প্রতিজ্ঞা করলুম । মাঝে মাঝে যে গুণ  
গুণ করতুম তাও নীরব হল, কিন্তু তার কণ্ঠ ত  
কোন দিন নীরব দেখিনি, সে যখন গাইত —

“আমার প্রাণের গানের স্বরগা

হেয় ফুলে ফুলে ফুটিয়া

ধেন, তারার মত ছুটিয়া”...

তখন তার গানের স্বরের সঙ্গে শত আনন্দের

কণা তারার মত ছুটে এসে আমার প্রাণের ভিতর  
বিস্তৃত !

“তবু তাদের বাড়ী যেতুম । অসিতবাবু এক  
‘একদিন গান গাইতে বলতেন, আপত্তি করেই  
সে অমুরোধ এড়াতুম । সে বোধহয় কারণ কি  
বুঝেছিল, তাই কোনদিন গাইতে বলত না ।  
আমিও বাঁচতুম, গান গাওয়া ত নয় সকলের  
সামনে, হৃদয়কে খুলে দেওয়া । সেত কখন  
আমার কাছে কোন সঙ্কোচ করেনি, আমার কিন্তু  
তার সঙ্গে কথা কইতে একটু সঙ্কোচ আসত,  
ভাবতাম কাজ কি, দূরে দূরে থাকাই ভাল কিন্তু  
হৃদয় যে অনেক দূর এগিয়ে গেছে, ফিরব  
কি করে ? ওঃ তুলে যাচ্ছি, ফিরতেই যে হবে  
আমার !.....

“কি অশাস্ত হৃদয় আমার ! ভয়ানক দুর্বল  
আমি, কিছু সহ্য করতে পারি না, সকলের সামনে  
কেবলি আমার দুর্বলতা প্রকাশ করে ফেলি । না,  
আর এখানে থাকা হবে না ! ছুটিতে তাড়াতাড়ি  
বাড়ী চলে এলুম ।

“একদিন সকালে আমার হাতে এল গোলাপী  
ধামে করা একখানি বিষের নিমন্ত্রণপত্র । হঠাৎ  
প্রাণটা কেঁপে উঠল । খুলতেই দেখলুম যা ভেবে-  
ছিলুম তাই-ই ত ! অমিতার বিয়ে, অসিতবাবু  
আমায় সাদর নিমন্ত্রণ করেছেন ।

ভালোচোরা হৃদিখানি কোন দিন কি ছোড়া  
যাবে না ? কোন দিন কি কেউ আসবে না,  
আমার এই ব্যথার কাহিনী শুনতে ? লোকে হয়ত  
বলবে পাগলের আবার কাহিনী কি ? চিরদিন হয়ত  
ব্যথার বোঝা বৃকে করেই জীবনটা কেটে যাবে !  
থাক, বাজে কি লিখছি, এর সমাপ্ত হয়ত কোন দিন  
হবে না, অসমাপ্তই থাকবে ! জীবনের গতি আমার  
কোন দিকে ফিরেছে কে জানে !...

## কথাশোকে\*

শ্রী আশুতোষ মুখোপাধ্যায় কবিগুণাকর বি-এ ।

তর্গি,

তোরে চিতায় দেবার আগে  
ওরে আমার স্নেহের নিধি,  
কেন নাহি গেলাম আমি,  
হায় কি কঠোর ভাগ্যবিধি !  
ওরে আমার মাতৃহারা  
কোথা আজ্জ তোর বিয়ে দিয়ে  
জগৎ-আলো করা জামাই  
আনুব ঘরে সাজাইয়ে ।  
তোদের যুগল মূর্ত্তি হেরে .  
কতই স্মৃথ না পাব মনে,  
হায় রে এরূপ কতই আশা  
পুষেছিলাম সংপোপনে !  
আজ্জকে সকল আশা ছিন্ন  
সকল সাধে পড়ল ছাই,  
নে'মা আমায় সঙ্কে করে  
আর না হেথা থাকতে চাই ।  
সকাল থেকে রাত্রি ন'টা  
শরীরটাকে জীর্ণ করে'  
খেটে খেটে হ'তাম সারা  
তোর তরেই মা বেঁচে মরে !  
তোরই মুখের পানে চেয়ে'  
সকল কষ্ট যেতেম ভুলি,  
পেতাম যেন নবীন দেহ  
শুনে মা তোর মিষ্টি বুলি ।  
ছিলি গরীব বাপের মেয়ে  
আমার সাধ্যমত তবু  
খাওয়া পরার দিইনি কষ্ট  
করি নাইক জটী কভু ।

তবে অনেক সময় মা গো  
ঠিকটি আমার মনের মত  
পারি নাইক দিতে থতে—  
আজ্জ তা' ভেবে জলছি কত !  
কারণ মা ত জানিস্ সবি  
এ সংসারের সকল ভারই  
আমাকেই হায় বহিতে হতো  
—আর আর সবাই অবতারই !  
হায়রে এখন সে সব কথা  
জাগছে কেবল মনের কোণে,  
মার্ব্ব কারে ? মর্ব্ব কি আজ্জ ?  
—বেঁচে আছি পাগল বনে' ।  
তুই যে মা গো উবে যাবি  
এক নিমিষে এমনি করে'  
আগে যদি জান্তেম কভু  
বক্বতেম কি ম্ম ভুলেও তোরে ?  
বল্ব কি আর নাইক উপায়  
এখন মরণ হলে বাঁচি,  
তোবে ছেড়ে এ কটা দিন  
কেমন করে বেঁচে আছি !  
আজ্জকে আমার মেরুদণ্ড  
ভেঙ্গে দিয়ে গেছিস্ চলে,  
খেটে খাবার শক্তিটুকু—  
সে টুকুও গেচিস্ দলে !  
আজ্জকে আমি জড়ের মত  
একেবারেই কাঁজের বা'রে—  
তোরই স্নেহের মঞ্জুষায় মা  
এ প্রাণটুকু ছিল—হা-রে !

\* ৩তমিমা দেবী—বরস ১১ বৎসর, কালান্বরে মৃত্যু—১৯শে সেপ্টেম্বর, ১৯২৪ শুক্রবার রাত্রি প্রায় ২টা । কাব্য-সাহিত্যে বিশেষ অনুরাগিনী ছিল—এই বরসেই বেশ মন্দর মন্দর কবিতা লিখিতে পারিত ।

## একখানি পত্র

শ্রীমতী মোহিনী দেবী ।

কল্যাণীয়—

পূর্বপত্রে নারীনির্ধ্যাতন সম্বন্ধে আর দু'একটি কথা লিখিব বলিয়াছিলাম তদনুসারে আজ আবার একখানা চিঠি লিখিতেছি ।

বালুয়ার কোন একটি বিখ্যাত গ্রামে একটি সম্ভ্রান্ত পরিবার বাস করেন, বালিকাবধূদের নির্ধ্যাতন করিয়া আত্মতৃপ্তি লাভ করাই ইহাদের এক প্রকার পেশা। এই পরিবারের কর্তৃপক্ষ বাড়ীর একটি পুত্রের বিবাহ দিয়া সামান্য একটু কারণে বধূকে একাধিক্রমে ষোল বৎসর পিত্রালয়ে যাইতে দেন নাই । বধূর পিতা অস্তিম-সময়ে কন্যাকে একবার শেষ দেখা দেখিতে চাহেন কিন্তু হতভাগ্য পিতার সে প্রার্থনা মঞ্জুর হয় নাই । বর্তমানে বধূটি যদিও দুই তিনটি সম্ভ্রানের জননী হইয়াছে তথাপি তাহার কষ্টের সীমা নাই । দিবারাত্রি গুরুভার পরিশ্রমে তাহার শরীর ভাঙ্গিয়া পড়িয়াছে, শরীরে নানা প্রকার কঠিন রোগ প্রবেশ করিয়া তিল তিল করিয়া তাহাকে ধ্বংসের পথে লইয়া যাইতেছে । কিন্তু ইহাতেও তাহার নিস্তার নাই, কোন বিষয়ে এক কণামাত্র ত্রুটি হইলেই উপর হইতে ষথেষ্ট নির্ধ্যাতন ভোগ করিতে হয় এবং শত্রুর খাণ্ডী এই বলিয়া শাসন করেন যে এমন বৌ বাঁচিলেই বা কি, মরিলেই বা কি? ছেলের পুনরায় বিবাহ দিতে কতক্ষণ ?

এই পরিবারের আর একটি বধূটির কথা

বলিতেছি । এই বধূটির স্বামী অল্প বেতনে চাকরী করেন, তাঁহার পোষ্যও অনেকগুলি । বধূটি কয়েকটি সম্ভ্রান-প্রসব ও সংসারের অমাতৃষিক পরিশ্রম করিয়া এক সময় ভীষণ রোগাক্রান্ত হইয়া শয্যাশায়ী হইয়া পড়ে । রোগীর কাপড় কে কাচিবে বলিয়া সে এক কাপড়েই প্রায় মাসাধিক কাল শয়ন করিয়া থাকায়, কাপড়খানি ছিড়িয়া টুকরা টুকরা হইয়া যায় । তখন স্থানীয় লোকের বিশেষ অমুরোধে তাহাকে কোন প্রকারে বস্ত্র পরিবর্তন করান হয় । কিছুদিন পরে বধূটি পুনরায় উদরাময় রোগে আক্রান্ত হয়, চিকিৎসা ও শুশ্রূষার অভাবে সেই উদরাময় শেষে ভীষণ কলেরায় দাঁড়াইয়া যায় । স্বামীদেবতা (?) ও বাড়ীর কর্তৃপক্ষ রোগ সামান্য বলিয়া উপেক্ষা করিলেন এবং তাহার ফল যাহা হইবার হইল । বধূটি রোগযজ্ঞ সাহ্য করিতে না পারিয়া কয়েক দিন পরেই অনন্ত পথে যাত্রা করিল ।

বঙ্গদেশের ঘরে ঘরে এমন ঘটনা যে কত হইতেছে তাহার খবর কে রাখে ? গ্রামে যে সমস্ত রমণী লেখাপড়া জানেন তাঁহারা এইসব দিকে একটু দৃষ্টিপাত করিলে অনেকটা সুবিধা হয় । এ সব নিবারণকল্পে মেয়েদের চেষ্টা বিশেষ ফলবতী হইবে বলিয়া মনে হয় । এ বিষয়ে দেশ-নেতৃগণেরও বিশেষ দৃষ্টি দেওয়া আবশ্যিক বলিয়া মনে করি ।

ভবিষ্যতে নারীনির্ধ্যাতন সম্বন্ধে আরও অনেক কথা জানাইবার ইচ্ছা রহিল । ইতি—



# গৃহলক্ষ্মী

শ্রীমনোমোহন চক্রবর্তী বিচারত্ব ।

আজকাল জ্ঞানশিক্ষা নিয়ে আমাদের সমাজে বেশ একটু নাড়া পড়েছে, সাময়িক পত্রাদির মারফতে নানা মূর্খি নানা মত প্রকাশ করছেন, বাদ-প্রতিবাদেরও কস্বর নাই। সহৃদয় পাঠিকাগণ এ প্রবন্ধটিকে "বোঝার উপর শাকের আঁচ" মনে করে মত গ্রহণ করলে কৃতার্থ হব। আর যদি এতে গ্রহণ-যোগ্য কিছু পান - যা বিবেকের সঙ্গে বেশ খাপ খায়—তবে তা গ্রহণ করবেন, এ আশা করাও বোধহয় নিতান্ত ধৃষ্টতা হ'বে না।

"শিক্ষা"টা যে উপকারী তাতে কোন মতভেদ থাকা সম্ভব নয় যদিও প্রকারভেদের মতভেদ যথেষ্ট আছে। শিক্ষা বলতেই আমরা সাধারণতঃ কেতাবের ছাপার হরফের অনুশীলন করা বুঝি, অবশ্য শিক্ষার অন্তর্ধারাও আছে তবে তা হঠাৎ ধারণায় আসে না।

বাঙ্গালীর ঘরের জীলোকের পুঁথিগত বিচার ততটা দরকার করে না, যতটা কর্মক্ষেত্রে ব্যবহারিক শিক্ষার প্রয়োজন হয়। সেইজন্য অক্ষর পরিচয়ের সঙ্গে সঙ্গেই বালিকাগণকে সংসারের খুঁটিনাটি শিক্ষা দেওয়া নিতান্ত প্রয়োজন, যাতে ভবিষ্যতে তারা "পরের ঘরে" গিয়ে পদে পদে বিড়ম্বিতা না হয় ও সেই পরের ঘরের পূজনীয় ব্যক্তিগণের মুখে পিতা মাতার নিন্দা শ্রবণে নিরালায় বসে তাদের কাঁদতে না হয়। পূর্বে বালিকারা বই হাতে করবার আগে থেকেই খেলার ছলে রক্তনের অভিনয় দ্বারা দুই ভবিষ্যতের গৃহিণীগিরি মকুস করত। এখন অনেক ক্ষেত্রে দেখা যায় বাড়ীর অভিভাবক অভিভাবিকাগণ গায় ধূলা কাদা লাগবে বলে একরূপ খেলার প্রস্তাব দিতে রাজী নন, মূল্যবান রেশমী জামা নষ্ট হওয়ার আশঙ্কায় তাঁরা একরূপ খেলার বিরোধী হই হয়ে থাকেন, ফলে বালিকাদের অন্তর-

স্থিত গৃহিণী বৃত্তিটা চিরদিনের জন্য নিরুৎসাহ হই থেকে যায়। তারপর বালিকাদের ধর্মপ্রবৃত্তি জাগিয়ে তোলবার চেষ্টা অধিকাংশ সংসারেই হয় না। পাড়াগায়ে সাধারণ গৃহস্থঘরে যদিও সাঁজসেপুতি পুণ্যপুত্র প্রভৃতি ব্রত নিয়মের চর্চা দেখা যায়, কিন্তু একটু সম্পন্ন গৃহস্থের ঘরে বিশেষতঃ সহর-অঞ্চলে ওসব আপদ বালাই একেবারেই নাই। ধর্মপ্রবৃত্তিহীন শিক্ষাকে শিক্ষা আখ্যায় আখ্যায়িত করলেও তাকে কুশিক্ষা বই আর কিছু বলা চলে না। উহাতে হৃদয়ের স্দৃষ্টিগুলি ক্রমে সঙ্কুচিত হয়ে পড়ে। সেইজন্যই আজকাল ভাই ভাই ঠাই ঠাই, সংসারেও অশান্তির এত ছড়াছড়ি। ধর্মহীন শিক্ষায় শিক্ষিতা নারী যে সংসারে প্রবেশ করেন সে সংসারকে অচিরেই বিষময় করে তোলেন, তাঁদের সম্মানসম্মতিগণও তাঁদেরই আঁওতায় লালিত পালিত ও বর্জিত হয়ে চরিত্রের এই বিরাট ব্যাভিচার অব্যাহত রেখে যায়, এর দৃষ্টান্ত বেনী খুঁজে বের কর্তে হয় না। জমীর অবস্থা অনুসারে যেমন ফসল নির্বাচন করতে হয়, শিক্ষার্থীর স্বযোগ সুবিধা শক্তি ও পারিপার্শ্বিক আবহাওয়া বিবেচনা করেই তার শিক্ষার বিষয় নির্বাচনে অগ্রসর হওয়া দরকার। প্রত্যেক কাজেরই যখন একটা উদ্দেশ্য আছে তখন শিক্ষা সম্বন্ধেও সে নিয়মের বাতিক্রম হওয়ার কোন কারণ দেখা যায় না। সাধারণতঃ জ্ঞান লাভই শিক্ষার উদ্দেশ্য বা পরিণতি, কিন্তু বর্তমান যুগের এই অন্নসমস্যা, বস্ত্রসমস্যার দিনে আমাদের মায় মধ্যবিত্ত ও দরিদ্র ঘরের পক্ষে কেবল মাত্র জ্ঞানলাভেই সন্তুষ্ট থাকু উচিত মনে করি না। ঘরে ঘরে লীলাবতী ধনার অভ্যুদয়ে আমরা খুব খুসী হব না, অবশ্য সেরূপ হওয়া দোষের বলে মনে করি না, যাদের স্বযোগ সুবিধা আছে তাঁরা সেরূপ

চেষ্টা কর্তে পারেন কিন্তু আমরা চাই জ্ঞানলাভের সঙ্গে সঙ্গে কার্যকরী-শক্তির বিকাশ, আমরা চাই সহস্রশ্রীকে সহস্রশ্রী দেখতে, আমরা চাই জ্ঞান নিংড়ে পয়সা বার কর্তে। দুপুর বেলায় বাড়ীর কর্তা কাজকর্মে বার হলে পাড়ার দশ বাড়ীর গৃহিণী আসর জমাইয়া তাদের সপিগুৎকরণে ব্যস্ত থাকেন অথবা পরনিন্দা পরচর্চায় সারা দুপুরটা কাটাইয়া দেন, কিন্তু ইচ্ছা করলে ঐ সময়ে তাঁরা স্বযোগ ও সামর্থ্য অনুসারে এমন অনেক কাজ কর্তে পারেন যাতে তাঁদের নিজের সংসারে কিঞ্চিৎ অর্থ সমাগমের উপায় হয়, স্বামীপুত্রের হাড়ভাঙ্গা খাটুনিও কিছু কমে। আজকাল অনেক বাড়ীতেই স্ত্রীশিক্ষার ছড়াছড়ি দেখা যায় কিন্তু তাতে সংসারের কতটুকু উপকার হয় সেইটা দেখাই বিশেষ প্রয়োজন হয়ে পড়েছে। সাধারণতঃ দ্বিতীয়ভাগ শেষ করেই বটতলার দিকে চোখ পড়ে, তাতে না হয় সংসারের সাহায্য, না হয় নিজের মানসিক উন্নতি; আবার এমনও দেখা যায় কোন কোন সংসারে মা সরস্বতীর প্রবেশ একেবারেই নিষিদ্ধ, এই দুটোর একটাও বর্তমান যুগের উপযোগী নয়। বড়লোকের ঘরে আত্মোন্নতি-মূলক শিক্ষার ব্যবস্থা করলেই যথেষ্ট, মথের খাতিরে চাকশিল্পের শিক্ষাও চলতে পারে কিন্তু দরিদ্র ও মধ্যবিত্তের ঘরে উহা একেবারেই নাকচ করিয়া দেওয়া উচিত। আর্থিক অবস্থা ক্রমে যতই নিঃস্ব হয়ে পড়েছে, লোকের ভোগ লালসা ততই বেড়ে চলেছে। এই দোমুখো টানে আমরা চোখে সর্ষের ফুল দেখছি অথচ এই মোহ, এই ভোগলালসা ঝেঁরে ফেলে সোজা হয়ে দাঁড়াবার ক্ষমতা ও প্রবৃত্তি আমাদের নাই। এই ভাবে কিছুদিন চলতে থাকলে অদূর ভবিষ্যতে আমাদের পরিণতি কোথায় গিয়ে দাঁড়াবে তা কল্পনা করা ড বেশী কঠিন বলে মনে হয় না। ছুই উপায়ে

এই শ্রোতের গতি ফেরান যায়, তার একটা আয় বৃদ্ধি, আর একটা হচ্ছে ব্যয়সঙ্কোচ। এমন কতকগুলি অনাবশ্যক ব্যয় ধীরেস্থিরে আমাদের সংসারে ঢুকে শিকড় গেড়ে বসেছে যে তাদের তাড়ান বড় সহজ কথা নয়। দোক্তা জরদা তামাকের গুল ও চা অভাবে লোক মারা যায়, বা দেহরক্ষার জন্ত এই সব উপাদেয় সামগ্রী দরকার এ কথা ডাক্তারী কেতাবে লেখে না বরং ইহাদের অপকারিতাই ঘোষণা করে। পয়সা খরচ করে এই সব বিষ,—যাতে শরীরের অপকার হয়, তা ব্যবহার করা উচিত কিনা একটু ভেবে দেখলেই তার মীমাংসা হয়ে যাবে। যারা এই সব ব্যবহারে অভ্যস্ত হয়ে পড়েছেন হঠাৎ ত্যাগ করা তাঁদের পক্ষে কঠিন বটে, কিন্তু চেষ্টার অসাধ্য কাজ নাই। যদি বুঝতে পারেন ইহার কোন উপকারিতা নাই পক্ষান্তরে অনেকখানি অপকারিতাই আছে তাহলে ক্রমে ক্রমে ছাড়তে দোষ কি? একদিকে যেমন অপব্যয়ের মাত্রা কমে যায় অর্ন্তদিকে শরীরও সুস্থ থাকে। নিজ হাতে রেঁধে বেড়ে স্বামীপুত্র আত্মীয়স্বজনকে খাওয়ান পূর্বে মা লক্ষ্মীদের একটা অবশ্য করণীয় কার্য ছিল, আজকাল সে বেগুখাজ উঠে গেছে। অবস্থার একটু পরিবর্তন হলে বিশেষতঃ সহর অঞ্চলে সামান্ত গৃহস্থের ঘরেও উড়িষ্যানন্দন কায়েমীভাবে আড্ডা করেছেন। রসদের ভার সেই ডাড়াটে অন্নপূর্ণার হাতে যদিও আসল অন্নপূর্ণা বটতলায় মনোনিবেশ করেছেন বা খুকীর জন্ত টুপী প্রস্তুতে ব্যাপ্তা আছেন—এ দৃশ্য কষ্ট-কল্পনার বিষয় নহে। এই যদি শিক্ষা হয় তবে শিক্ষার ব্যভিচার কাকে বলে জানি না?

মধ্যবৃত্ত ঘরের গৃহলক্ষ্মীগণ সামান্ত পরিশ্রমে কি উপায়ে সংসারের আনুকূল্য করতে পারেন ভবিষ্যতে আমরা তা দেখাবার চেষ্টা করব।

## সঙ্কলিকা

[ “নারীর চাই কি ?”—শ্রীমহামায়া দেবী ]

জগতে নারীর স্থান যে কোথায়, তাই নিয়ে এক মহা গণ্ডাগোল। জগতেরও এ এক মহা সমস্যার বিষয়। জগৎ ঘেন নারীকে নিয়ে সর্বদা শঙ্কিত, সতর্কিত, চিন্তাকুল কিন্তু এ চিন্তা কি তার অহেতুক ?

জগতে একা নারীর দ্বারা নরকের সৃষ্টি হয়নি, হয় না। উচুগলায় আত্মপক্ষ সমর্থনে অক্ষম বলেই নারী অপবাদের ডালি মাথায় বয়ে বেড়ায় ; আর বলবার ক্ষমতা রাখেন বলেই পুরুষ এক গণ্ডুষে সমস্ত অস্তিত্ব স্থলন করে মুক্ত হন।

\* \* \* নারী যে এক পাশে পড়ে আছে একি তারই দুর্বলতার পরিচয় নয় ? নারী যে সামান্ত পদস্থানে পরিত্যক্ত আবর্জনার মত দূরে নিক্ষিপ্ত হয়, একি তারই অক্ষমতার পরিণাম নয় ? নারী কেন নিজেকে ধূলার উপর এমন অবহেলায় লুট্টিয়ে দেয় ? আত্মিক বল নারীর লুপ্ত।

\* \* \* পুরুষোচিত শক্তি নারীর আছে। কিন্তু এ শক্তি নারীর মুখ্য নয়, গৌণ হিসাবে সময় বিশেষে প্রয়োজন, সর্বথা নয়। আমাদের পূর্ব-আর্য-মহিলাগণ এ বিষয়ে যথেষ্ট পারদর্শিতা দেখিয়ে দিয়ে গেছেন। ধর্মক্ষেত্রেও যেমন কর্মক্ষেত্রেও তেমনি, এ উভয় ক্ষেত্রেই পুরুষের সম শক্তির পরিচয় তাঁদের মধ্যে পাওয়া যায়। তাঁরা শাস্ত্রালোচনা করতেও যেমন পারদর্শিনী ছিলেন তেমনি প্রয়োজন হলে ঐশ্বরোহণে যুদ্ধক্ষেত্রে নামতেও প্রস্তুত ছিলেন। কিন্তু আবশ্যিক ব্যতীত নয় একথাও স্বীকার করতে হবে।

অস্তঃপুরেই তাঁদের বাসস্থান ছিল। কিন্তু আজ যে ভাবে আছেন এ অবস্থায় ছিলেন না একথাও নিশ্চয়।

\* \* \* আবশ্যিক হলে বেগে অস্তঃপুরের সীমা অতিক্রম করে তেজস্বিনী নারী পুরুষের পাশে গিয়ে দাঁড়াতেন, অস্তঃপুরের গণ্ডি ডিঙাতে তাঁর বেগ পেতে হতনা। পুরুষও নারীকে প্রয়োজনে এবং সহায়তা দান করবার জন্ত আহ্বান করতে বিধা বোধ করতেন না, নিজের ক্ষেত্রেও তাঁর পাশে স্থান দিতে, কুঠা বা লজ্জা বোধও করতেন না। এই পরস্পর বিশ্বাস ছিল বলেই নারী পুরুষের ক্ষেত্রের মাঝে বিশেষ কোন গণ্ডি ছিল না, উভয় ক্ষেত্রের সম্মান উভয়ে সমানভাবে বজায় রেখে চলতেন, আবার উভয়ের ক্ষেত্রে উভয়ের গতিও ছিল অবাধ। কিন্তু আজ আমরা সে বিশ্বাস হারিয়েছি। আজ পুরুষও যেমন নারীকে বিশ্বাস করতে রাজী নহেন, নারীও তেমনি নিজেকে বিশ্বাসী রাখতে অসমর্থ। \* \* \*

• এখন চিন্তার বিষয় কিসে আমরা শ্রেয়ঃ লাভ করতে পারি। আজ প্রয়োজন আমাদের কি ? ব্যাধি আমাদের কোথায় ? ব্যাধি আমাদের রক্তে, গভীর অস্তরে, অস্তঃপুরে। প্রয়োজন বাহিরের প্রলেপ নয় ; প্রয়োজন ভিতরে প্রয়োগ করবার ঔষধ। পুরুষোচিত শক্তি নারীর তত বেশী প্রয়োজন নয়, কিন্তু বিশেষ করে প্রয়োজন নারীর মানসিক শক্তি। দৈহিক বল নারীর মুখ্য কাম্য নয়, মুখ্য কাম্য আত্মিক বল। —বিজলী।

## বিজয়া\*

শ্রীমতী মানকুমারী বসু ।

ওমা চির আদরিণি !  
আজি নাকি যাবে চলি,  
যত দীন মাতৃহীন,  
কারে পাবে "মা মা" বলি ?  
এত যেন আনন্দ আশা  
এ উৎসব-আয়োজন,  
পোহাইলে আজি নিশা  
ফুরাইবে প্রয়োজন !  
শুণ্য চণ্ডীমণ্ডপে যে  
পীরাবত র'বে শুধু—  
বিশ্ব হবে মরুভূমি —  
দৃশ্য হবে সবি ধূধু !  
যাবে মা আনন্দময়ি,  
সকল আনন্দ নিয়ে,  
ব্যথিত ভুলিবে ব্যথা  
কার বা আঁচলে গিয়ে ?  
চলে যাবে ব'লে যাও  
আবার আসিবে কবে,  
কবে মা আঁধার দেশ  
আবার উজল হবে ?  
তিন দিন দীনহীন  
খাইবে উদর ভরি,  
হাসিবে দরিদ্রবাল্য  
রাঙা ডুরে সাড়ী পরি ;

সাজিবে গৃহস্থ-বধু  
নব রত্ন-অলঙ্কারে ;  
পূজিবে সকলে "দুর্গা"  
সে ষোড়শ-উপচারে ।  
চিরদিনে মা'র কোলে  
প্রথাসী আসিবে ছুটি,  
"বাবা, দাদা, কাকা পেয়ে  
শিশু হেসে কুটি কুটি ;  
তিন দিন ধনী দীন,  
র'বেনা প্রভেদ কেহ,  
মানব দেবতা হয়ে  
বিলাবে করুণা স্নেহ !  
ধন্য হব, পুণ্য পাব,  
জীবন সফল হবে,  
বিশ্বধেয়া বিশ্বমাতা,  
মরতে পূজিবে সবে !  
একটা বরষ ?—মাগো !  
সে বড় অনেক দিন,  
কেমনে রহিব একা —  
আমি যে মা, মাতৃহীন !  
রাজ-রাজেশ্বরী মম,  
মা হয়ে আসিবে কবে ?  
"মা" বলে ডাকিব ফিরে  
এ বিশ্ব আমারি হবে !


\* কবিতাটি কার্তিক সংখ্যার কাগজেই প্রকাশ হওয়া উচিত ছিল কিন্তু আসিতে বিলম্ব হওয়ার বর্তমান শাসে বাহির হইল । মা: স: ।



পল্লীবাল।







২য় বর্ষ

{ পৌষ—১৩৩১ }

৯ম সংখ্যা

## মুছে রেখা জীবন গণ্ডীর

শ্রীমতী প্রিয়ম্বদা দেবী ।

এয়োতি চলিয়া গেছে মুছে রেখা জীবন গণ্ডীর,  
খসেছে কঙ্কণ, গেছে রক্তবিন্দু সিন্দূর সীধির ।  
শব্দী আর নহি আমি, পরিধান সাদা একেবারে,  
নাই পাড় ; নাইক আঁচলা তার কোথাও কিণারে,  
মিশে গেছে সব রং বাধাহীন শাস্তির মিলনে,  
অবিরত আলো করা তমোনাশা অমল বরণে ।  
আমার আঙন ঘিরে নাই আর পাষণ প্রাচীর,  
কত জানা অজানার তাই আজ জনতা নিবিড়,  
বর্তমান মূর্তি পায়, ভবিষ্যৎ স্বপ্নলোক নয়,  
নতুন করিয়া লেখা অতীতের নব পরিচয় ।  
আমার পরাণ আজ রাজপথ, গৃহ নহে আর,  
সকলেরি দাবী চলে সবারি সমান অধিকার ।

# আলি-জননী বাদে আশ্রা

শ্রীশ্যামলাল গোস্বামী ।

কাঁদ বাঙ্গালী কাঁদ । মাতৃহারা পুত্র যেমন  
অঝোরে কাঁদে একবার তেমনি তেমনি তেমনি  
করিয়া কাঁদ । শুন নাই কি আলি ভ্রাতৃঘের  
স্নেহময়ী জননী বাদে আশ্রা আর ইহ সংসারে নাই !  
দীর্ঘ অশীতি বৎসর কাল দেশজননীর সেবা করিয়া  
সেই মহীয়সী মহিলা দেহত্যাগ করিয়াছেন ।  
তাই বলিতেছি, কাঁদরে বাঙ্গালী কাঁদ । পর্বতের  
নিঝরিণীর জলোচ্ছ্বাস যেমন কোন বাধা, কোন  
বিঘ্ন না মানিয়া তরু তরু করিয়া বহিয়া যায় তেমনি  
তোমাদেরও শোকোচ্ছ্বাস বহিয়া চলুক—বর্ষাকালে  
মুঘল ধারে বৃষ্টি হইয়া যেমন সমস্ত দেশটা প্রাবিত  
করে আজ তোমাদের চোখের জলেও তেমনি  
বাঙ্গলা দেশ ঠে ঠে করিতে থাকুক । কেন  
কাঁদবে ? তাও আবার জিজ্ঞাসা করিতে হয় ? অমন  
মা যে ভাই ভারতবাসী অনেকদিন পায় নাই—বোধ  
হয় পাইবেও না ! ঐ সেই রাজপুতানার ইতিহাসে  
একবার পড়িয়াছিলাম বীর বাদলের জননী তাঁর  
নিজের হাতে পুত্র বীর বাদলকে সজ্জিত করিয়া রণ-  
ক্ষেত্রে পাঠাইয়া দিয়াছিলেন, আর একালে দেখিলাম  
আলি জননী ! কে পারে—এমন ভাবে দুই দুইটা  
পুত্রকে কারাগারে পাঠাইয়া বার্কক্য-জরা-প্রপীড়িত  
দেহেও দেশের কাজ করিতে ? কে পারে—অশীতি  
বৎসর বয়সেও যুবতীর স্তায় উৎসাহ উদ্যম লইয়া  
দেশে দেশে চরকার প্রচার করিতে ? যদি আলি-  
জননীর স্তায় আর পাঁচটি মহিলাও ভারতে থাকিত  
তবে ভারতের ইতিহাস এতদিনে অশ্রু-রূপে  
লিখিত হইত ।

বনিয়াদি মুসলমান ঘরের ঘরণী; শিক্ষিত মুসল-  
মান জননায়কের জননী হইয়াও বাদে আশ্রা মুসল-  
মান সমাজের অবরোধ প্রথা মানেন নাই । তিনি  
শেষ জীবনে প্রত্যেক সভা সমিতিতে যোগ দান  
করিয়া তাঁহার জ্ঞানগর্ভ উপদেশের দ্বারা দেশবাসীকে

স্বদেশী সাধনায় অগ্রসর হইবার জন্ত অস্বরোধ  
করিতেন । আজ যে স্বদেশী সাধনাক্ষেত্রে আমরা  
দুই চারিটি মুসলমান মহিলাকে যোগদান করিতে  
দেখিতেছি, ইহার মূলে বাদে আশ্রার চেষ্ঠা নিহিত ।  
বস্তুতঃ তাঁহার স্তায় একজন বিদূষী, আভিজাত্য ও  
সম্রাজ্ঞ বংশীয় মুসলমান মহিলা যদি অবরোধ প্রথার  
মুখে পদাঘাত করিয়া অবগুণ্ঠন উন্মোচন করতঃ  
প্রকাশ্য সভাসমিতিতে যোগদান না করিতেন তবে  
আমরা আজ এই দুই একজন মুসলমান মহিলা  
কর্মীকেও দেখিতে পাইতাম না ।

বাদে আশ্রাই মুসলমান নারীদের মধ্যে এই  
সত্যটুকু বেশ হৃদয়ঙ্গম করিয়াছিলেন যে, অবরোধ  
প্রথার যবনিকা, সমাজের চিরাচরিত, কুসংস্কারের  
মোহজাল ছিন্ন করিয়া যদি মহিলারা স্বদেশী সাধনার  
ক্ষেত্রে অবতীর্ণ না হন তবে ভারত “যে তিমিরে  
সেই তিমিরেই” থাকিবে ।

মুসলমান সমাজ অবরোধ প্রথায় হিন্দু সমাজকেও  
উন্নত্বন করিয়া গিয়াছে । সহর ত দূরের কথা,  
অতি বড় গণগ্রামেও মুসলমান নারীদেরকে  
যেভাবে অবরোধের গভীর মধ্যে আবদ্ধ রাখা হয়,  
যে ভাবে রেল, ষ্টীমারে তুলিবার সময় মুসলমান  
মহিলাকে চারিদিকে কাপড় চোপড় ঘিরিয়া লইয়া  
যাওয়া হয়, তেমন ধারা অবরোধ প্রথার কড়া-  
কড়ি হিন্দুসমাজে নাই । মুসলমান সমাজের মধ্যে  
অবরোধের কড়াকড়ি দেখানই হইল সম্রাজ্ঞতা  
দেখাইবার প্রধান উপায় । বাদে আশ্রা মুসলমান  
সমাজের এই ক্রটি টুকু লক্ষ্য করিয়া এবং স্বদেশী  
সাধনায় মহিলারা যোগদান না করিলে এ যজ্ঞ  
কখনও সূসম্পন্ন হইবে না, এই সত্যটুকু হৃদয়ঙ্গম  
করিয়া নিজে প্রকাশ্য সভা সমিতিতে যোগদান  
করিতে আরম্ভ করেন ! খেলাকত আন্দোলনের  
সময় আলি-জননী ঘরে ঘরে শিক্ষা করিয়া

খেলাফত কণ্ঠে অর্ধ সাহায্য করিয়াছিলেন।  
মৌলানা মহম্মদ আলি ও মৌলানা শৌকত আলির  
শ্রায় তিনিও মহাত্মা গান্ধীর একনিষ্ঠ ভক্ত ছিলেন।

মহাত্মা গান্ধী আপন ত্যাগ, সংঘর্ষ, বিশ্বশ্রমেয়  
মহিমায় একাধারে হিন্দু মুসলমান সম্প্রদায়ের মেরুপ  
শ্রদ্ধা ভক্তি পাইতেছেন, এরূপ কোন নেতার  
ভাগ্যে কখনও হয় নাই। কেন হয় নাই? এপর্যন্ত  
যত নেতা রাষ্ট্রীয় কক্ষেতে আবির্ভূত হইয়াছিলেন  
তাঁহাদের মধ্যে অনেকেই স্বরাজ লাভের জন্য মুসল-  
মানদের সহায়তা আবশ্যিক, শুধু এই স্বার্থ প্রণোদিত  
ধারণায় বশবর্তী হইয়া মুসলমানদিগকে সভা  
সমিতিতে ডাকিতেন, কিন্তু মহাত্মার মুসলমান-  
প্রীতি কোন স্বার্থ সাধনের জন্য নয়। তিনি  
মুসলমানের ধর্মস্থান খেলাফতের অবমাননা দেখিয়া  
তাহার প্রতীকারে আত্মনিয়োগ করিয়াছিলেন।  
শুধু ইসলামের ধর্ম কেন, যদি খ্রীষ্টানের, বৌদ্ধের,  
পাণ্ডুর ধর্মেরও এইরূপ অবমাননা দেখিতেন, তাহা  
হইলেও মহাত্মা তাহার প্রতীকারে আত্মনিয়োগ  
করিতেন। কেবল এই বিশ্বশ্রমটুকুর জন্যই মহাত্মা  
গান্ধী মুসলমান সমাজের আজ এতটা প্রিয় এবং  
শুধু এই কারণেই মৌলানা মহম্মদ ও শৌকত আলি  
তাঁহার একনিষ্ঠ উপাসক এবং শুধু এই কারণেই  
আলি-জননী বাদি আশ্মা মহাত্মাকে "পর্যগম্বরের"  
মতি শ্রদ্ধা ভক্তি করিতেন।

মুসলমান সমাজ পৌত্তলিক নহেন, কিন্তু  
একমাত্র মহাত্মার বেলা তাঁহাদের এই নিয়মের  
ব্যতিক্রম হইয়াছে। মৌলানা মহম্মদ ও শৌকত  
মহাত্মাকে দেবতার শ্রায় বজ্রাঞ্জলি হইয়া আরাধনা  
করিতেছেন, "এরূপ সহস্র সহস্র ছবি বাজারে  
বিক্রীত হইতেছে—মুসলমান সমাজে তাহাতে  
কোনদিন কেহ আপত্তি করে নাই—এমন কি বাদি  
আশ্মা ইহাতে আনন্দ প্রকাশ ছাড়া কখনও আপত্তি  
করেন নাই।

মৌলানা মহম্মদ আলি ও শৌকত আলি দেশ  
সেবার জন্য এই যে অদম্য উৎসাহ, প্রাণের তিতর,

এই যে অকপট দেশপ্রেম পাইয়াছেন ইহার মূল  
উৎস কোথায়? জননী বাদি আশ্মাই এই মূল  
উৎস। স্বখে-দুঃখে, আপদে-বিপদে হিমাত্মীর শ্রায়  
অচল, অটল ভাবে বাদি আশ্মা পুত্রদ্বয়কে দেশ  
সেবার জন্য উৎসাহ করিয়াছেন। তাঁর কাছে  
এই প্রকার উৎসাহ না পাইলে আলি ভ্রাতৃদ্বয়  
আজ দেশের এত বড় সেবক হইতে পারিতেন  
কিনা সন্দেহ! ভারতবাসী দেশ সেবার নিজেকে  
উৎসর্গ করিতে পারে না কেন? কে না বুঝে  
পরাদীনতার জন্যই আজ তাহাদের এই দুঃখ, কষ্ট,  
অবসাদ, অবমাননা, নির্জীবতা? ভারতবাসী  
অন্তঃপুরের প্রেরণা পায় না বলিয়াই আজ ঘরে  
বাহিরে সর্বত্র তাহারা নিস্তেজ। বাহিরে যে লোক  
খন্দর পরিয়া সভায় মুক্তকণ্ঠে, তারশ্বরে বক্তৃতা  
করেন, তাঁহার ঘরে গিয়া দেখিবে মায়ের অঙ্গে,  
পরিবারের পরিধানে অতি মিহি পাতলা বিলাতি  
অথবা মিলের কাপড়! পুত্র কি স্বামী যদি কোনরূপ  
স্বার্থত্যাগ করিয়া দেশ সেবার কার্যে অতী হইতে  
চায় অমনি মা ও স্ত্রী তাহার প্রতিবন্ধক হন। এই  
কারণেই দেশে দেশসেবকের অত্যন্ত অভাব।  
দেশের মা-ভগ্নীরা যদি দেশের যে কি দুর্দশা তাহা  
বুঝিতেন তবে আজ দেশের অবস্থা অন্তরূপ  
হইত। আলি-জননী বাদি আশ্মা কিন্তু এ শ্রেণীর  
মহিলা ছিলেন না। তিনি ইচ্ছা করিলে পুত্রদ্বয়কে  
অন্ত পথে চালিত করিয়া মহাত্মা "রাজমাতার"  
শ্রায় সংসারে স্বখ স্বচ্ছন্দ্য ভোগ করিয়া যাইতে  
পারিতেন! কিন্তু দেশজননীর ছিন্ন বসন, রক্ত  
কেশ, ককালসার দেহ, বুঝুক্লিষ্ট শূন্য উদর দর্শনে  
তাঁহার প্রাণে যে বড় ব্যথা লাগিয়াছিল! তিনি  
ভাবিয়াছিলেন, কেন, আমি কি কেহ নই? এই  
বাই ছ'খানি কি দেশের কাজে নিয়োজিত হইবে  
না? তাই তিনি কুস্তীর শ্রায় নিজের পুত্র দুটিকে  
স্বদেশী-সাধনা-সাহবে প্রেরণ করিয়াছিলেন! ধন  
সেই মাতা যে মাতা এই ভাবে পুত্রকে দেশের  
সেবার উৎসর্গ করিতে পারে, ধন সেই মাতা

যে মাতা হাসিতে হাসিতে পুত্রকে কারাগারে প্রেরণ করিতে পারে! আজ বাদী আশ্রা লোকলোচনের অল্পকালে পিয়াছেন সত্য, কিন্তু জীবাত্মার অবিনাশীত্বে বিশ্বাসী হিন্দু মনে করিতেছে আবার তিনি তাঁহার অসমাপ্ত যজ্ঞে আছতি দিবার জন্য অল্প ভাবে, অল্প আকারে জন্মগ্রহণ করিয়া আরও বীর সন্তান প্রসব করিবেন। ভারতের আকাশে, বাতাসে সর্বত্র তাঁহার সাধনার বাক্য বহুত হইবে, শত শত মহিলা তাঁহার জীবন-কথা শ্রবণ করিয়া স্বদেশী কর্মক্ষেত্রে অবতীর্ণ হইবেন।

বাদী আশ্রা কি ছিলেন? তিনি কি ছিলেন তাঁহাকে বাহারা না দেখিয়াছেন সে ধারণা তাঁহারা করিতে পারিবেন না। তিনি একটা মূর্তিমতী তেজ, জীতি, মৈত্রী ও ভালবাসার প্রতীক ছিলেন। করাচীর মামলায় যখন আলি ভ্রাতৃদ্বয়ের কঠোর কারাদণ্ড হয় তখন তিনি সেই শক্তিশেল বৃকে লইয়া ভারতের সর্বত্র প্রচার করিয়া বেড়াইয়াছিলেন—“ভারতবাসি, যদি বাঁচিতে চাও, যদি জীবন সংগ্রামের দিনে নিজের প্রাণ বাঁচাইতে চাও তবে স্বরাজ্য লাভে মহাত্মার অহিংস অসহযোগনীতি অবলম্বন কর।” বৃদ্ধার কঠোর সে অমিত তেজস্বিনী বাণী এখনও যেন কাণের ভিতর বহুত হইতেছে। এরূপ তেজস্বিনী মা না হইলে কি এমন তেজস্বী পুত্র প্রসবিনী হইতে পারেন? স্নীত নাই, গ্রীষ্ম নাই, আতপতাপ নাই, বৃদ্ধা বাদী আশ্রা ভারতের সর্বত্র স্বদেশী মন্ত্র প্রচার করিয়া বেড়াইয়াছেন। দুঃখ হইয়া, তিনি জীবিত থাকিতে কেন সংস্র সহস্র মুসলমান মহিলা অবরোধের নিগড় ভাঙ্গিয়া চুরমার করিয়া আসিয়া তাঁহার সাহচর্য করিল না! নব্যতুরক আজ এই অবরোধ প্রথাকে দূর করিয়াছে, ভারতের মুসলমান সমাজ কি এখনও নিজদের তুল বুদ্ধিতে পারিবেন না? বাদী আশ্রা কিন্তু এই সতটা বুদ্ধি রাখিয়াছিলেন। ভারতে রাণাড়ে, গোখেল, সুরেন্দ্র, ভূপেন্দ্র প্রভৃতি কত নেতার উদ্ভব হইয়াছে, কিন্তু কাহারও “মা” এরূপ ভাবে পুত্রকে স্বদেশী সাধনার

মন্ত্রে দীক্ষিত করেন নাই। মনে পড়ে যশোহরে বঙ্গীয় সাহিত্য সম্মেলনের অধিবেশনে রায় বহুনাথ মজুমদার বাহাদুরের অস্বীতিপর বৃদ্ধা মাতাকে দেখিয়াছিলাম হর্ষগদগদকণ্ঠে সমাগত প্রতিনিধিগণকে সম্বর্ধনা করিতে! তারপর এক বাদী আশ্রা ছাড়া আর কাহাকেও সভা সমিতিতে দেখি নাই।

মৌলানা মহম্মদ আলি ও মৌলানা শৌকত আলি একবার চিন্তাওয়ার মামলায় আর একবার করাচীর মামলায়, কারাদণ্ডে দণ্ডিত হন। এই দুইবারই তিনি পুত্রদ্বয়কে হাসিতে হাসিতে কারাগারে পাঠাইয়া দেন। আলি ভ্রাতৃদ্বয়ের জনক—অর্থাৎ বাদী আশ্রার স্বামী যখন মৃত্যু হয় তখন বাদী আশ্রার বয়স মাত্র ২৭ বৎসর, সে ১৮৮০ সালের কথা। তাঁহাকে ছয়টি সন্তান সন্ততির লালন পালনের ভার গ্রহণ করিতে হইয়াছিল। তিনি প্রাণপণ যত্নে পুত্র-কন্যাগণকে লালন পালন করেন। ইংরাজী স্কুলে মুসলমান বালকদিগকে অধ্যয়নার্থ প্রেরণ করা কোরাণ শরিফের বিরুদ্ধ হইলেও তিনি মহম্মদ ও শৌকতকে প্রথমে বেরিলি ও পরে আলিগড় কলেজে প্রেরণ করেন।

১৯২১ সালের ২৪শে সেপ্টেম্বর লাহোরে একটি বিরাট সভায় বক্তৃতা প্রসঙ্গে বলেন—“আজ আমি আমার মাথার অবগুষ্ঠন উন্মোচন করিয়াছি। আমি মনে করি সভায় বাহারা উপস্থিত হইয়াছেন তাঁহারা সকলেই আমার মহম্মদ ও শৌকতের জায় পুত্র সদৃশ। তাঁহারা যেন একমাত্র খোদা ভিন্ন অল্প কাহাকেও ভয় না করেন, ফাঁসী কাঠ, কারাগার—এ সমস্তই তুচ্ছ পদার্থ; আমি দেশের জন্য মরিতে, কারাদণ্ড ভোগ করিতে ও সংসারে যত প্রকার ‘মাহুযিক’ দণ্ড আছে তাহা ভোগ করিতে প্রস্তুত আছি। সকলে আপনারা ধর্ম পরিধান করুন এবং মহাত্মা গান্ধীর অহিংসা মন্ত্রে দৃঢ় চিন্তা থাকুন।”

এই সভার তিনদিন পরে করাচীর একটি সভায় বক্তৃতা প্রসঙ্গে বাদী আশ্রা বলেন,—“দেশবাসী সকলেই আমার পুত্র ও ভ্রাতৃ স্বানীয়। বলিয়া আমি



আজ তিন দিন হইল অবগুণ্ঠন উন্মোচন করিয়াছি । আমার দুই পুত্র কারাগারে গিয়াছে, আমি সেজন্য একটুও দুঃখিত নহি, আপনারা সকলে আমার পুত্র-দ্বয়ের অসমাপ্ত কার্য সমাপ্ত করুন । আমরা সংখ্যায় ৩৩ কোটি ভারতবাসী, সরকার আমাদের কত জনকে জেলে দিবে ? আমি তোমাদের সহিত জেলে যাইতে প্রস্তুত আছি । খোদা ছাড়া কোন মানুষে মানুষের প্রাণ লইতে পারে না । ভগবান ছাড়া আর কাহাকেও ভয় করিও না । সরকারের সহিত অসহযোগীতা কর । আমি হিন্দুমুসলমানে কোন পার্থক্য দেখিতে পাই না । আমি কাহাকেও হিংসার পথ অবলম্বন করিতে বলিতেছি না, তবে একথাও বলি খোদা ভিন্ন অন্য কাহাকেও ভয় করিও না । তোমাদের ভিতর সত্য ও অন্যায় বলিয়া দুইটি শক্তি আছে । যাহা সত্য তাহার জন্ত প্রাণপণ চেষ্টা করিতে পক্ষান্তর হইও না । তোমরা ধর্মের পরিধান কর না কেন ? পূর্বকালে কি তোমাদের পূর্বপুরুষেরা মোটা কাপড় পরেন নাই ? তাহাই যদি হয়, তবে স্থূল বস্ত্র পরিধান করিতে তোমাদের এত আপত্তি কেন ?”

বাঈ আশ্রা একদিকে যেমন ইসলামধর্মাবলম্বীর কোরাণ খরিকে অগাধ বিশ্বাসী এবং ব্যাপন্ন ছিলেন, অন্যদিকে তেমনি তিনি আমাদের হিন্দু শাস্ত্রেও প্রারদর্শিনী ছিলেন । কলিকাতায় একটি সভায় বক্তৃতা করিবার প্রসঙ্গে তিনি গীতার একটি

শ্লোক উদ্ধৃত করিয়াছিলেন,—রামায়ণ মহাভারতের অনেক ঘটনা তিনি প্রায়ই উল্লেখ করিতেন । “আমার পুত্র দুইটিকে আমি দেশের সেবায় উৎসর্গ করিয়াছি”—ইহাই ছিল তাঁহার মূলমন্ত্র । সিন্ধু যেমন নিজের বক্ষ শীর্ণ করিয়া নদী সকলকে স্মৃষ্টি বারিদানে পরিবর্ধিত করে, বাঈ আশ্রাও তেমনি তাঁহার হৃদয়ের ষা’ কিছু স্নেহ-প্ৰীতির পীষ্ম ধারা তাহা দিয়া আলি ভ্রাতৃদ্বয়কে স্বদেশী মন্ত্রে উদ্বোধিত করিয়াছিলেন । বাঙ্গালায় কি এরূপ বীররক্ত প্রসবিনী মায়ের আবির্ভাব হইবে না ? বাঙ্গালার জননীরা কি এখনও ধ্বিবেন না যে দেশের কার্যে পুত্রকে উৎসর্গ করা তাঁহাদের প্রধান ধর্ম ? টাকা পয়সা অর্থ কড়ি সসারে সকলেই ত আয় করে, তাহাতে আর পৌরুষ কি ? মনের মন্দিরে যাহাকে লোকে নিত্য সেবার্চনা ও পূজা করে তাঁরই জীবন এ সংসারে ধন্য ;—অক্ষয় স্বর্গদ্বার তাঁর জন্ত সর্বদাই উন্মুক্ত—তিনি মৃত হইয়াও জীবিত । বাঈ আশ্রা স্থূল দৃষ্টিতে মহাসিন্ধুর পরপারে গিয়াছেন সত্য, কিন্তু তিনি সাধকের সূক্ষ্ম দৃষ্টিতে এখনও জীবিত । তাঁর জীবন দেশের জন্ত নিষ্কাঙ্ক সাধনার একটা জলন্ত উদাহরণ ! তাঁহার জন্ত একটা স্মৃতিমন্দির কি মন্মথমূর্তি প্রতিষ্ঠা করিলে তাঁহার প্রকৃত স্মৃতি রক্ষা করা হইবে না । সত্য সত্য বাঙ্গালার, তথা ভারতের নারী যদি এক একজন মূর্তিমতী বাঈ আশ্রা হইতে পারেন তবেই তাঁর প্রকৃত স্মৃতি রক্ষিত হয় ।

## অন্নপূর্ণার মন্দিরে

শ্রীমতী উষাময়ী চৌধুরী ।

ভিক্ষা মাগিছ রাজরাজেশ্বর

প্রিয়ানু চরণতলে ?

অতুল সম্পদ যার করতলে

তারে কি ভিখারী বলে !

দীনের লাগিয়া চাহ কি অন্ন

করবোড়ি করি আজ ?

ভুবনেশ্বর, দেবের দেবতা

তারো ভিখারীর সাজ !

দেখাইলে প্রভু একি এ দৃশ্য

চীর-সখল বেশে,

লক্ষীর পিতা চিরসন্ন্যাসী—

পথের কাঙাল শেষে !

# মা হারা

( গল্প )

## শ্রীশ্রীপতিমোহন ঘোষ ।

বহুদিন দূর বিদেশে কর্মভোগের পর পূজার ছুটিতে দেশে আসা গেছে, আমাদের সঙ্গীদের আর আর সকলে প্রায় সারা ছপুর তাস পাশা নিয়ে মত্ত থাকে, আমি একটু হুঁসিয়ার মানুষ ! কলেজে পড়বার সময় ইকনমিক্‌সে অনার নিয়েছিলুম, সে কারণ সময়ের মূল্য জ্ঞানটা আমার পুরামাত্রায় ছিল ।

অপরাক্ত বেলায় নিদ্রাভঙ্গে যখন জেগে উঠতাম তখন পশ্চিম আকাশের শেষ বিদায় ছটাটা 'প্রায়ই ঘরের মধ্যে এসে পৌঁছাত, এক একদিন কচ্চিং এ নিয়মের ব্যতিক্রম হতো, শ্রী জল পান নিয়ে অপেক্ষা ক'রতো । তাদের মধ্যে এই পাড়ারগায়ে এই স্থণ্য দাসত্বটার প্রতি বিরক্তি জাগেনি, আমি অনেক সময় শ্রীর সহিত কঁক করে বলেছি, "তোমরাই তোমাদের স্বাধীনতার যদি এই রকম ক'রে অপচয় ঘটান, একটা দাসী হবার কামনা সর্বদা অন্তরে অন্তরে পুষে রাখো তবে দাবী মেটাবার জন্য কে গরজ ক'রে অগ্রসর হবে ?"

সে কিন্তু মিনতি ক'রেই জবাব দিত "সেবার ক্ষেত্রে, ভালবাসার ক্ষেত্রে আমাদের অধিকার একটুও ক্ষুণ্ণ হ'লে চলবে না ।"

আসল কথা ঘরের ভিতরে তাদের যে একটা রাজত্ব আছে, সেখানে তারা সর্বসর্বা ধারকবেই ।

এই সব কারণে সন্ধ্যাসে বাদসা ব'নে যাওয়ার পক্ষে এই গরম দেশে যতগুলো আয়োজনের আশা করা যেতে পারে তার সব কটা ষার ছিল অব্যবহিত । আপিসের তাড়া নেই ! বামুন চাকরের ছুর্গতি মেই ! অবস্থাও কিঞ্চিৎ স্বচ্ছল, সবার উপর সবকটা

বারই ছিল রবিবার স্ততরাং বেপরোয়া নিদ্রা যাওয়ার পক্ষে একটা বাধাও চক্কর সম্মুখে ঠেকত না । যতদূর দৃষ্টি চলে শুধু ধু ধু ছুটি !

এমনি একটা ছুটির দিনে খুম হতে সবে উঠছি, শ্রী প্রতিদিনকার মত তার প্রাত্যহিক পান জল নিয়ে দাঁড়িয়ে আছে, নীচের বারান্দা হ'তে বামী ঝিটা শ্রীকে একটা ডাক দিয়ে বলে—“ওগো বৌমা বেরিয়ে এসো, সেই হুঁতভাগা ছুটো আবার এসেছে । মাগো.যমের অকচি !”

শ্রী একটুও ব্যস্ত না হ'য়ে বলেন “ঘাচ্চি ।”

বোঝা গেল যমের অকচি ছুটো রোমই এসে থাকে, আমি বলুম. “ব্যাপারটা কি দেখেই এসোনা ।”

সে বলে. “ব্যাপার আর দেখে আসতে হবে না । ঐ মালী বাউরীর ছেলে মেয়ে ছুটো এসেছে, আজ সকাল বেলায় যখন ভিক্ষে ক'রতে এসেছিল তখন বলে দিয়েছিলুম আসতে ।”

“তাদের কি অল্পগ্রহ করা হবে ?”

“অল্পগ্রহ এমন কিছু নয়, ছুটো ভাত দেওয়া হবে । কেউ ত আর নেই তাদের, মা-ও ছেলে ছুটোকে ফেলে পালিয়েছে ।”

মা ছেলে ফেলে গালিয়েছে ! কথাটা কেমন নিতান্ত বেখাপ্পা শোনাল । বলুম “একেবারে পালিয়ে গেছে ? কেন পালাল ? তাই কখনো হ'তে পারে ?”

“পারে না ত আমি মিথ্যে কথাই বলছি !”— বলে সে পান জল রেখে রান্না ঘরের দিকে চলে গেল ।

বামী কি তখন বাঁটা হাতে ঘর পরিষ্কার করতে এসে একেবারে দাঁড়িয়ে গিয়েছিল, আমি তাকে জিজ্ঞাসা করলুম “আচ্ছা বামী, একি সত্যিই মা ছেলে ফেলে পালিয়েছে? পাল্লাতে পারে না, সম্ভব মরে গেছে।”

বামী একটুখানি দাঁড়িয়ে বলে “না বাবু, সত্যিই সে মরেনি, হতভাগী ছেলেমেয়ে ছুট্টোকে খেতে দিতে না পেরে গ্রাম ছেড়ে পালিয়েছে।”

• আমার বিস্মিত-প্রায় মুখ ভাব দেখে বামী আবার বলে “তুমি ঠিক ধারণায় আনতে পাচ্চো না বাবু যে কেমন ক’রে সম্ভব হ’লো? কিন্তু এ সত্যিই। সে হতভাগীর আরও একটা ছোট ছেলে ছিল সেটাকে কোন্ গাঁয়ের ওদেরি এক জাত ভাই নিয়ে চলে গেছে। আর ওই ছেলে মেয়ে ছুট্টো ঘরের অর্কি এই গাঁয়েই পড়ে আছে।”

আমি জিজ্ঞাসা করলুম “তারা কোথায় থাকে?”

বামী বাঁটা হাতেই বলতে লাগল “ওই বাউরী পাড়াতেই কারও দাওয়ায় পড়ে থাকে, কোন দিন ঝু কেউ ছুট্টো দ্যায় কোন দিন বা দ্যায় না। এখনও ছু একটা গাছে তাল আছে তাই কুড়িয়ে খায়, ওদের আর কে আছে বলা বাবু?”

বাঁটা দেওয়াটা শেষ করে সে দাঁড়িয়ে গেল। কি ভেবে আমার মুখের দিকে চেয়ে বলে “তুমি দেখেই এসো না বাবু, ওদের দেখলে সত্যি ভারি ছুঃখ হয়। এমি পোড়াকপালী মা, পেটের ছেলেকে কি করে ফেলে পালিয়ে গেল!... শুনচি নাকি ওদের মা কলকাতার কাছে কোন্ কলে খাটতে গেছে, সূঁড়ে একটা মাসুখও জুটেছে। মরুক সে হাড়-হাবাতী!”

বামী আরও অনেকগুলি কথা হতভাগীর উদ্দেশ্যে বলে গেল। আমি চটিটপায়ে দিয়ে বোঁড়িয়ে এসুম। দেখলুম এ কি! এষে নিতান্ত কচি ছেলেমেয়ে মেয়েটার বয়স বড় জোর বছর ছয় সাত হবে— আর ছেলেটার বয়স বছর তিনেক মাত্র। একটা অসহায় ভাব, একটা শকা-ব্যাকুল ভঙ্গিমা তাদের

মুখে চখে ছেয়ে পড়ছে। সব চাইতে ঐ কচি মেয়েটাই বেশী দৃষ্টি আকর্ষণ করে। যোগ শোক দরিদ্রতা সামনে ভিড় ক’রে দাঁড়িয়েছে, আর এই অর্বস্বায় তাকে ভার নিতে হ’য়েছে ঐ কচি ছেলেটার, সেই এখন তার মা বাবা সব, সে যদি যায় কি সরে দাঁড়ায় তাহলে ছেলেটার আর কেউ নেই।

রোগা শীর্ণ ছেলেটা দিগম্বর আর মেয়েটার পরনে একখানা অতি জীর্ণ গামছা মাত্র। সেখানাও হয়ত কেউ দিয়ে থাকবে। এমনি অবস্থা তার কেউ যদি দয়া ক’রে ছুট্টো মুড়ি দিতে চায় তা তার আঁচল পেতে নেবার উপায় থাকে না।

সামনে শীত আসছে, এই খোলা গায়েই তাদের ছুটি ভাইবোনকে সারা শীত কাটাতে হবে। প্রথম যখন দেখলুম তখন মেয়েটা ছেলেটার মাথার মরা মাসগুলো নখ দিয়ে খুঁটে তুলে দিচ্ছিল; একটু কোথাও জোঁটাতে পারেনি যে, তার ভাইটির মাথায় দিয়ে দেয়।

ভাত আসছে দেখে একখানা ভাঙ্গা সানকী একধারে পেতে দিলে। আমি মেয়েটাকে জিজ্ঞাসা করলুম “হারে তোর মা তোদের ফেলে পালিয়ে গেছে?”

মেয়েটি তার করণ চোখ ছুটি তুলে আমার মুখের দিকে চাইলে তারপর ছোট্ট একটি “হাঁ” বনে ফ্যাল ফ্যাল করে আমার দিকে ভাকিয়ে থাকল। চোখ ছুটি জলে ভ’রে এলো কিন্তু এক ফোঁটাও ঝ’রে পড়ল না। কেঁদে কেঁদে তার বুকের অশ্রু বৃষ্টি সব শুকিয়ে গেছে!

আমি জিজ্ঞাসা করলুম “থাকিস কোথায়?”

অতি কষ্টে ভয়ে ভয়ে বলে “বাউরী পাড়ায়।”

আমি আবার সহানুভূতির স্বরে জিজ্ঞাসা করলুম “তোরা আপনার লোক কেউ নেই?”

সে তার কিছু জবাব দিতে পারলে না, আবার আমার দিকে ফ্যাল ফ্যাল করে চেয়ে দাঁড়িয়ে রইল। সে বোধ হয় আশ্চর্য হ’য়ে ভাবছিল জুড়

লোকেও তাদের মত ছোট অসুখ জ্বরের খাওয়া-  
বসার খবর কি হিসাবে নিতে পারে ?

গৃহিণী বলে “দাঁড়াও, ওকে ওই এঁটো  
জায়গাটার গোবর দিতে দাও, তারপর বলবে।”

এতক্ষণে বামীও সেখানে এসে দাঁড়িয়েছিল,  
সে বলে “ওর আপনার লোক আর কে থাকবে  
বাবু ? এক মাসী ছিল, সে একটু মায়া দয়া করতো,  
তা ওর মেসো এসে তাকে নিয়ে গেছে, যাবার সময়  
এই ছেলেকে মেয়ে দুটিকে পাড়ার লোকের হাতে  
দিয়ে মাসীর কি কামা—”

দেখছি গরীবের গরীবের খবরটা রাখে।  
জিজ্ঞাসা করলুম “বাপকুলেও ব্যাচারাদের কেউ  
নেই, কেমন বামী ?

বামী বলে “কেউ না, এই ক বছরের মধ্যে  
ওলাউঠায় সব মারা গেছে। ওর বাপটা যে  
জ্ঞান ছিল তার কি বলবো! বাবু, তুমি ত  
দেখেছ উপনে বাউরীকে কতবার তোমার বাড়ী  
আসবার বেলায় ইষ্টিশানে যেতে। বেচারার  
ছুরুকি—বড়বাবুর বুঝি দু’দিন ব্যাগার দেবার কথা  
ছিল, ছায়নি, তাই তাকে কি একটা চোর অপবাদ  
দিয়ে থানায় দেয়, থানায় দু’দিন গাছের ওপর  
দড়ী দিয়ে হাত পা বেঁধে টাঙিয়ে রেখেছিল,  
কিছু খেতে পর্যন্ত দেয়নি, আমি আউশবাড়ী  
যাবার সময় নিজের চক্ষে দেখেছি। মালী-বউটা  
তাকে খালাস করতে অনেক ছয়োরে হাঁটাইটি  
করেছিল কিন্তু টাকা পাবে কোথায় ? তারপর বাড়ী  
এসে ওলাউঠায় মারা পড়লো।”

ততক্ষণ অবধি ছেলের মেয়ে দুটো দাঁড়িয়ে ছিল,  
আমি তাদের তখন চলে যেয়ে খেতে বলুম, কিন্তু  
ধাবে কোথায় ? বামীকে জিজ্ঞাসা করলুম “ওরা  
ধাবে কোথায় ?”

বামী বলে “কেন, পুকুরের বাঁধা ঘাটে ; ওদের কি  
আর ঘরবাড়ী আছে বাবু ? তোমাদের ভদ্রলোকের  
বাড়ীর কোন্ঠেয়ে বসবে ? বাঁধা ঘাটে ধাবেদাবে,  
তারপর আঁজলপুরে জল খেয়ে চলে যাবে। কি

আর ব’লব বাবু, ওদের এমন একটু ঠাই নেই।  
যে জলের কলসী একটা রাখে, সবদিন আবার  
পাড়াতেও যেতে পারে না, যেদিন সন্ধ্যা হ’য়ে যায়  
রাস্তা দেখতে পার না সেদিন কারও গোয়াল  
বাড়ীতে পড়ে থাকে, এমন যে বর্ষার জল  
সব ওদের মাথার ওপর দিয়ে গেছে। আমি বাবু  
এক একদিন ভাবি, এমন বাদলা, এমন মশার  
কামড় স’য়ে কি ক’রে ওরা বেঁচে আছে ; খসি  
ওদের জান্!”

আমি বামীকে বলুম “তোরা ওদের কোন  
উপায় ক’রে দিতে পারিসনি ?

“আমরা !” বলেই বামী কেমন অসহায় ভাবে  
আমার মুখের দিকে চাইলে, ভাবটা—তারা একে  
মেয়েমানুষ তাতে নেহাৎ গরীব, শক্তিই বা কি  
আছে, সামর্থ্যই বা কতটুকু ?

বামী আমার মুখের ওপর বলে “সুখি থাকলে  
বাবু তোমাদের ভদ্রলোকদের মত ব’সে থাকতুম  
না। তোমরা দেশে এসেছো তোমরা কোথায়—”

কেমন একটা আবেগের বশে সেদিন বেরিয়ে  
পড়লুম। পাঁচজনকে বলে ক’য়ে চাঁদা তুলে ওদের  
যা হোক একটা ব্যবস্থা করতেই হবে।

অনেক ছোট বড়র বাড়ী বাড়ী গেলুম, কিন্তু  
কথাটা কথা মাত্র ছাড়া অসুভাবে কেউ গ্রহণ করতে  
পারল না। দুটো অসহায় বালকবালিকাকে  
সাহায্য করা উচিত চকুলজ্জার খাতিরে মুখের  
কথায় অনেকে এ কথা ব’ল্লো বটে কিন্তু তার জন্ত  
টাকাকে হাত দেওয়া—সে কেমন ক’রে হবে ?  
যত গলদ ত ঐখানে, তাদেরও যেমন মাথা  
গোঁজবার কুঁড়ে নাই অনেকেরও তেমনি কুঁড়ে ঘর  
ছাইবার সামর্থ্য নাই ! অবস্থা বিশেষে কিছু  
উন্নত বটে। একথা, যার আছে সেও বলে  
যার নেই সেও বলে, অথচ এরা পূজা উৎসবও  
করে, পরকোপলক্ষে পুণ্য কামনায় দান ধ্যান করতেও  
ইতস্ততঃ করে না। সে হ’লো—নিজের ইহকাল  
পরকালের মঙ্গলের জন্ত। আসল কথা মানুষকে



মাহুষ ব'লে ভাববার পক্ষে দেশের সমাজ যেমন আইন কাছন জারী করেছে, দেশের মাহুষগুলিও তেমনি নির্ধিকারে বাধা রাখা, ধরেই চলেছে; মাহুষের অল্প ভাববার, বিশেষ এদের মত নেহাৎ ছোটলোকদের কথা কাণে তোলবার প্রবৃত্তি কারো নেই—আর সে কথা কইতেও অনেকে গররাজী। যে সংস্কারটা আমাদের জীবনধারার মূলে, সনাতন কাল হ'তে জগদল পাথরের মত চেপে ব'সে আছে, তা'কেটে শ্রোত ফেরাবার আশঙ্ক কারও নেই। দেশে ঘুরতে ঘুরতে কেবল একটা বাণীই নজরে পড়েছে,—শুধু আপনাকে বাঁচাও,—সে কেড়ে'কুড়েই হোক কি শাই ক'রেই হোক; বড় রকম সহায়ত্বের কথা স্বপ্ন মাত্র।

অনেকদিন আর ওদের সম্বন্ধে কোন কথাই মনে ছিল না। তবে বাড়ীতে ব'লে গিয়েছিলুম ওই সব সব-হা'রারা এ'লে ওদের ফিরিয়েনা। তারপর আশ্বে আশ্বে কখন এই দেশের হাজার হু'খের ছবির সঙ্গে ওদের ছবিটাকেও মিশিয়ে ফেলেছিলুম মনে ছিল না। আবার পূজোর বন্ধে বাড়ী এসেছি, পাশের বাবুদের বাড়ীতে পূজা উৎসবের ধুম চলেছে, কাক, চিল, কুকুর এরূপও ব্যস্ত হ'য়ে দিকে দিকে মহাভোজের কথা প্রচার করছে। মহানবমীর দিন ব্রাহ্মণদের ভোজন সমাধা হবার পর কুটুম্ব সঙ্কনেরা গ্নেতে বসলেন, ছোটলোকদের যে কখন ডাক পড়বে তার ঠিকানাই নাই। আমার ভোজ খাবার বালাই ছিলনা ব'লে বেরিয়ে পড়েছিলুম। বাইরে বেরতেই দেখলুম তথাকথিত নীচ জাতীয় জীলোকরা এক একখানি খালা কোলে করে রাখার ধারে ঘাসের উপর ব'সে আছে, উদ্দেশ্য—ভ্রলোকদের ভোজনাবিশিষ্ট এ'টোকাটা গুলো কুড়িয়ে খাবে। তার মধ্যে একটা জীলোক সর্ব্বাঙ্গে কাপড় ঢাকা দিয়ে ঐ ঘাসের উপরেই প'ড়ে ধুঁকছে, সম্ভব তার অর এ'সে থাকবে। আমি তার পাশের একটা জীলোককে তার কোন অসুখ ক'রেছে কিনা জানতে চাইলুম।

একেই তাদের ভ্রলোকদের উপরে একটা সংস্কারজাত অসীম ভয়ভক্তির ভাব আছে, তার উপর আমার মুখের দিকে চেয়ে যখন জানল আমি এই বড় বাড়ী'রই একজন লোক, তখন তাদের কথা কইতে সামর্থ্য কুলাল না। জীলোকটি ঘোমটা টেনে লজ্জায় মুখ ফিরিয়ে নিলে। আমি চ'লে যাচ্ছি দেখে ময়লা কাপড়চোপড়ের মধ্য হতে মুখটা বার ক'রে সেই জীলোকটাই ধুঁকতে ধুঁকতে বলে “বাবু, আমার বড় অর হ'য়েছে, এ ম্যালোয়ারী অর বোধ হয়; কবে মরণ হবে বলতে পারো বাবু?”

তার মুখের দিকে চেয়ে দেখলুম কুৎসিত পারার ঘায়ে তার সারা মুখখানা ছেয়ে গেছে। এরপর আশ্বে আশ্বে মাংস খসতে আরম্ভ হবে। তারপর পচে ফুলে নিজ কৃতকর্মের প্রায়শ্চিত্ত করবে!

তাকে সাশ্বনা দেবার ভাষাই পেলুম না, সে যা পাপ করেছে তার ফল তাকে পেতেই হবে।

সন্ধ্যার দিকে নদীতীর হ'তে বেড়িয়ে ফিরে আসছি, দেখি পুকুরের বাধা ঘাটটার ধারে সেই ব্যাধিগ্রস্তা মেয়েটা একখানা ভীতের খালা কোলে ক'রে বসে আছে, সম্ভব পূজাবাড়ী হ'তেই এখানা বাগিয়ে থাকবে!

আমি বল্লুম “খেতে বসিস্নি কেন?” সে বলে “বাবু, আমার ছেলে পাতা আনতে গেছে,—এলেই বয়বো।” অল্প অল্প টাদের আলো আসছিল, সেই আলোতেই তারা কাজ চালিয়ে নেবে।

ইতিমধ্যে যে ছেলেটা এলো তাকে আমি চিনতুম না যদিও, তবু যেন কোথায় কবে দেখেছি ব'লে বোধ হ'ল, কিন্তু বহুদিনের রক্ত স্মৃতির ছয়ায় যা দিয়ে দিন কালটা ঠিক ধারণায় আনতে পারলুম না। এমন সময় আমার বন্ধু চারু সেধার দিয়ে কোথায় চলেছিল, আমাকে দেখে বলে “তুমি বৃষ্টি ঘুরে ঘুরে ছোটলোকদের খাওয়া দেখে বেড়াচ্ছে? কিরে হাবলা, আজ তোমার মনিষের বাড়ীতে কাজে যা'সনি?” হাবলা বলে “আজ পূজাব



দিন গো, আমার মূনিব ছুটি দিয়েছে, তাতে আবার মা এসেছে—”

আমি চারুকে বল্লুম “এতটুকু ছেলে, সে এর মধ্যে চাকরী করতে চুকেছে নাকি ?” চারু অবাক হ’য়ে বলে “বেশ, এর চাইতে কত ছোট ছেলে লোকের বাড়ীতে গিয়ে কাজ নিচ্ছে তুমি তার কি জান ? ও ত আজ দু বছর ধ’রে রাখালী করছে, তিহু সরকারের বাড়ীতে আছে, এবারে ওর পনের টুকা মাইনে হ’য়েছে। তোর মা আবার এ’লো কবে ? বলি মাগী, আবার গাঁয়ে আসা হ’লো যে—সহরের চটকলে খেটে আশ মিটলো না ?”

আমার কেমন সন্দেহ বোধ হ’ল। বছরদিনের অতীত একদিনকার আপসা স্মৃতি মনের মধ্যে জেগে উঠল, চারুকে বল্লুম “ওরা কারা চারু ?”

চারু বলে “তুমি চিনবে কি ! ওই হাবলা আর ওর মা। হাবলাটা যখন এতটুকু তখন ওকে ফেলে ওর মা পালিয়েছিল, তারপর আজ ছেলে রোজগার করছে শুনে চলে এসেছে, বেটীর মত পাজী কি আর ছুনিয়ায় আছে ? গতর খাটিয়ে গাঁয়ে কাজ করতে কষ্ট হয়েছিল তাই গিয়েছিলেন কলে খাটতে। এখন সহরে থাকার মজাটা বুঝিস্ ত !”

কঠোর ব্যক্তির হাবলার মার ছদ্মবেশে যেন বড়ই বাজল, একটু অসহিষ্ণু হয়েই সে ব’লে উঠল “সাথে গিয়েছিলুম গো, গাঁয়ে কাজ পাইনি বলেই ত ; তোমরা কাজ দিতে পেরেছিলে ?”

“আর তোর ভাল হোক ! হাবলা বলেই আনার ওর মাকে খেতে দিচ্ছে—আমি হ’লে ওমন মায়ের মুখে ছুড়ো জ্বলে দিতুম।” ব’লে চারু অনেকখানি রক্ত চক্ষু ক’রেই হাবলার মার দিকে চাইলে।

এই সময়ের মধ্যে হাবলা ভাত কটা বেড়ে ছুভাগ ক’রে ফেলে, কম একভাগ নিয়ে অন্য ভাগ খালা শুক মাকে সরিয়ে দিলে। তার মা-টা কিছুমাত্র সময় ব্যয় না ক’রে বসে গেল। যেন

কতদিনকার ক্ষুধা তার মধ্যে ছিল, যেন কতযুগ সে খেতে পারনি !

আমি তখন দাঁড়িয়ে দাঁড়িয়ে এই মা ও ছেলেকে দেখছিলুম আর ভাবছিলুম ভগবান কি ধাতুতে এই মা ও ছেলেকে পাঠিয়েছেন। যে মা ছেলেকে অসহায়ভাবে ফেলে রেখে পালিয়ে যেতে পেরেছিল তার উপর ছেলের এতটুকু ঘৃণাও নাই ! আমার সেই কচি অনাথ বালকটার ছবি জন্ম জন্ম ক’রে মানসনেত্রে ভেসে উঠল। সে তার দিদির পেছন পেছন অসহায় ভাবে চলেছে—সেইটেই বারবার মনে পড়তে লাগল। ফাঁদের পায়ের তলায় মৃত্যু গর্জন করে চলে যাচ্ছে, যারা একবারে সর্বনাশের শেষ কিনারায় গিয়ে দাঁড়িয়েছে, যাদের সাহায্য করতে কেউ নাই তারা যে বেঁচে থাকতে পারে এ ধারণা আমার ঘোটেই ছিল না। যখন হাবলার মার খাওয়া প্রায় শেষ হ’য়ে এল তখন আমি বল্লুম “হাঁ হাবলার মা, তুই তোর এমন ছেলেকে ফেলে কি করে পালিয়েছিলি ?”

জঠরাগ্নিতে আহুতি পড়ায় তার মেজাজ ঠাণ্ডা হ’য়ে এসেছিল, দাঁত খুঁটতে খুঁটতে সে বলে “শুনবে বাবু ? আমি সাথে পালাইনি। পালিয়েছিলাম তাই ছেলেটা আমার বেঁচেছে, আমি মজুর খেটে যা রোজগার ক’রতাম তাতে তিনটে পেটের কিছুই হ’তনা, তাই পালিয়ে গেলাম, তাই তোমরা পাঁচ ভদ্রলোকে আমার হাবলাকে, পুঁটীকে বাঁচালে।”

আমি জিজ্ঞাসা করলুম “তোর সে মেয়ে কোথা ?” হাবলা বলে “দিদির সাজা হ’য়ে গেছেক বাবু, সে শুরুর বাড়ীতে আছে ; কিছুতে যেতে চায় না, আমি যেই ব’ললাম এইবার আমি খুব একলা থাকতে পারব, তখন দিদি গেল।”

আমি হাবলার মাকে পুনরায় জিজ্ঞাসা করলুম “আগে যখন এই দেশে তোদের সব চলেছে, তোদের ছেলেপিলে মানুষ হ’য়েছে, এখনই বা চলে না কেন ?”

মাগী বলে “তোমরা ত আর বিবেচন করবে না

বাবু, আমার মার ওয়ি ছটা আটটা ছেলে ছিল, তাদের মাহুয ক'রেও গিয়েছিল। তখন ধান ভানার কাজ পাওয়া যেতো, ভদ্রলোকদের বাড়ী ভানাকুটো ক'রে বেশ আমাদের দিন কাটত। এখন চালের কল হ'য়ে কেউ আর ভানতে দেয় না। সামান্ত গেরসু পর্য্যন্ত বাড়ীর খোরাকীর ধান কলে ভেজ নেয়, কি করবো বাবু তাই বলো ?”

দেখলুম দোষী সে কেবল একলাই নয়— তার আশেপাশের জগত, তার সমাজ তাকে আর এক রকম করে তৈরী করে তুলেছে, নইলে ইচ্ছা করেই সহসা কেউ মন্দ হ'তে চায় না। দারুণ অভাবই তাকে ক্রমে নীচের দিকে জোর করে ঠেলে নিয়ে গিয়েছে। বললুম “সহরেও ত বেশ সুখে থাকতে পারনি, ব্যারাম নিয়ে ঘরে ত—

মাগী তখন উঠে প'ড়ে বাধা দিয়ে বলে “প্রথমটা মনে ক'রেছিলুম বাবু সহরে বুঝি খুব রোজগার-পাতির উপায় আছে, কলে একটাকা ক'রে রোজ, খেয়ে মেখে কিছু জমাতে না পারি সুখে ত থাকব। কিন্তু কিছুই হলনা,—কোথা হতে এক হাড়হীবাতে এসে আমায় মদ ধরালো, বলে “এতে সব ভুলবি।” ভৌর পাঁচটার বাঁশীতে উঠতুম, সন্ধ্যা সাতটায় ঘরে ফিরতুম, মদেই বেঁচে ছিলাম বাবু, কিন্তু কিছু জমাতে পারলুম না ; উল্টে এই রোগ নিয়ে দেশে এলাম। ডাবলীম কোথায় আর যাবো, হাবলা আমায় কেলতে ত পারবে না—যাই হোক গর্ভধারিণী মা-ত বটে। একখানা কুঁড়েও বাছার আমার হয়েছে। বেশী দিন ত আর বাঁচব না বাবু, এই গাঁয়ের

কোলেই আমি মরবো, তোমরা, আশীর্বাদ করো বাবু, হাবলা যেন আমার মুখে আগুন দেয়।”

আকাশের চাঁদ তখন গাছের ফাঁকে ফাঁকে অনেকখানি উচুতে এসে দাঁড়িয়েছিলেন, কাছের বকুল গাছটা হ'তে 'ছ'একটা বকুল ফুল গোপনে চোখের জল পড়ার মত টপ্ টপ্ ক'রে ঝরে পড়ছিল।

আমি চলে এলুম, আর কি জিজ্ঞাসা করবো ভেবে পেলুম না। সব-হারাদের জীবনের এইত গতি ; সকাল হ'তে সন্ধ্যা পর্য্যন্ত তারা এক ভাড়া নিয়ে ঘোরে, সে হচ্ছে কুখা। তার জন্ত তারা কত ধনস্তাধনস্তি যে করছে তার ঠিক নেই, যে পাপ করতে মোটেই কেউ রাজী নয়, তাতেই তারা ঝাঁপিয়ে পড়ছে। আমরা ভদ্রলোকরা দূর হ'তে তাই দেখি, তাদের আর্ন্তনাদ নীরবে শুনি, মুখের গ্রাস কেড়ে নিয়ে বলি, চোর-ডাকাত, দশ ধারায় জেলে ঢোকাই !

রাজে শুয়েও বার বায় কেবল তার একটা কথা মনে পড়তে লাগল—বাবু, গাঁ ছেড়ে গিয়েছিলাম, আবার এই গাঁয়েই আমি মরুবো !

মাহুয মাহুযেরই সহানুভূতি পেতে বাসনা করে কিন্তু আচল্যতনের রুহু ছুয়ানে আমরা কসাইএর মত ছোরা হাতে করেই দাঁড়িয়ে আছি ; পবিত্রতার আর শুচিতার এমন আবর কাটিছি যে ঠাকুরও অনেককাল মুখ ফিরিয়ে চলে গেছেন আর ছুনিয়ার মাহুযও আমাদের দিক হ'তে মুখ ফিরিয়ে নিয়েছে !

# নারী-অবদান

শ্রীবিজয়কুমার ভৌমিক ।

## দাহির-মহিষী—

ভারতবর্ষে অষ্টম খ্রীষ্টাব্দে সিদ্ধুদেশ হইতে প্রথম মুসলমান অধিকার আরম্ভ হয়। সিদ্ধুদেশের রাজা ছিলেন দাহির। মহম্মদ বিন্ কাসিম নামক আরব-দেশীয় মুসলমান বীর বহু সৈন্য লইয়া প্রথম তাঁহার রাজ্য আক্রমণ করেন। প্রথমবার মুসলমানগণ পরাজিত হইয়া প্রস্থান করেন। কিছুদিন পরে পুনরায় অধিকতর সৈন্য লইয়া আসিয়া রাজধানী এলোর অবরোধ করেন। যুদ্ধে মহারাজ দাহির নিহত হইলেন এবং রাজপুত্র ভয়ে পলায়ন করিলেন। ইহাতে সৈন্যগণ ছত্রভঙ্গ হইয়া পলায়ন করিতে লাগিল। তখন রাণী রণরঙ্গিনীবেশে নিজে অগ্রসর হইলেন। তাঁহার উদ্দীপনাময়ী বাক্যে উৎসাহিত হইয়া তাঁহার নেতৃত্বে হিন্দু-বীরগণ অনেকদিন পর্য্যন্ত নগর রক্ষা করিলেন। বহুদিন অবরুদ্ধ থাকিয়া অবশেষে নগরে খাণ্ডাভাব উপস্থিত হইল। আর নগর রক্ষা করা অসম্ভব দেখিয়া রাণীর আদেশে বীরগণ নগরত্যাগ করিয়া তরবারি হস্তে যুদ্ধ করিতে করিতে নিহত হইলেন। এদিকে নগরমধ্যে এক প্রকাণ্ড অগ্নিকুণ্ড করিয়া নগরবাসিনী রমণীগণকে লইয়া রাণী তাহাতে জীবন বিসর্জন করিলেন। বহুকুণ্ডে বীর রমণীগণের এইরূপ অপূর্ণ আত্ম-ত্যাগের নাম ইতিহাসে তখন হইতে 'জহর যজ্ঞ' বলিয়া কীৰ্ত্তিত হইল। বীরাগ্রগণ্যা দাহির-মহিষীর অহু করণে পরে ভারতে আরও বহুতর 'জহর যজ্ঞ' অনুষ্ঠিত হইয়াছে এবং তাহার অনল-প্রভায় রাজ-পুত্রানার ইতিহাস ভাঙর হইয়া রহিয়াছে।

## যশোবন্ত-মহিষী—

ঘোষণাধিপতি যশোবন্ত সিংহ মোগল সম্রাট সাজাহানের সেনাপতি ছিলেন। সম্রাট সাজাহান

অহু হইয়া পড়িলে যখন তাঁহার তিন পুত্রের মধ্যে যুদ্ধ উপস্থিত হইল, তখন তিনি জ্যেষ্ঠ দারার পক্ষাবলম্বন করেন। সম্রাটের তৃতীয় পুত্র কুট-নীতিজ্ঞ ও সমরদক্ষ 'ঔরংজেবের সহিত উজ্জয়িনীর নিকট তাঁহার এক যুদ্ধ হয়। মহারাজ যশোবন্ত সিংহ মহাবীর, কিছু সরল-হৃদয় এবং কিছু দাণ্ডিক-প্রকৃতি ছিলেন। কুট-নীতিজ্ঞ ঔরংজেব কনিষ্ঠ সহোদর মুরাদের সহিত সম্মিলিত হইয়া তাঁহাকে পরাজিত করেন। পরাজিত হইলেও মহারাজ অবলীলাক্রমে শত্রুসৈন্য ভেদ করিয়া যুদ্ধক্ষেত্র পরিত্যাগ করেন।

মহারাজ যশোবন্ত সিংহের প্রধানা মহিষী অতি তেজস্বিনী রমণী ছিলেন। মহারাজের অহুপস্থিতি কালে তিনিই ঘোষণাপুরদুর্গের কর্তা ছিলেন। যুদ্ধ-বিজয়ী স্বামীর প্রতীক্ষায় উৎসুক অন্তরে কালক্ষেপ করিতেছেন এমন সময়ে তাঁহার নিকট সংবাদ পৌছিল,—“মহারাজ যুদ্ধে পরাজিত হইয়া রাজধানীতে প্রত্যাবর্তন করিতেছেন।” এই সংবাদ শুনিয়া তেজস্বিনী রাণীর প্রাণে দারুণ আঘাত লাগিল। তিনি তৎক্ষণাৎ আদেশ করিলেন, “নগরদ্বার বন্ধ করিয়া দেওয়া হউক। পরাজয়ের কলঙ্ক-কালিমালিপ্ত হইয়া যিনি ফিরিতেছেন, তাঁহাকে যেন কোনও প্রকারে নগরে প্রবেশ করিতে দেওয়া না হয়।”

মহারাজ যখন নগরদ্বারে পৌছিলেন, তখন তাহা বন্ধ। তিনি শুনিলেন তাঁহার প্রেমময়ী পত্নী পরাজয়ের কলঙ্কে কলঙ্কিত তাঁহাকে নগর-প্রবেশ করিতে দিতে নিষেধ করিয়াছেন।

যে প্রাণাধিক দায়িত্বের প্রত্যাবর্তনের জন্য তিনি নিতান্ত উৎসুক হইয়া উঠিয়াছিলেন, তাঁহাকেই কর্তব্যচ্যুত হইতে দেখিয়া এইরূপ কঠোরভাবে নগর-প্রবেশ বন্ধ করিবার আদেশ দিয়া যে তেজস্বিনী

তিনি দেখাইয়াছিলেন তাহার জন্মই এই তেজস্বিনী রাণীর গৌরব আজিও কীৰ্ত্তিত হইতেছে ।

### জনৈকা জাপ-জননী—

প্রকাণ্ডকার কুব-সাম্রাজ্যের সহিত যুদ্ধে ক্ষুদ্র জাপান জয়লাভ করিয়াছিলেন জাপানবাসীর অলৌকিক স্বদেশপ্রেমের বলে ; আর সেই স্বদেশ-প্রেমের উৎস নিহিত ছিল অনেক পরিমাণে জাপ-রমণীর অন্তরে ।

যুদ্ধের সময় একজন দরিদ্র জাপ-শ্রমিক-যুবক অসুস্থ অনেকের সহিত সৈন্যদলভুক্ত হইবার প্রার্থনা করেন । সৈন্যাধ্যক্ষ অসুস্থতানে জানিলেন যুবকের বৃদ্ধা ও অসমর্থ মাতা আছেন এবং ঐ একমাত্র পুত্র ব্যতীত তাঁহার আর কোনও অবলম্বন নাই । এরূপক্ষেত্রে কাহাকেও সৈন্যশ্রেণীতে গ্রহণ করা নিষেধ ছিল । এইজন্য যুবককে বিফল-মনোরথ হইয়া ক্ষুণ্ণমনে ফিরিতে হইল । পুত্রের প্রবল আকাঙ্ক্ষা জানিয়া যুবকের মাতাই তাঁহাকে সৈন্য হইতে পাঠাইয়াছিলেন ; তিনি বলিয়াছিলেন, “স্বদেশের সেবা করিতে যদি যুদ্ধক্ষেত্রে তোমার প্রাণ যায়, তাহা হইলে না হয় আমিও গৃহে থাকিয়া অনাহারে প্রাণ দিব ; তাহাতে বিন্দুমাত্র দুঃখ বা কতি নাই ।” এখন পুত্রকে বিষণ্ণবদনে ফিরিতে দেখিয়া তিনি অন্তরে আহত হইয়া বলিলেন, “বৎস, এই নগ্ন বৃদ্ধার জন্ম তুমি পরমজননী দেশমাতৃকার সেবা করিবার অধিকার হইতে বঞ্চিত হইলে, ইহা অপেক্ষা দুঃখের বিষয় আর কিছু নাই ; অতএব আমি এখনই এই স্থণিত জীবনের অবসান করিতেছি ।” এই বলিয়া বৃদ্ধা নিজ উদরে ছুরিকাঘাত করিয়া প্রাণত্যাগ করিলেন ; তাঁহার পুত্রের দেশসেবার পথ উন্মুক্ত হইল ।

জাপানের একজন সামান্ত শ্রমিক-রমণীর এই অপূর্ণ মহত্ব কবে আমাদের মাথেরা অনুকরণ করিবেন ? শতাব্দী-পূর্বের অসভ্য জাপান এই মাথেরের প্রসাদেই আজ এশিয়ার গৌরব ।

### ধীর্সু রাজ-ভগ্নী আষ্টিগোন—

এক সময়ে ধীর্সু নগরে ইটিওরুস ও পলিনিসেস নামক দুই ভ্রাতা রাজত্ব করিতেন । কিছুদিন পরে দুই ভ্রাতার বিবাদ উপস্থিত হইল এবং ইটিওরুস পলিনিসেসকে দেশ হইতে বহিষ্কৃত করিয়া দিলেন । পলিনিসেস নীচুই সৈন্য সংগ্রহ করিয়া লইয়া ধীর্সু নগর অবরোধ করিলেন । দুই ভ্রাতার মধ্যে যুদ্ধ বাধিল । যুদ্ধে উভয়েই নিহত হইলেন । পলিনিসেসের অবরোধকারী সৈন্যদল নেতৃশূন্য হইয়া যে যেদিকে পারিল পলায়ন করিল ।

ভ্রাতৃদ্বয়ের খুলতাত জিয়ন্ এখন রাজা হইলেন । তিনি সিংহাসনে আরোহণ করিয়াই আদেশ দিলেন, “ইটিওরুসকে রাজগৌরবে সমাহিত করা হউক । পলিনিসেস দেশের শত্রু ; তাহার দেহ উন্মুক্ত প্রান্তরে পশুপক্ষীর আহার হউক । যে তাহার দেহ সমাহিত করিবে তাহাকে পর্কত-গুহায় জীবন্তসমাধি দেওয়া হইবে ।”

সেকালে তথায় মৃতের সমাধি না হওয়া একটা ভীষণ ব্যাপার এবং মৃত ব্যক্তির প্রতি যৎপরোনাস্তি অপমানসূচক বলিয়া গণ্য হইত ! এইজন্য মৃত ভ্রাতৃদ্বয়ের ভগ্নিনী তেজস্বিনী আষ্টিগোন ভ্রাতা পলিনিসেসকে সমাহিত করিতে জীবনপণ করিলেন । তিনি গোপনে নগর হইতে বাহির হইয়া যুদ্ধক্ষেত্রে উপস্থিত হইলেন । একাকী সেই মৃতদেহ বহন করিতে অসমর্থ হইয়া ধূলিরাশি সংগ্রহ করিয়া ভ্রাতার সমাধিকার্য সম্পন্ন করিয়া তাঁহাকে অপমান হইতে রক্ষা করিলেন । এদিকে রাজা জিয়ন্ একথা জ্ঞানিতে পারিয়া তাঁহার জীবন্ত-সমাধির আদেশ দিলেন । আষ্টিগোনও হাসিমুখে মৃত্যুগ্রহণ করিলেন । যে সেই তেজস্বিতার প্রতিমূর্ত্তি মহীয়সী রমণীকে পর্কত-গুহায় লইয়া যাইতে দেখিল সেই কাঁদিয়া আকুল হইল । কয়েকদিন যাইতে না যাইতে রাজার মনেও অনুতাপ উপস্থিত হইল । তিনি তাঁহাকে ফিরাইয়া আনিবার জন্ত লোক প্রেরণ করিলেন ; কিন্তু সে লোক যাইয়া দেখিল—সব শেষ হইয়া গিয়াছে !



# নিবেদন

## শ্রীচণ্ডীচরণ বন্দ্যোপাধ্যায়

এই বিশ্ব সংসারে ভগবানের নিয়মে পুরুষ ও নারীর মধ্যে শারীরিক ও মানসিক পার্থক্য পরিলক্ষিত হইলেও, কৰ্মক্ষেত্রে উভয়েই সম-মর্যাদা-বিশিষ্ট। একের দ্বারা যেমন সৃষ্টিকার্য্য অসম্ভব, তেমনই একের প্রাধান্যও অঘোক্তিক। সৃজন ও পালনের জন্ত উভয়ের মিলিত শক্তিই প্রয়োজনীয়। সেই প্রয়োজন সিদ্ধির জন্তই, উভয়ের মধ্যে পরস্পরকে বশীভূত রাখিবার জন্তই বিধাতার এক অপূৰ্ণ বিধান বর্তমান। বিধাতার এই বিধানের বশেই নারী পুরুষের অধীন এবং পুরুষ নারীর অধীন।

বিধাতা নারীকে পুরুষের সহিত সমমর্যাদা-বিশিষ্ট করিয়া যেমন 'গৌরবান্বিত' করিয়াছেন, তেমনই এককে অন্যের অধীন করিয়া তাহাদিগের পরস্পরের গৌরববর্দ্ধনও করিয়াছেন। জগতে যত-কিছু সুখ, শান্তি, সম্ভাষণ, সব এই অধীনতার উপরেই নির্ভর করিতেছে! এই পাশ মুক্ত করিয়া স্বাধীন হইবার যে কল্পনা, তাহা বিধির বিধানে বিপ্লব ঘটাইবারই প্রচেষ্টা মাত্র!

এই সংসার-কৰ্মক্ষেত্রে ভগবান পুরুষ ও নারীর জন্ত কৰ্মবিভাগের ব্যবস্থা করিয়াছেন। সৃষ্টির দ্বারা অক্ষুণ্ণ রাখিবার জন্ত ভগবানের প্রদত্ত বুদ্ধি-বিশেষের বশবর্তী হইয়াই যৌন সম্মিলনে সম্মিলিত নারী গর্ভধারণ করেন এবং এই সৃষ্টি কার্য্যে বিধাতা পুরুষের দ্বারা গর্ভাধানের ব্যবস্থা করিয়াছেন। এই গর্ভাধান সংস্কার হইতেই পরস্পরের কার্য্য পৃথক পথে পরিচালিত, অথচ পরস্পর সাহায্য সাপেক্ষ। একজনকে গর্ভস্থ জ্ঞানের রক্ষা বিধানের জন্তই বাহিরের সংস্রব পরিত্যাগ করিয়া অন্তঃপুরে আশ্রয় গ্রহণ করিতে হয়, তাই পুরুষ কেবল গর্ভাধান করিয়াই নিশ্চিন্ত নহেন, নারীর গুণপোষণ ও রক্ষণাবেক্ষণের ব্যবস্থা করাও তাঁহারই কৰ্ম; আর

সেই কৰ্ম-ভারটাও বিধাতা পুরুষের ঘাড়েই চাপাইয়া নারীকে নিশ্চিন্ত থাকিবার অবসর দিয়াছেন। পর্যবেক্ষণ করিলে পশুপক্ষীর মধ্যেও এই কৰ্ম-বিভাগের প্রভাব দেখা যায়। এই কারণেই নারীকে নারীত্বের মর্যাদা রক্ষা করিয়া সংসার-কৰ্ম করিতে হইলে পুরুষের অধীনতা স্বীকার করিতেই হইবে। নারী পুরুষের অধীনতা-পাশ (প) ছিন্ন করিয়া স্বাধীন হইবার আয়োজন করিবার পূর্বে তাঁহাকে গর্ভধারণের ও সন্তান পালনের কার্য্য হইতে অবসর গ্রহণ না করিলে চলিবে না, নারীর যাহা নিজস্ব সেই মহান্ন মাতৃভূ ভাবটাকে বিসর্জন না করিলে হইবে না! প্রবৃত্তি পরিচালিত নরনারীর যৌন সম্মিলনের যাহা ফল, তাহা যখন ফলিবেই—গর্ভোৎপাদন যখন ঘটিবেই, তখন তথাকথিত স্বাধীনতা প্রাপ্তির আশার নেশায় যাহারা চলিয়াছেন, তাঁহাদের পক্ষে এসব যজ্ঞট ভোগ করা বিড়ম্বনা মাত্র এবং বিরক্তিকর। তাই তাঁহারা কৃত্রিম উপায়ে গর্ভরোধের জন্ত ব্যস্ত হইয়া পড়িয়াছেন! ইহাতে যে নারীত্বের সম্মান—মাতৃত্বের গৌরব একেবারে ধ্বংস হইয়া যাইতেছে, তাহা কি তাঁহারা অথবা তাঁহাদিগের প্ররোচকর্ষণ স্থিরচিত্তে চিন্তা করিয়া দেখিবেন না?

স্বাধীনতা কি কেবল স্বেচ্ছাচারিতার দ্বারা লভ্য? অথবা স্বেচ্ছাচারিতার নামই কি স্বাধীনতা? তা' নয়! প্রকৃত স্বাধীনতার যে সুখ, যে শান্তি, তাহা নিয়মাত্মবৃত্তিতার ভিতর দিয়াই প্রাপ্ত হওয়া যায়। নিয়মবিহীন—শৃঙ্খলাবিহীন যে স্বাধীনতা, তাহা প্রকৃতপক্ষে স্বাধীনতা নহে, তাহা স্বেচ্ছাচারিতা! তাহাতে সমাজের কল্যাণ হয় না, সমাজ ধ্বংস হয়।

পাশ্চাত্যের সমাজ-রক্ষমণ্ডে নারী যে মূর্তন ভূমিকা লইয়া অবতীর্ণ হইয়াছেন, তাহাকে আমরা প্রাচ্যের লোক, দেবতার বিরুদ্ধে বিক্রোহ বলিয়াই



বোধ করি। বিধাতাকে বৃদ্ধান্ত দেখাইয়া প্রবৃত্তির নিরঙ্কুশ পরিচর্যাই কি কাম্য? অনিতে পাই তথাকথিত স্বাধীনতার আঘাত লাগে বলিয়া পাশ্চাত্যের সভ্য ভাষা নব্য নারী-সমাজ বিবাহ-বন্ধনটাকে আর আমল দিতে চান না; কেননা ওটাও যে বন্ধন—স্বাধীনতার পরিপন্থী!

আজকাল আমাদের দেশে অনেক শিক্ষাভি-মানিনী নিষ্কর্মা নারী, পাশ্চাত্যের এই বাহু আঁড়বরের মোহে মুগ্ধ হইয়া যেন কিছু চঞ্চল হইয়া উঠিয়াছেন। তাঁহাদের হাবভাব, আলাপ আলোচনা, সবই যেন পাশ্চাত্য-প্রভাব বিশিষ্ট! পাশ্চাত্যের তথাকথিত শিক্ষিতা ও স্বাধীনা নারীর কার্য দেখিয়া ভারতনারী আপনার জাতীয় আদর্শকে উপেক্ষার চক্ষে দেখিতেছেন এবং তজ্জন্য নিজদের বিশিষ্টতা ধ্বংস করিবার জন্য আগ্রহ প্রকাশ করিতেছেন! বোধ হয় এই সকল মহিলাগণ বিবেচনা করেন যে, নিভৃত নিকুঞ্জে যুবক-যুবতীর অবাধমিলন না ঘটিলেই যেন নারীজন্ম কথা চলিয়া গেল;—কর্মক্ষেত্রে পুরুষের সঙ্গে প্রতিযোগিতায় দাঁড়াইতে না পারিলেই যেন নারীর স্বাধীনতা ক্ষুণ্ণ

হইয়া গেল;—প্রবৃত্তি-পরিচালিত স্বেচ্ছাচারিতায় বাধাপ্রাপ্ত হইলেই যেন নারীজীবনের সমস্ত স্বর্থই শুষ্ক হইয়া গেল! কিন্তু প্রকৃতই কি তাই?

আমরা মাতৃজাতির প্রতি সমধিক শ্রদ্ধা ও সম্মান সহকারে নিবেদন করিতেছি,—আমরা মাতৃজাতিকে সংঘমী মাতৃমূর্তিতেই পূজা করিতে চাই, বিলাসিনী মূর্তিতে নহে! ষাহারা নারীকে বিলাসিনী ও স্বেচ্ছাচারিনী মূর্তিতে চান, তাঁহারা এই আজ নারীহিতৈষীর পোষাক পরিয়া, নানা রঙে নানা ঢঙে নারীচিত্র অঙ্কিত পুরুষ পশুপ্রবৃত্তি পরিবর্জন পথ পরিষ্কারের স্বযোগ প্রদান করিতেছেন! বুঝিতেছেন না যে, তাঁহারা এই প্রকারান্তরে নারীমর্যাদার অবমাননা করিয়া ভবিষ্যৎ মানব জাতিকে কিরূপ বিপদের পথে লইয়া যাইবার চেষ্টা করিতেছেন! ভারতবর্ষ, সংঘমেরই সমর্থন করিবে, উচ্ছৃঙ্খলতার নহে;—দেবত্বেরই পূজা করিবে, পশুত্বের নহে! নারী তাঁহার স্বাধীকারে সগৌরবে অধিষ্ঠিত থাকুন, স্বাধীকারচ্যুত হইয়া আত্মাবমাননার উপায় অবলম্বন করিবেন না,—আত্মহত্যার পথ পরিকৃত করিবেন না!

## মা কোথা ?

[ একাদশবর্ষীয়া বালিকা ৮তমিমা দেবী রচিত ]

কোথা মা গেছিস্ ত'লে ?

ডাকি মোরা 'মা' 'মা' ব'লে !

ঐ ওঠে রবি, ঐ ওঠে চাঁদ,  
পাতে নিতি নিতি কত মায়াফাঁদ—  
মোরা চেয়ে থাকি অনিমেষ আঁধি  
মা কবে আসিবি গেহে ?  
কোলে তুলে নিবি স্নেহে ।

নিত্য নূতন কত উপহার.  
দিতে চাই মাগো চরণে তোমার—  
আমরা ছুধিনী বঁড় অভাগিনী  
করি শুধু হায় হায়,  
আয় মাগো কিরে আয় !

## শেষ চিঠি

( গল্প )

শ্রীমতী ভক্তিসুখা হার ।

বৌদি,

আজ তোমায় চিঠি লিখছি, জানিনা কতদিন পরে । শৈশবে তোমার সঙ্গে আমার প্রথম পরিচয়, আর যৌবনের মধ্যপথেই ছাড়াছাড়ি । ‘আজ যৌবনের শেষসীমা ছাড়িয়ে প্রৌঢ়ত্বের ধাপে পা দিয়েছি; যৌবনের উন্মাদনার সঙ্গ সঙ্গ হৃদয়ের চঞ্চল আকাঙ্ক্ষাগুলোরও অবসান হ’য়ে গেছে, কিন্তু শান্তি আসেনি । বৌদি, একটা প্রদীপের বৃকের মাঝে যে আলোকটুকু বড় উজ্জ্বল হ’য়ে জ্বলতে থাকে, তাকে যদি তুমি নিবিয়ে দাও তবে সে ঠাণ্ডা হ’য়ে যায় বটে, কিন্তু তার বৃকের সেই কালিম টুকু যায় কি ? যায় না, একটা দাগ ব’সেই থাকে । আমার এ ‘পোড়া বৃকটার অবস্থাও তেমনি । সেখানকার জ্বালা নিভেছে, কামনার বহি ধেমে গিয়েছে কিন্তু বৃকের মাঝখান চি’রে যে একটা কালো দাগ বসে গিয়েছিল, সেটা আজও মিলিয়ে যায়নি—জীবনের শেষ মুহূর্ত্ত পর্যন্ত থেকেই যাবে !

আজ মনে পড়ছে সেদিনের কথা—সেই যেদিন তোমার সঙ্গে আমার প্রথম পরিচয়—কত ভালবাসা, কতখানি বিশ্বাস নিয়ে ছুঁতে ছুঁতে বরণ ক’রে নিয়েছিলুম । জীবনে আমার প্রকৃত অন্তরঙ্গ বন্ধু যদি কেউ থাকে তবে সে তুমি । বিশ্বাস কর, সত্যি বলছি বৌদি, মনের গোপনতম কথাটি পর্যন্ত তোমার কাছে কোনদিন আমি গোপন করিনি; তাই আজও যা’ তোমাকে জানান হয়নি সেই কথা ব’লে তোমার শান্ত আনন্দময় জীবনের শান্তিটুকুতে আঘাত দিতে এসেছি ।

মিনতি করছি—আর একবার আমায় মাপ কর । বড় কম জ্বালাতন তো আমি এ পর্যন্ত তোমায় করিনি, চিরকাল যেমন স্নেহে সব দোষ-ত্রুটি ক্ষমার চ’পে দেখে এসেছি, আজও তা পারবেনা কি ?

আমাকে জানতে তো তোমার বাকী নেই, তবু সকলের মনে যে একটা বিস্ময় ধারণা আমার সম্বন্ধে বহুমূল হয়ে আছে সেই ভুল যদি তোমারও মনের কোণে এতটুকু দাগু দিয়ে থাকে তাই, সেটুকু মুছে দেবার জন্য এই সামান্ত চেষ্টা । আজ এই বিদায়ের দিনে সকল কথা যদি তুমিও অবিশ্বাস কর, তবে জীবনের পরপারে গিয়েও এ দুঃখ আমার যাবে না ।

সেদিনের সেই কথা তোমার মনে পড়ে কি—যেদিন তোমার সঙ্গে আমার তর্ক হ’ত পুরুষ-মেয়ে-মাকুষের দোষগুণ বিচার নিয়ে ? স্ত্রীলোকের নিছক গুণের সাজি সাজিয়ে এনে তুমি আমার সামনে ধরতে—এতটুকু দোষ তাতে থাকত না; আর আমি তাদের ছোট বড় হাজার দোষ তোমাকে বোঝাতে ও দেখাতে যেতুম । তুমি কিন্তু তা বুঝতে চাইতে না । নিরুপায় হ’য়ে আমি বলতুম “ওইটিই মেয়েমাকুষের প্রধান দোষ; নিজেদের কথার বিরুদ্ধে তারা কিছুতেই কোন কথা মেনে নিতে চাইবে না ।” তারপর কত ছোট ছোট মান-অভিমানের পালা, সর্বশেষে সন্ধি ।

\*

\*

\*

দাদার সঙ্গে সস্তাব রেখে চলা আমার কোন কালেই ঘ’টে ওঠেনি কারণ তাঁর মত একঘেয়ে জীবন যাপন করা আমার মত অস্থির-চিন্তা লোকের কাজ নয় । আমি চাইতুম পৃথিবীটাকে পাণ্টে দিতে,

অগতের নিয়মকানুন আপনার হাতে তুলে নিয়ে ইচ্ছেমত তাকে নতুন ধারায় নতুন পথে চালিয়ে নিতে ।

মন দিয়ে কিছু বুঝে দেখবার মত ধৈর্য বা ক্ষমতা আমার ছিল না—শুধু বাইরের ভাবোচ্ছ্বাসের সঙ্গে হৃদয়কে মিশিয়ে দিতে চাইতুম। সৃষ্টিছাড়া নানান রকম খেয়ালই ছিল আমার পেশা।

এমনি অশান্ত যখন আমার মনের অবস্থা তখন তুমি এমন একজনকে আমার সামনে এনে দিলে—যার রূপের আলো ফোটাফুলের সৌন্দর্যের মতন ছড়িয়ে পড়ছিল কিন্তু হৃদয় ছিল কুঁড়ির মতনই বন্ধ ! তার ভেতরে স্বরভি পরিপূর্ণই ছিল, কিন্তু তার আভাস পাওয়া যেত খুব কমই। তবু তাতেই যখন আমি মাতাল হ'য়ে উঠলুম, তখন তা পূর্ণভাবে ভোগ করবার উন্মাদনাটাও বড় আকুল হ'য়ে জেগে উঠল। তবুও একটি দিনের জন্তও তা' আমি স্বীকার ক'রে নিইনি বা প্রকাশ হ'তে দিইনি—তোমার কাছেও নয়; কারণ আমার চিরদিনের এই অহংকারটুকু ছিল যে সে আগে আসবে আমার কাছে ধরা দিতে। ভালবাসা দেবার আগে পাবার নেশাটাই তখন আমাকে পাগল ক'রে তুলেছিল। তাই দেবার ভাগের সঙ্গে পরিমাণ ক'রে আমার মনে হ'ল পাওয়ার পাত্র খে খালি !

ঘেচে নেবার সাধ কোন কালেই আমার ছিল না। তাই সে যখন সমস্ত অন্তর দিয়ে আমাকে বরণ ক'রে নিতে আমার মনের কাছে এসে ধরা দিলে না, তখন আমিও যেন কেপে উঠলুম তাকে প্রতিঘাত ক'রতে। কিন্তু হঠাৎ আমার একদিন মনে হ'ল সে যেন আমার এই চাপা দেওয়া লুকোনো ব্যাকুলতাটুকু বুঝতে পেরেছে আর পেরেই যেন আমার এই প্রতিশোধ নেবার ব্যর্থ চেষ্টাটাকে বেশ একটু উপহাস ক'রছে। আমার মনে হ'ল সেই প্রতিজ্ঞায় উজ্জল চোখদুটিতে যেন অয়ের উল্লাস কুটে বেরুচ্ছে। আমি সাবধানে আপনাকে

সামলে নিয়ে ঈর্ষিতে তাকে বুঝিয়ে দিলুম এটা তার সম্পূর্ণ ভুল। তার অয়ের ধারণাটা নিয়ে একটু পরিহাস ক'রতেও ছাড়িনি।

সে কিন্তু তবুও হার মানলে না; বিজয়ের বিপুল গর্বে ঘাড় বাঁকিয়ে একটুখানি মুছ হাসিতে আমার পরাস্ত ক'রে দিলে। অপমানে, হুঃখে আমি আমার ভেতরের ব্যাকুলতাকে সম্পূর্ণ মোহ বলে উড়িয়ে দিতে চাইলুম, কিন্তু সে কি কখনও পারা যায়? তাকে পরাস্ত করবার জন্ত আমিও যেন ভেতরে ভেতরে উন্মাদ হ'য়ে উঠেছিলুম। মনে হ'ল তাকে বুঝিয়ে দিই তার কাছে আমি কিছুই চাইনে, তাকে দিতেও কিছুই পারব না। এমনি ওলটপালট ভাবের মধ্য দিয়ে ঠিক উদ্ভ্রান্তের মত যে কতদিন কেটে গেল তার অনুমান আজ আমি ক'রতে প'রব না। ঠিক সেই সময়ে সে আমার মনের অবস্থার উপর কিছুমাত্র দৃষ্টি না ক'রে কিছুদিনের জন্ত তার মায়ের কাছে গেল। তারপর একদিন কি ভাবে, কি কথা দিয়ে যে তাকে চিঠি লিখেছিলুম তা আমার মনে নেই; তার জবাবে সে যা লিখেছিল, তার একটি কথা আজও আমার মনে পড়ছে—“ভরসা করি তোমার মন এখন অনেকটা শান্ত হয়ে এসেছে, সুতরাং এখন শীগগিরই একদিন ফিরুব ভাবছি।”

মদির স্বপ্নের মত, স্বপ্নের নেশায় যা' একদিন আমার কাছে রঙীন ছিল, কল্পনার মণি-মুক্তা দিয়ে যা আমি একদিন বুনেছিলুম, প্রকৃতির নিষ্ঠুর বিধানে তা এল আমার ভাগ্যে উল্টো হ'য়ে! বাইরের চক্ষে সে-ত' আমার বড়ই নিকট, কিন্তু আমি জানি সে আমার অনেকখানি দূরে। তুমিও তখন ভুল করেছিলে, বৌদি! মনে করুল এ বুঝি আমার ভালবাসার দরুণ, তাই কিছু বুঝলেনা; তলিয়ে দেখলে না যে আমার এই বুকের নিস্তৃত গুহার মধ্যে প্রতিশোধের কি এক তীব্র শিখা দাউ দাউ ক'রে জ্বলছিল। তাই তোমার কাছেও একটু সহানুভূতি পেলুম না! ভাবলুম, সে ত ভালবাসেনি

আমায়! কুমারী-জীবনের গর্ভ-অভিমান তখনও তার হৃদয়খানি 'জুড়েই ছিল। আর তাই আমি যখন হৃদয়-হীনের মত নিষ্ঠুর প্রতিশোধের ব্যর্থ আশায় তাকে ঠেলে দিতে যেতুম, তখনই দেখতুম সে আমার কাছ থেকে অনেকখানি দূরেই আছে। এতদূরে, যে সেখানে আমার হাত পৌঁছায় না। এইবার খুব একটা নিষ্ঠুর প্রত্যাখ্যানে সব ভেঙে চূরে হিতে ইচ্ছে হ'ল কিন্তু হৃদয় তা ম'ন্তে চাইলে না। সমস্ত প্রাণ মন একসঙ্গে টেঁচিয়ে উঠল— 'এষে হর্তেই হবে।' আমি 'না' বলতে পারলুম না— তাদের সঙ্গে একত্র হ'য়ে সম্পূর্ণ মত' দিয়ে বসলুম।

সে এল। বিজয়কিরীট স্বাধায় দিয়ে গরবিনী স্তম্ভরী তার প্রতিদ্বন্দ্বীকে সম্পূর্ণরূপে পরাজিত করুতেই এসেছে—মুখে চোখে তার এমনি একটা ভাব। দেখে আমি মনে মনে হেসে বসলুম— 'তোমার পরাজয়ের দিন আসছে গো।'

এবার ভেতরে বাইরে আমি তাকে উপেক্ষা দেখাতে গেলুম, কিন্তু আমার ব্যর্থ সন্ধান তার মনের গায়ে আঁচড়টুকুও কাটতে পারিনি! মনে হ'ল সেখানে যে আমি অনেক আগে থেকেই উপেক্ষিত হয়ে আছি। সে যেন আমার প্রত্যেক শিরা উপশিরা পর্যন্ত চিনে নিয়েছিল কিন্তু আমার মনের কাছে এতটুকু ধরাছোঁওয়াও নিজেকে দেয়নি। হয়ত সে মনে করেছিল যতদিন না আমি নিজের পরিপূর্ণ ভালবাসা দিয়ে তার হৃদয় জানতে পারি, ততদিন সেও আমার কাছে আত্মপ্রকাশ করবে না।

মিথোন্ময় বৌদি, আজ মনে হচ্ছে আমি, যার অন্তরের প্রত্যেকটি কোণ প্রেমের আলোকে সমুজ্জ্বল হয়ে ওঠেনি—আমি কি করেই বা ভালবাসার যোগ্য হতে পারি? তবে ইচ্ছে করলে সে আমার এ তুল ভেঙে দিতে পারত। কিন্তু সে তা দিলে না। ভাবলুম,—না, এ আর হয় না। অশাস্তির আঙুনে তিল-তিল ক'রে বুকটা আমার পুড়ে যাচ্ছিল। শুধু একটুখানি দয়া যদি সে আমায় করত তাহলে

কে জানে, হয়ত বা এমন ভাঙা হৃদয়ের অসহ্য বেদনা ব'য়ে আমার সমস্ত জীবন কাটত না—শেষের দিন ঘনিয়ে আসবার আরও কিছুদিন দেয়ী হ'ত।

\* \* \* \* \*

সেইদিন সেই ঘন বর্ষাবাদলের দিনটি, যেদিন তোমাদের কাছে বিদায় নিয়ে চ'লে এলুম— সেদিনের কথা আজও আমার মনে স্পষ্ট ছবির মত ভেসে উঠছে। দাদার নিষেধ, রাগ, সর্বশেষ-স্নেহময় করুণ অহুরোধ, তোমার কাতর মিনতি, ব্যাকুল অশ্রুজল সব উপেক্ষা ক'রে চ'লে এলুম। কিন্তু তখন একবার, শুধু একবার যদি সে আমায় অহুরোধ করত,—যদি বিদায়ের দিনে একবিন্দু অশ্রু, একটুখানি বেদনার আভাসও তার নির্মম হৃদয়ের ভাসাপূর্ণ চোখ দুটিতে দেখতে পেতুম তাহলে আমায় সারা জীবন এমন অসহ্য জ্বালায় জ্বলতে হ'তনা, আর ছ'জনের জীবনই সার্থকতায় পূর্ণ হয়ে উঠতে পারত। আশাহত, উপেক্ষিত, উন্মত্ত হৃদয় নিয়ে চ'লে এলুম। কত জায়গায় ঘুরে ঘুরে বেড়ালুম। স্বপ্নের আশায়, শাস্তির পিপাসায় সমস্ত প্রাণ হাহাকার করতে লাগল—কোথাও জুড়োবার এতটুকু স্থান পেলুম না। একবার এক সন্ন্যাসীর শিষ্য হ'য়ে দিনকতক পাহাড়ে পাহাড়ে ঘুরলুম পুলিশের লোকে মিথো সন্দেহ ক'রে ধ'রে এনে জেলে পুরে দিলে। মাস তিনেক সেখানে কাটিয়ে দিয়ে এলুম, বড় বেশী কষ্ট হয়নি, কারণ আমার তখনকার মনের অবস্থা স্বাভাবিক ছিল না।

ছাড়া পেয়ে বেরিয়ে এসে কি মনে ক'রে তাকে একখানি চিঠি লিখলুম। ব্যাকুল মর্শোচ্ছ্বাস তখন আর তাতে ছিল না, ছিল শুধু এক মর্শোচ্ছ্বাস, পর্ভীর নিরাশা-মিশ্রিত হৃদয়-ঢালা ব্যথার সুর। সে তার কি উত্তর দিয়েছিল জান মৌদি? যদি সেটা থাকত, আমি আজ নিশ্চয় তোমার কাছে পাঠিয়ে দিতুম। সে লিখেছিল—

"উন্মত্ততা তোমার খেমে গিয়েছে, এতগুলো দিন বৃথা নষ্ট ক'রে অহুতাপও হয়ত হচ্ছে। তুমি



এখন ফিরে এস, শান্তি পাবে। তুমি এতদিন ধরে আমার কাছে যা চাচ্ছ আমার প্রাণে তা পরিপূর্ণই ছিল, কিন্তু তাতে শান্ত হবার, মত যোগ্যতার তোমার বড় অভাব। চিঃ, বড় অশান্ত তুমি! দু'জনের জীবনই একেবারে ব্যর্থ হ'য়ে গেল। তোমার অন্ত যা মনে সঞ্চিত ছিল নেবার দিনে তাকে উপেক্ষা ক'রে গেছ; আজ আর আমার কিছুই নেই। বড় শুদ্ধতা বুকে নিয়ে বৈঁচে আছি, এক চাইতে মরণও আমার বহুসহস্রগুণে ভাল ছিল। তোমার অনাদৃত্য মেয়ে বৈঁচেই আছে। তার জন্মসংবাদ ত' পেয়েছিলে, একবার খবরও নাওনি!"

আমারই দোষে জীবন ব্যর্থ হল? আমিই প্রেমের অপমান করলুম? পূর্ণ সাজি গোপনেই শুকিয়ে গেল, আর আজ শূন্য পাত্র নিয়ে আমাকে বরণ করতে এসেছ? এতদিন ধরে কি বিষম যজ্ঞায় ভুগছি সেদিকে দৃকপাত করনি, আর আজ আমার ওপর এই তীব্র দিক্কার বর্ষণ করছ? আবার সমস্ত মন বিষিয়ে উঠল। তার সে চিঠিখানা আমি ধীরে ধীরে আগুনে পুড়িয়ে ফেললুম। বড় তৃপ্তি পেলুম। এইবার নিজেকে তার কাছে সম্পূর্ণ অর্পণ মনে হ'ল। যাক, আমার সঙ্গে সঙ্গে তার বুকটাও ব্যর্থতায় ভরে উঠেছে! উঃ বৌদি, আমি যেন তখন সত্যিই পুগল হ'য়েছিলুম! বিপুল গর্কোচ্ছ্বাস যেন আমার চোখ মুখ দিয়ে ফেটে বেরুতে চাচ্ছিল।

কিন্তু এ গর্ক ত রইলনা, যুদ্ধের কোথায় উড়ে গেল। মনে হ'ল সে যেন আপনার ভুল বুঝে আবার তার লুপ্তিত মানের ডালি নিয়ে সামনে এসে দাঁড়াবে—যদি আমার কাছে পায়। \* \* \* সে কি আমার কাছে কিছুই চায়না—এতটুকু দয়াও না? মাথাটা বড় জোরে ঘুরে উঠল। তার পর যে কদিন আমার কি ভাবে কেটেছে তা মনেও নেই। পথে, ঘাটে, গ্রামে, নদীর তীরে ঘুরে ঘুরে কাটাছুম। কেউ বলত উন্নাদ, কেউ রটিয়ে দিলে আমি একটা চরিত্রহীন পণ্ড।

তোমাদের কাছেও এসব কথা বোধ হয় গেল, নিন্দায়, অপমানে দেশ ছেয়ে গেল; আমি কিন্তু কাউকে কিছুই বলিনি, কারণ নিজেই তখন বুঝিনি কি আমার হয়েছে।

\* \* \* \*

এমি ক'রে কতদিন কোথায় কি ভাবে কেটে গেছে জানিনা, হঠাৎ একদিন ভোরের বেলা জেগে দেখি সমস্ত শরীরে বড় ব্যথা—আমি একটা হাসপাতালে শুয়ে আছি; একজন নার্স আমায় শুক্রবা করছেন। সব কথা ভুলে গিয়েছিলুম, একে একে আবার সব মনে আসতে লাগল। রাগ, অভিমান, প্রতিহিংসা সবই যেন একে একে আমার ভেতরেই মিলিয়ে যেতে লাগল। কেবল আকুল অশ্রুধারায় বুকটা ভিজ্জে সেখানকার আগুনটা ধীরে ধীরে নিভে যেতে লাগল। সে কি কারা! মাহুষের চোখে—আমার মত মাহুষের চোখে যে এত জল থাকতে পারে—তা আমি কল্পনাও করতে পারি নি। বালিশে মুখ গুঁজে কাঁদতে লাগলুম। তার মৃত্যুসংবাদের টেলিগ্রামটা তখনও আমার সামনেই ছিল—কাগজের লালী রংটা যেন আমায় উপহাস ক'রে হাসছিল। নার্সকে বললুম—“আমার আর কি শুক্রবা করবেন? শরীরের যজ্ঞা আমার কিছুই নয়।” তিনি বললেন ‘তারখানা পেয়ে অজ্ঞান হ'য়ে পড়ে গিয়েছিলেন—মাথায় খুবই চোট লেগেছে। এই অনিমা কি আপনার জী?’ ‘জী?—আজ্ঞে হ্যাঁ। দেখুন, মাথার যজ্ঞা আমার কিছুই নয়—যজ্ঞা এই বুকটার ভেতর।’ তিনি ধীরে ধীরে আমার মাথায় হাত বুলিয়ে দিতে লাগলেন। তাঁর স্পর্শটি যেন মায়ের মমতার মত স্নিগ্ধ, ভগিনীর ভালবাসার মত নির্মল। সেই স্নেহ-শীতল স্পর্শটুকু আমার মরণ ক'রিয়ে দিলে তোমার কথা। বহুদিনের হারিয়ে যাওয়া মাণিকটির মত এই কোমল স্মৃতি আমার ব্যাকুল ক'রে তুললে। এক নিমেষে শূন্য বুক ভ'রে উঠল। তাই এই বেদনা-বিধুর-চিত্ত নিয়ে আজ



তোমাকে চিঠি লিখতে বসেছি। তুমি যখন আমার এ চিঠি পাবে তখন আমি এমন এক অজানা সমুদ্রের ওপারে গিয়ে পৌঁছিব—যার সন্ধান কেউ দিতে পারবেনা। আশ্চর্য্য হয়ো'না বউদি, এই না-জানার ভেতর দিয়েই আমার জীবনের অবসান হ'য়ে গেল। অনেক কথাই লিখবার ইচ্ছে ছিল, কিন্তু সকল কথা গুছিয়ে বলবার মতন শক্তিও নেই, ধৈর্য্যও নেই। আজ বিদায়-বেলায় তোমার অশ্রু-ধোয়া স্নেহ-করণ মুখখানি মনে পড়ছে। আমার আজ আর একটা কি আকাঙ্ক্ষা মনে জেগে উঠছে জান বৌদি? একখানি কুমুম-পেলব ক্ষুদ্র মুখ বুকের মাঝখানে চেপে ধরতে। তাতে বৃষ্টি বড় শান্তি পেতাম—এ দাগটাও অনেক

খানি মিলিয়ে যেত। জীবনে যার কথা ভাবিনি আমার সেই কচি মেয়ে 'এণা'কে আশীর্বাদ করছি - তার অনুক-অননীর অভিশপ্ত জীবনের ছায়াটুকুও যেন তার জীবনের পথ মলিন ক'রে না দেয়। জন্ম তার সার্থক হোক, অস্তর সুন্দর হোক। সে যখন বড় হবে, তখন তুমি আমার এই চিঠিখানি তাকে দেখিয়ে,—হতভাগ্য পিতার ব্যর্থ জীবনের বিষময় কাহিনী প'ড়ে তার চোখ দিয়ে যদি কু ফোটা জলও পড়ে, তাতেই আমার আত্মার তর্পণ হবে।

জীবন-পারের যাত্রা-শেষে যদি অণিমাতে পাই তবে পায়ে ধ'রে ক্ষমা ভিক্ষা করব। অন্ধাপূত ভালবাসার শেষ অঞ্জলি গ্রহণ কর। বিদায়, চির বিদায়! ইতি— হতভাগ্য অলীঙ্গ।

শ্রীকিশোরীমোহন প্রামাণিক ।

## খোকা

টুকটুক টোটে

শিউলির বোটে,

খিল্ খিল্ হাসি হেসে

মার প্রাণ কাড়ছে।

কুঞ্চিত চুলগুলি

নাচে যেন বুলবুলি,

চুলবুল ক'রে সদা

'জালিয়ে যে মাঝে ॥

চঞ্চল মুখ খানি,

হাসে দিলে হাতছানি,

অঞ্চল আঁকড়িয়া

মা'র গলা ধ'রছে।

হেসে এই ফুলে,

পুনঃ কেঁদে ফুলে,

'এর কোলে ওর কোলে

কাঁপিয়ে যে প'ড়ছে ॥

গালছটি স্নকোমল

যেন লাল শতদল,

কল্বল ক'রে গৃহ

মুখরিত ক'রছে।

এটা সেটা ঘাঁটছে,

পায়ে পদয়ে হাঁটছে,

এই যায় দৌড়িতে,

'এই পুনঃ প'ড়ছে ॥

ফুটফুটে বংটি

কাদা মেখে সংটি,

আবল তাবল ভাষে

কত গান গাইছে।

ঐক্লপ প্রাণটি

বিধাতার দানটি,

হিংস্রটে মোরু দিল্

লইতে যে চাইছে ॥

## সঙ্কলিকা ।

### বিশ্বে নারীর স্থান—

#### জাপান ।

জাপানদেশবাসীদের বিশ্বাস পুরুষের অস্তঃকরণ অপেক্ষা স্ত্রীলোকের প্রকৃতি উৎকৃষ্টতর; কাজেকাজেই তাহারা সমস্ত ডাকঘরে কেরাণীগিরি কার্যের জন্য বিশেষভাবে উপযুক্ত। ডাক-বিভাগের কর্তৃপক্ষ ডাকঘরের পৃষ্ঠপোষকদের নিকট হইতে পুরুষ কেরাণীদের বিরুদ্ধে অনেক অভিযোগ শুনিয়া এই সিদ্ধান্তে উপনীত হইয়াছেন। তাহারা সমস্ত পুরুষদের সরাইয়া সেই স্থানে স্ত্রীলোক নিযুক্ত করিবার বন্দোবস্ত করিতেছেন। তাহারা মনে করেন রমণীগণ নিযুক্ত হইলে সমস্ত গোলযোগ মিটিয়া যাইবে। শুধু তাহাই নয়; স্ত্রীলোক কেরাণীর পদে প্রতিষ্ঠিত হইলে অনেক ব্যয়ও কমিবে।

জাপান মহিলাগণ যদিও এখন পর্য্যন্ত রাজনীতিকক্ষেত্রে পদার্পণ করেন নাই তথাপি তাহারা পাশ্চাত্য রমণীদের অপেক্ষা অস্তান্ত বিখ্যাত পুস্তাতে নহেন। জাপান মহিলাগণও নানাপ্রকার খেলাতে যোগদান করিয়া থাকেন। তাহারা টেনিস প্রভৃতি খেলার বিশেষ দক্ষতা লাভ করিয়াছেন। অবসরকালে জাপান রমণীগণ নানাপ্রকার ব্যায়াম ও ক্রীড়া করিয়া থাকেন। জাপান সরকার পক্ষ ইহা স্পষ্ট উপলক্ষি করিয়াছেন যে, এইরূপ ক্রীড়া দ্বারা স্ত্রী-কেরাণীদের শারীরিক ও মানসিক প্রকৃতি আসে। তৎসম্মত সরকারপক্ষ রমণীগণের ক্রীড়ার জন্য বিশেষ মনোযোগ এবং বন্দোবস্ত করিয়া থাকেন। শুধু যে নারী-কেরাণীরাই এই ক্রীড়া করিয়া থাকেন তাহা নহে; কি শিল্পী, কি খাত্তী, এমন কি দাসীকেও টেনিস খেলিতে, ঘোড়ায় চড়িতে, নৌকা চালনা করিতে দেখা যায়। রমণীদের এইরূপ স্বাধীনভাবে চলাফেরা করা জাপানবাসী প্রায় সকলেই অনুমোদন করিয়া থাকেন।

#### চীন ।

সাংহাইয়ের প্রধান প্রধান মহিলাগণ রমণীদিগকে কার্যে লিপ্ত করিবার অভিপ্রায়ে এক ব্যাক প্রতিষ্ঠিত করিয়াছেন। এই ব্যাকে কেবল স্ত্রীলোকেরাই কর্তৃক করেন। ইহা দ্বারা চীন রমণীগণকে উৎসাহিত করা হইতেছে। নারী-কর্মীগণ কার্যে লিপ্ত করিবার জন্য টেনিস-বিদ্যালয়ে প্রেরিত হইয়া থাকে।

#### শ্রাম রাজ্য ।

শ্রাম রাজ্যে স্ত্রী-পুলিশ অনেকদিন ধাবৎ আছে। তাহারা ব্যাককে মহিলা-প্রাসাদের পাহারা দেন। তাহারা পুলিশের পোষাক পরিধান করে কটে কিন্তু তাহাদিগকে অস্ত্রাদি প্রদান

করা হয় না। তাহারা আগন্তকের সঙ্গে প্রাসাদের মধ্যে গমন করে এবং আগন্তকের প্রত্যাপন পর্য্যন্ত প্রাসাদ মধ্যে অবস্থান করে। এমন কি প্রাসাদ-কর্মচারী, শ্রমিক, ডাক্তার প্রভৃতিও স্ত্রী-পুলিশের পাহারার থাকে।

#### তিব্বত ।

ম্যাডাম নীল একজন রমণী পরিব্রাজিকা। তিনি ইতিমধ্যে তিব্বুক-বাজীর ছদ্মবেশে আসাতে বাইরা তিব্বতের মন্দির পরিভ্রমণ করিয়াছেন। তাহার ছদ্মবেশ এমন সুন্দর হইয়াছিল যে কেহই তাহার আত্মকাহিনী জানিতে পারে নাই। তাহার বয়স ৩০ বৎসর। তিনি অবিকল তিব্বতবাসীর স্থায় তিব্বতীভাষা বলিতে পারেন।

#### দক্ষিণ আফ্রিকা ।

দক্ষিণ আফ্রিকার মহিলাগণ তাহাদের স্বাধীনতার জন্য সরকার-পক্ষ সমীপে এক প্রস্তাব উপস্থিত করিয়াছিল। এই স্বাধীনতার প্রস্তাব ৬টা ভোট বেশী পাইয়া জয়লাভ করিয়াছিল। ঐ বিলটি মারও সংশোধিত ও আলোচিত হইবার জন্য সিলেক্ট কমিটিতে প্রেরিত হয়। ইহার শেষ সিদ্ধান্তের নিষিদ্ধ ব্যবস্থাপক সভায় উপস্থিত করা হয় কিন্তু গবর্নমেন্ট পদত্যাগ করার ইচ্ছা হ্রাসিত হইয়া থাকে। তৎপর শ্রমিকদল প্রধান হইয়াছে এবং স্ত্রীলোকগণও জয়লাভের জন্য বিশেষ চেষ্টিত আছে।

#### নিউজীলাণ্ড ।

নিউজীলাণ্ডবাসী রমণীগণ ম্যাজিস্ট্রেট হইতে জুরিতে বসিবার এবং পুলিশের চাকরী করিবার অনুমতির জন্য আন্দোলন চালাইয়াছিল। এই বৎসরও তাহাদের দুর্ভাগ্যবশতঃ প্রস্তাবটি সদস্যগণ কর্তৃক পাশ হয় নাই। অতঃপর নিউজীলাণ্ডের রমণীগণ এক সভা আহ্বান করতঃ সদস্যদিগকে দোষারোপ করিয়াছে। প্রধান মন্ত্রীর নিকট তাহারা এক আবেদনপত্র সম্বন্ধার্থে পেশ করিয়াছে, এই আবেদনপত্রে নিম্নলিখিত বয়েকটি বিষয় উল্লিখিত আছে :—

(১) রমণী অস্ত্রদেশের পুরুষকে বিবাহ করিলেও তাহার নিজের জাতীয়তা বজায় থাকিবে।

(২) যুবক মিষ্টার ও কাগজ বিক্রয়তাকে রাত্তা হইতে সরাইয়া দিতে হইবে।

(৩) সমস্ত গাড়ীতে নারীদের বসিবার স্থান বাড়াইয়া দিতে হইবে।

(৪) সন্ত্রস্তক বয়স ১৬ হইতে ১৮ বৎসর করিয়া দিতে হইবে।

## পারশু ।

পারশুদেশে কার্পেট-শিল্প-বিভাগে জীলোক ও হেলেনের কার্যের সুবিধার জন্য বিশেষ বন্দোবস্ত করা হইয়াছে। তাহারা দৈনিক ৮ ঘণ্টা করিয়া কাজ করিবে। বালক-কর্মীর বয়স অনূন ৮ বৎসর হওয়া দরকার এবং নারী-শ্রমিকের কমপক্ষে ৮ বৎসর বয়স হইতে হইবে। বালকদিগের ও নারীদিগের কারখানা পৃথক পৃথক স্থানে অবস্থিত এবং মেয়েদের কারখানার যাবতীয় কার্যপদ্ধতির তার মহিলাদের হস্তেই স্তম্ভ থাকিবে।

## জার্মানী ।

জার্মানীর সর্বপ্রধান নারী-কবি রিকার্ডা হাকের বস্তুবর্ষীয় জন্মোৎসব ১৮ই জুলাই সম্পন্ন হইয়াছে। তাহার প্রতিভা শিক্ষিত সমাজ বিশেষভাবে উপলব্ধি করিতে পারেন। সংবাদপত্রে তাহার ছুরি ভুরি প্রশংসা প্রকাশিত হইয়াছে। মিউনিসিপ্যালিটি ও সরকারপক্ষের প্রতিনিধি তাহার সম্মানার্থে এক বিরাট অভ্যর্থনা প্রদান করিয়াছেন। মিউনিক সহরের একটা রাস্তার নাম রিকার্ডা হাকের নামে করা হইয়াছে।

## অষ্ট্রেলিয়া ।

সিড্‌নি বন্দরে এক সেতু প্রস্তুত হইতেছে। এই সেতুর কার্য সমাধা হইতে ছয় বৎসর সময় লাগিবে। ইহাতে প্রায় ৪০ লক্ষ পাউণ্ড ব্যয় হইবে। মিস্ কেথলিন বাটলার নারী জনৈক। রমণী এই পুলের ইঞ্জিনিয়ারের বিশ্বস্ত সেক্রেটারী। তিনি ইঞ্জিনিয়ারিং ব্যাপারের জটিল সমস্যাগুলির মীমাংসা করেন, নজা দেখেন, টেঙার লইয়া থাকেন। যখন এই সেতু নির্মাণের নজা ও এন্টিমেট প্রকৃতি করিবার জন্য অষ্ট্রেলিয়া হইতে লণ্ডনে একজন বিজ্ঞ লোক পাঠাইবার কথা উঠিল, তখন মিস্ বাটলারকেই উপযুক্ত মনে করা হইল। তিনি সম্প্রতি লণ্ডনে আসিয়া সেতু নির্মাণ-কার্যটির নজা ও এন্টিমেট তৈয়ারী করিতেছেন। —সঞ্জীবনী।

## বসন্তের প্রতিবেদক বিধি—

বসন্ত রোগের সময় লোকেরা যদি নিম্নলিখিত নিয়মগুলি পালন করেন, তাহা হইলে বসন্তের আক্রমণ হইতে অব্যাহত থাকিবেন—

(১) বসন্তের টিকা গ্রহণ যাহারা পূর্বে করিয়াছেন, তাহারা অবশ্য করিয়া পুনরায় টিকা লইবেন।

(২) প্রত্যহ ৮টা সরিষার তৈল সর্বদা উপভোগ করিবেন।

(৩) সর্বদা শুচিতাবে থাকিবেন। বাড়ীর সকল স্থান পরিষ্কার পরিচ্ছন্ন রাখিবেন। প্রত্যহ সকালে ও সন্ধ্যায় সকল ঘরে ধূলা দিবার ব্যবস্থা করিবেন। কখনও সরলা পরিচ্ছন্ন ব্যবহার করিবেন না।

(৪) গচা ও বাসী মাছ একেবারে খাইবেন না। তাহাড়া এ সময় মাছ খাওয়ার একেবারে তুলিয়া দিতে পারিলেই ভাল হয়। কই, শিমি, মাগুর এবং জোরাল মাছ এ সময় একেবারেই ত্যাগ করিবেন।

(৫) মাংস বা ডিম খাওয়া একেবারে বন্ধ করিবেন। বাহা প্রত্যহ খাইয়া থাকেন, তাহা তিন্ন পোলাও বা ঐরূপ গুরুপাক কোন দ্রব্য এ সময় খাইবেন না।

(৬) প্রত্যহ ভোজ্য দ্রব্যের সহিত দু একটা উচ্ছে এবং উহার বিচি ভাজিয়া খাওয়ার ব্যবস্থা করিবেন। পলুড এবং নিমপাতা জ্বালা খাওয়া এ সময় বিশেষ উপকারী। উচ্ছের হুলে করোলা হইলে আরও ভাল হয়।

(৭) দোকান হইতে দুধ কিনিয়া পান করা এ সময়ে কর্তব্য নহে। মৎস্য বা দুধ হইতে বসন্তের উৎপত্তি আরম্ভ হয়। এজন্য দুধ খাটি ও বিশুদ্ধ কিনা তাহা ভাল করিয়া জানিয়া ব্যবহার করিবেন।

(৮) দোকান হইতে তৈয়ারী চা কিনিয়া খাওয়া যাহারা অন্ত্যস্ত, তাহারা অত্যা করিয়া এ সময় উহা পরিত্যাগ করিবেন। ঐরূপ চা হইতেও ইহার সংক্রামকতা আসিতে পারে।

(৯) বাজারের খাবার সম্বন্ধেও বতটা পরিষ্কার করিতে পারা যায় ততটা মজল। ধিরেটোর বা বায়স্কোপ প্রকৃতি দেখিবার জন্য এ সময় একদিনও রাত্রি আগরণ করিবেন না।

(১০) হরীতকীর আঁচি ফুটা করিয়া হুতার সাহায্যে পুরু-ঘেরা দক্ষিণ হস্তে এবং মহিলাগণ বাম হস্তে ধারণ করিবেন। ইহা বসন্তের প্রতিবেদক ব্যবস্থা।

(১১) কাঁচা কটিকারীর মূল চার আনা, গোলমরিচ পাঁচটা একত্র শীতল জল সহ বাটিয়া সপ্তাহে দুই দিন করিয়া প্রাতঃকালে সেবন করিবেন। এ মাত্রা পূর্ণ বয়স্কের। শিশুদের মাত্রা ঐ অস্থায়ী বিবেচনা করিয়া লইবেন।

(১২) বেত পূর্ণঘার মূল চূর্ণ এক আনা ও গোলমরিচের গুঁড়া এক আনা শীতল জলসহ মধ্য মধ্য প্রাতঃকালে সেবন করিলে বসন্তের পীড়া হইতে পারে না।

(১৩) ভেলাকুচা, মাধবী লতা, অশোক, পাঁকড় ও বেতস এই কয়টি দ্রব্যের পাতার গুজন ১০/১০ আনা, জল আধসের, শেখ আধপোয়া করিয়া, প্রতি সপ্তাহে এক দিন করিয়া পান করিলে বসন্ত হইবে না।

(১৪) বৈকালে মোচার রস দ্বারা বেতচন্দন পেষণ করিয়া কিম্বা বাকসের রস অথবা বটি মধু পেষণ করিয়া সপ্তাহে দুই দিন পান করিবেন।

(১৫) হিকেশাকের রস মধ্য মধ্য পান করিলে বসন্তের

আক্রমণ হইতে রক্ষা পাওয়া বাইতে পারে। ইহা যেতখন  
স্বাভাবিক নিশাইয়া সেবনে কখনই বসন্তের আক্রমণ হইতে  
পারে না।

(১৬) নিম্ন ও বহুভাঙ্গার বীজ এবং হরিদ্রা শীতল জলে  
পেষণ করিয়া প্রতি সপ্তাহে পান করিলেও বসন্তের আক্রমণ  
হইতে রক্ষা পাওয়া যায়। ইহা প্রত্যহ ব্যবহার করিতে পারিলে  
আরও মঙ্গল।

—দৈনিক বহুমতী।

### পন্নীগ্রামের খাজী—

• পন্নীগ্রামের অশিক্ষিতা খাজী যে শিশুস্বত্বের অনেক সাহায্য  
করে এ কথা বোধ হয় নূতন করিয়া বলিতে হইবে না। এই  
শ্রেণীর খাজী সস্ত্র বসন্তরূপ। প্রসব করান'র বর্তমান বিজ্ঞানসম্মত  
উপায়তাহারা মোটেই অবগত নহে, ফলে প্রসবকালে অবৈজ্ঞানিক  
উপায় অবলম্বন করায় অনেক প্রসূতি অকালে বসন্তরূপের অতিষি  
হয়। এই সকল গ্রাম্যখাজী মাকাতা-আমলের উপায়ে এখনও  
প্রসব করায় এবং প্রসবের অব্যবহিত পরেই যে সকল কার্য  
করা উচিত তাহা তাহারা সেই পুরাতন নিয়মে করিয়া প্রসূতি ও  
সস্ত্র-জাত শিশুকে স্বত্বের দ্বারে উপস্থিত করে। পন্নীগ্রামে নাড়ী  
কাটা এক বিষম-ব্যাপার; বিজ্ঞানসম্মত উপায় অবলম্বন না  
করায় কত শিশু যে অকালে কালগ্রাসে পতিত হয় তাহার  
সংখ্যা করে কে? গ্রাম্য অশিক্ষিত খাজীরা প্রায়ই অপরিষ্কৃত  
চাঁচাড়া দ্বারা শিশুর নাড়ী কাটিয়া শিশুর জীবন সঙ্কটাপন্ন করিয়া  
তোলে। শিশুর নাড়ী কাটা ও স্ত্রী দিরা তাহা বীধিয়া রাখা

বড়ই সাবধানে করিতে হয়। এই বিষয়ে বহু গ্রহণ না করায়  
কত বিপদ যে ঘটয়াছে তাহা ডাক্তারগণ সবিশেষে  
অবগত আছেন। একখানা কাঁচি, একটু পরিষ্কৃত নেকড়া  
ও বিশুদ্ধ সূত্র নাড়ীকাটার সময় ব্যবহার করিলে বস্তুর অনেক  
শিশু রক্ষা পাইতে পারে। এই সামান্য বিষয়ে অবহেলার দরুণ  
কত পরিবারে যে শোকের পাথর উথিত হয় তাহা সকলেই অব-  
গত আছেন। গর্ভবতী নারীর উপর ইহাদের অত্যাচারের এক  
কত লোকের গৃহ যে শূন্য হয়, তাহা বলা বাহুল্য। প্রসব কালে  
এই অশিক্ষিত বর্কর খাজীরা যে অত্যাচার করে তাহা বর্ণনাতীত।  
অনেক ডাক্তার এই অত্যাচারের কাহিনী শুনিয়া শিহরিয়া উঠি-  
য়াছেন। সকল পন্নী-খাজীই যে এই শ্রেণীর এমন কথা আমরা  
বলিমা, উবে অধিকাংশই যে অবৈজ্ঞানিক উপায় অবলম্বন করিয়া  
প্রসব করাইয়া প্রসূতির জীবন সঙ্কটাপন্ন করে তাহা অস্বীকার  
করিবার কোন উপায় নাই।

এক্ষেত্রে বাহাতে উপযুক্ত খাজীর দ্বারা প্রসব করান ও নাড়ী  
কাটান হয় তদ্বিষয়ে বেশবাসীর বিশেষ দৃষ্টি রাখিবার সময়  
আসিয়াছে।

যে সে বাহাতে খাজীসাজিয়া গর্ভবতী স্ত্রীলোকদের সর্বনাশ  
সাধন না করিতে পারে তৎপ্রতি দৃষ্টি রাখা বিশেষ দরকার।  
পন্নীগ্রামের ইউনিয়ন ও জেলা বোর্ড যদি এই অতি প্রয়োজনীয়  
বিষয়ে দৃষ্টিপাত করে তবে পন্নীর শিশু ও প্রসূতি স্বত্বের দ্বার  
বে অনেক হ্রাস পাইবে, তাহা আমরা নিঃসন্দেহে বলিতে পারি।

—স্বাস্থ্য শাসন।

## খেলার শেষে

### শ্রীমতী আমোদিনী ঘোষ ।

জননী হ'য়ে স্তম্ভ দিলে, রাখিলে বুকে করি,  
পিতা হ'য়ে পালিলে পরম স্নেহে,  
ভ্রাতা হ'য়ে ভগ্নী হ'য়ে সৌখ্যে রাখি ঘিরি  
মিত্র হ'য়ে ঢালিলে মধু গেহে।  
গুরুর রূপে শিক্ষা দিলে অক্ষয়-বিভাগারে  
সেবক হ'য়ে করিলে স্নেহ সেবা,  
দয়িত হ'য়ে পরশমণির পরশে হিয়ার পুরে  
রচিলে বসি ইন্দ্রজাল কিবা!

বাহিয়া নিলে তরণী স্নেহ-সাগর সঙ্গমেতে  
.. 'অনমি' কোলে পুত্র কন্তা রূপে,  
কত না বেশে আসিলে কাছে অশ্রু হাঁসির স্রোতে  
ভুরিয়া মুঠি হরিয়া নিলে চুপে।  
সকল খেলা ফুরাল আজ চাতুরী ছল যত,  
দীপালী তব নিভিয়া হোল শেষ,  
বসিয়া আছি চাহিয়া পথ, নিপট ছল যত!  
আসিবে আজ ধরিয়া কোন বেশ?

## ফ্যাশন ও আধুনিক স্ত্রীশিক্ষা

শ্রীধীরেন্দ্রচন্দ্র মজুমদার বি-এল।

ফ্যাশন শব্দটা ইংরাজি শব্দ হইলেও বাংলায় বেশ চলিয়া গিয়াছে। তবে বাবুগিরি বলিলে ইহার অর্থটা আরও স্পষ্ট বুঝা যায়। ফ্যাশনই বলুন আর বাবুগিরিই বলুন, জিনিষটা আদবেই ভাল নয়,—পুরুষের পক্ষেও নয়, মেয়েদের পক্ষেও নয়। ফ্যাশন জিনিষটা পুরুষের পক্ষে যে কত দোষাবহ, তাহা বলিয়া শেষ করা যায় না। আমরা আজ মেয়েদের ফ্যাশন সম্বন্ধে দুই একটা আলোচনা করিব।

আধুনিক শিক্ষা ও সভ্যতার সঙ্গে ফ্যাশন জিনিষটার বেশ একটা গূঢ় সম্পর্ক আছে। আধুনিক স্ত্রীশিক্ষাও ইহার সংস্রব এড়াইতে পারে নাই। আমাদের দেশে স্ত্রীশিক্ষার বিকসে যে দু'চারটি যুক্তির অবতারণা করা হয়, তাহার মধ্যে একটি প্রধান যুক্তি বোধ হয় এই যে, লেখাপড়া শিখিলেই মেয়েরা বাবু হইয়া যায়, সুতরাং মেয়েদের লেখাপড়া শিখান উচিত নয়। এ কথাটার মধ্যে সত্য যতটা থাকুক কি নাই থাকুক, ঝাঁঝ তার চেয়ে অনেক বেশী আছে। তবে কথাটার ভিতর সত্য যে এতটুকুও নাই, তাহা বলিলে বোধ হয় সত্যের অপলাপ করা হয়। এ কথা একেবারে অস্বীকার করা যায় না যে, সাধারণ মেয়েদের চেয়ে অল্পপাঠে স্কুলকলেজে-যাওয়া মেয়েদের ভিতর বাবুগিরি ভাবটা একটু বেশী।

অনেকে বাবুগিরি বা ফ্যাশনের অত্যন্ত সঙ্গীর্ণ অর্থ করিয়া থাকেন। তাঁহাদের "মতে একটু ফিটফিট পরিষ্কার পরিচ্ছন্ন থাকাই বাবুগিরি, সুতরাং অত্যন্ত দোষাবহ। আমরা তাহা মনে করি না। পরিষ্কার পরিচ্ছন্ন থাকাই যদি বাবুগিরি হয়, তবে সে বাবুগিরি আমাদের মেয়েদের ভিতর যত বাড়ে, ততই মঙ্গল। কেন না, কি

স্ত্রী, কি পুরুষ, জাতি হিসাবে আমাদের মধ্যে যতগুলি দোষ আছে, অপরিষ্কার অপরিচ্ছন্নতাটা বোধ হয় তাঁর মধ্যে অন্ততম। আমাদের মেয়েরা যতই শুচি শুচি করুন না, পরিষ্কার পরিচ্ছন্নতা বিষয়ে তাঁহারা যে খুব উন্নত, তাহা বলিতে পারি না। ছোট একটা দৃষ্টান্ত দিতেছি। হিন্দুর মেয়েরা সাধারণতঃ স্নান না করিয়া হেঁসেলে প্রবেশ করেন না। কিন্তু যিনি থাক করিবেন, তিনি স্নান করিয়া কিরূপ "পরিষ্কার" একখানা কাপড় পরেন, তাহা বোধ হয় হিন্দু পাঠকপাঠিকা কাহাকেও বলিয়া দিতে হইবে না। "আমার বিশ্বাস শুচিতা বোধ হয় সেই কাপড় দেখিয়াই দূরে পলায়ন করে। স্বামী বিবেকানন্দ তাঁহার "প্রাচ্য ও পশ্চাত্য" নামক গ্রন্থে আমাদের এই তথাকথিত শুচিতা ও পরিচ্ছন্নতার একটি অতি সুন্দর চিত্র অঙ্কিত করিয়াছেন।

আধুনিক শিক্ষিতা মেয়েদের দ্বিতর সমসাময় এমন দুই একটি অভ্যাস দেখা যায়, যাহাকে বাস্তবিকই খাঁটি ফ্যাশন বা বাবুগিরি ছাড়া আর কোন সংজ্ঞাতেই অভিহিত করা যায় না। গকলেই যে একরূপ হয়, তাহা নয়; বরং প্রকৃত শিক্ষিতা বাহারা, তাহাদের অধিকাংশই একরূপ নয়। তবে কি জানেন, ফ্যাশন একটা রোগবিশেষ, শুধু রোগ নয়, সংক্রামক রোগ; একের দেখাদেখি অন্যের হয়। যে সকল মেয়ে স্কুল কলেজে যায়, তাহাদের একশ্রেণীতে দু'চারটি ফ্যাশনওয়াল মেয়ে থাকিলে, অধিকাংশের মধ্যেই সে ফ্যাশন সংক্রামিত হয়। ফ্যাশন অতি সাংঘাতিক রোগও বটে। একবার এ রোগে আক্রান্ত হইলে সহজে ইহার হাত হইতে মুক্তি পাওয়া দুষ্কর। ইহা যে সংসারে প্রবেশ করে সে সংসারের সুখশান্তি নষ্ট করে।

পূর্বেই বলিয়াছি বর্তমানের ফ্যাশন জিনিষটা



বিদেশীর আমদানী। অবশ্য ইহা যে আমাদের দেশেও বরাবর না ছিল, তাহা নয়, কিন্তু বোধ হয় এরূপ সাংঘাতিক ধরণের ছিল না। আধুনিক শিক্ষা ও সভ্যতার সঙ্গে সঙ্গে ইহা এরূপ মারাত্মক আকার ধারণ করিয়াছে।

আমাদের দেশের তথাকথিত উচ্চশ্রেণী ও নিম্নশ্রেণী, এবং তথাকথিত শিক্ষিতা ও অশিক্ষিতা মেয়েদের তুলনা করিলেই আমাদের কথার সত্যতা প্রমাণ হইবে। আমাদের দেশের তথাকথিত নিম্নশ্রেণী বা অশিক্ষিতা মহিলাদের প্রধান ফ্যাশনের বিষয় কি? অলঙ্কার : নানা প্রকার সোনারূপার অলঙ্কার দিয়া গা ঢাকিতে পারিলেই ইহারা ফ্যাশনের চূড়ান্ত মনে করিয়া গভীর আত্মতৃপ্তি লাভ করিয়া থাকেন। অলঙ্কারের ফ্যাশনটা তত মারাত্মক নয় এই কারণে যে, ইহাতে যে অর্থব্যয় করা হয়, তাহা একপক্ষে ঘরেই থাকিয়া যায়। বরং ইহা দ্বারা একটা সঞ্চয় করা হয়, বিপদে আপদে ঐ সকল অলঙ্কার সংসারের অনেক সাহায্যও করিয়া থাকে।

আর আমাদের দেশের তথাকথিত উচ্চশ্রেণী, বিশেষতঃ তথাকথিত শিক্ষিতা মহিলাদের ফ্যাশনের প্রধান বিষয় কি? আমাদের মনে হয় অলঙ্কার তত নয়, যত কাপড়, জামা, সাবান, এসেন্স প্রভৃতি। অত্যন্ত মিহি ও দামী দামী শাড়ী, ব্লাউজ, সেমিজ, জ্যাকেট প্রভৃতি পোষাকপরিচ্ছদ এবং সাবান, এসেন্স, পাউডার, ক্রীম প্রভৃতি বিবিধ টয়লেট বা অঙ্গরাগের সৃষ্টিই বোধ হয় তাঁহাদের প্রধান আকাঙ্ক্ষিত বস্তু। অর্থনৈতিক হিসাবে দেখিতে গেলে অলঙ্কারের জায় এই সকল দ্রব্যের কোন স্থায়ী মূল্য নাই; কিছুদিন ব্যবহার করিলে এসব দ্রব্যের কোনও মূল্য থাকে না। অথচ আজকাল এই সকল দ্রব্যে এক এক পরিবারের যে কত অর্থ ব্যয় হয়, তাহা, বাহারা পরিবারের কর্তা তাঁহারা ই বলিতে পারেন। বিশেষতঃ এই সকল জিনিষ অনেক সময় অধিকাংশই বিদেশী থাকে, সুতরাং ইহার দক্ষণ রাশি রাশি অর্থ আমাদের ঘর হইতে বিদেশে চলিয়া যায়।

অবশ্য, অলঙ্কারও যে এই সব মেয়েরা পছন্দ না করেন, তাহা নয়, খুবই করেন, তবে তাঁহাদের অলঙ্কার সাধারণ মেয়েদের জায় মোটা মোটা অনন্ত বালা জাতীয় হইলে বোধ হয় পছন্দসই হয় না; তাঁহাদের অলঙ্কার অতি সূক্ষ্ম কারুকার্যবচিত সূচিকণ হইলে ভাল হয়, অর্থাৎ অলঙ্কারের উপকরণের যত দাম না হউক, গঠন ও কারুকার্যের দাম তার চেয়ে অধিক হওয়া চাই।

ফ্যাশন জিনিষটা—যাঁরা ফ্যাশন দেখান, তাঁদের কাছে যত ভালই লাগুক না কেন, যাঁরা সেটা দেখেন, তাঁদের চোখে কিন্তু তত ভাল লাগে না। কবির রবীন্দ্রনাথ তাঁহার “আপান যাত্রীর পত্রে” আমাদের দেশের ফ্যাশনওয়ালী ও ফ্যাশনবর্জিতা মেয়েদের তুলনা করিয়া যে একটি সুন্দর আলেখ্য অঙ্কিত করিয়াছেন, তাহা বাস্তবিকই অতি মনোরম। তিনি লিখিয়াছেন, “আধুনিক বাঙ্গালীর ঘরে মাঝে মাঝে খুব ফ্যাশনওয়ালী মেয়ে দেখিতে পাই, তারা খুব গট্ গট্ করে চলে, খুব চট্‌পট্ করে ইংরাজি কয়, দেখে যস্ত একটা অভাব মনে বাজে,—মনে হয় ফ্যাশনটাকেই বড় করে দেখছি, বাঙ্গালীর মেয়েটিকে নয়; এমন সময় হঠাৎ ফ্যাশনবর্জিত সরল সুন্দর স্নিগ্ধ বাঙ্গালীঘরের কল্যাণীকে দেখলে তখনি বুঝতে পারি এত মরীচিকা নয়, সচ্ছ গভীর সরোবরের মত এর মধ্যে একটি তৃষ্ণাহরণ পূর্ণতা পদ্মবনের পাপড়ি নিয়ে টল টল করছে।”

বাস্তবিক, কি স্ত্রী, কি পুরুষ, ফ্যাশন জিনিষটা কাহারও পক্ষে শোভন নয়, কাহারও পক্ষেই সমর্থনযোগ্য নয়। আমরা জীশিকার বিরোধী নই, বরং একান্ত পক্ষপাতী। জীজাতির উন্নতি না হইলে আমাদের সামাজিক রাসনৈতিক কোন উন্নতিই সম্ভবপর নয়, ইহাই আমাদের ধারণা। দেশে জীশিকার যত অধিক প্রচলন হয়, জীশিকামূলক অহুষ্ঠান দেশে যত অধিক প্রবর্তিত হয়, ততই দেশের ও দেশের পক্ষে মঙ্গল। অশিক্ষিতা মেয়েরা সমাজের রক্ত, জাতির গৌরব। এ রক্তের সংখ্যা

দেশে যতই বর্জিত হইবে ততই দেশ গরীয়ান ও মহীয়ান হইয়া উঠিবে। প্রকৃত শিক্ষার সহিত ফ্যাশন বা বাবুগিরির কোন সংশ্বব নাই, বরং ধাহারা প্রকৃত শিক্ষিতা, তাঁহারা ইহাকে বিষবৎ পরিত্যাগ করেন। তবে প্রকৃত শিক্ষার স্থলে যেখানে অশিক্ষা বা কুশিক্ষা স্থান পায়, সেখানেই বিলাসিতা বা বাবুগিরির আধিক্য দেখা যায়। পাশ্চাত্য শিক্ষা ও সভ্যতার কঠোর ঔজ্জ্বল্যে প্রথমে অনেকের চক্ষুই ঝলসিয়া যায়, তাঁহারা পাশ্চাত্য শিক্ষার সারটুকু ফেলিয়া খোসাটুকু গ্রহণ করিয়া থাকেন। এ কথা শুধু মেয়েদের সম্বন্ধে নয়, পুরুষদের পক্ষেও সম্পূর্ণ প্রযোজ্য।

আমরা মেয়েদের পোষাক পরিচ্ছদ বা অলঙ্কার-পত্রের বিরোধী নই, তবে সেগুলি বিলাসিতাব্যঞ্জক না হইয়া যাহাতে আমাদের অবস্থার উপযোগী হয়, সেদিকেই আমাদের অধিক দৃষ্টি দেওয়া কর্তব্য। বাঙ্গালী অতি দরিদ্র জাতি। অধিকাংশ বাঙ্গালীরই আর্থিক অবস্থা অত্যন্ত শোচনীয়। অল্পসমস্তাই বাঙ্গালীর প্রধান সমস্যা। এক মুঠো অন্নের জন্ত আজ সমগ্র জাতিটা চারিদিক অন্ধকার দেখিতেছে। বাবুগিরি বিলাসিতায় অর্থব্যয় করা কি আমাদের অবস্থায় শোভা পায়? তাছাড়া আমাদের মেয়েদের ব্যবহারের জিনিষগুলি যাহাতে সম্ভবমত সমস্তই স্বদেশী হয়, সে বিষয়ে তাঁহাদের বিশেষ দৃষ্টি দেওয়া উচিত। একমাত্র মেয়েদের বিলাসোপকরণের জন্তই প্রতি বৎসর কত লক্ষ লক্ষ টাকা যে বিদেশে চলিয়া যায় তাহার ইয়ত্তা নাই। তাই কবি মনোমোহন চক্রবর্তী স্বদেশীযুগের আমলে একটি গানে লিখিয়াছিলেন,—

“বলিতে লজ্জা করে—প্রাণ বিদরে

বার লাখের কম হবে না—

পুঁতি কাঁচ বুঠা মুক্তা এই বাঙ্গালায়

দেয় বিদেশ, কেউ জানে না।

ঐ শুন বঙ্গমাতা, শুধান কথা—

“উঠ আমার যত কণ্ঠা ;

তোরা সব করিলে পণ, মায়ের এ ধন

বিদেশে উড়ে যাবে না।”

পোষাক পরিচ্ছদ সম্বন্ধেও সেই কথা। ‘মায়ের দেওয়া মেটা কাপড়’ যে শুধু পুরুষকেই ‘মাথায় তুলে নিতে হবে’ তাহা নয়, মায়ের আতকেও ‘সমান শ্রদ্ধাভরে গ্রহণ করিতে হইবে। মহাত্মা গান্ধীজী ভাষায় আমরা বলিতে চাই,—‘আমাদের দেশের মোটা খন্দর আমাদের মাতা ভগ্নিগণের লজ্জানিবারণ ও নীতাতপ দমন করিতে সম্পূর্ণ সমর্থ।’

আমাদের দেশের শিক্ষিতা মহিলাগণের উপর এক গভীর দায়িত্বভার রহিয়াছে। তাঁহারা নারী-সমাজের আদর্শ, তাঁহারা যেভাবে চলাফেরা করেন, সাধারণ মেয়েরা সেইরূপই অনুকরণ করিতে চেষ্টা করেন। তাঁহাদের চালচলন পোষাক পরিচ্ছদ যাহাতে সম্পূর্ণ ফ্যাশনবর্জিত ও সহজ সরল হয়, সে বিষয়ে তাঁহাদের বিশেষ দৃষ্টি রাখা একান্ত কর্তব্য। ‘ফ্যাশনওয়াল মেয়ে’ ‘যারা খুব গট গট করে চলে’ বা ‘চটপট করে ইংরাজি কর’ তারা কখনই আমাদের সমাজের আদর্শ হইতে পারে না; আমাদের সমাজের আদর্শ তাঁহারা হই ‘ধাহারা ফ্যাশনবর্জিত সরল সুন্দর স্নিগ্ধ বাঙ্গালী ঘরের কল্যাণী।’ এই সম্পর্কে ‘আদর্শ বঙ্গনারী’ সম্বন্ধে বাঙ্গালী কবির উক্তিটি বার বার মনে হয়—

“পাশ্চাত্য-ললনা সম বিদ্যাংবরণী

নহ তুমি ; নহে তব অব্যবহিত গতি

সবস্ত্র বিদ্যাং সম ; আদর্শ জননী,

সুভগিনী, গৃহলক্ষ্মী, তবু তুমি সতি !

নারীত্ব হয়েছে সখি দেবত্বে বিলীন,—

অধীন কথার কথা, তুমি গো স্বাধীন !”

# প্রত্যয়

( উপন্যাস )

শ্রীমতী প্রভাবতী দেবী সরস্বতী ।

[ পূর্ব প্রকাশিতের পর ]

( ১১ )

সরিত সমস্তদিন ধরিয়া ঠিক করিতে পারিল না সে অসীমদের বাড়ী যাইবে কিনা। একবার আত্মসম্মান জাগিয়া উঠিল। কেন সে যাইবে? অসীমের শরীর স্বস্থ থাকা সত্ত্বেও সে ষ্টেশনে আসিতে পারিল না, স্বধীরকে পাঠাইয়া নিশ্চিত হইল। সে নিজের বন্ধুর প্রতি ভালবাসা ভুলিয়া গেল। সরিতেই বা এমন কি মাথাব্যথা পড়িয়াছে যে সেই ভালবাসা মনে করিয়া রাখিতে যাইবে?

পরক্ষণে আবার ভাবিল বোধ হয় সাংসারিক গোলযোগের জন্তই সে আসিতে পারে নাই। তাহার মন খারাপ হইয়া আছে, কেমন করিয়া সে আসিবে?

সন্ধ্যাবেলা সে অসীমের বাড়ী যাইবার জন্ত প্রস্তুত হইয়া লইল। স্বধীর যে আসিবে বলিয়াছিল তাহার কথা একেবারেই সে ভুলিয়া গিয়াছিল। অসীমের কাছে আর কে? অসীমের জন্ত সে প্রাণ দিতেও প্রস্তুত।

সন্ধ্যার একটু আগে সে আয়নার সম্মুখে দাঁড়াইয়া চুল ফিরাইতেছিল, সেই সময় বাহির হইতে বিনীতা ডাকিল "দাদা।"

সরিত বলিল "কি? আয় ঘরে।"

বিনীতা গৃহে প্রবিষ্ট হইল।

সে অপরূপ স্নানরী। বয়স তাহার বোধ হয় আঠার উনিশ হইবে, তথাপি আজও সে অবিবাহিতা। যখন সরিত পাঁচ বৎসরের ও সে

ছয়মাসের তখন পিতামাতা উভয়েই প্রাণত্যাগ করেন। সংসারে এই দুটি ভাইবোনের আপনার বলিতে কেহ ছিল না। বিষয় সম্পত্তি কোর্ট অব ওয়ার্ডসের হাতে গেল, ভাই বোন দুটি পুরাতন দাসী কুম্বের নিকট লালিত পালিত হইতে লাগিল। বাস্তবিক এই দাসী তাহাদের মাতার স্নায় স্নেহ না করিলে তাহারা বাঁচিতে পারিত না।

দুটি ভাই বোনের সৌন্দর্য যেমন অতুলনীয়, হৃদয়ও তেমনি অতুলনীয় ছিল। সরিত নিজে কলিকাতায় গিয়া বোনকে বেথুন কলেজে পড়িতে দিয়া আসিল। যাহাতে সে উচ্চ শিক্ষা পায় তাহার দিকে তাহার কঠোর দৃষ্টি ছিল।

কুম্ব দুই একবার তাহার বিবাহের কথা ভুলিয়াছিল, কিন্তু সরিত তাহাকে বুঝাইয়া দিয়াছিল। ছোটবেলায় বিবাহ দিলে কি ফল হয়।

যখন বিনীতা ম্যাট্রিকুলেশন পাস দিয়া গৃহে ফিরিল, তখন সরিত তাহাকে জিজ্ঞাসা করিল "এখন কি করতে চাস বিনীতা, এখন তুমি বিয়ে করতে হবে তোকে?"

বিনীতা মাথা নাড়িয়া অত্যন্ত রাগের সহিত বলিয়াছিল "আমি বিয়ে করব না দাদা।"

সরিত বলিয়াছিল "ঠিক থাকতে পারবি তো? দেখ আগে বিবেচনা করে, তারপরে আমার বল। এরপরে খানিক দূর উঠে যদি পড়ে যাস, তাই আমার ভাবনা হচ্ছে।"

বিনীতা মুখ তুলিয়া দৃঢ়তার সহিত বলিয়াছিল “কিছু ভয় ক’রনা দাদা। আমি সকলের মা, পদস্থলন কখনও হবে না। তোমার পায়ে পড়ি দাদা, আমায় বিয়ে করবার অল্পরোধ ক’রনা। জোর করে যদি বিয়ে দাও, আমি ঠিক আত্মহত্যা করব।”

সরিত তাহার ছোট মুখখানা টানিয়া বুকের মধ্যে ধরিয়াছিল, তাহার চোখ দিয়া ঝর ঝর করিয়া জল ঝরিয়া বোনের মাথার উপরে পড়িয়াছিল। তাহার শিক্ষা দেওয়া সেদিন সার্থক হইয়াছিল। বিনীতার ললাটের চূর্ণ অক্ষকণ্ঠ সরাইয়া দিতে দিতে আনন্দপূর্ণ কণ্ঠে সে বলিয়াছিল “না-দিদি, আমি কখনও তোমার বিয়ে দেবার কথা মুখে পর্য্যন্ত আনব না। আমি দেশের কাজ করব বলে এগিয়েছি, তোকে কেন ঘরে রেখে যাব? আমার সঙ্গে সঙ্গে তোকোও যেতে হবে। ছুটি ভাই বোনে আমরা সকল বিপদ তুচ্ছ করে ভগবানের নাম নিয়ে এগিয়ে যাব। আজ হ’তে পবিত্র ব্রহ্মচর্য্য শিক্ষা কর তুই, যা একদিন আমাদের দেশে মেয়ে পুরুষ সন্ন্যাসী শিখত। আমিও শিখি, দেখি কে কতদূর এগিয়ে যেতে পারে। আত্মোৎসর্গ কার কত আগে হয় তাই দেখা চাই।”

বিনীতা তাহার কথা অক্ষরে অক্ষরে পালন করিয়া আসিতেছে। সে নিজে সকল প্রকার বিলাসিতা ছাড়িয়াছে। আগে চা না হইলে সে খা কিতে পারিত না, সে অভ্যাগণ জেদের বশে সে ছাড়িয়া দিয়াছে। সে ষথার্থই অগ্রসর হইয়াছে কিন্তু তাহার শিক্ষাগুরু দাদা অতদূর অগ্রসর হইতে পারে নাই।

বিনীতা গৃহমধ্যে প্রবেশ করিয়াই বলিয়া উঠিল “বাঃ দাদা, তুমি তো বেশ মামুষ। পড়ে কত কথা সিখেছিলে যে ওখানে গিয়ে কত গল্প শুনাব, এখানে এসে অথচ ডুমুরের ফুল হয়েছ। সমস্ত ছপুর ঘুমিয়ে কাটালে।” এখন আবার বেকবাব উদ্ভোগ করছ।”

সরিত বলিল “কাল সমস্ত রাত জেগে এসেছি—”

বিনীতা বলিল “এখন?”

সরিত বলিল “অসীমদের বাড়ী যাচ্ছি।”

বিনীতা বলিয়া উঠিল “তুমি তো অসীম অসীম কর, কই অসীম! তো একদিনও আমাদের খোঁজ নেয় না। সেদিন মার খুব জ্বর হ’ল, হরিকে বললুম অসীমদাকে ডেকে আন। অসীমদা এলো না, ডাক্তার পাঠিয়ে দিলে শুধু। এ কাজটা তো আর আমরা পারতুম না, তাই কিন্তু অসীমদা কর’লে!”

কুসুমকে তাহারা উভয়েই মা বলিয়া ডাকিত।

সরিত ব্রাস দিয়া জামা ঝাড়িতে ঝাড়িতে অন্তমনস্ক ভাবে বলিল “শুনলুম তাদের সব বিপদ আপদ যাচ্ছে। বোধ হয় সেই সমস্ত কারণে সে আসে না। যাই হোক, আজ বিজয়া দশমীর দিন,— ওই যাঃ বিনীতা, তুই আমায় প্রণাম ক’রলিনে তো?”

অপ্রস্তুত ভাবে বিনীতা তাড়াতাড়ি প্রণাম করিতে গেল। কথাটা তাহার মনেই ছিল না।

ভগিনীকে আশীর্বাদ করিয়া সরিত বলিল “বল দেখি, আমি কি আশীর্বাদ করলুম?”

বিনীতা হাসিমুখে বলিল “যেন এমনি ভাবেই মরতে পারি।”

সরিত হাসিয়া বলিল “দুঃ, তা কেন হবে? আমি আশীর্বাদ করলুম যেন শীগ্গির আমার একটা ভগ্নিপতি আসে।”

বিনীতা মুখ লাল করিয়া বলিয়া উঠিল “না, যাও দাদা, ও সব কিরকমের কথা, মোটেই পছন্দ করিনে আমি।”

সরিত হাসিটা চাপা দেবার চেষ্টা করিয়া বলিল “তুই বিয়ে না করবি বলে গেল, আমি ঠিক এবার বিয়ে করব দেখিস! একটা পাত্রী যা দেখে এসেছি, সত্যি যদি দেখিস।”

বিনীতা প্রথমটা ইঁা করিয়া চাহিয়া রহিল।



দাদা যে বিবাহের উপর কি রকম বিরক্ত তাহা সে জানিত। অনেকবার শূন্য গৃহে একা থাকিতে যখন তাহার বিরক্তি বোধ হইত, তখন সে ভাবিত একবার সরিতকে বিবাহ করিবার কথা বলিবে। আবার তখনি দেশের কথা মনে হইত। সেই যে পরের মেয়েটা আসিয়া তাহার দাদার উৎসাহপূর্ণ কর্মময় প্রাণটা একেবারে মাটি করিয়া দিবে, বোল আনাই দখল করিয়া লইবে এবং দুঃখিনী মাতা যে দীন নয়নে চাহিবেন ইহা তাহার অসম্ব।

আজ সে দেশের কথা ভুলিয়া গিয়া আনন্দের সঙ্গে বলিয়া উঠিল “সত্যি দাদা? তা হলে বল না আর্ঘ্য, আমি এই অজ্ঞান মাসেই সব ঠিক করে ফেলি।”

পরক্ষণেই সে সবেগে বলিয়া উঠিল “না, তুমি বিয়ে করতে পাবে না।”

সরিত বিস্মিত ভাব দেখাইয়া বলিল “কেন রে?”

বিনীতা তীব্র ভাব দেখাইয়া বলিল “বিয়ে করলে মানুষ চতুর্ভুজ হয় নাকি? সকলেই যদি সংসারী হবে, ত্যাগের দৃষ্টান্ত দেখাবে কে? তুমি বড়লোক, তুমি কতটা উপকার করতে পারবে দেশের; কিন্তু সংসার পাতিয়ে বসলে তুমি আর কি কোনও দিকে চাইবে? তখন তুমি সঞ্চয় করবে না বিতরণ করবে? আমি কখনো তোমায় বিয়ে করবার প্রস্তাবে মত দিতে পারব না।”

“সরিত ঘরে আছ?”

বলিতে বলিতে সুধীর একেবারে ঘরে ঢুকিয়া পড়িল। সন্মুখে বিনীতাকে দেখিয়া সে খতমত খাইয়া পিছনে সরিবার উপক্রম করিতেছিল। সরিত লাকাইয়া উঠিয়া তাহার হাত ধরিয়া টানিয়া আনিয়া বলিল “যাচ্ছ যে বড়? বিনীতাকে দেখে তোমার এতটা লজ্জিত হবার কোনও কারণ নেই। মুখে খুব লোকচারণ দিতে পার,—মেয়েদের অন্তঃপুরে বন্ধ হইলে থাকবার সময় নয়, তাদের বাইরে এসে তাইয়ের পাশে, ছেলের পাশে কাড়িয়ে কাজ করতে

হবে, সে সব কি লোক-দেখানো নাকি? এই আমার বোন বিনীতা। একে তোমার বোন বলেই ধরে নাও। বিনীতা, ইনি আমার বন্ধু, তোমার দাদা সুধীর বাবু।”

বিনীতা সুধীরের পায়ের ধূলা লইয়া একটু হাসিয়া বলিল “আজ মা বাবার সময় তাঁর একটা ছেলেকে দিয়ে গেলেন।”

সরিত সুধীরকে বসাইয়া নিজেও আর একখানা চেয়ারে বসিয়া পড়িল। বলিল “কোন ছেলেটাকে দিলেন? ছুটিতো মাত্র ছেলে তাঁর। এটি কার্তিক না গণেশ?”

বিনীতা সুধীরের পানে চাহিয়া বলিল “এ দেব-সেনাপতি কার্তিক। আমাদের মধ্যে যে সৈন্যগুলো রয়েছে তাদের চালনা করবার জন্তে সেনাপতির দরকার। সুধীর দা, আপনি দাদার ঠাট্টা শুনবেন না। দাদা ভারি বদমায়েস হয়েছে। তাই নিয়েই তো ঝগড়া হচ্ছে আমাদের।”

তাহার সরলতাপূর্ণ ব্যবহার দেখিয়া সুধীরের মনটাও সঙ্কোচের মাত্রা কাটাইয়া উঠিল। সে একটু হাসিয়া বলিল “সে আর্ঘ্য বেশ জানি। ঠাট্টা না হলে একদণ্ড সরিত থাকতে পারে না। শুধু আপনার কাছে বলে নয়—”

বাধা দিয়া বিনীতা বলিয়া উঠিল “ও কি! আমাকে ‘আপনি’ বলছেন কেন? আমি আপনার ছোট বোন যে, আমাকে দাদার মত তুই বলে কথা বলবেন। আমি সব চেয়ে ওইরকম সাদাসিধে কথাই ভালবাসি।”

বলিতে বলিতে আবার সে সুধীরের পায়ের ধূলা লইল, এবার সরিতের পায়ের ধূলাও লইল।

সরিত হাসিতে হাসিতে বলিল “আজ তোরা মাথাটা দেখছি মাটিতেই লুটোবে। কবার করে প্রণাম করলি বল দেখি? আরও এখনো কত লোককে প্রণাম করতে হবেখন হয় তো।”

বিনীতা উঠিয়া দাঁড়াইয়া বলিল “তাই তো চাই দাদা, আমার মাথা আজ বলে কেন, চিরকালই



মাটিতে লুটান' থাক। উচ্চ নীচ ভেদ না রেখে, জাতি বিচার না করে সকলের পায়ের তলে যেন মাথা পেতে দিতে পারি। আজ আমার হাতেখড়ি হয়ে থাক দাদা, আজ আমার হৃদয়ে মাতৃশক্তির প্রতিষ্ঠা হোক।”

তাহার কণ্ঠ রুদ্ধ হইয়া আসিল, বড় বড় চোখ দুইটা জলে ভরিয়া আসিল। তখন সে ভাব সামলাইয়া অপ্রস্তুত ভাবে হাসিয়া সে বলিল “যাই চা করতে বলিগে।”

ভাড়াভাড়ি সে চলিয়া গেল। তাহার দুর্ভাগ্যতা যে আজ এমন করিয়া প্রকাশিত হইয়া পড়িবে তাহা সে জানিত না, সেই অশ্রু ভারি লঙ্কিত হইয়া উঠিয়াছিল।

সরিত দরজার পানে চাহিয়া আবেগপূর্ণ কণ্ঠে বলিল “পাগলী।”

সুধীর বলিল “পাগলী নয় সরিত। যুথার্থ হৃদয় যদি কারও থাকে তবে তা আছে বিনীতার।”

সরিত একটা দীর্ঘনিশ্বাস ফেলিয়া বলিল “আমি ওর মধ্যে এমন একটা ভাব দেখতে পাই যা সকল মেয়ের মধ্যে ফুটে না। ভগবান ওকে যে শক্তিটা দিয়ে পাঠিয়েছেন তাতে ওর দ্বারা অনেক কাজ হতে পারবে। আমি এইটুকু ভেবে আনন্দ পাই যে আমি ওরই ভাই। আবার সময় সময় সংসারের দিক হতে যখন ওর দিকে চাই তখন বড় দুঃখ হয়। মনে ভাবি আমিই তো ওর জীবনটা এমন করে ভিন্ন পথে ঘুরিয়ে দিলুম। আমি নিজে যে পথেই যাইনা কেন, ওকেও কেন টেনে নিলুম? ছোটবেলায় যদি ওর অনেক মধ্যে আমার ভাবটা না ঢেলে দিতুম, তা হলে আজ বিনীতা এ সময়েই তো ব্রহ্মচারিণী হতে পারত না।”

উত্তেজিত ভাবে সুধীর বলিল “ঠিক ভাইয়ের কাজই করেছ তুমি। এবিষয়ে দিলে কি হতো জান? এতদিন ছুটি তিনটা সন্তানের মা হয়ে বিব্রত হয়ে পড়ত। তাদের দিকে চাইবে, না দেশের দিকে চাইবে? নিজের কথাই তখন মনে থাকত না।

তোমার মত যেদিন সকল ভাই হবে সেদিন দেশ যুথার্থ উন্নত হয়ে যাবে।”

সরিত একটু উৎসাহিত ভাবে বলিল “ভাইয়ের গুণ বেশী নেই। বোনের গুণ থাকাই হচ্ছে আসল কাজ। উপদেশ আমরা তো সব জায়গায় সকলের কাছেই ছড়াই। হাজার লোকের মধ্যে হয় তো একজন নেয়। মাটা যদি উর্ধ্বরা হয় বীজ ছড়ালেই গাছ হবে। বীজও চিরকাল আছে, ছড়াবার লোকও চিরকাল আছে, কথা হচ্ছে সেই মাটির উর্ধ্বতা আছে কিনা তাই দেখা। উর্ধ্বতা অসুর্ধ্বতা মাটিরই গুণ, আর কিছুর নয়। আজকাল অনেক ভাইই জেগেছে, কোন জাগছে কই? তারা ভাইয়ের কথা কান্নেই তুলবে না, তা আর অশ্রু কথা।”

সুধীর বিজ্ঞের তায় মাথা নাড়িয়া বলিল “সে কথা ঠিক।”

সরিত বলিল “আমি ঠাট্টা করে বলেছিলুম বিয়ে করব, এতে রাগ কত। বলে বিয়ে করলে তুমি কোনও কাজ করতে পারবে না।”

ভগিনীর স্বর্গীয় হৃদয়খানার কথা ভাবিয়া সে খানিক গম্ভীর হইয়া বসিয়া রহিল।

সুতী হরিচরণ দুই কাপ চাও দাসী মান্দা দুটা প্লেটে খাবার আনিয়া সম্মুখের টেবিলে রাখিল।

সরিত বলিল “আমি চা খাব না। তুমি সুখানি খেয়ে ফেল সুধীর।”

সুধীর হাত জোড় করিয়া বলিল “মাপ কর, আমরা পাড়াগাঁর ছেলে। ছুদিন সহরে এসে বাস করলেও টেবুটা সহরবাসীর উপযুক্ত করে গড়তে পারিনি। দেখতেই পাচ্ছ সাদান্নিদে বাইরের পোষাকগুলো, মনটাও তেমনি। আমাদের বাড়ীতে চায়ের পাট একেবারেই নেই।”

সরিত হরিচরণের পানে চাহিয়া বলিল “চা নিয়ে যা। প্রথম দুখ থাকে তো দুই কাপ ভরে নিয়ে আয়।”

সে চলিয়া গেল।

জলধাবার খাইতে খাইতে সুধীর বলিল “আর একটা খাস বিলাতি চলন বলছি, রাগ করো না যেন।”

সরিত হাসিয়া বলিল “বিলক্ষণ, রাগ করব কেন! তুমি যে আমার তুলগুলো ধরিয়ে দিচ্ছ এতে আমি ভারি কৃতজ্ঞ। দেখ আজ সারাদিন সিগারেট খাইনি আর বিলাতি পোষাকগুলোও ত্যাগ করেছি। আমার ঘরের চারিদিকে তাকিয়ে দেখ।”

সুধীর বলিল “তা দেখছি। কিন্তু এই যে চেয়ারে বসে টেবিলে খাওয়া এটা কোনও কালে বাঙ্গালীর অভ্যাস নয়। সোজাসৃজি মেঝে কাঁট দিয়ে আসন পেতে দেবে, বাঙ্গালীর ছেলে পা দুখানা গুটিয়ে বসে দেবতাকে আগে কিছু দিয়ে তারপরে নিজের পেটে দিবে। চেয়ার টেবিলগুলো নেহাৎ খাটি বিজাতীয় জিনিস। যদিও সভ্যতা বটে এটা, কিন্তু যদি দেশীয় ভাবটাই আগিয়ে তুলতে চাই, তবে এটাকেও সঙ্গে সঙ্গে বর্জন করা কৰ্তব্য।”

সরিত বলিল “নিশ্চয়ই। কাল আমি সববার করে ফেলব। কিন্তু একটা কথা বলি সুধীর, আমরা যে স্কলকলেজে পড়ি তার সমস্তটাই তো ইংরাজি, সমস্তটাই, তো বিদেশী : আমাদের তা হলে ইংরাজি পড়াটাও খারাপ ; সেটা দেশের জিনিস নয়।”

সুধীর মাথা নাড়িয়া বলিল “না তা হতে পারে না। বিজ্ঞা জাতির হোক বিজ্ঞাতির হোক সকলের কাছ হতেই জানতে পারা যায়। যখন ভারত শুধু ভারতবাসীরই ছিল, তাঁরাও গ্রীক ল্যাটিন প্রভৃতি পড়েছিলেন। দেশের পক্ষে বিজ্ঞা শেখার এখন খুবই দরকার, কারণ একে তার ছারাই উন্নত করা যাবে; আমরা তা বলে বিলাসিতা গ্রহণ করব কেন? নানা দেশের সঙ্গে সংস্রব রাখব নিজদের উন্নতির জন্তে। তাদের ভাষা নেব, কিন্তু বিলাসিতা নেব না। আমরা যে বিলাসিতার জন্তে নই এটা মনে রাখতে হবে। আমরা যে ভিক্ষুক, আমাদের বিলাসিতা সাজবে কেন? অল্প দেশ, মানে ইউরোপ, যার সভ্যতা, যার বিলাসিতা আমাদের

অন্ধ করে তুলেছে, সে রাণী যে; তার ছেলেরা নিজদের ধন, বল, বিজ্ঞা দিয়ে তাকে অগতের মধ্যে সব চেয়ে উন্নত করেছে। তারা কাজ করে নিয়ে বিলাসিতা করছে। আমরা কি নিয়ে করতে যাব? আমাদের বল নেই, বিজ্ঞা নেই, ধন নেই। আমাদের যা চিরদিনই এমনি নতমুখে থাকবেন, আর আমরা ভিক্ষা করে বিলাসিতা করব?”

খুব উত্তেজিত ভাবেই সে কথাগুলো বলিতেছিল। বিনীতা আসিতে আসিতে তাহার উত্তেজনাপূর্ণ কথাগুলি শুনিয়া হলে দাঁড়াইয়াছিল। আনন্দে তাহার হৃদয়টা ভরিয়া উঠিতেছিল। হাঁ, এই তো যথার্থ মানুষ। আজ ডি, এল, রায়ের “আবার তোরা মানুষ হ”, গানটা তাহার মনে পড়িয়া গেল। কবির গাঁথা সার্থক হইয়াছে, অনেক ছেলে আজ যথার্থ মানুষ বলিয়া গর্জ অসম্ভব করিতেছে।

সরিত কি বলিতে যাঁহিতেছিল, বিনীতা ঘরে প্রবেশ করিতেই সে খান্নিয়া গেল। বিনীতা সুধীরকে লক্ষ্য করিয়া বলিল “আপনি ঠিক কথা বলেছেন সুধীর দা। আমাদের মাকে জাগাবার, উন্নত করবার একটা মাত্র জিনিস আছে, সেটা বিলাসিতা ত্যাগ করা, কঠোরভাবে ব্রহ্মচর্যের মধ্য দিয়ে নিজেকে এগিয়ে নিয়ে যাওয়া। আমাদের সাধনা করতে হবে, দেবতার সহায়তা নিতে হবে। আমাদের উচ্চ, নীচ, জাতি, বিজ্ঞাতি সব তুলতে হবে। এই যে আমরা কোটা কোটা সন্তান একই মায়ের বুকে রয়েছি, একই মায়ের দেওয়া অন্ন জল যে আমাদের ক্ষুধাতৃষ্ণা দূর করেছে, তবু পরস্পর থেকে কত দূরে রয়েছি আমরা। অল্প জাতির কথা ছেড়ে দেই, এই হিন্দুর মধ্যেই যে কত এমন জাতি রয়েছে, যাদের স্পর্শ করতে আমরা যুগা, বোধ করি। এই অস্পৃশ জাতি সকলকে একই কেশ্রে এনে ফেলতে হবে। তাদের মধ্যে যে দীনতা ভেগে আছে, তা দূর করে দিতে হবে, তাদের জানাতে হবে তারা অস্পৃশ নয়, তারাও আমাদের ভাই-বোন। আমাদের এগিয়ে যেতেই হবে, পিছিয়ে

গেলে চলবে না। হিন্দু মুসলমান কোনও ভেদ আমরা রাখব না। এক কেন্দ্রে সকলের হাত ধরে দাঁড়াব, একই হৃদয় নিয়ে, একই বাসনা নিয়ে কাজ করতে হবে। চাই কেবল সাধনা, চাই এখন একাগ্রতা, কি বলুন স্বধীর দা ?”

স্বধীর যেন স্বপ্নে দেবীর আদেশ শুনিতেছিল। যে মুহূর্তে সে স্বধীরের মত জানিতে চাহিল, উৎসুকনেত্রে তাহার পানে চাহিল, সেই মুহূর্তে সে নিজের জ্ঞান ফিরিয়া পাইল।

তাহার উত্তরের অপেক্ষা না করিয়াই বিনীতা বলিল “চা খেলে না যে দাদা ?”

সরিত একটু খামিয়া বলিল “এত লেকচার শুনলে আর কি চা খেতে ইচ্ছে করে দিদি ? এবার তোর দাদা ভারতের খাঁটি ছেলে হবার জন্তে চেষ্টা করবে। তোর মত বোন যার, সে কি কখনও অলস হয়ে থাকতে পারে পাগলী ?”

সঙ্কুচিত হইয়া বিনীতা বলিল “যাও, বোকনা বেশী।”

রক্তাভ অক্ষয়িমা তাহার গণ্ড দুটিতে ফুটিয়া উঠিল। স্বধীর বিমুগ্ধনেত্রে তাহার পানে

চাহিয়া ছিল। যাহার হৃদয় এত উন্নত সে আবার এতটা লক্ষ্যও পাইতে পারে ইহা ভাবিতে তাহার হৃদয় পুলকে পূর্ণ হইয়া উঠিল।

বিনীতা চলিয়া যাইতেছিল। দরজা পর্যন্ত গিয়া হঠাৎ ফিরিয়া বলিল “গেলে না দাদা অসীমদার বাড়ীতে ?”

সরিত আহার শেষে হাত মুখ ধুইয়া তোয়ালেতে হাত মুখ মুছিতে মুছিতে বলিল “না, আজ আর যাব না।”

বিনীতা ছটামীর হাসি হাসিয়া বলিল “বিজয়ার প্রণামের বদলে যে খাবারগুলো পেতে, কাল আর তা পাচ্ছনা, এ আমি ঠিক বলে দিচ্ছি।”

বেহারী তখন আলো আনিয়া টেবিলে রাখিয়া গেল। হঠাৎ চোখে আলো লাগায় সরিত হাত দিয়া আলোটাকে আড়াল করিয়া হাসিয়া বলিল “খাবারের জন্তে আমার তো আর সোয়ান্তি হবে না। সারারাত দেখছি ঘুমোতেই পারব না।”

বিনীতা হাসিতে হাসিতে চলিয়া গেল। তাহার তখন উপাসনার সময় হইয়াছিল, দাঁড়াইয়া কথা কহিবার অবকাশ ছিল না। (ক্রমশঃ)

### শ্রীকটিকচন্দ্র বন্দ্যোপাধ্যায় ।

কঙ্কণ-ঝঙ্কার শুনি উঠিল চমকি,  
সায়াক্ষের রক্তরেখা ওঠে ঝকমকি  
বধুর সীমন্ত-প্রান্তে সিঁচুর ফোঁটায়  
পল্লী-পথে ছায়াচ্ছন্ন বিটপি-তলায় ।  
কঙ্কের কলস-বারি করে ছল্ ছল্,  
কহে যেন সীমন্তিনী—‘চল ঘরে চল,  
দিতে হবে প্রদীপ যে তুলসীতলায়,  
বাজাতে হইবে শব্দ গৃহ-আজিনায় ।’  
মেশে-মুপূরের স্বর জল-কলরবে,  
মোহিত হইয়া সন্ধ্যা শুনিছে নীরবে

সে মধুর স্বরধারা, ব্যাকুল পবন  
মাঝে মাঝে ঘোমটাকে করে উন্মোচন ।  
পলকের তরে হেরি হিমবিন্দু সম  
নোলকশোভিত মুখখানি অহুর্পম ।  
নিমিষে লুকায় মুখ ঘোমটা আড়ালে  
ঢাকে যেন চক্রমায় ঘন মেঘজালে ।  
হেরিছ কোমলাঙ্গুলি পুষ্প-কলি সম,  
স্বনিপুণ গৃহ শিল্পে যাহা নিরূপম ;  
লক্ষীর আসন রচে কুটীরে কুটীরে,  
রাখে বাধি গেহতলে নন্দনের শ্রীরে ।

## স্বীজাতির স্বাস্থ্যগতির প্রয়োজনীয়তা

ডাঃ সূধাংশুমোহন দেব ।

বাঙ্গলার সৌভাগ্যগগন চতুর্দিক দিয়াই কুম্বাসাচ্ছন্ন। অলস পরাবলম্বী এ বঙ্গবাসী বিশেষতঃ বাঙ্গালীজাতি, দিন দিনই ধ্বংসের পথে অগ্রসর হইতেছে, একবার ফিরিয়াও দেখিতেছে না অধঃপতনের পথে কতদূর অগ্রসর হইল। নব্য-সভ্যতাভিম্বানী নরনারীগণ আজ যে শ্রোতে গা ঢালিয়া দিয়া নিজের অনিষ্ট টানিয়া লইতেছে, সেই পাশ্চাত্য বিলাস-বস্ত্রা, আমাদের অস্থিমজ্জা পর্য্যন্ত জর জর করিয়া তুলিতেছে। স্বাস্থ্য, বল, বীর্য, সুখ, সৌভাগ্য, সম্পদ আমাদের সব গেল এই বিলাসশ্রোতে ডাসিয়া। যে জাতি একদিন মাহুয বলিয়া গর্ভ করিতে পারিত, তাহারা আজ কু-অনুকরণশীল, কলের পুতুল। সেই জাতিরই সন্তান আজ দুর্বল মস্তিষ্ক, স্নায়বীয় রোগে জীর্ণ শীর্ণ।

আমরা একটু আধটু ছেলের স্বাস্থ্যের দিকে দেখি, কিন্তু মেয়ের স্বাস্থ্যের দিকে ফিরিয়াও তাকাই না। সুস্থকায়, বলিষ্ঠ, বুদ্ধিমান ছেলে পাইতে হইলে যে সুস্থকায়, বলিষ্ঠা স্বীজাতির আবশ্যক তাহা আমরা একবার ভাবিয়াও দেখিতেছি না। স্বীজাতির স্বাস্থ্য রক্ষার উপায় সর্বাগ্রে করিতে হইবে, নচেৎ সন্তান যে দুর্বল ও কীর্ণজীবী হইবে তাহাতে বিন্দুমাত্র সন্দেহ নাই। পিতার বীজে সন্তানের জন্ম হয় বটে, কিন্তু মাতার শোণিতের সারাংশ দিয়া সেই বীজ পুষ্ট হইয়া থাকে।

আমরা ছেলেমেয়ের বিবাহ দিবার অল্প ব্যগ্র হই, কিন্তু তাহাদের স্বাস্থ্যের দিকে বিন্দুমাত্র দৃষ্টি করি না। মেয়ে কখন দুর্বল এমন কি স্পর্শ-সংক্রামক সাংঘাতিক রোগাক্রান্ত হইলেও তাহাকে

বিবাহ দিতেই হইবে, নচেৎ মহাপাপ! এ কুপ্রথা যেদিন পাপ নামে অভিহিত হইবে, সেই দিন বাঙ্গলার কতকটা শান্তি! অজ্ঞানতায় হিন্দু-সমাজ আজ সকলের নিয়ে—সকলের পিছনে!

আবার যদি সেই সুস্থ সবল বাঙ্গালী দেখিতে চাই, তবে মাতৃজাতি গঠনের দিকে মনোনিবেশ করিতে হইবে, তাহা হইলেই সোণার বাঙ্গলা আবার সুপুত্রের মাতা হইয়া শ্মশান-বাঙ্গলাকে শান্তি-নিকেতন করিয়া তুলিবে। পাশ্চাত্যের অনুকরণে নিজকে কত নীচে টানিয়া আনিয়াছি, তাহা একবার ভাবিলেই বোঝা যায়। কখন হইলেই তাহাকে বিলাস বস্ত্রায় ভাসাইয়া দিয়া মোমের পুতুল গড়িয়া তুলি। ছেলেকে বলিষ্ঠ, কর্তব্যপরায়ণ, বিলাস-শূন্য করিয়া গড়িতে চেষ্টা করি কিন্তু মেয়েকে গড়িবার দিকে আদৌ নজর করি না; ফলে দিন দিন বলিষ্ঠা রমণীর অভাব হইতেছে এবং কখন দুর্বল মানব শ্রোতে বাঙ্গলা প্রেতের আবাস ভূমিতে পরিণত হইতেছে। মেয়েদের স্বাস্থ্য এবং শিক্ষার দিকে না চাহিয়া কেবল ছেলেদের গঠনেই সব কিছু করিতে। যাইয়া আমরা বড়ই ভুল করিতেছি। যদি ছেলে মেয়ে সমান ভাবে গড়িয়া তুলিতে পারি তবেই এ দেশের উন্নতি হইবার সম্ভাবনা।

একদিন ছিল,—সেদিন গিয়াছে,—যেদিন সুস্থ বলিষ্ঠা হিন্দুরমণীগণ প্রভাতে উঠিয়া নিজ হস্তে আদিনায় গোবর ছড়া দিতেন, উঠান ঘর কাঁট দিতেন; সমস্ত গৃহ কর্তব্য সারিয়া স্বহস্তে রন্ধন করিয়া স্বামী পুত্র পরিজনদিগকে খাওয়াইয়া নিজেরা আহার করিতেন। বিপ্রহরে অস্ত্রান্ত্র ধায়া সাংসারিক কাজ তাহা সারিয়া সন্ধ্যায় সমস্ত উঠান ঘর পুনরায় কাঁট

দিয়া ঘরে ও তুলসীমঞ্চ প্রদীপ ও ধূপধূনা দিতেন; এবং পূর্ববৎ রাত্রিতে স্বামী ও পুত্রকে খাওয়াইয়া নিজেরা আহার করিতেন। গৃহস্থিত পরিজনবর্গের সেবাই ছিল কুললক্ষ্মীদের প্রধান কর্তব্য। তাঁহাদের পরণে একখানি হাতে-কাটা সূতার লালপেড়ে শাড়ী, কপালে একটা বড় সিন্দুরের ফোঁটা ও হাতে সামান্য ছুইগাছি শাঁখা থাকিত। এমন সেমিজ, ব্লাউজ, অ্যাকেট, সায়া, এমন সুবাসিত তৈল, এসেন্স, আলতা এবং অন্যান্য বিলাসোপযোগী জিনিষ তাঁহারা সৌন্দর্য বাড়াইতে ব্যবহার করিতেন না। কিন্তু তাঁহারা কেমন দেখাইতেন? প্রকৃতির-দেওয়া সৌন্দর্যে তাঁহাদিগকে বড়ই সুন্দর দেখাইত। এখানকার মেয়েরা সে সৌন্দর্য চাকিয়া দিয়া পরী সাজিতে বসিয়া সং সাজিয়াছেন। নিজের দুর্বলতা ঢাকিবার জন্য নাটক নভেল পড়া আর শুইয়া বসিয়া স্বাস্থ্য নষ্ট করাই হইতেছে এখন অধিকাংশ ডব্র ঘরের রমণীগণের একপ্রকার কর্তব্য। তাহারা একদিন কর্তব্য-কর্ম পুরুষ জাতিকে পর্যাস্ত পরাজিত করিয়াছেন, তাহারাই এখন অলসতায় সকলের উচ্ছে,—এ কি কম দুর্দশার কথা! মা ছেলেকে স্তন-দুগ্ধ দিতে পর্যাস্ত অনিচ্ছা করিয়াছেন, ইহাও শুনিয়াছি। হায় রে! বিলাস, তুমি কি জিনিষ! স্বর্গকেও নরক করিয়া তুলিতে পার। রমণীগণ যদি নিজেরা যথাসম্ভব সাংসারিক কার্য করেন এবং সংসারের অবস্থা বুঝিয়া চাকরচাকরাণী

ধারা করাইয়া লন তবে একদিকে যেমন অজ্ঞানি সঞ্চালন ধারা স্বাস্থ্যের প্রতি হয়, তেমনি অন্য দিকে আর্থিকও অনেকটা সুবিধা হয়; একদিকে যেমন পাচকের হাতের, অখাত, অর্ধ সিদ্ধ, অপরিষ্কার অপরিচ্ছন্ন, ঘর্ষাদি মিশ্রিত খাত খাইয়া অজীর্ণে ভুগিতে হয় না, অন্যদিকে তেমনি তাহাদের দূষিত সংক্রামক রোগের বীজও আমাদের দেহে আসিতে পারে না। জীবাতির অলসতায় অনেকে এই প্রকার অজীর্ণ ও বহুবিধ রোগে ভুগিতেছেন। তাহাদের উপর আমাদের ভালমন্দের এতটা নির্ভর করে তাঁহাদের স্বাস্থ্যের প্রতি দিকে আমাদের বিন্দুমাত্র দৃষ্টি নাই। অনেক ভাবেন ফুলে পড়াইলে ও গান বাজনা শিখাইলেই কর্তব্য শেষ হইল। কিন্তু হায় আধুনিক ফুল কলেজ যে বিলাস বিলাসিনী গড়িবার প্রধান কল, তাহা একটিকারও ভাবিয়া দেখেন না।

নিয়ন্ত্রণের দিকে চাহিলে দেখি ফুলি-মন্দিরের রমণীগণ কেমন বলিষ্ঠা, দিবারাত্র পরিশ্রম করিতেছে তবুও তাহাদিগের অস্থখ বিস্থখ নাই, জীর্ণোগও নাই বলিলেই চলে। যে ছুই একজন ভ্রোগে তাহা কেবল অল্পবয়স্কদের অর্ভাবে। দেশের উন্নতি শুধু ছেলেদের দিকে তাকাইলেই হইবে না, মেয়েদের দিকেও সমানভাবে লক্ষ্য করিতে হইবে। আজ জাতি-গঠনের পূর্বে শক্তিময়ী মা গৃহস্থের দিকে দেশের বিশেষভাবে মন দেওয়া উচিত।



## রন্ধন-বিদ্যা

“ব্যাংয়ের ছাতার কালিয়া”.

শ্রীমতী পুষ্পকুম্ভলা রায় ।

বক্তব্য :—ব্যাংয়ের ছাতা ( হাঁসা ওল ) নানান স্থানে বিভিন্ন ঋতুতে বিভিন্ন রকমের জন্মিয়া থাকে । এই ছাতার ( ওলের ) অনেক রকমের রান্না হইয়া থাকে । বেলা ওল—এই ওল বিকাল হইতে হইতেই ফোটে, ক্ষুদি ওল—এই ওল সাদা ধপধপে ও খুব ছোট হয়, যে জায়গায় ফোটে মনে হয় যেন শেফালী ফুল ফুটিয়াছে । এই সব ছোট জাতের ওলগুলির শুকতো খুব ভাল হয় । ঝড়ের গাদায় যে এক রকম ওল জন্মে সে ওল অতি উপাদেয়, সে ওল পাওয়াও যায় খুব কম । আমাদের চট্টগ্রামের মুসলমানেরা ছাতা ( ওল ) জিনিষটা খায় না । তবে তাহারা যখন এ জিনিষটা পায় তখন নষ্ট হইতে দেয় না, হিন্দুদের ঘরে দিয়া পরমানন্দ অর্জিত করে ; হিন্দুরাও তাহাদের ধন্যবাদ দিয়া খাইয়া তৃপ্তি অর্জিত করেন । হাঁসা ওলের ‘কালিয়া’ ভাল হয়, অন্য ওলের তা হয় না ।

উপাদান :—ব্যাংয়ের ছাতা ( হাঁসা ওল ), আলু, ঘি, তৈল, হলুদ, জিরা, মরিচ, ধনে, লকা, তেজপাতা, লবণ, গরম মসলা ।

ব্যাংয়ের ছাতাকে ( হাঁসা ওলকে ) পছন্দ অমুখ্যায়ী কাটিয়া সিদ্ধ করিতে দিয়া অন্ত কাঙ্গুলি করা, যাইবে । কারণ এ জিনিষটা সিদ্ধ হইতে অনেক সময় লাগে, সহজে সিদ্ধ হইতে চায় না । সিদ্ধ করিতে দিয়া আলুগুলি ছাড়াইয়া ছাতা-গুলি যে অবস্থায় কাটা হইয়াছে তদনুরূপ কাটিয়া লইতে হইবে । হলুদ, জিরা, মরিচ, ধনে,

লকাগুলি পরিমাণ মত বাটিয়া আলাদা আলাদা পাত্রে রাখিতে হইবে । ব্যাংয়ের ছাতা খুব ভালরূপ সিদ্ধ করিয়া যখন দেখিবে খুব নরম হইয়াছে তখন সিদ্ধ জলগুলি নিংড়াইয়া ফেলিয়া দিয়া আলাদা পাত্রে রাখিতে হইবে ।

পাক প্রণালী :- প্রথমতঃ কড়াতে তৈল চাপাইয়া আলুগুলি ভাজিয়া লইতে হইবে । আলুগুলি ভাজা হইয়া গেলে ছাতাগুলিকে ভাজিতে হইবে । ভাজার কাজ হইয়া গেলে আলাদা পাত্রে রাখিতে হইবে । তৎপরে কড়াতে তৈল চাপাইয়া দিয়া, তৈলে কয়েকটা তেজপাতা দিয়া হলুদ, জিরা মরিচ, ধনে, ও লকা বাটা কালিয়ার অমুখ্যায়ী তাহাতে দিয়া সামান্ত নাড়িয়া ছাতা ও আলু ভাজাগুলি দিতে হইবে । পরে সামান্ত জল ছিটা দিয়া খুন্নির সাহায্যে নাড়িতে হইবে । যখন দেখিবে যে খুব ভালরূপ ভাজা হইয়া উঠিয়াছে তখন পরিমাণ মত জল দিয়া সিদ্ধ করিতে হইবে । এমন ভাবে, জল দিতে হইবে যাহাতে সুসিদ্ধ হইয়া গেলেও একটু একটু রস থাকে । যখন দেখিবে জল ফুটিয়া উঠিয়াছে তখন মাপামুখ্যায়ী লবণ দিবে । নাগাইবার পূর্বমুহুর্তে গরম মসলাগুলি বাটিয়া ঘিএর সঙ্গে মিশাইয়া কালিয়ার মধ্যে দিয়া নামাইয়া ভালরূপ ঢাকনার সাহায্যে বন্ধ করিয়া দিলেই “ব্যাংয়ের ছাতার ( হাঁসা ওলের ) কালিয়া” তৈয়ার হইল ।

\* চট্টগ্রামের গ্রাম্য ভাষায় এই ব্যাংয়ের ছাতাকে “হাঁসা ওল” বলে ।

# জয়ী

(কথিকা)

শ্রীসত্যেন্দ্রকুমার গুপ্ত ।

পুঞ্জীভূত বেদনাপূর্ণ অলস উদ্দেশ্যবিহীন জীবন-  
খানি লইয়া আমি ত অক্লেশেই দিনের পর দিন  
রাতের পর রাত কাটাইয়া দিতেছিলাম, তবে ?...  
ওগো আমার জীর্ণ সকল অধিকার-হারা হীন  
জীবনের একমাত্র দেবতা, কোথায় তোমার সেই  
অভয়বাণী, যাহার মৃদু বাক্যে একদিন আপনাকে  
ভুলিয়া, অগত ভুলিয়া, সর্বস্ব ছাড়িয়া তোমার কাছে  
ছুটিয়া আসিয়াছিলাম ? আজ কি নিমিষের ভুলে  
সে সব ব্যর্থতার কালো অন্ধকারে ডুবিয়া যাইবে ?  
...আঃ, বেশ সুন্দর রাধি তো !

—ওই দূর কালো আকাশের বুকে, হাজার হাজার  
নক্ষত্রবধূর দীপচক্ষু অলিয়া উঠিয়াছে, ওই তাহাদের  
সদ-স্বধ-তরে চন্দ্রমার পরিষ্কৃত আননখানি আকাশের  
কোলে ভাসিয়া উঠিয়াছে, কিন্তু এ কি বেদনা, এ কি  
যন্ত্রণা তুমি আমার অন্তরে আগাইয়া দিলে প্রভু !.....  
দেবতা আমার, ফিরে এস, ফিরে এস আজ, অন্তরের  
সমস্ত তন্ত্রীগুলো আজ তোমায় সাদর অভ্যর্থনা  
করিবার জন্য মোচড় খাইয়া উঠিতেছে ।.....

—ভিজ্জে হাওয়ায় থেকে থেকে  
কোনু সাধী মোর যায় যে ডেকে  
একলা দিনের বুকের মাঝে

—ব্যথার তুফান তোলে !

এ কি মর্শাস্তিক যাতনা গো ! বুকের মাঝে কে  
আজ অমন নির্দম ভাবে ব্যথার তুফান উঠাইতেছ !  
দগ্ধিত আমার, আজ সকল ভুলিয়া আবার ফিরিয়া  
এস গো ।...

মনে পড়ে দেবতা আমার, সেই বাদল-সিক্ত  
মৌন নিশিথের কথা ! গোপন চিত্তের বারতা  
দিয়া আকাশ হইতে ঝর ঝর ধারে কাহার চির-

সঞ্চিত অশ্রুজল ঝরিয়া পড়িতেছিল, চারিদিকে  
স্বচীক্লেস্ত অন্ধকার পাগল হাওয়ার ঘাতপ্রতিঘাতে  
শিহরিয়া উঠিতেছিল ; সেই দিন—ওগো সেই ক্ষুণ্ণ  
আমার এ দুঃখপূর্ণ জীবন-নাটিকার প্রথম অঙ্ক শুরু  
হইয়াছিল, তাহার পর,—বাণী নয় ! কোন বিরহী  
তুমি এই নীরব রাতে আপনার সমস্ত আবেগ বাণীর  
স্বরে ঢালিয়া দিতেছ গো ?

গদি মরমে লুকায়ে রবে, হৃদয়ে শুকায়ে যাবে  
কেন প্রাণভরা আশা দিলে গো !

তব চরণ শরণ তরে, এত ব্যাকুলতা ভরে  
কেন ধাই— যদি নাহি মিলে গো !

ধামাও, ধামাও তোমার ও স্বর, ওগো মত্ত  
পথিক ; উহার এক একটা বাক্য আসিয়া হৃদয়ের  
সমস্ত তারগুলোকে ছিঁড়িয়া দিতেছে যে গো !  
কান্ত হও ওগো আশ্রু-ভোলা বিরহী পথিক !... আঃ  
বেশ বাজাইতেছে ত !—

\* \* \*  
তবে সকলি কি অর্থহীন,

শূন্যে শূন্যে হবে লীন,

—তবে কেন সে গীত সাজলে গো !

জীবন-মৃত্যুর তীরে দাঁড়াইয়া এই যে একদিন  
পল পল ধরিয়া তোমার মুখের দিকে তাকাইয়া  
আছি, সে চাওয়া কি ব্যর্থ হইবে, 'ওগো দেবতা  
আমার ?.....

ইা, তারপর ! সেই যে ক্ষুদ্র এক নিশীথরাতে  
সমস্ত ভুলিয়া আপনার ক্ষুদ্র জীবনটী তোমার পায়ে  
ঢালিয়া দিলাম—কি সে সাধনাবাণী তোমার মুখ  
দিয়া বাহির হইয়াছিল মনে পড়ে, প্রভু ?.....  
আঃ, সে স্মৃতি যে এখনও আমার প্রাণে মৃদু স্পন্দন

আগাইয়া দেয় গো! সে দিনটা কি একবারও  
ফিরিয়া আসিতে পারে না?.....

দারিদ্র্যের নিখম কশাঘাত, অদৃষ্টের লঙ্কিত  
পরিহাস—হা রে, অভাগী এই বুঝি তোর জীবনের  
ধ্রুবভারা হইয়া ফুটিয়া উঠিয়াছিল!.....তাই  
তোমার কাছে আপনাকে ভাসাইয়া দিয়াছিলাম।  
আপনার যথাসর্ব্ব তোমার পায়ে. লুটাইয়া  
দিয়াছিলাম। কিন্তু কে জানিত সৈ দেওয়ার  
সমর্থকতা একদিন ব্যর্থতার কালো আধারের বুকে  
ফুটিয়া উঠিবে, অস্তরের অন্তরতম প্রদেশে একটা  
আশার বাণী শুনাইয়া, আবার তাহা নীরবেই  
মিলাইয়া যাইবে!

ডাক্তার বলিয়াছে শীঘ্রই আমাকে এই চির  
পরিচিত ধরণীর মায়া কাটাইয়া কোন্ অজানা  
অচেনা রাজ্যে আশ্রয় লইতে হইবে। তাই  
হউক, হে আমার দেবতা তাই-ই হউক! সেই  
পাওয়ারি আমার জীবনের সমস্ত না-পাওয়ারিকে  
পূর্ণ করিয়া দিবে!

বিদায়-সঙ্গীতের এ কি বেদনা-ভরা স্বর আমার  
কাণে আসিয়া অস্তরের সমস্ত তন্ত্রীগুলোকে বিজ্রোহী  
করিয়া তুলিতেছে গো!...

প্রিয়তম, দেবতা আমার! আর কতদিন  
এইরূপ ক্লান্ত নিরলস নয়নে, তোমার পথ-পানে  
তাকাইয়া থাকিতে হইবে, প্রভু! আর কতদিন,  
ওগো আর কতদিন! ওই কে অস্তরের সমস্ত  
উচ্ছ্বাস বাঁশীর স্বরে ঢালিয়া দিতেছে, না?

নয়নেরি আশা দেখিতে বাসনা

প্রাণে ব্যথাঁ সখা দিও না, দিও না,

স্বপ্নস্বপ্ন-বদনে, হের স্বধা বিনে,

—চকোর জীবন বাঁচে না, বাঁচে না।

ভূপ্তিবিহীন শুক জীবনে এ কি বিপদের অশ্রুজল  
গো! এ কি মর্ষ-বিদারক করুণ সঙ্গীত গো!  
ধামাও, ধামাও তোমার ও স্বর ওগো শান্তি-হারা  
বিরহী!.....ইস্ কে গো?

সেই যে একটি বাদল-সিক্ত রাতে তোমার  
কোমল পরশে আপনা হারাইয়াছিলাম, আজ বুঝি  
তাহারই প্রায়শ্চিত্ত করিতে চলিয়াছি—কে  
জানে!

.. ওই যে আকাশের কোলে ছোট্ট একটা মেঘ  
ভাসিয়া উঠিয়াছে, ওই যে ধীরে ধীরে তাহা  
আপনার স্থান বৃদ্ধি করিয়া লইতেছে—কে জানে,  
উহার শক্তিও হয় ত নিমেষের মধ্যে পৃথিবীর হাসি,  
কান্না, ভালবাসা, নিষ্ঠুরতা সমস্তের চির-শেষ করিয়া  
দিতে পারে!.....ওই নুচীভেদে অন্ধকারের মধ্যে  
কাহার দুইটি চক্ষু জলিয়া জলিয়া উঠিতেছে, না!  
কে গো তুমি?.....না, না, এসব কি বলিতেছি,  
কৈ' কেহই ত নাই!

দয়িত আমার, আজ হয়ত তোমার অন্তর  
বাহিয়া কুটিল গর্কের একটা একটানা শ্রোত্র বহিয়া  
যাইতেছে! হয় ত ভাবিতেছ—বড় নিকৃতিটাই  
পাইয়াছি, নয়? কিন্তু সে কী সত্য?

এই যে প্রবঞ্চনা, এই যে আত্মত্যাগ—ইহাদের  
দুইটির মধ্যে কত তফাৎ ভাবিয়া দেখিয়াছ কি,  
হে আমার গৌরবময় দেবতা?...রাত্রি আসিতেছে,  
গভীরতা আসিবে, তাহার পর এ স্বন্দর ধরণীর  
প্রত্যেক জিনিষটা ছাড়িয়া আমায় চলিয়া যাইতে  
হইবে, কিন্তু হাঁ, পলে পলে, যুগ যুগ ধরিয়া তোমার  
প্রতীক্ষা করিব সেইখানে—যেখানে তোমারও  
একদিন ডাক আসিবে! সেই দিন, সেই দিন  
আমি তোমার আরও কাছে পাইব, ওগো আমার  
দেবতা! বুকের মাঝে আরও স্বন্দর ভাবে তোমাকে  
পাইব। সেদিন কাহার অয় হইবে, প্রিয়তম?  
বিজয়ের গৌরবনিশান সেই দিন আমার হাতে!—  
অয়ী আমি! বিদায়, বিদায় আজ হে আমার হৃদয়-  
দেবতা! শত শত নতি আজ তোমায় করিতেছি।  
ওই ওই কে আবার গাহিতেছে—

—ফিরিব নির্ভয় গৌরবে

তোমারি ভৃত্যের সাজে হে—

## বিবিধ বার্তা ।

### মহিলাদের শিল্পশিক্ষা প্রদান—

মাস্ত্রাজ করপোরেশন মহিলাদের শিল্পশিক্ষা শিক্ষা দেবার সঙ্কল্প করিয়াছেন। বস্ত্রবয়ন, জামা তৈয়ারী প্রভৃতি মেয়েদের শেখান হইবে। এতদ্ব্যতীত বেত ও কাগজের বাস তৈয়ারী এবং অস্ত্রান্ত নানাপ্রকার কার্যও শিক্ষা দেওয়া হইবে।

মাস্ত্রাজ করপোরেশনের এই সঙ্কল্প অসম্ভব হউক। দেশের বহু নারী কার্যাত্মকে অকর্মণ্য হইয়া হীনভাবে কালযাপন করিতেছেন, শিল্পশিক্ষার প্রচার হইলে এই সব স্ত্রীলোকেরা কিছু কিছু উপায় করিতে পারেন এবং দেশের হাহাকারও কথঞ্চিৎ দূরীকৃত হয়।

### ভারতীয় মহিলা-বিশ্ববিদ্যালয়—

ভারতীয় মহিলাদের জন্ম পুনায় যে বিশ্ববিদ্যালয় স্থাপিত হইয়াছে, তাহার ৮ম বার্ষিক কার্যবিবরণী প্রকাশিত হইয়াছে। এখানে ইহা অতি ক্ষুদ্র ভাবে আরম্ভ হয়, এক্ষণে ইহার বিশেষ উন্নতি সাধিত হইয়াছে। এই বিশ্ববিদ্যালয়ের কর্তৃপক্ষ ছয় বৎসরের মধ্যে লক্ষ টাকার উপর দান সংগ্রহ করিতে সমর্থ হইয়াছেন এবং ৯ম বর্ষে বিশ্ববিদ্যালয় নবগৃহে প্রবেশ করিয়াছে। এই নূতন ভবন নিৰ্মাণ করিতে ২৫০,০০০ টাকা ব্যয় হইয়াছে। বিশ্ববিদ্যালয়ের কর্তৃপক্ষের অনুমতি অনুসারে বোম্বাই নগরে একটি নূতন বিদ্যালয় খোলা হইয়াছে। আরও নয়টি বিদ্যালয় ও দুইটি কলেজ এই বিশ্ববিদ্যালয়ের অধীনে আছে।

আমরা এই শুভ প্রতিষ্ঠানের দীর্ঘজীবন ও সর্বাঙ্গীন উন্নতির জন্য ভগবানের নিকট প্রার্থনা করি।

### বিধবা-বিবাহ—

গত ৪ঠা অগ্রহারণ শ্রীহট্টের বেজুড়া গ্রাম নিবাসী ৮কৃষ্ণচন্দ্র-চৌধুরীর বিধবা কস্তা শ্রীমতী ক্ষীরোদবালা চৌধুরীর সহিত নোরাখালীর উকীল শ্রীযুক্ত গঙ্গাচরণ বর্দন মহাশয়ের বিবাহ কার্য সম্পন্ন হইয়াছে। কুমিল্লার সমাজ-সংস্কারক স্বনামধন্য শ্রীযুক্ত মহেশচন্দ্র ভট্টাচার্য্যের গৃহে এই বিবাহ অনুষ্ঠিত হইয়াছে। হিন্দু-আচার ও হিন্দু-রীতিনীতি অনুসারেই এই বিবাহ হইয়াছে। বিক্রমপুর, ত্রিপুরা, বরিশাল ও নোরাখালী সমাজের বহু গণ্যমান্ত ব্যক্তি বিবাহ-সভার উপস্থিত ছিলেন। স্থানীয় কলেজের বহু ছাত্রও এই অনুষ্ঠানে যোগদান করিয়াছিলেন।

নদীয়া জেলার শিকারপুর-হিন্দু-সংগঠন-সভার চেটার গত ৬ই অগ্রহারণ মূর্শিদাবাদের পৌরীপুর গ্রাম নিবাসী ৮নবীনচন্দ্র মণ্ডলের পুত্র শ্রীমান মহীন্দ্রনাথ মণ্ডলের সহিত ৮ইরপোবিন্দ

মণ্ডলের অষ্টাদশবর্ষীয়া বিধবা কস্তা শ্রীমতী রাজুবালা এবং গত ৭ই অগ্রহারণ হরিশঙ্করপুর গ্রাম নিবাসী ৮প্রাণকৃষ্ণ মণ্ডলের পুত্র শ্রীমান খোকারান মণ্ডলের সহিত নদীয়া নাসিরের পাড়া নিবাসী ৮অধরচন্দ্র মণ্ডলের ষোড়শবর্ষীয়া বিধবা কস্তা কালিদাসীর শুভ বিবাহ সম্পন্ন হইয়া গিয়াছে। উভয় বিবাহ-সভার স্থানীয় বহু গণ্যমান্ত ও সম্মান ব্যক্তি উপস্থিত ছিলেন।

লাহোর-বিধবা-বিবাহ-সমিতির উদ্যোগে গত অক্টোবর মাসে মোট ১৭৬টি বিধবা-বিবাহ হইয়া গিয়াছে।

### বৃটিশ এম্পায়ার একজিবিশনে বঙ্গমহিলা—

লণ্ডন বৃটিশ এম্পায়ার একজিবিশনে দুইটি বঙ্গমহিলা নূতন ভাবে কৃতীক দেখাইয়াছেন। শ্রীমতী লীলা পাল (শ্রীযুক্ত বিপিনচন্দ্র পালের কস্তা) বেঙ্গল গবর্নমেন্ট বস্ত্রবিভাগের একটি টলে এবং শ্রীমতী মৃগালিনী ঘোষ কলিকাতার ইকনমিক জুয়েলারী ওয়ার্কসের টলে কার্যে নিযুক্ত হইয়া অতি যোগ্যতার সহিত কার্য পরিচালন করিয়াছেন। ইহাদের প্রত্যেককেই আপত্তাপন টলে আর আর ইংরাজ-মহিলার সঙ্গে একযোগে কার্য করিতে হইয়াছিল; ইংরাজ-মহিলাদের অপেক্ষা ইহাদের কর্মকুশলতা কোন অংশেই হীন হয় নাই বরং তাহাদের অপেক্ষা অধিকতর কৃশলতার সহিতই ইহারা কার্য করিয়াছেন।

এই বিরাট প্রদর্শনীক্ষেত্রে পুরুষ ব্যতীত ইউরোপ ও আমেরিকার সতের হাজার শিক্ষিত/ভঙ্গমহিলা বিভিন্ন কার্যে নিযুক্ত হইয়াছিলেন, ইহাদের মধ্যে দুইটি উচ্চবংশীয়া বঙ্গমহিলা হান পাওয়ার বঙ্গমহিলার কার্যকুশলতা সভ্যজগতে প্রচারিত হইয়াছে।

### সৌদামিনী-বেদ-বিদ্যালয়—

কলিকাতা সারপেটাইন লেনের শ্রীযুক্ত নীলমণি বন্দ্যোপাধ্যায় ও তাঁহার দুই ভ্রাতা তাঁহাদের স্বর্গীয়া জননীক স্মৃতি-স্মরণার্থে এলাহাবাদের ১০৪নং হিউয়েট রোডে একটি বেদ-বিদ্যালয় স্থাপন করিয়াছেন। এই বিদ্যালয়ের নাম হইয়াছে—“সৌদামিনী-বেদ-বিদ্যালয়।”

উপযুক্ত সম্মানপত্র স্বর্গগত জননীর স্মৃতি-স্মরণার্থে উপযুক্ত ব্যবস্থাই করিয়াছেন।

### বিভূষী বঙ্গমহিলার পরলোকগমন—

বিখ্যাত পণ্ডিত রাজেন্দ্রনাথ ঘোষ মহাশয়ের বিভূষী সহধর্মিণী শান্তিহুধা ঘোষ সম্প্রতি পরলোকে গমন করিয়াছেন। ৮পাণ্ডি-স্থবার বাঙ্গালা ও সংস্কৃতে বিশেষ পাণ্ডিত্য ছিল। “ধ্রুব”



“উদ্বোধন” প্রভৃতি পত্রিকায় তিনি পুরাণ ও অস্ত্রশাস্ত্র শাস্ত্র অবলম্বন করিয়া বহু শিক্ষাপ্রদ ও জ্ঞানগর্ভ প্রবন্ধ লিখিয়াছিলেন। স্বামীর অনুরোধিত ও সম্পাদিত পুস্তক প্রণয়নে তিনি যথেষ্ট সাহায্য করিতেন। এত পাণ্ডিত্য থাকিলেও আত্মপ্রকাশ করিবার ইচ্ছা তাঁহার আদৌ ছিল না। মাসিকপত্রাদির প্রবন্ধে তিনি নিজেস্ব নাম প্রকাশ করিতেন না। তিনি গীতা পাঠে বিশেষ অনুরাগিনী ছিলেন এবং মৃত্যুর পূর্বে এই ইচ্ছা প্রকাশ করিয়া গিয়াছিলেন যে, তাঁহার ভাষী শ্রীজীবাসরে যেন এক সহস্র গীতা বিতরিত হয়।

আমরা তাঁহার পরলোকগত আত্মার মঙ্গল কামনা করি।

### মহিলা ব্যারিষ্টার—

রেজুনের সংবাদে প্রকাশ যে, শ্রীমতী মা পুরামাই রোমান এবং ফৌজদারী আইন পরীক্ষায় উত্তীর্ণ হইয়াছেন। অধ্যয়ন শেষে তিনি ব্রহ্মদেশের প্রথম মহিলা-ব্যারিষ্টার হইবেন। শ্রীমতী পুরামাই রেজুনের মট, টুন, বার কস্তা।

### মাদ্রাজ ও কলিকাতার উদ্ধারশ্রম—

সাত বৎসরের উর্দ্ধবয়স্কা যে একল বালিকা দুর্নীতির আবেষ্টনে বদ্ধ রহিয়াছে তাহাদিগকে কলম্ব-কবল হইতে উদ্ধার করিয়া রক্ষা ও শিক্ষা দেবার জন্য মাদ্রাজের রয়গীর্ণ বিশেষ বন্ধপরিকর হইয়াছেন। এজন্য ইঁহারা নিজ হইতেই খুব জোরের সহিত আন্দোলন চালাইতেছেন। আমরা ইঁহাদের সাফল্য কামনা করি।

এগার বৎসরের নিম্নে ২০০০ বালিকার রক্ষণাবেক্ষণের জন্য কলিকাতার একটি আশ্রম স্থাপনার্থ ২৬০০০ টাকা সংগৃহীত হইয়াছে।

এ সংবাদে আমরা বিশেষ আনন্দ প্রকাশ করিতেছি।

### শ্রীহট্ট-খন্দর প্রদর্শনীর পারিতোষিক বিতরণ—

শ্রীহট্ট খন্দর প্রদর্শনীর কর্তৃপক্ষ কুমারী হেমাজিনী সিংহকে বস্ত্রবয়নের জন্য প্রথমশ্রেণীর সার্টিফিকেট প্রদান করিয়াছেন। উক্ত প্রদর্শনীতে সূতা কাটার জন্য শ্রীবসন্তকুমারী চৌধুরী, শ্রীহিরণ-বাল। দেবী রোপ্য-পদক; শ্রীশর্ষকুমারী দে ও শ্রীসন্ন্যাসিনী ৫ টাকা করিয়া পুরস্কার; শ্রীসরোজিনী পুরস্কার, শ্রীকামিনীকুমারী চৌধুরী, শ্রীকিরণবাল। নাগ, শ্রীপ্রতিমাবাল। প্রথমশ্রেণীর সার্টিফিকেট এবং শ্রীকুন্তলপ্রভা চৌধুরী, শ্রীসুলক্ষ্মিণী দত্ত, শ্রীসুখরী দেবী দ্বিতীয়শ্রেণীর সার্টিফিকেট প্রাপ্ত হইয়াছেন।

### বিহুঘীর অকাল মৃত্যু—

সম্রাতি বরিশাল ব্রহ্মমোহন স্কুলের তৃত্যপূর্ব শিক্ষক শ্রীযুক্ত হরিশচরণ দাস মহাশয়ের কস্তা স্বরূচিবাল। দাস বি-এ ২২ বৎসর বয়সে ক্ষয়রোগে মৃত্যুবোধে পতিত হইয়াছেন। বোধ হয় উচ্চ

শিক্ষা লাভের জন্য কঠোর পরিশ্রমই এই দুঃসারোগ্য রোগের উৎপত্তির কারণ। শ্রীমতী স্বরূচির অকাল মৃত্যুতে আমরা আন্তরিক সহানুভূতি জ্ঞাপন করিতেছি। ইহর শোক-সন্তপ্ত পরিজনবর্গকে শান্তি দান করুন।

### নারী-শিক্ষা-সমিতি—

গত ২৪শে নভেম্বর নারী-শিক্ষা-সমিতির ১ম বার্ষিক সাধারণ অধিবেশন হইয়া গিয়াছে। শ্রীযুক্ত হরেন্দ্রনাথ মলিক মহাশয় সভাপতির আসন গ্রহণ করিয়াছিলেন। এই সমিতির অধীনে পূর্ব ও পশ্চিম বঙ্গের বিদ্যালয়ের সংখ্যা ১৩ হইতে ১৮তে উঠিয়াছে। হিন্দু-বিধবাদের জন্য সম্পূর্ণ হিন্দুসভে, বিদ্যালয়-বাণীভবনে ১৩ জন ছাত্রী সাধারণ বিদ্যা এবং বহুবিধ শিল্পবিদ্যা শিক্ষা করিতেছেন। হিন্দু-পরিবারে নাসের খুবই আবশ্যক হয়, এজন্য নাসিংক্রাস খুলিবার বিষয়ে পরামর্শ করিবার জন্য একটি কমিটি গঠিত হইয়াছে। মাতৃঘ ও শিশুমঙ্গল বিষয়ে ছয়টি বস্ততা দেওয়া হইয়াছে। চাঁদা, দান, কিং, বিক্রয়লব্ধ-আয়, হুদ এবং গ্রান্ট প্রভৃতিতে ২৬৫০০ টাকা আয় হইয়াছে, তাহা হইতে মোট ব্যয় হইয়াছে ২০,০০০ টাকা; ৬,৫০০ টাকা মজুত আছে।

বিগত পাঁচ বৎসরের অভিজ্ঞতার সমিতির কর্তৃপক্ষ বুঝিয়াছেন যে, নিম্নলিখিত বিষয় তিনটির ব্যাঘ্রা বিশেষ দরকার—

১। বালিকা-বিদ্যালয়গুলির জন্য বাঙ্গালী-সমাজের উপ-যোগী পাঠ্যের বিষয় ও তালিকা নির্ধারণ।

২। দেশের ছুঃছ নারীদিগের আর্থিক অবস্থার উন্নতির জন্য কুটির-শিল্প শিক্ষা প্রদান।

৩। পরিহার্য ব্যাধির হস্ত হইতে মুক্ত করিবার জন্য স্ত্রীলোকদিগের মধ্যে স্বাস্থ্যভঙ্গের বহল প্রচলন।

নারী-শিক্ষার বহল প্রচার না হইলে দেশ পড়িয়া উঠিতে পারে না। আপে চাই উপযুক্ত মা, তবে সেই মায়ের সন্তান হইবে এবং একটা সত্যকারের মানুষ। মাতৃজাতির কল্যাণকারী এই শুভ অনুষ্ঠান সর্ববিধে সাফল্যমণ্ডিত হউক, ইহাই নিবেদন।

### সেনেটের মহিলা-সদস্য—

কুমারী স্বধাংশুবালা হাজরা বি-এল পাটনা বিশ্ববিদ্যালয়ের সেনেট-সভার সদস্য নির্বাচিত হইয়াছেন। ইনিই ভারতের সর্বপ্রথম সেনেটের স্ত্রী-সদস্য।

### আলি-জননী স্বর্গারোহণ—

গত ১৩ই নভেম্বর বেলা ২ঘটিকার সময় মৌলানা শৌকত ও মহনব আলির জননী পূজনীয় বাই আশা ইহলোক পরিত্যাগ করিয়াছেন। ইঁহার মৃত্যুতে ভারতের যে ক্ষতি হইল তাহা পূরণ হইবার নহে। দেশজননী সেবার জন্য শেষ বয়সেও



ইনি যে অসম্য উৎসাহ, অমিত তেজ দেখাইরাছেন তাহা বাস্তবিকই অতীব আশ্চর্য্য। এই বীর জমনার সন্তান বলিরাই আজ আলি-স্নাতৃষর বহুবিধ কষ্ট সহ করিয়াও, হাতমুখে দেশসেবা করিয়া যাঁতেছেন। এমন সন্তান এমন মায়েরই সম্ভব। এই মহীয়সী নারীর মহা আদর্শের কণামাত্র যদি এদেশের মা ভগ্নবীপণ গ্রহণ করিতে পারেন তাহা হইলে দেশ সত্যই ধন হইয়া বাইবে।

### আফগানিস্থানে স্ত্রীশিক্ষা—

আফগানিস্থানে স্ত্রীশিক্ষার বিশেষ প্রসার লাভ করিতেছে। আমীর-পক্ষীর আন্তরিক চেষ্টায় কাবুলের বালিকা-বিদ্যালয়টি উত্তরোত্তর উন্নতি লাভ করিতেছে। সেখানকার বহু গণ্যমান্ত ব্যক্তি প্রস্তাব করিয়াছেন—‘যে সব বিদ্যালয়ের শিক্ষক পুরুষ, সেখানে ১২ বৎসরের অধিক বয়স্ক মেয়েদের পাঠান হইবে না। বালিকা-বিদ্যালয়ের শিক্ষকের বয়স ৮০ বৎসরের কম হইবে না।’—যুক্তিযুক্ত প্রস্তাব, সন্দেহ নাই।

### বাল্লভায় নারী-নিগ্রহ—

বাল্লভায় নারী-নিগ্রহের প্রোভ সমানভাবেই চলিতেছে। সন্ততি মরমনসিংহ, চট্টগ্রাম, নোরাখালী, ঝিহট প্রভৃতি স্থান হইতে যে সব পৈশাচিক, ঘটনার সংবাদ আসিয়াছে তাহা মনে করিলে শরীর শিহরিয়া উঠে। নির্ঘাতন-কারীদের মধ্যে অধিকাংশই প্রায় প্রান্য মুসলমান। হিন্দু মুসলমানের মিলনের দিনে এ সব ব্যাপারকে বিধাতার অভিশপ্তাভ বলাইয়াই মনে হয়। উত্তর জাতির এই জীবনমরণের সন্ধিক্ষণে একের দ্বারা অপরের মা-বোনদের উপর উপযুক্ত এই প্রকার অত্যাচারের কাহিনী গ্রহণ করিলে নিরাশার প্রাণ ভরিয়া যায়। এ বিষয়ে সরকার বাহাদুর ও উত্তর সন্তাদায়ের নেতৃবৃন্দের দৃষ্টি আকর্ষণ করিতেছি। রঙ্গপুর ও অভ্যন্তর কয়েক জায়গায় নারী-রক্ষা-সমিতির কর্তৃপক্ষ এই সব অত্যাচার নির্ধারণের জন্ত বখাসাধ্য চেষ্টা করিতেছেন। একতর তাঁহারা দেশবাসীর বিশেষ কৃতজ্ঞতাভাজন।

## গান

### শ্রীপ্রভাসচন্দ্র প্রামাণিক ।

ওমা তোমার সোণার ঝাঁপি

খুলেছি পল্লী-বুকে,

এসেছি কল্যাণী আজ

আঙিনায় হাতমুখে।

ধানে ভর হরিৎ ক্ষেতে

আঁচল আজ দিছি পেতে,

ছায়া-ঢাকা কানন বীধি

উদল আজ তোমার রূপে।

হরষ আজ পল্লী জুয়ে


হেগে ওঠে গানের সুরে,

বিষাদ আজ তলিয়ে গেছে;

হাসি আজ সবার মুখে।







২য় বর্ষ

মাঘ—১৩৩১

১০ম সংখ্যা

## রাণীপূজা

শ্রীমতী অজানিতা দেবী ।

এস ত্রিভুবন-বন্দিতা বাণী ;  
 শ্বেত কমল পরে চরণ-সরোজ রাখি  
 এস সুর-সঙ্গীত-রাণী ।

এস জগৎ জাগায়ে মধু গানে,  
 এস জ্ঞানালোক জ্বালি প্রাণে প্রাণে,  
 এস নন্দনপুর হ'তে শাবিন্দুর ধারা ল'য়ে  
 শ্বেতবরণী বীণাপাণি ।

শুভ বসন্ত-পঞ্চমী-লগনে,  
 নব উৎসবরাশি ভরা ভবনে  
 লহ চন্দন-সুরভিত অঞ্জলি-ফুলরাশি  
 ভকতে অঞ্জলিস্-ধারা দানি' ।

আজি অযুত তনয় তোমা বন্দে  
 হৃদি-মস্থিত সুরে চারু ছন্দে,  
 জয় দেবী সরস্বতী কবিকুল-জননী,  
 প্রণমি' চরণে যুড়ি পাণি ।

# সুমিত্রার উপদেশ

## ত্রীসত্যচরণ শাস্ত্রী ।

স্ত্রীশ্বেয় পূর্ণ বিকাশ মাতৃস্বরূপে । স্নেহময়ী জননী যখন ধর্ম রক্ষার জন্ত, দেশবাসীর আনন্দ বর্দ্ধন জন্ত, আতিগত সম্মান সংরক্ষণ জন্ত, প্রিয়তম পুত্রকে নির্মম হৃদয়ে স্বদেশের কল্যাণ জন্ত আহ্বতি প্রদান করেন, তখন আমরা সেই মাতৃশ্বেয় পূর্ণ বিকাশ দেখিতে পাই । সেই সৌমস্তিনীই পরমা সুন্দরী যিনি বহুসংখ্যক পুত্রের জননী, আর সেই জননীই প্রকৃত জননী, যিনি দেশের কল্যাণকল্পে অকাতরে, অবিকৃত-বদনে পুত্র-শোণিতে মেদিনী সিক্ত করিবার জন্ত উপযুক্ত স্থলে তাঁহার অঞ্চলের নিধি, নয়নের নয়ন, প্রাণের প্রাণ পুত্রকে প্রেরণ করিয়া থাকেন । এই পূর্ণত্ব লক্ষ্য করিয়া এক সময় শাস্ত্রকার মুক্তকণ্ঠে স্ত্রীশ্বেয় প্রশংসা করিতে গিয়া, যেমন ব্রহ্মাণীই জগতের জনয়িত্রী ব্রহ্মা-প্রেতস্বরূপ, সেইরূপ বৈষ্ণবীই জগতের পালয়িত্রী বিষ্ণু-প্রেত-স্বরূপ বলিয়া কীর্তন করিতে কুণ্ঠিত হন নাই ।

যখন ভারতজননী যুদ্ধস্থল হইতে সমাগত পুত্রের সহযোদ্ধার নিকট হইতে অবগত হইলেন তাঁহার পুত্র সপ্তক বীরলোক প্রাপ্ত হইয়াছেন, তখন তিনি অস্ত্র প্রসন্ন না করিয়া জিজ্ঞাসা করিলেন “গোত্রাঙ্কণ রক্ষা করিবার জন্ত, ধর্মের মর্যাদা স্মৃঢ় রাখিবার জন্ত যে যুদ্ধ প্রবর্তিত হইয়াছে সে যুদ্ধের পরিণাম কি ?”

“আমাদের জয় হইয়াছে !”

“আমাদের জয় হইয়াছে ! ধর্ম সংরক্ষিত হইয়াছে—আমার পুত্র সপ্তকের মৃত্যু সার্থক হইয়াছে ।” এই কথা কহিয়া দেবী আমার দারুণ শোক সঞ্চরণ করেন । এ ত্যাগের কথা শ্রবণ করিলে শরীর শিহরিয়া উঠে, আনন্দে হৃদয় উৎফুল্ল হয় । দেশের সম্মান রক্ষার জন্ত, দেশের আনন্দ বর্দ্ধন জন্ত যথাসর্বস্ব আহ্বতি প্রদান

করিতেও জননীর আমার, দেবীর আমার হৃদয় সঙ্কুচিত হয় না ।

বেদচতুষ্টয়ে আমার জননীর দেবীত্ব প্রতিপাদক বহুসংখ্যক শ্রুতি কীর্তিত হইয়াছে । কোথাও জননী গোধন রক্ষা করিবার জন্ত রথারূঢ়া হইয়া, দস্যুকবল হইতে ইহা উদ্ধার করিতে প্রয়ত্ন করিতেছেন । কোথাও পতির অনুপস্থিতিতে, গৃহের অধিষ্ঠাত্রীরূপে স্বয়ংই দৈনিক কার্য সম্পূর্ণ করিবার জন্ত অতি সূচারূপে যজ্ঞীয় কার্য সম্পন্ন করিতেছেন । কোথাও বা ব্রহ্মবাদিনী দেবী পুত্রাদির মায়ামততা বিসর্জন করিয়া অভিষ্ট সাধনে ব্রতী হইতেছেন । কোথাও বা জননী পুত্র যাহাতে অসাধারণ ব্রতের পারগামী হইতে সমর্থ হয় এরূপ ভাবনায় ভাবিত করিয়া তাহাকে স্ত্রু প্রদান করিতেছেন । কোথাও বা “মাতৃশ্বেয় স্তুতি করিও না” বলিয়া পুত্রকে অপূর্ব শিক্ষা প্রদান করিতেছেন । এরূপ দৃশ্য প্রাচীন ভারতের প্রতি গৃহে দর্শিত হইত । অতীত যুগের এই সকল কথা, এই সকল প্রাণদ, পুংসবন পবিত্র গাথা অতীত ভারতের গৃহে গৃহে গীত হইত । তাহারই ফলে দেশে দানবীর, যুদ্ধবীর, জ্ঞানবীর প্রভৃতি পুরুষের বহুল পরিমাণে আবির্ভাব হইত ।

বৈদেশিক আগমনের দহিত ভারত নানা-প্রকারে ক্ষতিগ্রস্ত হইয়াছে । নানাপ্রকার ধনরত্নের তিরোভাবে ভারতের এ ক্ষতি হয় নাই । বিদেশীর সংসর্গে, বিদেশীর প্রভাবে, ভারতীয় শিক্ষা দীক্ষা যেরূপ ভাবে মূলোৎপাটিত হইয়াছে, যেরূপ ভাবে পরিক্ষীণ হইয়াছে ইহাতে ভারত, ভারত কেন পৃথিবী যেরূপভাবে ক্ষতিগ্রস্ত হইয়াছে, সে রূপ আর অস্ত্র কোনরূপে হয় নাই ।



কোহিনুর প্রভৃতি ধনরত্ন বা ভারতের অপূর্ণ গ্রন্থরাজি যে বিদেশে নীত হইয়াছে, তাহাতে আমরা কিঞ্চিৎমাত্রও অক্ষয়সম্পন্ন নহি। এ সকল মাহুষের ভোগ্য, স্তুরাং ইহা মাহুষেই ভোগ করিবে—আমরা অধিকতর উপযুক্ত হইলেই এই সকল রত্নরাজি আবার আমাদের করতলগত হইবে,—সে আশাও হৃদয়ে পোষণ করিয়া থাকি। আর যদি বা নাই আসে তাহাতেও আমরা কিঞ্চিৎমাত্র দরিদ্র হইব না। কিন্তু আমরা আমাদের প্রাচীন শিক্ষাপদ্ধতি ও আমাদের জননীরা পুত্রগণকে যে সব অমূল্য উপদেশ দ্বারা বর্ষণ করিতেন, সে সকল ধারা হইতে বঞ্চিত হইয়া যেরূপ ভাবে হীন পতিত ও দুঃস্থ হইয়াছি তাহা শত শত কোহিনুরেও পূরণ করিতে সমর্থ নহে।

শ্রীভগবানের কাছে করযোড়ে প্রার্থনা করিতেছি, হে ভগবান! তোমার এ লীলাভূমি, ভোমার এ প্রিয়ভূমি 'অধঃপতনের শেষ সীমায়' উপনীত হইয়াছে। ইহাকে রক্ষা কর, দারুণ দুর্দৈব হইতে ইহাকে জ্ঞান কর; আবার সেই পীযুষধারা প্রবাহিত করিয়া মৃতপ্রায় অবসন্ন জাতিকে সঞ্জীবিত ও শক্তিসম্পন্ন কর। জগতের এ অপূর্ণ সভ্যতা বিলুপ্ত হইলে, জড়বিজ্ঞানবাদী তাহা জড়মস্তকে কল্পন করিতে সমর্থ হইবে না—উদ্ভাবন বা অক্ষররূপ তো দূরের কথা!

প্রাচীন ভারতের মাতারা কিরূপে সকল প্রকার পার্থিব-বিভবসম্পন্ন পুত্রকে আত্মজ্ঞানসম্পন্ন হইবার জ্ঞান উপদেশ দিতেন—অবসাদ গ্রন্থকে কিরূপভাবে উত্তেজিত করিয়া কর্তব্য পথে আনয়ন করিতেন—মৃতকে কিরূপভাবে সঞ্জীবিত করিতেন, সেই সকল উপদেশ উপদেশ-ধারা আবার আমাদের সমাজমধ্যে প্রবাহিত হউক, আবার মাতারা প্রাচীনকালের মাতাদের জ্ঞান দেশের কল্যাণকর উদ্দেশ্যে তাঁহাদের সর্বশক্তি, তাঁহাদের অক্ষরের নিধি উৎসর্গ করিতে শিক্ষিত হউন। সেই আদর্শ এখনকার মায়েদের দেখাইবার, অল্প

আজ আদর্শ মাতা স্মিত্রার অমূল্য উপদেশ এখানে সকলিত হইল।

• স্মিত্রা লক্ষ্মণের জননী। রামের বনগমনের কথা শ্রবণ করিয়া অযোধ্যায় যখন অন্তঃপুর-মহিলারা শোকবিহ্বলা হন, সে সময় স্মিত্রাদেবী শোকবেগ সঞ্চার করিয়া কৌশল্যার শাস্তি কথঞ্চিৎ পরিমাণে আনয়ন করিতে সমর্থ হইয়াছিলেন। শোকসাগর-নিমগ্না, দৈববিড়ম্বিতা কৌশল্যাদেবী রামচন্দ্রের বনগমনকালে তাঁহার রক্ষা ও যাহাতে তিনি নির্বিঘ্নে বন হইতে প্রত্যাগমন করেন এজ্ঞ দেবতাদের অল্পগ্রহ প্রার্থনা করিয়াছিলেন। স্মিত্রাদেবী শোকবিহ্বলা হইলেও অল্প কথার ভিতর বহু অর্থযুক্ত যে উপদেশ লক্ষ্মণকে দিয়াছিলেন তাহাতে তাঁহার হৃদয়বস্তা, তেজস্বিতা ও পুত্রের শক্তিবিসয়ক অভিজ্ঞতা বিশেষভাবে প্রকাশ পাইয়া থাকে। শোকের সময় যিনি নিজের শক্তির বিষয় সন্দ্বিগ্নচেতা হননা বা উৎসাহের সময় যিনি নিজের কল্পশক্তিকে বহুল পরিমাণে বিবেচনা করেন, তিনি নিজের শক্তি বিষয়ক জ্ঞানে বঞ্চিত হন না, একরূপ নরনারী কার্যক্ষেত্রে প্রতারিতও হন না। দেবী স্মিত্রার আত্মজ্ঞানবিষয়ক অভিজ্ঞতা যে প্রচুর পরিমাণে ছিল তাহা তাঁহার কর্তব্যবুদ্ধি বিবর্তিনী উপদেশে অবগত হওয়া যায়। বর্তমানকালের জননীরা প্রাচীনকালের জননীদের উপদেশ অক্ষয়ীলন করিয়া বর্তমানকালের পতিত, দুঃখীত ও উৎসাহহীন পুত্রগণকে কর্তব্যপরায়ণ করুন।

### স্মিত্রাদেবীর উপদেশ—

“স্বষ্টয়ঃ বনবাসায় স্বরক্তঃ স্বহৃদনে ।  
রামে প্রমাদং মা কার্ষীঃ পুত্র ত্রীতরি গচ্ছতি ॥  
ব্যসনী বা সমৃদ্ধো বা গতিরেষ তথানঘ ।  
এষ লোকে সতাং ধর্মো যজ্ঞোঽষ্টবশগো ভবেৎ ॥  
ইদং হিবৃক্তমুচিতং কুলস্তান্ত সনাতনম্ ॥  
দানং দীক্ষা চ যজ্ঞেষু তত্ত্বত্যাগো মৃধেষু হি ॥

রামং দশরথং বিদ্ধি মাং বিদ্ধি জনকাস্বজাম্ ।

অযোধ্যামটবীং বিদ্ধি গচ্ছ তাত যথাস্থখম্ ।

সুমিত্রা “গচ্ছ গচ্ছেতি” পুনঃ পুনরুবাচ, তম্ ॥ ।

লক্ষণ বনগমনের জন্তু জননী সুমিত্রাদেবীর চরণবন্দনা করিলে, পুত্রহিতার্থিনী সুমিত্রাদেবী রোদন করিতে করিতে বন্দনা-তৎপর মহাবাহু লক্ষণের মস্তক আশ্রয় করিয়া বলিলেন—

“পুত্র! তুমি রামের অত্যন্ত অনুরক্ত, এজন্ত আমি তোমাকে বনবাসের জন্তু অনুমতি দিলাম। অনঘ! তুমি বনগামী জ্যেষ্ঠ ভ্রাতা রামের সেবায় অমনোযোগী হইও না, জ্যেষ্ঠ ভ্রাতার অনুগামী হওয়াই পরম ধর্ম—একথা সাধুগণ কহিয়াছেন। অতএব উনি বিপন্ন হউন বা সমৃদ্ধিশালী হউন উনিই তোমার গতি। ইক্ষাকুবংশীয়দিগের দান, যজ্ঞ, দীক্ষাগ্রহণ ও যুদ্ধে প্রাণত্যাগ বংশপরম্পরাগত অবশ্য-কর্তব্য, চিরন্তন পদ্ধতি, তুমি তাহা পালন করিতে যত্নবান হইবে; পুত্র! তুমি রামকে দশরথ তুল্য, জনকনন্দিনী সীতাকে আমার স্নায় এবং অরণ্যকে অযোধ্যার স্নায় জ্ঞান করিয়া স্থখে গমন কর।” এই কথা কহিয়া সুমিত্রাদেবী রঘুকুলনন্দন লক্ষণকে বারংবার “যাও, যাও!” কহিতে লাগিলেন।

সুমিত্রাদেবী লক্ষণকে আরও বলিলেন “তুমি অনঘ, আর আমি তোমার যে নিষ্পাপ মুখখানি দেখিতেছি, বন হইতে প্রত্যাগমন কালেও যেন এই কলকহীন জ্যোতিঃপূর্ণ মুখখানি দেখিতে পাই। মুখই সূত্রক্ষয় পুণ্যের ও পাপের পরিচয় জ্ঞাপক। তুমি পাপ-রহিত, দেখ সাবধান, তোমাতে যেন পাপ স্পর্শ করিতে সমর্থ না হয়। জ্যেষ্ঠের অনুগামী হওয়া সাধুসম্মত। তুমি যেরূপে বংশে জন্মগ্রহণ করিয়াছ সেই ইক্ষাকুবংশীয়দিগের দান, যজ্ঞ, সকলপ্রকার শুভ কার্যে দীক্ষা আর যুদ্ধে প্রাণত্যাগ পরম্পরাগত চিরন্তন পদ্ধতি; বিপন্ন হইও বা

সম্পন্ন হইও, সাবধান—তোমার এই পরম পবিত্র কুলধর্ম অপ্রমাদি হইয়া পালন করিবে।”

তারপর শোকাঙ্কুলা ভগবতী সুমিত্রাদেবী অবিক আর কিছু কহিলেন না। পিতা মাতা আর জন্মভূমির মিকটে থাকিলে কেহ কোনরূপ অভাব দৈন্ত বা উদ্বেগ অনুভব করিতে সমর্থ হয় না, তাই স্নেহময়ী পুত্রুবৎসলা জননী পুত্রকে কহিলেন— “রামকে দশরথ বিবেচনা করিবে, জ্ঞানকীকে আমার স্নায় বিবেচনা করিবে আর অরণ্যকে অযোধ্যা বা অযোধ্যাকে অরণ্য বিবেচনা করিয়া স্থখে বিচরণ করিবে। পিতা মাতা আর জন্মভূমিকে রক্ষা করিতে কেহ কখন পশ্চাদ্দৃশ্য হন না এমন কি শরীর দিয়াও তাহা রক্ষা করিয়া থাকেন। শরীর দেওয়া তোমার কুলধর্ম, দেখ, এরূপ শুভ অবসর উপস্থিত হইলে যেন তোমার মতি বিভ্রম না হয়। কুলধর্ম পরিত্যাগী সকলের কাছে ঘৃণিত হয়। সাবধান, তুমি যেন পবিত্র কুলধর্ম হইতে ভ্রষ্ট না হও।” আপনাকে যেরূপ অতর্কিত হইয়া তুমি রক্ষা কর, সেইরূপ সীতাকে বিশেষ সাবধানতার সহিত রক্ষা করিবে। বলবান ইন্দ্রিয়গ্রাম বিচ্যানেও কর্ষণ করিয়া থাকে।”

অপ্রমাদী জিতেন্দ্রিয় লক্ষণ মায়ের আজ্ঞা সম্পূর্ণরূপে পালন করিয়াছিলেন, চতুর্দশ বর্ষের মধ্যে তিনি সীতাদেবীর মুখের দিকে কখন তাকান নাই, তাই তিনি বলিয়াছিলেন “আমি কল্পাদি চিনি না, নিত্য অভিবাদন জন্তু কেয়ুর আমি চিনি।” আহা! কি অপূর্ব জিতেন্দ্রিয়তা ও মাতৃস্বাস্থ্য পালন।

“জীব মাত্রেই সুখাকাজী, যদি সুখ চাও তাহা হইলে কর্তব্য পালন করিও। তুমি কর্তব্য পালন করিলে অরণ্যে কান্তারে সর্বত্রই সুখ প্রাপ্ত হইবে।”—এই বলিয়া মাতা অঞ্চলের নিধি পুত্রকে “যাও যাও” বলিয়া বনে গমন করিতে উৎসাহিত করিতে লাগিলেন।

# নারী-জাগরণ

শ্রীঅনঙ্গমোহন রায় ।

বর্তমান সময়ে নারী-জাগরণ আন্দোলনের একটা প্রবল তরঙ্গ এই দেশের বুকের উপর দিয়া ছুটিয়া চলিয়াছে এবং পুরুষকেই তার অগ্রভাগে দেখিতেছি । এ সম্বন্ধে কতজন কত কথাই বলিতেছেন । সেই সমুদয়ের সার সংগ্রহ করিলে মোটামুটি এই পাওয়া যায়—“পুরুষ নারী এক নয়, পুরুষ কর্তা ও নারীর ভাগ্যবিধাতা । তবে নারীকে সঙ্গে না লইয়া পুরুষের যখন চলিবার উপায় নাই, তখন তিনি নিতান্ত অচলা হইলে পদে পদেই বিপত্তি, তাই নারীকে কোন প্রকারে একটু জাগান একান্ত আবশ্যক হইয়া পড়িয়াছে” ইত্যাদি । যে জগৎ হইতে ‘নারী জাগরণের’ বোধটা যে ক্রমশ পুরুষের মধ্যে উজ্জল হইয়া উঠিতেছে ইহাও একটা স্মরণ বলিতে হইবে । তবে জিজ্ঞাস্য—এই যে নারী জাগরণের জন্ম পুরুষের এত হৈ চৈ, পুরুষ জাগিয়াছেন কি ?

স্বামী রামতীর্থের একটি উক্তি পাঠ করিয়াছিলাম যে, কোন ক্ষেত্রে যখন একটা ফুটি ফোটে, মনে করিও না যে, শুধু একটাই ফুটিয়াছে, দেখিতে পাইনে আরো অনেক ফুটিবার মত হইয়াছে । ইহা কেবল উদ্ভিদরাজ্যেই সত্য নয়, আত্মার রাজ্যেও সত্য এবং এই উদ্দেশ্যেই এই কথাটা তিনি বলিয়াছিলেন যে, যখন কোন সম্ভাব তোমার মনের মধ্যে অঙ্কুরিত হয়, ভাবিও না তাহা তোমারই একমাত্র নিজস্ব, অনুসন্ধান করিলে দেখিতে পাইবে আরো অনেক স্থানে তার অঙ্কুরোদগম হইয়াছে ।

পুরুষ জাগিলে নারী না জাগিয়া পারেন না । গার্গী মৈত্রেয়ী হইতে আরম্ভ করিয়া হেরীগণ মেরীম্যাকভেনিস এবং বর্তমান সময়ের তুর্কীনারী ও আমাদের দেশের বাই আত্মা সরোজিনী নাইডু প্রভৃতি তার বিশিষ্ট সাক্ষী । পুরুষ নারী আলাদাও নয় । দুইয়ে মিলে এক অক্ষয়ব্রহ্মের হিসাবে বিপ-

রীত হইলেও দুইত নয়, দুই অর্ধ । দুই অর্ধে এক । একের সঙ্গে অণু অভিন্নযুক্ত । একই প্রাণ দুইয়ে স্পন্দিত, একই আত্মা উভয়ে ব্যপ্ত । একের শক্তিতে অণুর শক্তি, একের কলাগণে অপরের কল্যাণ । এমন জাঙ্ঘল্যমান কথাটা আমরা ভুলিয়া যাই বলিয়াই শুধু “নারী” “নারী” করিয়া অস্থির হই । রূপকথার রাজকন্যা সোনার কাঠি বদল করিলেই জাগিয়া উঠিত । এখানে রাজপুত্রের জাগরণের সঙ্গে সঙ্গেই রাজকন্যা জাগ্রত হন, কোন কাঠি বদলের আবশ্যক করে না ।

যে দেশের সীতা সর্কাবস্থায় পতির অঙ্গুগাগিনী, সাবিত্রী বেহলা পতির মৃতসঞ্জীবনী, জনা মরণ-সমরে পুত্রের মর্হা উদ্ধোপনাদায়িনী এবং সংঘমিত্রা ভ্রাতার হাত ধরিয়া ধর্ম প্রচারের জন্ত বিদেশ-প্রবাসিনী, সেই দেশের নারী সম্বন্ধে আমরা ছোট ভাব আমাদের মনে স্থান দেই কেমন করিয়া তাহা ভাবিয়া বিস্মিত হইতে হয় । নারী সম্বন্ধে আমরা ছোট ধারণা পোষণ করি বলিয়াই আমরা ছোট হইয়া আছি এবং তাঁহারাও ছোট হইয়া আছেন ।

এক্ষণে মুখে শুধু “জাগ, জাগ” বলিলে নারী জাগিবেন না । পুরুষ, তুমি একবার সত্যি জাগ, তবেই তিনি জাগিবেন । নারীকে তোমার জাগাইতে হইবে না, তুমি জাগিলেই দেখিতে পাইবে তিনিও জাগিয়া আছেন । তোমার কোন শিক্ষাদীক্ষা, নিয়ম নিষেধ, বিধি ব্যবস্থা দ্বারা তাঁহাকে আচ্ছন্ন করিতে যাইও না । তাঁহার মধ্যে যে দেবতা আছেন তাঁহাকে প্রকাশিত হইতে দাও, তিনি যে দেবী ইহা স্বীকার কর এবং সেই শ্রদ্ধা তাঁহাকে অর্পণ কর, তাহা হইলেই মহাশক্তি ও কল্যাণরূপিণী নারী জাগ্রত হইবেন । একবার, তাঁহা, আত্মচৈতন্য জাগ্রত হইলে সেই জাগ্রত চেতনার বলেই তিনি এই বিশ্বে তাঁহার-

আপন স্থান অতি সহজ ও স্বাভাবিকভাবেই গ্রহণ তাতেই শক্তি ও কলাগণ স্বতঃস্ফূর্ত হইয়া গৃহ ও করিতে পারিবেন, কোন অন্তরায় তাঁহাকে সেই সমাজকে স্বার্থকতা দান করিবে এবং পৃথিবীকে স্বর্গ-পতিকে আর রক্ষ করিয়া রাখিতে পারিবেনা এবং রাজ্যে পরিণত করিবে।

## ঝড়ের ডাক

শ্রীমতী ভক্তিসুধা-হার ।

ওই শোননা বাবা ভূমি  
পাগলা ঝড়ের মাতামাতি,  
বল্ছে ওরা কপোল চুমি'  
“আয়রে ছুটে রাতারাতি ।  
বন্ধ ঘরে একলা ওরে,  
মিথ্যে কেন আছি স্প'ড়ে  
আয়না তোরা বাইরে, ছুটে'  
খেলবি হ'য়ে মোদের সাথী ;  
রাত-ছপুয়ে সবাই জুটে'  
করবি যদি মাতামাতি ।”

\* \* \* \* \*  
বাইরে থেকে ডাক্ছে আমায়  
টান্ছে যে মোর পরাণ ধ'রে  
পড়ায় ফাঁকি দিইনি তোমায়  
ওরাই শুধু ভুলায় মোরে !  
ওনুচুনা ওই শনুশনানি  
কাঁপিয়ে ছুটে ছুর বনানী—  
জানুলা ফাঁকে মার্ছে উকি  
কাঁপিয়ে বাতি মোদের ঘরে ;  
ঝট্কা এগে বিষম রুধি'  
'মার্ছে ঠেলা ছয়ার ধ'রে ।  
\* \* \* \* \*  
ষাচ্ছে নেড়ে কাপড়'ধ'রে  
পুঁথির পাতা উন্টে দিয়ে  
ইঠাৎ এসে আঘর ক'রে  
ঘায়গো চ'লে হাত বুলিয়ে ;

কেউবা হেসে কাণের কাছে  
বল্ছে “এস মোদের পাছে  
আমরা শুধু ছুটেই চলি'  
শান-বারণ সব এড়িয়ে—  
ভীষণ আধার দু'পায় দলি'  
পাহাড় নদী কাঁপিয়ে দিয়ে ।”  
\* \* \* \* \*  
মট্কা গাছের ভাঙ্ছে শাখা  
শক্ত গাছে হেলিয়ে দিয়ে  
বল্ছে ওরা “যত্নে-রাখা  
ফুলগুলি এই যাই মাড়িয়ে ;  
লড়বি যদি শক্তি থাকে  
আয়না দেখি, রাখবি কাঁকে  
আমরা যাদের করছি নাকাল  
রাখতে পারিস, আয় বেরিয়ে ;  
কাকুর মানা শুন্বনাকো  
যাবই মোরা দাবিয়ে দিয়ে ।”  
\* \* \* \* \*  
দেখ্ছে বাবা, একটুখানি  
আকাশ-পানে, দেখ্তে চেয়ে  
মেঘের বুকে ঝিলিক হেনে  
পালিয়ে গেল বিজলী-মেয়ে !  
গুরু গুরু শব্দ ক'য়ে  
দৈত্য যেন ডাক্ছে জোরে  
ছুক ছুক বুকুর তলায়,  
—তবু বারেক বাইরে ধেয়ে  
ছট্ছট্ মলের দস্তি-পণা  
আজকে আমি দেখ্বে চেয়ে ।

# দুরাশা

( গল্প )

শ্রীমতী কমলা দাস গুপ্তা ।

বিজয়াদশমীর শুভ দিনে সবাই নৌকায় উঠে-  
ছিল। ফিরে এলোও সবাই,— শুধু অমিয়ার  
একমাত্র সখল মঞ্জুমালা আর ফিরে এলো না।  
দৈবচূর্কিপাকে কার কোল থেকে সেই ছবছরের  
শিশু পদ্মার করাল গ্রাহস ঝাঁপিয়ে পড়েছিল ঠিক  
কোরে বলা কঠিন। এমনি কোরেই অমিদার-বাড়ীর  
আনন্দময়ীর আগমনে সে বৎসর নিরানন্দ শোকের  
অঙ্ককারে মগ্ন হয়েছিল। অমিয়ার মা সে দুঃসহ  
শোক ভইতে না পেরে দুদিন বাদেই চিরবিদায়  
নিলেন। অমিদারবাবু শুধু বিধবা শোকাভূরা  
মেয়েটিকে নিয়ে সেই বিশাল পুরী আগলে রইলেন।

\* \* \* \*

“বাবা, ও কার চিঠি?”

“অহীন তোকে খেঁতে লিখেছে।”

“যাব কি বাবা?”

“না, যাওয়াই উচিত। কেননা ডাক্তার তাকে  
একরকম অব্যব দিয়েই পুরী পাঠিয়েছে। তাকে  
বাঁচাতে হোলে আমার মনে হয় সব গোপন রাখাই  
ভাল।”

—পিতা অপরাধীর মতই ক্লকর্থে ক্লকাকে  
একথা জানালেন।

২

“মামীমা, মামীমা বৌদি কি এলো? গাড়ীর  
শব্দ শুনলুম না?”

“অহীন, ঘুমওনি বাবা? ওকি গাড়ীর শব্দ?  
—ওষে সমুদ্রের গর্জন। ম'থায় হাত বুলিয়ে দেব?  
অনেক রাত হোয়েছে যে, এ রাত্রিবেলায় ত কোন  
ট্রেন নেই। কাল সকালে তারা নিশ্চয়ই আসবে।”

“তাইত, আমার ভুল হোয়েছে। আসবে,  
আসবে মামীমা? বৌদি কি দাদার অপরাধ  
আমার ক্রম মুখ দেখে ভুলতে পারবে? মঞ্জু এখন  
হাঁটতে শিখেছে, নয় মামীমা?”

মামীমা দীর্ঘশ্বাস ফেলে ভাবলেন—হায় সেকি  
আছে! আমি মিছে কথায় আশা দিয়ে আশা করছি  
যদি বংশের শেষ আতলাটুকু জেলে রাখতে পারি!

“চূপ করে রইলে কেন মামীমা? মঞ্জুর নাম  
নিতেই তুমি অমন হতাশের শ্বাস ফেল কেন?  
ভাব বুঝি, তাকে পুয়ে ডোমার আদর কিছু কমে  
যাবে?”

“না বাবা, আর তুমি কথা ক'য় না। ঘুমোও,  
কাল সকাল হোলেই তাকে দেখতে পাবে।”

“মামীমা, ঘুম আমার আসেনা কেন? ভাবি  
শুধু তার মুখপানি। মামীমা, কি সুন্দর গোলাপী  
রং মঞ্জুর! কি রকম লাল ঠোঁট ছুটি! কেমন কালো  
চঞ্চল চোখ দুটি, সোনালী ঝাঁকড়া চুলগুলি!  
কেমন গোল গোল ছোট্ট নরম হাত, কচি কচি  
টাঁপারকলি আঙ্গুল! মামীমা, মামীমা ছবি নাম  
দিলেই বুঝি মঞ্জুর নাম মানাত ভাল।”

“অহীন, রাত শেষ হোল যে। হয়ত জ্বর খুব  
কাল বেড়ে যাবে এই অনিদ্রার ফলে।”

“যাক্ যাক্, মামীমা! একবার মঞ্জুকে দেখে  
আমার মরতেও স্বখ।”

“অহীন, কতবার তোকে মানা করেছি একথা  
মুখে আনতে। সে যে অনেক দিনের কথা, তোর  
মা কি জানি কি ভেবে স্বধীনকে আর তোকে  
আমার হাতে সঁপে দিয়ে নিশ্চিত হোয়েছিল।  
যখন সতী সাধ্বী তোর সোণার সংসার হোতে বিদায়



নিলে তখন হাত ধরে বলেছিল—‘বৌ, তুমি আমার মাতৃহারা শিশুহৃদির মায়ের স্থান অধিকার কোরো।’ আমিও দুঃখের ভুবানল অনেক কষ্টে চাপা দিয়ে তোদের মুখ চেয়েই ছিলাম। স্বধীন যে, কি পাখর বৃকে চাপিয়েছে তা আর কি বলব! অহীন, তুইও আর আমায় ব্যথা দিস্নে বাপ।”

“মামীমা, গলা তোমার কেঁপে উঠলো কেন? কাঁদছে। নাকি? দাদা বড় অভিমানী, তার এ দুর্জয় অভিমানের ফল কি হোল বল না? বাবার সঙ্গে ‘তাউইমশাইয়ের’ কি হয়েছিল তার ঠিক নেই, তাইতে সে বৌদিকে সীতার মতই বনবাস দিলে? কোলে তার ছোট্ট মেয়ে মঞ্জু, একবার তার কথা ভাবলে না! তারপর মৃত্যু সে পূণ করলে, কেমন? আমার বুদ্ধি যেন তখন বড় কম ছিল, কিছুই বুঝতে পারিনি কিন্তু মামীমা, তুমি চেষ্টা করলে নিশ্চয়ই বৌদিকে ধরে রাখতে পারতে। চেষ্টা করনি, মহাপাপ হয়েছে তোমার। মামীমা, মামীমা, কি ছবি ভেঙ্গে ওঠে সম্মুখে আমার—বিধবা, বিধবা, কি ভীষণ শোকের মূর্তি বৌদির, না, আর নয়! মামীমা, আমার মাথার কাছের জানালাটা খুলে দাওনা, সমুদ্রের ঠাণ্ডা বাতাসে আমি ভিজ্ঞে উঠি। উঃ কি গরম আগুনের মত আমার গাটা!”

৩

“অহীন, আমায় ডেকেছ বাবা? রান্না চড়িয়েছি যে।”

“নবা কোথায়, তাকে বুঝি বাজারে পাঠিয়েছ?”

“না, বৌমাকে চিঠি লিখলুম, তাই তাকে ফেলতে গ্যাছে।”

“মামীমা, শেষ রাতটা ঘুমিয়ে পড়ে ভয়ানক একটা দুঃস্বপ্ন দেখেছি। যতই ভাবছি ততই আমার বুক ঘেন বরফের মত ঠাণ্ডা হোয়ে যাচ্ছে। তুমি সারাদিন কাজে ব্যস্ত, নবা চাকরটা বাজার ছাড়া আর কিছুই ভালবাসেনা, একা কি কোরে থাকি বল ত? মামীমা, শুনে কি স্বপ্ন দেখেছি?”

“পাগল! স্বপ্নর আবার কি শুনব? আটশ বছর পেরিয়ে যেতে চলি, ছেলেমানুষী কি তোরা যাবেনা অহী?”

“মামীমা—ভয়ানক স্বপ্ন, তুমি জাননা তাই হেঁসে উড়িয়ে দিলে। অকুল—অকুল জল—সীমা নেই, তারি মাঝখানে মঞ্জু আমার—না, না, আর মনে কোরবোনা! সত্যি কোরে বলতে পার মামীমা, তারা আসবে কিনা? কেন আজ মনে হোচ্ছে তোমার সব কথা যেন সেই ছেলেভুলান ছড়া! বৌদির চিঠিখানা আমায় দাও না, কি লিখেছে দেখি।”

“হাত আজ্ঞাড হোক, তুই খেয়ে দেয়ে স্থস্থির হ, তখন ‘হুজনে বসে চিঠি পড়ব। বেলা অনেক হোয়েছে যে, এখন কি চিঠি পড়বার সময়? আয় ঘরে আয়, আজ বড় ঠাণ্ডা হাওয়া, মেঘলা করেছে, এ বাতাস গায়ে লাগান মোটেই ভাল নয়।”

“মামীমা, তোমার মুখ দেখেই আমি সব বুঝতে পেরেছি। মিছে কথা, মিছে কথা! আশা আমার অনন্ত সমুদ্রের মতই সীমাহীন, মামীমা ঐ ঢেউ গুলির মতই আজ আমার বৃকে কিসের ঢেউ উঠেছে! আর্কনাদ—শুধু আর্কনাদ! আর এখানে আমার ভাল লাগে না, চল আর কোথাও চলে যাই।”

“সে কি হয়! ডাক্তার বলেছেন আরো কিছুদিন থেকে যেতে। অহীন, লেখাপড়া শিখে তোদের এত মোহ কেন? বৌ যদি নাই-ই আসে কি করবি বল? তার বাপ তাকে পাঠাবেই বা কেন? সে মস্ত বড়লোক, অগাধ বিষয় তার। বৌমা তার একটি মেয়ে। তোদের আছে কি! আঁহী, স্বধীন আমার বিকার-ঘোরে শুধু অমিয়া, অমিয়া ছাড়া কিছুই বলেনি। সেই কথা বার বার ‘তার’ কোরেও তাকে আনতে পারিনি। আর কি বলব অহী ও সব ভুলে যা, তোরাও অজানা কিছুই নেই। নিজে ভাল হোয়ে উঠিস তবেই ত সব, তা নইলে বংশে বাতি দিতেও যে কেউ রইবে না।

“মামীমা, এ গরীবের যা আছে ছুনিয়ার হাজার হাজার ধনীও তা নেই। তুমি ঠিক জেন’ মামীমা, মঞ্জুর না পেলো আর বেশী দিন আমার নয়। এ অন্টার প্রতিকার আমি চাই।”

“অহীন, অহীন আর অত জোরে কথা বোসনে বাপ্। শরীরে যে রক্তের লেশ নেই, এ উদ্ভেজনা সহবে কি কোরে বল ?”

“মামীমা, সব সহিতে পারি যদি একবার মঞ্জুরকে দেখতে পাই। কেড়ে নিয়ে এস, কেড়ে নিয়ে এস মামীমা সেই পিষাচপুরী থেকে ভিখারীর অমূল্য নিধি। বৌদি যা নয়, রাকসী,—রাকসী,—তার মায়ায় পড়ে বুঝি দাদা অমূল্য প্রাণ বিসর্জন দিয়েছে!”

“ছি অহীন, চূপ কর, চোখের জল মুছে ফ্যাল। অমন কথা কি বলতে আছে? বৌমা আমার ঘর আলো করা বৌ। তাকে এনে মনে হয়েছিল কি কোরে সে এ ভাঙ্গা ঘরে শোভা পাবে। সুধীনের সে ছিল নয়নমণি, পলকে যেন হারাত’। একদিন সন্ধ্যা কোরেই বৌমা-ঝাঝা কোরতে গিয়েছিল, কি লালই হয়েছিল তার সে রাকসামুখ।” ব্যথিত লজ্জিত সুধীন আমার খেতে বসে বলে— ‘মামীমা, ঠাকুরের মাইনে কতই বা বেশী, তুমি একজনকে রাখনা কেন?’ আমি সব বুঝতে পেরেই তাকে কখনও হেসেলে যেতে দিইনি। আর কদিনই বা তাদের লীলাখেলা—চার বছর বইত নয়। তাই ডাবি—রূপ যার এমন, অদৃষ্ট-লিখন তার, এত ভীষণ; কে জানে! আমি আজও বুঝে উঠতে পারিনি কি অপমান রেয়াই তার বাপকে করেছিল। সুধীন আমার জানী ছিল, নিজের স্বধ সে জলের মত ভাসিয়ে দিল বাপের অপমানে। বৌমা বড়মানুষের মেয়ে কিনা, সংসারের ভাবগতিক কিছুই শেখেনি; কোন রকম

আপত্তি না জানিয়ে বাপের সঙ্গে চলে গ্যাল। আমি অবাক হয়ে মেয়েটার মুখের পানে চেয়ে দেখেছিলুম, কোন রকম চিন্তাই তাকে স্পর্শ করেনি মনে হোল। সুময় পেলুম কই? দেখতে না দেখতে সুধীন আর তার বাপ যেন ডাকাডাকি করেই চলে গিয়েছে! তারপর তোকে নিয়ে এই অকুল সমুদ্রে ভাসলুম।”

৪

“কাকে ডাকছে অহীন? কই কেউ ত আসেনি।”

“মামীমা, মামীমা তুমিই আগে কোলে নিলে? আমায় দাওনা। বৌদি, বৌদি কমা কর, কমা কর, সব অপরাধ আমায় দৌধে ভুলে যাও।”

“বাবা অহী, কই কেউ ত আসেনি, তুমি কি বোলছো? ঘুগোও, অনেক রাত হয়েছে যে।”

“মামীমা, মামীমা হাতছানি দিয়ে কে আমায় ডেকে নিয়ে যেতে চায়। ছোট্ট মেয়ে! ছোট্ট মেয়ে! ঝাখ, ঝাখ, সমুদ্রের কালো কালো চেউগুলো কেটে সে কেমন কোরে পাড়ি দিয়ে চলেছে! পা দুখানি—নীল জলে যেন কমল ফুটেছে! মামীমা, মামীমা বল বল, আমায় ছেড়ে থাকতে পারবে? মঞ্জু আমায় ডাক দিয়েছে, আমি যাব, যাব, মঞ্জু—মঞ্জু—”

“অহীন, অহীন অসম্ভব! যেখানেই যাস এ হতভাগিনীকে নিয়ে যাস বাপ। ও কি, চূপ করে রইলি কেন? নবা, নবা ছুটে ডাক্তার নিয়ে আস। চক্ষু স্থির হোল যে, হাত পা গুলো হিম শক্ত! না, না সব শেষ হোল বুঝি! অহীন, অহীন আমায় ফাঁকি দিলি বাপ? বেড়িয়ে পড়ি, বেড়িয়ে পড়ি,— উঃ কি আধার! জলে গ্যাল, জলে গ্যাল চোখ আমার, সমুদ্রের তীর আলো রেংখায়! অহীন— অহীন—”

## এলিফ্যান্টা ভ্রমণ

শ্রীমতী স্বর্ণলতা দেবী ।

১৯২১ খৃষ্টাব্দের আমেদাবাদ কংগ্রেসের পর ভ্রমণ মানসে ১৯২২ খৃষ্টাব্দের ১৪ই জানুয়ারী আমরা বোম্বাই নগরে উপস্থিত হইলাম। কি কোলাহল-পূর্ণ এই বোম্বাই নগরখানি! কত জাতি, কত ব্যবসায়ী যে এখানে নানা কাজে ব্যস্ত তাহার ইয়ত্তা নাই। প্রথমে আমরা একজন গুজরাটী বণিকের গৃহে আশ্রয় গ্রহণ করি, তাহার আতিথেয়তা আমাদের বিশেষ প্রীত করিয়াছিল। তৎপরে কালভাদেবী রোড হইতে একজন বাঙ্গালী ব্যবসায়ী আমাদেরকে তাহার গৃহে থাকিবার জন্ত বিশেষভাবে অনুরোধ করেন। তাহার সনির্বন্ধ অনুরোধ এড়াইতে না পারিয়া আমরা তাহার গৃহে থাকিতে বাধ্য হই। ভদ্রলোকের মধুর আদর আপ্যায়ন, ভদ্রলোকের স্ত্রীর সেবা যত আমরা কখন ভুলিতে পারিব না। তাহাদের ভবনে আমাদের প্রবাসের দিন কষ্টট বড়ই শান্তিতে কাটিয়াছিল। এখানে কিছুদিন থাকার পর আর এক গুজরাটী পরিবার আমাদেরকে নিমন্ত্রণ করেন। তাহাদের গৃহেও আমরা দিনকয়েক থাকিতে বাধ্য হইয়াছিলাম। তাহারা একটি বিরাট কাপড়ের কলের মালিক। আমরা একদিন তাহাদের কল দেখিতে গিয়াছিলাম। এই কলে তুলা হইতে সূতা ও সূতা হইতে কাপড় তৈয়ারী হয়। কাপড় ধোলাই, গাঁটে লেবেল মারা সবই এই কলে স্বশূন্যতার সহিত সম্পন্ন হয়। এই কলের কাপড় বিলাতি কাপড় অপেক্ষা কোন অংশেই হীন নহে।

৩০শে জানুয়ারী সোমবার বেলা ১:টার সময় আমরা এখান হইতে একখানি বোট ভাড়া করিয়া এলিফ্যান্টা কেডস্ দর্শনে যাত্রা করিলাম। স্থানীয় কয়েকজন সম্ভ্রান্ত ব্যক্তিও আমাদের সহিত গমন করিলেন।

নীলাশুরাশির উত্তাল তরঙ্গপুঞ্জ ভেদ করিয়া ছোট বোটখানি আমাদের তুলিতে তুলিতে ভাসিয়া চলিল। আশেপাশে আরও অনেকগুলি বোট পাল ভুকিয়া মরালগুলির স্রায় ভাসিয়া যাইতেছিল— সে এক অপূর্ণ দৃশ্য! উপরে দিগন্ত বিস্তৃত নীলাকাশ, নিম্নে বীচিমালাপূর্ণ সফেন সমুদ্রবক্ষ, মধ্যে আমরা চলেছি যেন কোন্ এক অসীমের পানে। কিছুদূর যাইতে না যাইতেই শ্রাম বিটপীড়াজিশোভিত দ্বীপটি আমাদের নয়নগোচর হইল। সেটি যেন যুগযুগান্তের আকুল আবেগ বক্ষে ধারণ করিয়া অভিষ্টসিদ্ধির প্রতীক্ষায় মুগ্ধ ভক্তের স্রায় নীরবে দণ্ডায়মান! উজ্জল সূর্য্যকিরণ দ্বীপটির চতুর্দিকে প্রতিকলিত হইয়া তাহাকে সোনার লেখায় দৃষ্ট করিয়া তুলিয়াছিল। নিম্নে মুক্ত সমুদ্রের উন্নত উর্মিরাজি তাহার পদতল ধৌত করিয়া দিয়া ছুটিয়া চলিয়াছিল। বাস্তবিকই সে দৃশ্য বড়ই মনোরম।

সংসারের দারুণ জ্বালায় প্রাণ সর্বদা ব্যথিত কিন্তু এই পর্বতের, এই সিন্ধুর, এই আকাশ বাতাসের চিরনবীন দৃশ্যে ক্ষণকালের জন্ত প্রাণ আমার ক্ষুদ্রা বালিকার মত পুলকে চঞ্চল হইয়া উঠিল। দ্বীপটির মধ্যস্থল দিয়া কতকগুলি পথ চলিয়া গিয়াছে, সেগুলি যেন ওই ধ্যাননিরীত ভক্তের বুকটি চিরিয়া প্রাণের মাঝখানটি স্পর্শ করিয়া বাহির হইয়াছে। এলিফ্যান্টার একপাশে একটি কোলাহল পরিপূর্ণ বন্দর দেখিলাম, কিন্তু ওই ধ্যানমগ্ন ধোঁগীর কর্ণপটাহে সে শব্দের কিছুই ঝঙ্কত হইতেছে না। দ্বীপের উপরিভাগ অগণিত তরুশ্রেণীতে একেবারে ছাইয়া ফেলিয়াছে—যেমন করিয়া সেই আদিযুগের তপস্রাপরায়ণ বাম্বিকীকে বন্দীক-কীটরূপে আচ্ছন্ন করিয়া ফেলিয়াছিল।

নৌকার বাহিরে বসিয়া দূর হইতে এই দ্বীপের

অপূর্ব শোভা ও প্রকৃতির মনোরম সৌন্দর্য দেখিয়া মুগ্ধ হৃদয় আমার উদ্বেলিত হইয়া উঠিতেছিল। সংসার-কর্মক্ষেত্রের মাঝে বাস করিয়া আমাদের নিভৃত অস্তরবাসীটিকে তেমন করিয়া অনুভব করিবার সুযোগ ঘটে না। তাই এই মুক্ত সাগর-বক্ষে অস্তরবাসীটি আগ্রত হইয়া উঠিয়া বাসিল—আর সেই মুহূর্তেই অস্তরের ক্ষুর দীনতাটুকু মুক্ত হইয়া ফুটিয়া উঠিল।

ছই তিন ঘণ্টার মধ্যেই আমরা আমাদের গন্তব্যস্থানে পৌঁছলাম, দ্বীপটির নিকটে তরী ভিরিল। ক্রমাগত সোপানশ্রেণী অতিক্রম করিয়া আমরা উপরে উঠিলাম। একটা ফাঁশা জায়গা দেখিয়া আমাদের সঙ্গীগণ রন্ধনের উদ্যোগ করিতে লাগিলেন। আহাৰান্তে আমরা পর্বত-গহ্বর-খোদিত দেবদেবীর মূর্তিগুলি দেখিতে চলিলাম। বহু শতাব্দী অতীত হইয়া গিয়াছে কিন্তু এখনও এই সকল মূর্তি প্রাচীন স্থপতিবিদ্যার উৎকর্ষতা সপ্রমাণ করিতেছে। মূর্তিগুলির কোন কোনটির কোন কোন অংশ ভাঙা দেখিলাম; শুনিলাম পর্বতগহ্বরের সময় এই সব গুহা তাহাদের হস্তগত হওয়ায় মূর্তিগুলির এই দশা হইয়াছে।

গুহার ভিতরে একস্থানে উৎকৃষ্ট পানীয় জল রহিয়াছে দেখিলাম। উপর হইতে শৈলদ্বীপ নিরীক্ষণ করিলে বোঝা যায় না যে ইহার ভিতর এমন শীতল পানীয় জল থাকিতে পারে! একখানি সোজা দাঁড় করান পাহাড়ের বৃকের কাছ বরাবর কর্তন করিলে যেমন গভীর হয় এটিও ঠিক তেমনি। এই জল নষ্ট হয় না, বহুকাল অমলিন রহিয়াছে। জলের স্বাদ অতি মধুর। কি মনোরম দৃশ্য এই পর্বতসুন্দরীর সরমতলটুকুর - যেন কোন উপেক্ষিতা অভাগিনীর স্নেহ-চলচল হৃদয়খানি।

আনমনে বেড়াইতে বেড়াইতে ছোট বনগুলির ধার দিয়া একেবারে সমুদ্রতীরে আসিয়া পড়িলাম। এই দিকটা কিনারা হইতে কিছু দূরে। খান ছই চারি ভাঙা নৌকা এখানে পড়িয়া আছে। এক

স্থানে দুইখানি ভগ্ন কুটীর দেখিলাম। পিছনে সমুদ্র বিশাল বক্ষ বিস্তার করিয়া চলিয়াছে, সামনে মুক্ত প্রকৃতির মধুরিমা, নিবিড় বনকান্ডারের চির নবীন নগ্ন সৌন্দর্যরাশি। সেই সমুদ্রপ্রান্তে উপলব্ধ শোভিত বনমাঝে একটা গাছের ডাল ধরিয়া উৎসুক নৈঃশব্দে মুগ্ধ চিত্তে প্রকৃতি-সৌন্দর্য নিরীক্ষণ করিতে লাগিলাম। ঈশ্বরের সৃষ্টিবৈচিত্রে মন তখন আমার ভরপুর। সেই কুটীরখানির সম্মুখেই একটি নাতিদীর্ঘ জলের কূপ। একজন বৃদ্ধ ও একটি বালিকা সেই কূপ হইতে কলসী ভরিয়া বারি উত্তোলন করিতেছিল, আমি সেই বালিকার সমীপবর্তিনী হইয়া তাহার পরিচয় জিজ্ঞাসা করিলাম। বালিকাটি সজল চক্ষে হিন্দীতে বলিল “আমরা মাদ্রাজের লোক, জাতিতে পারিয়া। আমাদের জল কেহ স্পর্শ করে না, আমাদের সঙ্গে কেহ কথাও বলে না। আমাদের স্বপ্নতপের কেহ সন্ধান নেয় না, এমন কি আমাদের ছায়া পর্যন্ত কেহ স্পর্শ করে না। ওই বৃদ্ধ আমার পিতা। উহাকে লইয়া সমুদ্রতীরে কুটীর বাধিয়া রহিয়াছি।”

এই অভাগিনী বালিকার কথায় আমার চোখে জল আসিল। বুঝিলাম ইহারাই সেই অস্বাভাবিক অস্পৃশ্য পঞ্চমবর্ণ—যাহাদের আমরা স্বেচ্ছা অধিকার হইতে বঞ্চিত করিয়া, ঘৃণা করিয়া সমাজ হইতে নিরাসন দিয়াছি; যাহাদের মনুষ্যত্বের দাবী পর্যন্ত আমরা কানে তুলি না; যাহাদের হৃদয়ে দুঃখীত হইয়া কবীন্দ্র রবীন্দ্রনাথ গাহিয়াছিলেন—

হে মোর দুর্ভাগা দেশ, যাদের করেছ অপমান,  
অপমানে হতে হবে তাহাদের সবার সমান।  
মানুষের অধিকারে বঞ্চিত করেছ যাদের,

সম্মুখে দাড়িয়ে রেখে

তবু কোলে দাঁড় নাই স্থান।”

এই সেই অপমানিত, পদদলিত, সমাজ হইতে বিতাড়িত, অভাগা অস্বাভাবিক জাতি! হিন্দুসমাজ সময় থাকিতে ইহাদের তুলিয়া লও—নচেৎ বৃহৎ হিন্দুসমাজের ধ্বংস অবশ্যস্বাবী।



অনেকক্ষণ ঘুরিয়া 'আমি অতিশয় ক্লান্ত হইয়াছিলাম, 'কণ্ঠ পিপাসায় শুষ্ক হইয়া গিয়াছিল। মুখের নিকট দুই হাতের অঙ্গুলি বন্ধ করিলাম এবং কিঞ্চিৎ জল প্রদান করিতে অস্বরোধ করিলাম। প্রথমে সে যেন বিশ্বাস করিতে না পারিয়া বিশ্বয়-বিস্ফারিত নয়নে চাহিয়া রহিল। তারপর আমাকে বাস্তবিক অতিশয় পিপাসার্ত দেখিয়া কলসী হইতে জল লইয়া ঢালিয়া দিতে লাগিল। সেই নীরব বনমাঝে সাগর-বেলায় দুইটি 'অপরিচিত মনুষ্যের নিকট দাঁড়াইয়া, এই অস্পৃশ্যের হাতের জল অত্যন্ত তৃপ্ত হইয়াই পান করিলাম। বোধ হয় এমন তৃপ্তি জীবনে আমি কখনও পাই নাই। জল পান করিয়া তাহাদের আশীর্বাদ করিয়া, যে গাছের ডাল ধরিয়া দাঁড়াইয়া ছিলাম সেখানে পুনরায় ফিরিয়া গেলাম। হৃদয় তখন আমার এক অপরূপ ভাবে ভরপুর হইয়া গিয়াছিল। পদতল কণ্টকে ছিন্ন হইয়া গিয়াছিল, তাহার বেদনার অসুভূতিও কিন্তু জাগিতেছিল না। আমি বিহ্বলার স্তায় নির্ঝাঁকু হইয়া পাষাণ-পুত্তলীর মত দাঁড়াইয়া রহিলাম। সারা জীবনের পুঞ্জীভূত বেদনার তরল ধারা দুই নয়ন বহিয়া গগনস্থল প্রাবিত করিয়া ঝরিয়া পড়িতেছিল বিশ্বপিতার শ্রীচরণ উদ্দেশে।

এই রকম ভাবে কতক্ষণ থাকিতাম জানি না, যাবার বাবুল কণ্ঠস্থরে চমক ভাঙ্গিয়া গেল। দেখিলাম, পাহাড়ের উপর হইতে 'তিনি ডাকিতেছেন।

বৈকাল .৪টার সময় যাবার তরনীতে গিয়া উঠিলাম। 'নৌকা এবার গৃহাভিমুখে ভাসিয়া চলিল। বায়ু তখন অত্যন্ত প্রবলভাবে বহিতেছিল। বোট বারংবার হেলিতে লাগিল। সেই হাওয়ার স্বর কানে আমার বাজিতে লাগিল, শৈলবালার অস্বরোধের মত—“আবার এসো এই বিজন বাসে।” মাঝীরা পাল তুলিয়া দিল। নৌকা বায়ুর সহিত যুদ্ধ করিতে করিতে চলিতে লাগিল,

ক্রুদ্ধ জলকণা নৌকার ওপর সবেগে ছলাং ছলাং করিয়া আছাড়িয়া পড়িতে লাগিল।

ক্রমে সন্ধ্যা ঘনাইয়া আসিল, লহরশিঙুলি কলগীতি গাহিয়া উঠিল। অস্তগামী সূর্যের লালিমাটুকু সমুদ্রবক্ষে ও ধরণীর মুখেচোখে জ্বল জ্বল করিতে লাগিল, বিহগবিহগীরা আপনাপন নীড়ে প্রত্যাবর্তন করিল, নিশীথের ঘন আঁধার সাগরবক্, আকাশ, ধরণী সব ছাইয়া ফেলিল। সারাদিন ভানুর কিরণরশ্মিতে নীল জল জ্যোতির্ষ্ময় ছিল, এক্ষণে কাল হইয়া উঠিল। কৃষ্ণ পক্ষ— তাই এই আঁধার দূর হইল না, ক্রমেই নিবিড় হইতে লাগিল। আমাদের নৌকা ক্রমশই কূলের নিকটবর্তী হইতেছিল। ক্রমে কিনারায় অগণিত প্রাসাদশ্রেণীতে বিজলী-আলোক জ্বলিয়া উঠিল। সেই আলোর ছিন্ন রশ্মিগুলি তীরের জলের উপর পড়িয়া ঝলমল করিয়া উঠিল। আমার মন তখন ক্রমে কল্পনার জগৎ হইতে সচেতন হইতেছিল, সে যেন উদাস সুরে বলিতেছিল—

“দিন শেষ হ'য়ে এল আঁধারিল ধরণী  
আর বেয়ে কাজ নাই তরণী।  
ধনী প্রাসাদ হ'তে আঁত দূর বাতাসে  
ভাসিছে পূরবী-গীতি আকাশে,  
ধরণী সমুখ পানে, চলে গেছে কোনখানে  
পরান কেন কে জানে উদাসে।

ভাল নাহি লাগে আর, আসা যাওয়া বারবার  
বহু দূর ছরাশার প্রবাসে;  
পূরবী-রাগিনী বাজে আকাশে।  
কাননে প্রাসাদ-চূড়ে নৈর্মে আগে রজনী  
আর বেয়ে কাজ নাই তরণী।

যদি হেথা খুঁজে পাই মাথা রাখিবার ঠাই  
বেচা কেনা ফলে যাই এখনি ॥”

তরী ঘাটে লাগিল।

শোকসস্তাপ পরিপূর্ণ সংসারের মধ্যে বাস করিয়া শান্তির মুখ দেখিতে পাই নাই, তাই “সংসারের দূরে সাগরবক্ষে পৰ্ব্বতপ্রদেশের মনোলোভা



দৃষ্টে প্রাণে যে বিমল আনন্দ লাভ করিয়াছিলাম তাহা বলিয়া জানান অসম্ভব। অন্তের পক্ষে এই সমুদ্রযাত্রা একটা হুচ্ছ স্বাপার হইলেও আমার

পক্ষে এ একটা 'তীর্থযাত্রাবিশেষ। সেইজন্য আমার জীবনের জমাধরচের পাতায় এই দিনকয়টির স্থিতি উজ্জল-রেখার চিরস্মরণীয় হইয়া থাকিবে।

## প্রত্যাবৃত্ত

( উপস্থাস )

শ্রীমতী প্রভাবতী দেবী সরস্বতী ।

[ পূর্ব প্রকাশিতের পর ]

( ১২ )

অসীম তখন নিজের ঘরে বিছানার উপর শুইয়া পুড়িয়া একখানা নভেল পড়িতে ব্যস্ত ছিল। মনটা বেশ তাহাতে বসিয়া গিয়াছিল।

বাহিরের দৃশ্যটা তখন বড় সুন্দর। সূর্য্য একটা পাতলা মেঘের আড়ালে লুকাইয়াছে। খানিক দূর ছায়া, আবার তাহার উপর ধুবধবে সূর্য্যের আলো, যতদূর চোখ যায় এইরূপ খানিক রোদ্দ, খানিক ছায়া।

হঠাৎ সিঁড়িতে মস্ মস্ শব্দ শুনিয়া তাহার মনটা বই হইতে সরিয়া পড়িল। সে উৎকর্ষ হইয়া উঠিল যে জুতার শব্দ তাহারই গৃহের কাছে আসিতেছে। পর মুহূর্ত্তেই দরজাটা ঠেলিয়া সরিত বলিয়া উঠিল “ঘরে আর কেউ আছে নাকি হে?”

অসীমের মুখখানা একবার বিকৃত হইয়া উঠিল, তখনই সে মুখের ভাব বদলাইয়া আভাবিক স্বরে বলিল “কেউ নেই, এমো।”

সরিত দরজা খুলিয়া প্রবেশ করিল। একেবারে তাহার বিছানার পাশে বসিয়া তাহার হাতের বই-

খানা টানিয়া লইয়া বলিল, “এখান কি বই? এসব পচা নভেল পড় কেন? নভেলেই যদি হাত দিতে হয় তবে চয়েস্ করে নেওয়া কর্তব্য। আমি এই জন্তে—অর্থাৎ কারটা রেখে কার বই চয়েস্ করব ঠিক করতে পারিনে বলেই নভেলে হাত দেই নে।”

মাঝখানে যে রাগারাগির ভাবটা আসিয়াছিল সেইটাই সে দূর করিবার চেষ্টায় ছিল। অসীম একটু হাসিয়া বলিল “বইখানা মন্দ নয়, বেশ লাগছে।”

সরিত বইখানর পাশে রাখিয়া বলিল “সে যাই হোক, আমার অত বড় পত্রের উত্তর কি ৩টি চারটি লাইনেই শেষ করে দিতে হয়?” আমি কত আশা করে থাকি লম্বা চণ্ডা পত্র পাব, এনভেলাপ খুলে দেখি শুধু সামান্য কাগজ!”

অসীম বলিল “সময়ই পেয়ে উঠিনে। কাছারীর কাজ, আবার বাবা জমিদারী কিনেছেন তার সব দেখা শোনা—

অধৈর্য হইয়া সরিত বিছানার উপর একটা চড় মারিয়া বলিল “আহা, কথা কাটিয়ে দियो না। ইচ্ছে থাকলে অনায়াসেই লিখতে পারতে। প্রোভার্বই রয়েছে Where there is will, there is way যেখানে ইচ্ছা আছে সেইখানেই উপায় হয়। তুমি হাজার কাজের মধ্যেও ছুটি করে নিয়ে একখানা পত্র লিখতে পারতে। তার চেয়ে বল যে ইচ্ছে ছিল না তাই লেখনি। মিথ্যে কথা বলে ঢাকার চেয়ে সোজাসুজি স্পষ্ট কথা বলা আমি পছন্দ করি।”

অসীম একটুখানি চূপ করিয়া থাকিয়া বলিল “না হয় তাই হল। তারপর আসলে কবে?”

সরিত বলিল “কাল এদিকে সুধীরকে পাঠিয়েছিলে টেশনে অথচ জিজ্ঞাসা করছ আসলে কবে?”

অসীম বলিল “সুধীরের সঙ্গে সেই পরশু পথে দেখা হয়েছিল আর দেখা হয় নি, কাজেই জানতে পারি নি। কাল সকালে এসেছ, আসোনি তো আমাদের বাড়ী?”

সরিত বলিল “দরকার?”

অসীম বিশ্বয়ে বলিল “তার মানে?”

সরিত দুঃখের সহিত বলিল “তুমি যদি আগেকার মত থাকতে অসীম, আমি কাল এখানে এসেই ছুটে আসতুম। কিন্তু দেখছি তুমি আমার কাছ হতে ক্রমে এতদূরে সরে গেছ যে এখন তোমার নাগাল পাওয়া আমার পক্ষে দুঃস্থ হয়েচে। আমি তোমার ভালর জন্তেই বরাবর চেষ্টা করে এসেছি, কিন্তু আমার দুর্ভাগ্য যে তুমি সেটা মন্দ বলেই ধরে নিয়েছ। যাই হোক, আজ আমি সে সব কথা ভুলে আবার ঝগড়া বাধাতে আসি নি। আজ আমি এসেছি বিজয়ার সম্ভাষণ জানাতে, ভাই বলে বুকে টেনে নিতে, মাঝখানে যে চটা-চটিটা ঘটেছিল আজকে সেটা আমি দূর করে ফেলতে চাই। মনের দাগ যেন কাহারও না থাকে তাই আমি আজকে প্রার্থনা করছি।”

অসীম গভীর মুখে বলিল “আমিও সত্যি

তাই চাই। নীচে সকলের সঙ্গে দেখা করে এসেছো তো?”

সে যে কি ভাবে কথাটা বলিল সরিত তাহা বুঝিতে পারিল না, বলিল “না এখনও কারও সঙ্গে দেখা করিনি। একেবারে বরাবর তোমার কাছেই এসেছি। তোমার সঙ্গে কথা একটা নিষ্পত্তি হয়ে গেলে, মাকে আর বউদিকে প্রণাম করা যাবে নং। তাঁরা তো আর পালাচ্ছেন না তোমার মতন।”

অসীম সে কথা শুনিয়াও শুনিল না, বলিল “আমি এবার একটা কাজ করতে যাচ্ছি জানো সরিত?”

সরিত বলিল “কি কাজ?”

অসীম তাহার মুখের উপর দৃষ্টি রাখিয়া বেশ সহজ ভাবেই বলিল, “আমার আমার বিয়ে যে।”

সরিত সবিস্ময়ে খানিকক্ষণ চূপ করিয়া রহিল; একটু পরে বিশ্বয়ের খাঙ্কাটা খানিক সামলাইয়া লইয়া বলিল “যাও, ও কি কথা?”

অসীম হাসিয়া বলিল, “মাইরি মিছে কথা নয়; বাস্তবিকই অশ্রাণ মাসের ২রা আমার বিয়ে। সব ঠিকঠাক হয়ে গেছে। না হয় বাবাকে জিজ্ঞাসা করে দেখতে পার।”

সরিত বলিল “পাত্রীটি কে?”

অসীম বলিল “সেই যাকে নদীর ধারে দেখেছিলাম।”

সরিত বলিল “দীপালি?”

অসীম বইখানা তুলিয়া লইয়া পাতা উল্টাইতে উল্টাইতে বলিল “হ্যাঁ সেই বটে।”

সরিত অনেকক্ষণ নিস্তব্ধভাবে বসিয়া রহিল। যে লোক একটি রমণীর জীবনের ভার হাতে করিয়া লইয়া, তাহাকে শেষে অকূল সাগরে ডাসাইয়া তার একটা রমণীকে জীবনের সহচারিণী করিবার জন্ত অগ্রসর হইয়াছে, তাহাকে বন্ধু বলিয়া ভাবা কর্তব্য কিনা সে তাহাই ভাবিতেছিল। এই ভাবিয়া বড় দুঃখীতও হইতেছিল। অসীম শুধু নিজের

দিকটাই দেখিল, পরের দিকে চাহিল না। নিজের যাহাতে শুধু সে তাহাই করিতে উচ্চত হইল, কেহ যে তাহাতে মর্মান্তিক, বেদনা পাইল তাহা সে ভাবিয়া দেখিল না। যাহুয কতদূর স্বার্থপর হইতে পারে, কতদূর ভয়ানক হৃদয় তাহার থাকিতে পারে, তাহা সরিত আজ বুঝি এই প্রথম দেখিল; বিশ্বয়ে দুঃখে তাহার কণ্ঠরোধ হইয়া গেল, সে নির্নিমেষ-নয়নে শুধু অসীমের গষ্ঠীর মুখখানার পানে তাকাইয়া রহিল।

অনেকক্ষণ নীরব থাকিয়া একটা দীর্ঘনিঃশ্বাস ফেলিয়া বলিল “আর তোমার স্বপ্নের পথে বাধা-ধরূপ দাঁড়াতে চাইনে আমি। কিন্তু সত্য করে নিজের বুকে হাতখানা রেখে বল দেখি এটা কি উচিত কাজ হচ্ছে? মুখের কথা আমি, শুনতে চাইনে, বুকের সত্যটাকে আমি জানতে চাই।”

অসীম বই হইতে মুখ তুলিয়া হঠাৎ উত্তেজিত ভাবে বলিয়া উঠিল “কিনে উচিত হচ্ছে না? আমি একে অনুচিত হবার মত কিছুই দেখতে পাচ্ছিনে।”

সরিত স্বীকার করিয়া লইল তাহা খুব সত্য কথা। সে বলিল “আমি একটা দিক তোমায় দেখিয়ে দিচ্ছি। অনেক দিন আগে এই কথাটা নিয়েই তোমার সঙ্গে আমার মনান্তর হয়েছিল। আজ, আবার সেই অপ্রীতিকর প্রসঙ্গটা যে উত্থাপন করতে হচ্ছে, এতে আমি ভারি লজ্জিত ও দুঃখিত হাঁচ্ছি; কিন্তু বাধ্য হয়ে আমায় পেনে কথা আবার বলতেই হচ্ছে, কারণ উপায় নেই। আমাদের সমাজে পুরুষ বহুবীর বিয়ে করতে পারে, মেয়েরা তা পারে না। ধর্ম সাক্ষী করে যার হাতে সে হাত রাখে, তাকেই একমাত্র দেবতা বলে জানে। পুরুষ তাকে দলন করবে, পেষণ করবে, সে নীরবে সব সহ্য করে যাবে, মুখ ফুটে একটা কথা বলবার অধিকার তার নেই। আমি তোমায় সেই প্রথম দিন হতে সাবধান করে আসছি, তোমার মনের মোহভাবটা কাটিয়ে তোমায় আবার ভালপথে নিয়ে, যাবার চেষ্টা করেছি, কেন তা জান?

তোমার স্ত্রীর সঙ্গে? তুমি আবার বিয়ে করতে পার। আবার সুখী হবে, কিন্তু তার কি আছে, সে কি নিয়ে থাকবে? তার কতখানি সে তোমাকে দিয়েছে সেটা তুমি দেখছ না। তার সর্বস্ব নিয়ে, তাকে পথের ভিখারিণীর চেয়েও অধম করে তুমি জগতে একলা তাকে ছেড়ে দিতে চাও? তার ভাষা আছে, কিন্তু তা তোমার মত ফুটে উঠতে পারে না, তাই তুমি তাকে এত পেষণ করতে চাও? না অসীম, ফিরে এসো ভাই। এখনও যথেষ্ট সময় আছে, ফিরতে পাববে। যদি সে মেয়েটার সঙ্গে তোমার বিয়ের সব ঠিকই হয়ে থাকে, আমার উপর ভার দাও, আমি ভেঙ্গে দিচ্ছি। তার সঙ্গে অন্য পাত্র ঠিক করে দিচ্ছি। সুধীরকে আমি আজই রাজি করাব। আমার কথা রাখতে সে দীপালিকে গ্রহণ করবেই। না ভাই, অসীম, আমি তোমায় আর একজনের দুঃখদাতা, শাস্তিহারীরূপে পরিণত হতে দেব না। তুমি যা, আমি তোমায় তাই করতে চাই, তোমায় দেবতা গড়ব, সন্নতান হতে দেব না। আমার কথা শোনো ভাই, মিছে খেয়ালের বেশে চলো না।”

অসীম তাহার দীর্ঘ লোকচার নীরবে শুনিয়া গেল, বাধা দিল না। যখন সরিত থামিয়া গেল, তখন সে বলিল “তোমার সব কথাই শুনলুম। আমারও টের কথা আছে বলবার মত। অনেক দিন হতে চেপে রেখেছি, আজ যখন সব কথা তুলছি, তখন আমায় সব প্রকাশ করতেই হবে। তুমি যে বলছ আমি তাকে দুঃখ দিচ্ছি, কিন্তু কেবল তার দিকই দেখছ, তুমি; আমার দিকে কি একবার তাকিয়েছ? আমি যে দিনরাত বুকের মধ্যে কি আগুন জালিয়ে তাতে দগ্ধ হচ্ছি, তা একবার ভেবে দেখছ? আমার শাস্তি গেছে; সুখ গেছে, সব সেই আগুনে আমি বিসর্জন দিয়েছি। মনুষ্য পর্ব্যন্ত আমার নেই। আমি কি ছিলুম কি হয়েছি সেইটাই দেখতে পাচ্ছি, কিন্তু কেন যে হয়েছি সেটা ঠিক কি জানতে পেরেছ? কি তুল!

তুমি ভাবছ দীপালিকে দেখেই আমি এমন হয়েছি ? সত্য কথা, তাকে দেখে মন আমার চঞ্চল হয়েছিল, কিন্তু ভগবান জানেন আমি মনকে কতদূর শাস্তি দিচ্ছিলুম তার প্রত্যয়ে । আমি এখনও আমার কর্তব্য-জ্ঞান, আমার মনুষ্যত্ব হারাইনি । তার পরে,—না, আর বলব না সরিত, আমায় মাপ কর, আমার বুকের আগুন খোঁচা দিয়ে বার করো না, তাতে তুমি শুষ্ক দগ্ধ হয়ে যাবে।”

সে দুই হাতে মাথাটা টিপিয়া ধরিল । সরিত বলিল “আমি দগ্ধ হব সে ভাবনা তোমায় করতে হবে না । তুমি বল, আমি সব শুনতে চাই।”

তীব্রকণ্ঠে অসীম বলিল “আবার কি বলব ? সব জেনে শুনে আবার আমার কাছে শুনতে চাও ? সে কি নারী, যে স্বামীর প্রতি বিশ্বাসহীনে হয় ? সে যে দানবী রাক্ষসী, অথবা তাদের মধ্যেও যা আছে তার মধ্যে যে তাও নেই, সে তার চেয়েও ভয়ঙ্করী । তার দুঃখ ? কিসের দুঃখ তার ? আমার বুকে সে চিত্তা জ্বালিয়েছে । সে স্থখে থাকব আর আমি আজীবন এই চিত্তা বুকে নিয়ে চেয়ে থাকব তার পানে ? তা হবে না বলেই আমি আবার দীপালিকে বিয়ে করতে যাচ্ছি । দেখি, সে আমায় শাস্তি দিতে পারে কিনা, সে আমায় স্থখী করতে পারে কিনা । সকল মেয়েই এক সমান হয় না।”

বিস্মিত হইয়া সরিত বলিল “কি পাগলের মত ব'কছ তুমি, অসীম ? মাথাটা একটু ঠাণ্ডা করে—”

কর্কশ কণ্ঠে অসীম বলিল “ঠাণ্ডা ? তোমায় যখনই আমার সামনে দেখি সরিত, আমার মাথায় নরকের আগুন জ্বলে ওঠে, আমি জ্ঞান হারিয়ে ফেলি । মিথ্যাবাদী—কপটাচারী বন্ধু—”

‘তাহার উত্তেজিত ভাব দেখিয়া সরিত উঠিয়া দাঁড়াইল । অসীম রক্তনেত্র তাহার পানে চাহিয়া বলিল “তুমি আবার আমাকেই জিজ্ঞাসা করতে এসেছ ? বুকে হাত দিয়ে সত্য কথা বল—আমার সকল স্থখ, সকল শাস্তি, কে নষ্ট করেছে ? সে তুমি না ?”

আত্মবিস্মৃত সরিত বলিয়া উঠিল “আমি ?”

অসীম তেমনিই ভাবে বলিল “হ্যাঁ তুমি । বন্ধুর ঘরে এসে বন্ধুর সর্কনাশ করেছ তুমিই । তোমার বুকে কার ছবি আঁক, সরিত ? কোন্ কথা ভেবে তুমি আমাদের বাড়ী যাতায়াত কর বল দেখি ? বল—সুয়তান !”

সরিতের চোখের সম্মুখে সমস্ত পৃথিবীটা তখন ঘুরিতেছিল, পায়ের তলা হইতে মাটা সরিয়া যাইতেছিল ! তাহার মুখখানা তখন শবের মণ্ডই মলিন ।

তখনই নিজেকে সে সাহলাইয়া লইল । স্বান হাসি হাসিয়া হাত দুখানা কপালে স্পর্শ করিয়া সে বলিল “শুধু তুমি তাই প্রণাম করছি । এমন আঘাত জীবনে কখনও অনুভব করিনি । বিজয়ার সম্ভাষণ পেয়েছি, ভাই, এখন যাচ্ছি । প্রার্থনা করি, এই দেখাই আমাদের শেষ দেখা হোক, তোমার সামনে যেন আমাকে আর দাঁড়াতে না হয়।”

টলিতে টলিতে সে বাহির হইয়া সিঁড়ি-বাহিরা নামিয়া পড়িল । সেবিকা রক্তনগ্নে কি করিতেছিল । সরিতকে বাহির হইয়া যাইতে দেখিয়া সে ছুটিয়া বারাণ্ডায় আসিয়া ডাকিল “ঠাকুর পো।”

“মাপ কর বউদি, বিজয়ার প্রণাম করাছি এখন হতেই । এই শেষ দেখা করে যাচ্ছি, যদি কোনও দোষ করে থাকি কখনও, ভাই বলে মাপ কোরো।”

সেখান হইতেই প্রণাম করিয়া লে চলিয়া গেল । সেবিকা ব্যাপারটা কিছুই বুঝিতে পারিল না, আশ্চর্য্য হইয়া সেখানে দাঁড়াইয়া রহিল ।

( ১৩ )

বাড়ীতে পৌছাইয়া সরিত একেবারে দ্বিতলে নিজের গৃহে প্রবেশ করিয়া বিছানায় শুইয়া পড়িল । জুতাটাও খুলিবার দিকে তাহার দৃষ্টি ছিল না ।



আজ তাহার মনের মধ্যে কে কেবলি আঘাত করিয়া গর্জন করিয়া ডাকিতেছিল—মিথ্যাচারি, ভণ্ড! অগৎ আজ যেন সেই সুরে সুর মিলাইয়া ভৈরবগর্জনে তাহাকে সম্বোধন করিতেছিল—মিথ্যাচারি, ভণ্ড!

দুই কানে আবুল দিয়া সন্নিহিত নিম্পন্দভাবে পড়িয়া রহিল।

এতদিন সে বাহিরের দিক হইতে নিজে কে দেখিতেছিল, নিজে কে সংঘত করিতেছিল, হৃদয়ের দিক হইতে নিজে কে তো সে দেখে নাই।

বাস্তবিকই তো, সেবিকার দুঃখ অনুভব করিয়া তাহার হৃদয় এত কাঁদিয়াছিল কেন? জগতে আরও লক্ষ লক্ষ নারী রহিয়াছে, তাহাদের কত দুঃখ সে সেদিকে চাহে নাই কেন? সেবিকা অসীমের, অসীম তাহাকে দুঃখ দিবে, যাহা ইচ্ছা তাহাই করিবে, তাহাতে সরিতের কি? সে কেন সেবিকার মুখ দেখিলে স্নানী হয়, তাহার দুঃখ দেখিলে 'দুঃখী হয়? সেবিকার মুখে হাসি দেখিলে তাহার মুখে হাসি আসে; সেবিকার চোখে জল দেখিলে তাহার চোখে জল আসে কেন? সে যে পরজী, সে যে মায়ের সমান। কতদূর দূরতা তাহাদের মধ্যে, তবু সে কেন নৈকট্য অনুভব করে?

কিন্তু সেদিন তো সে পরজী ছিল না। সেদিন সে একাদশবর্ষীয়া ছোট মেয়েটি ছিল। তাহার উপরে সেদিন প্রকৃতিরই একমাত্র অধিকার ছিল, আর কাহারও ছিল না।

সেই বসন্তের মুহূর্ত্ত বায়ু যেদিন বৈকালে বহিয়াছিল, কুসুমগন্ধ বহিয়া উন্নতভাবে চারিদিকে ছুটাছুটি করিয়াছিল, সেই সময়ে ছোট মেয়েটিকে সঙ্গে লইয়া দরিদ্র পিতা সরিতের কাছে আসিয়াছিল তাহারই হাতে সেই ছোট ফুলটিকে সমর্পণ করিবার অন্ত। সরিতের বন্ধুরা এই বৃদ্ধের আশা শুনিয়া হাসিল, বিক্রপ করিল এবং তাঁহাকে স্পষ্ট জানাইয়া দিল যে এমন হইয়া টানে হাত দিবার আশা করা তাঁহার পাপলাম্বীরই কাজ হইয়াছে। সরিতও তাহাদের

সহিত যোগ দিয়া হাসিয়াছিল, বোধ হয় বিক্রপও করিয়াছিল। বৃদ্ধ সজলনয়নে মেয়েটির হাত ধরিয়া যেমন নিস্তব্ধভাবে আসিয়াছিলেন তেমন নিস্তব্ধভাবেই চলিয়া গেলেন।

সে তো সরিতেরই হইতে পারিত। সরিতের ছুয়ারে সে সাধিয়া আসিয়াছিল তাহাকে বরণ করিতে, সরিত তাহাকে কঠোর উপহাস করিয়া ফিরাইয়া দিল, অসীম সেই প্রত্যাহ্বাত কুসুম তুলিয়া লইল।

সরিত একটা দীর্ঘনিশ্বাস ফেলিল। আজ সে পরজী, আজ তাহার পানে চাওয়া, তাহার কথা মনে করাও পাপ; কিন্তু সে যে তাহারই হইতে পারিত।

সে ভাবনা তখনি তুলিয়া গেল, মনে হইল অসীমের তীব্র কথাগুলি। অসীম তাহাকে কি ধারণা করিয়াছে?

সরিত ছটফট করিতে লাগিল। কেমন করিয়া সে অসীমকে বুঝাইবে অসীম তাহাকে যাহা ভাবিয়াছে সে তাহা নহে? সে বুঝাইতে পারিত তখনই যখন অসীম তাহার মুখের উপর ভণ্ড কপটাচারি বলিয়াছিল। কিন্তু তখন সে এই অতর্কিত আঘাতে এমন হইয়া গিয়াছিল যে তাহার মুখে একটা কথাও ফুটিতে পারে নাই। তখনই সে সর্বপ্রথম জানিতে পারিল বাস্তবিকই সে সেবিকার জন্ত কতখানি ব্যগ্র। নিজের ছদ্মবেশটা নিজের কাছে প্রকাশ হইয়া যাওয়াতে সে নিজেই স্তম্ভিত হইয়া পড়িল।

ঝোঁকের মাধ্যমে সে যখন চলিয়া আসিতেছিল, সেই সময়েই সন্মুখে পড়িল সেবিকা। সরিতের তখন পাড়াইবার অবস্থা নয়, সেবিকার মুখের পানেও সে চাহিতে পারিল না। সে যে বাস্তবিকই অপরাধী! অসীম তাহার তুল ধরাইয়া দিয়াছে, কিন্তু বড় কঠিন আঘাত দ্বারা। তাহার অপরাধের দণ্ড সেই ভোগ করুক, এ নির্দোষী যুবতী কি জানে? নিজের দোষ নিজের কাছে ব্যক্ত হওয়াতে



সে বড় সঙ্কচিত হইয়া উঠিয়াছিল। পাছে তাহার পাপ সেবিকাকে স্পর্শ করে, সেই ভয়ে সে দূর হইতে প্রণাম করিয়া ছুটিয়া পলাইল।

অসীম বোধ হয় ইহা, অনেকদিন হইতেই জানিতে পারিয়াছে। সরিত যখন তাহাকে নিজের দ্বীর প্রতি কর্তব্য স্মরণ করাইয়া দিয়াছে, আর নারীর প্রতি দৃষ্টিপাত পাপের কাজ বলিয়া উল্লেখ করিয়াছে, তখন ঘৃণায় হয় তো অসীমের মুখখানা কৃষ্ণিত হইয়া উঠিত, তাহার ওষ্ঠে বোধ হয় ঘৃণার হাসিই ফুটিয়া উঠিত। সেই কথা ভাবিতে সরিতের কান পর্যন্ত লাল হইয়া উঠিল। সে দুই হাতে বালিশটাকে আঁকড়াইয়া ধরিয়া ডাকিতে লাগিল—ভগবান, এমন কোঁনও স্থান দাও আমায় যেখানে আমি চিরকাল আমার এ মুখখানা লুকিয়ে রাখতে পারি।

সেবিকার কথা মনে পড়িল। সে তো জানে না যে সরিতের গুণই তাহার এত লাঞ্ছনা, সরিতের গুণই স্বামী তাহাকে দূর করিয়া আবার বিবাহ করিতেছেন। সে যখন শুনিবে সরিতের মনে তাহারই মূর্তি আঁকা, তাহারই কথা ভাবিয়া সে এ বাড়ীতে যাওয়া আসা করে, তখন সরিতকে কি স্নেহের চোখে দেখিবে? তাহার দুঃখের হেতু সরিতকে কি সে অভিশাপ দিবে না? কেন সে সরিতের সহিত অসঙ্কোচে কথা কহিত ভাবিয়া কি অসুতপ্ত হইয়া উঠিবে না?

“দাদা ঘরে আছ নাকি? বাঃ, দরজা বন্ধ করে—” বলিয়া আর করিয়া দরজা ঠেলিয়া বিনীতা ঘরে ঢুকিয়া পড়িল। সরিতকে শুইয়া থাকিতে দেখিয়া বিস্ময়ে-চক্ষু দুইটা কপলে তুলিয়া সে বলিল “কয়ে কয়েছ যে? অসুখ করেছে নাকি?”

তাহাকে ঘরে প্রবেশ করিতে দেখিয়া সরিত ধড়মড় করিয়া উঠিয়া বাসিল। চৌধুরীমুখের পূর্ব-জীবটা ফিরাইয়া আনিবার চেষ্টা করিয়া বলিল “তোমার যেমন মন কিনা, একটু জ্বরে থাকতে দেখলেই বলবি অসুখ করেছে। গায়ে হাত দিয়ে বেগ বরং অসুখ করেছে কিনা।”

বিনীতা তাহার ললাটে হাত দিয়া বিজ্ঞভাবে বলিল “না, অসুখ তো করে নি। তোমার মুখখানু কিছু বড় খারাপ দেখাচ্ছে। তোমার টেম্পারেচার নিতে হবে, রও।”

হাসিয়া সরিত বলিল “পাপল হয়েছিস্ নাকি? মাথাটা ধরেছে বড়, তাতে আর এমন কিছু হবে না।”

ব্যস্তভাবে বিনীতা বলিল না “কিছু আর হবে কেন? মেবারেও অমনি করেছিলে না? প্রথম বেলায়-রোগ চেপে রেখে, শেষে ধাকা সামলানো দায় হয়ে ওঠে। তুমি কেবল এমনি করে—”

তাহার চোখে জল আসিয়া পড়িল, কণ্ঠস্বরও বন্ধ হইয়া গেল। তাহার এই পাপলামী দেখিয়া সরিত হাসিল—তাঁহার চোখেও তখন জল টলটল করিতেছে। বিনীতার হাতখানা ধরিয়া কাছে টানিয়া আনিয়া বলিল “আমি তোমার নিজের ভাই, ভাই এত ভাবছিস বিনীতা, আর এট খে হাজার লোক মরছে যখন একবিন্দু জল পাচ্ছে না, সেটা ভাবছিস? আমার সামান্য মাথাধরা বই তো নয়, এখনি সেরে যাবে। যাদের দেখতে কেউ নেই, তাদের কথাটা—”

বিনীতা বলিল “তাদের সেবা করার মত উপযুক্ত করে নিজেকে তো গড়ে তুলছি দাদা। তোমার আগে ভাল ধাকা চাই, নইলে তোমার হিকে যদি মন থাকে, কাজ করব কি করে?”

একটু নীরব থাকিয়া সে পুনরায় বলিল “তোমার কাছে আমি একটা ভিক্ষা চাচ্ছি দাদা, দেবে?”

সরিত তাহার ভাব দেখিয়া আগেই শঙ্কিত হইয়া উঠিল, বলিল “কি ভিক্ষা চাস্ আবার তুই?”

বিনীতা বলিল “তোমাকে মার আক্রমণ হ’তে আমিই অনেক করে বাঁচিয়ে এনেছি, আজ সেই আক্রমণটাই আমি প্রার্থনা করছি। আমি তোমার বিয়ে দেবার প্রার্থনা করছি দাদা। তোমার পায়ে পড়ি বিয়ে কর।”

সরিত একটু হাসিয়া বলিল “কেন বিয়ে করব, বিনীতা?”

বিনীতা একটু জেদের সহিত বলিল “তোমার সঙ্গে তোমায় বিয়ে করতে বলছি নে দাদা, আমার দিকে তাকিয়ে আমি বলছি। আমি কাজে নেমে যেতে চাই কিন্তু তোমায় একলা ফেলে যেতে পারছি নে। কে তোমায় দেখবে এই আমার ভাবনা হচ্ছে। আমি বউয়ের হাতে তোমায় দিয়ে চলে যেতে চাই।”

সরিত একটা নিখাস ফেলিয়া বলিল “ঠিক কথা বলেছিস বটে বিনীতা। আমাদের দেশে একটা কথা আছে যে গুরুর চেয়ে শিশু বড়, সেটা ঠিক দেখালি তুই। আমিই তোকে দীক্ষিত করলুম মাতৃমন্ডে, আমার সহায়তা তুই করবি, তাই। দেখ, আমি কত পিছিয়ে পড়ে আছি, আর তুই কতটা এগিয়ে চলে গেছিস। তোর বাসনা মুক্ত উদার, আমার বাসনা এখনও সীমাবদ্ধ। কিন্তু আর না বোন, জড়িত আমি ত্যাগ করেছি, আমি আমার জীবন গণ করেছি। আমি আর কোন্‌ও দিকে চাইব না, কেবল এগিয়ে যাব। আমার ভার তোকেও নিতে হবে না, আমার ভার আমি নিজেই নেব। তুই যদি মুক্তির জন্যে এতটা ব্যগ্র হয়ে

থাকিস, যা তবে, আমি তোকে সকল বন্ধন হতে মুক্ত করে দিচ্ছি।”

বিনীতা চোখ মুছিতে মুছিতে বলিল “আমি মুক্তি চাইনে। যদি তুমি সংসারেই না বন্ধ হতে চাও, চল তবে এগিয়ে। এস, আটকে পড়ে আছ কেন? কোনও বন্ধনই যখন তোমার নেই—”

সরিত বলিল “ছিল বোন, বাঁধন ছিল বই কি, নচেৎ খানিক দূর এগিয়ে থমকে দাঁড়িয়েছিলুম কেন? ভগবান সে বাঁধন এখনই ছিঁড়ে দেছেন। আগে আমিও সে বাঁধন বুঝতে পারিনি, যখন ছিঁড়ল তখন বুঝলুম। বুঝলুম এরই টানে আমি এগিয়ে গিয়েও কিরেছি অথচ বুঝতে পারিনি কেন কিরলুম। যখন বাঁধন ছিঁড়ল, তখন বুকটা ঘেঁষন হাহাকার করে কেঁদে উঠল, তেমনি সঙ্গে সঙ্গে আনন্দে পূর্ণ হয়ে গেল। আমি আজ বখার্ব মুক্ত বিনীতা।, আমায় ফেলে গুঁবে যাসনে বোন, তোর দাদাকে তোর কাছে ডেকে নে।”

সে দুই হাত ভগিনীর দিকে বাড়াইয়া দিল। বিনীতা সেই দুইখানা হাত নিজের হাতের মধ্যে লইয়া অশ্রুধলে সিক্ত করিয়া দিল। (ক্রমশঃ)

## রাত্রি ও তারা

শ্রীমতী আমোদিনী ঘোষ।

শশী-হীন নভতল হ'তে কয় তারকা,—  
বিষাদিনী বসুন্ধরে তব নব অলকা,  
মাণিক্যের ছাতি দিয়া রচেছি কি আ-মরি  
কলঙ্কী শশাকে যাবে পূজকেতে পাশরি!  
যেদিকে কিরাবে আঁপি মোরা আছি বিরিয়া

জলু জলু স্তবিসল জ্যোতিজাল মেলিয়া।  
ধরা কয়—হায় মুচ, একি তোর ছরঁশা,  
বুঝনেতে আগে যার দরশের পিপাসা,—  
তারি জ্যোতি-ভাতি হেরি স্ক্রু ও বয়ানে,  
জাগি তাই চেয়ে থাকি অনিমিখ নয়ানে।

# নারীরক্ষায় ইংরেজ সরকার

শ্রীশ্যামলাল গোস্বামী ।

আমাদের বাঙ্গালীজাতির কথার সহিত কার্ঘ্যের, শাস্ত্রের সহিত শাস্ত্রীয় আচারের যে কোন সামঞ্জস্য নাই, তাহা হিন্দুনারীর দুর্দশার দিকে দৃকপাত করিলেই বেশ উপলব্ধি হয় । মনু ব্যবস্থা দিয়াছেন—

“যত্র নারীশ্চ পূজ্যন্তে রমন্তে তত্র দেবতাঃ ।

যত্রৈতাস্ত ন পূজ্যন্তে সর্কাস্তত্রাকলাঃ ক্রিয়াঃ ॥”

অর্থাৎ নারীগণ যেখানে সম্মান পান, সেখানে দেবতাগণ প্রসন্ন, যেখানে ইহাদের আদর নাই, সেখানে সমুদয় ক্রিয়া বিফল ।

কিন্তু জিজ্ঞাসা করি কার্ঘ্যক্ষেত্রে মনুর এ বচন কতটা রক্ষিত হইয়াছে ও হইতেছে? বারং বছরের কচি মেয়ে হাতের শাঁখা ভাঙ্গিয়া বৈধব্য-বেশ ধারণ করিলে তাহার চৈত্রমাসের কাটফাটা গ্রীষ্মের মধ্যেও একবিন্দু জল গুণাইবার অধিকার নাই । এই সেদিন ময়মনসিংহে একটি জরবিকারগ্রস্তা হিন্দু-বিধবাকে একাদশীর দিন সম্পূর্ণ বিনা-ঔষধে রাখা হইয়াছিল, তাহার ফলে বিধবা সকল জালা যন্ত্রনার হাত হইতে অচিরেই অব্যাহতি পান । জিজ্ঞাসা করি ইহাই কি ধর্ম? এক্ষেত্রে সেই রমণীকে একবিন্দু ঔষধ পান করিতে দিলে এমন কি অধর্ম করা হইত?

সতীদাহ-প্রথার নিষ্ঠুরতা কে না জানেন? এই প্রথায় ফলে অনিচ্ছা সত্ত্বেও অনেক বিধবাকে হাত পা বাধিয়া জলস্ত চিন্তায় ছুঁড়িয়া ফেলা হইত । একবার একটি হিন্দু-বিধবাকে জোর করিয়া তাঁহার সম্পত্তির লোভে গ্রামবাসীরা চিতায় তুলিয়া দিয়াছিল, বিধবা আঁঙনের তাতে ছটফট করিতে করিতে দৌড়াইয়া গিয়া কলিকাতা নগরের প্রতিষ্ঠাতা জবচাঁকের শরণ লয় । জবচাঁক সেই হিন্দু-বিধবাকে আশ্রয় দিয়া শেষে তাহাকে

বিবাহ করেন । প্রাচীনকালে প্রথা ছিল, কোন রাজার মৃত্যু হইলে সেই সন্দেশে তাঁহার দুই চারিটা রানী ও দাসীকে দগ্ধ করা হইত । মহারাজ রণজিৎসিংহের মৃত্যু হইলে তাঁহার সহিত চারি পাঁচ জন স্ত্রীলোককে দগ্ধ করা হয় । তাঁহার স্ত্রীর পাশ্বে রানীদের স্তূপ আজিও রহিয়াছে । রাজা রামমোহন রায়েচেষ্টায় ইংরেজ সরকার এই নিষ্ঠুর বর্কর প্রথার মূলোচ্ছেদ করেন ।

বহুবিবাহ ও কৌলীগ্রপ্রথায় নারী-জাতির দুঃখ দুর্দশাকে নিঃশব্দ কম বাড়ায় নাই । সেকালে এক একটি পুরুষের সহিত ৪০।৫০টি স্ত্রীলোকের বিবাহ দেওয়া হইত । অনেক ক্ষেত্রে স্বামী স্ত্রীর নাম পর্য্যন্ত বলিতে পারিতেন না । অনেক ফুলীন স্বামী বৎসরান্তে এক একবার গুরুদেবের জায় খুঁড়বাড়ী যাইয়া “বার্ষিক” আদায় করিয়া আনিতেন । স্বর্গীয় বিজ্ঞানাগর মহাশয় আইনের দ্বারা এই বহু-বিবাহ লোপ করিবার চেষ্টা করেন, কিন্তু দেশের “বুদ্ধিমান” ব্রাহ্মণ পণ্ডিতগণের প্রতিবাদে তাঁহার চেষ্টা ফলবন্তী হয় নাই । স্বথের বিষয় কাৰুচক্রের আবর্তনে এই বহুবিবাহ-প্রথা আপনা হইতেই সমাজ হইতে তিরোহিত হইয়াছে এবং কুলীনদের কৌলীগ্র-স্পর্কারও হ্রাস হইতেছে । এখন আর মূর্খ, অর্কাচীন, নিরক্ষর, অক্ষম কুলীন দেখিয়া লোকে তুলে না—কেহ আর মেয়ে জলে ফেলিয়া দিতে চাহে না ।

রাজপুতনা, পঞ্জাব ও উত্তরপশ্চিমাঞ্চল প্রভৃতি স্থানে শিশু-বালিকা হত্যার প্রথা ছিল, ইংরেজ সরকার এই বর্কর প্রথা আইনের দ্বারা তুলিয়া দিয়াছেন । পঞ্জাবে স্মৃতিকার্যেই শিশু-বালিকা গণকে হত্যা করা হইত ।

এই ত গেল হিন্দুদের ঘরের কথা। এইবার মুসলমানদের অন্তঃপুরের সন্ধান লওয়া যাউক।

আগ্রা নগরে মুসলমান সন্ন্যাসীদের নিশ্চিত একটা দুর্গ আছে, সেই দুর্গের নীচের তলার কোণে একটি অন্ধকার ঘর আছে, তাহার ছাদের নীচে একটি কড়িকাঠ ও তাহাতে একটি লোহার আংটা আছে এবং তন্মিয়েই একটি নর্দমা আছে। সেই ঘরটি বেগমদের ফাঁসীর ঘর ছিল। মধ্যে মধ্যে সন্ন্যাসী অতি সামান্য কারণে বেগমদের উপর চটিয়া তাহাদিগকে ফাঁসি দিতেন। লক্ষ্মীএর নবাবের বাটীতে ৩৬৫টি বেগম-আবাস ছিল, প্রতিদিন যেমন নূতন একটি করিয়া বেগম আনা হইত, অমনি একটিকে ফাঁসীতে লটকান হইত।

মহারাজ রণজিৎসিংহের কোন সেনাপতি কোনও যুদ্ধে জয়লাভ করিয়া আসিকামাত্র তিনি একটি "রাণী" সেই সেনাপতিকে উপহার দিতেন।

সিন্ধুদেশে পত্নীহত্যার অত্যন্ত বাড়াবাড়ি ছিল। এত বাড়াবাড়ি যে ইংরেজ সরকারকে তথায় আইন প্রচলন করিয়া পত্নীহত্যা নিবারণ করিতে হইয়াছিল। ১৮৪০—১৮৪২ সালের মধ্যে ইংরেজেরা সিন্ধুদেশ জয় করিয়াই দেখিতে পান যে সেখানে অবাধে নারীহত্যা চলিতেছে। তদুপরে ১৮৪৭ সালে সিন্ধুদেশের গবর্নর Sir Charles Napier যে ঘোষণাবাণী প্রচার করেন তাহার সংক্ষিপ্ত সার এই—People of Sind! The Government has forbidden you to murder your wives—a crime commonly committed when the British conquered the country. ...This the Government will not permit.... Do you imagine that Government believe that these women committed suicide? Do you believe Government can be deceived by such villainy?... You are therefore thus solemnly warned, that in whatever village a woman is found murdered heavy, fine

shall be imposed on all and rigidly levied. ...If a woman is said to have committed suicide in your district, for it shall be an evil day for all in that place. অর্থাৎ হে সিন্ধুবাসিগণ! গবর্নমেন্ট তোমাদিগকে পত্নীহত্যা করিতে নিষেধ করিতেছেন। যদি কোথাও পত্নীহত্যা হয় তবে অতি গুরুতর আর্থিকদণ্ড হইবে, এমন কি কোথাও কোন স্ত্রীলোক আত্মহত্যা করিয়াছে শুনা গেলে সেখানে একেবারে ধ্বংসবিধ্বস্ত করা হইবে।

বলা বাহুল্য এই ঘোষণাবাণীর পর হইতে সিন্ধুদেশে পত্নীহত্যা নিবারণিত ও একেবারে লোপ হয়।

বিহার উড়িষ্যা প্রভৃতি অঞ্চলে এখনও মাতৃগর্ভে ক্রম অবস্থায় থাকিতে "দাদন" দিয়া কন্যার বিবাহ স্থির করা হয়। গর্ভবতী যদি কন্যা প্রসব করেন, তবে দাদনের টাকা আর ফেরত দেওয়া হয় না, আর পুত্রসন্তান প্রসব করিলে দাদনের টাকা ফেরত দেওয়া হয়। ২১৩ বৎসর বয়স্ক কন্যাকে সেখানে বিবাহ দেওয়া হয়। এই বিবাহের ফলে সেই মেয়েটির অকালে গর্ভসঞ্চারণ হয় এবং তাহার গর্ভজাত সন্তান অস্বাস্থ্য, কৃষ্ণাঙ্গ, অপূর্ণাবয়ব অথবা বিকলাঙ্গ হইয়া ভারতের পুরুষ-বর্জিত লোকসংখ্যাকে আরও বর্দ্ধিত করিয়াই তুলে। এ প্রথা বাংলাদেশেরও নিম্নশ্রেণীর মধ্যে আছে। ভারতের সমাজ বহুকাল যাবৎ স্থপ্ত, সমাজের প্রাণ নাই, আত্মা নাই, চেতনা নাই, জড়পিণ্ডবৎ কিছুৎ-কিমাচার একটা "অচলায়তন" মূলিলেও অত্যাধিক হয় না। ইংরেজ সরকার কি এই সব ক্রম-বিবাহ, শিশু-বিবাহ, কুমারী-বিবাহের অবাধ স্রোত প্রতিরোধ করিতে পারেন না? আমাদের যদি সমাজ বলিয়া কোন বস্তু থাকিত তবে আমরা কখনই সরকারকে এ বিষয়ে অস্বরোধ করিতাম না। কিন্তু যখন দেখিতেছি সমাজ মেয়েদের দুঃখ দুর্দশায় একেবারে নির্ঝাক নিস্পন্দ ও নিস্পন্দ



তখন ইহার প্রতীকারের জন্য সরকারের দ্বারস্থ না হইয়া আমরা পারি না। সরকার পক্ষ হইতে এইরূপ ভ্রম বিবাহ কিংবা শিশু-বিবাহ প্রতিরোধক বিল উপস্থাপিত করা হইলে আমার বিশ্বাস কেহই তাহাতে আপত্তি করিবে না।

তারপর অনেক মহাপুরুষ এক জী থাকিতে আবার অন্য জী গ্রহণ করেন। পূর্ব পত্নীকে বাধ্য হইয়া বাপের বাড়ীতে অতি কষ্টে দিন যাপন করিতে হয়। দুই একটা পরিবার ভিন্ন অন্য কোন পরিবার “মানমর্যাদার খাতিরে” স্বামীর নিকট হইতে মাসোহারা আদায় করিবার জন্য মামলা ( Maintenance suit ) করেন না।

এক্ষেত্রেও আমাদের সমাজ ভূঁকীভাবে থাকেন। কিন্তু ইংরেজ কিংবা ব্রাহ্মসমাজে এরূপ এক জী থাকিতে দারাগুর পরিগ্রহ করিবার ক্ষমতা নাই। অতি সামান্য কারণে অনেকে জী ত্যাগ করিয়া অন্য দার পরিগ্রহ করেন। এক্ষেত্রে কি আইনের দ্বারা ইহাদিগকে শাস্তি দিতে পারা যায় না? জী যদি বন্ধ্যা হয়, কুংসিং ব্যাধিগ্রস্তা হয়, তবে তাহাকে রাখিয়া অন্য জী গ্রহণ নিতান্ত অপরাধের বিষয় নহে, কিন্তু বিনা দোষে যাহারা এইরূপ জী ত্যাগ করেন, তাঁহাদের অপরাধ নিতান্ত সামান্য নহে। এরূপ স্বামী-পরিত্যক্তা হাজার হাজার নারীর হাহাকার এখনও বাঙ্গালাদেশে শোনা যাইতেছে।

আজকাল পণপ্রথার বিষয় চাপে অনেক অনুচা বালিকা কেহ বা উষ্মকনে, কেহ বা আগুনে পুড়িয়া মারা যাইতেছে। বিশ্ববিদ্যালয়ের একএকটি পরীক্ষায় উত্তীর্ণ হইলেই পাত্রে দর এক, এক হাজার টাকা বাড়িতেছে! দেশের যুবকদিগের দৃষ্টি এদিকে অনেক প্রকারে আকৃষ্ট করিবার চেষ্টা হইয়াছে, কিন্তু কোন ফললাভ হয় নাই! এক্ষেত্রে রাজবিধি প্রয়োগ করিয়া যদি পণ লওয়া একেবারে বন্ধ করা যায় তবে বোধ হয়, কতকটা ফল লাভ হইতে পারে।

একথা পূর্বেও বলিয়াছি, এখনও বলিতেছি—

সমাজের যদি চেতনা থাকত তবে আমরা কখনও সমাজের এই সব কুপ্রথার জন্য রাজ-আইনের দ্বারস্থ হইতাম না, কিন্তু সমাজের সে প্রাণশক্তি নিবিয়া গিয়াছে বলিয়াই ত আজ একথা আমা-দিগকে বলিতে হইতেছে।

একি অসম্ভব কথা! জয়পুর প্রভৃতি রাজ্যে এখনও নাকি এক এক রাজপুত্রের বিবাহে ৩৭ শত কঙ্গিয়া বাঁদী পাত্রে কে ধৌতুক দিতে হয়। সেই বাঁদী নাকি মহারাজদের গৌরব ও মহিমা প্রকাশক! একবার দুই দেশীয় নৃপতির পত্নীর মধ্যে বাক্বিতত্তা হইতেছিল। প্রথম রাণী বলিতেছিলেন, আমার স্বামীর পাঁচশত বাঁদী আছে, আর দ্বিতীয় রাণী বলিতেছিলেন, আমার স্বামীর ছয় শত বাঁদী আছে, অতএব কে বড়? বুঝুন দেখি ব্যাপার! মেয়েলোকগুলি যেন পুরুষের হাতের ক্রীড়নক হইয়া পড়িয়াছে! আর এই সমস্ত বলিতে গেলেই সমাজপতিগণ বলেন, জীলোকদিগকে যত অষ্টবন্ধনীর মধ্যে রাখা যায় ততই ভাল। তাঁহাদের এত বন্ধন, এত দাসত্ব, এত পরাধীনতারও মধ্যেও তাঁহারা নাকি একটুও কষ্ট বোধ করেন না!

আমরা হিন্দুঘরের মহিলাকে মুক্ত আকাশ তলে বড়িঙ্গ সেমিঙ্গ গায়ে দিয়া আধা মেমসাহেব করিয়া গঠনের পক্ষপাতী নহি; কিন্তু তাই বলিয়া বর্তমানে তাঁহাদিগকে যুে দুর্কিসহ কষ্টের মধ্যে রাখা হইয়াছে, এ প্রথারও সমর্থক নহি। বিধবাবিবাহ, বিধবাবিবাহ করিয়া চারিদিকে রব উঠিয়াছে কিন্তু কয়টি বিধবাবিবাহ দেশে হইতেছে? বালিকা-বিধবাগণের দুর্দশার কথা ভাবিয়া যে আর চোখে জল না ফেলিয়া পারি না! কেন তাহাদের আঁধা এই কুঠোর বৈধব্য দশা? তাহাদের নিষ্ঠুর পিতামাতা যদি শিশুকালে তাহাদিগকে খেলা গজিনীদের কাছ হইতে ছিনাইয়া লইয়া একটা বৃদ্ধ, কয়কাশগ্রস্ত, মুমূর্ষুর হাতে সমর্পণ না করিতেন তবে ত তাহাদের আজ এ দশা হইত না! আসল কথা শৈশববিবাহ, বাল্যবিবাহ দিগে



বাল্যবিধবার সংখ্যা বাড়িবেই বাড়িবে। এই ক্রমবিবাহ, শিশুবিবাহ আইনের দ্বারা বন্ধ হইলে বাল্যবিধবার সংখ্যা কমিবে, আর দেশে স্ত্রী-শিক্ষারও প্রসার বাড়িবে। তাহার ফলে ঘরে বাহিরে ভারতবাসী শিক্ষিত ও শিক্ষিতা হইয়া স্বরাজসাধনায় অগ্রসর হইবে।

অনেকে বাল্যবিবাহের অনেক সুফল কীর্তন করেন, তাঁহাদের মতে “বুড়ো শানিকে পোষ মানেনী”, বালিকা-বধু ঘরে আনিলে স্বপ্ন-স্বাভাৱী সে বেশ বশ হইবে। তাঁহারা কি বলিতে পারেন, যে সমস্ত বালিকাদের যৌবন-বিবাহ অর্থাৎ ১৯২০ বৎসরে বিবাহ হইয়াছে তাহারা সব স্বামীর ঘরে গিয়া অবাধ্যতা করিয়াছে? মাহুঘের চোখ-মুখ ফোটাটা কি এতই দোষের?

সমাজের দ্বারস্থ হইয়া অনেক চীৎকার করিয়াছি। শিশুবিবাহ দূর করিতেও অনেক চেষ্টা করা হইয়াছে, কিন্তু দেখা গিয়াছে আইনের সাহায্য ছাড়া এ কাজ কখনই সিদ্ধ হইবে না। এই অন্তর্ভুক্ত চিরদিন ব্রাহ্মণ্য-আদর্শে লালিত, পালিত, বর্ধিত হইয়াও ডাক্তার গৌরের সম্মতি-বিল (Consent bill) সমর্থন করিয়াছিলাম। কেন করিয়াছিলাম?—করিয়াছিলাম ইহাই ভাবিয়া যে, এই বিল পাশ হইলে সমাজ হইতে ক্রমবিবাহ, শিশুবিবাহ দূরীকৃত হইবে, দেশে শিক্ষার প্রচার ও প্রসার হইবে, শত শত সরজিনী নাইডু, সরলা দেবী চৌধুরী, স্বর্ণকুমারী দেবী, প্রিয়ম্বদা দেবী, মানকুমারী বসু, কামিনী রায়, বাসন্তী দেবী, জ্যোতিষ্ময়ী গঙ্গোপাধ্যায়, উদ্বিলা দেবী, হেমপ্রভা মজুমদার, মোহিনী দেবী, স্বর্ণলতা দেবী, কুমুদিনী বসু, সন্তোষকুমারী গুপ্তার সৃষ্টি হইবে। তখন একদিকে দেশের পুরুষলোকেরা যেমন স্বরাজ সাধনায় অগ্রসর হইবে, তাহাদের পুরোভাগে তেমনি মহিলাগণও হলুধনি করিতে করিতে অগ্রসর হইবেন। ভারতের সেই একটা শুভদিনের

প্রতীকায় গৌরের সম্মতি-বিল সমর্থন করিয়াছিলাম। এ সমর্থন যে নিতান্ত দুঃখের সহিত করিতে হইয়াছে, একথা বলাই বাহুল্য। কে চায় আমার ঘরের, আমার সংসারের, আমার সমাজের বিধি-ব্যবস্থা নিয়ন্ত্রণের জন্য বিদেশী, অগ্রদূতাবলম্বী রাজ-শক্তির সহায়তা লইতে? কিন্তু অতীতের কথা যখন ভাবিয়া দেখি তখন ভাবি একরূপ নৃশংস সামাজিক ব্যবস্থাকে রাজ-আইন দ্বারা সংযত ও সংহত করাই ঠিক। সতীদাহ প্রথা যখন লর্ড বেটিক তুলিয়া দেন, তখন এদেশের ব্রাহ্মণ পণ্ডিতগণ এই প্রথা বজায় রাখিবার জন্য বিলাতী গবর্নমেন্টের নিকট পর্যন্ত দরখাস্ত (Memorandum) পাঠাইয়া ছিলেন। এই যে দেশের সমাজপতি (?) ব্রাহ্মণ-পণ্ডিতগণের রীতি, তখন ইংরেজ সরকার যতই এদেশের নারী-নির্ধ্যাতনে মনোযোগ দিবেন, ততই দেশের পক্ষে মঙ্গল হইবে বলিয়া মনে হয়।

আমার প্রস্তাব শুনিয়া অনেকে আমার উপর ক্রোধাক্ত হইতে পারেন। কিন্তু তাঁহাদিগকে আমি একবার সমাজের অসাড়তা, নিশ্চেষ্টতা ও একদেশদর্শিতার বিষয় ভাবিতে বলি। এখনও কি বাঙ্গালা দেশে বাগ্দী, নমঃশূত্র প্রভৃতি সমাজে টাকা দান দিয়া ক্রম ক্রয় করা হয় না? বাঙ্গালায় এখনও কি প্রথমা দ্বিতীয়া স্ত্রীকে বিনা কারণে তাড়াইয়া দিয়া আবার তৃতীয় পক্ষে বিবাহ দেওয়া হয় না? পাশকরা ছেলের দল কস্তুর পিতাদের ঘাড় মোচড়াইয়া এখনও কি হাজার হাজার টাকা আদায় করে না? যদি করে তবে সমাজ ইহার প্রতিকারের জন্য এ যাবত কি চেষ্টা করিয়াছেন? কয়টি লোককে একত্র সামাজিক-শাসনে শাসিত করা হইয়াছে? উত্তর হইবে— হয় নাই—হইবেও না। যদি তাহাই হয় তবে ইংরেজ সরকার যেমন একশত বৎসর পূর্বে এদেশের নারীকুলকে রক্ষা করিয়াছিলেন, এখনও তেমনি করুন—ইহাই ইংরেজ সরকারের নিকট নিবেদন।

# উদয়-আলো

( বড় গল্প )

## শ্রীদেবেন্দ্রনাথ বিশ্বাস ।

...সবাই ঘুমিয়ে পরেছে, আহা, ক'দিন ধরে ক্রমাগত রাত জেগেছে, একটু ঘুমবে না? ভোরের হাওয়া দিচ্ছে না? না না ও ঠাণ্ডা হাওয়া! আমি আজ একটু ভাল আছি বলে, আমার জীবনের আশা হয়েছে বলে ওদের ঘুমন্ত মুখেও কেমন একটা পরিভ্রাণের আনন্দ ফুটে উঠেছে। কিন্তু আজ যদি সে কাছে থাকত, তা'হলে আমার আসন্ন পরিভ্রাণের আশায় তার মুখখানি কেমন হাসিতে ভোরে উঠত,—আমি ত তা দেখতে পেলাম না! আমার মনেই ভাল হত, ...না না তার খুকু যে আমার কাছে! সে-ত দেখিনি খুকু কেমন হয়েছে, কত সুন্দর তার মুখখানি, তার ওপরে তার চোখ দুটি, কেমন টুকটুকে তার গায়ের রং, তাতে আবার পদ্ম-গোলাপের লালচে আভা; তার সরু সরু হাত দুখানি, তাতে কচি কচি আজুল গুলির কোমল নাচনা; দালিমফুলি রংয়ের দুখানি ঠোঁট, তাতে আবার হাসিকান্নার স্বধাবৃষ্টি। সে আনুক, এসে দেখুক, তার প্রাণের মণি বুকে করে নিক, তার ধন তাকে দিয়ে তার পরে সকল অপরাধের ক্ষমা চেয়ে তবে ত আমার মর্তে হবে;—নইলে মলেও ত সুখী হতে পার্ক না! খুকু খুকু! ঘুমোও না, লক্ষ্মী আমার, সোণা আমার একটু ঘুমিয়ে নাও; এখনি সে আসবে যে মণি। তুইত দেখিস্ নি, তোকে কেমন করে জাদর করে নেবে, প্রাণ বিলিয়ে চুমু খাবে। তখন বুঝবি কত বড় বাপের মেয়ে তুই, কত সৌভাগ্য যে এমন স্নেহের সবটুকুই তোর একার অধিকার।... আজকে কি রাত পোহাবে না?—না আমারই চোখে ঘুম নেই বলে এমনি বোধ হচ্ছে!...

...একটু পরেই সে এসে পর্কে। আমার জন্তে যে তার সমস্ত উন্নতির মূলে কুড়ুল, মেরে ভবিষ্যতের সব আশাকে ভেঙ্গে ফেলে, আমাকে একবার দেখবে বলে ছুটে আসছে; এসে যদি আমাকে না দেখতে পায় তাহলে কি বাঁচবে? কেঁদেই মরে যাবে,—এমনি আমার ভাল বাসে। আর এমনি হতভাগিনী আমি, কোন দিন তাকে বুঝতে চেষ্টা করিনি, আজ মরণের দ্বারে এসেছি কিনা তাই এমনি টর্নটনে জান! যদি এই জীবন নিয়ে ঘেঁচে থাকতে হয়, তাহলে যে-ই জিতবে, আমাকে ভালবেসে যত্নে সেবায় বুকে করে রাখবে; আর আমি তার কোন কিছুই কর্তে পার্ক না, অথচ কিছু করার মধ্যেই নিজের সম্পূর্ণ স্বার্থকতা বুঝেও; না,—এ আমার সহ্য হবে না, এমন করে আমি বেঁচে থাকতে পার্ক না!...

...সে আজ অনেকদিনের কথা। আমার কুরূপা বলে কেউ নিতে চায় না,—না চাইলেও বয়স ত আর বসে থাকবেনা; সে বেড়েই চলতে লাগল। মা জানতেন সে বিয়ে কর্ক না, তবু তাকেই আমার দেবেন এই ছিল তাঁর আন্তরিক স্নান। আমি নিজে কুরূপা বলে ছোট বয়সে থেকেই রূপের উপর বড়ই ভালবাসা ছিল, নিজের রূপকে মেজে ঘসে ভাল করে তোলবার সঙ্গে সঙ্গে একটা বড় রূপকে খাড়া করে ভালবাসাও যোগ হয়ে উঠল; আর প্রথমেই আমার সামনে পলো সে, তার কৈশোরের আলো নিয়ে।

...তার মুখে এমন একটা কমনীয় ভাব, এমন একটা হান্ত-স্ব্যোতি সদাসর্বদার জন্ত লেগে থাকত, তাকে না ভালবেসে কেউ থাকতে পারে না।

তার কথাগুলো সুধা বৃষ্টি কর্তে পার্শ্ব, বিষ উদগীরণ কর্তে কেউ তাকে কোনদিন দেখিনি,—এমনিই ছিল সে ।

...আমি তাকে না ভালবেসে থাকি কি করে ? আমার মনের মত সে যে সব দিকেই । তার ভেতর তার সবখানিকে আমি আদরে বরণ করে নিলাম ; কিন্তু তাকে পাবার আশা রইল এত কম যে বলা যায় না, “তবু আমার তাকেই চাই—এই হল একটা প্রধান চিন্তার বিষয় ।

প্রথমে বুঝলেন মা, কিন্তু উপায় কি ? যে চায় না, তাকে দেবেন কি করে ? কত অসুযোগ, কত উপরোধ করে মা তাকে হাতে ধরে পর্যন্ত বললেন,— “তুমি বাবা বিয়ে না করে মেয়ে আমার আর কাউকে বিয়ে কর্তে চায় না, এর একটা কিছু তোমাকে কর্তেই হবে । তুমি নিজেকে কুর ভালই, তা না হলে এমন একটা পাত্র জুটিয়ে দাও, যাকে সে বিয়ে কর্তে একটুও গররাজি না হয় ।” তাতেও রাজি হল না, সে বলে “আমার ওপর এমন একটা অভিসম্পাত আছে যে, আমার জীবনের সঙ্গে কোন জীবন জড়িত হলে সে একটুও সুখী হবে না ; আমি অনর্থক জেনে শুনে একটা জীবন হাহাকারে ভরিয়ে দিতে পারিনে । পলে পলে মরার বিষ হাতে করে কাউকে খাইয়ে দেওয়া যে বড় অশ্রুয় ।” তার কথায় সবাই তখন খুব হেসেছিল,—একটা পাগলামী ছাড়া আর কিছু নয় ; কিন্তু আঁর্জ দেখছি সে যা বলেছিল সবই সম্পূর্ণ সত্যি ।...

ছোট বয়েসে তার সঙ্গে কথা কইতে কোন দিন লজ্জা বোধ হয়নি, অবাধে বেশ কেমন মিশতাম । সে গাইতে জানত, বাঘনা ধরে তার কাছে কত গানই শুনেছি, কত প্রকারে তাকে বিরক্ত করেছি কিন্তু আজ তার সামনে বেরতে পা যেন কে চেপে ধরে, হাজার ইচ্ছাকে দমন করে লজ্জাই বড় হয় যে !...

সকলের অসুযোগের পর যখন সে কিছুতেই রাজি হইল না, তখন অগত্যা মা আমার অন্ত এক

পাত্র স্থির করলেন, সে এক ‘তেজবেরে’ ঘাটের মরা । শুনলাম তার নাকি অগাধ ধনসম্পত্তি আছে, আরও সব কি কি আছে । যাই হোক তাকে ভালবাসার মত কিছু থাক আর নাই থাক, পয়সা তার খুবই আছে । এ সম্বন্ধ স্থির করে মা আমার একটুও সুখী হলেন না । কিন্তু উপায় কি ?...

আমি বড় বড় হয়ে পড়েছিলাম, যা আজকাল হিন্দুদের ঘরে একেবারেই ভাল মানায় না । তাই মা তাড়াতাড়ি বিয়ের দিন স্থির করে ফেললেন । তবু তাকে শেষ অসুযোগ জানালেন,—“বাঁবা, যদি আমার এ দানটি নিয়ে আমার ধন্য কর্তে, তাহলে সকল হারিয়েও ওর স্থখে একটু সুখী হয়ে মর্তে পার্তাম । তা যখন হল না, আর হবার উপায়ই নেই, তখন ওর বলিদানের দিন তুমি একবার এসো, এসে দাঁড়িয়ে থেকে দেখে যেও—ও কি প্রাণ নিয়ে নিজেকে দান ক’রে দেয় !”...

ষতই দিন ঘুনিয়ে আসতে লাগল ততই আমি যেন কেমন হয়ে যেতে লাগলাম । নিজেকে নিজেরই আর সামলাতে পারিনে, কেঁদে কেঁদে চোখ মুখ লাল হ’য়ে উঠল, খেতে বসে হাতের ভাত হাতে থেকে যায়, মুখে উঠেনা,—একি বিষম জালা ! সকলের কাছে সদা সর্দসাই নিজেকে ঘেন খুব অপ্রস্তুত বলে মনে হতে লাগল । আর পারিনে—প্রাণটাও যায় না ! মা জানতেন আমার আকাঙ্ক্ষা, জানতেন আমার আশা ও ভবিষ্যৎ কল্পনা ; তাই সাধনা দেবার বদলে আমাকে দেখলেই, কেঁদে ফেলতেন, আমার বুকখানাও যে কি ক’রে উঠত তা বলতে পারিনে । আমি আর কোন আপত্তি কর্তে পারলাম না, নিন্দে কুংসার তাড়নায় মার মুখখানি মলিন দেখলে প্রাণটা এমন একটা বেদনায় ভ’রে উঠত যে মাথা খুঁড়ে মর্তে ইচ্ছে হ’ত । নিজের আশা আকাঙ্ক্ষাকে বিসর্জন দিয়ে ভবিতব্যের উপরই নির্ভর ক’লাম ।

আত্মীয়েরা মাকে বলতেন, “তোমার এই দীন অসহায় সকল পণ ক’রে যাকে সেধেছিলে, সে কি

একটা মাহুষ ? মাহুষের কাছে এ নিবেদন জানালে উপেক্ষা কর্তে 'পার্ত না, পারে না ; তুমি তার আবার প্রশংসা কর !' আমার ভারি রাগ হত কিন্তু, মনে হত তোমরা তাকে কতটুকু জান বাপু ? আমি যেন কতকালের বস্তিবুড়ি, যেন আমি সবই খবর রাখি। না—না, তা নয়, তাকে আমার কথা ভেমন করে কেউ জানাল না যেমন করে আমার ব্যাথা তার কাছে ঠিক প্রকাশ পায় ; তাহলে সে কিছুতেই 'না' কর্তে পার্ত না। আমাকে সে কতখানি ভালবাসে তা যে আমি ভুলতে পাচ্চিনে। হোক বিয়ে, আমি তাকেই ভালবাসব, শ্বশুরবাড়ী যাবো না, কিছু করি না, শুধু বসে বসে তাকেই ভালবাসব ; তাকেই বুকের মাঝখানে লুকিয়ে রাখব !...

মা বলতেন "না গো, সে মাহুষ নয় বটে, কিন্তু সে দেবতা, সে আমার ডাকে—পেটের ছেলেও এমন মধুর করে ডাকতে পারে না, তার মাঝে কতখানি আত্মনিবেদন, কত ভক্তি, কত পবিত্রতা তা যদি বুঝতে তোমরা, তাহলে তার দোষ দিতে না। সে আসুক, আসবে বলেছে, আমি আর একবার তাকে বুঝিয়ে বোলব। বোলব,—"তোমার ভবিষ্যৎ সুখদুঃখকে আমার মেয়ে বরণ করে নিতে একটুও অনিচ্ছুক নয়, যদি তোমাকে বরণ করবার অধিকার তাকে দাও। তুমি তার জীবনটাকে শুধু কান্নাতেই ভরে দিও না, একটু হাসতে দাও,—এ তোমায় দিতেই হবে।" শুনে "একটু একটু আশাও হ'ত, সে শুধু আশা-নিরাশার ঘন্দের মাঝে অমনি একটু অবলম্বন। আচ্ছা আসুক, আমি মুখে 'পারি ভালই, না হয় লিখেই জানাব। আমার কথা কোনদিন ঠেলেনি, কোন অহুরোধ 'না' করেনি। আজ বড় হয়েছি বড়ল' কথা কইতে কেমন যা লজ্জাই আসে, তাতেই ত কথা কইতে পারিনে!—তাই বুঝি অভিমান করেছে ? তাহোক, এক কলম লিখলে আর অভিমান থাকবে না।..."

...আমার নিজেকে দেখে নিজেরই ভয় হ'ত। আমি আর কারুর সামনে বেরতে পারিনে, যেন কত বড় অপরাধই করেছি। সব সময়ে কেমন জড়সড় হয়ে পড়ি, কি কবি কেবল ভগবানকেই ডাকি, বলি—প্রভু! যাদের লজ্জা নিবারণের কোন শক্তিই দাওনি, তাদের তবে এত লজ্জা কেন দিলে ? যদি তাই দিলে, তবে তুমিই তাকে রাখ প্রভু। তাকে কামনা করেই যে তোমার পায় ফুল দিয়েছি, আজও চোখের জলে তোমার পুজো করছি ; তোমার দয়া কি হবে না প্রভু ?"...

...আমি তাকে কি চোখে যে দেখেছিলাম, তা আমিই জানিনে। জগতে তার মত আর একটি খুঁজে পাইনি, এত মধুর সে। তার মুখে কথা বেরবার আগে সমস্ত মুখখানা একটা সত্যিকারের আনন্দে ভরে উঠত, তারপর যখন সে কথা বলত, সে যে কত মিষ্টি, যে তা ভোগ করেনি, সে কিছুতেই বুঝতে পারি না।.....খুকু আর একটু ঘুমিয়ে নাও মা, যখন সকাল হবে, ভোরের হাওয়া আর পাখীর গান এসে তোমাঘ ডেকে যখন ঘুম ভাঙবে, তখন দেখবে একজন তোমার কে এসেছে, সে কত মিষ্টি, কত বড় ভক্ত তোমার। সে তোমার কাছে ভিখারীর মত শত হাত পেতে দাঁড়াবে, তখন তুমি একটা চুমো দিও, একবার বুকে যেও, যেন কেঁদ না! একটু আনন্দ শিহরণ তার যে প্রথমেই দরকার। তখন সে তোকে এমনি আপনার কোরে নেবে যে, আমাকে ভুলে,—যে মাকে তুই একতিল ছেড়ে থাকতে পারিসনে, সেই মাকে ভুলে তারই কাছে থাকতে চাইবি ; আজ তুই জানিসনে কাল তোর কি দিন, কাল তোর কত বড় সুপ্রভাত !...

...বিয়ের দশ বার দিন থাকতে একদিন সে আমাদের বাড়ীতে এলো—যেন একটা বসন্তের হাওয়া, একটা গানের স্বর, শান্ত-মধুরের অপূর্ণ সংমিশ্রণ। আমাদের অমন মনমরা বাড়ীখানাও আনন্দে ভরে উঠল।



মা তাকে খুব বল্লেন। সেদিন তিনি আমার জন্মে কি যে বলেছিলেন তা তিনিই জানেন না। কোন একটা দৈব শক্তি তাঁর এসেছিল, কথা সেদিন কে যেন তার মুখে অনর্গল জুগিয়ে দিয়েছিল, কে যেন তাঁকে সেদিন উন্মাদিনী করেছিল! আমাকে তার সামনে এনে দাঁড় করিয়ে দিলেন। মনে মনে এত রোখ-রাখ ভাঁজতাম, তখন রা-টিও, কর্তে পাল্লাম না; পোড়া চোখে কে যেন দশমিন পাখর চাঁপিয়ে দিয়ে গেছে! আমি ত কাঠের মুষ্টির মত নিখর নিশ্চল, তার ওপর কোন জ্ঞানও নেই;— আমি যেন কোন্ স্বদূর দেশে চলে গিয়েছি। সে একটা ভারি মনোরম রাজ্য; সেখানকার সবই যেন নতুন সৌন্দর্য্যে ভরা, যা কখনও দেখিনি, অথচ তাই আমার অন্তর চাচ্ছিল,—এমনি একটা দেশ। জ্ঞান হ'ল কখন?—যখন মা বল্লেন “চেয়ে দেখ ও কি হ'য়ে গিয়েছে, মরার মত কোথায় অপলক-চোখে চেয়ে আছো দেখ। ওই পাশ্চাত্যে মুখখানার উপরে কি মৃত্যুর রেখাগুলো ঝলমল কচ্ছে না! ওর প্রতি নিশ্বাসগুলো কি বেদনার বিষ মাখা নয়!” তখন মারি চোখ দিয়ে টস্ টস্ করে জল গড়িয়ে পড়ে। তিনি বল্লেন “আমি বলছি না ওকে তুমি তোমার পায়ে একটু স্থান দাও, কিন্তু ও-তো শুকিয়ে শুকিয়ে কঙ্কালসার হয়ে মরবে—সেটা আমি স্নেহের সামনে কি ক'রে দেখব? মা হয়ে কোন প্রাণে ওর সমস্ত বেদনা তুলে চিরবিদায়ের সময় একটু সাহসনা দেব, আমার তাই সব চেয়ে ভাবনার বিষয়! এর একটা কিছু উপায় বলে দিতে পার বাবা?”

...প্রভাতের আলো আর পিপাসার জল যেমন মিষ্টি, সে ছিল সত্যিই তাই। তার ওপর সে ছিল বড় কোমল, এত কোমল বৃষ্টি মাহুষের হ'তে নেই। তার চোখ ছোটো কেমন ছল ছল করে উঠল, একটা বেদনার আঘাতে মুখখানা কেমন লাল হয়ে গেল। আমার চোখে জল এল,—তার চোখে সহাস-স্বভূতিনে নয়, অঙ্কুস্পায় নয়, অভিমানে। যে

আমায় সেধে আদর করে নেবে, তারই কাছে তিগারিগীর মত হাত পেতে দাঁড়াতে হল—দাও দাও বলে? এখনও মনে হলে আমার ভারি রাগ হয় কিন্তু।...

...কি জানি তার মনে কি হ'ল, ঘাড়ের ভূত বৃষ্টি ছেড়ে গেল, মাকে বল্লেন, “আপনি যে দান দেবেন, আমি তা খুব আনন্দের সঙ্গেই নেব রাণীকে বলবেন সে যেন ভাল ক'রে খায় দায়।”...স্বর্গ ছাড়া আরও যদি কিছু কামনার থাকে, মা-ত' তাই পেলেন; আর আমি যা পেলাম, তা এখনও বুঝতে পারিনি। সন্নিহীরা বড় বাড়াবাড়ি ক'রে তুলে, ঠাট্টায় ঠাট্টায় জালিয়ে মারলে।

প্রধান প্রধানারা বল্লেন “সে খামখেয়ালি লোক, একবার যখন মত করেছে ভালই, শীঘ্র শীঘ্র কাজ সেরে কেল।” মা কিন্তু তাকে জানতেন, সে যা বলে সেটা, কাজে করকার জন্মেই বলে। তবু পাঁচজনের কথা শুনতে হয়, তাই একটু তাড়া-তাড়িই বিয়ের দিন স্থির করে ফেলেন। তা যাই হোকগে, কি জানি কেন যত রাজ্যের হাসি এসে আমার মুখে জোর ক'রে চেপে বসল। আমার সমস্ত দেহটাও হাসিতে ফুলে ফুলে উঠতে লাগল, অথচ বেশী হাসতেও পারিনে, কিছু কারণ-অকারণে হাসিও পায় বড় বেশী। এত মুয়মাণতার পর হঠাৎ হেসে লুটোপুটি কলে লোকেই বা কি বলবে?—মুহা বিপদে পড়লাম! সোনার কাঠির স্পর্শে রাজকন্টার জীবন পাওয়ার মত আমার দেহে যেন নতুন জীবন এলো। অত কুশ্রী আমি, কার অদৃশ-স্পর্শ এসে আমাকে সুন্দরতায় ভরিয়ে দিলে, আমাকে আমি দেখেই আশ্চর্য্য হয়ে গেলাম! সবাই এখনও বলে “বিয়ের হুচার দিন আটগ থেকে বিয়ে হওয়া পর্য্যন্ত তুই এত সুন্দর হয়েছিলি, তেমনটি আর তোকে দেখলাম না।”

দোলের আগেই বিয়ের দিন স্থির হল। এত আশা, এত আনন্দ তবু বিয়ের দিন প্রাণটা কেমন অজানা ভয়ে ছুঁছুঁ ক'রে লাগল,—এটা বৃষ্টি



নারী-চিন্তের একটা মস্ত দুর্বলতা, না, নতুন লৌকিকতা প্রতিপালন করার জন্তেই ভয়? যাই হোক সেদিন আমাদের কত বন্ধু-বান্ধব, আপনার জন আমার আশীর্বাদ কর্তে এসেছিলেন।...

স্বামী-আচারের সময় আমাকে হাসিতে পাগল করে দিলে। সবাই বলছে “ওরে তাকা, শুভ্রদৃষ্টি কর।” সঙ্গিনীরা বলছে “যার জন্তে এত কাণ্ড করলি সে, যে তোর হচ্ছে, একবার ভাল করে চেয়ে দেখ ভাই।” আমি চেয়ে দেখব কি হেসেই অস্থির হচ্ছি, গাল ফেটে হাসি ফুটেছে, চোখে ত আছেই, ঠোঁটে ত কথাই নেই, কাকে রেখে কাকে আটকাই? শেষে এমন হয়ে গেল যে, জামা কাপড় ফেটেও যেন আমার গা বেয়ে হাসির ধারা গড়িয়ে পড়তে লাগল! অনেক কষ্টে ত একবার চাইলাম, দেখলাম তার প্রশান্ত হাসিভরা মুখখানি শুধু আমারি পানে এক দৃষ্টি চেয়ে আছে। বেশীক্ষণ চাইতে পারলাম না, চোখ আপনা হতেই বুজে এলো। যখন হাতে হাত দিলাম, সে কি মধুর স্পর্শ, আমার সমস্ত শরীরের শিরায় শিরায় একটা পুলক-শিহরণ এসে উদ্গাদনা এনে দিলে! যখন সে আমার গলায় ফুলের মালা পরিয়ে দিলে, তখন আমাকেই আমার কাছে এত মধুর বলে বোধ হয়েছিল যে তা ভেবে শেষ কর্তে পারিনি।...

বাসরঘরে সবাই তাকে পেয়ে বসলে—“ওগো, তোমায় গান গাইতেই হবে।” কথায় বলে ‘ওরে নেদো ভাত খাবি, আরে, আমি যে হাত ধুয়েই বসে-আছি।’—সে তো তাই চায়। সেদিন এমনি সে গেয়েছিল যে, আমি জীবনে ভুলব না, যেন তার প্রার্থের সমস্ত নিবেদন শুধু আমাকে জানাবার জন্তেই তার এই গান গাওয়া। আমার যেন বোধ হতে লাগল, সে যেন আমার কোন এক সুখা-কুঞ্জে এনে ফেলেছে সেখানে যা কিছু সমস্তই যেন শুধু গানের সুরে গড়া, নাচের হাওয়ায় উৎফুল্ল।

সে যে কতখানি আমার ভালবাসে সেই কথাই বুঝি সেদিন জানাল। বাড়ীর সবাই সমস্ত দিন-৩০ খাটাখাটনি করেছে, তবুও সারারাত জেগে তার গান শুনল। কতদিন ত সবাই তার গান শুনেছে, কিন্তু সেদিন তার গানে কেমন একটা নতুনত্ব, কেমন একটা আবেশ ছিল, সবাই তাতে বিভোর হয়ে গেল। কেউ কথাও কয় না, হট্টগোলও করে না; বিয়ের বাসর,—কত হৈ চৈ হবে, তা না হয়ে যেন ব্রাহ্মসমাজে বসে চোখ বুজে সবাই গান শুনছে; মরণ আর কি! আমি না হয় মজেছি, তোদের সবার কিলো? আমি উসখুস করে মরি, কেউ একবার সাড়াও দেয় না! যদিও সে ছিল আমার কতদিনের চেনা, তবুও সেদিন বিয়ের রাত, আমি কি করে তার পাশে শুয়ে পড়ি? কিন্তু এটুকু সে বুঝতে পেরেছিল, তাই তার গানের মাঝেই কেমন নিরীকার ভাবে বলে “তুমি আমার পাশেই শুয়ে পড়”। শুনেছি স্থলবিশেষে পুরুষই লজ্জায় নারীকে জয় করে থাকে, কিন্তু এস্থলে দেখলাম, না, আমরাই লজ্জায় প্রথম স্থান পেয়েছি। এখনও সবাই গল্প করে ‘সেদিন যেমন মশার, বাড়াবাড়ি হয়েছিল এমন আর দেখা যায় না’। যদিও নিজেকে ঢেকে-ঢেকেই শুয়েছিলাম, তবু কি মানে? এমন বিরক্ত করে তুলে যে বড়ই অস্থির হয়ে পড়লাম। তারা যেন রসিকতা করবার পাত্রী আমাকেই বেছে নিয়েছে! এমনি করণ, এমনি কোমল সে, যে, মাঝে মাঝে আমার কত হাওয়াই না দিলে, আমি ত লজ্জায় মরি।...

ওরে খুকু! আমার সে-ই একটু পরেই আসবে। তখন দেখবি তোকে কেমন করে ঘুম পাড়াবে, বুঝবি কতখানি স্নেহ তার কোলে, কত শান্তি তার বুকের পরে, কত বড় আনন্দ দেবার সে ক্ষমতা রাখে!...

(ক্রমশঃ)

# বাঁকুড়া জেলা সম্মিলনীর সভানেত্রীর অভিভাষণ

( ১৯২৪ )

শ্রীমতী. হেমপ্রভা মজুমদার ।

## বন্দে মাতরম্ !

অভ্যর্থনাকমিটির সভাপতি মহাশয় ও সদস্যগণ,—আজ আপনারা আমাকে আপনাদের সভার নেতৃত্ব করিতে আহ্বান করিয়াছেন, সত্যের মর্যাদা রক্ষা করিতে হইলে আমি বলিতে বাধ্য যে এ নির্বাচনে আপনারা নিতান্ত ভুল করিয়াছেন। নেতৃত্বে আমার অধিকার নাই, আমি গৃহস্থ কুলবধু, হিন্দুসম্মানী, সেবাতেই আমার অধিকার। যিনি নিজের সর্বস্ব ছাড়িয়া, স্বথ ও বিলাসকে ত্যাগপরিত্যাগ করিয়া কেবল দেশের ও দেশের চিন্তাকে স্মরণনা হইয়া গ্রহণ করিতে পারিয়াছেন, শয়নে, জাগরণে কেবল দেশের কথাই ভাবেন, স্বপনে যিনি দেশের বিষয় দেখেন, প্রলাপে যার দেশের কথাই বাহির হয়, দেশই যার সর্বসময়ের সাধনা, ভাবনা—নেতৃত্বে তাঁহারই অধিকার। বিদ্যায় ও জ্ঞানে অধিকার লাভ করিয়া যিনি আজ ধৃতিশক্তির দ্বারা সাধনা করিয়া মনের দৃঢ়তা লাভ করিয়াছেন, দিব্যচক্ষে যিনি ভবিষ্যৎ দেখিতে পারেন, নিজ মতে যার সম্পূর্ণ বিশ্বাস আছে, নিজ ক্ষমতা পরিচালনে যিনি নির্ভীক, ফলাফল যার মায়ের চরণে উৎসর্গ করিয়া যিনি কেবল কর্মকেই সার করিতে পারিয়াছেন, নেতৃত্বে তাঁহারই অধিকার।

ইংরেজি বা বাংলা কোন ভাষার ভিতর দিয়া শিক্ষা লাভ করিবার সুযোগ আমি পাই নাই, আমার একমাত্র শিক্ষা স্বামী সেবার ভিতর দিয়া। স্বামীর ধর্মকে নিজ ধর্ম, স্বামীর কর্মকে নিজ কর্ম বলিয়া গ্রহণ করাই নারীর প্রকৃত শিক্ষা মনে

করিয়াছি। প্রথম জীবন হইতেই স্বাধীনতা-মন্ত্র সাধনের সর্ব কর্মেই স্বামী আমাকে তাঁর সঙ্গে রাখিয়া কাজ করিয়া আসিতেছেন এবং আমিও ছায়ীর স্তায় তাঁর সঙ্গিনী হইয়া যথাসক্তি তাঁর সহায়তা করিতেছি এবং তাঁর ভিতর দিয়াই আমার শিক্ষা। আজও নিজের মতকে নিভুল করিয়া গড়িয়া তুলিতে পারি নাই, দিন দিন কর্মের সঙ্গে মতের পরিবর্তন হইতেছে। তাই আজ নিজ মতকে প্রচার করিয়া নেতৃত্ব গ্রহণ করার সাধ্য ও অধিকার আমার আছে বলিয়া মনে করি না। যতদিন তাহা না হয় ততদিন কোনও নেতার অধীনে থাকিয়া মায়ের সেবা করাই আমাদের অধিকার। তাই আমরা স্বরাজ্য দল তুলু হইয়া দেশবন্ধুর নেতৃত্বাধীনে তাঁহার সামান্য কর্মীরূপে মায়ের সেবা করিয়া আসিতেছি। শ্রদ্ধেয় অনিলবরণ বাবু যখন আপনাদের পক্ষ হইতে আমাকে এই গুরুভার গ্রহণে আহ্বান করিলেন, তখন আমি বিশেষ সঙ্কোচ মনে করিতেছিলাম। কিন্তু বঙ্গ দেশের পূর্ব প্রান্তে ত্রিপুরায় আমার ঘর, আর পশ্চিম প্রান্ত বাঁকুড়া হইতে আপনারা আমাকে আহ্বান করিয়াছেন, আপনাদের এত স্নেহ ও মমতা এবং আপনাদের ভিতর দিয়া মায়ের আদেশ অগ্রাহ্য করিবার ক্ষমতা আমার হইল না। আমার নিজের ক্ষমতা যতই অকিঞ্চিৎকর হউক না কেন, যা যখন যে ব্রত দেন তাহা উদ্ঘাপনে তিনিই বল দিয়া থাকেন। আপনারা যখন আমাকে ডাকিয়াছেন তখন আজ মনের কপাট খুলিয়া দিয়া খোলা ভাবে বর্তমান অবস্থার আলোচনা করিব।

বর্তমান যুগে আমাদের অবশ্য প্রয়োজনীয় বস্তু "স্বরাজ", বর্তমান যুগের যুগধর্ম "স্বরাজ"। ইহা সর্ববাদীসম্মত। কিন্তু এই স্বরাজের স্বরূপ ও তাহার পন্থা লইয়া ঘোরতর মতভেদ। একদল বলিতেছেন ইংরেজের অধীনে আমরা স্বরাজ চাই, কিন্তু তাঁহাদের স্বরাজের স্বরূপ যাহাই হউক তাহা স্বাধীনতা নহে, কারণ কাহারও অধীনে স্বাধীনতা হইতে পারে না। স্বাধীনতার প্রয়োজনের বিষয় ভাবিলেই কথাটা পরিষ্কার হইয়া উঠিবে। এবিষয়ে আলোচনা করিতে হইলে প্রথমতঃ আমার নিজ স্বরূপ সম্বন্ধে একটু চিন্তা করিতে হয়। আমি একজন সর্বশক্তিমান বিরাট পুরুষ কর্তৃক কতকগুলি কর্ম লইয়া এ পৃথিবীতে প্রেরিত হইয়াছি। কর্মান্তে পুনরায় তাঁহার নিকট চলিয়া যাইব। এই আসা যাওয়ার পথে কিছুকাল এখানে আমাকে থাকিয়া কার্য্য করিতে হইবে। তার সমস্ত ব্রন্দোবস্ত করিয়া কর্তা আমাকে প্রেরণ করিয়াছেন, আমার শরীর ও মনের প্রকৃত স্বস্থ অবস্থা লইয়া থাকিতে হইলে আমাকে খাইয়া থাকিতে হইবে এবং এই যাওয়ার বিধান আমার জন্মগ্রহণের পূর্ক হইতেই ব্যবস্থা করা আছে। আমাকে মাতৃগর্ভ হইতে বাহির হইয়াই দেশমাতৃকার বক্ষে আশ্রয় লইতে হয়। ভূমিষ্ঠ হওয়ার ৬মাস পূর্ক হইতে আমার গর্ভধারিণীর স্তনে দুগ্ধরাশি সঞ্চিত রহিয়াছে। জন্মিয়াই সেই দুগ্ধ পান করিয়া বাঁচিয়া থাকি ও বল সঞ্চয় করিতে থাকি। বয়োপ্রাপ্তির সঙ্গে সঙ্গে ক্ষুধা বাড়িয়া যায়, খাওয়ারও পরিমাণ বেশী প্রয়োজন হয়। তজ্জগৎ পরমপিণ্ডা যে অমৃতরাশি অল্প পরিমাণে গর্ভধারিণী জননীকে রাখিয়াছিলেন তাহাই অপরিমিত পরিমাণে জননী জন্মভূমির বৃকে রাখিয়া দিয়াছেন। মা এই এই অমৃতরাশি শেগুর, ফলের, জলের ভিত্তর দিয়া নানা ভাবে, নানা রূপে পূলে পলে, মিনিটে মিনিটে অযাচিত ভাবে বিতরণ করিতেছেন।

গর্ভধারিণী মায়ের বৃকের দুগ্ধ মুখে চুষিয়া লওয়ার ব্যবস্থা কিন্তু জননী জন্মভূমির বৃকের অমৃত

রাশি বুদ্ধি ও শক্তির সাহায্যে সংগ্রহ ও রক্ষা করিতে হয়। এবং তাঁহার বিধান ও ব্যবস্থা কল্পে রাজশক্তির সৃষ্টি। যেমন তিল তিল সৌন্দর্য্য লইয়া ভগবান তিলোত্তমা সৃজন করিয়াছিলেন, তেমনি বিন্দু বিন্দু জনশক্তি কেন্দ্রস্থ করিয়া সমাজ রক্ষার্থে রাজশক্তি বা সামাজিক কেন্দ্রশক্তি গঠিত হইয়াছে। এই রাজশক্তি যখন আমার শিক্ষা দীক্ষা, চলা ফেরা, খাওয়া দাওয়া, ধ্যান ধারণা ও ধর্মে কর্মে সহায়তা করিয়া দেখ কাল ও পাত্র বিবেচনায় আমার উপযোগী বিধি ব্যবস্থা প্রণয়ন করেন, এবং আমি যে জগৎ এ পৃথিবীতে প্রেরিত হইয়াছি বিনা বাধায় ও বিনা কষ্টে সম্পূর্ণ স্বাধীন ভাবে সে কার্য্য করিবার সহায়তা করেন, তখন সে রাজ আমার স্বরাজ। এবং তখনই আমি নিজেকে ও সমাজকে সম্পূর্ণ স্বাধীন বলিতে পারি। ভগবান আমাদের দেশে সকল জিনিষই দিয়াছেন। আমার মায়ের রূপ ধারণা করিতে আমাদের দেশের কবি গাহিয়াছেন,—

“সুজলাং সুফলাং মলয়জ শীতলাং  
শশ্চামলাং মাতরম্ ।.....

অন্য কবি গাহিয়াছেন,—

“ধন ধাত্তে পুষ্পে ভরা আমাদের এই বসুন্ধরা  
তাহার মাঝে আছে দেশ এক সকল দেশের সেরা।...  
বাস্তবিক পূর্কের তায় এখনও মা আমার  
সুজলা, সুফলা, মা আমার মলয়জ শীতলা,  
শশ্চামলা; আমার জন্মভূমি এখনও ধনধাত্তে  
পুষ্পে ভরা, আজও সে সকল দেশের সেরা। মা  
আজও প্রতি মুহূর্ত্তে সুজল, সুফল ও ধনধাত্তে  
বিতরণ করিতেছেন, কিন্তু আমার দেশের সম্ভান  
তাহা ভোগ করিতে পারিতেছে না। আমার  
মায়ের স্তনে যে পরিমাণ দুগ্ধ থাকার কথা ম্যালেরিয়া  
প্রদীড়িত, অর্ধভুক্ত মায়ের স্তনে সে পরিমাণ দুগ্ধ  
নাই। শিশু প্রয়োজনমত দুগ্ধ পায় না তাই সে  
শৈশবে রুগ্ন, ক্লিষ্ট ও অপূর্ণ দেহ ধারণ করিয়া  
সংসারে অকর্মণ্য হইয়া বাস করে। আমাদের  
প্রকৃতি প্রদত্ত জিনিষগুলি বিদেশী লুটিয়া নিয়া আজ

সে হুট-পুট, বলিষ্ঠ ও দীর্ঘায়ু, আর আমরা আমাদের মায়ের দেওয়া খাণ্ড হারাইয়া ম্যালেরিয়া, মহামারী কালাজ্বর প্রপীড়িত, দুর্বল ও অর্ধমৃত । যে শক্তি আমাদের রক্ষার জন্ত দায়ী সে, আজ লুপ্তনের সহায়, আমাদের রক্ষার জন্ত যে বিধি ব্যবস্থা করা তাহার কর্তব্য সে, আজ তাতে উদাসীন থাকিয়া নিজে দর লাভের উপযোগী বিধি ব্যবস্থা করিতেছে ।

আমাদের দেশবাসী যখন অর্ধাঙ্গারে ও অনাহারে অতিষ্ঠ হইয়া অগ্নির তালাসে পাগলের ন্যায় ছুটিতে ছুটিতে তাহার মায়ের ভাণ্ডার দেখিতে পাইতেছে, মায়ের ধন ঐশ্বর্যের প্রতি তাহার চক্ষু পড়িয়াছে সে হাত বাড়াইতে চায়, তখন ইংরেজ তাহাকে চাপিয়া মারিতে চায়, কারণ আজ ইংরেজের বড় ভীষণ অবস্থা ; ভোগ ও লালসাকে যতই বাড়ান যায় ততই বাড়িয়া থাকে—ইংরেজ তাহার ভোগলালসাকে এত বাড়াইয়া ফেলিয়াছে যে তাহার মাতৃভূমি ইংলণ্ড আর তাহার প্রয়োজন পূরণ করিতে পারে না । তাই সে আজ ক্ষুধার লাড়ণায় সমস্ত পৃথিবী বিধ্বস্ত করিতে চায় । কিন্তু পৃথিবীর অন্যান্য দেশ আজ ভারতের ন্যায় পরাধীন নহে, তাহারা শোষণ জ্বালার একটু তাপ পাইয়াই তন্দ্রা ভাঙ্গিয়া সামলাইয়া উঠিয়াছে, শোষকদিগকে তাদের মিসৌমান হইতে বিতাড়িত করিয়াছে, তাই আজ ইংরেজ তাহার সমস্ত ক্ষুধা ও লালসা লইয়া ভারতের উপর ঝাঁপাইয়া পড়িয়াছে । ভারতও আজ বাঁচিতে চায় । আজ ইংরেজের সঙ্গে এদেশবাসীর খাণ্ড খাদক সম্বন্ধ দাঁড়াইয়াছে । আমাদের বঁচিবার জন্ত যে বিধি ও বিধান প্রয়োজন, তাহা ইংরেজের স্বার্থের সম্পূর্ণ বিরোধী, তাই আমার বাঁচিবার উপযোগী বিধি বিধানের জন্ত ইংরেজের নিকট আশা করিতে পারি না । সেজন্যই আজ ইংরেজের অধীন আমাদের স্বরাজ হইতে পারে না ?

জায়ে হউক, অন্তায়ে হউক ইংরেজ আজ আমাদের দেশ অধিকার করিয়া বসিয়াছে, তাহার হাত হইতে আমার নিজস্ব ও সর্বস্ব উদ্ধার করিতে

হইবে । এতদিন ইহার একটিমাত্র পন্থা জানা ছিল, তাহা বিরোধের পথ—উপদ্রবের ভিতর দিয়া, বলের সাহায্যে সাধন করিতে হয় । সে পন্থার অমুসরণ করিতে যাইয়াই তাহার সঙ্গে ১৯২০ সালের পূর্ব পর্যন্ত বিশ বৎসর ব্যাপী সংঘর্ষ । ১৯২০ সালের সেপ্টেম্বরের কলিকাতায় কংগ্রেসের বিশেষ অধিবেশনে মহাত্মা এক নূতন পন্থা দেখাইলেন, তিনি বলিলেন নিরুপদ্রব নীতির ভিতর দিয়া অহিংস অসহযোগ সাধনায় অতি শীঘ্র স্বরাজ পাইতে পার । অতএব তোমরা উপদ্রবের পন্থা পরিত্যাগ কর । সে নীতি অমুসরণ করিতে গেলে ইংরেজের সহিত সর্ব প্রকার সহযোগ করিতে হইবে । বিজ্ঞালয়, বিচারালয় ও কাউন্সিল প্রভৃতি সর্ব প্রকার অমুষ্ঠানের সংশ্রব ত্যাগ করিতে হইবে । তাহা হইলেই তোমরা শীঘ্র স্বরাজ পাইবে এবং সময় নির্দিষ্ট হইল ১৯২১ ইং ৩১শে ডিসেম্বর ।

বঙ্গ ভঙ্গের প্রকাশ আন্দোলন, তদুপলক্ষে প্রতি পক্ষের প্রকাশ যজ্ঞ ভঙ্গ, চালবাজী, ভেদ নীতির অমুসরণ প্রভৃতির ফলে নিজের অবস্থা বিশেষ বৃদ্ধিতে পারিয়া স্বরাজের পথে অগ্রসর হইতে জনসাধারণের তীব্র আকাঙ্ক্ষা জন্মিয়াছিল । কিন্তু তখনও ভয় পূর্ণমাত্রায় বিস্তমান ছিল বলিয়া বিরোধপন্থী সেবকদলের সঙ্গে প্রকাশ সহানুভূতি করিতে দেশবাসী সাহসী হইল না । বাধ্য হইয়া বিরোধপন্থীদের বিপ্লবের পথ অমুসরণ করিতে হইল । বিপক্ষও দমননীতির অমুসরণ করিয়া নবোন্মিত দলটাকে সমূলে ধ্বংস করিতে কৃতসংকল্প হইল । বৎসরের পর বৎসরব্যাপী সন্তানদলের উপর অমানুষিক অত্যাচার চলিল । সে অত্যাচারে দেশবাসী বিচলিত হইল । জনসাধারণের অন্তর দাবাগ্নির ন্যায় জ্বলিতে লাগিল । দেশবাসী স্পষ্ট বৃদ্ধিতে পারিল ইহার একমাত্র প্রতিকার স্বরাজ স্বাধীনতা । প্রকাশে যদিও ইহারা সেবকদলের সহিত যোগ দিতে পারিল না, ইহাদের মনে স্বরাজের আকাঙ্ক্ষা তীব্র ভাবে জ্বলিয়া উঠিল ।



মহাত্মা-নির্দিষ্ট পথ শাস্তির পথ দেখিয়া তাঁহাদের মনের আকাঙ্ক্ষা লইয়া তাঁহারা ঝাঁপাইয়া পড়িলেন। দেশব্যাপী তুমুল আন্দোলন উপস্থিত হইল। প্রতিপক্ষের ক্ষীণ বাধা স্রোতের প্রবল বেগের সম্মুখে ভাসিয়া গেল। ইং ১৯২১ নবেম্বর মাসে প্রতিপক্ষ ১৯০৮ সালের তৈয়ারী সিংহান-দলনী আইনের (ফৌজদারী সংশোধন আইন ১৯০৮) ব্যবহার করিতে যাইয়া দেশের ছোট বড় সমস্ত কর্মীদের জেলে আবদ্ধ করিল বটে কিন্তু আন্দোলন নূতন আকার ধারণ করিল। রমণীরা অস্তঃপুর পরিত্যাগ করিয়া পতি, পুত্র ও ভ্রাতাদের শূন্য স্থান পূর্ণ করিলেন। আত্মশক্তি মহামায়া তাঁহার অংশ-সম্পত্ত রমণীগণের পশ্চাতে তাঁহার দানবদলনী শক্তি লইয়া অলঙ্কিতে দাঁড়াইয়া শক্তি সঞ্চারণ করিতে লাগিলেন। আর্থ্যরমণীদের সাধনার ফলে রমণীগণ দৈত্যাদলের সমস্ত বাধাকে অগ্রাহ্য করিয়া পদে পদে জয়ী হইতে লাগিল। কলেজ-স্কোয়ার, মির্জাপুর ও ওয়েলিংটন স্কোয়ার, হরিশ পার্ক ও রসারোড় মাঠ প্রভৃতি স্থানে বিপক্ষদল কষ্টক নির্যাতিত ও নিষ্পেষিত রমণীদল চালিত বালক ও যুবকবৃন্দের শৌর্ষা, বীর্য, সহিষ্ণুতা, ধৃতি ও দৃঢ়তার সে দৃশ্য ও স্মৃতি আজও আমার চক্ষের উপর ভাসিতে ভাসিতে শিরায় শিরায়, ধমনীতে ধমনীতে রক্তপ্রবাহ ছুটাইয়া দেয়। কর্ম ও স্মৃতি আমার হৃদয়ে দৃঢ়বিশ্বাস জন্মাইয়া দিয়াছে— ভারতকে স্বরাজ সাধনার পথ হইতে নিবৃত্ত করিতে পারে পৃথিবীতে এমন শক্তি নাই। বিশেষতঃ 'বাহালীজাতিকে কিছুতেই পশ্চাদপস করিতে পারিবে না। যেদিন দেশবন্ধু দাশ মহাশয়ের মোকদ্দমার রায় প্রকাশ হওয়ার কথা সেদিন সভাবন্ধের সাক্ষীর শেষ দিন অতীত হওয়ার কথা ছিল। সেদিন কোন প্রকার শোভাযাত্রা বা সভাবন্ধ করার জন্ত প্রতিপক্ষ সমগ্র কলিকাতায় রক্তগঙ্গা বহাইতে প্রস্তুত, তাহা জানিয়া সুনিয়াও আবালবৃদ্ধবনিতা প্রায় ৪০ হাজার লোক শোভা-

যাত্রা ও সভা করিতে প্রস্তুত হইয়া সময়ের অপেক্ষা করিতেছিল। এমন সময়ে তড়িতবার্তা বার্দনী হইতে ওয়ার্কিংকমিটির সিদ্ধান্ত মহাত্মার আদেশ সহ প্রচার করিল "সর্ব প্রকার অগ্রগমন বন্ধ।" বাহালীর ভাবের জোয়ারে ভাটা পড়িল, পতির সঙ্গে তাঁহার কার্যে সহায়তা করিয়া বাহালীর ডাব ও স্বভাধ কিছু বৃত্তিতে পারিয়াছিলাম বলিয়া আমার বিশ্বাস। তাই অস্থস্থ শরীরেও ছুটিয়া গিগা চট্টগ্রাম প্রাদেশিক কনফারেন্সের অধিবেশনে বন্ধ ভঙ্গ হইতে তৎকালীন সময় পর্যন্ত সমস্ত ঘটনাবলী স্মরণ করাইয়া দিয়া অবলার কাতর ক্রন্দন প্রতিনিধিবর্গের গোচর করিয়াছিলাম। বুঝাইয়াছিলাম আফিংএর নেশার মত ভাবের ঘোরে বিভোর বাহালীজাতিকে ঘুমাইতে দেওয়া সম্ভব নহে; বলিয়াছিলাম স্থানে স্থানে আইনঅমান্ত করিয়া সংঘর্ষ আগাইয়া রাখ, বিপক্ষকে বিব্রত রাখ, নতুবা ঠাণ্ডা হইয়া যাইবে। প্রতিনিধিরা প্রস্তুত ছিলেন কিন্তু জেলের বাহিরে নেতারা ইহা বাতুলের প্রলাপ বলিয়া উড়াইয়া দিলেন।

দেশবন্ধু প্রমুখ নেতারা বাহির হইয়া দেখিলেন দেশ ঘোর নিদ্রাগ্রস্ত। আইন ব্যবসায়ী ঝাঁহারা বাবসা ত্যাগ করিয়াছিলেন তাঁহারা প্রায় সকলেই ফিরিয়া গিয়াছেন, স্কুলকলেজের শূন্য গৃহগুলি পুনরায় ছাত্রপূর্ণ হইয়াছে, সঙ্গে সঙ্গে জাতীয় বিদ্যালয়গুলি শূন্য হইয়া পড়িয়াছে, মামলা মোকদ্দমা পুনরায় স্মরণ হইয়াছে। স্থানে স্থানে কংগ্রেস আফিসগুলি বন্ধ হইতেছে। একনিষ্ঠ কর্মীরা অনাহারে বা অর্দ্ধাহারে কোন প্রকারে প্রতিষ্ঠানগুলিকে আঁকড়াইয়া ধরিয়া আছে। মুষ্টিমেয় কর্মীমাত্র কর্মস্থলে রহিয়াছে। তাই তিনি কাউন্সিল হইতে আরম্ভ করিয়া ডিস্ট্রিক্ট বোর্ড, লোকাল বোর্ড, মিউনিসিপ্যালিটি প্রভৃতি প্রতিপক্ষের সমস্ত প্রতিষ্ঠানগুলি আক্রমণ করিয়া প্রতিপক্ষকে বিব্রত রাখিতে ও তদুপলক্ষে দেশবাসীকে আগাইতে ইচ্ছা করিলেন এবং সে জন্তই ঐ মর্মে এক প্রোগ্রাম



খাড়া করিলেন। গয়া কংগ্রেসে তিনি তাঁহার প্রস্তাব উত্থাপিত করিলেন। মেজরটী কর্তৃক তাহা অগ্রাহ্য হইল। নেতাগণের মধ্যে মতভেদ দেখা দিল। প্রতিপক্ষ সচকিতে সুযোগ প্রতীক্ষা করিতে লাগিলেন। দেশবন্ধু যতই তাঁহার যুক্তির সারবত্তা দেশবাসীকে বুঝাইয়া দিতে লাগিলেন, ততই দিনের পব দিন দেশবাসী তাঁহার পত্রাকামূলে একত্রিত হইতে লাগিল। প্রতিপক্ষও দমননীরতির

সাহায্য লইতে প্রস্তুত হইতে থাকিলেন। ১৯১৫ সালের ভারত রক্ষা আইন ও ১৮১৮ সালের ৩ আইনের সাহায্যে তখনকার নিষ্পেষণের প্রধান নেতা মিঃ টেগার্টকে আয়দানী করিলেন। ঋতুরাজ যেমন মলয় পবন, কোকিল, দোয়েল সঙ্গে করিয়া আসেন, মিঃ টেগার্টও তেমনি সাজপাজ সঙ্গে লইয়া ১৮১৮ সালের ৩ আইন সহ পুনরায় ভারত আকাশে উদ্ভিত হইলেন। (ক্রমশঃ)

## পরিমল

### শ্রীমতী আশালতা প্রামাণিক ।

বিাধর অপূর্ণ সৃষ্টি তুমি পরিমল !  
আত্মীয় জনের প্রতি নাহিক করুণা,  
বিলাপ ঐশ্বর্য্য তব স্নিগ্ধ সুবিমল  
অন্ত সবে, যারানহে আপনার জনা।

কুস্মে জনম কিন্তু প্রীত নহ তাতে,  
'ত্যজি তারে চলি যাও দূর দূরান্তরে ;  
'আনন্দিত গন্ধ-বহ সহ বিচরিতে,  
সম্পাদিতে প্রফুল্লতা অন্তের অন্তরে।

নিঃস্বার্থ তোমায় প্রীতি জগৎ সংসারে,  
নিঃস্বার্থ হও তুমি অপরের হিতে,  
আরাম দানিতে কর আশ্রয় অন্তরে,  
ক্রমে ক্রমে উপভোগ্যে মিলাও শূন্যেতে।

এইরূপ স্বার্থহীন পর উপকার—  
জগতে দৃষ্টান্তহীন, অতীব বিরল ;  
বাক্য নাহি ভাষামধ্যে বগাখ্যা করিবার  
স্বর্গীয় বিশুদ্ধগুণ ইহার সকল।

যত কেন চিন্তাযুক্ত থাকহ অন্তরে,  
আহ্লাদিত হয় নরে তোমার পরশে,  
ভুলে চিন্তা সব, মন বিমোহিত করে,  
যবে নাসারঙ্গ-পথে হৃদয়ে প্রবেশে।

মনোমুগ্ধকর তুমি অনিল-বিহারী,  
'অপার্থিব গুণযুক্ত স্নিগ্ধ স্মৃতিতল,'  
তব সৃষ্টিকর্তা যিনি কত গুণধারী,  
জানিতে অধম প্রাণ হয় যে ব্যাকুল।

## সঙ্কলিকা

[ বঙ্গে বিধবা--অধ্যাপক শ্রী অজিতকুমার সেন এম-এ ]

বিধবাবিবাহ আন্দোলনের প্রবর্তক মহাত্মা ঈশ্বরচন্দ্র বিজাসাগর আর নাই যে, বিধবাদের দুঃখ-দ্রবীভূত-হৃদয়ে বিধবাদের দুঃখ-কষ্ট মোচনে অগ্রণী হন। ব্রহ্মানন্দ কেশবচন্দ্র সেনও আর নাই যে, "বিধবাবিবাহ নাটক" অভিনয় ক'রে জনমতকে এই কঠিন সামাজিক সমস্যার সমাধানকল্পে ত্রুতী হইতে বলেন। বিজাসাগর মহাশয়ের বিধবাবিবাহ আন্দোলন হয় প্রায় ১৮৫৬ খৃষ্টাব্দে, আর কেশব-চন্দ্রের কর্তৃত্বাধীনে এই নাটক প্রথম অভিনীত হয় চিৎপুর রোডে ৮৫২ খৃষ্টাব্দে। এই নাটকের অভিনয় দেখিতে বিজাসাগর মহাশয় এসেছিলেন। নাটকে বর্ণিত বিধবা দুঃখ-কষ্ট সহিতে অপারগ হইয়া পাপের পথে যায় এবং অবশেষে আত্মহত্যা করিয়া সকল জ্বালার হাত হইতে উদ্ধার পায়। এই সব দৃশ্য দেখিয়া কোমল-হৃদয় বিজাসাগর মহাশয় কেন, অল্প অনেক কঠিন-হৃদয় দর্শকদেরও দুই চোখ জলে ভরে এসেছিল। বাংলাদেশের দুর্ভাগ্য যে, কেশবচন্দ্র সেই বৎসরেই রক্তমঞ্জের সহিত সকল সম্পর্ক ত্যাগ করিলেন।

আজ মনে হয়—ঈশ্বরচন্দ্র ও কেশবচন্দ্র দুই-জনই যদি তখন এই আন্দোলন চালাইতেন, একজন যুক্তিতর্কের সাহায্যে আর একজন করুণ-রূপের সাহায্যে—তাহা হইলে আজ এই সামাজিক সমস্যা যে তিমিরে সেই তিমিরেই থাকিত না।

এই তো 'গেল' ভূমিকা। এখন কতকগুলি কঠোর সত্যের সন্মুখীন হওয়া থাক।

বাংলাদেশে হাজার করা স্ত্রীলোকের মধ্যে ১৭২ জন বিধবা এবং হাজার করা পুরুষের মধ্যে বিপত্নীক হছে ৩৮ জন। ইংলণ্ডে বিপত্নীকের সংখ্যা বাংলারই সমান, অর্থাৎ হাজার করা ৩৮ জন, কিন্তু ইংলণ্ডে বিধবার সংখ্যা হছে হাজার করা ৭১ জন।

এইখানেই কত তফাৎ দেখুন। ইংলণ্ডে বিধবা-দের সংখ্যা হছে বিপত্নীকদের মাত্র দ্বিগুণ, কিন্তু বাংলাদেশে বিধবা বিপত্নীকদের পাঁচগুণ বেশী। অর্থাৎ আমাদের দেশে পুরুষ প্রৌঢ়বয়সে বিপত্নীক হইলেও (বৃদ্ধ বয়সে বিপত্নীক হইয়াও পুনরায় বিবাহ করিয়াছেন--৬৭টি পুত্র কন্যা থাকিতেও, এমন দৃষ্টান্তও বিশেষ বিরল নয়) প্রায় বিবাহ করিয়া থাকেন; কিন্তু বালিকা বা যুবতী বিধবা হইলে তাহার পুনর্বিবাহ হয় না। সমাজের এই একচোখো শাদনের ও আইনকানূনের বিরুদ্ধে কি আর কেহ বিজাসাগর মহাশয়ের পদাঙ্ক অনুসরণ করিবেন না?

নীচে বাংলাদেশের হিন্দু-বিধবাদের একটি তালিকা উপস্থিত করিতেছি; তাহা ভাল করিয়া দেখিলে বুঝিতে পারিবেন যে সমস্যা কি গুরুতর!

বয়স্ক	হাজার করা হিন্দু-বিধবা
০—৫	১
৫—১০	৬
১০—১৫	৫৮
১৫—২০	২৭
২০—২৫	১৫৪
২৫—৩০	২৩৬
৩০—৩৫	৩৪৩
৩৫—৪০	৪৫৫
৪০—৪৫	৫৭৮
৪৫—৫০	৬৭৭
৫০—৫৫	৭৮৩
৫৫—৬০	৮৩৬
৬০—৬৫	৮২৫
৬৫—৭০	৮২৮
৭০—৭৫	৯১০
...	...

৫ বছর অবধি হাজার বালিকার মধ্যেও ১টি বিধবা !  
—অর্থাৎ পেট থেকে পড়েই তা'দের এক রকম  
বিবাহ হইয়াছে এবং তখন তখনই বিধবা হইয়াছে !

৫ হইতে ১০ বছর বয়স্ক বালিকাদের মধ্যে  
হাজারকরা ৬জন বিধবা ; ১০ হইতে ১৫ বছর বয়স্ক  
বালিকাদের মধ্যে, হাজারকরা ৩৩ জন বিধবা !  
হাজারে সংখ্যা ক্রমেই বাড়িতেছে ।

নীচের তালিকাটি মুক হইলেও কি নির্দারকণ  
কাহিনীই না বহন করিতেছে। এই তালিকাটি  
যুবতী-বিধবাদের তালিকা -

বয়স্ক	হাজারকরা বিধবা
১৫—২০	২৩
২০—২৫	১৫৪
২৫—৩০	২৩৬
৩০—৩৫	৩৪৩

অর্থাৎ ২০—২৫ বয়স্ক যুবতীদের প্রতি ৬৭  
জনের মধ্যেই একজন বিধবা, ২৫—৩০ বয়স্ক যুবতী-  
দের প্রতি ৪ জনের মধ্যে ১ জন, এবং ৩০—৩৫  
বয়স্কদের প্রতি ৩ জনের মধ্যে ১ জন বিধবা !  
ইহার সম্বন্ধে কোনরূপ টীকা নিম্প্রয়োজন।

আরও দেখুন—প্রোটা স্ত্রীলোকদের অর্ধেকের  
বেশী সংখ্যার সিঁধের সিন্দুর ও হাতে লোহা  
পরিবার সৌভাগ্য নাই !

সমাজ সংস্কারকদল এ সমস্যা বিষয়ে খুবই চিন্তা  
করুন এবং ইহার সমাধানকল্পে কোন কার্যপ্রণালীর  
অনুষ্ঠান করুন। সমস্যা যৈ কি গুরুতর, তাহাই  
সকলের সামনে উপস্থিত করুন।

( ২ )

বাংলাদেশে ২৫—৩০ বৎসর বয়স্ক হিন্দু-  
যুবতীদের প্রতি ৪ জনের মধ্যে ১ জন বিধবা এবং  
৩০—৩৫ বৎসর বয়স্ক হিন্দু-যুবতীর প্রতি ৩ জনের  
মধ্যে ১ জন বিধবা। কিন্তু ঐরূপ বয়স্ক মুসলমান-  
যুবতীদের প্রতি ১০ জনের মধ্যে ১ জন এবং প্রতি  
৫ জনের মধ্যে ১ জন বিধবা। অর্থাৎ

বয়স্ক	হিন্দু-বিধবা ( হাজারকরা )	মুসলমান-বিধবা ( হাজারকরা )
২৫—৩০	২৩৬	১০৫
৩০—৩৫	৩৪৩	১৬৬

২৫—৩০ বৎসর বয়সে হাজারকরা যত মুসলমান  
যুবতী বিধবা আছে, হিন্দু বিধবা তাহার দ্বিগুণেরও  
বেশী—কিন্তু ৩০:৩৫ বৎসর বয়সে হিন্দু-বিধবার  
সংখ্যা দ্বিগুণের কম। অর্থাৎ ২৫:৩০ বৎসর বয়স্ক  
অনেক মুসলমান যুবতী স্বামী হারাইলে পুনরায়  
বিবাহ করে কিন্তু ৩০:৩৫ বৎসর বয়সে বিধবা  
হইলে, সেই অল্পপাতে পুনরায় বিবাহ করে না।

মুসলমান-বালিকা বিধবারা হিন্দু-বালিকা-বিধবার  
তুলনায় যে অনেকে আবার বিবাহ করে, তাহার  
প্রমাণ নীচের তালিকা হইতে বুঝা যায়—

বয়স্ক	হিন্দু	মুসলমান
১০—১৫	৫৮	১৮
১৫—২০	২৪	৪১

অর্থাৎ ১০—১৫ বৎসর বয়স্ক হিন্দু-বালিকাদের  
মধ্যে হাজারকরা যেখানে ৫৮ জন বিধবা—সেখানে  
ঐ বয়স্ক মুসলমান-বালিকা-বিধবার সংখ্যা  
হাজারকরা ১৮, —হিন্দুর তুলনায় অর্ধেকেরও কম।  
১৫—২০ বৎসর বয়স্ক ঐ একই কথা—অর্থাৎ  
অর্ধেকেরও কম। ২০:২৫ বৎসর বয়সের তুলনা-  
করিলে দেখা যায় যে, হিন্দু-বিধবা প্রায় ৩ গুণ বেশী।  
হাজারকরা সংখ্যা হইল যথাক্রমে ১৪৫ ও ৬১।

এইবার বাঙলার হিন্দু-বিধবার অল্পপাত-সংখ্যার  
সহিত ইংলণ্ডের বিধবার অল্পপাত-সংখ্যার তুলনা  
করা যাক—

[ হাজারকরা হিসাব ধরা হইয়াছে ]

বয়স্ক	হিন্দু বিধবা	ইংরেজ বিধবা
৫—১০	১	০
১০—১৫	৬	০
১৫—২০	৫৮	০
২০—২৫	২৪	০
২৫—৩০	১৫৪	১
৩০—৩৫	১৩৬	৮
৩৫—৪০	৩৪২	১২
৪০—৪৫	৪১৫	৫৮
৪৫—৫০	৫৭৮	৬৬
৫০—৫৫	৬৭৭	১০৭
৫৫—৬০	৭৮৩	১৬৫
৬০—৬৫	৮৩৬	২৪১
৬৫—৭০	৮২৫	৩৩৮
৭০—৭৫	৮২৮	৪৫৬
৭৫—৮০	৮১০	৫৮০

হিন্দু-বিধবা ও ইংরেজ-বিধবার সংখ্যার তুলনায় আকাশ পাতাল তফাত । ২০ বছর পর্যন্ত হাজারকরা একজন কি আধজন ইংরেজ-বালিকাও বিধবা নয়—তার কারণ, ইংরেজ-বালিকার বিবাহ কিছু দেরীতে হয় এবং ২০ বছরের মধ্যে বিধবা হইলেও পুনর্বিবাহ করিয়া থাকে ।

২০-২৫ বছর বয়স্ক হিন্দু-বিধবা ও ইংরেজ-বিধবার সংখ্যায় তফাৎটা কতদূর, তা' লক্ষ্য করুন । হাজারকরা যেখানে ১ জন মাত্র ইংরেজ-বিধবা, সেখানে ২০—২৫ বৎসর বয়স্ক হিন্দু-বিধবার সংখ্যা হাজারকরা তার ১৫০ গুণের বেশী । ভাবুন কি অবস্থা ! প্রতি ৫ বছরের পাশাপাশি দুইটি হিসাব তুলনা করিলে ঐ একই সিদ্ধান্তে উপনীত হওয়া যায় । ৩৫—৪০ বৎসর বয়সে হাজারকরা ইংরেজ-বিধবা যত আছে, হিন্দু-বিধবা হাজারকরা তার ১২ গুণ । ইংরেজ-বিধবার সংখ্যা এত যে কম, তার দুইটি কারণ—১। পুনর্বিবাহ । ২। স্বামী দীর্ঘজীবী । আর আমাদের বঙ্গীয় হিন্দু-বিধবাদের ঐ দুইটি জিনিষেরই অভাব । উপরন্তু “বৃদ্ধস্ত তরুণী ভার্যা” ।

বালিকা ও যুবতী হিন্দু-বিধবাদের পুনর্বিবাহ

দেওয়া সম্বন্ধে কোন যুক্তি তর্কের অবতারণা একেবারেই নিষ্প্রয়োজন । তবে দু'একটি কথা বলিলে বোধ হয় বিশেষ দোষের হইবে না । প্রথমে সমাজের তরফ থেকে দেখা যা'ক—বাঙলাদেশে হিন্দু বালিকা ও যুবতী বিধবাদের সংখ্যা এত বেশী বলিয়া হিন্দুদের সংখ্যা তেমন বাড়িতে পারিতেছে না । বাঙলায় মুসলমানেরা অনেক বাড়িয়া চলিয়াছে । আবার যুবতী-বিধবার সংখ্যাধিক্য হইতে সামাজিক দুর্নীতির সৃষ্টি হইয়া থাকে, পুনর্বিবাহ হইলে এই সব দুর্নীতি বহুল পরিমাণে কাটিয়া যায় ।

হিন্দু বালিকা ও যুবতী বিধবারা মানুষ—তাদেরও মন আছে, প্রাণ আছে, দেহ আছে, তাদেরও নানারূপ দৈহিক ও মানসিক আকাঙ্ক্ষা আছে, তাদেরও মনে পৃথিবীর আর পাঁচধনের মত জীবনধারণ করিবার অভিলাষ আছে ;—তাদেরও হয়ত মনে হয়—

“বৈরাগ্য সাধনে মুক্তি, সে আমার নয়,  
অসংখ্য বন্ধন মাঝে, মহানন্দময়  
লভিব মুক্তির স্বাদ ।”

( উপাসনা )

## নূতন অতিথি

বন্দে আলি মিয়া ।

গ্রহ তারা দেখে সে কোন্ পাঞ্জির  
সন্ধ্যাহারা যাত্রা করার পথে,  
গৃহে আমার অতিথি কী তুই হাজির  
প্রতীক্ষারি লুপ্ত মনেবু রথে ?  
বস্ত্রহারা দিগম্বরের বেশে  
ধক্ষে যদি দেখা দিলেই এসে  
শাপটে তোমায় রাখ'ব ধরে আজি  
রিদায় নাহি দেবো কোনোই মতে ।

কোথায় তোমার দেশটি নাহি চিনি  
নামটি তোমার অজান আমার কাছে,  
শোভায় বুঝি মোদের এদেশ জিনি,  
সেথায় কি বাপ মুক্তা ফলে গাছে ?  
গল্পে শোনায় সেই কি মায়াপুরী,  
রাত্রি দিবস নাচ'চে বুঝি হুঁরী,  
তুই কি তাদের রাঙা হাসির কথা,  
অশ্রু ধারায় মুক্তা সে চোখ হতে ?

# দেবীর দান

( গল্প )

## শ্রী আশুতোষ মুখোপাধ্যায় বি-এ ।

“হুটি খেতে পাই মা !”—বলিয়া একজন আখারয়সী ভিখারিণী—তাহাকে দেখিলে নেহাৎ ছোট ঘরের মেয়ে বলিয়া মনে হয় না—চাটুঘোদের বাড়ীর ভিতর প্রবেশ করিয়া উঠানে আসিয়া দাঁড়াইল ।

তখন বেলা প্রায় দ্বিপ্রহর । সেদিন জগদ্ধাত্রী পূজা—চাটুঘোদের বাড়ীর চার পাঁচখানা বাড়ীর পরের একখানা বাড়ীতে ‘দেবী’ আসিয়াছেন, ‘সন্ধ্যাপূজার’ আর বেশী দেয়া নাই, এখন বাজনা বাজিয়া উঠিবে সূতরাং পাড়ার ছোট ছোট ছেলেমেয়েরা পূজা দেখিবে ও বাজনা শুনিবে বলিয়া বাড়ীর অঙ্গনে জড় হইয়াছে । তাহাদের কেহ কেহ একদৃষ্টে প্রতিমার পানে চাহিয়া আছে—কেহ কেহ আনন্দে করতালি দিতেছে—কেহ কেহ বা হেথা হোথা ছুটাছুটি করিতেছে । কত নিমন্ত্রিত ব্যক্তি আসিয়া ‘ঘোষ’ মহাশয়ের বাড়ীর বৈঠকখানায় সমবেত হইতেছেন, তাহাদের দস্তরমত আদর আপ্যায়ন চলিতেছে—কত ভিখারী ভিখারিণী প্রাসাদ-দ্বারে জটলা পাকাইতেছে ও পিঁড়ীক বস্তুক তিরস্কৃত, লাহিত কভু বা বিতাড়িত হইতেছে । আদর-অত্যর্থনাশ্রয় নিমন্ত্রিত ব্যক্তিদের মুখে একটা তৃপ্তি ও আনন্দের হাসি—আর বৃত্তক্ষা-পীড়িত ও নির্যাতিত ভিখারী ভিখারিণীদের মুখে একটা অশান্তি, কষ্ট ও নৈরাশের অভিব্যঞ্জনা ! ঘোষ মহাশয়ের বিপুল প্রাসাদ আজ আনন্দ-কোলহলে কলকলায়মান, আর হয়ত আজ তাহারি কোন প্রতিবেশীর ক্ষুদ্র কুটীর গভীর বিষাদে সমাচ্ছন্ন—নীরব নিখর ! কেহ আজ ভূরিভোজনে পরিতৃপ্ত, কেহ রা অনাহারে মুহমান ! জগতে সাম্য কোথায় ?

যাহাহউক চাটুঘোদের বাড়ীর একজন বর্ষীয়সী রমণী বাহির হইয়া উত্তর করিলেন—“আজ ফিরতে হবে মা, চাল বাড়ন্ত ।”

ভিখারিণী বর্ষীয়সীকে দেখিয়াই একটু হাসিয়া অতি মৃদুস্বরে জিজ্ঞাসা করিল “কি মা, ভাল আছেন ত ?” তারপর কিকিৎ ইতস্তত করিয়া বলিল “আচ্ছা মা, আমি কখনও এ বাড়ী থেকে শুধু হাতে ফিরিনি, বরঞ্চ এ বাড়ীতে যা পেয়েছি অপর বাড়ীতে তা কখনো পাব না, কিন্তু মা আজ কমাস হতে চলল—যখনই এখানে আসি—প্রায়ই শুনি ‘চাল বাড়ন্ত’ ;—বল দেখি মা কি হয়েছে ?”

বর্ষীয়সীর চক্ষে জল আসিল । তিনি বলিতে লাগিলেন “কি বলব মা, আমার যেমন পোড়া কপাল ! এই সেদিন কর্তা হঠাৎ মারা গেলেন—যাহোক বড় ছেলেটা কাজকর্ম করে বেশ দু’পয়সা আনছিল কিন্তু ক’মাস হলো তারও কাজ গেছে—এত চেষ্টা করচে, তবুও কাজ পাচ্ছে না । আর অন্যান্য ছেলেদের কথা ছেড়ে দাও মা, তারা আমার পেটের হলেও নেহাৎ হতভাগী, এতদিন কিছু করলেনা—ভাল লেখাপড়াও শেখেন, এখন আর করবে কি ? তারওপর যে দিনকাল পড়েছে ! এ ছাড়া বিপদের ওপর বিপদ মা’র বড় ছেলের বড় মেয়েটি আজ প্রায় ১৫ দিন হুলা মারা গেছে—ছেলেটাও শোকে পাগল—৩০ দিন বিছানাতেই পড়ে আছে, আর কেবলি কাঁদচে—”

এই পর্যন্ত বলিয়া চূপ করিলেন । তারপর অঞ্চলে আর্দ্র চক্ষু মুছিয়া আবার বলিতে লাগিলেন “কি বলব মা ছুখের কথা—সাথে কি ‘চাল বাড়ন্ত’



বলতে হয়! আজ দুদিন থেকে এই আমাদের ৩৭টি প্রাণীর পেটে একটা দানা পর্যন্ত যায়নি। মা জগদ্ধাত্রী আজকের দিনে কত জনকে দয়া করছেন, কেবল আমাদের ক'টিকে উপবাসে রেখেছেন—সকলি তাঁর ইচ্ছা মা!”

এই ভদ্র পরিবারের অবস্থা-বিপর্যয়ের কাহিনী শুনিয়া ভিখারিণীর চক্ষে জল আসিল, এবং বর্ষীয়সীর দুঃখে গভীর সহানুভূতি প্রকাশ করিয়া ও একটি দীর্ঘনিশ্বাস ত্যাগ করিয়া খানিকক্ষণ চুপ করিয়া দাঁড়াইয়া রহিল। সে যেন গভীর হইয়া কি ভাবিতে লাগিল। হয়ত নিজেরই অদৃষ্ট বিষয়ে চিন্তা করিতেছিল—কারণ পূর্বেই বলিয়াছি এই ভিখারিণী সাধারণ ভিখারিণী হইতে সম্পূর্ণ ভিন্ন প্রকৃতির। অবশেষে যেন কিছু ইতস্তত করিয়া একেবারে বর্ষীয়সীর হাত ছ'খানি জড়াইয়া ধরিয়া বলিল “মা, আমার একটা কথা রাখতে হবে মা, আমি মা তোমার পেটের মেয়ে—আজ এই গরীব মেয়ের সামান্য কিছু দান নিতে হবে

মা”—এই না বলেই সে তাঁর কাপড়ের ভিতর হইতে মস্ত একটা পুঁটুলি বাহির করিল এবং তাহার মধ্য হইতে চাল, আলু, পটল ও কিছু পয়সা—অর্থাৎ যা কিছু সে ভিক্ষা করিয়া পাইয়াছিল তাঁৎ-সমুদয়ই ভূমিতে ঢালিয়া দিয়া নীরবে দাঁড়াইয়া রহিল। অবশেষে কম্পিত কণ্ঠে বলিতে লাগিল “নিতে হবে মা, নইলে আমি আত্মহত্যা করব। আর আমিও মা অজ্ঞাতের মেয়ে নই—কপালের দোষে আজ আমার এই দশা।”

বর্ষীয়সী কোন উত্তর করিতে পারিলেন না, তিনি কিংকর্তব্যবিমূঢ় হইয়া নীরবে দাঁড়াইয়া রহিলেন ও তাঁহার চক্ষুদ্বয় হইতে অবিরলধারে অশ্রু গড়াইতে লাগিল। তাঁহার নয়নে কেবলই প্রতিভাত হইতে লাগিল যেন দেবী জগদ্ধাত্রী—তাঁহাদের দুঃখে কাতরা হইয়া আজ এই ভিখারিণী মৃত্তিতে, স্বয়ং তাঁহাদেরই দ্বারে আসিয়া অন্ন বিতরণ করিতেছেন। এই সময়ে পূজাবাড়ী হইতে সঙ্ঘ্যাগুজার বাজনা খুব জোরে বাজিয়া উঠিল।

মা

শ্রীশুরেশচন্দ্র মজুমদার ।

তীর্থ ও দেবতা কোথা চিনিলাম না ত ;

মনোমত শাস্তি কোথা না পাইলুম মাতঃ ।

ভূমি ত দেবতা মোর আরাধ্য ধরায়,  
মহাতীর্থ সেই-পল্ল রাধ মা যথায় ।  
সাধনা তপস্কা মাগো কি ফল প্রদানে ?  
সর্বফলদাত্রী তুমি, পদরেণু দানে  
ধন্য কর এ জীবন—হউক সফল,  
কঠোর সংয়াসধর্ম্মে আছে কিগো ফল ?  
ইহকাল পরকালে যা নামে যে স্বধা,  
হরে মম-জীবনের পাপ ত্রাপ ক্ষুধা ।

মৃত্তিমতী ভগবতী গৃহেতে আমার,  
উপাসনা বল মাতঃ করি আর কার ?  
জন্মভূমি মহাতীর্থ,—শ্রেষ্ঠ স্বর্গ হ'তে,  
এ হেন পবিত্র তীর্থ আছে কি ভারতে ?  
পাতার কুটীর নহে ও মাতৃ-মন্দির,  
মুক্তি সেখা বিরাজিতা অভাগা বন্দীর,  
মন্দির-প্রাঙ্গণে আজি নামাইয়া ভার,  
আত্ম-নিবেদন করি চরণে তোমার ।

## শিশু-মঙ্গল

শ্রীমতী নির্মলা বসু ।

আজকাল প্রায় সকল মাসিকপত্রিকা গুলিতেই শিশুমৃত্যু-সংখ্যার হিসাব বাহির হইতেছে,—তাঁহা পাঠ করিয়া সত্যই মাতৃ-হৃদয় চঞ্চল হইয়া উঠে । ইহার প্রতীকারের উপায় অনেকেই অনেকরূপে লিখিতেছেন । কেহ বলেন—বাল্য মাতৃত্ব, কেহ বলেন—ঠাকুরমা ও দিদিমাদের অজ্ঞতা, মূর্খতা, কেহ কেহ বলেন পুষ্টিকর খাদ্যের অভাব, সংকীর্ণ স্থানে বসবাস ও মুক্ত বাতাসের অভাব, ইত্যাদি ।

আমার মনে হয় ঐ কারণগুলি যথেষ্ট নহে, আরও কারণ আছে । পুরুষ ও নারীর শারীরিক সুস্থতায় বলিষ্ঠ সন্তান জন্মগ্রহণ করে । অনেক স্থানে দেখা গিয়াছে সন্তান সন্তান বেশ হইপুটে হয়, কিন্তু তাহাকে ঠিকমত পালন করিতে না জানায় সন্তানটী জন্মগ্রহণের মাসখানেক পরেই মৃত্যু হইয়া পড়িতে থাকে । প্রথম পিতামাতা অনেক স্থানেই তাদের কিরূপ যত্নে রাখিতে হয় জানেন না, ষাঁহারা তাহাদের অভিব্যক্তি তাঁহারা তাহাদের রীতিমত শিক্ষা দেন না,—কি করিতে হয় বা না করিতে হয় কেবল পুস্তক পাঠে তাহা জানা যায় না । ষাঁহারা অনেকগুলি সন্তান পালন করিয়া প্রাচীনা হইয়াছেন, তাঁহাদের অভিজ্ঞতা এ বিষয়ে গ্রহণীয় । তাঁহারা যাহা শিক্ষা দিতে পারেন, পুস্তক হইতে তাহা পাওয়া যায় না ।

প্রাচীনা মহিলাগণ যদি যত্ন করিয়া স্বাস্থ্য পত্রিকাগুলি পড়িয়া ও ডাক্তারদিগের মতামত জানিয়া নাতিনাতিনীদের, পরিচর্যার ভার লন, বা বধু কন্যাদের শিক্ষা দেন, তাহা হইলে তাঁদের নিজস্ব অভিজ্ঞতা, ও আধুনিক স্বাস্থ্যরক্ষার বিধি, এই দুইটি মিলাইয়া আরও ভালরূপে শিক্ষা দিতে পারেন ।

সেই মাসিকাতার আমলে আমি যাহা দেখিয়াছি অনিয়াছি, করিয়াছি এখনও তাহাই করিব, এরূপ বলিলে আর চলে কৈ ? দিন দিন স্বাস্থ্যবিজ্ঞানের উন্নতি হইতেছে, প্রাচ্য ও প্রতীচ্যের মিলন সকল বিষয়েই করিয়া লইতে হইবে ।

স্বস্তিকাগৃহে এখন আর আগুণ জ্বালাইয়া সমস্ত দরজা জানালা বন্ধ করিয়া কেহ রাখে না, তাহার অপকারিতা সকলেবুই জানা উচিত । যদি একহু স্বেচ্ছায় করেন, তাহার ফল ভুগিতেই হয় । শিশু জন্মাইবার পরক্ষণেই তাহাকে স্নান করাইতে হয় ইহা সকলেই জানেন ও করেন—কিন্তু প্রতিদিন যে তাহাকে উত্তমরূপে স্নান করাইতে হয়, তাহা অনেকে জানিয়াও করান না । অস্তুতঃ ৮—১০ দিন শিশুর প্রতিদিন স্নানের অত্যন্ত দরকারী (পরে না করিলেও চলে) এবং সে স্নান—বেসম গুলিয়া, বা সাবান ও তৈল দিয়া খুব ভালরূপে করাইতে হয়, তাহা না করিলে গর্ভের ময়লা তাহার গাত্রে থাকিয়া যায় এবং তাহাতে নানাপ্রকার চর্মরোগ হয় । “মাসী পিসী” বলিয়া একপ্রকার শিশুরোগ আছে, তাহা এই কারণেই হইয়া থাকে । যদি এ বিষয়ে প্রাচীনাদের জিজ্ঞাসা করা যায়, তাহা হইলে তাঁহারা উত্তর দেন, “ওরকম সব ছেলেদেরই হয়ে থাকে, তাতে কি ক্ষতি হয় ?” কিন্তু কেন হয়, এবং কি করিতে না হয়, তাহা জানিবার আবশ্যক কেহই মনে করেন না ।

এইরূপে প্রত্যেক বিষয়ে যদি আমাদের দেশের শিক্ষিতা ভাবী মাতাগণ দৃষ্টি না রাখেন ও প্রাচীনাদের মতেই শিক্ষিত পাইতে থাকেন, শিশুমৃত্যুর সংখ্যা বাড়িবে বই কমিবে না ।

বালিকা-জননী সংখ্যাই বেশী, সেই বালিকা-

দিগকে প্রতিদিনের, সপ্তাহের ও মাসিকের স্বাস্থ্য পত্রিকাগুলি পাঠ করিতে দেওয়া উচিত। কিন্তু সেইগুলি কয়জন রমণী পাঠ করেন?—দেখিতে পাই যত নভেল ও গল্পের পুস্তক, তাহাদের বিছানার পাশে বা টেবিলে প্রায়ই থাকে, যাহা পড়িলে মানসিক কোন উন্নতি হয় না, অবনতিই হইয়া থাকে।

মাতার দায়িত্ব কত অধিক—যাহারা মাতা হইয়াছেন তাঁহারা বলিতে পারেন। স্বাস্থ্য বিজ্ঞান বলেন এবং যাহারা শিশুচরিত্র অধ্যয়ন করেন তাঁহারাও বলেন যে, শিশু যখন গর্ভে থাকে, তখন মাতা যে ভাবাপন্ন থাকেন শিশুর মন ঠিক সেইভাবেই গঠিত হইয়া যায়। মাতা যদি সেই সময় দেবদ্বিজ্ঞে ভক্তিভাবাপন্ন হন অর্থাৎ পূজাঅর্চনাদি বেশী করিয়া করেন, নিত্যপূজা সন্ধ্যা বন্দনাদি নিয়মিতরূপে করিতে থাকেন—প্রায়ই দেখা যায় ভবিষ্যতে ঐ ছেলেটি সেই ভাব কিছু কিছু লাভ করে। যাহার মাতা বেশী সাংসারিক ভাবাপন্ন, ও উগ্রস্বভাব বা ক্রোধযুক্ত হন সেই শিশু ভবিষ্যতে প্রায় সেই স্বভাব প্রাপ্ত হয়—বদরাগী হয়। সেই জন্ত প্রায়ই দেখা যায়—৮।১০টি

সন্তানের মধ্যে একটি মাত্র সাধু হইয়াছে, মাতার সাধু-প্রকৃতি লাভ করিয়াছে। যেমন কখন মাতার কখন সন্তান জন্মে—তেমনি শাস্ত দীর স্বভাবযুক্ত মাতার সন্তানও সেইরূপ হয়।

মনকে সাধুভাবাপন্ন রাখিয়া, স্বাস্থ্যের দিকে দৃষ্টি রাখিয়া যাহারা দাম্পত্যধর্ম পালন করেন—সেই গৃহেই একটি একটি সাধু বীর সন্তান জন্মলাভ করিয়া বুলকে পবিত্র করে, দেশকে ধন্য করে।

এখানে বলা দরকার, শিক্ষিত বয়স্ক পিতা ও শিক্ষিতা বয়স্ক মাতা না হইলে এই সকল বিষয়ে যে দৃষ্টি রাখিতে হয়, তাহা জানিবেন না ও করিতে পারিবেন না। গর্ভস্থ সন্তানের কিসে হিত হইবে, এবং জন্মিলে পরে তাহাকে কিরূপ শিক্ষা দ্বারা সুস্থ সবল করিতে হইবে, এ সকল বিষয় পিতা ও মাতা পরস্পর মিলিত হইয়া পরামর্শ করিয়া সম্পন্ন করিতে হইবে। ডাক্তারদের পরামর্শ-মত চলাও ভাল। এইরূপ করিলে শিশুগণের অকাল মৃত্যু নিবারণ হইবে বলিয়া মনে হয়।

শিশুমৃত্যু-সংখ্যার আধিক্য দেখিয়া এখনও কি বঙ্গসমাজ এদিকে দৃষ্টি দিবেন না? যদি না দেন, বঙ্গীয় সমাজের শোচনীয় পরিণাম অবশ্যস্তাবী।

## মাতৃ-মন্দিরে

শ্রীমতী বেলা গুহ ।

মন্দিরে আজ গভীর ছন্দে  
বোধন-শব্দ বাজে,  
কি নব চেতনা-স্বপ্ন-তরঙ্গ  
বহিছে বিশ্ব-মাকে ।

চির শোভাময় এ শুভ লগন  
মুখরিত আজ প্রভাত গগন  
কুসুম-গন্ধে ভুবন মগন—


ধরণী শোভন সাজে ।

লক্ষ ধারায় বিশ্ব-মাঝারে  
ঝরিছে শান্তি-ধারা,  
আয় তোরা আয় বেদনা-ব্যথিত  
পিয়ে নে' আশ্রু-হারা ।

মান-অভিমান আজি ধাও তুলি,  
পতিতেরে বৃকে লহ স্নেহে তুলি;  
গোপন)মরম দাও আজি খুলি'

ধেকনা অন্ধ লাজে ।

মাতৃ-মন্দির —



উমার তপস্যা

শ্রীযুক্ত নন্দলাল বসু অঙ্কিত চিত্র হস্তে







২য় বর্ষ

ফাল্গুন—১৩৩১

১১শ সংখ্যা

## নারী

শ্রীসরোজকুমার সেন ।

আমি নারী—

মরমের ব্যথা কহিতে আজিকে চক্ষে ঝরিছে বারি ।  
 পুরুষের দ্বারে নহি' তো ভিখারী নহি' শুধু সেবা-দাসী,  
 লালসার লেহা যে জন করিছে তারে নাহি ভালবাসি ;  
 কামের সুরায় ফেণায়িত সদা মদির-বাসনা যেথা—  
 প্রেম-দেউলের রুদ্ধ ছয়ার খুলিবেনা কভু সেথা ।

• আমি নারী—

মমতায় মোর প্রাণ গুলে যায়,—অশ্রু রুধিতে নারি ।  
 বিশ্ব দেবের অতুলন রূপে বিভূষিতা নারী আমি,  
 গগনের খালে আমারি আরতি হের গো দিবস-যামী ;  
 সৃষ্টিরে আমি প্রাণ দিয়া রাখি—সৃষ্টি আমারি হেতু—  
 নিখিল জগতে দিকে দিকে উড়ে আমারি বিজয়-কেতু ।  
 অলকা-বিলাস কুঞ্জবিতানে জাগিছে আমারি ছবি—  
 মানসী-প্রিয়ার অর্ঘ্য রচিয়া আমারে পূজিছে কবি ।

আমি নারী—

বক্ষে আমার স্নেহ-শুধা ঢালা, কক্ষে প্রেমের ঝারি ।

# বাঁকুড়া জেলা সম্মিলনী সভানেত্রীর অভিভাষণ

শ্রীমতী হেমপ্রভা মজুমদার ।

( ১৯২৪ )

[ পূর্ব প্রকাশিতের পর ]

দিল্লীতে কংগ্রেসের বিশেষ অধিবেশনে দেশবাসী প্রস্তাব পাশ করিয়া দেশবন্ধুর কর্মের পথের বাধা উঠাইয়া দিল। কর্মবীর দেশবন্ধু তাঁহার ধৃতিবলে স্বর্ঘ্যোদয়ে, কুয়াশার ঞ্চায় ভিতরের ও বাহিরের সমস্ত বাধা বিধ্বস্ত করিয়া কর্ম-পথে অগ্রসর হইলেন। দেশে পুনরায় কর্মশ্রোত বহিল। দেশবন্ধু ভবিষ্যৎ দৃষ্টিতে যে দৃশ্য দেখিয়াছিলেন আজ তাহা বর্ণে বর্ণে ফলাইয়া ইংরেজের শাসনযন্ত্র অচল করিয়াছেন। কলিকাতার কর্পোরেশন দখল করিয়া রাজা, প্রজা, ধনী, দরিদ্র সবাইকে এক পতাকামূলে সমন্বিত করিয়াছেন, ভারতকে সমস্ত পৃথিবীর লক্ষ্যস্থল করিতে সমর্থ হইয়াছেন। আজ ইংরেজের দেশেরও স্বাধীনতাবাদী দলের (কমিউনিষ্ট) পক্ষ হইতে ঐ দলের সম্পাদক মিঃ ইক্সপিন্ সাহেব মহোদয় দেশবন্ধুকে অভিনন্দন করিতে যাইয়া স্পষ্ট বলিয়াছেন "গ্রেট ব্রিটেনের কমিউনিষ্ট দল ইংরেজ সাম্রাজ্যবাদীদের সহিত ভারতবাসীর তুমুল সংগ্রাম সহায়ত্ব সহকারে লক্ষ্য করিয়া আসিতেছে। ইহারা স্বরাজ্যদল কর্তৃক মঞ্জীদের বেতন অর্থাৎ কর্মের কার্যে বিশেষ ফল উপলব্ধি করিতেছে। এই দল অহরোধ করিতেছে যে সংগঠন কার্য দ্বারা কর্মী ও প্রজাগাধারণকে সজ্জবদ্ধ করার উপর আপনাদের কৃতকার্যতা সম্পূর্ণ নির্ভর করে। এই কার্যে কমিউনিষ্ট দল আপনাদের যথেষ্ট সাহায্য করিবে।"

দেশবন্ধু কর্তৃক পরিচালিত স্বরাজ্যদল তাঁহাদের

ঘোষণার প্রথম অধ্যায়কে সম্পূর্ণ সফল করিয়া দ্বিতীয় অধ্যায়ে পদার্পণ করিতেছেন। তাঁহারা আজ সংগঠন কার্য দ্বারা দেশকে সম্পূর্ণরূপে কর্মে নিয়োগ করিতে প্রস্তুত। বিলাতী বস্ত্র বর্জন প্রভৃতি কার্য দ্বারা দেশকে প্রস্তুত করিয়া সংগঠন কার্য আরম্ভ করিবেন বলিয়া ঘোষণা করিয়াছেন। অপর দিকে অসুস্থ অবস্থা লইয়া ও জীবনকে বিপন্ন করিয়া মহাত্মা গান্ধী অপরিবর্তনপন্থীদলকে বিশেষ ভাবে কার্যে নিযুক্ত করিতে প্রাণপণ চেষ্টা করিতেছেন। বাংলায়ও অপরিবর্তনপন্থী ভ্রাতারা চরকা-প্রদর্শনী ইত্যাদি কার্য দ্বারা দেশকে প্রস্তুত করিতে ব্রতী হইয়াছেন।

মহাত্মা গান্ধী পরিচালিত অপরিবর্তনপন্থী দলের প্রোগ্রাম :—

- (১) হিন্দু মুসলমানের মধ্যে একতা স্থাপন।
- (২) অস্পৃশ্যতা নিবারণ।
- (৩) চরকা ও খদর।

স্বরাজ্যদল ইহার বাহিরে আরও কিছু করিতে চান। তাঁহারা একদিকে প্রতিপক্ষের সঙ্গে সংঘর্ষ উপস্থিত করিয়া তাহাদের অধিকৃত প্রতিষ্ঠানগুলি দখলপূর্বক তাহাদিগকে বিব্রত রাখিয়া নির্কিয়ে মহাত্মা-নির্দিষ্ট কার্যগুলি করিতে চান এবং বিলাতী বর্জন প্রভৃতি কার্য দ্বারা দেশে উচ্চম ও উৎসাহ আনয়নপূর্বক দেশকে প্রস্তুত করিয়া সংগঠন কার্যে ব্রতী হইতে চান। বর্তমানে এই দুই দলে বিরোধ দেখা যায়। অপরিবর্তনপন্থীদের বিশেষ আপত্তি

ছিল কাউন্সিল গমনে, স্বরাজ্যদল তাহা ধ্বংস করিয়া দিয়াছেন। বাকী বিষয়ে উভয় দলের একই মত। কাজেই এই উভয় দলের এখন একত্র হইয়া কার্য করিতে দৃষ্টতঃ কোন বাধা দেখা যায় না। কিন্তু ইতিমধ্যে বিরোধপন্থী বিপ্লববাদী দলের একটু তৎপরতা দেখা যাইতেছে। তাহাতে মহাত্মা পর্যন্ত একটু বিচলিত হইয়াছেন। আজ এই বিষয়টার একটু বিশেষ পরিষ্কাররূপে আলোচনা করা প্রয়োজন মনে করি। ইংলিশমান প্রভৃতি প্রতিপক্ষের মুখপত্রগুলি বিপ্লবপন্থীদের এই কার্যতৎপরতার জন্ত স্বরাজ্যদলকে, বিশেষতঃ দেশবন্ধুকে দায়ী করিতে চান। দেশবন্ধুর অপরাধ তিনি যাহা বুঝিয়াছেন, তাহা সত্যের খাতিরে স্পষ্ট করিয়া বলিয়াছেন যে, যদি স্বরাজ্যদলের প্রোগ্রাম ফেল হয় তবে দেশে ভীষণ অরাজকতার সৃষ্টি হইবে।

ইহা সত্য যে বিপ্লববাদীদল যখন একবার সৃষ্টি হইয়াছে তখন তাহারা থাকিবেই। যে পন্থায় ক্রম-দেশে সমতা আসিয়াছে, যে সাধনায় ওয়াশিংটন পরাধীন আমেরিকাকে স্বক্ৰরাজ্যে পরিণত করিয়াছেন, যে পথে ম্যাটসিনি, গেরিবল্ভি ইটালিদেখে স্বাধীনতা আনয়ন করিয়াছেন, সে পন্থা থাকিবেই। তবে এই দল সৃষ্টির জন্ত দায়ী কে? ভারতবর্ষের ধর্ম কর্ম সাধনায় এই গুপ্ত পন্থার কোন স্থান ছিল না। ইংরেজ, তোমরাই ভারতবাসীর স্বাধীনতার অদম্য আকাজক্ষাকে বাধা দিতে যাইয়া বিরোধের সৃষ্টি করিয়াছ। তোমরা বরিশালে লাঠির সাহায্যে যজ্ঞ ভঙ্গ করিয়াছ, ত্রিপুরা মৈমনসিংহের হিন্দু-মুসলমানের মধ্যে ভেদনীতির পরিচালনা করিয়াছ। বিজলি, লায়ন সারকুলার প্রচার করিয়া তোমরা মুক্ত সাধনার পথে বিঘ্ন ঘটাইয়াছিলে, প্রকাশ্য রাজপথে বেত্রাঘাত করিয়া স্বরাজ্যপন্থীদের মনে প্রতিশোধ ও প্রতিহিংসানল জ্বলাইয়াছিলে, ১৯০৮ সালে কোজমারী আইন সংশোধন করিয়া ১৭ক। প্রভৃতি পারসর সাহায্যে মাতৃসেবায় প্রকাশ্য পবিত্র পথগুলি বন্ধ করিয়া দিয়াছিলে। বোধ হয় মনে আছে এই

আইনের পাণ্ডুলিপি যখন জাতীয় ব্যবস্থাপক সভায় উপস্থিত হয় তখন প্রাতঃস্মরণীয় রাসবিহারী ঘোষ মহাশয় পরিষ্কার ভাষায় ভবিষ্যৎবাণী করিয়াছিলেন যে, উন্মুক্ত পথ বন্ধ হইলেই কর্ম্মীরা গুপ্ত পন্থা অনুসরণ করিবে। তখন তোমরা তাহা শুন নাই। এই প্রকারে যখন হীনবল করিয়া দিলে তখন কর্ম্মীদের ঐ গুপ্ত পন্থার আশ্রয় লওয়া ব্যতীত আর কি উপায় ছিল? তোমাদের কার্যের দ্বারাই এই গুপ্তপন্থীদের সৃষ্টি হইয়াছে। তোমরা গোয়েন্দা লাগাইয়া মিথ্যা মোকদ্দমার সৃষ্টি করিয়া কর্ম্মীদের ছেলে দিয়াছ, নানাভাবে নানা প্রকার কর্ম্ম দ্বারা কর্ম্মীদের হৃদয়ে প্রতিহিংসানল জ্বলাইয়া দিয়াছ, তোমরাই আবার ভারতরক্ষা আইনের সৃষ্টি করিয়া ও ১৮১৮ ইংরাজির ৩ আইন ব্যবহার করিয়া কর্ম্মীদের বিনা বিচারে দ্বীপান্তর, দেশান্তর ও জেলে আবদ্ধ করিয়াছ। তোমরাই তাদের গ্রেপ্তার করিয়া মারপিট করিয়াছ, সবুটে বুকের উপর লাথি মারিয়াছ, হাত বাধিয়া লটকাইয়া রাখিয়া ২৩ দিন যাবত বেত্রাঘাত ও বেটনাঘাত করিয়াছ, ২ হাত পেছনে বাধিয়া বালতিপূর্ণ বিষ্ঠা মাথায় ঢালিয়া দিয়াছ, পবিত্র অস্ত্রপুণ্ড্রে প্রবেশ করিয়া স্ত্রীলোকদের অঙ্গে পর্যন্ত হস্তক্ষেপ করিয়াছ। তোমরাই পর্দানশীন গর্ভবতী মহিলা সিন্ধুবালাকে বহু মাইল হাঁটাইয়া লইয়া গিয়াছ, একবার দুইবার করিয়া ৭ বার আমার অস্ত্রপুণ্ড্রে প্রবেশ করিয়া খানাতালাস করিয়াছ, বেতলা দ্বারা সমস্ত শরীর তালাস করিয়াছ। এইরূপে বহুবর্ষব্যাপী অত্যাচার ও উৎপীড়ন চালাইয়াছ,— এখন বল দেখি এই বিপ্লবপন্থীদের সৃষ্টির জন্ত তোমরা দায়ী কিনা? এই ত গেল গত যুগের কথা। এবার যখন নবযুগের ঋষি মহাত্মা গান্ধী সকলকে একত্রিত করিয়া তুমুল আন্দোলন আরম্ভ করিয়াছিলেন তখন তোমরা সেই যজ্ঞভঙ্গকল্পে শ্রীযুক্ত সত্যীশরঞ্জন দাশ মহাশয়ের যোগে পুরাতন কর্ম্মীদের একদল হস্তগত করিয়া গুপ্ত পন্থার অনুসরণ করিয়া-

ছিলে। আমি নিজে তাহা জানিতে পারিয়া চট্টগ্রাম প্রাদেশিক কনফারেন্সে পরিষ্কার রূপে দেশবাসীর গোচর করিয়াছিলাম। বল দেখি ইহাদিগকে তোমরাই আগাইয়া রাখিয়াছিলে কিনা? তাহা পুরাতন বিপ্লবপন্থীদের অগ্রগামী যাহারা প্রতিজ্ঞাবদ্ধ হইয়া মহাত্মার শাস্তিপতাকা নিয়ে একত্রিত হইয়া দেশবন্ধুর নেতৃত্বে কার্য করিয়া আসিতেছিল, একমাত্র তাহারা এই দলকে বুঝাইয়া সংঘত রাখিতে সক্ষম ছিল, তোমরা স্বরাজ্যদলকে হীনবল করিতে যাইয়া তাহাদের ১৮১৮ সালের তিন আইন মতে গ্রেপ্তার করিয়া আটক রাখিয়াছ। বুকে হাত দিয়া বল দেখি বিপ্লবপন্থীদের এই কর্মতৎপরতার জন্য দায়ী দেশবন্ধু দাশ, না তোমরা?

মহাত্মা বিপ্লবপন্থীদের বুঝাইয়াছিলেন শাস্তিময় অসহযোগের পথে শীঘ্র স্বরাজ হইবে। তাহা তাহারা কতক বিশ্বাস করিয়াছিল, এবং ১৯২১ সালে যখন দেখিতে পাইয়াছিল যে দলে দলে লোক ইংরেজের সহযোগ পরিত্যাগ করিয়া মহাত্মার দলে যোগদান করিতেছে তখন তাহাদের মনের বিশ্বাস আরও দৃঢ় হইয়াছিল। তখন তাহারা প্রাণ মন ঢালিয়া দিয়া শাস্তির পথে অগ্রসর হইয়াছিল।

১৯২২ সালে প্রায় সকলেই সেই পথ হইতে ফিরিতে আরম্ভ করিয়াছিল। স্বয়ং মহাত্মা এখন যে প্রোগ্রাম লইয়াছেন, তাহাতে স্বরাজ নিকটে হইরে বলিয়া বিপ্লববাদীদের অনেকের মনে বিশ্বাস হইতেছে না, তাহার কারণ নিম্নে দেওয়া গেল।

১। হিন্দু মুসলমানের একতা—

‘হিন্দু মুসলমানের ধর্মের মূলে অর্থাৎ গীতা, চণ্ডী ও বেদের সহিত কোরাণের কোন বিবাদ নাই। রাজনৈতিক চালাই বহুদিন হইতে এই উভয়দলকে বিরোধের পথে চালাইয়া আসিয়াছে। ত্রিপুরার দক্ষিণাংশে আমার বাস। সেখানকার অধিবাসীদের মধ্যে শতকরা ২৫ জনের বেশী মুসলমান। মুসলমান জমিদারের অধীন হিন্দু প্রজা ও হিন্দু জমিদারের অধীন মুসলমান প্রজা বহুদিন যাবত নির্বিবাদে

বসবাস করিয়া আসিয়াছে। হিন্দু জমিদার পীরোত্তরাদি দিয়া মসজিদ, মাদ্রাসা ও মোক্তাবাদি নির্মাণ করিয়াছে। মুসলমান জমিদার দেবালয় স্থাপন করিয়া দেবোত্তর ব্রহ্মোত্তরাদি দিয়াছে। আখার শ্বশুরের প্রায় সমস্ত প্রজা মুসলমান। আমাদের সঙ্গে চাচা চাচী, মাসা মামী প্রভৃতি ডাক সম্বন্ধ মুসলমান প্রজার সঙ্গে চলিয়াছে ও চলিতেছে। এখন পর্যন্ত সেখানে হিন্দু মুসলমানে কোন বিবাদ নাই। কিন্তু ত্রিপুরার উত্তরাংশে স্বদেশীয়গণে আমলাতন্ত্রের চালে পড়িয়া ঢাকার নবাব ‘লাল ইস্তাহার’ জারি করিয়াছিলেন। সেখানে ১৯১৮ সালে মারামারি ও খুন পর্যন্ত হইয়াছে। এ সকল বিপদ পরাধীনতার ফল। শ্রদ্ধাম্পদ ভ্রাতা মোলানা আক্রাম খাঁ সাহেব সিরাজগঞ্জে প্রাদেশিক কনফারেন্সের অধিবেশনে তাহার সভাপতির অভিভাষণে এই মতেই সমর্থন করিয়া লিখিয়াছিলেন—“বলা বাহুল্য যে এখন আমাদের সাধনার সূত্রপাত হইয়াছে মাত্র। যখন এই সাধনা সম্পূর্ণরূপে সিদ্ধিলাভ করিবে—ত্রিশকোটি ভারতসন্তান যখন স্বরাজের নির্মল গগনতলে মুক্ত বাতাসে মাথা তুলিয়া বুক ফুলাইয়া দাঁড়াইতে পারিবে—দাসত্বের কলুষগুলি তখন আর আমাদের সেই উন্নত মস্তককে, সেই স্ফীত বক্ষকে স্পর্শ করিতে পারিবে না। তাই বলিতেছি—দৌহাই তোমাদের স্বরাজ হইতে দাও। স্বরাজই স্বরাজের সমস্ত উপকরণ সঙ্গে করিয়া আনিবে। স্বরাজই জাতীয়জীবনের পরতে পরতে মহত্বের ও মহানুভবতার সৃষ্টি করিবে। স্বরাজই তাহার সমস্ত পাপতাপকে দূর করিয়া দিবে। স্বরাজই প্রতিপন্ন করিবে যে, আমাদের সমস্ত দ্বিধা অমূলক, সমস্ত আশঙ্কা ভিত্তিহীন। অন্ধকারের জীব আমরা, সেই আলোকরাজ্যের মহিমা এখন অনুভব করিতে পারিবে না। গোলামীর গরল কুণ্ডে নিমজ্জিত আমরা, সেই পুণ্যরাজ্যের জীবনধারার—অমৃতধারার কলনাও এখন সম্যকরূপে করিতে পারি না।”



অতএব প্রাণপণে একতাসাধনের পথে অগ্রসর হইতে হইবে সত্য; কিন্তু পরাধীনতা শেষ হওয়ার পূর্বে এবং স্বাধীনতার সাহায্য ব্যতীত এই বিবাদের শেষ হইবে কিনা সন্দেহ ।

## ২। অস্পৃশ্যতা নিবারণ—

গুণ কৰ্ম বিভাগে চতুর্কণের সৃষ্টি ইহা গীতার কথা । কিন্তু আজ সেই কৰ্মভেদ জাতিভেদে পরিণত হইয়াছে । এই জাতিভেদের মূলে যাহাই থাকুক না কেন বর্তমানে ইহা বিশেষ জটিল হইয়া উঠিয়াছে । বাংলাদেশে কিছুদিন পূর্বেও এই জাতিভেদ বিষয়টা অশ্রদ্ধা বা ঘৃণাপ্রসূত বলিয়া অপর জাতিদিগের মধ্যে ধারণা ছিলনা । বড় ছোট বা হীনভাব এই জাতিভেদের সম্পর্কে কাহারও মনে আসিত না । সকল জাতিই মনে করিত ইহা সৎ রজ ও স্তমগুণের বিভিন্নতা হেতু প্রবৃত্তি ও প্রকৃতিমূলক কৰ্মভেদে সাধনপথের নির্দেশ স্বল্প ও কৰ্ম পথে নির্কিঙ্কে অগ্রসর হওয়ার উদ্দেশ্যে নির্দিষ্ট হইয়াছে । ব্রাহ্মণ প্রভৃতি জাতির যেমন অল্প জাতির অনস্পর্শে জাতি নষ্ট হয় বলিয়া মনে করিতেন তেমনই অপর জাতিরও ব্রাহ্মণাদি জাতিকে আহাৰ্য্য দেওয়া বা আহাৰকালে স্পর্শ ইত্যাদি করা নিজেদের ধর্মবিরুদ্ধ বলিয়া মনে করিতেন । নিজেদের মনে এই কারণে কোন কষ্ট অনুভব করিতেন না । বেশীদিনের কথা নয়, লোক রাজনীতিসূত্রে ব্যবহার করিতে হইয়া ভেদনীতির অশুশীলনুকুলে নিখ্যাতিত, উপেক্ষিত প্রভৃতি শব্দগুলি আবিষ্কার করিয়া এই জাতিভেদকে মর্মান্তিক বিরোধে পরিণত করিতে সমর্থ হইয়াছে । দেশবাসীর সর্ববিষয়ে অজ্ঞতাই এই ভেদনীতি পরিচালনে প্রতিপক্ষকে সুযোগ দিয়াছে । একটু অনুধাবনা করিলেই দেখা যায় একই মায়ের গর্ভ-সম্মত ভ্রাতারা আশৈশব এক খালে অন্নগ্রহণ করিয়াও ক্ষুদ্র স্বার্থ লইয়া মারামারি কাটাকাটি করিতেছে । অপর দিকে বিভিন্ন জাতিসম্মত হইয়া রম্পর্ক স্পর্শ-সংশ্রব না থাকিলেও সমস্বার্থে

অনুপ্রাণিত হইয়া একে অন্নের জন্ত জীবন দান করিয়াছে । এ প্রকারের উদাহরণ অল্প নহে । অতএব এই অস্পৃশ্যতার বিষয় বিশেষ গবেষণার সহিত চিন্তা করা প্রয়োজন । কোন কোন স্থানে এই অস্পৃশ্যতা নিবারণকল্পে খাওয়া দাওয়া সব প্রবর্তন করিতে যাইয়া ভীষণ দলাদলি, আত্মকলহ ও গৃহবিচ্ছেদের সৃষ্টি হইয়া সমাজে ভীষণ দাবাগ্নি প্রজ্বলিত হইতেছে । এই প্রকারের আন্দোলন চলিতে থাকিলে সমাজে যে বিশৃঙ্খলতার সৃষ্টি হইবে, তাহাতে এক ভেদ নিবারণ কল্পে সহস্র ভেদ সৃষ্টি করিয়া স্বরাজকে অতল জলে ডুবাইয়া দিবে বলিয়া মনে হয় । প্রাণহীন শরীরে যেমন ঔষধ ক্রিয়া করে না, তেমন প্রাণহীন সমাজে এ সকল চেষ্টা কার্যকরী হইবে কি না বিবেচনার বিষয় । রাজশক্তি সমাজের প্রাণ, রাজশক্তির সাহায্য ব্যতীত সমাজে ভাঙ্গাগড়ার চেষ্টা নিরাপদ হইবে বলিয়া মনে হয় না । অতএব এপথেও সর্বদাই চলিতে হইবে বটে কিন্তু স্বাধীনতা ব্যতীত এই সমস্যা পূর্ণ হইবে বলিয়া মনে হয় না ।

## ৩। চরকা ও খন্দয়—

জীবন ধারণ করিতে হইলে খাওয়া পড়া দুই সম্যক প্রয়োজনীয় । বিদেশী রাজশক্তির সাহায্যে বস্ত্র হরণ করিয়া জাতিকে দুর্বল করিয়াছে । সেই দুর্বলতার সুযোগে আজ তাহারা অন্ন-হরণে প্রস্তুত । রাজশক্তি ভারতে অন্ন ও বস্ত্র উভয় সমস্যারই প্রতিকূল । সন্দেহ সন্দেহ দেশীয় কলকারখানাগুলিও চরকার ভীষণ শত্রু । রাজশক্তির উদ্ধার ব্যতীত একাধ্ব্য সম্পূর্ণ ফল পাওয়ার আশা করা যায় না ।

অতএব কেবল এই ত্রিবিধ পন্থার অগ্রসরণ করিয়া কিরূপে শীঘ্র স্বরাজ হইবে তাহা বিদ্রোহীদের বুঝিয়া উঠিয়া পারিতেছেন না । তবে ইহা ঠিক স্বরাজসাধনায় সর্বকর্মের সন্দেহ সন্দেহ ইহাকেও চালাইতে হইবে; এবং ইহার সাধনায় স্বরাজ সাধনার পথে অনেক অগ্রসর হইয়া যাইবে ।



### স্বরাজ্যদল ও বিপ্লবপন্থী

স্বরাজ্যদলের প্রোগ্রাম শাস্তির পথে, সংগঠন ও সংঘর্ষ। শাস্তির পথে বলিয়াই সংগঠনের পূর্বেই সংঘর্ষ বা উভয়টিকে একই সঙ্গে চালান যায়। বিপ্লবপন্থীদেরও সংগঠন ও সংঘর্ষই প্রোগ্রাম। কিন্তু পন্থা বিভিন্ন। সংগঠন তাহাদের নিত্য প্রয়োজনীয়। এবিষয়ে পন্থা সম্বন্ধেও বিরোধ নাই। কিন্তু সংঘর্ষের পথ অন্য প্রকার। বিপ্লবের দুইটি পথ, একটি গুপ্ত ও অপরটি প্রকাশ্য। গুপ্ত সম্বন্ধে কতকগুলি বিষয় গত কালের অভিজ্ঞতা সহকারে চিন্তা করিতে হইবে।

১। গুপ্ত পথের সহকর্মীদের প্রত্যেককেই প্রত্যেককে অবিশ্বাস করিতে হয়। প্রত্যেকের মনোভাব ও কার্যপদ্ধতি প্রত্যেক সহকর্মী হইতে গোপন রাখিতে হয়। এক সঙ্গে মরিতে হইবে কিন্তু পরস্পরকে বিশ্বাস করিবে না, ইহা কর্মের পরিপন্থী।

২। গুপ্ত কার্য পরিচালনে প্রতিপক্ষ গোয়েন্দার দ্বারা বিঘ্ন ঘটাইবার সুযোগ পায়, গোয়েন্দারা নানা উপায় এবং প্রয়োজন হইলে পুলিশের সাহায্যে মিথ্যা মোকদ্দমার সৃষ্টি করে। তখন কর্মীরাও আত্মরক্ষার্থে পুলিশ ও গোয়েন্দা ধ্বংসে ব্যাপৃত থাকিয়া মূল লক্ষ্য হইতে সড়িয়া পড়ে।

৩। গুপ্ত পথে নিজের প্রাণ বাঁচাইয়া কর্ম করার পন্থা জন্মায়। কাজেই এই পন্থা কর্মীকে ত্যাগের শীর্ষস্থানে লইয়া যাওয়ার বিরোধী। কর্মী পূর্ণ ত্যাগী না হইলে তাহার কর্মে পূর্ণফল প্রদান করিবে না।

৪। গুপ্ত পন্থায় দেশবাসী পূর্ণভাবে সহায়তা করিতে পারে না। কারণ কে গোয়েন্দা কে কর্মী সাধারণের বুঝা কষ্টকর হইয়া উঠে। 'অতএব তাহারা চকিত ও ভীত থাকে।

৫। দেশবাসীর পূর্ণ সাহায্য যখন পাওয়া যায় নাই, তাহাদের ভিতরে ভয় যখন পূর্ণমাত্রায় বিদ্যমান ছিল, কর্মীরাও যখন সংখ্যায় অল্প ছিল তখন এই

গুপ্ত পন্থার প্রয়োজন ছিল। কিন্তু এখন মহাআ-প্রবর্তিত এই নব আন্দোলনের ফলে দেশের ধনীদরিদ্র সকলেই প্রকাশ্যে কার্য করিতেছে। জনসাধারণের মন হইতে ভয় তিরোহিত হইয়াছে। এখন কোন প্রকার গুপ্ত পন্থা অবলম্বন করিলে ইষ্ট হইতে অনিষ্টই বেশী হইবে বলিয়া মনে হয়।

এখন বিবেচ্য প্রকাশ্য বিরোধের পথ অবলম্বন করা প্রয়োজন হইবে কি না?

এই কথার উত্তর এই যে, ইহা সম্পূর্ণরূপে প্রতিপক্ষের কার্য-পদ্ধতির উপর নির্ভর করে।

মহাআ গান্ধী, দেশবন্ধু দশ প্রভৃতি নেতারা মনে করেন ইংরেজের যোগে এদেশে স্বরাজ হইতে পারে। শাস্তির পথে 'যে স্বরাজ আসিবে, ইহাই প্রকৃত স্বরাজ। বিপ্লবের পথে যে স্বাধীনতা অর্জন হয় তাহা বুরজুসির পরিবর্তে বুরজুসি মাত্র। ইংরেজের সহযোগে স্বরাজ হইতে হইলে ইংরেজকেও অগ্রসর হওয়া দরকার। কিন্তু ইংরেজ আজ তাহার ভোগলালসার আশক্তি ভুলিয়া গিয়া আমাদের সঙ্গে মিশিতে পারিবে কিনা, ব্যাঘ্র মাংস ও রক্তের আশ্বাদ ভুলিয়া মানুষের গলা ধরিয়া স্বেচ্ছায় চলিবে কিনা, এই মীমাংসার উপর তাহা নির্ভর করে। কিন্তু তাহা সহসাই প্রকাশ পাইবে। দেশবন্ধু তাহাদের কোণঠাসা করিয়াছেন। এখন তাহাদের পক্ষে দুই পথ উন্মুক্ত। এক শাস্তির পথ, আর এক বিরোধের পথ। যদি ইংরেজ শাস্তির পথ গ্রহণ করে তবে আমাদের অন্য পথ লওয়ার কোন প্রয়োজন হইবে না। কিন্তু যদি ইংরেজ বিরোধের পথে চলে তবে দেশে অশান্তি উপদ্রব অনিবার্য, আর তাহার সম্পূর্ণ দায়িত্ব তাহাদের।

আমাদিগকে সকল বিষয়ের জন্য সর্বদা প্রস্তুত থাকিতে হইবে। তবে আমরা বিশ্বাস গুপ্ত পন্থার প্রয়োজন হইবে না। এখন দেশবাসী নরনারী প্রস্তুত, নেতার অভাব না হইলে কর্ম বন্ধ হইবে না। অতএব ইংরেজ যদি বিরোধের পথ বাছিয়া লয় তবে পূর্ণোদ্যমে আইনঅমান্য চালাইতে হইবে।

### ভগিনীদের নিকট নিবেদন

ভগিনীগণ, তোমরা প্রস্তুত হও । তোমরা জগৎ সৃষ্টির মূল । তোমরা মৃত, অসাড় ও নিদ্রিত থাকিলে সন্তান জাগিবে না । সন্তানের অলসতা ও ভীকতা দূর না করিলে, সন্তান মানুষ হইতে পারে না । তোমাদের সেবা বহুতীত মায়েদের পরাধীনতা দূর হইবে না । রমণীর দুই আদর্শ :—

শান্তিতে—লক্ষ্মী, সরস্বতী, অন্নপূর্ণা ।

বিরোধে—আগ্নিশক্তি, মহামায়া, চণ্ডী, কালী করালবদনী ভীমা ভৈরবী ।

শান্তিতে প্রয়োজন—সীতা, সাবিত্রী, দময়ন্তী, দ্রৌপদী ইত্যাদি ।

বিরোধে চাই—জনী, সুভদ্রা, প্রমীলা, লক্ষ্মীবাই, চাঁদবিবি, মহামায়া, দুর্গাবতী প্রভৃতি ।

শান্তিতে তোমরা গৃহলক্ষ্মী, সন্তান যখন গর্ভে আসিবে তখন সর্বদা দেশের কথা চিন্তা করিবে । তোমার চিন্তামুখ্য সন্তানের দেহ মন গঠিত হইবে । অভিমত যখন মাতৃগর্ভে ছিল, তখন অর্জুন সুভদ্রার নিকট চক্রবাহুভেদ ও নিষ্ক্রমণ বর্ণনা করিয়াছিলেন, তাই গর্ভে থাকিয়াই অভিমত চক্রবাহু ভেদ করা শিখিয়াছিল । নিষ্ক্রমণ বর্ণনাকালে সুভদ্রা ঘুমাইয়া পড়ায় নিষ্ক্রমণের পথ সম্বন্ধে অভিমত অজ্ঞ ছিল এবং তাহাই তাহার মৃত্যুর কারণ হইল । অতএব মায়েদের অসামঞ্জিক নিদ্রা পুত্রের মৃত্যুর কারণ । পুত্রকে সন্তান দেওয়ার সময় দেশের স্বাধীনতার কথা চিন্তা করিবে । সদাসর্বদা পুত্রের হৃদয়ে স্বাধীনতার বীজ বপন করিবে । যতদিন দেশ স্বাধীন না হয়, সর্বপ্রকার বিলাসিতা পরিত্যাগ করিয়া অল্পব্যয়ে সংসার চালাইতে অভ্যাস করিবে এবং ধরচের জগৎ যে পরিমাণ অর্থ দরকার তাহাই নিজের পরিশ্রম দ্বারা উপার্জন করিয়া সংসার ভার হইতে মুক্ত রাখিয়া স্বামী পুত্রকে সর্বদা স্বাধীনতার কার্যে ব্রতী হওয়ার জন্ত প্রস্তুত রাখিবে ।

আর যখন বিরোধ উপস্থিত হইবে—শক্তিরূপিণী

মায়েদের সাহায্যে স্বামী পুত্রের হৃদয়ে ও বাহ্যতে শক্তি সঞ্চার করিবে । স্বামীর অবর্তমানে তাহারই আরক কার্য স্বয়ং গ্রহণ করিয়া নারীর ব্রত পালন-পূর্বক রমণীর মর্যাদা রক্ষা করিবে ।

আজ যদি ইংরেজ বিরোধের পথ বাছিয়া লয়, তাহা হইলে তাহার প্রথম কার্য হইবে দেশের সমস্ত কর্মীদের স্বাধীনতা হরণ করা । প্রিয় ভগিনীগণ, তখন তোমাদেরই তাহাদের শূন্যস্থান পূর্ণ করিতে হইবে । ১৯২১ সালের সংঘর্ষে প্রমাণ পাওয়া গিয়াছে আখ্যায়িকার অসাধ্য কিছুই নাই । তোমরা হয়ত অনেকে মনে করিবে আমরা অশিক্ষিতা, আমাদের দ্বারা কোন কাজ হইবে না । বাস্তবিক যে শিক্ষার কথা ভাবিতেছ সে শিক্ষাই একমাত্র শিক্ষা নহে । তোমার পতিভক্তি, তোমার পুত্রস্নেহ, তোমার নারীত্ব, তোমার মাতৃত্ব এবং সেবার ভিতর দিয়া তোমাকে পলে পলে পতি, পুত্র ও আত্মীয়পরিজনের জন্ত যে ত্যাগ ও প্রাণপাত করিতে শিক্ষা করিতে হয়, সে শিক্ষাই তোমার যথেষ্ট শিক্ষা । ঐ শিক্ষা লইয়া কর্মক্ষেত্রে অবতীর্ণ হও, দেখিবে তোমার ভয়, সঙ্কোচ কোথায় চলিয়া যাইবে । যার শক্তিতে পশু গিরি লঙ্ঘন করে, অন্ধ নয়ন মেলিয়া চায়, বোবা কথা বলে, খোঁড়া নাচিয়া বেড়ায় সেই আগ্নিশক্তি মহামায়া তোমার শক্তি জোগাইবেন । একবার তুমি তোমার শক্তিতে বিশ্বাস করিয়া দাঁড়াও, যা আগ্নিশক্তি অসুরদলনী শক্তি লইয়া তোমাকে সর্বশক্তি দান করিবেন ।

তোমরা চরমনাইয়ের অত্যাচার-কাহিনী, তারকেশ্বরের জীবন্ত কলকালিমা, পরিশেষে লর্ড লিটনের ঢাকার বক্তৃতায় অঙ্কিত নারী-চরিত্র স্মরণ কর । অনেক সভাসমিতি লর্ড লিটনের উক্তির প্রতিবাদ করিয়াছে, কিন্তু আমাদের বিশ্বাস তাহার কোন প্রতিবাদ সভার বা কথায় হয় না । এই প্রতিবাদ কেবল তোমরাই করিতে সক্ষম এবং তাহা কার্য দ্বারা । লর্ড লিটন যখন গালি দিবে তখন উপেক্ষা করিবে, কারণ যে সেই আবহাওয়ায়

গঠিত সে অপরকেও সেই মাপকাঠিতে পরিমাপ করে। অতএব তাহার উক্তিকে উপেক্ষা করিয়া চলিও, কিন্তু যখন তাহারা সমগ্র সৈনিক লইয়া অত্যাচার করিতে অগ্রসর হইবে, তখন তোমরা সেই অত্যাচারের সম্মুখে বুক পাতিয়া দিয়া উত্তর দিবে—তোমরা আর্ধ্যরমণী। অত্যাচারী অত্যাচারের সমস্ত পদ্ধতি উন্মোচন করিয়া যখন তোমার স্বামী পুত্রের স্বাধীনতা হরণ করিবে, তখন তুমি নিজে স্বরাজস্বাধনায় জীবন উৎসর্গ করিয়া প্রমাণ করিবে তোমরা আত্মাশক্তি মহামায়াসম্পূতা নারী। ইহাই একমাত্র নিষ্ঠন-উক্তির প্রতিবাদ।

সদন্তগণ, আমি আপনাদের স্নেহ মমতার স্বেযোগ গ্রহণ করিয়া দীর্ঘকালব্যাপী বক্তৃতা দ্বারা আপনাদের বিরক্ত করিয়াছি। ইহা লাহিতার মনোবেদনা, বিকারগ্রস্ত রোগীর প্রলাপ। আমার মনের অবস্থা বুঝিয়া আমাকে ক্ষমা করিবেন। উপসংহারে আমার নিবেদন,—

হে বঙ্গবাসী ভ্রাতা ভগিনীগণ, তোমরা সকলে মিলিয়া পূর্ণাঙ্গমে কক্ষক্ষেত্রে অবতীর্ণ হও। কেবল শৃঙ্খলা ও সংগঠনে মনোনিবেশ কর, স্বরাজলক্ষ্মী অচিরেই তোমাদের অক্ষয়িনী হইবেন।

বন্দে মাতরম :

## ভিক্ষা

### শ্রীমতী চারুলতা দেবী ।

চিন্তার আঘাতে চূর্ণ স্কোমল সূচাক্ষুণ্ড অস্তর,  
তবু মুখে হাসি আছে, কণ্ঠে আছে স্নেহমাধা স্বর।  
নিমেষ-নিহত আঁধি  
পতি-মুখ পানে রাখি  
সাবিত্রী ফিরাল' যমে প্রকাশিয়া যে শক্তি তাহার,  
জগদীশ, সেই শক্তি দাও আজি হৃদয়ে আমার।

যে শক্তি ধরিয়া বন্ধে বিখলক্ষ্মী জনক-দুহিতা  
জগতে অপরাজিতা, মানবের সমাজে পূজিতা।  
নতশিরে যুক্ত করে  
পতির আদেশ ধরে,  
অপবাদে অগ্নি-ভয়ে নির্কাসনে নহে বিচলিত,  
এ দুর্বল বন্ধে দেব, সেই শক্তি কর সঞ্চারিত।

বিস্মিত পাঠান-রাজ, মেবারের রাজ-অবরোধে  
অনল উঠিল জ্বলি উপেক্ষিয়া সত্রাটের ক্রোধে।  
কোটি রাজপুত নারী  
যে শক্তি হৃদয়ে ধরি  
আদরে জ্বর-ব্রত উদ্‌ঘাপিল অনলে পশিয়া,  
জগদীশ, সেই শক্তি এ হৃদয়ে দেহ সঞ্চারিয়া।

যে শক্তি থাকিলে বৃকে সগৌরবে আনন্দিত করে  
দিতে পারি পরিচয় বঙ্গনারী বলি আপনারে।  
নারীর উচিত কাজ  
সাধিতে পারিব আজ  
যে শক্তি দৃঢ়বলে—উপেক্ষিয়া ধরার আঘাত,  
সে শক্তি তোমার কাছে ঘাচি আজি জগতের নাথ

# অপরাধিনী

( গল্প )

শ্রীস্বধীন্দ্রকুমার দেব বি-এ।

সেদিন সকালে খবরের কাগজে বড় বড় অক্ষরে একটা খবর বেরুলো যাতে সহরে বেশ একটু চাঞ্চল্য সৃষ্টি হ'ল। কিন্তু ব্যাপারটা আর কিছুই নয়, সহরের শত শত অপরাধে অপরাধীর সংখ্যা আর একজন এসে বাড়ালো। একজন বাঙালী নাস একজন রোগীর চোখে কোনো এক অজ্ঞাত কারণে একখানি ছোরা আমূল বিধিয়ে দিয়েছিল; আর মস্তক ভেদ ক'রে ছোরাটি চলে যাওয়ায় রোগীর মৃত্যু হয়। একজন আর একজনকে হত্যা করলে কথাটা শুন্দেই গা শিউরে ওঠে, মনটা তিক্ততায় ভরে যায়। কিন্তু যখন কারণ জানা গেল সে সময়ে অনেকেই হত্যাকারিনীর প্রতি অশ্রুতঃ মনে মনেও সহানুভূতি না দেখিয়ে পারেনি।

কয়েকদিন পরে অপরাধিনীর বিচার হল, কিন্তু ইচ্ছা থাকলেও কেয়ালীগিরির ঠেলায় আদালতে গিয়ে উঠতে পারলুম না, খবরের কাগজে তার সম্বন্ধে যৎসামান্য বেরিয়েছিল তা থেকে উদ্ধৃত ক'রে দিলাম।

—“হত্যাকারিনী দেখতে চলনসৈন্দর চেয়ে ভালোই, পাতলা ছিপ্ছিপে গড়ন, সুন্দর মুখখানি চিন্তায় মলিন, চোখ দুটি টানা টানা কিন্তু দুর্ভাবনায় চোখের কোর্লে কালি পড়েছে। তার নাম হচ্ছে নলিনী, কলিকাতার... হাঁসপাতালে প্রায় ছয় মাস বেশ স্বখ্যাতির সঙ্গেই কাজ করেছে। কিন্তু হাঁসপাতালে কেউ একটি দিনের জন্তও তার মুখে হাসি দেখেনি।

“নলিনী বললে যে সে ব্রাহ্মণের মেয়ে, তার বুস কুড়ির বেশী হবে না। জয়নগরের কাছে কোনো এক গ্রামে তার পিত্রালয় ছিল, কিন্তু সে

পিতার নাম বলতে অনিচ্ছুক। তার বিয়ে হয়েছিল হাওড়া জেলার কোনো এক গ্রামে। তার স্বামী ছিলেন পূজারী ব্রাহ্মণ, পরের বাড়ী পূজা ক'রে আর জায়গা-জমী যেটুকু ছিল তাই নিয়ে তাদের স্বচ্ছলভাবে খুব না চলেও মনের সুখেই দিন কাটতো। তার একটি ছেলেও হয়েছিল, বেশ সুন্দর ফুটফুটে ছেলে—সে হয়তো বেঁচেও আছে; কিন্তু সে সব ছবি হচ্ছে এখন স্বপ্নরাজ্যের।

“একদিন সন্ধ্যাবেলায় গিয়েছিলো বাগানের পুকুরে কাপড় কাচতে, তার সঙ্গে আর কেউ ছিল না। কোথা থেকে গ্রামের অছিমুদ্দিন এসে তার মুখে কাপড় বেঁধে দিয়ে ছোরা মারবার ভয় দেখিয়ে তার সতীত্বনাশ করলে। তারপরে সে যখন চোখের জলে ভাসতে ভাসতে স্বামীর পায়ে নিজের কলঙ্কের কথা নিবেদন করলে, তিনি তাকে আর ঘরে নিলেন না। পরদিন গ্রামে প্রচার হ'য়ে গেল এই একটি অসহায় মেয়ের উপর অত্যাচারের কাহিনী! কিন্তু কেউ অপরাধীকে শাস্তি দেবার চেষ্টা করলে না, বা সাহস করলে না; শুধু শাস্তির নামে চিরন্তন সংসার অস্থায়ী চাপিয়ে দিলে। অত্যাচারের ভার এই একটি অসহায়া নারীর মাথায়, অথচ অপরাধ ছিল না তার; বিন্দুমাত্র। তার অপরাধের মধ্যে সে নারী আর জন্মেছিল দরিদ্র, দুর্ভাগী হিন্দুর ঘরে! ভীক, কাপড়-সমাজপতির বড় বড় টিকি নেড়, তিলকের বাইর দিয়ে জানিয়ে গেলেন যে তাকে ঘরে লওয়া অসম্ভব! রায় শুনে তার চক্ষের জলে বুক ভেসে গেল কিন্তু শেষ আশায় বুক বেঁধে একমার স্বামীর



মুখের দিকে চাইলে—চেয়ে দেখলে যে সে পাথরের মূর্তির মতই নিশ্চল ! হায়, যেখানে ছিল এত সোহাগ, এত ভালবাসা—সে সব নিমেষের জন্ত এক ধূলা কীটের পরশে কোথায় উধাও হ'য়ে গেল ! অথচ একি অরিচার ! সে তো খেঁজায় আপনাকে বিকোয়নি । কিন্তু এত কষ্ট তার কেউ শুনলে না, তার বৃকের রক্তে তৈরী তার ছেলেলে পর্যন্ত কেউ স্পর্শ করতে দিলে না ! 'পতিতা' এই ছাপ তার কপালে আগুনের অক্ষবে লিখে দিয়ে বিদায় ক'রে দিলে তাকে ।

দয়্যার অবতারেরা উঠানের একপাশে তাকে থাকবার আয়গা দিলেন রাজির জন্ত, কিন্তু রাজি প্রভাত হ'লে কেউ তাকে আর দেখতে পায়নি সে প্রাণে । সে চলে এসেছিল কলকাতায় একলা । তার শিরায় শিরায় রক্ত যেন টগবগ করে ফুটছিল অত্যাচারীদের উপর প্রতিশোধ নেবার জন্ত । কিন্তু কি ক'রে হবে তা' হয়তো বাঁচাই তার পক্ষে শক্ত হ'য়ে উঠবে, দুর্কলা নারী সে ! বাপের বাড়ী কিন্তু তার যাবার ইচ্ছা ছিল না, তার ভয় হয়েছিল যারা নিতান্ত আপনার জন তারাও হয় তো প্রত্যাখ্যান করবে তাকে । জানি না পূর্ব-জন্মের কোন স্মৃতির ফলে তার দেখা হ'ল নুপেনবাবুর সঙ্গে । তিনি হচ্ছেন ডাক্তার আর তার বাপের বাড়ীর দেশের লোক । তার কাহিনী শুনে ভালো-মন্দ কিছুই না বলে এই কাজটি ক'রে দিয়েছিলেন ; তাকে, আর নিঃস্বার্থভাবেই,—এই প্রকমের একজন অসহায় জীলোকের উপকার করা অত্যন্ত আশ্চর্যের বলে ঠেকলেও নুপেনবাবু করেছিলেন ।

হাসপাতাল সে তার অক্রান্ত ও সমতাপূর্ণ সেবার সকলকে মুগ্ধ করেছিল ; কিন্তু তাতে কি আর নারী-হৃদয় পূর্ণ হয়—হৃদয়ের ক্ষুধা মেটে ? যখনই তার আগেকার কথা মনে হয়, তার ভাঙা কুটিরের দেবার ছবির কথা মনে পড়ে সে সব ভুলে গিয়ে নুপ ক'রে বসে থাকে যেন মোহাচ্ছন্নের মত !

হায়, সে যে স্বপ্ন কণিকের স্বপ্ন মাত্র, রোগীর আর্ন্তনাদে তার সব স্বপ্ন টুটে যায় ! যখনই তার স্বপ্ন ভেঙে যেত তার মনে হ'ত দিই বিষ খাইয়ে তাহ'লে চেঁচিয়ে আর কণিকের সুখস্বপ্ন ভেঙে দিতে পারবে না, সব গোল চূকে যাবে । কিন্তু তাতো হবার নয়, আবার আসবে অন্য লোক তাঁর যন্ত্রণার ভার বহন করে ! সকলেই এই দেহটাকে নিয়ে ব্যস্ত, রোগের যন্ত্রণায় কাতর, আবার অনেকে যন্ত্রণায় অধীর হ'য়ে আর্ন্তনাদ করে ; আর সে তার শতগুণ যন্ত্রণা নিয়ে তাদের সেবা করে যায় দিনের পর দিন মুখটি বুজে । 'হায়, যদি সে ফিরে পেত সে সুখের দিন, তার কোনো অঙ্গ ছিন্ন ক'রে দিয়ে তাহ'লে সে হাসিমুখে সব যন্ত্রণা ভগবানের দান বলে মাথা পেতে নিত । কিন্তু তা' তো হবার নয়—অথচ কেন হ'বে না ? নিফল কোঁধে সে নিজেকে আঘাত করতো, কিন্তু তার দুঃখের বোঝার তুলনায় এ আঘাত কত তুচ্ছ !

"তারপর একদিন একজন রোগী এসে ভর্তি হ'ল হাসপাতালে, কোথা থেকে পড়ে গিয়ে তাঁর পা ভেঙেছে । একি সেই অছিমুদ্দিন না ? হাঁ, ঠিক সেই । একটা নিষ্ঠুর আনন্দে তার সারা দেহ উচ্ছ্বসিত হয়ে উঠলো । সে তখনই জোগাড় ক'রে ফলে একখানা শাপিত ছোরা । কিন্তু মারলে না তাকে কারণ এখনো বোধ হয় সে মৃত্যুযন্ত্রণা ভালো ক'রে অহুভব করতে পারবে না । আর একটু চৈতন্যের জন্ত সে অপেক্ষা করতে লাগলো । যখন ঠিক তার মনের মত অবস্থা হ'ল অছিমুদ্দিনের, সে একদিন অছিমুদ্দিনকে বেশ সোহাগের সুরেই বললে, 'কি অছিমুদ্দিন চিন্তে পারো ?' অছিমুদ্দিন তাকে দেখে চমকে উঠলো প্রথমে, তারপরে তার হাবভাব দেখে খুসীই হ'ল । কিন্তু সে যখন নলিনীর স্পর্শের নেশায় বিভোর সেই সময়ে নলিনী বিধিয়ে দিলে তার চোখে আর্মল ছুরি । তার বীভৎস চিংকারে সমস্ত হাসপাতাল চমকে উঠলো । নলিনী তার বক্তব্য শেষ করলে এই বলে, 'জালুম'



তার মৃত্যু হয়েছে, ভালো হয়েছে, জগতে একজন  
পাষণ্ড কমেছে । আমি দোষী, শাস্তি চাই আমি,  
সব চেয়ে যে কঠিন শাস্তি ফাঁসী তাই, দাও আমায় ;  
কিন্তু তার আগে জিজ্ঞাসা করি—‘আমার ওপর  
যারা অত্যাচার করেছিল তাদের শাস্তি হ’ল না  
কেন এখনো ? একজন শাস্তির ভারে ঢলে পড়েছে

চিরনিদ্রার কোলে, কিন্তু সমাজপতিরা যে রয়েছে  
এখনো বাকী ।’ ..

‘তার ফাঁসীর বদলে ঘাবজীবন কারাদণ্ড হ’ল  
জজের দয়ায় । কিন্তু পরদিনই হতভাগিনী গলায়  
ফাঁসী দিয়ে লাঘব করলে নিজের চুখের বোঝা  
কারো সাহায্য না নিয়েই ।’

## পল্লী-বধু

শ্রীকটিকচন্দ্র বন্দ্যোপাধ্যায় ।

রাঙা গোখালর বেলা

হয়ে এল শেখ

এখনো হয়নি বাধা

বধু তব কেশ !

নীরবতা নামে মাঠে

যাবে গো কখন ঘাটে ?

এখনো আত্মতা পরা

হয়নিক পায়,—

গাগরী শূত্র পড়ি,

বেলা যে পোহায় !

স্বামী ও দেবর তব

সারাদিন পরে

সারিয়া মাঠের কাজ

ফিরে এবে ঘরে ।

পল্লি পদ্ম-পাণি—

প্রদীপ জ্বাল’লো রানী,

ক্লান্তি হর সবাকায়

স্বমধুর ভাষে,—

বাক্যও শব্দ বধু

বেলা ব’য়ে আসে।

চপল ছেলেরা সারা-

দিন খেলা শেষে ।

বসেছে স্থশীল হ’য়ে

উঠানেতে এসে ।

কোথা ছিল শুক সারি—

সাত সাগরের বারি

কোথা হ’তে ল’য়ে এল

রাজার ছলল ?—

বল গো তাদের কথা

বলনি যা কাল !

বাঁশঝাড় তলা দিয়ে

নামে সাঁঝ কালো,

ঠাকুরঘরের দীপ

এবে দেবী জ্বালো ।

হাতের কঁকরগুলি—

রিপি ঝিপি ওঠে ছলি,

সিঁথির সিঁদূরে রাঙা

হ’ল ঘরখানি ;—

প্রথমি তোমারে দেবী

লক্ষ্মী বধুবাণী ।

## শিশুমঙ্গল

শ্রীমতী অনুরূপা দেবী ।

সন্তানপালন সম্বন্ধে কিছু বলিতে গেলে স্বভাবতঃই মনে হইবে যে, যে কার্যে সমুদয় জীব-জগত আবহমানকালাবধি নিয়ত নিরত রহিয়াছে তাহার সম্বন্ধে বলিবার বা শুনিবার প্রয়োজন কোথায়? জীবশ্রেষ্ঠ মানব হইতে ক্ষুদ্রাদপি কীটগু পর্যন্ত সকলেই তো নিজ নিজ ভাবে স্বীয় সন্তান প্রতিপালন করিয়া আসিতেছে, আজ এতদিন পরে আবার তাহার জন্ত এত আড়ম্বর বা আয়োজন কেন?

কিন্তু আমাদের সকল আয়োজনই যে আমাদের প্রয়োজন ব্যতীত ঘটতে পারে না, একথাও নিশ্চিত সত্য। জীবজগতে, অনাদিকালাবধিই সন্তান-পালন কার্য চলিতেছে, তেমন জীবরাজ্যের বহুতর ক্রিয়াই তো চিরন্তনভাবে নিত্য ও নিয়ত সম্পাদিত হইতেছে; কিন্তু সকল কার্যের সম্বন্ধেই এক একটা অবনতির যুগ আইসে, এবং তৎপরে তাহার পরিবর্তনের কাল দেখা দেয়, তখন আর তাহা তাহার সেই পুরাতন ধারায় পরিচালিত হইতে পারে না; তাহাকে পুনঃসংস্কৃত করিতেই হয়।

ভারতবর্ষে শিশুমঙ্গল-সমিতির প্রতিষ্ঠা কিম্বা সন্তানপালন সম্বন্ধে সাধারণকে শিক্ষাপ্রদান করিবার প্রয়োজনীয়তা নাই, এমন কথা যদি কেহ বলেন, তবে তিলি হয় ভ্রমে পতিত হইয়াছেন, সেখা এ সম্বন্ধে অজ্ঞ আছেন বলিতেই হইবে। কারণ দেশের সরলতা তাহার অধিবাসীবৃন্দের সুস্থতার উপরেই সম্পূর্ণ নির্ভর করিয়া থাকে, ইহা অবিসম্বাদী সত্য। কিন্তু এদেশে যে কতই সুস্থ ও সবল, তাহার প্রমাণ এদেশের কুজগৃষ্ঠ হুজুদেহ অকালবৃদ্ধ যুবকবৃন্দ এবং ক্রমবর্ধনশীল মৃত্যু সংখ্যা। তাই বলি শিশুরক্ষা-সমিতির যদি কোথাও সত্যকার প্রয়োজনীয়তা

ঘটিয়া থাকে, তবে তাহা এই ভারতবর্ষেই ঘটিয়াছে। মানবসমাজের সহিত যথার্থ সহানুভূতি সম্পন্ন সহৃদয় ব্যক্তিমাঝেই ইহার প্রয়োজনীয়তা হৃদয়ঙ্গমপূর্বক অন্তরের সহিতই ইহার সহিত যোগদান করিবেন এবং ইহা দ্বারা নিজের দেশকে সুস্থ, সবল, দীর্ঘজীবী, জীবনসংগ্রামে সুদৃঢ় সন্তান সকল প্রদানপূর্বক ইহাকে জগতের মধ্যে বরণীয় করিয়া তুলিতে সচেষ্ট হইবেন, ইহাতে সংশয় নাই। যেহেতু কুজদেহ স্বল্পজীবী অপরিচ্ছন্ন ব্যাধিক্রান্ত; অর্জমুত জনসমাজ স্বদেশের পক্ষে সর্বপ্রকার উন্নতিরই আশাহীন,—ইহাদের দ্বারা দেশে নানাবিধ কষ্টকর রোগের বৃদ্ধি, যন্ত্রণাকর দারিদ্র্যের আত্যন্তিক প্রসার, পরানুগ্রহজীবী ভিক্ষুকশ্রেণীর সৃষ্টি ব্যতীত অপর কোন সুফল লাভ হইতে পারে না। শরীরের সহিত মনের সম্বন্ধ এতই ঘনিষ্ঠ যে শারীরশক্তির একান্তাভাব ঘটিলে মানসশক্তিও প্রসারতা লাভ করিতে অসমর্থ হয়। চিরকাল ব্যক্তির মস্তিষ্ক অপূর্ণ, হৃদয় অনুদার এবং আশয় ক্ষুদ্র হইবেই। অথচ দেশের উন্নতি নির্ভর করিতেছে সর্বপ্রকারে সুস্থতম সুদীর্ঘজীবী স্থিরবুদ্ধি উন্নতহৃদয় ও উচ্চাশয় জনগণের উপরেই, স্বাস্থ্যহীন জাতির মধ্যে তাঁহাদের আবির্ভাব ক্রমশই মন্দীভূত হইতেছে এবং হইলেও অকাল-মৃত্যুর কল্যাণে তাঁহাদের কর্মশক্তি সম্পূর্ণ কার্যকরী হইতে পারে না। ইহাই জাতীয় অধঃপতনের পূর্ণ লক্ষণ!

বাংলাদেশে ১৯২২ খৃষ্টাব্দে হাজার করা ১৮২'৮ হিসাবে শিশুমৃত্যু ঘটিয়াছে। কলিকাতায় ঐ সালে শিশুমৃত্যুর হার হাজারকরা ২৯৪'৬, লগনে ১৯০'৩ হইতে ১০ অবধি ১১২ প্রতি সহস্রে শিশুমৃত্যুর হার, কিন্তু ১১ বৎসরকালব্যাপী শিশুরক্ষা-সমিতির

অল্পাঙ্গ চেটার ফলে একগে এই ১৯২০ অব্দে সেখানের শিশুমৃত্যু হাজার করা ৬০এর সংখ্যায় নাযিয়া পড়িয়াছে। ইহা একত বড় সুসংবাদ! কলিকাতার মধ্যস্থ এক জোড়াবাগান থানার এলাকাতেই প্রতি সহস্রে ৬৭৩ জন শিশু এক বৎসর পূর্ণ হইবার পূর্বেই মৃত্যুমুখে পতিত হয়।

যে দেশে লোকসংখ্যার এইরূপ অস্বাভাবিক হ্রাস হয় সে দেশ নিঃসন্দেহ ধ্বংসোন্মুখ।

যদি এদেশের মায়েরা সন্তানপালন সম্বন্ধে একটু শিক্ষালাভ করেন, স্মৃতিকাগারকে অপরিচ্ছন্ন আঁস্তাকুড়ে পরিণত না রাখিয়া তাহা ভবিষ্যৎ বংশধরের আবাসমন্দির ভাবে পরিচ্ছন্ন ও পরিপাটী রাখেন, যদি তাহার জীবনোপায়স্বরূপ মাতৃহৃৎকে বিশুদ্ধ রক্ষার্থে যথাসাধ্য চেষ্টা করেন এবং সেই শিশু-প্রাণস্বরূপ মাতৃহৃৎকে বৎসর মধ্যে অপর অংশীদারের আবির্ভাব না ঘটতে দেন, যদি রুগ্ন শিশুর পথ্য-পণ্য সম্বন্ধে জ্ঞানার্জনপূর্বক সেইভাবে তাহাকে রক্ষণ ও পালন করিতে পারেন, যদি নিজ গৃহে স্মৃতিগন্ধাদিযুক্ত রোগমূলক আবর্জনা প্রভৃতি জন্মিতে না দিয়া গৃহকে স্বাস্থ্যপূর্ণ রাখিতে পারেন, যদি আলস্যবশতঃ স্বাস্থ্যহানিকর মলিনতার মধ্যে তাহাকে নিক্ষেপ না করেন, রাশি রাশি বোতলবন্ধ বিলাতি ফুড না খাওয়াইয়া গৃহপালিত বিশুদ্ধ গাভী-দুগ্ধের স্বব্যবস্থা ঘটাইতে পারেন, বাজারের কেনা দুগ্ধাচ্ছ বস্ত্র ভোজন না করান, নিজের বিলাসিতা, নভেলপ্রিয়তা বা তাসখেলার আসক্তির বশতঃ অথবা আলস্যবশে অশিক্ষিতা মমতাহীনা দাসীর হস্তে সন্তানপালনের সমস্ত দায়িত্ব ফেলিয়া না দেন, তবে এদেশেও শিশুমৃত্যুর হার হ্রাসপ্রাপ্ত হইতে কেনই বা না পারিবে? আমাদের দেশের স্মৃতিকাগারগুলি নিতান্তই অস্বাস্থ্যকর ও অপরিচ্ছন্ন রাখা হয়। অবশ্য এদেশ দরিত্রের দেশ, মুষ্টিমেয় ধনীগৃহের কথা ছাড়িয়া দিলে সাধারণতঃ সকল লোকের বাস-গৃহই বিশেষতঃ সহরবাসের কল্যাণে নিতান্ত অপরিষ্কার, বায়ু-চলাচলহীন ও অস্বাস্থ্যকর।

পল্লীগ্রামে ঐ দোষ কম থাকিলেও পচা ডোবার জন্ত সেখানের স্বাস্থ্যও সবিশেষ দূষিত। ঐ পচা ডোবাগুলি আমাদের দেশে সমদূতের প্রতিনিধিত্ব করিতেছে। অনেক স্থলেই প্রসূতিকে নিরুপায়েই ঐ দূষিত জলদ্বারা শিশুর বস্ত্রাদি পরিষ্কার করিতে হয়, বহু স্থলে ঐ জল প্রসূতির পানার্থ ও স্নানার্থ ব্যবহৃত হইয়া তাহাদের দুর্বল শরীরকে ম্যালেরিয়া, কালাজর প্রভৃতি দুশ্চিকিৎস উদ্যানক ব্যাধির আক্রমণ-বিষে জর্জরিত করে। এই সকল অপ্রতি-বিধেয় অভাবের সম্বন্ধে শিশুরক্ষা-সমিতির দৃষ্টি আকর্ষিত হওয়া সম্ভব। কিন্তু এমন অনেক পরিবার এখনও আছে, যেখানে স্মৃতিকাগারের এবং প্রসূতি ও প্রসূতের পুরবস্থা অভাববশতঃ নহে, পরন্তু স্বভাবতঃ। সেইগুলিই একান্ত দোষাবহ এ বিষয়ে সন্দেহ নাই। বাড়ীর মধ্যে সর্কাপেকা বায়ু-চলাচল ও রৌদ্রতাপযুক্ত ঘরই স্মৃতিকার উপযুক্ত। অনেক অবস্থাপন্ন গৃহস্থের ঘরে এখনও সর্কাপেকা নিরুপস্থিত নিম্নতলস্থ কক্ষ স্মৃতিকাগৃহের জন্য ব্যবহৃত হইতে দেখা যায়, ইহা সম্ভব নহে। খাট গদী বিছানা তোয়ালিয়া যোগাইবার মত অবস্থা এদেশে খুবই কম লোকের, সে খবর হয়ত অনেক চিরভাগ্যবতী ধনী গৃহবাসিনীরা রাখেন না, তবে সে সব না পারিলেও তক্তাপোষ, ছুখানা কঞ্চল ও ধোপার বাড়ীর ধোয়ান ছেঁড়া কাপড় একটু বেশী পরিমাণে দিবার সাধ্য অনেকের থাকে; যাহাদের তাও থাকে না, সমিতির কাছে তাহাদের আবেদন করা সম্ভব হইবে। আমি বলি যাহার সামর্থ্য আছে তিনি প্রসূত ও প্রসূতির উপর কাৰ্পণ্য করিয়া তাহাদের স্বাস্থ্যহানি দ্বারা নিজের বংশের সর্বনাশ করিবেন না, আর যিনি অসমর্থ তিনিও ছুই চার আনার সাবান, ফেনাইল ও স্যানিটারীর ব্যবহারে যতটুকু সম্ভব পরিচ্ছন্নতা রক্ষার চেষ্টা করুন। কারণ ঐ যে নবজাত শিশুসন্তানটী আপনার ঘরে আজ দেখা দিল, অদূর ভবিষ্যতে সে যে একজন মহাপুরুষ, মহাশয়, যুগাবতার, সে যে আর একজন

রামমোহন, ভূদেব, বিষ্ণুসাগর, সে যে আর একজন তিলক, গান্ধি, গোখলে, সে যে আর একজন কর্মীকৃতি দেশমান্ন ধন পুরুষ না হইয়া দাঁড়াইতে পারে, তার তো কোনই প্রমাণ নাই ! আজ তার আগমনকে তুমি অবহেলায় ব্যর্থ করিলে হয়ত নিজের উত্তর পুরুষের, হয়ত সমুদয় সমাজ ও স্বদেশের তুমি সর্বনাশ সাধন করিবে । তাই বলি ভবিষ্যৎ যখন আমাদের চক্ষে অজ্ঞাত, কোন্ শিশু যে উত্তরকালে কোন্ মহাশক্তিশালী পুরুষপুত্রবে পরিণত হইয়া দাঁড়াইবেন, তাহার যখন কোনই প্রমাণ আমাদের পক্ষে পাওর সস্তাব নয়, তখন আপন আপন গৃহজাত, নবজাত শিশুগুলিকে 'আমাদের দিব্য পুরুষের আবির্ভাব কল্পনাতেই সাধু হে ও সাদরে বরণ করিয়া লইয়া সযত্নে লালন ও পালন করাই উচিত । মহাত্মা ভূদেবচন্দ্র তাঁহার সামাজিক প্রবন্ধেও এই কথাটা অতি সুন্দরভাবে বলিয়া গিয়াছেন । তিনি আরও বলিয়াছেন যে, আমরা নিজের ছেলেদের নকড়া ছকড়া হিসাবেই দেখি, তাই তাদের তাই-ই দেখিতে পাই, বড় চোখে দেখিয়া, বড় মনে বড় গড়িতে চাইলে বড়ই গঠিয়া উঠে ।— যাদৃশী সাধনা যস্ত সিদ্ধির্ভবতি তাদৃশী ।

আমাদের পক্ষে এ কথাটা ঠিকই খাটে । ছেলের ও ছেলের মায়ের শরীরের স্বাস্থ্য দেখিব না, মনের উন্নতির চেষ্টা করিব না, অথচ মস্ত বড় বড় জিনিসের আশা করিয়া বসিয়া থাকিব । তা হয় না । সাধনা ব্যতীত কোন কার্যেরই সিদ্ধি লাভ হয় না । বড় জিনিষের জন্ম তপস্যাও কঠোর হওয়া আবশ্যিক ।

হে আমার ভগ্নিগণ ! আপনারা নিজ নিজ কর্তব্য অবধারণ করিয়া লউন । নারী-জীবনের শ্রেষ্ঠ অংশ মাতৃত্ব । 'নারীর পূর্ণতা এই মাতৃ-জীবনেই—ইহা আপনারাও সকলে জানেন' । নারীর নারীত্ব তখনই ব্যর্থ হয়, যখন নারী তার মাতৃ-জীবনকে অবহেলা করিয়াছে । নিতান্ত পিশাচিনী না হইলে মা হইয়া সন্তানের কৃতি কেহ করিতে পারে না ; এবং একথা খুবই ঠিক যে জগতে ঐ

সংখ্যা নিতান্তই অল্প । কিন্তু আর একটা জিনিস আছে, যদ্বারা অনিচ্ছুকভাবেও এদেশের সহস্র সহস্র জননী স্বীয় প্রাণাধিক সন্তানবর্গের প্রভুত্ব অুকল্যাণ সাধনপূর্বক নিজেদের মাতৃত্বকে অভিলাষ-প্রস্তুত করিয়া ফেলিতেছেন, তাহার নাম অজ্ঞতা । ছেলের পক্ষে কিসে ভাল সেটাই না জানিলে তার ভাল নামে অধিকাংশকালে মন্দ করিয়াই ফেলিতে হয় । ধরুন রুগ্ন শিশু খাবারের জন্ত আন্ডার করিতেছে, মা তার আন্ডারের জিনিস কুপথ্য দান করিলে তাকে হয়ত স্বহস্তে বিষ ভোজন করান'র পাপে পাপী হইবেন, অথচ মায়ের সেটুকু ধারণা করিবার শক্তি নাই ।

আমি বিশ্বস্তস্বর্জ্ঞে' গিয়াছি কোন ভদ্র-পরিবারস্থা খাণ্ডী ও বধু একটা রুগ্ন শিশু লইয়া থিয়েটার দেখিতে গিয়া সেখানেই তাহাকে বিসর্জন দিয়া আসেন । শিশুটির মৃত্যুর অব্যবহিত পূর্বাধিই তাঁহারা থিয়েটার দেখিতে ব্যস্ত ছিলেন ও মৃত্যু-লক্ষণসকল চিনিতে পারেন নাই । এইরূপ সর্ব-বিষয়ে ছেলের স্বাস্থ্য ভাল রাখার ভার মায়ের হাতই । সব চেয়ে বেশী, কয়জন মা সে কথা ভাবিয়া চলেন ? সন্তান গর্ভে যতক্ষণ থাকে গর্ভিনীর খাওয়া শোয়া বিশ্রাম এ সমস্তই ভবিষ্যৎ-সন্তানের জন্ম খুব সাবধানতা অবলম্বনপূর্বক ব্যবস্থিত ও পালিত কদাচিত্ত কোন পরিবারে হয়, অথচ ঐ সময়ের কার্যের উপরেই গর্ভস্থ শিশুর চির ভবিষ্যৎ নির্ভর করিতেছে । শাক, পাতখোলা প্রভৃতি তমগুণযুক্ত অসার ও কদাহারে বর্জিত শিশুও তমগুণের প্রাধিক্যে জড়ত্ব লাভ করিয়া জাত হয় । অবশ্য 'অভাবই এদেশে কদাহারের ও অন্নাহারের প্রধান কারণ বটে, কিন্তু পূর্বেই বলিয়াছি স্বভাব-দোষ ইহার মধ্যে বড় কম নয় ।

তারপর মায়ের আলস্যবশতঃ শিশু রোগ, যথা চোখ উঠা, মাথায় ও গারে ঘা, পাঁচড়া, সন্ধি কাশি, পেটের অস্থখ এগুলি প্রায়ই লাগিয়া থাকিয়া শিশুকে স্বাস্থ্যবয়ব ও রোগের আক্রমণ করিয়া



তুলিতে দেখা যায়। আতুড়ঘর হইতে নিয়মিত চোখ ধুইয়া দেওয়া, গা-মাথা পরিষ্কার, খাওয়ার নিয়ম ঠিক রাখা, এসব গুলি পালিত হইলে এই মন্দ ফলগুলি বহুলাংশে বাধাপ্রাপ্ত হইয়া থাকে। ছেলে কাঁদিলেই খাইতে দিতে নাই, আবার খাওয়ার সময়, পার করিয়া খাওয়ানও ক্ষতিকর। কত বয়সে কত কত বিলম্বে কতটুকু খাওয়ান সম্ভব, মধ্যে মধ্যে কালমেঘ বাটিয়া খাওয়ান দরকার, স্নান সহ হইলে প্রত্যহ সাবধান হইয়া করান আবশ্যিক, এই সকল বিষয়ে মায়েদের যথোচিত শিক্ষা প্রাপ্ত হওয়া প্রয়োজন।

সন্তানের শরীর মনের সুমুদয়টুকু তাহার মায়ের উপরেই যে সম্পূর্ণ নির্ভর করিতেছে, ইহার মধ্যে অত্যাঙ্কি নাই। মা সবল হইলে সন্তান বলিষ্ঠ হইবে, মা শিক্ষিতা হইলে সন্তানের শিক্ষা পূর্ণ হইবার স্বযোগ ঘটিবে, মায়ের চিত্ত উদার, স্বদেশ-প্রেমে পরিপূর্ণ, সংযত ও ধর্মানুরাগে মহত্তর হইলে সন্তানকে নিশ্চয়ই সেই সকল মহত্তর গুণাবলীর উত্তরাধিকারী হইতেই হইবে, ইহাতে সংশয় নাই।

উন্নতচরিত্র পিতার নীচমনা পুত্র দেখা যায়; কিন্তু মাতৃসম্বন্ধে এরূপ অবস্থা প্রায়ই ঘটিতে দেখা যায় না। মায়ের মন যেখানে সমুদ্রের মত বিশাল সন্তানের চিত্ত সেখানে ভেলার মত সঙ্কীর্ণ হওয়া সম্ভবে না। তাই বলি এদেশের মাতৃবৃন্দ! ভবিষ্যৎ জননী সকল! তোমরা নিজ নিজ শরীর মনের উৎকর্ষ সাধনপূর্বক এদেশের ধ্বংসোন্মুখ শিশু-রাজ্যের মঙ্গলসাধনে যত্নবতী হইয়া স্বজাতির কল্যাণসাধন করিতে বদ্ধপরিকর হও।

তারপর শিশুপালন সম্বন্ধে আমি আরও কয়েকটা বিশেষ প্রয়োজনীয় প্রসঙ্গের অবতারণা করিব। যেমন শিশুর শারীরিক স্বাস্থ্য সম্বন্ধে তাহার অভিভাবকবৃন্দের প্রথমাবধি সম্পূর্ণ সাবধানতা অবলম্বন করা প্রয়োজন, তেমনই তাহার মানসিক স্বাস্থ্য অর্থাৎ নৈতিক শিক্ষার প্রতিও তাঁহাদের একান্ত মনোযোগী হওয়া আবশ্যিক।

যেমন ক্ষুদ্র বীজ হইতেই মহা-মহীকহের উৎপত্তি হইয়া থাকে, তেমনই একটা ক্ষুদ্রতম শিশুই একদিন মানব-পিতামহে পরিণত হয়। বীজটা রোপণ করিয়া তাহার অঙ্কুরোৎপাদন করিতে হইলে যথারীতি সযত্ন-সেবা দ্বারা তাহাকে বর্দ্ধিত হইতে দিলে ভাল ফলের আশা করা যায়; শিশু-পালনেও ইহার ব্যতিক্রম হয় না। শিশুকে শিশু বলিয়া অবজ্ঞা করিও না, অত্যন্ত শৈশবকালেই শিশু-চিত্তের বিকাশ আরম্ভ হইয়া যায়। দুই এক-মাস বয়স হইতেই শিশুটিকে যে বিষয়ে যেরূপভাবে অভ্যাস করাইবে, সেই ভাবেই সে অভ্যস্ত হইতে থাকে, ইহা লক্ষ্য করা গিয়াছে। কোলে বেষী রাখিলে ঐ বয়স হইতেই আর তাহারা কোলের বাহিরে শুইতে চাহে না, অঙ্ককারে অভ্যস্ত থাকিলে আলোয় ঘুমাইতে পারে না, বেষী আলোয় রাখা অভ্যাস করিলে অঙ্ককারে লইয়া গেলেই কাঁদে। এই সকল উদাহরণ হইতেই বুঝিতে পারা যায় যে শিশুকে শিশু বলিয়া কোন দিনই তুচ্ছ করা সম্ভব নহে। শৈশবকালকে অধিকাংশ লোকেই নিতান্ত রূপার চক্ষে দেখিয়া থাকেন। শিশুদিগের সকল কার্যকেই তাঁহারা 'আহা' বলিয়া ছাড়িয়া দেন, কিন্তু সেটা আদৌ সঙ্গত নহে। অনেক লোক আছেন যাঁহারা ছেলে আন্ধার ধরিলে সম্ভব হইলে আকাশের টাঁদ ধরিয়া তাদের হাতে দিবারও অপক্ষপাতী নহেন। আবার তাঁহারা অপরকেও নিজের স্বপক্ষে টানিয়া এই কথা বলিয়া থাকেন যে, "আহা কচি ছেলে চাইছে, বড় হ'লে কি আর চাইবে? দিয়ে দাও না।" কিন্তু শৈশবের এইরূপ প্রশ্রয় দান সেই শিশুর পক্ষে চিরদিনের অশ্রু ঘোর শক্ততা সাধন করা—এই কথাটা তাঁহারা ভাবিয়া দেখেন না। চাওয়া মাঝেই সঙ্গত অসঙ্গত সকল আন্ধারই পূর্ণ হইতে থাকিলে ঐ শিশু ক্রমশই অধিকতর আন্ধারে ও স্লেদী হইয়া উঠে এবং তাহার আন্ধারও আর শেষ থাকে না। কামনা পূর্ণ হইলেই আবার তাহার স্থলে নূতন নূতন কামনার



উদ্ভব হওয়া মানব-প্রকৃতির মধ্যে একান্তই স্বাভাবিক । সেইজন্যই শাস্ত্রে বিহিত হইয়াছে—

নজাতু কাম কামানামুপভোগেন সাদ্যতি ।

হবিষা কৃষ্ণ বস্ত্বে'ব ভূয়ো এব্যভিবর্দ্ধতে ॥

অগ্নি যেমন স্মৃত সহযোগে বর্দ্ধিত হয়, কামনাও কাম্য-বস্তুর উপভোগ প্রাপ্তে তক্রূপ বর্দ্ধিত-শক্তি হইতে থাকে । তাই শিশুর অসঙ্গত আকাঙ্ক্ষাগুলি সময়ে পরিহারপূর্বক অতি শৈশবাবধি তাহাদের যুক্তিসহকারে উহার অন্ত্যাত্ম প্রদর্শন করিয়া সংযত-কর্তব্য করণের বিশেষ চেষ্টা করা প্রয়োজন । আমি দেখিয়াছি, দিব না বলিয়া ধমক না দিয়া কেন দিব না, কেন লওয়া সঙ্গত নহে এইগুলি বেশ করিয়া বুঝাইয়া বলিতে পারিলে "অত্যন্ত আকাঙ্ক্ষা ছেলেও তার জিদ ছাড়িয়া দেয় । অধিকাংশ মা-বাপে সেই পরিশ্রমটুকু করেন না বলিয়া ছেলেকে অথবা প্রশ্রয় দিয়া বৃথা দুর্নীকাজ্জী তৈয়ারি করেন, ইহার ফলে ভবিষ্যৎ-জীবনে নৈরাশ্র ঘটিলে সে বড় সহজেই ভাবিয়া পড়ে, অথবা অমিতব্যয়ী ধামখেয়ালি ইত্যাদি হইয়া নিজেকেও দুঃখ দেয় এবং আত্ম-জনকেও দুঃখিত করে । শেষে সে ধমক খাইয়া খাইয়া মনমরা ও নিশ্বেদ হইয়া পড়ে, ক্রমশঃ তাহার বিশ্বাস দাঁড়ায় যে মা-বাপ তাহাকে দেখিতে পারেন না, কেবলই শাসন করেন ।

ছোটবেলার অভ্যাসটি এতই দৃঢ় হইয়া উঠে যে, সারাজীবনেও কখন আর সে অভ্যাসের হাত ছাড়াইতে পারা যায় না । এই সত্যটুকু বড়ই সহজে আপনাদের চোখে পড়িবে যদি আপনারা নিজের নিজের শৈশবাবস্থাগুলি স্মরণে লইয়া আইসেন । আজ আপনি যতই কেন না বৃদ্ধ হউন আর বিজ্ঞ হউন, ছোটবেলায় যদি আপনার 'ভুতের ভয়' থাকে, তবে আজও সে ভয় আপনাকে ছাড়িতে পারে নাই । নির্জন বনের ধারে অন্ধকার হইয়া আসিলে মনের মধ্যে এখনও আপনার একটুখানি চমক লাগেনা কি ? হস্ত স্পষ্ট করিয়া সেটাকে আর আপনি মনের মধ্যে আমোল দেন না, হয়ত

মনকে একটু আঁধিও ঠারেন, কিন্তু তবু সেটা যে সেই পুরাণো বিশ্বাসেরই একটু অংশ তাহাতে সংশয় নাই । অধিকাংশ মায়েরাই ছেলের কাঁদা আঁকারে বিরত হইয়া তাহাকে জুজুর হাতে ধরাইয়া দিতে চাইেন, ছেলে খামাইবার এর চেয়ে সোজা উপায় অবশ্য আর কিছুই নাই, সে আমিও স্বীকার করি ; কিন্তু এর ফলেই আমাদের দেশের খোকারা খোকার 'বাবা' হইয়াও সেই জুজুর ভয়ে সর্বদা জড়সড় হইয়া সমস্ত জীবন যাপন করিতেছেন, কোন দিনই এ ভয়ের হাত তাঁহারা ছাড়াইতে পারিলেননা । ঘরে গৃহিনীর ভয়, বাহিরে মনিষের ও পথে ঘাটে সভাসমিতিতে পুলিশের ভয়, আবার যে কোন ভাল কাজে বন্ধুবান্ধবের তামাসা বিক্রপের ভয়, সাহেবমহলে অ-সাহেব প্রতিপন্ন হওয়ার বিষম ভয় ইত্যাদি সকল ভয়ই যে সেই শৈশব-জীবনের প্রথম শিক্ষার মাতৃদত্ত জুজুর ভয় হইতেই উৎপন্ন হইয়া সহজেই বলা যায় । এক পা ঘাধীনভাবে চলিলেই 'জুজুতে ধরে, অন্ধকারে জুজু আসিয়া ওৎপাতিয়া বসিয়া থাকে, ভাত খাইতে দেবী হইলে জুজু খলি লইয়া ধরিতে আসে, ঘুণ না আসিলেও মাথার শিওরে সেই জুজুরই আমদানী ! আমি জানি অনেক ছেলে রাতদিন জুজুর ভয়ে আঁকাইয়া 'খাকিয়া ঘুমাইয়া জুজুকে দেখিয়া আতঙ্কে কাঁদিয়া উঠে । এ অবস্থায় শিশুদের কখন কখন খুব সাজাতিক গাঁড়াও হইয়া থাকে । কখনও কোন কৃত্রিম ভৌতিক নিদর্শনকে সত্য বিশ্বাসে আকস্মিক ঘোর আতঙ্কে অভিভূত হইয়া গিয়া কোন কোন বালকবালিকা মারা গিয়াছে বলিয়াও শুনা যায় । অতএব সর্বপ্রথমে শিশু বা বালকদিগকে সর্বপ্রকার ভয় দেখান হইত মায়েরা যেন বিরত থাকেন, তাঁদের কাছে এই বিনীত নিবেদন । শাস্ত স্ত্রীল ছেলে মায়ের পক্ষে ততদিনই সুবিধা—যতদিন তাহার সম্মুখে কঠোর জীবনসংগ্রাম না দেখা দেয় । বিশেষতঃ আজিকালিকার এই ঘোর সংঘর্ষময় জীবনযাত্রার দিনে মায়ের আঁচলধরা নীলমণিদেরই

যে সর্কাপেক্ষা মহাবিপদ! তারা ঘরের বাহিরে পা-টি দিতে জানে না, একলা পথে বাহির হইবার উপায় তাদের নাই, অথচ জীবনযাত্রার মহা সমরক্ষেত্রে তো ভীষ্মদেবের ভিড় হয় না যে মাটিকে শিখণ্ডীর মত সামনে ধরিয়া দাঁড়াইতে পারিলে এখানের বিঘ্ন বিনাশ হটিয়া চলিয়া যাওয়ার সোজা পথ পাওয়া যাইবে! ছেলের মনে ভরসা দিয়া তাকে আত্ম-নির্ভরশীল, সুসংযত ও সাহসী তৈয়ারী করিবার চেষ্টা অতি শৈশবাবধি মা যদি না করেন তবে শতবর্ষেও আর তাহা সাধিত হইয়া উঠিবে না। চলিত কথায় যে বলা হয় “কাঁচায় বাঁশকে না নোয়াইলে পাকুলে নোয়ানো যায় না।”- সে বড় ঠিক কথা।

তারপর শিশুর সহিত কখন মিথ্যাচরণ করিতে নাই। প্রায়ই দেখা যায় অনেক মায়ে এবং বাপেও ছেলেকে মিথ্যা স্তোক দিয়া ভুলাইয়া থাকেন। এর মত কুশিক্ষা আর কোথাও নাই! খুব ছোট ছেলেতেই তাঁদের এ মিথ্যা ভাষণ বেশ বৃদ্ধিতে পারে দেখা যায় এবং ফলে সেই শিশুকাল হইতেই মিথ্যাচরণ করিতে এবং অভিব্যক্তিগকে অবিশ্বাস করিতে একসঙ্গে দুইটা অজ্ঞায় কার্যই শিখিয়া ফেলে। এই মিথ্যা কখন বা মিথ্যাচরণ একবার অভ্যস্ত হইলে আর কখনই তা ছাড়ানো যায় না, জন্মের মতই অস্থিমজ্জায় উহা একেবারে বসিয়া গিয়া শিশুটিকে পশু করিয়া ফেলে। অতএব খুবই সাবধান হইয়া শিশুর সহিত ব্যবহার করিতে হইবে। ‘দিব’ বলিয়া না দেওয়া, ‘কাকে লইয়া গেল’ ইত্যাদি বলিয়া নিজেই লুকাইয়া ফেলা এই-রূপ ছোটখাট কথা লইয়াই ইহার সৃষ্টি; কিন্তু এই ক্ষুদ্র বৃক্ষের ফল একেবারেই বিষ-তিক্ত। মিথ্যার মত ছোট ও নোংরা জিনিস মাতৃষের মধ্যে আর কিছুই নাই, কারণ যত কিছু অজ্ঞায় ও পাপ তৎসমুদয়ই মিথ্যাশ্রয়ী। মিথ্যাকে পরিহার করিতে পারিলে পাপ করিবার উপায় থাকে না। তাই বল্য হইয়াছে ‘সত্যং পরমত্ত্বো নহি’, ‘সর্কং সত্যো প্রাতিষ্ঠিতঃ’ এবং বেদ ও উপনিষদে সত্য ও ব্রহ্মকে

অভিন্ন বলা হইয়া থাকে। সত্যজ্ঞান ‘মানন্দম ব্রহ্ম’। ব্রহ্মের স্বরূপই সত্য। এই ব্রহ্মরূপী সত্যে হৃদয়ভাবে স্বীয় সন্ততিবর্গকে সুপ্রতিষ্ঠিত রাখিতে হে আমার স্বদেশবাসিনী ভগিনিগণ, আপনারা সত্যসকল হউন। তাহা হইলে আবার আমাদের স্বদেশ স্বর্গোপম হইবে। যেহেতু ‘সত্যমূলা ক্রিয়া সর্কা’, সকল ক্রিয়ার মূলই যখন সত্য, তখন সত্যকে আশ্রয় করিলে সমস্তই লাভ হইবে এবং সত্যপ্রিয়, সত্যব্রত অপাপবিদ্ধ মনুজবর্গ দেবতারই রূপান্তর পরিগ্রহ করিতে পারিবেন। আর এই এত বড় একটা মহত্তম কার্য আপনারই উপর সম্পূর্ণ নির্ভর করিয়া রহিয়াছে। এক্ষণে আপনারা দায়িত্ব বৃদ্ধিয়া দেখিয়া স্বকার্য সাধনে মনোযোগিনী হউন, ধন্য জননী হইয়া স্বদেশকেও ধন্য করুন।

সন্তানপালন সম্বন্ধে আর একটা বিশেষ ক্রটির কথা বলিতে বাধ্য হইতেছি। অনেক মা আছেন তাঁরা অস্ত্রের উপর রাগ করিয়া নিজের ছেলের উপর সেই রাগের ঝাল ঝাড়ে, এমন কি ছেলের বাপের অপরাধে অধিকাংশ সময় ছেলেই তাঁর ঠেঙ্গা খাইয়া তার প্রায়শ্চিত্ত করিতে বাধ্য হয়। অথচ সে বেচারী হয়ত এ সকল অহেতুক শাসন অত্যাচারের কোন কারণও খুঁজিয়া না পাইয়া শুধু মায়ের অবিচারটাই বৃদ্ধিয়া লয়। মা বাপকে একটা রক্তশোষক শাসনযন্ত্র মাত্র বোধ করিয়া মনে মনে সে তাঁদের প্রতি বীতশ্রদ্ধ হইতে থাকে এবং সময় আসিলে ইহার সুদৃঢ় আদায় করিয়া ছাড়ে কিন্তু যে অববেচনা-বৃক্ষের এই কটু ফল, তাহার কথা মা-বাবা বিস্মৃত হইয়া যান, অথবা তাহা বৃদ্ধিতেও পারেন না। কিন্তু বিশ্বরাজ্যের বিচারসভায় যে প্রায়ের তুলানুগু টাকানো আছে, সেখানে তিলমাত্রও ফাঁকি চলে না, এষে একেবারেই অখণ্ডনীয় সত্য! টক আমের গাছ পুঁতিয়া কঁালী আমের আশা করিলে আশাহত হইতেই হইবে।

ছোট ছেলেদের মনস্তত্ত্ব সম্বন্ধে বিশেষভাবে আগ্রহ থাকা মা বাপের মুখ্য কার্য। তাঁদের প্রতি

এতটুকু শৈথিল্য দেওয়া চলে না, আবার অতি কাঠিন্যও সেইরূপ দোষাবহ। শৈশবাবস্থাতেই তাদের ধর্মশিক্ষার প্রতি বিশেষরূপ মনোনিবেশ করা অবশ্য প্রয়োজনীয়। নৈতিক শিক্ষার প্রতি প্রথম দৃষ্টি রাখাও বিশেষ আবশ্যিক। কর্তব্যজ্ঞান, আত্ম-মর্যাদা, স্বদেশপ্রেম, স্বজাতিপ্ৰীতি, স্বজাতিবৎসল্য যাহাতে শিশুচিত্তেই জন্মিতে পারে ও স্ফূর্ত হয় সেজন্য প্রাণপণ চেষ্টা করা আবশ্যিক। ভোরে উঠিয়া এবং শয়নের পূর্বে ঈশ্বরসম্বন্ধীয় এবং নীতিসম্বন্ধীয় সংস্কৃত শ্লোক আবৃত্তি করিতে অভ্যাস করান, মধ্যে মধ্যে তাঁহার অর্থ বুঝাইয়া দেওয়া, বাংলা ও ইংরাজী করিতা মুখস্থ করান উচিত, ইহাতে ধর্মজ্ঞান জাত ও স্মরণ শক্তির প্রসার হইবে। "গল্পচ্ছলে স্বদেশের ও বিদেশের মনোগ্রাহী ইতিহাস, পুরাণাদি শিক্ষাদান করা ভাল, ইহাতে শিয়ালের ও চিংড়ীমাছের মিথ্যাচরণ ও চাতুর্যময় কাহিনীর আলোচনা কম পড়ে এবং ইতিহাসাদির প্রতি অসুরাগ বর্দ্ধিত হয়। আর একটা জিনিস বাপমায়েরা প্রায়ই বড় ভুল করিয়া থাকেন। ছেলেয় ছেলেয় বিবাদ ঘটিলে কখন কখন সেটা তাহাদের অভিভাবকদিগের মধ্যেও শোচনীয়ভাবে বিস্তৃতিলাভ করিতে দেখা যায়। অথচ ছেলেদের ঝগড়ায় একটুখানি ষৈথ্য ধরিয়া দোষাত্মক সন্দানপূর্বক স্থবিচার করিয়া দিলে অতি সহজেই তাহা নিবৃত্ত হইয়া তাহাদের মধ্যে পূর্বসখ্য পুনঃ-সংস্থাপিত হইতে পারে। ছোটদের কোন কালকেই বড় করিয়া লইতে নাই, ইহা দ্বারা কলহ-প্রিয়তা ও দলাদলির অভ্যাস তৈয়ারি করিয়া দেওয়া হয়।

আর একটা জিনিস আমাদের সমাজের বড়ই কঠিন হইয়া আছে। আমাদের দেশে "রান্না বউ এনে দেবো পায়ে তেল দিতে।" "বেঁটে থাকুক চূড়া বাঁশী, কত শত মিলবে দাসী।" ইত্যাদি রূপ শৈশব-শিক্ষার ফল সর্বদাই বিষময় হইতে দেখা যায়। একতো বউ জিনিসটার প্রতি ছোট হইতেই

একটা প্রবল লোভ জাত হইয়া থাকে, দ্বিতীয়তঃ বউটা যে বরের পায়ে তেল দিবার দাসী; এবং তাহা যে চূড়া বাঁশী বজায় থাকিলেই শত শত সংখ্যায় পাওয়াও সম্ভব, এই উচ্ছ্বল স্বার্থান্ধ শিক্ষা শুধু নারী-মর্যাদারই নহে, পুরুষের আত্মমর্যাদারও অন্মাননাকর! এগুলি ছেলেভুলান, ছড়া হইতে উঠিয়া ধাওয়াই সম্ভব। আবার ঠাকুরমা দিদিমা শ্রেণীর লোকেরা একটা ফুটফুটে ছেলেমেয়ে দেখিলেই তাহাদের বরবধু সম্পর্ক পাতাইয়া দিয়া বসেন, সেই অদূরদর্শিতার ফলটা সর্বথা ভাল বলিয়া আমি মনে করি না। শিশুজীবনে ছেলেদের আশা, আকাঙ্ক্ষা, আগ্রহ সমস্তই উচ্চাভিমুখী করিয়া দেওয়া মা বাপের কর্তব্য। ভীষ্মের ত্যাগ, কর্ণ একলব্যের আত্মোন্নতি, অর্জুনের বীর্যবন্তা, পৃথীরাজ, প্রতাপসিংহ, প্রতাপাদিত্যাদির বীরত্ব-কাহিনী, শতমন্ত্য বাদল প্রভৃতির দেশের জন্ত আত্ম-ত্যাগ, ক্রব প্রহ্লাদ প্রভৃতির ভগবন্তুক্তি এই সকলই তাহাদের সম্মুখে আদর্শরূপে ধরিতে হইবে। কারণ বারবার বলিয়াছি এবং আবারও বলিব যে, শৈশব-শিক্ষাই প্রকৃত শিক্ষা, শৈশবের আদর্শই চির-জীবনের আদর্শ, শৈশবের আশয়ই চিরদিনের আশয়, শতবর্ষেও ইহার সম্পূর্ণ পরিবর্তন হয় না, কখনও তা হইতে পারে না। আর শিশুর সেই শৈশব-শিক্ষয়িত্রীই তাহাদের মা। অতএব, সুস্থ, সবল, সুদীর্ঘজীবী, স্ফূর্ত, শুভ্র যশমালা-বিভূষিত ও সৌভাগ্যবান সন্তানের সৃষ্টি করিতে, হইলে জননী-গণকে তাহাদের শরীর ও মানস-স্বাস্থ্য রক্ষা সম্বন্ধে উচ্চশিক্ষা লাভ ও তাহা কামনানোবাক্যে প্রতিপুলন করিতে প্রস্তুত হইতেই হইবে। এ। ভগ্ন আর দ্বিতীয় পক্ষ নাই। ইহার উপরেই আজ সমগ্র জাতির উন্নতি অবনতি, ইহার উপরেই আজ জাতির জীবন-মরণ সম্পূর্ণরূপে নির্ভর করিয়া রহিয়াছে।

( এডুকেশন গেজেট )

## প্রত্যাবৃত্ত

( উপন্যাস )

শ্রীমতী প্রত্যাবৃত্তী দেবী স্বরস্বতী ।

[ পূর্ব প্রকাশিতের পর ]

( ১৪ )

কোথা দিয়া কার্তিক-মাসটা যে ফুরাইয়া আসিল কে জানে। দিন যাইতেছে সকলেরই, কাহারও আনন্দে, কাহারও দুঃখে। হেমলতার আনন্দটা খুব বেশী, কারণ সেবিকাকে তিনি জ্বল করিতে পারিঙেছেন। সে যে নিজেই স্বামীর বিবাহ-প্রস্তাব বহন করিয়া তাঁহার নিকটে আসিয়াছিল তাহা তিনি ভুলিয়া গিয়াছেন। নতন বধু আসিলে তাহাকে তাঁহার গৃহিণীপনা দেখাইয়া বাধ্য করিবেন, সঙ্গে সঙ্গে সেবিকাকেও যে বিলক্ষণ জালা দেওয়া হইবে তাহাতে তাঁহার একটু সন্দেহ ছিল না।

অসীমের সুখও নাই দুঃখও নাই। সে এখন চাহিতেছে শান্তি। এমন একটা স্নেহমাখা বন্ধু সে চায় যাহার আড়ালে থাকিয়া সে একটা নিশ্বাস ফেলিয়া পাতলা হইয়া যাইতে পারে। সেবিকাকে সম্মুখে দেখিলে তাহার গাত্র কণ্টকিত হইয়া উঠে। বিষধর সর্প দেখিলে মানুষ যেমন সরিয়া যায়, সেও তেমনি সরিয়া যায়। তাহার কথা ভাবিলে সে জগতের সকল নারীর প্রতি শ্রদ্ধা হারাইয়া ফেলে। একবার ভাবে আর সংসার করিব না, আবার অন্যকে এই বলিয়া প্রবোধ দেয়—সকল নারীই তো একরূপ নয়।

আর সেবিকা? তাহার মুখে হাসি ধরিতেছে না। সে যে আপনার সর্বস্ব দিয়া স্বামীকে সুখী করিতে যাঁতেছে ইহাই তাহার বড় শান্তি। এই

গোলমালে সেদিন সন্নিহিত যে কেন ওরূপ ভাবে ছুটিয়া চলিয়া গেল তাঁহা জিজ্ঞাসা করিতেও ভুলিয়া গিয়াছিল।

আর বৃদ্ধ ললিতবাবু? তাঁহার কথা বলিয়া কাজ কি? হেমলতা প্রথম যেদিন জানাইলেন অসীমের বিবাহ দিতে হইবে সেই দিনই তিনি লাফাইয়া উঠিয়াছিলেন। হেমলতা স্বামীর হৃদয়-কথা জানিতে পারিয়া জলিয়া উঠিয়াছিলেন ও বলিয়াছিলেন—ছেলে নিজেই ইচ্ছা করিয়া বিবাহ করিতে চায়, বউয়েরও এতে কোন অমত নাই; সেই তো নিজে উন্মোগী হইয়া বিবাহ দিতেছে।

কথাটা ললিতবাবু বুঝিতে পারিলেন না। চিরকাল জানেন কোনও জীলোক সতীন সচ্ছ করিতে পারে না। এ অবস্থায় সেবিকা যে নিজে উন্মোগী হইয়া সতীন আনিতেছে তিনি ইহা বিশ্বাস করেন কি করিয়া?

কিন্তু অবশেষে তাঁহাকে বিশ্বাস করিতেই হইল। তিনি আশ্চর্য হইয়া দেখিলেন সেবিকা তাঁহার নিকটে আসিয়া হাসিমুখে বলিল, “বাবা, নতুন বউয়ের গহনা কিছু গড়ালেন না, মুখ দেখবেন কি দিয়ে?”

ললিতবাবু হা করিয়া তাহার মুখপানে চাহিলেন। দেখিলেন সে মুখ দিব্য প্রসন্ন, হাসিমাখা। তিনি উদ্বেগপূর্ণ কণ্ঠে বলিলেন “কোন ছি



তুমি নাকি নিজে অসীমের বিয়ে দিতে যাচ্ছ মা ? ছেলেমানুষ, তুমি এখনও বুঝতে পারছ না কি সর্বনাশ করতে যাচ্ছ ! কেন সংসারে অনর্থক একটা চিরবিবাদের সৃষ্টি করবে ? একে তো এক ঝগড়ায় পাগল করে তুলছে, আবার—”

বাধা দিয়া সেবিকা বলিল “আপনার সে ভয় কিছু করতে হবে না বাবা। যে আসবে সে যে আমারই বোন ! আমি তাকে ডেকে আনছি, আপনি ভাবছেন কেন ?”

ললিতবাবু একটা দীর্ঘনিঃশ্বাস ফেলিয়া বলিলেন “নিজের আয়গা ছেড়ে তুমি কোথা সরে গেলে মা ? লক্ষ্মীর আসনে কাকে বসচ্ছ ?” তাঁহার চোখে জল আসিল ! তিনি চোখ মুছিতে লাগিলেন ।

সেবিকার চোখের পাতা চক্‌চক্ করিয়া উঠিল, গলাটা ভারি হইয়া আসিল ; সে নাকি বড় চাপা মেয়ে, তাই তখন সেই ভাব সামলাইয়া বলিল “আপনার সব কথাতেই ভাবনা আসে। আমি কোথায় যাব বাবা ? আপনি যখন আমার মেয়ের মত ভালবাসেন, তখন আর কোথাও যাবার যো তো আমার নেই। থাক সে সব কথা, আপনি গহনা গড়াতে দিন। আর মাঝে কয়টা দিন বাকি আছে বই তো নয়। এর মধ্যে গহনা গড়ানো শেষ হবে তো বাবা ?”

ললিতবাবু স্তব্ধ হয়ে বলিলেন “আমার গহনা যাকে দেওয়া উচিত ছিল তাকে দিইছি। এখন যে গৃহিণী হয়ে বিয়ে দিয়ে আনবার আনন্দে অস্থির, তাকে বলগে যাও মা গহনার কথা। আমাকে আর জালিও না। আমি এ বিয়ের মধ্যে নই। বউমা বলতে আমি তোমাকেই জানব, নতুন যে আসবে তাকে চিনব মা।”

সেবিকা গোঁপনে চোখ মুছিতে মুছিতে চলিয়া গেল।

ললিতবাবু ব্যাপারটা ঠিকই বুঝিয়াছিলেন। তিনি অনিচ্ছাচেন অসীম বোটে ভ্রমণ করিতে গিয়া সেই মেয়েটাকে দেখিয়া আসিয়াছে। পুত্র ও

পুত্রবধুর ঝগড়ার কথা হিসাব করিয়া দেখিলেন ঠিক সেই সময়েই আরম্ভ। সেবিকাকে তিনি চিনিতেন। সে যেকতদূর নম্র, কিরূপে আপনার দীনতার মধ্যে আপনাকে সে লুকাইয়া রাখিতে চায় তাহাও তিনি জানিতেন। অসীম যে হেমলতার সহিত যুক্তি করিয়া আবার বিবাহ করিতে যাইতেছে ইহাতে তাঁহার সন্দেহ ছিল না। তিনি পুত্র ও স্ত্রীর উপর অত্যন্ত অসন্তুষ্ট হইয়া উঠিয়াছিলেন। তাঁহার হৃদয়ের সব স্নেহটুকু দিয়া তিনি নিরাশ্রয় পুত্রবধুকে ছাইয়া ফেলিতেছিলেন, উদ্দেশ্য যদি ইহাতে তিনি তাহাকে স্থখী করিতে পারেন।

গাত্রহরিদ্রার দিন তিনি বাহিরের ঘরে একাকী শুইয়া পড়িয়া অমৃতবাজারখানা দেখিতেছিলেন। চোখের উপর এত বাষ্প ঘনাইয়া উঠিয়াছিল যে তাহার মধ্য হইতে স্নান দেখা অত্যন্ত দুর্বল ছিল। আজ তিনি এ বিবাহ ব্যাপার হইতে একেবারে নির্লিপ্ত। কেহ তাঁহাকে ডাকেও নাই, তিনিও যান নাই।

আর সেদিন ?

যেদিন অসীমের প্রথম বিবাহের গাত্রহরিদ্রা হইয়াছিল, সেদিন আনন্দে তিনিই অর্ধেকের বেশী কাজ করিয়া ফেলিয়াছিলেন। তখন কোথায় ছিল হেমলতা, কোথায় ছিল তাহার কর্তৃত্ব ! তাহার পর ছাদশবর্ষীয়া কম্পিত-কলেবরা বালিকা সেবিকা যেদিন এ বাঁড়ীতে পদার্পণ করিল, সেদিন আগে তিনিই তাহাকে রক্ষা টানিয়া লইলেন। মৃত্যু কল্পার কথা মনে করিয়া তিনি সামান্ত বালকের স্তায় কাঁদিয়া বলিয়াছিলেন “আজ ইতে তুমি আমার স্নাতা মা। তোর সেবিকা নাম আমার সংসারের মধ্যে সূত্রক কর। লক্ষ্মীরূপে আমার শূন্য ঘরখানা আবার উজ্জল করে তোল।”

তিনি নিজে পছন্দ করিয়া গহনা আনিয়া নিজের হাতে তাহার পা হইতে মাথা পর্যন্ত সাজাইয়া ছিলেন। আজ আবার তিনি আর একজনের জন্য গহনা গড়াইতে বাইবেন ? তাঁহার হৃদয় পূর্ণ



করিয়াছে মাতৃরূপে সেবিকা, আর কাহারও সেখানে স্থান নাই ।

দাসী আসিয়া বলিল “মা. ভাকছেন ছোট-বাবুকে আশীর্বাদ করবার জন্তে ।”

চমকাইয়া উঠিয়া চোখের দুই পাশ দিয়া প্রবহমান জলের ধারা মুছিয়া ললিতবাবু অমৃত-বাজারে দৃষ্টি স্তম্ভ করিয়া বলিলেন “বলগে আশীর্বাদ আমি এখান হতেই করেছি ।”

সে চলিয়া গেল ।

একটু পরেই হেমলতা খোলা দরজার উপর আসিয়া দাঁড়াইলেন । ঘোষোদীপ্ত কর্তে বলিলেন, “তোমার মনের ভাবটা কি আমি জানতে চাই । এমন ছাড়া ছাড়া কথা শিখেছ কোথা ? আশীর্বাদ করবেন ছেলেকে, যেন আমার মাথাই কিনে নেন । এই যে একটা বিয়ের কাজ, এ কি আমার মত মেয়েমানুষের কামতায় কুলায় ? পুরুষমানুষ হয়ে বসে আছ চুপ করে, একটু লজ্জা করে না ? বিয়ে তো তোমারই ছেলের, আমার কি ? আমি সংমুখ বইতো নই । আমারই ঝা এমনি কি মাথা ব্যথা পড়েছে যে ঝেটে মরছি ?”

ললিতবাবু পত্রিকাখানা পাশে ফেলিয়া উঠিয়া বসিলেন । বলিলেন “আমার ছেলের বিয়ে তো একবার হয়ে গেছে ।”

হেমলতা একটু খামিয়া উত্তরটা খুঁজিয়া বাহির করিয়া বলিলেন “তা হলে তুমি বলতে চাও অসীম এখন তোমার ছেলে নয় আমার ছেলে ? অসীমের উপরে তোমার যে সন্ত সেটা তুমি ত্যাগ করছ ? যে বুউ আসবে, তার সঙ্গে তোমার কোনও সম্পর্ক নেই তা হলে ?”

ললিতবাবু জীর মুখের উপর অবিচলিত দৃষ্টি স্তম্ভ করিয়া বলিলেন “না। আমি তাকে আমার ছেলে বলতে পারতুম যদি সে তার কর্তব্য ঠিক পালন করত । যে একটা মেয়ের যাবজ্জীবনের সুখ-দুঃখের তার গ্রহণ করে তারপরে তাকে ভাসিয়ে দেয়, ত্যাগ করে, তার সঙ্গে আমার সম্পর্ক কি ?

সে যদি আমার মতে চলত আমি তাকে ফিরাতে পারতুম ; কিন্তু এমন নিমকহারাম ছেলে সে, আমি যে এখনও বর্তমান আছি, আমার মত নেওয়াও যে তার দবুকার, তা সে ভুলে গেছে । যাও তুমি, তোমার ছেলের বিয়ে দিয়ে পুত্রবধু ঘরে তোল গুে, আমায় আর বিরক্ত করতে এসো না ।”

দুটি চক্ষে আগুণ বর্ষণ করিয়া হেমলতা দ্রুতপদে চলিয়া গেলেন । অসীমকে ললিতবাবুর সব কথা বলিয়া দিলেন । পিতার নিষ্ঠুর কথা শুনিয়া অসীমও নিষ্ঠুর হইয়া উঠিল । যত রাগ পড়িল নিরুপরাধী সেবিকার উপর । সেই তো কোথা হইতে উড়িয়া আসিয়া তাহার পিতৃস্নেহ সম্পূর্ণ অধিকার করিয়া বসিয়াছে !

দুপুরবেলা আহাৰাদির পর ললিতবাবু বাহিরের ঘরেই একটু ঘুমাইবার উত্তোগ করিতেছিলেন । আজ নিজের গৃহে যাইবার তাঁহার ইচ্ছা ছিল না । সুবেমাত্র চক্ষু দুইটা একটু বুজিয়া আসিতেছে, সেই সময় অসীম প্রবেশ করিল । পিতার নিদ্রিতভাব দেখিয়া সে দাঁড়াইয়া ভাবিল আগাইবে কিনা । সেই সময় ললিতবাবু চাহিলেন । অসীমকে দেখিয়া তাঁহার ক্র একটু কুঞ্চিত হইল । তিনি বলিলেন “কি ?”

অসীম বলিল “একটা কথা আছে ।”

ললিতবাবু উঠিয়া বসিয়া বলিলেন “বল শোনা যাক ।”

অসীম তাঁহার বিছানার চাদরখানা যে স্থানে কুঞ্চিত হইয়া গিয়াছিল, তাহা টানিয়া ঠিক করিয়া দিতে দিতে বলিল “আপনার পুত্রবধুর চরিত্র সম্বন্ধে আমি কয়েকটা কথা বলতে চাই ।”

ললিতবাবু গম্ভীরভাবে বলিলেন “বল ।”

অসীম বলিল “আপনি ভাবছেন কেন আমি তাকে ত্যাগ করে বিয়ে করিতে যাচ্ছি ? আমি তাকে বিশ্বাস করতে পারিনি বলেই তাকে ত্যাগ করেছি । আমি তাকে সন্দেহ করি । সন্দিগ্ধ তাকে—”

স্বপ্নার স্বরে ললিতবাবু বলিলেন “যথেষ্ট। এ কথাটা একদিন তোমার মার মুখেও শুনেছি বটে। তোমরা যে ভিতরে ভিতরে একটা গোল বাধিয়ে বসেছ তা আমি বিলক্ষণ জানছি। সতী সাধী বউমা, তাঁর চরিত্রে যখন তোমরা সন্দেহ করতে পেরেছ, তখন তোমরা না পার কি? আমার গলাতেও তো ছুরিখানা বসিয়ে দিতে পার। সরিত যে কেন আসেনা এর কারণ আমি এখন জানতে পারলুম। সরিতের মত অকৃত্রিম বন্ধু তুমি পাবে কোথায়? ছিঃ ছিঃ ছিঃ, যেসব মাথা এমন অসত্য কল্পনা করতে পারে—তারা জগতের বাইরে চলে যাক, জগতে তারা যেন আর মুখ না দেখায়।”

অসীম উত্তেজিতভাবে কি বলিতে গেল। ললিতবাবু হাত তুলিয়া বলিলেন “চূপ কর, আর অনর্থক কথা বলে আমাদেরও অঙ্কবিশ্বাসের মধ্যে

ডুবাতে চেষ্টা করোনা। তোমার চেয়েও আমি বউমাকে ভাল করেই চিনেছি। তার মধ্যে যা আছে অল্প মেয়ের মধ্যে তা পাবে না। তুমি যে নিজে কিছু করতে না পেরে ছোটলোকের মত এখন আমার সহায়তা নিতে এসেছ, এতে আমি বাস্তবিক বড় দুঃখিত হয়েছি। তোমাকে আর কিছু আমার বলবার নেই, তুমি যাও। আমার ছেলের উপযুক্ত খুব কাজ করতে পেরেছ তুমি—এই আমার যথেষ্ট।”

তিনি পাশ ফিরিয়া গুলিলেন। অসীম চূপ করিয়া খানিক বসিয়া রহিল। তখন তাহার এত রাগ হইতেছিল যে সেবিকা যদি তাহার সম্মুখে আসিত, সে তখন তাহাকে হত্যা করিত।

নিষ্ফল ক্রোধে গর্জন করিতে করিতে সে বাহির হইয়া গেল। (ক্রমশঃ)

## সন্ধ্যাতারা

### শ্রীবিভূতিভূষণ মুখোপাধ্যায় ।

পশ্চিমের প্রান্তদেশে মুছে গেলে মেঘের লালিমা  
সুক দিনশেষে ; যবে ফুটে উঠে অফুট নীলিমা ।  
সন্ধ্যার ধূসর সাজে ; তুমি এস সঙ্কচিত পায়ে  
আলি সন্ধ্যাদীপখানি, ধীরে নামি আকাশের গায়ে ।  
সন্ধ্যাবধু তুমি ;—তব লাজনর্ত গুণনের তলে  
হিমস্নিগ্ধ রূপশিখা দীপ্ত হয়ে থেকে থেকে জলে ।  
প্রিয় গেছে দূরে ; তাই পল্লীবধু, বিরহ-বার্থার  
সারা দীর্ঘ দিনমান ষাপিয়াছে তারি প্রতীকায়  
নানা গৃহকাজে, তার এখন যে গৃহে আসিবার  
হয়েছে সময় ; তাই হীপ-দেওয়া ছলে অনিবার  
বিধায় অড়িত পদে কপ্ত-বন্ধে গৃহদ্বারে আসে ;

পথিক-প্রিয়কে তার ডাকে শব্দ মিলন-উল্লাসে ;  
প্রাঙ্গণে প্রান্তরে ধ্বনি মরে ঘুরে । স্কুর পথ বাহি  
দূর মাঠে কোন্ চাঁষা অপূর্ণ কাজের পানে চাহি  
ফিরিভেছে প্রান্তদেহে অবসন্ন দিবসের শেষে  
তার শান্ত গৃহ-পানে, সন্ধ্যার সমীরে আসে ভেসে  
নিতান্ত সহজ স্বরে তার গান ; ছন্দ লয় তান  
কিছু নাই হোক তবু সেই তব আবাহন গান !  
বিশ্বের চলার গতি পথভুলে মুহূর্তে নিঃশেষে  
বন্ধ হয়ে যায় ; কোন্ স্বর্ণমায়া স্বপনের দেশে  
তোমার ও আলোজ্যোতিঃ লয়ে যায় মোর হাত ধরে !  
সৌন্দর্য্য সম্পদে মোর ক্ষুদ্র চিত্ত উঠে যে গো ভবে ।

# মনোমোহনে পাষণী

শ্রীশ্যামলাল গোস্বামী ।

আমি বসিয়া বসিয়া কেবল ভাবি দেশটা হইল কি! গান্ধী-তিলকের সাধনাপুত্র ভারত-ভূমি কি চরিত্রবলে এখনও বলীয়ান হইবে না? এই যে চারিদিকে রঙ্গালয় নামধারী কতকগুলি গণিকালয় দেশের স্বরূচির মস্তকে বজ্রাঘাত করিতেছে এ গুলি কি কখনো বন্ধ হইবে না? যতদিন থিয়েটারগুলিতে কতকগুলি অশিক্ষিত, অর্ধশিক্ষিত, বারবাণিতা-সেবী লোক অভিনয় করিত ততদিন থিয়েটারের নাম লেখনীর মুখে অঙ্কিত করিতে সঙ্কোচ বোধ করিতাম, কিন্তু এখন যখন বিশ্ববিদ্যালয়ের তথাকথিত উপাধি-ধারীরা পর্য্যস্ত রঙ্গালয়ে অবতীর্ণ হইয়াছেন তখন ইহাকে নিতান্ত অবজ্ঞাভরে উড়াইয়া দিতে পারি না।

এত কথা কেন বলিতেছি তাহা বলিব কি? কিছু দিন হইতে কলিকাতার মনোমোহন রঙ্গালয়ে স্বর্গীয় বিজ্ঞানস্বামী রায়ের "পাষণী" নামক একখানি নাটকের অভিনয় হইতেছে। এই মনোমোহন থিয়েটারের যিনি বর্তমান অধিকারী, প্রধান অভিনেতা ও নট তিনি নিতান্ত কেউকেটা নন। তাঁহার নাম শিশিরকুমার ভাট্টা। তিনি কলিকাতা বিশ্ববিদ্যালয়ের একজন এম.এ, কিছু দিন প্রফেসরীও করিয়াছেন। কিন্তু প্রফেসরী করিলে কি হয়? অন্তঃসলিলা ফস্তুর মত গান-বাজনার সখটি তাঁহার প্রাণে বরাবরই ছিল, তাই one fine morning তিনি শিকল কাটিয়া একেবারে থিয়েটার-রূপ কুণ্ডলনে উড়িয়া গেলেন। তাঁহারই অধিনায়কত্বে এখন পুরা উচ্চমে বিজ্ঞানস্বামীর "পাষণী" নাটকের অভিনয় হইতেছে।

বিজ্ঞানস্বামী বিলাতফেরত ছিলেন ইহা অনেকে

জানেন। বিলাত হইতে কৃষিতত্ত্ব বিষয়ক গ্রন্থরাশি গলাধঃকরণ করিয়া আসিয়াই তিনি নাটক লিখিতে প্রবৃত্ত হন, তাঁহার কৃষিবিষয়ক কোন প্রতিভাই দেশে পায় নাই। তিনি "মেবার পতন", "রাণা প্রতাপ", "সাজাহান" প্রভৃতি কয়েকখানা নাটক লিখিয়া স্বদেশীযুগে দেশে মুসলমানবিদ্বেষের হলাহল উদগারণ করিয়া যুবকমহলে বড়ই বাহবা পান। "পাষণী" এই বিজ্ঞানস্বামীর "লরেন্স-প্রতিমূর্তি!"

১৩০৭ সালে বিজ্ঞানস্বামী পাষণী নাটক লেখেন, তদবধি এই ২৪ বৎসর যাবত এই জঘন্য নাটককে কোন থিয়েটারই আমল দেন নাই। কিন্তু দুপয়সা আয়ের লোভেই হোক অথবা রুচিবিকৃতির জন্তই হোক মনোমোহনে এই পাষণীর অভিনয় পূর্ণোচ্চমে চলিতেছে। এই পাষণী অভিনয় যাহারা দেখিয়াছেন তাঁহারা একথা একবাক্যে স্বীকার করিবেন যে, রঙ্গালয়ের দ্বারা লোকশিক্ষা দেওয়ার সদিচ্ছা যাহাদের মনে বিন্দুবিসর্গ আছে—অহল্যা, দ্রৌপদী, কুস্তী, তারা, মন্দোদরীর নাম যাহারা ভক্তিতরে কোনদিন জীবনে একবারও উচ্চারণ করিয়াছেন, তাঁহারা কোনমতে এরূপ নাটকের অভিনয় করিতে পারেন না।

পাষণী কে?

পাষণী গৌতম-পত্নী পুণ্যস্নোঁকা অহল্যা, পাষণী সতী-কুল-শিরোমণি অহল্যা, যাহার নাম প্রতিদিন উষাকালে গাজোখানের পূর্বে প্রত্যেক হিন্দু নরনারী উচ্চারণ করিয়া থাকেন। এই পাষণীকে নাট্যকার একটি বারাজনারও অধম করিয়া অঙ্কিত করিয়াছেন। যে অহল্যার নাম সহস্র সহস্র হিন্দু ভক্তিতরে উচ্চারণ করে সেই

অহল্যাকে মনোমোহনে গেলে দেখা যায় পাষাণী সতী, সাধনী, স্নেহপরায়ণা অহল্যা নহে, তিনি ইন্দিয়লালসায় উন্মাদিনী একটি গণিকা। গণিকারও লঙ্কাসরম আছে, কিন্তু পাষাণীর লেখক অহল্যা-চরিত্রে একটুও লাজলঙ্কার সমবেশ করেন নাই। অহল্যা আশ্রমের বহির্ভাগে দাঁড়াইয়া সতত পরপুরুষের সঙ্কানে চকিত নয়নে দাঁড়াইয়া আছেন পাষাণী-চরিত্রে এইটুকু ফুটাইয়া তোলা হইয়াছে। আর মর্ত্ত-ধামবাসী যে স্বর্গবাসের কামনা অহঃরহঃ করে, সেই স্বর্গধাম একটা মদের ভাঁটি, সেখানকার রাজা ইন্দ্র সর্বদা অগ্নি, বক্রণ, অরুণ প্রভৃতি দেবতাদের সাহায্যে কোথায় কার ভাল সুন্দরী জী আছে তাহার অনুসন্ধান করিতেছেন। পাষাণী চরিত্রে ইন্দের লাম্পট্য ফুটাইয়া তোলা হইয়াছে। বলিহারি আর্ট! ইহারই নাম না কি আর্ট?

যাহারা মা ভয়ী ছহিতা কিংবা স্ত্রীফে লইয়া মনোমোহনে পাষাণী দেখিতে যান তাঁহারা “পাষাণী” অভিনয় দেখিয়া কি ভাব হৃদয়ে পোষণ করিয়া ফিরিয়া আসেন তাহা মহজেই অসুখে। এই সব থিয়েটারগুলোকে কেন দেশের লোক প্রশ্রয় দেয় তাহা আমাদের কল্পনারও ধারণার অর্থাৎ।

আমরা পাষাণীর অভিনয় দেখিতে গিয়াছিলাম, গিয়া দেখিলাম—প্রথম দৃশ্যেই স্বর্গরাজ্যে দেবরাজ ইন্দ্র বসিয়া আছেন, তাঁহার চারিদিকে বক্রণ, পবন, হতাশন, চন্দ্র প্রভৃতি পাত্রমিত্রগণ। ইন্দ্র মুহুমূর্ত্ত মদপান করিতেছেন। অস্ত্রাস্ত্র দেবতারাও ইন্দের সহিত মদপানে নিরত, ইন্দের চারিদিকে যুবতীগণ নিতম্ব, দুগাইয়া নানা প্রকার ভঙ্গীতে নৃত্য করিতেছে, আর অপ্সরার রূপসুধা-পানোত্তম ইন্দ্র সেই লাস্ত্রময়ী যুবতীগণের পানে সতৃষ্ণনহনে তাকাইয়া নানা প্রকার অঙ্গভঙ্গী করিতেছেন! উর্কশী, মেনকা, রত্না প্রভৃতি ইন্দের সেবাদাসীগণ নিতান্ত “পুরাতন” হইয়া গিয়াছে, এখন মুখ-রোচক একটা, দুইটা নূতন চাই, দেবতাগণের সহিত সেই সভায় ইন্দ্র এই পরামর্শ করিতেছেন।

ধিক নাট্যকার তোমাকে! ধিক শিশিরকুমার তোমাকে! যে স্বর্গসুখ ভোগের জন্য, যে স্বর্গের অমরতা থাকের জন্য পরলোক-বিশ্বাসী হিন্দু ইহজীবনে কত না কঠোর তপঃ, তপঃ, দান, যজ্ঞ, ব্রত, আরাধনা, পূজা, বন্দনা করে, সেই স্বর্গের দৃশ্য এইরূপ দারকীয়ভাবে অঙ্কিত করিতে তোমাদের কি একটুও সঙ্কোচ বোধ হইল না? তুমি শিশিরকুমার একদিন না লোকশিক্ষার মহাত্মত লইয়া শিক্ষকতা করিয়াছিলে? বিশ্ব-বিদ্যালয়ের কর্তৃপক্ষ কেন এখনও তোমার “এম্ এ” উপাধি ব্যবহার করিবার অধিকার দিয়া উপাধির মর্যাদা নষ্ট করিতেছেন?

মূল পুস্তকে উপরোক্ত দৃশ্যটি প্রথম অঙ্কের সপ্তম দৃশ্য। কিন্তু শিশিরকুমারের দল দর্শকগণকে প্রথমেই একটা আকর্ষণীয় কিছু (Attractive something) দিবার জন্য এই দৃশ্যটি অভিনয়ের প্রথমেই স্থান দিয়াছেন। তারপর দ্বিতীয় দৃশ্যের কথা বলা যাউক। মহর্ষি গৌতম আশ্রমে নাই, তাঁহার পত্নী অহল্যা প্রদোষকালে আশ্রমের পথে দাঁড়াইয়া আছেন। দূরে একজন সুন্দর, সুঠাম, সুদর্শন যুবাকে দেখিয়া তিনি তাঁহাকে ডাকিয়া বলিলেন,—আজ আমার আশ্রমে থাকিয়া যাও। তাপসবেণী ইন্দ্র বলিলেন,—না। তোমার আশ্রমে বাইব না। তখন অহল্যা বলিলেন,—তা যাই,তাই হইবে, তুমি আমার প্রাণেশ্বর, আমার জীবন-মন-প্রাণ যা কিছু তা তোমাকেই সমর্পণ ক’রেছি। এই বলিয়া অহল্যা একেবারে হিড়্ হিড়্ করিয়া ইন্দের হাত ধরিয়া টানিয়া আশ্রমের মধ্যে প্রবেশ করিলেন।

পাঠকগণ ব্যাপারটি একবার বুঝুন। একজন আগন্তুক, অপরিচিত যুবককে “প্রাণেশ্বর” বলিয়া সম্বোধন নিতান্ত বাজারের গণিকাত্যেও করে কিনা সন্দেহ! অভিনেতাগণ ত অনেক অভিনেত্রীর সহিত সর্বদা মিশিবার সুযোগ পান, কিন্তু কোন অভিনেত্রী কি এই ভাবে কাহাকেও হিড়্



হিড়্ করিয়া টানিয়া লইয়া গিয়াছে? এইভাবে হিন্দুর একজন আরাধ্যা মহিলার চরিত্র বাহারা চিত্রিত করে তাহাদের পৃষ্ঠে উপর্যুপরি Half the profit এর ধীবরের যোগ্য চাবুক লাগাইলেও বোধ হয় গায়ের ঝাল যায় না।

তারপর আরও মজা দেখুন। ইন্দ্র ত অহল্যাকে লইয়া সেই তপোবনে কিছুদিন থাকিয়া, মনের স্বখে দৈহিক সম্ভোগ করিলেন, কিন্তু অহল্যার তাহাতেও তৃপ্তি হইল না। অহল্যা ইন্দ্রের সহিত একেবারে তপোবন ছাড়িয়া যাইতে সঙ্কল্প করিলেন। যেমন সঙ্কল্প অমনি তাহা কাণ্ডে পরিণতি। তাঁহারা নিশাশেষে দুইজনে আশ্রম ছাড়িয়া যাইবার উপক্রম করিতেছেন, এমন সময় অহল্যার পুত্র “শতানন্দ” “মা” “মা” বলিয়া কাঁদিয়া উঠিল। স্বখের পথের কণ্টক বলিয়া অহল্যা তৎক্ষণাৎ ইন্দ্রের আদেশে শতানন্দের গলা টিপিয়া মারিলেন। কিন্তু শতানন্দ দৈবক্রমে একেবারে মরিল না। পরে আবার বাঁচিয়া উঠিয়াছিল। কিন্তু জিজ্ঞাসা করি,—ওগো বিশ্বকবির প্রিয় শিষ্যেরা, এই অহল্যা দেখাইবার জন্তই কি তোমরা দেশের ভদ্র মহিলাগণকে পূর্বাঙ্কেই সিট্ রিজার্ভ করিতে অস্বরোধ কর? এ কি গৌতম-পত্নী অহল্যা—না, কোন পিশাচিনী মায়াবিনী রাক্ষসী? তারপর ‘তৃতীয় অঙ্কের তৃতীয় দৃশ্য’ দেখুন। অহল্যা ইন্দ্রের সহিত তপোবন ছাড়িয়া একেবারে কৈলাস পর্বতে গিয়া বসিয়াছেন। স্বামী-স্ত্রীর মত ইন্দ্র ও অহল্যা বসিয়াছেন, রতি ও মদন নাচিয়া নাচিয়া গান করিতেছেন। অহল্যা প্রথমে সে গান শুনিতেছিলেন আর এক এক গ্লাস মদ্য পান করিতেছিলেন। এবার আর থাকিতে পারিলেন না। নেশায় ঢুলু ঢুলু আঁখি লইয়া অহল্যা নিজেরই উদ্ভিয়া রতি ও মদনের সহিত নাচিয়া নাচিয়া গান ধরিয়া দিলেন। থিয়েটারে যখন এই দৃশ্যটি দেখিতেছিলাম তখন মনে মনে ভাবিতে-ছিলাম বাহারা পুণ্যলোকা অহল্যাকে লইয়া এই প্রকার “জ্যাকামো” আরম্ভ করিয়াছে, তাহারা হিন্দু,

না অস্ত কিছু! হিন্দু হইয়া হিন্দুর, আরাধ্য দেবীকে লইয়া কেহ ত এইপ্রকার “জ্যাকামো” করিতে পারে না? ইহারা কি কোন দিন সতী সাধ্বী নারী-রত্নের মহিমা দেখিবার অবকাশ জীবনে পায় নাই?

তারপর আরও মজা দেখুন। কৈলাস পর্বতে থাকিয়া ইন্দ্রের সহিত অহল্যা ত ইন্দ্রিয়লিপ্সার চূড়ান্ত চরিতার্থ করিয়া ছাড়িলেন। ইন্দ্র অহল্যাকে ছাড়িয়া স্বর্গে প্রত্যাবর্তন করিলেন, কিন্তু অহল্যা কিছুতেই তাঁহাকে যাইতে দিবেন না। ইন্দ্র কিছুতেই অহল্যার কথা শুনিলেন না। তখন অহল্যা একখানা তীক্ষ্ণ ছুরিকা ইন্দ্রের বক্ষে বিধাইয়া দিলেন, ইন্দ্র মরিয়া গেলেন। দ্বিজেন্দ্রলালের মূল পুস্তকে কিন্তু আছে ইন্দ্রের পৃষ্ঠে ছুরিকাঘাত করিবাগাত ইন্দ্র ভূতলে পড়িয়া গেলেন, আর অহল্যা ‘অট্টহাস্ত’ করিতে করিতে পাগলিনীর মত চলিয়া গেলেন। এটি হইল তৃতীয় অঙ্কের পঞ্চম দৃশ্য! এই দৃশ্যে অভিনেতার খোদার উপর খোদ কারি অর্থাৎ লেখকের উপরও এককাঠি বাড়িয়াছেন! কেননা দ্বিজেন্দ্রলাল ইন্দ্রকে একেবারে প্রাণে মারেন নাই, আর সবজাস্তা অভিনেতার অমর ইন্দ্রকে মারিয়া ফেলিয়া একেবারে ‘পপাত ধরণীতলে’ করিয়াছেন। বাস! ইন্দ্রের উপস্থিতি এইখানেই শেষ। তারপর নাটকের বাকী অংশে কৃত্যুপি ইন্দ্রের নামগন্ধও নাই। আমরা জানিতাম স্বরপতি ইন্দ্র অমর, কিন্তু মনোমোহনের “আডডায়” পড়িয়া ইন্দ্র বেচারী প্রাণ হারাইয়াছেন। সাধে কি বার-কবি বলিয়াছেন “পড়িয়া ভেড়ার শৃঙ্গে ভাঙে রে হীরার ধার।” তোমাদের পাল্লায় পড়িয়া শেষে স্বর্গগর্ত দ্বিজেন্দ্রলালের মুখে পর্যাঙ্ক চূণ কালি পড়িয়াছে।

আমরা বাঙ্গালীর ‘রামায়ণে’ পড়িয়াছিলাম, মহর্ষি গৌতমের পত্নী অহল্যা অতি সতী, সাধ্বী, পুণ্যশীলা, পতিপরায়ণা তপস্বিনী ছিলেন। একদিন গৌতমের অসুস্থতাকালে ‘স্বর্গাধিপতি’ ইন্দ্র



গৌতমের ছদ্মবেশ ধারণ করিয়া অহল্যার সতীত্ব নাশ করেন। গৌতম ইহা জানিতে পারিয়া অহল্যাকে শাপ দেন—“যদিও তুমি অজ্ঞাতভাবে এই পাপ করিয়াছ তথাচ পরপুরুষ সংস্পর্শের জন্য তুমি পাষণী হইয়া থাকিবে তারপর শ্রীরামচন্দ্রের পদস্পর্শে তোমার মুক্তি হইবে।” কাষ্যতও রামচন্দ্রের পদস্পর্শে পাষণী অহল্যার মুক্তি হইয়াছিল, ইহা ষাঁহার রামায়ণ পাঠ করিয়াছেন তাঁহারা জানেন। রামায়ণের অহল্যা শাস্তমতি, সংযতেশ্রিয়া, ব্রহ্মচারিণী, তপস্বিনী, মাতৃত্বের চরমবিকাশ, আর ষিজেঞ্জুলালের অহল্যা কাম-পীড়িতা, মদনমথিতা, কুলটা, ব্যাভিচারিণী, পিশাচিনী, রাক্ষসী! মনোমোহনের কর্তৃপক্ষ নিজেদের অভিনয় লোকের দৃষ্টি আকর্ষণ করিবার জন্য অহল্যা-চরিত্রকে মূল পুস্তক অপেক্ষা আরও জঘন্য করিয়া তুলিয়াছেন। অহল্যাকে অভিশাপ দেওয়ার পর অহল্যা পাষণ হইয়া গেল, ইহাই আমরা এতদিন জানিতাম। কিন্তু মনোমোহনের “একটা নূতন কিছু করর” দল শুধু অহল্যাকে মারেন নাই, “সঙ্গে সঙ্গে অমন মহর্ষি গৌতমকেও মারিয়াছেন! অর্থাৎ ইন্দ্রের নিকট হইতে প্রত্যাখ্যাত হইয়া আসিবার পর অহল্যাকে গৌতম আলিঙ্গন করিতে গেলেন, আলিঙ্গন করিতে যাইবামাত্র অহল্যা মাটিতে পড়িয়া গেলেন, সেই পতনেই তাঁহার মৃত্যু হইল। রামচন্দ্র যে অহল্যাকে উদ্ধার করিয়াছিলেন, ধিয়েটারের বাবুদের মতে তাহা প্রকৃষ্ট, তাই তাঁহারা অহল্যাকে একেবারে মারিয়াই ফেলিয়াছেন। কিন্তু বাবু হে, অহল্যাকে ত তোমরা মারিলে; কিন্তু সঙ্গে সঙ্গে গৌতম বেচারীকে লোকসমক্ষে একটা কামুক, স্বেগ করিয়া বিচিত্র করিলে কেন? “

রামায়ণের উত্তরকাণ্ডে আছে, ইন্দ্র অহল্যাকে ধর্ষিত করিয়া চলিয়া যাঁইবার পর অহল্যা নিজেই গৌতমের সমীপে উপস্থিত হইয়া বলিয়াছিলেন—“অজ্ঞানাদ্ ধর্ষিতা রিপ্রতক্রপেণ দিবৌকসা। ন-কামকারাধিপ্রর্ষে প্রসাদং কর্তুমর্হসি” অর্থাৎ হে

বিপ্র গৌতম! ইন্দ্র তোমারই রূপ ধরিয়া আসিয়াছিল, তাই আমি তাহাকে চিনিতে পারি নাই, সেই অবস্থাতেই সে আমাকে ধর্ষণ করিয়া গিয়াছে, আমি কাষ্যভিলাষিণী হইয়া একরূপ করি নাই। অতএব তুমি আমার প্রতি প্রসন্ন হও।” অহল্যার এই উক্তি কি তাঁহার সতীত্বের অজ্ঞান্যমান দৃষ্টান্ত নহে? অহল্যা যদি অসতী হইবেন, তবে সর্কাস্তর্ঘ্যামী ভগবান শ্রীরামচন্দ্র অহল্যার পাদবন্দনা করিয়া ধন্য হইবেন কেন? মহর্ষি বাস্কীকি লিখিতেছেন, “রাঘবৌ তু তদা তশ্চাঃ পাদৌ জগৃহ-তুর্শদা” অর্থাৎ শ্রীরাম এবং লক্ষণ উভয়েই প্রীতি-পূর্বক সেই সাধ্বী ঋষিপত্নী অহল্যার চরণ বন্দনা করিলেন। ভগবান রামচন্দ্র ষাঁহাকে সতীজ্ঞানে বন্দনা করিলেন, আজ মনোমোহনের পাল্লায় পড়িয়া সেই অহল্যা একটা নিতান্ত কামাভিলাষিণী বারনগিতায় পরিণত হইয়াছেন! তোমরা যখন বিলিতি শিক্ষা পাইয়া, বিলিতি সর্ভাতায় আচ্ছন্ন হইয়া, বিলিতি চশমা চোখে দিয়া স্বপ্নোখিত জীবের শ্রায় দেশের যাহা কিছু সকলই বিকৃত দেখিতেছ, তখন তোমাদের পক্ষে হিন্দুর রামায়ণ মহাভারত বর্ণিত কোন আখ্যায়িকা অবলম্বনে নাটকাদির অভিনয় করা কোন মতেই কর্তব্য নহে। জাতির অধঃপতন সূচিত হয় তখনই যখন জাতি আপন সমাজের যাহা কিছু বিকৃতভাবে দেখে। যীশুখ্রীষ্টের জননী মেরীর কুমারী অবস্থায় যীশুর জন্ম হইয়াছিল, কই কোন বিলিতি ধিয়েটার বা বায়স্কোপ ত সে চিত্র কখনও দেখায় না। কবি ষিজেঞ্জুলাল আজ স্বর্গগত, আজ যদি তিনি বাহুদেহে দেশে বিচরমাগ্ন থাকিতেন, তাহা হইলে বোধ হয় জাতীয় ধাগরণের এই গুত্বকণে, জাতীয় আদর্শের প্রতি প্রকা ভক্তি ও নিষ্ঠা প্রদর্শনের যুগে তাঁহার এই পাষণী নাটককে জনসমাজে উপস্থিত করিতে তিনি লঙ্ঘিত হইতেন। লর্ড লিটন যখন ভারতের নারীসমাজকে লক্ষ্য করিয়া হঠাৎ একটা আপত্তিজনক উক্তি করিয়াছিলেন তখন দেশময় একটা তীব্র আন্দোলন উঠিয়াছিল,

কিন্তু আজ কেন দেশের নেতৃবৃন্দ নীরব? কেন দেশবাসী হিন্দু জনসাধারণ তুষ্ণীভাবে রহিয়াছেন? পারে কি কেহ শিখ, খ্রীষ্টান কিংবা মুসলমানের ধর্মশাস্ত্র হইতে কোন চরিত্র লইয়া এইরূপ বিকৃতভাবে অভিনয় করিতে? নিশ্চয়ই পারে না। কেন পারে না? তাহারা যে মানুষ,—কাপুরুষ, ভেড়া তাহারা নয়। তাহাদের দেশাত্মবোধ আছে, তাহারা জানে যাহাদের নিজের ধর্মশাস্ত্র, নিজের পিতৃপুরুষ, নিজের প্রাচীন আচার, ব্যবহার, রীতি নীতি, বেশভূষা ও সভ্যতায় বিশ্বাস নাই তাহাদের স্বাদেশিকতা শুধু কবির কল্পনা। মনে আছে, লরেন্স ফষ্টারের চরিত্র দেখিয়া গবর্ণমেন্ট “চন্দ্রশেখরের” অভিনয় বন্ধ করিয়া দিয়াছিলেন, আওরঙ্গজেব চরিত্রের জন্য “রাজসিংহ” অভিনয় বন্ধ হইয়াছিল, অভিনীত হইবার পূর্বেই “মহম্মদ” নাটক বন্ধ হইয়াছিল, শিখদের আপত্তিতে “গুরু গোবিন্দ” অভিনয় বন্ধ হইয়াছিল, সিডিমনের বীজ অঙ্কুরিত থাকায় গিরিশ্চন্দ্রের “সিরাজুদ্দৌলা” বন্ধ হইয়াছিল? আর এর বেলা?

এর বেলা পাষণীর অভিনয় বন্ধ হইবে না কেন? কেন এখনও হিন্দুসন্তান তাহাদের মা-ভগ্নীদের লইয়া এইরূপ গণিকার নাচানাচি দেখিতে ছুটিতেছেন? কেন দেশে এই পাষণীর অভিনয় বন্ধ করিবার জন্য ফুয়ুল আন্দোলন উঠিতেছে না?

“থিয়েটার লোকশিক্ষার স্থান। গিরিশ্চন্দ্রের “বলিদান”, অমৃতলালের “বিবাহ-বিভ্রাট”, বিজয়লালের “বঙ্গনারী” এক সময়ে বাঙ্গালার রঙ্গমঞ্চে যুগান্তর আনয়ন করিয়াছিল। বাঙ্গালার সমাজ জীবন ও রাজনৈতিক জীবন গঠনে বাঙ্গালার থিয়েটার কম সহায়তা করে নাই। কিন্তু আজ কি হইতেছে? পেটকা-ওয়াল্টে” কতকগুলি লোক আজ সেই থিয়েটারগুলিকে এমন কদর্য স্থানে পরিণত করিয়াছে যে, তাহার নামোচ্চারণ করিতে ঘৃণা বোধ হয়। আর দেশের লোকেরও এমন কুপ্রবৃত্তি যে, তাহারা দলে দলে গিয়া এই সমস্ত কুপ্রবৃত্তিমূলক ব্যবসায়ের

প্রশ্রয় দেয়! কি হইবে দেশে অহিংসাবাদের প্রচার করিয়া? কি হইবে দেশে শিক্ষার বিস্তার করিয়া? কি হইবে দেশে স্বদেশী মন্ত্রের প্রচার করিয়া? দেশবাসীর মন হইতে যদি কুরুচির বীজ ধ্বংস না হইল, তবে বাহ্যিক লাফালাফি ও চীৎকারে লাভ কি? থিয়েটার বায়স্কোপে মুহূর্তকালের জগৎ গেলে বেশ বুঝা যায় যে আমরা মুখে যতই স্বাদেশিকতার বড়াই করি না কেন, দেশ চরিত্রবলের দিকে একটুও অগ্রসর হয় নাই।

পরিশেষে মনোমোহনের নাটক শিশিরকুমারকে অতি বন্ধুভাবে একটা কথা বলি। তিনি “সীতার” অভিনয় করিয়া দেশবাসীর যতটা সহানুভূতি পাইয়াছিলেন, এক রাত্রি “পাষণীর” অভিনয় করিয়া সে সহানুভূতি তিনি সমূলে হারাইয়াছেন। বিশ্ববিদ্যালয়ের একখানা বড় চাপরাস তাঁহার বৃকে আঁটা আছে, তিনি যেন সেই চাপরাসের মাহাত্ম্য আর ঈর্ষ না করেন! আঁটের দোহাই দিয়া যেন এই ভাবে দেশটাকে গোল্লায় না দেন! যদি কুরুচিসঙ্গত নাটকের অভিনয় করিতে তাঁহার মন না চায় তিনি অল্প পথ দেখিতে পারেন, কিন্তু হিন্দুসমাজের বৃকে দাঁড়াইয়া একরূপ হিন্দুর অনীনগণকে বেঞ্জা সাজাইলে তাঁহার অপরাধ হিন্দুসমাজ নীরবে সহ্য করিবে না।

পুলিশ কমিশনার মহাশয়কে আমরা অবিলম্বে এই নাটকের অভিনয় বন্ধ করিতে অনুরোধ করিতেছি। বেঙ্গল গবর্ণমেন্টকে আমরা অবিলম্বে এই নাটকখানি বাজেয়াপ্ত করিতে অনুরোধ করিতেছি। তাহাতে হিন্দুসমাজ তাহাদের উপর সন্তুষ্ট বই একটুও অসন্তুষ্ট হইবে না।

প্রাচীনকালেও এদেশে নাটকের অভিনয় হইয়াছে। ভবভূতি, কালিদাস, শ্রীহর্ষ প্রভৃতির নাটক এক একখানি বাঙ্গালীর জাতীয় সম্পদ রূপে পরিণত হইয়াছে। আর তোমাদের নাটকের বেলায় লোকে সম্মানজনী হাতে করিয়া “দূর” “দূর” করে কেন? তোমরা দেশের বিকৃত রুচিকে

আরও বিকৃত করিয়া তুলিতে চাও বলিয়া । কোথায় আজ এই পাশ্চাত্য সভ্যতার বিস্তৃতির দিনে তোমরা দেশের যুবকযুবতীগণকে প্রাচীন আদর্শে ফিরাইয়া আনিবার চেষ্টা করিবে, তাহা না করিয়া তোমরা সেই ইহকাল-সর্বস্ব সভ্যতা, রুচি ও প্রযুক্তির অগ্নিতে ইন্ধন যোগাইতেছ ! হাস্য লোকমাত্ৰ তিলক, হাস্য মহাত্মা গান্ধী, হাস্য দেশবন্ধু

দাশ, হাস্য দেশপূজ্য অশ্বিনীকুমার ! আজ তোমাদের সমস্ত যজ্ঞ পণ্ড করিল কর্তৃকগুলি কালাপাহাড়ের দল !

হিন্দু নরনারীগণের প্রতি আমাদের নিবেদন, তাঁহারা এ নাটকের অভিনয়ে যুগা প্রকাশ করুন, কেহ মা-ভয়ী-পত্নী-হুহিতা লইয়া এরূপ নাটকের অভিনয় দেখিয়া অভিনেতাগণকে প্রশংস্য দিবেন না ।

## উদয়-আলো

( বড় গল্প )

শ্রী দেবেন্দ্রনাথ বিশ্বাস ।

( গর্ত সংখ্যায় প্রকাশের পর )

.....আচ্ছা তার একটা উপমাও আমার চোখে পরে না ! আমি যাকেই তার পাশে রেখে বিচার কর্তে যাই তাকেই নিচে নামিয়ে ফেলি, আমার তার মত ত কাউকে পাই না । সে বলেছে আমি তার কত কালের বন্ধু । কত জন্ম এমনি করেই মিলে মিলে আসছি, ভবিষ্যতে এই জীবনের শেষে যেখানে যাব সেখানেও এমনি করেই মিলব । তা সবই সত্যি, তা না হলে এমনি ক'রে ভালবাসবে কেন ?.....

বিয়ের পর সে যেদিন আমায় নিয়ে গেল, যদিও সে বাড়ী আমার বড়ই চেনা, সেখানকার সবাই আমায় খুবই জানে, তবু কেমন একটা ভয় হতে লাগল । দেখানে কি ক'রে তাদের প্রথম অভিনন্দন নেব ?—সেখানে আগেই একপালা ঠাট্টা-বিজ্ঞপ অজস্র হবে দেখছি !.....

ফুলসজ্জার কথাটা মেয়েরা যে বেশী ক'রে মনে রাখে তা খুব ঠিক । সেদিন সে বলেছিল "তুমি যেমন

চেয়েছিলে তাই পেয়েছ কি-না ? আচ্ছা, আমায় এমন করে কেন চাইলে রাণী ? হয়ত খাওয়া-পরার কষ্টও পাবে, সেইটে আমি কি করে সহিব !" এখন মনে হয় এর চেয়ে বড় ভালবাসার কথা বুঝি আর হতে পারে না ।.....

.....সে কি হাত গুণতে জানত, না, মুখ দেখলেই সুব মনের কথা বুঝতে পারত ? তার কাছে 'রা' না কর্তেই 'রামের রাজ্যনাশ' পর্যন্ত সব বলে দিত । আমি কত আশা করে যে তাকে ভালবেসেছিলাম সে বুঝি সব জানত ! আচ্ছা ওরা এমন গোপন প্রাণের কথাগুলোও কি করে সব টের পায় ? তাতেই বলত "তোমার সমস্ত আশার মূলে আমি কুড়ুল মেরেছি, তোমার চোখে জল পর্কে তাও আমায় দেখতে হবে !" তখন তার সমস্ত কথার মানে কর্তে পারতাম না, এখন অনেকটা পারি । হলে কি হবে,—তাকে চিনে তাকে ভোগ করবার সময় বুঝি এ জীবনে আর হ'ল না ! ক'ত

অন্ডায় তার কাছে করেছি, একদিনের জন্মে সে একটু রাগ পর্যন্ত করেনি; তবে একটু-আধটু অভিমান সে কর্ত। তার অভিমান আমার বড় মিষ্টি বলে বোধ হত। তাকে সাধব, তার পায়ে মার্জনা ভিক্ষা চাইব,—এত অভিমানিনী আমি তাও আমার তা কেমন মধুর লাগত। অনেক সময় নিজেকে ইচ্ছে করেই তার অভিমান জাগিয়ে দিতাম, সে সব বুঝতে পার্ত, নিজের অভিমান নিয়ে ভেদেই আমায় বুকের কাছে টেনে নিত। জয় আমার হলেও কাজে জয়ী হত সে; আমার সে জয়ে একটুও আনন্দ হ'ত না।.....

তার কত বন্ধু বান্ধব—একি গুণে শেষ করা যায়? দলে দলে আসে আর আমায় অভিনন্দন দেয়। তা ফুলসজ্জার রাতে আমার সম্বন্ধিনাটা খুবই হয়েছিল। সব শেষে তার অভিনন্দন—সে একখানা তার ছোট ফোটো এনে আমায় দিলে, সেই তার প্রথম উপহার, দিয়ে বলে “এ ছাড়া তো আর আমার কিছু নেই রাণী, আমি যে বড় কাঁকাল! আমি আমাকেই তোমায় দিলাম, বল এই দানে তুমি সুখী হয়েছ,—একবার আমি তোমার মুখে শুনে নেই?” আমি যদিও তখন তেমন কিছুই বুঝতাম না, তবুও বুকখানা কেমন বড় হয়ে উঠত।.....

সে আমায় বলত—“আমার এই বিষম দুঃখকে নিয়ে আমায় কেউ চাইবে—এ আমি জানতাম না। তুমি তাও করেছ, তোমার ভালবাসা কতখানি তা আমি বুঝি, তবে তুমি আমায় ক্ষমা কোরো; যদি আমি কোনোদিন তেমন ভাল না বাসতে পারি তাহলে আমাকে দোষী ক'রোনা রাণী।” সে আমায় রাণী বলে ডাকত—সে কত মিষ্টি, এতদিন ত ছাড়া-ছাড়ি তবু যেন দিনরাত কাণের কাছে তাঁর সেই রাণী ডাক শুনে ঘুরে বেড়াচ্ছে! তার মুখেই শুনেছি বিবাহই প্রেমকে বড় করে দেয়, এখন তা বেশ বুঝতে শিখেছি। আজ যদি সে দূরে না থাকত, তাহলে যেমন করে চিনেছি হয়ত তেমনি করে

তাকে চিন্তে পার্তাম না। তার কাছে এক আয়-গায় দু-দুবছর ধরে ছিলাম, যত আদর-স্নেহ পেয়েছি তার মূল্য হয় না, উপমা নেই।....

সংসারের অনেক কাজে সে আমায় সাহায্য কর্তে আসত, কিন্তু তার সাহায্য নিতে বড়ই লজ্জা বলে বোধ হ'ত, অথচ তেমনি ভালও লাগত। হয়, আজ সে কোথায়! আজ যদি সে আমার কাছে থাকত তাহ'লে আমার সকল কাজই সে নিজের হাতে নিয়ে মধুর করে দিত, অনেক আগেই আমি আরাম হয়ে যেতাম, হয়ত অসুখই হ'ত না।....বাড়ীর সবাই আমায় খুব স্নেহের চোখে দেখত, আমি যেন কি তাদের তা যেন তারাও জানে না আমিও জানিনে, তাই বুঝি তারা এমনি ক'রে আমায় পর করে দিলে? তা দিক—তাদের আমি পর করি কেন? সে অস্বক—তাতে আমাতে তাদের পায়ে ধ'রে ক্ষমা চোন্ন নেব, তাতে ত আর তার একটু ভালবাসা থেকে বঞ্চিত কর্তে পার্কেন না!....

সংসারের দিনগুলো সমান ভাবে কিছুতেই কাটে না, যদি কাটতই তাহলে আমার এ দুর্দশাই বা হবে কেন? সে এত ভালবাসত তখন আমি কিছুই বুঝতে পার্তাম না, বোধ হ'ত এটা বড় বাড়াবাড়ি, এত ভাল নয়। কত আয়গায় আড্ডা দিয়ে তবে সে বাড়ীতে ফিরত। তখন আমরা সবাই ঘুমিয়ে প'র্তাম, জানালা দিয়ে ফুল ছুঁড়ে আমার ঘুম ভাঙাত। স্নেহ ফুলের চেয়েও কত মধুর আজ তা বেশ বুঝতে পাচ্ছি। তাকে কত অল্পবয়স করেছি—“ওগো তোমার পায়ে পড়ি আমি না ঘুমিয়ে প'র্তে প'র্তে সুখি এসো।” হেঁসেই উড়িয়ে দিত, বলত “তুমি যেমন আমাকে চাও, তেমনি আরও দুচারজন আমাকে চায় যে, তাদের একটু সুখী না করলে তোমার অকল্যাণ হবে যে রাণী। তা তুমি রাগ ক'র না, আর ভাববারও বিশেষ দরকার হবে না, তারা 'দশ হাত কাপড়ে কাচা দিতে' পারে, অর্থাৎ তারা পুরুষ মানুষ।” যদি কোন দিন অভিমান



করে নিজেকে ঢেকেচুকে একপাশে মুখ গুঁজরে শুয়ে পড়ে থাকতাম, তাহলে ঘুমিয়ে গেলে কপালের টিপ্ গালে দিয়ে সকাল বেলায় আমায় এমনি অপ্রস্তুত কর্ত্ত, আমি হাসব কি কাঁদব ঠিক কর্ত্তে পার্ত্তাম না। সে ছুঁমিতেও কম ছিল না। কোন দিন যদি সকালে ঘুম না ভাঙত তাহলে চুমোয় চুমোয়, আমার কাল গাল রাঙা করে জাগিয়ে দিয়ে বলত “এই তোমার শান্তি, যাও, বেড়িয়ে যাও, যেমনি তোমায় সব দেখবে, অজ্ঞত বিক্রপবাণ তেমনি তোমায় মাথায় এসে পর্কে।” মনে হ’ত আচ্ছা এমনি কর্ত্তে কি কেউ কারুর জীকে কষ্ট দেয়, না এমনি করে সন্ধিনীদের কাছে লজ্জায় ফেলে? এ কিছ ভাবি অস্ফায়! আর এখন সেই স্ফায় একটু পাবার জন্তে কতখানি যত্ননা, সে আমিই বুঝছি; আর যদি এমনি ভালবাসার কারুর এমনি ব্যবধান এসে থাকে তাহলে সেও বুঝবে। কত লোকের স্বামী তাদের জীকে কত কি সব উপহার দেয়, কৈ আমার সে-ত’ কিছু দেয় না, তবে লোকে চায় কিনা জানিনে, আমি কিছু চাইতে পার্ত্তাম না। দিনে সংসারের কাজের মাঝখানে তাহে বসবার জন্তে কত কথাই মনে মনে জমা করে রাখতাম, কিন্তু যখন তার সঙ্গে দেখা হত, তাকে দেখেই সব ভুলে যেতাম! সে ছিল একখানি শান্তির প্রতিমূর্ত্তি, এক নিমিষে প্রাণের সমস্ত বেদনা নিঃড়ে নিয়ে শান্তিতে ভরিয়ে দিত।.....

...আমার নাকি রূপের মধ্যে চোখ দুটো ছিল একটু ভাল, তাই তার এই চোখে হাসি-কান্না দেখবার জন্ত বড়ই আগ্রহ। মিছামিছি রাগিয়ে যেমনি আমায় কাঁদিয়েছে, তেমনি তখনই হাসিয়েছে, এই ছিল নিত্য তার মজা দেখা; পেলে-পার্কণে কোন দিন যদি কঁাক যেত! আমায় বিক্রপ কর্ত্ত —“আহা কিবা নাক, যেন সে আছে কি নেই জানাই যায় না; আহা তার নিচেই আবার বড় বড় দুটো, গাল যেন দুদিকে দুটো দ’ পড়েছে, এ বলে আমায় দেখ ও বলে আমায় দেখ, ‘চোখের

জল পালাবারও কোন উপায় নেই; তারপর গায়ের’ রং সে কি সুন্দর—আল্কাতরা বলেন ‘হাড়ীর তলা, ভাই তুমি বড় কাল’; কপাল—কি সুদৃশ্য চুলে ঢাকা ছোটটি, হাত দিয়ে মেপে ঠিক করা যায় না যে ক’হাত।” আচ্ছা এসব কথা কি স্বামীর মুখে ভাল লাগে? আমার ভারি রাগ হত কিন্তু! চোখ-মুখ লাল হয়ে যেত, তখনি চুমো দিয়ে আমার সব অভিমান জল ক’রে দিত।—এতোও সে জান্ত! এত ত’ কারুর ভালবাসার ইতিহাসে খুঁজে পাইনে, বোধহয় যারা ভালবাসে এমনি ধারাই বাসে, তবে লেখেনা, লিখে জানান যায় না বলে। এই যে আমি এত ভাবছি, তবু তার সব কথা ত ডেবে জান্তে পার্ছিনে, আর বলতে গেলে এর সিকিও পার্ত্তাম না।...

এমনি হৃতভাগিনী আমি, এমনি জ্ঞানহীনা আমি, তার এত ভালবাসা, তাও কখন কখন বোধ হ’ত এ একটা বিক্রপ, নয় একটা লোকাচার। আমি এত কুরূপা আর ও এত সুন্দর, তা আমাকে সত্যিকারের এমনি ভালবাসতে পারে! ভগবানের কাছে চোখের জলে প্রার্থনা কর্ত্তাম,— “প্রভু, এবার যখন পাঠাবে আমায় একটু রূপ দিও।” রূপের জন্তে কিছু যদি ব্রত থাকে তাহলে করি এই ইচ্ছে খুব, কিন্তু কাকেই বা জিজ্ঞাসা করি আর কে-ই বা বলে? যাকেই জিজ্ঞাসা করি, সেই এমনি বিক্রপ কর্ত্তে যে আমি আর মাথা তুলতে পার্কি না, তাও শুধু নয়, আবার সকলের কাছে ঢাক বাজিয়ে বেড়াবে। মহা মুন্সিল, এখন না কর্ত্তে আর কর্ত্তেই বা কবে? যাক, লজ্জার মাথা খেয়ে তাকেই জিজ্ঞাসা কর্ত্তাম “ই্যাগা, কি ব্রত কর্ত্তে রূপ পাওয়া যায় আমায় বলে দিতে পার?” শুনে সে-ত হেসেই গড়িয়ে জল। তার হাসি দেখি, না আমার কথা জিজ্ঞাসা করি? অনেক কষ্টে একটু হাসি পামিয়ে বলে “আমায় পছন্দ হয় না? তা তুমি নিজে পছন্দ কর্ত্তেই বিয়ে করেছ, এখন ওসব আমি শুনেতে চাইনে; তুমি আমারি, আমাকেই তোমার



ভালবাসতে হবে।”—ওমা! যা গেলাম বলতে, হ'ল কিনা ঠিক তার উল্টো।...

...যেমন আমি ছিলাম বড় অভিমানিনী, সেও ছিল তেমনি। এক একদিন তার অভিমান ভাগ্যে, কি কম বেগটা পেতে হত! বড় বেশী অভিমান হলে সে বলত “আমাকে যদি তোমার সত্যিকারের ভালবাসতে প্রাণ না চায়, তাহলে তুমি আমায় ভালবেসো না, যাকে চাইবে তাকেই ভাল বাসবে, তাতে আমি একটুও হুঃখিত হব না, একটুও ব্যাকুল হব না, কারণ আমি তোমায় ভালবাসি, আর চিরদিন বাসবোও;—ভালবাসা এমনি জিনিস যে দিলে আর ফিরিয়ে পাওয়া যায় না।” আমি বড় দর্প করে বলতে পারি কার স্বামী তার স্ত্রীর কাছে এই কথা বলতে পারে?—বোধ হয় কারুর না। একথা শুধু তার মুখেই সাজে। কোন্ স্বর্গের অভিশপ্ত দেবতা সে, কোন্ ইন্দ্রপুরীর রাজাধিরাজ সে, আমারি জন্মে মর্তের মানুষ হয়ে নেমে এসেছে। সে যে বলতো তার জীবনটা একটা অভিসম্পাত, তা কিন্তু ঠিক।...

সে ভারি সুন্দর একটি গল্প বলতো, সে আমি কখনও ভুলতে পারি না; সে নাকি আবার সত্যিকারের ঘটনা; তা সত্যিই হোক আর মিথ্যেই হোক, বেশ তার ঘটনাটি;—“সে একজন যুবক, কোন্ আফিসে নাকি চাকরি করত। সে ছিল যেমনি রূপবান গুণবান, তেমনি নাকি তার স্ত্রীটি ছিল সুন্দরী ও গুণবতী; দুজনেই সমান। তাদের মধ্যে ভালবাসাও ছিল তেমনি, এ ওকে না দেখতে পেলে বাঁচে না। সংসারের মধ্যে তারা ছিল মাত্র দুজন আর তার এক বড়ী পিসিমা। কিছু পরসাকড়িও ছিল, তার উপর সে নাকি উপায়ও করত বেশ। সে বড় সুখেই ছিল, হলে কি হয় সুখ যে এক জায়গায় বেশীদিন থাকতেই পারে না। অমন সংসারেও সে হুঃখে ভরিয়ে দিলে, আবার আগুনও লাগালে। সে আফিস থেকে এসে এক বছর বাড়ীতে খেলাধুলো করত। একদিন তার বন্ধু

বলেন ‘দেখ ভাই, বলব বলব মনে করি বলতেও পারিনে, তাই এমনি দাঁড়িয়েছে যে, না বললেও আর চলে না। তা ভাই তুমি যাই বল, একটু সাবধান হও। ও অমন সংসারে হয়ে থাকে, চুপি চুপি সাবধান হলেই সব শুধরে যায়, কাকে-বকেও টের পায় না। স্ত্রীজাতটাই ঐ রকমের, পণ্ডিতে সাথে কি বলেছে “স্ত্রী আর খল সর্প দুই বড় অবিশ্বাসী!” অন্য কেউ হলে না বুঝে থাকতেই পারত না, আর দশ হাত লাফিয়ে উঠে স্ত্রীর মুণ্ডপাতের একটা কিছু ব্যবস্থাও ঠাওরে ফেলতো, সে কিন্তু নির্ভিকার, তা আর হবে না, সত্যিকারের ভালবাসা যে! সে বললে ‘কি হয়েছে ভাই খুলেই বল, আমি ত কিছুই বুঝতে পারছি নে।’ তখন বন্ধুটি বলেন ‘যদি বুঝতেই পারি তাহলে কি আর এমনটি দাঁড়ায়। তোমার স্ত্রী পাপের পথে নেমেছে, চরিত্রে কলঙ্ক লেগেছে।’ সে-ত হেসেই অস্থির, বলে, ‘আমাদের মধ্যে একটা কলঙ্ক বাধিয়ে মজা দেখবে? সেটি হবার কোন উপায় নেই ভাই। আমাদের কাঁচা ভালবাসা নয়। তুমি যদি একগলা গঙ্গা জলে দাঁড়িয়ে তামাতুলদী হাতে নিয়ে একথা বল, তাও আমি বিশ্বাস করি পারিনে; সে বললেও পারি নে।’ তবু বন্ধুটি বলেন ‘তা যত বিশ্বাসই তোমার থাক, তার বিশ্বাস টেলেছে, তুমি সাবধান হও।’ কিন্তু সে কিছুতেই বিশ্বাস করি পালে না, মনের কোণে একটু রেখাও তার প'ল না। এমনি করে প্রায়ই বন্ধুটি তাকে ঐ কথাই বলেন। একদিন সে ভারি বিরক্ত হয়ে বলে ‘আচ্ছা তুমি আমায় চাক্ষুষ কিছু দেখাতে পার কি, তাহলে আমি বিশ্বাস করি?’ সে বলে ‘ই্যা আমি নিশ্চয়ই দেখাতে পারি। তুমি আশুছে শনিবারে খিয়েটারে যাবে বলে সন্ধ্যা, বেলা খেয়ে দেয়ে আমার এখানে এসে বসে থেক, তারপর আমি তোমায় দেখাব; কিন্তু আমার কাছে প্রতিজ্ঞা কর তুমি দেখে কিছু একটা কাণ্ড ঘটায় না ফ্যাল। এমনি একটু শাসন করে দিও, তাহলেই মনেটে যাবে,

দিন কতক চোখে চোখে রেখ, শুধরে উঠবে। শনিবার এলো, সে তাই কলে, বন্ধু তাকে রাত দশটা বাজলে তাদের বাড়ী নিয়ে গেল, বললে 'এ সুযোগ সে ছাড়তে পারে না, সে লোক তোমার বাড়ীতে নিশ্চয়ই আছে, তুমি বরাবর ওপরে উঠে যাও, এখনি প্রমাণ পাবে।' বন্ধুটি পথে দাঁড়িয়ে থাকলেন, সে বাড়ীতে চলে গেল। ওপরে গিয়ে দেখলে বন্ধু যা বলেছে সব সত্যি; জীকে বললে 'দরজা—ধুলে দাও।' সে কেমন খতমত খেয়ে খুলে দিলে। প্রথম পাপের পথে পা ফেলতে শুরু করেছে কিনা, তাই কোন উপায় করে সেটাকে চাকবার চেষ্টার বুদ্ধি তার আর জুগিয়ে উঠল না! ছেলেটি ঘরের লোকটিকে নির্বিকারচিত্তে বললে 'আপনি ইচ্ছা করেন যেতে পারেন।' সে তখন পালাতে পারলে বাঁচে, আর তাকে পায় কে, একেবারে উর্দ্ধ্বাসে দে দৌড়!—" সে এখনটা এমনি করে বলত যে 'আমার বড্ড হাসি পেত। —"জীটি তখনও খরখর করে কাঁপছে।" তা আর কাঁপবে না? এমন ভালবাসার এমনি প্রতিদান! তা আবার হাতে পাতে ধরা পরেছে; কালামুখি, তখনি দেবতার পায়ে মাথা কুটে মর্তে পাল্লিনে! —"সে কিন্তু কোন রাগ না দেখিয়ে বললে, 'ওগো আমার বড্ড পিপাসা পেয়েছে, জল দাও, পান দাও, দাঁড়িয়ে কেন, শুয়ে পর।' জীটি তখন কলের পুতুল, যেন বলেই কাজ করে যাচ্ছে, তা যা যা চাইলে সব দিলে। সে তখন এমনি ভেঙ্গে পড়েছে যে আর দাঁড়াতে পাচ্ছে না, ঘরের মেঝেতেই শুয়ে পড়ে ইপাতে লগল। ছেলেটি তখন আপন মনেই কেন সে অসময়ে সেদিন বাড়ী ফিরতে বাধ্য হ'ল তার একটা কৈফিয়ত বলতে বলতে ঘুমিয়ে পল।

—"এই ঘটনার পর থেকে ছেলেটি আরও তাকে ভালবাসা দেখাতে লাগলে, আরও বেশী করে বিশ্বাস কলে, ভালবাসার নির্দর্শনস্বরূপ ভাল ভাল সব গয়না গড়িয়ে দিলে, কত রকম রকমের কাপড়-জামা এনে দিলে; কিন্তু জীটি একেবারে মরমে

মরে গেল। সে ভাবে—আমার এমন স্বামী, আমি করছিলাম কি! এমন কাণ্ড সে চোখে দেখেও একটু বকলে না, 'রাগও হল' না। অল্প কেউ হলে কেটে ছুখান করে দিত। নারী জাতটার একটা স্বভাব আছে যে অগ্রায় কলেও সে কথা কেউ উল্লেখ করে না দিলে যেচে মার্জনী চাওয়া,— 'এ তার কুণ্ঠিতে লেখে না। তবু হতভাগিনী তার স্বামীর পায়ে ধরে কেঁদে ক্ষমা চাইলে। কিন্তু তার স্বামী যদি তাকে বকত, ছু যা লাগিয়ে দিত, তাহলে তার ক্ষমা চাওয়াটা যেন সফল হত, এ এ যেন কি রকম জগত ছাড়া; সে ক্ষমা চেয়েও শাস্তি পেল' না। তার স্বামী বলেন 'তুমি করেছ কি যে তোমায় ক্ষমা করব? ওতো আমারি দোষ, তোমায় আমি তোমার সব অধিকার করে ভালবাসতে পারিনি, তাই তোমার মন অন্যদিকে গিয়েছিল। এবার আমি তোমায় সব দিক দিয়ে ভালবাসতে চেষ্টা করব। তুমি দুঃখ করো না, কেবল আমায় ক্ষমা করো।' ছেলেটি এমনি করেই 'তার জীর সঙ্গে চলতে লাগল যেন কোন কিছুই মর্টেনি। জীটি কিন্তু অশুশোচনায় দিন দিন শুকিয়ে পোড়া কাটখানা হয়ে গেল। অত রূপ তার, যেন কে কালি ঢেলে দিয়ে গেল।

—"কিছুদিন এমনি যায়, ছেলেটি একদিন তার জীকে বললে 'চল অনেকদিন কালীঘাট যাওয়া করুন, তোমায় আমার মায়ের পূজা দিয়ে আসি।' তখন সে তার স্বামীর সব কাজেই ঝালি, পুড়ে পুড়ে তখন অনেক খাটি হয়ে এসেছে কিনা! হুজনে কালীঘাটে গিয়ে বেশ করে মায়ের পূজা দিলে। জীটি মায়ের কাছে বুকভাঙ্গা কান্না কেঁদে নিবেদন কলে—'এ জীবনে কলঙ্কের দাগ ত আর মুছবে না, শুধু তুমি এইটুকু করো মা—জন্মে জন্মে যেন ওর দাসী হবার অধিকার আমার থাকে; আমি আবার এসে তোমায় বুক চিরে রক্ত দিয়ে পূজা দেব। ওর কোলে মাথা রেখে যদি মর্তে পারি তাহলে সেইদিন বলে যাব, আমার অপরাধ ক্ষমা করো,

জন্মগত্রে আবার তোমার দাসীর অধিকার চাইব, সেইদিন যেন বিমুখ হয়ো না।' যাক, ছেলেটি বলে 'এইখানে আমার এক বন্ধুর বাড়ী আছে, তারা অনেকবার বলেছে তোমায় একবার দেখবে। এবার যখন আমরা এসেছি, তা তাদের বাড়ী দিয়ে একবার দেখা করেই যাই।' সেখানে গিয়ে দেখলে বাড়ীতে কেউ নেই, কেবল একজন চাকর বাড়ী আগলিছে। বোধ হয় ছেলেটিকে সে চিন্ত, যাবামাত্র ঘরদুয়ার খুলে দিলে, জলখাবার-টাবার এনে খুব যত্ন করে। তখন তাদের দুজনের মত হল এবেলার মত এখানে বিশ্রাম করে ওবেলাই বাড়ী যাওয়া হবে। কাজেও তাই হল। ছেলেটি তার স্ত্রীকে বন্ধুর সমস্ত ঘরদুয়ার খুলে খুলে দেখাতে লাগল। সব ঘরই সমান, যেখানে যা দরকার সবই ঠিক আছে, সবই যেন নতুন, কোথাও কিছু অভাব নেই। সমস্ত দেখাশোনার পর ছেলেটি বলে 'এই কাগজখানা নাও, এটা দলিল, এসব তোমারই, আমি আমার যা কিছু তোমায় সবদান করে আজ পথের পথিক হতে চলেছি। তোমার মাসিক আয় তিরিশ টাকা মাসে মাসেই পাবে, এতেও যদি তোমার না চলে, আমার বন্ধুর ঠিকানা দিলাম, তাকে জানিও, সেই তোমায় দেখবে।'।

—“সে-ত শুনেই অবাক, তাঁর মাথায় যেন আকাশ ভেঙ্গে প'ল। সে আগে থেকেই এই রকম একটা কিছুই কল্পনা মনে মনে ক'ছিল, তার ডান চোখ অন্যরত্নই নাচ'ছিল, মনটা কেমন একটা অজানা বেদনার অপনা হতেই ভ'রে আস'ছিল। সে তাঁর স্বামীর পা জড়িয়ে অনেক কাঁদলে। কেঁদে আর কি হ'বে, যে পথে বেরিয়ে পড়েছে তাকে আর ধরে কে? যাবার সময় বলে গেল, 'তুমি আমায় চাওনি, মনে রেখ' আমি তোমায় চাই, তুমি আমারি। এ জীবনের সমস্ত তুমি ভেঙ্গে দিয়েছ, ভবিষ্যতে আবার তোমায় আমার মিলবে। আমি যদি সত্যিকারের তোমায় ভালবাসি, তাহলে এ প্রেমের পুরস্কার ভগবান আমার দেবেনই,

আর তখন তোমাকেই আমার পুরস্কাররূপে চেয়ে নেব। এমন করে চেয়ে নেব, আমার বুক থেকে তোমায় আর কেউ কেড়ে নিতে পারবে না।' সে-ত চলে গেলই, হতভাগিনী মেয়েটাও দুদিন যেতে না যেতে হঠাৎ মরে গেল; এত বড় শাসন আর সঙ্ক কর্তে পারবে না।”

তখন এই গল্প শুনে মনে হত এ আমাকেই ইঙ্গিত করা, আমার ভালবাসাকেই সন্দেহের চোখে দেখা ছাড়া আর কিছু নয়। এখন বুঝতে পাচ্ছি, সে আমায় কতখানি দিতে পেয়েছে সেই কথাই জানাত,—আর কতখানি তার দেওয়া হয় নি। ভালবাসার কথা অনেক শুনেছি অনেক পড়েছি, তখন বুঝবার মত কোন শক্তি ছিল না, বুঝতে পারিনি, এখন যেন কিছু কিছু মানে কর্তে পারি। সে বলত “আমি যখন দুর্বল হয়ে পড়ব তুমি তখন শক্তি দিয়ে তুলে ধরবে, আমি যখন দানে বিরত হব তুমিই তখন আমার হাতে ধন দিয়ে এগিয়ে দেবে।” ভালবাসার রাজ্যে সে আমায় সব দিয়েই ভালবাসত, তা নাহলে এসব কথা বলতে পারে কে?.....

...চিরদিন একভাবে কাটে না, কাটলে ভালও লাগত না। জানে-মানে, সুখে-দৈন্তে, চেহারা-ব্যবহারে পরিবর্তন হচ্ছেই, আমারও পরিবর্তন হ'ল খুব। সঙ্গে সঙ্গে অবস্থার তারতম্যও বিচলিত হ'লাম। আমি, সে কিছুই হ'ল না। সংসারের আর্থিক পরিবর্তনে সবাই বলত আমায় অপয়া অলুপ্ণে আরও সব কত কি! আমার প্রাণে বড়ই আঘাত লাগত। এক একদিন কেঁদে কেঁদে এমনি চোখ-মুখ ফুলিয়ে ফেলতাম যে তাঁর কাছে কিছুতেই গোপন কর্তে পারতাম না। সে কত আদরে আমার মুখখানি তুলে ধরে বলত “তুমি নুবি কেঁদেছ আজ? তোমায় যা সবাই বলে তা আমি জানি, তুমি এইটে শুধু মনে রেখ যে, আমি কখনও তোমায় সেভাবে দেখব না, ভাবব না। এই মনে করেই ওসব কথা গুলোকে উপেক্ষা কর্তে

চেঁটা ক'রো । তোমার চোখে জল যে আমার দেখতে নেই রাণী ।” আমি তার কথায় শিউরে উঠতাম ।—সে ছিল একটা পুলকের ধারা, তাকে দেখলে, তার ছোঁয়া পেলে আমার যে কোন কিছু স্তম্ভিত মনেই থাকে না, কেবল কতকগুলো হাসি এসে উন্মাদ করে দেয়,—তাকে যা বলব মনে করি সব ঘুলিয়ে ফেলি ....

একটা গান শুনেছি—“তোমারি তুলনা তুমি এ মহীমণ্ডলে—” তার পক্ষে এই কথাটাই ঠিক খাটে । সে যে আনন্দ-পাগল বসন্তের হাওয়া, চিরনবীন অফুরন্ত মধুরতায় ভরা । এমনি করে আমায় স্পর্শ দিয়ে গেল যে, যখনই তার কথা ভাবি, তখনই আমি নতুন হয়ে পড়ি, আমি যে কতকালের একটা পুরোধো হয়ে পড়েছি—সে কথা মনেই আসে না । তাতে আমাতে এই যে ব্যবধান, এত বেদনা, সব যেন এক নিমিষে কোথায় মিশিয়ে

যায় । তাকে আমার ভাবতে যে কতখানি গর্ব আগে, তাতে যে কোন কষ্ট থাকতেই পারে না—একথা আমি কাউকে বোঝাতে পারিনি ; তাকে আমার মতন করে কেউ যদি পেত, তাহলে সে কিছু বুঝতে পারত । আমায় কিনা বলে পাগল ! পাগল তারা, যারা আমার সৌভাগ্যকে একটুও বুঝতে পারে না ।...

...সে একদিন ফাল্গুনের চাদনি রাতে, আলো হাওয়ায় কত রূপ,—আমায় বলেছিল “আমরা দুজনে সে এক স্বর্গে, এক অবর্ণনীয় অচিন্তনীয় নীল সরোবরে দুটি পদ্ম হ'য়ে ফুটেছিলাম । সেখানকার যা কিছু সব চিরনতুন, দিনের পর দিন নবীন হয়ে আনন্দ দেয় । সরোবরের পারে পারে পারিজাতের বন, তারা এমনি গন্ধ বিলোয়, মুহূর্তের পর মুহূর্ত-গুলো নতুন করে মধুরতায় ভ'রে তোলে ।”.....

( আগামী সংখ্যায় সমাপ্য )

## কামনা

শ্রীরামেন্দু দত্ত ।

অস্তরে আগে ফুটুক মাধুরী  
তবে বাহিরের আলোকে  
খুঁজিব মাধুরী নূতন করিয়া  
নব-জীবনের পুলকে !  
আগে ধূলাখেলা ফেলে দিয়ে আসি  
মলিনতা আসি ছাড়িয়া,  
ধনমান তরে স্বর্গতের রণে  
স্বচ্ছায় আসি হারিষ্য ।  
তখন অমল অম্বরখানি  
একান্ত প্রেমে ধরিব,  
পূজার ফুলের মতক'চরণে  
বিমল যরণে মরিব ।

স্বচ্ছ সুষমা, পূণ্য স্বাসে  
নিত্য রহিব ভরিয়া,  
গোপনে বিলায়ে আপন মাধুরী  
গোপনে পড়িব ঝড়িয়া ।  
সবার আড়ালে গা'ব আপনায়  
হৃদয়ের গান পুলকে,  
স্নিগ্ধ মধুর শাস্ত ছায়ায়  
শীতল মেহুর আলোকে !  
আনন্দময় হবে এ হৃদয়  
অনন্দময় ধরনী,  
স্বন্দর ফুলে ভরিবে আমার  
শাস্ত জীবন-সরসী ।



## মাতৃজাতি

ডাঃ শ্রীআদিত্যনাথ মুখোপাধ্যায়, দর্শনসাগর, এম-এ, পি-আর-এস, পি-এইচ-ডি, আই-ই-এস।

আজ এই বিশাল মহাদেশের সৃষ্টিচেষ্টার নিশাবসানে প্রত্যেক পল্লীতে এবং প্রত্যেক সমাজে যে এক বিরাট কর্তব্যের সাড়া পড়িয়াছে— পূর্বাগগনে নূতন আশার অরণ্যছটার উন্মেষে অসংখ্য বিহঙ্গমীর কলকণ্ঠের মঙ্গলগীতি আমাদের বিবণ কর্ণকুহরে প্রবিষ্ট হইয়া আমাদের বিবণ আলস্যজড়তা ত্যাগ করিবার জন্ত আহ্বান করিতেছে—ইহা মহাশক্তিপূজার পুণ্যবোধন ব্যতীত আর কিছুই নহে। চারিদিকেই মানবের কর্মশ্রোত প্রবলবেগে ছুটিয়াছে; সমগ্র বিশ্বে শক্তিপূজার এক বিপুল তরঙ্গ চলিয়াছে; আর সহস্র সহস্র একনিষ্ঠ পূজক তাহাতে অবগাহন করিয়া জীবন ধন্য করিতেছেন। এই নবজাগরণের সূত্রভাঙে জ্ঞানগরিষ্ঠ কর্মীশ্রেষ্ঠ আধ্যাত্মিক বংশধর—অমৃতের সন্তানগণও কি পূর্ণ উত্তমে মাতৃপূজার আয়োজনে ব্যাপ্ত হইবেন না?

আমাদের হইয়াছিল চরম অধঃপতন—তাহারই প্রায়শ্চিত্ত করিতে এতকাল এই দুর্দশা। আর অধঃপতন অধিকাংশস্থলেই ক্ষত অক্ষত, শক্তির অপব্যবহার এবং শক্তির অভাবজনিত জাতির স্বকৃত পাপের ফল। জীবের কোন অঙ্গ-বিকল হইয়া গেলে যেমন তাহার শক্তির সম্যক সৃষ্টি হয়না—সেইরূপ সমাজদেহেরও কোন অঙ্গ অথবা সম্প্রদায় সৃষ্ট অথবা অবজ্ঞাত থাকিলে তাহার সর্বাঙ্গীন উন্নতি হওয়া অসম্ভব। স্ত্রী-পুরুষ, বালক, শিক্ত অশিক্ত, ধনী নিধন কাঙ্ক্ষকেও উপেক্ষা বা পদদলিত করিয়া মুষ্টিমেয় মঙ্গলকিত শিকাভিমামী ব্যক্তি দ্বারা একটা বিশাল জাতি উন্নত হইতে পারে না। আত্মঘাতী সমাজ যখন স্বার্থক হইয়া জাতির ভিত্তিস্বরূপা মাতৃজাতিকে

অবজ্ঞার চক্রে দেখিতে আরম্ভ করে তখনই তাহার দুর্গতির সূত্রপাত হয়। পক্ষান্তরে যখন তাঁহা-দিগকে জাতীয় উন্নতির প্রধান সহায় জানিয়া শ্রদ্ধা করিয়া থাকে তখনই তাহার সভ্যতা এবং শাস্তি ফুটিয়া উঠে। প্রাচীন ভারত এবং বর্তমান পাশ্চাত্যদেশ ইহার সাক্ষ্য দিতেছে। নব্য ইতালীর দীক্ষাগুরু জোসেফ ম্যাট্‌সিনি সত্যই বলিয়াছেন— “যে জাতি জীজাতির গৌরব করে না, সম্মান রাখিতে জানেনা, তাহারা কোনদিন জগতে উন্নত হইতে পারিবে না। জীজাতিতে সম্মান করিবে এবং ভাণবাসিবে, নারীকে শুধু ভোগবিলাসের সামগ্রী মনে করিও না। মনে রাখিও—যে প্রেরণা শৈশবে মা তোমার প্রাণে জাগাইয়া দিয়াছেন পৃথিবীতে তাহার তুলনা মিলেনা। তুমি নারী অপেক্ষা শ্রেষ্ঠ ও মহৎ এমন একই ভ্রাস্ত্র ভাব কখনও পোষণ করিও না। নারীর লাঞ্ছনায় জাতির পতন হয়।” বস্তুতঃ মাতৃজাতির জীবনাদর্শ এবং সম্মানদৃষ্টিই বিভিন্ন জাতির সভ্যতার মাত্রা নিরূপিত হইতে পারে।

অতীত-ভারতের ইতিহাসেও এমন একটা গৌরবময় অধ্যায় আছে যখন মাতৃজাতির প্রভাব এবং প্রতিপত্তির সর্বত্রই প্রবল ছিল। বৈদিকযুগের মাতৃজাতির প্রতিভা এবং মৌলিকর্তার বিষয় চিন্তা করিলে বিশ্বয়ে প্রাণ নাচিয়া উঠে। একমাত্র পবিত্রতা, আত্মত্যাগ ও মাতৃদেহের প্রাচীরেই তাঁহাদের যশোরশ্মি সীমাবদ্ধ ছিলনা। তাঁহাদের পরমার্থজ্ঞান, সাহিত্য এবং শিল্পকলার পারদর্শিতা এখনও আমাদের প্রাচীর সভ্যতার মহিমা কীর্তন করিতেছে। ইহাদের বুদ্ধির আধ্বা এবং গভীর পাণ্ডিত্যের পদতলে, জানাবতার শ্রীমৎ



শঙ্করাচার্য্যাকেও পরাভব স্বীকার করিতে হইয়াছিল। প্রাগৈতিহাসিক যুগাবধি সাধারণ গৃহকর্ম হইতে আরম্ভ করিয়া জ্ঞান ভক্তি বিজ্ঞা ইত্যাদি রাষ্ট্রনীতি পর্যন্ত সর্বত্রই নারীর আসন উচ্চে রহিয়াছে।

স্মরণাতীত কাল হইতে আধুনিক যুগের প্রাচ্য এবং প্রতীচ্যের মনুষ্যমণ্ডলী সকলেই একবাক্যে বলিয়া আসিতেছেন—“কণ্ঠাপ্যেবং পালনীয়া শিকনীয়াতি যত্নতঃ।” আমাদের শাস্ত্র আরও বলেন “যত্র নার্য্যস্ত পূজ্যন্তে রমন্তে তত্র দেবতাঃ।” কোন জাতির উন্নতি-কামনা করিলে সর্বাগ্রে দেশ জননীগণের শিক্ষা এবং স্বাস্থ্যের সুব্যবস্থা করা আবশ্যিক। সন্তানের ভবিষ্যৎ জীবনের জন্ত জননীই প্রধানতঃ দায়ী এবং মাতৃজাতির মানসিক উৎকর্ষের উপর মানবের জ্ঞানের বিকাশ নির্ভর করে। সন্তানের জীবন গঠনে মাতা যে প্রকার সহায়তা করিতে পারেন শর্ত শিক্ষকের পক্ষেও তাহা সম্ভবপর নহে। আনন্দের বিষয় আমাদের বর্তমান সমাজও এ বিষয় মর্মে মর্মে বুঝিতেছেন। কিন্তু সমস্তা জটিলতর হইয়া পড়িয়াছে, স্ত্রী-জাতির আদর্শ এবং শিক্ষাপ্রণালী লইয়া। দেশ কাল পাত্র; সদস্য বিবেচনা না করিয়া সকল বিষয়ে পরামর্শকরণ করাতে গুরুতর বিপদাশঙ্কা আছে। আখ্যার স্ত্রী এবং পুরুষে যে বিশেষ পার্থক্য তাহা বিধিভঙ্গ—একথা অগ্রাহ করিলেও মহা অনর্থ ঘটিবে। স্মরণ্য নারীর শিক্ষার আদর্শ নিরূপিত হওয়া উচিত তাঁহাদের ভবিষ্যৎ জীবনের উদ্দেশ্য বুঝিয়া এবং এই শিক্ষা যাহাতে অপেক্ষাকৃত অল্প সময়ে সফল লাভ করে সেই দিকে লক্ষ্য রাখিতে হইবে। দৈহিক, মানসিক এবং আধ্যাত্মিক উন্নতিস্বরূপ অন্তর্নিহিত শক্তিকে সম্যক বিকশিত করাই শিক্ষার উদ্দেশ্য। তাহা সিদ্ধ না হইলে কুশিক্ষা অপেক্ষা বরং অশিক্ষাও অনেকাংশে শ্রেয়ঃ মনে হয়। স্নেহ, পরিভ্রুতা, আত্মত্যাগ, সংযম, ধর্মপরায়ণতা, কর্মপটুতা, কর্মনীয়তা ইত্যাদি মধুর গুণাবলীর আধার বলিয়াই হিন্দুনারী “দেবী”

আখ্যা পাইয়াছেন। তাঁহাদের চরিত্রের এই বিশেষত্ব অক্ষুণ্ণ রাখিয়া শিক্ষাস্বারা এই সমস্ত সদগুণের বিকাশ-সাধন করাই ভারতের স্ত্রীশিক্ষার আদর্শ হওয়া উচিত।

নারীর শিক্ষার কাল স্থূলতঃ দুইভাগে বিভক্ত করা যাইতে পারে। প্রথম কয়বৎসর তাঁহারা প্রয়োজনীয় সকল বিষয়েরই কিছু কিছু শিক্ষা করিবেন, যদ্বারা দৈনন্দিন জীবনের সাধারণ ও পারিবারিক সমস্ত কাজ (যথা—গৃহকর্ম, সদগ্রন্থপাঠ, হিসাবপত্র, সেবা-শুশ্রূষা, সদাচার সংযম ইত্যাদি) অন্নের সাহায্য ব্যতিরেকেও সম্পন্ন করিতে পারেন। জ্ঞান অনন্ত আর আমাদের আয়ুষ্কাল নিতান্তই অল্প, কাজেই জীবনে কখনও কাজে লাগিবেনা এমন কতকগুলি বিষয় গলাধঃকরণ করিয়া শক্তি এবং সময়ের অপব্যবহার করা যুক্তিযুক্ত নহে। শিক্ষার দ্বিতীয় কাল, তাঁহাদের ভবিষ্যৎ জীবনের উদ্দেশ্যার্থ্যায়ী ব্যয়িত হইবে। এই সময়ে সাহিত্য, দর্শন, ইতিহাস, শিল্পকলা, কষ্টসহিষ্ণুতা, সন্তান-পালন, পূজা অপ ধ্যান এবং বিশ্ববিজ্ঞানিয়ার উচ্চাঙ্গের বিজ্ঞাদি যার যার প্রয়োজন মত শিক্ষা করিবেন। ঋষিযুগের শিক্ষা সময়োপযোগী করিয়া জীবনে সার্থক করিতে হইবে। কেবল অতীতের লুপ্তগরিমার চিত্তভঙ্গ্য বৃকে ধরিয়া কাঁদিলেই আমাদের দুর্দশার অবসান হইবে না। সেকালে যাহা সত্য এবং সুন্দর ছিল একালেও তাহা আবার বাস্তবে পরিণত করিয়া আরও উন্নতির দিকে অগ্রসর হইলে, তবেই আমাদের শিক্ষা সফল এবং পূজ্যপাদ পিতৃপুরুষদের মর্যাদা রক্ষা হইবে।

জাগঃ মাতৃজাতি - গার্গী ও মৈত্রেয়ীর গভীর ব্রহ্মজ্ঞান পিতাশ্রী লইয়া; করোতি ও মীরাবাদীর বিগাহিত প্রেমধারা আর পরিব্রাজিকা গোতমী ও সম্মিয়ার বিশ্বহিতৈষণা, বাগ্মিতা এবং প্রচার দক্ষতা লইয়া; কর্মদেবী ও অহল্যাবাদীর অদ্ভুত শৌর্য্যবীর্ষ্য লইয়া—আর একবার জীবন্ত কর্তব্যবিমুক্ত সন্তানের নিজীব দেহে শক্তি সঞ্চার

করিয়া দাও। আর একবার মরণসিকুর অতল অঙ্ককার ভেদ করিয়া আশা-দীপ-হস্তে ভাসিয়া উঠুক সতী বেহুলার জীবন-মরণ-সাধনা। ভারতের ছু-লুষ্ঠিত গৌরব পূর্ণ কৌমুদীর ফুল জ্যোৎস্নায় হাসিয়া উঠুক। আবার ভারতে সীতা, শৈব্যা, সাবিত্রী, আসিবেন—অপাল্ল, বিশ্ববরা, অরুন্ধতী আসিবেন—ধনা, পটাচারী, লীলাবতী আসিবেন।

আবার ভারতের সকল অরণ্যকন্ডর নগর পল্লী শাস্তিচ্ছকের তড়িৎ-ঝঞ্ঝারে আনন্দে নাচিয়া উঠিবে। সেই শুভদিনের ত আর বিলম্ব নাই। বিশ্বাস কর সে নবযুগের প্রবর্তক যে মা—তোমরাই—

মা দেবী সর্বভূতেষু মাতৃ রূপেণ সংস্থিতা।  
নমস্তু্যে, নমস্তু্যে, নমস্তু্যে নমো নমঃ।

## নারী-জাগরণ

শ্রীশৈলেশনাথ বিশী এম্-এ, বি-এল।

বর্তমান যুগে পৃথিবীর সর্বত্র নারীজাগরণের সাড়া পড়িয়া গিয়াছে। আমাদের দেশে নারী-জাগরণ কিরূপ হওয়া উচিত ইহা লইয়া জল্পনা কল্পনা চলিতেছে। দুই একজন মহিলা ইহা লইয়া মসীযুদ্ধও করিতেছেন।

আসল কথা এই—এই জাগরণ জিনিষটা জল্পনা কল্পনার বিষয় নহে। ঘুম ভাঙ্গিয়া গেলে বিছানায় থাকিতে কাহারও প্রবৃত্তি হয় না। ঘুম ভাঙ্গিলে কি করিয়া উঠিতে হয় তাহা অপরে হাজার চেষ্টা করিয়াও বুঝাইতে পারে না। যাহার ঘুম ভাঙে সে কাহারও বুঝান'র অপেক্ষা না করিয়া আপনি উঠিয়া বসে।

আমাদের দেশের নারীদের সত্যকরণ জাগরণ যখন হইবে তখন তাঁহাদের জাগরণ কিভাবে হইবে তাহা যত্নকে বুঝাইতে হইবে না। তাঁহাদের পর্দা থাকিবে কিনা, ঘোমটা খসিয়া পড়িবে কি থাকিবে, পণ দিয়া কত্তা বিক্রীত হইবে কিনা এসব বিষয় পুরুষের অনধিকার চর্চা তাঁহারা একবারে বন্ধ করিয়া দিবেন।

আরও শোচনীয় বিষয় এই যে, নারীজাগরণের সাড়া পাইলেই একশ্রেণীর লোক সীতা সাবিত্রী প্রভৃতির দোহাই দিয়া এই জিনিষটা চাপা দিতে

চেষ্টা করেন। সীতা সাবিত্রী কিরূপ ছিলেন সে সম্বন্ধে ইহাদের যে স্পষ্ট ধারণা আছে তাহা মনে হয়না। তবুও অতীতের দোহাই দিয়া বর্তমানকে খাট' করার চেষ্টা তাঁহারা করিবেনই। সীতা সাবিত্রীর আদর্শের দোষ দিই না, তবে বর্তমান প্রয়োজন অনুসারে তাহার আদর্শ গড়িয়া তুলিবে ইহাই আমার বলিবার কথা। আমাদের দেশে নারীজাতি পদে পদে পুরুষের মুখাপেক্ষিনী।

নারীদের জাগরণের সর্বপ্রথম লক্ষণ—ইহাই হইবে, যখন দেখিব তাঁহারা জীবিকা অর্জনের জন্য পুরুষের উপর নির্ভর করিবেন না।

“নন্দীশ্বাতন্ত্রম্ অর্হতি” যে দেশের বেদবাক্য সে দেশে পুরুষ কাম্বিনকালেও নারীদের স্বাধীনতা দিবেন না। এই স্বাতন্ত্র্য অর্জনের পথে বাধাবিঘ্ন বলতর, ভুলভ্রান্তিও অনেক হইবে, তাই বলিয়া নারীসমাজের বিচলিত হইলে চলিবে না।

তাঁহাদের প্রতি আমার একটি বিশেষ অনুরোধ এই যে, তাঁহাদের গায়ের চামড়া একটু পুরু করিতে হইবে। ফুলের ঘায়ে বা কথার চোটে মুর্ছিয়া পেলো চলিবে না। নিরলঙ্কার পুরুষ (কাপুরুষেরই নামান্তর) যখন কিছুতেই নারীদের সহিত পারে না তখন তাঁহাদের চরিত্রে কটাক্ষ কার; মেয়েদের তাহা

উপেক্ষা করিতে হইবে। আমাদের মনে হয় এই সব বাধাবিঘ্ন ঠেলিয়া যখন নারীরা পুরুষের অধীনতা-পাশ ছিন্ন করিতে পারিবেন, স্বাভাবিক হইতে পারিবেন তখনই সত্যকর জাগরণ আরম্ভ হইবে।

আর একটি কথা ভাবিবার আছে। আমাদের পিতামহীগণ স্বামীর সহিত সহযুতা হইতেন অথচ তাঁহাদেরই নাতনীরা নিজের আত্মরক্ষা করিতে পারিতেছেন না।

ইহার কারণ কি? যাহারা জলন্ত চিতায় প্রাণ বিসর্জন দিতেন তাঁহাদের সহনশীলতা ও ধৈর্যের তুলনা নাহ, তবে তাঁহাদের এক খাপ নীচের এ অবস্থা কেন?

আমাদের পিতামহীগণ পুড়িয়া মরিতেন সামাজিক প্রথায়। অনেকস্থলে ইচ্ছা করিয়াও (জোর প্রয়োগ ব্যতীত) যে সহযুতা না হইতেন অরূপ নহে। তখনকার দিনে স্বামীর সহিত সহযুতা না হওয়া নিন্দার বিষয় ছিল। সেই মানির হাত হইতে বাঁচিবার জন্তই তাঁহাদের অমূল্য জীবন

এই ভাবে হেলায় দিয়াছেন। আজ তাঁহাদের নাতনীরাও ঠিক তাহাই করিতেছেন নাকি? অহুতা যুবতী কন্যা কন্যাদায়িত্ব পিতাকে মুক্তি দিবার জন্ত হেলায় কেরোসিন ঢালিয়া জলন্ত শিখায় আত্মহত্যা করিতেছেন। অথচ নিজের আত্মরক্ষার মত শৌর্য্য ও সাহস তাঁহাদের নাই।

পুড়িয়া মরা তাঁহারা উত্তরাধিকার সূত্রে পাইয়াছেন - সে পাওয়ার মূলে মানির হাত হইতে মুক্তি।

নারী জাগরণ সেই দিনই আরম্ভ হইবে যেদিন অহুতা যুবতী কন্যা পিতাকে 'কন্যাদায় হইতে মুক্ত করিবার জন্ত পুড়িয়া মরিবেন না, কুমারী-জীবন যাপন করিয়া নিজকে দেশের সেবায় বিলাইয়া দিয়া, স্বাভাবিক হইয়া বাঁচিয়া থাকিয়া শত শত অহুতাকে বাঁচিবার পথ দেখাইবেন।

আশা করি আমার কথা মাতৃ-মন্দিরের পাঠিকারা ভাবিয়া দেখিবেন এবং এখন হইতেই তাঁহাদের বিষয়ে অল্পকে অনধিকার চর্চার মুখ বন্ধ করিয়া দিতে আরম্ভ করিবেন।

## সুনীতি

### পণ্ডিত শ্রীসত্যচরণ শাস্ত্রী।

প্রাচীনকালে আমাদের ভারতবর্ষে প্রিয়ব্রত নামে একজন রাজা ছিলেন। তাঁহার স্ত্রীচি ও সুনীতি নামী দুইজন মহিষী ছিলেন। সুনীতির প্রতি রাজা অতি প্রীতিমান ছিলেন না, ইহারই গর্ভে লোকপাবন এবং জন্মগ্রহণ করেন। এক সময় স্ত্রীচি-গর্ভসম্বৃত জন্ম, রাজাসনস্থিত পিতার অঙ্গে উপবিষ্ট ছিলেন, তাহা দেখিয়া এবং পিতার ক্রোধে আরোহণ করিতে উৎসুক হন। তখন রাজা স্ত্রীচির হস্তে পুত্রকে হস্তানুরূপ অঙ্গিনন্দন করিলেন না। ক্রোধে এই কথা দেখিয়া স্ত্রীচি

এবং তীরকার করিয়া তাঁহার মন্দভাগ্যের কথা উল্লেখ করেন। বালক এবং কুপিত হইয়া নিজ মাতার মন্দিরে গমন করেন। সুনীতি পুত্রকে কুপিত ও প্রসূরিতাধর দেখিয়া, ক্রোধে লইয়া ক্রোধের কারণ জিজ্ঞাসা করেন। বালক, পিতার তাচ্ছিল্য, বিমাতার গর্ভোক্তি যথাযথরূপে দীর্ঘ-বিশ্বাস ফেলিতে ফেলিতে মাতার কাছে বলিলেন। স্ত্রীচি পুত্রকে ক্রমবর্ধী এবং বিমাতার অবমাননার বিমোহিত না হইয়া 'স্বাহার' প্রতিকারক মনোনিবেশ করেন। ক্রোধের একনিষ্ঠা, অনন্য

সাধারণ উত্তম, অদ্ভুত বিশ্বাসবলে তিনি নিজের আকাঙ্ক্ষা পূর্ণ করিতে সমর্থ হইয়াছিলেন। তাঁহার উগ্র তপস্যায় পৃথিবী প্রকম্পিত, হইয়াছিল, দেবগণ উদ্ভিন্ন আর লোকসকল চকিত হইয়াছিল। বালক যখন শারীরিক সুখদুঃখের কথা ভুলিয়া গিয়া অভিষ্ট সিদ্ধির জন্য ঘোরতর তপস্যায় প্রবৃত্ত হন। তখন তাঁহার আকাঙ্ক্ষা কখন অপরিপূর্ণ থাকে না এ বিষয় ক্রবের জ্ঞায় উদাহরণ পৃথিবীর "তাপস-ইতিহাসে স্মরণ্য। দেশে বাল-তপসের সংখ্যা বৃদ্ধি পাইলে দেশ কখন অবসাদ-সাগরে নিমগ্ন হইতে পারে না। মাতার যে উপদেশের ফলে ক্রব ক্রবকে প্রাপ্ত হইয়াছিলেন সেই অমৃতময়ী সঞ্জীবনী উপদেশ আবার মাতারা পুত্রকে দিয়া দেশ পবিত্র করুন।

### স্বনীতির উপদেশ—

স্বকৃতিঃ সত্যমাহেদং স্বল্প ভাগ্যোসি পুত্রক ।  
নহি পুণ্যবতাং বৎস ! সপত্নৈরেব মুচ্যতে ॥  
নোদ্বেষস্তাত ! কর্তব্যঃ কৃতং যদ্ভবতা পুরা ।  
তৎ কোহপহর্ষং শক্ৰোতি দ্যুতুং কশ্চাকৃতং যয়া ॥  
রাজাসনং তথাচ্ছত্রং বরাশ্চাবরবারণাঃ ।  
যশ্চ পুণ্যানি তস্মৈতে মন্বৈতৎ শাম্য পুত্রক !  
অন্তজন্মকর্তৈঃ পুণ্যৈঃ স্বকৃচ্যাং স্বকৃচিনৃপঃ ।  
ভার্ঘ্যোতি প্রোচ্যতে চাত্মা মুদ্বিধা ভাগ্যবর্জিতা ॥  
পুণ্যোপচয়সম্পন্নস্তাত্মাঃ পুত্রস্তথোত্তমঃ ।  
মম পুত্রস্তথা জাতঃ স্বল্পপুণ্যো ক্রবো ভবান্ ॥  
তথাপি দুঃখং ন ভবান্ কর্তু মর্হতি পুত্রক !  
যশ্চ যাতং স তেনৈব যেন তুগ্ধতি বৃদ্ধিমান্ ॥  
যদি বা দুঃখমত্যর্থং স্বকৃচ্যা বচসা তব ।  
তৎ পুণ্যোপায়ে যত্নং কুরু সর্কফলপ্রদে ॥  
স্বশীলো ভব শ্মাদ্বা মৈত্রঃ প্রাণীহিত রতঃ ।  
নিয়ং যথাপঃ প্রবণাঃ পাত্রমাধারি সম্পদঃ ॥

সমস্ত পুত্রের মুখে অবমাননার কথা প্রকাশ করিয়া দীনা স্বনীতি দুর্মনা ও দীর্ঘনিশ্বাসে শ্রানন হইয়া বলিতে লাগিলেন :—

হে পুত্র ! স্বকৃতি সত্যই বলিয়াছেন যে তুমি

স্বল্পভাগ্য। বৎস ! পুণ্যবানদিগকে শক্ররা এরূপ কথা কহে। হে তাত ! উদ্বেষণ করা কর্তব্য নহে, তুমি পুত্র জন্মে যাহা করিয়াছ তাহা কে দূর করিতে সমর্থ ? আর যাহা সঞ্চয় কর নাই তাহাই বা কে প্রদান করিতে সমর্থ ? রাজাসন, ছত্র, বরাশ ও বরবারণ এই সকল দ্রব্য যাহার পুণ্য আছে সেই প্রাপ্ত হয়। হে পুত্র, ইহা বিবেচনা করিয়া শান্ত হও। অল্প জন্মকৃত পুণ্য হেতু স্বকৃতির প্রতি রাজার স্বকৃতি হইয়াছে। আর আমার জ্ঞায় ভাগ্যবর্জিত জীলোক ফেবলমাধ ভার্ঘ্যান্যমে অভিহিত হইয়া থাকে। তাহার পুত্র উত্তম পুণ্যোপচয় সম্পন্ন, তুমি আমার স্বল্প পুণ্য পুত্র ক্রব জন্মগ্রহণ করিয়াছ। হে পুত্র ! তথাপি তোমার দুঃখ করা উচিত নহে। যাহার যে পরিমাণ পুণ্য থাকে বৃদ্ধিমান ব্যক্তি তাহাতে সন্তুষ্ট হয়। যতপি স্বকৃতির বাক্যে তোমার অত্যন্তই দুঃখ হইয়া থাকে তবে, সর্কফল প্রদ পুণ্যের উপচয়ে যত্ববান হও। স্বশীল, ধর্ম্মাত্মা, মৈত্র এবং প্রাণীহিতে রত হও। জল যেরূপ নিম্নপ্রবণ সম্পদসকল সেরূপ পাত্র আশ্রয় করিয়া থাকে।

স্বনীতি, বালক ক্রবের অভিমান দূর করিবার জন্য সাধারণতঃ যেরূপ উপায় অবলম্বন করা হয় সেইরূপ উপায় গ্রহণ করিয়া অদৃষ্টবাদের অবতারণা করিয়া পুত্রের শান্তি আনয়নের জন্য সচেষ্ট হন। এ শান্তি ক্রিয়াশূন্যতা, এ শান্তি অদৃষ্টে যাহা আছে তাহাতেই চেষ্টা বিহীন হইয়া সন্তুষ্ট থাকা—এ শান্তি মহুগ্নের কার্যকরী শক্তির উন্মেষের পক্ষে বাধাত্মক। বিপাতার বাক্যে ভিন্ন-হৃদয় ক্রবের এ শান্তি ভাল লাগিল না। বরং এ শান্তিবাদ তাঁহার হৃদয়কে অক্ষয়িত করিয়া তুলিল। কাপুরুষ নিজের হীন অবস্থায় সন্তুষ্ট থাকে। যাহার অদ্ভুত কার্য সম্পন্ন করিয়া থাকেন তাঁহারা কোন অবস্থাতেই নিশ্চেষ্ট বা সন্তুষ্ট হইয়া অবস্থান করেন না। তাই মাতৃদেবীর "সর্কফলপ্রদ পুণ্যোপচয়ে" উপদেশের দিকে তাঁহার মনোদ্রাবিত হইল। তৎপক্ষে এরূপ কোন



স্থান নাই বাহা পুণ্য দ্বারা অধিগত হওয়া না যায় । তাই ঋষের পৈত্রিক রাজ্য ধন সম্পদ ভাল লাগিলনা—পিতাও বাহা প্রাপ্ত হন নাই ঋষ সেই অপূর্ব পদার্থ প্রাপ্তির জন্য দৃঢ়সঙ্কল্প হইলেন ।

পতিত ব্যক্তি বা জাতিকে উন্নত করিতে হইলে স্ননীতির যে উপদেশ “স্ননীল—ধর্মাত্মা—মৈত্র এবং প্রাণীহিতে রত হও”, ইহার স্মরণ স্নন্দর উপদেশ আর নাই । যখন জাতি বা ব্যক্তি প্রাণীহিতে বিরত থাকে তখন সে জাতি বা ব্যক্তি হীন অধম্যাকে প্রাপ্ত হইয়া থাকে । মৈত্র বা সহায়ভূক্তির স্রোমায় শক্তি । এই শক্তি প্রভাবে অধঃপতিত ব্যক্তি উন্নতি প্রাপ্ত হইয়া থাকে । একতা বন্ধনের পক্ষে সহায়ভূক্তির স্মরণ কার্যকর অপর কোন শক্তি উপলব্ধ হয় না । যখন জাতি বা ব্যক্তি পরস্পর সহায়ভূতিশূন্য তখন সে জাতি বা ব্যক্তি পরাধীনতার দুর্ভিক্ষহ দুঃখ ভোগ করিয়া থাকে ।

স্ননীতি, পুত্র বাহাতে প্রজাগণের হৃদয়ে অপূর্ব প্রভাব বিস্তার করিতে সমর্থ হয় সে জন্য তিনি তাঁহাকে “প্রাণীহিতে রত” হইবার জন্য উপদেশ দিয়াছিলেন । রাজশক্তি অপেক্ষা প্রজাশক্তির অপূর্ব কীর্তি । যিনি প্রজাশক্তি নিয়মন করিতে পারেন তিনিই প্রকৃত প্রস্তাবে রাজশক্তির নিয়ামক । স্ননীতি, ঋষ বাহাতে রাজশক্তির নিয়ামক হইতে পারেন সেই অভিপ্রায়ে পুত্রকে “মৈত্র ও প্রাণীহিতে নিরত” হইতে উপদেশ প্রদান করেন । যিনি এইরূপে পাত্র লাভে সমর্থ হন তিনি সকল প্রকার সম্পদের আশ্রয়স্থল হইয়া থাকেন ।

আমাদের বর্তমান ভারতবর্ষের পক্ষে স্ননীতির উপদেশের স্মরণ মঙ্গলজনক উপদেশ আর দ্বিতীয় নাই । যোগে শৌকে ক্লিষ্ট, বুদ্ধিক্রান্ত, দরিদ্র প্রতিবেশীর প্রতি সহায়ভূতি শূন্য হওয়াতেই বর্তমান কালে ভারতের একরূপ অধঃপতি হইয়াছে । একের দুঃখে যখন সমস্ত জনপদাশি দুঃখীত বা অধঃপতী

হইয়া থাকে তখন সে জাতি কখন হীনাবস্থায় বহুদিন পতিত থাকিতে পারে না । সেইজন্য জাতির মধ্যে এই সকল সদগুণ বাহাতে বহুল পরিমাণে অক্ষুণ্ণ হয় সে বিষয় সেকালের দেশবাসী বিশেষরূপে সচেতন ছিলেন ।

বাৎসক ঋষ স্ননীতির উপদেশ অনুসারে জীব-মাত্রেয় উপর মৈত্রী দেখাইয়াছিলেন বলিয়া বহু পশুরাও তাঁহার প্রতি সদয়ভাব দেখাইয়াছিলেন । স্ননীতির স্মরণ বর্তমানকালের মাতারা বালকগণ বাহাতে স্নপাত্র হইতে সমর্থ হয় এরূপ উপদেশ দিয়া ভারতকে পুনরায় পবিত্র করুন ।

ঋষচরিত্র বিশ্লেষণে আমরা দেখিতে পাই, মনুষ্য বাহা আকাঙ্ক্ষা করিবে তাহার প্রাপ্তির জন্য তদনুরূপ ঐকান্তিকতার সহিত যদি সে সচেতন হয় তাহা হইলে ত্রৈলোক্যে এরূপ কোন দুর্লভ পদার্থ নাই বাহা তিনি হস্তগত করিতে অসমর্থ হন ; সামান্ত পার্থিব রাজ্য ত তুচ্ছ কথা । কোথায় পৃথিবী, কোথায় ঋবলোক, মানব ঋষ অধ্যবসায়ের বলে ঋবলোক জয় করিতে সমর্থ হইয়াছিলেন । কবি যথার্থই বলিয়াছেন উচ্চমশালীর পক্ষে কোন বিষয়ই অপ্রাপ্য নহে । ব্যবসায়ী ব্যক্তি সকলপ্রকার শ্রেষ্ঠ পদার্থ ভোগ করিয়া থাকেন আর অব্যবসায়ী ব্যক্তি প্রচুর জব্যপুঞ্জের মধ্যেও অনশন-ক্লিষ্ট হইয়া মৃত্যুমুখে নিপতিত হইয়া থাকে । ঋষ দৈবের উপর দৃষ্টিপাত না করিয়া পুরুষার্থ আশ্রয় করিয়াছিলেন বলিয়া পূজিত হইয়াছেন ।

আজ ঋষের কৃপায় স্কন্ধি-উষ্ম আদি নামের সহিত আমরা পরিচিত । ঋষের কঠোর তপস্যার ফলে তাঁহার বংশ গৌরবান্বিত হইয়াছে, দেশ বিজিত হইয়াছে, আশ্রয় তাঁহার দেশবাসী অনুভব করিয়া থাকি । মাতারা যদি স্ননীতি অবলম্বিত পথ অবলম্বন করিতে মনোযোগী হন তাহা হইলে পোনার কোটির মধ্যে একজন ঋষ প্রকৃত কীর্তি পারেন না ?




বাহুতালিকা



Bhoodeb Pukusting House,  
44, Manicktola Street, Calcutta.





২য় বর্ষ

চৈত্র—১৩৩১

১২শ সংখ্যা

## নারী-বোধন

অধ্যাপক শ্রীসাবিত্রীপ্রসন্ন চট্টোপাধ্যায় বি-এ ।

আজ, মশগুল কর মন্দিরময় গুণ্গুল দহিয়া,  
 ঢাল, মহয়ার মধুগন্ধ-মদির অস্তর মোহিয়া ;  
 লেপ, চন্দন ভালে, রজনীগন্ধা-মাল্য আভরণে  
 সিঁথে, হিন্দুদেবীর সিন্দূর দাও ইন্দিরা বরণে ।  
 আজ, লঙ্কক রাগ অক্ল চরণে নক্কের শোভনে  
 আন, শ্রান্তি হরিয়া শান্তির ধারা শ্রান্তির ভবনে ।  
 আজ, 'এয়োতির নোয়া' অক্ষয় কর লৌহগৌরবে,  
 তার, কুঞ্চিত কেশ বঞ্চিত নহে অমিয় সৌরভে ।  
 শুভ উৎসবে লাজ বর্ষণ কর মঙ্গল অতিশয়,  
 তার আশ্বের মধু হাশ্বের রাশি লাস্বের অভিনয় ।  
 তার দৈন্ত-দলনী উন্মুখীপ্রাণ পুণ্য অর্পণে,  
 কর অঞ্চল তার চির চঞ্চল অশ্রু তর্পণে ;  
 তা'র কঙ্কণপ'রে সাধীর ছবি অঙ্কন করিয়া  
 দাও নিঃশব্দে নির্মাণের কল্যাণে ভরিয়া ।

# মদালসা

## পণ্ডিত শ্রীসত্যচরণ শাস্ত্রী ।

আমাদের ভারতবর্ষে প্রাচীনকালে শক্রজিৎ নামে একজন মহা পরাক্রান্ত রাজা ছিলেন। তাঁহার ঋতধ্বজ নামে সর্কগুণালঙ্কৃত এক পুত্র হইয়াছিল। একদিন শক্রজিৎ রাজার কাছে গালব নামে একজন ঋষি একটি অপূর্ব ঘোটক লইয়া উপস্থিত হন। এই ঘোটক অবিশ্রান্তে সমস্ত ভুবলয়-লংঘন করিতে সমর্থ ছিল বলিয়া ইহা “কু-বল” নামে খ্যাতি লাভ করে। “কু-বল” ঘোড়ার নামানুসারে ঋতধ্বজ অনেক সময় কুবলয়াশ্ব নামে পরিচিত হইতেন। গালব ঋষি রাজাকে ঘোড়া দিয়া বলিলেন “মহারাজ, দানবরা নানা রূপ ধারণ করিয়া আমাদের আশ্রমে আসিয়া নানা প্রকার উপদ্রব করিয়া থাকে। আমি মৌনাবলম্বন বা সমাধিযুক্ত হইয়া থাকিলেও আমার মন বিচলিত হয়। আমি তাহাদিগকে দমন করিতে সমর্থ হইলেও বহুদিনের দুঃখোপার্জিত তপস্যা ব্যয় করিতে ইচ্ছা করি না। আপনার ক্রোধায়িত্তে তাহারা দাহ হউক।” রাজা ব্রাহ্মণের কথা শুনিয়া পুত্র ঋতধ্বজকে সেই অশ্বে আরোহণ করাইয়া মূনির সহিত প্রেরণ করিলেন। মহর্ষি গালবও তাঁহাকে আশ্রমে লইয়া গেলেন।

এই পৃথিবীতে দুই প্রকার সভ্যতা বর্তমান, এক আর্ধ্যসভ্যতা আর এক অনর্ধ্যসভ্যতা; ইহাকে নিবৃত্তিমার্গ ও প্রবৃত্তিমার্গও বলা যায়। পুরাকাল হইতে বর্তমান কালে পর্যন্ত দানব-দস্যু রাক্ষস প্রভৃতির আমাদের এই আর্ধ্যসভ্যতা বা নিবৃত্তিমার্গের বিরোধী। ব্রাহ্মণেরা এই সভ্যতা প্রচারের জন্য সমগ্র পৃথিবী পরিভ্রমণ করিতেন, আর কজিয় বৈশ্য শূদ্রেরা শস্য ও ধন দিয়া ইহাদিগকে রক্ষা করিতেন। প্রাচীনকালের দানব, রাক্ষসরা

বিলম্ব প্রাপ্ত হইয়াছে, বর্তমানকালে সেই ভাবের জাতিরা আর্ধ্যসভ্যতার প্রতি বিবেচ্য প্রকাশ করিয়া থাকে, ইহারাও যে বিনষ্ট হইবে তাহা তাহাদের কার্যে প্রতীত হইয়া থাকে। ঋতধ্বজ বাহুবলে দানবগণকে দমন করিয়া আশ্রমের শান্তি সম্পাদন করিলেন। একদিন এক ভয়াবহ দানব আশ্রমের অশান্তি উৎপাদনেব জন্ত আগমন করে। তাহার দৌরাণ্ডে আশ্রমবাসীরা চীৎকার করিতে আরম্ভ করিলেন। কুবলয়াশ্ব সশস্ত্র হইয়া তাহাকে আক্রমণ করিতে গমন করেন। দানব শর-পীড়িত হইয়া পলায়নপর হইল, রাজপুত্রও তাহার সন্ধান করিতে লাগিলেন। পশ্চাদগমন করিতে করিতে রাজপুত্র জনশূন্য এক পুরীতে উপস্থিত হইলেন। তথায় দানবের পরিবর্তে তিনি একজন রমণীর সাক্ষাৎ লাভ করেন। রমণী রাজপুত্রের কোন কথা উত্তর না দিয়া এক অট্টালিকার মধ্যে প্রবেশ করিলেন, রাজকুমারও তাহার মধ্যে গমন করিয়া দেখিলেন এক সুন্দরী পূর্ব দৃষ্ট বামা সহ পর্য্যাকে অবস্থান করিতেছেন। প্রবেশ অবগত হইলেন যে ইনি গন্ধর্বকন্যা মদালসা, দানবেরা ইহাকে হরণ করিয়া আনয়ন করিয়াছে। রাজকুমার ও মদালসা প্রণয়পাশে বদ্ধ হইয়া পরিণয়সূত্রে আবদ্ধ হন। রাজপুত্র মদালসাকে অশ্বে উপবেশন করাইয়া দানবপুরী পরিত্যাগ করেন। রাজপুত্রের গমনকালে দানবেরা এ কথা অগত হইয়া মিলিত হইয়া তাঁহাকে আক্রমণ করে। রাজপুত্র তাহাদিগকে পরাস্ত করিয়া মদালসা সহ স্বীয় রাজধানীতে প্রত্যাগমন করেন। এই সময় হইতে ঋতধ্বজ প্রতিদিন ব্রাহ্মণ রক্ষা ও পশু-ধ্বংস করিবার জন্ত ভ্রমণ করিতে আরম্ভ করেন।

ছুটে দানবরা ঋতধ্বজকে জল করিবার জন্ত  
মায়া রচনা করিল। একটা ছুটে দানব ব্রাহ্মণরূপ  
ধারণ করিয়া তপস্যা করিতে আরম্ভ করিল।  
ঘটনাক্রমে ঋতধ্বজ যদুচ্ছাক্রমে সেই তপোবনে  
উপস্থিত হইলে মূনিরূপী দানব ঋতধ্বজকে  
বলিল “আপনি আমার আশ্রম রক্ষা করুন,  
ব্রাহ্মণগণকে যজ্ঞ-দক্ষিণা দিবার জন্ত কিছু সুবর্ণের  
আবশ্যক, যদি আপনি সদয় হইয়া আপনার কণ্ঠ-  
ভূষণ দান করেন তাহা হইলে আমি চরিতার্থ  
হই।” রাজপুত্রের ব্রাহ্মণকে অদেয় কিছুই ছিলনা,  
তিনি আনন্দিত মনে কণ্ঠ-ভূষণ প্রদান করিলেন।  
ছুটে দানব ঋতধ্বজকে আশ্রম রক্ষায় নিযুক্ত করিয়া,  
তাঁহার পিতার কাছে উপস্থিত হইয়া কহিল, “রাজন,  
আপনার পুত্র দানবগণের সহিত যুদ্ধ করিতে করিতে  
নিহত হইয়াছেন। মৃত্যুকালে এই কণ্ঠ-ভূষণ  
আপনাকে দিবার জন্ত আমাকে অরুরোধ করেন।  
আমরা মূনি, এই সুবর্ণ লইয়া কি করিব। তাই ইহা  
দিতে আসিয়াছি।” এই কথা শুনিয়া রাজা রাণী  
অত্যন্ত শোকাতুরা হন। তাঁহার স্ত্রী মদালসা পতির  
মৃত্যু কথা শুনিয়া ইহলোক পরিত্যাগ করেন।  
শোকের উপর শোকে, রাজধানী শোকসাগরে  
নিমগ্ন হইল। গো-ব্রাহ্মণের জন্ত পুত্রের মৃত্যু  
হইয়াছে ইহাতে রাজা ও রাণীর অনেকটা সাধনার  
বিষয় হইয়াছিল। এই সময় পুত্রশোকাতুরা রাণী  
রাজাকে ধাধা বলিয়াছিলেন তাহাতে সেকালের  
জননীরা ক্রমশঃ ক্রমশঃ ভাবে শিক্ষিত হইত। তাহা  
অনেকটা বৃদ্ধিতে পারা যায়।

তিনি বলিয়াছিলেন—“রাজন! মূনিকে পরিজ্ঞান  
করিতে করিতে পুত্র নিহত হইয়াছে শুনিয়া  
আজ বেকম সুগী হইয়াছি মাতা বা ঈগিনী  
কাহারও দ্বারা আমি এ প্রকার সুখী হইতে পারি  
নাই। যাহারা ব্রাহ্মণগণকে শোকার্ত করিয়া  
অতি দুঃখে নিশ্বাস পরিত্যাগ করিতে করিতে  
ব্যুধিক্রিষ্ট হইয়া জীবন নিসর্জন করে, তাহাদের  
মাতা বৃথা পুত্র-জননী। যাহারা গো বা ব্রাহ্মণগণের

রক্ষার জন্ত সংগ্রামে নির্ভয়চিত্তে যুধ্যমান হইয়া,  
শত্রুকুল হইয়া বিপন্ন হয়, পৃথিবী মধ্যে তাহারা  
মানুষ বলিয়া পরিকীৰ্ত্তিত হয়। অর্থাৎ, মিত্র এবং  
শত্রুবর্গ যাহার নিকট পরামুখ হয় না, তাহারাই পিতা  
পুত্রবান বলিয়া খ্যাত এবং মাতাও বীরপ্রববিনী  
বলিয়া পরিগণিত হন। পুত্র যখন সংগ্রামে নিহত  
হয় বা শত্রুজয় করিয়া প্রত্যাবৃত্ত হয়, তখনই স্ত্রী-  
লোকের গর্ভক্লেশের সম্ভলতা হইয়া থাকে।”

দানব সকলকে শোকাকুল করিয়া আবার  
কুবলয়াশ্বের নিকট উপস্থিত হইল। মূনিরূপী দানব  
কুবলয়াশ্বের কার্যে প্রীত হইয়া তাঁহাকে বিদায়  
প্রদান করিল। রাজপুত্র স্বরাশ্বিত হইয়া রাজধানী  
প্রত্যাগমন করিতে লাগিলেন। রাজকুমারকে  
আগমন করিতে দেখিয়া সকলে বিস্মিত হইয়া  
দৈবের প্রভাব মনে করিতে লাগিলেন। রাজকুমার  
পিতা মাতা প্রভৃতিকে অভিবাদন করিয়া সমস্ত  
বৃত্তান্ত অবগত হইয়া মদালসার মৃত্যুতে যার পর-  
নাই কাতর হইয়া পড়িলেন। অতঃপর ঋতধ্বজের  
শুভানুধ্যায়ী জনৈক নাগরাজের অলৌকিক প্রযত্নে  
মদালসা জীবন লাভ করেন ও তাঁহার সহিত  
রাজকুমার মিলিত হন। ইহাতে আনন্দের  
অবধি রহিল না।

কালক্রমে শত্রুজিৎ যথাশাস্ত্র বহুধরা শাসন  
করিয়া কালধর্মের বশবর্তী হইলেন। কুবলয়াশ্বকে  
পুরবাসীরা রাজপদে প্রতিষ্ঠিত করিলেন। তিনিও  
নিপুণতার সহিত রাজ্যশাসন করিয়া সকলের  
আনন্দভাজন হন। এই সময় মদালসার গর্ভে তাঁহার  
প্রথম পুত্র জন্মগ্রহণ করেন। রাজা সেই পুত্রের নাম  
বিক্রান্ত রাখিলেন। বালক অক্ষুণ্ণবরে জন্মন  
করিতে প্রবৃত্ত হইলে মদালসা সাধনা প্রদান  
হলে “কহিলেন হে বৎস! তুমি শুদ্ধ, তুমি নাথ-হীন,  
অধুনা কল্পনা মাত্র সহায়ের তোমার নামকরণ  
হইয়াছে। তোমার এ দেহ পঞ্চভূতাত্মক, তুমি  
এ দেহের নহ আর দেহও তোমার নহে। তুমি  
কি কারণে জন্মন করিতেছ? কি ধর্ম তুমি জন্মন



করিতেছ, না, ঐ শব্দ তোমাকে আশ্রয় করিয়া  
 স্বয়ংই আবির্ভূত হইতেছে ? নানা প্রকার ভৌতিক  
 গুণ ও অগুণসকল স্বদীয় ইন্দ্রিয়সমূহে বিকলিত  
 হইয়াছে। দুর্কল ভূতসমূহ যেমন ভূত সহায়ে  
 অন্ন ও বারিদানাদি দ্বারা সংবর্ধিত হইয়া থাকে  
 তোমার সে প্রকার ক্ষয় বা বৃদ্ধি নাই। তোমার  
 এ দেহ আচ্ছাদন মাত্র, ইহা শীর্ণ হইলে তুমি মোহে  
 অভিভূত হইও না। শুভাক্ত কৰ্ম্মফলে তোমার  
 শরীরে এ আচ্ছাদন নিবন্ধ হইয়াছে। কি পিতা,  
 কি পুত্র, কি মাতা, কি দয়িতা, কি আত্মীয় কি  
 কি অনাত্মীয় কেহই কিছুই নহে। তুমি এ সকলকে  
 বহু মাননা করিও না। যে সকল ব্যক্তি বিমূঢ়-  
 চিত্ত তাহারাই দুঃখকে দুঃখোপশমের হেতু এবং  
 ভোগসমূহকে সুখের কারণ বলিয়া বিবেচনা  
 করিয়া থাকে। যে সকল ব্যক্তি অবিচ্ছাদিত ও  
 সেইজন্য মোহাচ্ছন্নচিত্ত, তাহারাই দুঃখকে সুখ  
 বলিয়া মনে করে। রমণী হস্ত করিলে অস্থি  
 দেখা যায়, তাহার উজ্জল নেত্রদ্বয় মূর্ত্তিমান তর্জিন  
 স্বরূপ, তাহার পীনোন্নত শুনাদিও ঘন মাংসপিণ্ড  
 মাল, স্ততরাং রমণী কি সাক্ষাৎ নরকস্বরূপ নহে ?  
 ভূমিতে যান, যানে দেহ আর সেই দেহে অস্ত  
 পুরুষ নিহিত রহিয়াছেন। স্ব স্ব দেহে যেরূপ  
 “আমার” এই জ্ঞান আছে সেই পুরুষে তাদৃশ  
 জ্ঞান নাই ; অহো ! ইহা কি মূর্খতা !”

রাজমহিষী মদালসা পুত্র যেরূপ দিন দিন বর্ধিত  
 হইতে লাগিল সেইরূপ তিনি পুত্রকে আত্ম-বোধ  
 প্রদান করিতে লাগিলেন। ইহাতে পুত্রের জ্ঞানোদয়  
 ও মমতা দূর হইল এবং সে গার্হস্থধর্ম্মে স্পৃহাশূন্য  
 হইল। কালক্রমে মদালসার গর্ভে রাজার দুইটি  
 পুত্র জন্মগ্রহণ করে। ইহাদের সুবাহু ও শক্রমর্দন  
 নাম স্বধাক্রমে রাখা হয়। ইহাদিগকেও রাজমহিষী  
 পূর্ব্ববৎ আত্মজ্ঞান প্রদান করেন, ইহাতে তাঁহারা  
 সিকাম ও জ্ঞানময় হইল। অবশেষে চতুর্থ পুত্র  
 সমুৎপন্ন হইলে নরপতি নামকরণে সমুত্তত হইলে  
 মদালসা ঈষৎ হস্ত করিলেন। নরপতি ইহা

দেখিয়া কহিলেন, “পুত্র ভূমিষ্ঠ হইবার পর নামকরণে  
 আমি সমুত্তত হইলে তুমি হস্ত করিয়া থাক ; ইহার  
 কারণ কি ? যদি আমার প্রদত্ত নাম তোমার পছন্দ  
 না হইয়া থাকে এবার তুমি স্বয়ং চতুর্থ পুত্রের  
 নামকরণ কর।” মদালসা রাজার আজ্ঞানুসারে কনিষ্ঠ  
 পুত্রের নাম অলর্ক রাখিলেন। রাজা এই নাম শ্রবণ  
 করিয়া হস্ত করেন এবং ইহার অর্থ জিজ্ঞাসা করেন।  
 প্রত্যুত্তরে মদালসা বলেন “নামকরণ গোকাচার ও  
 কল্পনা মাত্র -- নাম রাখিতে হয় বলিয়া একটি নাম  
 রাখিলাম। আপনি যে সকল নাম রাখিয়াছেন  
 তাহারও কোন অর্থ নাই। আত্মা সর্ব্বগত,  
 সর্ব্বব্যাপি ও দেহের ঈশ্বর, তাঁহার গতি অসম্ভব।  
 এই কারণে আমার বিবেচনায় “বিক্রান্ত” নামের  
 কোন প্রকার অর্থ নাই। সেইরূপ আত্মা রূপহীন  
 স্ততরাং তাঁহার বাহু সম্ভবেনা, আত্মা সকল শরীরেই  
 বিরাজমান স্ততরাং তাঁহার শক্রই বা কে আর  
 মিত্রই বা কে সম্ভবিত্তে পারে ? যদি লোকাচার  
 হেতু এই প্রকার অর্থহীন নামের কল্পনা করা যায়  
 তাহা হইলে “অলর্ক” আমি যে নামকরণ করিয়াছি  
 তাহা কি প্রকারে অর্থহীন হইতে পারে ?” রাজা  
 সত্যভাষিণী দয়িতার সাধুবাক্য শুনিয়া আনন্দ  
 প্রকাশ করেন।

রাজী অন্ত্যস্ত পুত্রগণকে যেরূপ আত্মজ্ঞান শিক্ষা  
 দিয়াছিলেন অলর্ককেও সেইরূপ শিক্ষায় শিক্ষিত  
 করিতে আরম্ভ করিলেন। রাজা ইহাতে বাধা  
 দিয়া তাঁহাকে কৰ্ম্মমার্গের বিষয় উপদেশ দিতে  
 আদেশ প্রদান করেন। বরনারী মদালসা, পতির  
 আজ্ঞানুসারে শিশু অলর্ককে এইরূপ উপদেশ দিলেন,  
 যাহার ফলে তিনি ভবিষ্যত জীবনে একজন  
 কৰ্ম্মলী ও প্রদিকনামা সর্ব্বগুণালঙ্কৃত নরপতি বলিয়া  
 খ্যাতি লাভ করেন। বর্ত্তমানকালে মদালসার  
 উপদেশ বিলাসনিমগ্না দেহাত্মবাদী অলসপ্রকৃতি  
 পুরুষের পক্ষে অমৃতস্বরূপ, ইহা সেবনে দেশবাসী  
 দুঃখহীন, কৰ্ম্মঠ ও আত্মজ্ঞানসম্পন্ন হইয়া অগর্ভে  
 আশীর্ভ লাভ করুক।

## মদালসার উপদেশ—

“হে পুত্র! তুমি সংবর্দ্ধিত হও। মিত্রগণের উপকারার্থ, শত্রুগণের বিনাশার্থ কক্ষাভূষ্টান দ্বারা আমার পতির মন আনন্দিত কর। হে পুত্র! তুমি ধন্য; যেহেতু তুমি নিঃশঙ্ক হইয়া বহুকাল বহুমতী পালন করিবে। তোমার পালনগুণে সকলেই সুখী হউক। তাহা হইলে পুণ্য সঞ্চয় করিয়া অমরত্ব লাভ করিবে। প্রতি পূর্ণ দিবসে ব্রাহ্মণগণের তৃপ্তি বিধান করিবে, বন্ধুগণের অভিলাষ পূর্ণ করিবে, ক্ষয় পেরহিত সাধন চিন্তা করিবে, পরদারার প্রতি মন নিবর্দ্ধিত করিবে।”

‘বহুবিধ যজ্ঞাভূষ্টান দ্বারা সুরগণের, অজস্র দানে বিপ্র ও আশ্রিতজনের সম্ভাষণ সম্পাদন করিবে। হে বীর! নানা প্রকার অমুপম ভোগ্য দ্বারা রমণীকুলের এবং যুদ্ধ দ্বারা অরিকুলের সম্ভাষণ সাধন করিবে। তুমি শৈশবে বান্ধবকুলের, কৌমারে জনকজননী, যৌবনে সংকুল-ভূষণা নারীগণের, বান্ধবক্যে বলশালী হইয়া বলবরকুলের প্রীতি সাধন করিবে। হে পুত্র! তুমি রাজপদে অধিষ্ঠিত থাকিয়া স্ত্রীগণের আনন্দ সম্পাদন করিবে, সাধুগণের রক্ষা করিয়া যজ্ঞাভূষ্টান এবং গো ও বিজকুলের রক্ষার জন্ত সমরে দুঃস্থগণের ও অরাতিবর্গের বিনাশ সাধন পূর্বক পরলোকে প্রস্থান করিবে।”

“নরপতির, প্রথমতঃ আপনাকে, তদানন্তর অমাত্যগণকে, তারপর পৌরবর্গকে বশীভূত করিয়া অরণ্যে শত্রুগণকে জয় করিবার জন্ত সচেষ্ট হইয়া উচিত। যিনি আত্মা প্রভৃতিকে জয় না করিয়া শত্রুগণকে জয় করিতে বাসনা করেন, সেই অজিতাত্মা মহীপতি অমাত্য কর্তৃক বিজিত হইয়া শত্রুগণের বশীভূত হইয়া থাকেন। হে পুত্র, এই হেতু প্রথমতঃ কামাদি রিপুগণকে জয় করিতে হইবে। তাহা দিগকে জয় করিতে পারিলে সর্ব বিষয়ে জয়লাভ করিতে পারা যায়।”

“কামবশতঃ পাণ্ডু বিনষ্ট; ক্রোধ জন্ত অহুহাদ পুত্রধনে বঞ্চিত; লোভবশতঃ ঐল, মদবশে বেণরাজ ব্রাহ্মণগণ কর্তৃক নিহত; অনাঘূষাপুত্র বলি অভিমান জন্ত, আর পুরজয় হর্ষবশেই নিধন প্রাপ্ত হইয়াছে। মহারাজ মরুত ঐ সমস্ত রিপুকে পরাজয় করিয়া সমস্ত লোক জয় করিয়াছিলেন। নরপতি এই সকল বিষয় স্মরণ করিয়া দোষ সকল পরিত্যাগ করিবেন। নরপতি শত্রুর প্রতি কৌটের গায় আচরণ করিবেন; অর্থাৎ বাহ্যিক প্রকাশ না করিয়া কীট-যে রূপ জব্য নষ্ট করিয়া জর্জরিত করে সেইরূপ করিতে হইবে। পিপীলিকার গায় সঞ্চয়ী, অগ্নিস্থলিক এবং শাল্মলী বীজের গায় ব্যাপনশীল হওয়া রাজার, কর্তব্য। চন্দ্র সূর্য্য যেরূপ কখন তীক্ষ্ণ, কখন মৃদু কিরণ প্রদান করিয়া প্রত্যেক গৃহের বিষয় অবগত থাকেন, সেইরূপ নরপতিও হইবেন।”

“বন্ধকী, পদ্ম, শরভ, গুর্কিনীস্তন ও গোপাঙ্গনার নিকট স্ত্রীজ্ঞা শিক্ষা করিবেন। অর্থাৎ বন্ধকীর গায় অপরের চিত্ত বিনোদন করিবেন, পদ্মের গায় সকলের চিত্ত পরিতোষ করিবেন, শরভের গায় বিক্রমশীল হইবেন, শূলিকীর গায় শত্রুধ্বংসকারী হইবেন, এবং গর্ভিনীর স্তন যেরূপ ভাবী সন্তানের জন্ত দুগ্ধ সংগ্রহ করিয়া রাখে সেইরূপ মহীপতিও ভবিষ্যতের জন্ত সঞ্চয়ী হইতে যত্নবান হইবেন আর গোপাঙ্গনারা যেরূপ একমাত্র দুগ্ধ হইতে নানা প্রকার জব্য প্রস্তুত করে, সেইরূপ রাজাও কল্পনা পটু হইয়া নানা কর্মের অবতারণা করিবেন। পৃথিবী পালন কার্যে নরপতি ইন্দ্র, সূর্য্য, যম, চন্দ্র ও বায়ু এই পঞ্চ দেবতার আচরণ অনুকরণ করিবেন। অর্থাৎ ইন্দ্র যেরূপ চার মাস বর্ষণ করিয়া পৃথিবীবাসীকে আপ্যায়িত করেন রাজাও সেইরূপ দান করিয়া সকলকে পরিতুষ্ট করিবেন। সূর্য্য যেরূপ আট মাস রশ্মি সহযোগে জল শোষণ করেন সেইরূপ নরপতিও সূর্য্য উপায়ে, ওষাদি সংগ্রহ করিবেন। যম যেরূপ কাল প্রাপ্ত হইলে প্রিয় অপ্রিয় সকলকে নিগৃহীত

করিয়া থাকেন সেইরূপ রাজাও প্রিয় অপ্রিয় ছুটে ও অছুটে সকলের প্রতি সমদর্শী হইবেন। পূর্ণচন্দ্র দর্শনে যেরূপ সকলেরই আনন্দ লাভ হয়, সেইরূপ যে নরপতির শাসনে প্রজাবর্গ প্রীতলাভ করে তিনিই যথার্থ শশিব্রতধারী। বায়ু যেরূপ গুপ্তভাবে সর্বভূতে বিচরণ করিয়া থাকে সেইরূপ রাজাও চরদ্বারা পৌর-অমাত্য ও বান্ধবগণের চরিত্রাদি অবগত হইবেন। কাম লোভ কিম্বা অর্থের জন্ত অথবা অজ্ঞ কোন কারণে যাহার মন আকৃষ্ট হয় না, হে বৎস, সেই মহীপতিই স্বর্গে গমন করিয়া থাকেন। উৎপথগামী অর্থাৎ উৎকোচ আদি গ্রহণকারী মৃতগণকে এবং স্বধর্মভ্রষ্ট জন-গণকে যে রাজা স্বধর্মে আনন্দন করেন তিনিই স্বর্গে গমন করিয়া থাকেন।”

“হে বৎস! যে রাজার রাজ্য বর্ণধর্ম বা আশ্রমধর্ম কোনরূপে অবমানগ্রস্ত হয় না, তিনি ইহলোক ও পরলোকে শান্ত সুখ ভোগ করিয়া থাকেন। বুদ্ধিমান ব্যক্তির পরামর্শ অনুসারে কার্য করা আর সকলকে স্ব স্ব ধর্মে স্থাপন করাই রাজার প্রধান কার্য এবং ইহাই তাঁহার সিদ্ধিলাভের কারণ। প্রজাগণকে সম্যক প্রকারে পালন করিলে, নরপতি কৃতকৃত্য হইয়া থাকেন আর তাহাদের ধর্মের অংশও প্রাপ্ত হইয়া থাকেন। যে নরপতি চতুর্দিকের রক্ষার জন্ত এইরূপ নিয়মে অবস্থিতি করেন, তিনি ইহলোকে পরম সুখে বিহার করিয়া শেষে ইজের সালোক্য লাভ করিয়া থাকেন।”

এইরূপ আশ্রম ও বর্ণধর্ম বিষয়ক নানাপ্রকার উপদেশ দিয়া তিনি বলিলেন, “গুরুজনের চুক্তি কাহারও মিথ্যে প্রকাশ করিবে না। তাঁহারা জুড় হইলে তাঁহাদের প্রসন্নতা সম্পাদন বিধেয়। অজ্ঞ কেহ তাঁহাদের পরিবাদ করিলে তাহা শ্রবণ করিবে না। যাহারও মর্মপিড়া দেওয়া উচিত নহে। লোকের প্রতি আক্রোশ প্রদর্শন ও পশুর দ্বারা স্মাচরণ পরিত্যাগ করিবে। দস্ত, প্ৰতিমাম ও তীক্ষ্ণ ব্যবহার পরিত্যাগ করা কর্তব্য।”

“মূঢ়, উন্মত্ত, বিপন্ন, বিরূপ, মায়াবী, হীনাক, অধিকার এই সকল ব্যক্তিকে পরিহাস দ্বারা ছুড়িত করা উচিত নহে। উদ্ধত, উন্মত্ত; মূঢ়, অকিনয়ী, অসচ্চরিত্র, চৌধ্যাদিদোষে ছুড়িত, অপরিমিতব্যয়ী; লুক, শক্র, বহুকী, হীন, নীচাশয়, নিম্নিত, সর্বদাশঙ্কী ও দৈবধরায়ণ এই সকল ব্যক্তির সহিত মিত্রতা করা বিচক্ষণ ব্যক্তির কর্তব্য নহে। সাধুগণের সহিত মিত্রতা স্থাপন করা উচিত। প্রজ্ঞাবান, শক্তিমান এবং যাহারা কার্যে উত্তোগী একরূপ ব্যক্তির সহিত মিত্রতা স্থাপন করিবে।”

“হে পুত্র! যে কার্য দ্বারা আত্মা জুগুপ্সিত না হয়, আর যাহা মহাজনের কাছে গোপনে নহে, নিঃশব্দ হইয়া একরূপ কার্যের অনুষ্ঠান করিবে।”

“যে সকল ব্যক্তি পিতৃগণ, সংশয়, যজ্ঞ, যজ্ঞ প্রভৃতির নিন্দা করে, হে পুত্র, তাহাদিগের সহিত জালাপ অথবা তাহাদিগকে স্পর্শ করিলে সাজুরীয় দিয়া সূর্য দর্শন করিলে শুদ্ধ হইবে।”

“পূর্বপুরুষের নিন্দা শ্রবণ করিলে নিজের শক্তির উপর সন্দেহ উপস্থিত হইয়া থাকে, তারপর ধীরে ধীরে সমস্ত শক্তি নষ্ট হইয়া যায়। যে ব্যক্তি পূর্ব পুরুষের নিন্দা শ্রবণ করে সেই অধম পুরুষ দ্বারা একরূপ কোন নীচ কার্য নাই যাহা অনুষ্ঠিত হইতে না পারে। কাহাকেও মানবধর্ম হইতে চ্যুত করিতে হইলে তাহার শাস্ত্রের অপকর্ষতা প্রভৃতি হৃদয়ে বদ্ধমূল করিতে পারিলেই তারপর অনায়াসে তাহাকে ধর্মভ্রষ্ট করিতে পারা যায়। ধর্মপ্রচারকেরা একথা ভাল করিয়া বুঝিয়াছিলেন বলিয়াই তাঁহারা শাস্ত্রনিন্দক বিধর্মীকে সংহার করিতেও পশ্চাৎপদ হইতেন। কোমল প্রকৃতির বালক বালিকাকে রক্ষার জন্ত ও বিশেষরূপে দৃষ্টি দেওয়া উচিত।” সুরক্ষণীয় বালক বালিকারা সুরক্ষিত না হওয়াতে দেশের ভিতর নানাপ্রকার কদাচার প্রবল বেগে বৃদ্ধি প্রাপ্ত হইতেছে।

স্নেহময়ী জননী, পুত্রকে অরসাদ হইতে রক্ষা করিবার জন্ত, তনয়ের কাম ভোগ নিবৃত্তি করিবার

অভিলাষে শেষ উপদেশ এইরূপ ভাবে প্রদান করিতে লাগিলেন—

“হে পুত্র! গৃহস্থগণ সর্বদাই মমতাপরায়ণ, স্তুরাং সহজেই দুঃখের আশ্রয় স্বরূপ। এই জন্যই কহিতেছি যে গৃহস্থাবলম্বী হইয়া রাজ্য শাসন করিতে করিতে যে সময় তোমার প্রিয় বন্ধুবিশেষ-জনিত অথবা অর্থক্ষয় জনিত দুঃসহ দুঃখ সমুপস্থিত হইবে সে সময় আমার এই প্রদত্ত অঙ্গুরীয়ক হইতে পত্র বাহির করিয়া তাহার মধ্যস্থ কুড়াঙ্করে লিখিত শাসন পাঠ করিবে।” এই বলিয়া মদালসা স্বর্ণ অঙ্গুরী প্রদান করিয়া পুত্রের প্রতি গৃহস্থের উপযুক্ত আশীর্বাদ প্রয়োগ করেন। তারপর কুবলায়ন পুত্রকে রাজ্য প্রদান করিয়া দেবী মদালসার সহিত বনমধ্যে তপস্যার জন্য প্রস্থান করেন।

মহারাজ অলক জায়াতুসারে বহুকাল রাজ্য পরিচালন করার পর তাঁহার ভোগ কামনা দূর হইল না। অলকের স্ত্রী স্ববাহু নামে এক বৈরাগ্যযুক্ত বনবাসী স্ত্রী ছিলেন। তিনি বিষয়নিগম ভ্রাতা, তীক্ষ্ণজ্ঞান যাহাতে প্রাপ্ত হন সে বিষয় বহু চিন্তা করিয়া প্রবল পরাক্রান্ত কাশীরাজের সহিত মিলিত হইয়া রাজ্যলাভের জন্য দূত প্রেরণ করেন। ক্ষত্রধর্মবিৎ অলক কাশীরাজের দূতকে প্রত্যুত্তরে কহিয়া পাঠাইলেন “আমার জ্যেষ্ঠ ভ্রাতা আমার কাছে আসিয়া প্রণয় সহকারে রাজ্য প্রার্থনা করুন, আক্রমণ ভয়ে অল্প পরিমাণে ভূমিও প্রদান করিব না।” মতিমান বীর্যধন স্ববাহু ক্ষত্রিয়ধর্ম-বিরুদ্ধ প্রার্থনা না করিয়া কাশীরাজ সৈন্যের সহিত মিলিত হইয়া ভ্রাতার দুর্গ-পালক ভৃত্যাদিকে বশীভূত করিয়া আক্রমণান্তে ভ্রাতাকে নিপন্ন করিলেন। অলক দিন দিন ক্ষীণকোষ, হীনবল, বিবাদগ্রস্ত ও ব্যাকুল হইয়া পড়িলেন। জননী মদালসা যে অঙ্গুরীয়ের কথা কহিয়াছিলেন তখন তাহা তাঁহার স্মৃতিপথে সমুদিত হইল।

অঙ্গুরী মধ্যে নিবন্ধ শাসনপত্র বাহির করিয়া পাঠ করিবামাত্র তাঁহার শরীর পুলকে প্রপূরিত ও নেত্রদ্বয় আনন্দে উৎফুল্ল হইয়া উঠিল। শাসনে লিখিত ছিল যে “সর্কাস্তঃকরণে সঙ্গ পরিত্যাগ করিবে। যদি সঙ্গ ত্যাগে সমর্থ না হও, তাহা হইলে সেই সঙ্গ সাধুগণের সহিত করাই কর্তব্য, কারণ সাধুসঙ্গ পরম ঔষধ। সর্কাস্তঃকরণে কাম পরিত্যাগ করিবে, যদি উহা পরিত্যাগ করিতে অক্ষম হও তাহা হইলে মুক্তিরই কামনা করিবে, কেননা উহাই তাহার ঔষধ।”

অলক জ্যেষ্ঠপুত্রকে রাজ্য প্রদান করিয়া আশ্রয়লাভের জন্য অরণ্যে গমন করিয়া অনতিকালের মধ্যে আশ্রয়লাভ করিয়া নির্মাণ লাভ করেন।

সে কালের জননী সন্তানদানের সহিত পুত্রকে ইহলৌকিক পারলৌকিক উভয় প্রকার জ্ঞানে প্রজ্ঞাবান করিতেন। দুঃখপ্রদ বিষয়ানন্দ ভোগের পর যাহাতে পুত্র আশ্রয়লাভের পরমানন্দ লাভে সমর্থ হয় সে বিষয় মাতাদের হীন দৃষ্টি ছিল না। সকল প্রকার সাধনার শ্রেষ্ঠ ফল—“অল্প হইতে যাহাতে ভীতির সঞ্চার না হয়”, পুত্র যাহাতে এই অত্যুক্তি সিদ্ধি লাভে সমর্থ হয় হিতকারিণী মাতা সে বিষয় বিশেষরূপে দৃষ্টি প্রদান করিতেন। পুত্র যাহাতে বীরের জায়, অনাশ্রয়লাভ এবং আশ্রয়লাভ উভয় জ্ঞানই লাভ করিতে সমর্থ হয় তাহার জন্য বিশেষরূপে সচেতন থাকিতেন।

আবার বর্তমান কালের জননীরা সন্তানগণকে অল্প প্রদান করুন, ভীতিবিহীন করুন, মুক্তি করতলগত হইবে। মুক্তির আর অন্য উপায় নাই। ভয়স্বিত্বচেতা অধম প্রকৃতির মনুষ্যের সমাজের বী দেশের মলস্বরূপ, জননীরা পুত্রের এ মল দূর করিতে প্রবৃত্ত না হইলে দেশ পবিত্র হইবে না।



# বাঁকুড়া জেলা সম্মিলনী সভানেত্রীর অভিভাষণ

[ ১২২৪ ]

( পল্লিশিষ্ট )

শ্রীমতী হেমপ্রভা মজুমদার ।

অভিভাষণ লিখার পর দুইটি গুরুতর বিষয় আমার মনোযোগ আকর্ষণ করিয়াছে। এই দুইটি বিষয়ের এখানে কিছু আলোচনা করা প্রয়োজন মনে করিয়া আপনাদিগকে আবার বিরক্ত করিতে বাধা হইলাম। একটি বাংলার নারীনির্ধ্যাতন, দ্বিতীয়টি কংগ্রেসে সর্বমতাবলম্বী কমিটির মিলন-পন্থা নির্ণয়ে মহাত্মা ও ডাঃ বিবি বেশাস্তের বর্ণনা।

নারী নির্ধ্যাতন—

মালদহবাসীদের বিশেষ অসুস্থতায় নারীনির্ধ্যাতন ব্যাপারে মালদহ যাইয়া যাহা দেখিলাম, তাহাতে এ বিষয়ে বিশেষ আলোচনা প্রয়োজন মনে করিতেছি। বাংলার সর্বত্রই নারী-হরণ ব্যাপার চলিতেছে। বর্তমানে ইহা একটু গুরুতর আকার ধারণ করিয়াছে। এই উপলক্ষে বাংলায় হিন্দু মুসলমানের ভিতরে বিশেষ উপদ্রবের আশঙ্কাও দেখা দিতেছে। ইহা সত্য যে মুসলমানধর্মে, ব্যবস্থায় বা গ্রন্থে কোথাও নারী-হরণের ব্যবস্থা নাই। নারী-হরণ ব্যাপারটা সর্বত্রই হিন্দু হউক বা মুসলমান হউক, অসচ্চরিত্র লোকদের দ্বারা হইয়া থাকে। হিন্দু ও মুসলমান উভয় সমাজের নেতা ও সচ্চরিত্র লোকদের একান্ত কর্তব্য ইহাকে বিশেষ ভাবে দমন করা। কিন্তু আজ দেখা যায় হিন্দুনারী-হরণকারী মুসলমানকে মুসলমানসমাজ দমনের চেষ্টা করেন না, বরঞ্চ কেহ কেহ আনন্দ প্রকাশ করেন। এমন কি কোন কোন স্থানে নারী-হরণকারী গুণ্ডাকে প্রকাশ্যে মিছিল করিয়া অভিনন্দন ও

অভ্যর্থনা করিয়া থাকেন। মুসলমানসমাজ তাহার বিরুদ্ধে কোন প্রতিবাদ বা চেষ্টা করেন নাই। ইহাতে আমি মনে করি মুসলমানগণ হিন্দুসমাজের অনিষ্ট অপেক্ষা নিজ সমাজের সর্বনাশই বেশী করিতেছেন।

মুসলমানসমাজ যাহাই করুন না, আমি মনে করি হিন্দুসমাজই এই জন্ত বিশেষভাবে দায়ী। সমাজে পাপ, পাপী, অসচ্চরিত্র, গুণ্ডা, চিত্রদিনই থাকিবে। গৃহস্থ সর্বদা তাঁর নিজ ঘর, নিজেই রক্ষা করিবেন। যেখানে নির্দোষী, নিরীহ হিন্দুরমণীকে গুণ্ডাগণ বলপূর্বক হরণ করে সে স্থলে হিন্দুগণকে সম্ভবত্ব ভাবে আত্মরক্ষার চেষ্টা করিতে হইবে। আমি যতদূর জানি এই সমাজ-গঠন ব্যাপারে হস্তক্ষেপ করিলে মুসলমান সমাজেরও অনেক লোক হিন্দুদের সহিত যোগদান করিতে প্রস্তুত হইবেন।

কিন্তু অসুস্থতায় দেখা যায় এই নির্ধ্যাতিত নারীদের মধ্যে অধিকাংশই বিধবা এবং হিন্দু সমাজে বিধবাদের অসহায় অবস্থাও ইহার একটা বিশেষ কারণ। হিন্দু সমাজ বিধবাদের ব্রহ্মচর্যের ভিত্তি দিয়া আদর্শ নারীরূপে গঠন করিয়া দেবীরূপে প্রতিষ্ঠা করার ব্যবস্থা করিয়া গিয়াছেন। কিন্তু সমাজ আজ তাঁহাদিগকে বিশেষ তুচ্ছ তাক্ষীল্যের সহিত দেখিতেছেন এবং তাঁহাদের বাড়ীতে রাখিয়া তাঁহার পিতামাতা, ভ্রাতা, ভগিনী ও আত্মীয় পরিজন সর্বদা ভোগ ও বিলাসে জীবনযাপন করেন, তাঁদের সম্মুখে বিলাসের আদর্শই দেখাইয়া থাকেন। পরে যখন এই বিলাসের মধ্যে বাস করিয়া কেহও



একটু পথভ্রষ্ট হন তখনই তাঁহাকে কোন প্রকার সংশোধনের ব্যবস্থা না করিয়া কেবল নির্ঘাতন করেন এবং ৮কাশীধাম, শ্রীকৃন্দাবনধাম ও নবদ্বীপধাম প্রভৃতি স্থানে ধর্মের নামে নির্কাসনের ব্যবস্থা করিয়া যথেষ্টভাবে চলিতে দেওয়া হয়। অতএব আমি মনে করি সমাজের এই উদাসীন ভাবই এই নারী-হরণের জন্ত বিশেষভাবে দায়ী এবং যতদিন সমাজ অন্ধচর্যের ভিতর দিয়া নারীশিক্ষার ও নৈরধব্যজীবন স্থাপনের ব্যবস্থা না করিবেন ততদিন এই পাপের উপশম হইবে না।

### মহাত্মা ও বিপ্লবপন্থী—

সর্ব সম্প্রদায়ের মিলন চেষ্টায় মহাত্মা ও ডাঃ বিবি বৈশাস্ত যে বর্ণনাপত্র বাহির করিয়াছেন তাহা আমাদের বিশেষ আলোচনার বিষয় মনে হইতেছে। মহাত্মা পরিষ্কার করিয়া বলিতেছেন নিরুপদ্রবতা, ব্যতীত অসহযোগ ও পাপ, এবং তাঁহার কার্যের ভাবে দেখা যায় এই উপদ্রবের আশঙ্কাই তাঁহাকে বিশেষ চিন্তিত ও বিচলিত করিয়া তুলিয়াছে।

মহাত্মার সহিত আলাপের পর ডাঃ বিবি বৈশাস্ত এই সিদ্ধান্তে উপস্থিত হইয়াছেন যে, যে দুইটা কারণে (অসহযোগ ও আইন অমান্য) তাঁহারা কংগ্রেস ছাড়িয়াছিলেন, মহাত্মা যখন সেই দুইটা আপাততঃ স্থগিত রাখিতেছেন তখন অন্যান্য সর্ব স্বীকার তাঁহারা কংগ্রেসে যোগ দিবেন। মহাত্মাও বলিতেছেন যত কম সর্ব্ব সকলে একত্র হইতে পারে তাহাই গ্রহণ করিতে হইবে, অর্থাৎ অসহযোগ ও আইন অমান্য আপাততঃ বন্ধ রাখিতে হইবে।

মহাত্মার এই ঘোষণা আজ বাঙ্গালীর ক্ষেত্রণার পূর্ব ও পরের অবস্থা আমার মনে করিয়া দিতেছে। আমি সমস্ত ভারতের কথা ভাবিতে পারি না কিন্তু আজ বাংলার ভাবনা আমাকে বিচলিত করিয়া তুলিয়াছে। বাঙ্গালীর সিদ্ধান্ত দেশে যে নীরবতা আনিয়াছিল তাহা আড়াই বৎসর পর স্বরাজ্যদলের

কর্ম ও পুনঃ পুনঃ জয়লাভ অনেকটা উপশম করিতে সক্ষম হইয়াছে; দেশে আবার উৎসাহ আনয়ন করিয়াছে। বাংলা আজ পুনরায় কর্মক্ষেত্রে অবতীর্ণ হইয়াছে। এ সময় যদি পুনরায় অগ্রগমন-কার্য বন্ধ হয় তবে আবার নিদ্রা আসিবে। জীবপ্রবণ বাঙ্গালীজাতি আবার ভাবের ঘোরে চলিয়া পড়িবে। অতএব অগ্রগমন কর্ম বন্ধ করা কিছুতেই সম্ভব হইবে না। পূর্ণ উত্তমে অগ্রসর হইতে হইবে। কংগ্রেসে থাকিয়াও এই কার্য করা যাইবে। মহাত্মা বলিতেছেন কংগ্রেস তাঁহার নির্দিষ্ট পন্থা মতে চলিবে। এতদ্ব্যতীত যাহার যাহা করিতে হয় তাহা কংগ্রেসের বাহিরে করিতে হইবে।

আমি আমার ক্ষুদ্র বুদ্ধিতে কংগ্রেস ও দেশকে কোনদিন ভিন্ন করিয়া ভাবিতে পারি নাই, এবং এখনও বুঝি না। তথাপি আমি ইহা বেশ বুঝি আমাদের কর্মক্ষেত্র দেশ ও দেশবাসীর মনোমন্দির। অতএব যদি কোন নির্দিষ্ট নিয়ম অবলম্বন করিলে কংগ্রেসের মধ্যে থাকিয়াও ভিন্নভাবে দেশের কাজ করা যায় তখন আমাদের তাহাতে সম্পূর্ণভাবে যোগদান করা উচিত। এবং সেজন্য যত পরিমাণ সূতা কাটা বা আর যে যে কাজ করা দরকার তাহা করা উচিত।

মহাত্মার ভাবে দেখা যায় তাঁহার মনে ও কর্ম-পদ্ধতিতে সকলের স্থান আছে। কেবল কানাইলাল, সত্যেন্দ্র, যতীন্দ্র মুখার্জী, স্কৃদিরাম, প্রফুল্ল চাকী ও গোপীনাথ প্রভৃতির সাধনার পথাবলম্বী সেবকদের কোন স্থান নাই; সেজন্য তিনি বর্তমান অবস্থায় অসহযোগকেও পাপ মনে করিতেছেন। কিন্তু ঐ প্রাতঃস্মরণীয় ত্যাগীগণের আত্মত্যাগের অমূল্যস্বর্ণকামী পথিকগণকে ২০ বৎসরের সাধক বাঙ্গালী ভুলিতে পারিবে কি? আজ নব বাংলা ও নবীন বাঙ্গালী জাতি কি ভাবিবে জানি না, কিন্তু আমি বঙ্গমহিলা, বাঙ্গালী, কানাইলাল, সত্যেন্দ্র, যতীন্দ্র, প্রফুল্ল ও স্কৃদিরামের ভগিনী স্থানে,

গোপীনাথ ও তারিণী মজুমদারের মাতৃস্থানে দাঁড়াইয়া, তাদের আত্মোৎসর্গের পথকে পাপের পথ বলিয়া ভাবিতে পারিতেছি না। অতএব বিপ্লবপন্থীগণ, তোমাদের বর্তমান কর্মপন্থা বিশেষ চিন্তার সহিত নির্দেশ করিতে হইবে। মহাত্মার নির্দিষ্ট পথ বেলগাঁও কংগ্রেস গ্রহণ করিলে অবশু তোমরা প্রতিজ্ঞামুক্ত হইবে, কারণ কংগ্রেসের এই কার্য সম্পূর্ণ প্রমাণ করিবে যে ১৯২০ সালের প্রবর্তিত পদ্ধতি আপাততঃ পরিহার করা হইল। কাজেই তৎপর বিপ্লবপন্থীরা প্রতিজ্ঞামুক্ত, কিন্তু তথাপি আমার মনে হয় ১৯২৫ সাল পর্যন্ত কোন উপদ্রবের পথ অনুসরণ করা সম্ভব হইবে না। কোনও দলে মিশিয়া কার্য করা সম্ভব হইবে। স্বরাজ্যদলের সঙ্গেই তোমাদের কার্যভাব অনেকটা মিলিবে।

### স্বরাজ্যদল ও বিপ্লবপন্থীদল—

স্বরাজ্যদলের সংঘর্ষ ও সংগঠন বিপ্লবপন্থীদের সংঘর্ষ ও সংগঠনের মধ্যে প্রভেদ আছে। স্বরাজ্যদলের লক্ষ্য—ক্রমে ক্রমে জাতিকে গড়িয়া তোলা এবং তাহা করিতে হইলে প্রতিপক্ষ শক্তি যাহাতে গঠন কার্ণে ব্যাঘাত না জন্মাইতে পারে তৎক্ষণ সংঘর্ষ উপস্থিত করিয়া তাহাদের বিত্রত রাখিয়া তাহার পশ্চাতে থাকিয়া সমাজ ও জাতি গড়িয়া তোলা। জাতি যত গড়িয়া উঠিয়া শক্তিশালী হইবে প্রতিদ্বন্দীশক্তি ততই হীনবল হইতে থাকিবে। ক্রমে জাতি পূর্ণভাবে গড়িয়া উঠিলে প্রতিদ্বন্দীশক্তির আর স্থান থাকিবে না। তখন ভারত এক নূতন ভাব সৃষ্টি করিয়া বিশ্বমানবতার সঙ্গে স্থান লইবে। এমন কি তাহার গুরুত্ব স্থান

অধিকার করার আকাঙ্ক্ষাও রাখে। তৎ উদ্দেশ্যে শাস্তিময় পথ ও শান্তির আবহাওয়া বজায় রাখা তাদের বিশেষ দরকার।

বিপ্লবপন্থীদের উদ্দেশ্য—বিদেশীর হাত হইতে দেশকে উদ্ধার করা পর্যন্ত। অতএব তাদের সংগঠন সংঘর্ষের দ্বারা। সংঘর্ষের দ্বারা নিজ শক্তির বৃদ্ধি করিয়া প্রতিপক্ষকে পরাজয় করিয়া দেশকে স্বাধীন করা পর্যন্ত তাদের কর্ম। তারপর ভবিষ্যতে কালের গতির সঙ্গে সঙ্গে মিশাইয়া দেশ তাহার নিজ ভবিষ্যত গড়িয়া তুলিবে। তাহা কি আকার ধারণ করিবে বা স্থান কোথায় হইবে তাহা নির্দেশ করিবে ভবিষ্যত এবং কাল। অতএব বিপ্লবপন্থীদের আপাততঃ স্বরাজ্যদলের সঙ্গে মিশিয়া কার্য করিতে কোন বাধা নাই।

### বাংলার ভবিষ্যত—

সর্বগ্রন্থ ভারতের সঙ্গে মিশিয়া যদিও বাংলার কার্যপদ্ধতি বিশেষ জটিল হইয়া উঠিতেছে, তথাপি বাঙালী, আজ তোমাকে নিজের পথ নির্ধারিত করিয়া লইতে হইবে। এই নবযুগের অগ্রগামী জাতি তোমাদিগকে আজ নানাভাবে উৎপীড়ন ও অত্যাচারের ভিতর দিয়া, নানা পরীক্ষায় উত্তীর্ণ করিয়া “মা” অগ্রগমনে নিযুক্ত করিয়াছেন, তোমরা পশ্চাৎপদ হইওনা, নিরুশ হইও না। ধৃতি অবলম্বন করিয়া কর্মপথে অগ্রসর হও। কর্মই কর্মের পথ পরিষ্কার করিয়া লইবে।

কর্ম! কর্ম!! কর্ম!!! কর্মই পন্থা, কর্মই সাধনা, এবং কর্মই সিদ্ধি।

কর্মই বর্তমান ভারতের যুগধর্ম।

বৃন্দেন্দ্রমাতৃমুঃ

# জেলের মেয়ে

( গল্প )

শ্রীমতী স্বর্ণলতা দেবী ।

নীলব নিস্তর প্রকৃতি । মামিনী গভীরা । উপরে দিগন্তবিস্তৃত নীলাকাশে পুঞ্জীভূত মেঘ ক্রমশঃ তাহার ধূমায়মান পক্ষ বিস্তার করিয়া ধরণী-বক্ষ আবৃত করিতেছে । পৃথিবীকে যেন বিরাট আধার গ্রাস করিতে বসিয়াছে । সেই আধারের বৃকে অীলেয়ার মত এক একবার বিজলীবালা নিভের তীর রূপের ঝিলিক হানিতেছে । কড়—কড়—কড়, এই গুরুগভীর গর্জনে মেঘ গর্জিয়া উঠিল ; তাহার সহিত প্রবল বাতাস বনিয়া উঠিল । সঙ্কে-সঙ্কে অবিরল ধারায় করকাধারী ধরার মুখে চোখে, প্রাসাদে কুটীরে, সাগর বক্ষে সশব্দে আসিয়া পড়িতে লাগিল । জল, ঝড়, ঝঞ্জাবাত প্রবল বেগে নর্জনশীল হইয়া প্রকৃতির সাজো বিষম অরাজকতা ঘটাইল । এ হেন দুর্ঘ্যোগে সকল প্রাসাদই রুদ্ধ । আবার বৃদ্ধ যুবা আজ সত্যে বাহার বাহার আশ্রয়ের অভয় কোণ্ডে লুকাইয়াছে । শুধু—শুধু এই সাগরতটে একখানি কুটীরে একটি আলোর ক্ষীণ রেখা ভিতর হইতে বাহিরে আসিয়া কাপিয়া কাপিয়া বিলয় হইতেছে । দুঃকুটীরের অভ্যন্তরে একটি চিন্তাশীলা নারী গভীর বদনে একবার নত নেত্রে কত বা উদাস চোখে কাহারও আগমন প্রতীক্ষা করিতেছে । মাঝে মাঝে বজ্রনির্নাদে সে চমকিয়া উঠিতেছে । এমন সময় পগনঃ পবন ভেদ করিয়া, সাগরবক্ষ কম্পিত করিয়া, সাগর-উর্ধ্বরাজির উপর দিয়া ভাসিতে ভাসিতে একটু করণ কারীর রোল কুটীর মধ্যে আসিয়া ধবনি হইল । রমণী একটু নড়িয়া চড়িয়া উঠিয়া দাড়াইল । কর্তব্যের কঠোরতা তাহার বদনে প্রতিকলিত হইল । তারপর স্বরিতপদে একটি আলোকধার হস্তে লইয়া, সেই নারী রোদনধ্বনির

অনুসরণ করতঃ সমুদ্রাভিমুখে চলিল । বাহিরে তখন আকাশবাতাস, বৃক্ষলতা, পর্বতশৃঙ্গ প্রকৃতি স্ব স্ব অধিকার অক্ষুণ্ণ রাখিবার জন্য দৃঢ়সঙ্কল্প হইয়া উন্নতবৎ যেন যুদ্ধ করিতেছে । আজ সমস্ত বিশ্বে বৃষ্টিবা প্রলয় উপস্থিত !

উন্নত মাতঙ্গের গায় ঐষে ভীমরবে সাগর-তরঙ্গ গর্জিয়া উঠিতেছে ! ভীমা প্রকৃতি রণরঙ্গিনী সংহারিণী চামুণ্ডার মূর্তি ধারণ করিয়াছে । এই গভীর দুর্ঘ্যোগময়ী রজনীর মধ্যভাগে, বিশ্বপ্রকৃতির মহাবিপর্ধ্যয়ের মাঝখানে, মূর্তিমান করাল দৈত্যের ক্রুটির মত ক্রুদ্ধ সমুদ্রের গর্জনশীল বক্ষে সেই ধীবর-রমণী ছোট্ট একখানি জেলেভিদি বাহিয়া, মস্ত তরঙ্গের উদ্যম গতিকে ব্যাহত করিয়া, কান্নার প্রতিধ্বনির অতি সূক্ষ্ম রেশটুকু ধরিয়া ওই চলিয়াছে । দূর—দূর—বহুদূর তরণী চলিয়াছে, প্রবল বাতাস অটুহাস্ত করিয়া তরণী দোলাইয়া দিতেছে, বৃহৎ তরঙ্গ তৈরবনাদে হকার ছাড়িয়া তাহার বিশাল বক্ষ ফুলাইয়া ক্ষুদ্র জেলেভিদিখানিকে বৃকের মাঝখানে লইয়া চলিয়াছে । অনাবৃত মস্তকোপরি অগ্নিউদ্যারকারী ভীষণ বজ্রনির্ঘোষ, চপলার চকিত শিহরণ ! ওই তুষারশৃঙ্গ ধসিয়া পড়িয়া বৃহৎ অর্ণবপোতকে চূর্ণ বিচূর্ণ করিয়া ফেলিতেছে । প্রকাণ্ড বিটপীসমূহ বেণু বেণু হইয়া উড়িয়া বাইতেছে ! আর, ওই তরণী বাহিয়া ওগো স্বদূর পথের যাত্রী, কতদূর চলিবে ? এই বিভিন্নকাময়ী কালরাজির রাক্ষসী ক্ষুধার আকর্ষণে আকর্ষিত কত শত হতভাগ্যের মর্শভেদী কান্নার করণ নিনাদে, তোমার ছরস সাগরগামী স্বামীর কর্তব্য অহুমানে, কতক্ষণ এই বিরাট সমুদ্রের বক্ষকোষ অন্বেষণ করিয়া ফিরিবে ?

না, সে-ত শুধু একা ফিরিতে পারে না, তা কিছুতেই হয় না। তাহার স্বামীর অমুসন্ধান করিবেই সে। তাহার স্বামীর কারার, স্বর তাহাকে যে এখানে টানিয়া আনিয়াছে, সে কি করিয়া বিফল-মনোরথ হইয়া ফিরিয়া যাইবে? না, তাহা হইতেই পারে না। পড়ুক চন্দ্র সূর্য্য নক্ষত্র কক্ষচ্যুত হইয়া, সারা বিশ্ব ধূলিকণা হইয়া অনন্তের সঙ্গে মিশাইয়া যাক, শত শত বজ্রের প্রচণ্ড অগ্নিশিখায় সাগরবন্ধ বলসিয়া উঠুক, তথাপিও সে প্রত্যাবৃত্ত হইবে না। আজ কেন, বুঝি যুগযুগান্ত ধরিয়া ব্যাকুল হিয়ার আকুল আবেগ বন্ধে লইয়া, রাত্রির পর রাত্রি দিনের পর দিন সে অন্বেষণ করিবে! যুগের পর যুগ বারিধির বিপুল বন্ধে ছুটিয়া বেড়াইবে! ঐ—ঐ চলিয়াছে সে।

বহুদূর যাইবার পর একখানা বড় জাহাজ তাহার মননপথের পশ্চিক হইল। ধীবর-রমণী তাহার তরী জাহাজের কাছে লইয়া গেল, এবং চীৎকার করিয়া জিজ্ঞাসা করিতে লাগিল, তাহারা কি একখানা জেলে ডিকি সম্মুখ দিকে যাইতে দেখিয়াছে? জাহাজের কাপ্তেন উচ্চৈঃস্বরে জাহাজের উপর হইতে বলিল “জাগো বাছা, সন্ধ্যার কিছু পূর্বে ওদিকে একখানা জেলে ডিকিকে যাইতে দেখিয়াছি বটে, তবে ফিরিয়াছে কিনা জানি না। উঃ যে দুর্ভাগ্য তাহাতে না ফেরাই সম্ভব।” জাহাজ অতিক্রম করিয়া ক্ষুদ্র তরণী তরণের উপর উঠানামা করিতে করিতে চলিল। কিছুদূরে আসিয়া সে দেখিল একটা ছোট ডিকি জলে ভাসিতেছে। সে সেই-খানের জলে বাঁপাইয়া পড়িয়া তাহার স্বামীর দেহ অন্বেষণ করিতে লাগিল। এই পাইয়াছে—না, কই কিছু না—হাঁ এইবার পাইয়াছে, সত্যই এইবার পাইয়াছে—এই একটা কঠোর হিম-নীতল মনুষ্য-শরীর তাহার হাতে ঠেকিল! রমণী বিপুল বলে ছই বাহর দ্বারা সত্তরপক্রিষ্ট, মরণোন্মুখ মানব-শরীরকে ডিকিতে উঠাইয়া শোয়াইয়া দিল। তাহার পর জলে ডোবা ব্যক্তির যে সকল প্রক্রিয়াতে জীবনীশক্তি প্রকাশ পায় সেই সকল প্রক্রিয়া করিতে লাগিল।

এদিকে নিশা অবসান হইয়া আগিতেছিল। প্রভাতের স্নিগ্ধ সূর্য্যরশ্মি সাগরের বুকে, পৃথিবীর গায়ে ক্রমশঃ ছড়াইয়া পড়িতেছিল। চারিদিকে রাজির প্রলয় ঝঞ্ঝার প্রকোপ কমিয়া গিয়াছে। জল ধামিয়াছে, ঝড় তিরোহিত হইয়াছে। তরণের বিপুল গর্জন, বায়ুর আকুলন শুক হইয়া গিয়াছে। পূর্ব গগনে ধীরে ধীরে তরণ তপন উদ্ভিত হইতেছেন। উষাকালীর সহস্র অঞ্চলখানি আলো ঝলমল হইয়া উঠিতেছিল। প্রভাতের প্রথম আলোক সম্পাতে ধীবর-রমণী সচকিতে দেখিল, একে! এতো তাহার স্বামী নয়! তাহার স্বামী তবে কোথায়! বেদনায় সে ম্লান হইয়া গেল। ক্রমেক পরে প্রকৃতিস্থ হইয়া সে বেশ করিয়া লোকটিকে দেখিতে লাগিল। দেখিতে দেখিতে তাহার মুখমণ্ডল এক স্বর্গীয় সুষমায় মণ্ডিত হইয়া গেল। এই ব্যক্তি তাহার স্বামী নয় বটে কিন্তু এষে এক প্রতিবেশী ধীবর-রমণীর স্বামী। তাহার স্বামীকে সে রক্ষা করিতে পারিল না সত্য কিন্তু আর একজন রমণীর স্বামীকে সমুদ্রগর্ভ হইতে উত্তোলন করিয়া তাকে বাঁচাইতে পারিল, ইহাতে সে নিজেকে ধন্য মনে করিতে লাগিল। অতঃপর সে উক্ত প্রতিবেশিনীর নিকট গিয়া বলিল, “ভগ্নি, দেখিবে এস তোমার স্বামীকে আমি সাগরতল হইতে উঠাইয়া, বাঁচাইয়া লইয়া আসিয়াছি, এই লও তোমার স্বামী।” রমণী সহানুভূতিসূচক কণ্ঠস্বরে প্রশ্ন করিল, “তোমার স্বামী কোথায়?” সে ধীরকণ্ঠে উত্তর দিল “সিন্ধুবন্ধে সলিল-সমাধিতে।” তারপর স্নিগ্ধ স্বরে বলিতে লাগিল, “ঈশ্বরের অসীম অমুগ্রহ তাই তোমার স্বামীকে আসন্ন মৃত্যুর গ্রাস হইতে রক্ষা করিতে পারিলাম।”

পরোপকাররূপ মহৎ ধর্মের গৌরবময় প্রেরণাই কি তাহার জীবনে সাধনা দিল? হাঁ কতকটা তাই বটে, তবে এটা বোধহয় “আমি”কে বিলিয়ে দিয়ে “তুমি”র স্বথে সুখী হওয়া রূপ উচ্চ ভাবোন্মেষ বা মানবের ইহলোকেই দেবত্ব লাভ।



# মহারানী

অধ্যাপক শ্রীযোগীন্দ্রনাথ সমাদ্দার ।

“মহারানী” বলিলে বিহারে, হাতুয়ার মহারানী মহোদয়াকেই বুঝায়। এরূপ পবিত্রচেতা, অধর্মনিষ্ঠা, পরোপকারিণী, দানশীলা, সাক্ষীরমণী বিহারে কেন, অসম্ভব বিবল। তাই “মহারানী” বলিতে ও বুঝাইতে তাঁহাকেই বুঝায়।

হাতুয়ার পরলোকগত, মহারাজা স্ত্রীর কৃষ্ণপ্রতাপ সাহী যখন ১৮৯৬ সালের ২০শে অক্টোবর তারিখে স্বর্গারোহণ করেন, তখন মহারানীর বয়স কমই ছিল। চারিবেৎসর বয়স্ক পুত্র ও একবেৎসর বয়সের কন্যা লইয়া মহারানী নিদারুণ বৈশ্বব্যসাগরে নিমগ্ন হন। এই সুদীর্ঘ অষ্টবিংশ বেৎসর তিনি কঠোর ত্রতধারিণী, সন্ন্যাসিনীর জায় কালান্তিপাত করিতেছেন।

স্বামীশোকবিধুরা সতীর সর্বপ্রথম ও সর্বপ্রধান কর্তব্য ছিল পুত্রকে সুশিক্ষিত করা। এ কর্তব্য তিনি যথাযথ ভাবে সম্পন্ন করিয়াছিলেন। ফলে মহারাজা গুরুমহাদেবোত্তমপ্রসাদ সাহীর জায় উপযুক্ত, কৃতবিদ্যা, উদার জমিদার খুবই কম দৃষ্ট হয়। এই বয়সের মধ্যেই তিনি দুই দুইবার কাউন্সিলের সদস্য নির্বাচিত হইয়া তৎপ্রকার গৌরব বৃদ্ধি করিয়াছেন। মহারাজা এই বয়সেই যে কৃতকার্যতার পরিচয় দিয়াছেন তাহার একমাত্র কারণ মহারানীর সুশিক্ষা ও দীক্ষা। মাতা বুদ্ধিমতী, দয়ালবতী, সুশিক্ষিতা হইলে যে পুত্র ও সর্বগুণাধার হইয়া থাকেন, এক্ষেত্রে তাহার প্রকৃত পরিচয় প্রাপ্ত হওয়া যায়।

মহারানীর জমিদারীর আয় প্রায় বিশলক্ষ টাকা। কিন্তু, তিনি ধেরূপ সহজ ও নিরাড়ম্বরভাবে জীবনযাত্রা নির্বাহ করেন, তাহা অবগত হইলে আশ্চর্য্যান্বিত না হইয়া থাকিতে পারা যায় না।

তিনি দিনান্তে বহুস্ত পাক করিয়া অতি সামান্ত আহার গ্রহণ করেন। অতি সাদাসিধে ভাবে থাকেন। অধিকাংশ সময়ই তিনি পূজার্তনায় অতিবাহিত করেন। এবং অনেক সময় তীর্থক্ষেত্রে অতিবাহিত করেন।

অথচ, মহারানী তাঁহার বিস্তৃত জমিদারীর প্রত্যেক বিষয় পুঙ্খানুপুঙ্খরূপে পর্যবেক্ষণ করেন। জমিদারী সংক্রান্ত কোন বিষয়ই তাঁহাকে না জানাইয়া নির্বাহ হয় না। সকল বিষয়েই তিনি নখদর্পণে রাখিয়াছেন। ইহাতেই তাঁহার কার্যদক্ষতা, বুদ্ধিমত্তার প্রকৃত পরিচয় পাওয়া যায়। অদ্ভুত পরিচালনাশক্তি বলে বিস্তৃত জমিদারী তিনি অতি সুশাসনে রাখিয়াছেন।

মহারানী অপ্রকাশে যে দান করেন তাহার তালিকা নাই। পীড়িত, আর্ত, বাধিত—কেহই তাঁহার নিকটে নিরাশ হয় না। এতদ্ব্যতীত ধর্মকার্যে, বিবাহাদি পুণ্যকর্মে তিনি সদাই মুক্তহস্ত।

অনহিতকর কার্যে মহারানী যে কত অর্ধদান করিয়াছেন তাহার তালিকা করা আদৌ সম্ভবপর নহে। তবে নিম্নোক্ত দানগুলি অবশ্যই উল্লিখিত হইতে পারে—

দুর্ভিক্ষ নিরাকরণ করে— এক লক্ষ  
ভিক্টোরিয়া মেমোরিয়াল— এক লক্ষ  
লেডি ডফ্রীণ হাসপাতালে— পঞ্চাশ সহস্র  
দেশীয় খাজীদের শিক্ষার্থ— পঞ্চাশ সহস্র  
রাঁচি কলেজে হিন্দু ছাত্রদের বোর্ডিংয়ের জন্য—  
পঞ্চাশ সহস্র  
আর্ত সৈনিকদের পরিবারদের সাহায্য—

চল্লিশ সহস্র



ছাপরায় জীলোকদের দাতব্য চিকিৎসালয়—

ত্রিশ সহস্র

বৃত্তির অল্প ——ত্রিশ সহস্র

মজফরপুরে জীলোকদের দাতব্য চিকিৎসালয়—

পঞ্চদশ সহস্র

পাটনার দাতব্য চিকিৎসালয়—

দশ সহস্র

এইসকল দানের অল্প ১২০০ সালের জুন মাসে সম্রাজ্ঞী ভিক্টোরিয়া তাঁহাকে ‘কৈসরী হিন্দ’ স্বর্ণ পদক প্রদান করেন। বলা উচিত এই পুরস্কার সেই বৎসরেই প্রথম অস্থাপিত হয়। এই পদক দিবার সময় বঙ্গের লেফটেন্যান্ট গবর্নর হাতুয়ার্ঘ্য যে দরবার করেন তাহাতে নিম্নোক্ত মর্মে বক্তৃতা প্রদান করেন।

“মহারাজী মহোদয়াকে এই পুরস্কার প্রদানার্থ এই দরবার অস্থাপিত হইয়াছে। মহারাজীর দানের অল্প তাঁহাকে এই সম্মানে উপস্থিত মনে করা হইয়াছে। ১৮২৮ সালে তিনি দুর্ভিক্ষ নিবারণকল্পে লক্ষ টাকা প্রদান করেন। লর্ডকার্জন অস্থাপিত ভারতীয় জীলোকের চিকিৎসার সাহায্যের অল্প তিনি পঞ্চাশ সহস্র মুদ্রা প্রদান করিয়াছেন। কিন্তু, তিনি আর্ন্তের দুঃখনিবারণের অল্প যে দান করেন, তন্মধ্যে কেবল দুইটাই উল্লেখ করা গেল। তিনি যেসকল দয়ালু তাহাতে তাঁহার নাম সকলের নিকটেই প্রিয় এবং তিনি সর্বসাধারণের নিকটেই সম্মানার্থ। কোনপ্রকার অসুযোগ উপরোধে অসুপ্রাণিত না হইয়াও তিনি বেচ্ছায়, দুর্ভিক্ষপীড়িত আর্ন্তের প্রাণদানার্থ লক্ষ টাকা দান করিয়াছেন। তাঁহার স্বামীর স্বরণার্থ এই দান করিয়া তিনি হিন্দুবিধবার অবশ্য করণীয় কর্তব্য সম্পাদন করিয়াছেন।”

স্বর্ণের কৈসরীহিন্দ পদকপ্রাপ্তি উপলক্ষ্যে তাঁহার প্রজাবন্দ তাঁহাকে যে এক প্রীতি-অভিনন্দন প্রদান করেন, তদৃষ্টে সহজেই প্রমাণিত হয় যে

তিনি কিরূপ পরম দয়ালু। “Your Highness has ever been ready to relieve the poor and the needy, thousands of whom invoke blessings on your Highness and on our beloved young Maharaja for what your Highness has done to ameliorate their condition. These are but a few instances out of the thousand and one generous deeds and acts of princely munificence, which your Highness has done most unostentatiously and which have rendered your Highness’ name a household word through the province. These sterling qualities of your heart have endeared your Highness not only as a master but also as a mother to us.” অর্থাৎ আপনি সদা সর্বদাই দুঃখ ও আর্ন্তের অভাব মোচনে, বহুপরিকর এবং তৎসমস্ত তাহারা আপনার ও আমাদের প্রিয় মহারাজের উপর আশীর্বাদ বর্ষণে রত। এরূপ সহস্র সহস্র দৃষ্টান্ত উল্লেখ করা যাইতে পারে— আপনার অনাড়ম্বর দানের অল্প প্রদেশের সর্বত্রই আপনার নাম লওয়া হয় এবং এই অল্পই আপনাকে আমরা কেবল প্রস্তুত জ্ঞায় দেখি না—আপনাকে আমরা গর্ভধারিণী মাতার জ্ঞায় দেখি।

লোকের উপকার, হৃদয়ের হৃদিশা বিরাকরণ, দেবসেবা, পূজার্চনা করিয়া মহারাজী দিনপাত করিতেছেন। তিনি ও তাঁহার আদরের পুত্র মহারাজা বাহাদুর স্নেহে, স্বচ্ছন্দে কালান্তিপাত করুন। হিন্দুজীর আদর্শে, প্রজার মঙ্গলার্থে অসুপ্রাণিত হইয়া মহারাজী দীর্ঘকাল দেশের ও দেশের উপকার করিতে থাকুন, ভগবানের নিকট আমরা কায়মনে তাহাই প্রার্থনা করি।

# প্রত্যাবৃত্ত

( উপস্থাপন )

শ্রীমতী প্রত্যাবৃত্তী দেবী সরস্বতী ।

[ মুর্ক প্রকাশিতের পর ]

( ১৫ )

সন্ধ্যার ট্রেণে অসীম বধু লইয়া নামিল। হেমলতা স্বামীর উপর রাগ করিয়াই এই বিবাহ খুব ধুমধামে দিতেছিলেন। ইহাতে বত টাকা লাগে লাগুক, স্বামীকে দেখান চাই তাঁহার ক্রমতা আছে কিনা।

বাড়ীটিকে গ্যাসের আলোয়, দেবদারু পাতায় ও ফুলের মালায় বড় সুন্দর সাজানো হইয়াছে।

ললিতাবাবু আজ নিজের গৃহী বরষা জিন্সের জুতা ছাড়িয়া দিয়া পাণের এন্টা ছোট ঘরে আশ্রয় লইয়াছেন।

সেবিকা নিজের ঘরে বসিয়া খোলা জানলা পথে বাহিরের দিকে চাহিয়া ছিল। তাহার গৃহে একটা প্রদীপ স্নানভাবে জলিতেছিল। বাহিরের জগতের সঙ্গে, তাহার আজ সকল সম্পর্ক যেন ঘুচিয়া গিয়াছে।

অনন্তাকাশে বিন্দুর মত অসংখ্য নক্ষত্র ফুটিয়া স্বলম্বল করিতেছে। উহারা তো সবই দেখিতে পার, সবই জানিতে পারে। লোকে বলে ঋষুব মরিয়া নক্ষত্র হয়। ছোটবেলায় সে এই গল্পই শুনিয়াছে, এবং হৃদয়ের সহিত বিশ্বাসও করিয়াছে। তাহার মা-ও, কি ওইখানে নাই? তাহাকে আজ বড় ব্যথা বহিতে হইতেছে তাই আজ মায়ের কোলে গিয়া সে জুড়াইতে চায়। জগতের মধ্যে আর কোন্ স্থান আছে যেখানে সে ব্যথা জুড়াইতে পারে?

তখন মনে ভাসিয়া উঠিল পিতৃসম. খণ্ডের কোলে। আজ তিনিও যে তাহার পার্শ্বে আসিয়া দাঁড়াইয়াছেন! সব ছাড়িয়া তাহাকেই কোলে টানিয়া লইয়াছেন যে। তাহার চুখ তিনি মুছাইবার জন্য জীপুজের নিকট হীন হইয়াছেন।

সেবিকা বুক বল পাইল, তাহার হৃদয় আবার পূর্ণ হইয়া উঠিল। তবে, সে একেবারে অসহায় নহ, তারও সহায় আছে। প্রথম এ বাড়ীতে পদার্পণ করিবারাত্র যিনি তাহাকে মা বলিয়া ডাকিয়া কোলে তুলিয়া লইয়াছিলেন, তিনি আছেন; তাঁহার সেই স্নেহমাখা কোলটা তাহারই, আর কাহারও নহে।

ভগবান, হৃদয়ে বল দাও, সেবিকা যেন ভাঙ্কিয়া না পড়ে। সে নিজে উত্তোগী হইয়া স্বামীর বিবাহ দিতেছে, এখন কেন এ দুর্ভাগতা আসে? স্বামী যে ইহাতে সুখী হইবেন, স্বামীর মুখে ইহাতে যে হাসি ফুটিবে।

বর-বধু বাড়ী আসিয়া পৌছিল। অসংখ্য পুরুলনা-পরিবৃত্তা হেমলতা অসীম ও দীপালিকে আনিয়া প্রাঙ্গণে দণ্ডায়মান করাইয়া বরণ করিতে গেলেন।

ঠিক সেই মুহূর্ত্তে সেবিকা আসিয়া দাঁড়াইল। তাহার হাতে তাহার গহনার ছোট বাক্সটা। মুখে সামান্ত, অবগুণ্ঠন। হেমলতা বরণভালায় হাত দিবার পূর্বেই সেবিকা বাক্সটা সেখানে রাখিয়া বরণ

ডালা তুলিয়া লইয়া দৃঢ়স্বরে বলিল “এ কাজ আমার । বরণ আমি নিজে করব ।”

হেমলতার সর্কাদ জলিয়া উঠিল । তিনি তীব্র কটাক্ষে সেবিকার পানে চাহিলেন । চারিদিকে একবার চোখ ফিরাইয়া দেখিলেন সকলের বিশ্বয়পূর্ণ চক্ষু তাঁহাদের উপরে পতিত ।

অনেকগুলি কর্কশ কথা তাঁহার রসনাগ্রে আসিয়া পড়িল, কিন্তু দেশ কাল বিবেচনা করিয়া সেগুলিকে আবার যথাস্থানে পাঠাইয়া তিনি বলিলেন “পাগলামী কর না বাছা, সরে যাও ।”

সেবিকা পূর্ববৎ দৃঢ়কণ্ঠে বলিল “আপনি সন্মনস্বী, বরণ আমি আর কাউকেই করতে দেব না । এ কাজটা আজ আমারই । আপনার করবার মত চের কাজ আছে, সে সব আপনি করবেন । দয়া করে এ কাজটা হতে আমায় বঞ্চিত করবেন না । আমি আমার সব ছেড়ে দিয়েই তো চলেছি মা, এটা যাবার সময়কার অস্থবোধ ।”

শেষ কথাগুলি বলিবার সময় তাহার কণ্ঠ বড় আর্দ্র হইয়া উঠিয়াছিল । প্রতিবাসিনীদের মধ্যে একজন করুণায় আর্দ্র হইয়া বলিলেন “আহা, তা করতে দাঁও না বাছা ।”

বিরক্ত ভাবে হেমলতা সরিয়া গেলেন । পুত্র ও পুত্রবধূ বরণ করিবেন সেই জন্ত আজ তিনি বৈশাখের সাতী ও সব অলঙ্কারগুলি গায় দিয়াছিলেন । এখন সেগুলি যেন গায় ফুটিতে লাগিল । সরিয়া গিয়া সেবিকার কাপড়খানার পানে চাহিয়া বলিলেন “বরণ করবার মতলব যদি ছিল, কাপড়খানা বদলালেও তো হতো বাবু । লোকে একে দোষ দেবে আমারই । তুমি নিজে ইচ্ছে করে স্বামীর বিষয়ে দ্বিচ্ছ, সকলে কি আর তা জানে ? লোকে ভাবে আমিই বিষয়ে দেওয়াছি । ওই কাপড়খানা যে পরে এসেছে এতেও লোকে দোষ দেবে আমারই । সংসা হলে তাকে যে অনেক কথা শুনেতে হয় বাছা, তাকে তুমি সব জান না ।”

কথাটা বলিবার উদ্দেশ্যে অন্য রকম ছিল । তিনি

খুব চালাক মেয়ে ছিলেন, তাই এই ভাবে সকলকে জানাইয়া দিলেন কর্ককর্তী সেবিকা নিজে, তিনি শুধু উপলক্ষ্য মাত্র ।

সেবিকা কোনও কথাই কাণ দিল না । বরণ শেষ করিয়া সে নিজের গহনার বাস্কাটা খুলিয়া নববধূর পানে চাহিয়া বলিল “দেখি বোন, এগুলো পরিয়ে দি ।” তোমার দিদির এগুলো স্নেহের দান বলে মনে করো, যুগা করে যেন কেলে দিও না ।”

তাহার কথাগুলি শুনিয়া আর তাহার গম্ভীর করুণ মুষ্টিখানি দেখিয়া দীপালি মুগ্ধ হইয়া গিয়াছিল । সে তখনই সতীনের লালবাসিয়া ফোলিল । হাসির কথা নহে, ভালবাসা জন্মে এক নিমিষে, তাহাতে বিলম্ব হয় না ।

সেবিকা নীরবে তাহাকে একে একে সব গহনাগুলি পরাইয়া দিল ; নিজের হাতে কেবল তাহার ছুগাছি শাখা ও লোহাটা রহিল । গহনা পরাইয়া দিয়া দীপালির অবগুষ্ঠন খুলিয়া তাহার স্বাগীর ললাটে “একটা স্নেহচূষন দিয়া রুদ্ধ কণ্ঠে বলিল ‘স্বধী হও ।’

বুঝি এক ফোঁটা তপ্ত অশ্রুও সেই চূষন বর্ষণের সঙ্গে ঝরিয়া দীপালির ললাটোপরি পড়িল, সে তাই অত্যন্ত চমকিত ভাবে তাহার মুখপানে চাহিল । সে মুগ্ধ মান কিন্তু বড় গম্ভীর । সে চোখে অশ্রু নাই ।

বরকত্তা গৃহে চলিল, সঙ্গে সঙ্গে গুরস্বীরও চলিল । সেখানে দাঁড়াইয়া রহিল শুধু সেবিকা । সে চাহিয়া দেখিতে লাগিল ছুই পায়ের আলতার ছাপটা কেমন করিয়া ধরার বৃক আঁকিয়া দিয়া, স্বামীর বামপার্শ্বে থাকিয়া সে চলিতেছে । একদিন সেবিকাও এমনই করিয়া ছুই আলতার ২৬ মাটিতে আঁকিয়া স্বামীর বামপার্শ্বে থাকিয়া ওই গৃহে উঠিয়াছিল । তাহার হৃদয় সেদিন পূর্ণ হইয়া উঠিয়াছিল, আনন্দে সে চোখে দেখিতে পায় নাই । আজ আজ ? আজ সে নিজের সর্কাদ পরকে দিয়া ভিখারিণী হইয়া গেল ।

চোখ দুইটি সবে সম্মল হইয়া আসিতেছে সেই সময় পশ্চাৎ হইতে কে চাপা করে বলিল "গমনা-গুলো সব দিয়ে দিলে বউ-মা ? বুঝতে পারলে না কি পাগলামীর কাজ করলে। এর পরে তোমায় যখন এ বাড়ী ছেড়ে বেরতে হবে, তখন কি করে, চলবে তোমার ? গমনাগুলো না দিলেই পারতে।"

সেবিকা ফিরিয়া দেখিল রামলাল। অসীমের ব্যবহারে সেও বড় ছুঃখ পাইয়াছিল।

সেবিকা একটু হাসিয়া অশ্রুভরা চোখ দুইটা নামাইয়া বলিল "দরকার কি গমনাতে রামলাল ? নারীর জীবন-সর্বস্ব স্বামীই যখন অপরকে দিতে পারলুম, তখন আবার গমনা ?"

কণ্ঠ প্রায় রুদ্ধ হইয়া আসিল। পাঁছে ধরা পড়িয়া যায়, এই ভয়ে সে তাড়াতাড়ি নিজের গৃহে চলিয়া গেল। দরজাটা ভেজাইয়া দিয়া শীতল মেঝেয় সে দুইহাতে মুখ চাপিয়া ধরিয়া লুটাইয়া পড়িল।

আজ সে আর কেহ নয়, আজ সে পরণ। আজ তাহার কোনও দাবী নাই, সকল সর্ব্ব সে বিসর্জন দিয়াছে। তাহার কর্তব্য ফুরাইয়া গিয়াছে, এখন তাহাকে বাহির হইয়া যাইতে হইবে।

দরজা ঠেলিয়া কে গৃহমধ্যে আসিয়া দাঁড়াইল। সেবিকা একবার মাথা তুলিয়া দেখিল ললিতবাবু। সে আবার মুখ লুকাইল। আজ আর সে আপনাকে কোনও গোপনতার আড়ালে ঢাকিয়া রাখিতে পারিতৈছিল না। আজ তাহার নারীহৃদয় সকল সংঘমের বাধ ভাঙ্গিয়া বাহির হইয়া পড়িয়াছে।

ললিতবাবু বাহিরে আর বসিয়া থাকিতে পারেন নাই। সেবিকা কি করিতেছে দেখিবার জন্য ছুটিয়া আসিয়াছেন। তাহার কল্পনাই সত্য হইল।

নীরবে তিনি পুত্রবধূর পানে চাহিয়া রহিলেন। তাহার চক্ষু অশ্রুসিক্ত হইয়া উঠিল; বিকৃত কণ্ঠে তিনি ডাকিলেন "মা।"

ঝর ঝর করিয়া জল ঝরিয়া পড়িল। তিনি দাঁড়াইতে অক্ষম হইয়া তাহার মাথার কাছে বসিয়া পড়িলেন। অনেকক্ষণ পরে একটু শান্ত হইয়া

বলিলেন "তুমি নিঃশব্দেই তো তোমার এ সর্ব্বনাশ ডেকে আনলে মা। তুমি যদি মত না দিতে তবে এ বিষয়ে তো হতে পারত না।"

সেবিকা নিজেকে সামলাইল। উঠিয়া বসিয়া মুখ চোখ আঁচলে মুছিয়া ফেলিল। একটা নিশ্বাস ফেলিয়া বলিল "ভুল, বাবা ভুল। আমার মত না পেলে যে বিষয়ে হত না এমন কথাই নয়। আমি খোজ করে ছেনেছি এ বিষয়ে হতই। আমার মত না পেলেও হতো। আমার কথা শুধু একটা কারণ স্বরূপ থেকে গেল।"

উভয়েই নীরব। বাহিরে তখন নানা সুরে ব্যাণ্ড ও রোসনচৌকি বাজিতেছিল, বাড়ীখানা তখন আনন্দ-কলরবে পূর্ণ। বিবাদ কেবল এই ক্ষুদ্র গৃহটীতে আসিয়া জন্ম হইয়াছে।

অনেকক্ষণ পরে সেবিকা একটা দীর্ঘনিশ্বাস ফেলিয়া ডাকিল "বাবা।"

চমকিয়া উঠিয়া ললিতবাবু বলিলেন "কেন মা ?"

সেবিকা বলিল "আপনি ঠকন আশীর্বাদ করতে গেলেন না বাবা ? আপনার ছেলে যে। আপনার আশীর্বাদ না হলে যে অকল্যাণ হবে বাবা।"

এখনও এত ভক্তি ! ললিতবাবুর চোখে জল আসিয়া পড়িল। তিনি তাহা মুছিয়া বলিলেন "আশীর্বাদ করেছি মা। সম্ভান কখন বাপমায়ের আশীর্বাদ হ'তে বঞ্চিত হয় না।"

সেবিকা একটা শাস্তির নিশ্বাস ফেলিল। বলিল "আপনি এখানে কেন বাবা ? বাইরে যান।"

ললিতবাবু রুদ্ধ কণ্ঠে বলিলেন "আজ সকলে তোমায় এই আঁধার ঘরে ফেলে রেখে গেছে বউ-মা, আমি তোমায় কুড়িয়ে নিতে এসেছি। সকলে তোমায় ঘৃণা করে পায়ে দল চলে গেছে; আমি তোমায় আদর করে তুলে নিতে এসেছি। আজ হতে তুমি কেবল আমার একলা মা, আমি কেবল তোমার একলা ছেলে। মায়ের ঘানে আর কেউ নেই মা, চার পাশে আর কেউ নেই মা। আমি আজ তোমার কোলে আমার সপে দিচ্ছি, আমার তুলে নাও। আজ হতে মনে কর তোমার কেউ নেই,

কখনও কেউ ছিল না। 'তুমি আমার মা হ'তে ভাষা গলায় সে বলিল "তাই—তাই বাবা। আচ্ছা  
এসেছ, আমার মা হ'রছ।" • আমি সর্ব্বত্র বিনিয়োগে তোমাকেই তুলে নিলাম।"

সেবিকার চোখ দিয়া জল গড়াইয়া পড়িল।

( ক্রমশঃ )

## ভক্তির যুক্তি

শ্রীকুম্ভদরজ্ঞান মল্লিক বি-এ ।

ভক্ত বৈশাখের দেখা হল মোর  
এক কৃষকের সাথে,  
পুলকে দেখিছে কেতের ফসল  
ছকাটা লইয়া হাতে ।  
দেখিয়া আমারে নৌরাইল শির  
কহিল 'ঠাকুর শোনো,  
তুমি পণ্ডিত আমি ত মুর্থ  
জান নাই মোর কোনো ।  
পাড়ায় আজিও অগড়া হয়েছে  
একটা বিষয় নিয়ে  
এই ছনিয়ার মালিক যে জন  
পুরুষ বটে কি মেয়ে ।  
অগম্যের পুঞ্জারী মহেশ  
বলিয়াছে অটা নাড়ি,  
ধরার কৰ্ত্তা অগম্যের  
হইতে পারে কি নারী ?  
শ্রামা মা আমার প্রসব করেছে  
এই যে বিপুল ধরা,  
আমি ত অবাক একথা মানে না  
মাথায় গোবর ভরা !  
উবার কপালে কে পরালে টিপ  
কাজল মেঘের চোখে,  
টুনটুনি হারি কোথা পেলে বাণী  
দেখেও দেখে না লোকে ।  
অগম্যজননী নাহি হত যদি  
দোপাটা পেত কি কোটা ?  
গোলাপ পেত কি রাজা চেলা তার  
কলসী গরম গোটা ?

শিখী কোথা পেত ময়ূরকণী  
'রেশমী পোষাক' টিয়া,  
খুঁটি কোথা পেত ছোট বুলবুলি  
বাঁধা লাল ফিতা দিখা ?  
স্বমুখেতে দেখ ছুঁ বোলতা  
সোপালী ঘুঙ্গি পরা  
বকের কামিজ কিবা ইস্তিরি  
যায়না ময়লা করা !-  
ভূতলে গগনে গিরি নদী বনে  
দেখুক আসি যে কেহ—  
চারি দিক দিয়া গড়ায়ে পড়িছে  
মায়ের গভীর স্নেহ ।  
পিতা! হলে মেয়ে খেতে দিতে পারে  
সোহাগ পারে কি দিতে,  
টিপ্ কাজলেতে সাজাইতে পারে  
দেখিনি ত হেন পিতে ।  
তুমিই ঠাকুর মীমাংসা কর'  
বসিল সে হামি মুখে,  
তাহার কথার নবীন আলোক  
তুফান তুলিল বুকে ।  
বলিলাম 'মহা ধর্ম্মক্ষেত্র  
এই সে তোমার মাঠ  
তুমিই দেখছি হেথায় করেছ  
বুকের চণ্ডী পাঠ ।  
তুমি ভক্তির তসর পরেছ  
তোমারে প্রণাম কোটা,  
পাতা খেয়ে মোর ভোতা হল মুখ  
এখনো বাঁধছি ওটা !



## কালো মেয়ে

শ্রীধীরেন্দ্রচন্দ্র মজুমদার বি-এল।

হিন্দুসমাজে মেয়ের বিবাহ, ব্যাপার যে কি এক ঘোরতর সমস্যা পরিণত হইয়াছে, তাহা কাহারও অবদিত নাই। তথাকথিত উচ্চশ্রেণীর মধ্য কল্যাণসন্তান জন্মিলে অনেকে দুর্ভাগ্য বলিয়া মনে করেন। কল্যা হইলেই পিতামাতার প্রধান ভাবনা হয়, কি করিয়া ইহার বিবাহ দিব? বলা বাহুল্য, এই মেয়ে-বিবাহসমস্যার প্রধান কারণ পণপ্রথা। আবার পণপ্রথার মূলে দুইটি জিনিষ দেখিতে পাই—একটি অর্থগুরুতা, অপরটি 'কালো মেয়ে'। মেয়ের বর্ণের কালো ফর্সার সহিত পণের পরিমাপের হ্রাসবৃদ্ধির ঘনিষ্ঠ সম্বন্ধ দেখা যায়। লোকে একে মেয়ে হওয়াটাই দুর্ভাগ্য মনে করে, তার পর সে মেয়ে যদি আবার কালো হয়, তবে তাহার পিতামাতার চক্ষুস্থির হইয়া যায়। বাস্তবিক আজকাল কালো মেয়ে পাত্রস্থ করা যে কি এক মহা সমস্যার ব্যাপার, তাহা ভুক্তভোগী ভিন্ন কেহ অনুভব করিতে পারিবেন না। অনেক সময় অত্যধিক পণ দিয়াও কালো মেয়ের বিবাহ দেওয়া কঠিন হয়। মেয়ের গায়ের রং যদি ফর্সা হয়, তবে তাহার সাত খুন মাপ—তাহার অন্তান্ত গুণ আছে কি না আছে, সে দিকে তত দৃষ্টি দেওয়া হয় না। আর মেয়ে যদি কালো হয়, তবে বহুগুণের আধার হইলেও সহজে কেহ তাঁহাকে বিবাহ করিতে চাহে না। টাকার লোভে ছেলের মা-বাপ রাজি হইলেও অনেক চাকাক ছেলেকেই বলিতে শোনা যায়, "কালো মেয়ে, বিয়ে করিতে আমার তত আপত্তি নেই, তবে কিনা আমার মেয়ে যখন কালো হবে, তখন তাকে কে উদ্ধার করবে?" কমলাকান্ত স্বর্গীয় ভাষায় বলিতে গেলে ছেলে নিজেই হয়ত "ঘোরতর কৃষ্ণবর্ণ," কিন্তু সে কথা কে বলিতে

হইবে? সে যে ছেলে! মেয়ে কালো হইলেই তত বিপদ! ইহাদের কথা শুনিয়া মনে হয় সন্তানসন্ততির কালো ফর্সা হওয়া সমস্তই যেন শুধু মাতার গায়ের বর্ণের উপর নির্ভর করে, পিতার বর্ণে কিছু আসে যায় না। কিন্তু জন-বিজ্ঞান কি অন্তরূপ সাক্ষ্য দেয় না?

মাহুয সৌন্দর্যের উপাসক। সুন্দর জিনিষ কে না চায়? একটি সুন্দর ফুল দেখিলে কাহার না পাইতে লোভ হয়? একটি সুন্দর শিশু দেখিলে কাহার না কোলে করিয়া আদর করিতে ইচ্ছা হয়? এই জগুই বক্ষিমঙ্গল এক স্থানে বলিয়াছিলেন, "সুন্দর মুখের সর্বত্র অয়।" সুন্দর জিনিষকে সকলেই আদর করে, সকলেই পছন্দ করে। বিবাহের পূর্বে পুরুষমাত্রেয়ই একটা ইচ্ছা হয়—আমার স্ত্রী সুন্দরী হউক, একথা বলিলে বোধ হয় সত্যের অপলাপ করা হয় না, কেন না, ইহাই স্বভাবের নিয়ম। সুন্দরী রমণীর অন্ত পুরুষজাতি পাপল; ইহা কেহ অস্বীকার করিতে পারেন কি? পৃথিবীর অনেক বড় বড় যুদ্ধবিগ্রহ সুন্দরী রমণীর অন্ত সংঘটিত হইয়াছে, ইতিহাসে ইহার তুরি তুরি প্রমাণ আছে। দেবীস্বরের যুদ্ধ, রাম-রাবণের যুদ্ধ, কুরুক্ষেত্রের যুদ্ধ, ট্রয়ের যুদ্ধ প্রভৃতি হইতে আরম্ভ করিয়া প্রাচীন ও মধ্যযুগের অনেক যুদ্ধবিগ্রহই সুন্দরী রমণীকে কেন্দ্র করিয়া সংঘটিত হইয়াছে। সম্প্রতি, বোম্বাইয়ে সুন্দরী মমতাজ খেগমকে লইয়া কি হলুদুল কাঁওটাই আরম্ভ হইয়াছে, তাহা বোধ হয় পাঠকপাঠিকাগণের অজ্ঞাত নাই।

পুরুষ সুন্দরী স্ত্রী চায়, পক্ষান্তরে স্ত্রীরও কি সুন্দর স্বামী পাইতে ইচ্ছা হয় না? আমাদের কোন পাঠিকা হয়ত বলিতে পারেন, "না, আমাদের সেরূপ

ইচ্ছা হয় না।” যদি এরূপ কেহ বলেন তাঁহার উত্তরে আমি বলি, তিনি নিশ্চয়ই মনের কথা বলিতেছেন না। পুরুষ যেরূপ সুন্দরী স্ত্রী চায়, রমণীও তক্রূপ সুন্দর স্বামী চায়, ইহাই প্রকৃতির নিয়ম, গায়ের জোরে ইহাকে অস্বীকার করা চলে না। অনেক রমণীই হয় ত বলিবেন, “আমরা পুরুষের মত অত স্বার্থপর নই; স্বামী আমাদের আরাধ্য দেবতা। স্বামী, স্বামী বলেই আমাদের নিকট চিরসুন্দর, তাঁহার দৈহিক সৌন্দর্য থাকুক, কি নই থাকুক, আমরা গ্রাহ্য করি না।” আমি একথা অস্বীকার করি না। তবে রমণীর এই মনোভাব হয়—বিবাহের পরে; বিবাহের পূর্বে নয়। অধিকাংশ পুরুষও বিবাহের পর নিজের স্ত্রীকে সুন্দরী দেখেন। বিবাহের পর স্বামীস্ত্রীর পরস্পরের প্রতি এরূপ মনোভাব হয় বলিয়াই সংসার এরূপ পবিত্রতাময়, এরূপ শান্তিময় হইয়া থাকে। যেখানে ইহার ব্যতিক্রম হয়, সেখানেই অশান্তি ও পাপের দাবানল জলিয়া উঠে।

আমরা বিবাহের পূর্বেকার অবস্থার কথাই আলোচনা করিতেছি। বিবাহের পূর্বে প্রত্যেক মেয়েরই ইচ্ছা হয় যে তাহার বরটি সুন্দর হউক। স কৃত্তে এ বিষয়ে একটি সুন্দর শ্লোক আছে—

কন্যা বরমতি রূপং, মাতা বিস্তং পিতা স্রুতম্ ।

বান্ধবাঃ কুলমিচ্ছন্তি, মিষ্টান্নমিতরে জনাঃ॥

বর যেরূপ সুন্দর কনে চায়, কনেও সেইরূপ সুন্দর বর চায়, বিবাহের পূর্বে এ কথাটা আমরা কল্পনে স্বীকার করি, করিলেও কল্পনে আমলে আনি? ছেলের জন্ত এত মেয়ে দেখা হয়, এত মেয়ে বাছা বাছ করা হয়, কিন্তু মেয়ের বেলায় কয়টি ক্রয়ের রূপ ঘাটাই করা হয়? অনেক ছলে বিবাহ সম্বন্ধে ছেলের মতামত জিজ্ঞাসা করা হয়; কিন্তু মেয়েদের বেলায় বিশেষ কিছুই হয় কি? আজ-কাল তথাকথিত উচ্চশ্রেণীর মধ্যে একটু বেশী বয়সেই মেয়ের বিবাহ হয়; কিন্তু বিবাহ-সম্বন্ধে তাহাদের কোনই মতামত জিজ্ঞাসা করা হয় না।

বস্তুতঃ, বিবাহ-ব্যাপারে আমাদের দেশের মেয়েদের কোনই হাত নাই। বিবাহের সময় আমাদের মেয়েদের যে কতজনের নিকট কতবার রূপশুণের পরীক্ষা দিতে হয়, তাহার ইয়ত্তা নাই। মেয়ে দেখার সময় মুখ, চোখ, হাত, পা হইতে আরম্ভ করিয়া আঙ্গুলের নখ, চুলের ডগা, পায়ের তলা প্রভৃতি মেয়ের সমস্ত অঙ্গকেই অতি কঠিন পরীক্ষার বিষয়ীভূত করা হয়। বিশেষতঃ মেয়ে যদি কালো হয়, তবে তাহার পরীক্ষার আর সীমা-পারিসীমা থাকে না। এই পরীক্ষা যদি ছই এক জনের নিকট দিতে হইত তবুও তত আপত্তির কারণ ছিল না। কিন্তু কতবার, কতজনের নিকট, কত বিচিত্র প্রশ্নালীতে যে এই পরীক্ষাসাগর সাঁতারাইতে হয়, তাহা যাহারা ভুলভোগী, তাঁহারাই ভালরূপ বলিতে পারেন। কিন্তু আমি জিজ্ঞাসা করি, কল্পজন ছেলেকে এরূপভাবে পরীক্ষা করা হয়? অনেকে হয়ত বলিবেন, “আমাদের দেশের মেয়েরা পর্দানশীন, সাধারণভাবে তাহাদের দেখিবার সুযোগ হয় না; যে মেয়েকে আমি বধুরূপে ঘরে আনিব তাহাকে ভাল করিয়া পরীক্ষা করিয়া লইব না কি?” কথাটা ঠিক, কিন্তু আমার বক্তব্য এই যে প্রামাণিক পরীক্ষার কাজটা, অর্থাৎ অঙ্গ প্রত্যঙ্গের খুটিনাটি বিষয় দেখার ব্যাপারটা সম্ভবমত স্ত্রীলোক দিয়া করাইলে ভাল হয় না কি? মেয়ে দেখার সময় আমাদের মেয়েদের যে কঠোর পরীক্ষায় পুশ করিতে হয় সিভিলসার্ভিস পরীক্ষাও বোধ হয় তাহার অপেক্ষা সহজ। অস্ত্রে যাহাই মনে করুন, আমাদের দেশে যে ভাবে মেয়ে দেখার প্রথা বিদ্যমান রহিয়াছে, আমি তাহাকে নিরীহ বালিকাদের উগর নির্মম অত্যাচারের নামাস্তর বলিয়া মনে করি। এ প্রথার সংস্কার হওয়া একান্ত আবশ্যিক।

বিবাহ হইয়া গেলেও কালো মেয়ের দুর্দশার শেষ হয় না। স্বপ্নের গৃহে রং কালো বলিয়া অনেক বধুকে প্রথম প্রথম লাঞ্ছনা-গঞ্জনা ও ‘খোঁটা’ সম্বন্ধে করিতে হয়, আর খাণ্ডী নন্দিনী যদি দুসুখী হইন,

তবে ত কথাই নাই। অনেক খাণ্ডী ননদিনী ছেলে বা ভাইকে আবার সুন্দর মেয়ে আনিয়া বিবাহ করাইবেন বলিয়া অনেক সময় শাসাইয়া থাকেন।

আমাদের সাহিত্যেও কালো মেয়ের দুর্দশার অস্ত্র নাই। আমাদের নাটক-নভেলের নায়কেরা সকলেই সুন্দর, নায়িকারা প্রায় সকলেই সুন্দরী, সকলেই অপরূপ রূপলাবণ্যবতী। কোন উপন্যাসের নায়িকায় গায়ের রং কালো, এ কথা বড় বেশী পড়িয়াছি বলিয়া মনে হয় না। যে দু-এক জায়গায় পড়িয়াছি, সেখানে গ্রন্থকার নায়িকার দুর্দশার অস্ত্র রাখেন নাই। বকিমবাবুর 'কৃষ্ণাঙ্কের উইলে' বেচারী ভ্রমর কালো ছিল বলিয়াই না চিরটা জীবন তাহাকে এত দুর্ভোগ ভুগিতে হইল! আমরা জিজ্ঞাসা করি, কালো পুরুষ কিম্বা কালো মেয়ে কি নাটক-উপন্যাসের নায়ক-নায়িকা হইবার একেবারেই অনুপযুক্ত? অবশ্য সংস্কৃত সাহিত্যের নায়ক-নায়িকাগণ প্রায় সকলেই সুশ্রী ও সুন্দর ছিলেন। তাহার কারণ এই যে, অধিকাংশ স্থানেই দেবদেবতা বা রাজা মহারাজার জীবনকাহিনী লইয়াই তখনকার সাহিত্য গঠিত ছিল। কিন্তু ইহারও যে ব্যতিক্রম না হইয়াছে তাহা নহে। মহাভারতের অন্ততম প্রধান নায়ক কৃষ্ণ ও অর্জুন কালো ছিলেন। কৃষ্ণে এক নাম ত 'কেলেসোণা।' 'কৃষ্ণ কালো, তমাল কালো, তাইতে কালো ভাল-বাসি' ইত্যাদি গানে কৃষ্ণকে কালো বলিয়া প্রমাণ করা হইয়াছে। মহাভারতের অন্ততম প্রধান নায়িকা দ্রৌপদী কালো ছিলেন, সেই জন্য তাঁহার অপর নাম কৃষ্ণা। প্রাচীন সংস্কৃত সাহিত্যের স্তায় আধুনিক বঙ্গসাহিত্য ত শুধু উচ্চস্তরের, লোক লইয়াই গঠিত নয়। মধ্যবিত্ত শ্রেণীর লোকজনই ত আধুনিক নাটক-উপন্যাসের প্রধান নায়ক নায়িকা। আর বাংলার মধ্যবিত্ত শ্রেণীর মধ্যে অধিকাংশই ত কালো, নাটক-নভেলের বর্ণিত 'কিট গৌরবর্ণ' পুরুষ বা 'তপ্তকাম্বনবর্ণাভা' স্ত্রীলোক শতকরা

কয়জন দেখিতে পাওয়া যায়? গায়ের রং যেরূপই থাকুক, যদি আবশ্যকীয় গুণ থাকে, তবে এরূপ ব্যক্তি কেন সাহিত্যের বিষয়ীভূত হইতে পারিবে না? সমাজের উপর সাহিত্যের অপরিমিত প্রভাব। সাহিত্যের এরূপ বর্ণ বৈষম্যের কুফল আমাদের সমাজের উপরও বিশেষভাবে পরিলক্ষিত হইতেছে। কালো মেয়ের প্রতি আমাদের যুবক-গণের যে এত অধিক বিতৃষ্ণা, আমাদের সাহিত্যের একদেশদর্শিতাও তাহার অন্য কিয়ৎপরিমাণে দায়ী। কেবল নায়ক-নায়িকার রূপলাবণ্যের উপর সমস্ত জোর না দিয়া, গুণ, শিক্ষাদীক্ষা ও স্বভাবচরিত্রের উপর যদি অধিক জোর দেওয়া হয়, তবে যোধ হয় দেশের রুচি এতটা বিকৃত হইতে পারে না। নাটক-নভেলে কেবলই অতি-রূপসী নায়িকার বৃত্তান্ত পড়িতে পড়িতে আমাদের যুবকগণের মন অ-রূপসী মেয়েদের প্রতি স্বতঃই যেন বিকৃত হইয়া উঠে। যৌবনের রঙিন নেশায় অনেক যুবকই বিবাহের পূর্বে নিজকে ওসমান, কি জগৎসিংহ কিম্বা হেমচন্দ্র মনে করিয়া ভাবী পত্নীটিকে আয়েষা, তিলোত্তমা বা কুন্দনন্দিনীর মত রূপসী বলিয়া কল্পনা করিতে ভালবাসে। কিন্তু বাস্তবায়নের ঘরে কয়টি তিলোত্তমা বা কুন্দনন্দিনী দেখা যায়? ফলে বিবাহের সময় যত গুণগোল বাধে। নিরপরাধ মেয়েগুলিকেই আমরা যত অনর্থের কারণ বলিয়া মনে করি, কিন্তু এই অনর্থপাতের মূলে যে স্বয়ং আমরা এবং আমাদের বিকৃত রুচি তাহা তলাইয়া দেখি না।

প্রত্যেক মানুষের মধ্যে দুইটি বৈশিষ্ট আছে— রূপ আর গুণ। একটি দৈহিক বৈশিষ্ট্য, অপরটি মানসিক-বিশেষত্ব। একটি প্রকৃতির উপর নির্ভর করে, অপরটি নিজের উপর নির্ভর করে। দৈহিক সৌন্দর্যের মধ্যে মানুষের হাত কেতটুকু? মানুষের দেহের রূপ প্রায় সর্ব্বাংশেই পিতামাতার রূপের উপর নির্ভর করে, ইচ্ছা করিলেই মানুষ রূপবান হইতে পারে না। কিন্তু গুণ প্রায় সমস্তই নিজের

উপর, ব্যক্তিগত সাধনা ও চেষ্টার উপর নির্ভর করে। প্রকৃতির এমনই বিচিত্র লীলা যে, রূপ ও গুণ একাধারে বড় বেশী দেখা যায় না, যেখানে দেখা যায়, সেখানে প্রকৃতিদেবীর বিশেষ অমুগ্রহ বলিতে হইবে। মাহুষের কথা ছাড়িয়া দিয়া পশুপক্ষীদের কথা আলোচনা করিলেও দেখা যায়, যাহার অত্যধিক রূপ আছে, তাহার তাদৃশ গুণ নাই। আবার যাহার অত্যধিক গুণ আছে, তাহার সেরূপ নয়নভুলান রূপ নাই। একটিমাত্র দৃষ্টান্ত দিতেছি। যে কোকিলের কুহুস্বরে মাহুষের মনঃপ্রাণ মুগ্ধ করে, তাহার রূপ অত্যন্ত কালো। আবার যে ময়ূরের সহস্র মণিমুকুটচিতবৎ পুচ্ছ দেখিলে চক্ষু জুড়ায়, তাহার শর শুনিলে কর্ণ বধির হয়।

কালো হইলেই যে নিজের জীবনকে দুর্ভহ মনে করিতে হইবে, তাহার কি মানে আছে? রূপ কমদিনের অমুগ্রহ, বা দৈহিক সৌন্দর্য কতটুকু স্থায়ী, ইহার মূল্যই বা কতটুকু? মানসিক সৌন্দর্যই প্রকৃত সৌন্দর্য। রূপের অপেক্ষা গুণের মূল্য

অনেক বেশী! অগৎ গুণের দাস। গুণ থাকিলে ছুদিন আগেই হউক, বা ছুদিন পরেই হউক লোকে আদর করিবেই করিবে। কবি বলিয়াছেন, “গুণাঃ পূজাস্থানঃ গুণীষু ন চ লিঙ্গং ন চ বয়ঃ।” বাস্তবিকই তাই “রূপে কিবা করে কাজ যদি গুণ থাকে।” আপাত দৃষ্টিতে সুন্দর মুখের জয় হইতে পারে কিন্তু চিরকাল প্রকৃত আদর, গুণের। বড়ই আক্ষেপের বিষয় আমরা সকল সময় গুণের আদর করি মা। ছেলের বেলায় তাহার রূপের দিকে লক্ষ্য না করিয়া তাহার গুণের দিকেই লক্ষ্য করি কিন্তু মেয়ের বেলায় তাহার গুণ যাহাই থাকুক না কেন তাহার রূপকেই যথাসর্ব্বম্ব বলিয়া ধরিয়া লই। ইহার ফলে যে সমাজের প্রভূত ক্ষতি হইতেছে, তাহা বলাই বাহুল্য। এ কুপ্রথা দীর্ঘকাল স্থায়ী হইতে পারে না। রূপ যাহাই থাকুক গুণ থাকিলে লোকে তাহাকে আদর করিবেই করিবে। আমাদের মেয়েরা জানেগুণে, শিক্ষাদীক্ষায় গরীবসী হইয়া উঠুন, কালো হইলেও তাহারাই জগৎ আলো হইবেন।

## নূতন ও পুরাতন

শ্রীমতী আমোদিনী ঘোষা।

নূতন হাসিয়া কহে “হায় পুরাতন !

জীর্ণ অতীতের ছবি ধুলি বিমলিন,  
বিশ্বতির তটকল-লুপ্তিত কেতন,  
শালিত শীতের গজ বিস্তর শ্রীহীন;

বেদনার রক্তজব্ব দিয়া কত্র করে

দাড়ায় প্রদীপ জালি নিস্তর প্রহরে !”

কালের প্রাণে ত্যক্ত আবর্জনা স্তপ,

বিশ্বের উৎসবগারে কোথা তব স্থান ?”

—“থাকি যেথা অমুরাগ জালি স্বতি ধূপ

অস্তর-মন্দিরে করে নিত্য অর্ঘ্য দান,



## নাসিক ভ্রমণ

শ্রীমতী মোহিনী দেবী ।

বোম্বাই হইতে খুব ভোরে ছয়টার প্যাসেঞ্জারে আমরা নাসিক তীর্থে যাত্রা করিলাম। জীলোকদের অন্তর্ভুক্ত শ্রেণীর যে গাড়ী থাকে, তাহাতে আরোহীদের যে কত কষ্ট ও অস্বস্থি ভোগ করিতে হয় তাহা যাত্রারা গাড়ীতে যাতায়াত করিয়াছেন তাহা হাই জানেন। সাধারণতঃ মেয়েদের অন্তর্ভুক্ত একখানি মাত্র কামরা থাকে, তাহাতেই ইতর ভ্রমণ সকল শ্রেণীর মেয়েরাই যাতায়াত করেন। ওসব দিকে গাড়ীতে যেমন ভীড় হয় তেমনি যাত্রীরা গাড়ী অপরিষ্কার করেন। গাড়ীর চারিদিকে হিন্দী, ইংরাজী, ওজরাটী প্রভৃতি ভাষায় লেখা আছে—কেহ গাড়ীর ভিতর খুঁধু ফেলিও না। কিন্তু সে আদেশ কে মানেন? ওদিকের মেয়েযাত্রীদের, বিশেষতঃ নিম্নশ্রেণীর মুসলমান রমণীদের গাড়ীতে পানের পিচ ফেলাই একটা প্রধান কাজ দেখিলাম। অল্পমাত্র মেয়েরাও কম খান না; পানের পিচ ফেলা, খইনি খাইয়া মুখামৃত বৃষ্টি করা—তাহাদের রেল যাতায়াতের অবশ্য কর্তব্য কর্ম। পশ্চিমবাসিনী কি হিন্দু, কি মুসলমান, সকল শ্রেণীর রমণীগণই কচিং খান করেন। খান যদি বা করেন কিন্তু পরিহিত বস্ত্রাদি আদৌ কাচেন না। ইহাদের গাত্র ও রত্নাদির সৌরভ যে কতখানি নাসিকা-প্রীতিকর তাহা সহজেই অনুমেয়। আমাদের এই প্রকার যাত্রীদের সহিত প্রায় ৮১০ খটা কাটাইতে হইয়াছিল।

বেলা ৩।০ টার সময় আমরা নাসিকরোড ষ্টেশনে পৌঁছিলাম। ষ্টেশন হইতে নাসিক সহর প্রায় পাঁচ মাইল দূরে অবস্থিত। এখানে ট্রাম, মটর, টক্স সবই পাওয়া যায়। আমাদের পাণ্ডা তাহার গাড়ী করিয়া আমাদের নাসিকে লইয়া গেলেন। বোম্বাইয়ের ধনী ব্যক্তিদের লতাপাত:-

পুষ্পশোভিত বহু বাজলা নাসিকে আছে। রাস্তার ধারে একস্থানে উইণ্ডমিলের মত চাকা ঘুরিতেছে দেখিলাম। জিজ্ঞাসায় জানিলাম যে সেটি জলের কল। সেই কলে মাটির নীচের কূপ হইতে জল উঠিতেছে এবং সেই জল সহরের সর্বত্র সরবরাহ করা হইতেছে। পাণ্ডার বাজী গোদাবরী নদীর তীরে। বাজীতে গিয়া তিনি বলিলেন “এপারে নাসিক, ওপারে পঞ্চমটা।” পুষ্পসলিলা গোদাবরীতে পবিত্রমনে স্নানতর্পণাদি করিয়া চিরজীবনের পাপতাপ গানি দূর করিবার অন্তঃকরণে বাহির হইলাম। নদীতে গিয়া যাহা দেখিলাম তাহাতে প্রাণ বিস্ময়ে ভ্রমিয়া গেল। মনে হইল এই কি সেই গোদাবরী? এই গোদাবরী তীরে দাড়াইয়াই কি রঘুকুলমণি বলিয়াছিলেন—

“... শুন ভাইরে লক্ষণ,  
গোদাবরী জীবনেতে ত্যজিব জীবন”।

সে গোদাবরী কোথা? গোদাবরীর এখন শোচনীয় অবস্থা। স্থানে স্থানে খানিকটা পাথর দিয়া বাধান এক একটি ঘাট, তাহারি নীচের পাথর দিয়া ঘিরিয়া খানিকটা জল আটকাইয়া রাখা হইয়াছে। সেগুলি যেন ছোট ছোট এক একটি পুকুরিণী। বহু মহারাষ্ট্র রমণী সেই সামান্ত জলে কাপড় লইয়া আছড়াইতেছেন দেখিলাম। এমত স্থান অত্যন্ত ময়লা বলিয়া পাণ্ডা আমাদের গোদাবরী দেবীর মন্দিরের সম্মুখে দশরথ কুণ্ডে স্নান করাইবার অন্তঃকরণে লইয়া গেলেন। সে কুণ্ডটি একটু বড়। এখানে ১০/৫ দিয়া সঙ্কল্প করিতে হয়। অনেকে এখানে প্রার্থাদিও করিয়া থাকেন। আমরা সঙ্কল্প করিলাম। পাণ্ডা মন্ত্র পড়াইয়া স্নান করাইলেন। স্নানান্তে আমাদের দুই হাতে মাটি রাখাইয়া দিয়া বলিলেন “বল, জীবনে যত পাপ করিয়াছি গোদাবরীতীর্থে-



মান্নে সেই সব পাপ এই মূর্তিকা যেমন জলে ধৌত হইয়া যায় তেমনি ধুইয়া যাউক ।” এই কথা বলাইয়া তিনি আমাদের তিনবার ডুব দেওয়াইলেন । গোদাবরীর জলে পূজাপাদ পিতৃপুরুষগণের তর্পণ করিবার ইচ্ছা পূর্ব হইতেই ছিল । গোদাবরীতে গিয়া হাতে জল তুলিলাম । জল বহুদূর সম্ভব অপরিষ্কার, ঘোলা এবং নানাপ্রকার কীটগুতে পরিপূর্ণ । যাইহোক, কোনমতে যথাকর্তব্য সম্পাদন করিলাম ।

অতঃপর আমরা তীরে উঠিয়া গোদাবরী-দেবীর মন্দিরে প্রতিমা দর্শনার্থ গমন করিলাম । প্রতিমা বড়ই সুন্দর, দেখিলে শরীর মন জুড়াইয়া যায় । তারপর আমরা পঞ্চবটী অভিমুখে গমন করিলাম । এখন আর সেই হরিণ-হরিণীসর্মাঙ্কুল, ময়ূর-ময়ূরী-নৃত্যপূর্ণ, বিহঙ্গমকুলের কলগীতি মুখরিত পঞ্চবটী নাই । পঞ্চবটী এখন সহর হইয়াছে । চারিদিকে লোকজন বাস করিতে আরম্ভ করিয়াছে । প্রায় দুই মাইল যাইবার পর আমরা রাম লক্ষণ সীতার মন্দির দেখিলাম । গুলিলাম এখানে তাঁহাদের কুটীর ছিল । স্থানটী অতিশয় নির্জন ও বড় মনোরম । এখানকার পূজারী ঠাকুরের কোমল ব্যবহারে আমরা বিশেষ প্রীতিলাভ করিয়াছিলাম । রাস্তার ধারে এক জায়গায় একটি বিরাট জলাভূমি দেখিলাম । জিজ্ঞাসায় জানিলাম সীতাহরণের বাধা দেবার জন্য এটির সৃষ্টি হইয়াছিল । নিকটেই কয়েকটি কুঠুরী আছে । ছোট একটি কুঠুরীতে ছোট একটি পুতুল আছেন, তিনি নাকি রাবণ । কুঠুরীর ধারে যাইতেই পূজারী বলিলেন “এটি রাবণ, ভিতরে সীতাদেবী আছেন, সওয়া পাঁচ আনা ভেট দিলে সে মূর্তি দেখিতে পাইবেন ।” যে দেবীর পূজাকাহিনী বাল্যকাল হইতে আমাদের মজ্জাগত, তাঁহাকে আর পুস্তমিকা মূর্তিতে কি দেখিব ? তিনি ত প্রশ্নের ভিতরেই আছেন । বাহির হইতেই তাঁহার উদ্দেশ্যে প্রণাম করিয়া চলিয়া আসিলাম ।

ভরতপুরের মহারাজা নিকটে একস্থানে মহাবীর

হুম্মানজীর প্রকাণ্ড মূর্তি ও মন্দির স্থাপন করিয়া একটি সনাতন খুলিয়াছেন । এ স্থানটি দর্শনে আমরা বড়ই পরিতৃপ্তি লাভ করিলাম । এইস্থান হইতে এক মাইল যাইয়া ধরদূষণ যুদ্ধের সময় রামচন্দ্র সীতাদেবীকে যে গুহায় লুকাইয়া রাখিয়াছিলেন তাহা দেখিলাম । প্রকাণ্ড বাড়ী, ঘারে দুইজন স্ত্রী, স্বকেশ্য মহারাষ্ট্র রমণী । আমরা যাইতেই তাঁহারা বার ছাড়িয়া দিলেন এবং সিঁড়ি বাহিয়া नीচেয় নাগিয়া যাইতে বলিলেন । ভিতরে কি ভয়ানক অন্ধকার । একস্থানে একটা ক্ষুদ্র প্রদীপ জলিতেছে মাত্র । খানিক দূর যাইয়া আর আমরা নামিতে পারিলাম না, ঐস্থান হইতে ভূমি লুটাইয়া প্রণাম করিলাম । পথে আর একটি রামলক্ষণের মন্দির ও মূর্তি দেখিলাম । যেমন মন্দির তেমন মূর্তি, দেখিলে বাস্তবিকই চক্ষু জুড়াইয়া যায় । এই মন্দিরটার গায়ে খোদাই করা প্রস্তর মূর্তিগুলি বড়ই মনোহর । এক একটি মূর্তি এমনই সুন্দর, যে দেখিলে মনে হয় যেন সজীব । কোথায় সেই সব শিল্পি, যাহারা এই সব কারুকার্য্য, এইসব প্রস্তরগাজ খোদাই করিয়াছিল ? তাহারা আজ ধরা হইতে বিলুপ্ত হইয়া গিয়াছে, তাহাদের বংশধরগণ আজ উৎসাহ অভাবে, অন্ন অভাবে অর্ধমৃত, ধ্বংসপ্রায় ।

যে স্থানে সূর্পনখার নাসিকা হেদন হয় সে স্থান নাসিক হইতে দুই মাইল দূরে । রাস্তা বিজন অরণ্যে ঢাকা । অরণ্য মধ্যে মাঝে মাঝে দুই একটি ছোট ছোট মন্দির এবং তাহার মধ্যে দুই চারিটি করিয়া বিভিন্ন প্রকারের দেবদেবীর মূর্তি বিরাজিত । তরুণদ্বাচ্ছাদিত অরণ্যানী মধ্যে নাসিকা হেদনের স্থান । সেখানেও বনমধ্যে কয়েকটি মন্দির আছে ।

নাসিকদর্শন শেষ করিয়া আমরা পুনরায় গোদাবরী পার হইয়া নাসিক সহরে ফিরিয়া আসিলাম । গোদাবরী কত পাপীতাপীর পাপজাপ দূর করিয়া শক্তি প্রদান করিয়াছেন ; আমাদের পাপরাশি হরণ করিবেন কি ?

# উদয়-আলো

( বড় গল্প )

## শ্রীদেবেন্দ্রনাথ বিশ্বাস ।

( গত সংখ্যায় প্রকাশের পর )

আমার বিষের অনেকদিন আগে, তার এক বন্ধুর কোন বিশেষ বিপদে জামিন হয়ে কতকগুলো টাকা ধার করে দিয়েছিল। বন্ধু তা দিতে পারেন না, উপরন্তু তার সঙ্গে বন্ধুত্ব রাখতে পারেন না। পাওনাদার নালিশ করেন, তাকেই সব 'দেনা পরিশোধ কর্তে হ'ল; কি দিয়ে কর্তে, তার নগত ত এমন কিছু ছিল না, যা কিছু সম্পত্তির অধিকারী, সে ছিল, তাই বিক্রি করে শোধ করে। তখন সে একেবারে নিঃসম্বল হয়ে পড়ল। এই থেকেই অশান্তির একটা সূত্রপাত আরম্ভ হল। সে কি তার দোষ? না—না, সে আমারি কপালের দোষ! হতভাগিনী আমি, এত সুখ কি আমার হতে আছে! এই অবস্থার মধ্যে পড়েও তার মুখে হ'ল কি ক'মে নি, খুনসুটি-ফাজ্জলেমিও, লোপ পায় নি। আমাকে শোনাবার সুযোগ হলেই কেবল সে গাইত, "আমার চায়না ত মুখ কেউ ত সংসারে; পরসূ হাতে থাকে যখন, পাবার আশে সবায় যতন," আরও সব ছাই-ভুস কত কি। আমার ভারি রাগ হত, দেখা হলে বলতাম, "ও, তোমার পরসূনেই ব'লে আমি তোমায় যত্ন করি না, বেশ, আমাকে একটু মরুবার সুযোগ দাও।" সে বলত "দূর পাগলি, তোমায় খেপালে ব'লেতে পার না, আমি যে তোমার অভিমানটুকু দেখব বলেই এই গানটা করি।" নারী আমি, জানি না, শুনেছি মনোরম সৌন্দর্যে 'ভরপুর' কোরে তোলে নারীকে তখনই যখন তাকে অভিমানে ফুলতে হয়।

তার এই আকস্মিক পরিবর্তনে ও 'শোচনীয় পরিণামে সবাই তাকে বলত "ভারি বোকা, মুখার একশেষ," শেষে উপসংহারে বলত "অত ভালমাসুখ হলে কি আর সংসারে থাকা চলে?" তাই শুনে আমিও তাকে বলতাম "তুমি ভারি বোকা মাসুখ, আমি তোমায় যা বলি না কেন, সে আমি সহিতে পারি, কিন্তু আর পাঁচজনে তোমায় যে বোকা ব'লেবে, এ আমি সহিতে পারি নে। কেন তুমি বোকা হলে?" সে একগাল হেসে বলত "ওগো বোকা যে আমার আশীর্বাদ, আর "ভাল মাসুখ"?—তা আর হতে পারাম কৈ, হলে ত ধন্য হয়ে যেতাম। যে সরল সাদাসিধে হয় তাকেই বলে বোকা, তুমি আমার আশীর্বাদ কর যেন আমি এমনি বোকা থেকেই যেতে পারি।" আমার মনটা বড় কিসতে ভোরে উঠত, আমি ছোট—আমি তোমার আশীর্বাদ করো কি গো। সে বলত "আশীর্বাদ মানেন গোমরা যা বোঝ তা নয়; আশীর্বাদ হচ্ছে ভগবানের কাছে কারুর জন্তে কিছু প্রার্থনা করা। তুমি আমার জন্তে তাঁর কাছে সকল সময়েই প্রার্থনা কর্তে পার; আমি যে তোমার চিরজীবনের একজন বন্ধু।" এমনি করে-মে আমায় কত কথা যেমন ব'লেতাম তার অন্তরূপ ম'র্নে করে দিয়েছে, যাতে আমার প্রাণের সর্বস্ত অস্থকার ক'মে গিয়ে একটু একটু আলো এসেছে। সে যে আমার আলো—হ'র ভরা আলো, গছ ভরা, আলো, গান ভরা আলো। সে আছে তাই আমি বেঁচে আছি,

সে যেদিন থাকবে না, না—না, সে আমি ভাবতে পারিনে! আমায় বলেছে তার কোলেই মাথা রেখে মর্তে পার্ক, এ সৌভাগ্য-আমার আছেই। আমার শেষ নিশ্বাস বাতাসে মিশে যাবার আগেই, সে আমায় চুমো দিয়ে তার বুকের মাঝখানে লুকিয়ে রাখবে!.....

.....মণি! মণি! উসখুস কচ্ছিস কেন মা? আর একটু ঘুমিয়ে নে, ভোর হোল বলে। তোকে সে এখনও দেখেনি, তবু আমায় বলেছিল—“তাকে এখনও আমি চোখে দেখিনি বটে, হলেও আমি দেখতে পাই। আজ যদি আমি অন্ধ হয়েও বাড়ী ফিরি, অন্ধই বা কেন, তার সঙ্গে কানের মাথা ধেয়েও যদি যাই, তাহলেও আমি তার কথা শুনে পাব, তাকে দেখতে পাব। সে যে আমার নিভৃত অন্তরের মানসী প্রতিমা, গোপন প্রাণের পুঞ্জীভূত আশা-আকাঙ্ক্ষার মূর্তিময়ী সমষ্টি। বাইরের দিক দিয়ে তার ‘যা কিছুকে’ ভোগ কর্তে পারছিনে বটে কিন্তু মর্মে মর্মে বেশ উপভোগ করে নিচ্ছি।”

.....শুনেছি স্বর্গে নাকি ইন্দ্রের সভায় কিম্বরী বলে একদল গায়িকা আছেন, তাঁদের গান এমন মধুর, মানুষ ত কোন্ ছার, দেবতাদেরও পাগল হতে হয়। তা হোক, আমার খুকির গান—তার সে অবোধ্য ভাষায় যখন ঐ কচি কচি হাতগুলি নেড়ে নড়ে মুখে এক গাল হাসি নিয়ে গান গায়, তখন যে আমাদের বাড়ীখানা গানে গানে একেবারে গানময় হয়ে যায়, শত বীণার স্বরকারকে লজ্জা দিয়ে সবাইকে পাগল করে তোলে; একটা স্বপ্নের শিঃপের সঙ্গে একটা বেদনার ঘাত-প্রতিঘাত এসে রোদ-কীর্তির দিনের মত কি এক অভাবনীয় জীবের সৃষ্টি করে সেটা আমি ঠিক বুঝে উঠতে পারিনে, বোধ হয় মস্ত বোঝার মত যেমন ভারি, তেমনিই আবার স্বকোমল সহনীয়। সে যদি আজ আমার পাশে দাঁড়িয়ে একবার খুকির দিকে হাসি-ভরা মুখে চেয়ে তার কচি গলার গানগুলো শুনে তাহলে ঐ গানই আমার প্রাণের মাঝে ছড়িয়ে পড়ে

একটা স্বর্গরাজ্যের সৃষ্টি করে দিত; কিন্তু সে আর হল কৈ!”.....

.....জিনিসকে ভোগ করার সঙ্গে সঙ্গে তার পরিমাণটা জানবার আকাঙ্ক্ষা মানুষের খুব বেশী হয়। চাঁদকে যখন ভোগ করি তখনই মনে হয় জ্যোছনাটা কোন্, আর একটু বেশী হলে বেশ দেখতে হত। সে কত বড়, যদি একটু কাছে আসত তাহলে তাকে খুব বড় করে দেখতে পেতাম। ‘তাকে’ও মাপতে ইচ্ছে করে, তার ‘তুমি’টা যে কত মিষ্টি, এমন একটা মাপকাঠি পাই না যে, মেপে তার পরিমাণটা ঠিক করি। সবাই কত আমায় তুমি বলে ত ডাকে, সেও আমায় তুমি বলে ডাকে, কিন্তু তার ‘তুমি’র মাঝখানে কতখানি যে আত্মদান ছিল তা আমি ঠিক বুঝতে পারিনে। কেবলি মনে হয় সে যেমন করে আমায় দিয়েছে ‘আমায় তেমন করে কিছুই দেওয়া হয়নি। আর দেবই বা কি, ভগবান আমায় দিয়েছেনই বা কি! এবার মনে ভগবানের কাছে এমন জিনিস চেয়ে নেব, যেন ফিরে এসে তাকে কিছু দিয়ে একটু তৃপ্তি পাই। সে যে বলে “দেওয়াই বড় আনন্দ নেওয়াটা তেমন নয়,” এবারকার এ যাত্রায় সে আনন্দটা ভোগ করা হল না!.....

.....খুকু! খুকু! আর একটু ঘুমিয়ে নে মা, আর একটু পরেই সে আসবে; এসে তোকেই যে ‘আগে’ বুকে করে নেবে। সে আমায় লিখেছিল মাঝের মেহ জীবনে সে পায়নি, তাই সেই মা-ই এই এত দুঃখের মাঝে সকল বেদন মুছিয়ে দিতে মেয়ে হয়ে ছুটে এসেছে। এত অভাব, এত কষ্টের মাঝেও তোকে পেয়ে সে যে কত সুখী তু আমি জানি,— তবু হে তোকে দেখেনি। যখন তোকে সে বুকে করে নেবে, তোর গোলাপি-রাজা মুখে একটু স্বপ্নের স্পর্শ দেবে, তখন তার সর্বাঙ্গ দিয়ে কি একটা আনন্দের আলোই না ফুটে উঠবে। কখন আমি দেখব, তার খন তার বুকে তুলে দিয়ে কখন একটু পায়ের ধুলো মাথায় করে নেব? আনন্দেও কি

ঘাতনা আসে? কতদিন বাদে তাকে দেখব, তার ব্যবধানে কেমন করে তাকে চিনেছি সেই চোখে দেখব, কোথায় আনন্দে ফুলে ফুলে উঠব, তা না হয়ে একি বিষম ঘটনা! একটু পরে কি চোখে যে দেখব তা আমিই বুঝতে পারি কিনে। হয়ত সে আশ্চর্য্য হয়ে যাবে, নয়ত আনন্দে আপ্ত হয়ে আমারি বুকে জুটিয়ে পড়বে। ধীরে ধীরে হোক, আমি আর ভাবতে পারি নে।... ..

হাজারও মনে করি ভাবব না, তবু সেই ভাবনাই বেশী করে আমার জড়িয়ে ধরে, একি বিষম জালা হল!... .. একটু একটু আলো নেমে আসছে, গ্রামের পথখানি বেশ সুন্দর হয়ে ফুটে উঠছে, গাছের কোল দিয়ে দিয়ে মাঠের বুকে এঁকে বেকে পথখানি গ্রাম হতে গ্রামান্তরে চলে গিয়েছে— নদীর বাঁকে; সেইখানে সে নামবে, নেমেই দৌড়বে। আমার হাসি আসছে কি!... ..

সেদিন হতভাগী ডাইনি মূনি বলছিল “তোদের বেশ ভাই ভালবাসা, যেমনি তোরা অন্ধ শুনেছে অমনি ছুটে আসছে। আমাদের হলে দায় পড়েছে তার, কেঁদেছে তার প্রাণটি, কালিঘাটে জোড়া পাটা মেনে মরণ কামনা করে বসে থাকে। মলে পরে স্নানার বিয়ে করি, নতুন বৌ পাবে, টাকা-কড়ি আরও কত কি, আমি যে অলুপ্তে স্ত্রী”। আরও বলে “সংসারে যে ভালবাসা না পেয়ে বেঁচে থাকে, তার যে কি কষ্ট তাঁর তুই বুঝতে পারি কিনে, বুঝলে তোরা ছুঃখটাকে ছুঃখ বলেই বোধ হত না।” আচ্ছা আমি দুঃখী কিসে?—এক স্ত্রীভাব তার, সেই অভাবেই আমরা পাগল করেছে।... ..

... .. একটা কথা। সে একদিন বলেছিল এখনও আমি সেটা ঠিক বুঝে উঠতে পারিনি। সে বলে “নারীর কতকগুলো দিক আছে যা তার সম্পূর্ণ নিজস্ব, আর কতকগুলো সে পুরুষের কাছ থেকে নেয়, এ তার নিতেই হবে। তেমনি পুরুষেরও অনেক নিজস্ব আছে, থাকলেও নারীর কাছে তার মেধারও অনেক। এই নেওয়া-দেওয়ার মধ্যে যদি

উভয়ই তাদের নিজস্বের সঙ্গে সামঞ্জস্য রেখে আদান-প্রদান করে, আর এই আদান প্রদান কোন স্বামী-স্ত্রীর মধ্যে হয় তা হলে তাদের ভালবাসা অটুট।” সে বলে সব কথা আমি ঠিক গুছিয়ে বলতে পারিনি শুধু একটু ইঙ্গিত করতে পারি।” আচ্ছা, সে এত ক’ইয়ে, তার কথা যদি আগোছালই হয় তা হলে না জানি গুছোন কথা আবার কি রকমের! আমার বিশ্বাস হয় না; এটা তার বিনয়ের একটুখানি।... ..

... .. আজকের মুহূর্তগুলো যেন এক একটা বছর। কাটতে আর চাইছে না। কেবলই অতীত দিনের ঘটনা সকল ছবির মত হয়ে চোখের ওপর ভেসে ভেসে উঠছে বুকের মাঝে একটা চিন্তাই জাগিয়ে তুলছে। তার হাসি টুকু, তার কথা বলার ভঙ্গি গুলো, আমাকে পেয়ে তার গর্ভ ভরা বুখানা, মনের কাণে কেবলই উঁকি খুঁকি দিচ্ছে। এমনি সে আশঙ্ক করেছিল যে, জীবন থেকে আর সবারই কথা মুছে ফেলে শুধু তার কথাই জাগিয়ে রেখেছি। গানের সুরের মত হয়ে, ফুলের গন্ধের মত হয়ে, টাদের হাসির মত হয়ে আমরা সে ঘিরে আছি। ভগবানকে ভাবতে গেলে সেই মুখখানিই বরদাতার বেশে “নাও নাও” বলে বুকের মাঝে ফুটে ওঠে, আর তাঁকে ডাকা হয় না। সংসারের কাছে নিঃশব্দে যদি ডুবিয়ে দিতে যাই তাহলে তার মাঝেই ডুবে মরি, কাজে হয়ে পড়ে কেবল ভুল আর লাভ হয় শুধু বকুনী। হতচ্ছাড়ীরা বলে “তোরা হয়েছে কি, তুই কি পাগল হবি?” তারা ত জানে না কেমন করে পেয়ে, কেমন করে তাকে না দেখে বেঁচে আছি; জানলে আর বলত না।... ..

... .. মা বলেন “খুকি ঠিক তাঁর মতই হয়েছিল। ছোট বয়সে সে যেমনটি ছিল, সেই রকম ওর মুখখানি, তেমনি হাসবার আঁর্গেই ফুলে, গুঠা, তেমনি নাকটি, তেমনি টাঁখি দুটি। ভাল কথা ফোটেনি তাই আ—আ করে কত গান, বড় হলে বাপের মতন গান শিখবে।” তাকে যেমন সবাই



ভালবাসে আমার খুকিকেও যে দেখে সেই ভালবাসে ফ্যালে। সবাই বলে খুকির হাসিটুকু বড় মিষ্টি।.....

.....তার মুখে শুনেছি রামপুরে আমার বাড়ী সে একবার একটানা কয়েক মাস ছিল, সেখানে এক বালবিধবা নাকি তাকে খুব ভালবাসে ফেলেছিল। হতভাগী ছিল খুব সুন্দরী—হাতের সোণার চুরি তার গায়ের রংয়ে লজ্জা পেত, মাথার চুল পায়ে ধরে চুমো খেত। বিধবা সে, আলতা ত তার পরতে নেই—কিন্তু চলতে গেলেই আলতাকে হার মানিয়ে পা দুখানি লাল হয়ে উঠত—এমনি ছিল সে। পোড়ারমুখী তাকে দেখবার জন্তে পথের ধারের জানালাটা খুলে চুপ করে দাঁড়িয়ে থাকত কখন সে সেই পথে যাবে। নীরব ভাষায় কত কথাই না সে চোখের কোণে জানিয়েছে। কিন্তু সে তাকে কোনদিন ভালবাসতে পারেনি, সে বলে “তার অভিসন্ধীত বুঝি আমার জীবনটাকে এমনি করে বেদনাময় করে দিয়েছে। তার প্রেমের নিষ্ফলতার পৈশাচিকী মূর্তির রক্ত চক্ষু এখনও আমি দেখতে পাই।” আমারও ঠিক ঐ রমকই একটা ঘটনা ঘটেছিল। হতভাগা “গোগা” ছোঁড়াটা আমায় বিয়ে কর্তে চেয়েছিল। লজ্জার মাথায় ঝাড়ু মেরে আমায় বলেছিল “আমি তোমায় খুব ভালবাসি, লক্ষ্মি আমার, সোনা আমার, মালা গাছটা আমারি গলায় দিও। আমি তোমায় কত গয়না দেব, কেমন ভাল ভাল কাপড় জামা দেব, আরও কত কি দেব, যা চাইবে তাই দেব।” ভর্ষন ছেলেমানুষ ছিলাম, গয়না কাপড়ের ঝোকও ছিল খুব, ঐকং তবু ত’ তাকে একটুও মনে ধরেনি। তাকে আমি কোনও দিগ দেখতে পারিনি, যেমনি.. চেহারা তেমনি.. গুণ। তার ওপর ‘গোড়া খেকেই, কেমন একটা যুগা ছিল। সেকি একটা মাছ? না—সে পশুরও অধম! তার জীবন কেমন ধারায় চলছে ডাবলেও শিউরে উঠতে হয়। ছি—ছি! আত্মীয়-স্বজনের পরিচয়ের

অধোগা হয়ে সে বেঁচে আছে, দেশেরও কলক সে।

.....বর্ধার জলধারা পৃথিবীকে ধুয়ে মুছে নবীন সাজে সাজিয়ে মধুর সৌন্দর্য্য দিয়ে যেমন ভরিয়ে দেয়, তেমনি সে আমায় যা কিছু ভাল-ভাস্তি ভেদে দিয়ে মাধুর্য্যে মগ্নিত করে নতুন ভাবেব প্রতিষ্ঠা করেছে—নিশ্চেকে আমায় দিয়ে; সে যে একটা উপমা। তার এক একখানা চিঠি আমার কাছে এক অভিনব ঐশ্বর্য্য। প্রতিবাহই নতুন কথায় নতুন ভাবে গড়া। সে যে আমায় দিনের পর দিন নতুন করে দেখে, নতুন করে ভাবে। সে একবার লিখেছিল “ওগো আমার চিরজীবনের বন্ধু! তুমি আমার মুখের হাসি, প্রাণের আলো, হাতের বাঁশী। তুমি দূরে তাই এগুলো সব নিভে গিয়েছে, তারল যখন তোমার ছোঁয়া পাবে আমার সবাই জেগে উঠবে। কবে কোন্ ভোরের আলো সেই শুভ দিনের সূচনা ক’রে ফুটবে—যে দিন আমার গায়ে তোমার ছোঁয়াচ এসে লাগবে, আমার সকল বেদন পুলক হয়ে ছুটবে, মুকল কান্না গান হয়ে ফুটবে।”...আর “একবার লিখেছিল “ওগো জন্মজন্মান্তরের সাথী! তুমি আমার কে জান? তুমি আমার চোখের দৃষ্টি, হৃদয়ের আশা, প্রাণের বিশ্বাস। তুমি আমার চির নবীন মূর্তিময়ী সুষমা, অতীতের বর্তমানের ভবিষ্যতের খেলার সাথী। এ জীবনের খেলাটা তেমন ক’রে হলনা বলে দুঃখ ক’রো না, এর পরে এইন জীবন পাব, যেখানে তোমায় আমায় একতিল ছাড়াছাড়ি হবে না, একটু বেদনা একটু কালিমা থাকবে না, শুধু একটা হাসি ও আনন্দ-উৎসর্গের বাঁশীর গান বৃকে কুরে চির নবীন হয়ে ফুটে থাকবে।”...তার এই রমন্ত কথা গুলো তেমন বুঝতে না পাল্লেও বড় মিষ্টি লাগে, যেন শিরায় শিরায় একটা পুলক-স্রোত অক্ষুপ্রাণিত হয়ে ছুটে থাকে; যে টুকু বা বুঝি টুকুও কাউকে কিছু বোঝাতে পারিনে।.....



.....মেঘ করেছে বুঝি ? তাই আলো আর ফুটে পাচ্ছে না ! জলের গুঁড়ো গুলো হাওয়ার সঙ্গে ভেসে আসছে না ? না, ও ঠাণ্ডা হাওয়া পাখীদের ভাকাডাকি গুন্তে পাচ্ছি না ত, এখনও তবে ভোর হয় নি, তাই হবে ।.....তান্নে দূরে পাঠিয়ে, তার প্রতিদিনের চলাটুকু, প্রতিদিনের কথাগুলো, প্রতি পলের নিঃশ্বাস টুকু পর্যন্ত আমার মনের মাঝে ভেসে বেড়াচ্ছে । তাকে ভাবনা ভাবলেও আপনি আপনি তারই কথা বুকের ভেতর ছোটোছোটো করে মরে, পৃথিবীর হাসি-গান আলো-রূপ কিছুই আর ভোগ কর্তে পাইনে, তার কথাগুলোই গান হয়ে আমার কানের কাছে ঘুড়ে বেড়ায়, অল্প গান আর কানে পশে না ; তার হাসিগুলোই বুকের ভেতরে কেবলই কোলাহল তোলে, অল্প সব শব্দকে ডুবিয়ে দেয়, আর কিছু শোনা হয় না । দেখতে গেলে চোখের ওপর তাকেই দেখতে পাই, সকল দেখা আব্দাল করে সে দাঁড়িয়ে আছে ! শুনছি প্রেমের দুঃখটাও বড় মধুর, তা কিন্তু খুবই সত্য । তাকে দূরে রেখে এই যে এত যত্ন ! তবু এর মাঝে একটু মাধুর্য্য একটু গর্ভ আছে বই কি, না হলে আমি বাচতেই পারতাম না যে ।.....

..... খুঁ ! খুঁ ! চোখ মেলেছ মা ? ঐ শোন পাখীরা তোমার ডাকছে, তোমার কথাও যেমন কিচির মিচির ওদেরও তেমনি । তুমি ওদের সঙ্গে কথা কয়ে কিছু বল ? মণি আমার তোতাপাখী, সব বলতে যায় কিছুই বলতে পারে না । তোর সব কথা ফুটবে, সে আশুক একদিনে তোর কথা ফুটবে দেবে, সে যে বোবার শত্রু ।.....

... চারিদিকে আলো কুটে উঠছে, গানমাথা গন্ধমাথা হাওয়াতে স্বরছয়ের সব ভোরে যাচ্ছে ! মাংগো পাখীগুলো কি মাতামাতিই না আরম্ভ করেছে ! আমার বুকের ভেতরেও যেন কি একটা রঙ্গিন আলো ধীরে ধীরে ভেসে আসছে । এখন তার মুখের স্পর্শ এসে আমায় অমৃতে পূর্ণ করে দেবে ।...ঐ তার গাড়ীর শব্দ আসছে, না ? মা, মা, এখনও ঘুমুচ্ছে ! চেয়ে দেখ, অনেকক্ষণ সকাল হয়েছে ।..... আমার বুকটা এত কেঁপে কেঁপে উঠছে কেন ? আমি যে আর সহ্য কর্তে পাচ্ছি নে ! মা, মা, স্নিগ্গীর আমায় চেপে ধর, আমার প্রাণটা কেমন কচ্ছে ; আর বুঝি তার সঙ্গে দেখা হল না ! মা—মা ।

( শেষ )

## অপেক্ষায়

শ্রীরামেন্দু দত্ত ।

অপার তোমার করুণা দেবতা

বয়ষিছ এই দীন'পর ।

তোমারে কবে যে পূজিতে শিখিব,

কবে কুরে নেবে অহুচর !

কবে ও তোমার রাজ্য ত্রিচরণ

এই ভাঙা বৃকে করিব ধারণ,

কবে তব দয়া দিয়া ভরি নিব

শত্রু আমার অন্তর ।

সে দিন আমার সমুখে ধরনী

কুম্বে ভরিয়া উঠিবে গো

মৃদু সমীরণ মধুর হইয়া

স্বখে চৌদিকে ছুটিবে গো !

ফলফুলে আর সবুজ লতায়,

প্রাণ খেলি যাবে কি নবীনতায় !

সকল মাঝারে হেরিব বিরাজ

নিখিল-সুবন-মনোহর !

## শোক-গাথা

আসাম গৌরীপুরের প্রক্বেয়া রাণীমাতার স্বর্গগমন উপলক্ষে

শ্রীদুর্গাপুরী দেবী বি, এ, ব্যাকরণতীর্থা ।

সেই এক অজ্ঞাত সন্ধ্যায় মাজলিক, শতঘণ্টা ধ্বনির সাথে দীন পরিচ্ছদে মূর্ত্তিমতী শাস্তিময়ী সন্ধ্যাদেবীর মৃত্ত ব্রহ্মচারিণীদের নিষ্কলন তপঃ কুটীরে কে তুমি রাজরাণী এসেছিলে ! চতুর্দশ বৎসর পূর্বে আমাদের আশ্রমের সন্ধ্যা সন্ধ্যাতের মাঝে উপস্থিত হ'য়ে বলেছিলে—“কি স্থন্দর কি পবিত্র ভাব।”

আজ্ঞো মনে পড়ে সেই আর্ধ গেক্বেয়া রঙের চাদরখানি দিয়ে আবৃত দেহখানি—উজ্জ্বল, অখচ শাস্ত মধুর দেবী মূর্ত্তি ! মনে হচ্ছিল যেন কোন যোগিনী তপস্যার মূর্ত্তিমতী সতী ভোলাধাণের প্রেমসী ! সন্ধ্যাদীপ আরতির পরে কত কথা, কত আলোচনা ! ধর্মতত্ত্ব ! সমাজতত্ত্ব ! পূজনীয়া মাতাজী যখন বুকে টেনে নিয়ে বলেন—মা আমার কৈলাসের উমা ! তখনও জানি নাই, বুঝি নাই, ঐশ্বর্যের মাঝে পালিতা রাজার গৃহিণী ! রাজমাতা ! কই ঐশ্বর্য তো তোমার অহু পরমাণু ছুঁতে পারেনি তোমার করুণাপ্লুত হৃদয়খানি উচ্চচিন্তার খনি ছিল যে, তাই যখন সেই দুই ঘণ্টার আলাপেই প্রাণটা ভরে উঠেছিল তখন বলেছিলাম “মাতৃজাতির জন্ম খাটতে হবে” তুমিও প্রাণভরা অসীম উদ্যমের সহিত হাসিমুখে বলেছিলে—“তারই জন্মই তো খুঁজে খুঁজে এসেছি দিদি !” ওগো দিদি আমার ! সেই কেমন মুহূর্ত্তে রাজরাণী ও সন্ন্যাসিনী বন্ধনহীন মূর্ত্তি পথের যাত্রীকে স্নেহের বাধনে বেঁধেছিলে ! যাবার সময় ঠিকানা চাওয়াতে বলেছিলে “ওধু দেশের নাম ?” “ওধু দেশের নাম বলে বাবে কি চিঠি ?” “হ্যাঁ”, এই সময় একটা তোমার পার্শ্ববর্ত্তিনী সহচারিণী বৃদ্ধা বলেন—“রাজবাটা কিনা।” তখন বুঝলাম

তুমি রাজার অর্দ্ধাঙ্গিনী একটা নারী রত্ন ! যাবার সময় বলে গেলে যে আসি তবু দিদি, মনে রাখবেন সেইখানেই যে ভগ্নিষের বন্ধুঘের প্রীতিভোরে বাধা পড়লুম।

তার পর বিগত চতুর্দশ বৎসর ৩৩ আলাপ্য কত আসা শুওয়া ! কত প্রীতিবন্ধন ! কত ঘুরেছি, কত দেখেছি ! দিদি দেবী আমার ! তোমার মত ঐশ্বর্যের মাঝে ত্যাগের মূর্ত্তি—ভোগ লালসার বিলাস স্পর্শবিহীন আধ্যাত্মিক চিন্তায় বিভোর অদিশ সনাতন আর্ধ্যভাবে জীবিত শিরা, উপশিরা, এমনটা তো আর দেখিলাম না ! কতদিন গেছি—দেখি সেই গার্হস্থ্যশ্রমে ত্যাগের বার্ত্তা ! কল্প বোম্বু এঁদের ত্যাগের বার্ত্তা বুঝাচ্ছ ! শ্রদ্ধায় মন ভরে উঠেছে ! কত বলেছি—আমি কি শিখাব দিদি ! শিখবার বহু জিনিষ তোমার কাছে আছে !

রাজঘির অন্তঃপুরবাসিনী তুমি, শিক্কা দীক্ষা তোমার কোন স্বর্গীয় আভায় দীপ্ত ছিলো ! কত শিক্ষিতার সহিত মিলিত হ'লুম এমন উচ্চধারার চিন্তা দেখি নাই—ওগো আর দেখি নাই ! আশা আকঙ্ক্ষা ছিল, না তোমার ! শুধু করুণায় পূর্ণ ছিল অন্তরটা, দরিদ্রের বেদনায় অশ্রু নীরবে ঝরত। আর্ন্ত হুঃখী আশ্রয় পেত ! উচ্চনীচ ভাব ছিল না, তোমার বুঝি ! সবাই স্নেহের পুতুল, প্রাণের ধন ! এত স্নেহ এত ভালবাসী একজন জমাট কোথায় ! ধীর অন্তরের অমৃতে পথের অন্ধ ভিক্ষুকও সান্ত্বনা পেত !

সোনার সংসার ! সৌম্যজিনী তুমি ! সধবার উজ্জ্বল সতীঘের গরিমায় যেন বন্ধুরাঙ্গরিত !

অপাধ শ্রদ্ধা, পতিকে দেবতাজ্ঞানে নীরব আরাধনা  
পুত্রদের আদর্শ জননী কুলের গৌরব! দয়া বিগলিত  
হৃদয় তোমার ক'ত তাপিত ক'ত অনাথের আশ্রয়  
ছিলো! তুমি কেন আজ নিজ শিশুদের কাঁদায়ে,  
স্বামীদেবতার সেবা পরিত্যাগ করে, অনার্থদের  
নিরাশ্রয় করে লুকালে! ৩১

তোমার প্রাণের ধন, খোকারা, স্নেহের পুতলী  
কুমারীরা, আদরের ধন বৌমা তাদের মাতৃহীন করে  
আজ কোথা লুকালে! তোমার দেবতাকে কে  
আজ সাধনা দেবে? সেই ত তোমার সেই—সেই  
দিনকার আশ্বাস বাণী আশার বাণী “আমি তো  
আপনাদেরই দিদি।” আজ রক্ত অশ্রু বাধ না  
মেনে আপনাই বরুছে, এ কার উদ্দেশে! আজ  
এলো মেলা হয়ে তোমার স্মৃতিগুলা যে বিধেছে।  
একবার বল দিদি, কেন অকালে এমনি করে ফাঁকি  
দিয়ে পালীলে? তাই অজ্ঞাত আশঙ্কায় বলতে—  
“আর যদি না দেখা হয় দিদি?”

তোমার অশীর্ষাদ প্রতি হিন্দু সখ বা মেয়ের  
শিরে বরুক, তোমার দীপ্ত আদর্শ যেন তারা অন্তরে  
অন্তরে অক্ষুণ্ণ করতে পারে। আর তোমার ঐ  
উজ্জল গৌরবময় স্মৃতি তোমার স্বামী দেবতার  
একমাত্র সাধনা হোক, তোমার সন্তান সন্ততির  
একমাত্র শান্তি তুমি তাদের মা, কোন ‘অমরা’র  
দেবী তাদের গর্ভধারিণী জননী!

ধাপছাড়া ছুই পথের পথিক আমরা ছুই জনা।  
তবু এ মিলন, এ বাধন কেন হ'ল দিদি তোমার  
সাথে আমার! যে স্নেহের বাধনে আজ নয়নের জল  
ঝরছে! সেই অসীম গভীর স্নেহের অদম্য শক্তিতে  
আর একদিন দেখা হবে আমাদের, বেখান, থেকে  
আর ছাড়াছাড়ি নেই। সেই স্থানের প্রভু বংশীধারী  
শ্রীমহুন্দর যাকে আঠেপশবে তুমি ডেকে এসেছ, তারি  
স্নিগ্ধ স্নেহছায়ে আমাদের মিলন আবার হবে;  
যেখানে আর বিচ্ছেদ নেই, সেই রাখামহুন্দর আজ  
তোমার স্বামী, কুমার ও কুমারীর প্রাণে শান্তি দিন।  
তোমার বেদনাহতা দিদি।

## অদ্ভুত মেয়ে

( গল্প )

১) শ্রীশ্রীপতিমোহন ঘোষ ।

শীতের দিনের সন্ধ্যা, ঘর হইতে বাহির হয়  
কাহার মাথা, বাতাস বেশ হু হু করিয়া বহিতেছিল।  
উত্তরদিকের চটকলের যত রাশীকৃত ধোয়া অভাগা  
দক্ষিণদেখ বাসীদের একটু রেহাই দিতে ছিল না।  
বৈকালের দিকে মেঘ একটু খোলসা করিতে  
যেঁড়াইতে বাহির হইয়াছি। বস্তির তাড়িখানাটার  
গাছিতলার দিকে দেখি কতকগুলো লোক সারি  
দিয়া দাঁড়াইয়া কাঁদা পাকাইতেছে। ভাবিলাম,

নিশ্চয় কিছু একটা ব্যাপার ঘটিয়াছে, ও সব স্থানে  
ব্যাপারের ত আর অভাব নাই; একটা না একটা  
ক'ত প্রায়ই ঘটিতেছে। সেদিন শোনা গেল চট  
কলের এক কুলী তাড়ি ধাইয়া তাহার সঙ্গে বস্তুর  
মাথায় কসিয়া এক লাঠি বসাইয়া দিয়াছে, বস্তুর  
অবস্থা সঙ্কটাপন্ন এবং তাড়ি রসি হও এখন শ্রীঘরে  
মজা লুটিতেছে।

আমি পাশ কাটাইয়াই যাইতেছিলাম, কিন্তু

স্থানীয় একজন হঠাৎ নবাবজাদার কঠোর কঠন্বরে কেমন আমাকে বিচলিত করিয়া তুলিল। আমি ঘটনা স্থানটির কিছু দূরে দাঁড়াইয়া গেলাম।

রতন কাহাকে ঘেন কঠোর কঠে বলিতেছিল, “ব্যাটা পাঞ্জি নছার গতর খাটিয়ে খাবার মুরোদ নেই গাছ তলায় এসে আড্ডা গাড়া হয়েছে!”

যাহাকে উদ্দেশ্য করিয়া রতন পক্ষ তিরস্কার করিতেছিল তাহার কোন রূথা অনিতে পাইলাম না যদিও, কিন্তু রতন নামে নব্য যুবকটির জীবনের ইতিহাস আমি জানিতাম। তাহার মা, ভগ্নীর উপার্জনেই যে আজ তাহার পায় পাম-সু, গলায় সোনার হার এবং সারা গায়ে দামী পোষাক বকবক করিতেছে তাহা আমি জানিতাম।

সকলেই তাহার বাবুয়ানার খবর রাখিত, চক্ষু লজ্জায় ফুটিয়া কিন্তু বলিতে ইচ্ছা করিত না— এই যা মাত্র সাধারণের অপরাধ।”

আমি একটু অসহিষ্ণু হইয়াই বলিলাম, “গাছ তলায় যে স্থান নিয়েছে তার সম্বন্ধে বাদামুবাদ তোমার শোভা পায় না। শোচনীয় অবস্থায় না পড়লে কেউ কি এই বৃক্ষতল আশ্রয় করে? কিছু যদি দিয়ে তাকে অনুগ্রহ কবো সে ভাল, তিরস্কার করবার কোন অধিকার তোমার নেই।”

অনেকেই কপাটা অনুমোদন করিল; কিন্তু নব্য যুবক রতন কিছুতেই ইহা বরদাস্ত করিতে পারিল না। স্থানীয় ম্যাট্রিক-স্কুলে বৃষ্টি সে সেকেণ্ড ক্লাস অবধি পড়িয়াছিল, সেইজন্য জান তাহার কিছু অতিরিক্ত মাত্রায় হইয়াছিল। তাহার উপর বিলাতী উৎকট এসেল মাধিয়া রাস্তায় বাহির হইত। ঠিকিভাজী অসভ্য স্তাবকও ছ’ একটা পেছনে ছুটিয়াছিল। তাহার নাগাল পায় কে? তাহার নিজস্ব গরম ইংরাজীতেই বলিল, “Mobs must die, when they are idle.”

আমি বাবুলাতেই জবাব দিলাম। বলিলাম, “অধিকার করা গেল না হয় ওই দোষী, কিন্তু তোমার নিজের দিকে তাকিয়ে তুমিই বলা দেখি, এতখানি

যে তোমার বয়স হ’লো নিজের অধিকার অন্য কতটুকু খেটেছ? দেখ, মুখে বলা সহজ। ও আজ কর্ম বিপাকে গাছ তলাতেই না হয় এসে পড়েছে, তাই বলে ওকে তুচ্ছ তাচ্ছিল্য করবার কোন অধিকার তোমার আমার কারো নেই। এই যে ওর দুর্গতি এর মধ্যে ওর একলার হাত নিশ্চয়ই ছিল না। আশে পাশের মানুষই ওকে এমন অবস্থায় এনে ফেলেছে। আমি বিশ্বাস করি সমস্ত মানবজাতিকে এর ফল ভোগ্য করতে হবে।”

আমার কথায় দেখিলাম, লোকটা গাছতলায় একধারে ছিল, উঠিয়া বসিল। একটা ভাঙ্গা মালসায় ভূত সিদ্ধ হইতেছিল। তাহা হইতে অল্প ধরা গন্ধও বাহির হইতেছিল, ভাত গুলোকে নামাইয়া আমার দিকে স্থির অপলক দৃষ্টিতে চাহিয়া রহিল। দৈন্যের এমন মুক্তিমান মুক্তি আর কখনো দেখি নাই। পরিধানে মাত্র কোপীন, শীতের দিনে গায়ে ঢাকা দিবার কিছু নাই, কোথায় বৃষ্টি এক খানা ছাঁড়ি চট পাইয়াছিল তাহাই সর্ব্বাঙ্গে ঢাকা দিয়াছে, কিন্তু খলিটার বড় বড় ছিদ্র পথে শীত বাতাস একটুও রেহাই দিতেছে না। গায়ে ষোল আনা ঢাকা পড়িতেছিল না। তবু ঐ ছোট চট তাহাই ধরিয়া টানাটানি করিতেছিল। মাথার, মুখের চুলগুলো একেবারে উস্কা খুস্কা কোনদিন যে যে তাহাতে একরিন্দু তৈল পড়িয়াছে তাহা শর্পা করিয়াও কেহ বলিতে পারে না।

আমি তাহার কোথায় বাড়ী জিজ্ঞাসা করিয়া বসিলাম, কিন্তু সে কোন উত্তর করিতে পারিল না। শুষ্কিতের স্তায় ফ্যাল ফ্যাল করিয়া আমার দিকে চাহিয়া রহিল।

রতন অত্যন্ত অসহিষ্ণু হইয়া বলিল, “বুঝে পাচ্ছেন না, ব্যাটা এখন সাধু সাজবার মতলবে আছে! আরে বাবা বৃষ্টি গবর্ণমেন্টের রাজস্ব ত’ কি অগ্নি সহজে হয়, চাইছে দেখ মিট মিট করে —পয়তান!”

আমি পাম্প-সু ওয়াল রতনকে বলিলাম, “এত

লোক থাকতে তোমার ওর পরে এতটা রাগ কেন বল দেখি? তোমরা এখন নব্য যুবক, সমস্ত মানুষকে ভালবাসতে শিখবে, তা নয় এখন হতে এতটা বিরূপতা নিয়ে সংসারে নামা ত ঠিক নয়।”

সে মাথা নাড়িয়া টেরি দোলাইয়া তেমনি অসহিষ্ণুর সুরে বলিয়া উঠিল, “ওরকম লক্ষীছাড়া মানুষকে চিরকাল আমরা শূণ্য চক্ষে দেখবই, কারণ ওরা হচ্ছে সৃষ্টিকর্তার আবর্জনা! ‘সমাজের ছুই কত!’”

সতাই তাই বটে!...

ঠিক এই সময়ে তাহারই মত অবস্থার একটি স্ত্রীলোক সেখানে আসিয়া উপস্থিত হইল। বয়স তাহার ত্রিশ হইতে ষাট ঘেটা খুসি কল্পনা করা যাইতে পারে। পরণে তাহার যতদূর ময়লা হইতে হয় একখানা কাপড়, তাহাতে একটা দুর্গন্ধও বাহির হইতেছে। কিন্তু চোখে মুখে তাহার ভেজকিতা আছে,—‘তারও তোমাকী রাখি না’ এমিতর এক ভাব। চাহিলেই মনে হয় এ নারী এক কালে ধর্মপরিধারিণী ছিল, এখন পথ ভুলিয়া সংসারের হাসি-কান্নার মধ্যে সুর গলাইয়া দিয়াছে।

বা হাতে একটা খেলো ছকা ছিল, ডান হাতে একগাছা সস্তভঙ্গ কলিকামূলেব ডাল লইয়া শূন্ডে আক্ষয়িন করিতেছিল।

রতনের দিকে চাহিয়া কুৎস কণ্ঠে বলিল, “ওকে এত শত কি বল্ছিস বল্ দেখি?”—বলিয়াই ছকাটা মৃতিমান দৈন্তের হাতে দিয়া দিল।

রতনও ঐ বিভীষিকাময়ী মৃতির দিকে চাহিয়া একটু ভয় পাইয়া গেল, ভয় পাইবারই কথা? কিন্তু উপস্থিত এত লোকের মাঝখানে ভয় পাওয়াও তার পক্ষে ক্ষুদ্র, বিশেষ সে সাজ হানীর একজন কেটে-বিষ্টর মধ্যে। তাহার মায়ের অনেক টাকার কথা প্রবাদের মত রাষ্ট্র হইয়া গিয়াছে। স্বরটা যথাসম্ভব চড়া করিয়া বলিল, “কেন হ’য়েছে কি তাতে? চোর ডাকাতকে চোর বলবো না, সাধু পুরুষ বলে চরণামৃত নেবো, ওরে ভজা শোন একবার—”

চোখা কথায় তাহার মোসাহেব ভজা ওরকে ভজন তখন ভরি খুসী হইয়া উঠিল। ডাবিল ভাগ্যবান রতনবাবু এইবার উচিতমতে লোকচার দিয়া তবে ছাড়িবে।

ধর্মপরিধারিণী হাতের কাঁচা ডালটা আর একবার ঘুরাইয়া বলিয়া উঠিল, “ধবরদার বলছি রত্না, মুখ সামলে কথা কোন্। যদি কেউ ওর মই সর্বনাশ করে থাকে তবে তোরই মা বোন, আর কেউ নয়। ভেবেছিস তোর চেন ঘড়িতে সব টাকা থাকবে, কখনো নয়!”

রতনের স্তাবক ভজন তখন রতনলালকে ধরিয়া টানাটানি করিতে লাগিল। বার বার তাহাকে বলিতে লাগিল, “কাজ নেই রতনবাবু ছোটলোকদের সঙ্গে কথা কহায়, কি লাভ?”

কথায় কথায় হাতে হাঁড়ি যদি ভাঙিয়া যায় এই ভয়টা তাহার রতন অপেক্ষাও বেশী ছিল।

অন্যকেই কিন্তু একান্ত ইচ্ছা কাহিনীটা এই স্ত্রীলোকটার কাছ হইতে শুনিতে পারিলে ভাল হয়। একটু যদি রতনের গর্কটা কমে।

হতভাগ্য মৃতিমান দৈন্ত মৃতিটাই কিন্তু রতন করিয়া বসিল।

ধর্মপরিধারিণীকে ইচ্ছিতে কিরিমিরি করিয়া ভোজনোচ্ছা জানাইল।

একটা চটা উঠা কলায়ের ডিস কোণের মধ্য কোথা হইতে বাহির করিয়া আনিয়া রমণী তাহাতে ভাতগুলা ঢালিয়া দিল এবং পেট কাপড় হইতে হাটের কুড়ানো দুইটা শুকনা বেগুন খন্ন প্রায় আগুনে ঝলসাইতে দিল।

মৃতিমান দৈন্তের কোনদিকে ক্রক্ষেপ নাই, বেগুনটা যে কেমন করিয়া পুড়িবে এই ভাবনাতে সে সাগ্রহে তাহার দিকে চাহিয়া আছে। এক একবার বাস হইয়া ফুটু পাড়িতেছে। সে দেখে জানে বেগুন পুড়িলে তবে খাইতে পাইবে, আর অন্য তরীতরকারীর কোন বাসাই নাই। কোথা হইতে একটু স্নান সংগ্রহ করা হইয়াছে, কাপড়



তাহা বাড়ানো আছে, ঐ মুন আর ভাত - এই হইবে সারাদিনের পর উপাদেয় আহার। চাউলেও খে কঁাকর দিয়া পরিমাণ না বাড়ানো হইয়াছে, তাই বা কে বলিতে পারে? কিন্তু নিয়ন্ত্রণ ভারতবাসীর অল্প বিধিনির্দিষ্ট এই-ই দৈনিক বরাদ্দ!

পাম্প-সু ওয়ালা রতনের স্ত্রীকটা রতুনকে সেখান হইতে টানিয়া লইয়া গেল।

খেয়াঘাটের এক মুসলমান মাঝি অনেকক্ষণ হইতে সেখানে বসিয়া ছিল। সারা বৈকালটা তাড়ি টানিয়া তাহার চক্ষু দুইটা হইয়াছিল কুঁচের মত। এখন নেশা একটু কাটাতে জীলোকটিকে জিজ্ঞাসা করিল, “বলি ইগা” মাসী, তুমি এই তৈলেদীটার সঙ্গে মিশেছ কত দিন? এর খবর তো তোমার ভালই জানা আছে!”

মাসীর স্বাভাবিক কঙ্কণ কণ্ঠ আরো বিকটতর হইয়া উঠিল; বলিল—“জানি ব’লেই ত বলছি-রে, শোনাচ্ছি সব দাঁড়া—” বলিয়া ভাত হুন্স আর খানিকটা আধপোড়া বেগুন হতভাগ্যটার দিকে আগাইয়া দিয়া তারপর পুকুর হইতে এক ভাঁড় জল আনিয়া রাখিয়া নিজে হুঁকা কলিকা লইয়া তামাক সাজিতে বসিয়া গেল।

ঘাট-মাঝি তখন মাসীকে আর একবার চেতাইয়া দিবার অভিপ্রায়ে বলিল—“তুমি যে শেষকালটায় এমনধারা এক ঘাটের মরার সঙ্গে ভিড়ে পড়বে, তা ভাবিনি, অনেকদিন তোমায় খেয়াঘাটে দেখিনি ব’লে মনে হ’য়েছিল বুঝি আর কোন্ দেশে চ’লে গেছ। তা বেশ মাসী, একটা পুরুষ নিয়ে থাকাই ভাল।”

মাসী মুখটি বিকৃত করিয়া বলিল, “আর তোর পুরুষের মুখে আওয়াজ জম্ভোর থাকে চাইলুম, তাকে পেলুম কই?”

ঘাট-মাঝি সাধুনা স্মিয় বলিল—“আর মাসী, চ’টে উঠলে চলবে কেন? জম্ভোর থাকে চাইছে সে কি তোমায় ধর দেবে না মনে করবে? নিশ্চয় দেবে, দাঁড়াও সময় হোক।”

“আর তোর সময় হোক, জীবন গেল, যৌবন গেল, এখনও সবুর করতে বলিসু?”

ঘাট-মাঝি বলিল, “কেন এ তৈলেদী মেসো ত বেশ মিশ্মিশে বাবা, কাণে কেমন দুটো মাকড়ী রেখেছে। মাসী, তোমার মনের মানুষ ধরা না দিক, ও ত ধরা দিয়েছে, তোমার যদি এখন মনে না ধরে তা কি করবে বোঝো?—”

মাসী হাসিয়া বলিল,—“নারে সত্যি ধরা দিয়েছে, এমন হাল না হ’লে বুঝি এমন ধারা কেউ ধরা দিতে পারতো না। সত্যি আর আমার কোন ছুঃখ নেই, এখন তোরা মল শীগগীর শীগগীর ওপারে চলে যাই।”

ইতিমধ্যে কলিকার্টায় ভাল মাগুন না হওয়ায় আর একবার সেটা পান্টাইয়া তাহাতে মুহুমন্দ টান দেওয়া চলিতে লাগিল।

মেজাজ সরিয় দেখিয়া ঘাট-মাঝিটা এই ফাঁকে আর একবার তাহার ভিখারী প্রেমাম্পদের অতীত ইতিহাসে কথটা জিজ্ঞাসা করিয়া বলিল।

ভিখারীর কিন্তু তখন কোন দিকে কাণ দিবার অবসর ছিল না। সে পরম আগ্রহে অন্নদেবতার আরাধনে মাতিয়া গিয়াছিল।—তবু যদি বেগুন পোড়া উপচার মাত্র না হইত!

মাসী একবার স্নেহে মৃষ্টিমান দৈন্তের দিকে চাহিয়া তারপর আরম্ভ করিল।

আমিও কথাতো শুনিয়া লইব বলিয়া একটু একটু করিয়া রক্তার এধারে ওধারে ঘুরিয়া বেড়াইতেছিলাম।

সন্মানে কিনারে গঙ্গার জল ছল ছল করিতেছিল, মেঘের ফাঁকে আকাশে দু একটা সন্ধ্যাতারাও জল জল করিয়া আলিঙ্গন উঠিতেছিল। বাতাসটা দিনমানেরই মত কড়া, সমস্তটা মিলিয়া বেশ এক বিভীষিকার সৃষ্টি করিতেছিল। এ-ত কাহিনী নয়; যেন দীর্ঘশ্বাসের এক বিরাট বরফ ভূপ, সমস্ত পৃথিবীটাকেই হয় ত এর দ্বারা বিবন্ন টাল খাইতে হইবে।

...“ও যে ভোদের সঙ্গে ভাল করে কথা কইতে পারে না, তার কারণ ও বোবা হয়ে গেছে কি করেছি এই ভেবে।...নিজের দেশকুম ছেড়ে পাটকলে এসেছিল বাইশমানী কাজ করতে, দু পয়সা উপাধুপায়ও করতো, কিন্তু ইতভাগটার দুর্ভিক্ষ—কুক্ষণে মদে আর তাড়িতে ভিড়ে পড়লো, সেই অবধি দেশ ভূঁই পরিবার ছেলে সব গেল গোল্লায়।”

ঘাট-মাঝি নিজেই তাড়িতে মশগুল ছিল বলিয়া তাড়ির উপরে কটাকপাতে একটু অসহিষ্ণু হইয়া বলিল, “আহা ধরো না কেন মাসী, একটু কম করে তাড়ি খেলে ততটা দোষেরই বা কি? সেবার ত আবগারী সাহেব এসে লোকচার দিয়ে বলেই গেল মদ তাড়ি অতি উত্তম জিনিষ যদি পরিমাণে বেশী না খাওয়া যায়। ও ত জানা কথা মাসী।” স্বর অপেক্ষাকৃত নরম করিয়া বলিল “তুমি যে স্বলছিলে রতনের মা-বোন ওর সর্জন্য করেছ, —তাই জিজ্ঞেস করছিলাম।”

মাসী একটা ধমক দিয়া বলিল, “সবটা শোন আগে! মুখোড়ার কি বাই চাপল, এখানে সেখানে আসা যাওয়া করতে লাগল। আমি ত তখন ওর সঙ্গে জুটিনি, তা হলে একবার দেখে নিতাম। তারপর—তারপর একটা মাঁচ পাড়ায় নিলে ভেরা, তখনকার দিনে ভাল করে নষ্ট হবার মত জায়গা সেই পাড়ার মত আর কোথাও দুটি ছিল না। আমি স্বচক্ষে ওর হাড় মাস খেয়ে চামড়া নিয়ে ডুগুগুগি বাজাতে দেখেছি, ভেরা ত সেদিনকার ছেলে কি করে সব জানবি বল? যখন সর্জন্য কেড়ে কুড়ে নিয়ে রাজু বাড়ীওয়ালো যখন ওকে লাড়ী হতে খেদায়ুে দিল তখন ও একবারে পাগল হ'য়ে গেছে, চাকরী বাকরী নেই, বহু বাকধেরা পর্যন্ত কেউ ডেকে কথা কয় না। তার উপরে সারা দেহে পারার ঘা, সেই অবস্থায় আমি ওকে ঘরে কুড়িয়ে নিয়ে এলাম। আজ সেন রত্না গলায় সোনার হার বুলিয়েছে, কিন্তু ওর প্রত্যেকটি পয়সা আমি উপায়ে—জানিস? আমি ওকে কি ভেবে ঘরে নিয়ে

এসেছিলুম, সে এক ভগবানই জানে। দুনিয়ার থাকে কেউ চাহে না, আমি মেয়ে মানুষ হ'য়ে কি করে তাকে চোখের সামনে মরতে দি? সবাই আমায় ছি ছি করে করতে লাগল। তখন ওর কত প্রকার যে বেয়ারাম—দুহাতে করে ওর খুঁ গয়ের মুক্ত করেছি; যখন একটু বাঁচল, তখন ইচ্ছিতে ইশারায়, বললে যে দেশে যাবো। আমিও ঐ কলেই খাটতাম। যা দু পঁচ টাকা সঞ্চতি ছিল তাই নিয়ে রেলের টিকিট কিনে দিলুম ও কাদতে কাদতে বাড়ী চলে গেল, আমিও কাদতে লাগলুম বটে, কিন্তু দেশে গিয়ে ও মুখে থাকবে এই ভেবে কান্নাটাকে বড় বেশী আমল দিলুম না। তারপর কতদিন কেটে গেল, এক বছর নয়, দুবছর নয়, দশ বৎসর, একষুগ পায়, আমারও আর চাকরী বাকরী নেই, আতরওয়ালার সঙ্গে মিশে জেল পেটে এলুম আতরওয়ালো মুখপোড়া যে গোপনে আফিং কেনাবেচা করতো কে জানিতো বলা? তার পর এই সেদিন মাসখানেক হলো ফের ওর সঙ্গে দেখা, এবারে ওর অরও ভয়ানক খবস্থা। দেশে বুঝি কোন এক লড়াএর দলে মিশেছিল, মোপলা মুসলমানেরা গিয়েছিল সরকারের সঙ্গে লড়তে, সেই লড়াইয়ে ওর মা ভাই, ছেলে পরিবার, বিষয়, আসয় কোথাও যে তখনছ হয়ে গেছে, তার আর ঠিকানা নেই। যেখানে ওর আগে ঘরবাড়ী ছিল সরকারের কুপায় এখন সেখানে নদী বহে যাচ্ছে, অনেকদিন স্মৃতি কারো উদ্দেশ্য করতে না পেরে এই বাংলা দেশেই আবার আমার কাছে মরতে এলো, তা মরুক। ও ম'লে ওর ঠাং ছুপানা ধরে মা জাকবীর জলে ডাসিয়ে দিতে পারবো।”—বলিয়াই কেমন ধাঁ হো করিয়া হাসিয়া উঠিল।

আমার সে হাসিটা শুক গোরস্থানের মাঝে কোন এক মৃতিমান প্রভেদের অটহাসির মত শোনাইল! আমি আপনাকে গুপ্ত করিয়াই দাঁড়াইয়াছিলাম। সবিনয়ে তাড়িতে লাগিলাম এই মোপলা বীর—এই তাহার পরিণাম!!

আমাকে কাছে আসিতে দেখিয়া বিন্দুমাত্র তাহাদের লজ্জা ভয় কি কোন প্রকার সম্বন্ধ করিবার প্রয়োজন বোধ হইল না।

ধর্পরধারিণী চকটাকে গাছের ধারে ঠেসাইয়া রাখিয়া তৈলদীকে সম্বোধন করিয়া বলিল,— “ওরে চিত্তাপাত্ত, পেটের জালা কমলো? চটে চটে এক পুর কলাই ই ত খেয়ে ফেলিলি, তের পেটের জালা দেখেছি বাবা, এমনতর কোথাও দেখিনি। সূর্য ত খেয়েছ, নাও, এখন চটমুড়ি দিয়ে আঙনের পাশে শুয়ে পড়ো আর কি!”

ঘাট-মাঝি বলিল, আজকের দিনে এই ঠাণ্ডা কনকনে বাতাসে গাছতলাতেই থাকবে? কেন কোম্পানীর যাত্রীঘর রয়েছে, সেখানেই ত থাকতে পারো।”

তেজস্বিনী নারীটি অতিমাত্রায় চঞ্চল হইয়া উঠিল, বলিল, “ও যে কোম্পানীই বলো, গরীবের পাঞ্জরা চুষে সব বাটাই এখন কোম্পানী বাহাদুর হয়েছে। কাজ কি বাবা, দু এক ফোটা যদি জলই আসে, কি করা যাবে!”—বলিয়া ছল কলিকা লইয়া পুনরায় মনোযোগ দিয়া তামাক সাজিতে লাগিল।

আমাকে দেখাইয়া ঘাট-মাঝি বলিল, “ঐ যাত্রী ঘরের মালিক দাঁড়িয়ে, বাবকে একটু বলেই দেখনা।” তাহাদের কিছু বলিবার পূর্বে ঘাট-মাঝিই সুপারিশ করিয়া বলিল, “বাবু ওদের একটু এক রাত্রির মত যাত্রীঘরে ঠাই না হয় দিলেন, দেখছেন ত হাল, আপনার যাত্রীঘরে কতজনই ত এসে থাকুক।”

আমি বলিলাম “বুচ্ছন্দে, যতদিন খুসী ওরা থাকতে পারে, আমার কোন আপত্তি নেই।”

ঘাট-মাঝি খুসী হইয়া নারীকে বলিল, “দেখলি, তোরা সাহস করে ভদ্রলোককে কিছু কথাত পারহিমে আমরা ক্রি করবো বল?”

দেখিলাম দয়া করিয়া ধর্পরধারিণী আমার দিকে একবার কৃপাদৃষ্টিপাত করিল। গরাদৃত মোপলা বীরও মিট মিট দৃষ্টিতে আমার দিকে তাকাইয়া লইল।

আমার বড় ইচ্ছা করিতে লাগিল ওর কাছে হইতে সেই ঐতিহাসিক মোপলা রিপনের কিছু কাহিনী শুনিয়া লই, কিন্তু শোনাইবে কে? ধর্পরধারিণীকে জিজ্ঞাসা করায় ধর্পরধারিণী বলিল, “বাবু ওর কি আর কথা কইবার ক্ষমতা আছে, তা হলে ভাবনা কি ছিল, ওই ইরির বিরির ফিরির—বল ঐ পর্যন্ত! আকিই সব বুঝতে পারিনে।”

আমি দীর্ঘশ্বাস ফেলিয়া চলিয়া আসিলাম। ভাবিতে লাগিলাম জয় পরাজয়ে মানুষের মধ্যে মানুষের কি আকাশ পাতাল ব্যবধান সৃষ্টি করে।

সকালে উঠিয়া যাত্রীঘরে তাহাদের খোজ লইলাম। কিন্তু কোথায় বা কে? কেহই তাহাদের গন্তব্যস্থানের কথা বলিতে পারিল না। বৈকালের দিকে ঘাট-মাঝিটার সহিত সাক্ষাৎ হইল। তাহার কাছেই তাহাদের কথা জিজ্ঞাসা করিলাম। ইচ্ছা ছিল সাধ্যানুসারে কিছু তাহাদের দিব, ঘাট-মাঝিটা বলিল “আদের কথা কেন জিজ্ঞাসা করেন বাবু, তারা কি আর মানুষ, তারা হলো বাউরেণ বে পরোয়া কোথায় চলে গেছে। তৈলেদী ফোড়ের আহার দেখলেন বাবু?”

আহারের কথায় মাঝির কাছে স্ত্রীলোকটির আহারের কথা জিজ্ঞাসা করিলাম। বলিলাম “তৈলেদীই ত দেখলাম সুব খেয়ে নিলো, সে হতভাগি কি খেলো?”

ঘাট-মাঝি বলিল, “আমাদের কাছে চাট্টি মুড়ি ছিল তাই দিলাম, তাতেই তার রাত কেটে গেছে। নিজের পিয়োলো স্বামীও নয়, নিকেও নয়, তবু ওই এক খেয়াল স্তুত মেয়ের, ও সব মানুষের কি আর কিছু কাণ্ডামি আছে? কোথায় এক জাতের মেয়ে আর এক জাতের পুরুষকে নিয়ে দেশে দেশে ধুরে বেড়াচ্ছে।” আমি মাঝিকে আশ্বাস দিখা বলিলাম, “মাঝি, মেয়ের কপাল নয় বাছীর কপাল।”

# নারী হরণ ও বাঙালী সরকার

শ্রীশ্যামলাল গোস্বামী ।

১৮৫৭ খ্রীষ্টাব্দের কথা । মহারাণী ভিক্টোরিয়া যখন এদেশের শাসনভার হাতে হস্তান্তর করিয়াছিলেন, এদেশের লোকের মনে প্রাণ যাহাতে নিরাপত্তা থাকে, তৎপ্রতি বিশেষ দৃষ্টি রাখিবেন । কিন্তু আজ দেড়শত বৎসর পরে আমরা দেখিতে পাইতেছি যে মহারাণীর অমোঘ বাণী ঠিকমত প্রতিপালিত হইতেছে না । ভারতবাসীর পক্ষে ধন প্রাণ ত দুয়ের কথা জীলোক লইয়া মুখে শান্তিতে ঘর সংসার করাও দায় হইয়া উঠিয়াছে । মনে পড়ে লর্ড চেম্‌স্‌ফোর্ড যখন ভারতের বড়লাট, তখন কোহাট হইতে দুর্ভাগ্য আফ্রিদিয়া কুমারী এলিস নামী একজন খেতাব কুমারীকে হরণ করিয়া লইয়া যায়, এই ব্যাপারে ভারতীয় ও ইউরোপীয় খেতাব সমাজে এরূপ চাঞ্চল্য উপস্থিত হয় যে প্যারলিমেন্ট মহাসভা—প্রশ্নের উপর প্রস্তাবে তখন ভোটাভাঙ হইয়াছিল, এমন কি লর্ড চেম্‌স্‌ফোর্ডের আসন পর্যন্ত টান্ধবার উপক্রম হইয়াছিল । তার পর কোহাটের একজন খেতাব ডাক্তারের স্ত্রী নিজের জীবন বিপন্ন করিয়া কুমারী এলিসকে উদ্ধার করেন । ব্রিটিশ পররাষ্ট্র সচিব অপরাধী আফ্রিদিয়াগকে কাবুল রাজ্য হইতে নির্বাসিত করিবার অল্প মহামন্ত্র আমীরের উপর ঝড়া হুকুম দেন, আমীর নত মস্তকে সে আদেশ মানিয়া লন । তৎপূর্বে অমৃতসরে মিসেস সেরওয়ানী নামী একজন খ্রীষ্টান মিশনারী মহিলা পাঞ্জাববাসীদের হস্তে সামান্ত লাঞ্চিত হইলে লর্ড চেম্‌স্‌ফোর্ড কিরূপ রক্তাক্ত চকুতে মহামতি এডওয়ার্ডকে ইহার প্রতিশোধের ভয় দেখাইয়াছিলেন, তাহাও আমরা ভুলি মাই । কিন্তু এই যে আমাদের বাঙালায় প্রতিদিন হিন্দু মুসলমান নারীদেরকে হরণ করা হইতেছে তাহাতে খেতাব সমাজ কিংবা প্যারলিমেন্ট মহাসভায় সে

চাঞ্চল্য কই ? তাহাদের নিকট একজন খেতাব রমণীর সতীত্বের মূল্যও যা, আমাদের নিকট একটা কালা রমণীর সতীত্বের মূল্য তদপেক্ষা অধিক বলিয়া গণ্য । তোমরা রাজা, আমরা প্রজা, তোমরা শাসক, আমরা শাসিত, আমরা তোমাদের উপর আমাদের ধন-প্রাণ-মান-ইজ্জত-শিক্ষা-দীক্ষা সকলের ভার অর্পণ করিয়াছি, তোমরা সে ভার স্বহস্তে গ্রহণ করিয়াছ, এখন যদি তোমরা সে দায়িত্ব রক্ষা না কর, তবে সেজন্য তোমাদিগকে কতকটা দোষা করিব বৈকি !

একচকু হরিণ নদীর ধারে তৃণশয্যাচ্ছাদিত জমির উপর বিচরণ করিত, আর সন্ধ্যা একটি চোখ বনের দিকে রাখিত, পাছে কোন শিকারী অতর্কিতে আসিয়া তাহাকে হত্যা করে । কিন্তু হঠাৎ একদিন নদীপথে কতকগুলি শিকারী আসিয়া হরিণটিকে তীর ছুড়িয়া বধ করিল । তখন হরিণ দাপাইতে দাপাইতে বলিল, "মামুষ যেদিক হইতে ভয়ের আশঙ্কা করে না, অনেক সময় সেই দিক হইতেই ভয় আসে ।" আমাদের বাঙালী সরকারও তাহাদের একটি চকু সন্ধ্যা রাজনৈতিক আন্দোলনকারী ( Political agitator ) দের উপর রাখিয়াছেন, মনে করিয়াছেন ইহারাই দেশে বিদ্রোহ বাধাইবে, কিন্তু তাহা নয় । মুষ্টিমেয় রাজনৈতিক আন্দোলনকারী পূর্বে তাহাদের ঘাহাই ধারণা থাকুক, এখন কিন্তু মনে প্রাণে বেশ বৃষ্টিতে পারিয়াছে, হিংসার পথে এদেশে সুরাজ মিলিবে না, অহিংসামূলক আত্মনিয়ন্ত্রণ ও স্বাবলম্বনের দ্বারা এদেশে তোমাদের সহিত সহযোগিতা স্থলে সহযোগিতা ও অসহযোগিতা স্থলে অসহযোগিতা ( Responsive cooperation ) দ্বারা এদেশে স্বাধীনশাসন মিলিবে । কাজেই সরকার যদি শুধু এই রাজনৈতিক আন্দোলনকারীদের দিকেই তাহাদের সমস্ত দৃষ্টি নিবদ্ধ রাখেন তবে পরিণামে তাহাদিগকে ঠকিতেই চটবে ।



কেননা—দেশে যখন কোন দিন অশান্তির আঁশুন  
জলে তবে জলিবে তাহাদেঃ 'যারা রাজারা রাজ-  
নীতির কোন ধার ধারে না—যাহারা স্বাধীন,  
স্বায়ত্বশাসনের অর্থহীন না। এই যে পল্লীগ্রামের  
শত শত অশিক্ষিত লোক (Dumb million),  
ইহারা যখন দেখিবে যে সরকারের চৌকিদার,  
দফাদার যাহাদিগকে তাহারা দেহের রক্ত জল  
করা পয়সা দিয়া পরিপুষ্ট করে, তাহারা শুধু দারোগা  
বাবুর ঘোড়া-দাস যোগায়, প্রেসিডেন্ট পঞ্চায়েত  
বাবুর কাটু ফাড়ে আর লাট সাহেবের বাড়ী পাহারা  
দেয়, তখন তাহারা মাথা তুলিয়া বলিবে—আর  
আমরা এমন চৌকিদার দফাদারকে অর্থ দিয়া  
পরিপুষ্ট করিব না। এই নিরঙ্কর গ্রামবাসীরা যখন  
মাথা নাড়া দিয়া উঠিবে তখন সহস্র সহস্র গাঙ্গী  
অথবা চিত্তরঞ্জনের সাধ্য নাই যে সে অনল  
নিষ্কাশিত করেন। এইজন্য অতি ক্রোধাবে রাজ  
বাবুলা সরকারকে কয়েকটি উপদেশ দিই—এ  
দীনের উপদেশ অমুসারে কাজ করিলে বাবুলা  
সরকার বর্তমান দেশব্যাপী অশান্তির হাত হইতে  
নিষ্কৃতি পাইবেন। বাস্তবিক যখন রঙ্গপুর, গাইবান্ধা  
প্রভৃতি স্থানের নারীহরণের লোমহর্ষণ কাহিনী  
পাঠ করি, তখন ভাবি আমরা মগের মুলুকে বাস  
করিতেছি, না মার্কিণে দাসবাবসায়ের উচ্ছেদ-  
কারী, নারীর স্বাধীনতা সম্মান প্রদানে সর্বদা  
সমুৎসুক, স্বসভা ব্রিটিশশাসনে বাস করিতেছি!  
বর্গীর হাজামার সময়েও বোধ হয় বাবুলা নারী-  
সমাজ এখন অপেক্ষা আরও নিশ্চিন্ত ছিল।

মনে পড়ে সিন্ধুদেশের কথা। সিন্ধুদেশে পত্নী-  
হত্যার বাড়ীবাড়ী ছিল। ইংরেজ সরকারকে সিন্ধুদেশ  
রাজ্য পরিষ্কার তথা পত্নীহত্যা নিবারণ করিতে  
হইয়াছিল। ১৮৪০-১৮৪২ খ্রীষ্টাব্দের মধ্যে সিন্ধু  
দেশ জয় করিয়াই ইংরেজ সরকার তথায় পত্নী-  
হত্যার লোমহর্ষণ ব্যাপার দেখিয়া বিস্মিত ও স্তম্ভিত  
হন। ১৮৪৭ খ্রীষ্টাব্দে সিন্ধুদেশের গভর্নর Sir  
Charles Napier তদর্শনে ঘোষণা করেন—

People of Sind! The Government has  
forbidden you to murder your wives—  
a crime commonly committed when the  
British conquered the country... This the  
Government will not permit... Do you  
imagine that Government believe that  
these women committed suicide? Do you  
believe Government can be deceived by  
such villany?... You are therefore thus  
solemnly warned, that in whatever village  
a woman is found murdered heavy fine  
shall be imposed on all and rigidly levied.  
If a woman is said to have committed  
suicide in your district, it shall be an evil  
day for all in that place." অর্থাৎ হে সিন্ধুবাসী!  
এতদ্বারা তোমাদিগকে পত্নী হত্যা করিতে নিষেধ  
করা যাইতেছে। যদি কোথাও কোন স্ত্রীলোক  
আত্মহত্যা করে তাহা হইলে সমস্ত জেলা ধনু  
বিক্ষেপ্ত ও তোলপাড় করিয়া ছাড়িব; কারণ  
গভর্নমেন্ট ইহা কোনমতেই বিশ্বাস করেন না যে  
কোন স্ত্রীলোক বিনা অত্যাচারে আত্মহত্যা করে।

আর জন নেপিয়রের মত আমাদের বাবুলা  
সরকার কি প্রত্যেক জেলায় এই আদেশ করিতে  
পারেন না যে, যদি কোথায় কোন স্ত্রীলোককে  
কেহ হরণ করে, কিংবা বলপূর্বক তাহার ইচ্ছা  
নষ্ট করে, তবে জেলা মাজিস্ট্রেট হইতে খানার  
দারোগা এমন কি চৌকিদার পর্যন্তকে বরখাস্ত  
করা হইবে—সেই গ্রামের অধিবাসীদিকে  
শাস্তি দেওয়া হইবে। আবার বিশ্বাস এত  
কঠোর আদেশ করিলে দুই দিনেই নারী হরণের  
প্রতীক হইবে। দেশের জমিদারগুলি আছেন কি  
জন্য? গভর্নমেন্ট কি জমিদারদিগকে এরূপ আদেশ  
করিতে পারেন না যে তাহাদের এলেকাষ কোনরূপ  
নারীনির্ধ্যাতন কিংবা নারীহরণ হইলে সেজন্য  
জমিদারের জমিদারী সংকারে বাজেয়াপ্ত করা  
হইবে? বাবুলা জমিদারেরা বৎসরে প্রায়  
তিন কোটি টাকা রাজস্ব দেন; আর বাদবাকী  
দশকোটি টাকা বেমালুম সহবে বসিয়া বিলাস বাসন  
ও আত্মদ প্রমোদে... লর্ড কর্ণওয়ালিস  
কি এই আমোদ প্রমোদে... জমিদারদের সহিত



চিরস্থায়ী বন্দোবস্ত (Permanent settlement) করিয়াছিলেন? প্রজার ধন প্রাণ রক্ষা ও প্রজার অন্তঃপুর রক্ষার দায়িত্ব কি, জমিদারের নাই? তারপর বাঙ্গালা সরকার গুণ্ডা আইন শুধু কলিকাতাতেই আবদ্ধ রাখিয়াছেন, অর্ডিন্যান্স আইন শুধু রাজনৈতিক সন্দেহভুক্তদের জন্য তুলিয়া রাখিয়াছেন। কেন? গুণ্ডা আইনকে পল্লীগ্রাম পর্য্যন্ত বিস্তৃত করিলে দোষ কি? নারীহরণকারীদের মধ্যে যাহাদিগকে আদালতের বিচারে অভিযুক্ত করা যায় না, অথচ তাহারা অপরাধে লিপ্ত আছে বলিয়া স্পষ্ট জানা যাইতেছে, তাহাদিগকে অর্ডিন্যান্স আইনানুসারে আটক করিলে দোষ কি? পল্লীগ্রামই গুণ্ডার লীলাভূমি। প্রত্যেক পল্লীগ্রামে এমন এক এক দল গুণ্ডা আছে যাহারা কেবল পরের সর্বনাশ করাটাই নিজেদের ধর্ম-অর্থ-মোক লাভের উপায় বলিয়া মনে করে, এই সমস্ত গুণ্ডাদের ভয়ে পল্লীবাসীর প্রাণ সর্বদাই সশঙ্ক। আমাদের বিশ্বাস বঙ্গীয় গবর্ণমেন্ট গুণ্ডা আইন সমগ্র বাঙ্গালায় প্রয়োগ করিলে বিশেষ ফল পাইবেন।

বাঙ্গলার ধনর আনা জীলোক জানেন না যে আততায়ীর হাত হইতে আত্মরক্ষা করিবার জন্য যদি আততায়ীকে টুকরো টুকরো করিয়া খুন করা হয়, তবে আদালতের বিচারে সে জীলোক নির্দোষিণী প্রতিপন্ন হইবেন। গবর্ণমেন্ট কি বড় বড় প্রাকার্ড বাঙ্গলা অক্ষরে ছাপিয়া তাহা গ্রামে গ্রামে লটকাইয়া দিয়া ঘোষণা করিতে পারেন না যে, "কোন জীলোক গুণ্ডার হাত হইতে অব্যাহতি লাভের জন্য যদি সেই গুণ্ডাকে টুকরা টুকরা করিয়া খুন করে তবে তাহার কোন শাস্তি হইবে না।" গবর্ণমেন্ট আইনের এই সার্বভৌম কয়েকটি কথা বাঙ্গলার প্রত্যেক পল্লীতে প্রচার করিতে যদি পারেন তবে কেন তাহারা এ কার্যে বিলম্ব করিতেছেন?

মহকুমার ম্যাজিস্ট্রেট অনেক সময় সার্কেল অফিসারের সহায়ত করিয়া অসুযোগীদের মধ্যে এক একজনকে গ্রামের সার্কেল পল্লীতে ট্যাঙ্ক আদায়কারী

পঞ্চায়েত নিযুক্ত করেন তাহারা সরকারের মনঃপুত লোক হইলেও দেশের সেবা করা কিছু তাহাদের অনেকের অভিপ্রেত নহে। সরকারকে সার্কেল পঞ্চায়েতী গ্রহণ করে শুধু গ্রামের লোকের উপর আধিপত্য দেখাইয়া প্রতিপত্তি লাভের জন্য। ভাল ভাল শিক্ষিত, গ্রামের মঙ্গলাকারী লোককে সার্কেল পঞ্চায়েত ও ট্যাঙ্ক আদায়কারী পঞ্চায়েত নিযুক্ত করিয়া গ্রামের এই সব নারীহরণ প্রভৃতি অত্যাচার অনেকটা কমিতে পারে। অনেক সময় যে সর্ব্বোত্তম ছাড়াইতে চেষ্টা করা হয়, সেই সর্ব্বোত্তম ছুঁত থাকে।

সরকারের হাতে সি-আই ডি আছে, Criminal investigation department এর স্পেশাল বিভাগও আছে, কেন এই সব সি-আই-ডি গ্রামে গ্রামে ঘুরিয়া গুণ্ডা, বন্দুয়াদের অন্বেষণ করেন না? এরূপ ঘুরিলেও দুই লোকের একটু জাণ হয়।

বোম্বাইয়ে দুই একজন মহিলা অনারারি ম্যাজিস্ট্রেট হইয়াছেন। বাঙ্গলাদেশের মহকুমায়, জেলায় জেলায় অনারারি মহিলা ম্যাজিস্ট্রেট নিযুক্ত করিয়া তাহাদের দ্বারা নির্ধ্যাতিতা, অপহৃত মহিলাদের বিচার করিলে আমার বিশ্বাস অনেক রহস্য উদ্ঘাটিত হইতে পারে। আর যদি এরূপ করা সম্ভবপর না হয়, তবে অন্ততঃ পক্ষে প্রত্যেক মহকুমা ম্যাজিস্ট্রেট, জেলা ম্যাজিস্ট্রেট জীলোকদের বিচার কামরার (Camera) ভিতর করেন না কেন? কামরার ভিতর কত কমিশন বসে, কত স্পেশাল ট্রাইবুনাল বসে, আর কাল রমণীদের বেলায় কামরার ব্যবস্থা করিলে দোষ কি? এই ভাবে বিচার করিলে অনেক ভ্রমের অত্যাচার অবিচারের কাহিনীও প্রকাশ পাইতে পারে। অনেক ভ্রমগৃহস্থের রমণী অপহৃত হইয়া নির্ধ্যাতিতা হইয়াও কেবল প্রকাশ্য আদালতে উপস্থিত হইবার ভয়ে সমস্ত ব্যাপার চাপিয়া ধান; একথা বাঙ্গালা সরকার কি জানেন না? যদি জানেন তবে তাহারা জীলোকদের জন্য সবার কামরার বিচার প্রচলন করুন।

কিন্তু এ পর্যন্ত 'রাহা বলিগাম' তাহা শুধু বঙ্গীয়  
 লরকরিকে। বাঙ্গলা গবর্নমেন্টের যেমন আমাদের  
 অপারেশনের সর্ভব্য আছে, আমাদেরও কি  
 সেইরূপ আশ্রয়কার কোন প্রয়োজন নাই? নিজে  
 যদি, নিজের ইচ্ছা নিজে না রক্ষা করিতে পারিলে  
 কেবল তাহা রখিতে পারে না। আমাদের দেশেব  
 বুঝলুম কি গ্রামে গ্রামে Vigilant Committee  
 স্থাপন করিতে পারেন না? এই ৩ ম্যাট্রিকুলেশন  
 পরীক্ষা হইয়া গেল, তখন ত বাঙ্গলার ২০০ হাজার  
 ছাত্র ঠিক চারি মাস শুধু ভাস পাণা খেলিয়া  
 কাটাইবেন, তাহারাই কি গ্রামে গ্রামে Vigilant  
 কমিটি স্থাপন করিতে পারেন না? বঙ্গীয় ব্যবস্থাপক  
 সভার দেশের প্রতিনিধির মত এবিষয়ে নির্দোষ  
 কেন? তাহারাই কেন এই নারীহরণের দিকে  
 ব্যবস্থাপক সভার দৃষ্টি আকর্ষণ করেন না? এক  
 "সঙ্গীবনী" পত্র ছাড়া আর কোন সংবাদপত্রকে এই  
 নারীহরণের ব্যাপারের সমালোচনের স্বত্ত্ব চেষ্টা করিতে  
 দেখি না কেন? একা গবর্নমেন্টের চেম্বার কতটুকু  
 কাজ হইতে পারে, যদি গবর্নমেন্টের সহিত ভাল  
 কাজে সহযোগিতা আদায় না করি? গবর্নমেন্টের  
 উচ্চতর রাজপুরুষদের দৃষ্টি এদিকে আকৃষ্ট না  
 করিলে তাহারাই কি গায়ে পড়িয়া কি করিবেন?

আমার পূর্ববর্তী বক্তা বিপিন বাবু ও শ্রী  
 বাবু (ঐযুত বিপিনচন্দ্র পাল ও ঐযুত কামেশ্বর  
 চক্রবর্তী) বলছিলেন যে, 'দেশের স্ত্রীলোকেরা  
 আশ্রয়কার সমর্থ না হলে কোন মতেই নারীহরণ  
 পাবিবে না। আমি তাহাদের কথা সমর্থন কর।  
 মহাভারতে দেখিতে পাই দুর্ভক্ত অমৃতধ মন  
 জৌপদীকে এককিনী দেখিয়া তাহাকে বলপূর্বক  
 হরণ করিতে আসিয়াছিল, তখন জৌপদী অমৃতধের  
 সহিত সৌভাগ্যে কস্তাধ্বস্তি করিয়া আশ্রয়  
 রক্ষা করিয়াছিলেন। আজ বাঙ্গালার ধরে ধরে

এইরূপ জৌপদীর সৃষ্টি করিতে হইবে। তাহা  
 বিক আমরা অবরোধ প্রথা, অস্ত্রধন প্রথা,  
 অশিকার তমিপ্রায় মেয়েলিগণকে বাবক বাসিন্দা  
 তাহাদিগকে এক একটা গরিব পল্লীতে পরিণত  
 করিয়াছি। মহাভারতে, রাজপুত্রসিঁড়িকনদে, মাতাকে  
 মেয়েরা কেমন গড়গড় করিয়া সীতার বেড়াইয়া  
 বেড়ান, যমদূতও তাঁহাদের নিকট ঘেগিতে ভয়  
 পায়। আমাদের মেয়েরা "সুদের গুঁড়ি মূর্তা মূর্তা"  
 যে ভাবে মাতৃভারতীর মেয়েরা স্থাপন করিয়া  
 বেশভূষা পরিয়া স্বল্পমেয় প্রকারে রাজপথে বাহির  
 হন—যে ভাবে রাজপুত্রের মেয়েরা সিন্ধু  
 অধারোহণে রাজপথে বাহির হন, সেইভাবে  
 বাঙ্গলার মেয়েদিগকে যক্ষপুত্র হইতে বাহির হইতে  
 হইবে। শীখা শাড়া পরিয়া সর্করকার বিলাসিতা  
 বর্জন করিয়া তাহারাই বাহির হইবেন—যাহারাই  
 তাহাদের দেখিয়া কাহারও মনে গুপ আশ্রয়  
 উদ্রেক না হয়। আজ মতুর একথা বলিয়া মান :—

"পিতা রক্ষতি কোথারে স্ত্রী রক্ষতি কোথায়।  
 পুত্রশ হবিবে ভাংকনসী পাতলমহর্ষিত।"  
 ভুলিয়া যান হিন্দু নারীর ব্রত, জপ, রত  
 ছাড়া আর কোন সর্ভব্য নাই। শির জাতির মত  
 রূপায় (অনতিদীর্ঘ তরবার) হতে আর বাবক  
 নারীকে সন্দেহা বেড়াইতে হইবে। তবেই  
 গুণ্ডারা সায়েত্তা হইবে। তবেই দেশে শান্তি  
 প্রতিষ্ঠিত হইবে—তবেই দেশে নারীর স্ত্রী  
 রক্ষিত হইবে। ঐযুত কুম্ভকার (স্বর্গীয় সম্পাদক  
 ঐযুত কুম্ভকার নিজ) নারীরক্ষা সমিতির প্রতিষ্ঠা  
 করিয়াছেন, এই সমিতিতে সঙ্গে যোগান করুন।  
 বাঙ্গলার প্রত্যেক জেলার জেলায়—মহকুমার মত  
 কুমার ইহার শাখা প্রতিষ্ঠিত হোক, আর সর্কর  
 অঙ্গ দেশীয় আজ হুমুল অধিকারী হোক, তবেই  
 দেশ আবার নিরাপদ ও শান্তিযুক্ত হইবে।





















